



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

1064

0-7.

R-1

TH 36 / 12.

BIBLIOTHECAE PATRVM CISTERCIENSIVM.

SIVE
OPERV M ABBATVM ET MONACHORVM CISTERCIENSIS
Ordinis, qui sæculo S. Bernardi, aut paulò post ejus obitum floruerunt,

TOMVS TERTIVS

Complectens

Librum Henrici ex septimo Abbate Claravallensi Cardinalis Albanensis, *De peregrinante Civitate Dei.*

Sermones Garnerij ex 9. Abbate Claravallensi Episcopi Lingonensis.

Sermones Nicolai Claravallensis, S. Bernardi quondam Notarij.

Epistolas Philippi ex Priore Claravallensi Abbatis de Eleemosyna.

Epistolas prædicti Henrici Cardinalis Albanensis Episc. & Petri 8. Claravallis Abbat-
tis, aliorumque Abbatum & Monachorum.

*Labore & studio F. BERTRANDI TISSIER Doctoris Theologi Bonifontis
in Therascia ejusdem Ordinis Prioris.*

Cum ejusdem Annotationibus, quibus difficultates occurrentes exponuntur.




BONOFONTE,

Typis ejusdem Cœnobij, Per A. RENESSON, Anno Domini 1660.

*Venit Parisijs in Collegio S. Bernardi, & in vico S. Iacobi apud Edmundum Conterot,
sub signo Boni Pastoris.*

PERMISSV SUPERIORVM.





**SANCTISSIMO PARENTI BERNARDO, DOCTORI
MELLIFLVO, CELEBERRIMI CLARAVALLENSIS COENOBII
ABBATI PRIMO:**

DECET, & omnino iustum est, SANCTISSIME PATER, Filiorum & Successorum tuorum opera literaria tibi nuncupare. Ea siquidem tibi debent accepta referri, & ad te refluerere, haud secus ac aqua ad suos ortus. Tibi totus Ordo, quem virtutibus tuis & meritis adeo celebrem fecisti, maximè debitor est: tibi omnes & singuli se fatentur obstrictos. Tu prodigiorum & miraculorum gloria summè illustris, tam in vita, quam in morte, & post mortem: tu clientibus & omnibus opem tuam flagitantibus semper adfuiti: & multis etiam visibiliter opem tulisti. Memoranda illa inter ceteras, visitatio tua, qua deuoto fratri Cœnobij Domus Dei agitudine laboranti benignus consolator apparens dixisti, Hodie mecum eris in paradiso. Quanti etiā apud Deum sis meriti expertus est & alter, cui forma iudicii quasi iam imminenti diuinitus ostensa est: qui cum inuersum genus hominum ad hoc examen videret suspensum, singulos quoque Ordines Religiosos de observantibus sua Regula sollicitos: conspexit inter hos quemdam præclarum Ordinem, in cuius medio splendidissimus iuuenis ingenti gloria fulgens stabat: quem ipse Iudex Dominus Iesus in osculo pacis susceptum æterna gloria cum omni collegio suo donauit. Quærenti autem, cui hac ostendebantur, quisnam esset ille Ordo tam præclarus, responsum est, Ordinem esse Cisterciensem, iuuenem verò splendidissimū S. Bernardū primum Clarevallens Abbatem. Quid ad hanc tuam gloriam potest addi? Nonne meritò quispiam dixit, te splendidissimam esse columnam, cui vniuersitas Ordinis nostri innititur? Addam tamen quædam, quæ alij de te scripserunt, qui tui discipuli non erant. Vnus qui funeri tuo interfuerat, mox in sua reuersus, hæc inter cetera de te literarū monumentis tradidit. Oleum effusum nomen ejus, nomen notissimū à mari vsque ad mare: nomen grande juxta nomen magnorū qui sunt in terra. Ego adjicio, super. Non est inuentus similis illi, &c. Et mox. In vita ejus si despectū mundi quæris, reperis. Electus fuit in Episcopū, & non acquieuit: in Archiepiscopū & respuit. Inde Lingonensis, hinc Remensis cathedra testis accedit. Elegit semper abjectus esse in domo Dei, magis quam habitare in palatijs populorū. Si fructum pietatis quæsiueris, regiones quas ipse seuit albæ sunt ad messem. Et messis multa, & opetarij multi constituti ab eo super omnē terrā. Si futens discordia tumidos Principes afflabat, si populos fulminans labefactabat dissensio, ipse murus, ipse in tempore iracundiæ factus est reconciliatio... Disertus in sermone, in concione facundus, efficax ad persuadendū, ad inquirendū acutus. Verba ejus spiritus & vita erant. Inde tot producimus testes, quot auditores. Potrō hi multiplicati sunt super numerū. Quam sæpe laxauit in verbo rete, & traxit pisciū multitudinē copiosam! Sapientiz suæ testes & eloquentiz multos tractatus edidit. Hic est CELEBERRIMVS, & maximus patrum, tam mirandus, quā & memorandus, SANCTVS BERNARDVS Clarevallens Abbas, honor magis Prælationis, quā prælatione honorificus. Hæc & plura de te vix octo diebus à funere tuo elapsis scripta sunt, & non expectatā Sedis Apostolica sententia sanctū jam tunc audisti, adeo sanctitas tua certa & indubitata erat. E posterioribus etiam vnus hæc de te habet. D. Bernardus Abbas Clarevallens quasi stella matutina Monachicū Ordine illustrat: & sanctitate, doctrina, miraculis claret in Gallia, imò Germania, Italia, Flandria; cuius vita intantum excellit, ut parum sit omne quod in ejus laudem dictū, vel scriptum fuerit. Alius. Vbi quæso talis deuotionis igniculus reperitur, talis compunctionis rivulus infunditur, ubi talis amoris stimulus inicitur, sicut in vita & doctrina beatissimi Patris Bernardi Abbatis Clarevallensis; sideris Ecclesiæ, principalis Cisterciensis Ord. ampliatis, & monastica vite inflātoris ardentissimi? Hæc & innumera alia similia viri pij & docti. Sed ut breui sententia multa dicatur, omnium iustorum spiritus plenus fuisti. Angelicam in humano corpore vitam duxisti, Prophetam te jam ante susceptum Religionis habitū expertus est frater tuus, cui periculosum vulnus in latere pradixisti, quod ei conuersionis causa futurum esset, quod & euenit. Sæpe ea qua post 40. aut 50. annos erant futura præsciisti. Roma cum degeres, tertio, ut ipse fassus es, postea, Clarevallē tuā visitasti in spiritu, omnes ejus officinas perlustrasti. Inter Apostolos te consistere vidit ciuis Mediolanensis: & ut umbra Petri sanabat egrotos, sic pulvis quem pedes tui tetigerant. Martyrum te merita obtinere declarat Pontifex, & vita tua manifestat. Sed cum laudibus tuis prædicandis impar sim, non progredior: precor autem, ut quem velut columnā fulisti, labantem nunc Cisterciensem tuum Ordinem erigere digneris, atque in primæum splendorem tua oratione reparare.

Gaufridus
serm. de S.
Bernardo.
Exord. ma-
gnum Ord.
Ciste. D. 4.
cap. 29.

Exord. ma-
gnum D. 2.
cap. 1.

Odo Mo-
rim. Abbas
lib. de myst.
ternarij.

Silvius a-
pud Horst.

Henric. de
Hassia apud
Horst.
Lib. 1. vita
S. Bern. &
Exord. D.
3. cap. 1.
Distinct. 2.
cap. 14.
Ibid. dist. 2.
cap. 11. &
dist. 4. c. 28.
Ibid. D. 2.
c. 16. & c. 18.
Bul. Canon.



**REVERENDISSIMO DOMINO D. PETRO HENRI
Sacre Theologiæ Professori, celeberrimi Clarevallensis Cœnobij Abbati.**

VT hoc Bibliothecæ nostræ Cisterciensis volumen tibi nuncuparē, REVERENDISSIME DOMINE, duz me causæ ex parte ipsius operis impulerunt. Vna, quod Authores omnes, quorū opuscula hoc Tomo continentur, Clarevallenses fuerint: quidam Abbates prædecessores tui, multi Monachi, Nouitij quoque nonnulli. Nec tamen Scriptores tuæ celeberrimæ domus voluminis vnus terminis possunt comprehendi: cum solius Gaufridi, beati Parentis Bernardi olim notarij, postmodum successoris, à me conquisita opera, in ingentem

molem excreuerint, needum tamen omnia repererim : ideoque eorum editionem differre coactus fuerim. Guerrici quoque, (vt alios mittam,) Igniacensis Abbatis ex Claravalle assumpti lucubrationes in aliud tempus seruaui, quia jam aliquoties editæ sunt, & suo auctori ascriptæ, possuntque interim haberi. Nobis enim potissimum cutæ est, illa opuscula edere, quæ vel nondum edita sunt, vel alienis Aucto-ribus per errorem ascripta. Primus in hoc volumine prodit Henricus ex septimo Claravallis Abbate Cardinalis Episcopus Albanensis, qui Tractatus præclaros scribere adorsus fuerat : sed suam ipse peregrinationem prius absoluit, quam Peregrinantem Ciuitatem suam : hunc enim operi suo titulum indidit, *De peregrinante Ciuitate Dei*. Ejusdem Epistolæ alijs aliorum Prælatorum & Monachorum, de quibus postea, adjungentur. Secundum locum in hoc volumine obtinet D. Garnerius ex Albæ-ripæ Abbate nonus Claravallensis Antistes, ac demum Lingonensis Episcopus, cujus præclaros sermones publici juris facimus. Sequitur, qui vtrumque tempore præcessit, Nicolaus Claravallensis cognominatus, S. Patris Bernardi aliquamdiu notarius, seu à secretis, cujus Sermones (quos proferimus cum præfatione Auctoris,) non esse contemnendos, satis insinuarunt, qui eos aliquando Sancto Bernardo & Petro Damiani, licet oscitanter valde, vt ostendemus, ascripserunt. Vltimo loco Epistolas plurimas adducimus, Philippi olim Claravallis Prioris, pòst Cœnobij de Eleemosyna Abbatis : prædicti quoque Henrici Albanensis, & Petri ejus in regimine Claravallis successoris, ab altero oculo effosso monoculi appellati : aliorumque Prælatorum, Monachorum, & Novitiorum, vtilis & pietate refertas. Altera mihi hujus operis tibi, REVERENDISSIME PATER, dicandi causa hæc fuit, quòd opusculorum horum & aliorum multorum posthac, Deo iuvante, edendorum, pars maxima ex Claravallensi tua Bibliotheca optimorum librorum feracissima, de sumpta sit & exscripta : ex qua etiam nisi me præuenisset Reuerendus Pater Hieronymus Vignier, Sancti Augustini opus secundum in Iulianum in lucem producturus eram. Gaudeo autem, me præuentum ab eo, qui alia ejusdem Sancti Doctoris opera nondum item edita simul cum his sex in Iulianum libris in duos Tomos conflauit, magno Ecclesiæ Christi bono, meoque & mei similibus commodo, qui Augustini opera veterum editionum æquè completa adjuncto hoc auctuario habemus, ac illi, qui vltimam editionem compararunt. Hæc ergo & nostra & aliorum, ex Bibliotheca tua sumpta, velut flores ex horto tuo collectos, tibi offerre, æquissimum fuit. Nam & juxta Apostolum laborantem agricolam oportet de fructibus suis primum percipere. Alij laborarunt, ac multum desudarunt in tot præclaris aucto-ribus describendis : nos in labores illorum introivimus, (non tamen sine labore messuimus,) non vt eos nobis vindicemus, aut quasi proprios faciamus, sed vt illos legitimis parentibus assertos, communi vtilitati exponamus. Vt igitur ingratitude labem effugiamus, beneficium agnoscimus, gratiam pro gratia rependimus, ea tibi, Reuerendissime Domine reddendo & nuncupando. Ego verò alijs quoque titulis tibi obstrictus sum, vtpote hujus tui Cœnobij alumnus & Prior, quamvis indignus ; quem & non vulgari hætenus benevolentia profecutus es, & opem ad hæc nostra edenda cōtulisti, & ea tibi fore grata declarasti. Deus optimus maximus diuturnum in hac mansione mortali, & perpetuum atque beatum in cælo ævum concedere tibi dignetur. Hoc apprecando, se totum tibi cum opere isto offert,

REVERENDISSIME DOMINE,

Humillimus & obsequentissimus
servus & Religiosus,
F.B.TISSIER.



TRACTATVS D. HENRICI CLARAEVALLIS PRIDEM ABBATIS, POST CARDINALIS ALBANENSIS Episcopi. De peregrinante Ciuitate Dei.



GREGIVS hic praesul Castro Marciaco prope Cluniacum parentibus nobilibus ortus, in Claravalle adhuc puer Religionis vestem assumpsit: ac nondum elapso quadriennio Altacumba primum, & post aliquos annos Clarevallis Abbas est electus. Corpus S. Bernardi ab Alexandro 3. paulo ante in Calitum numerum relati, in marmoreo sepulchro, ubi etiam num quiescit, recondi curauit. Virtutum autem eius fama longe lateque se diffundente omni bus carissimus fuit, tam Regibus & Principibus, quam Religiosis & Prelatis. In Tolosanum Episcopum & paulo post in Cisterciensem Cœnobiarcham electus, utramque dignitatem recusauit. A Clemente 3. ad Lateranense Concilium nominatim accitus, Cardinalis inuitus creatur, atque Episcopus Albanensis consecratur: & mox legatus cum plenaria Sanctæ Sedis potestate ad provincias transmontanas mittitur; Archiepiscopos Lugdunensem & Narbonensem deponit. Abbates nigros, & multos Ecclesiarum Praelatos, quantum potuit, reformat. Munit ssumum hæreticorum Castrum, cui nomen Vallis erat, non sine miraculo cepit: & erroris duces tenuit, conuicit, & hæresim publice abiurare coegit. De hinc dilectam suam Claravallensem visitauit, & muneribus donauit. Romam reuersus, non multo post Urbano 3. ex viuis sublato, multorum Cardinalium votis cum Summus Pontifex designaretur, adduci non potuit, ut electioni sue consentiret, sed crucis prædicanda officium assumens vrbe excessit, & Imperatorem cum 68. Principibus & alijs plurimis, Reges quoque Gallia & Anglia cruce signauit, idest, ad bellum sacrum, & ad succurrendum terra sanctæ, tessera crucis collatâ obligauit. Cum venisset autem Leodium eius prædicatione permoti & compuncti Clerici plures sexaginta sex timore Simonie suæ ei beneficia resignarunt: qua deinde ut omnis Simonie labes abesset, plenaria potestate velut recens collata, eisdem restituit. Demum in partes Flandria profectus, pacem inter Comitem illius provincie & Atrebatensem Ecclesiam reformauit. Morbo ibi correptus susceptis Ecclesie sacramentis ante altare S. Andree Atrebatensis, quò deportari optauerat, pie in Domino obdormiuit. Inde corpus eius, ut mandauerat, Claravallensem delatum est, & inter SS. Malachia & Bernardi altaria & sepulchra reconditum. Hæc ex tabella eius sepulchro appensa, qua certum annum mortis eius non designat, sed circa annum 1186. enim obisse refert. Verum cum ei scripserit amicus eius Gaufridus Epistolam insignem, qua extat apud Baron. ad ann. 1168. aliquot annis videtur supervixisse. Porro quod attinet ad eius librum ex Claravallensis bibliotheca exemplari à nobis descriptum, ille imperfectus est: sed credibile est, authorum negotijs plurimis distentum, & tandem morte præuentum, illum absolueri non potuisse.

PRÆFATIO AVTHORIS, Ad Claravallenses Religiosos.



ARISSIMIS ac spiritualibus filiis suis in Claravalle Domino seruientibus, Henricus peccator monach⁹, superfluam paracleti consolationem. Ex ea qua me sentio vobis charitate deuinctum, vestrum quem erga me geritis, metiri ac pensare libet affectum. Inde est, quod sicut de exteriori vestro profectu quotidiana solitudine angor; sic filiali affectu vos paternis anxietatibus condolare, & pro meo statu versa vice sollicitis non dubito cogitationibus æstuarè. Videns igitur, ad præsens non posse satisfieri votis, vt

præsentem vos habeam, & omnia quæ circa vos sunt, plenius præsens agnoscam; vestris saltem desiderijs satisfacere, licet absens, cupio: & quæ circa me acta sunt, ex quo à vobis exiui, vel agantur hodie, volo vobis, pro vt possum melius, aperire. Postquam igitur summi Noë dispositione de arca sum disciplinæ regularis emissus, & imbrium ventorumque procellis expositus; nullam, vt verum fatear, requiem pes meus potuit inuenire: & qui intra arcam consueuerat stabilis permanere, cœpit extra positus inter labentia fluctuare. Diu ergo multumque in omnibus quærendo requiem fatigatus, ipsisque vexationibus eruditus, tandemque in me reuersus, talia mecum aio. Reuertar in domum meam, unde exiui. Quid mihi & mundanis? Quid mihi & transitorijs? Suos ista de-

Lug. 11.

A

tineant amatores, suos occupent sectatores. Ego qui mea me unica expoli aui, quomodo iterum induam illam? Qui laui pedes meos, quomodo inquinabo illos? Si spiritu ducor, utique non sum sub lege. Vbi a. spiritus Domini, ibi libertas. Non sum liber? Non sum monachus? Si liberum est aliquibus a Deo recedere, mihi ad eum liberum non erit redire. Dum talia tacitus in corde voluerem, & ad hæc fortius animum obfirmarem, vocem subito dicentis audio. *Cum esses iunior, cingebas te, & ambulabas ubi volebas. Cum autem senneris, alius te cinget, & ducet quo non vis.* Ad hanc vocem totus contremui, & diuinæ sententiæ nexibus grauitè me constri-ctum tandem confusus agnoui: & qui velut onagrum liberum me prius putabam, certo certius comperi, non esse in homine viam eius, & quod non nisi a Domino gressus hominis diriguntur. Quis n. restitit ei, & pacem habuit? Ipse quasi peccatum ariolandi indicat non obedire, & quasi scelus idolatriæ non acquiescere. Hæc & alia multa attendens, & mente diligenter pertractans, cum talibus cogitationibus perturbarer, nec vsquam iam exitus appareret; totum tandem ad Dominum me conuertì, & ex intimis cordis medullis exclamans ad eum aio. *Nunquid maro sum ego, aut cetus, quia circumdediti me carcere? Abyssus vallauit me & pelagus cooperuit caput meum. Putas videbo templum sanctum tuum?* Putas ad illam meam, imò tuam Claram vallem, ab Episcopalis sarcinæ vinculis absolutus aliquando redibo? Putas filiis meis dilectissimis, imò tuis redditus, cum eis tibi lætabundus cantabo, *Dirupisti Domine vincula mea, tibi sacrificabo hostiam laudis?* Huius mihi, quia incolatus meus prolongatus est, habitauit cum habitantibus Cedar, elongatus ab eis, sine quibus viuere mori mihi est, cum quibus mori viuere mihi est? Quis mihi de eorum frui & recreari præsentia, quorum me confortent merita trepidantem, exempla prouocent dormitantem; eorum humilitas reprimat præsumentem, virtus roborat vacillantem, hæsitantem confirmet consilia, tristem spirituales lætificent consolationes? Hæc apud me frequentius versans, aures Domini mei Iesu lachrymis pulsare non cesso, illud propheticum mecum sæpius iterans, *Sicut oculi ancilla in manibus domina sue, ita oculi mei ad Dominum Deum meum, donec misereatur mei:* & cum Patriarcha Iacob constanter affirmans, *Non dimittam te, nisi benedixeris mihi.* Ad hæc ipse, qui nunquam obliuiscitur misereri, tandem me seruum suum audire dignatus est clamantem, flentem respicere, pulsanti voluit aperire, reuelans oculos cordis mei, ac gratiæ suæ luce perfundens, ad cognoscendum statum illius ciuitatis, quam Ezechiel, qui & ipse prius audierat, *Eccò data sunt super te vincula, vergentem vidit ad austrum;* quam Ioannes descendentem vidit de cælo; quam Propheta Dauid in montibus sanctis ædificandam aspexit. In hac fratres meos & filios Claravallenses, quorum absentiam deplorabam, præsentem reperi: in hac omnes bonos in hoc mundo peregrinantes ascriptos ciues inueni. Quid igitur restare aliud iam videtur, nisi vt post multos & varios fluctus

superius descriptos, ciuitate tandem habitationis inuenta, seminare agros plantare vineas, & fructum natiuitatis facere studeamus? Hoc à me melius frigi posse non credidi; quàm si ea, quæ de ciuitate prædicta à Domino accepi, literis commendando, agros studiorum meorum specialibus ac dilectissimis filiis meis Claravallensibus demetendos dimittam: vel si sarculo opus esse cognouerint, à superfluis purgandis committam. Non vereor ab eis patris nuditatem ridendam, sed compatiendo, pallio illo quod vtrumque sufficeret operire, velandam confido pariter & ornandam. Sed nec nudum scio eos iudicaturus sermonem minùs ornatum, qui sæcundum approbant potius quàm facundum. Persuasum quidem eis est ab Apostolo, virtutem magis quàm sermonem eorum qui inflati sunt attendendam; & regnum Dei in virtute consistere sensuum, non in lepore verborum. Rogo ergo vos, fratres mei dilectissimi, vt cum in paternos labores intraueritis, non alienos eos, sed proprios iudicantes, fruges vobis dicatas pia consideratione pensetis, & si tanta vbertas non fuerit, vt falce digna videatur, saltem spicas quæ occurrerint colligere & manufricare non contemnatis. Exculet sterilitatem agelli mei apud vos solis ardor, & vt Salomonis verbis utar, *Nolite me considerare, quod fuscus sim, quia decolorauit me sol.* Inde est, quod nec illum saporem, quem aliquando apud vos habuit, retinet sermo meus: nec illum colorem, quem in me cernebatis, obtinet actus meus. Placeat soli iustitiæ, qui non tam vrere, quàm vngere consuevit, meritis & orationibus vestris, & verbis saporem, & operi pristinum reparare colorem. Tractauit beatus Augustinus mixtim de vtraque ciuitate, & peregrinante in terris, & regnante in cælis; si tamen duæ dicendæ sint, cum non sint nisi vna, in quam se Propheta gratulabatur iturum, cum diceret, *Latatus sum in his quæ dicta sunt mihi, in domum Domini ibimus.* Stantes erant pedes nostri in atrijs & in Ierusalem. Ierusalem quæ ædificatur vt ciuitas, cuius participatio eius in id ipsum. Ecce & ædificari Propheta dixit eam in terris, & id ipsum participare in cælis. In terris habet initium & profectum, vbi est, fuisse, esse, & fore: vbi heri, hodie, & cras. In cælis habet consummationem, vbi erit, & fuit vicissitudinis obumbrationem non faciunt: sed est semper idem est; & quidquid ibi est, in eo quod ipsum est, immarcescibile est. De illa ergo parte ciuitatis Dei, quæ iam in cælis coronata triumphat, peritioribus & spiritualibus, qui omnia iudicant disserendum relinquo. Ego qui imperfectum meum non ignoro; & scire semper volo, quod nesciam; vt si quid ignoro, ignorantia mea meum sit: de militante in terris ciuitate Dei tractare instituo: si quid in eodem tractatu acceptione dignum sit, lectoris iudicio derelinquens. Quem si repudiandum totum iudicauerit, rogo vt prius legat, postea despiciat: ne scæcundum beatum Hieronymum, vt tamen mihi loquar, videatur minùs rectè, antequam legerit, ignorata damnare.

Psal. 106.

1. Cor. 4.

Cant. 1.

Libri Augustini de Ciuitate Dei.

Plal. 121.

Tractatus I. De Preparatione materia
Ciuitatis Dei.

Ioa. 6.

Exod. 25.

2. Timo. 2.

Intentio
Authoris
in hoc ope-
re.Inuocatio
Dei.

Psal. 66.

Septem
velut acti-
onibus Ci-
uitatis Dei
perficitur.

CVPIENTI mihi toto desiderio verbo Do-
mini parceris dicentis, *Operamini non ci-
uium qui perit, sed qui permanet in vitam eter-
nam*, nihil ad hoc in praesentiarum commo-
dius occurrit, quam ut ciuitati Domini virtu-
tum, cuius pars peregrinati est in terris, pars
coronata triumphat in caelis, aliquid obse-
quij mei studeam impertiri. Nam etsi aurum
aut lapides pretiosos non si faciam exhibere,
si saltem pilos caprarum obtulerim, nonni-
hil in opus Domini inueniar contulisse. Et
quia laborantem agricolam oportet primum
de fructibus suis percipere, expedire mihi
visum est, prius in ciuitatis ipsius considera-
tione, diutius immorari; ut tali commora-
tione eius tandem ciuis per Dei misericor-
diam merear iuueniri. De hinc ipsius statum
studiosius describendo, etiam alios ad habita-
tione eius instanter prouocare, ut nonnul-
los ei ciues, si Dominus concesserit, inueniar
collegisse. Sed ad haec quis idoneus, nisi
quem tu Domine dignum effeceris per tuam
gratiam? Quia nullus est dignus inuentus,
qui non ab ea indignus fuerit praueutus.
Fateor Domine, fateor me indignum, scio me
insufficientem; nec aliunde quidem quam de tua
confis gratia opus istud aggredior. De ipsa me
confidere docet sola illa pietatis tuae ineffa-
bilis affluentia, qua praeter merita mea, ad
bona siqua feci, me semper praueeniri, & in
eis promoueri innumeris experimentis pro-
bauit. Ad te igitur nunc, pater luminum, solito
more confugio: te inuoco Deus meus, Deus
veritas, in quo, & a quo, & per quem, vera
sunt, quae vera sunt omnia: Deus sapientia,
in quo & a quo, & per quem sapiunt, quae di-
gne sapiant omnia; Deus vera ac summa vi-
ta, in quo, & a quo, & per quem vivunt, quae
verè summeque vivunt omnia: fac me vera
& recta sapiendo te vera & summa frui vita:
a quo exire, est mori, in quem redire, reuiui-
scere; in quo habitare, est viuere. Manendo
in te, viuam ex te, & tu vita maneat in me: ut
fructum, qui maneat, afferat ex te, non ex me.
Ex te fuit, quod Prophetarum tuo Dauid de tua
reuelatum est ciuitate, quodque mihi de ea-
dem per eum reuelatur. Quod si & alijs re-
uelatum fuerit per me, non erit ex me, sed ex
te. Iam ergo quid intus manens a te audie-
rit, quid apud te viderit Dauid, quid foris
ad nos exiens eructauerit, audiamus, *Funda-
menta eius*, inquit, *in montibus sanctis*. Hunc
Psalmum in nostri operis ponimus funda-
mento, ne a Prophetica & Catholica regu-
lae rectitudine in aliquo deuiemus. Hic igitur
Psalmus septem distinguitur versibus,
quibus septiformis exprimitur nostrae ciuita-
tis profectus. In primo & secundo versu agi-
tur de ciuitatis ipsius foundatione, & glorio-
sa portarum seu murorum consummatione. In
tertio de communis asyli in medio ciuitatis
collocatione. In quarto de ciuitatis popula-
tione: in quinto de eius informatione: in
sexto de confirmatione: in septimo de con-
summata ciuitatis laetabunda dedicatione: &
haec omnia in aedificatione siue reaedificatio-

ne Ierusalem in veteri testamento reperitur
distincta. In aedificatione sub Dauid, in re-
aedificatione sub Esdra & Nehemia, funda-
menta posita, muri aedificati, portae cum seriis
& vecibus statutae leguntur. Asylum verò
commune propter ciuitates refugij, templum
Ierosolymitanum omnibus creditur extitisse;
non ad quod congregaret impios quorumlibet
hoc impunitas delictorum, ob quam causam
asylum Romuleum legitur institutum: sed in
quo pro delictis vniuersi satisfaciunt impij
a suis iniquitatibus mundarentur, iuxta illud
Prophetarum, *verte impium, & non erit*. De po-
pulatione in Esdra sic legitur. *Postquam edi-
ficatus est murus, & posui valuas, &c. Deus
dedit in corde meo, & congregavi optimates &
magistratus, & vulgus, ut recenserem eos*. De
informatione in Nehemiae historia ita legi-
tur. *Aperuit Esdras librum coram omni populo:
super vniuersum quippe populum eminebat, &
cum aperuisset eum stetit omnis populus. Be-
nedixit Esdras Domino Deo magno, & respon-
dit omnis populus, Amen, Amen, eleuans ma-
nus suas; & incuruati sunt; & adorauerunt
Deum proni in terram*. Porro lenita silentium
faciebant in populo ad audiendam legem; po-
pulus autem stabat in gradu suo. Et legerunt in
libro legis Dei distincte & aperte ad intelligen-
dum, & intellexerunt cum legeretur. Et in se-
quentibus. *Vicesima quarta die mensis conue-
nerunt filij Israel in ieiunio & saccis; & humus
super eos. Et separatim est semen filiorum Israel
ab omni filio alienigena; & steterunt, & confite-
bantur peccata sua, & iniquitates patrum suo-
rum. Et consurrexerunt ad standum: & lege-
runt in volumine legis Domini Dei sui, quater in
die, & quater confitebantur, & adorabant Do-
minum Deum suum*. De confirmatione eius-
dem in sequentibus libri sic legitur, *Super
omnibus his percussimus fœdus*. &c. Item. *Ha-
bitauerunt autem principes populi in Ierusalem:
reliqua verò plebs misit sortem, ut tollerent vnā
partem de decem, qui habitaturi essent in Ierusa-
lem ciuitate sancta, nonem verò partes in ciui-
tatibus*. Confirmationem autem hanc dicimus,
non solum qua populus Domino suo, sed &
Dominus populo suo quarundam immuni-
tatum promissionibus obligatur, sicut sub
Moysen factum legimus, vbi dicitur: *Andi
Israel. Dominum elegisti hodie, ut sit tibi Deus,
& ambules in vijs eius, & custodias caeremonias
illius & mandata atque iudicia, & obediās eius
imperio*. Et Dominus elegit te hodie, ut sis ei po-
pulus peculiaris, sicut locutus est tibi, & custo-
dias omnia praecepta illius; & faciat te excelsio-
rem cunctis gentibus quas creauit. Item. *Omnis
locus quem calcauerint pedes vester, vester erit. A
deserto, & a libano, & a flumine magno Euphra-
te usque ad mare occidentale erunt termini ve-
stri*. Haec Dominus non solum Israelis po-
pulo per Moysen promississe, sed & patribus
iurasse perhibetur: sicut est illud, *per memet-
ipsum iuravi, dicit Dominus*. Tali priuilegio
se munitum quondam gloriabatur populus
Iudaeorum. Sed longè digniori priuilegio in-
signitus est populus Christianus; de quo,
quod Dominus donauerit, suo loco dicemus.
Dedicationem muri ac totius ciuitatis ab Es-
dra & Nehemia factam legimus in hunc mo-
dum. *In dedicatione autem muri Ierusalem re-*

Pron. 12.
2. Esdra 7.

2. Esdra 9.

2. Esdra 6.

Ibid. 6.
& 11.

Deuter. 28.

Deuter. 19.

Isa. 41.
Jerem. 48.2. Esdra
12.

quiserunt lenitas de omnibus locis suis, ut adducerent eos in Ierusalem, & facerent dedicationem. Sec. Hæc de historia veteris testamenti ponenda duximus, ut solido fundamento securè superædificemus. Pro hacigitur septiformi Sancti Spiritus operatione Ecclesia septies laudem Domino dicit in die. Et sicut in ædificatione domus sue sapientia columnas septem legitur excidisse: sic cæcis & distinctis anni temporibus Ecclesia septem prædicta solemniter commendando Deum noscitur collaudare: ut his diuinæ laudis præconijs, velut septem suffulta inueniatur columnis. Hæc autem plenius explicanda singula singulis propositi Psalmi versibus referuamus. Sed priusquam ad psalmi principium accedamus, de ipsius psalmi titulo aliquid dicendum esse videtur. Titulus hic est, [Psalmus Cantici filijs Chore.] Quid est autem aliud, psalmum cantici filijs Chore conuenire, nisi ut opere impleant, quod voce decantant, qui filij esse Chore, illius scilicet calui, (hoc enim Chore sonat,) qui in Caluariz loco suspensus est, non solum sacramento, sed & re sacramenti; non solum adoptione, sed etiam imitatione, seipsos decaluando, & superflua quæque resecando, contendunt. Tales planè filios Chore, mundos scilicet & rectos corde, feruentisque opere decet collaudatio, ut nec vita à voce, nec vox à cordis discrepet puritate: alioqui non erit speciosa laus in ore peccatoris. Aliud etiam ex hoc titulo attendendum, quod sicut titulus psalmum præcedit, sic fundationem ciuitatis, quæ in principio psalmi describitur, quædam præparatoria præcesserunt, ut impleretur illud Salomonis. *Prepara foris opus tuum, & diligenter exerce agrum tuum: ut postea ædifices domum tuam.* Hoc quoque in Ecclesia, quæ ipsa ciuitas est, singulis annis & mystice figurari, & actu ipso cernimus representari. Ipsa siquidem sue foundationis in Christi Natiuitate celebrata mysteria, ipsius Dominicæ Natiuitatis venerandam memoriam prædicta consideratione quatuor consuevit Dominicalibus officijs præuenire. Huius rei si mysterium diligenter attendimus, inuenimus quatuor ætatibus præparatum & prænuntiaturum multifariè multisque modis Dominicum fuisse aduentum: ab Abraham scilicet usque ad Moysen, à Moysen usque ad Dauid, à Dauid usque ad transmigrationem Babilonis, à transmigratione Babilonis usque ad Ioannem. Nam duæ quæ præcesserunt ætates, velut infantia mundi & pueritia, minus aptæ, minusque habiles ad veritatis cognitionem inuentæ sunt. Vel si libet ab Abraham usque ad Dauid secundum Euangelium vnâ computare ætatem: dicemus à Noë usque ad Christum quatuor præcessisse. Quæ autem in his ætatibus quatuor facta fuerit Domino sue præparatio ciuitatis, plenius in sequentibus exponemus, cum coeperit libri materia plenior apparere. Interim ipsam materiam tantummodo prælibare sufficiat, ut nec nostro operi qualiscumque desit præparatio, qua lectoris animus excitatus ad intelligenda quæ sequuntur, & tenenda memoriter, præparetur. De omnibus igitur quæ quatuor prædictis ætatibus præparata noscuntur, vnum ad præ-

sens excerpimus, quod ad tituli prosecutionem sufficiet explicasse, Illis siquidem ætatibus sacra à Deo Scriptura noscitur præparata, quæ in totius ciuitatis constructione cæmenti locum obtineat, ad inæqualium coæquationem & dissidentium conglutinationem. Non enim in ciuitate Domini bitumen locum habet, quo Babilonij in suo opere vsi sunt pro cæmento. Bitumen quippe quod naturaliter de terra oritur, astutia est naturalis, quæ prudentia carnis inimica est Deo. Prudentia verò spiritus, quæ de sacræ Scripturæ velut diuinæ cæmenti compagine generatur, vita & pax. Et quia cæmentum de diuersis rerum generibus conficitur, velut Deus singulis prædictis ætatibus singula coadunare, quæ ad huius cæmenti confectionem necessaria videbantur. Quæ autem sint illa, cæmentum quod manu Pontificis sit in consecratione altaris, manifestè declarat. Illud autem ex aqua & vino & calce & cineribus fieri solet. Non enim sal quod aqua miscetur, inter hæc duximus numerandum, cum ipsum non nisi aqua coagulata, esse noscatur. Hæc ergo quomodo summus Pontifex Deus diuersis temporibus præparauerit, & præparata tandem suo operi adaptauerit, attendamus. Ab Abraham siquidem usque ad Moysen labentium actuum bonorum siue malorum historiam texendo velut aquas fluentes in vno Genesis libro, ac si in vno videtur loco congregasse. Inde est quod licet illæ actiones velut aquæ labentes cum sua ætate effluerint, adhuc tamen sacræ Scripturæ cæmento per lectionis reuolutionem in legentium memoria integræ permanere noscuntur. Et licet huic aquæ vinum spiritualis intelligentiæ permixtum reperiatur; sequenti tamen ætati, à Moysen scilicet usque ad Dauid, vinum spiritualiter attribuitur, in qua mordaces legis præceptiones & prohibitiones, traditæ à Domino, susceptæ à populo, & ipsa sui nouitate vini austeritatem importasse leguntur. A Dauid autem usque ad transmigrationem Babilonis viri perfecti velut lapides viui igne Spiritus Sancti excocti, suis operibus futura præsignantes, & Prophetico spiritu ventura prædicantes, pluribus librorum monumentis firmitatem calicis Christianæ fidei parauerunt, qua calce formari & solidari in fide discipulos suos volebat Petrus Apostolus dicens. *Haberis firmiorem Propheticum sermonem, cui benefactis attendentes, tanquam lucerna lucens in caliginoso loco.* A transmigratione Babilonis usque ad Ioannem cineres sunt cribati, cum Iudæi populi reliquæ multis tribulationum angustijs vexatæ, & suas miseras per Scripturæ seriem ad posteros transmittentes, non aliud innuisse videntur, quàm nostræ ætatis fini similia esse præparata: adeo ut semper & præteritorum cinerum recordatione, & futurorum expectatione humiles in prosperis, & fortes inueniamur in aduersis. Cinis quippe, cum sit materia vilis, in cæmento tamen non vilem habet effectum, cum & illud durabilius & tenacius reddat. Hoc cæmento Dominus in sue ciuitatis ædificatione vsus, omnibus fere suis & dictis & factis illud studuit coaptare. Vnde & dicebat. *Si crederetis Moysi, crederetis forsitan & mihi: de me enim*

Scriptura
cæmentum
est ciuitatis
Dei

Consecratio
Altarium.

Lib. Esdra
& Macha-
baorum

Psalm. 86.

Qui sine
Filijs Chore
spirituali-
um

Ecclesi. 18.

Prov. 24.

Christi ad-
uentus æta-
tibus 4.
prænuntiatur.

Mat. 1.

Ibid.

Ita scripsit. Et illud. *Scrutamini Scripturas, illa enim testimonium perhibent de me*, Et quia longum esset retexere omnia, quae in Evangelio de veteri testamento assumuntur, siue quae in eo de ipsius Natiuitate, Circumcisione, Apparitione, Ipapante, Baptismate, Praedicatione, Morte, Sepultura, & Resurrectione praenuntiata reperiuntur, illud ad praesens ponere sufficiat, ubi praedicta quatuor nominatim legitur expressisse dicens. *Hac sunt verba quae locutus sum ad vos, cum adhuc essem vobiscum: quoniam necesse est impleri omnia, quae scripta sunt in lege Moysi, & Prophetis, & Psalmis de me. Quoniam sic scriptum est, & sic oportebat pati Christum, & resurgere a mortuis tertia die; & praedicari in nomine eius poenitentiam & remissionem peccatorum in omnes gentes, incipientibus ab Ierosolyma.* Ecce hic manifeste totam Scripturam veterem in legem & Prophetas, & Psalmorum nomine agiographa, distinguendo concludit. Habemus igitur vinum in lege, calcem in Prophetis, cineres in agiographis, & singulis horum historiae aquam perimixtam: imò per aquam historiae lingula haec sibi inuicem permixta & conglutinata vnum exmentum efficere comprobantur. Et haec forsitan est illa rota, quam vidit Ezechiel, quatuor habentem facies per quatuor partes ire.

De Rota quatuor habente facies, & per quatuor partes ambulante.

Historia siquidem humanos actus more humano retexendo, faciem hominis manifeste praetendit. Lex verò Moysi praeceptorum & prohibitionum iugo colla subditorum atterens vituli colligati faciem repraesentat: Prophetia comminationum & promissionum sublimiora contingens, perspicacitatem aquilae imitatur. Agiographa duris inuectionibus, & asperis increpationibus leonis rugitum exprimere manifeste noscuntur; qualia in Psalmis, ut est illud, *Fili hominum usquequo gravi corde*, in Daniele & Esdra expressa sapientius replicantur. Quod autem per quatuor partes haec ire dicuntur, illud manifeste innuit, quod historia ad sola respicit praeterita, velut aqua praeteritudo deficiens & defluens in abyssum. Secundum sensum vero spiritualem, tota ipsa Scriptura veteris testamenti futura prospiciens in anteriora se extendit, triplicem Christi praenuntians aduentum; vel primum, qui occultus fuit & humilis, & iam nobis est praeteritus; vel secundum, qui praesens quotidie a Sanctis intimus sentitur & dulcis; vel tertium, qui manifestus & terribilis in fine temporum expectatur. Hi tres aduentus ita Scripturae veteri inveniuntur inserti, ut nunc omnibus congruere, nunc singulos separatim tangere videatur. Quod manifeste cernimus in Threnis Ieremiae, quos quadruplici distinguens Alphabeto, vnum ad ruinam terrenae Ierusalem, reliqua ad triplicem Ecclesiae casum direxisse videtur. Sicut enim terrena Ierusalem prius de gloria regni, postea de gloria sacerdotij, tertio de legalium caeremoniarum obseruantia legitur corruisse: & sicut templum primum à Chaldaeis destructum, secundò à Graecis prophatum, tertio à Romanis penitus inueni-

tur deletum: sic spiritualis Ierusalem, quae est Ecclesia, prius à sacerdotalis auctoritatis humilianda est gloria & dignitate, secundò à Christianae religionis virtute, & sanctitatis simplicitate calura, secundum quod Prophetans Apostolus, *In nouissimis*, inquit, *diebus erunt homines seipsos amantes, cupidi, elati, voluptatum amatores magis quam Dei, habentes quidem speciem pietatis, virtutem autem abnegantes*: Tertio ipsam pietatis est speciem relictura, & totius Ecclesiastici ordinis formam etiam exteriorem reiectura. Quod fortè ipsa Ecclesia in eo praefiguratur, quod tribus diebus ante Resurrectionem Domini ingloriam, indecotam, & moerentem se exhibet, eo quod communem omnium resurrectionem, & vltimum Christi aduentum talia praeventura indubitanter expectet.

De tribus diebus praecedentibus Dominicam Resurrectionem: & de septem Antiphonis solemnibus Aduentus Domini.

QUOD praefigurari manifeste dignoscitur in eo quod praedictis tribus diebus horae canonicae sine solito initio & fine dicuntur. Nam ex principio & fine in musica forma diiudicatur. Quod autem, *Dominus vobiscum, Oremus, & Kyrie eleison*, supprimuntur, sanctitatis insinuat defectum. Nam quod *Gloria*, omnino reticetur, quem hodie Ecclesia omnino reticetur, quem hodie Ecclesia obtinet, gloriae apicem innuit aliquando de medio tollendum. Non tamen subito haec gloria absconderetur, sed paulatim processu temporis minueretur: sicut à Dominica in passionem Domini in Missa tantum, ubi specialiter gloria sacerdotalis refulget, incipit reticeri. Haec etiam distinctio in praedictis Threnis reperitur, cum in secundo Alphabeto pollutum regnum, & deiectiones principes, & omne cornu confractum deploratur: in tertio Propheta se esse virum videntem paupertatem lamentatur: in quarto obscuratum aurum, & colorem optimum plangit esse mutatum. Quae licet de vltimo Christi aduentu specialiter dicta intelligantur; multa tamen in eisdem Alphabetis ad primum & secundum specialius referuntur. Sicut autem in Ecclesia Domini Resurrectio & ea quae praecedunt, in preparationem vltimi aduentus celebrantur: sic & ea quae primum Christi praesenserunt aduentum, in ipsis sunt facta preparationem: & ea quae singulis annis de primo eius aduentu solemniter recoluntur, medii aduentus preparatoria esse noscuntur. Quod in illis septem solemnibus apparuit Antiphonis, quae in preparatione Natiuitatis Dominicae decantantur: quarum primis quatuor, illorum Patrum qui praedictis quatuor aetatibus Scripturas ipsas ediderunt, clamores & desideria exprimuntur. Nam tribus quae sequuntur, ipse triplex Christi aduentus ab eisdem praedictis patribus praefusus & desideratus innuitur. Quatuor etiam praedictis antiphonis quatuor secundi aduentus preparatoria ostenduntur. Nam per primam excitantur corda torpentium ad surgendum, secundum illud, *Meditare te clamor factus*

2. Tymo 3.

7. Antiphona Aduentus quid innuit.

Alij.

Psal. 4.

Vetus testamentum
Christi praenuntians
aduentum.

Ecclesia
destructio
futura, jam
intelligenda,
ex parte scilicet.

Mat. 25.

Ibid.

Hebr. 9.

Triplex
dedicatio in
veteri te-
stamento.

Act. 2.

1. Cor. 6.

Iob. 7.

Rom. 1.

Ezech. 9.

est, ecce sponsus venit. Secunda excitatos ad-
monet ad ornandum, quosponsus suscipien-
dus est, locum, iuxta illud, quodsequitur in
Euangelio, *Tunc surrexerunt, omnes virgines illae
& ornaverunt lampades suas.* Tertia ad obui-
andum, secundum illud, *Exierunt obviam
sponso & sponsa.* Quarta ad intrandum, sicut
dicitur, *Qua parata erant, intraverunt cum
eo ad nuptias, & clausa est ianua.* Cuius ianuę
clauiger est & clavis, cui vult claudens, ita
ut nemo aperiatur; cui vult & quando vult
aperiens, ut nemo e laudat: ille qui in quarta
Antiphona ad veniendum vocatur, & clavis
David nominatur. Alijs enim quę prędixi-
mus, alias tres antiphonas facile lector dili-
gens assignabit. Patet igitur, ea quę primum
Christi pręcesserunt aduentum, pręparato-
ria tantum nostrę fuisse ciuitatis; ipso verò
Christi primo aduentu ciuitatem ipsam fun-
datam, atque munitam: nam per secundum
ipsius aduentu quotidie adunatur & infor-
matur; tertio tandem aduentu plenę ab eo
confirmanda, & letantibus omnibus tam
Angelis quam hominibus dedicanda. Hęc
enim primo Christi aduentu pręparata quo-
dammodo videntur potius quàm completa.
Complebuntur autem, cum signis omnibus
decedentibus res succedent, fides transibit in
speciem, umbra in veritatem. Interim dum
durat umbra, sciens Christus signa esse ne-
cessaria, & ad res ipsas pręparatoria, talia
agere voluit, quę & res essent pręcedentium
signorum, & signa rerum futurarum. Pręsi-
gnauit enim foundationem ciuitatis suę in sua
Natiuitate, initiationem in Circumcisione,
adunationem in Apparitione, informationem
in Sacramentorum institutione; confirma-
tionem in Passione, secundum illud Apostoli,
*ubi est testamentum, mors necesse est intercedat
testatoris.* Testamentum enim in mortuis confir-
matum est. Alioqui nondum valet, dum vivit,
qui testatus est, unde nec quidem sine sangui-
ne dedicatum est. Quę dedicatio sicut triplex
fuit in veteri testamento, prima tabernaculi,
secunda & tertia ciuitatis & templi: sic vl-
timam & plenam nostrę ciuitatis dedicatio-
nem duę pręcessisse in nouo testamento &
pręfigurasse noscuntur: prima in Purificatio-
ne, siue hypapante Domini, quę & apud nos
festum luminum nominatur; quo nomine
apud veteres, vocatam legimus dedicationem:
secunda in missione Spiritus Sancti, quando
congregati in vnum Apostoli Spiritu Sancto
loquuntur baptizati. Et quia signis peregrin-
antes & militantes pręcipuę vti solent, re-
ctę peregrinanti & militanti ciuitati signa
dantur. Quia quandiu sumus in corpore, pe-
regrinamur à Domino, & quandiu militia est
hominis super terram, visibilium signorum
scala ad inuisibilia necesse habemus vti, se-
cundum quod Apostolus ait. *Inuisibilia Dei per
ea quę facta sunt intellecta conspiciuntur à crea-
tura mundi.* Creatura ait, mundi, non cęli,
illę enī scalā non indiget solum iam tenens.
Filij autem Chore, qui Tau signatum habent
in frontibus suis, qui vocatos se reputant ad
cinerem & ad caluitium, qui ei quę prima
fronte apparent, visibilia scilicet, tempora-
lia esse cognoscunt, & ad æterna & anteriora
se extendunt; ut ait beatus Augustinus; ta-

les inquam calui & peregrini & aduenę su-
per terram & peregrinantis ciuitatis ciues si-
gna suę militię recognoscunt, & suę ciuita-
tis cantaturi canticum, sic actiue vitę Psal-
terium assumunt, ut semper ad contempla-
tiuam transire contendat. Cuius finis est &
satietas beata Trinitas vnus Deus, qua sola
fruētes efficiuntur beati. Quę quia dum pe-
regrinamur à Domino, sicut est, à lippienti-
bus videri non potest, voluit Dominus suę
ciuitati visibilem quandam proponere Trini-
tatem, qua humana infirmitas in exilio per
ea quę vltu didicit confricatas incalesceret, ut
sic ad ea quę non didicit tandem assurgens
perueniret. Hęc intelligens discipulus ille
quem dilexit Iesus, duas Trinitates in suis
scriptis proposuit, vnā in cęlis, aliam tes-
timonium dantem in terris: innuens, quod
frustra quis ad testimonia aspiraret, si insen-
sibilis Trinitatis testimonium non haberet:
De quo ita ait. *Tres sunt qui testimonium dant*
in terris; spiritus, aqua, & sanguis: & hi tres
vnus sunt. Tria siquidem, ut ait beatus Augu-
stinus, nouimus de corpore Domini exisse,
cū penderet in ligno. Primum spiritum
iuxta illud, *Inclinato capite emisit spiritum:*
deinde quando latus eius lancea perforatum
est, sanguinem & aquam. Hęc tria cū diuer-
sas habeant singula quęque substantias, non
sunt vnum. Sed si ea quę his sunt significata
attendimus, occurrit beata Trinitas vnus
Deus: Pater & Filius, & Spiritus Sanctus: ut
nomine Spiritus accipiamus significatū Deum
Patrem, secundum illud, *Spiritus est Deus:* no-
mine autem sanguinis Filium, secundum quod
Verbum caro factum est: nomine verò aquę
Spiritum Sanctum, sicut ait Euangelista. *Hoc
autem dixit de Spiritu, quę accepturi erant cre-
dentes in eum.* Hęc Augustinus. Ad hanc igitur
Trinitatem volens Dominus Iesus seipsum
nobis parare viam, tria in his tribus instituit
sacramenta, quibus interim anima lipptens
mundaretur, & exerceretur; exercitata dila-
taretur, dilatata tandem caperet, quod cape-
re non poterat otiosa. In aqua quippe sacra-
mentum Baptismi instituit; in sanguine sacra-
mentum Altaris, dicens, *Hic calix nouum te-
stamentum est in sanguine meo:* in Spiritu sa-
cramentum Confirmationis, quod Apostolis
Spiritus Sancti igne etiam visibiliter confir-
mans & corroborans, eundem Spiritum alijs
manuum impositione tradentibus, signis di-
uersarum linguarum Dominus voluit cōmen-
dare, igne suę pręsentię sordes vniuersas puri-
ficans, hominem innouat & immutat. Et licet
hęc tria sacramta vnū non sint, vna tamen est
operatio Trinitatis in tribus, & in singulis trina.
In baptisate spe ialis apparuit operatio Spi-
ritus, per columbā: mysteriū Eucharistię, passio-
ne sua specialiter Filius cōsecrauit; in Cōfirma-
tione Pater specialiter visus est operari, qui mis-
so Spiritu Apostolorū corda inuisibili illustra-
uit potentia. In Cōfirmatione igitur Pater cor-
roborat: in traditiōe Eucharistię Filius noctis
illi tenebras, qua comedebantur carnes agni
veteris, sapiēter illustrat: in Baptisate Spi-
ritus Sanctus igne suę pręsentię sordes vniuersas
purificans hominem innouat & immutat. Et
quia inseparabilis est operatio Trinitatis, ea-
dem tria in singulis tota Trinitas operatur,

1. Ioa. 5.

Ioan. 19.

Ioa. 4.

Luc. 9.

1. Cor. 12.

Rom. 8.

Tres itaque sunt, qui in tribus sacramentis operari probantur, & tres vnum sunt: Aliter enim tota Trinitas nobis eisdem substantijs commendatur. Spiritus enim qui orantes facit, & gemitibus inenarrabilibus interpellat pro nobis, orationis deuotionem commendat: Eleemosynam, quæ aqua Dei interpretatur, aquam manifestè designat. Confessionis & poenitentię ruborem sanguis significando demonstrat. Et hæc sunt quæ testimonium dant in terra, quoniam his fructibus in terra homines cognoscuntur. Dant etiam exterius testimonia latentium intus virtutum; oratio scilicet humilitatis, abstinentia castitatis, eleemosyna charitatis. In quibus virtutibus quàm expressim appareat vestigium Trinitatis, ex sequentibus manifestè liquebit. Interim extra portam veteris Ierusalem & terrenæ, & in caluarie loco, id est, in vitę nouitate, filij Chote triplici prædictę Trinitatis insigniti imagine ponant signaculum supra frontem, super cor, super brachium suum, velut in superliminari, & super vtrumque postem, operis scilicet & cognitionis: vt corde credatur ad iustitiam, fides per dilectionem operetur ad Dei gloriam; in fronte, idest, in aperto, fiat confessio ad salutem. Contempletur etiam in prima Trinitate vnitatem trinæ significationis, in secunda vnitatem trinæ operationis: in trina trinum effectum vnius affectionis siue intentionis. Ad vnum enim intentionem dirigere in tribus illis docet Dominus in Euangelio dicens. [Cum oras intra in cubiculum,] &c. manifestè ostendens, orationem, eleemosynam, & ieiunium ad illum referenda esse, qui videt in abscondito, dicens. [Qui videt in abscondito, reddet tibi.] Quodd si adhuc aliud & subtilius huius testimonij mysterium persequari placet, terminetur ad præsens hic sermo, ne si fuerit nimis prolixus, fiat etiam tædiosus, Ille igitur semper Alpha & Omega nostri sermonis, qui initium est & finis vniuersorum, & sine initio & sine permanet in sæcula sæculorum, Amen.

Mat. 6.

Tractatus 2. De Characteris titulo, & testimonio, quibus cines suos Christus insigniri voluit.

Postquam primus homo de terra terrenus, terrenis ciuitatibus & habitatibus terrena sapientibus mundum impleuit, veniens nouus homo de cælo cælestis, & cælestem in terris ciuitatem volens ædificare, ciues suos qui cælestia sapient à terrenis ciuibus voluit sui characteris signo distingui, titulo prænotari, testimonio communiri. Signum fuit decaluatio, titulus filiationis, testimonium secretiori familiaritate probata amicitie certitudo. Signum siquidem & imago terreni fuit in terrenis crescere, multiplicari, dominari. Sic quippe protoplastis dictum est, [Crescite & multiplicamini, & replete terram, & subijcite eam: & dominamini piscibus maris, & volatilibus cæli, & bestiis terrę, omnique reptili quod mouetur in terra.] Nouus autem homo signum nouitatis suis sequacibus tribuens ait. [Qui non renuntiauerit omnibus quæ possidet, non potest meus esse discipulus.] Et illud. [Siquis vult post me venire, abneget semetipsum, &

tollat crucem suam, & sequatur me.] Illud etiam. [Qui reliquerit patrem aut matrem, aut uxorem, aut filios, aut agros, propter nomen meum; centuplum accipiet, & vitam æternam possidebit.] Ecce quomodo caluus noster omnibus temporalibus suos vult decaluari, vt libeta facie, & aperta fronte eterna desiderent, & sine impedimento oculos ad cælum leuent. Ciues terreni à fructu frumenti, vini, & olei sui multiplicati sunt. Cohæredes Christi in spe singuliter constituti in pace in idipsum dormiunt & requiescunt. Licet enim multi ex eis bonis temporalibus abundantes, minimè decaluati, sed multis etiam superfluitatibus frontem operam & oneratam habere videantur, tamen qui veri Christi conciuies sunt, sic vtuntur illis, quasi iam non vtantur, non ponentes spem in incerto diuitiarum, nec in luxu deliciarum gaudentes, sed mortem habentes præ oculis, se eis iam iamque non dubitant carituros. Nil quippe sic amorem mundi in homine mortificat, sicut meditatio mortis. Vnde scriptum est. [Memorare nouissima tua, & non peccabis.] Nihil enim certius morte, nihil incertius hora mortis. Hos in magni patris familias domo ministros potius dixerim, quàm filios vel amicos. Tales videntur fuisse Patres veteris testamenti, qui signum acceperunt Circumcisionis, non titulum filiationis, aut testimonium amicitie specialis. Cum enim dictum sit ad eos, *Ego Dominus Deus vester, Ego Deus Abraham, & Deus Isaac, & Deus Iacob*, nunquam tamen legitur eis dictum, *Estote misericordes sicut & pater vester cælestis misericors est*, aut, *pater vester cælestis dabit spiritum bonum petentibus se*. Et cum testimonium acceperit Abraham diuinum, *Nunc cognoui, quod timeas Deum*, non tamen meruit audire, quod dictum est Apostolis, *vos autem dixi amicos, quia omnia quacumque audiu i Patre meo, nota feci vobis*. Filiorum titulus, hic est, *Omnes qui nati sunt ex Deo, non peccat, quia generatio diuina conseruat eum, & malignus non tangit illum*. In hoc manifesti sunt Filij Dei, & filij diaboli. Et illud. *Quod natum est ex Deo, vincit mundum*: vt sit titulus cælestis generationis victoria tenrationis: & sicut qui filius est per naturam mundum cum suo principe triumphauit, sic mundi victores sunt, quotquot sunt filij adoptionis. Amici testimonium vox sponsi est, auditui amici dans gaudium & lætitiā, siue ad amicum directā; vt est illud, *Surge propera amica mea, columba mea, formosa mea, & veni*, siue de amico ad alios facta; sicut ait Dominus de Ioanne. *Quid existis in desertum videre? Prophetam? Etiam dico vobis, & plusquam prophetam, &c.* Hoc geminū amici testimoniū plenius postea prosequemur, si prius ministrorū & filiorū testimonia sufficienter fuerint explanata. Quod enim inter signa & titulos & testimonia distinximus, inde est, quia nō omnia testimonia, signa vel tituli dici possunt. Signa tamē & tituli aliqua testificatio testimonio meritò nuncupatur. Inde est etiam, quod in Romana Ecclesia leuitæ Cardinales, velut quidam Dominicæ mensæ ministri in signis sigillorum suorum titulos non assignant, quod solis presbyteris Cardinalibus velut filiis est concessum. Nam Episcopi amicos

Mat. 17.

Psal. 4.

Meditatio mortis.

Eccli. 7.

Qui sunt ministri in domo Dei.

Leuit. 23.

Exod. 3.

Luc. 6.

Luc. 11.

Genes. 22.

Ioa. 13.

1. Ioa. 3.

Filiorum titulus.

Signum hominis terreni.

Genes. 2.

Signum noni hominis.

Luc. 14.

Mat. 16.

rum vice fungentes, quando viciniore sponso, tantò vocè eius familiarius audiunt: & de secretioris familiaritatis testimonio gratulantur. Singulis igitur à sponso pro meritis testimonium redditur: & ne testimonium istud nutare videatur, tota Trinitas ei adstipulatur. Tria sunt igitur, quæ ministris circa transitoria occupatis velut in terra testimonium dare noscuntur, spiritus, aqua, & sanguis. Per hæc, si non sit tediosum lectori, quæ sunt dicta repetere, eleemosynam, ieiunium & orationem diximus designari. Hæc testimonia Scripturæ sacræ veteris atque nouæ testimonijs innumeris roborantur. Dicuntur enim & verba sacri eloquij testimonia, quia perhibent testimonium, mandata Dei vera esse, iustificata in semetipsa, desiderabilia superaurum & lapidem pretiosum multum, & dulciora super mel & fauam. Ne autem impossibilia crederentur, perhibent etiam testimonium, multos ea seruasse. Vnde subditur. *Benim seruus tuus custodit ea.* Et ne infructuose ea seruasse videretur, etiam de retributione non tacet, cum dicitur. *In custodiendis illis retributio multa.* Et quia sicut retributio obediens, sic damnatio manet transgressores, rectè etiam iudicia nuncupantur. In istorum mandatorum siue iudiciorum Dei testimonijs delectabatur Propheta, sicut in omnibus diuitijs, dicens. *Adhæsi testimonijs tuis Domine.* Et illud. *Testimonia tua meditatio mea est, & consilium mentis iustificationes tue.* Nos quoque si hæc testimonia meditando diligentius perscrutemur, prædicta testimonia scripturæ sacræ testimonijs innumeris commendantur. De ieiunio & oratione ait Propheta, *Ego autem cum mihi molesti essent, inducibam me ieiunio. Humiliabam in ieiunio animam meam, & oratio mea in sinu meo conuertetur.* De eleemosyna. *Mutabimur peccator, & non soluet, iustus autem miserebitur & tribuet.* Et illud. *Dispersit dedit pauperibus, iustitia eius manet in seculum seculi.* Ioel quoque de ieiunio & oratione sic ait. *Conuertimini ad me in toto corde vestro, in ieiunio & fletu & planctu.* De eleemosyna. *Frangite esurienti panem suum, & egenos vagosque induc in domum tuam; cum videris nudum operi eum.* In Tobia quoque legitur *Bona est oratio cum ieiunio & eleemosyna.* Et illud. *Si multum tibi fuerit, abundanter tribue: si exiguum, etiam libenter illud impertire.* Hæc & alia, quæ in veteri & nouo testamento commendata leguntur, verba & exempla omnia ponere supersedemus, ne pariat copia cōgesta fastidium. Et tamen quæ Iesus legitur cœpisse facere & docere, non credidi omittenda. Ipse quippe salutem humani generis operatus iu medio terræ, post baptismum suum mox ab oratione & ieiunio duxit incipendum. Vnde & legitur, quod eo baptizato & orante, & apertis super eum cœlis, ductus sit in desertum à spiritu: ubi cum ieiunasset quadraginta diebus, & quadraginta noctibus, postea esuriit. Hæc usque ad passionem suam postea nunquam omittens, sic alternatis vicibus exercuit, ut non vnum confunderetur ab altero; sed noctem orationi deputans, diem ieiunio, prædicationi & cu-

rationi, pertransiuit benefaciendo & curando oppressos & Dæmonio. Nec solum exemplo nos ad hæc studuit inuitare, sed etiam verbis commendare curauit dicens. *Hoc genus non excutitur, nisi in oratione & ieiunio.* Dulcedo siquidem orationis & intimæ compunctionis affectio malè dulces carnis affectiones, & immisiones per Angelos malos extundere consuevit. Ieiunium verò exterius adhibitis tentationibus & occasionibus peccati obuiando resistit. Eleemosyna ieiunio & oratione mundatis, sanitatis gaudia & munerata gratiarum acquirit, sicut ait Dominus. *Dare & dabitur vobis. In ea quippe mensura, qua mensi fueritis, remetientur vobis.* Et Apostolus. *Qui parce seminat, parce & metet: & qui seminat in benedictionibus, de benedictionibus & metet.* Turc enim oratio ad Deum directæ sine offendiculo penetrat cœlos; cum ieiunio & eleemosyna velut duabus alis ab infimis euecta, ieiunio velut sinistra adiuuatur, eleemosyna velut dextera & fortiori proficit & gubernatur. Ala ieiunij tres pennas habet principales. Ieiunandum est enim ab illicito actu, ab illecebroso motu, ab illicito affectu. Tres quoque eleemosynæ pennæ sunt principales: ut subueniat quis proximo sermone, subueniat de suo, vel deseruendo ei, vel orando pro ipso. Hæc sunt, quæ primum testimonium dant in terra. Testimonium apud homines, testimonium cuique apud seipsum, & testimonium apud Deum. Apud homines testimonium iustitiæ; cui innotebatur Phariseus ille, cum diceret. *Deus gratias ago tibi; quia non sum sicut ceteri homines, raptores, iniusti, adulteri.* Ieiunio bis in sabbato. *decimas de omnium quæ possideo.* Superbus quippe & arrogans non iustum se esse tantum, sed iustiorē ceteris apparere gloriabatur; & contentus testimonio hominum noluit attendere suum: cuique enim testimonium propriæ perhibent actiones prædictæ. Ut enim de ceteris taceam, attende, quantum in abstinentiæ virtute profeceris, quæ omnium principium est, & fundamentum nutritrixque virtutum; sine qua nullus ad reliquas est accessus. Ingredere & explora omnem conscientiam tuam recessus, quomodo se habeant interiora & exteriora tua: si fortè necessaria, ne dicam superflua desint. Si idem vultus, iidem oculi, sermo non dispar, eadem mentis tranquillitas quæ fuerat, cum adessent. Hinc planè quàm constans, quàm firmus sis in proposito virtutis, luce tibi clarius apparebit. Apud Deum autem testimonium nobis hæc præbent fiduciæ, ut confidenter ad thronum gratiæ eius accedamus, qui mandata eius fortitet adimplemus. Vnde scriptum est. *Fiducia magna apud Deum est eleemosyna.* Et alibi. *In hoc cognoscimus, quoniam translati sumus de morte ad vitam, quod diligimus fratres. Qui enim habens substantiam huius mundi viderit fratrem suum necesse habere, & clausit viscera sua ab eo; non est charitas Patris, quæ vera vita est, in eo.* Sed hæc testimonia virtutum, quæ ad meritum dantur, quantumcumque firma videantur, signa tamen virtutum potius sunt, quàm virtutes. Sunt enim bonis & malis com-

Scriptura
sacra di-
cuntur te-
stimonia.

Psal. 18.

Psal. 118.

Psal. 84.

Psal. 36.

Psal. 117.

Ioel. 2.

Isa. 58.

Tog. 2.

Tob. 4.

Mat. 9. &
4.

Cœpit Iesus
ab oratio-
ne & ieiunio.

Mat. 17.

Luc. 9.

2. Cor. 9.

Ala ora-
tionis ieiunium &
eleemosyna: utri-
que tres pennæ.

Luc. 15.

Abstinen-
tia virtu-
tum fun-
damentum
est nutri-
trixque.

Tob. 4.

1. Jo. 3.

Hereticorum opera
sepe parent
magna; sed
non proficiunt.

Act. 15.

Isa. 7.
Mat. 5.
Prins de
Deo intelligitur
quid non fit.

Joan. 8.

communis; & ita à fatuis virginibus, imò & quandoque fortius quàm à prudentioribus exercentur. Si enim hereticorum ieiunia, orationes, eleemosynæ, etiam Religiosorum studiis comparentur: aut nulla, aut exigua, hæc illis collata videbuntur. Sed si tradidero corpus meum, ita ut ardeat, & si distribuera omnes facultates meas in cibum pauperum, & si habuero omnem fidem, ita ut montes transferam, charitatem autem non habuero: nihil mihi prodest. Signum est igitur hæc prima & visibilis Trinitas summæ Trinitatis, potius quàm imago; quæ primo quod sit, secundo quid non sit, potius quam quid sit, agnoscatur. Credere siquidem oportet accedentem ad Deum, primo quia est, & requirentibus se remunerator est. Hac fide accedentium primò corda mundantur, secundum illud. *Fide mundans corda eorum*: ut mundatis cordibus ipsam intelligant veritatem, sicut scriptum est. *Nisi credideritis non intelligetis*. Et, *Beati mundo corde, quoniam ipsi Deum videbunt*. Primum igitur est, credendo quod inquirentibus se remunerator sit, inquirere quid non sit, tandè corde mundato intelligere quid sit. Volens igitur veritatis magister suos discipulos paulatim ad veritatis perducere intellectum, visibilis mundo apparès, visibilia proposuit suis ciuibus, & in eis materiam totius suæ civitatis instituit, & formam expressit: ut Deum Trinum atque Vnum tota eiusdem civitatis materia predicaret, & forma commendaret, & civium non solum lingua loqueretur, sed etiam moribus vita fateretur: donec reparata in eis imagine Trinitatis, iam non iam exterius vagando quærent, quam in seipsis interioribus possiderent. Inde est, quod imperfectos & adhuc visibilia sectantes videmus exteriora fortius operari, ac duriora sustinere perfectis: quoniam qui minoratur actu, percipiet sapientiam: nec de bene filij sponsi lugere, quandiu cum ipsis est spiritus. Lugeant & circumeant civitatem, qui quæ sunt, & non inveniunt eam: & sint eis lachrymæ panes die ac nocte, dum eis quotidie dicitur, ubi est Deus tuus. Quærant inquam exteriora bene operando, siue diligentius exteriora rimando, quandiu interioribus vacare neclibet nec licet. Studeant exterius ipsum imitando, ieiunando, orando, eleemosynas erogando; quandam sibi imprimere, licet longe dissimilem imaginem Trinitatis, nec in his tribus à simplicitate recedant unitatis: ut in vno oculo rum dilectus vulneretur: ut & una intentio sit in tribus, & una virtus iustitiæ sit ex tribus: imò ipsæ tres virtutes una sint iustitiæ virtus: & secundum quod ait Apostolus, *Tres sunt, qui testimonium dant in terra, & tres unum sunt*. Talibus Psalmus competit, nondum Psalmus Cantici: quia non est cantare canticum Domini laborati in gemitu suo: sedenti & flenti super flumina Babilonis; maducanti panem doloris in terra aliena. Non enim deest & talibus panis, licet canticum desit. Non enim deesse debet ministris, cum nec mercenariis desit, nec servis. Nam & mercenarii abundant panibus, & seruo opus & disciplina & panis ministratur. Ministris autem, qui iam de servis effecti sunt liberi, Dominus misereatur: & ne deficiant in via pro tridua expectatione, (quam fortè signat illud triduum,

quo Saulus nihil manducans aut bibens cecidit, & promissum Domini expectavit,) triperitum panem apponere consuevit. Hunc panem Dominus in Propheta iam fastidire, & ad filiorum panem anhelare videbatur, cum diceret. *Quis usque irascaris super orationem servi tui? Cibus nos panis lachrymarum*. Conficitur autem aliquando hic panis ex lachrymis doloris concepti de recordatione præteritorum malorum, quales fuerunt lachrymæ Petri, quando recordatus sermonis Domini Iesu fleuit amare. Aliquando ex lachrymis pudoris, quales fuerunt Annæ, cum exprobrante sibi emula sua, quod conclusisset Dominus vuluam eius, flet largiter: siue Susannæ, cum accusata à sacerdotibus in cælum suspiciens taceret & fletet. Aliquando timoris & tædij, quales fuerunt lachrymæ Eliæ fugientis à facie Iezabel, cum diceret. *Obsecro Domine, tolle animam meam, neque enim melior sum, quam patres mei*: vel ipsius Domini, qui cum cepisset pauere & tædere, factus est sudor eius tamquam guttæ sanguinis decurrentis in terram. Hoc igitur panem Dominus ipse cibari voluit: ne eum membra sua infirmiora sumere abhorrerent. Unde per Prophetam ait. *Cinere tamquam panem manducabam, & potum meum cum fletu miscebam*. Videtur autem plerisque hic panis ministrorum, licet minus suavis quàm panis filiorum, largius eis apponi, quàm filiis suis: eo quod filiorum panis ex occultioribus & carioribus, ministrorum ex vilioribus & consuetis conficitur speciebus. Quamvis autem adhuc remotiores à sponso, tantò dolendi de commissis, erubescendi pro neglectis, timendi de futuris, causa subest certior, & materia maior. Sed iam tortilibus satiati, ad filiorum canticum transeamus: quod titulus psalmi natalium thematum titulis insignire videtur. Titulus quippe sequentis operis materiam, ac subiectæ rei dignitatem assolet declarare: quod satis titulus ille cruci superpositus declarat, de quo prophetatum longè antè fuerat. *Inscriptionem tituli ne corrumpas*. Huius quippe tituli in se inscriptionem corrumpit, quisquis crucifixi sanguine redemptus, factus semel calui filius, à moribus postea paternis degenerat, & operibus mortuis à nomine salutis, quod est Iesus, & à nouitate vitæ, quod sonat Nazarenus, elongatus, etiam à gloria regni excluditur. De quibus scriptum est. *Filij alieni mentiri sunt mihi, filij alieni inueterati sunt, & claudicauerunt à semitis suis*. Filij autem regni non claudicant: quia rectus Dominus Deus noster, & recti filij eius, ac rectos decet collaudatio. Rectos quippe facit cognitio inuisibilium, & amor æternorum; sicut curuos & claudos cura & appetitus terrenorum. Qui ergo perfecte calui, frontem libere erigunt ad æterna, paternæ similitudinis & regis libertatis titulis insigniti, sponso canticum nuptiale, canticum nunquam decantant dicentes, *Dominus regnavit, decorem induit*. Ecce illud. *Quid retribuam Domino, pro omnibus que retribuit mihi? Dirupisti vincula mea, tibi sacrificabo hostiam laudis*. His psalmus cantici merito dicitur convenire, qui non iam ex tristitia, vel ex necessitate operantur; sed cantant in vijs Domini, quoniam magna est gloria Domini. Operantur non ex timore,

B.

Psalm. 70.

Luc. 26.

1. Reg. 1.

Dan. 13.

3. Reg. 19.

Luc. 22.

Psalm. 101.

Psalm. 17.

Psalm. 92.

& 115.

quodiam timor poenam habet, & timore po-
næ operari seruorum potius est quam filio-
rum, qui ex amore & desiderio, sed non soli-
us patris, imò potius paternæ hereditatis.
Istos primum iam cœlum dixerim; in quo Pa-
ter, Verbum, & Spiritus sanctus, testimoni-
um dare, & tres vnum esse dicuntur. In his si-
quidem manifestius relucet imago Trinitatis
in vnitatē, & vnitatis in Trinitate; sicut solet
in filiis propriis apparere effigies faciei paternæ.
Sed ubi imago vel effigies, non ipsa solet
esse expressior facies in rebus humanis, nec
ipsa veritas, sed imago. Quærenda est ergo
hæc imago in filiis; nam veritas reseruatur a-
micis. Hanc igitur imaginem dixerim tres ani-
mæ iam spiritualis virtutes, castitatem scilicet,
humilitatem, & charitatem. Harum virtutum
prædictas tres operationes, ieiunium, oratio-
nem, & eleemosynam, velut corpora aut qua-
si indumenta non immerito dixeris; cum &
ipsæ virtutibus his vegetari & viuificari ha-
beant, & non nisi per eas ad oculos humanos
prodeant, & eos sua oblectent venustate. Hæ
virtutes non aliud sunt, quam quædam affec-
tiones animæ, Spiritu Sancto moderante &
ordinante, vt sint ad quod esse debent, &
quomodo esse debeant. Affectus siquidē Am-
non ad fororem, licet fuerit ad quod debuit,
quia tamen non quomodo debuit, nec virtus,
nec à Spiritu sancto fuit. Attendamus igitur,
quomodo in his virtutibus imago reluceat
Trinitatis. Castitas siquidem, quæ est amor
incorruptionis, æternitatis nobis speciem re-
præsentat. Quid enī æternitati incorruptione
vicinius? De ipsa quippe sic legitur. *Incorruptio
facit hominem proximum Deo.* Humilitas quæ
de vera propriæ infirmitatis cognitione pro-
cedit, summæ in nobis veritatis speciem præ-
fert. In quo enim quis veritati vicinior esse
potest, si verissimam sui cognitione Deo attri-
buit, non solum quidquid boni habet, sed
& bonum quod factus est: sibi omnia mala,
non solum quæ sentit, sed & quæ fecit? Hinc
oritur charitas, quia dum per humilitatē ho-
mo sibi vilescit, nec iam in se, seu alia creatu-
ra, requiem extra Deum inuenit, super omnia
Deus ei dulcescit: & quanto magis creatura
vilescit, tantò creator suauius elucescit. Sed
& in creatore incipit creatura placere, quæ in
seipsa debet non immerito displicere. Quid
autem hæc charitate summæ bonitati similis,
qua etiam inimici propter Deum, & amici
in Deo, & Deus non nisi propter seipsum di-
ligitur? Per hanc quippe similes illi efficitur,
qui sola bonitate sua *solem suum oriri facit su-
per bonos & malos; & pluit super iustos & in-
iustos.* Sic sic Pater, Verbum, & Spiritus san-
ctus, testimonium dant in cælo: in homine
scilicet talibus virtutum luminaribus illustra-
to, quoddam filius sit patris sui, qui in cælis est.
Nani & Spiritus testimonium perhibet spiri-
tui nostro, quoddam filij Dei, & Christi cohere-
des sumus, & spiritum adoptionis filiorum
accepimus, clamantem in nobis, *Abba pater.*
Inuenimus in nobis imaginem Trinitatis: su-
perest vnitatem in Trinitate, & Trinitatem in
vinitate, aliqua in nobis similitudine, licet
longè dissimili, seperire. Quid igitur sunt hæc
tres virtutes, nisi tres, sicut diximus, modera-
te & ordinatæ affectiones? Quid autem sunt

istæ affectiones in homine; nisi vna hominis
voluntas, quæ cum tres harum affectionū ha-
beat effectus in opere exteriori, vna tamen
perseuerat interiori: tantò amplius vna, quan-
tò vni Deo propius coniuncta: tantò ab vni-
tate remota, quantò in diuersa diuisa, secun-
dum illud, *Solicita es & turbaris erga pluri-
ma, cum vnum sit necessarium?* Quam vni-
tatem habere se gloriabatur Propheta, cum
diceret, *Vnam peti à Domino, hanc requiram.*
Aliter igitur voluntas hominis vna est per
naturam, aliter per gratiam. In eo quod est
per naturam, imaginem: in eo quod est per
gratiam, Dei similitudinem repræsentat. Sub-
stantia quippe quadam imagine diuinitatem
videtur imitari, in qua talis est creata, vt in eā
æternaliter perseueret. Licet enim habuerit
initium, cum tamen ignoret occasum, quid
æternitati similis, quod non sit ipsa æterni-
tas? Non enim rationali carent voluntate
infanti, infantes, vel etiam dormientes: licet
vsum discernendi non habeant. Quid rati-
onali voluntate potentia diuina similis, quæ
ita libera creata est, vt nulla vi cogi possit,
nulla necessitate mutari? Nemo enī non vult
quod vult: aut vult, quod non vult. Quod
enim negauit Petrus, non necessitatis fuit sed
voluntatis, quæ vim quam ipsa sibi intulit,
non ab alio quam à se pertulit: & qui dolens
& coactus Christum negauit, non tamen
nisi volens, (quia vitare volebat mortem,) *in-
firma quidem voluntate, sed tamen volun-
tate.* Nam in quibus erat sana voluntas, oc-
cidi poterant, flecti non poterant. Vide, quā
libera sit rationalis voluntas, siue in bono, si-
ue in malo: quæ & apud inferos immobilis
perseuerat. Nam quoddam diabolus, & quilibet
cum eo damnatus apud inferos iam bonum
velle non valet non volens vel aliena facie
oppressio, sed sua ipsius in malo obstinata volū-
tas: sicut & quoddam Angelus in cælo malū velle
non potest, non facit necessitas, sed firma in
bono voluntas, & voluntaria firmitas. Libe-
ra est ergo ad vtraque voluntas: sed hæc li-
bertas in malo homine misera est & infirma;
& licet à Dei imagine penitus non recedens,
secundum illud, *In imagine pertransit homo,*
multum tamen remota. Quamuis enim libe-
rum sit ei velle: quia cum bona creata sit,
secundum illud, *Et vidit Deus cuncta quæ fe-
cerat, & erant valde bona,* quæ ex creatione
posse non peccare, & posse peccare accepit:
peccando meruit, vt quæ cum potuit noluit,
per se nec velle possit, nec etiā velit, nō pecca-
re non possit. A qua miseria non liberatur, nisi
gratia illius, qui dicit, *Si vos filius liberaueris,*
verè liberi eritis, Cuius gratia reformatur in
bonis imago peccato deformata, vt quæ in
paradiso accepit posse non peccare, & posse
non turbari, pro his interim accipiat, nec pec-
cato nec miseria superari. Licet enim & pec-
cet, & frustra & misere conturbetur, tamen
iam ei non imputatur: quia iam *Nihil dam-
nationis est his, qui sunt in Christo Iesu,*
qui non secundum carnem ambulant. Tan-
dem autem sic reformata ita confirmabitur
& conformabitur diuinæ libertati, vt nec
peccare valeat, vel turbari. Est etiam in
alio quodam rationalis hominis voluntas
facta ad imaginem Dei & creatoris sui,

Imago Tri-
nitatis in
tribus vir-
tutibus sua.

Virtutes
sunt affecti-
ones ordi-
natæ.

Sap. 8.

Psalm. 9.

Luc. 11.

Psal. 28.

Petrus non
necessitate
peccauit.

Psalm. 38.

Gen. 1.

Isa. 44.

Rom. 8.

*Voluntas
est imago
Dei dupli-
citer.*

Sicut enim unus Deus omnia mouet, omnia regit, & pro nutu suo ordinat & sic præest vniuersis, ut sit totus in singulis; sic rationalis voluntas in toto corpore suo quasi in suo quodam mundo ubique tota, cum in se sit vna, solo nutu singula mouet membra, imperat sensibus, procreat appetitus, & in varios ferè singulis momentis se commutat affectus. Nunc enim se in fiduciam erigit, nunc in diffidentiam deiecit; nunc odio, nunc amore ducitur: nunc gaudio, nunc mœrore distrahitur; approbata & vehementer desiderata subito detestatur & ita toti compatitur, ut in singulis membris non tam membra, quam ipsa pati videatur. Ecce quam similis est illi, de quo legitur. *Spiritus Domini repleuit orbem terrarum, & hoc quod continet omnia, scientiam habet vocis. Omnium est enim artifex, omnem habens virtutem, omnia prospiciens.* Sed vide, quam deformis sit hæc imago, quandiu voluntas humana à diuina diffidet voluntate. *Posuisti inquit, me contrarium tibi, & factus sum mihi metipsum gravis.* Et illud. *Quis restitit illi, & pacem habuit?* Pacem quippe nullus habere potest, donec aduersario illi consentiat, qui fieri voluit pax nostra, faciens vtraque vnum, dans pacem his qui longè & pacem his qui propè. Cum per huius gratiam humana voluntas suscitata de puluere, & deterfa, ei consentiendo bonum velle incipit, tunc ad altissimi gloriam bona voluntas ad pacem reconciliata redit: nec alteri ex hoc debetur gloria, nisi ei cuius sola hoc in conuerso operatur gratia. Cui consentiens Paulus dicebat *Gratia Dei sum, id quod sum.* Hinc iam efficitur homo filius Dei per gratiam, secundum illud *Voluntarie genuit nos verbo veritatis.* Qui prius carni consentiendo propria voluntate suo fuerat per naturam; vel diaboli, mala voluntate ei consentiendo. Bonum igitur volendo, non solum imago deformata per gratiam reformatur, sed & similitudo Dei prius amissa imagini superducitur, in eo minor imagine, quod per eam ovis siue dragma perdita reperitur, monas nonaginta nouem additur; possessio domino suo restituitur, & intantum ei assimilatur, ut idem volendo vnus cum eo spiritus efficiatur, secundum illud. *Qui ad hæret Deo, vnus spiritus est.* Quæ similitudo plena erit, dum plene apparuerit, secundum illud. *Scimus, quia cum apparuerit, similes ei erimus: quia videbimus eum sicuti est.* Interim quandiu ex parte cognoscimus, ex parte assimilamur, tantò viciniùs similitudini accessuri, quantò mūdiori corde clariùs inspecturi. Sed hæc perfectio reseruatur amicis, initiatur in ministris. Proficit paulatim in filiis, in ministris initiatur, siue potius præparatur per paupertatem spiritus & mansuetudinem. In filiis per esuriem iustitiæ, & misericordiæ executionem, proficit & prælibatur. Proficit per desiderij esuriem, prælibatur per misericordiæ consecutionem, quæ est prælibatio satietatis. In amicis perficitur per mūditiā cordis & pacem, quæ æterno vinculo cōplectitur, ut ab inuicē, cum perfectæ fuerint, nequeant separari. In altera siquidem, scilicet in munditia cordis, reparatur imago; in altera, id est parte, similitudo innouatur. Est autem imago in libertate, sicut dictum est, similitudo in rectitudine, Libertas enim diuinam imitatur potentiam

cuius corruptio est superbia, corruptionis pœna infirmitas, reparatio humilitas, per quam munditia cordis acquiritur, secundum illud, *Asperges me hyssopo, & mundabor.* Vnde bene Augustinus. Quid appetit superbia nisi potentiam? Quam si ad bene agendi facilitate referamus, non inuenit nisi anima perfectè Deo subdita, & ad eius regimen summa charitate conuersa. Ecce perfectio libertatis in præsentia, est, liberum esse à seruitute peccati, quæ est cordis munditia, in futuro plenius consummanda; dum ipsa creatura liberabitur à seruitute corruptionis in libertatē gloriæ finem. Hæc erit libertas gloriæ, nam secunda est gratiæ, prima naturæ. Restat, similitudinem in rectitudine, rectitudinem in pace reperire, Rectum quippe legitur *Deus hominem fecisse, sed Ipse se miscuit questionibus infinitis.* Quandiu rectus fuit, nec zelus ei, nec scientia defuit, Si enim alterutrum deesset, rectitudo utique claudicaret. Si enim vel sciret & noller, vel vellet rectè agere, & nesciret, quomodo rectus esset? Sciendo igitur rectitudo diuinam sapientiam, bene volendo diuinam bonitatem imitatur. Sciendo igitur & volendo bonum homo rectus efficitur, meritò similis illi factus, de quo legitur. *Rectus Dominus Deus noster, & non est iniquitas in eo.* Huius autem similitudinis sicut geminum diximus esse profectum, sic duplicem constat esse corruptionem. Corripitur enim scientia per curiositatem. Vnde beatus Augustinus. *Quid appetit curiositas, nisi scientiam, qua non est vera, rerum æternarum, & eodem modo se semper habentium.* Corripitur etenim zelus per carnis voluptatem. Vnde idem qui supra. *Quid appetit voluptas corporis, nisi quietem, qua non est vera, nisi ubi nulla est indigentia, nulla corruptio?* Velle igitur scire, quæ semper variantur, & nunquam in eodem statu permanent, aut velle in carne delectari, cuius egestati & infirmitati totus mundus satisfacere nequit, quid aliud est, quam à rectitudine decidere, infinitis questionibus se miscere, & à veræ quietis stabilitate velut à diuina similitudine in regionem dissimilitudinis miserè recedere? Hæc est ergo rectitudinis corruptio, corruptionis pœna, vana & misera conturbatio. Hinc enim est, quod frustra & miserè conturbatur homo, & pertransit in imagine. Rectè ait, pertransit, quia sola libertate contentus naturæ, veræ libertatis gloriam, quæ est liberum esse à peccato, contemnendo pertransit. Bene ait, frustra; quia non aliunde perturbatur homo, nisi quod per ignorantiam deceptus, vel appetendo quæ videntur bona, & non sunt vera bona, vel fugiendo mala, quæ non sunt vera mala; dum illa sequitur, & non assequitur; hæc fugit, & non effugit; in utroque vanè & miserè conturbatur. Hæc duo signatè videntur expressa in Canone Missæ, ubi dicimus, *Ut ope misericordiæ tue adiuti, & à peccato simus semper liberi, & ab omni perturbatione securi.* Ab hac gemina pœna & corruptione duplici homo ad rectitudinem reparatur, per illa duo quæ prædiximus, esuriem scilicet iustitiæ, & misericordiæ executionem. Per hæc enim ad munditiam cordis, & ad prædictæ pacis portum ascenditur, ubi & si homo turbari aliquando videatur, perturbatione

Psal. 50.

Rom. 8.

Eccle. 7.

Psal. 81.

Vnde perturbatur homo.

Rom. 8.
Ibidem.

Luc. 10.

Ioan. 15.

Mat. 25.

Deus est ignis : & is qui adheret ei ignis.

Mat. 6.

Mat. 19.

Gaudium
spei panis filiorum.

Prov. 10.

tamen non frangitur, iuxta illud Apostoli. *Quis nos separabit à charitate Christi?* Et illud *Certum sum, quia neque mors, neque vita, & cetera quæ sequuntur, poterunt separare nos à Charitate Christi.* Hæc est pax illa, quæ exuperat omnem sensum, quæ non est aliud quam fructio summi boni, quæ est vera rectitudo, vera sapientia, vera bonitas. Quisquis ad hanc pacem peruenit, optimam cum Maria partem eligens, iam circa plurima occupari refugit: nec iam libet se diuersis questionibus immiscere, quem vni summo bono delectat adherere. Amicorum est istud, quibus dicitur. *Omnia quaecumque audiuimus à patre meo, nota feci vobis.* Et illud. *Quia super paucos fuisti fidelis, supra multa te constituam: intra in gaudium domini tui.* Ignis quippe est Deus, cui quisquis per charitatem adheret, ignis & ipse efficitur; nec solum illi simillimus, sed in igneam absorptus charitatem. *Beati igitur pacifici, quoniam filij Dei vocabuntur, & amici de filiis efficientur.* Hæc ad tempus dicta sufficiant, pro testimonio, quod Pater, Verbum, & Spiritus Sanctus dant in cælo, secundum tres proprios effectus operantes, nec ab unitatis simplicitate in aliquo recedentes. Iam de testimonio, quod in aureo amicorum reclinatorio, velut in secundo cælo datur, quibus iam non in parabolis, sed palam de Patre à Verbo annuntiatur; aliqua dicenda essent, nisi quia tantam materiam angustiis huius sermonis indignum est concludi: nec ieiunij relinquendi sunt filijs, quibus nondum suum assignauimus panem, cum trinum ministris dederimus, & filiorum tepidior & delectabilior debeat esse. Vnde Dominus, non esse tollendum panem filiorum, & mittendum canibus, aiebat. In quo forte panem ministrorum non esse negandum canibus, innuebat. Vnde & verbum mulierculæ approbauit dicentis, catellos edere de micis, quæ cadunt de mensa dominorum suorum. Utinam & nos de filiorum mensa vel micas mereamur percipere, si panes integros ad plenum non sufficimus assignare. Paruuli enim sumus, & panes integros non solum frangere non sufficimus: sed & frangi ab alijs indigemus. Verum, si benedixerit Dominus & frugerit, benedictio exploder egestatem; & omnem tollet fractio difficultatis asperitatem. Rogemus igitur patrem nostrum cælestem, ut det filiis suis spiritum bonum, qui clamet, Abba pater, & quod filij sumus Dei, testimonium reddat spiritui nostro. Ex tali testimonio conscientia gloriatur, oleum in vasis dilatatur, anima in spe gloriæ filiorum Dei gaudio ineffabili delectatur, & forte illud gaudium panis est filiorum. Ad conficiendum hunc panem de seminibus, quæ ministri euntes & stantes in terram bonam miserunt, filij cum exultatione manipulos suos tollunt; & de patientia fidei & spei gaudium colligunt; spe gaudentes, quia in tribulatione fuerunt patientes. Hoc igitur gaudium, quod velut quædam primitiæ spiritus, spei ut fiducialius agat, per Spiritum sanctum refunditur, panis est filiorum: quia expectatio iustorum lætitiæ. Sed nec à numero testimoniorum discrepat numerus panum, quia quodlibet spiritus diuini testimonium causa est humano spiritui & materia gaudiorum, Nec aliunde suos Dominus gaudere volebat, cum di-

Episcopus Albanensis.

ceret, *In hoc nolite gaudere, quod demoni verbis subiunguntur: sed in eo gaudere, quia nomina vestra scripta sunt in cælo.* Quod non nisi ex testimonio spiritus sciri potest. Sit igitur primum filiorum panis gaudium de contemptu mundi; primum liquidem testimonium spiritus assignamus castitatem. Est autem vera castitas animæ, nihil diligere, nisi Deum, aut propter Deum. Alia quæuis dilectio spiritualis est animæ fornicatio. Hæc castitas datur ad meritum, & est haud dubium testimonium virtutis. Gaudium igitur quod de tali testimonio oritur, non immerito panem dixerim, panem cor hominis confirmantem, Alioqui suspecta est omnis gratia, quam virtus non parturiuit. Secundus est panis filiorum gaudium de contemptu sui. Cum enim quis contemni se videt quia vere contemptibilem se cognoscit, congaudet veritati: quid tali gaudio solidius, quid magis corroborat animum, ut dum iam per contemptum mundi aspernatur dura, etiam per contemptum sui amplectatur abiecta? Hoc pane corroborati erant Apostoli; cum dicerent, *Gaudentes à conspectu Concilij, quod digni habiti essent, Pro nomine Iesu contumeliam pati.* Tertium filiorum panem dicamus gaudium de dilectione proximi. Quandiu enim quis necdum accedit ad cor altum, non sufficit Deum diligere in seipso. Si tamē perfecte diligit eum in proximo, non minus de eius quam de proprio gaudet bono, & tot inuenit causas gaudendi, quot de proximorum successibus occasiones occurrunt congaudendi. Quid hoc pane fortius, ad cuius suauissimum gustum inuidiæ stimuli sopiuntur, iræ & indignationis æstus conualescunt, edacis tristitiæ & suspicionum morsus consumuntur? Hunc panem subtractum sibi Propheta deplorabat, cum diceret. *Percussus sum ut fenum, & aruit cor meum, quia oblitus sum comedere panem meum.* His, panibus anima confortata iam in spe gloriæ filiorum Dei, cum quadam rei certitudine delectatur, non iam fidei aut spei finibus contenta, sed testimonio conscientie confirmata, ut merito possit dicere cum Paulo. *Gloria nostra hæc est, testimonium conscientie nostræ.* Hoc autem testimonio spes subnixæ minime confundit, maxime cum tale testimoniū fulcitur meritis prædictorum operum, donis prædictarum virtutum, præmijs prædictarum consolationum, quibus pater misericordiarum & Deus totius consolationis pascit & consolatur filios in omni tribulatione sua. Ipse igitur semper Alpha & Omega sit nostri sermonis, qui initium est & finis vniuersorum, & sine initio & fine permanet in sæcula sæculorum Amen.

Tractatus 3. De Testimonio quod S. Trinitas perhibet amicis: qui hic distinguuntur à filiis, & ministris.

Sumpta occasione ex eo quod filij Chores pſalmus cantici attribuitur, inuenimus in magni Patris familias domo non solum filios esse, sed ministros etiam & amicos: & sicut filij pſalmum cantici, sic ministris pſalmum

Luc. 10.

Castitas animæ quæ.

Act. 5.

Pſal. 105.

2. Cor. 1.

2. Tessa. 3.
Prov. 19.

Amici Dei
qui à servis.
& filijs dis-
ferant.

2. Cor. 3.

Joan. 16.

Mat. 11.

Joan. 14.

Psal. 37.

Bern. 3.

Joan. 15.

Amici Dei
sunt secun-
dum cœlum

Sap. 4.

diximus assignandum. Sed & si canticum psalmi a amicis assignauerimus, non erit abs re, cum fuerit huius distinctionis ratio intellecta. Psalmus quippe cantici illis competit, qui ad hoc operantur, ut ad canticum gaudij spiritualis perveniant, timentes illam Apostoli comminationem. *Qui non laborat non manducet.* Et illud Salomonis, *Pigredo immittit soporem; & anima dissoluta esuriet.* Sic & canticum psalmi illis videtur competere, qui de perceptis beneficijs spiritualium gaudiorum gratias exhibentes, quid retribuât Domino aliud non inveniunt, nisi ut calicem salutaris accipiant: & sicut Christi passiones abundant in eis, sic & consolatio per Christum in eis spiritualis abundet. Hoc specialiter amicorum esse cognoscitur: qui iam non ex timore pœnæ sicut ministri; nec ex spe paternæ hereditatis, sicut filij, sed ex sola charitate, delibuti vñctione spiritus, operantur. De his aliqua dicere instituimus; ne eorum qui præcipui sunt in civitate Domini, & secundi cœli locum obtinent testimonium præterisse non immerito arguamur. In his igitur Pater, Verbum, & Spiritus, testimonium luce clarius ferunt, ut iam reuelata facie Domini gloriam speculentur, transformati in eandem imaginem à claritate in claritatem, tanquam à Domini spiritu. His Apostoli verbis manifeste expressum est testimonium Trinitatis. Vbi enim ait, *à claritate in claritatem*, illud videtur innuere, quod promissum legitur à Domino. *Venit hora, cum iam non in proverbis loquar vobis; sed palam de Patre annuntiabo vobis.* Quid est enim aliud, Filium palam annuntiare de Patre, quam de claritate Verbi ad Patris claritatem accedere? Vnde scriptum est. *Nemo novit Patrem nisi Filius, & cui voluerit Filius revelare.* Sed hanc revelationem Filius facit per Spiritum, quem mittit nobis à patre. Vnde additur, *Tamquam à Domini spiritu*, ut tota Trinitas huius testimonij revelationem operari in nobis ostendatur. Hoc testimonium aliud esse non arbitror, quam illum Trinitatis aduentum, qui amicis promittitur in hunc modum. *Si quis diligit me, sermonem meum servabit.* &c. Quid tali testimonio firmitus, cum Pater adveniens animam infirmam potenter corroborat: Filius insipientem sapienter illuminat: Spiritus sanctus tepidam vehementer inflammat? Hoc testimonium sibi subtractum deplorabat propheta, cum diceret: *Dereliquit me virtus mea, & lumen oculorum meorum & ipsum non est mecum.* Ad hoc nos invitare videtur sapientia, vbi ait: *Disce ubi sit sapientia, ubi virtus, ubi lumen oculorum, & pax.* Amici specialiter est tale testimonium, qui iam rectus stare in amore inuisibilium cum sponso sufficit, & de voce sponsi inæstimabili gaudio concepto, ex familiaritate secretioris affatus certior efficitur, se inter amicos à sponso reputari, secundum illud. *Vos autem dixi amicos: quia omnia quaecunque audivi à Patre meo, nota feci vobis.* Recte tales secundum dixerim cœlum, nam tertium carissimorum potius esse videtur. Carissimi autem merito intelliguntur, qui iam exuti à corpore, rapti sunt à Domino, ne malitia mutaret intellectum eorum, aut ne fictio deciperet animam ipsorum: & educti de medio iniquitatum iam feliciter experiuntur,

quanta Dei gratia & misericordia sit in sanctos eius, & respectus in electos illius. Talibus dicitur. *Inebriamini carissimis.* Ebrietas enim est, quod sentiunt, in comparisonem illius oblationis, qua fruuntur amici. Vnde & Paulus, qui inter præcipuos reputatus est amicos, cum ad tertium carissimorum cœlum raptus fuit, verba se audisse ineffabilia, quæ homini loqui non licet, protestatur. Mensuram quippe humanæ sobrietatis, quæ homo capere non potest, excedere comprobantur. Vnde & Paulus raptum se potius asserit divina miseratione, quam humana ductum ratione. Huius tertij cœli incolæ testimonio nullo egent, qui nude uniuersa & aperte vident. Eis siquidem fides iam transit in speciem; nec iam creditur vel speratur, quod in re & veritate percipitur. In præfenti autem vita, quandiu per fidem ambulatur, necessarium est etiam amicis testimonium, vbi & ignorantia & dubietas locum habet. Ignorantia autem, testimonij pellitur dilucidatione: dubietas, testium tollitur autoritate. Habent igitur amici testimonium diuinæ dilectionis ipsam præsentiam Trinitatis. Nam filiorum testimonium varia sunt Dei dona virtutū & gratiarū, quæ enumerans Apostolus ait. *Divisiones gratiarum sunt: idem autem Deus, qui operatur omnia in omnibus. Alij enim datur sermo sapientia, alij sermo scientia, alij operationes virtutum, & cetera, quæ sequuntur.* Ex his Dei donis testimonium à Spiritu sancto accipiunt suæ filiationis. Ex his enim arthijs & primitijs spiritus confidenter iam de paternæ hereditatis perceptione præsumunt. Qui autem tam varia operatur in filiis, se ipsum vnum & eundem, & in se cetera omnia exhibet amicis: secundum quod eis in Evangelio ab eo promittitur, vbi dicitur, *Et manifestabo ei me ipsum.* Felix manifestatio, vbi Trinitas in unitate, & unitas in Trinitate cognoscitur: vbi trinus effectus Trinitatis in vna operatione percipitur: & vna operatio Trinitatis trini effectus testimonio comprobatur. Hoc testimonio homo subleuatur ad summa, rapitur ad diuina, in cœlum ipse, vel quod maius est, Deus & cœli Dominus efficitur, secundum illud, *Ego dixi, Dyestis.* Quid hoc testimonio beatius, quod sit, ut iam in imis nil libeat: sed nec in cœlis, præter cœli Dominum nihil sufficiat, secundum illud propheta, *Quid mihi est in cœlo; & à te quid volui super terram? Tibi dixit cor meum, exquisiuit te facies mea; faciem tuam, Domine, requiram.* Et illud. *Vnam peti à Domino, hanc requiram.* Ecce vnum petendo, vnum querendo & sitiendo, vnus spiritus cum Deo factus propheta illud feliciter meruit experiri, quod Dominus in Evangelio Patrem pro suis orauit dicens, *Ut sicut vnum sumus, ita & ipsi in nobis vnum sint.* Hoc testimonio raptim & alternatim in suo cœlo reficiuntur amici, quo in suo cœlo plenissime carissimi satiatur. De qua satietate Propheta Ierusalem cœlestem alloquens, ait. *Qui posuit fines tuos pacem, & ad se frumenti satiat te.* Fines siquidem pacem habet, quæ pacem obtinet sine fine. Nam finis ibi finem non habet, vbi finis æternitas est. Pax igitur supernæ Ierusalem, quia sine fine est, vicissitudine caret, continuatione gaudet. E contrario in præfente vita, in qua tenetur

animus ad prouidendum suo corpori, exterius exire; cum de cura tot necessitatum, velut de quadam sollicitudinum via ad se redit, vix apud se homo quid ei apponat, inuenit. Vnde & pulsare importune ad ostium amici compellitur, & vix tandem tres panes accipere vel commodatos meretur. Vbi diligenter aduertendum est, quod commodatio vicissitudinem inducit: quod enim commodatur, ad tempus vtendū conceditur, non ad permanendū datur Continuatio igitur in patria, vicissitudo in via. Nec ea sola, sed eā comitatur indigentia, quam probat petitio tam instans, importuna. Ad cumulum autem mali additur etiam panū partitio, quæ trina ipsorum distinctionem, & scissionem probat, & imperfectionem. Supernā verò Ierusalem neutrum habere probatur, quæ adipe frumenti satiatur. Ibi quippe adeps frumenti corticis prohibet transmutationem, puritatis innuit perfectionem. Satietas indigentiam omnem excludit: ita quod nec satietas parit fastidium, nec vlla indigentia ibi habet locum: sed indigentiam extrudit plenitudo: & fastidium totius saporis pellitur delecta mēto. Sed nec scissuta ibi aliqua inuenitur, vbi post septimum præsentis vitæ septenariū ad illam monadem peruenitur, quæ summē & incommutabiliter vna, nec transmutationem nec vicissitudinis recipit obumbrationē. Quāto autem ad illud summe vnum proximius acceditur, tanto omnis vicissitudo, omnis indigentia, omnis transmutatio alterationis & diuisionis longius remouetur. Hic seruus pulsare, filius petere, & amicus panem suū quærere cōpellitur. Bene autem seruo pulsare congruit, cui instanter operi manuum incumbere conditio seruitutis indicit, secundum illud Salomonis. *Cibaria & virga & onus asino: panis & disciplina & opus seruo.* Filio petere conuenit, orando Patrem, qui indignum iudicat tollere panem filiorum. & mittere canibus. Sed nec petenti filio panem lapidem dare, nec pro pisce serpentem, nec pro ouo porrigere scorpionem consuevit. Scit enim pater cælestis, necessarium esse filio ouum humilitatis, de quo oritur pullus obedientiæ & subiectionis: ne à scorpione superbiæ vel vanis promissionibus, vel facie blanda, vel præmisso ambizioso apparatu deceptus, vel minis & terroribus, velut armatis posterioribus fractus superetur. Scit etiam necessarium esse ei piscem castitatis, cui frigora & vndæ tentationis non noceant: ne serpens ille lubricus, cuius fortitudo in lumbis, & virtus est in vmbilico ventris, venenū carnalis voluptatis infundat. Sed & pane charitatis scit eum carere non posse, ne vel deficiat vel per auaritiam indurat⁹, arido & duro corde permaneat: quia oblit⁹ est cōedere panē suū. Hunc panem amicus quærit & inuenit. Nam licet pulsare & petere aliquando & ipse cogatur, quærere tamen & inuenire amici est proprium, qui de amore accepta fiducia, occultandum nihil quod quærat ab amico confidit Hoc enim ipse Dominus in amoris argumentum induxit, vbi ait. *Vos autem dixi amicos: quia omnia quacunque audini à Patre meo, nō raseci vobis.* Sed nec ea quæ audiuit à Patr, sufficit ei note facere amico: sed & sui ipsius visionem promittit dicens. *Diligam eum, & manifestabo ei meipsum.* Speciale igitur testi-

monium dilectionis, visio dilectoris. Et hanc visionem panem dixerim amicorum, quibus nihil iam sapit, præter dilectum; quibus viuere Christus est, & mori lucrum. Sed quia hæc visio tripliciter variatur, etiam hunc panem tripliciter diximus distinguendum. Primus percipitur & gustatur mentis dilatatione; secundus mentis subleuatione, tertius alienatione. Dilatatio solito latius, quia supra propriam scientiam se extendit, sed humanæ industriæ mensuram non excedit: subleuatio transcendit, à sensibus timor penitus non recedit: alienatione verò præsentium memoria menti excidit, & spiritus humanus quantum in præsentī vita fas est, totus in dilectum transit. Sed quia etiam circa inuisibiles & creatas essentias solet humanus animus contemplan- do dilatari, subleuari, siue etiam alienari; illam solam contemplationem panem dicimus amicorum, quæ in amore & cognitione summæ & creatricis essentia dilatatur & subleuatur animus supra mensuram propriæ conscientia, propriæque industriæ; vel etiam supra totius humanæ naturæ industriæque modum alienatur. Quod quia solis amicis conceditur, recte ad hoc conuiuium amicus inuitatur, cum dicitur. *Surge prope amica mea, columba mea, formosa mea, & veni.* Illa inquam anima, quam candor castitatis formosam, quam gemitus humilitatis columbam, quam fecit vehementia charitatis amicam, vt à contemplatione totius visibilis & inuisibilis creature ad increatæ & inuisibilis essentia visionem assurgat & properet, excitatur. Et quæ iam in illis tribus virtutibus perfecta est, in solo virtutum Domino gloriatur, nō solum edocta per prophetam, sed & cum ipso propheta audiens & intelligens, quoniam Dominus virtutum ipse est rex gloriæ. In eo inquam solo gloriandum, à quo omne datum optimū, à quo omnia bona data, dona naturæ; à quo data meliora, charismata gratiæ; quæ enumerans apostolus ait, *Alij datur sermo sapientia, alij sermo scientia, &c.* à quo denique data optima, virtutes scilicet venturi sæculi, quas etiam in præsentī sæculo gustari ait Apostolus, eo quod in præsentī sæculo exercentur in actu, gustantur in affectu, in futuro sæculo in solo erunt affectu & interminabili possidebuntur effectu. Eas interim actu feruentissimo exercere studeamus, & affectu degustare ardentissime desideremus: vt licet hic saturari non possimus, esurire saltem & sitire non desistamus. Esuriendo forte & sitiendo facilius quā scrutando vel disputando illius præsentiam merebimur, qui satiari in bonis amici desiderium consuevit: & cuius præsentia letitia ad implere, & gloria cū apparuerit, amicū nouit signare. Amicum siquidem cui apparet similem sibi reddi, & amatorem, imò imitorem facit virtutum, dominus ipse virtutum; vt sine saltem similes, qui pares esse non possunt: & sponsa quæ sponso nequit æquiparari, intuendo & imitando studeat ei saltem assimilari, & fiat adolescentulis forma virtutum, quæ iā per amorem desponsari meruit Domino virtutum. Talis anima non suas, sed dilecti prædicat virtutes; nec iam de se vel in se, sed de dilecto & in dilecto gloriatur dicens. *Dilectus meus candidus & rubicundus, electus ex millibus.*

Visio Dei
est panis a-
micorum.

Cant. 2.

1. Cor. 12.

Cant. 5.

Eccli. 33.

Humilitas,
Castitas, &
Charitas
necessaria.

1. Cor. 12.

1. Cor. 14.

Ac si dicat. Quidquid candoris habeo, ab eo est, qui solus est vere candidus, imò qui verus est candor; candor inquam lucis æternæ, qui quos illuminat, non solum candidos reddit actu, sed & lucidos intellectu. Sed quæ comparatio inter candidum & candorem? Non alia quàm quæ inter illuminationem & lucem, riuulum & fontem. Vnde & rectè dicitur, quod vestimentorum eius candorem fullo super terram imitari non possit. Sed etsi rubicunda videor, non mihi impetetur, sed ei, cuius sanguis ornauit genas meas: qui non solum rubet per charitatem, sed & rubor, imò ignis est. Ignis vngens, non consumens: qui quos leni attritu labuerit, ardere & ipsos facit extrâ per opera pietatis, intus affectu compassionis, vel quod suauius est, flamma deuotionis. Vnde etsi candida vobis videor castitate, si rubicunda charitate; totum me habere sentio & profiteor à dilecto, imò ab electo, quem diligendum elegi ex millibus, imò præ millibus: præ omnibus scilicet, quæ numero complectuntur. Ipse enim supra numerum est, omnia creans in numero, pondere, & mensura: suæ autem sapientiæ non est numerus, & magnitudinis eius non est finis. Hunc elegi, hunc dilexi: & *enerunt mihi omnia bona pariter cum eo*, imò ab eo. Ab eo mihi lilium castitatis, ab eo rosa charitatis, ab eo mihi viola humilitatis. Tales flores mihi hortus ipse produxit, ipse mihi hortulanus decerpit, legendos & eligendos ostendit. Primò autem violam docuit eligendam, primam eligens eam & ipse: vt scilicet in ruina hominis prima fuerat superbia, ita in reparatione humilitas esset prima. Ad salutem igitur hominum humilitatem eligens, merito à paucitate electorum humilis Iesus super numerositatem reproborum est electus. Electus ad imitandum, electus ad innitendum electus ad diligendum. Ad diligendum factus est nobis sapientia, ad imitandum factus est iustitia, sanctificatio & redemptio ad innitendum. Sapientia in prædicatione, iustitia in conuersatione, sanctificatio & redemptio in passione. Ad imitandum factus est via, veritas ad innitendum: quia iuxta Salomonem, non est innitendum mendacio; ad diligendum vita; quoniam *qui cum non diligit, morietur in morte*. Imitandum se omnibus præbuit per humilitatem, fulcimentum se quibusdam præbuit ad castitatem, dicens. *Sunt eunuchi, qui se castrauerunt propter regnum celorum; qui potest capere, capiat*. Ac si dicat; qui non potest, confidat de me, & poterit per me, quod non potest per se. *Nemo enim potest esse cominens, nisi Deus det*. Diligendum se præ omnibus docuit dicens. *Qui diligit patrem suum aut matrem plura quam me, non est me dignus*. Et illud. *Dilige Dominum Deum tuum ex toto corde tuo, & ex tota mente tua, & ex totis viribus tuis*. In primo est dolor, in secundo labor, in tertio quies & finis laboris. Dolor confundit, labor affligit, amor innouat & immutat, & omnes præteritos labores in obliuionem adducit. Dolor siquidem confundit, quia cum primò anima ad imitandum Christi humilitatem per paupertatem, per patientiam, per obedientiam se accingit, vel naturæ infirmitate, vel naturæ vitio, vel prauæ consuetudinis usu præpedita, sepius ad iam abdicata etiam inuita relabitur.

Vnde & ad seipsam conuerbata dolens & confusa cum Apostolo rogatur exclamare. *Miser ego homo, quis me liberabit de corpore mortis huius?* Veruntamen dolor talis mortem non operatur, sed potius spem salutis inducit, spem quæ non confundit: quia non mentitur veritas, quæ dicit. *Tristitia vestra vertetur in gaudium*. Labor etiam affligit, quia cum diffusa de se soli dilecto inniti cæperit anima, iam propriæ infirmitatis oblita, supra humanam virtutem carnem affligere incipit, sciens quod carnis mortificatio viuificationem spiritus operatur, secundum illud dictum Apostoli. *Mortificatos quidem carne, viuificatos autem spiritum*. Denique quod amor innouet, & laborum sit finis quies, & remuneratio, amicus nouit, qui hanc tranquillitatis lætitiæ experiri feliciter consuevit. In hoc igitur portu amicus constitutus noua semper amici testimonia quærit, eis cum propheta delectatus plus quàm omnibus diuitiis. Vnde etiã non confunditur, cum in conspectu spirituali um regum de his testimonijs fieri contingit sermone. Amicus inquam, de testimonijs Dei sine confusione loqui potest, quem propria experientia ea quæ loquitur edocet, nec vita nec conscientia loquentem remordet. Hinc testimonia Dei credibilia facta sunt nimis; adeo vt alterius testimonio iam de se non credat, nec suo quidem, dicens cum Apostolo, *Nihil mihi conscius sum, sed non in hoc iustificatus sum. Qui autem iudicat me, Dominus est*. Sed nec ipsius Domini testimonijs omnibus se credit: sciens Dominum aliquos aliquando commendare propter alios, non propter seipsos. Vnde & quibusdam, quibus datus est sermo sapientiæ ad utilitatem, dicturis in finem, *Nonne in nomine tuo prophetauimus, & in nomine tuo virtutes multas fecimus*, respondurum se dicit, *Amen dico vobis, nescio vos*. Siue igitur detur amico sermo sapientiæ, siue sermo scientiæ, siue prophetia, siue genera linguarum: si reuelentur mysteria omnia, si detur etiam fides, quæ montes transferat; quomodo cumque amicus amico arridere videatur, non se talibus omnibus testimonijs credit, nisi testimonium sentiat charitatis. Hoc solum testimoniũ vox sponsi est, propter quam gaudio gaudet amicus, qui etsi ad vocem magistri, ad vocem domini, ad vocem fratris, ad vocem patris gaudet: gaudio tamen gaudet specialiter ad vocem sponsi. Vt pater enim monet, vt dominus comminatur & terret, vt magister docet, vt frater congaudet, sicut sponsus cohæret. Vt frater complexatur, vt sponsus cunnitur: in utroque suauitas, in utroque dilectio: sed inter fratrem & sororem germanior, inter sponsum & sponsam ardentior. Ibi copula naturæ, hic gratiæ. Et naturæ quidem conformior, sed suauior & potentior est gratiæ; ita vt relictis homo patre & matre adhæreat sponsæ suæ. Inter fratrem & sororem complexus est vnanimittatis, vnum velle & vnum nolle faciens inter duos: inter sponsum & sponsam cohærentia mutue permixtionis, per quã sponsa liquefacta tota transit in sponsum, & in eandem imaginem transformatur, vt sicut in carnali copula iam non sunt duo, sed vnacaro, ita in spirituali iam non duo, sed vnus spiritus sunt. Quam vnitatem non vnus tantum

Rom. 7.

Ioa. 16.

1. Petri. 3.

Psalm. 118.

1. Cor. 4.

Mat. 7.

Vox sponsi quidam sit.

cit consensu gemina voluntatis sed una per-
fructio & vnus effectus gemina dilectione
Licet enim laua fratris sub capite sis sororis
& eandem eius dextera complectatur, non
tamen ad singularem sponsi gratiam
nisi sponsa assurgit: nec gaudij gau-
det ad vocem sponsi, nisi vel sponsa, vel ami-
cus sponsi; sed nec amicus semper. Non enim
gaudium gaudij est ei, cum vox sponsi ad eum
dirigitur propter sponsam: sed tunc solum
gaudio gaudet; cum ad eum dirigitur, sicut
ad propriam sponsam. Amicus enim est, cum
sponsa procurat profectus; sponsa, cum soli
sponsi vacans, omnes suos colligit & in spō-
sum tendit affectus; illud vnum desiderans,
illud vnum in spōso requirens, vt ostendat
ei seipsum, Hæc de testimonijs diuinis dicen-
da credidi, antequam ad fundamentorū tra-
ctatum accederem: vt ex talibus testimonijs
facile quisque cognoscat, quem vel statū ha-
beat, vel gradum teneat in ciuitate Domini
virtutum. Quod si inter ministros se inuenit,
studeat inter filios computari: nam etiam *De
lapidibus potens est Dominus Abrahæ filios susci-
rare*. Si autem ad filiorum se gradum perue-
nisse, per Spiritum clamantem, *Abba pater*,
cognoscit, etiam ad amicorum ascendere præ-
rogatiuam contendat, vt sic supra firmā pe-
tram fundatus, soliditatem fundamentorum
ciuitatis potius in seipso, quam in nostris api-
cibus legat, Non enim amicos qui magistrum
habent vñctionem docere intendimus: qui
vtinam vel ministris tale aliquid ministrare
possimus, vt vel ministrorum nomine in ciui-
tate Domini digni simus. Ad ipsam igitur ci-
uitatem iam propius accedentes, non tam fun-
damenta locare, quam ab ipso domino virtu-
tum locata perscrutari diligentius studeamus.
Ipse autem semper Alpha & O, sit nostri ser-
monis, qui vniuersorū initiū est & finis, & sine
initio & fine permanet in sæcula sæculorum.

Tractatus 4. De Fundamento Ciuitatis Dei.

Psal. 86.

Ioan. 8.

Psal. 47.

Fundamenta eius in montibus sanctis. Multi
Reges & prophete voluerunt videre quæ
nos videmus, & non viderunt: & audire quæ
nos audimus & non audierunt. Quidam
autem concupierunt videre, sicut dicit Domi-
nus de Abraham: viderunt & gausi sunt. Ex
his David fuisse credendus est: qui de seipso
protestatur in psalmo dicens. *Sicut audiuimus,
sic vidimus in ciuitate Dei nostri: Deus fundavit
eam in æternum*. Vnde volens ea quæ viderat
in eadē ciuitate presentibus & futuris fideliter
cōmunicare, eam ab ipso fundamento inci-
pit describere dicens. *Fundamenta eius in mon-
tibus sanctis*. Eius dicit, quam videbat in spiritu
interius, ad differentiam illius quæ palam vi-
detur exterius. Dux enim sunt ciuitates, vna
Dei, altera diaboli: vna spiritualis, altera
carnalis. Vtriusque fundamenta in montibus.
Carnalis ciuitatis fundamenta in montibus
Gelboe, vbi nec ros nec pluuia; in montibus
aquilonis: spiritualis in sanctis, in calidis mō-
tibus; vbi ros Hermon, vbi mandauit Domi-
nus benedictionem & vitam. In sita est ciuitas
quæ vergit ad austrum, quo flante fluunt aro-
mata illius. De his legitur in Isaia Propheta.
Exit in novissimis diebus praparatus mons domus

Isa. 2.

*Domus in vertice montium, & eleuabitur super
collas, & fluens ad eum agnēs gentes*. Quareu-
dum est quicquid quis sit hic mons, & in quo-
rum montium vertice praparatus. Mons iste
Christus est, mons Dei, mons pinguis. Patri-
archæ & Prophete montes sunt prapatorii
huius montis. Sed & colles super eodē mon-
tes monti huic sunt collaterales, sup quos mōs
iste iam incomparabiliter cernitur eleuatus.
Hos merito dixerim Mariam & Ioseph, quos
quandō ei coniunctiores, tantō fuisse constat
eminentiores. Libet intueri quindam quasi ci-
uitatem nouam recentemque fundatam in vna
domo, Mariam & Ioseph, & infantem positū
in prapatio. Numquid non hi videntur iam
tibi dicere, *Montes excelsi cernis praparamur*:
filij Dei sumus, sed nondum apparet, quid exi-
mus? Apparent fundamenta; nondū turre &
mœnia. Sed quia potissima pars cuiusque rei
principium esse solet, scrutanda sunt diligen-
tius fundamenta: quia ex eis fortē melius co-
gnosceretur, quanta surgere debeat ædificiorum
structura. Sanē in paruulo Iesu fundamenta
video humilitatis, in Maria castitatis, in Io-
seph nutritio & procuratore eorum perfecti-
onem inuenio charitatis. Hæc sunt Domini
virtutum ciuitatis pretiosissima fundamenta,
& firmissima; super quæ omnis ædificatio cō-
structa crescit in templū sanctum in Domino.
Licet autem prælatiter dicantur fundamenta,
vnum tamen est fundamentū Christi, de cuius
plenitudine omnes accipiūt, & quæ diuisi alij
habent per gratiam, ipse totaliter obinet per
naturā. Ipse n. qui homo nat⁹ in terris fundamē-
tū fact⁹ est & forma humilitatis, ipse in cœlis in
sua diuinitate consistens Angelis lumen, est &
pabulum veritatis. Ipse qui nō solum in se sed
& in matre formā pretendit castitatis, ipse in
sua natura æternitas est incommutabilis. Ipse cu-
ius benignitas & humanitas nobis est in nati-
uitate exhibita: & primō ei à Ioseph deuoti-
ssimē rodibita, ipse est æterna ac vera
charitas cara & vera æternitas, æterna & cara
veritas, O Domine quanta fuit illa charitas,
vt per humilitatē fundamēntū fieres in ciuitate
hominum, qui per charitatem confirmasti
ordines Angelorum. Quanta est virtus istius
fundamenti, quæ de veritate humilitatis per
vehiculum charitatis transfert hominem ad
requiē æternitatis. Ecce quantū per fundamē-
ti meritum excrescit omnis ædificatio con-
structa super ipsum. Sic sic de spiritu timoris
peruenitur ad spiritum sapientiæ: sic lapis ab-
cissus sine manibus, id est non humana opera
vel industria, sed sola diuina gratia timor do-
mini homini inspiratus statuā superbæ & va-
nitatis comminuit & euertit, & in montē per-
fectionis excrescit. Quandō enim crescit humi-
litas, tanto amplius deficit vanitas, & euertitur
statua Babilonis, statua Babilonicæ ciuitatis.
Habet namque & ipsa sua fundamenta nostræ
ciuitatis fundamentis opposita. Nam sicut ini-
tium sapientiæ timor Domini, sic initiū om-
nis peccati superbia; pœna vero superbæ lu-
xuria & auaritia. Iuste enim totū amittit, quis-
quis extra suum bonum volens in aliquo dele-
ctari, partem à toto quantum in se est, præci-
dit, cum quodlibet bonum minus in se, quam
in suo toto sit. Per superbiam igitur homo bo-
num suum quod factus est deserens, per luxu-

Christus
mons &
super alijs.
praparius.

Psal. 107.

Fundamen-
ta Ciuitatis
Dei.

nam seipsum rebellem & contrarium experitur, per avaritiam contra vel fugientia cum labore insequitur, vel infatus cum timore & anxietate tuctur. Per superbiam Deo, per luxuriam sibi, per avaritiam proximo aduersatur. Hæc sunt fundamenta civitatis terrena, quæ in ipso paradiso, in protoplastis & serpente velut in quibusdam terrenis montibus cæta reperiuntur. In serpente notatur superbia, ubi ad amorem propriæ excellentiæ proditor dicens, *Eritis sicut Dy, scientes bonum & malum*. In muliere voluptas carnalis concupiscentiæ deprehenditur, ubi legitur. *Videns quid pñl chrum esset lignum visu, & ad vescendum suauis, tulit de fructu eius, & comedit*. Avaritia specialiter in Adam demonstratur, ubi ad operandum tetram, etiam in vultus sui sudore condemnatur. Ecce hæc in radice occultè latuerunt: sed late nimis & potenter in ramis postea pullularunt, Inde in Cain fratricidium ex superbia: per quam gratia in & gloriam minori se natu à Deo exhibitam odinendo inuidit. Inde in eodem vagatio ex carnis concupiscentia, quia hominem, quem luxuria sibi subiecerit, secundum Salomonem garrulum & vagum ac quietis impatientem facit, & ita ut nec in domo valeat consistere pedibus suis: sed nunc foris, nunc in pla. eis, nunc iuxta angulos insidiatur. Tandem profugum avaritiæ reddit: quia avarus dum omnem hominem suspectum habet, de nullo iā securè confidit; omnes timens & declinādo quodāmodo fugit. Ecce patet, quātum perniciosa hæc fundamenta in civitate terrena profecerint: tantum proculdudis, ut nec etiā potuerint aboleri. Non longè enim post diluvium Chus filius Cham genuit Nemrod, qui cæpit potens esse in terra: a quo exiit puerbū, *Quasi Nemrod robustus venator corā Domino*. Huius regni principium Babilon, ubi propter turrim superbæ confusum est labium vniuersæ terræ. Merito autem peccatū superbiæ punitum est in sermone: quia præcipuè in verbis superbia deprehenditur, secundum illud Iacobi. *Lingua modicum mēbrum magna exaltat: & modicus ignis magnā incendiū flūam*. Sed neque hac tanta pœna homines corrigi potuerunt: quin imò superbiæ addentes luxuriam, igne & sulphure in Sodomis terribiliter perierunt. Tandem verò in fine tertiæ ætatis tertia etiam pestis, scilicet avaritia, plagis illis famosissimis apud Ægyptum, pecorū & iumentorum morte, frugum & arborum vastatione punita, sed minimè sanata est. Vidēs igitur Dominus tres iam elapsas esse ætates, primam deletam, secundam debilitatam, tertiā flagellatam, nullam adhuc correctam, sed omnem cogitationem eorum in malum intentam esse omnitempore; non sicut prius ait, *Pœnitet me fecisse hominem, delebo hominem quem creavi, a facie terre*, sed reparabo, inquit, hominem quem creavi: requiram dragmā quam perdidī: ouem quæ perit ad gregem reportabo. Sed quia primus homo de terra terrenus, facile ad terrena confluxit: oportuit secundū de cælo cælestem fieri, qui quod vidit & audiuit attestando, homines faceret cælestes, & cælestia sapientes. Volens igitur Deus mysterium propositi sui, quod secundum Apostolū absconditum fuerat à sæculis & generationi-

bus, sanctis suis tempore sibi placito reuelare, cum civitatem cælestem in terris constructurus; quarta iam succedente ætate, quæ necessaria erant huic operi incæpit præparare. Debuit autem sapientia Dei, quod postea dictura erat per Salomonem, in sua ædificatione seruare, *Præpara scilicet foris opus tuum, & diligenter exerce agrum tuum, ut postea ædifices domum tuam*. Foris igitur, id est in Ægypto opus suum præparavit, & de Ægypto per mare rubrum miraculose transtulit in desertum, ubi multis tunctionibus lapides ipsos probans, & ex magna parte reprobans, quosdam quos dignos repetit, suo operi coaptavit. Ipsi sunt, quos Ioannes ex omni tribu filiorū Israël signatos vidit: sed alij signati sunt ad regni constitutionem, sicut & bus Iuda: alij ad sacerdotij informationem, ut tribus Levi, alij ad civitatis præparationem, sicut cæteræ tribus. In his igitur Deus quasi quoddam pulcherrimū carmen ex quibusdam velut antithetis constituit, nō sermonis pulchritudinem quarens, contraria contrarijs opponendo, sed quadam non verborum sed rerum eloquentia contrariorum oppositione suæ civitatis pulchritudinem componens. Primum siquidem sacerdotalem & iudicalem instituit potestatem; ut per utramque populus erudiretur & cogeretur ad humilitatis subiectionem. Per sacerdotalem namque potestatem docebatur Deo esse subditus: per iudicalem siue regalem homo homini cogebatur fieri subiectus. Potestas Sacerdotalis de cathedra Regalis doctrinæ comminando eum ad Dei reuerentiam incitabat. Iudicialis de tribunali, siue regia de throno terribiliter intonans tumorem & contumaciam populi tam prudenter quā fortiter comprimebat, Sed sicut populus ad spontaneam humilitatem per quādam iam integumenta induebatur & erudiebatur in deserto, quia ad coactam satis fuerat prius exercitatus in Ægypto, sic in Sacerdotalis dignitatis officio castitatis virtus quibusdam iam adumbrabatur figuris, & manifestis commendabatur præceptis. Tunc enim primò diuinum mandatum de castitate insonuit dicens, [Pontifex super cuius caput fustum est vnctionis oleum, virginem ducet uxorem, viduam & repudiatam & sordidam atque meretricem non accipiet, sed puellam de populo suo.] Et generaliter de Sacerdotibus. *Sancti erunt Deo suo, & non polluent nomen eius. Incensum enim Domini, & panes Dei sui offerunt, & ideo sanctificantur*. In eo quippe iam commendabatur virginitas, quod tantum virginem summus Sacerdos ducere iuebatur: & quæ virgo non esset, ei velut sordida negabatur. In eo autem iā castitas indicebatur, quod summus Sacerdos et si nō penitens ab vxore, à corrupta tamē arcebat, & quæ ab ipsa vxore abstinere, et si nō sepe, certis tamen temporibus iuebatur: & cum in vestimentis Pontificalibus, in fulgore auri, in splendore gemmarū, in multimoda colorū varietate cæteræ sint figuratæ virtutes, specialiter tamen castitatis candor in byssi est expressus nitore, qui & inter cætera videtur enitere. Iam vero in iudicali siue regia potestate quid magis quā charitas resurgebat, cuius officij erat, ius iuum cuique reddere vel seruare, seditiones populi vel comprimere vel

Prov. 24.

Levit. 2

Ibid.

Castitas in veteri lege indicata.

Manfuetu-
dinis excep-
tur Moyſe.

Exo. 32.

Exo. 18

Isa. 7.

Isa. 40.

sedare, populum ad hostium impetu defensare, ad bella primum procedere, & seipsum pro populo morti exponere. Sic Moyses primus illius populi dux & iudex, mitissimus omnium legitur extitisse. Et verè mitis, quia cum a populo sèpius ferè fuerit lapidatus, tanta tamen populi charitate flagrabat, ut cum ei a Domino diceretur, *Dimittè me, ut irascar populo huic, & faciam te in gentem magnam*, responderit. Si nò dimittis eis, dele me de libro quem scripsisti. Alibi quoque, cum populum sibi assistentem, quasi sui oblitus, à mane vsque ad vespèram iudicaret, quod ex nimia charitate populi faciebat, ex eadem charitate consulenti sibi Iethro & dicenti, *Stulto labore consumeris, tu & populus qui tecum est: ultra vires tuas est negotium, solus illud non poteris sustinere, Esto tu populo in his quæ pertinent ad Deum: elige autem de omni plebe viros potentes & timentes Deum, in quibus sit veritas & quæ oderint auaritiā: & constitue eos iudices populi*, humiliter acquieuit. Charitas enim quæ ante suadebat pro populo occupatione fatigari, eadem postea persuasit, vtilius esse populo, per plures citius & facilius expediri. Et bene Moyses, qui ex aqua dicitur, charitatem, Aaron, qui mons fortitudinis dicitur, castitatem designat. Charitas enim per illum diffunditur, de quo scriptum est. *Qui credit in me, flumina de ventre eius fluent aqua viva*: quod testatur Euangelista dictum de Spiritu, quem accepturi erant credentes. Mons autè est fortitudinis, qui virtute præminet castitatis. Vnde scriptum est. *Super montem excelsum ascende, tu qui euangelizas Sion*. Populus quoque qui fame & siti & omnimoda angustia aut vastitate eremi ad humilitatis subiectionem prouocabatur, merito Iudæorum, siue Iudæus dicitur, quod confitès interpretatur. Sic sic à Moyse vsque ad Dauid & à Dauid vsque ad transmigrationem Babylonis, à transmigratione vsque ad Christum, nò defuerunt in populo illo viri virtutum, qui virtutes prædictas vel signis præfigurauerunt, vel verbis prænuntiauerunt, vel suis docuerunt exemplis: quos si omnes enumerare vellemus, citius deficeret tempus, quàm eopia. Extant libri Iudicum, Regum, Paralipomenon. Daniel, Iudith, Esther, Machabæorum: quos si quis recensere voluerit, talibus plenos reperiēt. Sic illis tribus ætatibus cæteris quæ præcesserant, velut quadam infantia, pueritia, seu adolescentia, iam elapsis, & quasi obliuioni traditis, humano genere iam multiplicato, & roborato, ac capace rationis effecto, vidēs Deus plenitudinem temporis propinquare, quando missurus erat filium suum in similitudinē carnis peccati, tales montes, quales iam diximus, voluit præparare, super quos in nouissimis diebus mons domus Domini pararetur: ut super illum montem ciuitas de qua loquimur, fundaretur. Necesse enim erat, longè antè qualibet tâto operi necessaria præparare, ut cum veniret ipsius conditor ciuitatis, omnia in promptu haberentur, & iactis fundamentis structura tota sine tarditate aliqua incrementum acciperet, & absque vlla difficultate citius reciperet consummationem: sicque factum est. Nam cum ipsius ciuitatis needum fundamenta transcenderimus, imò nec ipsa adhuc plenè iecerimus: in ip-

lis tamen fundamentis tanta iam compareret perfectionis plenitudo, ut nihil ipsi ciuitati deesse possit videatur ad firmitatem, nihil ad decorem, nihil omnino ad commoditatem. Hæc enim præcipue attendi & considerari solent in omni ciuitatis constructione, & in omni constructura, à volentibus inhabitare requiri, & à transeuntibus commendari: scilicet quàm commoda sit, ad vtilitatem: quàm decora, ad iucunditatem: quàm munita, ad defensionem. Quæ quidem si in ciuitate Domini virtutum ipiritualitèr attendantur, quid inueniri potest fortius charitate? De ipsa quippe dicitur in Cantico. Canticorum, *Fortis est ut mors dilectio: dura sicut infernus emulatio. Et aqua multa non poterunt extinguere charitatem: nec flumina abrygere illam*. Vnde & Paulus certum se allerebat, quod neque mors, neque vitæ, neque instantia, neque, futura, neque Angeli, neque creatura alia, posset eum separare à charitate Christi, Ecce quàm fortis, quàm stabilis, imò quàm æterna: quæ, siue prophetæ euacuabuntur, siue scientia destruetur: ipsa non solum non excidit, sed consummatur. Ipsa quippe huius ciuitatis initium est & finis: & quæ in natiuitate Christi ciuitatis Christi inuenitur fundamentum, ipsa in Pentecoste eiusdem ciuitatis efficitur complementum. Quid verò pulchrius castitate, quæ in carne præter carnem viuentes homines cælestes facit: & eos qui per luxuriam aliquando iumentis insipientibus comparati computruerant in stercore suo, Angelis Dei in cælis similes facit, vbi iuxta Euangelium, neque nubant, neque nubuntur? Denique castitatis incorruptio sicut in libro Sapientie legitur, facit hominem proximum Deo, & participem sapientie, quæ candor est lucis æternæ, speculum sine macula, & emanatio claritatis omnipotentis Dei sincera, in quam nihil inquinatum incurrit. Merito proinde pulchra à Spiritu Sancto describitur sponsa, quæ casta est corpore: pulchra autem replicatur, quæ casta est & corde, vbi legitur. *Ecce tu pulchra es amica mea, ecce tu pulchra, oculi tui columbarum*. Et bene, vbi castitatis pulchritudo laudatur, oculi specialiter commendantur: quia corruptio prima sit castitatis in aspectu. Vnde & Dominus Euangelicam castitatis perfectionem Apostolis tradens, dicebat. *Audistis, quia dictum est antiquis: Non mæchaberis. Ego autem dico vobis: quia omnis qui viderit mulierem ad concupiscendum eam, iam mæchatus est eam in corde suo*. Oculi siquidem columbini non ad concupiscendum, non ad necedum aperiuntur: sed Spiritu Sancto illuminati & reuelari, assimilantur columbis super riuos aquarum, quæ lacte sunt lotæ, & resident iuxta fluentia plenitudinis. Talis etiam pulchritudo in Apostolis commendatur in Isaia Propheta, vbi legitur. *Qui sunt isti, qui ut nubes volant, & quasi columba ad fenestras suas?* Et apud Ieremiam. *Candidiores nix Nazaræ eim, nigriores lacte, rubicundiores ebore antiquo*.

7. 20

Cant. 8.

Charitate
nil fortius.

Castitatis
commenda-
tio.

Cant. 1.

Mat. 5.

Isa. 60.

Thren. 4.

O quantus est in oculis, columbae decor, quam Scriptura tanta laude prosequitur, uno quæ à Spiritu sancto tam mirè remuneratur. Ecce enim in nive candor gratiæ cœlestis, in lacte nitor industriæ gratiæ cooperantis, in ebore autem apparet rubor & perseverantia veritatis naturalis. Nix quæ de sursum venit, purum habet candorem. Lac carni non assimilatur, de qua quondam faculentiam trahens, plus ad terrenum nitorem, quam ad candorem cœlestem accedit. In terra enim quædam quæ naturaliter alben, industria artificis plus renitent, ut argentum per aurificem, vestis per fullonem. Unde & vestimenta Domini candida fuisse dicuntur sicut nix, qualia fullon non potest candida facere super terram. Ecce hic in nive candore & fullonis operatione manifestè exprimitur candor gratiæ, & nitor industriæ; quæ si vicissim sibi cooperentur, ut quantum gratia adiuuat industriam, tantum industria respondeat gratiæ, ad incredibilem citò pertingitur venustatis decorem. Quod si istis etiam naturæ bonum accesserit, nihil iam ad perfectionem deesse videtur, ut nec robur eburnei ossis, nec rubor pudoris, nec perseverantia vel gravitas desit antiquitatis. His de firmitate & decore civitatis Domini virtutum breviter prælibatis, ad considerandam iam eiusdem commoditatem accedamus; quam in civitate hominum homines hodie plus attendunt, libentius commoditatis utilitate etiam sine ceteris, quam eis sine commoditate contenti. Quid autem humilitate commodius, ad quam nos Dominus velut laborantes ad requiem, velut oneratos & pressos ad levamen, velut captivos & subiugatos ad sui iugi libertatem inuitat dicens, *Venite ad me omnes qui laboratis & onerati estis, & ego reficiam vos: Tollite iugum meum super vos; & discite à me, quia mitis sum & humilis corde, & invenietis requiem animabus vestris?* Humilitas enim velut quædam compendiosa commoditas famitæ, per quam devitatur obliquitas publicæ stratiæ, facile perducit ad requiem, citò pervenit ad quietem. Quid enim quietius, quam ex intima cordis humilitate velle potius vinci, quam vincere; ferre iniurias, quam inferre; præferre divitijs paupertatem, gloriæ ignominiam, quieti & delicijs carnis spineam dolorum & passionum coronam? Ecce quanta in humilitate commoditas, quanta suavitatis iucunditas; per quam facillimè prava mutantur in directa, & aspera in vias planas, Hæc de civitatis peregrinantis fundamentis dicta ad præsens possunt sufficere, ut ex his quilibet vestrum manifestè conijcere valeat, si in ea sit civis ascriptus, si huius civitatis sit maniceps; quantum etiam in ipsa civitate profecerit, si prædicta fundamenta in se iam iacta experiat, si iam sentiat altius excreuisse. Quis enim pæcto ad ipsam civitatem spectare se reputat, qui necdum pro peccatis suis confunditur & humiliatur, necdum ad penitentiae lamenta non solum recurrere non disponit, sed insuper peccata peccatis accumulatur, gloriatur, cum malè fecerit, & exultat in rebus pessimis? Quomodo inquam civitatis Domini civis esse vel credi vel dici potest: qui nec propositum quidem castitatis, nec vel primam radicem charitatis, quæ est

timor Domini adhuc attingere meruit? O quam verum, sed & quam miraculosum hodie in sermonem Domini experimur. *Multi vocati, pauci vero electi.* O quam metuendum est nobis, ne potius de multitudine sinus palearum, quam de paucitate granorum: ne potius sinus de illis, de quibus legitur, *inter multos eram tecum*, quam de quibus dicitur, *In populo grati laudabo te.* Scrutemur igitur vias nostras & studia nostra, & indagatione sollicita perquiramus prædictarum civitatum ad quam pertinemus; ad civitatem Domini, an diaboli; ad civitatem spiritualium, an ad civitatem carnalium: ad civitatem, ad quam via lata & spatiosa pervenitur; an ad quam angusta via attingitur, per quam pauci ingrediuntur. Illa siquidem, sicut legitur, est clamoris plena, urbs frequens, civitas exultans, sordibus nobilis, grandis interitui, civitas sanguinum, cuius futura est grandis pira. De hac legitur, *Oculi tui videbunt Ierusalem habitationem opulentam, tabernaculum quod nequaquam transferri poterit: neque auferentur clavi eius in sempiternum. Omnes funiculi eius non rumpentur: quia solummodo id est magnificus Dominus Deus noster, locus fluviorum, rivus latissimi & patentes: non transibit per eam navis remigum, neque trieris magna transgredietur ea. Dominus enim Iudex noster, Dominus Legis noster, Dominus Rex noster, ipse salvabit nos. Ligati sunt funiculi tui, sed non praevaldebunt. Si ceciderit malus tuus, ut dilatare signum non queas.* Quem non delectent tantæ promissiones? Quis tantorum gaudiorum particeps esse non concupiscat? Quis in civitate tam opulenta, tam stabili, tam libera, tam irrigua spatiosa, tam iustitiæ plena, tam salutifera, tam nominata, cuius ascribi toto desiderio non festinet: nec solum civis, sed magis civitas ipsi quilibet nostrum per toto cordis affectu requirat? Quod si forte alicui arduum nimis & difficile videatur, si fundamenta quæ proposuimus adipsi se posse desperet, & in vertice montium collocari: saltem ad montes præparatorios appropinquet, ut paulatim mons præparatorius ipse efficiatur. Montes siquidem præparatorios eosdem hodie in plebibus Christianorum esse, quos in populo Iudeorum a tuis antiquitus æstimamus. Ille namque populus ab ascensu montis Sinai arcebat, ad radicem autem montis accedere, & terminos à Moysi constitutos transgredi permittitur. Quid aliud in hoc præfiguratum credimus, nisi quod à Propheta postea prænuntiatur, & hodie in Christianorum plebibus cernimus adimpleri? *Eris inquit propheta, præparatus mons Domus Domini in vertice montium.* In his verbis manifestè videtur esse distinctum, quod à Moysi fuerat præsignatum, ut mons in vertice montium positus esse intelligatur, ad quem vulgus ascendere non sufficiat; ad montes autem, in quorum situs est vertice accedere ei liceat, & ipsi sint termini, quos transgredi non presumat. Montes hos inferiores civitatis in superiori monte ædificandæ præparatorios non incongruè ut arbitror interpretamur fidei, signum fidei, & reuerentiam signi. Hæc in Abraham patre fidei præcessisse Apostolus expressim asserit dicens. *Credidit Abraham Deo, & reputatum est ei ad iustitiam. & signum accepit Circumcisionis, ut sit pater omnium cre-*

Mar. 20.

Psal. 54.
v. 34.

Ga. 38.

Isa. 2.

Rom. 4.

Abraham
credentium
pater.

dentium. Rectè credentium patrem Abraham dicit Apostolus, in quo ea spiritaliter præcesserunt, quæ secuturis necessaria erant ad præparationem salutis. Ei siquidem in signū suæ fidei tradita est circumcisio, & à tota progenie sua cum tanta reuerentia & veneratione suscepta, ut quam Christiani per baptismum, eam & Iudæi per Circumcisionem salutem expectarent. Sed neque reuerentia signi sine eius susceptione, nec signi susceptio sine fide Iudæis profuit ad salutem. Nec Christianis baptismi veneratio absque eius perceptione, nec sacramenti perceptio sine fide, suam vel aliorum hodie salutem operatur. Bene igitur hæc tria salutis præparatoria dicimus: quæ licet bene operandi tempora non habentibus sufficiant ad salutem: habentibus tamen & bene operari nolentibus solam spem potiùs afferunt, quàm conferant rem salutis. Vbi enim ista præcesserint, iam velut quædam præparatorij montes apparent, quibus superædificari debeat ciuitas Domini virtutum, & fundamenta quæ apposuimus, in eis valeant collocari. Quædam enim videntur habere conuenientiam cum his montibus prædictis fundamenta: ut castitati fides, susceptio sacramenti humilitati, Christi reuerentiæ deuotio sacramenti respondere non incongruè videantur. Penè igitur etiam isti montes fundamenta dici possunt, sicut illa; sed hæc prima & inferiora, illa superiora & altiora sunt fundamenta: hæc incipientium, illa proficientium; hæc communia bonis & malis, illa specialia solis bonis. Super hæc qui ædificant ligna, fœnum, stipulam, ignem timere possunt tantò ardentiorum, quantò à fundamento longius recesserint: tantò autem tolerabiliorem, quantò ad fidei fundamentum per penitentiam propius accedendo redierint. Hæc pro illis dicta fiat, qui ciuitate modica Segor contenti, montis ardua non conscendunt: & cum populo Iudæorum terminos à Moysè constitutos transire non contendunt. Ad eos igitur qui prædictis fundamentis aurum, argentum, lapides pretiosos, superædificare nituntur, stylum vertentes, transgressis iam fundamentis muros & portas ipsius ciuitatis sollicita indagatione perscrutemur. Ad hoc enim finis versiculi, quem apposuimus, nos inuitat, ubi prædictis subinfertur, *Diligit Dominus portas Sion super omnia tabernacula Iacob.* Hæc autem sub alio sermone, quantum nobis Dominus dederit, differemus. Ipse autem semper Alpha & O sit nostri sermonis, qui vniuersum est initium & finis, & sine initio & sine permanet in sæcula sæculorum, Amen.

Tractatus 5. De portis ciuitatis Dei.

Volens Propheta Dauid, quæ in ciuitate Domini virtutum viderat, presentibus & futuris sine tabescente inuidia cōmunicare, cōmendatis fundamentis ipsius ciuitatis, ad describendas portas & exponendum nomen eius se transfert, ut ex his quæ prima frōte etiā extr a politis apparent, quanta sint, & quàm iucunda, quæ intus sunt, manifestius cognoscatur. Verùm primo loco dignum admiratione videtur, cum Propheta ciuitatis gloriam descripturus, nec portas, nec nomen, nec populum, nec principes, nec ipsa eius fundamē-

ta tacuerit, cur de muris nec mentionem quidem fecisse inueniatnr. Sed facilis est ad ista responso, Prophetā minimè muros præteruisse, quorum fundamenta & portas tam studiose voluit commendare. Vbi enim tam pretiosum sternitur fundamentum, pretiosissima speratur debere cōsurgere structura murorum. Priùs igitur quàm ad ciuitatis portas accedamus, quid de muris ipsius ait Propheta dixerit, audiamus. *Vrbs*, inquit *Prophetarū eximius Iaias, fortitudinis nostræ Sion Saluator, ponetur in ea murus & antemurale.* Quem alibi lapidem pretiosum in fundamento fundatum dicit, hic murum & ante murale eiùdem ciuitatis proponit. Ipse siquidem, qui est Alpha & O. principiū & finis, ipse ciuitatis suæ dedit vel fuit initium, & daturus est complementum. Ipse qui voluit esse caput corporis & fundamentum ciuitatis, ipse & in corpore distinxit & ordinauit membra, & in ciuitate varia munitionum & officiorum disposuit genera. Sicut enim in vno corpore multa sūt mēbra, omnia autē mēbra non eundē actum habent: & sicut in ipsis mēbris quædam sunt honestiora, quædam infirmiora, quibus & abundantiorum honorem circumdamus: ita in vna Domini ciuitate varia sunt municipia, diuersa & ministeria: cum tamen vnus sit dominus, vna fides, vnum baptisma: vnus spiritus, diuisiones gratiarum & administrationū & operationum multæ. Ipse enim Spiritus diuidens singulis, prout vult, alios quæc dedit Apostolos, alios Prophetas, alios Euāgelistas, alios autem Pastores & Doctores, ad consumptionem Sanctorum, in opus ministerij, in ædificationem corporis Christi, quod est ciuitas ipsa, de qua loquimur Sicut autem vnus spiritus diuersa in vno corpore membra viuificat, & viuificando compaginat: & sicut vno cemento multi lapides in vno conglutinantur muro: ita in ciuitate Christi vniuersæ ipsius ciuitatis partes vno Christi spiritu reguntur & muniuntur. Ipse enim qui in propria persona voluit suæ ciuitatis fieri fundamentum, ipse non solum in se, sed etiam in quibusdam mēbris suis voluit murus esse, in quibusdam antemurale: quædam velut turres firmissimas eminare: quædam velut partes speciosissimas inimicos arcere, ciuibz & amicis patere. Vnde in Canticis de sponsa dicitur. *Si murus est, edificemus super eum propugnacula argentea: si ostium est, compingamus illud tabulis cedrinis:* quod suo in loco postea melius exponetur. Interi quod cœpimus prosequentes, primò quomodo in seipso Christus ciuitatis suæ murus sit, & antemurale, deinde quomodo in suis membris, videamus. Si ergo diligenter aduertam⁹, murus non solum est ad munimentum, sed etiam ad prospectum, antemurale ad incitamentum. Incitantur enim ciues ad resistendum aduersarijs tantò ardentius, quantò securius habent vsque ad antemurale progressum. Sic Christ⁹ suæ ciuitati est ad munimentum, non solum per præsentiam diuinitatis, vel per infusionē gratiæ spiritualis, sed etiam per meritū passionis: ad prospectum per doctrinam Euangelicæ prædicationis: ad incitamentum per exemplam communis conuersationis, Quem enim non graui soluat metu, ne dicā Christi passio, sed in ipsa passione latronis absolutio? Quis

Isa. 26.

Varia in
Ciuitate
Dei officia.

Cant. 2.

ad tubā Evangelicæ prædicationis aures non arrigat, quis oculos non aperiatur, ad prospiciendum altius non ascendat? Quem Christi paupertas, ieiunium vigilæ, inlicitæ, exprobrationes, non moueant ad similia patientissimè toleranda? Sic hæc suæ ciuitatis in seipso Christus murus est & antemurale. Quod & in membris suis idem sit, manifeste indicare videntur tres illæ celeberrimæ testiuitates, quæ festum dominicæ natiuitatis sequitur. Beatus enim Stephanus incitat per exemplum, beat⁹ Ioannes inuitat ad speculandū, beatissimi Innocentes, per solū muniunt meritum. Beatus Stephanus fundamēto Christo superedificasse videtur aurum, B. Ioannes argentum, S. Innocentes lapides pretiosos. O ciuitas gloriosa, de qua tam gloriosa sunt dicta, in dō in qua tam gloriosa sunt facta, vt in ipso muro aurum, argentum, lapides pretiosi, mira quadam varietate distincta, & vno Spiritu sancti glutino cuncta cohærere sibi inueniuntur. Nec recedit à fundamentis superedificatio talis; cum & in Stephano aurum rutiler charitatis, & in Ioanne argentum niteat castitatis, & in paruulis Innocentibus velut quidam lapis pretiosissimus soliditas splendeat humilitatis. Quid enim humilitate solidius, quæ inftar lapidis pretiosissimi nullius aduersitatis igne frangitur, nullius prosperitatis eleuatione inmutatur, sed vna & eadem in omnibus perseverans temperantiam in prosperis, fortitudinē retinet in aduersis. Castitatis & argenti conuenientiam quis manifestius exprimat, quam propheta, qui ait, *Eloquia Domini eloquia casta, argentum igne examinatum*? Eloquium siquidem Philosophorum, eloquium Rethorum, eloquium illorum, qui per sapientiam verbi crucem Christi velle euacuare videntur, minime castum reputans, sed adulteratum, sicut ait Apostolus, *Non sumus sicut quidam adulterantes verbum Dei*, solū quod Domini est, castum, & argento iudicat comparandum: nec cuilibet argento, sed igne examinato, quod tantò sonorius, tantoque nitidius, quantò probatius esse constat. Quid autem carius charitate: quæ sicut aurum metallis omnibus, sic virtutibus omnibus nōstratur præminere? O quanta concordia, quanta vnio, quantus in hac ciuitate Domini prima facie conuentus apparet: vbi nulla à fundamentis in muris discrepantia, hiatus nullus, nihil quod dedecet inuentu: sed vno Christi spiritu & distinctè vnita, & vniformiter distincta, & mirabiliter ornata omnia reperiuntur. Vno siquidem atque eodem Christi spiritu omnia operante in ædificationem corporis sui positi sunt Apostoli velut quædam ipsius ciuitatis speciosissimæ portæ, deinde prophetæ velut quædam turres sublimissimæ, tertio Evangelistæ, velut quidam turrium vigilantissimi speculatores, tandem pastores & Doctores velut quidam totius populi prudentes consiliarij, & eruditores sapientissimi. Pastores qui in tribulationibus & angustiis consolentur & reficiant; Doctores qui in dubiis & tentationum periculis ignorantia tenebras repellant. De his omnibus suis locis plenius differetur. Interim libet cū propheta exclamare & dicere. *Magnus Dominus & laudabilis nimis in ciuitate Dei nostri.* Magnus

inquam, qui talem potuit ædificare; laudabilis qui eā taliter & sciuit & voluit ordinare. Magn⁹ in se per omni potentiam, laudabilis nimis in donis electis suis collatis per misericordiam. Comparemus, si placet, hanc nostram, in dō Domini ciuitatem ciuitati terrenæ, mundiali, Babilonicæ, siue Romulæ. De illa siquidem quæ eam in in meritum suis laudibus extollere voluerūt, suis in carminibus reliquisse leguntur, *Roma caput mundi tenet orbis fræna rotundi.* Et illud. *Parti tibi Roma nihil, cunctis fere tota ruina.*

Et quanti fueris integra, fræcta doces.

Quid quæro, hæc quæ tanta radicatur, cum esset integra, simile cum nostra habuisse inuenitur? In ea siquidem Romulus fundamētum posuisset, in nostra fundamentum positus esse Christus describitur. Eam Romulus mero circumdedit: in nostra murus & antemurale Christus esse voluit. Eam ille fratris sui sanguine particida sedauit: Christus suo sanguine suæ ciuitatis postes & superliminaria signans contra omnem hostium fraudem & virtutem muniuit. Ille legibus populum seditiosum coercens, iurgia populi quoquomodo compescuit: Christus in suorum cordibus leges suas Spiritu Sancto scribens, suos sibi incorporando vniuit. Ille à populo suo Deus est institutus: Christus Deus de Deo natus suos omnes filios Dei fecit, coheredes quidem sui, hæredes autem Dei: nec timuit in sua hæreditate habere cohæredem, sed suos omnes in fratres adoptauit, vt esset primogenitus in multis fratribus. Romulus suam ciuitatem lateptam, Augustus marmoream reliquit: Christus suam, sicut dictū est, ex auro & argente & lapidibus pretiosis condidit & ornauit. Romulus suam ciuitatem à suo nomine denominauit, vt à Romulo Roma diceretur: Christus non solum suam ciuitatem, sed etiam singulos ipsius ciues suo nomine illustrauit, vt Christiani à Christo singuli dicerentur. Quod & per Prophetā longè antè prædictum fuerat, qui ait. *Servos meos vocabo nomine altero, in quo qui benedicendus est, benedicetur in Domino amen.* Augustus ciuitati illi totum orbem subegit: Christus seruis suis etiam da mōnes quos Romani colebāt vt Deos, subiecit: & transitoria omnia calcanda edocens, eis regnū cælorum aperuit. O fratres & conciuies mei, quid vltra nobis facere debuit, & non fecit? Quantum diligendus est Christus à Christianis. Si tantum dilectus est Romulus à Romanis, vt dicerent, vtinam aut nūquam natus, aut numquā mortuus esset: quantum diligendus est Christus à nobis, pro quibus natus & passus, vitam nobis æternam donauit? Si Brutus natos noua bella gerentes ad mortem pro Romana libertate vccauit, ne superbus Tarquinius in ea imperaret, ita vt legatur de eo. *Vicit amor patriæ, laudemque immensa cupido.* Sialius etiā Romanus princeps cognomine Torquatus, filius, non quia contra patriam, sed etiam pro patriâ, tamen quia contra imperium suū ab hoste provocatus iuuenili ardore pugnauerat, licet vicisset, occidit; ne plus mali esset in exemplo contempti imperij, quàm boni in gloria hostis occisi: quantò potius pro nostræ ciuitatis Regibus, quibus plurimi sunt filij, terrena omnia cōtēnere & abdicare debem⁹? Si A. Regulus,

Excellentia
Ciuitatis
Dei supra
Romulæ

Quid diligens
Christianus
Christus à nobis.

Festa Ste-
phani, Ioa.
& Innoc.
quid innu-
ant.

Quid sint
Apostoli &
alii sancti in
Ciuitate
Dei

*Palati ser-
uando ex-
ptum in
Regulo.*

Henricus Cardinalis Episcopus Albanensis.

crudelissimos hostes intrado falleret, ad eos ab ipsa Roma reuersus est & à Carthaginensibus Romani imperij æmulis, quia cōtra eos in Romano Senatu egerat, ne pro suis captiuis captiuis illorum redderent, grauissimis suppliciis necari, quàm fidem violare maluit: qui cruciatus non sunt pro fide Christi cōtemnendū & pro nostræ ciuitatis gloria sustinendū. Aut quomodo se auderet extollere Christianus de voluntaria paupertate quàm suscepit, ut in huius vitæ peregrinatione expeditior ambulet viam quæ ducit ad patriam, cuius veræ diuitiæ Deus ipse est, cum legat, Lucium valerium, qui in suo defunctus consulatu, vsque adeo pauperem esse voluisse, ut nūmis à populo collatis eius sepultura curaretur: cum legat & Quintum Cincinnatum qui iugum iuge possidere, & suis manibus excolentem, ab aratro fuisse abductum, ut dictator fieret, ubi maior esset quàm Consul, victisq; hostibus ingentem gloriam consecutus in eadem paupertate mansisse? Si in terrena & pro terrena ciuitate isti calia, & multi alij multo amplius fecerant, quanta pro æterna patria facere & sustinere debent Christiani? Sed ecce dū ad terrenam ciuitatē oculos paululum refleximus, à maris & portis nostræ ciuitatis longè digressi sumus. Et quia circa muros diutius quàm speraremus immorari sumus, & desiderantibus intrare ciuitatem tantū optabilius portæ aperiuntur, quantū tardius ad eas peruenitur: ad ipsas iam propius accedamus portas, & ut nobis aperiantur, oportune & importune pulsemus: ut eis reueraris, & eis quæ intra ciuitatem sunt, studiosè inspectis, diutius in eis & delectabilius iucudemur. Cum igitur multe sint huius ciuitatis portæ, inter alias quatuor principales eminere videntur: quas à cæteris distinguere volens Propheta Spiritu sancto reuelante, sic ait. *Attollite portas principes vestras.* Actū diceret. Plures quidem portas, sicut audiuius, sic, vidimus in ciuitate Domini virtutū: sed præ cæteris principales & præcipue attollantur: ne quid intimum, ne quid terrenum, ne quid carnale, eas sedare aut corrumpere queat, quominus Rex gloriæ, quem non nisi gloriosa & sublimia decent, per eas introeat. Has principales portas quatuor existimo præcipua Dei sacramenta, per quæ diuersa hominum genera velut quidam ipsius ciuitatis ciues, secundū varia officia diuersos habent exitus & ingressus. Quidam enim intrant ciuitatem ab oriente ad commorandum, quidam ab occidente exeunt ad transmigrandum. Et quia duplicem aciem producit mundus contra milites Christi, blandiens ut decipiat, terrens ut frangat: exire nō cesset strenuissimi & ad bella deditissimi nostræ ciuitatis milites contra aduersarios suos dimicaturi alij ab austro, alij ab aquilone, vel secundū Apostolum, à dextris & à sinistris. Ab austro, siue à dextris, ut carnis delicijs & mundi prosperitatibus, stigmata Iesu circumferentes, resistant. Ab aquilone siue à sinistris, ut aspera & molesta scuto patientiæ & armis iustitiæ longius studeant propulsare. Porta igitur ab oriente sacramentū est Baptismatis, per quod in ciuitatem intratur, & ipsas ciues, quisquis rectè intrat, ascribitur. Bene autem porta hæc dicitur orientalis, vel quia primò per hanc visitant mandam orientis ex alto, cum bap-

tizari in Iordane Domino, cui nomen est oriens, aperti sunt cœli, & vox patris audita est, & in specie columbæ Spiritus sanctus super eum apparuit, & tota Trinitas in ipsius baptismatis consecrationem, & eiusdem sacramenti commendationem mundo innotuit: vel quia qui baptizantur in Christo velut modo geniti infantes mundo mortui, & Christo per baptismum consepulti patri spirituum oriuntur, & in nouam transeunt creaturam. Porta igitur intrantium baptismi est sacramentum. Portam autem occidentalem non immeritò dixerim sacrum ægrotantium vñctione, quo sacramento sic muniantur morituri, velut de ciuitate militante ad triumphantem iamque transmigraturi. Portam ab aquilone securè diffinio sacramentum Confirmationis, siue manuum impositionis, quod pugnaturis ad corroborationem datur, cum post Baptismū quis in virum perfectū proficiens, velut ovis ascendeas de lauacro, ut gemellis sit rōtibus principali spiritu confirmatur. Non est enim nouiter inuentum Confirmationis sacramentum, cum longè ante Propheta distinctiue legatur inter spiritum innovantem, qui datur in baptismate, & spiritum confirmantem, qui datur in manus impositione, & spiritum sanctificantem qui datur in septemplex sacri liquoris vñctione. De isto sic dicitur. *Spiritus sanctum tuum ne auferas à me.* De spiritu confirmante. *Spiritu principali confirma me.* De innovante. *Spiritus rectum in noua in visceribus meis.* Restat porta australis, quam non immeritò dixerim sacramentum aitaris: ubi non iam oleum demulcens ægrotantem, sed panis confirmans & vinum lætificans triumphante. Vnde legitur in Propheta. *Qui habitatis terram austri, cum panibus occurrere fugienti.* Fugere de ciuitate domini virtutū disponit, quisquis ad carnis suauia, ad mundi prospera, non contra ea pugnat rursus, sed eis abstractus & illeclus accedit: quod illis specialiter solet contingere, qui diuini panis inedia afflicti, quia panes sanctificatos contingere non præsumunt, ad panes laicos se conuertunt. Neque enim panes sanctificatos contingere permittuntur, nisi qui mundi fuerint, maxime à mulieribus, id est carnalibus delicijs. Qui igitur terram austri inhabitant, quorum hortum auster frequenter perflat visitatione, ut educat panem de terrarum, meritò fugientibus cum panibus præcipiuntur occurrere: ut pane vitæ & intellectus refoecillati, manere in ciuitate, & locū suum studeant retinere. Meritò igitur portā australem Eucharistiam dicimus, quæ specialiter carnis illecebris opponitur, & cuius virtutem, qui carnem suam crucifixerunt cū vitijs & concupiscentijs sepius experiuntur: ipsa siquidem est altare, de quo edere non habent potestatem, qui tabernaculo carnis deseruiūt. Vade & extra castra Christus pati voluit, ut quisquis de castris Babilonicæ ciuitatis fugies ad castra nostræ ciuitatis vellet redire, passionem eius portam haberet, & per eam in ciuitatem haberet regrediendum: siquis autem de nostra ad illam vellet transire, eandem passionem inueniret obstaculum. Hæ sunt portæ ciuitatis Christi, de quibus dicit Propheta. *Diligite Dominum: portas Sion super omnia tabernacula Iacob.* Vbi Iacob, non Israël ponit, & taber-

Psal. 90.

Isa. 21.

Heb. 13.

Psa. 86.

Psal. 83.

*Porta 4.
ciuit. Dei
sunt 4. sa-
cramenta.*

Gen. 32.

Hebr. 10.

Baptismus
est per laori
entibus.

Secula Jacob non Israël, dicit. Videtur nobis innuere, se de illis tabernaculis loqui, quæ mutanda, & finem habitura essent: sic nomen Jacob in Israël est mutatum, ita quod nec vocari Jacob ultra deberet, dicente Domino. *Nequaquam vocaberis Jacob, sed Israël eris nomen tuum.* Sicut autem Israël longè dignius & meli⁹ nomen, quàm Jacob, secundum suam interpretationem esse cognoscitur, eo quod Jacob luctator, & Israël videns Deum dicatur, & longè melius sit Deum videndo quiescere, quàm Deū quærendo luctari: sic incomparabiliter meliora & digniora sunt sacramenta præsentis Ecclesiæ, quàm tabernaculum & cæremoniæ veteris Sinagogæ. In illis enim umbra, in his veritas. In his stabilitas, in illis antiquatio & veritas. Vnde Apostolus. *Holocantomata & pro peccato non tibi placuerunt; tunc dixi, ecce venio. Dices, quia in hostias, holocausta, & oblationes noluiisti; tunc dixi, Ecce venio, ut facerem voluntatem tuam Deum, auferi primum, ut sequens faciat.* Merito igitur diligere dicitur Dominus portas Sion super omnia tabernacula Jacob, cum illa nec dilexisse dicatur. Vnde nec ei placuisse Apostolus prophetæ consonans, & prophetæ approbans asserit. Sacramenta verò Ecclesiæ adeo diligere cognoscitur, ut per sacramentum baptismatis velut per portam orientalem introducat ad patrē. O quantum diligendæ, quantum attollendæ, quantum venerandæ sunt à vobis hæ portæ, quas non ob aliud diligit & frequentat Rex gloriæ, nisi ut per eas intrantes omnes faciat gloriosos. Quisquis enim de luce ad illum vigilauerit, aduentem eum forib⁹ istis inueniet. Bene autem Sion nominatur, cuius portæ tantum à Domino diliguntur. Sion enim speculatio dicitur, quia iam non figurarum umbris, sed per sacramentorum veritatem velut per quasdam portas, ad huc tamen clausas, futuræ suæ beatitudinis gloriam speculatur. Sed quia ex portarum speculatione & ciuitatis nominatione magis ac magis cœpit nobis eius notitia relucere, non est ipsius nominationis discussio in transitu percurrenda, nec iam finiendi sermonis angustijs coarctanda. Alterius igitur principio referuerur, quæ ad alicuius secreti speculationem nos inuitare videtur. Ipse autem semper Alpha & Omega sit sermonis nostri, qui vniuersorum est principium & finis, & sine principio & fine manet in sæcula sæculorum, Amen.

Tractatus 6. De nomine ciuitatis Dei.

Cum Propheta mente excessisset Deo, volens sobrius nobis fieri, & quæ in excessu suo viderat, fideliter aperire: descriptis fundamentis, & commendatis portis ciuitatis Domini virtutum, quo nomine censerī eam audierit, postmodum non dicit. Sciens enim quod ex re nomen imponi soleat, & ex nomine res agnosci, cum à multis alijs Prophetis qui de ea & gauisi sunt visione, diuersis sit vocabulis nuncupata: ipse illud magis ponere voluit, quod proprietati intellexit ciuitatis potius conuenire. Isaias siquidem huius ciuitatis nomen exprimere volens, nec satis prout volebat, valens, dicebat. *Non vocaberis ultra de-*

relictā: & terra ista non vocabitur amplius desolata. Sed vocaberis voluntas mea in ea. Et ibidem. *Vocabitur, ait, tibi nomen novum, quod est Domini nominasti.* Alij quoque prophetæ alia atque alia de nuncupatione istius ciuitatis scripsisse inueniuntur. Dauid breui volens uti compendio, Sion eam nominat, ut ad speculandam, & diligenter perscrutandam ipsius gloriam & virtutem audientes inuitet. Vnde & in alio Psalmo. *Circumdate Sion, & complectimini eam: narrate in turrib⁹ eius. Ponite corda vestra in virtute eius.* Circumdate perscrutando, complectimini desiderando, narrate collaudando. Et ne videatur sufficere, exteriora quoque, fundamenta scilicet, muros & mœnia, turres ac portas intueri, *Ponite, ait, corda vestra in virtute eius* ut non tam gloriæ ciuitatis, quàm virtutis attendatur: quia fallax omnis gloria, quam virtus non parturivit. Nos igitur virtutem ac proprietatem huius nominis attendentes, non quæ exterius videntur, sed quæ interiorius latet, ac utius speculemur. Videtur siquidem ciuitas Dñi hoc nomen inde traxisse, quod suus ei conditor in omnibus suis partibus, officijs, & officinis proponitur speculandus. Quod Simeon in Spiritu cognoscens, pro sua speculatione gratulabundus & laudans ait. *Viderunt oculi mei salutem tuam: quod parasti ante faciem omnium populorum.* Bene dicitur Simeon in Spiritu aduenisse in templum. Videtur enim per spiritum cognouisse, illum quem videbat, salum, imò Dñi esse salutare ad salutē præstādā paratū ante faciē omnium populorum, ut in ipsius visione consisteret ius salutis humanæ. Sic enim quondam intuitu ænei serpentis à serpentium moribus Iudæi saluabantur; sic & hoc salutare ante omnium Christianorum faciem Simeon vidit esse paratum, ut in ipsius visione salus eorum consisteret. Hoc etiam cognoscens Psalmista aiebat. *Ostende faciem tuam, & salui erimus.* Iacob autem viso Domino facie ad faciem saluam factam animam suam proficitur. Rem igitur sui nominis Sion speculando tenens, & nominis Iesu effectū participans speculando; saluari, & salua facta speculari suū Salutare non cessat: nō sicut Roma nudum nomen trahens à Romulo, sed suo Saluat ori, quantum ab eo conceditur, speculando inherens. Sed quia in præsentī vitā non est plena visio, nec salus in præsentī potest esse perfecta, neque enim perfectam salutem dixerim, quæ manente crepusculo in cui valeat vel corrumpi: in ea autem ciuitate quæ sursum est & libera est, sicut est visio manifesta, ita pax est, & salus perfecta. Vnde merito Ierusalem dicitur, id est visio pacis: nostra autem ciuitas quæ adhuc militat & peregrinatur in terris, potius Sion quàm Ierusalem debuit nominari, quia interim per speculum in ænigmate videt eum, quem post finem peregrinationis suæ facie ad faciem est visurū. Speculetur igitur interim nostra Sion Regem Salomonem, & si nondum in diademate gloriæ, saltem in diademate humanæ naturæ: ut quem iam inuenit in fundamentis & muris suis, inueniat & in portis. Portas quippe nostræ ciuitatis diximus sacramenta salutis. Hæc portas iam penes se, sed tamen clausas habent, qui solo sacramentorum usu gaudent.

1. Cor. 13.

illis autem aperiantur, quibus sacramentorum mysteria referantur. Qui vero re ipsa mysteriorum & sacramentorum fruuntur, cum propheta apertis sibi portis iustitiae ingressi in ciuitate Domino confitentur. Vsum sacramentorum & notitiam mysteriorum boni possunt habere & mali. Vnde Apostolus. *Si habueris omnem fidem, caritatem autem non habueris, nihil tibi prodest.* Res autem mysteriorum & sacramentorum, soli boni percipiunt. Accedunt igitur ad portas, & apertas inueniunt etiam filij huius seculi: sed non nisi filij lucis, filij dei, qui spiritu Dei aguntur, in numero amicorum vel ciuium admittantur. Vnde Dominus in Euang.

Ioa. 10.

Christus ostium est Ecclesiae.

Qui non intrat per ostium in omne omnium, ille fur est & latro. Videntur igitur aliqui intrare per portas, qui non intrant per ostium. Plane ita est. Porta quidem ostio claudi solet, & aperto ostio porta patet. Porta, sicut iam diximus, est visibile sacramentum, ostium huius portae Christus est, qui non solum institutor, sed etiam res est sacramenti. Sera huius ostij occultum ipsius sacramenti mysterium. Clavis huius serae, siue ostiarius, non aliud est à Christo, quia spiritus Christi est. Christus igitur digito & clauis spiritus sui nobis referare dignetur seram istius mysterij, ut cognoscamus quomodo ipse sit ostium in quolibet portarum: quomodo sit res ipsa mysteriorum & sacramentorum. Videamus igitur hoc in sacramento baptismi, ubi manifestius & facilius apparebit. Visibile sacramentum baptismi porta est, per quam intrant boni & mali. Sed boni sicut ciues: mali ut fures & latrones. Non enim intrant per ostium Christum, ne habent rem ipsius sacramenti. Quibus etiam occulti sera mysterij clauis plerumque spiritus referatur, secundum illud Apostoli *Dominus enim illis reuelauit*: tamen per ostiariū non introducuntur, quia res mysterij Christum non assumentur & licet intrent per scientiam, non tamen per conscientiam. Intus quidem videtur esse per scientiam instantem: sed non sunt intus per superuenientem scientiae charitatem. Boni autem cum suscipiunt visibile sacramentum, etiam si ignorent mysterium, tamen intrant per ostium Christum: & ostium Christum, & rem habent tam mysterij, quam sacramenti. Christus siquidem res est utriusque. Res est sacramenti, quia salus est & sanctificatio, quae per illud confertur. Pro salute namque & sanctificatione obtinenda recipitur, non pro elementi veneratione, quae nulla est, nisi quae ei ex verbis sanctificatione confertur. Accedente enim verbo ad elementum, fit non ipsa aqua, sed ex ipsa & verbo sacramentum. Christus igitur res est & causa baptismi: quam qui non habet, proculdubio ex baptismo salutem non habet, quia ipse dicit, *salus populi ego sum*: & Propheta dicit, *Die aīa mea, sal tua ego sum*. Quomodo etiam sit res mysterij, videamus. Mysterium est occulta sanctificatio ipsius visibilis sacramenti: quam diuersam diuersi assignauerunt. Ambrosius quidem per aquam voluit intelligi, quod sicut aqua sordes corporis ac vestes abluit, ita Baptismus maculas animae, sordesque interiorum emundando extergit. Gregorius autem in tribus merfionibus personarum Trinitatem, & in una, ubi

Psal. 34.

Ambro. in c. 6. ad Rom. Grego. l. 1. ep. 41.

talitatis est consuetudo, Diuinitatis singularitate. Ita voluit designari. Addidit etiam, nos qui tertio mergimur, etiam triduanam sepulturam sacramentum signare. Augustinus etiam baptismi ordinem duplici asserit mysterij significatione celebrari, Recte inquit merfistis, qui accepistis baptismum in nomine Trinitatis. Recte tertio merfistis, qui accepistis baptismum in nomine Christi, qui die tertia resurrexit à mortuis. Ecce ista in trina merfione baptismi triduum Dominicae sepulturae asserant designari. Secundum ergo baptismi mysterium est, ut sicut Christus in corde terrae tribus diebus & tribus noctibus fuit, sic qui baptizantur in Christo, mundo mori & sepeliri debeant opere, verbo, & affectu: ut possint dicere cum Apostolo: *Vino autem, iam non ego, vivit vero in me Christus.* Hoc mysterium volens Apostolus aperire, ait. *Consepulsi estis Christo per baptismum in mortem.* Et alibi. *Quotquot autem in Christo baptizati estis, Christum induistis.* Quod si aliter illud triduum licet intelligere, possumus dicere, primam sepulturae spiritualis diem, abrenuntiationem, quae fit in baptismo, quando abrenuntiat Satae, & omnibus pompis diuis: quae pompae non sunt aliae, quam mundi labentis vanitates: secundam, eiusdem abrenuntiationis feruentem & studiosam executionem: tertiam, quae & verum sabbatum est, tranquillae contemplationis quietem: cum etiam à bonis operibus vacatur, ut videatur Deus: cum minoratur quis actus, ut percipiat sapientiam: cum absconditur quis in abscondito faciei Dei à conturbatione hominum. Prima die moritur actus peccati, cum per gratiam baptismi submerguntur Aegyptij: secunda mortificatur seculus, cum non tam puniatur peccata, quam amore & imitatione Christi mortificantur membra. Tunc enim, sicut scriptum est, maximè prodest poena, cum non puniuntur peccata: tertia peccati moritur & sepeliuntur affectus: cum spiritus humanus spiritui diuino adherens unus spiritus est, & ad vocem vel visionem dilecti animae liquefacta in ipsum transit dilectum. Ecce quomodo Christus & mysterij res est & sacramenti: cum & sacramentum salutis, quae Christus est, conferat: & mysterium eandem significet & ostendat. Ipse igitur ostium est, per quod homo introducit: ipse via, per quam deducitur: ipse vita, ad quam perducitur. Bene igitur ait, *Ego sum ostium: per me si quis introierit saluabitur.* Bene, introductus & ingreditur ad me Verbum à me homine deductus, & egreditur à me Verbo ad me hominem reductus, & pascua inueniet pinguia in humanitate, vberiora in diuinitate, vberiora autem ad patriam perductus post praesentem peregrinationem in utroque. Non immerito itaque Propheta nominationem ciuitatis portarum commendationi coniunxit: cum ipse sit illarum portarum ostium, qui praecipue ciuitati, quam Sion nominat, proponitur speculandus. Ipse siquidem eidem ciuitati, sicut ait Apostolus, factus est sapientia, iustitia, sanctificatio, & redemptio. Redemptio est in baptismo, quo homo à seruitute peccati redimitur, ut iam ei naturalis concupiscentia sine consensu ad damnationem non imputetur, secundum illud Apostoli. *Nihil damnationis est illis qui sunt in Christo.*

Aug. ser. De myst. baptismi Supplem.

Gala. 2. Rom. 6.

Gal. 3.

Triduum sepulturae Christi quod significat.

Ioa. 10.

Rom. 8. Iesu

Ibid. c. 7.

Dplex
unctio, in
vertice &
in fronte.Quid possit
liberū arb.
itē vel post
baptismū.

Psal. 118.

Dan. 13.

Rom. 7.

Iesu, qui non secundum carnem ambulat: id est qui carnis concupiscentiam non sequuntur. Et alibi. Si quod uolo, id ago, iam non ego operor illud. In baptismo igitur redemptus recipit gratiam declinandi à malo: in manuum impositione gratiam operandi bonū. Ibi munitur à peccatis, hic meritis virtutum proficiens habet fructum suum in sanctificationem. Ibi caput in oleo impinguatur, hic bene oleo facies exhilaratur. Quod fortè non incongruè illud significat, quòd in baptismo chrismate in vertice, in confirmatione homo cōsignatur in fronte. In baptismo enim liberū arbitrium velut quoddam interioris hominis sublimissimum caput veneratione Spiritus sancti perfunditur & impinguatur: ut quod ante baptismū liberum erat ad posse peccare, non autem liberum ad posse non peccare mortaliter, post baptismum liberum sit cooperante gratia ad non peccandum damnaabiliter. Ante baptismū enim, ut ait Augustinus, premitur à concupiscentia. & vincitur, & habet infirmitatē ad malum, sed non habet gratiam ad bonum: & ideo potest peccare, & non potest non peccare, etiam damnaabiliter. Post baptismū verò premitur à concupiscentia, sed non vincitur, & habet quidem infirmitatē ad malum, sed gratiam ad bonum: ut possit peccare propter libertatem & infirmitatē, & possit non peccare ad mortem, propter libertatem & gratiā adiuuantem: nondum tamen habet posse omnino non peccare, vel nō posse peccare: propter infirmitatem nondum plenè absorptā, & propter gratiam nondū perfectè consummatam. In baptismo igitur liberatur voluntas: & quia velle non sufficit, nisi adsit & posse, in cōfirmatione bene operandi indulgetur facultas: ut exhilarata facie homo decantare iam valeat *Viam mandatorum tuorum cucurri, cum dilasti cor meum.* Sed quia dum sumus in corpore, peregrinamur à Dño, & corpus quod corrumpitur aggrauat animam, & deprimat sensum hominis multa cogitantem: caligante interim oculo rationis sapientia à iustitia deflectimur, dicentes bonum malum, & malum bonum: ponentes lucē tenebras, & tenebras lucē. Cōtra hunc igitur morbum statutum est etiam antidotū Eucharistiæ sacramentum, per quod velut quandam portā, quæ verè dici debet speciosa, Christū sapientiā speculamur. Hoc siquidem antidoto morbo ignorantie subuenitur, vnde in fractione panis discipulorum oculi leguntur aperti. In eo namque, quòd sub visibili specie inuisibilem speciem latere credimus & confitemur: edocemur, non esse rerū species aut formas visibiles tantūmodo attendēdas: sed potiùs inuisibilia, quæ causæ sunt visibiliū querenda esse & diligenda. Quæ enim videntur temporalia sunt, vnde & paruipendenda: quæ autem non videntur æterna, vnde & toto corde optanda & complectenda. De visibili quippe specie apud Danielē sic legitur. *Species decepit te, & concupiscentia subuertit cor tuum.* Primò quidem similitudine veri boni species fallit aspectū, deinde concupiscentia subuertit affectum. Ecce ex ignorantia venit cōcupiscentia, per carnis concupiscentiam virtus spiritus exhauritur, ita ut quod vult nō faciat, sed quod non vult inuitus sustineat, ut clamare cum Apostolo cogatur. *Infelix ego homo,*

quis me liberabit de corpore mortis huius? Verè corpus mortis, quo viuere nec infirmitas perfectè absorbetur, nec ignorantia tollitur: sed ad concupiscentiam impellit infirmitas, & per ignorantiam impeditur libertas: ut nec ratio sine errore iudicare, nec volūtas sine difficultate bonum possit appetere, nisi liberata gratia Dei per Iesum Christū Dñm nostrū. Hęc gratia quotidie est necessaria: quia quotidianus est per ignorantiam & concupiscentiam humanæ infirmitatis defectus: & ideo quotidie dicimus, *Panem nostrum quotidianum da nobis hodie,* & quotidie in humanæ salutis subsidium, in infirmitatis adiutorium, Eucharistiæ repetimus sacramentū. Cætera duo sacramenta Baptismus & Confirmatio non repetuntur: quia ex quo semel solutus est homo à vinculo concupiscentiæ in Baptismo, & infirmitatis in Confirmatione, ut iam velle & posse habeat, nil restat, nisi ut nouerit quā eat. Hæc igitur via faciāmeto altaris quotidie magis ostenditur, & in vñ quotidiano quantò frequentius, tantò certius aperitur. Non solum autem ad tenenda viam, & transcendendum à visibilibus ad inuisibilia, de speciebus & formis velut de accidentibus ad substantia, per hoc sacramentum luce sapientiæ illustratur: sed etiam reliqua duo, quæ per sacramenta Baptismi & Confirmationis conferri diximus, sacramenti altaris virtute conceduntur: sicut in illis & vñ firmantur & augmentantur, quod non fit in illis. Quod etiam significari luce clarius constat in illis tribus substantijs, de quibus ipsū conficitur sacramentum, pane scilicet, vino, & aqua. In pane, qui hominem corroborat, designatur gratia, qua infirmitas roboratur: in vino quod lætificando inebriat, ostenditur gratia quæ à concupiscentia visibilium affectuū homines alienat: in aqua, quæ oculos lauando clarificat, sapientiæ claritas exprimitur. Vnde & per Isaiam dicitur. *Aqua sapientiæ salutaris potauit illum.* Hæc sunt illa tria, quæ Philosophi prudentiam, fortitudinem, temperantiā vocauerunt, & in eorum perfectione iustitiam humanā constituerunt. Verum, quia de proprijs viribus præsumentes, & suam volentes statuere iustitiam, iustitiæ Dei non fuere subiecti: ideo Dei ignorantes iustitiam, euanuerunt in cogitationibus suis, se ex se & de se sapientes, fortes, temperatos, & iustos fieri posse dicentes. Sed ciuitas Sion verius philosophando de suis portis aliter speculatur, aliter prædicando annuntiat dicens. *Mihi adhabere Deū bonum est, ponere in Domino Deo spem meam: ut annuntiem omnes laudationes tuas in portis filia Sion.* In porta siquidem orientali annuntiat, quia nemo potest esse continens nisi Deus det. In aquilonari, *Fortitudo mea & laus mea Dominus.* In australi, *Omnis sapientiā à Domino Deo est.* In occidentali, cum iam nō solum homo exterior deficit, sed etiam interior portam mortis ferream horrescit, confitendo annuntiat, & annuntiando cum Propheta exclamat dicens. *In te Domine speraui, non confundar in æternum: in tua iustitia libera me.* Iam certè de iustitia sua diffidens, & se coram se statuens, velut pannum menstruata omnem suam iustitiam reputat, & ad merita se conuertens, solius Christi, iustitiæ memore

Luc. 11.

Eucharistia
conficitur
ex pane
vino &
aqua.

Eccli. 14.

Psal. 72.

Sap. 8.
Psal. 117.
Eccli. 1.

Psal. 30.

raus, eam Patris oculis repræsentat: nec aliud iam, quàm misericordiæ oleum expostulans, sicut à planta pedis vsque ad verticem non esse in se sanitatem proficitur, sic à planta pedis vsque ad verticem non solū oleo visibili perungi, sed etiam interiorem hominem vñctione misericordiæ totum perfundi credit & gloriatur. Talia in portis suis annuntiat, talia de portis speculando clarius intuetur. Sed quia intrare gestientibus tamdiu circa portas morari tardiosum fortè videbitur, multa quæ de his portis dicenda occurrunt, legentibus relinquo speculanda: dans tantum occasionē sapienti, vt sapiētiōr fiat, Videat ergo lector & iudicet, si primam harum portarum in Esdra porta piscium præfigurauerit, propter illud quod dictū est Petro. *Faciā te fieri piscatorē hominum*, Videat, si secunda debeat dici porta gregum, propter illud quod dictum est *Populus eius & oves pascuæ eius introite portas eius in confessione*. Numquid non videntur velut quidam greges ad portam congregari, cum anhelando currit populus festinans ab Episcopo confirmari? Videat, si porta sterquiliniæ tertia dici possit, cū iam stercus peccati relinquitur, & corpusculū terræ velut stercus vilissimum cōmendatur. Videat, si quarta dici debeat porta iudicialis, ad quam qui non digni accedunt, iudicium sibi manducant & bibunt. Videat etiam, si his portis congruē possit aptari, & de altitudine earum speculando valeat comprehendere, quid sit latitudo, longitudo, sublimitas, & profundum. Videat si latitudo congruat temperantiæ coarctationi, secundum illud, *In tribulatione dilatasti mihi*, si longitudo fortitudinis longanimitati, si sublimitas prudentiæ circumsp̄ctioni, si profundum iustitiæ ancipiti & incertæ conclusioni: quia nescit homo, vtrum amore dignus sit, an odio, sed omnia in posterum reseruantur incerta. Hæc de portis principalibus ad præfēs dicta sufficiant. Nam sunt fortè aliæ portæ secundariæ, quibus aliæ quinque quæ in Esdra nominantur, non inconuenienter aptari possunt, sed hæc aliās. Iam ergo cum propheta in ciuitatem intrātes, quid intus audierit quid viderit, ab ipso pariter & cum ipso audiamus

Traſſatus 7. De libertate, Dominatione, & gloria ciuitatis Dei.

Psalm. 86.

Gloriosa dicta sunt de te, ciuitas Dei. Ex his quæ dicta sunt, ciuitatis Domini virtutum firmitatem, decorem & commoditatem Propheta describente, imò per Prophetam Spiritu sancto reuelante, manifestè iam comprehendisse videmur. Hæc enim in omni ciuitate, sicut superius dictum est, specialiter attendi, & præcipuè assolent commendari. Vnde & Propheta hæc volens ostendere, expressius in fundamentis expressit firmitatem, in muris pulchritudinem, commoditatem commendauit in portis. Quod quia satis iam ex præmissis videtur patuisse, superfluum duximus replicare. Sciens igitur Propheta, non in his solis etiam æternæ ciuitatis perfectionem felicitatis consistere, & ad metienda cœlestia ex terrenis, ad conspicienda inuisibilia per visibilia, ad insolita per assueta nos volēs deducere, post ea quæ prædiximus, illud quod

summopere in ciuitate terrena solet desiderari, gloriam scilicet & dominationem, in ciuitate Domini prosequendo describit dicens. *Gloriosa dicta sunt de te, ciuitas Dei*. Primò igitur quanti in ciuitate terrena apud suos ciues sit hodie gloria & dominatio, ac quanti apud antiquos exiterit, ipsa nos edoceat vrbs Romana. De illa siquidem sic ait Augustinus. *Veteres primi; Romani, sicut eorum docet historia, laudis erant anidi, pecunia liberali, gloriam ingentem, diuitias honestas volebant. Hanc ardentissime dilexerunt, propter hanc vincere voluerunt, pro hac etiam mori non dubitauerunt: ceteras cupiditate ingenti gloria cupiditate prefferunt. Ipsam denique patriam, quoniam seruire videbatur ingloriosum, dominari & imperare gloriosum, prius omni studio liberam, dominam esse concupierunt. Hinc est, quod Regalem dominationem non ferētes, annua iperiabinoque Consules sibi fecerunt; qui Consules appellati sunt à consulendo. Expulso itaque Rege Tarquinio, & Consulibus institutis, ciuitas incredibilem adeptæ est libertatem: & tantum breui creuit, quantum gloria cupido incesserat. Laudis ergo aniditas & cupiditas gloria multa illa miranda fecit atque gloriosa secundum hominum existimationem. Cuius autem laudis audi & gloriæ cupidi essent, in magnis illis & preclaris viris Marco Catone & Caio Cæsare, qui suo tempore ingenti virtute diuersis moribus magni fuisse perhibentur, ostendit dicens primo in laudibus Cæsaris. *Ibi magnum imperium exercitus nonnum bellum exoptabat, ubi virtus emiscere posset, hoc laudis aniditas & gloriæ cupiditas faciebat*. Deinde Catonē eos laudasse refert, qui ad gloriam, honorem, imperium, vera via, id est ipsa virtute nitebatur. Vnde & verba Catonis ponens, ita dicit. *Nolite existimare, maiores nostros armis Rempublicam ex parua magnam fecisse. Si ita esset, multo pulcherrimam eam nos haberemus. Quippe sociorum atque cinium, præterea armorum atque equorum maior copia nobis quam illis est. Sed alia fuere, qua illos magnos fecerē, qua nobis nulla sunt. Domi industria, foris insitum imperium, animus in consulendo liber, neque delicto, neque libidini obnoxius. Pro his nos habemus luxuriam, auaritiam, publicè egestatem, priuatim opulentiam. Laudamus diuitias, sequimur inertiam: inter bonos & malos discriminē nullum, omnia virtutis præmia ambitio possidet. Nec mirum, ubi vos separatim consilium sibi quisque capitis, ubi demum voluptatibus, aut pecunie, aut gratiæ seruitis. Eo fit, ut impetus fiat in vacuam Rempublicam*. Hæc Augustini verba, siue illorū quos loquentes inducit, posuimus, vt ex his manifestè detur intelligi, quantum Romani primò quidem libertatem, post etiam dominationē, laudem quoque & gloriā sibi quæsierūt. Sed primò magis ambitio quàm auaritia animos eorum exercuit: quod tamen vitium propius virtuti erat. Sed & illi, qui nec ambitione, nec auaritia, sed per virtutem honorem quæsierunt, sicut Cato, nec dolis nec fallacijs, sed vera via nitendum esse iudicauerunt, finē tamen virtutis honorem posuerunt. Vnde & ædes virtutis & honoris coniunctissimas statuerunt. Hinc & de Catone dictum est, quominus petebat gloriam, eò illum magis sequebatur, quia semper virtutē gloria comitatur. Ex his breuiter colligim⁹, Romanos priò*

Aug. 5. de Civ. 6. 12.

Romani laudis anidissimi.

ibid.

Templa virtutis & honoris coniunctissima.

gloriam libertatis, secundò gloriam dominationis, tertio gloriam laudis, tribus vijs, quorundam scilicet ambitione, quorundam avaritia, quorundam vera via, id est per virtutem, quaeruisse. Sed illi hominibus servitutes inducentes in gloriam, à servitute humana liberi esse voluerunt. Nostræ autem civitatis ciues vera gaudentes libertate, qua libertate Christus nos liberauit, à servitute peccatorum, vitiòrum & demonum, liberos se esse gloriantur. Nec episcopi filij sunt ancillæ, sed liberi. Et quia spiritu Dei aguntur, filij sunt Dei. Quod si filij, & heredes. Heredes quidem Dei, coheredes autem Christi. Et cum liberi sint ex omnibus, omnium se servos propter Christum faciunt, subiecti omni humane creaturæ propter Deum, in hoc ipso illi soli servientes, cui servire regnare est. Est & alia gloria libertatis, qua non solum à supradictis, sed ab ipsorum etiam elementorum huius mundi servitute ciues nostræ civitatis liberos se esse gloriantur, ut iam non serviant in vetustate literæ, sed in novitate spiritus consummentur. Non enim indigent ceteris, quæ sint elementa exordij sermonum Dei, sed intermittentes inchoationis Christi sermonem ad perfectionem feruntur, audientes ab Apostolo. *Non accepistis spiritum servitutis iterum in timore, sed accepistis spiritum adoptionis filiorum, in quo clamamus, Abba pater.* Ea quippe sunt elementa exordij sermonum Dei, rudimenta scilicet, & divini documenta timoris, quæ velut prima quædam elementa incohantibus proponuntur, qui lacte opus habent, non solido cibo, & adhuc sermonis iustitiæ sunt expertes. Hæc Salomon filio proponebat dicens. *Audi fili mi disciplinam patris tui. Timor Domini principium sapientia. Time Dominum, & recede à malo. Timenti Dominum bene erit in extremis. Timor Domini expellit peccatum. Et, sine timore Domini non poteris quis iustificari.* Hoc timore quidam civium nostrorum serviunt, eo ipso iam liberi, quod voluntariè & liberè & libenter se serviant, sperantes se per hanc servitutem proficere in libertatem gloriæ filiorum Dei. Quinimo iam & ipsi sunt liberi, licet quædiu sunt paruuli nihil distent à servo, cum sint Domini omnium; sed sub tutoribus & actoribus timoris & obedienciæ sunt, usque ad præfinitum tempus à patre. Ad quod cum per patris gratiam pervenerint, siue qui iam patris munere pervenerunt, non solum non serviunt prædictis elementis, sed quadam iam libertate spiritus in auras libertatis euadentes, etiam elementa figurarum, & sacramenta veterum omnium & novorum spiritus vivacitate transcendunt, nec iam onete figurarum premuntur, sed ad veritatis perfectionem feruntur. Sunt etiam & alia elementa, quæ tertio tangit Apostolus, arguens quosdam servientes infirmis & egenis elementis. Elementa, siue elementata, sunt quæcumque sensu corporeo percipi possunt: & ea merito infirma & egena dicuntur, quia humanam naturam nec à corruptione tueri, nec ipsius indigentia sufficere possunt. Qui autem in eis sanitatem aut satietatem quaerunt, decepti & volentes vanitati serviunt: à qua servitute liberi sunt, qui serviunt non volentes, secundum Apostolum, subiecti interim vanitati, propter eum qui subiecit eos in spe. Subiecti inquam non servi, sed liberi tandem etiam à corruptione omni-

no liberandi. Hæc de gloria libertatis ad præsens dicta sufficiant. De gloria quoque dominationis, quam gloriosa, quamque gloriosè à viris gloriosis dicta sunt, audiamus. Ait prophetarum eximus Iaias, in d' per Iaiam Dominus de gloria civitatis Sion. *Ecce in manibus meis descripsi te. Muri tui coram oculis meis semper. Venerunt structores tui, destruentes te & dissipantes te exibunt. Leva in circuitu oculos tuos & vides omnes isti congregati sunt, venerunt tibi. Vnde ego, dicit dominus, quia omnibus his velut ornamento vestieris: & circumdabis tibi eos quasi sponsa. Ad huc dicent in auribus tuis filij sterilitatis meæ. Augustus mihi est locus, fac mihi spatium, ut habitem. Et dices in corde tuo Quis genuit mihi istos? Ego sterilis & non pariens: transmigrata & captiva, & istos quis enutrivit? Ego destituta & aequala, & isti ubi eras? Hæc dicit Dominus. D. Ecce levabo ad gentes manus meas, & ad populos exaltabo signum meum. Et afferent filios suos in vlnis, & filias tuas super humeros portabunt. Et erunt Reges nutriti tui, & Reginae nutrices tue: vultu in terram demisso adorabunt, & pulverem pedum tuorum lingent. In his verbis primo commendatur gloria libertatis, deinde dominationis. Vbi enim Dominus in manibus suis dicit se Sion descripsisse, nullius eam dominationi obnoxiam, nullius iugo depressam, nullius tributo adscriptam, sed sibi soli debere latram ostendit. Licet enim suæ civitatis civibus dixerit, *Reddite quæ sunt Cæsaris Cæsari, & quæ sunt Dei Deo;* & Apostolus vñs illorum structuram de quibus subiungitur, *Venerunt structores tui,* eidem concinat dicens, *Reddite omnibus debita: cui honorem, honorem: cui vectigal, vectigal; cui tributum, tributum;* tamen ab huiusmodi debitis liberos docet Dominus esse filios, dicens ad Petrum. *Reges Gentium à quibus exigunt tributum, à filiis, an ab alienis?* Cui cum responsum esset à Petro, *ab alienis;* ait, *Ergo liberi sunt filij.* In hunc modum suæ civitatis ciues velut filios Dei, & suos coheredes à tributo Cæsaris liberos esse probat. Licet enim Cæsar vniuersum mundum sub sua descriptione concluderet, & suam imaginem numismati suo impresserit, tamen Domini est terra & plenitudo eius: orbis terrarum & qui habitant in eo. Eius quippe rectius dici debent omnia, qui dixit & facta sunt; mandavit & creata sunt vniuersa. Nam & quod Augustus hoc potuit, ex Dei ordinatione processit: quia non est potestas nisi à Deo. Cum ergo redduntur Cæsari, quæ sunt Cæsaris, Deo potius sua redduntur, ex cuius concessione sunt Cæsaris: cum tamen non tam eius sint, quam esse dicantur siue putentur: & cum redduntur quæ Dei sunt Deo, etiam quæ Cæsari propter Deum redduntur, non tam Cæsari quam Deo exhibentur. Cui concini prædictis structor, ubi ait. *Servi obedite dominis carnalibus, sicut Christo; non ad oculum servi-entes, quasi hominibus placentes, sed ut servi Christi, facientes voluntatem Dei ex animo - cum bona voluntate servi-entes, sicut Domino & non hominibus.* Ecce quomodo conveniunt descriptor & structor. Quod si Cæsari, qui mundi descriptor tantum, non structor fuit, mundus obediit, & suæ imaginis numisma recepit, quanto magis Christo suæ civitatis ciues obedire, & eius imagine insigniri debent: ut liberi ab omni iugo ei soli serviant, qui in suis*

Dominati-
civitat. De
quæ m' apla
Isa. 40.

Mat. 22.

Rom. 13.

Mat. 17.

Ephes. 6.

1. Cor. 4.
Meritis
Sanctorum
protegimur
Ija. 49.

Sanctorum
cultus, ac
Reliquia-
rum vone-
ratio.

Gen. 9.

1. Cor. 8.

operibus velut in proprijs manibus formam
eis vitæ dedit & disciplinæ: & per Apostolos &
Euangelistas suos, quasi per proprios structo-
res, suam eis imaginem misericorditer impre-
ssit. Ipsi quippe meritò structores eius dicun-
tur, qui suis conciuibus dicunt. *Imitatores
nostri estote, sicut & nos Christi.* Ipsorum meri-
ta & exempla muri nostri sunt, qui coram
oculis Domini semper esse dicuntur, quia eo-
rum meritis ab eo protegimur & munimur.
Quod autem subiungitur, *Lema in circuitu ocn-
lostmos, & vide; omnes isti congregati sunt, vene-
runt tibi: & omnibus his velut ornamento vesti-
oris, & circumdabis tibi eos, quasi sponsa, & cæ-
tera quæ sequuntur, omnia libertatis gloriam
cominendant; eo quod ciues tam gratuito vn-
dique congregati, tam mirabiliter à Deo præ-
ordinati, dati, geniti, & nutriti, tamque mul-
tiplicati & magnificati, ciuitatē in Sion glorifi-
cent & exornent; & quasi quædam vestimenta
gloriæ similem eam faciant sponsæ, quæ reli-
cto patre & matre, & adhærens viro iam se in
gloriam vendicat libertatis. Cætera quæ se-
quuntur, quàm manifestè exprimant gloriam
dominationis, expositione non indiget, sed
admiratione. Quis enim non miratur, quis
non delectetur audire, imò quis iam se vidisse
non gloriatur, à cunctis mundi partibus gen-
tes ad Ecclesiam conuolasse; filios Ecclesiæ in
vltis, & filijs super humeros attulisse; Reges
nutricos, & Reginas nutrices habuisse, vultu
demisso in Ecclesia adorasse, & ad limina Apo-
stolorum & martyrum, aliorumque Sancto-
rum intrantium & exeuntium puluerem labijs
& lingua deuotissimè detexisse? Limina liqui-
dem piscatorum reuerenter deosculantur la-
bia Imperatorum. Ecce quanta est ciuitatis
Sion gloria potentis ac dominationis, quæ
non solum gentibus, sed etiam Regibus & Im-
peratoribus dominatur: imò seruire ei Reges
& principes gloriantur: & ut plus aliquid di-
catur, etiam dræmonia ei subijciuntur, & po-
testatem à suo Rege accipit calcandi super ser-
pentes & scorpiones, quorū alij cauda pūgē,
alij lingua, & super omne inimici virtutē, quæ
tota in his duobus, peccati scilicet suggestionē
& consummatione consistit. Dominatur etiā
cæteris mundi visibilibus creaturis quibuslibet,
de dono & gratia sui Imperatoris, à quo
audire meretur. *Terror vester & tremor sit su-
per cuncta animantia terra, & super omnes vo-
lucres cæli, cum vniuersis quæ moventur in terra.*
Quod licet bonis & malis videatur esse com-
mune, specialiter tamen bonorum est, qui nō
solum animantibus, sed ipsis etiam elementis
potenti virtute leguntur imperasse; ita ut cœ-
lum clausisse, solem fixisse, tempestuosum æ-
tē & mare procellosum solo verbo serenasse
inueniantur. Quibus specialiter à Paulo dici-
tur. *Omnia vestra sunt, siue Cephas siue Paulus,
siue Apollo: vos autem Christi.* Meritò quidem
Christi esse debent, quibus Christus inuisibi-
lia omnia subiecit, & quos suæ ciuitatis ciues
conscripti ad conregnandū: cum orbis Au-
gusti dictus fuerit, qui eum non condidit, sed
descripsit ad sibi seruiendum. His de gloria
dominationis breuiter prælibatis, ad tractan-
dum de laudis gloria transeamus. Eam siqui-
dem beatus diffinit Augustinus, Iudicium ho-
minum bene de hominibus opinantium. Et*

licet nostri ciues de testimonio opinantur,
sua potius quàm de opinione hominū glori-
entur: tamen nec bonæ opinionis famam sibi
desse volunt; sed comendant se de bonorum
conscientiam hominū, prouidentes boni
non solum coram Deo, sed etiam coram ho-
minibus, testimonium habere volentes etiam
ab his qui foris sunt: ut ex luce operum suorum
non ipsi, sed pater suus glorificetur, qui est in
cælis. Sciunt enim, quod laudando patrem,
nec ipsis laus deerit, sed secundum Salomonē
dabitur eis de fructu manuum suarū, & lau-
dabunt eos in portis opera eorum. Fallacem
siquidē gratiam & vanā pulchritudinem con-
temnunt, scientes, quod mulier timens Do-
minum ipsa rectius laudabitur. Hanc laudis
gloriā non vanam sed veram, non fallacem
sive fugacem, sed stabilem, nolens Dominus
suæ ciuitati desse, multis eam labiorum mo-
nimentis inferi voluit, mixtens ad eā deprom-
endam Prophetas & sapientes & Scribas:
& ne quid huic deesset gloriæ, gloriosos etiam
Reges Dauid & Salomonem ad eam decan-
tandam suo spiritu excitauit: quorum omni-
um si dicta super hoc vellemus retexere, citius
deficeret tempus, quàm copia. Sed ut alios
omitamus, sufficit tantum ad Salomonis
laudes recurrere, quas in typo ciuitatis nostræ
de muliere forti legitur deprompsisse. Ibi
quidem post multa, quæ in laudem eius di-
cta inueniuntur, legitur. *Nobilis in portis vir
eius, cum sederit cum senatorib⁹ terræ.* Et il-
lud, quod præmissum est. *Laudent eā in por-
tis opera eius.* Aliæ siquidē sunt portæ, in qui-
bus quæ apparent commendantur, aliæ in
quibus non operum, sed conscientis testi-
monium requiritur ab illo qui cordium est in-
spector, qui ipsas iustitias cum ad iudicandū
sederit, iudicabit: & ipsam Ierusalem scruta-
bitur lucernis: vbi iustus vix saluabitur, & eti-
am prudentibus virginibus vix suum sufficit
oleum, ut ex eo vel in modico fatuis virgini-
bus valeant subuenire. In illis portis nostræ
ciuitatis gloria manifestius apparebit. Ibi vir
ipsi nobilitatis suæ gloriā reuelabit. Surgēt enī
filij eius, & beatissimā prædicabunt, & vir eius
laudabit eam dicens. *Multas filias congrega-
runt dimittas, tu supergressa es vniuersas.* In illis
portis dabitur ei de fructu manuum suarum,
quæ interī in alijs portis sine fructu laborare
& operari videtur, & fructum non tam per-
cipere, quàm sperare, secundum illud, *Singula-
riter in spe constituisti me: iuxta illorum
opinionem qui in alijs portis dictari sunt. Nos
insensati vitam illorum aestimabamus insaniam,
& finem eorum sine honore. Ecce quomodo com-
putati sunt inter filios Dei, & inter sanctos fors
illorum est.* Portæ gloriæ erunt illæ, in quibus
non solum à filiis, non solum à viro, sed & ab
hostibus tam mirificè, tam gloriose ciuitas
nostra laudabitur Portæ verò iustitiæ non
incongruè dici possunt, in quibus interim
ex operibus iustitiæ collaudatur, de quibus
in psalmo legitur. *Aperite mihi portas
iustitiæ, & ingressus in eas confitebor domino*
Has iustitiæ portas quatuor esse plurima Do-
ctorū scripta testantur. Prima est dolor com-
punctionis, secunda vox confessionis, tertia satisf-
actio operis, quarta est confessio laudis, vel
gratiarum actionis. Hæ portæ diuersis aperi-

Prov. 31.

Prov. 31.

Ibid.

Sap. 5.

Psal. 119.

Porta iusti-
tiæ quatuor

usque modis. Primum, cum per eas quid apud nos interius agatur, exterius hominibus aperitur. Remanetur siquidem vis doloris per lachrymas, victoria peccati per confessionis humilationem: quia sicut initium peccati superbia, sic per humilitatem confessionis triumphatur de peccato: per satisfactione operis ostenditur ardor fervoris: sicut de Maria Magdalena legitur. *Consideravit quod egerat, & noluit moderari quid ageret.* Per gratiarum actionem apparet charitatis profectus, quæ quanto consummatio fuerit, tanto quietius & securius in Domino gloriatur. Aliter enim aperiuntur hæ portæ, cum vel ad prædicatoris vocem, vel per solam divinam inspirationem, corda peccatorum, quæ prius malè in mundi concupiscentia obdurata, & cuilibet admonitioni clausa & obsecurata erant, ad penitentiam aperiuntur, & compunctionis dolore scinduntur: ita ut etiam digni penitentiae fructus, qui sunt in confessione & satisfactione, remoto omni difficultatis repagulo subsequantur. Sic sibi Propheta portas iustitiæ aperiri poscebat, ut ingressus in eas, id est ut ingressus ei: confiteretur Domino, non in illis remanere volens, sed per eas ad hanc transire, de qua dicitur. *Hæc porta Domini, iusti intrabunt in eam.* In illas enim peccatores intrat, in istam iustificati à peccatis, quibus per Paulum dicitur. *Iustificati à peccato, pacem habeamus ad Deum:* & qui cum Propheta dicunt Domino, *Repleatur os meum laude, ut cantem gloriam tuam, tota die magnitudinem tuam:* quoniam non est speciosa laus in ore peccatoris. Ecce hæ sunt portæ iustitiæ, per quas civitatis nostræ ciues intrant ad gratiam, qui per quatuor præscriptas, quas principales diximus, intrant ad veniam. Bene autem illæ principales dicuntur, quæ ita sunt necessitatis, ut sine illis neque ad veniam, neque ad gratiam pertingatur: & ut duodecim, quas Ezechiel vidit in spiritu, portæ nostræ civitatis spiritualiter assignentur, sunt & quatuor portæ gloriæ, per quas ad patriam pervenitur, quarum tres merito duo decim Apostolos dixerim, qui fidem Sanctæ Trinitatis per quatuor mundi partes disseminaverunt, & mundo prima fidei rudimenta tradentes, doctrinæ Christianæ ei ianua extiterunt. Sed & cum venerit Dominus iudicare vivos & mortuos & sæculum per ignem, creduntur portæ futuri ad Christum: portæ inquam claudendæ damnandis, aperiendæ saluandis. Per eas quidem quotquot ad fidem intraverunt, ad fidei præmium admittentur, ab eis iudicandi: per eos Domino præsentandi, quorum vni à Domino dictum pro omnibus legitur. *Tibi dabo claves regni celorum: & quodcumque ligaveris super terram, erit ligatum & in celis.* Et illud. *Cum sederis filius hominis in sede maiestatis sue, sedebitis & vos super sedes duodecim, iudicantes duodecim tribus Israel.* Tunc sue civitati in his portis nobilis apparebit vir eius, cum gloriosus apparebit in sanctis suis, mirabilis in maiestate sua. Tunc istarum portarum revelabitur gloria, quæcum ad fidem intrantium frequenter premerentur, & comprimentium iniurijs quassarentur, minimè apparebat: quamvis nec tunc Apostoli inglorij prorsus extiterint. Neque enim mediocris erat gloria, quod in plateis

ponebatur infirmi, & sola umbra Petri obumbrati ab incommodis omnibus sanabantur. Nec solam Petri, sed & aliorum miracula si quis velit attendere, tantæ gloriæ immensitatem nullus sufficiet admirari. Omitto alia gloriosa Dei dona, quibus ipse in eis voluit glorificari, quæ enumerans Apostolus dicit. *Alii datur sermo sapientiæ, alii sermo scientiæ, alii prophetia, alii discretio spirituum, alii genera linguarum, & cætera quæ sequuntur:* quæ si aliquis voluerit diligentius considerare, cogetur cum Apostolo exclamare. *O altitudo divitiarum sapientiæ & scientiæ Dei: quam incomprehensibilia sunt inania eius, & inestigabiles viæ eius.* Sed ne tanta altitudo gloriæ, & tantum spiritualium divitiarum thesauri iam finiendi sermonis angustia concludantur, melius aliteri principio reservantur: ut ex novitate principij ad novitatem gloriæ corda legentium innoveantur. Ipse autem semper Alpha & Omega nostri sermonis, qui initium est & c.

Tractatus 8. De Gloria Apostolorum.

De illa deuotione & gloria, quæ Apostolis quotidie à fidelibus exhibetur, aliquid iam dicendum videtur, quæ non solum præsentibus festiva gaudia de eis frequenter agentibus visu & auditu sufficienter est nota, sed etiam à Patribus veteris Testamenti per spiritum præuisa, multis modis prænuntiata est ab eis & commendata. Ex quibus Propheta David, ut cæterorum dicta mittamus, quæ longum esset retexere, in hanc vocem mirando legitur prorupisse. *Mihi autem nimis honorati sunt amici tui, Deus, nimis confortatus est principatus eorum.* Quod cum etiam cæteris beatis assignet Gregorius dicens, *Ecce electi Dei carnem domant, spiritum roborant, demonibus imperant, virtutibus cornescunt. Præsentia despiciunt, eternam patriam moribus & vita prædicant, eam moriendo diligunt, & ad eam per tormenta pertingunt. Occidi possunt, & flecti nequeunt, ita confortatus est principatus eorum:* specialiter tamen beatis congruit Apostolis, qui præ cæteris sunt à Domino honorati, & potiori principatu donati, sicut alibi idem Propheta ait. *Pro patribus tuis nati sunt tibi filij: constitues eos principes super omnem terram.* Numquid non nimis confortatus videtur principatus eorum, qui super omnem terram sunt principes constituti? Quis unquam terrenorum principum totam terram obtinuit, licet monarchiam dicantur aliqui tenuisse? Imò quis vel mediam eius partem aut per se, aut per suos potuit peragrarè? Beati verò Apostoli ita sunt super omnem terram principes constituti, ut non solum iugum dominationis eorum nullus refugiat: quin potius nullus sit aut princeps aut subditus, qui non libenter ac grater ipsoz dominio devotus colla submittat, qui non eorum patrocinio gaudeat, qui non eorum suffragia reuerenter exquirat. Nimis ergo potens ac fortis factus est principatus eorum. Satis potens est ille principatus, qui ita fortiter custodit atrium suum, ut in pace sint omnia quæ possidet: & de suis ab eo nullus possit aliquid violenter auferre: potior verò, contra quæ nullus vel se vel sua possit defendere vel tu-

D. iij.

Grego.
Rom. 12.
in Euang.

Psal. 117.

Rom. 9.
Psal. 79.

Ezech. 40.

Apostoli
sunt portæ
civitatis
Dei.

Mat. 16.
19.

Mat. 5.

1. Cor. 12.

Rom. 11.

Psal. 138.
Greg. 10.
27. in Euang.

Psal. 44.

Quartus
sit principatus
Apostolorum.

uerit: potentissimus verò, cui nec resistere potest creatura aliqua, nec nocere. Sed nimis ille confortatus est principatus, qui nec sine clauditur, nec infestatione aliqua molestat. Sic confortandum principatum Apostolorum sicque confortandas seras portarum nostrarum Propheta prouidens, mirando gloriabatur & gloriando mirabatur, Et ne tantus principatus honore debito carere videretur, pramissit dicens. *Nimis honorati sunt amici tui Deus.* Magn⁹ quippe honor amico exhibetur, cum ad amici secreta consilia, & ad quolibet eius arcana admittitur, sicut ait Domin⁹ Apostolis suis. *Vos autem dixi amicos, quia quaecumque audiuimus a patre meo nota feci vobis.* Et propheta gratias agens Domino dicebat *Incerta & occulta sapientie tue manifestasti mihi.* Maior autem est honor, quando suo amico amicus communicando partitur: maximus, cum omnia sua illi committit, & omnibus eum praeferit & praeponit. Sic Pharaon Ioseph legitur honorasse, sic Nabuchodonosor Danielē, sic Rex Assuerus Aman honorare volens, solium eius posuit super omnes principes quos habebat, ita ut cuncti serui Regis eum dectentes genua adorarent. Sed qui ille tanta abusus gloria diu in ea sit non potuit, illum per maximū veluminiū huiusmodi dicere possumus, qui non momentaneus aut transitorius inuenitur, cum eum quem suis omnibus praeferit, etiam adoptat in filium, & suum constituit heredem. Sic Christus suos volens honorare amicos, eum factus ipse primogenitus in multis fratribus coheredes habere voluerit: ceteris tamen fratribus & amicis beatos Apostolos praeferre voluit, quibus & specialiter dixit. *Vos estis qui permanistis mecum in temptationibus meis, & ego dispono vobis regnum, ut edatis & bibatis super mensam meam in regno meo; & sedetis super thronos, indicantes duodecim tribus Israel.* Breuiter ista pertransco, dans tantum occasionem sapienti, ut sapientior fiat. Sed forte minus sufficenter videbitur aliquibus assignatum, quod sub triam portarum numero duodenarium Apostolorum duximus concludendum. Attendat ergo & aliud forte non contemnendum. Tribus siquidem modis Apostoli in ciuitate Domini officium obinent, & vicem portarum. Primò siquidem nascenti Ecclesiae portae fuerunt ad fidem, quotidie proficenti portae sunt ad iustitiam fidei, tandem coronandae ad iustitiae praeium portae futuri. Quod non immerito in eo forte signatur, quod Apostolicae documenta doctrinae tribus tantum scribendi modis distinguuntur. Primò in Actibus Apostolorum actuum & dictorum suorum historia texitur, secundò per epistolas nascentis Ecclesiae commendantur virtutes, & vitia corriguntur: tertio quae poenae maneant impiis, & iustos quae praemia, in Apocalypsa prophetatur. Ad idem quoque respicere videtur, quod triplex principis Apostolorum in Ecclesia festiuitas celebratur: prima de cathedra, secunda de vinculis, tertia de triumpho. Audientes siquidem eum de persecutore, de mundo, de morte, tam gloriose triumphasse, merito de tanta eius virtute confidimus, ut quod nostris non possumus, tanti patroni meritis assequamur. Audientes autem eum duabus vincularum catenis, diuocarum mancipatum,

ad similia sustinenda pro iustitia prouocamus. Quid de Apostolica dicam doctrina, quae per Petri cathedra designatur, nisi quod tota orbis terra de Christi repleto quatuor ipsius partes quatuor nihilominus pedibus suis cathedra ipsa concluderet. Quatuor siquidem modis coram Regibus & principibus, populis & nationibus nomen Christi portando, verbo, moribus, miraculis, morte denique, eius testimonium sunt confessi. His quatuor pedibus innitentes, talibus subnixam columnis, suam cathedra firmauerunt, sicut eis à Domino predictum erat, testes eius effecturi in Ierusalem, & in Iudaea, & usque ad vltimam terram. Hec est illa cathedra, in qua cum numerarentur, & nominarentur fortes David, primus absque nomine legitur sedens sapientissimus princeps inter tres, quali tenerrimus ligni vermiculus, qui octingentos interfecit impetu vno. Ibi inter fortes David triginta nominantur, deinde tres fortiores, tandem tres fortissimi numerantur, quibus ipso David addito, in summa triginta & septem inueniuntur. In triginta fortibus bonorum coniugatorum exprimitur fortitudo, qui fortes in fide fortium operum, multiplicatione, fide in se Trinitatis viuere protestantur. Fides enim sine operibus mortua comprobatur. In tribus fortioribus fides continentium designatur, qui non solum luce bonorum ac fide non ficta sunt contenti, sed etiam cor purum & conscientiam bonam Domino exhibere contendunt. Cor purum, ut nihil aliud, quam ad quod diligendum est, diligatur. Conscientiam bonam, per quam recte viuendo certa spe quod diligunt odoratur, & fide non ficta tenetur. Bona siquidem inuisibilia, quae fide non ficta tenemus, per spiritum bonae conscientiae odoramur, & per charitatem de corde puro gustamus. His tribus, fide scilicet, spe & charitate, homo subnixus, easque inconcussa retinens non indiget scripturis, nisi ad alios instructos: ita ut multi per haec tria sine codicibus in solitudine vixerint. Vnde sicut beatus ait Augustinus, iam in illis impletum esse videtur, quod dictum est. *Sine prophetia, enunciantur sine lingua, cessant sine scientia, de fructu, quibus tamen quasi machinis tanta fidei & spei & charitatis in eis surrexit uictio, ut per eam aliquid tenentes, ea quae sunt ex parte non querant. Perfectam sanè, quantum in hac vita potest. Hi adeo fortes fuisse dicuntur, ut inter cetera quae fortiter egisse narrantur, etiam leones tres in diebus niuis percussisse ferantur. Quod non est aliud, quam quod de Daniele legitur, quod in lacu missum leones minime nocere potuerunt: quia irae & tribulationis tempore, quod est in die niuis & caliginis, vitia eum non solum non subiugauerunt, sed ei potius diuino sunt auxilio subiugata. Nam quod apud Danielē septem, hic tres tantum leones fuisse dicuntur, ita recte intelligitur, ut in septenario omnia vitiarum genera designentur, sicut septem demonia de Maria à Domino sunt eiecta: in tribus leonibus tria illa maxima, ex quibus cetera omnia oriuntur, superbia scilicet, luxuria & auaritia. Bene autem haec tria leonum nomine exprimuntur: quia leo animal superbissimum, libidinosisimum, & voracissimum esse perhibetur. Merito igitur triginta fortibus tres isti*

Psal. 138.

Ioa. 15.

Psal. 50.

Gen. 41.

Dan. 2.

Ezth. 7.

Luc. 22.

Apostoli
sunt portae
ciuitatis
Dei.

Tres Petri
f. similes.

2. Reg. 21

1. Cor. 13

Daniel. 14

Triplex
Doctorem
officium.

10a. 21.

Luc. 22.

Act. 10.

Luc. 10.

1. Cor. 12.

fortiores dicuntur, quod & illos non latuit, qui Iob tricesimum, Danieli fructum sexagesimum assignarunt. Sed quantumcumque Daniel fortem se sentiat, nulla se ratione spiritali Noe eudeat comparare: quia etsi docti iuxta Daniellem intelligendi, qui ad iustitiam erudiunt multos, quasi stellæ futuri sunt in perpetuas æternitates, unde & eis solis fructus centesimus assignatur, quia frequenter Doctoribus intelligere ex meritis subditorum conceditur, ad quod nec suis studiis, nec sua umquam contemplatione lenantur. Merito igitur fortissimi David Doctores intelliguntur, qui seiplos sibi abnegantes, omnibus omnia propter Christum fiunt, ut omnes lucrificasset Christo, & omnia possint in eo, qui eos confortat Christus. Horum omnium primi & præcipui beati fuerunt Apostoli, de quorum principe Petro dicitur, quod sedet in cathedra sapientissimus princeps inter tres. Nec ipsi sine causa, cum sint duodecim, tres dicuntur, sed triplex in hoc Doctorum officium in nobis videtur. Primum est doctrinæ, secundum conversationis & vitæ spiritualis, tertium divinæ contemplationis. Hæc tria in illis tribus nobis sunt designata, quos Dominus seorsum ab aliis Apostolis assumens, secum duxit in montem, & lucem eis gloriam transfiguratus ostendit, Petrum loquor, Iacobum, & Ioannem. In Petro doctrinæ gratiam specialiter expressam illud manifeste ostendit, quod ei soli dictum à Domino legitur. *Pascite oves meas.* Et illud. *Es tu aliquando conversus confirma fratres tuos.* Illud quoque, quod vas de celo submissum ei est præostensum, & audire meruit à Domino, *Matta & manduca.* In Iacob qui luctator interpretatur, spiritualis exercitii lucta intelligitur: quæ Sancti Doctores non solum contra vitia luctando quotidie sentiunt, sed in ipsis spiritualibus exercitiis de hoc ad aliud transeundo sæpius experiuntur. Neque enim mediocris lucta est, sicut norunt, qui talia sunt experti, cum à dulcedine intimæ compunctionis, à sedulitate divinorum officiorum, à pernicii suorum circumspeditione actum, à fraternæ compassionis curam, & spiritualibus suis debitam sollicitudinem ex pastoralis officii debito cogitur quis transire, Unde & talibus congruere videtur, quod dictum est. *Mariha, Mariha, sollicita es, & turbaris erga plurima.* In Ioanne qui supra pectus Domini in cæna recubuit, & cui revelata sunt secreta cælestia, illud manifeste contemplationis genus exprimitur, quod specialiter Doctoribus dari solet, ex divina tantum revelatione, potius quam ex humana meditatione aut investigatione. Tales fuerunt excessus Pauli, quos ipse commemorans, raptum huiusmodi hominem asserit, non deductum. Talis & illa Petri, cuius superius meminimus, de linthei visione: tales & Ioannis revelationes, ex ipsa earum constat relatione fuisse. Licet autem singula horum trium in singulis trium prædictorum Apostolorum emineant, tamen omnia ipsa tria plenè atque perfectè in singulis eorum, & omnium etiam cæterorum Apostolorum fuisse credendum est. Rectè igitur ipsi per tres fortissimos David intelliguntur, qui & fortes contra homines, & fortiores contra dæmones, fortissimi autem etiam contra Deum, orationibus iram eius placando, & suis meritis ad misericordiam flectendo prævaluisse leguntur. Nec solum omnes in tribus, sed in ipso vno suo

principe Petro omnes possunt intelligi, cum dicitur, *Sedens in cathedra, sapientissimus princeps inter tres.* Doctrina etenim Apostolica, quæ & Canonica dicitur, maiori præ cæteris Romanorum scilicet Pontificum atque Doctorum non solum auctoritate, sed etiam sapientiæ luce præfulget. Unde nec nominatur sedens ille in cathedra, quia doctrina Apostolica non ab eis, sed à Christo per Spiritum sanctum est eis inspirata: nec eorum, sed eius potius est dicenda, qui eis, manens cum eis, repromisit dicens. *Cum venerit paracletus, quem ego mittam vobis à patre, docebit vos omnem veritatem.* Et alibi. *Cum steteritis ante Reges & præfides, nolite præmeditari, qualiter respondeatis: dabitur enim vobis in illa hora quid loquamini.* Et illud. *Dabo vobis os & sapientiam, cui non poterunt resistere omnes adversarii vestri.* Quod & Paulus de se profitens ait. *Evangelium quod euangelizavi, non est à me, nec per hominem accepi illud, sed per revelationem Iesu Christi.* Cathedra igitur Petri, Christi potius est, quam Petri: sed ascendens Christus ad regni solium, tribunal ei, siue thronum iudicantiæ potestatis promissit, cathedra doctrinæ Christianæ commisit: & licet ab Apostolicæ doctrinæ cathedra sacri succedentium Romanorum Pontificum canones, & Ecclesiasticorum Doctorum sapientissima documenta non discrepent, nulla tamen ratione eidem cathedræ coarquantur: sed velut scabellum pedum cathedræ coherentia, ei semper humiliter obsequuntur, & in medio eorum Petrus sedet, præficiens auctoritate sapientissimus divinæ revelationis illustratione, princeps gratiæ & magnificentæ potestate. Audiamus, quid aliqui Romanorum, quidque præcipui Doctorum Ecclesiasticorum super hoc sentiendo professi sunt. Ait Gelasius Papa. [Sancta Romana Ecclesia post illas veteris & novi Testamenti Scripturas, quas regulariter suscipimus etiam has suscipi non prohibet. Sancta Synodus Nicænâ trecentorum decem & octo Patrum mediante maximo Constantino Augusto, in qua Atrius condemnatus est. Sanctam Synodum Constantinopolitanam mediante Theodosio seniore Augusto, in qua Macedonius hæreticus debitam damnationem excepit, Sancta Synodus Ephesinâ primâ, in qua Nestorius damnatus est, consensu beatissimi Papæ Celestini, mediante ipsius legato. Sanctam Synodum Chalcedonensem mediante Marciano Augusto, in qua Nestorius, Euvyches, & Dioscorus cum suis complicibus sunt damnati. Sed & si qua sunt alia Concilia à Sanctis Patribus instituta, post istorum quatuor auctoritatē & custodientia & recipienda mandamus. Item Decretales Epistolæ quas beatissimi Papæ diversis temporibus ab urbe Roma pro diversorum Patrum consolatione dederunt, venerabiliter suscipiendæ sunt.] Item Leo papa. [Ita Dominus noster Iesus Christus humani generis salvator instituit, ut veritas, quæ antea legis & prophetarum præconio continebatur, per Apostolicam tobam in salutem uniuscuiusque exiret, sicut scriptum est. In omnem terram exiit sonus eorum, & in fines orbis terræ verba eorum. Sed huiusmodi muneris sacramentum ita Dominus ad omnium Apostolorum officium pertinere voluit, ut in beatissimo Petro omnium Apostolorum summo principatim collocaret: ut ab ipso quasi quodam capite dona sua velut in corpus omne

Scripturæ
sacræ præ
alijs digni
tas.

Luc. 21.

Mat. 10

Luc. 21.

Gal. 2.

Gelas. in
Syno. 70.
Episc.

Leo ep. 13

Mat. 16.

Urban
decret.
Lib. 2. de
Bapt. con-
tra Donat.
c. 3.

Epist. 48.

6.

12.

diffunderet, ut exortem se ministerij intellige-
ret esse diuini, qui ausus esset à Petri soliditate
recedere. Hunc enim in consortium indiui-
duę vnitatis assumptū, id quod ipse erat, vo-
luit nominari, dicendo. Tu es Petrus, & su-
per hanc petram ædificabo Ecclesiam meam.
ut æterni Templi ædificatio mirabili munere
gratię Dei in Petri soliditate consisteret, hac
Ecclesiam suam firmitate corroborans, ut illā
nec humana temeritas posset appetere, nec cō-
tra illam portę inferi præualere. Verū hanc
petrę istius sacratissimam firmitatem, Deo, ut
diximus, ædificante constructam, nimis impia
vul&præsumptione violare, quisquis eius po-
testatem tentat infringere, id quod accepit à
maioribus non sequendo.] Item Urbanus. [Sūt
quidam dicentes, Romano Pontifici semper
licuisse nouas condere leges, quod nos nō ne-
gamus, sed valde affirmamus. Sciendum uerò
est, quia inde nouas leges condere potest, vn-
de Euangelistę aliquid non dixerunt. Vbi ve-
rò apertē Domin⁹ vel eius Apostoli, & eos se-
quentes Patres sancti sententialiter aliquid di-
finierunt, ibi non nouam legem Romā⁹ Pō-
tifex dare, sed potius quod prædicatum est, vs-
que ad animam & sanguinem confirmare de-
bet. Si enī quod docuerunt Apostoli & Pro-
phete, destruere, quod absit, niteretur, nō sen-
tentiam dare, sed magis errare conuinceretur.]
Item Augustin⁹ De vnico baptismo. *Quis no-
sciat sancti Scripturam Canonicam, tam veteris
quā noui testamenti, certis terminis contineri,
eamq; posterioribus literis omnium Episcoporum
ita præponi, ut de illa omnino dubitari & discep-
tari non possit, utrum verum, vel utrum rectum
sit, quidquid in ea scriptum esse confiteris? Epi-
scoporum autē literas, quę post confirmatum Ca-
nonem vel scriptę sunt, vel scribuntur, & per ser-
monem fortē sapientiore cuiuslibet in ea peritio-
ris, & per grauiorem auctoritatem aliorum Epi-
scoporum, doctior, &que Prudentiā, & per Conci-
lia licere reprehēdi, si quid in ijs à vero deuia-
tum est* Item ad Vincentium *Noli contra diuina
multa, tam præclara, tam indubitata testimonia,
colligere velle calumnias ex Episcoporum scriptis,
sive nostrorum, sive Hilarij, sive antiquam pars
Donati separaretur, Cypriani Agrippini: primò
quia genus hoc literarum ab auctoritate Canonis
distingnuendum est. Non enim sic leguntur, tam-
quā ita ex eis testimoniis proferatur, ut contrā se-
cūro non liceat, sicubi fortē aliter sapiunt, quā
veritas postulat. In eo quippe numero sumus, ut
non delinquamus etiam dictum ab Apostolo acci-
pere. Et si quid fortē aliud sapitis, hoc quoque vo-
bis Domin⁹ reuelabit.* Ecce quā humiliter Ro-
mani Pontifices, Ecclesiastici Doctores, Apo-
stolicę se doctrinę subijciunt, & tāquam sca-
bellum cathedrę pedibus se substernūt, ut pa-
lam profiteantur, non licere Romano Ponti-
fici nouas condere leges, vbi apertē Dominus
vel eius Apostoli sententialiter aliquid diffini-
erunt: sed potius quod ab eis prædicatum est,
debeat vsque ad animam & sanguinē confir-
mare. Sed nec legi literas suas Doctores volūt,
tamquam ex eis testimoniū proferatur, ut cō-
trā sentire non liceat, sicubi fortē aliter senti-
unt, quā veritas Apostolicę doctrinę postu-
lat. Sed ne scabellum istud humi & contēpti-
biliter hæreat, & puluere conspersum aliquo
modo fœdetur, supponitur ei velut quoddam

regium ac nobile substratorium leges munda-
næ, quę vel Iustinianę, vel Imperiales dicun-
tur, quod in ipsis legibus Iustinianus ipse pro-
fiteri non erubescit, dicens. *Leges nostrę non
dedignantur imitari sacros Canones.* Valentini-
anus quoque Imperator, cū ab Oriente ad
Hesperias partes veniens, Mediolani Catho-
licum vellet ordinari Episcopum, euocās Epi-
scopos, sic eis locutus est. *Nostis ex diuinis elo-
quijs, qualem oporteat esse Pontificem, quod debe-
at semetipsum totius imitatore virtutis ostēde-
re, testemque doctrinę conuersationem bonā ha-
bere: cui & nos qui gubernamus Imperium since-
rē capita nostra submittamus: cui⁹ monita, dum
tamquam homines delinquimus, necessariò veluti
curantis medicamina suscipiamus. Super vos enī
est talis electio, qui diuina gratia potiti, & illo
splendore fulgentes, melius potestis eligere.* Hac
Nicolaus Papa attendens, ita ait. *Lex Impe-
ratoris nō est supra legē Dei, sed subius: non quod
Imperatorum leges: quibus sæpe Ecclesia utitur
contra Hæreticos, sæpe contra Tyrannos, atque
contra prauos quosque defenditur dicamus peni-
tus renuendas: sed quod eas Apostolicis & Eua-
gelicis atque Canonicis decretis non possit inferre
preiudiciū, asseramus.* Sed ne, quę dicta sunt
de Cathedra, & muli Cathedrę de sermonis pro-
lixitate corrodant, cū multa adhuc de ea oc-
currant, alio ea principio referuamus, ut mo-
dica interim quiete releuati, ad ea quę dicēda
sunt alacriter accedamus. Ipse autem Alpha
& O sit sermonis nostri, qui omniū princ. &c.

Tractatus 9 De Cathedra Petri iterum.

Nec mirari debet aliquis, nec moueri, si
circa ciuitatis nostrę portas diutius im-
moramur: vel si de portis tractaturi, de cath-
edra prolixius disputamus. Solent enim iuxta
portas plateę inueniri, in quibus solent sapi-
entibus cathedrę præparari, ut de ipsis secun-
dum Salomonem foris fontes sapientię deri-
uentur; & in plateis spiritualium aquarum
riui diuidantur. Sic quippe Iob ad portam
ciuitatis procedenti, sicut ipse testatur, in pla-
tea cathedra parabatur, vbi videntes eum iu-
venes abscondebātur, & senes assurgentes sta-
bant, auris audiens beatificabat eum, & ocul⁹
videns testimonium reddebat ei. Non ergo
mirū, si & nos inuenta latiori planitie Scrip-
turarum, circa portas glorię aliquantulum
euagmur, & more ludentium in plateis de
portis ad cathedram, de cathedra ad scabellū,
de scabello ad tapetem pictum ex Ægypto sal-
tum damus, ne fortē impropetari nobis possit
à patribus illud Euangelicum. *Cantamus
vobis, & non saltatis.* Cantatum siquidem no-
bis iucundē & mirabiliter est in libro Regum
de Fortibus Dauid: & descripta nomina eorū
simul & opera in typo Apostolorum, quibus
dictum est. *Gaudete, quia nomina vestra scripta
sunt in cælo.* Nam quod primi eorum nomen
non edicitur, illud fortē significat, ut quisquis
ad doctrinę officium & cathedram pastora-
lem assumitur, nomen sibi facere non studeat: sed
et si nomen iuxta nomen magnorum qui sunt
in terra habuerit, in eo non gaudeat, sed in eo,
si nomen suum scriptum in cælo esse confidat,
dicens cum Propheta Domino. *Nam nobis Do-
mine*

Pron. 5.
Iob. 29.

Mat. 11.

Luc. 10.

Psal. 113.

Papa cur
nomen pri-
stinum de-
ponat.

Galat. 2.

Matth. 16.
2. Reg. 23.Tres in Scri-
pturis cathe-
dra, & quid
significent.
Matt. 23.

4. Reg. 4.

Matt. 16.

Hebr. 9.

Luc. 1.

Isa. 1.

mine, non nobis. sed nomini tuo da gloriam. Sic sic nomen Domini, non suum, sanctificari se- per postulet & exoptet. Hinc est, quod Romanus Pontifex, qui Petri successor est in terris, quando instituitur, nomine pristino deposito, alicuius sanctorum prædecessorum suorum nomine insignitur: ut iam non communem hominum vitam aut conversationem ducat, sed mutatus in virum alterum non iam sit qui fuerat, & de numero sanctorum effectus, cum Apostolo dicat. *Vino ego, iam non ego: vivit verò in me Christus.* Sic quippe Petrus in signum sui principatus, solus inter alios à Domino nomen accepit, per quod non tam ipse, quam Christus agnosceretur: qui cum petra dictus sit, à petra Petrum denominavit, dicens. *Tu es Petrus, & super hanc Petram ædificabo Ecclesiam meam.* Merito proinde Petrum præfiguravit ille primus fortium David, non solum in eo quod nomen ejus non ponitur; sed & in eo quod sedisse in cathedra, & sapientissimus fuisse inter tres, quasi tenerimus ligni vermiculus, & octingentos occidisse vno impetu perhibetur. De cathedra autem Petri & sapientia satis iam dictum esse videtur. Sed si adhuc alia de ea audire delectat, tres in scripturis cathedras specialiter legimus commendatas: cathedram Moysi, cathedram Elisæi, & cathedram Petri. De prima legitur. *Super cathedram Moysi sederunt Scribae & Pharisei.* De secunda, quod fecerit mulier Sunamitis Elisæo cœnaculum parvum, in quo constituit ei lectum, sellam, mensam, & candelabrum. De tertia, *Tu es Petrus, & super hanc Petram ædificabo Ecclesiam meam; & porta inferi non prævalebunt adversus eam. Et tibi dabo claves regni cœlorum.* Cathedra igitur Moysi, doctrina fuit legis: sella Elisæi, doctrina Prophetica: cathedra Petri Evangelica & Apostolica est doctrina. Doctrina legis iustitiam carnis imposuit, sicut Apostolus ait. *Non potest lex iuxta conscientiam perfectum facere servientem: solum modo in cibis & potibus, & iustitijs carnis usque ad tempus correctionis impositis.* Hæc iustitia carnis erat in hostijs & muneribus, & varijs baptismatibus: quæ licet secundum conscientiam perfectum non possent facere servientem; secundum legis tamen iustitiam, iusti dicti sunt multi, etiam coram Domino, incedentes in mandatis & iustitijs legis sine querela. Sic enim de Elisæbeth & viro ejus Zacharia etiam in Evangelio legitur. Doctrina Prophetica iustitiam non rectè offerendi, sed rectè operandi indixit. Vnde Isaias. *Quid mihi multitudinem victimarum vestrarum dicit Dominus? plenus sum. Ne offeratis ultra sacrificium frustra. Incensum abominatio est mihi. Neomenias & sabbata & festivitates alias non feram. Manus vestra sanguine plena sunt. Lavamini, mundi estote, quiescite agere perversè, discite bene facere. Querite iudicium, subvenite oppresso, iudicate pupillo, defendite viduam; & venite, & arguite me, dicit Dominus.* Ecce doctrina Prophetica primò victimarum & holocaustorum, & cœremoniæ carnalium vanam spem & fallacem fiduciam tollit: secundò quiescendum à peruerso opere præcipit: tertio bene agere discendum indicit: quarto quæ inter bona opera sint potentiora & salutis viciniora, edicit. Huic omnis concinit prophetia, hoc omnes prophetæ persuadere intendunt, ut declinent per-

uerfi à malo, & faciant quod bonum est. Hæc Elisæi sella, quæ licet & inculta, & sermone obscuro velut ex rudi & impolita materia contexta videatur: solida tamen & firma, atque immobilis inuenitur, iuxta verbum principis Apostolorum dicentis. *Habetis firmiorem Propheticum sermonem, cui benefacitis attendentes tanquam lucerna lucenti in caligine solo.* Ecce cathedra Petri sellam Elisæi aut cathedram Moysi non evertit; sed velut eis supereminens quasi firmissimis columnis innixa subsistit. De lege enim ait. *Nō veni solvere legem, sed adimplere.* De Prophetis, Incipiens ait, à Moysè & Prophetis, interpretabatur eis, quæ de illo scripta erant. Huic etiam concinit, quod Moyses & Elias cum Christo loquentes apparuerunt in monte. Inter hos igitur cathedra Petri medium obtinet locum, velut dignior & superior, & quæ illi merito sessori congruat, qui sapientissimus dicitur inter tres. Sicut enim cathedra Petri prædictis duabus constat esse superiorem, ita & Petrum in sapientia tanquam Christi vicarium, & primum fortium David, constat fuisse sublimiorem. Ejus siquidem sapientia non solum carnis iustitiam, sicut Moyses, nec solum operis rectitudinem, sicut sermo propheticus, sed cordis munditiam requirendam, agnovit, & docuit, dicens, sicut ex ore veritatis didicerat, & acceperat prædicandum. *Mundate prius quod intus est calicis vel patrisidii; & quod exterius est, mundum erit.* Et illud. *Non quod intrat in os, coinquinat hominem; sed quod exit, & cætera.* De corde enim exeunt cogitationes mala, homicidia, & cætera quæ sequuntur. Illud quoque; *Audistis, quia dictum est antiquis, non occides, & cætera.* In his & alijs multis, quæ silua nobis Evangelica & Apostolica profert, docemur, non solum illicitos actus, sed etiam perulantes corporis motus, & irrationabiles cordis affectus cohibere. Merito igitur sapientissimus inter tres dicitur, qui perfectissimus inter eos quos prædiximus, perfectioris vitæ, & abundantioris iustitiæ præcepta noscitur edidisse. Ut autem hujus sapientissimi cathedre dignitas seu firmitas plenius innotescat, quot & quibus nitatur pedibus, intendamus. Tres siquidem ipsius pedes Dominus in Evangelio videtur expressisse, ubi discipulis aiebat. *Nonne hæc scripta sunt in lege, & prophetis & psalmis de me: ubi legem, prophetas, & psalmos, de se dicit testimonium perhibere; ut scilicet oporteret eum pati & resurgere à mortuis die tertia, & prædicari Evangelium in omnes gentes.* Ibi legem, prophetas, & psalmos, Evangelio probat astipulari: & eis velut tribus stipitibus Evangelium niti. Quibus ut quartus stipes addatur, iunguntur prædictis scripturæ quæ agiographæ nuncupantur: sicut sunt, liber Iob, Salomonis, Daniel, & alij, qui non minus manifestè quam cæteri Christum prænuntiando prophetant. Vel si inter agiographa psalmos iuxta Hieronymum computamus, possumus quartum pedem dicere, scripturam illam, quam idem Hieron. apocripham nominat, scilicet librum sapientiæ, Iesu filij Sirach, Tobie, Iudith, Machabæorum: in quibus nihilominus inuenimus Christi & Apostolorum tempora præsignata. In his omnibus Scripturis veteris testamenti si sensus spiritualis requiratur, ut eliciatur mysticus intellectus, inuenietur non minus mira-

2. Petri 1.

Matth. 5.
Luc. 24.Matth. 23.
& 15.Pedes cathedrae Petri
qui & quot.

Luc. 24.

biliter, quàm decenter tenerrimus ille ligni vermiculus, de quo statim post cathedrâ subinfertur. Quid enim vermiculo illi similis spirituali intellectu? Vermiculus siquidem ille ex aliquo ligni humore velut ex quadam occulta ipsius materia & accidentali calore secreta quadam vi naturæ exteriori adhibita procreatur. Hic spiritualis intellectus ex duritia literæ tracta similitudine quasi quodam humore reperto, & calore Spiritus sancti animum inspicientis inflammante pariter & illustrante, velut quodam sole aëre accedente extruditur. Hic velut tenerrimus ligni vermiculus quidam non violentia vtens alicujus percussione, sed vicem obtinens vnctionis, literæ duritiam occulta quadam & subtili examinatione inflectendo emollit: animum quoque inspicientis quadam vi voluntaria demulcendo compungit. Hunc vermiculum Paulus in cordibus auditorum suorum procreari volebat, cum diceret. *Litera occidit, spiritus vivificat.* Petrus quoque id ipsum alijs verbis exprimit dicens. *Omnis Prophetia propria interpretatione non fit. Non enim voluntate humana allata est aliquando prophetia, sed Spiritu sancto inspirati locuti sunt sancti Dei homines.* Ac si diceret. Si iuxta propriam interpretationem verba prophetica accipitis; ligni, imò lapidis potius duritiam, quàm intelligentiam capietis. Si autem Spiritu illo ducimini, quo fuerunt Prophetæ inspirati, in eorum verbis Spiritum & vitam inuenietis, & ex eis ipsi etiam vobis vitam cōparabitis: vt more teredonis sermo Dei in vobis operetur, & si non cito gressu, iugi tamen conatu quidquid in vobis durum est emolliens, & in similem sui commutans qualitatem. Hoc igitur teredone duce rimemur cetera, quæ in eadem litera subjunguntur; vt ex eis vitale aliquid ipsi percipientes tenerrimi illius vermiculi eximiam virtutem mox in nobis experiamur. Sequitur ergo, quod occiderit hic sapientissimus octingentos impetu vno. Quid quæso vtilitatis ex litera ista, cum legitur, fidelibus prouenit: qui non solum occidere, sed etiam sine causa irasci homini prohibentur? Sed veniens Spiritus Domini, qui vt hæc scriberetur inspirauit, & qui in corde scribentis velut tenerrimus vermiculus quidam reconditus etiam hoc literæ sibi reconditorium præparabat, iam nobis in lucem prodeat: & omni duritia & obscuritate remota, quid in hoc facto voluerit præfigurari, declaret. Primò siquidem saluo altiori mysterio, si corpoream hujus fortitudinem spirituali Petri comparemus virtuti, incomparabiliter Petri inueniemus virtutem excellere, qui non solum octingentos, sed etiam tria millia hominum vno sermonis sui impetu vna die baptizatos mundo legitur occidisse. Sed & octingentos vno impetu occidit, cum in Simone omnes Simoniacos condemnauit dicēs, *Pecunia tua tecum sit in perditione: quoniam donum Dei existimas pecunia possideri.* Quasi diceret. Gratia Spiritus sancti quæ septenario designatur, ad octonarij quæstum voluisti transferre, quæstum æstimans pietatem. Sed non est tibi pars neque fors in sermone isto. In felle enim amaritudinis, & obligatione iniquitatis video te esse, dum octonarium rerum mundanarum, quæ per quatuor mundi partes ex quatuor elementis subsistunt, multiplicare contendis, & gra-

tiam septiformis Spiritus, quæ amaritudinem aut tedium nullum habet, vanalem reputando contemnis. Octingentos quoque vno impetu sermo Apostolicus occidit, cum hæreticos quosque ab Ecclesia condemnando præcidit. Sic Nicæna Synodus in Ario Arianos omnes vna sententia condemnauit: Constantinopolitana in Macedonio omnes Macedonianos, Ephesina Nestorianos in Nestorio, Chalcedonensis Eutychianos in Euthyce vno gladij spiritualis ictu peremit: quod hodie quoque per totum orbem Petri gladius facere non desistit, cum iuxta prophetam carnes deuorare non desinit, carnalium hominum vitia vel corrigens, vel præciciens. Ecce hic gladius carnalibus inuenitur asperrimus, spiritualibus tenerrimus; sedentibus in cathedra, & eum de ipsa vibrantibus splendidissimus reperitur. Hæc autem sunt, quæ sedentibus in cathedra spiritualiter præ cæteris congruunt: scilicet lumen discretionis, zelus rectitudinis, & affectus pietatis. Secundum ista pro varijs subditorum meritis gladium verbi Dei circa impios oportet variari. Vnde beatus Benedictus, qui iustorum omnium spiritu plenus fuisse legitur, qualis debeat esse pastor in regula sua describens, ita ait. *Oportet eum esse doctum lege diuina, vt sciat unde proferat noua & vetera.* Et in sequentibus. *Obedientes & mites vt in melius proficiant, obsecret. Duros verò corde & improbos vt durius increpet & corripiat, admonemus.* Spiritus quoque sanctus in igne super Apostolos apparens, hæc spiritualiter visus est figurasse. Ignis enim lucis habet splendorem, caloris suauitatem, vrendi asperitatem. Eadem etiam in tribus animalium faciebus designata videntur: vt qui officium pastorum suscipiunt, & vice animalium Ecclesiæ murum trahunt, faciem leonis exhibeant peruersis, faciem hominis simplicibus & mansuetis, faciem aquilæ spiritualibus & eruditis. Sic Paulus faciem aquilæ assumens, sapientiam loquebatur inter perfectos; facie hominis vtens lac potum paruulis propinabat; flebat cum flentibus, gaudebat cum gaudentibus. Faciem verò leonis, quoties oportuit, semper tamen coactus induens, Corinthium tradidit Satanæ in interitum carnis; in promptu habuit vlciisci omnem inobedientiam, & omnem altitudinem extolentem se aduersus Christi scientiam deicere non dubitauit. Sicque his faciebus vicissim, & absque confusione vti nouit, vt nec plus habens de leone, minus habere voluerit de homine; vel plus habere volens de homine, minus habuerit de leone: vel vtriusque horum deposita facie totus aquila voluerit apparere. Hac quoque discretionem vsus beatus Papa Gregorius alios etiam vti docebat dicens. *Compassionem quippe homini, rectitudinem vitæ debemus, vt in vno eodem homine & diligamus bonum quod factus est, & persequamur malum quod fecit: ne dum culpas incantè remittimus, non iam per charitatem compati, sed per negligentiam condescendisse videamur:* id est, non tam hominē homini, quàm bouē exhibeamus. Sed si bouinum aliquid sanctis inesse dicere videamur, non eis bouinæ tarditatis vitium assignemus: sed quàm sit aptum hoc animal diuinis sacrificijs, attendamus. Hujus ergo animalis faciem soli Deo, non homini exhibemus, cum in ar-

Quatuor prima concilia generalia.

Denter. 32.

Pastoribus tria precip. necessaria.

S. Bened. in Reg. cap. 2.

Ezech. 1.

Greg. hom. 32. in Euangel.

2. Corint. 3.

2. Petri 1.

2. Reg. 23.

Act. 2. & 8.

Ibid.

Cant. 2.

S. Bened. c.
28. Regul.Psalm. 117.
1. Petri 3.Eccli. 4.
1. Machab. 5.

cordis nos ipsos diuinis oculis immolamus: & hanc faciem sibi in canticis dilectus præcipit exhiberi, dicens. *Ostende mihi faciem tuam.* Ac fiduciat. Hanc tuam reputo, quam tibi formas de tuo, quia in te materiam infirmitatis & culpæ causam inuenis, vnde meritò compungaris: & hanc mihi soli ostendi volo, qui solus remedium infirmitatis conferre valeo, solus culpā abolere sufficio. Nec videri debet contrarium huic sensui, quod sequitur. *Nam facies tua decora.* Quanto enim est quæque anima sibi amplius indecora, tantò oculis sponsi speciosior apparet. Has facies beatus Benedictus prælatos subditis exhibere docebat, cum diceret. *Si delinquenti fratri Abbas adhibuit fomenta, si unguenta adhortationis,* quod est faciē hominis exhibere; *si medicamina diuinarū scripturarū* quod faciem aquilę, *si ad ultimum plagas virgarum, exustionem excommunicationis,* quod est faciem Leonis: *exhibeat tandem quod m. ius est, suam & suorum orationem,* quod est bouis faciem adhibere. Et licet in hunc modū hæ facies exhibeantur proximo, specialiter tamen facies bouis orando, & facies aquilę contemplando debentur Deo: facies leonis, & facies hominis proximo. Vnde & hæ duæ, hominis scilicet & leonis non incongruē exprimentur in illis duobus fortibus Dauid, qui primo ipsorum fortium subnectuntur. Leonis siquidem faciem prima facie nobis Eleazarus & re & nomine repræsentat, in eo quod dicitur percussisse Philistæos, donec obrigesceret manus ejus cum gladio. Quid est enim obrigescere manum cum gladio, nisi absque vlla remissione zelum iustitiæ contra peccata & vitia inflexibiliter exercere, & velut in virga ferrea vel regendo subditos, vel motus illicitos comprimendo leonis insuperabili vti seueritate? Sed ad hoc agendum opus est Dei adiutorio, quod Eleazarus sonat, nec tam de propria virtute, quàm de Dei est auxilio confidendū; vt dicat qui huiusmodi est. *Dominus mihi adiutor, non timebo quid faciat mihi homo.* Nihil enī secundum Apostolum, *nocere nobis poterit, si boni amulatores fuerimus.* Sed caueat Eleazarus ne dum leonis exercet seueritatem, leonis incurrat austeritatem. Ista enim si adsit, odibilē, illa si desit contempnibilē reddit. Vnde in Ecclesiastico legitur. *Non sis quasi leo in domo tua, euertens domum tuam, & opprimens subditos tibi.* E contrario legitur de Iuda Machabæo. *Similis factus est leoni in operibus suis, & persecutus est iniquos perscrutans eos; & qui conturbabant populum suum succendit flammis. Et repulsi sunt inimici præ timore ejus; & exacerbabat Reges multos; & letificabat Iacob in operibus suis. Et directæ est salus in manu ejus, & congregavit peruenientes.* Sic & de hoc Eleazaro dicitur, quod facta per eum salute magna, populus qui fugerat reuersus est ad cætorum spolia detrahenda. Ecce quantum prodest populo facies leonis in magistro. Sicut enim vbi non est gubernator, populus corrui: & sicut vā terræ cuius est Rex puer, & cui effæminati dominantur: sic dissipat impios Rex sapiens, & curuat eos fornice. Roboam siquidem dominante populus sub Dauid congregatus diuiditur: Iuda vel Eleazaro triumphante qui perierant congregantur; & qui fugerant, ad cætorum detrahenda spolia reuertuntur. Sequitur in fortibus Dauid

Eleazarum Semmaa, de quo legitur, quod cum fugisset populus à facie Philisthijm, stetit ille in medio agri lente pleni, & tuitus est eum, percussitque Philistæos, & fecit Dominus salutem magnam. Semmaa iste audiens interpretatur: in quo apertè faciem hominis intuemur, cum prælatum cernimus aures propitias subditis inclinare, clamorem pauperum efficaciter exaudire, vociferantē eripere de manu fortiorum, egenum & pauperem à diripientibus eum. Sed ne in hoc Semmaa, vel in porta vndecima, propter vndecim saga cilicina, & vndecimum Psalmum, qui sanctitatis defectū deplorat, diminutionem aliquam suspicemur; sub altero principio factum ejus subtiliter indagemus. Ipse autem semper alpha & O sit sermonis nostri, qui vniuersorum principium est & finis: & sine principio & sine permanet in sæcula sæculorum.

Tractatus 10. De tribus Prælatorum ordinibus, & Cleri supra populum exaltatione.

AD portam vndecimam accessuri, priusquam agrum lente plenum, quem Sammaa in ea tueretur, intremus, libet intueri in his tribus robustis fortium Dauid, per quos prælatos diximus designari, tres distinctè expressos ordines Prælatorum: qui sicut hodie in Ecclesia distinguuntur, ita & apud Ethnicos, apud Iudæos, & in nouo testamento à Domino inuenimus distinctos. Apud Gentiles quidem simplices sacerdotes templorū Flamines, majores Archiflamines, maximi Protoflamines. In veteri quoque testamento summi sacerdotes in anno semel in sancta sanctorum introibant. Minores sacerdotes quotidie tabernaculum intrantes sacrificia consummabant. His quoque Leuitæ velut minimi subseruiendo ministrabant. In nouo autem testamento Iacobus, Cephas, & Ioannes, qui secundum Apostolum columnæ erant aliorum, dextras dederunt Paulo. Dominus quoque Petrum, Iacobum & Ioannem assumens duxit in montem excelsum, & ostendit illis gloriam suam. Istorum vice hodie in Ecclesia sunt Primates & Archiepiscopi instituti, vice aliorum Apostolorum Episcopi. Fuerunt etiam præter Apostolos & alij septuaginta duo à Domino designati, & missi in omnem ciuitatem & locum, quod erat ipse venturus: quibus specialiter dictum est ab eo. *Ecce ego mitto vos, sicut oves inter lupos.* Loco istorum sacerdotes hodie plebibus præferuntur, quos Semmaa iste propriè designare videtur, sicut & superiores ordines duo præmissi fortè manifestè demonstrant. Primates & Archiepiscopos primus sedens in cathedra, qui & sapientissimus asseritur: quia quantò sunt cæteris superiores, tantò & esse conuenit sapientiores. Nam & aquila quæ alijs auibus dicitur præeminere, clariùs etiam omnibus oculos noscitur infixos luci tenere. Episcopos Eleazarus, qui rigidissimus fuit, sicut & ille sapientissimus. Nam sicut leo cæteris bestiis fortitudine noscitur præeminere, sic Episcopos rigidiores minoribus Sacerdotibus, & constantiores conuenit apparere. Minoribus quippe, quibus dictum est. *Ecce ego mitto vos sicut agnos inter lupos,* pietas specialiter congruit, & mansuetudo, vt nulla se-

2. Reg. 23.

Galat. 2.

Matt. 17.

Matt. 10.

Luc. 10.

E ij

ditiosarum plebium inquietudine, nulla improbitate ad rancorem vel odium prouocentur; sed sicut agni mansuetissimi luporum rabiem sustinentes, illum qui sicut ovis ad occisionem ductus est, & sicut agnus coram tondeute se obmutuit, infatigabiliter imitentur. Attendant subtiliter factum Semmaa, in quo quid eis agendum sit, plenius edocentur. Ipse siquidem agrum lente plenum à Philistæis tuitus esse perhibetur. Quis iste ager est, nisi vita terrena, cuius agri Cain primò, deinde Esau factus est agricola? Econtrà Abel pastor ouium, Iacob vir simplex habitans in tabernaculo. Bene in Abel, qui primus obtulit & oblatus est sacrificium Deo; & in Iacob, qui primus vnxit lapidem, & erexit in titulum, fundens oleum desuper, nostrum est sacerdotium præfiguratum, quod his duobus sacramentis, incorruptibilis scilicet hostiæ immolatione, & sacri chrisimatis delibutione specialiter noscitur institutum. Specialius tamen in Iacob, qui etiam decimas offerendo, & in duorum hædorum morte, tanquam in gemina, carnis scilicet & spiritus petulantix mortificatione, & proprii nominis alteratione, ea quæ hodie in Ecclesia obtinent, velut historialiter noscitur expressisse. In Cain verò & Esau terrenus est populus rectè præfiguratus, quorum primus inuidia & odij fraterni scelere tabefactus à facie Domini est eiectionis: alter dum venatur in agro, domi est supplantatus à fratre, & oppidò lausus de agro reuersus libenter primogenita dedit pro rufa lenticulæ coctione. Non mirerentur sacerdotes, cum vident hodie laicos inuidiæ stimulis agitari: timeant autem laici, qui tales se sentiunt, à facie Domini se cum Cain expelli. Sed & si se à lumine diuinæ sapientiæ experiuntur eiectionis, non tamen ad laqueum desperationis recurrant, sed Deo humiliter subiecti ab iniquitate declinare contendunt. Non autem conturbentur & doleant cum sint priores natu, si clerum sibi conspiciunt præminere: sic quippe futurum Dominus præordinauit, & præordinatum in Iacob & Esau præsignauit. Isaac siquidem cum benediceret Iacob, Domino inspirante sic ait. *Det tibi Deus de rore cæli & de pinguedine terra abundantiam frumenti vini & olei, & seruiant tibi populi, & adorent te tribus. Esto Dominus fratrum tuorum, & incuruentur ante te filij matris tue. Qui maledixerit tibi, maledictus erit, & qui benedixerit benedictionibus repleatur* Econtrariò dictum est Esau. *In pinguedine terra & in rore cæli desuper erit benedictio tua. Vines in gladio, & fratri tuo seruias.* Ecce quàm manifestè statù vtriusque, cleri scilicet & populi Christiani Spiritus sanctus in his verbis expressit. Clero siquidem non solum rorem cæli, sicut quidā blasphemant, sed & de pinguedine terræ abundantiam pleniorē concessit. Seruitutem etiā populorum, adorationem tribuum, & dominationem fratrum suorum, & incuruationem expressit: in quibus omnibus, non latram quæ soli Deo debetur, sed dulciam intelligimus; quæ & Angelis & sanctis hominibus, sanctorumque quibuslibet successoribus exhibetur. Popularibus autem Cleri seruitutem indixit, & viuendum ei gladio, & in pinguedine terræ benedicendum prædixit. Nam etsi ei rorem cæli concessit, non tamen roris cæli abundan-

tiam: & ipsum rorem, non in se habituros, sed desuper à Clero, & post terræ pinguedinem percepturos prædixit. Sed non solum quid sit per Isaac à Domino prædictum, sed & quid inter ipsos fratres actum sit attendamus. Esau siquidem primogenita fratri libens primò, & ea paruipendēs leuiter concessit. Sed postmodum concessisse dolens ad persecutionis tyrannidē se conuertit. Sic & Constantinus Romano Pontifici regni insignia, coronam scilicet & purpuram regalem deuotus primò obtulit, quod in vestibus Esau valde bonis Iacob à matre concessis præfiguratum fuit: sed & in successoribus suis eidem postmodum exilia intulit, mortem etiam cōminat, iniurias multas inflixit: sed tandem Esau Iacob patientia & longanimitate deuictus, diuinæ sententiæ quamuis inuitus acquieuit; & conductum ei atque defensionem, potius tamen ex simulatione quàm ex deuotione, obtulit: quam & Iacob sapienter, & prouidē recusauit dicens. *Nosti, quod paruulos habeam teneros, & oves factas, quas si plus in ambulando fecero laborare, morientur omnes una die.* Quæ omnia apud sacre Scripturæ gnaros expositione non indigēt sed tantum rememoratione. Illud autem potissimum videtur attendendum, quo iure, quibusue ex causis minor natu primogenito sit prælatus: & prima quidem facie ius in euidenti esse videtur, quod Iacob lentem quam coxerat, non antea fratri instanter petenti concessit, donec ille primogenita sponte cessit. Sic & clerus eodem etiam iure populis est prælatus, cum carnis & sanguinis opera velut rufam lenticulæ coctionem, licet gustum suauem, tamen visui nociuam à se abiiciens, populis cedendo concessit. Illi verò velut animales, & quæ sunt Spiritus Dei minimè percipientes, eadem carnis opera velut summum aliquid retinentes, maluerunt carnalibus & sæcularibus implicari, quàm Deo militando in spiritu ambulare. Clerus verò verbum Apostolicum libenter amplectens, illud scilicet, *Spiritu ambulate, & desideria carnis non perficietis*: illud etiam non surda aure audiens, *Si enim secundum carnem vixeritis, moriemini. Et, qui in carne sunt, Deo placere non possunt.* Et, qui in delicijs est, *uiuens mortuus est*: Spiritu facta carnis mortificare, ut viueret, prælegit. Iuste igitur sicut spiritus carni, sic spiritualiter viuentes carnaliter sapientibus præferuntur. Ecce primogenita, quæ lentis non comestio, sed concupiscentia Esau abstulit, Iacob eiusdem lentis despectus contulit: & primatum Clerus ex continentix castitate promeruit, quam carnalis concupiscentiæ suauitate, velut quadam rufa lentis decoctione pluris duxit. Est & alia hujus præposterationis causa, pius scilicet nostri Iacob dolus, qui carnem peccati velut quandam hædi pellem assumens, in similitudinem carnis peccati venire voluit, tentatus per omnia pro similitudine absque peccato. Hunc pietatis dolum matre gratia operante, Iudæorum populus, velut pater cæcus ignorans benedictionem quam Isaac Iacob verbo dederat, opere in Christo nesciens adimpleuit. *Si enim cognouissent, nunquam Dominum gloria crucifixissent.* 1. Corint. 2. Huius ergo nostri veri Iacob merito, qui non tam vngendo lapidem, quàm seipsum vnctū lapidem exhibendo, vnctus oleo lætitiæ præ-

Sacerdotii
nomen legis.

Genes. 33.

Clerici laici
prælati,
ut Iacob fra-
tri Esau
Gen. 27.

Galat. 5.
Roman. 8.
1. Timot. 5.

Ibid.

Dulia San-
ctis debita.

1. Corint. 2.

1. Petri 2.

consortibus suis, coronatus & oblati in cruce verus nobis Rex factus est, & sacerdos, illi etiam qui sacerdotio funguntur ei, genus electum, regale sacerdotium, iuste dicti sunt & effecti, benedictionem paternam velut filij spiritualis Aaron iure hereditario possidentes. Sed inter hæc meminerit noster Semmaavendum sibi esse, non gloriam potestate quam accepit in ædificationem, non in destructionem. Sciat tuendum sibi traditum agrum lente plenum, potius quam de metendum: prohibitum sibi lentis esum, carnalium scilicet operum delectationem: agri sibi commissam defensionem. Studeat igitur spiritualis Semmaa carnalem populum velut agrum lente plenam tueri, saltem à criminalibus peccatis: si non à concupiscenda vxore proximi, saltè ab adulteranda: si non à re eius concupiscenda, saltè à rapienda: si non ab odio, saltè ab homicidio. Tueatur pauperes ab iniurijs diuiri, diuites à laqueis demonum, docēs eos non superbè sapere, nec sperare in incerto diuitiarum: dicens eis, quia qui volunt diuites fieri, incidunt in tentatione, & laqueum diaboli. Caueat autem idem Semmaa, ne solā vocem Iacob retinendo, manus Esau non tam simulare, quam habere dolis & fallacijs, velut pilorum asperitate & subtilitate versutas inueniatur. Nam & tales aliquos sacerdotes futuros Spiritu sanctus ex illo facto videtur innuisse, & Dominus hoc ipsum in Scribis & Phariseis arguens, *Super cathedram, inquit Moysi sederunt Scriba & Pharisei; quæ dicunt, facite: quæ autē faciunt, facere nolite.* In quib' verbis quid aliud dicere videtur, nisi, *vox quidem vox Iacob est; sed manus manus sunt Esau?* Verū tamen propter sacerdotij reuerentiam, cathedræ deferatur, voci obediatur. Timeant tamen sacerdotes, ne qui propter vocem Iacob, & propter lentis contemptum benedictionem meruerūt; propter manus Esau & lentis concupiscentiam cum Presbyteris Babilonicis mortis maledictionem incurrant. Primus siquidem illorum pro fraudulentis & iniquis iudicijs condemnatus audiuit. *Nunc venerunt peccata tua, quæ operaberis prius, iudicans iudicia injusta, innocentes opprimens, & dimittens noxios.* Vnde & damnationis suæ sententiam accepit, Spiritu sancto per os Danielis dictante atque dicente ei, *Cum ilice pereas.* Illex siquidem iugem retinet foliorum virorem; fructum autem profert porcis potius, quam humanis vñibus aptum. Quid est autem viror foliorum, nisi integritas & sanorum vigor verborum? Quid verò fructus porcorum nisi opera carnis, quæ ennumerans Apostolus post flagitiosa etiam facinora, subiungit dicens, *Veneficia, inimicitia, contentiones, emulationes, ira, rixa, invidia, homicidia?* Quid est etiā dicere, *cum ilice pereas*, nisi quod subiungit Apostolus, *Quoniam qui talia agunt, regnum Dei non consequentur?* Secundus denique de flagitio velut de lentis edulio condemnatus audiuit. *Species decepit te, & concupiscentia subvertit cor tuum.* Vnde & per sententiam subiunctum est. *In lentem comminuet te Angelus.* Merito qui lentè alijs cōcesserat, & carnalibus illecebris velut quibusdam minimis spiritualia & cœlestia velut summa prætulerat, adminuta rediens in eis comminuitur, ut iam non nisi ima sapiat, & ad capienda cœlestia non assurgat. Hæc de tribus robustissimis Dauid ad præ-

sens dicta sufficere possent; si non aquam Beethleemiticam cum Dauid sitiremus, nec videatur posse satisfieri siti nostræ, nisi eadem nobis aqua non bibenda, sed libanda Domino offeratur. Quod horum trium robustissimorum mysterio tunc iuxta literam factum fuit, & postmodum à spiritualibus spiritualis Dauid fortissimis spiritualiter noscitur esse factum. Apostoli siquidem & eorum successores quos per tres fortissimos Dauid diximus intelligendos, de cisterna legis Mosaicæ, quæ alibi piscina dicta est, quinque porticus habens, aquam spiritualis intelligentiæ non minùs fortiter, quam subtiliter elicuerunt, & iuxta Salomonem fortiter prementes legis vbera, non solum lac moralis scientiæ, sed etiam butyrum sensus allegorici expresserunt. Tantò autem fortius id ab eis factum apparet, quantò ab inimicis Dauid Scribis & Phariseis, qui carnaliter legem intelligebant, eadē cisterna studiosius oblecta cingebatur, & obseruata diligentius claudabatur. Irruperunt siquidem Apostoli castra inimicorum, cum, sicut in Apostolorum actibus legitur, congregati principes & seniores & scribæ in Ierusalem, & Annas princeps Sacerdotum, & Caiphas, & Ioannes, & Alexander, & quotquot erant de genere Sacerdotali, statuerunt in medio Petrum & Ioannem, interrogantes eos. *In qua virtute, aut in quo nomine facitis hoc vos? Tunc Petrus repletus Spiritu sancto dixit adeos. Principes populi & Seniores audite. In nomine Iesu Christi Nazareni quem vos crucifixistis, quem Deus suscitauit à mortuis, in hoc iste astat, coram vobis sanus. Hic est lapis qui reprobatus est à vobis adificantiibus, qui factus est in caput Angeli. Deus autem qui prænuntiavit per os omnium Prophetarum pati Christum suum, implevit sic. Moyses quidem dixit, Prophetam vobis suscitabit Deus de filiis vestris, tanquam me ipsum audietis. Et omnis anima quæ non audierit Prophetam illum, exterminabitur de plebe. Et omnes Propheta à Samuel & deinceps, annuntiauerunt dies istos. Vos estis filij Prophetarum, & testamenti, quod disposuit Deus ad Patres nostros dicens ad Abraham. In semine tuo benedicentur omnes familie terre Paulus quoque per medias acies inimicorum transiens, & fiducialiter Iesum eis annūtiāns, ait. Annuntiamus vobis eam quæ ad patres nostros facta est, repromissionem, quoniam hanc Deus adimplevit filiis nostris, resuscitans Iesum, sicut & in psalmo secundo scriptum est. Filius meus es tu, ego hodie genui te. Alias quoque dicit, Non dabis sanctum tuum videre corruptionem. Quibus contradicentibus Iudæis, & repletis zelo, Paulus & Barnabas constanter dixerunt. Vobis oportebat primum loqui verbum Dei: Sed quoniam repellitis illud, ecce convertimur ad gentes. Ecce aqua spiritualis intelligentiæ Iudæis ablata, Gentili populo ab Apostolis oblata, & in eis ipsi Dauid, qui de Gentili populo mediante Ruth ex Moab duxit originem; quæ & ipsa nobis aqua spiritualiter intellecta propinat: sed nos ad alia tendentes, quod cœpimus, breuiter prosequamur. Sanè quod Dauid aquam desideratam non bibendam sed libandam Domino dignū duxit, in nobis sine dubio signat, quod noster Dauid Christus aqua quam prædiximus, non quæsiuit sibi ad humanæ infirmitatis, quam susceperat, remedium; sed in diuinæ naturæ, quæ seipsam ad*

Prouerb. 30.

Act. 4.

Act. 3.

Act. 13.

1. Timot. 6.
Non debent
prælati solā
vocem Iacob
habere, &
manus Esau.

Matt. 23.

Genes. 27.

Daniel. 13.

Galat. 5.

Daniel. 13.

*Fidei ag-
mentū prae-
dictio futu-
rorum.*

Isai. 41.

2. Corint. 3.

Genes. 2.

hominem inclinauerat; argumentum. Quod enim est fidei nostrae certius argumentum, quā quod ea quae à Christo facta pro nobis credimus, à Prophetis praedicta longè antè cognoscimus, & in veteri testamento, velut in cisterna Bethleemitica aquam limpidissimam recōditam inuenimus? Sic quippe Isaiās ait. *Annuntiate quae ventura sunt in futurum; & sciemus quia dii estis vos.* Nos quoque si aquam spiritualis scientiae desiderando sitimus, non eam ad praesentis vitae fallacem & fugacem gloriam requiramus; sed ad placandum nobis Deum, & ad imbuendos proximos eam à Domino, sicut ait Iacobus, postulemus: & totum ei in nobis, quidquid adepti fuerimus adscribamus, dicentes cum Apostolo, *Non sumus sufficientes cogitare aliquid à nobis, quasi ex nobis, sed sufficientia nostra ex Deo est.* Sanguis autem iudicata est à Dauid aqua ista; quia sicut vita carnis in sanguine est, sic vita animae in sapientiae calore consistit. Quod autem iuxta portam Bethleemiticam cisterna haec fuisse describitur, non aliud esse videtur, quā verus testamentum, in quo veteres historiae velut aquae nubiū esse, quod non tam cisterna vel puteus, quā fons puteus, & porta aperta ciuitatis nostrae Bethleem ab ipsius ciuitatis incolis comprobatur. Hanc portam conuenientissimè beatam Mariam dixerim, de qua in Bethleem Iudae natus est Christus, velut fons ascendens de terra, irrigans vniuersam superficiem terrae; & fluuius egrediens de loco voluptatis ad irrigandum paradysum; qui in quatuor Euangelia, quasi in quatuor capita diuisus, orbem vniuersum fecundat. De hac nobis nostrae ciuitatis duodecima porta grandis nobis est sermo, & tantò interpretabilior ad dicendū, quantò auditores audiores fore confidimus ad audiendum. Quantò autem est haec materia dignior, tantò nouum ei principium assignari dignius esse cognoscitur, vt ad tantam materiam corda legentium quiete modica releuata ardentius praeparantur. Ipse autem semper Alpha & O sit sermonis nostri, qui &c.

Tractatus II. De porta duodecima Ciuitatis Dei, B. Virgine Deipara.

DE gloriosissima Domini Dei nostri incorrupta matre & Virgine tractaturi, gloriosissimum filium eius Dominum nostrum suppliciter exoramus, vt quae Scripturis sacris de ea gloriosè inferi voluit, nobis reuelare dignetur: & ea nos de ipsa loqui doceat, quae & si non eius congruant dignitati, nostrae saltem indignitati conueniant, nostrae satisfaciant deuotioni, & vel paruulorum sufficiant lectioni. Igitur quā multipharie quāque multis modis olim Deus loquens Patribus in Prophetis eam magnificè commendare voluerit, quidā attendens, in hanc vocē metro ludens erupit, *Multa de te sunt Propheta locuti praesagia; non ignari singulari te ditandam gratia. Nam qui nasci atque pasci, tua carne voluit, Nec scripturis nec figuris tuas laudes tacuit.* Prius autem quā ad ea quae à Prophetis & Patribus de ipsa dicta & figurata dicuntur, accedamus; attendendū diligentius, & dicendum esse videtur, quod haec duodecima nostrae ciuitatis porta, de qua tractare habemus, praemissarum portarū pri-

ma sit & suprema. Prima ordine, dignitate suprema. Ab ipsa quidem caeterae portae habuerunt initium, in ipsa obtinent fulcimentum, per ipsam recipiunt complementum. Ipsa quidem in eminentiori parte ciuitatis sita, aliis ministrat lucem, gloriae dignitatem confert, affert consummationem. Ex ipsa namque sacramenta nobis omnia profluxerunt, gratiarū omnium charismata & exempla virtutum non minùs delectabiliter quā mirabiliter effluerunt. Denique ipsis etiam Apostolis primò per eam velut per orientalem portam nostrae redemptionis primordia patuerunt. A quo enim melius, quā de nostri Redemptoris infantia scripturi & praedicaturi erant in vniuerso mūdo, ac fidelius potuerunt addiscere, quā ab ea quae omnia viderat & audierat, & manibus suis tractauerat, firmiter conseruauerat conferens in corde suo? Vnde eis nisi per eam innotuit, Angelicū illud *Aue* mundo tam suaue? Vnde tota ipsius Angelica salutationis series, cuius singula verba, velut cuiusdam diuinæ epistolae per Angelum allatae, sed Spiritu sancto dictante, oracula sunt diuina? Vnde ipsius responsio Virginis, & ipsius Angeli, qualiter quae dicta erant ab eo fieri deberet, instructio, & conceptus Elizabeth tam praenuntiatio Angelica facta ad Zachariam, quā annuntiatio edita ad Mariam? Vnde Mariae Ascensio ad montana, & ad salutationem eius Propheti cū Elizabeth responsum, & ipsius Mariae canticū non magis Propheticum, quā profundum? Vnde tandem Domini nostri stupenda & veneranda, ipsisque caelestibus miranda natiuitas, pannorum inuolutio, reclinatio in praeseptū, angustia diuerforii, Angelica apparitio ad pastores, Euangelizatio magni gaudij quod foret omni populo, hymni Angelici decantatio gloriosa? Haec omnia Maria conseruans & cōferens in corde suo, portam se clausam vsque ad octauam Circūcisionis diem mundo exhibuit: quae iam Spiritu sancto resecrata filio Dei patuerat, & non soli Gabrieli, sed etiam multitudini caelestis exercitus patefacta luce clariùs resplendebat. Haec etiam octauo filij sui die mundo cœpit sensim aperiri, ne si subito totam se aperiret, oculis minùs sanis non tam lucem fulgore, quā cœcitatem inferet. Ea igitur die nomen illud suaue auribus, dulce ori, in corde iubilum, quod sola & prima ab Angelo didicerat, filio suo imponens, velut stella matutina solis nouiter orientis mundo lumen inuexit. Nonne per huius nominis impositionem dicere ad singulos; dicere ad omnes tibi videtur, *Non est aliud nomen sub caelo, in quo oporteat saluos fieri?* In quo qui benedicendus est, benedicetur in Domino amen. Hoc siquidem nomen efficax inuenitur, non solum ad obtinendam salutem, sed etiam ad promerendam benedictionem; non solum saluat, sed etiam sanctificat: saluat à pondere peccatorū, saluat ab insidijs tentationum, saluat à temporalium periculis varietatum. In hoc namque nomine omne genu flectitur, caelestium, terrestrium, & infernorum. Flectitur virtus infernalium nequitiarum, ne tentando noceant; flectitur elatio & cupiditas hominum terrenorum, ne peccato consentiant, flectitur etiā virtus caelestium Spirituum adhuc nominis inuocationem, vt subueniendo periclitantibus

B. Virgo porta est orientalis, per quā patuerunt salus primordia.

Luc.

*Act. 4.
Isa. 65.*

Nominis Iesu efficacia.

condescendat. Sic sic cultores huius nominis saluantur & liberantur à malo. In hoc etiam nomine benedicuntur, promouentur, & confirmantur in bono: secundum quod orat Sacerdos in Canone Missæ, ut oblationem suam benedictam, ascriptam, ratam, Deus facere dignetur. Benedictam ad sanctificationem, ascriptam ad perfectionem, ratam ad confirmationem. Sic quippe fieri solet in concessionibus Principum, siue institutionibus testatorum. Primò namque apud Principem vel precibus, vel alio modo, rei alicuius concessio nuda obtinetur: dehinc ut concessio redigatur in scripturam ad perfectionem elaboratur: tandem, ut scriptura sigillo principis ad confirmationem roboretur. In hunc etiam modum ut benedictio Domini sit plena, primò fecundada sanctificat, dehinc perficiendo multiplicat, tandem corroborando confirmat. Sed hoc non nisi in Domini nomine alicui⁹ benedictio operatur. Legitur Iob benedixisse Dominum, sed nomen Domini collaudando, dicens. *Sicut Domino placuit, ita factum est: sit nomen Domini benedictum.* Legitur Dominus benedixisse Abraham, sed suum ei nomen reuelando & commendando dicens. *Ego Deus omnipotens, ambula coram me, & esto perfectus.* Legitur Isaac benedixisse Iacob filio suo, sed in nomine Domini, dicens. *Det tibi Deus de rore cæli,* & cat. Hæc triplex benedictio in Scripturis frequenter reperitur. Prima, qua Deum benedicimus dicentes, sit nomen Domini benedictum: & hæc signat principium Episcopalis benedictionis, quæ primò fit in pectore, quia primò benedicendus est Deus pro iâ acceptis donis quæ intrà sunt, ut dicamus cum Propheta. *Benedic anima mea Domino, & omnia quæ intra me sunt nomini sancto eius.* Secundò petenda & expectanda de ipsius benedictione & adiutorio gratiæ, quæ nondum habemus. Absque ipsius namque adiutorio nihil boni facere possumus: & hoc non solum corde credere, sed & in facie Ecclesiæ confiteri debemus, secundum illud. *Corde creditur ad iustitiam: ore autem confessio fit ad salutem.* Hoc ostenditur in eo quodd Episcopus signo crucis faciem suam municiens, confitendo clara voce dicit. *Adiutorium nostrum in nomine Domini.* Tertiò ipsum populū signans, benedictionem suam in inuocatione S. Trinitatis concludit. Prima harum benedictio dici potest Domino attributa, secunda à Domino retributa, tertia in populo distributa. Attribuenda siquidē est nomini eius gratia & benedictio pro donis suis, ut dicamus ex affectu & deuotione *Benedictus Deus in donis suis.* Benedicendus etiam in omnibus operib⁹ suis, iuxta illud Prophetæ. *Constituatur tibi Domine omnia opera tua.* Et illud quod in eodem psalmo legitur. *Fidelis Dominus in omnibus vijs suis, & sanctus in omnibus operibus suis.* Benedicendus quoque in maiestate sua. Quem ordinem videtur seruasse propheta, ubi ait. *Benedictus Dominus Deus Israel, qui facit mirabilia solus: & benedictum nomen maiestatis eius in æternum.* Nam pro donis suis eum benedicendo præmiserat. *Sit nomen eius benedictum, ante solē permanet nomen eius: & benedicentur in ipso omnes tribus terræ.* Retribuitur autem sic benedicentibus Deum larga Dei benedictio: aliquando in affluentia temporalium: aliquando in exte-

riorum eminentia gratiarum; aliquando in spiritualium largitione virtutum: & hanc vltimā ceteris præferendam cōmendasse videtur Apostolus, ubi ait. *Benedictus Deus, qui benedixit nos omni benedictione spiritali in cælestibus.* Nā cæteræ benedictiones communiter dantur & bonis & malis: imò frequentius malis quàm bonis. Sed non est inuidiosè aut auarè occultanda aut retinenda à bonis: quia qui abscondit frumenta, maledicetur à populis: sed sicut gratis accepta, & ita & gratis danda, piè est distribuenda. Distribuitur autem in minores à maiori benedictio spiritalis, aut imprecando eis bona quæ nondum habent, sicut est illud, quod dictum est Rebeccæ à parentibus. *Crescas in mille millia: & possideat semen tuum portum inimicorum suorum.* Aut congratulando eis pro bonis quæ iam habet, sicut illud Raguelis ad Tobiam. *Benedictio sit tibi fili mi, quia boni & optimi viri filius es.* Aut prophetando, sicut fuit benedictio Moyfi ad Ioseph dicentis. *De benedictione Domini terra ejus, de pomis cæli, & rore, atque abyssu subiacente. De pomis fructuum solis ac lunæ, de vertice antiquorum montium, de pomis collium æternorum, & de frugibus terræ, & de plenitudine ejus.* In quibus verbis saluo altiori mysterio prædicta triplex benedictio inuenitur expressa. De pomis enim & rore cæli, & abyssu subiacente procedit benedictio, cum ex intimo cordis affectu homo pro gratuitis beneficijs Deum benedicit, dicens cum Propheta. *Clamabo ad Deum altissimum, Deum, qui benefecit mihi. Misit de cælo & liberauit me. Misit Deus misericordiam suam, & veritatem suam: & per hæc quasi cæli poma dulcissima liberauit me.* De pomis fructuum solis & lunæ homo à Deo benedicatur, cum donis spiritalibus & temporalibus bonis ab eo cumulatur. De vertice autem montium antiquorum, siue de pomis collium æternorum, ad terram frugibus plenam descendit benedictio, cum de sublimitate vitæ siue doctrinæ Doctorum orthodoxorum subditi debriantur; vel meritis & orationibus spiritaliū virorum sola æterna quærentium, inferiores quique ac debiles adiuuantur. Latent tamen sublimiora quædam in his verbis mysteria: quæ si subtiliter enucleentur, portæ de qua loquimur, dignitatem & gloriam plenius referabunt. Ioseph siquidem Dominum nostrum Iesum Christum, non solum nomine, sed & fratrum venditione, & Ægypti dominatione, & occultorum prophetica interpretatione apertè præfigurasse, nemo qui dubitet. Terra autem eius caro est inemeratæ beatæ Virginis Mariæ, de qua Christi caro processit, de sola Domini benedictione Sancti spiritus operatione concepta, cuius benedictionis mysteria Moyses in Spiritu mirabiliter præuidens, mirabilius sub tanto verborum inuolucro prænuntiare curauit dicens. *De pomis & rore cæli, & abyssu subiacente, & cætera.* Ros cæli gratia est Spiritus sancti. Quædam velut abyssi subiacentis exhalatio vis est humanæ naturæ, & animalis sensuum vegetatio. His duobus caro Virginis fecundata velut terra bona & optima, pomum non ligni scientiæ boni & mali, sed ligni vitæ ex se non interdicens, sed omnibus exponendum, produxit. Huius fecundæ generationi, scilicet Incarnationis Christi mysterium, in prima cæli

Ephes. 2.

Genes. 24.

Tobia 7.

Psal. 56.

Genes. 49.

Iob. 1.

Genes. 17.

Ibid. c. 27.

Genes. 27.

Psal. 102.

2. Rom. 10.

Psal. 144.

Psal. 71.

Abac. 3.

Christus
Prophetia-
rum finis.

Exod. 3.

Matt. 25.

Luc. 22.

& abyssi creatione Deus mox figurauit, & velut quædam poma odorantia viris spiritualibus præparauit. Nec contentus est hæc poma sola amicis reponere, sed & Christi mysteria & Ecclesiæ, velut poma fructuum solis & lunæ eis voluit reuelare. Quid enim aliud sensisse videtur propheta, qui ait, *Elevatus est sol, & luna stetit in ordine suo*, nisi quod elevato Christo ad dexteram Patris, velut sole iustitiæ in meridie constituto, & status Ecclesiæ confirmatus, & Christianæ religionis ordo sit solidatus? Quid ille qui ait, *Sol & luna steterunt in habitaculo suo*, nisi iustitia & pace se inuicem osculantibus, Christum & Ecclesiā post multas hæreses in unitate fidei mansionis suæ habitaculum posuisse? Sed & ipse Moyses non alia videtur poma odorasse, nisi Christi & Ecclesiæ fructus eximios, velut solis & lunæ poma suaue olentia commédando. Huius etiam pomis ad cumulum benedictionis adduntur vertex antiquorum montium, & poma collium æternorum, fruges denique terræ & plenitudo eius. Montes antiqui Patriarchæ & Prophetæ meritò sunt intelligendi: montes pro virtutis humanæ & diuinæ reuelationis sublimitate: antiqui, pro factorum & dictorum suorum irrefragabili & summa autoritate. Omnium autem Patriarchalium promissionum & visionum, omniumque Prophetarum locutionum & reuelationum eminentior vertex Christi fuit humanitas: & summa eorum intentio, quæ de Christi natiuitate, baptismo, prædicatione, sepultura, resurrectione, & gloriosa ad cælum ascensione, in spiritu præuidebant, verbis prænuntiare, figuris & ænigmatibus præsignare. Ad hunc verticem Moyses ipse ascendere cupiens, volens videre, quomodo rubus arderet & non cōbureretur, repressam præsumptionem suam humiliter cōfiteretur, ubi audisse se dicit. *Ne appropies huc. Solue calceamentum de pedibus tuis: locus enim in quo stas, terra sancta est.* Quod ergo plenè videre non potuit, plebeios multos manifeste visuros præiudicet, & hanc eis benedictionem inuidit, sine inuidia tamen; ad amplectendam tantam benedictionis dulcedinem omnes his verbis posteros inuitauit. Sed & poma colliū æternorum, si non prægustasse, tamen odorasse videtur: quæ non solum odoranda, sed etiam degustanda præiudicet benedictis, vel quando audituri sunt, *Venite benedicti Patris mei, percipite regnum*: Vos enim estis, qui permansistis mecum in tentationibus meis; & ego disposui vobis regnum, ut edatis & bibatis super mensam meam in regno meo: Vel cùm etiam in præsentī ascendente homine ad cor altum, ut exaltetur Deus, iam Christum secundum carnem non cognoscit; sed Christum Dei verbum & Dei sapientiam, Deo consubstantialē & coæternum, adhærerēdo æterno factus iam ex parte æternus, & secundum Apostolum fruendo Deo vnus spiritus factus: ut velut collis æternus poma non immeritò proferat incorrupta. Sed ne noster Ioseph tantum in cœlestibus & montanis pasci, & non nisi in montanis cubare videatur, etiam fruges terræ, qui sunt quilibet fructus digni pœnitentiæ, & eos qui pleniores sunt, fructus iustitiæ, dicitur accipere. Possent etiam aliter verba ista exponi: sed quia ad alia festinamus, breuiter ea tangen-

do potius quàm exponendo percurramus, Moyses igitur Iesum nostrum in Ioseph benedicens, & ipsius præconia benedicens prædicens, primò capitis vnguentum prosequitur, dehinc quomodo sit in membra diffusum, etiā vsque in orā vestimenti descendisse describit. Capiti igitur vnguentorum copiam cælitus infusam præ confortibus suis prospiciens, in pomis cœli cœlicum castitatis ipsius odorem & incorruptum cœlibatus ipsius notat candorem: in rore fecundissimæ charitatis ejus suauitatem: in abyssō subiacente subiectam & mitissimam ipsius humilitatem. His vnguentis optimis caput nostrum in ipso suo exortu fragrasse, & ea à capite in membra defluxisse, satis ostensum est, cùm de fundamentis antea tractaretur. Sed quæ in capite fuerunt poma cœli, in membris poma solis & lunæ dicuntur; quia quæ consortes habuerunt per gratiam & industriam, Christus habuit per naturam. Meritò ergo solis & lunæ poma nominantur, quæ sub solis & lunæ instabilitate mutabiliter obtinentur. Nam Christi virtutes supra solem & lunam inuariabiliter constituisse firmiter asseruntur; & ne hæc poma tam noua, tamque insolita, immatura fortè aut marcessibilia viderentur; de verice montium antiquorum, & de vertice collium æternorum fuisse proponuntur. Vertex autem montium antiquorum fuit ad Patres antiquitus de Christo facta repromissio. Vnde Apostolus. *Abramæ dictæ sunt promissiones, & semini ejus.* Omnium illarum promissionum summam, & velut verticem fuisse illam, quæ de Christo facta est, probatur, cùm subditur. *Non ait & seminibus, quasi in multis, sed quasi in uno, & semini tuo, qui est Christus.* Hanc autem promissionem testamentum vocat Apostolus, confirmatum à Deo per legem & Prophetas. Non enim ex lege promissio, sed ad promissionis confirmationem & cooperationem propter transgressionem velut pædagogus posita est, ordinata per Angelos, signa multa & magna operantes ad ejus confirmationem. Non solum autem per Angelos, sed etiam Prophetarum dictis prædictæ promissionis confirmatum est testimonium. Ipsi enim promissionem de Christo factam intelligentes, & velut iam impletam in spiritu præuidentes, præterita & futura præsentialiter contuendo, quandam eternitatis speciem sunt adepti, secundum illud Isaïæ. *Ventura annuntiate nobis; & dicemus, quia diu estis vos.* Hi igitur, quot nobis in Scripturis suis de Christi aduentu monimenta reliquerunt, tot quasi poma fragrantissima, quasi colles æterni protulerunt; & Christo reseruanda, ac si poma in figurarum & ænigmatum calathis recondita concluderunt. Sciebant enim secundum Salomonem, omnia poma noua & vetera Christo esse seruanda. Vetera ut in eo implerentur, per eum aperirentur, ab eo distribuerentur, secundum illud, *Dedit dona hominibus*: noua verò, ut ea semper bona crearet, sanctificaret, viuificaret, benediceret ac præstaret. Noua sunt, de quibus ait Apostolus Dominum dixisse per Prophetam. *Ecce consummabo super domum Israël testamentum nouum, dando legem meam in mentibus eorum, & non docebit unusquisque proximum suum dicens, cognosce Dominum. Omnes enim scient me, à maiore usque ad minorem.* Dicendo,

Genes. 49.

Galat. 3.

Isai. 41.

Psal. 67.

Hebr. 2.

Dicendo, ait Apostolus, nouum, veteris prius. Quod autem antiquatur & senescit, prope interitum est. Translato siquidem sacerdotio, necesse erat, ut & legis translatio fieret: & reprobato precedenti mandato propter infirmitatem eius, & inutilitatem, quod nihil ad perfectum adduxit, introductio fieret melioris, quod iure iurando stare promitteretur in aeternum, dicente Propheta,

Psalm. 109.

Iurauit Dominus, & non pœnitebit eum, tu es sacerdos in aeternum secundum ordinem Melchisedech. Ea igitur quæ ad sacerdotium nouum & testamentum spectant, secundum ordinem Melchisedech, semper bona sunt; & sicut sacerdotium æternum, ita & ipsa immutabiliter bona à Deo creata, quando secundum virtutem vitæ insolubilis ab eo sunt instituta: Sanctificata, quando per Christi mortem facta sunt ad propitiandum efficacia: viuificata, quia Christi resurrectione non solum ad accipiendam vitæ indissolubilis virtutem, sed etiam ad dandam, à Deo sunt benedicta. Vnde dicitur in Canone, *Benedicis, & præstas nobis*, id est, quæ in se sunt benedicta, ut habeant; benedicis, ut conferant nobis vitam. Ne autem vnguento capitis sola proximiora membra perfusa viderentur, etiam simplicium & plebeiorum hominum pij actus ac deuoti affectus ad nostri Ioseph benedictionem, velut fructus humiles & de locis planioribus & inferioribus procedentes pertinere dicuntur. Sed quia hi fructus ante aduentum Christi in eis qui eum futurum expectabant semipleni inueniebantur: in terræ plenitudine, illi qui post aduentum eius à credentibus in eum populis plenius sunt exhibiti, denotantur. Totius igitur multiformis huius benedictionis, velut cœlestis cuiusdam vnguenti ex varijs speciebus à cœlesti pigmentario confecti, plenitudo ad nos est per beatam Virginem, quasi per quandam portam luce clariorem transfusa: vnde & ab Angelo dicta est in mulieribus benedicta; non solum quia Euz maledictio per eam est in benedictionem conuersa; sed quod etiam ea mediante spiritualium à Deo accipere meruimus benedictionem: & benedicendi minoribus, per Iesum accepimus potestatem: donec tandem in fine omni cœlesti benedictione & gratia repleti, solum iam Dominum laudare & benedicere habeamus, dicentes, *Benedictus qui venit in nomine Domini*: & cum Elizabeth ad Mariam, *Benedictus fructus ventris tui*. Exaltabitur siquidem Dominus solus in die illa; & velut in Resurrectionis octaua completa generali Circumcisione, ut iam neque nubant, neque nubantur, sed penitus tollatur de medio membri genitalis officium, quod per abscissionem præputij Abraham ostensum est, interim castigandum, ex tunc nomen Iesu quam sit super omne nomen benedictum, adorandum, atque laudandum, luce clariùs omnibus apparebit: tunc verè hoc nomen oleum effusum erit, quod primò per Gabriëlem Archangelum Mariæ infusum, clausum apud eum septem diebus permansit, & die octaua per eam non tam effusum quam reuelatum fuit: quia pauca adhuc erant vasa, quæ tantam olei plenitudinem capere sufficerent: & nondum venerat hora illa, qua mortuo viro vasa vacua non pauca mutuo inueniret, quibus oleum infusum, vsque ad effusionem ex-

cresceret. Vsque hodie hoc oleum vasis vacuis infundere Maria non cessat: & nominis huius suauitatem in expertis diuinitus reuelatam velut lactis dulcedinem ex vberibus maternis instillat. Et licet hoc oleo perfusæ adolescentulæ nimis eum diligere dicantur, & nomen eius oleum fateantur effusum; interim tamen dum peregrinamur à Domino, infusum potius fatendum est, quam effusum; & currere dicendæ sunt adolescentulæ potius in odore, quam in vnguenti exinaniti & consummatæ charitatis ardore: nec stabit hoc oleum, donec vasa deficient, & conscientiarum ostijs apertis quæque virgo sapiens de hoc se oleo à suo redimat creditore; & de cætero ad victum & vitam tanta olei sufficiat plenitudo. Hoc nobis, ô beata Maria primò de vtero tuo, postea de ore profluxit, & quem pariendo prima mundo perditio salutem edidisti, prima etiam nominando eiusdem salutis gratiam prodidisti. Tu Saluatori mundi intranti mundum porta extitisti: tu accedentibus Pastoribus ad eum porta paruisti. Per te Magi cum muneribus stella præduce & portam ostendente ad eum intrauerunt. Per te vsque hodie fideles omnes ad eum accedentes, te portam, te mediatricem, te magistram habere gloriantur. Tu siquidem introducis ad fidem, testimonium fidei perhibendo; tu mediatrix es ad veniam pro peccatis credentium filium interpellando; tu magistra ad inueniendam gratiam, exempla vitæ & disciplinæ omnibus ostendendo. Tu tuum porta mihi digneris esse ad filium, interim Incarnationis eius & ciuitatis suæ peregrinantis mysteria reuelando, tandem ad ciuitatem regnantem & triumphantem in cœlis post Lælipitudinem accedenti, non Rachelis, sed tuæ & filij tui pulchritudinem sine speculo & enigmate reuelata facie ostendendo. Sed ecce dum ad portam duodecimam iam per eam intraturi in ciuitatem Domini peruenisse videmur, ipsius portæ gloria, decore, & dignitate stupefacti, solitum sermonis modum excessimus, à lectore veniam postulantes, si vno adhuc sermone à ciuitatis ingressu portæ huius gloriam speculando eum paululum retardamus. Nihil enim gloriosius in tota ciuitate postmodum apparebit, præter eum, qui ipsius portæ & ciuitatis fundamentum est & fundator, initium & finis, conditor & dominator. Ipse autem semper Alpha & O sit nostri sermonis, &c.

Traſſatus 12. De gloria portæ duodecimæ, Virginis MARIE.

DE portæ duodecimæ gloria locuturi, & gloriosa quæ de ea dicta sunt ad memoriam reducturi: primò Moysen, qui primus de ea scripturus calceamenta detraxit, in medium adducamus: deinde per ordinem alios qui de ea scripserunt, diligenter quid quisque pro suo officio, pro loco, & tempore ad ipsius portæ consummationem decoris obtulerit, attendentes. Primus itaque Moyses velut calammum mensuræ ad metiendum virgam accepit, & obtulit ad portæ spatia designanda: secundus Iosue solem iam declinantem stare fecit ad ipsam designationem plenius consummandam, & clariùs agnoscendam. De libro quoque ludicum Gedeon arcem obtulit ad ædifi-

B. Virgo porta fuit Christo & alijs, ac nobis.

Quid Moyses & alij obtulerint ad decus virginis.

Psalm. 117.

Luc. 1.

1. Paralip.
29.

3. Reg. 10.

2. Paralip.
32.

Isai. 11.

Jerem. 32.

Ezech. 1.

Exod. 3.

Isai. 11.

Isai. 19.

Psal. 147.

Psal. 118.
Virga pa-
storale si-
gnificatio.

candum, & vellus ad exsiccandum solum areq-
antè purgandum. De libro Regum David la-
pides, aurum, argentum, ferri, æris, lignorū-
que immensam copiam obrulisse probatur. Salomon thronum eburneū obtulit ad quies-
cendum. Ezechias aquam piscinæ superioris
per aquæ ductum auertit subter, & influere fe-
cit in piscinam vrbis interiorē, in quiescen-
tium siue operantium vsum. Isaias florem sin-
gularis decoris depinxit, qui cæteris omni-
bus cælaturis in portæ ornatu emereret. Iere-
mias agrum figuli, in quo necessaria omnia
congregarentur, & congregata portæ vsui ap-
tarentur, triginta emit argenteis: emptum ad
hoc offerens, sicut constituit ei Dominus. Eze-
chiel quatuor rotas plenas oculis in circuitu
ipsarum quatuor paratas & volubiles vidit ad
quæuis necessaria ferenda & transferenda. Omittimus alios breuitatis causa, duodecim
scilicet Prophetas, Daniele & alios, qui in-
ter agiographa computantur, qui omnes offi-
ciosissimè in opus huius portæ quod habere
potuerunt melius, obtulerunt. Nos quoque
pro modulo nostro portæ huius gloriam, ne
dicam attollere, sed saltem à longè prospicere
cupientes, ea quæ breuiter tangendo posuimus,
breuius exponēdo auxiliante Dño percurram.
Quid igitur per virgam Moysi melius intelli-
gimus, quàm beatam Virginem Mariam, fide
rectam, flexibilem humilitate, integram virgi-
nitate, de qua legitur, *Egreditur virga de ra-
dice Jesse?* De hac egressus est ille serpens, qui
exaltatus in cruce læsis à serpente antiquo suæ
visionis medicinam parauit; qui tandem mor-
te superata, velut cauda mortalitatis constri-
cta, per Resurrectionem suam naturam huma-
nam multis miserijs & corruptionibus distor-
tam in virgæ rectitudinem reparauit. Per hanc
virgam diuersis sunt plagis afflicti Ægyptij. Per
hanc onus illud Ægypti completum est, quod
legitur in Isaias. *Ecco Dominus ascendet super
nubem leuem, & ingreditur Ægyptum, & mone-
buntur simulacra Ægypti, & cor ejus tabescet in
medio ipsius.* Per hanc filij Israël ab Ægyptijs
liberati mare sicco vestigio transierunt. Per
hanc aquæ maris diuisæ, aquæ mara dulcoratæ,
aquæ de silice reperiuntur excussæ. Ad tactum
siquidem huius virgæ tentationum impetus
diuiduntur, cùm paruuli tenentur cogitatus,
& ad Petram Christum alliduntur. Aquæ etiā
sacri eloquij dulcorantur, cùm in manu homi-
nis inuolutus liber in ore comedentis efficitur
mel dulce. Aquæ quoque de silice producun-
tur, cùm Christo respiciente induratum quem-
libet in peccato, compūctionis lachrymæ pro-
feruntur, iuxta illud Propheticum, *Flabit spiri-
tus ejus, & fluent aqua.* Hac virga folia & nuces
ex se mirabiliter proferente sacerdotium est
Aaron confirmatum, & virgæ pastoralis my-
sterium præsignatum. Merito à Moyse intra
arcam testamenti cum manna & tabulis est
hæc virgula collocata, præsignante Spiritu
sancto manna diuinæ bonitatis, & doctrine
spiritualis scientiam, disciplinæ virgula me-
diante, nobis à Domino ministranda: quæ tria
Propheta desiderando petere videbatur, cùm
diceret, *Bonitatem, & disciplinam & scientiam
doco me.* Virgæ quoque pastoralis forma eadē
representat, cùm monemur, virgæ aculeo velut
disciplinæ correctione pungere pigritantes:

doctrinæ suauitate velut vncino superiori re-
trahere fugientes, siue attrahere recusantes,
benignitate denique compassionis humanæ
sustetare vel subleuare, velut quodam baculo,
corruentes. Huius virgæ mysterium in diuersis
sacra scripturæ locis nobis est multipliciter
commendatum. Nam & Esther virgæ aureæ
summitatem osculans legitur confortata: &
Dominus in virga ferrea subditos rectorus
promittitur, & virga directionis virga regni
eius describitur. Virgam quoque virtutis eius
ex Sion legimus emittendam; quæ, vt breuiter
tangendo potius quàm exponendo, perstrin-
gamus, virga aurea Christi est rectoris natu-
ræ, virga ferrea rectoris vitæ, virga directio-
nis rectoris doctrinæ; virga virtutis rectoris
potentiæ, qua licet liberè & manifestè vt
potuisset, voluit tamen eam sub humilitate
humanæ infirmitatis abscondere, donec ad
iudicium veniens, eos qui ad eius correctio-
nem corrigi noluerunt, nec ipsius rectori
conformari, non solum virga potentiæ feriat,
sed etiam extremæ sententiæ malleo rectoris
conterat & confundat. Ne tamen penitus
ignoraretur, & incognita minùs timeretur,
partim eam miraculis mundo innotuit: infer-
no per sui expoliationem, plenius mundo per
suam Resurrectionem, plenissimè & manife-
stissimè eam ostensurus, cùm apparente ex Sion
specie decoris eius, manifestè veniet Deus no-
ster, & non silebit. Ignis in conspectu eius
exardescet, & in circuitu eius tempestas valida.
Interim virga doctrinæ eius dirigit ignorantes,
rector vitæ eius, quæ velut virga ferrea in-
flexibilis fuit ad culpam, corrigit & prouocat
reluctantes. Rector naturæ, licet pro regali
progenie, siue pto eo quod talis tamque rector
est assumpta, qualis quàmque rector à rector
Deo in primo homine est creata, virga aurea
dici possit; tamen specialiter pro animæ in-
corruptione virga aurea rectorius appellatur. Ea
siquidem, sicut virga vrne aureæ in arca fœde-
ris fuit iuncta; sic in vna Christi persona fuit
diuinitati coniuncta. Nam quod apud Iere-
miam virga ollæ testæ coniungitur, illud in-
nuere videtur, quod in eadem persona caro spi-
ritui est coniuncta: & velut testa ferro absque
omni carnalis concupiscentiæ repugnantia est
subiecta. Sed sicut virga ferrea conterit &
comminuit reluctantes, ita virga aurea con-
tritos & humiliatos erigit ad spem vitæ, & ad
gratiam reparat obsequentes. Bene autem quā
David ferream dixit, Ieremias videre se asserit
vigilantem; quia Christus nec in aliquo flexus,
nec vmquam obdormisse, nec vel in modico
dormitalse inuenitur ad culpam: sed sicut vi-
gil & sanctus apud Daniele iubet arborem
præcidendam; sic & apud Ieremiam virga
vigilans ollam succensam, & apud David vir-
ga ferrea vas figuli confringere perhibetur.
Virga quoque aurea, sed & ferrea beata Dei
genitrix dici potest. Aurea, vel quia atavis edi-
ta Regibus, vel quia aurea virga primæ matris
Euæ florens rosa processit: vel quia gratia pla-
na & inter mulieres benedicta mediante be-
nedicto fructu ventris sui, in carne filij sui est
diuinitati coniuncta: ita vt illud quod dictum
est ei ab Angelo, *Dominus tecum*, sicut est om-
nibus fidelibus commune, ita ei fuerit speciale.
In alijs enim Deus dicitur esse per gratiam, ei

Esther. 15.
Psal. 2. 44;
& 109.

Psal. 49.

Jerem. 1.

Psal. 2.

Daniel. 4.

B. Virgo
virga au-
rea est.

*Deus in Vir-
gine fuit spe-
ciali modo.*

Luc. 1.

Coloss. 2.

Psalms. 18.

Prou. 31.

*Quomodo
gratia plena
fuerit Ma-
ria.*

Esther. 15.

*Rom. Pon-
tifex Anti-
christo resi-
stet.*

*Alludit ad
Iosue 9.
& 10.*

autem ita diuinitatis suæ infudit essentiam, vt ex ea etiam humanam sibi vniuerit naturam. Ei ergo meritò antonomasticè dicitur, *Domini- nus tecum*, in qua non solum fuit per gratiam, sed ipsius etiam diuinitatis plenitudo, sicut ait beatus Apostolus, corporaliter habitauit. Vnde & ex ea tanquam sponsus processisse legitur de thalamo suo, Nam & prius fuisse in ea per gratiam, sicut & in cæteris, imò eam singulari præ cæteris gratia ditatam testatus fuerat Angelus dicens, *Aue gratia plena*. Ac si diceret, Multæ filix congregauerunt diuitias, tu supergressa es vniuersas. Ipsa siquidem maturior Sara, sapientior Rebecca, Lia fecundior, Rachele gratior, deuotior Anna, castior quàm Susanna. Ipsa gratiæ plenitudinem, quam aliæ diuim habuerunt, totaliter creditur accepisse, & absque interpolatione continuò possedisse. Vel gratia plena dicta est, quia charitatis munere, sine qua omnis gratia fallax & vana est pulchritudo; sine qua nihil est, quod possit prodesse, ita repleta fuit, vt in hac perfectione nec primam similem visa sit, nec habere sequentem. Huius aureæ virgæ summitatem Ecclesia velut altera Esther in altari quotidie osculatur, & osculando promeretur, vt Aman in Antichristo aduersus populum sanctorum non diu præualeat; & vt Mardocheus, imò in Mardocheo Petrus, vel in Petro Ecclesiæ Romanæ Pontifex patrui eius, qui solus ante Aman genua non curuabit, honore regio dignus inueniatur. Vel si summitatem virgæ aureæ libet intelligere consummationem regni sæcularis, & finem regiæ potestatis: tantam opinari possumus circa finem sæculi, Antichristo sublato de medio, vnitatem fore inter sæcularem & Ecclesiasticam potestatem; vt se videantur inuicem osculari, & non tam Assuerus quàm Mardocheus dominetur in regno, quod mox Christus traditurus est Deo & Patri. Virgam quoque ferream dicimus beatam Mariam, non ferream in miserendo, sed ferream in sustentando; non in subueniendo ferream, sed in subuehendo. Non enim est baculus arundineus tantum, imò plusquam ligneus: quia quantum ferrum ligno præminet in fortitudine, tantum beata Maria supra omnem humanum modum virtute est induta ex alto, Spiritu sancto superueniente in eam, id est supra solitum veniendi in homines modum in eam descendente, & virtute ei altissimi obumbrante. Libenter has virgas, quas à verò Iacob in canalibus Scripturarum inuenio positas, diutius immorando conspicio, vt in earum contemplatione sensus spirituales concipiam: ne si forte carnaliter concupiscendo concipiā, concupiscentia ipsa cum conceperit, pariat peccatum; & Gabaonitæ mei non tam mihi aquam compunctionis comportent, quàm vetustatis opera ingerendo lumbos meos repleant illusionibus; & efficiantur non solum nomine, sed & re illusores. O quoties à Gabaonitis imaginationum mearum memini mihi illusum: & ore Domini non interrogato de cibarijs eorū suscepisse, ita vt contemplationis lumine velut quodam mihi sole iustitiæ occumbente, continuis vix tandem precibus obtinerē, vt staret sol contra Gabaon: & si non proficeret lumen contemplationis, saltem non deficeret calor deuotionis; maneretque dilectus meus mecū,

magis precum assiduitate coactus, quàm puritate affectuum oblectatus. Heu tunc ouium mearum ferotini erant conceptus. Nam qui primi temporis fuerant, Iacob cooperante, vario & diuerso colore mysticorum sensuum apparebant resperfi. Tunc quippe in lumine Domini lumen videns, aspicieba non solum prædictas virgas, sed & populeas virides, & amygdalinas, & ex platanis positas in prædictis canalibus, & tanta varietate oblectatus, in ipsis virgis Noë, Daniel, & Iob, contēplabar exēpla. In Noë velut in platano exaltata iuxta aquam in plateis, doctrinæ rectitudinem admirabar. In Iob velut in amygdalo facili decidentium florum & fructuum vbertate gaudente, fidei rectitudine delectabar. In Daniele velut in populo viridi, intelligentiæ rectitudine iucundabar. Accedebat etiam, ne similitudo satiæ mater aliquod fastidium generaret, varietas amplior: cum & in decorticatis & spoliatis tunica solitudinis sæcularis apparebat candor castitatis; in hac quæ decorticata non fuerat, viror humilitatis; in omnibus lenis teneritudo charitatis, siue ad compassionem proximi, siue ad puriorem dilectionem Dei. Et has mihi omnes virgarum varietates illa vna regalis virgula de radice Iesse egressa pariebat, quā Dauid altantem à dextris Regis circumdatam vidit varietate: Salomon ascendētem sicut virgula fumi ex aromatibus myrrhæ & thuris: Moyses vt rubi virgulam ardere & non comburi. Ipsa siquidem meritò à dextris Regis visa est astare, quæ de tota massa corruptæ & incuruatæ in Eua humanæ naturæ prima & sola infaustum nomen Eue in suaue illud *Aue* conuertere potuit & mutare. Ipsa namque sinistra, quam Eua elegerat, omnino deserens, totā se conuertit in dexterā: & spretis terrenis & carnalibus delicijs imagine terreni deposita, cœlestia & æterna eligēdo imagine cœlestis se induit: & Dei in se similitudinē, quā primus homo rectus à recto Deo factus in rectitudine acceperat, Spiritu sancto eandē rectitudinē in ea reparante, & spiritū rectū innouante plenissimē in ea, reformauit. Recta ergo astare dicta est, quæ tā recta effecta est: & à dextris Regis, quæ Regi facta est tā proxima, quàm conformis. In vestitu quoque deaurato, quia lumine sapiētiæ velut auri irradiata fulgore; vnde & amicta sole visa est à Ioanne lunam habens sub pedibus suis. Lunam siquidem humanæ rationis, substramentū habuit naturalis affectionis: quia humani affectus in ea non casu aut impetu ferebantur; sed illustratæ rationis moderamine regebantur. Et hoc quidem deorsum in transitu præsentis vitæ, velut luna in nocte. Sursum verò in dextera contemplationis velut in die amicta erat sole, quæ alibi in ipso sole posita fuisse describitur; quia non solum luce sapientiæ vfa est vt vestimento, sed ei vnita, posita & fundata velut in fundamento. Vel posita in sole dici potest; quia sicut in horologio gnomonem facimus prominere, vt quasi in solem porrectus solaris cursus horas designet diurnas; sic diuina sapientia beatam Virginem velut virgā rectissimam humano generi gnomonem constituit; vt per eam quantum à lumine sapientiæ deflexerit, humana natura cognosceret, & in ea viam redeundi ad primum punctum suæ originis inueniret. Duodecim siquidem

Genes. 30.

Psalms. 44.

Cantic. 3.

Exodi. 3.

Apocal. 12.

sunt horæ diei, ad quarum decimam consummandam sol sapientiæ diuinæ humanam naturam instituit, vt nouem ordinibus Angelorum perlustratis, velut decima tandem hora homine illustrato, mediante Spiritu sancto semper ad Patrem velut ad suum rediret principium; duodenarij in eo complens perfectionem, ita in eo manens, vt nullus sit excessus; ita exiens ab eo, vt nullus recessus: ita ad eum rediens, vt nullus fiat accessus. Ab hac tanti luminis claritate homo cum in tanto honore constitutus esset, veniente sibi pede superbiæ expulsus est, & non potuit stare: & comparatus iumentis insipientibus de die diuinæ claritatis deiectus est in profundissimam noctem humanæ cæcitat. Per hanc noctem transierunt omnes bestię siluæ; & ab Adam vsque ad Mariam tenebræ permanserunt super faciem abyssi, donec tandem adueniente temporis plenitudine sol diuinæ sapientiæ qui in suo candore ab homine videri non poterat, beatæ Mariæ velut cuidam humani horologii se iunxit gnomoni; & vmbra carnis quam à sua natura non habebat, de nostro accepit gnomone: vt qui in suo fulgore à nobis videri non poterat, saltem in nostræ infirmitatis vmbra caperetur; & iuxta Prophetam, in tali viuere-mus vmbra; siue secundum Salomonem, in diu desiderati vmbra federemus. Et ista est dies, quam nascendo de beata Virgine fecit Dominus, horis eam duodecim mirabiliter percurrendo consummans, & in nostro nobis eas gnomone designans. Primam siquidem huius diei horam habuimus in Christi Annuntiatione, secundam in eius Natiuitate, tertiam in Circumcisione, quartam in Apparitione, quintam in eius oblatione, sextam in fuga eius in Ægyptum, septimam in Baptismate, octauā in Apostolorum vocatione, nonam in Transfiguratione, decimam in noui Paschæ institutione, vndecimam in Passione, duodecimam in Inferni spoliatione. In hac duodecima hora visus est sol Christus occubuisse, & sepultus ad locū suū, id est, ad terram, de qua carnem sumpterat, rediisse. Vnde expauescens sol iste visibilis, etiam ipse non dando lumen suum visus est occidisse. Vnde ait quidam sapiens. *Non erat mirum apud superos tenebras esse, cum sol descendisset ad inferos.* His duodecim horis consummatum est dies iustitiæ, succedēs diei culpæ, præcedens diem gloriæ: de quibus diebus videtur scriptum. *Vinificabit nos post duos dies, in die tertia suscitabit nos.* Nam de tertia, id est de die gloriæ, videtur Salomon præmissio de die iustitiæ; *Oritur sol & occidit, & ad locum suum reuertitur,* subieciisse. *Ibique renascens gy-rat per meridiem, & flectitur ad aquilonem.* Renatus siquidem sol Christus in Resurrectione consummata die virtutis, habitantibus in regione vmbre mortis initiauit diem æternitatis: imò errantibus in die mortalitatis illuxit dies æternitatis. Huius diei prima fuit hora Resurrectionis, à qua cœpit sol Christus reuerti decem lineis per gradus quos descenderrat. Primam lineam impleuit in homine, per dies quadraginta apparens discipulis, & loquens de regno Dei. Nouem lineas in nouem impleuit ordinibus Angelorum, sicque à die Ascensionis vsque ad diem Pentecostes decem gyrando diebus ad summum creditur meridiē

peruenisse. Inde tandem ad aquilonem flectetur, cum veniens ad iudicium, illum qui latera aquilonis elegit primò prorsus deijciat: postea propriam aream purgans, & paleas tradens igni inextinguibili, grana in horrea congregabit, & tradens regnum Deo & Patri, eidem per omnia æqualis luce clariùs apparebit. Interim *iudica mihi, quem diligit anima mea, ubi pascas, ubi cubes in meridie,* Et qui de meridie sua radios tuos Apostolis expandens, varijs eos linguis ditasti, assistentis à dextris tuis Regi-næ varios nobis ornatus ostendens, siue in varietate virgarum, siue in multiplicitate stellarum. Nam & post cætera quæ prædicta sunt, visa est etiam habere in capite coronam stellarum duodecim. Hanc coronam credo esse gloriam & honorem, quo beata Virgo coronatur & honoratur in præsentī Ecclesia, in qua duode-nis festiuitatibus tanquam stellis totidem, tam in se quàm in filio suo, colitur & glorificatur. Harum prima est Virginis ipsius Natiuitas, se-cunda filij Annuntiatio, tertia ejusdem ortus, quarta Circumcisio, quinta eius per stellam declaratio: quæ etsi in hac festiuitate tantum apparuisse describitur, tamen nulli aliarum sua stella deesse cognoscitur, per quam salutis humanæ gradus aliquis declaratur: sexta festum Purificationis, septima, octaua & nona tridui Passionis, decima Resurrectionis, vndecima Ascensionis, duodecima propriæ Assumptionis. Vel si moraliter libet has stellas intelligere, dicamus eas duodecim virtutes, quas fructus Spiritus Apostolus enumerat, dicens. *Charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas.* Harum virtutum merita sibi Virgo accumulans, earundem præmijs velut stellis totidem creditur à Deo coronata. Per castitatem siquidem abdicauit illicita desideria; per continentiam abnegauit sibi superflua; per modestiam moderata est etiam necessaria; per fidem respectum habuit potiùs ad æterna, quam ad præsentia bona: per mansuetudinem se exhibuit socialem; per benignitatem libera-lem: per bonitatem seruauit in obsequijs simplicitatem, secundum illud. *Qui tribuit in simplicitate.* Per longanimitatem perseuerantiam, patientiam persecutionibus exhibuit, ne frangeretur: pacem, ne turbaretur: gaudium, ne accediretur: per eharitatem ad vltimum quæ est vinculum perfectionis, prædictas colliga-uit & consummauit virtutes, (sicut solent auro in corona pretiosi lapides colligari,) cauens ne priuato aliquo amore coronæ claritas fuscaretur. Vel sic; casta fuit affectu, continens ab actu. Est enim continens actu, qui non est castus affectu. Et est castus affectu, qui non continet ab actu: qualis credendus est fuisse Abraham. Modesta victu & habitu; fidelis sine ruga simulationis; mansueta, ne inaccessibilis; benigna, ne inexorabilis; bona, ne implacabilis; longanimis, ne inconstans & variabilis: patiens, ne irascibilis: pacifica, ne perturbabilis. His decem virtutibus coronæ circulus consummatur: & fortè ipse est denarius qui laborantibus in vinea moralis actionis, consummato opere pro mercede datur. Sicut enim denarius Regis præfert imaginem, sic pax quæ decimo constituitur loco hominem filium Dei facit, & paternam imaginem in filio repræ-

Christus soli,
B. Virgo
gnomoni
comparatur.

Cantic. 2.

S. Maximus hom. 2.
in festo Pasche.

Osea 6.

Eccl. 1.

Christus sol
per decem
lineas re-
uersus.

Cantic. 1.

Apocal. 12.

Stella ornata
caput
Virginis
virtutes sume
Galat. 5.

Rom. 12.

draco ille antiquus, qui formatus est, ut illudatur ei; qui cum absorbuisset fluuium, & non miraretur, iam in os suum Iordanem etiam influxisse gaudebat. Sic sic Leviathan hamo de-nuo fuerat capiendus; ut qui prius esca dominicę carnis deceptus, ferro diuinitatis fuit illaqueatus, nunc quoque esca Dominicę crucis, humanę scilicet propitiationis illectus, ferro diuinę sententię suas tandem maxillas perforatas sentiret: nec solum quos absorbuerat euomeret, sed & illos amitteret, quos ad deglutendum parauerat & perdendum. Diuina quippe iustitia erat, ut Christiani, qui relicto Christo sponte se diabolo peccando subiecerant, puniendi eidem etiam traderentur. Sed hæc Dei iustitia, velut quedam virga ferrea, incuruata videtur & inflexa; cum sciuenti aduersario in crucem Domini, imò in ipsum crucis consecratorem, occulto eius iudicio potestas est concessa: ut quam iuste in Christianos acceperat potestatem, mereatur amittere: cum accepta, in Christum abutitur, potestate. In eum siquidem per ministros suos iterum debacchatur, cum & nomen eius ignominiosè ab Ethnicis blasphematur; & gloriosum sepulchrum eius, pro dolor, turpissimè conculcatur, conspuitur, exprobratur, & lignum saluterę crucis, quod in corpore eius dedicatum est, & ex membris eius tanquam margaritis ornatum, non solum captiuatur, subannatur, & omnium inimicorum spurcitij dehonestatur, sed etiam tandem Machometus offertur, ut de Christi ignominia Machometus glorificetur: & non solum de Christianis, sed & de Christo triumphasse Machometus à suis iniquè prædicetur. Non enim hæc acta sunt, quia Machometus potuit, sed quia Christus voluit; volens dare Christianis occasionem zelandi Domini sui gloriam, vindicandi Patris iniuriam, & hereditatem propriam vendicandi. Ecce enim tempus acceptabile, quo probati manifesti fiant; quo probet Dominus, qui sint eius; qui sint ei fideles, qui perfidi; qui filij alieni, qui proprii. Fideles siquidem milites suum Regem sequuntur, pro suo se Rege hostibus incunctanter obijcient: malentes pro eo fortiter occumbere, quam segniter fugiendo vitam sibi conferre, ignominiam suo Regi inferre. Si sic pro Rege mortali aditant Christiani, quanto fideles esse debent cęlesti & immortalis? Econtrario filij alieni mendaces probabuntur, solo se nomine tanto patri, non re filios exhibentes. Filij siquidem alieni, iuxta Prophetam, *inueterati sunt, & claudicauerunt à semitis suis*. Verus namque Adam de terra terrenus, nouus autem de cęlo cęlestis. Nouus autem temporalibus æterna docuit præponenda: vetus æternis derelictis carnalia & terrena elegit. Huius falsi Christiani imitatores effecti, Christi nouitate relicta veterem hominem induerunt: sicque inueterati, & Christo mentientes, facti sunt filij alieni. Vnde & claudicauerunt à semitis suis, in executione mandatorum Dei debiles, in explendis desiderijs carnalibus & sæcularibus fortes. Proh dolor, patres carnis filij reuerentur: & pro patris iniuria vindicanda, & angusta hereditate tuenda, decertant vsque ad mortem; nec verbis, nec verberibus cedunt. Filij autem patris spiritualis facti omnino degeneres, sicut

nec patris vices dolere, sic nec paterna hereditate digni esse probantur. O verè beati, qui nunc veri esse filij inueniuntur, qui nunc Dominum suum non negant, patrem non erubescunt; cum tam vehementem plagam eius conspiciunt, ut verè beatus sit, qui scandalizatus non fuerit in eo. Sed quantumque sit materia scandali, veri tamen filij nequaquam scandalizantur, nec verenda patris irrident: sed retrorsum incedunt, & facies habentes auersas pallio pię interpretationis operiunt, attendentes se patri dedisse causam huius ebrietatis. Nostri siquidem crimina, nostra scelera inebriauerunt eum absynthio, ita ut post longam dormitionem, post diuinam simulationem, post morosam expectationem nostrę correctionis, tandem euigilasse videatur, quasi potens crapulatus à vino; quasi virga vigilans, quę ollam terrenę cupiditatis à diabolo vehementer accensam conterat & euertat. Sed non terrentur filij virga patris, scientes quia quos diligit Dominus castigat: flagellat autem omnem filium quem recipit. Illam potius formidolosam Domini comminationem verentur, qua ait. *Recessit zelus meus à te, ultra non irascar tibi*. In eo autem probant veri filij virgam esse patris, non malleum iudicis, si virgā sequatur correctio, correctionem consolatio comitetur. Gratiastibi, bone Iesu, qui tria hæc circa filios tuos non desinis operari. Hoc quippe priuilegio gaudent filij tui, hanc de patris tui promissione indubitam tenent securitatem. Ait enim per Prophetam Dauid. *Si dereliquerint filij mei legem meam, & in iudicijs meis non ambulauerint: si iustitias meas prophanauerint, & mandata mea non custodierint: visitabo in virga iniquitates eorum, & in verberibus peccata eorum. Misericordiam autem meam non dispergam ab eo, neque nocebo in veritate mea: neque prophanabo testamentum meum, & quę procedunt de labijs meis non faciam irrita*. Et ne de nuda promissione aliquis hæsitaret, etiam iuramento firmatur, cum dicitur. *Semel iuravi in sancto meo, si Dauid mentiar, semen ejus in æternum manebit; & thronus ejus sicut sol in conspectu meo, & sicut luna perfecta in æternum*. Vbi sunt ergo nunc misericordię tuę antiquę Domine, sicut iurasti Dauid in veritate tua? Nunquid attendis opprobrium seruatorum tuorum, quod in sinu Christi tui reponitur, multarum gentium exprobrantium, non solum commutationem, sed & diminutionem, imò euacuationem Christi tui? Et si Domine repulisti & despexisti populum tuum, & pro peccatis eorum distulisti Christum tuum: nūquid etiam abstulisti? Nunquid euertisti testamentum serui tui, cum prophanatum cernatur sanctuarium eius in terra? Exaltasti dexteram deprimentium eum, lætificasti omnes inimicos eius. Auertisti adiutorium gladij ejus, & non es auxiliatus ei bello. Destruixisti eum in membris suis, nunquid absque eorum emundatione? Absit, Domine, absit, ut in ira misericordię non recorderis: & tam duram castigationem filiorum emendatio & emundatio non sequatur, emundationem consolatio non comitetur. Verbera patris exhibuisti filiis, ne quæso obliuiscaris exhibere etiam vbera matris. Fac obsecro, pater misericordiarum, & Deus totius consolationis, fac filios tuos & de

Alludit ad factum Noę Genes. 9.

Hebr. 12.

Ezech. 16.

Psal. 88.

Ibidem.

Saladinum intelligit, ejusque populum Machometanū.

Fideles bellum gesserunt pro terra sua et recuperanda.

Psal. 17.

verbere tuo proficere; & de tua citius consolatione gaudere. Fac plenius, quod iam facere incēpisti; consumma Deus, hoc quod iam cēpisti operari in nobis. Ecce te operante salutem in medio terræ videmus iam perditissimos homines emundari, currere ad confessionem, pœnitentiam, agere, satisfacere pro præteritis peccatis, de futuris quærere & promittere emendationem. Nec mediocri, ut assolent, contenti pœnitentia, vndique conuolant ad perfectionem, mittentes manum ad fortia, crucem sibi bajulant, & relictis omnibus sequuntur Christum. Nec solum infimæ personæ aut mediocres hoc attentant, summæ etiam crucem sibi affigunt, imò cruci se gloriantur affigi. Hoc Romanum Imperatorem, hoc filiū eius suauē ducere, hoc ferē omnes Germaniæ Principes fecisse videmus, & testamur, dicentes cum Apostolo. *Quod vidimus & audimus, & manus nostræ tractauerunt de verbo crucis*, hoc testamur & annuntiamus omnibus qui sunt ista audituri. O bone Deus, quanti fuerint ibi clamores in cœlum dati, quot gemitus, quot suspiria educta de profundo, quot effusæ lachrymæ, quanto lachrymarum imbre terra illa perfusa, tu solus Domine nosti, qui solus talia operari potuisti, educens denuo aquam de petra, & deducens tanquam flumina aquas. Videres ibi iterum crucem exaltatam omnia trahere ad seipsam, & euacuato iam crucis scandalo, non iam crucis captiuationē deplangi, sed crucis gloriam prædicari; & ferē omnes maiores pariter & minores cruce de manu nostra suscepta in sola iam cruce glorari. Quid de illustribus, & nunc verē gloriosis Franciæ & Angliæ Regibus dicam, quid de vtriusque regni Principibus, vbi paucissimi relictī sunt, qui non cœlestis Regis vexilliferi sunt effecti? Vexilliferi planē sunt dicendi, qui prius opus tam arduum, tam laudabile sunt aggressi. Vnde & de eis meritō dici potest, quod in laudibus beati Stephani dictum legitur; siquid inter martyres distat, maximos illos esse, qui primi extitisse noscuntur. Eis tamen specialiter cedit ad gloriam, quorum æmulatio cæteros prouocauit. Et qui in odore vnguentorū suorum alios post se trahentes currere faciunt ad salutem. Quid plura? Omnis natio, omnis conditio, omnis ætas, eorum exemplo ad similia animatur. Granum quippe sinapis efferbuisse videtur ad trituram; & vnde antiquus hostis scandalizasse fideles præsumebat, inde messis vberior cernitur surrexisse; inde fides mortua feruētior noscitur reuixisse. Tantō autem gloriosior, & amplioris meriti probatur esse hæc fides apud Deum, quantō ei nulla humana ratio præbet experimentum. Non enim nunc, sicut initio nascentis Ecclesiæ, cæci vident, claudi ambulant, leprosi mundantur; surdi audiunt, mortui resurgunt: sed nullis talibus signis iam apparentibus, ita ut verē dici possit, *signa nostra non vidimus, iam non est Propheta*: & illud, *Non egredieris Deus in virtutibus nostris*: nunc potissimum qui scandalizati non fuerunt, non solum beati, sed & beatissimi sunt dicendi. Est tamen cernere, si quis oculos fidei habeat reuelatos, signa noua, tantō gratiora, quantō vberiora; tantō digniora, quantō animæ immortalis potius quā corporis perituri salutē efficaciora. Nam cæci

qui prius erant ad veritatem, claudi ad bonam operationem, leprosi ad virtutem, surdi ad Spiritus suggestionem, mortui ad charitatem; non ad manus Christi, non ad fimbriæ tactum, non ad viuifici ligni præsentiam, sed ad solam ipsius vmbra recipiunt sanitatem. Ecce qui præsentem non reuerbantur, in solius vmbra nominis gloriantur. Quid hoc est miraculi, fratres, quid nisi impleri cernimus his diebus, quod longē antē Prophetarum audiuius? *Innova signa, & immuta mirabilia. Glorifica manum, & brachium dextrum. Extolle aduersarium, & afflige inimicum.* Ecce, sicut diximus, signa vetera videmus innouata, antiqua mirabilia immutata, manum dextram & brachium Domini glorificata. Ad sinistram enim videbantur spectare sanitates, quæ ad præsentis vitæ subsidium conferebantur. Nam in dextera eius longiturnitas vitæ, in sinistra illius diuitiæ & gloria. Dextere igitur excelsi est hæc gloriosa mutatio, qua de flagitiosissimis castos, de ferocissimis mansuetos, de superbissimis humiles, de tenacissimis liberales, de Regibus & Principibus mundi contemptores, martyres effectos cernimus de Tyrannis. Nunquid enim non veri sunt martyres, qui se ac sua suosque minimē attendentes, desolationem exilij diuinam non verentur; non aëris inclementiam, non procellosi maris instabilitatem, non confusionem sonitus eius ac fluctuū, non innumera vitæ ac solitudinis pericula, nec famis ac sitis inedia, non ipsam denique mortem; sepultura etiam carere non formidant. Hoc solum est, quo maximē molestantur, quoddam in hostes Christi ruere, quoddam aduersum se prouocare aduersarios protrahuntur; non minùs ad coronam iustitiæ si occubuerint, quàm ad palmam victoriæ, si superauerint, aspirantes. Nunquid non sola dextera Domini facit tantam virtutem, qua spreto temporalibus tanto desiderio sola quærantur & amentur æterna? Ecce dextera Domini gaudent amplexari, qui de sola læua temporalium bonorum quam habebant sub capite, gloriarī solebant. Læua hæc extulit aduersarium, sed ecce dextera affligit inimicum. Elarus siquidem est & eleuatus pro transitoria & momentanea prosperitate animus Salahadini, qui Christianis præ omnibus Gentilibus studuit aduersari. Sed vnde hic aduersarius est elatus, inde operante gratia antiquus & iniquus humani generis affligitur inimicus. Salahadinus siquidem Christianis aduersatur, ut iura eorum possideat: sed diabolus iniquo eos odio per Salahadinum & alia membra sua persequens, nomen Christi penitus delere festinat. Tantō igitur acrius affligitur, quantō ei nunc dominandi Christianis potestas aufertur, & innumera ei captiuitatis vasa eripiuntur. Renuntiatur atrocissimo prædoni à populis diuersarum linguarū & nationum; & vix iam inter Christianos reperitur, qui non tyrannicis legibus reluctetur. Fremunt igitur expoliati hostis impius furor, & nouum quærit lucrum, quia perdidisse se ius sentit antiquum. Pœnitet cum iam, ni fallor, huius suæ adinventionis, deprehensum in laqueo quem tetendit. Credebat sic acephalos posse fieri Christianos, si sepulchro & cruce Domini prophanatis, & in manus hostium datis, iam ad illud commune omniū peccato-

*Signa noua
quæ.*

Eccli. 96.

*Qui se cruce
signarint
ad bellum
sacrum. 1.
Ioann. 1.*

*Psal. 73.
& 59.*

*Saladinus
Christianorum
hostis
maximus.*

Inducitur
loquens de-
monum
princeps.

Inuentio
Crucis ante
defossa à
Iudæis.

Matth. 24.

Christiani
lites & bella
inter se ge-
rentes.

rum asylum confugere, ad illud vltimum sceleratissimorum remedium transire non valerēt. Sed ecce hac spe sua frustratus, & in contrarium cessisse deplangens, nunquid non cum suis satellitibus stupendo tibi dicere videtur? O crux fallens gaudia nostra, & parturiens damna nostra, cur te exhibuimus Pilato, cur tradidimus Salahadino? Quoties tuam ignominiam, tuam procurauius perditionem, toties tuam gloriam, nostram autem sensimus læsionem. Quot ei suscitauimus impugnatores, tot semper inuenit robustissimos defensores. Iudæus etiam nobis suadentibus sepeliuit, sed effodiente Helena Constantinus eam mirabiliter exaltauit. Cosdroë nostro eam auxilio captiuauit; sed Heraclius ampliori eam gloria sublimauit. Gentilis noster populus totam terram illam nobis semper exosam aliquando nobis cooperantibus occupauit: sed Carolus ab Occidente veniens in manu forti & brachio extento eam ab hostibus liberauit: sed expulsis iterum Christianis, denuo per quosdam Occidentales multò nostris pauciores, multoque inferiores, nostri victi sunt & expulsi. Quid igitur nunc nobis sperandum est, quid agendum? Similia planè expectanda nunc essent, nisi quodd iam aduenisse hora nostra videtur. Hora inquam illa, de qua crucifixus prædixit, tantam futuram esse tribulationem, quanta non fuit, ex quo Gentes esse cœperunt. Vbi etiam prophetiam Danielis inducens, *Cum videritis*, inquit, *abominationem desolationis stantem in loco sancto, qui legit, intelligat*. Nos igitur hoc intelligentes, desolationem istam, quam in loco sancto esse fecimus, stare ibidem diutius faciamus; & si fortè conuenerint Christiani, vt suorum subueniant desolationi, paremus eis offendicula, struamus impedimenta, laqueos eis tendamus. Inter eos lites & iurgia seminemus. Viderentur ad præsens nostra vincula, nostrum dominium euasisse, sed ad consueta facile relabentur; nec repulsam apud eos diutius patiemur: cum hinc eis carnales delicias, affectus amicorum, natalis soli dulcedinem, bonorum affluentiam, vitæ suauitatem proponemus: inde viarum periculis, transitus difficultate, penuria victualium, caloris & hiemis acerbitate, & innumerum hostium deterrebimus atrocitate. Eia ergo commilitones mei, quid agimus, quid moramur? Circumeamus terram & perambulemus eam, diuidamus nobis regiones & regna: vbique spargamus scandala, dissensiones concitemus & bella. Illi circa Germaniam versentur, illi circa Galliam, illi circa Angliam, quique ad illos pertinent; quos melius nouerunt, quibus sæpius illuserunt, circa quos corruptendos amplius profecerunt. Heu heu talia ab inimicis crucis dicta, imò etiam facta, ipsis iam rerum experimentis edocemur. Iam enim seruos crucis, qui se cruci dedicauerant, qui se non nisi Christo militaturos deuouerant, ad vomitum rediisse videmus, & contra tam recens votum arma corripuisse dolemus. Iam crux aduersus crucem dimicat, crucifixus crucifixum impugnat. Qui sola iam cœlestia sapere videbantur, ecce insatiabiliter terrenis inhiare probantur. Turbauerant & mouerant eos sicut ebrios iniuriæ Christo illatæ ab Ethnicis; sed ecce grauiore inferuntur à filiis: ab

inimicis Christi crux est tamquam ab incredulis captiuata: sed ab amicis & credulis crux est impijssimè abnegata. Nunquid non denuo tibi Christus dicere videtur? *Si inimicus meus maledixisset mihi, sustinuissem, utique. Nunc verò homo pacis mee in quo sperabam, qui edebat panem meos, amplianit aduersum me supplantationem*. Nunquid non ampliassè videntur amici, nunquid non ampliùs nocuisse, quam ipsi inimici? Nunquid non super dolorem vulnerum Christi addentes, apposuisse etiam iniquitatem super iniquitatem conuincuntur? Proh dolor, plāgebamus Christum nuper in Oriente passum in membris suis; sed nunc in Occidente destabiliùs patitur à membris suis. Contra naturæ ordinem armantur membra aduersus membra; impugnant se inuicem, se collidunt. Heu heu, heu, Domine Deus, quomodo obscuratum est aurum, mutatus est color optimus? Videbatur tua virtute, tua potestate, in aurum commutatus, in aurum obrizum, splendidum, & ignitum. O quantum rutilabat hoc aurum, quantis mundum irradiabat fulgoribus, ita vt aurea rediisse sæcula viderentur, cum quocumque te verteres, vexilliferos crucis conspiceres, Christi martyres inuenires, quibus nec deesset aliquid ad virtutis perfectionem, nec aliud iam optarent, quàm palmam victoriæ, vel de gloriosa morte immarcescibilis coronæ splendorem. Heu, heu, aureus iste color conuersus est in pallorem, & cæleste aurum versum est in aurichalcum. Vtinam non in scoriam conuertatur, vt ad nihil iam inueniatur vtile, nisi vt proijciatur foras, & ab hominibus conculcetur. Ostrenuissimi Christi milites, bene currebatis, quis vos fascinauit? Nunquid parum est vobis, molestos esse hominibus, nisi molesti sitis & Deo vestro? Ecce Deo, Angelis, & hominibus spectaculum facti estis: ab omnibus iudicandi, ab omnibus irridendi, & ostentui habendi, nisi quæ tam fortiter cœpistis, fortius consummetis. Alioqui arguit vos Dominus per Ieremiam Prophetam dicens. *Vocavi amicos meos, & ipsi deceperunt me*. Vos quippe vt speciales amicos vocauerat Dominus ad cœnam agni, & inuitati ab amico amicaliter annuistis. Quid amicum, imò quid vos ipsos decipitis? Vocauit vos hora cœnæ dicens, *Ecce parata sunt omnia*, & excusationes friuolas quæritis? Si non negare vos dicitis, sed differre: nescitis, quia hora cœnæ transacta, oneri amico futuri estis, potiùs quàm honori? Cur dicitis amico vestro, *Vade & revertere, & cras dabo tibi*, cum statim dare possitis? Nolite quæso osculo Dominum vestrum prodere, nolite locum fortiri cum Iuda proditore. Plus enim peccauit Iudas Dominum suum tradendo, quàm Pilatus occidendo. Ita & incomparabiliter nunc Salahadino eritis deteriores; si eius, quem Salahadinus vt hostem persequitur, vos qui pro amico spondestis, non solum mendaces inuenti fueritis, sed etiā proditores. Nec blandimini vobis dicentes. Turius est proprium guerri patrimonium, quàm quærere alienum. Iudæ potiùs expectetis finem, si Iudæ eligitis sortem. Iudas siquidem, quia noluit benedictionem, talem meruit maledictionem: *Fiant dies ejus pauci, & Episcopatum ejus accipiat alter. Fiant filij ejus orphani, & uxor ejus vidua. Nutantes transferantur filij ejus*

Psal. 54.

Objurgantur, qui votum belli sacri violant.

Thren. 1.

Luc. 14.

Prou. 3.

Psal. 108.

& mendicent; & eijciantur de tabernaculis suis. Scrutetur fenerator omnem substantiam ejus, & diripiant alieni labores ejus. Non sit illi adiutor, nec sit qui misereatur pupillis ejus. Fiant nati ejus in interitum, in generatione una deleatur nomen ejus. Iustum est, vt in generatione vna nomen eorum deleatur, per quos nomen Dei vbique blasphematur. Iustum est, vt fiat habitatio eorum deserta, & in tabernaculis eorum non sit qui inhabitet; qui quem percussus à Deo & humiliatum viderunt, super dolorem vulnerum suorum addentes, etiam de cordium suorum domicilijs expulerunt. Dignum planè est, vt qui vxorum & natorum affectum amoris Christi prætulerunt, sine filijs & vxoribus facti à filio hominis coram suo Patre negentur. Dignum prorsus, vt fiant dies eorum pauci, & officia seu dignitates eorum alij accipiant, qui gloria dignitatum illecti paucitatem dierum æternitati temporum prætulerunt. Talia cum Iuda Iudæ imitatores expectent; & si Iudæ nomen abhorrent, abhorreant potiùs opera, & tam horrendam Iudæ maledictionem declinent. Reddant sine mora Domino suo, quæ tam spontaneè, tam deuotè vouerunt, nec Apostasiæ suæ vllam quærissent palliationem, scientes, quoniam Deus non irridetur; nec est sapientia, nec consilium, nec fortitudo contra Dominum. Eo igitur operante & sermonem hunc confirmante, quisquis ab hoc voto suo apostatauerit, datus in opprobrium sempiternum, sit anathema, maran atta.

Tractatus 14. De significatione Septuagesimæ, & deijs quæ in ea leguntur.

Videretur Ordo Ecclesiasticorum officiorum ordini humanæ conditionis congruere; & eorum quæ in Ecclesia geruntur, in ipsis protoplastis & eorum successoribus figuram præcessisse. Quod enim initio anni septuagesimæ, dehinc sexagesimæ, quinquagesimæ quoque & quadragesimæ consuevit Ecclesia solemniter celebrare, quatuor primis ætatibus conuenire videtur. In quibus autem conueniant, vel quid ex istis aut illis significationis elici possit, subtili indagatione inquirendum est: & primo de septuagesima videamus. Hæc siquidem cū prima ætate conuenit, quia quando Adam de paradiso ad huius exilij mutabilitatem eiectus est, de soliditate octonarij ad septenarij mutabilitatem videtur descendisse. Sicut enim per octonarium, qui quadratus & solidus est numerus, soliditas stabilitatis ostenditur, ita per septenarium, quo præsens tempus voluitur, instabilitas vitæ præsentis designatur. Merito ergo septuagesima præponitur, & ea quæ de protoplastorum exclusionem à paradiso scripta sunt, legendo in Ecclesia replicantur: vt dum ex his homo cognoscit, vnde quod deuenit, quod etiam ei redeundum sit, per hoc admoneatur. Legitur enim in initio Septuagesimæ liber Genesis; in quo & paradisi felicitas, & præsentis vitæ mutabilitas seu mortalitas manifestè exprimitur. Non solum legitur, sed & vt cordibus humanis vtilius imprimatur, etiam cantando tragædia eadem deploratur. Et hæc quidem in nocte; vt ea quæ prolixioribus noctis obscuritatem noctis lubricatiuncula elucescant, & humanæ ignorantie

nox illustretur, & cæcitas pulsetur. Die verò iam facta, verba noui testamenti proponuntur, & ea quæ prædictis veteris testamenti verbis conueniant: vt per diem tempus gratiæ, per noctem tempus culpæ transgressionis & pœnæ intelligamus; & quanta inter ipsa sit distantia seu conuenientia, ex vtriusque testamenti verbis addiscamus; vt in ore duorum vel trium firmum sit omne verbum. Ex ipso veteri testamento Missa initiatur, de hinc Apostolus introducit, tertio Evangelium cum qua decet reuerentia pronuntiatur. Et quia magnum est ad quod probandum testes introducuntur, magnos etiam esse conuenit, qui ad tantum testimonium admittantur. Primò igitur ille in testimonium producit, cui à Deo testimonium perhibetur, quod inuenerit hominem secundum cor suum. Cui tam potestas regia, quàm Prophetica dignitas suffragatur: & ne qui primus producit, & in tanto totius conuentu Ecclesiæ loquendi exordium facit, in aliquo aures audientium offendant, venit in psalterio decacordo psallens, & dulcisona miscens carmina, vniuersa assistentium corda dulci ad se pertrahit melodia. Regia igitur auctoritate fultus, & Prophetici sermonis firmitate subnixus, velut lucerna ardens in caliginoso loco, & totius dubietatis propulsans caliginem, testimonium perhibet veritati dicens. *Circumdederunt me gemitus mortis, &c.* Videor mihi in his verbis David velut Ianum alterum intueri, & quasi vno versiculo præcedentia & subsequenta Prophetica circumspectione cōplecti. Vox enim ista & Adæ de paradiso exeūti, & Cain super terram vaganti, & Lamech bigamiam introducenti, & Nembrod robusto venatori, sed & Noë inter vndas fluctuanti, Abraham quoque in Ægypto peregrinanti, Moyse nihilominus in deserto æstuanti inter populares murmurationes: cuilibet quoque in qualibet præcedentium ætatum de Adæ progenie venienti, videtur signanter cōgruere. Quàm propriè autem Christo & Christiano cuilibet conueniat, superfluum est edocere. Merito igitur David in Ecclesia fidelium primus introducit; vsque ad quem vox præcedentium ætatum protrahitur, & cui clariùs lux subsequenti gratiæ aperitur. Ei autem templum construendum ostenditur, & regnum in Salomone firmandum promittitur: sed & regnum Christi & Ecclesiæ ex eo propagandum, & in æternum præparandum iuratur. Sequitur Paulus Apostolus, cuius laus non ab homine, nec per hominem, sed à Deo depromitur, vbi dicitur, *Vas electionis mihi est iste, vt portet nomen meum coram Regibus & Gentibus.* Merito ergo ipse pro sui reuerentia exauditur, cui ab ipso Deo suo nomini testificandi, & suū testimoniū, portandi officium specialiter committitur. Tandem Evangelium subiungitur, quod testimonium ab homine non accipit; cui si testimonium perhibeat etiam ille qui dedit, testimonium eius verum est; quia non solus perhibet, sed & Pater, qui misit illum. Ecce qui & quales testes introducuntur audiuius: nunc in quo conueniant, inquiramus. Et primò in quo noui seu noua cum veteribus, deinde in quo ipsa sibi noua conueniant, attendamus. In quo Evangelium septuagesimæ cum prima ætate, seu cum ipsius nocturna Genesis

Quæ in Septuagesima legantur potissimum.

David.

Psalm. 17.

Aster. 9.

In quo conueniant David, Paulus, & Evangelium.

Gregori.
Hemel. 10.
in Euangel.

lectione congruat, beatus Gregorius ostendit dicens. *Quis Patrifamilias similitudinem rectius tenet, quam conditor noster, qui regit quos condidit, & electos suos sic in hoc mundo possidet, quasi subiectos Dominus in domo? Qui habet vineam, uniuersam scilicet Ecclesiam, qua ab Abel iusto usque ad ultimum electum qui in fine mundi nasciturus est, quot sanctos protulit, quasi tot palmites misit. Hic itaque Paterfamilias ad excolendam vineam suam, mane, hora tertia, sexta, nona, & undecima, operarios conducit; quia à mundi initio usque in finem ad erudiendam plebem fidelium predicatorum congregare non desistit.* Nos quoque ipsius vestigijs humiliter inhaerentes, subiungimus, eundem patremfamilias ad eiusdem culturam vineae sicut diuersis temporibus, sic ob diuersas causas exiisse. Primum enim exijt ad plantandum, secundò ad putandum, tertio ad fodiendum, quarto ad stercoreandum, quinto ad propagandum, sexto ad sepiendum, septimò quando torcular extruxit in ea, exijt ad vindemiandum; & ut Ruth Moabitidis picæ aliquæ colligendæ remaneant, hæc studioso lectori cuique ætati assignanda relinquimus. Nos verò vnde aut quò exiisse Deus, qui vbique est, aut quomodo exiisse, qui sæper idem est, dicendus sit, inquiramus. Ante mundi quippe constitutionem in seipso Deus occultus manebat, cum nec esset, cui innotesceret, nec vnde innotesceret; apparet. Quod videtur Ioannes Euangelista intelligendo quomodo comprehendisse, vbi ait. *In principio erat Verbum, & Verbum erat apud Deum.* Ac si diceret. Verbum erat in Patre, velut ab eo genitum; & erat apud Patrem, velut in eo occultum. Volens etiam ostendere, vnde, aut quò exierit, subiungit. *Omnia per ipsam facta sunt.* Creans ergo inuisibilia, fecit quibus apparet; creans autem visibilia, fecit vnde apparet. *Inuisibilia enim Dei à creatura mundi per ea quæ facta sunt intellecta conspiciuntur.* Manens ergo in se veritas incommutabilis, in sui nuditate & puritate prout est, videri non potuit: vnde quodammodo à suæ fulgore claritatis & lucis inaccessibilitate exiens, & quasi quadam creaturarum veste se induens, primam hanc sibi vestem, ut videri posset, assumpsit. Hoc quidem primo mane factum esse dicitur, quando solem iustitiæ necdum illuxisse, nec luciferum ortum fuisse in cordibus humanis, manifestum est. Homines namque magis tenebras quam lucem diligentes, relicto creatore ad solam creaturarum pulchritudinem velut ad solum diuini habitus fulgorem oculos aperuerunt; & relicto conditore rerum conditarum amoris infeliciter inhaerunt. Quod inueniens conditor, & rebus conditis consulere misericorditer volens, secundam etiam sibi texuit vestem, sacra videlicet Scripturæ mirabilem connexionem; per quam se veritas non solum oculis videntium, sed & auribus ingereret auditorum; & hanc sibi vestem varijs temporibus diuersarum obsequio personarum contexit, multipharie multisque modis loquens Patribus in Prophetis: nec solum Prophetas, sed & sapientes & scribas ad hoc ipse se misisse testatur. Sed & hæc sicut & alia homines sibi diuiserunt vestimenta sua; ipsius Scripturæ sensum in diuersa trahentes, & vniuersam ipsius connexionem in partes varias scindentes;

nec ex ea Dei notitiam requirerentes, sed de ipsius scientia gloriari volentes. Sicque dicentes se sapientes, stulti facti sunt; & euauerunt in cogitationibus suis, & obscurati sunt insipientes cor eorum. Vnde nec sic profecisse sufficienter se videns, tertiam etiam sibi vestem aptauit, carnem videlicet immaculatam, quam ex intermerata Virgine assumpsit ineffabiliter, miro & incomprehensibili circa humanæ infirmitatis medicinam vsus consilio, ut talis ei habitu appareret, in quo non aliud quam ipse vel videri vel amari valeret, & ab ea nec diuidi, nec separari posset. Tanta enim in hac assumptione humanæ & diuinæ naturæ facta est vnio, ut ex quo semel unitæ sunt, neutra ab altera potuerit separari. In hac naturæ meæ veste eum securus intueor, nullam iam oculorum vel petulantiam vel reuerberationem formidans. Creaturarum siquidem pulchritudo intuentis oculos alliciens, à creatoris cognitione potius retardabat, quam ad ipsius dilectionem pertraheret. Scripturarum quoque obscuritas potius legentium oculos reuerberare, quam Dei cognitione illuminare consueuerat. Iam verò Deum hominem factum quis non libenter, quis non patienter aspiciat, cum se diuinitas corporaliter humanis obrutibus ingerat, & se quodammodo tam miraculis quam exemplis, tam verbis quam factis palpabilem præbeat? O mira diuini consilij & incomprehensibilis altitudo! homo factus est Deus, ut dum eum visibiliter cognoscimus, per hunc inuisibilem amore rapiamur. Et in hoc quidem habitu circa vndecimam ad conducendos operarios in vineam exijt. Videns enim tempus vindemiæ aduenisse, vestem sibi huic operi congruam adaptauit, quam & secundum Prophetam totam ex ipsa vindemia inquinauit. Sed quò fordior ex hac veste apparuit, tantò formosior in stola sua postmodum & clarior effulsit. Comparatur, si placet, primæ diei horæ hæc septuagesima, primæ mundi ætati hoc tempus gratiæ, operationi naturæ... & in quo conueniant, aut à se differant, videamus. Qui in vndecima veniunt, cum non nisi vna hora laborant, primi tamen mercedem recipiunt: nec solum primi, sed & tantam, quantam & illi qui prima hora venerunt, & portauerunt pondus diei & æstus: non hoc ex merito laborantis, sed ex gratia & beneplacito conducentis. Item qui mane venerunt, cum non solum diutius, sed etiam fortius laborasse dicantur: minus tamen mercedis recepisse videntur; cum qui vndecima veniunt, vindemiando degustant, quod illi tantum ordinauerant, & quodammodo in labores eorum, ipsis illorum fruenter laboribus introeunt. Multi enim Reges voluerunt videre quæ nos videmus, & non viderunt: & audire, quæ audimus, & non audierunt. Gratias tibi, Domine Iesu, qui huic nos vindemiæ, & hanc nobis vindemiam reseruasti, omnia poma noua nobis proponens & vetera: faciens nobis conuiuium pinguium medullatorum, vindemiæ pinguium conuiuium vindemiæ defæcatæ. Cum ergo tot sint nobis in hoc tempore gratiæ beneficia cumulata, quid sibi vult, quod Ecclesia more solito. *Gloria in excelsis Deo*, hoc tempore non decantat, cum hæc vltima ætas præ ceteris omnibus maiores Deo laudes offerre, & abundantius

Rom. 1.

Tertia vestis Dei corpus Christi.

Isai. 63.

Vnde, aut
quò exierit
Deus: &
vbi fuerit
ante mundum

Ioann. 1.

Rom. 1.

Prima quasi
vestis Dei
creatura
fuit, per
quam poterat
agnosci.

Vestem sibi
texuit Deus
sacra Scriptura
connexionem.

Matth. 23.

gloriam ipsius attollere teneatur? Sed attendendum, quod sicut dies qua Paterfamilias in vineam exisse dicitur, diuersis horis & diuersis ætatibus corpus nostræ mortalitatis distinguitur; sic & Septuagesimæ, sexagesimæ, quinquagesimæ, & quadragesimæ distinctionibus variatur: & cum tempus quadragesimæ intra pasceuen finiat, septuagesima vsque ad Sabbatum in Albis protenditur, vbi geminum *Alleluia*, decantatur; nihilque iam finita septuagesima nisi Paschæ restat octaua, quæ clausum Pascha nominatur: vt sicut exigente culpa octonarius in septenarium descendisse dicitur, sic operante gratia septenarius in octonarium redire videatur. Merito igitur quadragesimæ fini, *Gloria in excelsis*, & *Alleluia* referuantur, quando primum Pascha sabbato sancto inchoatur, secundum cum lætitia expectatur, & etiam in præsentī aliquando prægustatur. Quod ergo tertia, sexta, nonaque inter primam & vndecimam horam signant, hoc inter initium & finem septuagesimæ sexagesima, quinquagesima, & quadragesima designant: & quantum vndecima clarior est & calidior quàm prima, tantum finis septuagesimæ festiuior & vberior, quàm ipsius initium esse dignoscitur. Quod intuens Salomon in Spiritu, & hunc Ecclesiæ ordinatum progressum admirans, aiebat. *Quæ est ista quæ progreditur, sicut aurora confurgens: pulchra ut luna, electa ut sol, terribilis ut castrorum acies ordinata?* Progreditur de septuagesima ad sexagesimam, vnde quasi aurora confurgit ad quinquagesimam. Ibi vt luna decorata eligitur, vt in quadragesima soli assimiletur: tandemque sole clarior & candidior facta terribilis hostibus appareat, & vt castrorum acies contra eos ab Angelis ordinetur. Et vt hæc ad morum ædificationem, saluo altiori mysterio, applicemus; illum septuagesimam initiare dicamus, qui vitæ præsentis mutabilitate, & humani status instabilitate admonitus, ad se tandem de regione dissimilitudinis rediens, peccatorum sordibus firmiter renuntiare proponit. Sed quia quicumque piè volunt viuere in Christo, persecutio nem patiuntur; & qui ad seruitutem Dei accedit, ad tentationem animam suam præparare monetur, transeundum est ei ad sexagesimam laboris, ne diuturna quies vitæ alimenta ministret: & semen boni propositi simul exortæ spinæ voluptatū & deliciarum suffocent. Sic filij Israël primò in Ægypto luto & latere fatigati, tandem ad se redeunt ex Ægypto exire disposuerunt. Exeuntes autem insequentes Ægyptios protinus persenserunt, qui & eos inter Magdali & maris angustias concluderunt. Verum illi diuiso mari sicco illud vestigio trāsierunt: videntes submersos Ægyptios quinquagesimam in littore festiuis gaudijs celebrarunt. Ægyptij sunt consueta & quasi in habitum versa peccata carnalia, quæ volentes à se recedere importunè insequi & retinere contendunt, & inter multas & magnas contradictionum angustias concludunt: quibus, si ex toto corde ad Deum clamauerint, mare eis rubrū diuidendo transmeabile facit. Mare enim rubrum amaritudo est pœnitentiæ, & rubor confusionis, qui ex peccatorum confessione, & insueta ciborum & vestium asperitate procedens, nouiter conuersis importabilis & in-

transmeabilis primò videri solet. Sed cognoscit Dominus qui sunt eius, & paruulos lactētes suos vltra quàm ferre possint tentari non sinens, facit cum tentatione prouentum; vt ea quæ impedimento esse videbantur, pro muro incipiant esse à dextris & à sinistris. A dextris enim muniunt, cum in die bonorum non immemor est quis malorum quæ sustinuit. A sinistris, cum in die malorum non immemor est bonorum quæ gustauit. Sic sic mittens Deus misericordiam suam & veritatem suam, fluctuantem animam de medio carulorum leonū eripuit, deducens eam in nube diei, & in luce stellarum nocte: & eam per noctem in columna ignis, & per diem in columna nubis præcedens. Hunc maris rubri transitum, & talium persecutorum defectum desiderare videbatur Propheta, cum diceret. *Vide humilitatem meam, & laborem meum: & dimitte vniuersa delicta mea.* Humilitatem, quæ ex peccatorum recordatione, & laborem, quem ex satisfactionis dolore sustineo; delicta, quæ fugientem de Ægypto ad te, insequi non desistunt. Merito igitur sic liberata anima à seruitute peccatorū, quasi ab Ægyptiorum iugo iam mari transmissa & inimicis capitalibus submersis, iam etiam ad carnales motus edomandos accingitur, & rebelles arctus in seruitutem redigere festinans, quinquagesimam celebrando consummat. Sic igitur in Ægypto post multas Pharaonis contradictiones formato proposito à malo declinandi, & multiplicibus Ægypti plagis septuagesimæ mutabilitate probata, sexagesimæque laborioso certamine peccatis ætualibus finitis, sed & peccatorum motibus sensum maceratione repressis, imò ipsis iam sensibus quinquagesimæ studiis edomitis, quid iam superest, nisi vt elongans homo effugiat & maneat in solitudine; vbi quadragesimam cum filiis Israël faciens in planitie, cibo cum eisdem cœlesti reficiatur; siue cum Moyse in monte ab omni prorsus humana sustentatione abstinens, tabulas diuino inscriptas digito accipere mereatur? Hæc ad præsens, ni fallor, sufficere possunt, ad cognoscendum, in quo cum veteribus noua conueniant. Nunc verò in quibus ipsa inter se noua concinant, attendamus. Sic enim in testium productione, non solum qui sint testes, sed & in quo conueniant testimonia ipsa, naturalis ratio edocet inquirendum. Ait igitur Apostolorum eximius beatus Paulus. *Nescitis, quod hi qui in stadio currunt, omnes quidem currunt, sed unus accipit brauium?* Sicut Dominus in Euangelio operarios vineæ ad denarium, sic Apostolus currentes in stadio ad brauium, contententes in agone ad coronam inuitat. Fidelis sermo, & omni acceptione dignus. Primum est currere, secundum pugnare, tertium est vineam excolere. Prius exercendus est homo in stadio bonæ actionis, secundò probandus in camino tribulationis, tandem componitur animus in renouatione interioris hominis; qui tantò ampliùs innouatur, quantò exterior de die in diem per prædicta exercitia corrumpitur. Primò igitur curritur per obedientiam, secundò pugnatur per patientiam, tandem introducit homo in cellam vinariæ. Currentes autem tria solent impedire, pondus; casus; stadij longitudo, siue incertitudo. Si ergo iuxta Apostolum sic currere quis cu-

Psal. 24.

Cantic. 6.

Quid Ægyptij
Hebræos
persequen-
tes designat.

Sex sunt ne-
cessaria cur-
rentibus :
tria pugna-
tibus.

1. Petri 5.

Prov. 30.

1. Cor. 9.

Psalms 80.

pit, vt comprehēdat, exoneretur primò ab omni sollicitudine & amore inferiorum, vt sic exoneratus ad brauium possit festinare. Festinans autem toto studio præcipitium caueat, vt absque interpolatione cursum valeat continuare. Continuationis quoque vsus instantiâ, aliquem sibi certum præfigat terminum, ne si in incertum currit, longitudine tandem lassatus careat perseverantia. Hæc sunt, quæ in obedientiæ stadio cursitantibus maximè sunt necessaria; festinantia, instantia, perseverantia. Festinantia, ne sint pigri; instantia, ne molles & dissoluti; perseverantia, ne irremunerati. Perseuerantibus enim, non incipientibus præmium repromittitur, & omnis laus in fine claudi perhibetur. Pugnantibus simili modo tria necessaria esse solent: ars qua se & ab hoste tueri, & hostem deludere sciant: virtus, per quam ictus aduersarij fortiter sustinere, & ipsum fortius possint debilitare; sobrietas, ne grauati crapula aut ebrietate, cum ventum fuerit ad pugnam, risum potius moueant inimicis, quàm triumphum de hoste reportent. Hæc tria videtur Apostolus expressisse, vbi ait. *Sobrii estote & vigilate, quia aduersarius vester diabolus tanquam leo rugiens circuit quærens quē deuoret, cui resistite fortes in fide.* Sciens aduersarium nostrū fortem esse, leonem nominauit. Leo enim fortissimus bestiarum, ad nullius pouebit occursum. Sciens etiam esse callidum, asseruit circuire. Sciens tandem malitiosum, ait, velle nos deuorare. Contra talem igitur armare nos & animare volens, fortes esse in fide docuit: vt fortis fortem valeat alligare. Vigilare etiam admonuit; vt callidi hostis verusutias vigili solertia deprehendat, vt sic ars artem deludat. Tandem sobrios esse præcipit; vt dum nos malitia eius ieiunos & inedia affectos inuenit, non sit vnde suam ingluuiem de nobis satiare possit. Attendendum est autem, & diligenter aduertendum, quodd cum hæc, quæ prædiximus, currentibus & pugnantibus constet esse necessaria, duo tantum nominauit Apostolus dicens. *Sic curro, non quasi in incertum: sic pugno, non quasi aërem verberans, sed castigo corpus meum,* &c. quoniam etsi cætera desint, hæc duo aliquando sufficere cognoscuntur. Videmus etiam pigros & minùs instantes, sola perseverantia obtinere, minùs etiam fortes & astutos sola abstinencia aduersarium superare. Vnde ait. *Qui in agone contendit, ab omnibus se abstinet.* Quod autem subiungit, Patres nostros omnes sub nube fuisse, & cætera quæ sequuntur, mittit nos ad vetera; vt probet per ea præfigurata noua, & noua rem esse veterum, sicut & vetera vmbra fuisse nouorum. Quodd enim illis nubes fecit contra æstum, hoc nobis facit exercitium bonorum operum contra carnaliū ardorem desideriorum: & quod illis diuisio maris, hoc nobis moderata probatio tribulationis: & sicut per illa duo sub Moyse illi baptizati perhibentur, ita per hæc nos sub spiritu timoris abluimur & emundamur: sicque corde mundo ad spiritualem escam comedendam, & spiritualem potum bibendum transimus, ministrante nobis petra Christo, secundum illud Prophetæ. *Cibauit eos ex adipe frumenti; & de petra melle saturauit eos.* Christus enim Dei virtus & Dei sapientia capacioribus cibis est, quem qui edunt, adhuc esurient: mi-

nus capibus potus, quem qui bibunt, adhuc sument. Hæc de Apostoli verbis sufficere posse videntur, nisi quia adhuc de brauiō & corona aliquid restat dicendum. Currentibus siquidē in stadio obedientiæ per bonorum studium operum, pro brauiō solet dari quædam securitatis audacia, & bonæ conscientiæ iucunda confidentia; quæ non est aliud, nisi vnde gloriatur Apostolus dicens. *Gloria nostra hæc est, testi-* 2. Cor. 1. *monium conscientie nostre.* Pugnantibus quoque in agone reposita est corona iustitiæ, quæ est diuinæ lætitiæ consolationis; quam, qui lugent, ad beatitudinē solent accipere, iuxta illud Prophetæ, *Secundum multitudinem dolorum meorum, consolationes tuas latificauerunt animam meam:* Et illud Apostoli, *Sicut abundant passiones Christi in nobis, ita & per illum abundat consolatio nostra;* & multa alia in hunc modum. His de Apostoli lectione breuiter prælibatis, iam ad vineam Euangelicam accedamus: & iuxta Apostoli consilium, instar boni agricolæ de vineæ nostræ fructu primi percipiamus. Pater siquidem familias quilibet iustus est ad perfectionem tendens. Cuius familia sunt exterioris hominis sensus, & interioris affectus. Istis præsidere sic debet homo, sicut Paterfamilias in domo, vt cum dixerit vni, vade, vadat; & cum alij veni, veniat. Huius vinea est propria conscientia, quæ tamdiu inculta & sine fructu manet, quamdiu neglecta & incomposita iacet. Huius vineæ vitis virtus est; cuius sunt palmites vniuersæ cuiusque virtutis executiones. Tales palmites velut quosdam botros sensus pariunt spirituales. Ipsi sunt, qui si subtilis inuestigationis & studiose retractationis torculari, mediante coclea districtæ examinationis, fortiter fuerint expressi, elicitur vinum suauissimæ affectionis, vinum quod lætificet cor hominis, quod vtres veteres dirumpat, & novos custodiat imbuedo. Tales fructus in libro Sapientiæ exprimuntur, vbi dicitur. *Ego quasi vitis fructificanti suauitatem odoris: & flores mei fructus honoris & honestatis.* Cum fructificasse se dicit odorem, qui non nisi ex flore procedit, & flores fructus esse asserit, innuit nequaquam sine fructu esse, cuius iam vinea floruit; quantumque delectent fructus, si tantum flores solo odore reficiunt, ostendere intendit. Attendendum sanè, quanta sit vini suauitas in gustando; si tanta est floris virtus in odorando, vt ad solam fragrantiam eius quæque venenata diffugiant. Non viles, non contemptibiles, non quales quales fructus ex tali vite colliguntur, qui honoris esse & honestatis asseruntur. Honoris, quia ex talibus ille honorificatur, cui soli honor & gloria; à quo exeunt, omnia gratiarum actionum & laudum præconia reuerenti debēt, vt iterum fluant. Merito inquam dator talium fructuum ex eis honoratur, per quem etiam qui recipit, honestatur. Non vera honestas est, quæ Dei gratiæ non impuratur; nec Dei digna laus est, quam honestas non comitatur. Illa enim transitoria est, ista adulatoria iudicatur. In operibus autem sapientiæ honestas esse legitur sine defectione. Vnde & labores illius complectere dicitur, quem in laboribus legitur honestasse. Honestas igitur ad gratiam, honor refertur ad gloriam. Tales sunt fructuū huius vitis effectus. Qui sunt etiam ipsi fructus,

Psalms. 93.

2. Cor. 1.

Quis sit
Pater fami-
lias, quæ
vineæ, &c.

Eccli. 24.

Fructus ho-
noris hone-
statis sunt actus
virtutis.

Sap. 10

Eccli. 24.

subiungitur, vbi ait. *Ego mater pulchra dilectionis & timoris & agnitionis, & sancta spei.* Dilectio & agnitio fructus sunt, timor & spes horum fructuum flores. Sicut enim dilectio custodia legum est, & finis præcepti charitas esse dicitur; sic initium sapientiæ timor Domini perhibetur: & sicut fructus florem explodere, sic perfecta charitas timorem foras mittere consuevit: sic & agnitio spem. *Quod enim videt quis, quid sperat? Si autem quod non videmus speramus, per patientiam expectamus.* Per patientiam igitur quod non videmus sperando expectare, est per florem spei ad visionis fructum tendere. Vide, si non meritò hi flores fructus dicuntur, cum sic floruisse iam quodammodo fructificasse videatur. Attende etiam, quam rectè fructus honoris & honestatis esse referuntur. Pulchra siquidem dilectio est, cum id solum amatur, quod amandum est, & taliter diligitur, qualiter diligendum est. Amon namque etsi Thamar sororem suam dilexit, quam debuit; non tamen dilexit, vt debuit. Vides ergo, ni fallor, quantam pulchra dilectio homini conferat honestatem; quantum Deo attribuat honorem, per quam & Deus super omnia diligitur, cætera propter Deum, aut in Deo tantummodo diliguntur. Tantum fateor delectabiles visi sunt vitis huius fructus, quod à proposito longè digressi sumus. Nunc igitur ad seriem lectionis Euangelicæ reuertamur. Dicitur Paterfam. primo mane exiisse, cum scilicet ab actiua vita, quasi de domo propria, & quasi de terra & de cognatione sua exiens quis ad contemplatiuam transferre se satagit: cui tunc primum mane illucescit, quando in principio vigiliarum suarum primò ei veritas clariùs elucescit. Tunc quasi quidam operarij in vineam conducti mittuntur dolor & confessio. Hi primi in vinea conscientie operantur; dolor euellendo & dissipando noxia, dicens: què fructū habui in quibus nunc erubescō? Edificando etiam & plantando vtilia, dicens: vsquequo piger dormio? Confessio autem fodiendo & operando occulta; quoniam iustus in principio sermonis accusator est sui. Dehinc circa horam tertiam, cum iam veritas plenius innotuerit, mittuntur zelus & circumspectio. Hi putare & stercorare nouerunt, zelus superflua amputando; circumspectio tam naturæ quàm culpæ vilitatem, velut quasdam sordes coram oculis statuendo. Circa sextam autem & nonam horam, cum iam sol in summo est, mittuntur ad propagandum & sepiendum meditatio & oratio. Illa enim mentem virtutes propagando dilatat: ista vt propagata proficiant, ei qui solus incrementum dat supplicando commendat. Circa vndecimam tandem, cum iam carnalis concupiscentiæ ardor tepescere cœperit, increpandi sunt & inuitandi affectus & intellectus ad vindemiandum. Isti siquidem in labores aliorū introeunt, & quod alij laborando odorant, degustando percipiunt; affectus fructum pulchræ dilectionis; intellectus autem fructum agnitionis. Alij siquidem arant, in spe & timore suam salutem operantur, & tantum flores decerpere, & ex eis suauitatem odoris haurire videntur. Isti iam in re constituti, sapientiæ vino meracissimo debriantur. Vnde & meritò vna hora fecisse dicuntur; quia in huius centesimi fructus sapore suauis,

vix quasi dimidia hora morari licet. Vnde & à quodam eleganter dicitur, *tarda hora, & parua mora.* Alij autem pondus diei sustinuisse dicuntur: quia ibi labor & afflictio spiritus, hic verò consummatio & finis laboris. Ad eundem tamen gustum & ipsi licet serò perueniunt, cum pro tanta dulcedine omnia interiora hominis Dominum benedicunt. Bene autem in vespera reddi dicitur, quod serò percipitur. De qua vespera legitur in Iob. *Si dormiero somno contemplationis, dicam, quando con-surgam ad exercitium actionis: & rursus expectabo vesperam* quietæ contemplationis. Hic est fructus centesimus, ad quem post tricesimū & sexagesimum tandem serò pertingitur, qui meritò denario comparatur. In denario enim imago Regis exprimitur: ad quem per gratiam contemplationis reditur, cum imago & illa similitudo ad quam homo conditus est, per dilectionem & cognitionem in eo reparantur. Imago enim in agnitione veritatis; similitudo in amore virtutis consistit. Procurator qui hunc denarium distribuit, spiritus discretionis est: qui quid cuique conueniat, & à quo quod meretur accipiat, subtiliter attendit. Hic cū multi sint vocati, paucos esse electos deprehendit: quia cū multa sint in præsentī necessaria, in futuro vnum sufficere recognoscit. Hoc vnum in vesperam dici differtur, & velut denarius in vinea laborantibus, seu brauium in stadio currentibus, vel corona in agone certantibus, vsque ad finem septuagesimæ referuatur.

Tractatus 15. De significatione Sexagesimæ, & de ijs qua in ea leguntur.

Explicito itaque officio intrantis septuagesimæ, iam ad subsequens sexagesimæ officium accedamus. Quam, quia laborem doloremque tribulationum & tentationum significare diximus, meritò in initio ipsius Psalmus proponitur, in quo quasi à somno Dominus excitatur; qui inter tot & tanta suorum flagella obdormisse videtur. Quæ flagella multipliciter exprimuntur, cum eodem Psalmo sic dicitur. *Dedisti nos tanquam oves escarum, & in Gentibus dispersisti nos. Vendidisti populum tuum sine pretio, posuisti nos opprobrium vicinis nostris, subannationem & derisum his qui in circuitu nostro sunt. Posuisti nos in similitudinem Gentibus, commotionem capitis in populis.* Vbi dicitur, *dedisti nos tanquam oves escarum*, exprimitur carnis afflictio; oves enim escarum non nisi ad mortem referuantur. Vbi ait, *Vendidisti populum tuum sine pretio*, ipsius conditionis offuscationem ostendit: quia cū liber homo venditur, seruituti addicitur. In eo autem quod subiungitur, *posuisti nos opprobrium vicinis nostris*, &c. ostendit se non solum damna persone, sed & famæ detrimenta grauiā pertulisse: & non solum tormentis, sed & contumelijs interrogatum esse. Meritò tentatis psalmus iste proponitur: vt tot & tantarum tribulationum comparatione in suis tribulationibus tentatus se quisque consoletur: & ne quis apud se tacitus respondeat, meritò illos talia pertulisse, qui semper rebelles & increduli perstiterunt; statim beatus Paulus Apostolus inducitur, qui non solum illis, sed etiam omnibus plus laborasse,

Rom. 8.

Pulchra dilectio quæ.
e. Reg. 13.

Quid sit
Paterfam.
exire mane,
& hora ter-
tia, &c.

Iob. 7.

Mat. 5. & 11

Humilitatis comm-
datio.

Isai. 61.

Apocal. 8.

sentat, iuxta illud Euangelicum. *Beati pacifici, quoniam filij Dei vocabuntur.* Alibi quoque in Euangelio quæ sit ista pax edocetur, cum dicitur. *Discite à me, quia mitis sum & humilis corde, & inuenietis requiem animabus vestris.* Ecce hanc requiem parit humilitas; imò non aliud est hæc pax, quàm ipsa humilitas. Quid enim nocere potest bono æmulatori: quid perturbare hominem vilia de se sentientem, vilitate gaudentem, de illatis injurijs & contumelijs gloriantem? Sic quippe humilitatis magister contumelijs & tormentis interrogatus, nec contumelijs turbari, nec tormento potuit superari. Bonus denarius humilitatis: qui dum totum quod est summo attribuit largitori, non solum decimam, sed & primitias bonorum suorum summo exhibet Sacerdoti, coronæ denarij principium vniens fini: vt in vnum coëant Alpha & O. Coronæ cum principium obtrineat castitas, quæ per incorruptionem proximum Deo facit hominem, & similem; & finem concludet humilitas, quæ est castitas animæ; per quam cum solus Deus glorificandus cognoscitur, bona voluntas hominis ad pacem componitur: & non solum imago Dei, sed & similitudo in homine reparatur. Hæc corona gratia Dei operante, & gratiæ Dei homine cooperante, in præsentī vita perficitur; & secundum Prophetam corona gloriæ nominatur. Quæ verò sequuntur, gaudium scilicet & charitas, velut duo hemisphæria sphæræ prædicti circuli superaddita, diadema regni perficiunt: ipsa tamen in præsentī vita non solum non perfici, sed & dimidiari vix possunt. Vnde & factum esse dicitur silentium in cælo, quasi media hōra. Propheta dies illos vocat dimidios, in quibus dum adhuc orditur, succiditur. Hæc igitur in summitate sibi cohærentia, vt circulo coëant, deorsum à se inuicem disparantur, tenentque singula quæque locum sortita decenter. Gaudium siquidem à læua protensum in dexteram, suo hemisphærio cognitionem præterdit veritatis; charitas suo hemisphærio à tergo tendens in faciem, ceteris omnibus supereminet: & præcellens cætera quasi spiritus principalis confirmat & consolidat in amore virtutis. Huic in summitate cohæret gaudium, quod parit notitia veritatis, quoniam sursum, & ibi anima adhærens Christo vnus spiritus est: amor ipse notitia est: & vna & summa ibi virtus est, amare quod videas, & videre quod ames. Sic quippe per charitatem anima vnitur verbo, sicut corona vnitur illi, de quo tota pēdere cernitur, lapidi: vt meritò dicatur corona de lapide pretioso; non quodd sit tota de substantia lapidis; sed quod de plenitudine pretiosissimi lapidis Christi, quidquid pretiositatis aut pulchritudinis habet, credenda sit accepisse. A Christo siquidem emanat ad animam, quidquid percipit gaudij de notitia veritatis, quidquid meriti de amore virtutis. Ab ipso siquidem est gaudium, quod infunditur homini de contemplatione inuisibilis & creatæ essentia: quod cœnum temporalium bonorum pertransiens, parit contemptum mundi. Ab ipso etiam velut ineffabile gaudium emanat, quod infunditur homini de contemplatione inuisibilis & increatæ essentia: quod dexteram amplexans parit in homine contemptum sui. Hoc ipsum in eo no-

tatur, quod arca propitiatorij, propitiatorijs alis Cherubim tegebatur. Et sicut ex contemplatione inuisibilium creaturarum visibilium amor obducitur; sic ex contemplatione creatricis essentia amor sui spiritus & creatorum omnium temperatur. Felix anima, cui temporalia bona velut læuam dilecti pro puluinari habenti sub capite, lætitia spiritualis de veritatis contemplatione concepta, contemptum omnium temporalium parit; & per contemptum omnium otium parat, quærendi studiū reparat; & ad vacandum & videndum quàm suavis est Dominus, incessanter inuitat. Hæc tam feriata, tamque octupata inquisitio, hemisphærium gaudij spiritualis à suis terris inuitat, secundum illud Prophetæ, *Latetur cor quærentium Dominum.* Hinc anima perfecta lætuli otio, & nocturni silentij oportunitate captata, quærendo & circumeundo ad superiora conscendit, donec seipsam pertransiens transeat in dilectum: & fruendo eo inuenisse se quod quæsierat, gloriatur: & tenere fortius statuatur, ne auolans elabatur. Si autem vocem dilecti audierit dicentis sibi, *Auerte oculos tuos à me, quia ipsi me faciunt auolare,* paret humiliter, licet inuita; dexteram tamen gestiens retinere, tota interim in gratiarum actione versatur: gustatæ abundantia memoriam suauiter eructans, secundum, illud, *Cogitatio hominis confitebitur tibi; & reliqua cogitationis diem festum agent tibi.* Cogitatio siquidem in summo sola soli Domino confitetur: deorsum recordatio diem festum agere dicitur, cum multis gratias agendo delectatur. Non est hoc gaudium de vanitate, non de concupiscentia oculorum, nec de vitæ superbia; quo gaudio dictus est gaudere mundus à Domino, vbi ait. *Mundus gaudebit, vos autem contristabimini:* sed illud, de quo subiungitur, *tristitia vestra vertetur in gaudium.* Et illud, de quo ait Propheta. *Signatum est super nos lumen vultus tui Domine, dedisti letitiam in corde meo.* Et alibi. *Euntes ibant & flebant, mittentes semina sua. Venientes autem venient cum exultatione; portantes manipulos suos.* Tales manipulos exultationis, quales prædiximus, de agro piæ actionis profert laboriosum exercitium studij spiritualis. Vnde Apostolus. *Disciplina qua ad presens est, non videtur gaudij, sed mœroris: postea verò exercitatis per eam pacatissimum fructum offeret.* Audiuius fructus gaudij; quæramus fructus charitatis. Charitatis hemisphærium à dorso dictum est protendi in faciem. Dorso siquidem onera imponi, atteri etiam flagellis dorsum solet. Vnde Propheta. *Supra dorsum meum fabricauerunt peccatores.* Vique ad tales fabricatores extendit se charitas per compassionem, multò ampliùs compatiens persecutoribus, quàm patiens à persecutoribus: quod manifestissimè apparet in S. Stephano, vt omittamus illam incomparabilem Christi charitatem, quæ pro suis persecutoribus exorauit dicens. *Pater dimitte illis, quia nesciunt quid faciunt.* Non contentus orare, addidit & excusare. Stephanus suis lapidatoribus orando compatiens, aspera inuectione eos redarguendo, zelum suæ compassionis manifestat dicens. *Incircumcisi cordibus & auribus, vos semper Spiritui sancto resistitis.* Siue ergo arguat, siue obsecret charitas, officium compassionis exequi comproba-

Psal. 104.

Cant. 6.

Psal. 75.

Ioan. 16.

Psal. 4.
& 125.

Hebr. 12.

Psal. 128.

Charitas
plus compa-
titur, quàm
patitur.

Luc. 23.

Act. 7.

*Charitatis
soror letitia
spiritualis.*

tur. Quando autem per compassionem amplius in imis velut à posterioribus affligitur, tanto defæcator & purior ad summa dilatatur, & summo angulari lapidi Christo, qui verè factus est in caput anguli, viciniùs coaptatur. Vbi quia terrena inhabitatio sensum multa cogitantem moram facere diutina non permittit, descendendo in faciem carnis se extendit: dum per congratulationem illis qui se ad anteriora extendere contendunt humiliter congratulando consentit, à dorso flens cum flentibus, à facie cum gaudentibus gaudens. In hunc igitur modum virtutum omniù regina charitas, & soror ejus letitia spiritualis, in summo residentes mutuis complexibus vniuntur, ineffabilia & dulciora super mel & fauum oscula permiscentes; ita quod non iam duo dicendæ sint, sed vna perfruitio summi boni: quæ verè finis præcepti, finis legis, finis totius consummationis, finis laboris, & portus quietis. Quòd si moraliter hanc coronam libet interpretari: melius hoc in locum illum seruamus, vbi portæ istius faciem coronis aureis curabimus adornare. In his omnibus varietatibus ab illa Trinitatis simplicitate, quæ in fundamento ostensa est, nequaquam receditur: cum vbique vna Trinitas, & trina vnitas expressa reperitur. Ecce enim, vt cætera prosequamur, habemus in virgula fumi myrrham castitatis, cuius actus est mortificatio; thus humilitatis, cuius actus oratio; habemus ignem charitatis: quo succensæ prædictæ species subtilissimum, suauissimum, ac purissimum emittunt fumum, quo & sordes purificantur, & olfacientes delectentur, & intuentes illuminentur. In rubi quoque virgula habemus per ruborem pudorè castitatis, per aculeos humilitatem continuæ pœnalitatis, per ignem non consumentem suauissimum ardorem charitatis. Hoc igne succensæ B. Virgo Maria ciuitatem nostram velut porta lucis purificare, iucundare, illuminare, † fumo excellentissimæ suæ opinionis non cessat: meritis purificans, beneficijs iucundans, exemplis eam illuminans & inflammans. Et hæc dicta sint pro virga mensuræ & solis statione, quæ Moyse & Iosue ad portæ nostræ gloriam & decorem dicti sunt obtulisse. Quæ duo in Cantico suo notasse videtur Abacuc, vbi ait. *Stetit & mensus est terram.* Vbi enim Christus sol noster moriendo dimensus est metas humanæ mortalitatis, ibi verè stetisse, & maxillas Leuiathan hamo diuinitatis sub esca carnis abscondito perforando, diabolum eiecisse, & leonem rugientem leo de tribu Iuda probatur superasse. Stat etiam nobis idem sol in hac porta; quia qui in contemplatione diuinitatis suæ diu stare non possumus, opponente se mole corporis quod corrumpitur, & animam aggrauat, in suæ humanitatis humilitate suauiter requiescimus; & in ipsius factis & verbis velut in solis radijs lucis candorem & deuotionis calorem reperimus, spectantes illud Salomonis. *Dilectus meus candidus & rubicundus.* Et in hac solis visione subtiliùs nos ipsos metimur, cum ex operum eius comparatione, seu verborum indagatione, quantum ad eum profecerimus, siue quam longè adhuc ab eo distemus agnoscim⁹. Coarctat nos angustia iamini finiendi sermonis, & cætera quæ sequuntur breuiter transeûda indicat. Quid igitur vellus Gedeonis aliud intel-

ligimus, quàm beatam Mariam, quæ humanæ naturæ velut oui centesimæ, quæ errando perierat, tandem ad tegumentum & ornatum data esse cognoscitur? In hanc ros diuinæ gratiæ cum tanta plenitudine placido se infudit illapsi, vt meritò gratia plena dicta sit ab Angelo, & de eius plenitudine tota humanæ naturæ area, quæ vsque ad illud tempus sicca & abque humore charitatis arida perstiterat, inuēitur perfusa. Quidquid enim spiritualis gratiæ Ecclesia in toto orbe diffusa in mēbris suis maioribus siue minorib⁹ percipit, totum sibi de huiusvelleris fecunditate prouenire, & suæ capacitatis conchâ expresso vellere rore cōpleri, humiliter recognoscit. Et sic quidem velut hereditati suæ pluuiam hanc voluntariam segregauit ille, qui sicut pluuiam in vellus descendit, & suo descensu vellus ab omni humore carnalis concupiscentiæ lauit, purgauit, & desiccavit; vt aream tali humore madidam siccitate velleris detergeret & mundaret, portans in se iniquitates omnium nostrum, & afflictus propter scelera nostra. Quòd si propositæ Trinitatis libet in his inuestigare vestigium, habemus in vellere, quod cum de carne trahat originem, nullam tamen carnis habet sensibilitatem, humanæ castimonix venustatem. In area, in qua omni asperitate in planitiem versa quælibet altitudo detumuit, humanæ humilitatis æqualitatem. In pluuiam diuinæ charitatis dulcissimam suauitatem; quæ humanæ castitati & humilitati confert inīitum, profectum, & consummationem. Non autem venit hæc pluuiam super montes Gelboë, super quos pluit potius Dominus laqueos, ignem, sulphur, & spiritum procellarum. Eadem in auro & argento & lapidibus præparatis à Dauid, facile diligens lector inueniet. Quibus si æs, ferrum, & ligna cedrina iungantur, non erit absonum in ære, quod cæteris metallis est durabilius, eam intelligere, quæ non excidit, charitatem: in ferro quod durius, eam quæ nulla liquatur mollitiæ castitatem, in ligno cedrino patientissimam humilitatis & insuperabilem lenitatem. Nam quod dicit Isaias, *pro are afferam aurum, pro ferro argentum, pro lignis æs, & pro lapidibus ferrum,* congruè intelligi possunt in ære, ferro, & lignis, prædictæ virtutes, cum sint in solo actu: pro quibus dantur à Deo illæ quæ sunt in affectu. Nec illud Salomonis incongruè huic sensui aptari potest, quod de beata Virgine in persona dicitur Angelorum. *Quid faciemus sorori nostræ, in die qua alloquenda est? Si murus est, adificemus super eum propugnacula argentea; si ostium est, compingamus illud tabulis cedrinis.* Murus siquidem fuit, quandiu per humilitatem suæ celauit excellentiam sanctitatis. Sed quia vera humilitas nunquam nouit esse otiosa, habuit etiam hic murus propugnacula argentea, cum seipsam per charitatē exerceuit in operibus pietatis, & claritate enituit perpetuè castitatis. Facta est etiam ostium, quæ prius murus fuerat: cum superueniente in eam Spiritu sancto, & virtute altissimi ei obumbrante, quæ prius absconderat per humilitatem conseruans & conferens in corde suo, ijs qui scire ea digni inuenti sunt, reuelauit per charitatem. Compactum quoque fuit hoc ostium tabulis cedrinis: quia & tabularum planitiem in humilitatis habuit æqualitate, & cedri na-

*B. Virgo est
vellus Ge-
deonis.*

*Vellus plu-
uia imbuit
tres virtutes
designat.*

2. Reg. 2.

Isai. 60.

Cantic. 8.

† forte flāma

Exod. 4.

Iosue 10.

Abacuc. 3.

Cantic. 5.

Iudic. 6.

turam incorruptibilem retinuit in virginitatis integritate. Bene autem dictum est, *Compingamus*, quia virtutes istę ex quo versę in habitum transferint in affectu cordis, tanta inuicem inueniuntur vnitate compactę, vt non iam aliud sit humilitas vel castitas, quę charitas, & in vno charitatis pręcepto pręcepta omnia cętera consummentur. Non autem sic est de illis quę sunt in actu, cum modo vnam, modo aliam oporteat exerceri: & pro loco, pro persona, pro tempore, opus ipsum oporteat variari. Intermittendus etiam aliquando est earum actus, vt latius se extendat, secundum illud. *Qui minoratur actum, percipiet sapientiam.* Hac quoque nos ratione inducti, paululum quiescendum ducimus à labore scriptitandi, vt quiete modica recreari, quę supersunt facilius explicemus. Inuitat nos etiam ad pausandum thronus ille eburneus, qui primò describendus occurrit; de quo legitur; quia non est factum tale opus in vniuersis regnis. Petimus autem veniam à lectore, quod iuxta promissum, non omnia prędicta sub vno sermone cōclusimus: quoniam spiritum ducem sequimur, & quocumque ducit ille, illuc & sequi necesse est rotam nostrę inuestigationis. Vt enim verum fatear, stante illo, stat ista; eunte illo, & ista: & cum eleuato pariter eleuatur. Ipse autem semper Alpha & O. &c.

Tractatus 13. Digressio, qua lamentatur author Ierusalem ab Infidelibus captam.

CVM gloriosa quę gloriosè de Ciuitate Domini à Dauid pręuisa, & à multis Regibus & Prophetis prędicta & pręfigurata noscuntur, tantò iam clariùs, quantò viciniùs speculamur; & duodecimę portę limina attingentes per eam intrare contendimus: subitò ejusdem portę gloria & decore, ac splendoris insoliti fulgore nimio percussi stupemus, totque varietatum admiratione illecti libenter gressum figimus: & cum Regina Saba prę nimio stupore non habentes vltra spiritum exclamamus. *Media pars per Prophetas nuntiata non fuerat*: incomparabiliter majus est quod videtur, quàm rumor qui auditur, nec iam cum Propheta dicere sufficit, *Sicut audiuimus, sic vidimus*; sed longè ampliora quàm audiui-
mus de ciuitate Domini iam videmus. Sed heu heu, dum ordimur, succidimur; & cum ad requiem ingredi festinamus, repente ventus vehemens irruit à regione deserti, quo ciuitas nostra tota concutitur; columnę & turres ipsę contremiscunt, fundamenta ipsa nutare videntur. Portę glorię non tam clausę, quàm obstructę reperiuntur. Ipsa denique porta lucis, cuius gloriam paulò antè tam delectabiliter speculabamur; illa inquam oriëntalis porta, per quam ciuitatem suam illustrare consueuerat oriens ex alto, radios suę lucis abscondit: & sublato de ciuitate Domini lumine glorię, condensatis tenebris męroris atque tristitię, conquiescit gaudium tympani, dulcedo citharę conticescit: ita vt versā videatur in luctum cithara nostra, organum nostrum in vocem flentium. Risus quo tota ciuitas iam nobis intransantibus aridebat, heu heu, ecce dolore miscetur, & gaudij nostri non solum extrema, sed ipsa etiam primordia luctus occupat. Iam non

portas ciuitatis nostrę occupat laudatio; iam non rectè dicitur ciuitas exultans, vrbs frequens, clamoris plena, nisi fortè illius clamoris, qui in Rama auditus est, ploratus & vlulatus Rachelis plorantis filios suos, siue Noëmi dicentis, *Nolite me vocare Noëmi, id est pulchram, sed vocate me Mara, id est amaram; quia amaritudine repleuit me Dominus.* Quę hodie alia debet esse vox Ecclesię, nisi vt Rachelis, quę ouis interpretatur, amissa fecunditate, offuscata Noëmi venustate, ruinas suas deplorās quadrupliciter eas cum Ieremia describat? Scribat autem stylo ferreo in vngue adamantino; ne faciliè deleri, ne citò transire valeat, quasi momentaneus dolor eius; sed semper suam descriptionem habens prę oculis, à lachrymīs eis non parcat; etiam si prę fletu palpebrę contumescant, & ipsi oculi caligine obtegantur: donec Dominus, qui ad præsens oblitus misereri videtur, in ira sua misericordię recorderetur. Primò igitur terrenę Ierusalem ruinam deploret, licet eam spiritualis Ierusalem ruina pręcesserit; nec terrenę vlla nouisset aduersitas, nisi priùs dominata fuisset iniquitas Ierusalem spirituali. Verum, quia fides hodie mortua videtur, nec est iam qui fidei oculos apertos habens rerum sperandarū & non apparentium argumentum requirat, magis ea quę videntur nostri temporis homines mouēt, quàm ea quę non videntur; plusq; dolent, subtractis ijs quę habentur, quā ijs quę tantū sperantur sublati: licet ea quę videntur & habentur transitoria sint; ea quę non videntur, & sperantur, æterna. Temporale igitur visibilis Ierusalem casum in persona Ecclesię deploremus, qui mēbra Ecclesię digni habiti sumus; & patienti vni Ecclesię membro compati & condolere, imò ipsā vim doloris non minùs quàm ipsum quod patitur membrum, sentire, si vera lūmus membra, debemus. Legimus in veteri testamento, templum ab Antiocho prophanatum, altare aureum, & candelabrum luminis, mensam propositionis, & libatoria, & phialas, & mortariola aurea, velum & coronas, & ornamentum aureum, quod in facie templi erat, & vniuersa vasa templi ab eo comminuta. Quid etiam ad hęc homines durę ceruicis, Iudæi scilicet, egerint, vel dixerint, audiamus. Factus est, ait Scriptura, *planctus magnus in Israël, ingemuerunt principes & seniores, iuuenes & virgines infirmati sunt, & speciositas mulierū immutata est. Omnis maritus sumpsit lamentum: & quę sedebant in thoro maritali lugebant; & commota est terra super habitantes in ea, & vniuersa domus Iacob induit confusionem.* Quid etiam Mathathias, videns mala quę fiebant ab Anthiocho in populo, quid inquam dixerit, audiamus. *Va mihi, ait. Vt quid natus sum videre contritionem populi mei, & contritionem ciuitatis sanctę, & sedere illic, cum datur in manibus inimicorum? Sancta in manu extraneorum facta sunt, templum ejus sicut homo ignobilis. Vasa glorię ejus captiua abducta sunt; trucidati sunt senes ejus in plateis; & iuuenes ejus ceciderunt in gladio inimicorum. Quę gens non hereditauit regnum ejus, & non obtinuit spolia ejus? Omnis compositio ejus ablata est. Quę erat libera, facta est ancilla. Et ecce sancta nostra, & pulchritudo nostra, & claritas nostra desolata est, & coinquinauerunt eā Gentes. Quo ergo nobis ad-*

Ruth. 1.

Plus mouēt homines corporalia quā spiritualia.

Machab. 1.

Ibid. c. 2.

Eccli. 38.

3. Reg. 10.

3. Reg. 10.

Psalm. 47.

*Sacrificium
Eucharistia*

*huc vivere? Et scidit vestimenta sua Matha-
thias, & filij eius, & operuerunt se cilicijs, & plan-
xerunt valde. Si carnales illi homines sola car-
nalia sapientes, & carnales cæremonias vene-
rantes, ad sanctorum suorum prophanationē
adedo inconfolabiliter doluerunt; quid facturi
sunt Christiani, qui non in vetustate literæ
seruiunt, sed in nouitate spiritus ambulant:
qui non ad seruitutem tam multarum, tamque
importabilium cæremoniarum, sed ad liber-
tatem gratiæ sunt vocati: qui non spiritum
seruitutis in timore, sed spiritum adoptionis,
in quo Abba pater exclament, acceperunt? Ad
quos faciens Dominus verbum abbrevians &
consummans super terram, pro omnibus illis
veteribus & deprimentibus legis mandatis,
vnum charitatis mandatum nouum instituit,
quod obseruatores suos ab omni alleuiaret
onere, & à carnalis concupiscentiæ vetustate
suauiter innouaret; pro variorum etiam sacri-
ficiorum nidore vnam constituit hostiam in-
cruentā, cuius idem ipse voluit author esse &
consecrator, seipsum pro suis hostiam Deo of-
ferens in odorem suauitatis. Nec discrepare
voluit hostiam à mandato, cum charitatem
illam qua nemo maiorem habet, seipsum offe-
rendo in se nobis primus exhibuit; & eandem
sibi à nobis per idem sacrificium voluit exhi-
beri. Quid enim aliud nobis protendit & præ-
dicat sacrificium illud, nisi vt toto corde, tota
virtute diligamus eum, qui adedò nos dilexit,
vt mori voluerit pro peccatis nostris, non so-
lum exemplum & memoriam relinquens suæ
passionis, sed etiam remedium adhibens nostræ
infirmittatis? Non enim sacramento illo pro-
uocamur tantummodò ad imitationem, sed
etiam emundamur ad sanctificationem. Hæc
sunt Christianorum sancta sanctorum; hæc
nulla vetustate deleri, nulla temporum varie-
tate mutari, nulla possunt prophanatione ho-
stium inquinari. Sed voluit diuini consilij in-
scrutabilis altitudo, quædam visibilia sancta
Christianis conferre, quæ visibilium sectato-
res, qui ad inuisibilia sancta sanctorum non
conscenderunt, visibiliter intuentes, scalam
sibi ad inuisibilia facerent; habentes ea argu-
mentum ad fidem, incitamentum ad dilectionem,
signum ad recordationem, causam ad
venerationem, remedium ad sanctificationem;
securum tandem & commune omnibus auxi-
lium contra omnem tribulationem. Sancta
hæc intelligit, quisquis se intelligit crucem
Domini & sepulchrum. Hæc non solum vlti-
ma hac ætate sunt Christianis exhibita, sed præ-
cedentibus ætatibus multipharie multique
modis à Patriarchis & Prophetis præuisa sūt &
Prophetata. Equibus vnus Isaias sic ait. *Erit
sepulchrum ejus gloriosum. Et alibi. Locum, ait,
pedum meorum glorificabo.* De cruce quoque
Domini Abacuc ait. *Cornua in manibus ejus.
Ibi abscondita est fortitudo ejus: ante faciem ejus
ibit mors.* Et David Propheta. *Foderunt manus
meas & pedes meos.* Ieremias quoque in perso-
na Iudæorum, *Mistamus, ait, lignum in panem
ejus.* Liqueat planè, in quanta veneratione ha-
beant Christiani, quæ tam longè antè admi-
rando & venerando ipsi etiam præuiderunt &
prædixerunt Iudæi. Hæc sancta mei temporis
homines mecum nostris diebus conculcata
deplorant. Si suorum Sanctorum momenta-*

neam violationem tam irremediabilibus la-
chrymis deplanxerunt Iudæi: nobis quæ con-
solatio potest esse, qui hæc nostra sancta, non
tantum violata, sed etiam captiua videmus?
Ecce arca fœderis Domini, arca testamenti no-
ui, crux scilicet Christi, gloria populi Chri-
stiani, medicina peccatorum, curatio vulnerū,
restitutio sanitarum, captiua ducta est in Da-
mascum. Arca inquam nostra, quæ non solum
virgam, tabulas testamenti, & manna vno in
loco contineat, spatioque breui concludat: sed
quæ quatuor brachijs quatuor terrarū partes
comprehendens, toto orbe terrarum suis cul-
toribus virga sit ad correctionem, liber ad eru-
ditionem, manna ad consolationem. Per eam
siquidem corriguntur peruerfi, erudiuntur er-
ronei, obediētes & docti consolantur, habē-
tes vnam auream spiritualis intelligentiæ, per
quam quæ sit latitudo crucis, longitudo, su-
blimitas, & profundum, cum omnibus Sanctis
comprehendant. Nec solum arca secretorum,
sed & communis omnium est scala peccatorū:
per quam Christus Rex Cælorum ad se traxit
omnia. Duo huius scalæ latera duo sunt crucis
ligna, quæ sunt contemptus voluptatis, & con-
temptus vanitatis. Per hæc contumelijs & tor-
mento interrogatus contumelias amplectens,
omnes suos contemnere docuit gloriæ vani-
tatem; tormēto non cedens, carnalem quam-
libet abdicari voluit voluptatem. Quid hac
perfectiōne felicius, qua sit, vt homo nec ab-
iecta timens, nec aspera, imò pro Christo talia
pati desiderans, Angelica iam fruens vbertate
sperare desierit & timere? Nec enim sperat
prospera, qui contumelijs gaudet: nec formi-
dat aduersa, quem vel delectat aduersitas vel
exercet. Heu, hæc omnia nobis tecum sunt, o
bona crux, sublata; imò, vt veriùs loquar, his
tuis virtutibus iam dudum à nobis remotis,
tuis fructibus ieiuni, tua etiam cohabitatione
facti sumus indigni. Neque enim dignum fuit,
vt esses nobis sicut vmbraculum in vinea, aut
sicut tugurium in cucumerario: quæ cum fieri
soleant in pomorum custodiam, sublati pomis
ea pariter desolantur. Quis mihi det tecum su-
blatum fuisse de medio? Quis cum illis nouis
martyribus defensoribus tuis animam pro te
dedisse, corpus tuis obsequijs impendisse? O
terque quaterque beati, qui te sequendo, te
pro Chri-
stiana reli-
gione pu-
gnando oc-
cumbunt.

*Crucis lau-
des.*

*Martyres
sunt, qui
pro Chri-
stiana reli-
gione pu-
gnando oc-
cumbunt.*

*Psal. 21. &
Matth. 27.*

Na. 11. & 60.

Abacuc. 3.

Psal. 21.

Ierem. 11.

Job. 5.

Quæ sint
sex tribula-
tiones iusto-
rum.

2. Cor. 11.

Ibidem.

rasse, asseratur. Hic qualiter sexagesimæ labores in seipso pertulerit, ostendere volens, sex nobis tribulationes in sua non solum lectione sed & tribulatione proponit: illud forsitan, vt in Iob subtiliter attendens, *In sex tribulationibus liberabo te, & in septima non tanget te malum.* Præter senarij namque mysterium, secundum quod labori & tribulationi aptari solet, etiam sex tribulationum sunt species, quibus sancti in præsentī quotidie arteruntur. Prima est, quæ irrogatur ab hoste, quam Apostolus exprimit, vbi ait. *In carceribus, in plagis:* vbi etiam quinquies quadragenas vna minùs se à Iudæis accepisse, ter virgis cæsum, semel lapidatum esse, testatur. Altera, quæ infertur ab euentu fortunæ, vel vt magis canonicè dicamus, à vitæ huius mutabilitate; quam subiungit Apostolus, vbi ait. *Ternaufragium feci, nocte & die in profundo maris fui. Periculis fluminum, periculis latronum, periculis ex genere, &c.* Alia, qua seipsum sponte iusti affligunt, quæ ab Apostolo designatur, vbi ait. *In laboribus & arumnis, in jejunijs multis.* Et quia non solum exterius crucem portant, per carnis afflictionem; sed etiam interiùs per mentis compassionem, subiungit. *Præterea quæ extrinsecus sunt, instantia mea quotidiana, sollicitudo omnium Ecclesiarum.* Quis infirmatur, & ego non infirmor? Quis scandalizatur, & ego non uror? Quarta, quam ingerit infirmitas nature: quæ signanter ostenditur in fame & siti, in frigore & nuditate, & in frequenti morte. Vnde & ait. *Qua infirmitatis mea sunt, gloriabor.* Quintam exhibet probatio castigationis diuinæ, quæ præcipuè per falsos fratres exerceri solet, siue per iniquos prælatos, quos ad corrigendū & probandum populum suum permittit Dominus aliquando regnare. Qui per Damasci præpositum signanter exprimuntur: vbi ciuitatem, vt innocentem Paulum comprehenderet, custodisse narratur. Sexta tandem est, quæ molestissimam boni sustinent ex stimulo carnis concupiscentiæ; quæ ideo forsitan vltima ponitur, vbi ait, *Datus est mihi stimulus carnis mea Angelus Satana, qui me colaphizat;* quia nouissimè cum morte destruitur; & tunc primò fit sermo, qui scriptus est. *Vbi est mors stimulus tuus?* His sex tribulationibus iusti in præsentī purgantur, probantur, & liberantur. Purgantur ad veniam, probantur ad gratiam, liberantur ad gloriam, vt gloriari meritò possint, & dicere cum Propheta. *Dirupisti vincula mea, tibi sacrificabo hostiam laudis,* sperans & confidens, quòd in septima non tangat me malum tremendæ damnationis. Quòd autem in principio lectionis Apostolicæ dicitur, *Sustinetis, si quis vos in seruitutem redigit, si quis denorat, si quis accipit, si quis extollitur, si quis in faciem vos cadit,* si diligenter aduertatur, illis quæ in psalmo expressimus, consonare videtur. Iam ergo ad lectionem Euangelicam accedentes, in quo etiam prædictis concinat, videamus. Primò igitur attendendum est, quòd quando fit vox de firmamento, stare etiam ipsa Cherubim, & alas suas submittere perhibentur. Duo Cherubim sermonem Propheticum & verbum Apostolicum, quæ præcesserunt, non immeritò intelligimus, eo quòd plenitudinem scientiæ continere, & omnem humanam scientiam excedere videntur. Quòd si ipsi Apostoli & Pro-

phetæ à voce diuini tonitruī formidant, & facta voce super firmamentum, quod capitibus Cherubim supereminet, alas conatum suorum humiliter submittunt; quid agere debet humana infirmitas, vbi per seipsam loquitur veritas? Quid est enim aliud, Dominum Iesum Dei virtutem & Dei sapientiam, verbum suis discipulis explanare, quàm vocē de firmamento dare? Firmamentum siquidem diuinitas eius est; vnde vox toties datur, quoties diuina hominibus propalantur. Ad hanc vocem stant Cherubim; nec est vltius quo procedant; quia & amicus sponsi stat, & gaudio gaudet propter vocem sponsi. Tacente autē sponso expandunt Cherubim alas, & inquisitionum suarum scrutinia superextendentes deficiunt, scrutantes scrutiny, exclamantes cum Propheta, *Memor fui Dei, & delectatus sum, & defecit spiritus meus.* Vnde & à firmamento oculos demittentes, multis vultibus in propitiatorium respicere prouocantur. Propitiatorium siquidem est assuetus humanæ locutionis modus, quo Christus in Euangelio vti voluit, quo licet humanæ infirmitati se contemperare & condescendere videatur, sub ipso tamen in Euangelij arca secreta cœlestia recondere, & recondita seruare comprobatur. Ibi enim sunt tabulæ præceptorum, ibi virga comminationum, ibi in diuinæ sapientiæ vna quasi quoddam manna est dulcedo promissionum. Quæ tria Apostolus ad Hebræos scribens eis noluit reuelare, ne daret sanctum canibus, dicens, *De quibus non est modo dicendum per singula.* Alio tamen tempore Romanis scribens, ea differendo aperuit, vbi ait. *Non enim erubescō Euangelium. Virtus enim Dei est in salutem omni credenti. Iustitia enim Dei in eo reuelatur ex fide in fidem. Reuelatur etiam ira Dei in eo super omnem impietatem & iniustitiam hominum, eorum qui veritatem Dei in iniustitia detinent. Ira enim & indignatio, tribulatio & angustia in omnem animam hominis operantis malum. Gloria autem & honor & pax omni operanti bonum.* Virtus ad præcepta refertur, in eo quod non modica virtus sit in eis exerceri: nec nisi diuina virtute valeant adimpleri. Vnde Propheta. *In voluntate tua prestisti decori meo virtutem. Auertisti faciem tuam à me, & factus sum conturbatus.* Iustitia ad promissa secundum illud Apostoli. *Cursum consummaui, fidem seruaui: de reliquo reposita est mihi corona iustitiæ, &c.* Reuelatur etiam ira Dei de cœlo, vbi non iam pœna temporalis, sed æterna damnatio intentatur: non iam dentem pro dente, oculum pro oculo, mortem corporis pro morte corporali: sed corpus & animam mittere in gehennam, Euangelium suis transgressoribus comminatur. Quod autem ait, iustitiam reuelari ex fide in fidem, ideo dictum videtur; quia sicut fides præcedentium ex subsequentium exhibitione comprobatur: ita etiam ex perceptione præsentium munerum firma est expectatio futurorum. Vel ex fide promittentis, in fidem credentis. Non enim est diffidentiae locus, vbi non tam verax quam veritas; nec tam potens quam omnipotens est, qui repromittit Deus. Quòd autem hæc quæ prædiximus, in doctrina Euangelica velut in quadam testimonij arca concludantur, ostendit Dominus Apostolis, requirētibus quæ esset hæc parabola, dicens. *Vobis datum est nosse my-*

Psal. 75.

Psal. 30.

2. Timot. 4.

Ira Dei reuelatur, vbi pœna æterna intentatur.

Luc. 8.

H

sterium regni Dei: ceteris autem in parabolis.

Ac si diceret. Vobis datum est propius ad arcam accedere, & Euangelij arcana cognoscere, & velut in sancta sanctorum ingressum habere: ceteris à longè velamento interposito manentibus, & faciem vestri Moyfi cornutam stupentibus; & præ fulgore nimio non valentibus sustinere. Studeamus igitur & nos propius accedere, & quæ dicuntur vtilius intelligere, & intellecta in arca memoriæ firmiter retinere.

Ibidem.

Ait ergo. *Semen est verbum Dei.* Quid enim aliud verbum Dei, siue comminando terreat, siue promittendo demulceat, intendit; nisi vt præcepta Dei, velut quoddam semen, homo per consensum recipiat, per diligentis studij attentionem retineat, per bonorum operum executionem foueat, per contemptum mundi & compunctionem vigere contendat? *Esto ait consentiens aduersario tuo, dum es cum illo in via.*

Matth. 5.

Aduersarius noster est verbum seu lex Dei.

Aduersatur nobis verbum Dei, quamdiu à nobis illud repellimus. Cum verò ei consentimus, velut terra semen recipimus. Sed cauendum est, ne idem semen iuxta viam cadat: via enim est cor, per quod indifferenter boni & mali transeunt cogitatus, quod nulla lege disciplinæ constringitur, nulla timoris sepe clauditur, sed mala quadam libertate vtens, vaga curiositate vbique circumfertur. Quod quæso semen cor tale retinere potest, quod quasi quædam strata à demonibus conculcatum, eorum suggestionibus resistere non potest? Sed & si vaga curiositas studio lectionis & sui circumspectione fuerint superata, & semen verbi Dei firmiter retentum fuerit, nondum tamen securum oportet esse agricolam; eum extirpandæ restent spinæ deliciarum, & diuitiarum sollicitudines; quæ si subortæ liberè excreuerint, semen retentum penitus suffocatur. Opponatur igitur carnis concupiscentiæ, vigiliarum & ieiuniorum maceratio: & velut quidam Prophetæ sarculus vniuersas carnis tentationes extirpet. Sed nec sic quidem adhuc quiescat agricola, cum adhuc supersit ei vitæ superbia debellanda. Hæc nisi contemptu mundi & compunctionis fuerit humiliatione depressa, terræ cordis petrosam reddit, & aridam: vt licet iam semen radicum videatur, veniente tamen æstu tentationis sine mora siccetur. Hæc sunt tres turmæ, quas Chaldei accedentibus ad Deum opponunt: & nisi & ipsi cum Iacob tres quas prædiximus turmas eis opposuerint, facile ab eis deuincuntur. Qui autem inter tot tentationes diuino fultus auxilio fortiter dimicauerit, fructum tandem centesimum de suo semine percipiet. Sed hæc fortè quinquagesimæ seu quadragesimæ, quæ sequuntur, melius reseruantur. Sexagesimæ interim sexagesimæ fructus sufficiat; & dum sibi turmæ prædictæ inuicem aduersantur, & modo istæ, modo illæ ab alijs separantur, tribulatio patientiam in homine operetur: per quam dum homo sibi dominari discit, id ipsum quod est, possidere incipit. Verum quia de arca testimonij aliqua breuiter tetigimus, & ei Euangelicam doctrinam comparatam diximus: ad releuandum præsentis sexagesimæ tædium, quæ de eadem supersunt materia, suppleamus. Lecto igitur Euangelio velut arcæ sanctificationis in medio constitutâ, quid restat, nisi ut sacerdos iam propius accedens desuper propitiatorio & me-

Iob 1.

Genes. 32.

dio duorum Cherubim, ipsum sibi loquentem Dominum audiat: & accedens ad cor altum, etiam supra Cherubim exaltatum Deum videat, sicque ipsis iam spirituum celestium cætibz admixtus, gratias Deo semper & vbique agere desiderans, vnanimi cum eisdem voce concinat dicens, *Sanctus, sanctus, sanctus, Dominus Deus Sabaoth?* &c. Non solum enim vsque ad Cherubim, sed omnem prorsus creaturam transcendere oportet, eum qui ad Deum accedere festinat: vt & ipsum etiam Christum iam non secundum carnem agnoscens, Deo adherendo non solum duo sint in carne vna, sed vnus cum eo spiritus efficiatur: non in quâ duo dicendi sunt, sed vna caro, vbi corpus Ecclesiæ suo capiti conuinitur: vbi ima summis sociantur, terrena cælestibus iunguntur. Quid hoc spectaculo iucundius, quid hoc pane suauius: quid tali refectione melius quæritur; quid fructuosius inuenitur? Bonum est hanc arcam, hoc altare, frequenti inuestigatione circuire; & hostiam vociferationis in eo immolando, cū psalmista vociferando proclamare.

Surge Domine in requiem tuam, tu & arca sanctificationis tue. Dicitur enim hæc arca, arca sanctificationis, arca testimonij, arca testamenti, arca fœderis. Fœderis, propter reconciliationem: testimonij, propter fidei incorruptionem; sanctificationis, propter munditiæ puritatem. Dicitur autem hæc arca ex omni parte auro circumtectâ fuisse: quia doctrina Euangelica vndique veritatis fulgore resplendet. Et licet quatuor, angulis distincta inueniatur: tanta tamen concordie vnitas, & veritatis soliditas inuenitur, vt non tam duo parietes in vnum conuenire, quam vtraque vnum fieri videantur. Quod si hos angulos libet diligentius explorare; possumus per duos parietes intelligere Euangelicæ censuræ rigorem, & lenitatem dispensationis. Quæ quomodo in vnum angulum coeant, inspecto subtilius Euangelio manifestè liquebit. Ait enim ex seueritatis rigore. *Facilius est camelum per foramen acus transire, quam diuitem intrare in regnum celorum.* Alibi ex misericordiæ dispensatione, *Date elemosynam, & ecce omnia munda sunt vobis.* Et, *Facite vobis amicos de mammona iniquitatis.* Sed & ex misericordiæ lenitate, *Dimittite, & dimittimini.* Et hi quidem parietes à parte orientali & meridiana arcam muniant. Cum enim oriri nobis sol iustitiæ incipit, tunc omni sunt distractionis rigore præcepta Euangelica obseruanda. Cum autem nos ad summam perfectionem prouexerit, moderanda est actio, vt contemplatio dilatetur: & arcu iam contrito, & scuto armisque cæteris contractis, vacandum est iam & videndum, quoniam suavis est Dominus. Nam *qui minoratur actum, percipiet sapientiam.* Vides, ni fallor,

Psal. 131.

Hebr. 9.

Matth. 19.

Luc. 11. 16. & 6.

Ecclesi. 31.

quomodo rigor & dispensatio in vnus concordie angulum indiscretè conueniant. Cum igitur orientalem & meridianam plagam teneant decreta mandatorum, occidentalem & aquilonarem obtinent sancita sacramentorum. Quorum cum quædam sint necessitatis, quædam dignitatis, siue vtilitatis: quædam imponantur, quædam suadeantur; quæ necessitatis sunt, occidenti peccatorum obuiant; quæ autem vtilitatis, diabolicis aquilonis flatibus opponuntur. Inde est, quod versus aquilonem Euan-

enr Euan-
gelium ver-
sus aquilo-
nē legatur.

Num. 2

Nona legis
Sacramēta
iustificānt.
Marc. 16.

Ioann. 15.

Philip. 4.

Exod. 25.

Ezech. 1.

gelium legitur, vt inde voce diuini tonitruu veritatis inimici formidantes diffugiant. Sed & isti duo parietes vnam compagem efficiunt, cum ad salutem humanam efficaciter sibi cooperentur, & vnam Dei & hominum reconciliationem operentur. Quod autem quatuor angulos, & in quatuor angulis quatuor anulos arca habuisse describitur, compendij gratia, & ad vitandum fastidium lectoris studio distinguendum relinquo. Illud tamen prætereundum non est, quod sicut in angulis concors designatur vnio, ita in anulis consummata perfectio. Sicut enim anulus rotundus est, & vnum medium punctum æqualiter circumferitur; sic Euangelicæ doctrinæ perfectio nusquā ab vnus & simplicis veritatis definitione longius euagatur. Habet igitur in ijs quæ variè dicere videtur, summam concordiam: habet in ijs quæ præcipit, perfectionis summam. Non sic lex Moyfi, quæ neminem ad perfectum adduxit; & cuius munera & hostiæ non potuerunt iuxta conscientiam perfectum facere seruientem. Euangelica verò sacramenta perfectè sanant, & præcepta perfectè iustificānt. Vt enim cætera omittam, dicitur de sacramento baptismatis. *Qui crediderit & baptizatus fuerit, saluus erit.* Dicitur etiam de præceptis. *Vos amici mei estis; si feceritis quæ ego præcipio vobis.* Et fortè anuli ideo quatuor esse dicuntur; quia vtrique homini, exteriori scilicet & interiori, sacramenta perfectam salutem, & præcepta perfectam afferunt iustificationem. Sunt autem in anulis duo vèctes, quibus vel ad ima deponitur, vel ad summa leuatur. Hi sunt deuotio & discretio; quorum specialiter deuotio ad sacramenta, discretio respicit ad præcepta. Hos vèctes infra hos anulos concludi volebat Apostolus, cum diceret. *Pax Dei quæ exuperat omnem sensum, custodiat corda vestra & intelligentias vestras.* Quasi diceret; pax reconciliationis Dei & hominum quam sacramenta & præcepta Euangelica operantur; quæ sua perfectione exuperat omnem Angelicum & humanum sensum, ita vt huius quasi anuli finis creaturæ sensu comprehendi non possit, concludat tamen & custodiat corda & intelligentiam vestram: vt corda ad deuotionem, intelligentiam referas ad discretionem. Hi vèctes se inuicem iuuant, quia & ex discretionis intelligentia crescit deuotio, & ex deuotionis dilatactione proficit intelligentia. His etiam seu deponitur, seu eleuatur arca; quia cum ista inferioribus implicatur, quodammodo animalia stare & rotæ pariter super terram videntur. Cum autem ad superiora desideranda per deuotionem, seu inuestiganda per discretionem animalia eleuantur, eleuantur pariter & rotæ Euangelicæ sapientiæ: quæ pro rotunditate suæ perfectionis, siue pro agilitate suæ subtilitatis rotæ non immeritò comparatur. Vides, quomodo vetera veteribus concinunt, & noua nihilominus prænuntiare probantur; vt meritò noua & vetera dilecto reſeruata dicantur. Quod autem anuli in Moyſe, hoc rotæ in Ezechiele; quod in hoc animalia, in illo vèctes præfigurant. Quod verò & hæc & illa, hoc nobis Euangelij gratia repræſentat. Quod in arca quatuor anguli, hoc in rota quatuor facies, hoc in Euangelio quatuor, quas prædiximus, signant distinctiones.

Circa hanc arcam quatuor turmæ castra metabantur: & prima turma ad orientem, secunda ad meridiem, tertia ad occidentem, quarta ad aquilonem erat. Nec eleuabatur arca, donec turma orientalis & meridiana proficisceretur. Tunc eleuata & procedente arca, proficiscabantur & aliæ. Quid sibi volunt ista, nisi quod etiam videmus hodie in Ecclesia actitari? Primò accedens sacerdos, ad altare, vertit se ad orientem; quasi inuitaturus illam, quæ in oriente est; vt quæ retro sunt oblita, in anteriora se extendat. Dehinc vertit se ad meridiem, vt & turmam meridianam prouocet ad surgendum. Tunc eleuata iam arca conuertit se ad occidentem, & occidentalem turmam officiosè salutis admonet, vt sequatur, dicens, *Oremus.* Et ne pigri fortè, vt assolet, inueniantur; iterum lecto Euangelio velut arca iam longius procedente, eadem repetit iterando. Dehinc ad aquilonem se vertens, aquilonarem turmam magis silentio suo, quàm clangoribus inuitat ad sequendum. Quæ omnia diligentius inuestigata, non modicum præstant suauitatis saporem. Oritur siquidem nobis sol, quoties veritatis fulgor cordis nostri oculis cœperit irradiare. In tali oriente commoratur turma spiritualium desideriorum. Meridies est, vbi prædictus sol ad altiora conscendens vehementer incaluerit. Et ibi turma est spiritualium gaudiorum. His duabus turmis præcedentibus, & affectionibus spei & gaudij iam in anteriora extensis, nihil ampliùs restat, nisi vt exurgat iam Deus in requiem suam, cum arca sanctificationis suæ. Tunc enim exurgit, cum ad superiora nos eleuat, & arcana Euangelicæ sapientiæ nobis reuelat, introducens nos in cubiculum suum, non iam in specie peregriniper viam nobis Scripturas interpretans, sed reuelatis oculis infra domum conscientiæ per fractionem panis se nobis manifestans. Sic eleuata arca, doloris affectiones velut quædam occidentalis turma subsequantur; & easdem affectiones timoris velut aquilonaris turma comitentur: vt iam de præteritis nil libeat, nisi vt antè commissâ defleantur, & ex præteritorum recordatione etiam futura timeantur. Hic autem timor potiùs tacita inspectione, quàm clamorosis vocibus in anima excitatur. Vel si magis placet, in oriente dicantur esse constantes in virtute, in meridie perfecti in charitate: ad quos se Sacerdos primò conuertere debet; vt tam eorum exemplis prouocetur, quàm orationibus fulciatur. Post istos arca eleuatur, cum spiritualibus spiritualia comparantur. Sed et si in consideratione istorum mente excedat Deo, necesse est tamen vt & minoribus sobrius fiat: vt postquam dies diei verbum eructauit, etiam ad illos qui in occidente sunt se conuertens, velut nox nocti indicet scientiā. In occidente autem sunt, qui volentes alicui seruiunt peccato: in aquilone, qui licet nolentes, adhuc tamen vincuntur à peccato. Hi à longè sequantur arcam, nec præcedentibus se immiscere præsumant: donec ipsius sacerdotis precibus & sacramenti virtute liberati à peccato, serui autem facti Deo, Christo incorporari mereantur: habentes fructum suum in sanctificationem, finem verò vitam æternam. Et pro talibus tacitè cum quadam timoris reuerentia & verecundiæ rubore à suo mediatore,

Quid sit
Oriens, Meridies, &c.
spiritualiter.

Luc. 24.

Aliter, esse
in Oriente
&c. quid sit.

Math. 17.

Deus exorandus est; qui per Prophetam loquens, siluisse, & patientem fuisse, & tales sustinendo laborasse se, asserit. His omnibus velut quibusdam preparatorijs consummatis, Sacerdos iam bonis actionibus velut quibusdam iustitijs indumentis, & rationabilibus speculationibus velut quibusdam auri & gemmarum splendoribus adornatus, cum Petro & Iacobo & Ioanne in montem excelsum, & seorsum à turbis inferiorum cogitationum constitutum Christum ducem sequatur; ut quem cum Moyse & Elia loquentem audiuit, transfiguratum iam videat, & præ faciei eius fulgore & vestium candore stupefactus, ab omni humana elatione corruat: sicque in nubem inductus, & Patris vocem audiens, tacite potius & reuerenter ineffabilia verba apud se conseruare, & in corde suo conferre, quam alijs referre studeat. Attende Scripturarum pulcherrimam connectionem, & totius suauitatis mirabilem earumdem concentum. Quod enim per arcam inter duo Cherubim, in veteri testamento significari diximus, hoc per Euangelium inter Psalmistam & Apostolum: hoc etiam per Christum inter Moysen & Eliam, in nouo testamento monstratur. Et quod in tabernaculo veteri nubes arcam operiens, hoc in Ecclesia fumus incensi altare circumuoluens, hoc & in anima perfecta nubes lucida obumbrando designant. Si tamen iuxta religionis & sanctitatis incrementa velis inter has nubes distinguere; aduerte, primam fuisse caliginosam, secundam odoriferam, tertiam lucidam esse. In veteri igitur testamento nubes ignorantia populo illi cæco occultabat veritatem. Vnde etiam nisi quando recedebat nubes, non procedebat arca: quia tantum ceremoniarum crescebat religio, quantum Moyse à Deo, & per Moysen populo ministrabatur. In Ecclesia autem vapor nebulae de thure confurgere consuevit, qui præsentis suo assolet odore refouere. Quem fumum præuidens Propheta ait. *Et domus repleta est fumo.* Quid aliud hunc fumum dixerimus, nisi cuiusdam bonæ spei vaporem; per quam velut in odore vnguentorum homines ad Ecclesiam pertrahuntur? Quidam enim spe veniæ impetrandæ ad Ecclesiam accedunt, & hi bona spe refouentur: quidam spe obtinendæ gratiæ, & hi sanctæ spei participes fiunt: quidam ad promerendam æternam gloriam, & hi beatæ spei expectatione lætatur. Et ideo forsitan in missa tribus vicibus incensum exhibetur: quia & spem bonam afferunt incipientes, sanctam proficientes, perfecti beatam. Et quantumcumque varia sunt sperantium vota, tamen omnia Sacerdos, quasi intra vnum vasculum in memoriam humanitatis Christi colligit: facta eius & dicta velut quosdam carbones in ipso vasculo recondens, & in ipsis suam suorumque totam spem constituens, dicit cum Propheta Domino. *Introibo in potentias Domini, Domine memorabor iustitiæ tuæ solius.* Quid est intrantem solius iustitiæ Dei memorari: nisi in ipso suo introitu ad altare memoriam Christi operum, velut quoddam thuribulum aureum in manu discretionis apprehendere, & per ipsum se & suos Deo Patri commendare? Tandem nubes spei transit in nubem rei: nubes fumosa in nubem lucidam, quæ non tam obnubilat quam obumbrat:

Isai. 6.

Psalm. 70.

obnubilat tamen in humana, illuminat ad diuinam, obumbrat contra aduersa. Quæ est hæc nubes, nisi diuina speculatio: & quædam diuinæ præsentia non iam in spe, sed in re ipsa fruitio? Quæ tamdiu rectè nubes vocatur, quâdiu non sicut est, sed per speculum & ænigma sentitur. Licet enim Christus intra domum in fractione panis agnoscatur à discipulis, & in morte coram eis transfigureretur; quamuis etiam facies eius sicut sol appareat, tamen non sicut est cernitur, qui incomparabiliter solis candore excedit: velut qui candor est lucis æternæ, & emanatio quædam claritatis omnipotentis Dei sincera, & ideo nihil inquinatum incurrat in illam. His breuiter occasione Sexagesimæ perstrictis, iam ad Quinquagesimæ cantica accedamus, quæ sic incipiunt.

Traçtatus 16. De Quinquagesima, & de ijs qua in ea leguntur in Ecclesia.

ESTO mihi in Deum protectorem, & in locum refugij, ut saluum me facias: quoniam firmamentum meum, & refugium meum es tu; & propter nomen tuum dux mihi eris, & enutris me. Merito Quinquagesimam celebraturi ducem & enutritorem nostrum requirimus; velut qui desertum intrantes nec viam scimus, nec alimenta habemus. Desertum enim terra est inuia & inaquosa. In tanta ergo solitudinis vastitate quis locus canticis, quæ causa lætitiæ esse potest? Illa utique, quæ filiis Israël videntibus Ægyptios mortuos super littus maris: & manum magnam, quam exercuerat Dominus contra eos. Tunc enim cecinit Moyses & filij Israël carmen hoc Domino, & dixerunt. *Cantemus Domino, gloriosè enim honorificatus est, &c.* quæ sequuntur, vsque, *Extendisti manum tuam, & deuorauit eos terra. Dux fuisti in misericordia tua populo quem redemisti.* Maria quoque Prophetes sbror Aaron, & omnes mulieres post eam, cum tympanis & choris eadem præcinebant. Ecce quem illi ducem se habuisse gloriabantur, nos non solum ducem, sed & nutritorem habituros in quinquagesima nostra confidimus. Quinquagesima siquidem, sicut dictum est, quinquepertitam sensuum continentiam designat, per quam decalogus legis adimpletur, & sic quinquagesima à nobis consummatur. Ad hanc post exitum de Ægypto & maris rubri transitum, & mortaliū peccatorū defectum, nos conuertimus; ne tamen reciduum patiamur, etiā à licitis abstinere, & sensus subijcere seruituti non negligamus. Quod multis cōtigisse cognouimus: qui vsque ad quinquagesimam venientes, quia ultra progredi noluerunt, ad Ægyptias tenebras infelicitè redierunt. Nos igitur, qui huc vsque venimus, cum quinque prudentibus virginibus procedentes, sponso occurrere studeamus: ut ei omnium sensuum cohortatione, velut quadam virginitatis incorruptione placeamus. Bene autem virginitas deserto comparatur: quia sicut eremus terra est deserta inaquosa, sic corpus humanum à ciborum delicijs alienum, imò etiam ab ipsis necessarijs ieiunium, vita quoque humana liti & contentioni & omni auaritiæ & iniquitati inuia, potius etiam ac luxus lauacri & vnguenti, & totius superflue humectationis renuntiatione inaquosa, desertum procul-

Psalm. 30.

Exod. 15.

Quinquagesima significatio.

Virginitas deserto comparatur.

1. Cor. 13.

dubio esse videtur. Quis autem huius deserti asperitatem sustinere, quis tantæ vastitatis deuia perlustrare possit: nisi Deum ducem & nutritorem habuerit? Ideo forsitan faruæ virgines à sponso non admittuntur: quia de sua virginitate & operum integritate confisæ, sibi potius quàm sponso innituntur. Felices verò, quæ in hac parte prudentes inuentæ sunt, ut cum magnificis operibus lampades earum resplendeant: nunquam tamen de illo splendore confisæ, oleo semper muniti, & vasa sua implere studuerunt. Ad quod dicendum beatus Paulus mox introducit, dicens. *Si linguis hominum loquar & Angelorum, charitatem autem non habeam*, &c. In quinquagesima quinquepertinæ sensuum continentia, velut in quadam vasta & aspera corporeæ macerationis solitudine, volens viam Apostolus ostendere, & errantibus per eam doctrinæ suæ velut cuiusdam nubis ducatum præbere; quod Dominus in Euangelio virginibus oleum prodesset, hoc itinerantibus in solitudine charitatem, ostendit. Nec immeritò charitatem oleo comparavit; quoniam sicut unguentum sanare, decorare, & mulcere consuevit, sic in donis spiritus quædam expediunt, quædam exornant, quædam delectant. Hæc igitur volens Apostolus distinguere, & distinctè exprimere, ait. *Si linguis hominum loquar & Angelorum*. Lingua Angelorum est sermo sapientiæ; lingua hominum sermo scientiæ. In illa sonus, in ista tinnitus; illa æri, ista cymbalo comparatur. Et hæc quidem dona spiritus illum cui dantur exornant; & sunt forsitan illæ diuisiones ministracionum, quas in eadem epistola prædixit Apostolus. Ministraciones, quia ministrantur pro manifestatione spiritus ad utilitatem: diuisiones, quia diuisim sunt ministrandæ, ut sapientiam loquentes inter perfectos, spiritualibus spiritualia apparemus, & quasi dies diei verbum eruicuemus: paruulis verò lac potum propinantes, doceamus hominem scientiam; & velut nox nocti scientiam indicemus. Deinde subiecit. *Si habuero Prophetiam, & nouerim mysteria omnia & omnem scientiam: & habuero omnem fidem, ita ut montes transferam*. Quantum hæc suum possessorem delectent, nulli ignotum est; nisi qui deliciarum spiritus penitus expers est. Et hæc forsitan gratiarum diuisiones nominat Apostolus: vel quia gratis dantur, vel quia gratiæ suauitatis infusione demulcent. Sequitur. *Si distribuero in cibos pauperum omnes facultates meas, & si tradidero corpus meum ita ut ardeam*. Ista quantum expediant, quantum sanatiua sint, norunt, qui misericordijs pauperum peccata sua redimentes, misericordiam consecuti sunt; & qui exterioris hominis maceratione interioris hominis inuolutionem sunt adepti. Et hæc forsitan dicuntur diuisiones operationum: quia cum cetera in anima sola esse possint, hæc in sola operatione consistunt. Sed quisquis hæc absque charitate habet, nec verum ei esse conferunt, nec ad verum ei esse profunt. Sicut enim corpus vitam ab anima, sic ista à charitate suum esse sortiuntur; ut nec esse quidem sine charitate dicenda sint. Sequitur. *Charitas patiens est, Benigna est*. Commendauit Apostolus charitatem, ex ijs quæ habet communia bonis & malis: hic autem commendare incipit ex ijs,

1. Cor. 13.

1. Cor. 12.

quæ propria habet in solis bonis. Volens autem ipsius bona diffusius enumerare; primo omnia sub quadam binarij summa colligit: postea ipsum binarium subdiuidendo distinguit. Ait ergo. *Charitas patiens est, benigna est*. Patiens ad tolerandum mala aliena: benigna ad retribuendum bona. Et quia etiam aliquo modo hæc mali habere se simulant exterius in actu: ostendit hæc potius habenda interius in affectu, dicens, *Non amulatur*, non dolet de alterius fœlicitate; & si doleat, quod non habet; non dolet, quod alter habet: sed quodammodo in eo habere se gaudet. Vnde nec perperam agit; quod proculdubio faceret, si verbo, vel facto, vel aliquomodo studeret illum habitis carere; vel saltem ne videretur aut crederetur habere. Ita enim quidam inuidi, sibi credentes imminui, quod de alijs laudabiliter cognouerunt prædicari, etiam si habitis eos carere non velint; habere tamen aut credere nolunt, aut credi ab alijs non volunt. Vnde & omnia peruersè interpretari volunt, & perperam interpretando peruertunt. Charitas autem non solum bonis non inuidet alienis, sed nec extollitur suis. Vnde *non inflatur*, ait. Non enim sibi ascribit, quod habet; sed eum potius laudat, à quo habet, dicens. *Quid habes, quod non accepisti? Et si accepisti; quare gloriaris, quasi non acceperis?* Non solum sibi non imputat, quæ habet; sed nec ab alijs sibi imputari sustinet: quia *non est ambitiosa*. Sicut enim non vult inaniter intra se gloriari, ita nec ambitiosè aut iactanter extra se. Non enim quærit, quæ sua sunt; nec quærit exterius mendicando, quæ melius intus possidet, veritati inhærendo. Quidam enim à veritate recedentes, quia intus ea veraciter non retinent, ubi sunt: exterius ea inaniter querere incipiunt, ubi non sunt. Charitas autem semper veritati inhærens, sicut nec quærit, quæ sua non sunt; ita nec illis vnquam carere potest, quæ sua sunt. Est enim fons proprius, cui non communicat alienus. Fons est iugiter fluens per beneuolentiam, non tamen perfluens per iactantiam; & sicut crater tornatilis communem se omnibus exhibet & æqualem; numquam tamen indiget poculis; nec inuidet alijs quæ non habet, aut quærit ab alijs, quæ plenius in se habet. Audiuius quomodo scaturiat vera benignitas: audiuius & quod saliat patientiæ vena. *Non irritatur*, ait; quod altius potest patientiæ vena profilire; sed quid diuinius potest esse in homine, quàm quod iniurijs prouocatus non irritetur; contumelijs & tormento interrogatus non solum æquanimiter sustineat, sed & calcando aut gloriando despiciat? Sic quippe Apostolus, *Non solum autem: sed & gloriamur*, ait *in tribulationibus*. Sed & Apostoli *ibant gaudentes à conspectu consilij*; quoniam *digni habiti sunt pro nomine Iesu contumeliam pati*. Sed vnde hoc illis? Quia *charitas non cogitat malum*, non cogitat eos qui inferunt, malo animo inferre: sed vel nescire quid faciant, vel præceptum eis esse à Domino, ut maledicant Dauid. Inde est, quod *nec gaudet charitas super iniquitate*: non gaudet, quod qui iniquè mala innocenti infert, damnetur: sed congaudet veritati, à qua, ut talia fiant, iuste disponitur: & ideo *omnia suffert*, quia *omnia credit* à Deo disponi; *omnia sperat* remunerari. Vnde & ea longanimitè expe-

1. Cor. 4.

Alia virtutes sunt solū huius vite, charitas autem in patria perfectior eris.

Luc. 18.

Isai. 9.

Psal. 47.

Act. 9.

Tres dietæ cōuersionis.

Stando sustinet. Ecce commendata est charitas ex superexcellenti potentia suę virtute. Commendatur etiam ex sua perpetuitate. Vnde ait. *Charitas nunquam excidit.* Cum enim alia virtutes quæ modo in fide & spe consistunt, succedente re spei aut fidei, euacuabuntur; tunc plenius charitas consummabitur. Manentibus igitur interim fide & spe, velut quibusdam mācipijs charitatis, quæ vbi sunt sine charitate non prosunt; vbi autem charitati seruiunt, velut rami ex radice proficiunt, patet radicem incomparabiliter ramis esse maiorem, à qua rami & habent quodd sunt; & præcisi ab ea nec quidem sunt. Radix vero absque ramis in integritate sua permanet: nec portatur à ramis, sed portat; nec confertur ei aliquid ab eis, sed ab ea est, quicquid in illis profertur. Ecce ne erremus in solitudine in inaquoso, & viam ciuitatis habitaculi non inuenientes, esuriamus & sitiamus, & sic Deum protectorem & domū refugij non habentes, anima nostra in nobis deficiat; excellentiorem charitatis viam, quam teneamus, nobis Apostolus demonstrauit. Et forsitan secus hanc viam mendicat cæcus ille, quem Dominus in Euangelio illuminat. Quid est enim cæcum Iesum videre, sequi, & magnificare: nisi viam prius incognitam inuenire? O bone Iesu, quanta lux, quantum gaudium, quanta securitas oritur nouiter conuersis, cum eis primò incipis apparere, cum eis læticia salutaris infunditur, cum dulcescere eis cœperit nomen Iesus: & ad huius nominis dulcedinem malè dulces affectiones cœperint amaricari, & amaræ in dulcedinem conuertentur; vt iam cum magna iucunditate libeat decantare. *Populus gentium qui ambulabat in tenebris vidit lucem magnam; habitantibus in regione umbrae mortis lux orta est eis.* Proculdubio hæc lux, hæc dulcedo de Christi humanitate concepta, lignum illud est, quod aquas in eremo commutauit in dulces, & potabiles fecit. Tres illæ dietæ triplicem proficientium statum demonstrant. Solent enim post conuersionem, cum proficere cœperint incipientes, ex rerum nouitate in quendam mentis stuporem venire: & sicut norunt qui experti sunt, cum assueti coguntur relinquere, & insuetis insistere, turbantur & mouentur sicut ebrius, & omnis eorum sapientia deuoratur. Vnde & ex taliurbationis stupore, anima nimio tremore concutitur, & quasi iamiamque casura, sola formidine vndique circumuallatur: tandemque hoc terrore purgata, cognoscere & dolere incipit defectum, quem patitur. Hæc tria manifestè expressisse videtur Propheta, vbi ait. *Ipsi videntes sic admirati sunt, turbati sunt, & commoti sunt, tremor apprehendit eos. Ibi dolores ut parturientis.* Ecce primam ponit dietam admirationis, secundam tremoris, tertiam doloris. Hi sunt illi tres dies, quibus beatus Paulus prostratus à Domino in via, & cæcatus, perseuerauit non videns, & nihil comedens aut bibens. Post istos tres dies, iam fere deficiente homine mittitur Ananias, qui interpretatur ouis, qui non est alius, quàm magni consilij Angelus: qui quasi ouis ad occisionem ductus est, & sicut agnus corā tondente se obmutuit. Hæc ouis post illos tres dies, lac suæ humanitatis paruulis suis propinauit, & amaritudinem contritionis velut mara, in lactis commutat

dulcedinem. Quod ergo hic per ouem, hoc ibi per lignum intelligitur: & quod hic ouis, ibi lignum operatur. Non est hoc lignum scientiæ boni & mali, sed scientiæ solius boni: lignum vitæ, lignum quod plantatum est secus decursus aquarum; quod ad humorem humanæ deuotionis mittet ramos suos, & non timebit cū venerit æstus. O lignum dulce, dulces clauos, dulce pondus sustinens, nunquam tui memoria recedat de ore meo: semper deuotionis tuę dulcedo vigeat in affectu meo; & sic dulces factæ sunt mihi aquæ mara, & sapientiæ lacrimę contritionis, quantumcumque prius amarę extiterint. Ideo hæc hodie duodecim discipulis proponuntur; & quia nihil horum intelligentes, adhuc extra viam sunt, cæcus filium David inuocans illuminatur; & iam viā cum eo carpens, sequens eum, & gaudens comitatur. Per hanc viam venit in Helim, vbi non iam secretò duodecim discipulis Passio Domini reuelatur: sed patentes, & limpidissimi fontes duodecim cum septuaginta palmis inueniuntur. Hoc fit, cū Christus suos iam in via comitatur, & miro modo eos delectans, quæ in lege & Prophetis & Psalmis scripta sunt, interpretatur: & licet oculi eorum quando extra domum & in via sunt, teneantur: ardore tamen & sapore talis colloquij velut quibusdam fluentis delectabilibus debriantur. Meritò autem palmæ cum fontibus fuisse leguntur, quia tunc primò victor animus triumphi gloria coronatur; & de testimonio conscientie fructus suauissimi, velut quidam datyli degustantur; cū vnctione spiritus reuelante ad intelligentiam scripturarum animus dilatatur. Et hoc totum meritò in Helim fieri dicitur, qui aries interpretatur: quia hæc omnia præbet aries ille, qui cornibus suæ crucis licet peccatorum vepribus ad horam hæsisse visus fuerit, tamen peccatorum vincula dirupisse & consumpsisse cognoscitur: & sanguinis sui victoriosa effusione, suauissimum nobis cibum & potū parasse, à nullo iam fidei ignoratur. Et rectè fontes duodecim, palmę septuaginta fuisse dicuntur; quia duodecim fuerunt Apostoli, qui doctrinam fidei, & fidem Trinitatis, per quatuor mundi partes disseminauerunt. Septem quoque sunt, quę septem Ecclesijs in Apocalypsi pro decalogi impletionem, quę est peccati victoria, promittuntur. Bene ergo duodenarius doctrinæ, septenarius victoriæ assignatur, quia talia in Helim ab ariete percipiunt. Meritò ad peregrini verba per viam inardescunt: sed meminisse debent, non esse remanendum in via, sed priusquam nox & innumera noctis pericula superueniant, ad hospitij domum properandum. Ad hanc domum proculdubio peruenitur, cū de quinquagesima ad quadragesimā proficiendo transitur.

Traſſatus 17. De Quadragesima, & de ijs qua in ea leguntur in Ecclesia.

Quadragesimam siquidem celebrare, est præuaricatores ad cor reducere, & subtili examinatione intima cordis secreta discutere; & inordinatas ac peruersas affectiones moderando & ordinando, praua & indirecta & aspera in vias planas facere: quod est decalogum legis quatuor faciebus, seu quatuor pennis spi-

Cruce lignū vita, lignū scientiæ boni tantum, non mali.

Helim quid sit spiritua-liter.

Quid sit Quadragesimam celebrare.

ritualium animalium adimplere. Quatuor enim animalium facies quatuor sunt inordinatae, & ordinatae sanctorum affectiones, quibus ad Deum tendunt, & ab eo discernuntur. Quatuor penne, quatuor principales virtutes, quibus ad Deum volant, & ab eo diriguntur. Quid est autem taliter de quinquagesima in quadragesimam transire: nisi de Helim ad desertum Sin, quod amphora interpretatur, venire? Amphoram quippe inuenimus, sed vacuam: domum intramus, sed solitariam; cum ad interiora nostra rimanda & subtilius cognoscenda intenti, reperimus prima facie cor prauum & inperscrutabile, velut quandam terram inhabitabilem & inuiam, terram sitis, & imaginem mortis: terram in qua non ambulauit vir nec habitauit homo. Merito igitur desertum tale lustraturi, talem amphoram exploraturi, & domum huiusmodi intraturi, Dominum ad intrandum nobiscum cogimus, dicentes & sapius inculcantes. *Mane nobiscum, Domine, quoniam aduersperascit.* O quam multos quinquagesimam deuote celebrare, membra sua frequenter mortificare, corpus castigare, & in seruitutem redigere, sensus circumcidere, & vniuersos exterioris hominis motus componere nouimus; qui usque hodie interioris hominis sui faciem negligentes, sunt quasi myrica in deserto; & si quando forte cor suum intrauerint, non nisi siccitatem & terram falsuginis inuenientes, statim ad consueta relabuntur. Hi quia Dominum inuocando intrare secum & manere non cogunt, non tam vespere quam noctem patientes, dierum videre longitudinem non merentur. Qui vero quinquagesimam celebrando cor suum omni custodia seruare, & fructus vite qui ex tali vite procedunt degustare intendunt, de Domini auxilio, & gratia confidentes, & quasi iam certi de ipsius promissione, gloriando decantant. *Inuocauit me, & exaudiam eum: cum ipso sum in tribulatione,* &c. Inuocare enim intus vocare est, & illi soliverè Deum inuocant, qui interioris hominis oculos mundantes, Deum videre, & eum qui spiritus est, in spiritu & veritate adorare desiderant. Talibus, id est mundis oculis, in bonae conscientiae hospitio reuelata se facie Deus in fractione panis ostendit. Quod similiter per manna filijs Israël in deserto Sin primo missum, credo praefiguratum. Quid est enim manna, nisi suauitas diuinæ cognitionis, quae similis habet cum melle dulcedinem deuotionis: & cum semine coriandi candorem intelligentiae spiritualis? Quae bene manna dicitur; quia non tam potest exprimi, quam mirari, quid sit. Et hoc siquidem in deserto Sin primo colligitur, non quod & ab illis qui domandis & subiugandis exterioribus sensibus intendunt, diuinæ cogitationis dulcedo non gusteretur; sed non ad satietatem, nec ad diuturnitatem. Eis enim tarda est hora illa, & brevis mora. Mundis autem cordibus, & ad satietatem datur: quod sperabat Propheta, cum diceret; *Satiabor cum apparuerit gloria tua;* & ad diuturnitatem; quod expertus fuerat idem cum diceret, *Secundum multitudinem dolorum meorum in corde meo, consolationes tuae letificauerunt animam meam.* Neque enim debent vel possunt diuinis carere consolationibus, qui omnes à se humanas prorsus abdicauerunt. Ideo

& in quadragesima praeter cursum & morem aliorum temporum, noua quotidie officia decantantur; ut de quotidiano Introitu, de quotidiana veteris testamenti, & Euangelij lectione, velut quoddam manna insolitae dulcedinis colligatur. Neque enim debet vnius diei manna in alterum referuari, ut vel de Domini gratia quis dubitando diffidat, vel de propria industria hoc manna se inuenturum conhdat. Alioquin computrescere illud potius, & vermibus foetidiscaturire incipiet. Putrescit enim, & vermibus scaturire videtur, quod dulce & viuendum prius sentiebatur; cum sermo Domini viuus & efficax, qui penetrabilior omni gladio ancipiti per gratiae infusionem sentitur, humana calliditate praesumptus fastidiri incipit, & velut vermibus quibusdam quaestionibus scaturire. Quot enim quaestiones moueri, tot quasi vermes videntur oriri. Quod autem sabbato non colligebatur, minimè intelligendum est, quod sabbatum otij spiritualis careat manna diuinæ consolationis, in quo maxime illud manna abundare solet; sed quod in colligendo iam labor non est, ubi quod desideratur in promptu est: nec laboratur in figura, ubi praesens est veritas: aut anxie umbra requiritur, ubi res cum delectatione tenetur. Quod forte etiam in eo signatur, quod quintae feriae quadragesimae nullum proprium officium assignatur. Ea enim die non solum forma sacramentorum, sed ipsū Christi corpus primò est discipulis traditum: nec indiget ea dies alijs adminiculis, quae ipsius irradiata est fulgore veritatis; ne superfluis videretur Ecclesia laborare impendijs, si solem facibus iuuare conaretur. Hoc manna videtur Dominus quadragesimam intrantem per Prophetam promittere, ut in praedicto versiculo subiungitur. *Glorificabo eum: longitudine dierum adimplebo eum; & ostendam illi salutare meum.* Glorificat enim, quem facit de testimonio conscientiae gloriari; & ne huius testimonij gaudium momentaneum videretur, longitudinem etiam dierum repromittit; quod non solum in aeternitate, sed & in praesenti consuevit exhibere, cum inclinatis vmbis, & expirante nocte ignorantiae, aspirare incipit dies gratiae, non iam hyemalis, pluuiialis, & brevis; sed dies aestiua, lucida, & prolixa. Unde ne dies longiores, sed minùs salubres, & intolerabiles viderentur, subiungitur. *Ostendam illi salutare meum.* Talis visionis manna desiderabat Propheta, cum diceret. *Redde mihi letitiam salutaris tui.* Ecce quam magna sunt, & quam iucunda, quae promittuntur. Sed diligenter tamen pensanda sunt quae promittuntur, *Cum ipso sum in tribulatione, & eripiam eum.* Per multas enim tribulationes oportet introire in regnum; nec coronabitur quis nisi legitime certauerit; & disciplina, secundum Apostolum, non videtur in principio esse gaudij, sed mœroris: postea autem exercitatis per eam fructus pacatissimos affert. His concinens Apostolica lectio subinfertur, dicens. *Hortamur vos, ne in vacuum gratiam Dei recipiatis.* Gratia illa est, de qua in Epistola ad Hebraeos ait idem Apostolus. *Tamquam filijs offert se vobis Deus.* Vbi quam paternam gratiam Deum filijs offerre intelligi voluerit, ex praemissis ostendit, dicens. *Recogitate eum, qui talem sustinuit, &c. flagellat omnem filium quem recipit.*

*Manna ver-
mibus sca-
tere spiri-
tualiter
quid sit.*

Psal. 90.

*Act. 14.
2. Timot. 2.
Hebr. 12.*

2. Cor. 6.

Psal. 16.

Psal. 93.

Hæc est gratia patris ad filium, ut quem diligit flagellet, & in filio flagellato & castigato siue probato, quasi pater sibi complaceat. Hæc disciplinam patris quidam non gratiam, sed iram existimant, & quibus possunt modis declinant: vel si declinare non possunt, murmurando recalcitrant; facti filij alieni, qui confitentur Domino cum benefecerit eis: sed mendaces tempore tentationis comprobantur, qui in prosperis credere videbantur. Quidam eam patienter recipiunt, & forti deuotione percurrunt, sed quia exterioribus dediti, intimæ consolationis gratiam non requirunt, quasi in incertum, & velut in vacuum currunt. Tanquam enim vas vacuum, sed signatum inuenitur, quisquis velut virgo fatua exterius affligitur, interius oleum in vase non reponens, lampadis suæ defectum experitur. Ille autem non in vacuum hanc gratiam recipit, qui de tribulatione proficiens, ex sententia cum Propheta dicere meretur. *In tribulatione dilatasti mihi.* Et secundum multitudinem dolorum meorum in corde meo, consolationes tuas latificauerunt animam meam. Et cum Apostolo, *Sicut abundant passionem Christi in nobis, ita & per Christum abundat consolatio nostra.* Et illud *Benedictus Deus qui consolatur nos in omni tribulatione nostra.* Hanc etiam Dominus consolationem in Euangelio lugentibus repromittit: ad hanc requirendam Apostolus nos hortatur, ac si diceret. Adeam hortari vos possum, dare eam non possum; sed mitto vos ad illum qui ait. *Clamauit ad me, & exaudiam eum: cum ipso sum in tribulatione, eripiam eum, & glorificabo eum.* Ipse enim qui ait hoc per Psalmistam, ipse per alium Prophetam dixit. *Tempore accepto exaudiui te, & in die salutis adiunxi te.* Exaudiui deficientem à te, clamantem ad me, adiui laborantem te, leuantem oculos non in montes, sed ad me, adiutorem in oportunitatibus in tribulatione. Vt cumque conanti & proficienti necessarium est, ut exaudiat ad impetrandam veniam, ut adiuuetur ad inueniendam gratiam. Ad hoc dicitur quadragesimale tempus esse acceptabile, & dies esse salutis: acceptabile peccatoribus, ad obtinendam veniam peccatorum, ad destruendum regnum vitiorum: dies salutis, ad promerendam gratiam meritorum, ad percipiendam gloriam præmiorum: quoniam gratiam & gloriam dabit Dominus. Qui ergo talia querunt, nemini ullam offensionem præbeant, nemini fiant lapis offensionis, aut petra scandali; non fiant offendiculum infirmis exemplo suo, non fortioribus scandalum, altiora se querendo, vel fortiora præsumendo. Caueant scandalizare pusillos, caueant impedire robustos: ut secundum beatum Benedictum fortes habeant quod cupiunt; & infirmi non refugiant, ne vituperetur ministerium nostrum. Et quia non sufficit declinare à malo, vituperationem à proximo declinare, famam ad proximum custodire: conscientiam puram Deo nos exhibere admonet Apostolus dicens. *Sed in omnibus exhibeamus nosmetipsos, sicut Dei ministros.* Si non possumus alijs temporalia ministrare, possumus nosmetipsos sacrificium Deo offerre, secundum illud. *In me sunt Deus vota tua.* Et *Apud me oratio Deo vota mea.* Et illud. *Calicem salutaris accipiam, & nomen Domini innocabo. Vota Domino meo reddam.*

*Psal. 4.
& 93.*

2. Cor. 1.

Psal. 90.

Isai. 49.

Quadragesima tempus acceptabile.

2. Cor. 6.

*Psal. 55.
41. & 115.*

Bibimus autem hunc calicem, vel cum ipsi nobis membra mortificando dura imponimus, vel cum ab alijs irrogatas iniurias æquanimiter sustinemus. Hæc volens Apostolus distinguere, primò ponit, quæ inferuntur ab alijs, quæ sunt necessitatis victus & vestitus, angustia timoris & solitudinis, plagæ, carceres, seditiones contra nos motæ. Bene horum patientia dicitur multa, quia multæ tribulationes iustorum. Vnde. *Ostendisti mihi tribulationes multas & malas.* Dehinc quæ ipsi nobis imponimus, voluntariè Domino sacrificantes: quæ sunt labores manuum, ieiunia, vigiliæ. Et quia corporalis exercitatio ad modicum utilis est, ne in ea spei nostræ anchoram collocemus, ad interioris hominis renouationem per exterius exercitium faciendam, post prædictos labores mittit nos Apostolus dicens. *In castitate, quæ est cordis, sicut continentia carnis, in scientia, in longanimitate in suauitate, in spiritu sancto, in verbo veritatis, in virtute Dei.* Hi sunt fructus spiritus, qui de vinea bonæ conscientia colliguntur; hoc manna absconditum, quod nemo scit, nisi qui accipit. Qui autem accipit, non in vano animam suam accepit, non in vacuum cucurrit, nec in vacuum gratiam Dei recepit. Attendenda est etiam in his verbis Apostoli quædam interioris hominis virtutum distinctio. Aliter enim habentur virtutes in via, aliter habebuntur in patria. In via cum labore & interpolatione, in patria sine difficultate & mutabilitate. Has idem Apostolus virtutes futuri sæculi nominat; & eas etiam in præsentia haberi potius quam gustari asserit. Primò igitur virtutes viæ ponit dicens. *In castitate, in scientia, in longanimitate.* Vera castitas animæ est super omnem creaturam Verbo adherere, secundum illud, *Perdidisti omnes qui fornicantur abs te. Mihi autem adherere Deo bonum est.* Fornicatur quippe à Deo, qui amoris alicuius rei adheret propter se ipsam; non propter, sed præter Deum. Sed ad huius felicitis castitatis custodiam necessaria est scientia, ut qui huiusmodi est, sciat reprobare malum & eligere bonum. Si existimando dicat bonum malum, & malum bonum; proculdubio nesciens inter ea eligere, à prædicta excidet castitate, approbando potius quam reprobando verum malum, & verum bonum fastidiendo potius, quam eligendo: sicque à summo bono ad minus bonum decidendo; & quia scienti bonum & non facienti, peccatum est illi, necessaria est etiam longanimitas, nequando pusillanimitate superatus iudicet se homo, in eo quod discernendo probat. Ad hæc obtinenda, querendum est animæ spirituali Verbum Deus, cui consentièdo ad correctionem castificetur, quo illuminata ad cogitationem scientia impleatur, cui innitens, ad virtutem longanimis efficiatur. Volens autem Apostolus etiam futuri sæculi virtutes distinguendo subiungere, præmittit dicens. *In suauitate, in spiritu sancto.* Est enim suauitas vitæ præsentis, de qua legitur, quod non inuenitur sapientia in terra suauiter viventium. Talis enim suauitas muscarum morientium, solet potius exterminare suauitatem vnguenti spiritualis. Suauitas autem quæ est in spiritu sancto, velut vnctio docens de omnibus, sanat omnem languorem, omne tedium & amaritudinem omnem explodit. In quibus autem

Psal. 70.

Psal. 72.

2. Cor. 9.

Iob. 28.

autem, vel potius in quo consistat ista suauitas exprimendo subdiuidit dicens. *In charitate non ficta, in verbo veritatis, in virtute Dei.* Charitas non ficta nec facta, ipse Spiritus sanctus est. Ipse nostræ in nobis charitatis est author, ipse factor, vel potius fictor, qui solus nouit figmentum nostrum. Vel ideo meritò ficta dicitur charitas nostra, quæ habetur in via; quia videmus nunc per speculum in enigmate, & potius vmbra est illius charitatis, quæ erit in patria, quàm veritas. Quæ igitur erit in patria, desiderari potest & prægustari in via, nullatenus possideri. Sic & verbum veritatis, imò Verbum veritas in via sub peregrini specie videtur & auditur, in patria cognoscetur sicuti est; ibi etiam virtute Dei, imò virtute Deo fruenter beati sunt; non iam de virtute in virtutem ascendentes, sed vni summæ & incommutabili virtuti inhærentes; eius participatione incorruptibiles facti & impassibiles. Vna igitur & summa ibi virtus Deus est: ipse virtus, ipse veritas, ipse via, ipse omnia, & in omnibus Deus. Ipse virtus ad potentiam, ipse veritas ad notitiam, ipse vita ad lætitiā; & cum illic in beata vita, omnes beati Spiritus apparente gloria Domini sariuntur, hic interim cum difficultate & raptim eadem tantummodo prægustantur. Hic enim virtus in infirmitate perficitur. Hic de virtute in virtutem ascenditur, donec Deus Deorum in Sion videatur. Hic Iacob luctatur cum Angelo, & post longam luctam vix tandem benedictionem meretur. Ex quo contra Deum & hominem fortis effectus, & etiam Israël nomine insignitus, tunc à se ipso deficere, & in se cœpit & didicit infirmari. Quantò enim quis ampliùs dilecto suo inniti cœperit, tantò humanæ virtutis pede destitutus, & velut claudicare se sentit. Sed quantò exterior homo corrumpitur; tantò interior de die in diem renouatur, & magis ac magis virtute ex alto induitur. In hunc modum secundum Apostolum ministrum Dei homo se exhibet: primò in tribulationibus per multam patientiam: de hinc in suauitate spiritali per exuberantem feruoris & deuotionis fragrantiam. Sed plerumque contingit, vt quos aduersitas non dejicit, nec prosperitas eleuat, frequens tamen rerum alternatio, & æterna vicissitudo perturbet. Vnde & in Ezechiele Rex Babilonis sedens in biuio sagittas commiscere legitur; vt quos nec timore nocturno, nec sagitta volante in die nocere potest, saltem tentationū perplexione concutiat: quia & perplexi nerui Leviathan perhibentur. Hoc cognoscens Apostolus, cui Sathanæ astutia ignota non erant, etiam contra hoc præmunire & præmonere nos volens, subiungit dicens. *Per arma iustitiæ à dextris & à sinistris.* Hæc vicissitudinum alternatio ipsi Domino nostro non defuit, vbi nunc à pueris & populo Hæbreorum, *Osanna, Benedictus qui venit in nomine Domini*, nunc *crucifige, crucifige*; & *sanguis ejus super nos & super filios nostros*, ab eisdem audiuit. Ipse etiam Paulus nunc ad tertium cælum raptus, nunc carnis stimulo colaphizatus tertio Dominum rogat, vt ab eo discedat, & minimè exauditur. Alibi quoque nunc mente excedit Deo, nunc sobrius factus hominibus, gaudet cum gaudentibus, & flet cum flentibus, infirmatur cum infirmantibus, &

vratur pro scandalizatis; vinculis etiam coercetur, sed verbum Domini in eo minime alligatur; quin potius sapientiam loquitur inter perfectos. Aliquando quæ retro sunt oblitus, & in sola anteriora se extendens, dicit, *Vino autem, jam non ego, viuit vero in me Christus.* Sed nec sic quidem securus est, nec acquiescit altum sapere, sed timet; sciens quòd Rex Babilonis, licet secundum Ezechielem Sabbatharum orium non imitetur, & quasi frustra consuluisset oraculum exta perscrutando se ostendit, ipse tamen recordabitur iniquitates ad capiendum. Sed in his omnibus Christi milites superant, propter & per eum qui eos dilexit, & munivit armis iustitiæ à dextris & à sinistris. Quæ autem sint hæc arma iustitiæ, siue quæ dextera, siue quæ sinistra, psalmus prædictus siue inductus Apostolo per omnia concinens innuit dicens. *Scapulis suis obumbrabit tibi, & sub pennis ejus sperabis. Scuto circumdabit te veritas ejus; non timebis à timore nocturno: à sagitta volante in die. Cadent à latere tuo mille, & decem milia à dextris tuis.* Vbi enim ait Apostolus, *In suauitate, in Spiritu sancto*, ibi Propheta dicit, *Scapulis suis obumbrabit tibi.* Quid est enim scapulis Deum obumbrare homini, nisi suauitate Spiritus & infusione gratiæ iustū quemlibet à tentationum æstu protegere, quasi in abscondito faciei suæ à conturbatione hominum abscondere? Vnde & in alio Psalmo idem Propheta gloriatur dicens. *Obumbrasti super caput meum in die belli.* Et quia in scapulis onera portari solent, rectè in scapulis Dei patientiæ ejus & longanimitatis benignitas designatur, qua paruulos suos expectans fouet & sustinet secundum illud. *Expandit alas suas, & assumpsit eos, atque portauit in humeris suis: & illud Ilayæ. Pueri eorum in humeris portabuntur*, donec excrecentes in virum perfectū iam non solum portari non indigeant, sed & alios portare sufficiant. Pennæ quoque talibus scapulis subnectuntur, quia quos longanimitate portat, etiam plumis spiritualium consolationum calefacit & informat velut Gallina refouens pullos suos sub alas, & velut aquila prouocans ad volandum pullos suos; & super eos volitans. Sed ne sub his pennis sperando, & latitando, homo securitate torperet, & semper crederet quiescendū; vbi Apostolus mittit nos ad arma iustitiæ, Propheta concinendo, & de pugna nos admonet dicens. *Scuto circumdabit te veritas ejus.* Homo quippe post intimam diuinæ gratiæ consolationem, ad suam rediens infirmitatem, quàm longè à veritate existat, & quantum bona transitoria à veris distent bonis ipsa rerum experientia verius edocetur: & hac veritatis cognitione velut quodam scuto in superioribus lato, in inferioribus angusto circumdatus, communitur ad transitoria despicienda, velut ea quæ non verè sunt, & angusta sunt: & desideranda æterna, quæ verè sunt. Sic Petrus post Angelicam visionem, & educationem de carcere, & portæ ferreæ vltroneæ apertionem, ad se tandè reuersus dicit. *Nunc scio verè.* Alibi quoque post visionem lintei, in quo erant vniuersa quadrupedia & serpentina, idem Petrus ad se reuersus ait. *In veritate comperi.* Ecce ibi se verè scire, hic in veritate cōperisse se testatur, quæ prius ignorasse non creditur: sed diuina reuelatione certifi-

Galat. 2.

Ezech. 21.

Psal. 90.

Psal. 139.

Deuter. 32.

Isai. 66.

Deuter. 32.

Psal. 70.

Act. 12.

Ibid. c. 10.

Ezech. 21.

Matth. 21.
& 27.

1. Cor. 12.

catus, diuinæ veritatis scuto circumdatus esse ostenditur. Volens etiam Propheta ostendere aduersus quæ scutum istud muniat, vniuersa tentamenta quadruplici distinctione comprehendit dicens. *Non timebis à timore nocturno.* In quo rectè concupiscentia carnis intelligitur quia secundum Apostolum, qui in delicijs est, viuens mortuus est. Sicut enim mors sensus carnis à præsentibus alienat, sic sopor carnalis voluptatis sensus animæ ab æternorum cognitione infatuat. Vnde qui dormiunt, nocte dormiunt, & qui ebrij sunt nocte ebrij sunt; & ipsi fortissimi Israël accincti sunt gladio super femur suum, propter timores nocturnos. Sequitur, *A sagitta volante in die*, & per hanc non immeritò superbiam vitæ accipimus, quæ maximè in die mundanæ prosperitatis solet obrepere. Quem diem Propheta non desiderasse fatetur, in *negotio* verò *per ambulante in tenebris*, quod tertio loco ponitur, manifestè auaritiæ negotiatio, seu oculorum perulantia exprimitur, quæ nulla acquisite abundantiæ satiatur: quia secundum Salomonem, *non satiatur oculus visu*, & hæc quidem à sinistris nos impugnant. Sed si scuto veritatis circumdamur, cadunt à latere nostro mille; & ne à dextris inermes esse videremur, subiunxit. *Et decem millia à dextris tuis.* Et fortè non immeritò per decem millia quæ prædixerat, ab incurfu & dæmonio meridiano intelligi voluit. Dæmonium namque meridianum non incongruè à Patribus interpretatum est, cum Angelus Sathanæ transfiguratur se in Angelum lucis. Cum enim ad peruersa & manifestè mala hominem inclinare non potest, ad callida se vertit argumenta; & velut recta suadens, ad altiora se quærenda, fortiora se scrutanda, siue etiā quædam occulta ei reuelando, plus sapere quā oporteat sapere, persuadet. Et hæc tentatio rectè meridiana dicitur, quando homo lucis nimietate offenditur: tantoque perniciosius nocet, tardiusque cauetur, quanto difficilius deprehenditur, & discernitur rariùs. Et licet tantum inter hanc & alias distet tentationes, quantum inter mille & decem millia, quantumque inter læuam & dexteram; tamen sicut scuto veritatis muniti mille superamus ad sinistram; sic gladium spiritus, quod est verbum Dei dextera tenentes, etiam decem millia fugamus à dextra. Viuis enim Dei sermo & efficax, & penetrabilior omni gladio ancipiti, & pertingens vsque ad diuisionem animæ ac spiritus, & quantumcumque spirituales & subtilissimas dæmonum tentationes diuidens & discernens. Et fortè hæc tentatio meridiani incurfus in sequentibus eiusdem psalmi per aspidem designatur. Sicut enim aspis obturans aures suas ne vocem incantantium audiat; sic qui ista lucis transfiguratione ac boni simulatione decepti sunt, contra omnia saniora consilia & monita obsurdescunt. Nam reliquæ fortè tentationes in cæteris animalibus exprimuntur; vt in leone superbia vitæ, in dracone concupiscentia carnis, in basilisco qui visu nocet, oculorum concupiscentia intelligitur: quæ si rectè ita possunt intelligi, curioso lectori relinquimus. Satis iam, nisi fallor, dictum est, in quibus Propheta & Apostolus conueniant: quomodo duo hæc Cherubim vultus mutuos ad se ipsa habeant. Nunc iam dicendum vide-

tur, quomodo versis vultibus in propitiatorium Euangelicæ lectionis respiciant. Sed ne repetendo ea quæ vel in psalmo vel in Apostolo dicta sunt, lectorem oneremus aut paginam, ea breuiter colligendo inuenire in Euangelio studeamus. Volens siquidem Dominus Iesus incipere priùs facere quàm docere, secundum quod in Propheta & Apostolo suprà dictum est, primò à patientia cœpit; & primitus in patientia illarum tribulationum, quas sancti sibi imponunt, exerceri voluit: vt suo nos exemplo doceret, non facile posse per patientiam superare alios, qui sibi ipsi non didicerit imperare, secundum illud. *Melior est patiens viro forti, & qui dominatur animo suo expugnatore urbium.* Hoc siquidem postea verbo docturus erat, & Euangelizando dicturus, *In patientia vestra possidebitis animas vestras*; quia secundum beatum Gregorium, quando nobis ipsis dominari discimus, incipimus possidere quod sumus. Hæc complere voleus Dominus primo sibi solitudinis ac penuriæ necessitatem, vastitatis eremi horrorem ieiunij ac famis cruciatu imposuit. Hæc enim volentibus ad Deum redire, maximè in principio necessaria esse sciebat; primò vt fugiens homo, & declinans omnem commoditatem peccati, & temporalium affluentiam, elongans maneat in solitudine; ne fortè ipsa commoditate faciliùs reciduum incurrat: dehinc, vt non solum non habeat quod deleat, sed etiam sit aliquid in promptu quod horreat; vt terrenis affectibus ipso horrore mitigatis, siue etiam effugatis, libentiùs ac faciliùs cœlestia requirat. Sic Psalmista cum elongasse fugiendo se dixisset, statim subiunxit, *Expectabam*; quasi diceret, ipsius solitudinis squalore, & vastitatis horrore prouocatus, ad expectandam & expetendam consolationem diuinam protinus me conuertere. Tandem etiā ieiunio corporali affligendus est hostis, & corpus in seruitutem spiritus redigendum: vt quantò exterior homo corrumpitur, tantò interior renouetur. Et hæc dicta sint, pro eo quod dictus est Dominus Iesus ductus esse in desertum à suo spiritu, & cum ieiunasset quadraginta diebus & quadraginta noctibus, postea esurisse. Sequitur, *Et accedens tentator, ac si diceretur.* Prædicta à suo sibi spiritu imposuit; quæ sequitur, ab alieno sustinuit. Notissimæ sunt, & à Patribus subtilissimè disputatæ, tres illæ tentationes, quæ à tentatore Domino factæ exprimuntur. Sed quomodo prædictis conueniant, ostendendum esse videtur. Vbi ergo dicenti sibi tentatori, *Dic, vt lapides isti panes fiant*, Verbum sacre scripturæ velut scutum veritatis opposuisse legitur, draconè conculcasse videtur. Antiqua siquidem fraude serpens antiquus, qua circa protoplastos vsus est in paradiso, Dominum aggressus est in deserto. Videns enim carnem homini proximam, imò indiuiduam esse, primò quæ carni placerent, & carnem oblectarent, proposuit; & carnis eos concupiscentiâ decipiendo prostrauit. Ita & nunc Dominum esurire conspiciens; ipsam eius famem volens sibi assumere adiutricem, ab appetitu carnis, ne dicam concupiscentia, eum tentare cœpit, dicens. *Dic, vt isti lapides panes fiant.* Ecce quàm sit aptus pœnitentiæ locus desertum, manifestè apparet. Quia enim in deserto nec pomum inuenit, quod placeret,

1. Timot. 5.

Prou. 16.

Luc. 21.

Greg. hom.

Eccles. 1.

Psalm. 54.

Matth. 4.

Dæmon à concupiscentia carnis inchoat tentationem.

Hebr. 4.

Genes. 3.

nec aliud comestibile, quod famem propul-
saret; ad lapides, qui deesse non poterant, se
conuertit: non sicut prius dicens in paradiso,
eritis sicut di, callidiore vsus astutia, facito in-
quiens sicut Deus. Ac si diceret, si verè Deus
es, potes; & si potes, debes vitam corporis,
etsi non oblectare, saltem cibo necessario sus-
tentare. Sed deprehensa est ab esuriēte hæc
ranta fraus in deserto: quam aduertere non
potuerunt felices, & absque vlla necessitate,
protoplasti etiam in paradiso. Gratias tibi
Domine Iesu, quia sicut per te ipsum semel
draconem superasti: sic quotidie per tuos su-
perare non cessas. Iam enim velut tanti capi-
tis membrum quilibet paruulorum tuorum
oculos habens in capite, tuo exemplo prouo-
catus, tuo magisterio eruditus, tuo adiutorio
confortatus, eiusdem draconis nequitiam,
& astutiam cognoscit, conatum pasuipendit.
Sic sic obstetricante manu tua, de cauerna
fraudis, in qua vsque ad te latuerat, eductus
est coluber tortuosus. Videns ergo se nihil
proficere sub specie draconis, ad pellem se
conuertit leonis diceñs. *Hac omnia, scilicet*
regna mundi, & gloriam eorum, tibi dabo, si
cadens adoraueris me. Ecce sicut leo regem be-
stiarum se reputat, sic iste regnorum terræ se
Dominum superbè credit: quæ tam facile se
daturum, si adoratus fuerit, repromittit. Sed
solo vno verbo facile reprobatus conculca-
tur & leo. Et leonem gentium vicit leo de
tribu Iuda, agnus draconem, columba basi-
liscum. Nam in hac secunda tentatione, non
solum leonis arrogantiam, sed etiam in oculis
basilisci insatiabilis auiditatis auaritiam in-
tueor: vt in ostensione regnorum oculorum
concupiscentia, in gloria eorum vitæ superbia
exprimatur. Nam illud quod sequitur, sta-
tuisse illum supra pinaculum templi, & dixisse.
Si filius Dei es, mitte te deorsum: quia scri-
ptum est Angelis suis mandauit de te, & in ma-
nibus tollent te, &c. fortè non incògruè ad as-
pidem & ad incursum & dæmonium meridia-
num referri potest. Vbi quasi in Angelum
lucis se transfigurans, etiam testimonio scri-
pturæ sacræ, quæ sibi à Domino opposita fue-
rat, quod suaserat persuadere intendit. Ve-
rùm Dominus à scriptura sacra recedendum
non esse nos docet: & prauum Sathanæ de
scriptura sensum alterius scripturæ oppositio-
ne refellit, dicens. *Non tentabis Dominum*
Deum tuum. Ac si diceret. Deum tentare velle
conuinceret, si de eius gratia & promissione
confusus, supra hominem absque vlla necessi-
tate vel vtilitate præsumerem. Sequitur. *Tunc*
reliquit eum diabolus. Quem enim aliquo isto-
rum quatuor modorum non seducit; procul-
dubio illæsum confusus derelinquit. *Et ecce*
accesserunt Angeli; & ministraverunt ei. Vbi in
Apostolo post enumeratas varias tribulatio-
num molestias, subinfertur. *In suauitate in*
Spiritu sancto, & multiplex deinceps distin-
guitur varietas gratiarum: hic in Euangelio
legitur, *Et accesserunt Angeli, & ministraue-*
runt ei. Angelico namque ministerio manna
diuinæ consolationis in præsentis exilij deserto
ludentibus & peregrinis, ac corde contritis,
velut illis qui hereditatem capiunt salutis,
ministratur. Sed istud diuinæ suauitatis manna
aliquando tentationem præcedit, aliquando

comitatur, aliquando sequitur. Præcessit enim
in Elia, cui dictum est. *Comede, grandis enim*
tibi restat via, & cum comedisset, in fortitudi-
ne ipsius cibi quadraginta diebus & quadra-
ginta noctibus, absque omni cibo ambulando
laborauit. Danieli in ipsa tribulatione oblatum
est prandium, cum esset in lacu in medio leonum
Angelico ministerio per Habacuc Prophetam
allatum. Dominus verò noster, qui pro nobis
tentandus aduenerat, illud quod grauius est
elegit, vt peracto ieiunio, & deuictis varijs
tribulationum tentamentis, tandem Angelico
ministerio frueretur: vt meritò de eo dici pos-
set. *Patientiam Iob audistis, & finem Domini*
vidistis. Patientia siquidem Iob multis præ-
uenta est beneficijs, sed multiplicioribus re-
munerata. Vnde ad solam patientiam eius
considerandam, non ad ipsius patientiæ finem
mittimur. Domini verò finem intueri mone-
mur, *qui proposito sibi gaudio regnorum mun-*
di, & gloriæ eorum, sustinuit crucem confusione
contempta. Hic quoque spreto corporali cibo,
Angelicas delicias vsque in finem equanimiter
expectauit. His dictis de officio Dominicæ,
quæ prima quadragesimæ dicitur, vt quousque
ab initio septuagesimæ processum sit, plenius
cognoscatur, breuiter quædam supradicta
epilogari oportet: vt quæ de septuagesimæ fi-
ne dicenda sunt, eis quæ de eius principio iam
dicta sunt, conuenientiùs coaptentur.

3. Reg. 19.

Daniel. 14.

Iac. 5.

Hebr. 12.

*Tractatus 18. Recapitulatio prædictorum;
De Septuagesima, &c.*

DVAS quippe Septuagesimas historialiter
Scripturæ sacræ commemorant: primam
videlicet temporum vel ætatum, quæ ab Adam
vsque ad finem mundi protenditur: secundam
annorum, quam filij Israël septuaginta annis
in Babylonica captiuitate peregerunt. In ha-
rum repræsentationem, & spiritalium cuius-
libet animæ sanctæ profectuum significatio-
nem, Ecclesia duas celebrare septuagesimas
consuevit: vnam hebdomadarum, quæ sep-
tem disternitur dominicis; quarum vltima
seu septima, & quasi terminus, est dominica
qua cantatur, *Latere Ierusalem;* alteram die-
rum, quæ finem habet & terminum in Sabba-
to, cum geminum *Alleluia* decantatur. Harum
prima vitæ actiue profectum designat; quæ in
hac vita habet suam perfectionem, & ad con-
summationis finem proficiendo perducitur;
vt completa hebdomada copulæ Liæ, tandem
ad optatas Rachelis nuptias pertingatur. Se-
cunda contemplatiue vitæ quietem significat;
quæ non tam septimanis quam diebus nume-
ratur: imò nec diebus nec horis integris, quin
potius horis dimidijs percipitur. Hæc non nisi
finito primo Pascha & initiato secundo con-
numeratur. Sed quia mixtim istæ sibi duæ
vitæ, atque vicissim subseruiunt, & alternatim
sibi inuicem succedunt, vt nunc Lia Racheli,
nunc Rachel Liæ suum Iacob inuideat, & nunc
altera alteri nimia præripiat auiditate; bene
etiam istæ duæ Septuagesimæ sic in Ecclesia
celebrantur, ita sibi inuicem connectuntur,
vt non tam duæ, quàm vna videatur, & duas
esse à paucissimis cognoscatur. Sed hoc sacra-
mentum Ecclesiam Romanam latere non po-
tuit; quæ in vniuersali Ecclesia frequentan-

Scripturæ
peruersè uti
tur demon.

Ibid.

Duæ Se-
ptuagesimæ
vitas duas
significant.

Carermonia
Ecclesie
Romane.

dum instituit. Et septimam primæ septuagesimæ Dominicam, per quam actiua vitæ consummationem significari diximus, rosæ aureæ gestatione insigniuit. Sed ipsius rosæ mysterium minimè paruipendendum, melius illi diei referuatur enucleandum, cui specialiter cognoscitur adaptatum. Interim de alijs Dominicis, quæ illam præcedunt, quod Dominus ministrauerit differamus: ne quæ retro sunt obliui, in anteriora nos extendentes, ordinem præposteremus. Primò igitur mundo renunciantes, & de Ægypto vitæ instabilis & tenebrosæ exeuntes, fructus carnis velut septem illas Ægypti spicas tenues & vredine percussas abdicauimus: & fructus spiritus velut septem alias plenas atque formosas, in vno charitatis culmo amplectentes, sicque decalogum spiritualiter intelligere & adimplere proponentes, septuagesimam initiauius. Secundò peccatis mortalibus plenè renuntiare volentes, & in hoc angustias non modicas, & amaritudines ex ipsorum peccatorum consuetudine, & velut quorundam Ægyptiorum persecutione sustinentes, miraculoso tandem Dei auxilio ipsius amaritudinis ruborem & dolorem, velut quoddam mare rubrum, non sine multo labore transiimus; & sic senario actiua vitæ decalogum adimplere studentes, sexagesimam celebrare contendimus. Tertiò non solum peccatis resistere, sed ipsis etiam corporeis sensibus imperare volentes, & sic voluntaria quinque sensuum mortificatione decalogum adimplere curantes, quinquagesimam iam mari transmissio celebrantes, exultauimus. Et licet errantes in solitudine, in iniquo, ciuitatem habitaculi non inuenerimus; tamen per Mara transeuntes, & dulcoratæ aquæ haustu suauiter delectati, tandem in Helim peruenimus; vbi palmas victoriæ iam nostrum ipsorum facti victores inuenimus: & ipsius victoriæ fructus percepimus dulciores. Sed nec ibi diutius morari valentes, eo quod nec fontes duodecim, nec palmæ septuaginta, ad satietatem sufficerent; pertransire volentes eos qui circumeunt ciuitatem, transiimus in desertum Sin; vbi subtilius conscientie amphoram persequentes, de exterioribus ad interiora, de visibilibus ad inuisibilia, de sensu carnis ad spiritum iam spirituales facti peruenimus; & spiritu in desertum spirituale ducti, quatuor virtutum pennis decalogum transuolantes, quadragesimam cum Domino initiare, & manna cœleste degustare meruimus. Benè autem hæc in Sin, quod amphora dicitur, fieri incipiunt; vbi ciuitatem interioris hominis intrare volentibus occurrit homo amphoram aquæ baiulans: qui & cœnaculum grande stratum, vbi pascha paretur, ostendit. Quærentibus enim Deum primò occurrit homo Deus, vt per hominem Deum ascendant ad Verbum Deum; & per Verbum Deum homines Dijs efficiantur, secundum illud ipsius Verbi verbum. Si illos dixit Deos ad quos Sermo Dei factus est, &c. Homo igitur iste, cui vult & quando vult, & quomodo vult, occurrit, & succurrit, & præcurrit. Occurrit quærentibus, succurrit deficientibus, hæsitantes præcurrit, & trepidantes; priusquam inuocetur, dicens, ecce adsum. Mariæ adhuc trepidanti, & corpus mortuum quærenti, præcurrens appa-

ruit; non tamen amphoram aquæ baiulans, sed sicut hortulanus; significans quod plura adhuc in ea euellenda & dirumpenda restarent, quæ hortulani ope, vel opera indigerent. Euntribus in Emaus tristantibus & penè deficientibus succurrens apparuit; sed sicut peregrinus, non aquæ amphoram baiulans. Omnes hi adhuc exterioribus dediti, foris eum inueniunt, foras deosculantur, & exteriora dona ab eo percipiunt. Solis intra cubiculum intrare conantibus, & iam lectuli secretum, & sabbati otium quærentibus, quod est velle celebrare pascha, occurrit amphoram aquæ baiulans. Sed quia diuisiones aquarum apud eum sunt, & diuisiones gratiarum ex diuersis ipsius fontibus emanant; non vnā semper aquam continere credenda est amphora ipsius: sed quam cuique nouerit esse necessariam, pro sua voluntate propinat. Alij aquam refectionis, alij aquam salientem in vitam æternam: alij quam Siloë, quæ fuit cum silentio; alij aquam egredientem de templo: alij aquam fontis patetis in ablutione domus David & menstruatæ: alij aquam fontis signati: alij aquas fontis & putei, quæ fluunt impetu de Libano. Omisso aquam cisternæ, & fluenta putei viuientis, quæ foras deriuantur, & diuiduntur in plateis; sed & aquas Iordanis, quæ Naaman septiesmersum in eis mundant à lepra. Aquas quoque Mara, aquas Helim, quæ sunt lachrymarum penitentium & baptifatorum: quæ omnes extrinsecus sunt, & ante spirituales quadragesimas percipi solent. Earum autem quas prædiximus, noster Moyses, qui ex aqua dicitur, quia de Spiritu sancto conceptus, quando vult, amphoram suam implet; & sicut vult singulis exhibet, diuidens singulis prout vult. Et quia longum esset de omnibus differere: illius ipsius aquam ardentem sitiamus, quam qui biberit, non sitiet in æternum. Ipsa est aqua charitatis, de qua ait Euangelista, quam accepturi erant credentes in eum. Hanc nobis aquam Dominus in humana conuersatione velut in vase fictili exhibuit, & quotidie proficientibus exhibere non cessat: suam eis infundens charitatem, ad suam eos inuitans intuendam, & imitandam conuersationem, dicens. *Pone me vt signaculum super cor tuum: vt signaculum super brachium tuum: quia fortis est vt mors dilectio.* Si huius aquæ effectus & proprietates libet inquirere, inuenimus eam mundatiuam, refrigeratiuam, speculatiuam. De primo legitur, *Lauabis me & super cinem dealbabor*, Et illud. *Lauamini mundi estote.* De secundo. *Mitte Lazarum vt intingat extremum digiti sui in aquam, vt refrigeret linguam meam: quia crucior in hac flamma.* De tertio *super aquam refectionis educauit me.* De quarto *Monebatur aqua, & sanabatur vnus.* De quinto, *Lachrymis meis stratum meum rigabo.* Et Salomon extruxisse legitur piscinas aquarum, vt irrigaret siluam lignorum germinantium. De sexto, *Aqua Iordanis sanctificata sunt.* De septimo Salomon. *Sicut in aquis resplendent vultus prospicientium, ita corda hominum manifesta sunt prudentibus.* Et in Cantico Canticorum. *Oculi tui sicut columba super riuos aquarum; quæ lætæ sunt lotæ, & resident iuxta fluentia plenissima.* Columbæ enim in aquarum riuulis non solum suos vultus, sed & accipitris speculantur,

Luc. 24.

4. Reg. 5.

Ioan. 7.

Cant. 8.

Psal. 50.

Isai. 1.

Luc. 16.

Psal. 22.

Ioan. 5.

Psal. 6.

Eccl. 2.

Ecclesia.

Prou. 27.

Cant. 5.

Luc. 22.

Ioan. 10.

Ioan. 20.

ut à longè visum leuius effugiant. Omnes istos effectus & proprietates, in charitatis aqua facile diligens lector reperiet. Ipsa siquidem est fons viuus, cui non communicat alienus. Ipsa aqua viua, quam Dominus Samaritanæ promittit. Imo aqua viua, de qua dicit Apostolus. *Morini enim estis, & vita vestra abscondita est cum Christo.* Hæc vita mortificat & viuificat; mortificat mundo, quia valida est ut mors; viuificat Deo, quia qui manet in charitate, in Deo manet, & Deus in eo. Hæc quia quatuor præceptis concluditur, illis scilicet,

Denter. 6. Diliges Dominum Deum tuum ex toto corde

Matth. 22. tuo, & ex tota anima tua, & ex tota virtute

tua; & proximum tuum tanquam te ipsum: & in ipsis quatuor tota lex pendet & Prophetæ, meritò quadragesimali tempore figuratur; ut ille solus rectè quadragesimam dicatur celebrare, qui charitatem dictis & operibus studuerit ostendere. Sic enim infra geminam, quam prædiximus septuagesimam, quadragesima concluditur; sic actiue & contemplatiue vitæ pennis charitas proficiens, & proficiendo se in anteriora extendens, in finem dilatur.

Cantic. 3. Vnde & ferculi Salomonis, ascensus purpureus, reclinatorium aureum, media charitate

Luc. 22. constrata describuntur. Quod ibi per ferculum, in Euangelio per cœnaculum grande

*Cor contem-
platione fit
ferculum
diuine sa-
pientia.*

stratum, reor significari. Ferculum enim siue cœnaculum, cor est diuina contemplatione sublimatum, & illustratum; quod ascensum habet purpureum laboriosæ actionis, & grande est multiplicitate boni operis; quod ex celestis desiderij charitate, velut quodam excellentiori & eminentiori ornamento extenitur, ut tandem in reclinatorio aureo diuinæ sapientiæ suauiter repauseretur. Sic igitur Quadragesima inter duas Septuagesimas medium locum tenet: sic per charitatem inter actiuam vitam, & contemplatiuam quasi inter medios ceros dormiens, per actiuam exercetur sub se, per contemplatiuam eleuatur supra se. Per exercitiū boni operis eleuatur ab imis, per studium contemplationis commotatur in summis; & quantò charitas dilatur in opere, tantò postmodum suauius delectatur in contemplatione. Ex fructu enim boni operis charitas promeretur, vnde per gustum contemplationis postea remuneratur. Est igitur charitatis meritum patientia laboris, & tribulationis præmium cognitio veritatis. Siquis igitur aspirat ad præmium, prius procuret meritū. Siquem delectat complexus veritatis, prius eum exerceat via laboris. Siquis suauis fructus desiderat percipere charitatis, non abhorreat asperitatem corticis, nec refugiat amaritudinem radicis; quoniam *iustus ut palma florebit, & sicut cedrus Libani multiplicabitur.* Si cui igitur liber ex sententia dicere, *Ascendam in palmam, & apprehendam fructus eius,* sciat à radice incipiendum esse; quoniā iuxta Apostolū, rami & cetera quæ in arbore sunt, radicem non portant, sed portantur à radice. Quærendum igitur nobis est, quæ sit hæc radix, à qua stipes, rami, fructusque procedunt. Tria siquidem sunt præcepta charitatis, dilectio Dei, dilectio proximi, & dilectio sui. Vbi enim dicitur

Psal. 91. Diliges proximum tuum sicut te ipsum, ostenditur quoddam primò debeat homo rectè diligere se ipsum. Non enim rectè diligit se, qui diligit iniquitatem; sed proculdubio secundum Pro-

Cantic. 7. Rom. 11. phetam, odit animam suam. Ut ergo rectè se

Matth. 22. diligit, oportet quoddam perfectio odio oderit vi-

ria sua, deponens *Omne malitiam & omnem dolum, & simulationem, & inuidiam, & omnes detractiones:* & si quid est aliud, quod charitati aduersetur. Hoc primum mandatum, scilicet dilectio sui, primum non dignitate, sed ordine, non incongruè radix intelligitur charitatis; ex qua prodeunt stipes fraternæ dilectionis, qui in multiplices ramos bonorum operum dilatur; fructus diuinæ dilectionis, qui tandè post multas tribulationes & ascensiones in valle lachrymarum dispositas, per cognitionem veritatis à mundicordibus suauissimè degustantur. Et notandum, quoddam hæc ita sibi connexa sunt, ut nec fructus sit sine stipite, nec stipes viuatur sine radice. Vitam autem radici vel stipiti neque qui plantat tribuit, neque qui rigat; sed solus incrementum dans Deus. Sic nec amor Dei verus in homine est, sine amore proximi; nec amor proximi purus sine amore sui; sed nec amor sui rectus, nisi aliquo Dei amore & cognitione viuificetur, & quasi animetur. Cognitio enim veritatis quasi quædam est anima charitatis, ut quantum cognoscitur veritas, tantum ametur: & quantum proficit quis in amore, tantum dilatetur in cognitione: quia amor ipse notitia est. Veritatem autem primò cognoscit homo in se ipso per humilitatem; deinde in proximo per compassionem; tandè in ipsius natura veritatis per reuelationem. Ecce quomodo ubiq; charitas veritatis cognitione animatur & viuificatur. Ut enim homo rectè se diligat, necesse est, ut sine fallacia se cognoscat. Ut proximum veraciter diligat, necesse est, ut cognoscendo eius infirmitatem, ei compatiendo condescendat. Ut Deum purè diligat, necesse est, ut naturæ Dei puritatem mundo corde, quantum in hac vita fieri potest, videat & cognoscat. His finibus concluduntur, & consummantur prædictæ quadragesimæ & septuagesimæ cursus, ut spiritualis quadragesimæ finis sit & consummatio in Dei dilectione, finis Septuagesimæ, quam contemplatiuam vitam diximus, sit in Dei cognitione. Nam proximi dilectio in ea fortè parte quadragesimæ commendatur, quæ dicitur, *Dominica in passionibus,* ut tunc meritò accingat se homo ad diligendum proximum in Christo, cum audire & considerare cœperit, quanta fecit & passus sit Christus pro eo. Tempore autem reliquo spiritualis quadragesimæ quod præcedit, manifestè ostenditur homini, quo ordine procedere & proficere debeat in amore & cognitione sui. Primò igitur conuenit homini, scire quid sit ex culpa; deinde quid sit ex gratia; tertio quid sit ex natura. Primum quidem initio quadragesimæ conuenire videtur, secundum tertie Dominicæ; nam secunda Dominica, Dominica vacans appellatur, & proprio officio à prima institutione quadragesimæ vacasse inuenitur. Tertium verò quartæ Dominicæ, quæ media quadragesimæ dicitur, manifestè congruit, in qua *Latus Ierusalem* decantatur, & spiritualis gaudium libertatis tam verbis quam signis delectabilibus commendatur: quæ omnia suis in locis prout Deus ministraverit plenius exprimentur. Primum igitur de primò prosequimur.

1. Petri 2,

*Amor pro-
ximi non
est sine amo-
re Dei, &
viciissim.*

MONITIO AD LECTOREM.

Huc usque progressus est Henricus Cardinalis Albanensis, qui manum ultimam operi huic non apposuit, ut ex ultimis verbis aperte constat. Nimirum negotijs pro Sancta Ecclesia susceptis, & Legationibus diuersis à Sede Apostolica sibi injunctis prapeditus, & tandem morte praeventus, quod mente conceperat, scripto mandare nequirit. Videntur etiam quedam deesse, & forsitan multis, post Tractatum 13. Cum enim initio illius Tractatus dixisset, se jam limina ciuitatis Domini attingere, & per Duodecimam portam mox in eam ingressurum, splendore ac gloria ejusdem portae, & fulgore nimio percussum stupere, & cum Regina Saba praestupore exanimem esse: & incomparabiliter majus esse quod videbat, quam quod audierat de eadem Ciuitate Domini; cum inquam hac & similia dixisset, atque de eadem ciuitate magna relaturum praese ferret, ac lectoris animum in spem erigeret mira & insolita audiendi; mox digreditur ad lamentandam terrenam Ierusalem ab Infidelibus illo tempore, quo scribebat, captam; sequentem autem Tractatum ab Officio Septuagesimae exorditur, nulla monitione praemissa, qua connexionem huius & sequentium cum praecedentibus ostendat; nulla amplius portarum, aut gloriae Ciuitatis Domini mentione facta. Ideoque videntur hic & sequentes Tractatus jam ante ab Authore fuisse perducti usque ad illum locum, ubi nos cum illo hic desimus. Sciendum quoque est, nullum in Clara-vallensi codice manuscripto esse titulum, nisi initio totius operis, quo Author se satis declarat, & suum propositum manifestat: singulis autem sermonibus nos apposuisse titulos, & Tractatus maluisse appellare, quam Sermones; ne sermonis nomine, arbitraretur quis esse conciones in Templo habitas & pronuntiatas; cum solum scripserit Author, non autem pronuntiauerit ea quae hic scripsit; ideo etiam nonnunquam suum lectorem monet, non auditorem. Singulis Tractatibus usque ad 12. hunc finem imposuit. Ipse autem sit Alpha & Omega sermonis nostri, &c. & cum non scripserit Alpha & Omega, ut nunc passim scribitur & legitur, sic etiam edidimus: maxime cum eruditè ostendat Estius cum alijs quos laudat, non Omega, sed solum Omega legendum & scribendum, ut antiqui semper legerunt. Conciones huius Authoris, quas Ciaconius & alij dicunt illum coram Pontificibus habuisse, reperire non potuimus, & an extant, ignoramus. Declarationem autem historicam, quam de rebus à se & socijs suis tempore legationis eorum aduersus Albigeneses gestis, scripsit, quae & Epistola appellatur, quam Baronius Anno 1178. refert, & ex eo noster Manrique, hic addendam iudicauimus.



DECLAMATIO HENRICI ABBATIS CLARÆ-VALLIS,
scripta ad uniuersos Christi fideles.



*Albigenses
Hæreticos
intelligit.*

Matth. 9.

VDITE, Cæli, quod plangimus: sciat terra gemitum cordis nostri: doleant vices Christi Catholici Christiani, & ad detrimenta Fidei fidelis populus ingemiscat. Quique terrigenæ, & filij hominum humanæ salutis damna deplorent, & generalis vitæ nostræ subuersio ab omnibus viuentibus generaliter lugeatur. Stat contra phalangas Israël nouus nostri temporis Philisthæus, Hæreticorū ordo, exercitus peruerforum, qui agminibus Dei uiuentis irreuerenter exprobrat, & Deum Majestatis in prima præsumptione blasphematur. Quid dubitas, ô Dauid? quid trepidas, vir fidelis? Sume tibi fundam, & lapidem: percutiatur protinus in fronte blasphemus; & caput nequam, quod impudenter erigitur, suo tuis manibus mucrone tollatur. Si enim in hoc certamine pars Christi vincitur: si vel ad modicum, & in puncto Mater Ecclesia conculcatur; scimus, quod non negabitur agonistæ nostro triumphus, si amore Fidei militat pugnaturus. Verum, quia juxta veritatis verbum messis multa est, & operarij pauci: si introierint audacter tuorum, bone Iesu, depopulatores agrorum, parati, sicut operarij subdoli, acerbam magis eradicare, quam matura demerere, quasi tuæ messis diem suis direptionibus putant præuenire. Vbi sunt ergo agricolæ tui constituti super agrum fertilem & iucundum, tuo cruore floridum, & aspersione pij sanguinis irrigatum? Surgant, & opitulentur nobis, & in necessitate nos protegant, seque ad cruentas bestias murum nobis defensionis opponant.

Surgite, inquam, surgite, Viri Patres, Duces gentium, Principes populorum, abigite feras pessimas, quas monstramus; vel saltem vulpes paruulas effugate. Sed capere quidem est melius: sed ad hoc quis idoneus? Non habent certos aditus: semitas ambulant circulares: & in quodam fraudum suarum labyrintho monstra sæuissima reconduntur. Tanquam damula de manu diffugiunt, & instar colubri tortuosi quod eos plus astrinxeris, facilius elabuntur. Deo autem gratias, quod etsi capi nequeunt; fugari possunt: ut cum perdiderint, quod demoliebantur in nobis, confundantur, & pereant in semetipsis. Hoc autem quod sit facile, per ea, quæ vidimus, & tractauimus, approbauimus: ut iam amodò, si factum non fuerit, non tam illorum nequitiam, quam defectus nostros nostrorumque negligentiam deploremus.

Contigit enim nuper ad Imperium Domini Papæ, & hortatu pijsimorum Principum Ludouici Francorum, & Henrici Anglorum Regum, Dominum Petrum Apostolicæ Sedis Legatum, Virisque venerabiles, Pictauensem, & Bathoniensem Episcopos, nosque in comitatu eorum, urbem adire Tolosam: quæ, sicut erat ciuitas maxime multitudinis, ita etiam dicebatur esse mater Hæresis, & caput erroris. Perreximus ergo ad illam, ut sciremus, si iuxta clamorem, qui ascendit, esset dolor eius. Et ecce inuenta est plaga eius magna nimis, ita ut à planta pedis usque ad verticem capitis vix esset in ea sanitas: verè enim tercia pars nobis nunciata non fuerat, de omnibus abominationibus suis malis, quas ciuitas illa nobilis incredulitas,

dis suæ gremio confouebat. Locum in ea sibi abominatio desolationis inuenerat, & Prophetorum similitudo reptilium in latibulis ejus domicilium obtinebat. Ibi Hæretici principabantur in populo, dominabantur in Clero, eò quòd vt populus, sic Sacerdos, & in interitum gregis ipsa configurabatur vita Pastoris. Loquebantur Hæretici, & omnes admirabantur: loquebatur Catholicus, & dicebant: Quis est hic? in stuporem, & miraculum deducentes, si esset aliquis inter eos, qui de verbo Fidei audeat aliquid vel mutire. In tantum præualuerat pestis in terra, quòd illi sibi non solum Sacerdotes, & Pontifices fecerant; sed etiam Euangelistas habebant, qui corrupta, & cancellata Evangelica veritate, noua illis Euangelia cuderent, & de corde suo nequam recentia dogmata seducto populo prædicarent.

Mentior, si non erat inter eos homo quidam ætate grandævus, rebus locuples, ornatus fratribus, & amicis, & magnus omninò inter maximos ciuitatis, quem ita peccatis exigentibus, Diabolus excæcauerat, vt se ipsum Ioannem Euangelistam diceret; & Verbum, quod erat in principio apud Deum, ab alio quodam rerum principio, tamquam à Deo altero segregaret. Hic erat in vrbe illa pereuntium Caput, & Princeps Hæreticorum: qui licet, tamquam laicus & idiota nil sciret; inter eos tamen velut quidam diabolicæ sapientiæ fons, perditionis & mortis filleos latentes emanabat. Conueniebant ad eum noctibus nocturæ tenebræ: & ille indumento quodam ad instar tunicæ dalmaticæ vestitus, cum sederet inter eos, tanquam Rex, circumstante exercitu, erat & inerat desipientium prædicator. Totam penitus urbem discipulis suis, & disciplina repleuerat: quippe cui aliquis de vrbe præ fortitudine sua resistere non audebat. In ipso quoque introitu nostro tanta erat Hæreticis vbique licentia, vt nos quoque per vicos, & plateas recto itinere præcedentes subsannarent verbo, digito demonstrarent: nos apostatas, nos hypocritas, nos Hæreticos conclamantes. Verum procedente tempore, & data nobis requiæ diebus paucis, injunctum est vni de nobis verbum exhortationis assumere, & de regula veræ Fidei coram infideli multitudine disputare. Habito autem sermone orthodoxæ prædicationis ad plebem, contreriti sunt in Sion peccatores, possedit tremor hypocritas; ita vt qui prius obstruebant ora loquentium, iam apparere coram loquentibus non auderent. Audires illicò, vel videres vulpes transfiguratas in talpas, vt quæ prius impunè in publico discurrebant, iam terrarum latebris, iam sese cellulis immergerent caueriosis, & plantaria sacra, quæ iam non audebāt in aperto commendare, intra terræ viscera corroderent, & necarent: ne autem pardus ille discolor pellis suæ varietate se proderet, sermonem sibi nequam callidis adinventionibus firmauerunt, vt ad nostræ confirmationis similitudinem simulandā, tracti ad discussionis examen, quicquid nos credimus, se credere mentirentur.

Ex illa ergo die Dominus Legatus, & nos alij, qui cum feris bestiis in aperto congregari putabamus; ad perscrutandos eos, quos timor, & confusio, tamquam ignobiles, in ima terræ detruserat, studium totum conuertimus, & labo-

rem: vt vel coacti prodirent in publicum, & abijcerent in luce opera tenebrarum. Factum est exinde præcipiente Legato, vt iuraret Episcopus, & quidam de Clero, & Consules ciuitatis, alijque ciuitatis verè Fideles, quos nondum in aliquo perfidiæ fama resperferat, quòd quoscumque vel hætenus nouerant, vel nosse eos contingeret in futuro, qui essent hujus hæresis vel complices, vel authores, eorum nobis nomina scripto depromerent, nulli penitus, vel amore, vel pretio, vel cuiuspiam necessitudinis ratione parcentes. Cumque per singulos dies innumera multitudo in catalogum illius conscriptionis incideret, nominatus est inter alios magnus ille Petrus Moranus, quem Ioannem Euangelistam, vt supra diximus, nominabant. Super quo nos omnes, communicato consilio, decreuimus ab illo inchoare iudicium, vt turba in reliquis perfida contremisceret, cum falsi Euangelistæ versutiam veri Euangelij simplicitas condemnasset. Missis ergo apparitoribus præcepit cum Comes Sancti Egidij, qui fideliter nobis aderat, accersiri. Sed ille in multitudine diuitiarum suarum, & parentum numerositate confidens, primæ citationis edictum fastuosa dilationis colludio declinauit. Altera ergo die prædictus Comes blanditijs magis, quam terroribus enitens, eundem Petrum per amicos & notos leniter aduocauit, & eum nobis tandem post difficultates plurimas veniendi, mixtis cum terror: blanditijs præsentauit. Tunc vnus, qui loquebatur à nobis, taliter eum exorsus est commonere. Eia nunc, Petre, tui te conciuēs accusant, quòd sanctæ Fidei regulis confutatis, in Arrianæ hæresis deueneris prauitatem; imò per multiplicium errorum deuia, & ducas ipse alios, & ab alijs deducaris. Ad hæc ille de profundo suspirans, & tactus dolore cordis intrinsecus, se non esse huiusmodi est prima fronte menturus; & requisitus, an hoc juramento probaret, simplici assertioni suæ tamquam fidelis viri, & illustris, credi oportere, contendit.

Cæterum, cum in exigendo iuramento vniuersi pariter instarem, promisit se continuò iuraturum, ne in hoc ipso deprehenderetur Hæreticus, si iuxta quod consuetudo illius erroris obrinuit, vitandi iuramenti existeret obstinatus. Mox igitur Sanctorum Reliquiæ honorabiliter afferuntur, cum tam solenni reuerentia & deuotione susceptæ, vt & fidelis populus compungeretur ad lacrymas, & Hæreticos, qui conuenerant, latebræ potiùs, quam talia spectacula delectarent. Ipsum verò Petrum in cantu, quem ad inuocandum Spiritus sancti præsentiam profusis lacrymis cantabamus, tremor euident, & pallor operuit; ita vt ab eo & color vultus aufugeret, & vigor animi deperiret. Quomodo enim, adueniente Spiritu Sancto, in aduersario ejus spiritus remaneret? Cernere erat hominem, quasi morbo paralytico dissolutum, nec loquelam retinuisse, nec sensum: quamuis tantæ facundiæ fuisse diceretur ab omnibus, quòd omnes in dicendo sit solitus superare. Quid plura? Iurat infelix, astantibus vniuersis, quòd de omnibus articulis fidei, quos requireremus ab eo, suæ credulitatis exprimeret veritatem. Res mira, & in tali spectaculo pia iucunditate gratissima. Apertus est liber, in quo iurauerat, & vno de circumstantibus, Re-

ligioso quodam, ioco occurrentis literarum prognosticum perquirente, illius scripturae textus occurrit. *Quid tibi, & nobis, Iesu, Fili Dei? venisti ante tempus torquere nos.* Verè, Domine Iesu, nihil tibi, & illis, quos Pater tuus cœlestis à te vite vera, tamquam infructuosos palmires, amputarat, & foras miserat, ut arescant. At nobis in tuo nomine congregatis lætitiarum multiplicatur argumentum, & in gratiarum actione, & voce laudis, virtutis tuæ gloria resonabit.

Demum Petrus in virtute Sacramenti simpliciter requisitus, ut de Sacramento Altaris suam nobis fidem sine fraude aliqua fateretur: sed quod corde non credidit ad iustitiam, nec ore confessus est ad salutem: sed contra id, quod de omnibus mentiri decreuerat, falsitatis suæ prodidit veritatem, & Panem sanctum vitæ æternæ, Sacerdotis ministerio in verbo Domini consecratum, non esse Corpus Domini, nouo dogmate contendebat asserere. Tunc surrexerunt omnes, eum quodammodo lachrymis obruentes: quas & Sacramentorum Christi contemptus elicit, & habita erga miserum compassio Christiana produxit. Nec plura dant Comiti responsa. Reus, & Hæreticus iudicatus est: statimque sub diligenti pollicitatione parentum custodiæ publicæ mancipatur. Volat facti rumor per vicos & plateas amplissimæ ciuitatis: aperiuntur ora fidelium, & Catholica plebis labia in tua, Christe, præconia resolvuntur; velut tunc primum in eadem urbe Fidei splendor erumperet, & in spem salutis æternæ desperata dudum ciuitas respiraret. Ex tunc ergo, & deinceps verbum Dei crescebat, & multiplicabatur in dies: ita ut vniuersa urbis facies lætior videretur, quæ in candorem lucidæ veritatis de tenebris euadebat erroris.

Interea Petrus ad se reuersus, & Domino respiciente compunctus, cum se dignum penitus tam præsentis morte cerneret, quam futura, missis mediatoribus multis satisfactionis querit aditum, & conuersionis pollicetur effectum: ut posset in frugem melioris vitæ ab imminenti mortis interitu liberari. Venit, recipitur, & in conspectu sistitur populi contristantis, nudo quidem corpore veteris perfidiæ exuens prauitatem. Ibi se coram omnibus Hæreticum recognouit: ibi dedit manus Fidei: ibi renunciauit errori, præstito coram omnibus manu dexteræ iuramento, & datis fidei iussoribus, tam Comiti ipsi, quam militibus, & præcipuis concubus suis, quod ad omne mandatum Domini Legati se subderet, & iussionem eius in omnibus adimpleret. Tunc indictum est populo, ut omnes pariter ad Ecclesiam Sancti Saturnini die altera conuenirent; audituri, & visuri solemniter, quam pœnitentiæ formam Petrus ille susceperet obseruandam.

Omnes igitur sequenti die, ut fuerant prænominati, conuenerunt; tanta utrique multitudo, tam frequens, ut vix remaneret secus ipsa Altaris conuicia locus vacuus, qui Domino Legato Missæ solennia celebranti sine compressione nimia præberetur. Et ecce coram illa multitudine multa nimis Petrus ille jam noster per ipsas Ecclesiæ valuas nudus, & discalceatus adducitur, cædentibus hinc inde eum Episcopo Tolosano, & Abbate Sancti Saturnini, donec ad pedes Legati in ipsis Altaris gradibus poneretur; & ibi in facie Ecclesiæ Ecclesiasticis re-

conciliatus est Sacramentis, abjurata omni hæresi, & Hæreticis anathematizatis ab eo. Mox autem possessionibus eius publicatis vniuersaliter, & proscriptis, pœnitentia illi talis injungitur, ut infra quadraginta dies à patria sua exulaturus abscederet, in seruitio pauperum Ierosolymis triennio moraturus. Interim verò singulis diebus Dominicis Ecclesias Tolosanæ urbis nudus, & discalceatus cum disciplinalibus virgis iussus est circuire: Ecclesiarum bona, quæ abstulerat, reddere; vsuras omnes, quas acceperat, restituere; damna pauperum, quos afflixerat, resarcire; & castrum quoddam suum quod Hæreticorum conuenticulis profanarat, ab ipsis fundamentis euertere. Deus bone! quot ibi lachrymas lætitiæ sancta profudit! quas gratiarum actiones, & laudes populus jubilans, & deuotus cœlestibus choris ingessit, cum de cauernis perfidiæ talpa talis educitur, & in Israëliticam ouem lupo rapacissimus reformatur?

Post hæc, illo dimisso, Dominus Legatus ad alios manus misit, excommunicaturus utique illos, quos in magno numero, vel suspicio publica, vel occasio priuata notauerat. Nos autem vix tandem cum lacrymis exorta lætitiæ: reuertendi, pro eo, quod instantia Capituli nostris iam reditus exigebat, petita licentia, sub ea nobis est exceptio concessa; ut Albiensem Diœcesim intraremus, commonituri Principem terræ, Rogerium videlicet de Beders, ut & Albiensem Episcopum, qui in sub custodia Hæreticorum in vinculis tenebat, absolueret: & vniuersam terram suam iuxta præceptum Domini Legati, eliminatis Hæreticis, emendaret. Ingradientibus ergo nobis cum supradicto Barthoniensi Episcopo illam perditissimam regionem, quæ, velut totius sentina malitiæ, totam in se colluionem hæresis illuc defluentis excepit, prædictus Rogerius in ultimos, & inaccessibiles terræ suæ fines abscessit, tam mala conscientia profugus, quam causæ suæ merito desperatus. Oderat enim lucem veritatis author malitiæ, nec sustinere poterat nosti: & collocationis accessum, qui totus recesserat in opera tenebrarum. Peruenimus tamen ad quoddam munitissimum castrum eius, quod propriè, ac singulariter Castrum nomine incolæ nuncupabant. Ibi habitabat vxor illius cum militia magna, & familia multa nimis. Omnes ferè habitatores ejusdem Castrum, vel Hæretici, vel Hæreticorum complices erant: licet sola Domini virtute repressi, nihil contra Fidem, quam prædicabamus, præsumerent vel mutire. Quâuis enim essemus in manus eorum positi, & velut in quasdam potentiæ suæ compedes hæretica vndique multitudine circumuenti; verbum tamen Domini non erat alligatum, quin eos continuis inuentionibus, & increpationibus feriremus.

Cumque videremus, quod nihil omnino præsumerent respondere, iudicauimus prædictum Rogerium proditorem, Hæreticum, & de violata Episcopi securitate perjurum, cum tamquam publica excommunicatione damnatum ex parte Domini Papæ, & prædictorum Regum, in præsentia conjugis, militumque suorum in nomine Christi confidenter dissidentes. Ecce amodò satis apparet, quam grande & euidentium ostium patet Principibus Christianis, ut Chri-

si viciscantur injurias, ponantque desertum quasi hortum Domini, & solitudinem eius in delicias Paradisi. Ne autem vel parum, vel nihil fieri contra illos posse causentur, sciant omnes, generalem fuisse in vrbe Tolosana sententiam, quod si ista visitatio fuisset adhuc triennio retardata, vix inueniretur in ea, qui nomen Christi amplius inuocaret. Super hæc autem omnia, prædictus Comes Sancti Egidij coram populo ciuitatis præstiro iuramento firmavit, quod amodò nec prece, nec pretio fauebit Hæreticis.

HACTENVS Declamatio Henrici, tunc Clarevalis Abbatis, historica; cui ad pleniorẽ historia notitiam, ex literis Petri Cardinalis & Legati Sanctæ Sedis, quas referunt Baronius, & alij, quæ sequuntur, addere visum fuit.

Nos ita quæ indulgentiam eis concessam, (quamvis à præfato Comite Tolosano, & alijs nobilibus viris, sicut diximus, jam exierat editum, ut de terris eorum deberent expelli,) ratam habentes: eodem Pistaviensi Episcopo, & prædicto Comite Tolosano, & alijs Clericis, laicis quasi trecentis, in Ecclesia Beati Stephani nobiscum pariter congregatis, illis injunximus, ut fidem suam nobis exponerent; & ad Catholicæ Fidei veritatem redeuntes, infamiã, quam & tota terra, & ipsi per damnabilem prædicationem incurrerant, per salutiferam confessionem veræ Fidei remouerent. Ipsi verò inter alia verba, quæ hinc inde processerunt, chartam quandam, in qua fidei suæ articulos conscripserant, in medium protulerunt: & eam, sicut prolixius scripta fuerat, perlegerunt. In qua cum verba quædam deprehendissemus, quæ & suspecta videbantur existere, & nisi plenius exponerentur, hætesim, quam prædicauerant, possent velare; quæsiuimus, ut Latinis verbis respondentes, suam Fidem defenderent: tum, quia lingua eorum non erat nobis satis nota; tum quia Euangelia, & Epistolæ quibus tantummodo fidem suam confirmare volebant, Latino eloquio noscuntur esse scripta. Cumque id facere non auderent, utque qui linguam Latinam penitus ignorabant, sicut in verbis vnus illorum apparuit, qui cum Latine vellet loqui, vix duo verba jungere potuit, & omnino defecit; necesse fuit, nos illis condescendere, & de Ecclesiasticis Sacramentis propter imperitiã illorum, quamvis satis esset absurdum, vulgarem habere sermonem.

Illi ergo duo esse principia denegantes, publice coram nobis, & prædictis viris confessi sunt, & firmiter asseruerunt, quod vnus Deus Altissimus omnia visibilia, & inuisibilia condidisset: quod etiam Scripturis, sicut verum est, Euangelicis, atque Apostolicis comprobabant. Confessi sunt etiam, quod Sacerdos noster, bonus siue malus, iustus vel iniustus, & talis etiam, quem adulterum, vel aliàs criminisum indubitanter esse scirent, Corpus & Sanguinem Christi posset conficere: & per ministerium huiusmodi Sacerdotis, & virtutem diuinorum verborum, quæ à Domino prolata sunt, panis & vinum in Corpus, & Sanguinem Christi verè transubstantiantur. Asserunt quoque, quod parvuli vel adulti, nostro Baptismate baptizati, saluantur; & nullus sine eodem

Baptismo potest salvari: omnino inficientes, se aliud Baptisma, aut manus impositionem, sicut eis imponebatur, habere. Affirmauerunt nihilominus, quod & vir & mulier matrimonio copulati, si aliud peccatum non impediatur, licet carnaliter alter alteri debitum reddat, propter bonum matrimonij excusati saluantur, & propter hoc nunquam damnantur. Archiepiscopos præterea, & Episcopos, Presbyteros, Monachos, Canonicos, & Eremitas, Templarios, & Hospitalarios affirmauerunt esse salvandos. Dignam quoque, & iustum esse dicebant, ut Ecclesias in honore Dei atque Sanctorum fundatas, cum summa deuotione visitantes adirent, & Sacerdotibus, & alijs earum Ministris, honorem & reuerentiam exhibentes, primitias, & decimas eis deberent solvere, & de omnibus Parochialibus deuotè, & fideliter respondere. Eleemosynas etiam, tam Ecclesijs, quam pauperibus, necnon & omni petenti esse tribuendas, inter cætera laudabiliter assererent. Hæc omnia licet prius dicerentur negasse, iuxta nostrum sanum intellectum se intelligere, assererant.

Postquam autem ita à nobis examinati fuerant, & ea, quæ diximus, spontanea voluntate confessi sunt, Ecclesiam Beati Jacobi intrauimus, vbi nobiscum innumera populi multitudo, quæ se quasi ad spectandum præparabat, conuenit: & confessionem fidei eorum, quæ in prædicta chartula conscripta fuerant, vulgari sermone audiuit. Porro, cum à nobis, & omni populo, qui ibidem conuenerat, in omni patientia, & sine tumultu aliquo fuissent auditi, & ipsi sponte finem dicendi fecissent; quia expositio suæ fidei satis laudabilis, & Catholica videbatur; iterum ab eis, audiente vniuerso populo, quæsiuimus, si corde crederent, quod ore fuerant confessi: & si aliquando in contrarium, sicut eis sæpius impositum fuerat, prædicassent. Illis verò respondentibus, se ita credere; & nihilominus negantibus, se vnamquam aliter prædicasse; nobilis vir Comes Tolosanus, & multi alij Clerici, & laici, qui eos audierant aliter prædicantes, vehementi admiratione commoti, & Christianæ Fidei zelo succensî surrexerunt, & eos planè in caput suum mentitos fuisse, manifestius conuicerunt. Quidam enim constanter proposuerunt, se à quibusdam illorum audisse, quod duo Dij existerent, alter bonus, & alter malus: bonus, qui inuisibilia tantum, & ea, quæ mutari, aut corrumpi non possunt, fecisset; malus, qui cælum, terram, hominem, & alia visibilia condidisset. Alij affirmauerunt, se in illorum prædicatione audisse, Corpus Christi non confici per ministerium Sacerdotis indigni, aut aliquibus criminibus irretiti. Multi similiter testati sunt, eos prorsus negantes audisse, virum cum vxore saluari, si alter alteri debitum reddat. Alij in faciem illis firmiter opponebant, quod ab ipsis audissent, Baptismum parvulis non prodesse: & alias quamplures contra Deum, & Sanctam Ecclesiam, & Catholicam Fidem blasphemias protulisse; quas pro abominabili earum enormitate tacere maluimus, quam referre.

Quidquid autem illi in sua superiori confessione, quæ satis videbatur sufficere ad salutem, si ita corde crederent ad iustitiam, & in

corde, & corde dixerint, sicut homines tortæ mentis, & intentionis obliquæ; tandem hæresim noluerunt relinquere, vbi crassum, & sopitum intellectum eorum alicujus authoritatis superficie videbatur juuare, occasione verbi illius, quod Dominus in Evangelio dixisse legitur: *Nolite omnino jurare: & sit sermo vester, est, est; non, non*: Dicentes se non debere jurare, cum ipse Dominus sæpè jurasse legatur, sicut scriptum est. *Iuravit Dominus, &c.* Et alibi: *Per memetipsum iuravi, dicit Dominus.* & Apostolus: *Omnis controuersia finis est iuramentum.* Et multa in hunc modum in diuinis Scripturis legentibus sese offerunt, & occurrunt, quibus propter illorum infirmitatem, quibus aliquid suademus, jurare permittimur. Cæterum ipsi, tamquam viri idiotæ, non intelligentes Scripturas, in laqueum, quem absconderant, ceciderunt. Quia cum prius iuramentum, tamquam rem execrabilem, & à Domino prohibitam, abhorrerent, in ipsa confessionis suæ charta jurasse conuicti sunt, cum dixerint: In veritate, quæ Deus est, ita credimus, & dicimus, quodd hæc est fides nostra: nescientes, quodd veritatem, & verbum Dei in testimoniū veræ assertionis adducere, proculdubio sit jurare, sicut de Apostolo legimus, cum dixit:

Hoc enim vobis dicimus in verbo Dei. Et alibi: *1. Thessa. 4. Testis est mihi Deus*: Et alia similia comprobant, quæ ab illis, qui diuinas Scripturas intelligunt, & legerunt, possunt facilius inueniri.

Cum autem à multis, & sufficientibus testibus fuissent conuicti, & adhuc multi se ad ferendum contra eos testimonium prepararent: quia Ecclesia consuevit redeuntibus misericordiæ gremium non negare, eos diligentius monuimus, vt omni hæretica prauitate deposita, ad Fidei vnitatem redirent: & quia à Domino Papa, & Venerabilibus Fratribus nostris Bituricensi, & Narbonensi Archiepiscopis, & à Tolosano Episcopo, & à nobis ipsis propter perversam prædicationem, & sectam excommunicati fuerant; ad nos iuxta formam Ecclesiæ reconciliandi venirent. Quod cum illi in arcum prauum conuersi, & mente perdita indurati facere recusarent; nos in conspectu totius populi, qui jugiter acclamabat, & in eos multa immanitate fremebat, eos iterum accensis candelis, vnà cum prædicto Pictaviensi Episcopo, & alijs Religiosis viris, qui nobis in omnibus astiterunt, excommunicatos annunciauimus, & ipsos cum suo authore Diabolo condemnauimus.

*De Hæresi Albigenſium qui plura ſcire volet, legat Petri Vallium Cernaij
Monachi hiftoriam ea de re conſcriptam; quam, Deo iuuante,
poſt aliquot menſes edituri ſumus.*



SERMONES



SERMONES D. GARNERII CLARAEVALLIS

QVONDAM ABBATIS POSTEA LINGONENSIS EPISCOPI
IN FESTA DOMINI ET SANCTORVM.

IN Catalogo Abbatum Claranallensium de hoc Authore verba ista habentur. *Nonnus Claranallis Abbas Garnerius ex Abbato Alba ripa, abbatizauit hic nouem annis, postea factus est Episcopus Lingonensis. Quanti hunc fecerint orbis Principes, ex Epistola Richardi Angliæ Regis in Palaestina recuperanda terra sancta gratia agentis, quam Baronius, & ex eo Angelus noster anno 1191. refert, euidentis erit. Huius inscriptio est. Richardus Dei gratia Rex Angliæ, Dux Northmanniæ & Aquitanix, & Comes Andegauix, viro Venerabili, & amico in Christo carissimo, Abbati de Clara-valle, salutem, & continuæ felicitatis successum. In ea Epistola hac inter cetera honoris & reuerentia plena leguntur. Vestræ sanctitatis genibus prouoluti, & profusis lachrymis preces affectuosas porrigimus; rogantes attentius, quatenus, sicut officio vestro congruit & honori, Principes & viros Nobiles per vniuersum Christianismum constitutos, aliumque populum Dei ad seruiendum Deo viuenti inducere, & ad hoc prouocare satagatis... Ideo sanctitati vestræ super negotio Christianitatis literas nostras tam maturè dirigimus, ne fortè torporis arguamur, & negligentia, si tantum & tam sanctum virum, Garnerium, quem alloquitur, intelligit, super instantibus Christianitatis negotijs aliquomodo prætermiserimus præmunire. Vos igitur, sicut nos, & alium populum Dei ad seruiendum Deo, ad restituendam hereditatem suam sibi, ante itineris acceptionem animastis; ita & nunc plurimus instat articulus, vt populum Dei ad hoc idem faciendum fortiùs exciteris. Quanta reuerentia sunt verba ista, vestræ sanctitatis genibus prouoluti? Nonne videretur Rex Summum Pontificem alloqui, non monachum & Abbatem, nisi inscriptio epistola nos ab errore illo reuocaret? Certè Christianum populum & Principes ex officio commovere, Pontificis Romani est, quod tamen Garnerio nostro à Rege tribuitur. Verùm quem Claranallis Abbatem sic venerabantur Reges & Principes, eundem postea Capitulum Ecclesia Lingonensis in suum Episcopum assumptum resperxit infamia, & prodigientia macula notatum imparem ministerio proclamauit, eoque à Metropolitano deponendum. Liberalitatem ejus in pauperes inhonesto prodigalitatis nomine tegere conati sunt ejus inimici. Sed vir Sanctus suspectum fortè habens Lugdunensem Presulem, ad quem delatus erat, Summum Pontificem Innocentium III. appellauit; qui cum partibus diem prafixisset, non comparuit tamen Garnerius, ne aduersarios suos, vt credere par est, rubore perfunderet, suam innocentiam probando: sed in Palaistinam profectus est; vt bellum sacrum, ad quod alios hortatus fuerat, sua presentia promoueret. Deus autem ei defensorem, licet absenti, suscitauit, Archidiaconum sua Lingonensis Ecclesia, cujus opera ille absolutus est, & sua Diocesi restitutus. Huius Sermones elegantes exhibemus, quos nobis Bibliotheca Clara-vallis & Vallis-Clara suppeditarunt.*

SERMO PRIMVS.

IN ADVENTV DOMINI.

Præf. 8.

DOMINVS creauit me in initio viarum suarum. Carissimi, filij Dei sumus; sed nondum apparuit quid erimus. Nam quando euacuabitur quod ex parte est, & aduenerit quod perfectum est, eruetur oculus scandalizans; & similes ei facti cognoscemus, sicut & cogniti sumus: quia vno eum amoris oculo intuebimur claritate solis septemplex clarior; qui cœcutire non poterit, quia non offuscabit eum vel peccati macula, vel sordidæ voluptatis albugo. Nunc interim quamdiu nubes carnis & superuenientium fletus amaritudinum non solum exteriores, sed interiores obnubilant oculos rationis, necesse est per spe-

culum in ænigmate contemplari, facientes ei murenulas aureas vermiculatas argento; id est sapientiæ similitudines distinctas eloquio. Ad hoc enim Deus Pater sapientiam suam, id est vnigenitum filium suum creauit initium viarum suarum, & in opera sua à sæculo, vt errantibus via esset, & dux euntium, festinantium cursus, ignorantium securitas, & quædam necessitarum & desideratarum rerum magistra. Ergo in viarum initium à sæculo creata dicitur: cum Dei filius creatus in sæculo, sed ante sæcula natus ex Deo per conspicabilem speciem subditus creaturæ habitum creationis assumpsit. Nam huius dispensationis mysterium & creationis sacramentum ab initio sæculi & viarum

Dei habitu variæ creationis apparuit, ad cognitionem scilicet Dei, & nostræ æternitatis profectum. In omnibus siquidem vel ab æternitate prolatis, vel ad æternitatem relatis, quæcumque gesta sunt, vel huius creationis dispensationem prætendunt, vel ipsa sunt ipsa creatio. Factum quippe creaturam eum, per quam facta est omnis creatura, iustum est habere testem omnem suæ creationis creaturam. Initio igitur viarum Dei, id est initio viarum, quibus ad Deum reditur, manifestavit Deus creationis, vel, ut expressius dicam, Incarnationis mysterium: & hoc à sæculo, id est ab initio sæculi: quia redeundi ad Deum nulla aptior via inuentu est, quàm creatoris creatio, id est Incarnatio Saluatoris. Vnde de hac creatione dicit Apostolus. *Cum venit plenitudo temporis, misit Deus filium suum in terris, factum ex muliere, factum sub lege.* Et expressius alibi. *Induite nouum hominem*, id est Christum, *qui secundum Deum creatus est in iustitia & sanctitate veritatis.* Hoc igitur pro salute massæ perditæ ab initio sæculi cœpit Deus mysteriū aperire: sicut in voce deambulantis in paradiso, in Angelo qui locutus est ad Agar, in viro qui venit ad Abraham, in igne, qui Moyse in rubo apparuit. Non quod vox illa vel Angelus, vel homo, vel ignis Deus esset: sed ad hoc in creaturis apparebat, ut cum eum in assumpta creatura humana apparuisse audires, non alium eum esse crederes, quàm eum, qui antè assumptum hominem, etiam in alijs creaturis hominibus apparuisset: & quando viciniùs accedebat plenitudo temporis, tantò perfectior, & ut ita dicam, rotundior eminebat corona anni huius benignitatis. Et quoniam qui est, ipse idem idipsum est, nec demutatur per tempora, quia æternus est; nec falli potest, quia sapientia est; sed de futuris certus ut de præteritis, præteritum dixit pro futuro, quia futurum habet pro præterito. Vnde illud. *Foderunt manus meas & pedes meas.* Et alibi. *Hic est agnus, qui occisus est ab origine mundi.* Idem ergo creatus, qui occisus. Sicut ergo occisus, id est occidendus agnus prænuntiatus est ab origine mundi; sic creata, id est creanda prædicata est sapientia in initio viarum Dei. Et sicut mysterium occisionis agni præfiguratum fuit in morte Abel iusti, ita sacramentum creationis non solum in ipso Abel, sed & in alijs Patriarchis & Prophetis, in quibus dolare bene complacuit, signatum est. Ab initio igitur viarum Dei, id est à sæculo & origine mundi curramus per tempora & quæ tunc ad nostræ salutis profectum & augmentum fidei fuerunt præsignata, tandem promissa in fine reddita mysteria requiramus. Descendit Adam de Eden in agrum Damascenum: egressus est Abel in agrum, ubi occidit eum frater suus: ingressus est Noë in arcam; descendit Abraham in Ægyptum, Isaac in agrum ad meditandum: Iacob in Mesopotamiā ad filias Laban. Moyses ingressus est fiscellam scirpeam: Samson descendit in Thamnatha propter Dalilam: Dauid mutat faciem suam coram Achis; Elias in Sarephtha descendit ad viduam: Elisæus intrat cœnaculum Sunamitis: Tobias descendit in Rages ciuitatem Mædorum: Ezechiel in agrū plenum ossibus mortuorum: induitur Ioseph talari tunica: Salomonem induit diademate

mater sua: Ionas absconditur subhedera: venit Amos sicomoros vellicare: missus est Ieremias ædificare & plantare: armatur miles ad singulare certamen: aperit cœlestis magister librum signatum signaculis septem: reportare, venit pastor bonus orem perditam super humeros ad gregem: abscondere venit cœlestis agricola frumenti granum in terra: securim ad radicem arboris apponit sapiens architectus: ferrum obstinationis humanæ in camino miræ dilectionis venit emollire fabri filius: angulari lapide quem reprobauerunt ædificantes vtrumque coniunxit parietem ædicator nouus: vestem nuptialem nobis texuit textor mirabilis, quàm inter duo ligna compleuit: tunicam pelliceam cœlestis & nouus Adam nouam consuit & cœlestem: calceamentum, cuius corrigiam soluere indignus fuit Ioannes, venit calceata maiestas in Idumæam extendere. Suscipiunt ostiarij clauem, quæ aperit & nemo claudit; claudit, & nemo aperit: venit domum Dei nouus Exorcista scopis mundare, & super energumenos imperare: recipiunt lectores Ecclesiæ librum vitæ: cereum nouum Acolithi; vas mundum, & ad nostrum sacrificium præparatum sub diaconi; tabernaculum ad portandū, & ad prædicationis officium, verbum Dei Diaconi; Sacerdotes de manu summi Pontificis holocaustum. Gaudeant igitur homines, quia Deus homo factus est. Gaudeant virgines, quia virgo Deum peperit. Gaudeant viduæ, quia Anna vidua cognouit. Gaudeant senes: quia Simeon suscepit. Gaudeant pueri; quia puer natus est nobis, & Verbum infans factum habitauit in nobis. Gaudeant nobiles Ecclesiæ: quia nobilis in portis vir eius, sedens cum senatoribus terræ. Gaudeant serui: quia Dei filius cum in forma Dei esset, serui formam suscipiens semetipsum exinaniuit. Gaudeant peccatores: quia ille qui peccatum non nouerat, nec inuentus est dolus in ore ejus pro peccatoribus factus est hostia pro peccato, ut omnium peccata deleteret. Gaudeant iusti: quia iustus Dominus, & iustitias diligens in virtute mortis suæ iudicium bonum iudicans iustè iudicando redemit. Gaudeant viui: quia vita cœlesti viuēt, & non morientur. Gaudeant mortui: quia mori pro mortuis venit vita immortalis. Gaudeat omnis creatura: quia creator omnium, ut omnia esset in omnibus, creatura factus est. Videtis, quomodo sapientia Dei ludit in rerum dignitatibus, in ætatibus, in officijs, in exercitijs, in omni conditione & professione. Sic totum mundum sibi obligat debitorem: sic omnes prouocat ad laudem, ad gratiarum actionem, ad deuotionem. Et quamuis ad fidei robur, quæ in rationabilibus sacramenta sunt, sufficere debuissent: tamen ut fidei forma & religio, in libertatis suæ * possessio subsistat, inter irrationabilia quæramus professionem huius pietatis arcana; incipientes à quatuor ne. elementis, & inuestigantes creationem sapientiæ Dei, id est Incarnationem Filij ab initio viarum Dei. Primò enim fecit Deus quatuor elementa, terram, aquam, aëra, ignem; ut cum in istis inuenerimus sacramentum, etiam circa eorum ornatum hæc eadem contemplemur. Dicit ergo Psalmista. *Etenim Dominus dabit benignitatem, & terra nostra dabit fructum suum.* Hæc est corona anni benignitatis: quod terra nostra,

Galat. 4.

Coloss. 3.

Cur scriptura præteritū ponat pro futura.

Psalm. 21.

Apocal. 13.

Figura Incarnationis Christi.

* Alias professione subsistat, inter irrationabilia quæramus professionem huius pietatis arcana; incipientes à quatuor ne.

Psalm. 84.

nostra, id est nostri generis, & humanæ terra naturæ, dedit & protulit granum frumenti, de quo legitur in Evangelio. *Nisi granum frumenti cadens in terram mortuum fuerit, ipsum solum manet.* Super quo Augustinus. *Se autem dicebat. Ipse erat granum.* Hoc ergo granum absconditum in terra, id est in terreno Virginis utero, terra dedit, id est protulit ipsa Virgo. Hinc est, quod cum Iudæi mulierem in adulterio deprehensam adduxissent, legis ei duritiam proponentes dicebant, quod Moyses huiusmodi lapidari præcepit. Iesus autem digito scribebat in terra. Quid est scribere, nisi verbū intrinsecum & inuisibile visibile fieri per scripturam? Inuisibile erat verbum vitæ; sed visibile factum est per characterē formæ seruilis. Scripsit autem digito, id est Spiritu sancto, demonstrans, quia cooperante Spiritu sancto impletum est huiusmodi sacramentum. Spiritus enim sanctus terram, id est Virginem obumbravit; & per assumptionem seruilis characteris verbum vitæ visibile fecit. O quam digna peccatricis liberatio, quam indigna inimicorum confusio! Aliter enim mulier liberari non posset. Quid tamen scripsit? *Terra, terra, terra, iudica hos viros abdicatos.* In forma Dei æqualis erat Patri; sed formam serui accipiens, factus est ei obediens. Vnde exaltauit eum, id est, hominem assumptum; ut in nomine ejus omne genu flectatur, cælestium, terrestrium, & infernorum. Cælestium, inquit, id est eorum, qui sunt in terra viuentium: terrestrium, id est eorum qui sunt in terra lugentium: infernorum, id est eorum qui sunt in terra morientium. Ergo *terra, terra, terra, iudica hos viros abdicatos*: quia cum terra viuentium, lugentium, morientium, id est, cælestium, terrestrium & infernorum, genu flectat, & adoret scabellum pedum ejus, id est Incarnationem ejus; ipsi soli, qui magis tenebantur credere, scandalizati sunt. Huic etiam alludit sacramento, quod Dominus luto liniuit oculos cæci nati. Nam sicut sputum & pulvis unū lutum; sic Deus & homo vnus Christus. Ex hac igitur commixtione illuminatus cæcus natus; quia salua capitis, id est sapientia Patris nostro mixta pulveri, id est nostræ vnita humanitati, genus humanum originali peccato cæcatum fide illuminauit, baptismo lauit, confessione mundauit. Sequitur de secundo elemento, id est de aqua. Dicit ergo Psalmista. *Descendet sicut pluuia in vellus.* Quæ sit autem hæc pluuia, aperit liber sapientiæ, ubi ait. *Aqua sapientiæ salutaris potabit eum.* Ergo aqua sapientiæ Patris est Filius; quia & ipse est sapientia Patris. Vnde orat Isaïas. *Rorate celi desuper, & nubes pluant iustum.* Descendit ergo hæc pluuia in vellus ouis. Cujus ouis? Matris agni, & illius inquam agni, de quo ait Isaïas. *Emitte agnum Domine dominatorem terra.* Et Ioannes. *Ecce agnus Dei.* Ad hoc etiam sacramentum accedit, quod cum steriles essent aquæ Iericho, sal apposuit Elisæus. Sed quoniam scriptū est, *Aqua multa populi multi*, per aquas Iericho designatur defectus humani: sed cum humanis defectibus sal sapientiæ salutaris miscuit Elisæus, id est Christus, ex voluntate Dei Patris Dei Filius tanquam sapientia salutaris suscepit, quos debuit, humanos defectus: sanata est aquarum sterilitas, id est inutilitas populorum.

Huic etiam sacramento accedit illud, quod cum antiqui Patres tutassent ignem in puteo, nepotes eorum eruderantes puteum, & ignem quærentes, inuenerunt aquam crassam. Qui fuerunt Patres isti? Patriarchæ & Prophetæ antiqui. Isti absconderunt ignem, id est lumen fidei, in puteo, id est in obscura Scripturarum profunditate. Quem ignem, id est, quod fidei lumen, nepotes eorum, id est Apostoli, quærentes, inuenerunt aquam crassam, id est, in puteo Scripturarum Christum in figuris absconditum inuenerunt. Qui aqua propter susceptos defectus, & crassa propter charitatis pinguedinem, qua sola defectus illos suscepit, vocatur. Ex qua aqua tantus ignis accensus est, ut illa solemnitas festum luminum vocaretur. Aduentus siquidem Christi ita totum mundū fide illuminauit, quod ejus festiuitas festum luminum jure debeat nuncupari. Vnde ipse ait. *Ego sum lux mundi.* Item. *Populus qui ambulabat in tenebris, vidit lucem magnam.* Sequitur de tertio elemento, id est de aëre. Legitur ergo, quod post peccatum Adæ deambulabat Dominus ad auram post meridiem, id est frigescente charitate & luce declinante appropinquantibus tenebris, Dei deambulantis vocem audierunt Adam & Heua; quod non nisi per creaturam factum est; quia substantia inuisibilis & vbique tota, quæ est Patris & Filij & Spiritus sancti, corporalibus sensibus locali & temporali motu apparuisse credenda non est. Sed in illa quæ tunc audita est creatura, mysterium futuræ dispensationis ostendebat. Deambulabat enim non solum præuidencia vel præscientia, sed prædestinatione & pia voluntate, cui nihil resistere potest: quia sicut ait Gregorius, aliquid velle, mente ire est. *Ad auram*, Quæ verò sit hæc aura, ad quam pia voluntate ambulabat, ostendit Elias: qui cum de ostio tabernaculi sui vidisset spiritum subvertentem montes, & conterentem petras, & post spiritū commotionem, & post commotionem ignem, nec in his Dominus apparuisset; tandem sibilus auræ tenuis apparuit, & ibi Dominū agnouit. Et bene, quia nihil expressius de Deo dici potuit. Sibilus enim dicitur, ut mitis, ut suavis, & multæ misericordiæ comprobetur. Et quoniam misericordia ejus super omnia opera ejus, ut mulcebris ejus suauitas annotetur, primò ponitur sibilus, quo misericorditer inspirat ab bene agendum. Vnde in Isaïa, *Sibilabit Dominus musca*, quia immundo inspirat peccatori, ut veniat ad eum. Vnde & sibili diuinæ sunt admonitiones, sicut in Iudicum, *ut audiat sibilos gregum*, id est, ut mente suscipiat admonitiones iustorum. Aura verò dicitur, propter naturam ejus inuisibilem, & nullo pondere corruptionis grauata. Tenuis verò, quia subtilis & incomprehensibilis, & insensibilis est natura. Primò siquidem viderat Spiritum subvertentem montes, & conterentem petras: sed hujus spiritus duritiam & rigorem tollit sibilus. Secundò vidit commotionem; sed hanc commotionem grauem & visibilem remouet aura. Tertio vidit ignem, sed hunc consumptivum & sensibilem ignem tollit tenuitas. Deambulabat verò Deus ad auram, id est, ad sibilum auræ tenuis, ut misericordiæ suæ voluntatem ostenderet in subiecta creatura: quia qui jam damnandum vocabatur; damnatum, per

2. Mach. 1.

Ioan. 8.

Isai. 9.

Genes. 3.

3. Reg. 19.

Christus per auram & sibilum significatus est.

Isai. 7.

Iudic. 5.

humanam creaturam assumptam, & subiectam in initio viarum suarum, reuocari disponebat. Vel ad hoc deambulabat ad auram, ut quia serpentis sibilus cupiditatis ardore utriusque parentis cor inflammauerat, sibilu auræ tenuis post meridiem refrigeraret; ut eadem hora restitueretur homo, qua de paradiso eiectus est, id est, post meridiem, videlicet hora nona, qua spiritum tradidit, & ait. *Consummatum est*. Et hoc est, *deambulabat ad aurā*, id est disponebat, & quasi mente tractabat, euocare, & in refrigerium educere mentes sibilu serpentis accensas. Sequitur nunc de quarto elemento, id est de igne. Legitur. *Deus noster ignis consumens est*. Siue consumens, siue consummans dicatur, utriusque verum est. Ignis enim consumens est, & decoquens ad purum scoriā nostram, & exsiccans fæces. Ignis etiam est consummans & consolidans virtutes. Hic igitur ignis Moyse in rubo apparuit: vidit enim quoddam rubus & ardebat, & non comburebatur. Quid in hoc, nisi huius nostræ salutis sacramentū accipitur? Ignis in rubo, Deus in carne figuratur; & hoc fuit primum liberationis Israeliticæ signum; quia initium viarum Dei, ut dictum est, fuit Incarnationis mysterium. Nunc inter ornatus elementorum huius dispensationis arcana requiramus. Ornatur igitur terra, vel eis quæ sunt & vivunt & sentiunt; sicut sunt animalia, vermes, serpentes: vel illis, quæ sunt & viuunt, & non sentiunt; ut vites, arbores, & flores: vel illis, quæ quidem sunt, sed nec viuunt, nec sentiunt; ut lapides. Quid igitur in agno, nisi Christus? *Ecce*, inquit Ioannes; *Agnus Dei*. Quid in vitulo saginato, qui pro filio prodigo occisus est, nisi Christus? Quid in leone, nisi Christus accipitur? Sed alia causa agnus, alia vitulus, alia leo nominatur. Agnus natiuitate, vitulus passione, leo resurrectione predicatur. Vnde in Apocalypsi. *Vicit Leo de tribu Iuda*. Sic etiam tenerimus ligni vermiculus dicitur. Vnde. *Ego autem sum vermis, & non homo*. Num sicut vermis sine semine de terra vel ligno nascitur: ita Dei filius sine semine de terra virgine nasci dignatus est. Propter hoc etiam serpenti comparatur, quia mortali carne indutus est. Vnde in Euangelio. *Sicut Moyses exaltauit serpentem in deserto; ita exaltari oportet filium hominis*. Nam serpens in veste, Christus in cruce. Mordebantur homines à serpentibus in deserto, intuebantur serpentem in veste, ita morsibus sanabantur. Nunc in rebus quæ sunt, viuunt, & non sentiunt, sacramenta queramus. Dicit ergo Psalmista. *Eterit tamquam lignum, quod plantatum est secus decursus aquarum*. Quod de Christo dictum esse, ipse Christus in alio Psalmo testatur, ubi ait. *In capite libri scriptum est de me*. Lignum ergo fuit plantatum in terra, hoc est in utero Virginis absconditum: secus decursus aquarum, id est iuxta mortalitatem populorum. Qui etiam viti se comparat, ubi ait. *Ego sum vitis vera*. Sed & flori. Vnde. *Ego flos campi, & lilium conuallium*. Et iterum Isaias. *Egredietur virga de radice Iesse, & flos de radice eius ascendet*. Virga enim, id est Virgo nata de Iesse, Christum protulit tamquam florem. Vnde & in typum huius mysterij virga Aaron repente floruit: nam de utroque genere, Sacerdotali & Regali, dignatus est nasci. Propter hoc & in utroque genere mysterium de-

claratur. Ipse flos est, cuius odore mortui reuiuiscunt. Vnde Apostolus. *Christi bonus odor* 2. Cor. 2. *sumus Deo in omni loco*. Propter quod & Nazarenus, id est floridus vocatus est. Hinc est, quoddam ait sponsa. *Dilectus meus candidus & rubicundus*: quia floribus eius nec rosa passionis, nec lilium defuit virginitatis. Sequitur de ijs quæ sunt, sed nec viuunt, nec sentiunt. Dicit ergo Apostolus. *Petra autem erat Christus*: & bene ipse est petra, quæ percussa eduxit aquā. Nam percussus in latere, lauacrum regenerationis, quod fit per aquæ mysterium, nobis emisit. Lapis est Circumcisionis: quia nisi sit in Christo vitiorum circumcisio, præputium facta est. Lapis est ad percutiendum & coniungendum: ad percutiendum statum, ad coniungendum utrumque parietem. Lapis est præcisus de monte sine manibus: quia sine operibus hominum de altitudine vteri virginis, & de substantia carnis suæ natus est. Hic est lapis, de quo legitur in Zacharia. *Et in lapide uno septem oculi sunt*: quia in solo Christo plenitudo fuit gratiarum, ut scriptum est: *Apprehendent septem mulieres virum unum*. Et creuit in montem magnum, de quo Isaias. *Venite ascendamus in montem Domini*. De quo & Psalmista. *Mons coagulatus, mons pinguis; ut quid suspicamini montes incaseatos?* Ipse enim est mons incaseatus, id est incarnatus. Vnde in Iob. *Et sicut caseum me coagulasti*. Nunc de secundi elementi ornatu quæ consideranda sint, videamus. Legitur ergo, quoddam cum Tobias pedes suos lauaret in Tigride, piscis magnus egrediebatur, ut deuoraret eum, & timens clamauit dicens. *Domine inuadit me*. Et ait Angelus. *Apprehende branchiam eius, & exentera eum: & cor eius & fel & jecur reponet tibi*. Valent enim ad medicinam. Et ait Tobias. *Azaria frater, quod remedium habent, quæ de pisce iussisti reservari?* Qui respondit. *Particula cordis super prunas posita, fumo suo extricat omne genus demoniorum*. Super hunc locum dicit Beda, quoddam cum Christus in * cruce lauaret pedes suos, qui ambulabant super terram, aduenit diabolus querens, siquid peccati esset in eo, per piscem diabolus signans. Sed quomodo cunctis partibus hæc significata conueniant, non video. Nam si cor eius extricat omne genus demoniorum, cuius etiam fumus eiecit Asinodæum, videtur infirma sententia Saluatoris: si Satanā eiecit, diuisum est regnū eius. Ideo sine præiudicio sententiæ melioris, mihi aliter exponendū videtur. Tobias, qui bonus Domini interpretatur, virum bonum in Domino representat. Qui lauat pedes, id est mundat affectus, quia viro bono non sufficit actus munda-re, nisi etiam interiores munder affectus. Qualiter autem mundandi sint, ostendit, cum ait, *In Tigride*, Sicut enim aqua exteriores sordes lauat, ita confessio interiores. Ergo confessio aquæ comparatur; nec cuiuslibet, sed Tigridi, qui pro velocitate sua Tigri vocatur: velox enim debet esse confessio post peccatum. Tunc inuadit eum piscis magnus, ut deuoreret. Piscis, qui inter procellas huius maris magni & spatiofi natus pacificus, ut scriptum est, *Cum his qui oderunt pacem, eram pacificus*: quippe qui & squamis patientiæ tumentes fluctus cōfringebat in passione, & quasi pennulis spe resurrectionis se subleuabat. Hinc est, quoddam partem

Cant. 5.

1. Cor. 10.

Zachar. 3.

Isai. 4.
& 2.

Psal. 67.

Tob. 6.

* forte
carne.

Psal. 119.

piscis assi post resurrectionem discipuli comederunt. Duæ siquidem sunt in Christo naturæ, divinitas & humanitas: vna impassibilis, altera passibilis. Natura igitur passibilis dicitur assa, quia passa: & ponitur pars pro natura, quia nullius rei debet Deus pars dici, nisi fortè causatiue dicatur, vt ibi. *Portio mea Domine.* Et Ieremias. *Pars mea Domine, dixit anima mea.* Torus enim Deus, torus homo: sed non totum: quia non totum Deus, nec totum homo; nec in parte Deus, vel in parte homo; quia alia natura Deus, alia homo. Hanc partem, id est carnem passam, comestibilem dedit discipulis dicens. *Accipite & manducate ex hoc omnes; hoc est corpus meum.* Sed vbi bonus, nullum ad hæc sciens idoneum, timet timore filiali, id est veretur dicens, *Domine inuadat me;* quis ego sum, vt inuadat me, id est vadat in me, & me deuoret, id est, cum audirate me sibi incorporet? Tale quid habes in esu agni Paschalis. *Caput,* ait Scriptura, *cum intestinis vorabitis,* id est, cum audirate vobis incorporabitis. Ostendit autem Angelus, quod partim meritum, partim gratia facit idoneum. Meritum, cum ait. *Apprehende branchiam eius.* Apprehende manibus, id est operibus, branchiam eius, id est verba eius: id est operibus comple mandata: Ecce meritum. Et ne diffidas, quasi grauias sint & importabilia; scias quod in solo charitatis affectu consistunt. Exentera piscem, & considera viscera misericordiae, in quibus visitauit nos, & repone tibi, id est ad vtilitatem tuam repositum habe in mente tua, cor, id est affectum dilectionis, qua tradidit semetipsum pro nobis: & fel, id est amaritudinem passionis, scilicet quomodo colaphis cæsus, verbis derisus, sputis oblitus, crucifixus, lanceatus: & iecur, id est effusionem sanguinis, (nam in iecore fons sanguinis est,) id est quomodo vel in circumcisione, vel in sudore, vel in flagellatione, vel in crucifixione, vel in lanceatione, pro te sanguinem fudit: quia si hæc omnia super prunas ardentes posueris, id est super affectus cordis deuotione feruentes posueris; fumus id est fama & odor memoriae, omne genus demoniorum expellit. Sequitur de ornatu tertij elementi, hoc est de aëre. Ornatus est aër auibus. Dicit autem Iob. *Semitam ignorauit auis, nec intuitus est eam oculus vulturis.* In quo verbo populum Iudaicum redarguit, qui Dominum ad cælos ascendisse credere noluit, nec ejus præcepta per obedientiam approbavit. Et bene Christus vulturi comparatur: quia sicut Ambrosius ait, sine maris coitu mater vulturis imprægnatur, & sine seminis infusione concipitur vultur & nascitur. O gens incredula, frons attrita; dare Deus potuit auibus, quod sibi non potuit? Nam qui naturam fecit, & ipsis vulturibus ipsam dedit, quid mirum, si sibi eam reseruauit? Nasci potest vultur de fæmina sine mare, & Christus nasci non potuit de Virgine sine Patre? Et quoniam circa naturam auium multa & euidentia est comparatio sacramentorum, dare volumus occasionem sapientibus breuiter transeundo, vt in libris colligat auium naturas, & ex naturis eliciant abscondita sacramenta. Vt ergo dictum est, Christus fuit vultur nascendo, compatiendo pellicanus, obedientia pophinelus, Alcio quando mirabiles elationes maris, & tumente fluctus ejus con-

fregit; scilicet cum imperaret ventis & mari: Pascendo turtur, pascendo columba, gallina pascendo, dilectione pelargus, id est ciconia, ardea prædicatione, passione nycticorax, passer solitarius, cum in passione relictus, torcular calcavit solus, resurrectione phoenix, aquila in ascensione. Sequitur de ornatu ignis. Quia natura ignis semper ad superiora tendit, necesse est ignea esse lumine vel calore, quibus ornata sunt superiora, id est, ea quæ sunt in firmamento, scilicet sol & luna, & stellæ. In istis ergo Christus multipliciter figuratur. In sole, quia scriptum est. *Vobis autem timentibus Deum* Mala. 4: *oriatur sol iustitie.* De quo etiam dicitur ad Mariam. *Felix namque es sacra virgo Maria, & omni laude dignissima: quia ex te ortus est Sol iustitie Christus Deus noster.* Et bene sol vocatur, qui illuminat, exsiccatur, consolidatur. Fide illuminat, sordes exsiccatur, virtutes consolidatur. Vel quoniam luxit in tenebris, sicut scriptum est. *Populus qui ambulabat in tenebris, vidit lucem magnam.* Bene luna, id est luminum vna, id est prima, hæc Dei sapientia nominatur. Vnde scriptum est. *Quoniam peccatores intenderunt arcum, parauerunt sagittas suas in pharetra, vt sagittent in obscura luna rectos corde.* Nam quod nostra translatio habet, in obscuro, altera dicit, *In obscura luna.* Sagittant ergo peccatores rectos corde, causam nocendi habentes ex obscura luna, id est ex sapientia & luce diuina sub nube carnis abscondita. De pharetra quippe cordis sui huiusmodi sagittas emittunt, vt sagittent rectos corde. Quomodo potest fieri impassibilis passibilis, immortalis mortalis, creator creatura? Hoc enim dicunt in obscura luna: ignorantes, quod Dominus in templo Sancto suo, Dominus in cælo sedes ejus: oculi ejus hoc modo in pauperem respiciunt: sed ipsi citra humanæ naturæ mensuram diuinæ potestatis infinitatem coarctantes, non intelligunt, quod infinitæ æternitatis operatio infinitam exigit metiendi opinionem; vt cum Deus homo, & immortalis mortuus, & æternus sepultus est, non sit intelligentiæ ratio, sed pietatis exceptio. Ita rursus est contrarium, non sensus, sed virtutis sit modus, vt Deus ex homine, vt immortalis ex mortuo, vt æternus sit ex sepulto. Vel stellæ comparatur Christus, vt ait Balaam. *Orietur stella ex Jacob, & consurget homo ex Israël:* ille inquæ homo, de quo alibi. *Nunquid Sion dicet, homo & homo natus est in ea, & ipse fundauit eam altissimus:* Et alibi. *Homo est, & quis cognouit eum?* Hinc Dominus per Ioannem ait. *Qui vicerit, dabo ei stellam matutinam,* id est Christum. Confiteantur ergo tibi Domine omnia opera tua, qui solus hæc mirabilia fecisti in cælo & in terra, in mari & in omnibus abyssis: ita vt inexcusabilis sit omnis infidelis, fidelis autem digna certus retributione; quando venies iudicare viuos & mortuos, & sæculum per ignem. Amen.

Psal. 118.
Thren. 3.

Matt. 26.

Exod. 12.
Tob. 6.

Iob. 28.

Ambros.
Hexaem.
lib. 5. c. 20.

Mala. 4:

Isai. 9.

Psal. 10.

Num. 24.

Psal. 86.

apocal. 2.



SERMō II. In Adventu Domini.

Ioann. 6.

Colligite qua superaverunt fragmenta, ne pereant. Multæ siquidem micæ cadunt de mensa dominorum nostrorum; quas nos vti-
nam tamquam catuli colligere mereamur. Hoc autem dixerim, fratres, quoniam si de corporali cibo collecta sunt fragmenta, multò melius de spiritali colligenda videntur. Meminisse quippe debet charitas vestra, qualiter in præcedenti sermone per qualescumque similitudines quantulancumque prædicauerim notitiam Salvatoris. Sed unde hoc mihi; vel quis ego; aut quid ego? Quomodo natura inferior causam naturæ superioris intelliget: aut subiacebit humanæ conditioni ratio cœlestis? Excedit enim humanam mentem Dei potestas; ad quā si se infirmitas protenderet, magis infirma reddetur: quoniam intra conscientiam infirmitatis est, quidquid infirmi conscientiæ subdi potest. Moyses siquidem, qui merito sanctitatis loquebatur Deo, sicut solet loqui amicus ad amicum suum, videre faciem Dei non meruit: sed cum multum rogaret, audiuit à Domino. *Non poteris faciem meam videre, & vivere. Non enim videbit homo faciem meam, & vivet. Sed est locus penes me, & stabis supra petram, statim ut transiet mea maiestas: & ponam te in specula & regam manu mea super te, donec transeam; & tunc videbis posteriora mea, nam facies mea non apparebit tibi.* Per faciem, illa Dei forma,

Quid sit facies Dei, quid posteriora eius.

Rom. 10.

Si credideris, inquit, quia Deus illum suscitavit à mortuis, saluus eris. Nam mortuam ejus carnem in cruce, ipsi etiam inimici credunt; sed eum resurrexissē non credunt. Nos firmissimè credentes, tamquam de petra soliditate certificemur. Unde non vult, nisi cum transierit, videri posteriora ejus, ut in ejus resurrectione credatur. Unde Ioannes. *Ante diem festum Pascha, sciens Iesus, quia venit ejus hora, ut transiret ex hoc mundo ad Patrem, &c.* Sed quid est, quod ait, *Est locus penes me, & stabis super petram?* Nam quis locus est penes Deum; qui attingit à fine usque ad finem fortiter? Sed intelligitur locus penes eum ipsa Catholica Ecclesia; ubi salubriter videt Pascha Domini, id est transitum Domini; & posteriora ejus, id est corpus ejus, qui credit in resurrectione ejus. Faciem ergo Dei, id est maiestatem diuinitatis, videre, id est intelligere in hac vita, ubi corpus mortuum propter peccatum corrumpitur, & aggrauat animam, nemo potest. Sed posteriora

Ioann. 13.

Exod. 33.

Ecclesia Catholica est locus penes Deum.

Lingonensis Episcopi,

videri inter torcularia pressurarum quomodo possunt? Quia Incarnationem ejus illi maxime, qui intra Ecclesiam Dei stant, in solido fidei intelligunt. Hinc etiam est, quod vir ille secundum cor Dei, Rex & Propheta David, cum superne beatitudinis gaudium cogitationibus explorare vellet, nec posset, ad illud filijs Chore, id est Ecclesiæ, Psalmum *pro torcularibus* posuit, ut pressuras suas vel per patientiam tolerare, vel per fortitudinem contempnere, vel per dilectionem cuitare scirent, ita dicens. *Quoniam dilectata tabernacula tua, Domine virtutū: concupiscit & deficit anima mea in atria Domini.* Videris, quam citò explorator iste redit in Iericho: Iericho quippe quæ luna interpretatur, defectum significat. Dicit autem. *Concupiscit & deficit anima mea in atria Domini.* Non potest ad thalamum, non ad palatium petuenire, qui se confitetur in atria defecisse. Et quid mirum? Quis enim, non dico diuini secreti thalamum, sed supernæ beatitudinis commune promissum apprehendere potest? Oculus, ait Scriptura, *Deum non vidit absque te, quæ preparasti diligentibus te.* Et iterum. *Nec oculus vidit, nec auris audivit, & in cor hominis non ascendit, quæ preparavit Deus his qui diligunt eum.* Quidquid ergo jucunditatis, quidquid beatitudinis mentibus humanis potest subiacere; totum pertinet ad atria Domini: sed ultra est, quod est palatii. Incomparabiliter autem ultra, quod dicitur secretum thalami, de quo scriptum est. *Et ipse tamquam sponsus procedens de thalamo suo, id est d: diuinitatis suæ secreto.* Non ergo peruenit ad thalamum, qui defecit in atrium: tamen ita deficiendo profecit; quia sic deficere proficere est. Nam quando circa cogitationes hujusmodi quisquam se proficere credit, tantò deficit: & quando deficere, tantò proficit. Elias qui raptus est, ne malitia mutaret intellectum illius, aut ne fictio deciperet animam illius, quando vel in spiritu vehementi, vel in commotione, vel in igne Dominum intelligere posse crederet, imperfectum suum statim cognovit; dicens, quod nec in spiritu, nec in commotione, nec in igne Dominus apparuit. Sed quando cogitatio sua quasi sibilus auræ tenuis evanuit & defecit, tunc in ea Dominum esse recognovit. Profecit igitur, cum deficeret; qui defectum suum intellexit, cum proficere se crederet. Sic igitur tantos terræ promissionis exploratores Raab meretrix abscondit sub stipula lini, nec liberationis exitus patet eis, nisi per funem coccineum in fenestra. Quis ergo, cujus naues cuntes in Tharsis, nihil aliud reuehunt, nisi simias & pauos? Ebur quippe rarò, rariùs argentum, aurum rarissimè. Ideo rarissimè dico, quoniam si ad considerandum, utrum aquæ diluvij sint imminutæ, de arca cordis columbam emitto, multum est, si posteriora ejus sint in pallore auri. Et quid est Raab meretrix, nisi caro peccati; & quid est stipula lini, nisi terrenæ inhabitationis corruptio? Quid est ergo, quod Raab meretrix abscondit exploratores sub stipula lini, nisi quod alibi scriptum est, corpus quod corrumpitur aggrauat animam, & deprimat terrena inhabitatio sensum multa cogitantem? Plerumque enim, cum ipsi sancti viri cœlesti gaudium volunt cogitationibus explorare, propter carnalium molestias pressurarum, non possunt perficere quantum volunt: sufficit

Psalm. 33.

Isai. 64.
1. Cor. 2.

Atria Dei, palatium, & thalamus diversa sunt.
Psalm. 18.

3. Reg. 19.

Iosue 2.

3. Reg. 10.

Sap. 9.

Joan. 8.

tandem in signum liberationis & libertatis coccinum in fenestra, id est intelligentia passionis in memoria. Christi enim passio nostrę libertatis & liberationis est occasio. Scriptum est enim. *Si vos Filium liberaverit, verè liberi eritis.* Libertatem ergo contemplari per coccinum in fenestra, id est, de Dei filio cogitare passibilia & humana, deficere est in atriā. Hoc autem aurum, argentum, & ebur, quę Sanctorum naues reuehant, euntes in Tharsis. Naues enim sunt cogitationes; quę tunc mittuntur in Tharsis, cum circa gaudij explorationem intendunt. Tharsis quippe exploratio gaudij interpretatur. Et cum nihil reuehant cogitationes, nisi cœlestem fulgorem tamquam aurum, vel quod capit sermo diuinus tamquam argentum, vel quod habet fidei robur tamquam ebur: aurum, argentum, ebur, reuehant de Tharsis naues: sed vix contingere solet, vt absque simijs & pauis ista deferantur. Nam sapius simiæ vel pauis sine illis, quàm illa sine simijs & pauis solent deferri. Quę est Tharsensis simia? Gaudium fallax & falsum, sicut eorum, de quibus scriptum est. *Qui latantur, cum male fecerint, & exultant in rebus pessimis.* Quia verò pauorum pulchritudo vel utilitas tota est in plumis, pauo de Tharsis non immeritò vanum gaudium figuratur; sicut eorum gaudium, de quibus scriptum est. *Sedit populus manducare & bibere, & surrexerunt ludere.* Ista tamen ipsi plerumque sancti cogitant, vt fortiùs ea contemnunt, vt deuotius præceptis diuinis inhereant; vt magis ac magis quę cœlestia sunt appetant: quia quantò vel vanitates vel deceptiones temporalium cogitant gaudiorum, tantò & deuotius ea diligunt, & fortiùs ista contemnunt. Numquam enim sine auro, argento, vel ebore, simias & pauos naues Salomonis legimus detulisse. Sed vix mihi, cuius naues nihil aliud quàm pauos aut simias portare nouerunt. Nam si columbam, id est, spiritualem cogitationem de arca cordis emitto, in signum diminutionis aquarum, quę sapius intrant ad animam meam, multum arbitror, si posteriora dorsi eius sunt in pallore auri. Quę sunt posteriora columbarum? Spiritualium reliquię cogitationum. Cum igitur reliquię cogitationum diem festum agere volunt Deo, constituunt diem illi solemnem in condensis: quia posteriora dorsi columbæ sunt in pallore auri. Vix enim de Deo aliqua anagogicè cogitantur; sed penè penitus cum ænigmaticis phantasiarum condensis. Fateor, naus mea nihil de Tharsis, præter vanas & deceptorias phantasias, quas cum multa reuehit densitate, nouit reportare. Propterea videnis Rachel Liam fecundam fuisse, & Zelpham super genua dominæ suę peperisse, multam indignationis materiam visa est concepisse. Primo quia pro mandragoris Ruben destituta est ab amplexibus viri. Secundo, quia detecta sunt idola, quę absconderat sub stramento cameli. Tertiò quòd saltem Balam famulam suam nondum Iacob receperat amplexu virili. Lia quippe quę lippa erat, & laboriosa dicitur, actiuam vitam; Rachel verò, quę venusto erat aspectu, & ouis interpretatur, contemplatiuę vitę simplicitatem repræsentat: quas vitas in scientiam & sapientiam diuidit Augustinus. Vnde Iob. *Ecce pietas sapientia; abstinere à malo scientia est.* In hac differentia, ait Augustinus,

Intelligendum est, ad contemplationem sapientiam, ad actionem scientiam pertinere. Est autē sapietia duplex: quia vel ea quę dicitur à sapore * sapientia nominatur. Primæ meditatio, secundæ parti deseruit contemplatio. Nam actiuę vitę, id est Lię, solet cogitatio deseruire. Sunt igitur tria, cogitatio, meditatio, contemplatio: quę licet indifferenter aliquando ponantur, multis tamen differre noscuntur. Est quippe cogitantis animus similis viatori, qui ad locum ire festinat destinatum, sed inter erroris deuia quær it quam ignorat rectitudinem semitarū. Meditationis autem officium est, vt viator post multa deuia & erroris pericula, viam illam ingrediatur, quę ducit Bethsames, quam tectam candore notabili intelligit esse galaxiam. Vnde currens in directum, non declinat ad dexteram vel sinistram, donec inueniat & veniat ad locum destinatum. Contemplatus verò iam loco proximus, affectatò stupet animo, totus extra se factus: supra se positus aures erigit, vt audiat symphoniam & chorum: oculos aperit, vt mireretur locum vtilem & amœnum. Stupet ad Sapientiam Regis, ad doctrinam legis, ad habitationis firum, & habitantium ritum. Clamat ore, clamat corde. *Vsq̃uequo Domine, obliuisceris me in finem? Trahe me post te, in odorem vnguentorum tuorum curremus.* Quia igitur cogitatio errantium more laborat, & lippa quasi per noctes quær it quem desiderat, actiuę vitę dicitur deseruire. Sed quid dicit sponsa? *Per noctes quæsui, quem diligit anima mea; quæsui, & non inueni.* Et bene cogitatione non inuenitur, ad quem nec contemplatione peruenitur. Per noctes inueniri non potest, qui nulla similitudine cõprehendi potest. Guttrę quippe sunt noctium phantasię similitudinum. Hę sunt mandragorę Ruben. Mandragorę quippe similitudinem quidem habent humani corporis, sed non veritatem. Quę bene dicuntur esse Ruben, id est, videntis in medio. Quia enim cœlum superiùs, infernus inferiùs, in medio mundus, sicut ad inferiora oculos inclinat timor seruilis, ad superiora eleuat filialis, sic erigit ad media timor initialis. Est enim initialis timor mixta cum pauore dilectio. Cum igitur quis per quasdam mundi similitudines nititur apprehendere creatorem, Lia quidem fecunda redditur; sed Rachel ab amplexu viri defraudatur. Hinc est, quòd cum Philosophi inuisibilia Dei à creatura mundi per ea quę facta sunt, intellecta conspicerent, Liam quidem fecundam reddebant; sed Rachelem sterilem relinquentes, euanuerunt in cogitationibus suis, & obscuratum est insipiens cor eorum, mutando gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentium. Vnde non immeritò sermo diuinus comparat eos camelis, qui quidem ruminare sciunt, sed vngulam non diuidunt: quia & ipsi cogitationibus ruminabant, sed quid, aut propter quid dici debuit, non attendebant. Propter hoc lapsi sunt in hæc figmenta, quę stramentis comparat Scriptura. Abscondit quippe Rachel idola sub stramentum cameli, quia cœlestis sapientia mundi similitudines diuinis comparatas exemplis non attribuit veritati, sed supponit Philosophorum figmentis. Tergat igitur lippitudinem oculorum, & pituita suę molestiam Lia,

Attendum videtur, * vel quę à sapore.

Psalm 12.
Cant. 1.

Can. 3.

Genes. 30.

Timor seruilis, initialis & filialis quid sint.

Proner. 2.

Pauus gaudium vanum designat, & simia.

Exod. 32.

Iob. 28.

Hebr. 12.

Matth. 11.

Genes. 3.

1. Cor. 15.

Genes. 3.

Potentia &
sapientia
omnibus per
sonis com-
munia at-
tributa.

ut fruatur Iacob concupitis suæ Rachelis amplexibus, donec pariat in sapore sapientiæ Ioseph, vel Benjamin in sapientia sapiente. Nato siquidem Benjamin imposuit ei mater nomen Benoni; sed pater mutauit nomen in Benjamin. Benoni filius doloris dicitur, Benjamin verò filius dexteræ interpretatur. Hæc est ergo sapientiæ doctrina, de qua dicit Apostolus ad Hebræos. *Disciplina quidem in presenti non est gaudij, sed mœroris: sed postea pacatissimum exercitatis reddet iustitiæ fructum.* Parit ergo sapientia doctrinam, quæ in presenti non est gaudij, sed mœroris; id est Rachel Benoni: sed postea pacatissimum exercitatis iustitiæ fructum reddit; sicut postea nomen ejus mutatum est in Benjamin. Peperit etiam Ioseph filium accrescentem & decorum aspectu: contra quem fratres sui iurgati sunt, & inuiderunt ei habentes jacula. Hæc est illa sanè doctrina, de qua Dominus ait. *Discite à me, quia mitis sum, & humilis corde. Iugum enim meum suauis est, & onus meum leue.* Quid hoc verbo sapidius, quid dilectius? Et tamen inuiderunt ei fratres sui, & iurgati sunt: quia Iudæis quidem scandalum, & Gentibus stultitia est: nobis verò virtus & sapientia Dei est, hæc doctrina. Ad utramque doctrinam nos mittit sermo diuinus à principio vobis propositus. *Ecce*, ait Scriptura, *Adam quasi vnus ex nobis.* Potest enim esse vox Dei Patris loquentis in Moyse; vel vox Angeli loquentis ad Moysen, vel etiā ipsius Moysis. Quòd si Dei Patris esse intelligatur, potest esse ironicum, vel anagogicum. Ironicum, si de primo Adam intelligatur, de quo dictū est. *Primus Adam de terra terrenus.* Anagogicum, si de secundo, de quo subditur, *Secundus de celo cælestis.* Quod si de primo Adam accipitur, illud quasi erit similitudinis: si de secundo, erit expressio veritatis; sicut & ibi. *Et vidimus gloriam ejus, gloriam quasi unigeniti à Patre.* Si de primo intelligatur litera, sic distinguetur. *Ecce Adam quasi vnus ex nobis factus sciens bonum & malum.* Et nota, quòd quando peccauit Adam, in tres personas blasphemauit. Tria enim promisit ei serpens dicens, *Nequaquam moriemini*, cui verbo consentiens blasphemauit in Spiritum sanctum. Nam cum factus esset in animam viuentem, credidit se fieri posse in Spiritum viuificantem. Et iterum. *Eritis sicut dij.* In hujus verbi consensu blasphemauit in Patre. Deus enim potentiae nomen est. Potentia verò attribui solet Patri nomine, & non re. Item subjunxit, *Scientes bonum & malum.* In hoc blasphemauit in Filium; quia sapientia Filio solet attribui, nomine dico, non re. Ideo qui habitat in cælis irridet eum, & subannat dicens. *Ecce Adam quasi vnus ex nobis.* Voluit esse immortalis, & mortuus est propter peccatum. Voluit esse omnipotens; & sui ipsius potentia amissit. Voluit esse sapiens; sed apertis oculis, nihil quàm se nudum virtutibus, & gratuitis spoliatum cognouit. O verè sapientia mœroris, non gaudij; quia qua ratione filijs parceret, qui patri omnium non pepercit? Si sic propter inobedientiam de paradiso ejectus est accola paradisi, quid nobis inobedientibus erit, quorū incolatus prolongatus est pro peccatis, nec nisi cum habitantibus Cedar habitare meremur? Pacatissimum tamen exercitatis reddet per hoc fructum: cum hoc exemplo timidiore & cau-

tiores redduntur, & ad obedientiam promp-
tiores. Timeo domum proximi jam accensam. *Nam mea res agitur, paries cum proximus ardet.* Quòd si de secundo Adam sermo dicatur, nihil sapidius est, quàm audire, *Ecce Adam quasi vnus ex nobis.* Hoc enim est, quod Apostolus ait. *Qui predestinatus est filius Dei in virtute:* id est, predestinatum est, ut ens homo esset filius Dei in virtute. Magnum pietatis sacramentum, ut vnus atque idem esset & filius Dei, & filius hominis. Vnde Adam homo interpretatur. Vnum dico, sed non vnum: idem dico, sed non idem. Idem dico in persona, sed non idem in natura. Non enim est vna natura Dei & hominis; quia non conuertibilis ad inuicem natura in naturam: sed vna persona est Deus & homo. *Ecce*, ait, *Adam*, id est, homo, *quasi vnus ex nobis.* In assumpta natura non desijt esse vnus ex nobis: non desijt esse quod erat, sed esse incœpit quod non erat, vnus ex nobis. Quod in typo veritatis hic dicitur; hoc in veritate typi alicubi dicit Dominus. *Ego & Pater vnum sumus.* Sicut *sumus*, sic *ex nobis* solitudinem tollit: sicut *vnum* sic & *vnus* diuersitatem. Neque enim solitario conuenit & *sumus* & *ex nobis*: neque rursus à se diuerso vnū & vnus. Per hoc ergo quod dicit *vnus*, tollit diuersitatem à natura: per hoc quod addit *ex nobis*, remouet solitudinem à personis. Simile est, quod alibi dicitur. *Faciamus hominem ad imaginem & similitudinem nostram.* Per hoc, quod pluraliter ait *faciamus*, tollit solitudinē: per hoc quod singulariter ait, *ad imaginem*; tollit diuersitatem. In hoc igitur tota Theologicæ veritatis pender assertio, ut in confessione vnus solius Dei solitudinem remoueat à personis; & cum tres personas confitetur, diuersitatem remoueat à natura. Nam propter hoc desperata in se, & sæua in omnes impiæ temeritatis ingenia hæreticorum imposuerunt dictis intelligentiam, potius quàm expectarunt ex dictis: sensum attulerunt verbis, potius quàm retulerunt ex verbis. Vnde potentem Dei naturam ex naturæ suæ infirmitate coarctantes, & intra fines sensus sui indefinita concludentes, ex his duabus venenosis radicibus diuersæ virus hæreseos effuderunt. Vnde Sabellius sic solitudinem prædicare volebat, ut nullam in personis pluralitatem prædicaret. Vnde sicut illud dicebat esse Filium, quod & Patrem: ita ipsum eundem Filium, quem & Patrem. Arrius verò è conuerso sic diuersitatem prædicabat; ut sicut alium Patrem, & aliū Filium affirmabat, sic aliud. Manichæus verò id quod in Virgine fuit, portionem diuinæ substantiæ prædicauit, & Dei filium esse voluit: quod ex Dei substantia parte aliqua deductum in carne apparuit: & sic in Filio diuinæ substantiæ portionem quasi diuisam & defectam commentatus est. Valentinus quoque ridicula quædam & fœda commentans, ut naturam Filij separaret à natura Patris, cum præter Deum Principem familiam Deorum, & numerosas vanitatum potestates introduxisset, Verbum Dei, id est Filium Dei, non aliud esse natum, quàm prolatum diuinæ voluntatis mysterio asseruit. Ierarchas etiam nesciens vnigeniti naturam, Patrem & Filium quasi vnus lucernæ duo luminaria prædicauit, dicens; quòd sicut lampas eodem papiro utroque capite lu-

Rom. 1.

Ioann. 10.

Gen. 1.

Hæreticis
vstitatus
mos trahen-
di scriptu-
ras ad suum
sensum pra-
uam.

Varia hæ-
reses de per-
sonis diui-
nis.

et, & oleum quasi media materies lumen ex se utrūque protendit; ita Patris & Filij eadē substantia continet utriusque luminis naturā. Photinus autem Filium Dei creaturam à Deo perfectam, sed non sicut ceteras factum creaturas, sed ex nihilo, & ex non existentibus, ad hoc ante sæcula creatum, ut per eum Deus omnia faceret, commentatus est. Quem ea causa Filium Dei affirmabat, sicut & nos per gratiam filij Dei vocamur, & ea causa dictum, sicut dictum est. *Ego dixi dii estis*. Sic Cocyti glareis dulcis capitum multorum Cerberus lassar, & virus effundit. Nos autem Filium ita à Patre natum confitemur, ut diuinitatis unitatem non diuidamus: sed sic Filius à patre est, ut alius sit in persona, idem natura: & sic vnum natura, quod non idem est in persona: nec sicut mentitus est Manichæus aliqua est in filio diuinæ substantiæ portio, sed totus Deus ex toto Deo, vnus ex vno, verus ex vero, non defectus, sed natus est. Nec sicut Valentinus manere prolationem temerarij actoris furore quæsitam confitemur: sed à Patre filius natus per natiuitatē suam non adimit esse, quod Deus est: neque ipse in natiuitate non Deus est: & quod Deus non cœpit esse, & sic à Patre prolatum, ut ipsa prolatio natiuitas esse credatur. Nec sicut mentitus est Hierarchas ex eadem substantia Pater & Filius, quasi ex eodem oleo duo lumina accensa sunt: sed sicut Deus ex Deo natus, & lumen ex lumine, quod sine detrimento sui naturam suam præstet, ut quod habet, tribuat; & quod dederat, habeat; nascaturque quod sit, cum non aliud quàm quod est, natum sit, sitque utrūque vnum; dum ex eo quod est, nascitur; & quod nascitur, neque aliunde, neque aliud est. Est enim lumen ex lumine. Neque enim, sicut dicit Photinus, creatura seu factura est; quia in principio erat Verbum. Non enim dicitur, in principio fecit Deus Verbum, sicut dictum est, *In principio fecit Deus cælum & terrā*. Fit in principio quod creatur; & non erat, cum crearetur. Non ergo erat in principio, quod fiebat in principio. Ergo quod erat in principio, in principio non fiebat. Pone ergo quodvis tua opinione principium, non tenes ex principio, *In principio erat Verbum*. Ergo quod in principio erat Verbum, exigit omne faciendi principium. Non ergo factura est, qui totius facturæ præcedit omne principium. Propter hoc ad amputandas illas, quas supra diximus erroris radices, id est, diuersitatem & solitudinem, quatuor modis occurrit sermo diuinus; nominum distinctione, natiuitatis generatione, virtutis potestate, honoris æqualitate. Sunt enim quædam de Deo nomina, quæ dicuntur ad inuicem, id est relatiuè, & hæc solitudinem tollunt: ut Pater, Filius; gignens, genitus; mittens, missus, & huiusmodi. Alius est Pater, alius Filius: alius gignens, alius genitus: alius mittens, alius missus: & hoc ex sermone diuino multis modis cognitum est: dum de Filio protestatur, dicens. *Hic est filius meus dilectus, in quo mihi complacui*. Dum de Patre proficitur Filius dicens. *Omnis plantatio, quam non plantauit Pater meus cœlestis, eradicabitur*. Dum ipsum altissimi filium nasciturum prædicat Angelus dicens. *Ne timeas Maria, inuenisti gratiam apud Dominum*. Ecce concipies & paries, & vocabitur altissimi filius. Sed & hoc idem Osee

testatur, dicente Domino in Osee. *Ex Aegypto vocaui filium meum*. Hoc idem etiam Apostolus ita dicens. *Propter nimiam charitatem suam, qua dilexit nos Deus Pater, filium suum misit in similitudinem carnis peccati*. Testatur hoc & Caïphas. *Tu es ait Filius Dei benedicti*? Non negat his verbis filium Dei, sed de persona querit, utrum homo ille sit filius Dei. Testatur etiam & Gentilis. Vnde Centurio. *Verè filius Dei erat iste*. Testatur insuper ipse diabolus. *Quid mihi & tibi, ait, Iesu Filij Dei? Venisti ante tempus perdere nos*. His igitur nominibus tollitur solitudo; sed diuersitas, nominibus quæ dicuntur ad se. Nomina autem quæ dicuntur ad se, sunt hæc, *Natura, essentia, & secundum latinos Substantia*. Nam secundum Græcos nihil aliud est substantia, quàm persona. Ideo autem ad se dicuntur, quia relatiua non sunt. Vnde his nominibus in Deo hæc vnitas prædicatur; ut sicut de singulis personis singulariter, ita de omnibus simul personis non pluraliter, sed singulariter, dicantur. Pater enim Deus est, natura, essentia, substantia: similiter & Filius; & similiter Pater & Filius vnus Deus, vna natura, vna essentia, vna substantia. Nam de Filij diuinitate nos certos reddit Deus Pater per Isaïam, ita dicens. *Labor Aegypti & mercatus Ethiopum, & Saba viri excelsi ad terran-
sibunt, & tui erunt serui, & adorabunt te, & teque deprecabuntur: quia in te est Deus, & præter te non est Deus: verè tu es Deus absconditus*. Quis enim est Deus, in quo est Deus, nisi ille, qui de seipso ait, *Ego in Patre, & Pater in me est*? Hoc & Ieremias testatur dicens. *Hic est Deus, extra quem non estimabitur alius: qui adinuenit omnem viam discipline, & tradidit eam Iacob puero suo, & Israël electo suo*. Post hac in terris visus est, & cum hominibus conuersatus est. Quis est Deus in terris visus; nisi ille, qui in forma Dei erat inuisibilis, factus in forma serui? Hinc etiam Psalmista. *Sedes tua Deus in sæculum sæculi, virga directionis virga regni tui*. Dilexisti iustitiam, & odisti iniquitatem; propterea unxit te Deus Deus tuus oleo latitiæ. Et Moyses. *Pluit Dominus super Sodomam & Gomorrhæam ignem & sulphur à Domino*. Dominus, ait à Domino ignem pluit Et quis nisi Pater à Filio, id est, per Filium, pluit? Hinc etiam Apostolus. *Quorum Patres, & ex quibus Christus, qui est super omnia Deus*. Cum ergo dicat Moyses, *Dominus Deus tuus, Deus vnus est*: & Apostolus, *Vnus Deus, & vnus mediator Dei & hominum*: cum ex præmissis auctoritatibus Pater Deus, & Filius Deus sit: necesse est, ut Pater & Filius sint vnus Deus. Nam aliter oporteret, ut vel illæ, quæ superius sunt dictæ, vel quæ sunt inferius, auctoritates subiectæ, falsæ comprobarentur. Remouentur etiam simul diuersitas & solitudo, natiuitatis generatione: quia cum alius sit natus, alius ex quo natus est, quia nulla res seipsam gignit; non potest tamen natiuitas non eam, ex qua profecta est, tenere naturam. Neque enim aliud quàm Deus existit, quod non aliunde quàm ex Deo subsistit. Eandem dico naturam, itaut non natus sit ipse, qui genuit. Natiuitatis ergo proprietas & nomen & naturam & potestatem & professionem sola complectitur. Virtutis etiam potestate non alterum, non utrūque illorum duorum supra dictorum remouetur, cum dicitur, *Quacūque filius facit, hæc* Ioan. 5.

O. 2. 11.

Ephes. 2.

Marc. 14.

Matt. 27.

Luc. 4.

Nomina
relatiua in
Deo tollunt
solitudinem,
absoluta di-
uersitatem.

Isai. 45.

Ioan. 14.

Baruc. 3.

Psal. 44.

Genes. 19.

Rom. 9.

Dent. 6.

1. Timot. 2.

Ioan. 5.

Psalm. 81.

Genes. 1.

Matth. 3.

Matt. 15.

Luc. 1.

Pater similiter facit. Omnia enim & eadem ejusdem naturæ veritatem ostendunt. Similiter cum natiuitatis significationem. Sic est illud. *Sicut Pater suscitavit mortuos & viuificat: sic & Filius quos vult viuificat.* Exæquata virtus ostenditur per naturæ indissimilis unitatem: alterum autem, id est solitudo, tollitur, ubi dicitur. *Non potest Filius à se facere quidquam: nisi quod viderit Patrem facientem:* qua ne illa exæquatio fidem natiuitatis auferret, ait. *Non potest Filius à se facere quidquam.* Ab illo enim potest, ex quo est: quia nihil aliud est ab ipso esse. Et ut hoc se posse per virtutis & naturæ potestatem ostenderet, subjunxit. *Nisi quod viderit Patrem facientem.* Non enim corporali- bus modis videt: sed visus ejus omnis in vir- tute naturæ est. Quod ergo ait, *Non potest Fi- lius à se facere quidquam, nisi quod viderit Pa- trem facientem:* id est, nihil potest Filius facere, nisi quod habet ex natura natiuitatis, ut faciat. *Nihil enim, nisi natum,* ait Hilarius, *habet Fi- lius.* Honoris etiam equalitate diuersitas re- mouetur, ut ibi. *Pater non iudicat quemquam: sed iudicium omne dedit Filio, ut omnes honori- ficient Filium, sicut honorificant Patrem.* Ecce quid relictum est ad occasionem impietatis: quomodo potest intelligi natiuitatis differre natura: aut aliqua cogitari inæqualitas? Se- quitur enim. *Qui non honorificat Filium, non honorificat Patrem:* & ut tolleretur solitudo, subjunxit, *Qui misit illum.* Alius enim mittens, alius qui missus est: quia alius est Pater, qui misit eum: alius Filius, qui missus est ab eo. Per hanc ergo fidei firmitatem absoluta est illa veritatis confessio; in cuius typum videbatur dici. *Ecce Adam quasi vnus ex nobis.* Sicut ta- men suprâ dictum est, potest esse vox ista An- geli loquentis ad Moysen, & de vtróque Adâ nihilominus intelligi. Et ad hoc ut intelligatur de primo, sciendum est, quod duas à principio fecit Deus rationales creaturas: vnâ spiri- tualem, id est Angelicam; alteram corporalem, id est humanam. Inter Angelos tamen vnum singularem fecit, cui dictum est. *Tu signaculum similitudinis Dei,* &c. Ipse ergo est, qui dixit. *Ascendam in cælum, id est ad æqualitatem Pa- tris, & similis ero altissimo.* Propterea iure ce- cidit; quia voluit exaltari, & adæquari diuinæ maiestati. Inter corporales creaturas primum hominem præcipuum & singularem esse voluit, de quo dictum est. *Faciamus hominem ad ima- ginem & similitudinem nostram.* Sed & iste ni- hilominus maiestati voluit adæquari, quando serpenti consensum præbuit dicenti. *Eritis sicut dii, scientes bonum & malum.* Propter hoc & ipse cecidit. Bene ergo Angelus ait. *Factus est Adam quasi vnus ex nobis:* quia sicut in culpa, sic vnus cum Angelo fuit in pœna. Notanda tamen est in hac similitudine dissimilitudo: quia quamvis per superbiam vtréque ceciderit, dissimiliter tamen. Nam aliunde, & alibi, & aliter homo, quàm Angelus. Aliunde, quia Angelus de cælo empyreo; homo de horto Eden. Alibi, quia Angelus cadens cecidit in hunc caliginosum aërë: homo verò inferius, quia in terra. Aliter, quia homo cadens dam- nificatus est in pluribus, quàm Angelus. Dam- nificatus est enim homo corpore & spiritu: Angelus verò solo spiritu. Plus tamen cadendo læsus est Angelus quàm homo; quia homo re-

surgere potest à lapsu; Angelus verò cecidit, nec adiiciet, ut resurgat. Plus igitur damni- ficatus est Angelus, quàm homo: sed in pluribus homo. Quod si de secundo Adam Angelus hoc dici voluerit, vox exultationis audita est. Quid enim iucundius, quàm quod Dominus Ange- lorum factus est Angelus, id est nuntius seruo- rum? Est enim magni consilij Angelus, de quo Malachias. *Et statim veniet ad templum suum dominator, quem vos queritis: & Angelus testa- menti, quem vos vultis.* Ipse Angelus est, qui ait ad Abraham. *Non potero celare Abraham puero meo, quæ facturus sum.* Nam quod ille Angelus esset filius Dei, ostendit Abraham, cum de iustis vnâ cum iniustis sollicitus, ait. *Non est hoc tuum, qui iudicas omnem terram.* Vnde conuenienter probatur, ipsum esse filium Dei, qui loqueba- tur ad Abraham. Bene ergo ait Angelus. *Ecce Adam quasi vnus ex nobis,* missus de sinu Patris in mundum, ad eos, & propter eos, qui heredi- tatem capiunt salutis. Vel potest esse, ut dictum est, vox ipsius Moysi, & de vtróque Adam rur- sus intelligi. *Ecce Adam quasi vnus ex nobis.* Ecce ille, qui à Deo factus erat bonus, iustus, perfectus, mortalis & immortalis, id est potens mori & non mori: qui etsi beatus non erat, miser tamen non erat; factus est quasi vnus ex nobis, malus, iniustus, sibi nocens & suis; post peccatum mortuus, nec potens non mori: mi- ser à peccato, à necessitate, & à miseria. Bonus siquidem factus fuit Adam, quia à Deo, qui vidit omnia quæ fecerat, & erant valde bona. Sed per peccatum depressum fuit in eo liberū arbitrium, ita ut impotens ad bonum, & liberū remaneat ad malum. Non enim sicut mentita est hæresis Pelagiana, solo arbitrio sine gratia potest homo facere bonum, vel resurgere si cadat; sed solo libero arbitrio malum facere potest, & ad hoc liberato. Iustus etiam factus fuit, id est innocens & sine culpa: sed merito- riam iustitiam non habebat. Perfectus etiam, secundum quod tempori congruebat; id est secundum perfectionem naturæ conditæ, non naturæ glorificatæ. Sufficiebat enim ei ad ma- jora promerenda, quod acceperat. Mortalis erat, quia mori poterat: & immortalis, id est non mortalis, quia poterat non mori: non im- mortalis, quasi non posset mori. Beatus autem non fuit: quia quod casum suum nesciuit; vel si sciuit, & sibi non cauit, extra beatitudinem fuit. Miser tamen non fuit, quia nondum pec- catum commiserat, nec humanis necessitatibus subiacebat; nec adhuc corporis vel mentis mo- lestias sustinebat. Sed ecce prompta est ad ma- lum natura hominis per peccatum Adæ, iniusta, corrupta, mortua: quia non potest non mori: & humanis miserijs addicta. Hoc omne senti- mus per Adam, qui fuit primus, singularis, & ex nobis vnus. Quod si de secundo Adam in- telligitur, bene dicit Moyses. *Ecce Adam, quasi vnus ex nobis,* homo passibilis, mortalis; qui defectus nostros quos voluit, quos debuit, quantum voluit & debuit, suscepit. Hinc est, quod *Iesus fatigatus ex itinere sedebat sic super fontem. Et cum ieiunasset quadraginta diebus, & quadraginta noctibus, postea esuriit.* In morte cœpit pauere & tædere. Nec decipiat hæresis Marcionis, per hoc quod apponitur, *quasi,* qui commentatus est Christum carnem phantasti- cam assumpsisse, ita ut nec verè natum, nec verè

Mal. 3.

Genes. 18.

Pelagiana
Hæresis in
quo sita.Genes. 3.
Christus
assumpsit
quosdam
defectus.

mortuum

Isai. 53.

mortuum fateretur: quia sicut Isaias ait, *Verè languores nostros ipse tulit, & dolores nostros ipse portavit. Quantum tamen voluit, eisdem affectus suscepit. Nam qui super morte Lazari fleuisse legitur, Apostolis ait. Lazarus mortuus est & gaudeo propter vos, quia non eram ibi. Timuisse dicitur, qui armatis ad corripiendum se prodijt obuius. Tristis fuit usque ad mortem, qui in mortis articulo dixit. Nunc clarificatus est filius hominis. Et qui dixit, Abba pater, omnia tibi sunt passibilia, Transfer calicem hunc à me: ipse Petro ait. Pone gladium in vaginam. Calicem quem dedit mihi Pater, non bibam illum? Et qui dixit, Deus Deus meus, ut quid me dereliquisti, ipse etiam tunc dixit. Amen dico vobis, A modo videbitis filium hominis sedentem à dextris virtutis Dei. Et qui ad inferna descendit, Latroni in cruce dixit, Hodie mecum eris in Paradiso. Manus quoque quam clavus in cruce affixit, solo tactu auriculam Malchi sanavit. Et cum tandem moriens in ligno penderet, solem obscurabat, terrā movebat, petras scindebat, monumenta aperiebat; & sic assumptos defectus secundum dispensationis debirū temperavit in omnibus; ut qui eum cogitaret hominem ex infirmitate, Deum etiam intelligeret ex potestate: & sciret quia factus est vnus ex nobis voluntate, non necessitate. Idcirco quoties diuinus sermo de filio Dei nos erudit; aut de diuinitate ejus, qua equalis est Patri; vel de humanitate assumpta, qua minor est Patre, nos certos reddit. Cum autem de diuinitate nos instruit; aut ad hoc intendit, ut ostendat, quod eadē est natura Patris & Filij & Spiritus sancti: aut quod Filius alia est à Patre & Spiritu sancto persona. Vnde nunc de Patre, nunc de Filio, nūc de Spiritu sancto loquitur sermo diuinus: nunc verò de duabus tantum personis, ita ut non fiat sermo de tertia; quod fit, ut ostendatur personarum distinctio. Plerumque verò indiscretè sine personarum distinctione; ut ostendatur vna eadēque natura. Nam in illa voce, cum Iesus in monte coram Petro Iacobo & Ioanne apparuit; & in ea quando super baptizatum columba descendit: & quando de sua clarificatione clamans ad Patrem, audiuit: & clarificauit, & iterum clarificabo: non nisi persona Patris potest intelligi. Quod autem dicit Filius, Dominus dixit ad me, Filius meus es tu; vel quod, Exiui à Patre, & veni in mundum: vel quod ait, Pater clarifica Filium tuum, & huiusmodi: nō nisi Filij vox potest intelligi. Quod autem Spiritus sanctus in specie colūbz in baptismo, vel igneis linguis discipulis apparuit in cœnaculo; non nisi Spiritus persona debet attendi. Quod autem vidit Daniel vetustū dierum, cui sedenti in throno oblatus est filius hominis, tam Pater quàm Filius, sed non Spiritus sanctus in hac visione sunt intelligendi. Cum verò nunc Filius, nunc Spiritus sanctus missus legatur, & Pater nunquam, quoties de missione fit sermo, nunquam de Patre, sed de Filio vel de Spiritu sancto intelligendum est. Cum verò legitur, Verbo Domini cœli firmati sunt, Spiritu oris ejus omnis virtus eorum: vel illud, Ite, baptizantes eos in nomine Patris & Filij & Spiritus sancti, tota Trinitas intelligitur. Cum verò dicitur, Audi Israël, Deus vnus, Deus vnus est, & in similibus indiscretè fit ita sermo de Trinitate, quasi de nulla personarum. Quod*

Christus huiusmodi voluntarie assumptus, non ex necessitate.

Personarum distinctio est scripturis habetur.

ad hoc fieri solet, ut vna Patris & Filij & Spiritus sancti natura noscatur. Cum verò de humanitate fit sermo, aut fit sermo de Filio, secundum quod est de forma Dei: vnde est quod ait, Ego principium, qui & loquor vobis: Et, Ego in Patre, & Pater in me est, & huiusmodi: aut secundum quod formā serui accepit. Vnde, Non dabis sanctum tuum videre corruptionem, & Caro mea requiescet in spe; & huiusmodi. Quandoque ut ostendatur vnio vtriusque naturæ, quod Dei est attribuitur homini, & quod hominis Deo. Homini enim attribuitur quod Dei est, cum dicitur, puer ille creauit stellas: Deo verò quod est hominis; ut cum dicitur, Filius Dei mortuus est. Quando verò ut vnita demonstraretur persona, de eo loquitur indiscretè sermo diuinus; ut cum dicitur. Nemo ascendit in cœlum, nisi qui descendit de cœlo, filius hominis qui est in cœlo. Qui descendit, ipse est & qui ascendit super omnes cœlos. Et cum vnitæ sint tres substantiæ in vnā personā, id est, Deus, anima, & caro, gratiā vniōis, quod vnius substantiæ est, toti solet attribui personæ. Vnde & in illo mortis suæ triduo & ad infernum legitur descendisse, sed propter animam, & in sepulchro jacuisse, sed propter carnem, & in cœlo regnare, sed propter deitatem. Quid ergo, propter quid dicatur, attendat fides: quia nisi hoc quisque fideliter firmiterque intellexerit, & intellecta crediderit, saluus esse non poterit. Iustus autem ex fide viuit, quia hæc est vita æterna, ut cognoscamus Deum Patrem, & quem misit ad nos, & pro nobis, Dominum nostrum Iesum Christum Filium suum; qui cum eo, & cum Spiritu sancto vivit & regnat Deus per omnia sæcula sæculorum.

Synecdochica locutio.

Sermo III. In Adventu Domini.

VIdi, & ecce vir vestitus lineis, &c. Verba proposita verba sunt Danielis, ut ex ipso Danielis vocabulo detur intelligi, quā credibilia facta sint hæc testimonia nobis, quæ de tertio cœlo Propheta nos edocet euocatus. Tria siquidem visionum genera teste sacro eloquia didicimus; corporale, spirituale, intellectuale. Corporale, est quod per corpus percipitur, & corporis sensibus exhibetur. Spirituale autem multis modis dicitur. Nam ipsum corpus quod in resurrectione habituri sumus, spirituale vocat Apostolus. Seminatur, ait, corpus animale; surget corpus spirituale: & dicitur spirituale, eo quod miris modis ad omnem facilitatem & incorruptionem spiritui subdatur; & sine vlla indigentia corporalium alimentorum solo viuificetur spiritu: non quod in incorpoream substantiam sit abiturum: sicut nec hoc corpus, quale nunc habemus, animæ habet substantiam, quamvis animale dicatur. Dicitur etiam spiritus aer iste. Vnde dictum est. Ignis, grando, nix, glacies, spiritus procellarum. Dicitur & spiritus anima, siue hominis, siue pecoris, ut ibi. Quis scit, si spiritus hominis ascendat sursum, & spiritus pecoris si descendat ipse deorsum? Dicitur & spiritus ipsa mens rationalis: quæ est tamquam quidam oculus animæ: ad quem pertinet imago & agnitio Dei. Vnde dicit Apostolus. Renouamini spiritu mentis vestre. Et alibi. Caro concupiscit aduersus spiritum. Quam mentem dicit, hanc etiam spiritum

Dan. 11.

Triplex in Scriptura visionum genus. 1. Cor. 15.

Psal. 148.

Eccl. 2.

Ephes. 4.

G.

Ioann. 4.

1. Cori. 14.

Ibid.

Visio corporalis.

Visio spiritalis.

appellauit. Dicitur etiam spiritus Deus, ut in Euangelio. *Spiritus est Deus*. Ex his omnibus modis non vocamus spirituale hoc genus visionis; sed illo vno modo, de quo loquitur Apostolus ad Corinthios, quo spiritus à mente distinguitur, ubi ait, *Si orauero lingua, spiritus meus orat, mens autem mea infructuosa est*. Per linguam accipiens obscuras & mysticas significationes, à quibus si mentis intellectum remoueas, nemo edificatur. Cum ergo non intelliguntur in spiritu, dicit eas non mente. Vnde apertius alibi. *Si benedixeritis spiritum, quis supplet locum idiota?* Linguam ergo vel spiritum transato vocabulo, quamlibet signorum prolationem appellat, priusquam intelligantur: quod cum intellectus accesserit, qui mentis est, fit reuelatio, vel agnitio, vel Prophetia, vel doctrina. Et tunc ascendit ad tertium visionis genus, quod est intellectuale. Proinde ait Apostolus. *Si venero ad vos linguis loquens, quid vobis proderit, nisi loquar vobis in reuelatione, aut in agnitione, aut in Prophetia?* Id est, si signis verborum, hoc est, linguae loquar, & non accesserit intellectus, ut spiritu tantum, & non mente agatur, quod agitur, quid prodest? Est igitur visio corporalis, qua pertinent corporis sensus ad visa corporalia, & hanc vocat Apostolus primum cælum: quoniam in excelsum cerebri locum, tamquam in cælum corporis à sede jecoris ignis emicat, de cuius cerebri medio velut centro non solum ad oculos, sed etiam ad sensus cæteros tenues fistulae deducuntur, ad aures videlicet & ad nares & palatum, propter audiendum, olfaciendum, & gustandum: ipsumque tangendi sensum, qui per totum corpus est, ab eodem cerebro dirigi per medullam cervicis, & eam quæ continetur ossibus, quibus dorsum spina confertur, ut inde quidam tenuissimi rivuli, qui tangendi sensum faciunt, per euncta membra diffunduntur; ita ut represso calore lux ignis sola primum splendeat à cerebro, in radijs oculorum ad visibilia contuenda; deinde ad aures tamquam post oculos cerebro viciniores descendit mixturam quadam primo cum aëre puro, secundo ad nares cum aëre caliginoso mouens humiditas exhalationes, tertio cum corpulentiore humore usque ad gustum, ultimo usque ad terrenam crassitudinem descendit, ut faciat tangendi sensum: quia corporalis visio non solum ad oculos; sed ad omnes corporis sensus pertinere dignoscitur: quæ ideo corporalis non dicitur, quia à corpore est, sed quia per eam visa corporalia sentiuntur. Spiritualis autem visio, per quam non corpora, sed corporum similitudines præsentem vel absente corpore conspiciamus; siue ita sit res quæ occurrit, siue ita non sit, ut occurrit in animo. Variæ siquidem corporalium similitudinum formæ variantur in mente, cum in cogitatione aliquid faciendum vel emittendum disponimus: siue cum dormientibus videntur somnia nihil vel aliquid significantia: siue cum valetudine corporali turbatis intrinsecus itineribus sentiendi imagines corporum veris corporibus ita miscet, ut internosci vel vix possint, vel omnino non possint; & aut significant aliquid, aut non significant; siue ingrauescente aliquo morbo vel dolore corporis, & intercludente intus vias, quibus animæ, ut per carnem sentiret, intentio altius quam somno absentato

spiritu monstrantur imagines rerum vel significantes aliquid, vel non significantes. Sed nulla ex corpore causa existente, sed assumente atque rapiente aliquo spiritu, tollitur anima in huiusmodi videndas similitudines corporum, miscet etiam eis visa corporalia. Siue ita spiritu assumente alienatur ab omni corporis sensu, ut solis similitudinibus corporum spirituali visione teneatur. Et hanc visionem propter huiusmodi varias illuminationes secundum cælum vocat Apostolus. Tertium verò est, quod mente concipitur, ita secretum & remotum, & omnino arreptum à sensibus carnis atque mundatum; ut ea quæ in illo cælo sunt, & ipsam Dei substantiam, verbumque Deum per quod facta sunt omnia, in charitate Spiritus sancti ineffabiliter valeat videre & audire. Ad illud Apostolum, ad illud raptos Prophetas, non incongruenter arbitramur. Quoniam signa quæ per aliquas rerum similitudines demonstrantur in spiritu, nisi accedat mentis officium, quo visa intelligantur, non est prophetia. Nam magis Propheta fuit, qui intellexit quod alius vidit, quam ille qui vidit. Magis, enim dicti debuit Propheta Ioseph, qui intellexit quid significarent septem spicæ & septem boves, quam Pharaon qui eas vidit. Quamvis igitur intellectualis visio, sicut spiritualis, multis modis fieri soleat, quia nunc per ipsum creatorem non corporali visione vel vocali sono, sed sola inspiratione, vel in signum ante mentem adducta rei similitudine, vel per aliquam creaturam rationalem superiorem, ut per Angelos, siue inferiorem, sicut per homines: vel irrationalem superiorem, ut per nubes vel inferiorem, sicut factum est in rubo: siue dormiendo, siue vigilando turbatis intrinsecus itineribus sentiendi, vel aliquo alio, quem supra diximus, modo: tamen inter spirituales & intellectualem visionem hoc interest, quia quæ per spirituales videntur, non dijudicantur: intelliguntur autem, quæ per intellectualem. Item, quod in visione corporali videtur, fallere potest videntem; cum in ipsis corporibus fieri putat, quod sit in corporis sensibus: sicut nauigantibus videntur ea quæ sunt in terra moueri, & in cælo stare sidera quæ moventur; & in aqua baculus fractus. Similiter visio spiritualis fallere potest videntem, cum corporum similitudines aliter quam sint occurrunt in animo cogitantis. Sed in intellectuali visione mens non fallitur: quia aut intelligit & verum est; aut si verum non est, non intelligit. Est igitur spiritualis dignior corporali; sed intellectualis longè excellentior spirituali. Et est quasi quoddam medium inter utramque spiritualis: quia non incongruè medium dicitur, quod corpus quidem non est, sed simile est corporis, inter illud quod verè corpus est; & illud, quod nec corpus, nec simile corporis est. Quia igitur Propheta ex visione proposita, quam intellectualiter vidit, (alioqui nec Propheta dici debuit,) iudicium Dei intellexit, quo foras eiciendus erat princeps huius mundi, ut scriptum est, *Nunc iudicium est mundi, nunc princeps huius mundi eicietur foras*: nec dubium quod ab illo, quem vidit vestitum lineis: merito nomine Danielis censetur, ubi ait. *Ego Daniel iugebam multum*, &c. Daniel quippe iudicium Dei interpretatur. Sed notandum, quod præmittit penitentiam luctum, & dignum abstinentiæ

Visio intellectualis.

2. Corin. 12.

Genes. 41.

Visio intellectualis ceteris præstat.

Ioan. 12.

Dani. 10.

fructum: quia sicut exteriores oculi pinguedine carnis infecti, clarè nequeunt intueri, quod volunt: sic interiores, nisi mens à superfluitate macrescat, verum solem videre non possunt. Dicit ergo. *Ego Daniel lugebam multum.* Ex hoc patet, quodd melius est, ire ad domum luctus, quàm ad domum conuiuij. Nam & ipsi filij Iob cum essent in conuiuium, flante vento à regione deserti, qui concussit quatuor angulos domus, oppressi sunt. Vix enim potest esse, vt absque effrænata læticia possit esse conuiuium comessorum. Scriptum quippe est. *Sedii populus manducare & bibere; & surrexerunt ludere.* Est tamen conuiuium cõuiuentium, & est conuiuium conuiuantium. Conuiuium conuiuentium, est vnus moris habitare in domo, si simul bene vivunt: quia si malè vivunt, nec vivunt. Forte semiuui sunt, sed non viui: quia si corpore vivunt, anima tamen mortui sunt. Conuiuium verò conuiuantium est sedere in concilio comessorum, ac propter hoc ludentiũ. Vnde Ieremias ait, *Non sedi in concilio ludentium, sed potius lugentium:* quia per luctum caput turbatur, facies attenuatur, dolor mitigatur. Caput turbatur præ amaritudine, facies attenuatur à pinguedine, dolor mitigatur spei consolatione. Videte, quantæ sint efficaciz ad impetrandam Dei misericordiam lachrymę lugentium; quæ meritorios & causæ inferioris annos Ezechiz induciare potuerunt; & prædestinatos & causæ superioris ad finem optatum ordinare meruerunt. Extrema quippe luctus gaudium occupat: sicut extrema gaudij luctus sollet occupare. Infelix Zoroastres & inuentor artis magicæ perhibetur, qui in suæ natiuitatis initio solus fertur risisse. Quis enim incarcerationis vel incarcerationis ridet? Et quid nisi carcerem, carnem vel mundum dixerim: in quibus detrusi sunt Euz filij? Quid enim aliud quàm carcer est mundus? Quid homo, nisi incarcerationis? Quis torror carceris, nisi qui torquere non cessat hostis antiquus? Hæ sunt luctus causæ generales, præter eas, quas vnusquisque nostrum speciales habet, aut particulares. Mouebat enim non tantum totius orbis generalis, sed plebis Iudaicæ specialis, & insuper propriæ seruitutis indiuidualis, Prophetam miseria, cum dicebat. *Ego Daniel lugebam multum trium hebdomadarum diebus.* Congruum lugendi tempus ponit, cum dicit, *trium hebdomadarum diebus.* Nam & ipsa Christiana religio huius autoritate sententiæ, trium hebdomadarum, ante diem natalis ejus, quem Propheta vidit vestitum lineis, luctus & pœnitentiæ tempus consecrauit; vt trium hebdomadarum transactio luctu, illum videre, id est intelligere cordis oculis mereamur, qui pro nobis vestitus lineis venit. Hinc etiam tres septenarios pœnitentiales annuatim Ecclesia solemnizat: de quibus aliàs disseruisse me memini; vnde nec arbitror repetendum. Quia enim septem sunt principalia vitia, quæ vel corde vel ore vel opere committuntur; bene sub tribus septenarijs pœnitentiæ perfectio consumatur: quia ad hoc etiam septem Psalmi pœnitentiales ordinati sunt. Bene igitur per hunc pœnitentiæ fructum Propheta non solum Principis regni Persarum brachium enervauit; sed virum vestitum lineis videre promeruit. *Ecce vir desideriorum,* ait Angelus loquens ei, *veni ad ad-*

utorium tibi: sed restitit mihi viginti & uno diebus Princeps regni Persarum. Quia igitur peccatis exigentibus gens Iudæa subdi meruerat regno Persarum, meritò Angelo Danielis, qui vnus erat de filijs transmigrationis, restitisse dictus est Princeps regni Persarum: quia alter alteri Angelus non resistit, nisi quantum meritis humanis adjuvatur. Sed post pœnitentiæ luctum vidit Saluatorem & procuratorem populi Israël. Vnde subdit. *Vicesima & quarta die apparuit vir vestitus lineis.* Nota, hunc numerum impariter parem esse, & superabundantem. Omnis enim pariter par, vno se minus diminutus est. Similiter pariter impar vel perfectus est vel diminutus, nisi ad secundum & compositum descendit; & tunc superabundans est. Superabundat autem muneris iste duodenario, per partes aliquotas diuisus, ita vt summa crescat in primum ciclicum ex radice senarij procuratum. Cum igitur in se duos contineat duodenarios, & tertium lucretur in fructu partiũ, tres istos duodenarios commendabiles ex sacri testimonio eloquij videamus. Primus enim commendabilis fuit in Patriarchis, qui nobis sub lege naturali fidei radicem plantaverunt. Secundus commendabilis fuit in Prophetis, per quos fides plantata floruit, & odorem confortantem nos per legem scriptam contulit in spe & expectatione Redemptoris. Tertius commendabilis fuit in Apostolis, per quos fides germinata & florida per legem gratiæ fructum fecit: quia senarius boni operis qui à Patriarchis incœpit, per doctrinam Prophetarum perductus est ad finem consummatum Apostolicæ veritatis: qui fide per dilectionem operante opus consummavere perfectum. Bene ergo vicesima & quarta die apparuit vir vestitus lineis: quia consummato tempore Patriarcharum, quo primum fides illuminauit mundum; consummato quoque numero Prophetarum, quorum oraculis confortatus est mundus; venit vir vestitus lineis, cuius gratiæ subsidijs Apostolica doctrina boni operis fructum fecit. Sed quid est, quod ait, *Ego sedebam super fluvium magnum Tigris?* Magnus fluxus est nostræ mortalitatis, magnus & quasi torrens velocius defluens, quàm à texente tela succiditur. Et quis liberabit nos de corpore mortis huius? Gratia Dei per Dominum nostrum Iesum Christum, qui solus liberator est nostræ mortalitatis. Seden- ti igitur, id est attentè consideranti fluxum suæ mortalitatis, apparuit, qui solus potuit liberare, vir vnus vestitus lineis, qui pellicem Adæ transacta jam hieme deponens, solis lineis vestiri voluit; tamquam sponsus ad sponsam veniens, veste nuptiali vestitus. Iam enim hiems abiit & recessit, & torus mundus apparet floridus: & verè totus, quia ibi apparet flos florum, vbi solent esse stercorea iumentorum. Vel vir vnus vestitus lineis, quia ipse tamquam sacerdos secundum ordinem Melchisedech ad nos veniens, non per sanguinem hircorum aut taurorum; sed per proprium sanguinem intras in sancta sanctorum, vestiri voluit Ephod lineo in operibus bonis, & lineâ strictâ in mortificatione carnis. Sequitur. *Et accincti renas ejus amro obrizo.* Evigilate iusti. Ecce hora est, in qua Dominus vester venit. Beati sunt serui illi, quos inuenerit vigilantes. Amen dico vobis, præcinxit se tamquam gigas, ad currenda

Pugna quædam inter Angelos Sados, cur fiat.

Tres duodenarii in Patriarch. Prophetis & Apostolis commendabiles.

Dani. 10.

Rom. 7.

Vir vestitus lineis Christus Sacerdos secundum ordinem Melchisedech.

4. Reg. 1.
Marc. 1.
Ioannes &
Elias de pel-
liceo Ada
quid reti-
nerint.

2. Corin. 12.

Iob 28.

Matth. 4.

Thren. 4.

Ezech. 9.
Apocal. 1.
Dani. 10.

Dani. 10.

Corpus Chri-
sti duplici-
ter accipi-
tur.

Num. 21.

viam: tamquam vir pugnator omnipotens, ad faciendam vindictam. Vnde, *Auro*, inquit, *obrizo*. Ioannes & Elias lumbos zona pellicea accinctos habebant: quia nimirum quamvis iusti & sancti essent, etsi pelliceum Adæ deposuerunt, ad minus de pelliceo sibi zonam retinuerunt, id est titillationem carnis de præuaricatione descendente senserunt. Iste verò auro obrizo accinctus fuit, qui de carnis titillatione nihil sensit. Nam etsi tentatus legitur pro similitudine, absque peccato fuit illa tentatio. Vel quia per renes infirmitas fragilitatis, & per aurum potentia designatur; bene auro renes accinctos habuit, qui in infirmitate nostræ carnis, potentiam non amisit. Hoc enim auro adstringebatur Paulus, cum ait. *Quando infirmor, tunc fortior sum & potens*. Auro tamen obrizo non erat accinctus; qui non à se, sed à Deo potens in infirmitate fuit. Iste verò bene accinctus auro obrizo perhibetur, qui potentia à seipso habuit. Vel quia per aurum Angelica designatur natura, ut ibi. *Non dabitur aurum obrizum pro ea*. Ac si aperte dicat. Angelica non potest ei comparari natura. Circa renes aurum obrizum habuit; cui Angelica natura in tentatione seruiuit. Vnde dicitur. *Et accesserunt Angeli, & ministrabant ei*. Per renes enim, quæ pars corporis est fragilior & promior voluptati, tentatio designatur. Vel certè, quia per aurum nitor sanctitatis accipitur. Vnde ait Ieremias. *Quomodo obscuratam est aurum?* Bene non tantum aurum, sed aurum obrizum circa renes habuit: quia in ipsa humanitate tam per signorum exhibitionem, quam per virtutum coruscationem, non solum sanctus, sed sanctus sanctorum inter sanctos apparuit. Nota, quòd Ezechiel ad renes huius viri, non aurum, sed atramentarium scriptoris vidit, Ioannes accinctum ad mammillas zona aurea, Daniel verò aurum obrizum ad renes vidit, & non ad mammillas. Sic enim Spiritus sanctus, prout voluit, singulis diuisit. Atramentarium in dorso chi-rographum mortis significat, quod ipse Christus in passione affixit cruci. Ad mammillas aurum vidit, qui in verbo prædicationis Dei sapientiam & Dei virtutem agnouit. Aurum verò ad renes vidit, qui eum per nostræ carnis fragilitatem in sepulchro iacentem, & per potentiam diuinitatis in resurrectione fulgere cognouit. Aurum ad mammillas habuit in prædicatione, atramentarium scriptoris ad renes in passione, aurum obrizum in lumbis in resurrectione. Sequitur. *Et corpus ejus quasi chrysolitus*. Corpus Christi dupliciter accipitur; quia per corpus designatur quandoque Ecclesia, quandoque caro de Virgine assumpta: quæ nimirum caro meritò comparatur chrysolito. Est enim chrysolitus lapis pretiosus, qui nascitur in Æthiopia, contra serpentes valens, & contra nocturnos timores, colore viridis, mari similis, & auro micanti, scintillans ut ignis. Bene igitur Christi corpus comparatur chrysolito, quia sicut in Æthiopia chrysolitus, & in tenebris lux, sic in mundo Christus. Ipse est lapis angularis ad coniungendam utramque maceriam, & ad percutiendū erectam statuam: qui utique contra serpentes valuit, quando diabolus & cogitationes ejus comprehendit. Hinc Moyses in vecte serpentem, in signum Christi pendentis in cruce, in deserto erexit; ut per ipsum popu-

lus Dei serpentium morsus eultaret. Bene ergo viridi chrysolito comparatus est Christus in prædicatione, qui fuit quasi præcisum lignum quod viruit, & cujus folium non defluxit. Mari verò similis fuit in passione, quando sanguine sudans, tristis erat anima ejus usque ad mortem. Scintillauit etiam ut ignis, per miracula quæ foris apparuerunt populis. Auro similis fuit, quando per potentiam diuinitatis in resurrectione refulsit. Viridis ergo fuit in prædicatione, scintillans ut ignis in miraculorum exhibitione: mari similis in passione, auro micans in resurrectione. Si verò per corpus huius viri Ecclesiam accipias, viridi chrysolito comparatur in Virginibus, mari similis in Martyribus, scintillans ut ignis in Prædicatoribus, auro micans in supernis ciuibus. Sequitur. *Et facies ejus ut species fulguris*. In facie cognitio est, ut ibi. *Et videbis faciem ejus in iubilo*. Quod nimirum tunc erit, quando adimplebitur hoc, quod per Apostolum prædicatur. *Tunc cognoscam, sicut & cognitus sum*. Natura autem fulguris & ignis illuminat, exsiccatur, vegetat, accendit, consolidat. Hinc bene facies ejus, ut species fulguris dicitur; quia cognitio Dei per fidem illuminat, & per exclusionem malorum exsiccatur, per spem vegetat, accendit per feruorem, consolidat per charitatem. Sequitur. *Et oculi ejus ut lampas ardens*. Per oculos Christi vel ipsa sapientia, qua scrutatur renes & corda, vel eorum ordo, qui in Ecclesia veritatis lumine coruscant, figuratur. Vnde ipsa ait sapientia. *Caligauit ad indignationem oculus meus*. Bene igitur oculi Christi lampadi ardenti comparati: quia sicut vitrum foris apparens in lampade intus ignis ardentis claritati non potest resistere; ita vitrum fragilitatis nostræ sapientiæ Dei omnia præscienti obuiare non potest. Scrutatur enim renes & corda, qui omnia scit antequam fiant. Si verò per oculos Christi prædicatores sancti designantur, bene lampadi ardenti comparantur: qui licet per vitrum fragilitatis foris appareant corruptibiles, pinguescunt tamen intus charitatis oleo, & igne Sancti Spiritus inardescunt. Sequitur. *Et brachia ejus, & quæ deorsum sunt usque ad pedes, quasi species æris candentis*. Nota crucis mysterium secundum simplicem literæ sensum. Brachia Christi, & quæ deorsum usque ad pedes, speciem æris candentis habuerunt, quando affixus cruci mori potius voluit, quam flecti. Æs enim candens potius frangi potest, quam flecti. Sic qui cruci est affixus, cum caput moueat, brachia & quæ deorsum sunt mouere non valet. Vel certè quilibet actiui vel subiecti fideles in Ecclesia per brachia designantur: qui bene speciem æris candentis tenent: quia non tam ore quam corde fidem seruant. Fides enim valet, quæ per dilectionem operatur. Æs verò in eo quod sonorus est, confessionem significat oris, in eo quod candens feruorem demonstrat cordis. *Corde enim creditur ad iustitiam, ore autem confessio fit ad salutem*. Sequitur. *Et vox ejus ut vox multitudinis*. Vox Christi prædicationem significat. Ipse enim est, qui virga oris sui interficiens impium, quinquies vel certè sexies ad destruendam Syriam terrā percussit. Quinquies percussit, quando legem dedit: sexies autem, quando legem in sex distinctionibus diuisit. In lege enim alia vox Dei conti-

Iob 33.

1. Cori. 13.

Iob 17.

Dani. 10.

Æs corpus Christi designat.

Rom. 10.

Alludit ad 4. Reg. 13.

Consilia E-
uangelica à
preceptis di-
stineta.
Matt. 19.

Exod. 20.

Deuter. 6.

netur in justificationibus; vt illa qua leprosus vel menstruata emundantur; alia in iudicijs, qua oculus pro oculo, dentem pro dente jubemur euelli: alia verò simplicitate literæ contenta tamquam quædam intercapedo ponitur, vt per eam sacramentorum tegumenta celen- tur: alia in consilijs, vnde Dominus Iesus quæ- renti iuveni de salute respondit. *Si vis perfectus esse, vade vende omnia qua habes & da pauperi- bus*: consilium quidem fuit, non præceptum: alia autem in prohibitionibus, vt ibi, *Non oc- cides, non mæchaberis*: alia verò in præceptis. Vnde habes. *Diliges Dominum Deum tuum*. Vel certè sexies oris sui jaculo terrâ percussit, quando vox ejus intonuit super aquas; quando vox ejus in virtute, in magnificentia, in con- fractione cedrorum, in intercisione flammæ ignis, in concussione deserti in reuelatione cõ- densi fuit. Ipse enim est, super quem requieuit Spiritus septiformis. Per spiritum siquidem ti- moris fluxus nostræ fragilitatis tãquam aquas domuit; per spiritum pietatis vox ejus in virtu- te fuit: per spiritû scientiæ vos ejus fuit in ma- gnificentiâ: quia per doctrinam inter Gentes magnificus enituit: per spiritum fortitudinis vox ejus cedros fregit, dum per potentiam di- uinitatis gloriosos terræ humiliavit: per spiri- tum consilij flammam ignis intercidit, quando consilio suæ consolationis fervorem tentatio- nis interrupit: per spiritum intellectus desertû concussit, dum Gentiles devorionis compun- ctione ad fidem conuertit: per spiritum sapien- tiæ reuelauit condensa, quando per sapientiâ nobis aperuit sacramentorum mysteria. Igi- tur vox ejus vt vox multitudinis erat, dum flu- xum carnis domuit, & misericordiæ suæ viscera nobis aperuit; quando per doctrinam ma- gnificus apparuit, superbos humiliavit, Genti- les vocauit, tentationes superavit, Ecclesiæ sa- cramenta reuelauit. Hæ sunt alæ Cherub; quas vnam ad alteram collidere vir sanctus audivit.

Ezech. 1.

SERMO IV. In Adventu Domini.

Isai. 52.

Peccatum
somnia est.

Ioan. 11.

Ephes. 5.
Dani. 2.

Matt. 26.

Matt. 20.
& 16.

Matt. 26.

ELEVARE, eleuare, consurge Ierusalem; solve vincla colli tui captiva filia Sion. Hora enim est jam nos de somno surgere. De illo inquam somno, in quo qui dormit, nec aliquid videt, nec sentit: vel si videt, quod videt non intelli- git: vel certè si intelligit, obliuiscitur & negli- git. Cum enim diceret Dominus, *Lazarus ami- cus noster dormit*, de dormitione illa dictum est, in qua nihil videtur aut sentitur. De hoc som- no surgere nos hortatur Apostolus, cum ait. *Exurge qui dormis, & exurge à mortuis, & illu- minabit te Christus*. Secundum verò somni ge- nus in somno Nabucodonosor figuratur; qui cum statuam viderit, nec recordatus est, nec intellexit. Tertium autem figuratur in somno, quo aggrauati erant discipuli, cum Dominus appropinquans passioni diceret eis. *Non potui- stis una hora vigilare mecum?* Videbant quod prædixerat eis Iesus dicens, *Ecce ascendimus Ierosolymam, & filius hominis tradetur, & intel- lexerant*: vnde & Petrus respondit. *Absit à te Domine, non fias istud*. Sed imminente passione non sunt recordati verbi ejus; somno ignaviæ depressi. Vnde cum in ipsa passione Dominus Petro dixisset, *Priusquam gallus cantet, ter me*

negabis, & Petrus verbum intelligens responsa- disset, Et si oportuerit me commori tibi, non te negabo; requiritur, negat, & gallus cantat. Tunc Dominus Petrum respexit, & recordatus est Pe- trus verbi, quod dixerat ei Iesus. Si non intelle- xisset, non respondisset: & si oblitus non esset, recordatus non fuisset. Primo ergo somno tor- pet Paganus, secundo Iudæus, tertio falsus Christianus. Paganus enim nec legendo videt, nec intelligit, nec reminiscitur verbi Dei vir- tutem: Iudæus verò legendo videt, sed non in- telligit, nec reminiscitur: falsus verò Christia- nus, videt, intelligit; sed obliuiscitur & negli- git. Primo somno torpet, qui nec Deo, nec Deum, nec in Deum credit; secundo, qui Deû credit, sed nec Deo, nec in Deum credit: tertio autem, qui & Deo & Deum credit, sed in Deû non credit. Primus igitur somnus ignorantia est, secundus perfidia, tertius torporis & igna- viæ. Si ergo in visione pacis habitare vis, (quo- niam Ierusalem visio pacis interpretatur,) & dies videre bonos, eleuare à somno ignorantie tu Pagane, eleuare à somno perfidia tu Iudæ: consurge à somno torporis & ignaviæ tu false Christiane. Qui enim iacet, & in imo prostra- tus est, non potest intueri ea quæ de longè sũt, sed ea tantummodo quæ de prope sunt intuetur. Vnde & illi qui in medio Ierusalem faciebant abominationes, quando statuebant ad ostium tabernaculi idolum zeli ad prouocandû æmu- lationem, quando adorabant picturas, plan- gebant Adonidem, & dorsum contra templû habentes adorabant ad ortum solis, jacere di- cuntur vnusquisque in abscondito cubilis sui. Vnde Dominus ad Prophetam. *Certè vidisti, fili hominis, quidisti faciunt in tenebris, vnus- quisque in abscondito cubiculi sui*. Quia ergo jacebant, ad ea quæ de prope erant, oculos ape- riebant. Quid enim magis de præsentia, & vt ita dicam, de prope potest esse, quàm fauor populi, amor mundi, dilectio carnalis desiderij, con- temptus Dei, initium infidelitatis? Ad ostium siquidem tabernaculi statuit idolum zeli, qui foris in conspectu hominum feruoris similitu- dinem demonstrat, quæ vtique similitudo Deû ad iracundiam prouocat. In ostio enim taber- naculi conspectus populi, in idolo zeli feruoris similitudo figuratur. Picturas adorant, qui ea quæ in mundo sunt desiderant. Ea enim quæ in mundo sunt, quasi picturæ sunt; quia viden- tur aliquid esse, cum nihil sint. Sunt enim quæ- dam quæ videntur esse, & non sunt, vt præ- sentia. Vnde Paulus quasi à majori probans, ait. *Si quis se putat aliquid esse, cum nihil sit, ipse se seducit*. Vbi enim hominem nihil esse dixit, de alijs rebus quæ pro homine factæ sũt, quodd nihil sint, apertè demonstraui. Vnde & Isaias. *Omnia, ait, quasi non sint, sit sunt coram eo*. Quædam autem sunt, & non videntur esse, vt æterna. Adonidem verò plangunt, qui ideo dolent, quia desideria carnis perficere non pos- sunt. Sunt enim quidam, qui cum crucifixi sint mundo, mundum tamen sibi crucifigi nolunt. Isti delectationes mundi quærunt, sed cum eas habere nequeunt, dolent & gemunt; & tunc quasi Adonidem plangunt. Per Adonidem enim qui fuit amasius Veneris, & fomes delectationis, & delectatio figuratur. Dorsum autè contra templum habent, qui contempto crea- tore honorem indebitum exhibent creaturæ.

Ezech. 8.

Quæ in
mundo sunt,
picturae com-
parantur.

Galat. 6.

Isai. 40.
Qui plan-
gant Ado-
nidem.

Quatuor
animi mo-
tus quatuor
animalibus
similes.

Cogitatio
rota volu-
bili compa-
ratur.

Ezech. 10.

Quinam
infra vel su-
pra seipsum
sunt.

Ecclesia
verba.

Quia igitur hæc sunt, quæ illi faciebant, qui in abscondito cubilis sui jacebant; tu qui in imo jaces, eleuare. Quamdiu enim animalia submittunt alas, oportet submitti & rotas: quia quamdiu motus animi fluctuantur ad terrena, oportet ut submittatur cogitatio, & in imo circumspectio reuoluatur. Motus quidem animi animalibus, cogitationem rotis non incongruè comparamus: Sicut enim quatuor animalia, quorum primum simile erat homini, secundum bovi, tertium leoni, quartum aquilæ: ita & in animo quatuor motus inuenies, quæ quatuor animalium speciem præfigurant. Primus est rationis motus, qui homini jure attribuitur; quia soli homini ratio solet cōpetere. Secundus motus est sensualitatis, quem bene boui comparamus. Nam sicut inter illa quatuor animalia bos pigrior, sic inter motus animi sensualitas ad considerandum tardior inuenitur. Per alios siquidem motus, tam ea quæ non sunt præsentia, quam quæ præsentia sunt, videntur. Sensualitas autem ea tantum considerat, quæ oculis subjacent carnalibus. Tertius animi motus auditæ est, quem bene leoni comparamus, qui a leo animal audum est. Quartus verò animi motus cordis est deuotio; quem bene assignamus aquilæ: quia sicut aquila cæteris animalibus velocior inuenitur, & altius potest incedere; ita cæteris motibus animi deuotio potest altius volare: & sicut aquila cæteris animalibus limpidiores habet oculos, ita per deuotionem, ea quæ volumus limpidius inuenimus. Et reuera vbicumque intenditur ratio, infigitur sensualitas, rapit auditas mentem, volat deuotio; ibi oportet, ut intendat circumspectio, cogitatio reuoluatur. Quia enim cogitatio siue circumspectio nunquam stabilis est, sed semper voluitur, bene rotæ volubili comparatur. Vnde & illæ rotæ volubiles vocatæ sunt, dicente Propheta. *Et vocauit illas volubiles, audiente me.* Si ergo ratio vel sensualitas, siue auditas, siue etiam deuotio eleuetur in altum, oportet ut in altum eleuetur & cogitatio: quia cum eleuantur animalia de terra, eleuantur pariter & rotæ: & quando submittunt alas, submittuntur & rotæ sequentes ea. Tunc enim submittunt, quando in terrenis intendunt. Tu igitur qui jaces, & in imo positus es, eleuare. Eleuare circumspectio, eleuare cogitatione; eleuare per exercitium actiue vitæ; eleuare etiam per altitudinem contemplatiue. Verè enim in imo est, qui infra seipsum positus est. Alij enim jacent infra seipsum, alij juxta seipsum, alij etiam eleuati sunt supra seipsum. Infra seipsum sunt, qui in omnibus carni & mundo & cogitationi cuiuslibet obediunt. Juxta seipsum sunt, qui quidem voluptates & quæque superflua rescindunt: sed de his quæ necessaria sunt, rescindere nulla volunt. Supra seipsum sunt, qui non tantum voluptates, sed & ipsas plerumque necessitates pro Deo dimittunt. Eleuare igitur juxta te, qui positus es infra te; dimittendo saltem voluptates, etsi nondum vis dimittere necessitates. Eleuare & supra te; ut ipsis necessitatibus omissis, ad illum qui de longè venit ad te, & est supra te, respicias cogitatione, & auditate. Qui enim à longè respexit, Dei potentiam vidit, sicut ait. *Aspiciens à longè, ecce video Dei potentiam venientem.* Nomen enim Domini venit de longinquo, & meritò. Sic Abraham de terra & de cognatione sua egressus est, ut inter

Chananeos diues efficiatur. Sic Elias egressus est, ut à vidua vtrumque sustentetur. Sic Iacob de domo patris sui egressus est, ut patrimonio filiarum Laban perfruat. Sic Tobias filium peregrinari misit, ut filia Raguelis copuletur. Sic & ipse Iesus egressus est; quia à summo cælo egressio ejus, ut captiua filia Sion in libertatem gloriæ filiorum Dei reuocetur. Solue ergo vincla colli tui captiua filia Sion. Si enim vinculum colli non soluatur; nec manus in sinum mitti, nec foris verba possunt extrahi. Sed cum tempus redemptionis filiorum Israël appropinquasset, ut de captiuitate Egypti, de seruitute Pharaonis in libertatem & vbertatem terræ fluentis lacte & melle vocarentur, locutus est Dominus ad Moysen, dicens. *Loquere Pharaoni, ut dimittat populum meum.* In hoc autem signo loqueris. *Mitte manum tuam in sinum tuum.* Signum est nostræ Redemptionis. Nisi enim manum in sinum mittamus, de sub jugo principis tenebrarum collum excutere non valeamus. Nam manum in sinum mittit, qui in operibus suis ad conscientiam recurrit. Per manum siquidem opera, per sinum verò figuratur conscientia. Liberari autem non potest de seruitute diaboli, qui in omnibus operibus suis conscientiam suam non scrutatur. Vbera etiam foris extrahi necesse est, si in promissis hæc filia Sion fidelis inueniatur. Quid enim est filia Sion? Ecclesia. Quid autem loquitur & promittit Ecclesia sponso suo? *Egrediamur, ait, in agrum, commoremur in villis: & ibi dabo tibi vbera mea.* Ecce sponsus in agrum egressus est. Sed ad quid? Ad meditandum & viuificandum. Ad meditandum cum Isaac; ad meditandum inquam, cogitationes pacis & non afflictionis: ut ibi de camelo suo coram eo descendat Rebecca: vel de captiuitate peccatorum eruat captiua filia Sion. Per Isaac enim Christus, per agrum mundus figuratur. In hunc enim agrum egressus est Dominus, ad cogitandum nobis bona, & ad viuificandum ossa mortua. Ossa inquam illa, de quibus Dominus in descriptione Leviathan dicit beato Iob. *Ossa ejus ut fistula aris.* Ossa ut fistulæ sunt sapientes hujus sæculi; qui cum sensum bene dicendi habeant, sensum tamen bene viuendi non habent. Vel certè ossa mortua sunt illa, de quibus Dominus ait, cum diuitem describit, *Ossa, inquit, ejus plena sunt adipe.* Diuites enim quasi ossa adipe plena sunt, quando diuitijs impinguati fortitudine sua pauperes opprimunt. Hæc erant ossa mortua, quando non erat in eis illa vita, de qua dictum est. *Ego sum via veritas & vita.* Et ad hæc ossa viuificanda venit Dominus in mundum, cum diuites & sapientes per exemplum operum & doctrinam verborum ad vitam vocauit æternam; infundendo eis in tentatione patientiam, in moribus concordiam, veram in doctrina scientiam, in religione restrictionem, in corde deuotionem. Nam tentatio in commotione, concordia in juncturarum connexionem, scientia in pellis extensione, restrictionis sententia in neruorum conjunctione, deuotio cordis figuratur in carne. Sic enim in Ezechiele scriptum est: quodd Dominus duxit eum in campum plenum ossibus mortuorum; & dictum est ei. *Putas, fili hominis, reuiviscunt ossa ista?* Et ecce commotio. Postea autem redire cepit vnumquodque ad juncturam suam. Deinde verò nervos & carnem

Exod. 3.

Conscientiā
in omni a-
ctione scruta-
ri, quam
sit necessa-
rium.

Cantic. 7.

Iob 40.

Ossa quasi
fistula qui-
nam sint.

Iob 21.

Ioan. 14.

Ezech. 37.

& pellem habere cœperunt; & tunc spiritu à quatuor ventis vocato vixerunt. Bene enim per nervos sententia restrictionis accipitur. Nam in tali nervo Iob pedem posuerat, cum diceret. *Posuisti in nervo pedem meum.* Pedem Iob Dominus in nervo posuit, cum eum distractionis suæ sententia ligavit. Per catenam autem cordis deuotio figuratur, vt ibi. *Anseram à vobis cor lapideum, & dabo vobis cor carneum.* Cor enim carneum pro lapideo dat Deus, quando pro obstinatione infert cordis deuotionem. Pellis verò nomine sacræ lectionis intentio designatur, vt ibi. *Extendens cœlum sicut pellem.* Ad viuificandum ergo ossa mortua egressus est in agrum Dominus, cum in mundum venit, vt sapientes huius mundi vel diuites ad paupertatem spiritus prouocaret. Commorari similiter in villis venit, cum in latitudinem huius mundi descendit. Mundus enim & ager & villa erat, quando Dominus venit. Ager propter laborem; villa, in eo quod nullam in eo poterat homo contra hostem suum defensionis inuenire munitionem. Sed venit Dominus, & semuram posuit in domo Israël: & tunc facta est vrbs fortitudinis nostræ Sion; quia Saluator noster positus est in ea murus. Solue ergo vincula colli tui captiua filia Sion; vt iuxta promissum vbera tua des ei. Sic enim dixerat. *Egrediamur in agrum, commoremur in villis: & ibi dabo tibi vbera mea.* Quæ sunt vbera? Iudæa simul & Gentilitas ad fidem vocata. Hæc enim sunt vbera, de quibus dicit sponsus. *Duo vbera tua quasi duo hinnuli caprea gemelli, qui pascuntur in lilijs.* Iudei siquidem & Gentiles, quando sacræ doctrinæ lac & propinant alijs, & sibi sugunt, vbera sponsæ dici possunt. Qui bene hinnuli sunt per humilitatem, caprea per deuotionis altitudinem, gemelli per charitatē. Pascuntur autem in lilijs per vitæ candorem. Vt igitur hæc vbera foris possint extrahi, id est, vt Iudæa & Gentilitas ad veræ fidei confessionem possit conuerti, *Solve vincla colli tui, captiua filia Sion.* Si enim per filiam Sion Ecclesiam figurari dicimus, rectè per collum Ecclesiæ prælatos figuramus. Collum enim pars illa corporis est, per quam cibus à capite deriuatur in corpus. Cibus autem animæ verbum est vitæ, caput Christus, Ecclesia corpus. Quia verò per prælatos verbum prædicationis, prout diuinitus sunt inspirati, in corpus Ecclesiæ diffunditur; bene per collum filiæ Sion prælati Ecclesiæ figurantur. Vincla autem colli impedimenta illa possumus appellare, quibus impediti prælati, nec sibi, nec alijs proficiunt, quantum volunt: scilicet amaritudo tentationis, fragilitas carnis, persecutio temporalis, occupatio secularis. Amaritudo tentationis in vinculis illis apertè figuratur, quibus Ioseph fratres suos ligandos esse comminatus est, cum ait. *Per salutem Pharaonis non egrediemini; sed mittite unum ex vobis: vos autem remanete in vinculis, donec veniat Benjamin frater vester minimus; & probemus si vera sint, quæ dicitis.* Ioseph enim fratres suos tentare volebat, non persequi. Bene autem Ioseph in expectatione Benjamin vinculis tentationis ligare dicitur fratres suos. Nam fideles, qui per filios Iacob figurantur, dolori amaritudine per augmentum virtutum ligantur in expectatione veræ spei, & aduentus gloriæ magni Dei. Quantò magis enim fideles

proficiunt, tantò magis dolent, quòd cū Christo nondum esse possunt. Per Ioseph autem virtutum profectus, per Benjamin figuratur Christus, quia ipse filius dexteræ est, eo quod filius sit substantiuus: nos autem quasi sinistræ, quia filij adoptiuus sumus. Ipse est filius dexteræ, quia sedet ad dexteram Patris, cui Pater dixit, *Sede à dextris meis.* Qui cū noster sit pater per humanæ naturæ donum, frater tamen factus est per eius naturæ consortium. Et bene minimus, eo quòd per carnis assumptionem paulominus ab Angelis sit minoratus. Bene minimus, in typo cuius minimum filiorum Isai, id est Dauid, de cuius genere ipse Dominus nasci voluit, Deus in Regem sublimauit. Bene minimus, qui cū magnus esset, pro nobis factus est parvulus, vt scriptum est. *Parvulus natus est nobis.* Et cū Verbum Patris esset, factus est infans, vt scriptum est. *Inuenietis infantem, &c.* Et cū prius esset omnium, factus est omnium nouissimus. Vnde Isaias. *Et nos putamus eum nouissimum virorum, virum dolorum.* Et Psalmita similiter in persona ejus. *Ego autem sum vermis & non homo.* Fragilitas verò carnis satis apertè figuratur in nervicis illis funibus, quib⁹ Dalila voluit ligare Samsonem. Nervus enim ex carne est, & ideo impedimenta carnis significat, quibus quasi vinculis ligatur, vt non proficiat quantum possit, velit, vel debeat. Persecutio verò temporalis in vinculis illis figuratur, quibus Ezechielem ligari iubet Dominus, cum ait. *Et tu fili hominis. Ecce ego posui vincula super te, & ligabunt te in eis.* Prophetarum siquidem verba, similiter & opera, plerumque proponebantur in exemplum populo Israël. Nam in signum persecutionis, qua in Babylone ligari debebant & captiuari, ligatus est Propheta coram eis, sicut dictum est. *Signum est domui Israël.* Occupatio autem in litio illo designatur, quod & illa Dalila capillis Samsonis innexuit, vt infingeret terræ. Per capillos enim capitis cogitationes mentis, per litium quod capillis innexuit, occupationes cogitationum: quæ tunc litio terræ infinguntur, cū per aliquam occupationem in terrenis cogitationes involuuntur. Vel certè occupatio, vt ait beatus Gregorius in Moralibus figurari potest in mola asinaria, quæ alligari debet collo ejus, qui vnum de pusillis Dei scandalizat. Dicatur ergo Ecclesiæ de Prælati. *Solve vincla colli tui.* Nam vt sequi Christum valeat Ecclesia, oportet vt prælati ejus & amaritudinem tentationis, & fragilitatem carnis, & persecutionem insuper parvipendant, & occupationem temporalem interdum dimittant, vt orationi vacent, sicut scriptum est. *Vacate & videte.* Vel certè per collū sacrum designatur eloquium, vt ibi. *Collum tuum sicut turris David.* Sacrum enim eloquiū sicut turris David est, cū in eo propugnacula munitionum contra ignita tentationum tela reperiuntur. Huius ergo colli vincula impedimenta illa possumus appellare, quæ prædicatorem sacri eloquii in verbis impediunt, quod plerumque facit obscuritas verborum, infidelitas auditorum, timor & prohibitio potentium. Obscuritas enim verborum in vinculis illis designatur, de quibus Baltassar loquitur Danieli, dicens. *Scio, quia potestatem habes obscura interpretari, & ligata dissolvere.* Repetitio enim est, quia quod prius dixerat, *obscura*, repetit,

Psal. 109.

Isai. 9.

Luc. 2.

Isai. 53.

Psal. 21.

Indic. 16.

Ezech. 3.

Gregor. 8.
Mor. c. 26.

Occupatio
mola asinaria comparatur.

Isai. 58.

Psal. 33.

Scriptura
sacra turris
est David.

Dani. 5.

Diversa
vincula, eo-
rumque si-
gnificatio.
Luc. 1.

1. Corin. 9.

Tria elationem ge-
nerant.

Matt. 21.

Isai. 1.

Ioan. 11.

Apocal. 9.

cum dixit, *ligata*: & quod prius dixerat, *dissoluere*, repetijt, cum dixit, *interpretari*. Infidelitas auditorum designatur in vinculo, quo ligabatur os Zachariæ, qui cum verbū Angeli de natiuitate Ioannis credere nollet, audiuit. *Eris tacens, & non poteris loqui*. Postea verò nato Ioanne credidit; & statim solutum est vinculū oris ejus, & prophetauit dicens. *Benedictus Dominus Deus Israël*, &c. Prohibitio verò designatur in vinculo, de quo scriptum est. *Non alligabis os boni trituranti*, id est, non prohibebis verbum hominis bene operantis. Dicatur ergo prædicatoribus Ecclesiæ. *Solve vincla colli tui*. Ac si aperte dicatur. Quia jam nuda & aperta sunt, quæ dicta sunt de filio hominis, tollatur offuscatio, remoueat infidelitas à corde, non terreat potentium prohibitio: sed quasi tuba exalta vocem tuā, & dic ciuitatibus Iudæ, *Ecce Deus vester*. Vel quia per collum elationis altitudo designatur, vnde filia Sion reprobatæ sunt à Deo, pro quod ambulauerunt extento collo: non immerito colli vincula possumus appellare, ea quæ cordi elationem innectunt, ne possint dissolui. Tria ergo sunt, quæ elationem cordi adstringunt, ignorantia scilicet veritatis, affectus peccandi, & obstinatio mentis. Tunc enim homo superbus efficitur; cum nec Deum, nec seipsum cognoscit, cum peccare diligit, & cum vocem monentis negligit. Ignorantia siquidem veritatis designatur in vinculo, quo ligata erat asina in templo; de qua Dominus discipulis præcepit dicens. *Ite in castellum, quod contra vos est, & statim inuenietis asinam & pullum cum ea. Soluite, & adducite mihi*. Quid enim per asinam, nisi Gentilitatem intelligimus, de qua per Isaiam dicitur, *Cognouit bos possessorem suum, & asinus praesepe Domini sui*? In boue Iudæos, in asino Gentiles significauit. Hæc igitur ignorantia vinculis adstricta iugo Dei supponi nolebat: donec per prædicationem Apostolorum ab ignorantia vinculo soluta, iugo est mancipata diuino. Affectus verò peccandi satis aperte illis in vinculis figuratur, quibus in monumento ligatus Lazarus tenebatur. De quo & Dominus ait. *Soluite eum, & finite abire*. Si enim per Lazarum peccator designatur; non immerito vinculum peccatoris affectum peccandi designat. Per affectum siquidem peccandi peccator peccato ligatur. Obstationem verò mentis figurari dicimus in vinculis illis, quibus ligati leguntur quatuor Angeli in flumine magno Euphrate, prout audiuit Ioannes vnā vocem de cornibus altaris. Ait enim. *Et audini vnā vocem de cornibus altaris clamantem. Solue quatuor Angelos, qui alligati sunt in flumine magno Euphrate*. Quid enim per quatuor Angelos, nisi quatuor tentationum genera intelligimus? Et bene per Angelos tentationes designari dicimus: quia sicut sunt administratorij spiritus missi in orbem, ad annuntiandam Domini voluntatem; ita à diabolo mittitur tentatio, vt per eam diaboli voluntas insinuetur. Quatuor ergo sunt generatentationum. Alia enim leuis est & occulta, vt timor nocturnus, alia leuis & aperta, vt sagitta volans in die, alia grauis & occulta, vt negotium perambulans in tenebris, alia grauis & aperta, vt dæmonium meridianū. Sicut ergo illi dicuntur Angeli, qui bona nuntiant; ita & tentationes Angeli dici possunt, quia mala nobis nuntiant. Angelus enim nun-

tius interpretatur. Sed illi qui bona nuntiant, calodæmones; qui autem mala, cacodæmones nuncupantur. Isti ergo Angeli ligati sunt in flumine magno Euphrate, quando in fluxa mente per obstinationem & mentis duritiam astringuntur. Dicatur ergo. *Solve vincla colli tui, caprina filia Sion*: quia si contemplationis culmē velis attingere, (nam Sion speculario dicitur) oportet, vt primò Deum cognoscas, & postea teipsum; vt peccandi voluntatem dimittas, & ad cœlestē desiderium cor tuum emollias. Sic enim absque omni impedimento occurrere poteris illi cum illa quæ clamat. *Curremus in odore vnguentorum tuorum*: ascendendo vide licet de virtute in virtutem, donec videamus Deum Deorum in Sion, id est in altitudine contemplationis, adiuti gratia Saluatoris nostri Iesu Christi; qui cum Patre & Spiritu sancto viuit & regnat Deus per omnia sæcula sæculorum. Amen.

Isai. 52.

Cantic. 1.

SERMO I. De Natiuitate Domini.



ERBVM caro factum est. Verbum abbreviatum de Verbo abbreviato audiuius. Sed dum brevis esse laboro, obscurus fio. Quippe quia verbum abbreviatum & obscurum de Verbo abbreviato & obscuro loquimur. Sed verbum meum, quia abbreviatum, obscurum: Verbum vero illud, quia obscurum, abbreviatum. Obscurum enim erat, antequam esset abbreviatum: & abbreviatum est, vt esset manifestum. Antequam esset abbreviatū videri non poterat oculis mentis: abbreviatum verò videri potuit oculis carnis. Verbum erat non breuiatum, nec dici poterat: verbum abbreviatum fuit, & dici potuit. Dici fortè potuit, non quid erat, sed quod erat: sed dici non potuit, quid erat, sed quid non erat. Deus enim Verbum erat. Nemo autem dicere potest, id quod est; sed dicere potest, quid non est. Negatiue enim de Deo compactæ sunt compactæ sunt; affirmatiue incompactæ. In hoc ergo quod Verbum erat, ipsum homo fari non poterat: sed Verbum caro factum est, & tunc infans factus est. Verbum ergo fuit, & ipsum homo fari non potuit, infans fuit, & ipsum homo fari potuit Verbum erat, quod fari non potuit. Isaiæ sunt verba, *Generationem ejus quis enarrabit?* Infans fuit, quem fari potuit Matthæus, cum ait. *Liber generationis Iesu Christi*. O Verbum ineffabile, & infans fabilis! O Verbum ineffabile apud Patrem! & infans fabilis apud matrem. Vt quid istud? Quia jubilus cœlestis Verbum Patris, nec omnino dici potest; nec omnino debet taceri. Sed dici non potuit, quia Verbum est: taceri non debet, quia infans est. Videtne? verbis proprijs improprie, improprie proprie designatur. Et quia verba propria non habemus, verbis improprie ad ejus notitiā, prout dederit, ascendamus. Verbum Patris est; & vt vsu humano loquamur, verbum Patris substantiuum est, verbum cum Patre æternum, verbum indeclinabile, figuræ simplicis, præsentis temporis, muneris singularis, infinitiui modi. Legitis hæc & intelligitis? Fortè dicitis, legimus; nec vni tota de tota lectione præterimus, & intelligimus: sed rex regulis Prisciani ita edocti non sumus. Bene. Vna est lectio vestra & mea: sed

Ioan. 1.

De Deo sci-
mus, quod
sit, & quid
non sit, non
quid sit.

Isai. 53.

Matth. 1.

vestra docta, mea indocta. Et quamvis una eademque sit lectio, sensum tamen humanum ex verbis humanis colligitis, ego vero spiritualement. Animadvertite igitur spiritualement intellectum: ut unus & idem nobis intellectus sit, meus spiritualis, & vester humanus. Dixi à principio, verbum Patris substantivum esse; quia consubstantiale est Patri verbum suum. Si enim accidentale esset; & adesse & abesse posset. Sed forte dicitis. A verbo Pater abesse potuit, quia verbum dixit, *Deus Deus meus, quare me dereliquisti?* Hec in persona Filii, dicta negare non possumus. Nam in Evangelio dicit. *Eli, Eli, lamma sababthani?* Vnde & Psalmista ad maiorem argumenti rationem adjungit. *Deus meus, clamabo per diem & non exaudia.* Clamat se Filius derelictum à Deo, & non est exauditus: ergo est derelictus. Pensatis quid, sed non propter quid, dictum sit. Verba enim sunt filii hominis entis filii Dei: qui prædestinatus est filius Dei in virtute, ut esset filius hominis & filius Dei. Clamat igitur filius hominis se in Passione derelictum quoad protectionem divinitatis, non quoad divisionem unionis: quoniam tunc non solum Pater, sed ipse Filius seipsum dereliquit. Nam si seipsum defendere vellet, prout posset, quis salutem nostram operatus esset? Posset forte mala voluntas esse à diabolo, vel Iudæo; sed potestas non potuit esse, nisi à Deo. Hinc est, quod Filius ait. *Non haberes in me potestatem, nisi tibi datum esset à Super.* Et alibi. *Nemo tollit à me animam meam: sed ego pono eam, & iterum sumo eam.* Rursus quod substantiale Patri sit Verbum, potest probari. Ex omnibus enim quæ facta sunt, dixit Dominus, & facta sunt. Ergo per Verbum omnia fecit. Vel ergo duo omnipotentes fuerunt, vel idem est Pater & Verbum. Sed duo omnipotentes esse non possunt; quia ad hoc ut alter omnipotens esset, alterius potentiam posse comprimere necesse esset: alioqui aliquid potentia ejus deesset, & sic omnipotens non esset. Quia igitur unus est omnipotens, & Pater est omnipotens, & Verbum est omnipotens: unum atque idem esse Patrem & Verbum, necesse est. Et quia prorsus unum; proculdubio unum Deum, unam substantiam. Est igitur activum verbum, non solum ex ijs quæ facta sunt, sed ex ijs quæ facienda erant, antequam quidquam fieret. Nam sicut voluntas artificis habens præ oculis omnem materiam domus faciendæ, fertur super illam, & quodammodo jam mente facit, dum quid de quo facturus sit proponit; ita in summo artifice omnia quæ facta sunt, præsentia fuerunt: ut sicut domus facienda primò fit in scientia artificis; fit & materialiter, cum læuigantur lapides & ligna; fit etiam essentialiter, cum in structura disponuntur læuigata: ita & summus artifex per verbum omnipotens fecit omnia, ut in præscientia incubaret faciendis, in materia factis, in essentia ordinatis. Vnde dictum est, *fiat & fecit, & facta sunt.* Quid est enim dicere, *fiat lux*, nisi quod Verbum genuit, in quo erat, ut fieret lux; & erat, antequam quidquam fieret? Quod igitur dictum est, *fiat*, refertur ad opus in præscientia: quod fecit, ad opus in materia: quod factum est, ad opus in essentia. Quod ergo primò fecit, quod facta ordinavit, quod ordinata humanæ utilitati exposuit, totum in præscientia fuit; & illa præscientia ab æterno

fuit. Ab æterno ergo præsciuit ut faceret, ordinaret, exponeret. Ergo facere, ordinare, exponere, in Deo æternaliter fuit. Et sicut videmus, quia primò facta sunt, quæ facta sunt, & postea ordinata, tandem exposita; ut quasi principium sit humanæ utilitatis benigna rerum expositio, expositionis autem & utilitatis sapiens dispositio, dispositionis autem expositionis & utilitatis rerum compositio; totum ex præscientia artificis emanavit, cum sic componere, disponere, exponere proponebat. Erat igitur benignitas exponens ad omnia facta principium, sapientia ordinans benignè exposita, potentia agens sapientiæ & benignitatis: ut sic sapientia totum haberet à potentia, benignitas verò simul à sapientia & potentia. Et quamvis diversitas videatur in actibus, nulla tamen diversitas erat in agente. Quia nec à seipso aliquis artifex differt, quando quid cogitat disponere, ordinare, exponere: quamvis sit aliud disponere, ordinare, exponere. Ita Deus unus erat ante sæcula, qui potenter omnia disposuit, sapienter ordinavit, benignè exposuit. Nec aliquid erat potentia componens, sapientia ordinans, benignitas exponens, nisi unus Deus; qui per patres dividi non potest, quia simplex est, & corpus non est; nec aliquid in eo imperfectum, eo quod omnino bonus est. Vides igitur ex prædictis, quod idem est sapientia, potentia, benignitas, in Deo. Et tamen sapientia est à potentia, & benignitas ab utraque. Et cum nihil aliud dicamus potentiam, quam Patrem, sapientiæ quam Filium; benignitatem, quam Spiritum sanctum, ex rebus factis potest argumentari, quod unum atque idem est Pater & Filius & Spiritus sanctus: Filius tamen à Patre, Spiritus sanctus ab utroque. Et quamvis unum sint, quibusdam tamen proprietatibus distinguuntur; sicut proprium fuit potentia ut ageret, sapientia ut ordinaret, benignitatis ut exponeret. Quod eam potenter fecit, sapientia & benignitatis fuit: quod benignè exposuit, potentia & sapientia fuit. Hinc est etiam, quod cum idem sit Pater & Filius & Spiritus sanctus; proprium Patris fuit, ut in voce audiretur; proprium Filii, ut baptizaretur; proprium Spiritus sancti, ut in columba videretur. Tamen ut Pater audiretur, operatus est Filius & Spiritus sanctus; ut Filius baptizaretur, operatus est Pater & Spiritus sanctus: ut Spiritus sanctus videretur in columba, operatus est Pater & Filius: quia profectò inseparabilia sunt opera Trinitatis. Quia igitur unum est cum Patre & Spiritu sancto Verbum, bene indeclinabile dicitur, quia idipsum est. Tu autem, ait psalmista, idem ipse es. Vnde Iacobus. *Apud quem non est transmutatio, nec vicissitudinis obumbratio.* Et alibi. *Stabilisque mansuetudo dat cuncta moveri.* Non enim declinatur de loco ad locum, qui ubique est; non declinatur per vicissitudines temporum, qui semper est; non per varietates ætatum, qui ab æterno est: non per divisiones partium, qui corpus non est; non per mutationes dignitatum, quia Deus est: non per diversitates affectuum; quia semper idem est. Nam si iratus fuisse, vel poenituisse legitur, figuratiue dicitur: quia nullus in Deum cadit affectus. Sic iratus dicitur, quia punit: poenituisse, si quod fecit, delet, quod facere poenitens solet. Quia autem ens à Patre unum est cum Patre, bene simplicis prædicatur

Psal. 21.
Matt. 27.

Quo sensu
Christus in
Passione à
Deo fuerit
derelictus.

Joan. 19.
& 10.

Pater per
Verbum fecit omnia.

Genes. 1.

Personæ divi-
nae pro-
prietatibus
distinguntur.

Matt. 3.

Psal. 101.
Iacob. 1
Boët.
Immutabi-
lit. ad Deū.

figuræ, cum sit splendor gloriæ, & figura substantiæ Patris. Non figura Patris, quasi à Patre figurata, nec figura quasi ad Patris figuram; sicut homo imago Dei est; sed ad Dei imaginē. Nec figura Patris, quod ad Patris similitudinē: non enim participat cum Patre aliquam similitudinē: quia non est participatio, ubi totalitas est; non est similitudo, ubi est identitas. Nulla in eo diuersitas, qui de se dicit. *Qui videt me, videt & Patrem.* Vna igitur substantia est Pater & Filius, vna prorsus figurans omnia, neutra ab altera figurata. Attende super hoc euidens argumentum. Splendor solis à sole est, non sol à splendore: vnum tamen splendorem emittunt sol & splendor solis. Numquid sibi diuersus est splendor emissus? Nonne si quis à te quæreret, quid lucet in domo, nonne bene responderes, sol? Vel si hoc iterum quæreret, numquid bene dicere posses, splendor solis? Numquid de duobus splendoribus locutus es, cum dixisti, sol & splendor solis? Non utique, sed ad vtrumque respondisti; quia vnus splendor est sol & splendor solis: & tamen, ut dictū est, splendor solis à sole est. Et quamvis ab ipso sit, coram tamen sunt; quia numquam splendor sine sole, nec sol sine splendore. Sic igitur quāvis à Patre sit Filius, cœterni tamen sunt. Propter hoc præsentis etiā temporis est, quia apud ipsum illud æternum *hodie* est; quod nec præteritum nouit, nec futurum. Vnde Pater ad Filium. *Ego hodie genui te.* Quod in alio Psalmo exponitur, cum dicitur. *In splendoribus sanctorum ex utero,* id est ex diuinitatis secreto, *ante luciferum genui te.* Apud ipsum enim erit non est; quia ab æterno est. Apud ipsum fuit non est; quia finem habere non potest. Apud ipsum ergo est semper est. Quod fuit enim vel quod erit, apud ipsum non est: quia quidquid fuit vel erit, in ipso est. Et quamvis vnitas vel singularitas sit in substantia, tamen in personis est pluralitas: ita vt nec singularitas confundat pluralitatem, neque pluralitas separabilem reddat singularitatem. Plures sunt, & non vnus: vnum sunt, & non plura. Vnum dico ab vnitate, non vnum ab vnione. Tres personæ sunt vnum. Adoratur Trinitas, & tamen quia diuersa non sunt, non est ibi triplicitas. Nulla prorsus diuersitas, quia prorsus vnitas: & tamen pluralitas, quia distincta Trinitas. Non est ergo differentia adhibenda diuisio, sed distinctionis discretio. Vnum est enim Pater & Filius & Spiritus sanctus. Distinguitur tamen Pater à Filio, quia Pater est genitor, vel ingenuus, Filius genitus. Vna eadēque sapientia Pater & Filius, & tamen sapientia genita Filius, sapientia ingenua Pater. Nec sapientia genita est sapientia ingenua: vna tamen sunt sapientia. Similiter Spiritus sanctus, cum sit eadem sapientia cum Patre & Filio, tamē nec sapientia ingenua, nec genita sed procedēs. Nec dicere eam debemus ingenuā, ne Pater videatur: neque genitā, ne Filius credatur: sed securius procedentem, vt ab vtrōque distinguatur. Attendite fratres, quare dixerit Isaias. *Generationem eius quis enarrabit?* Quis enim generationis huius modum poterit diffinire? Absque modo est, quia infinitus est. Intelligite tamen in humanis, quod later in diuinis. Intelligite per aliquid simile, quod later in rei veritate. Dixit Iesus discipulis suis. *Nisi manducaueritis carnem filij hominis,*

non habebitis vitam manentem in vobis. Magna & vtilis sapientia, & quis eam Christum docuit? Quis enim consiliarius ejus fuit, & quis eum docuit scientiā? Prorsus indocta est. Huic autem doctrinæ testimonium perhibet Ioannes & scripsit hæc, prout à Christo edoctus fuit. Vna ergo fuit sapientia Christi & Ioannis: sed fuit in Christo indocta, in Ioanne docta. Quod autem Ioannes scripsit hæc, videmus scriptum, legimus & intelligimus. Quis illam sapientiam me docuit? Non Ioannes, quia Ioannem nūquam vidi, nec alius à Ioāne. Ergo sapientia mea docta non est. Tamen si Christus hanc sapientiam non docuisset Ioannem, nec ego hanc sapientiam habuissem. Ergo etsi mihi sapientia mea docta non est, non tamen indocta est, Ioanni enim docta est. Vna eadēque sapientia Christi, Ioannis, & mea: sed in Christo indocta, Ioanni docta, mihi quodammodo neutrum, sed procedens; quia à Christo qui Ioannem docuit, & à Ioanne qui scripsit, sapientiam hanc accepi. Principium habuit sapientia mea à Christo & Ioanne: principium habuit sapientia Ioannis à Christi, sapientia Christi à nullo. Et tamen vna eadēque est ista sapientia. Est igitur sermo Ioannis quasi genitus à sermone Christi; sermo Christi quasi genitor sermonis Ioannis; sermo meus quasi procedens à sermone Christi & Ioannis. Vnus tamen sermo Christi, Ioannis, & meus. Vides igitur, quod aliquod verbum vnum & idem est; & tamen secundum aliquid indoctū, quod neque doctum dici possit neque procedens: secundum aliquid ita doctum, quod nec indoctum dici debeat: quia quod doctum est, indoctum non est, nec ea processione procedēs, qua procedit in legente. A Christo enim in Ioannem processit per doctrinam eruditionis; à Ioanne in me per studium lectionis. Ita vnū atque idem prorsus Pater & Filius & Spiritus sanctus: & tamen genitor est Pater, ita vt neque genitus, neque procedens possit esse: ita genitus Filius, quod neque genitor, neque procedēs à Patre, processione, qua Spiritus sanctus. Nam & secundum quid procedere dici potest à Patre. Vnde ait. *Processi à Patre, & veni in mundum.* Procedit enim Filius generatione, Spiritus sanctus missione. Et est principium Filij & Spiritus sancti Pater, principium verò Spiritus sancti Filius; principium ad omnes creaturas Spiritus sanctus. Sicut si ego vobis sermonem prædictum primò notum facerem, quem scripsit Ioannes, & audiuit à Christo, sermo meus vestræ doctrinæ esset principium, sermo Ioannis ad meum, sermo Christi ad Ioannis & meum, vnus per omnia sermo. *Et Verbum caro factum est.* Non Pater, non Spiritus sanctus caro factus est, quamvis vnum sint Pater & Filius & Spiritus sanctus, solus tamen Filius carnem assumpsit. Cum enim diceret Christus, *nisi manducaueritis carnem filij hominis,* &c. intellexerunt quidam carnaliter, vnde scandalizati vouerūt abire retrorsum. Credebant enim, quod in illa forma in qua crucifixus est, deberent cum manducare, non in sacramento panis & vini. Dixit ergo eis Iesus. *Non vos scandalizat? Verba quæ ego loquor, spiritus & vita sunt:* & aperuit illis sensum. In Christo sensus erat, non carnalis, sed spiritualis: in discipulis illis intellectus carnalis & spiritualis. Nam quia car-

Indocta, id est, non accepta per alienam doctrinam.

Ioan. 16.

Spiritus sanctus est principium solum ad extrinsecum.

Ioann. 6.

Error Capharnaïtarum in quo situs.

Ioan. 14.

*Psal. 2.
& 109.*

In Deo non sunt est & erit, sed solum est.

Spiritus sanctus nec genitus, nec ingenuus est. Isai. 53.

Ioann. 6.

nalis, scandalizati sunt: & quia tandem spiritalis, ait Petrus. *Domine ad quem ibimus? Verba vite eterna habes.* Verbum in Christo caro non erat; quia caro & sanguis non reue-
labat ei. Verbum in discipulis quasi caro erat. Idem erat discipuli & magistri: sed in magistro diuinum tantum, in discipulo verò humanum pariter & diuinum. Sed quod humanum erat in discipulo ex infirmitate: & quod diuinum erat in ipso, non ab ipso erat, sed ex virtute diuina. Quid miraris in Dei Filio, quid miraris in Dei Verbo, & non miraris in isto? Vnum est enim Pater & Verbum, vnus Deus, vnus omnipotens; & Verbum caro factum est, & Pater caro factus non est. Verbum carnem assumpsit, & Deus esse non desijt: quia id quod fuit permansit; & quod non erat, assumpsit. Sed quod carnem assumpsit, ex infirmitate contraxit Virginis: quod Deus permansit, ex eadem Patris diuinitate, quæ ipse erat, habuit: & ipse sua erat diuinitas; & ipse erat Patris diuinitas. Quod igitur erat Verbum substantiuum, carnem assumendo factum est adiectiuum: quia sic sibi carnem vniuit, vt nec commixtionem pateretur vnio, neque diuisionem. Non enim diuinitas versa est in carnem, nec caro in diuinitatem; nec potuerunt separari post vnionem. Sed filius hominis fuit in sinu matris, & filius Dei in sinu Patris. Nam quamvis in morte anima separata fuerit à carne, tamen nec caro nec anima separari potuit à diuinitate: quia totus fuit in inferno propter animam, totus in sepulchro propter carnem, totus in cælo propter diuinitatem. Nonne cum librum legis, & pellem & scripturam. conspicias? Vna sola pellis, & vna sola scriptura est: & vnus ex scriptura & pelle intellectus. Potest scriptura separari à pelle; sed intellectus deleri non potest. Tale est Verbum caro factum. Pellis caro, scriptura anima, intellectus tamquam Verbum intrinsecum, Verbum Patris. Anima potuit separari à carne, intellectu Verbi non recedente. Et hoc Verbum caro factum est, id est Deus homo factus est. Nam per carnem figuratur homo, vt ibi, *Et videbit omnis caro salutare Dei.* In hoc autem quod caro factum est, abbreviatum est. Verbum enim abbreviatum fecit Dominus super terram. Dispensiosum siquidem sermonē & auditoribus plenum fastidio fecerat in verbo legis & Prophetis, & Agiographis, multipharie multisque modis olim Deus loquens Patribus in Prophetis. Dixerant enim qui tunc temporis erant, non deest, qui impleat; sed deest, qui iubeat. Propter hoc non defuit, qui iussit; sed defuit qui implouit. Nam vt talis eorum retunderetur superbia, impositum est eis, teste Petro, tale jugum, quod nec ipsi, nec eorum Patres portare potuerunt. Propter hoc ad verbum iubentis nec beneuoli, nec dociles, nec attenti fuerunt: quippe duræ cervicis homines, & frontis indomabilis, & lapidei cordis, vt ait Propheta. *Obturerunt aures suas tamquam aspidēs sordæ.* Sed contra Moysen murmurantes suspirabant ad ollas carniū, quas reliquerant in Ægypto. Vt igitur auditores suos dociles & beneuolos redderet & attentos, Verbum abbreviatum fecit Dominus super terram. Abbreviatū quippe in mundo, abbreviatum in vtero, abbreviatum in patibulo: & quod mirabilius est, eò plus abbreviatum, quò in patibulo magis extensum.

Extendebatur & abbreviatur, & quò magis videbatur, eò plus abscondebatur. Ex multis igitur verbis, quorum scientia proluxa & incōprehensibilis erat, excepit sapientia Patris verbum abbreviatum, cuius doctrina salubris est & compendiosa. Nam cum verborum aliud sit substantiuum, aliud adiectiuum; aliud actiuum, aliud passiuum, aliud deponens, aliud neutrū: omnia in vno Verbo instaurata sunt deponendi & abbreviati. Nam verbum substantiuum Deus in Patre, verbū adiectivū Deus in carne. Verbum actiuum in rerum creatione; verbum passiuum in passione: verbum deponens in depositione animæ, quādo separata est à corpore. Vnde ait. *Nemo tollit animam meam à me; sed ego pono eam, & iterum sumo eam.* Quod igitur indeclinabile, vt suprà diximus, erat & immobile, vt scriptum est. *Tu autem idem ipse es, & anni tui non deficient.* Et iterum. *Stabilisque manens das cunctis moueri.* Nam qui moueri non poterat, aut secundum tempus, aut secundum locum; omnia tamen mouebat, aut secundum tempus & locum, vt corporalia; aut secundum tempus & non locum, vt spiritualia; in abbreviatione sua factum est mobile secundum distinctionem temporum, aut modorum, aut personarum. Præsens quippe tempus suæ abbreviationis fuit illa temporis plenitudo, in qua se præsentem hominibus indicauit. Sub legis quidem tempore, sub quo sui aduentus tempus prænuñtiauit, non fuit temporis plenitudo, sed tempus imperfectū; maxime quia nihil ad perfectum adduxit lex. Sacramenta quippe legis non illud efficiebant, quod figurabant; sed erant signa rei, non res signi; non significata, sed significantia. Sub gratia verò sacramenta efficiūt, quod figurant; & completa est omnis Prophetia; & perfecta sunt, quæ dicta sunt Mariæ à Domino. Vnde & ista perfectio sub tempore sextæ ætatis completa est, vt sexta ætate repararet hominem, qui fecerat eum sexto die: & qui sub separij perfectione totum primæ conditionis opus compleuerat, sub senarij perfectione reparationis humanæ perfectum aduenisse tempus ostenderet. Completa autem perfecti plenitudine temporis, quæ tunc consummata est, quando dixit in cruce, *Consummatum est:* sicut in prima conditione post sextum diem die sabbati requieuit ab omni opere quod patrarat: ita quando post istam perfectionem suæ abbreviationis & nostræ Redemptionis, in die Ascensionis portas eleuans æternales plusquam perfectæ, quia nec factæ, æternitatis suis aditum reserauit. Cujus reserationis gloria statutis ad dexteram tunc patebit, cum futurum Iudicis tempus aduenierit; ex tunc erit tempus sine fine, tempus infinitum, quia sine fine mansurum. In diebus igitur suæ abbreviationis indicatio modo vti voluit, quando discipulos suos erudiuit: & quod vtile, quod salubre, quod necessarium erat, verbis & operibus indicauit. Imperatiuo modo in præceptis & miraculis; optatiuo autem in deuotione orationis, & desiderio nostræ salutis. Coniunctiuo verò in vnione animæ & corporis, in confederatione vtriusque parietis, in copula qua copulari ima sumis. Infinitiuo etiam modo in distributione gloriæ, quæ nullo terminatur fine. Cum autem omnibus hanc præparat gloriam, qui eum sequuntur ad vitam, vtitur impersonali modo: quia cuius-

Verbum est actiuū passiuū, &c.

Ioan. 10.

Psal. 101.

Boët. de Consol.

Sacramentorum vet. & nouæ legis differentia.

Ioan. 19.

Corpus & anima semper unita verbo fident.

Isai. 52.

Psal. 97.
Exod. 16.

Deus omnes
ad se vocat.

Luc. 2.

Rom. 1.

Hebr. i.

Persona
Christi post
Incarnationem
est composita.

Heresin Euty-
chetis sapit
hæc sententia,
aut in-intelligi-
bilis est.

Philip. 2.

cumque sit generis vel ætatis, siue conditionis, omnes vocat ad se, quia non est personarum acceptor Deus. Gerundiuo autem modo vsus est tamquam pius medicus, quando dolores nostros ipse tulit; & languores nostros ipse portauit: & cum casus secundat asperos, & dat gerendi gratiam. Supino modo vsus est, cum se supposuit Mariæ & Ioseph. Vnde habes. *Et subditus erat illis.* De persona verò Verbi hoc intelligendum est, quod sicut in doctrina Philosophialis verbi tres esse personas docemur, & vnum verbum; ita in doctrina fidei tres personas confitemur & vnum Deum. Verbum verò incarnatū & abbreviatum non desijt esse quod erat, sed incepit esse quod non erat. Non desijt esse Deus, & vna substantia cum Patre: nec desijt esse alia persona à Patre, sed in sua abbreviatione idem Deus, eadem substantia illa, quæ tunc erat persona non alterata, sed à Patre altera. Hinc est, quod Apostolus ait. *Qui predestinatus est filius Dei in virtute.* In virtute quidem Dei prædestinatus fuit, vt filius hominis esset ens filius Dei. Cumque in sua maiestate, vt dictum est, esset simplicis figuræ, nam etsi aliquis figura Dei dicitur, quia ad Dei figuram factus est, iste singulariter figura Patris est, vt Apostolus ait, *Qui cum sit splendor gloriæ, & figura substantiæ eius;* tamen non sic figura, quod ad figuram: quia totam implet Patris figuram: sed in nullo dissimilis aut inæqualis; nec similis participatione similitudinis aut æqualitatis; sed illud idem quod Pater est, ratione identitatis. In abbreviato tamen Verbo figura hominis foris patebat, sed figura Dei, nec alia à Deo, intus latebat; & erat vna persona homo patens & Deus latens. Quid igitur? Dicemus hoc Verbum abbreviatum esse figuræ compositæ? Sed super hoc illis diffinitiuam sententiam reservamus, qui Ioannis Chrysostomi auctoritate innitentes, dicunt, hominem illum, non ex anima rationali & carne tantum, sed ex humana & diuina natura, id est ex tribus substantiis, diuinitate, carne, & anima, constare: & hunc Christum fatentur, & vnam personam tantum esse, ante Incarnationem quidem solum modo simplicem, sed Incarnatione factam compositam ex diuinitate & humanitate: nec est ideo alia persona, quam prius. Vnde Ioannes. *In Domino nostro Iesu Christo duas quidem naturas cognoscimus, vnam autem hypostasin ex veris que compositam.* Ideo autem istis hanc sententiam reservamus; quia sunt alij, qui eis contradicunt, & in Incarnatione Verbi non solum personam ex naturis compositam negant; verum etiam hominem aliquem, vel aliquam substantiam ibi ex anima & carne compositam vel factam diffidentur; sed sic illa duo, scilicet animam & carnem, Verbi personæ vel naturæ vna esse ajunt, vt non ex illis duobus vel ex illis tribus anima, substantia, vel persona fieret, siue componeretur; sed ex illis duobus velut indumento Verbum Dei vestiretur, vt mortalium oculis congruenter appareret: non quod illa duo vel aliqua res ex illis composita, sint vna persona cum verbo. Vnde Apostolus. *Et habitu inuentus ut homo.* Vnde Augustinus istud verbum Apostoli tractans, manifestè ostendit Deum dici factum esse hominem, vel esse hominem secundum habitum. Propter huiusmodi, viam tam arduam non consulit intrare nostra cæci-

tas absque duce. Hoc autem dicere possumus, quod quando non erat ei species, neque decor, sed videbatur quasi leptosus & percussus à Deo & humiliatus; & exinanita videbatur figura Dei, & deformis & decomposita videbatur figura hominis, vt pote cruentata, & spuris oblita, pallefcens colaphis, morte denigrata. Sed quoniam pro nobis hæc omnia sustinere dignatus est, qui sic se abbreviauit, qui sic se declinauit, & vt ita dicam, defigurauit, imò & exinaniuit: nos dilectissimi fratres ad ejus exemplum abbreviemus superbiam nostræ fastum, declinemus à concilio ludentium, defiguremus pallore jejuniij decorem lasciuum, exinaniamus lasciuia carnis & morum: vt in omnibus configurati Verbo abbreviato, & formam hominis foris deformem, & formam Dei intus formosam conseruemus: ejus tamen auxilio, sine quo nihil facere possumus, nec debemus: imò per quem omnia sunt, nec cessant fieri. Quoniam etsi abbreviatus fuit in mundo, tamen sine mēsurā immensus, & sine magnitudine magnus semper regnauit in cælo: quia nec diminuta erat potestas ejus cum pateretur, nec magnitudo cum abbreviaretur: sed subditus in forma serui, regnabat Deus in forma Dei, cum Patre & Spiritu sancto: cujus regnum & imperium sine fine permanet in sæcula sæculorum, Amen.

SERMO II. De Natiuitate Domini.

LIBER generationis Iesu Christi filij David, filij Abraham. Quia mirabilia vidim⁹ hodie, fratres: quod sine mensura immensus, parvus jacet in præsepio: qui Verbū, infans factus est; & admirabilis consiliarius, absque verbo: incircumscriptibilis, loco paruo conclusus in vtero; non incongruum duximus, loqui parua de magno humana de Deo; vacare & videre, quàm mirabilis sit Deus in opere suo. Antiquorum siquidem mirabilium non immemor Deus, aut minus potens in veritate signi & re significata, aperuit quod in signo veritatis & re significante figurauit. Virga floruit absque radice, vellus maduit, & tellus aruit siccitate; rubus incenduit absque consumptione; sic virgo peperit absque semine. Cæli rorauerunt in carnis vellere, mortalitatis rubus resplenduit Dei immortalitate. Vacate ergo & videte, quàm mirabilis sit Deus; vacate ab opere seruili, & videte libertatem gloriæ filiorum Dei. Si enim non tollatis lippitudinem ab oculis, intueri verum solem non potestis: si non claudatis oculos carnis, non potestis aperire oculos mentis. Exteriores siquidem Pauli oculos clausit Deus, qui erant aperti; vt interiores aperirer, qui erant clausi. Sic enim Iob, vt apertos haberet oculos cordis, pepigit fœdus cum oculis suis, vt nec cogitaret quidem de virgine. Vacate ergo & transitorijs, & videte æterna; vacate ab imis, & videte superna; vacate à mundo, & vacate Deo; vacate per otium lectionis, & videte oculis intentionis; vacate legendo, & videte intelligendo. Propositus est enim nobis ad intelligendum apertè, *Liber generationis Iesu Christi filij David, filij Abraham.* Et meritò, quia refarciti sunt muri Ierusalem, cessat inimicorum fortitudo, & edificatæ sunt portæ, seræ portarū confortatæ; & in semine Abraham benedicti sunt filij ejus in ea. Et vtique bene sunt muri

Matth. 1.

Figura Incarnationis.

Iob 31.

Matth. 1.

ejus refarciti: quia Saluator in ea positus est murus. Bene cessare debet fortitudo inimicorum: quia ingressus est Dauid ad singulare certamen contra Philistæum. Sicut ergo illi, qui sub Nehemia & Esdra, fecerunt; & nos fratres mei, qui filij sumus cœlestis Ierusalē, faciamus. Hæc enim omnia ad nostram doctrinam scripta sunt, & facta pro nobis, in quos fines sæculorum deuenerunt. Legimus enim quodd postquam reedificata fuit Ierusalem, & inimicorum ruina cessauit, accepit Esdras librum legis, & legit in eo coram filiis Israël ad intelligendum apertè. Sic & Deus Pater in reedificatione Ierusalem, quæ sursum est, quæ est mater nostra, librum illum nobis aperuit, quem signatum Isaias uidit: sed & Ioannes in hoc eodem libro septem signacula uidit, quæ nemo poterat soluere, donec agnus qui occisus est, aperire eum dignus inuentus est. Quia igitur agnus ille, qui coram tondente se obmutuit, & non aperuit os suum, septem signacula à libro remouere venit; quando scilicet nasci uoluit, elegit submitti, passionem nostras absque peccato pati, tentari, ieiunare, mori, & internum mordere: non immeritò lectioni vacare debemus, qui hæc omnia nuda & aperta uidemus. Olim enim Isaias uidit, sed nondum poterant vacare antiqui. Nam & scienti literas & nescienti porrigebatur, & legere non poterant; signatus enim erat sigillis septem. Hodie autem ita librum apertum uidemus; ut & ille qui scit literas, & qui nescit, quod utile, quod honestum, quodque necessarium est, inuenire possit & intelligere. *Beatus qui legit & audit uerba libri huius; & seruat ea, quæ in eo scripta sunt.* Nihil enim in eo superfluum scriptum est, quod possit recidi; nihil minus dictum, quod debeat addi; nihil male dictum, quod debeat emendari: sed totum utile est, ut beneuoli sint auditores; totum breue, ut fiant attentiores. *Verbum signi-*

Septem signacula libri quæ soluit agnus.

Apocal. 1.

Isai. 10.

Ezech. 3.

Mundus liber est.

Conscientia hominis lib.

dem abbreviatum, fecit nobis Dominus super terram. Olim librum scripsit nobis Deus, in quo sub multis uerbis unum comprehendit: hodie librum nobis aperuit, in quo multa sub uno uerbo conclusit. Quidquid enim per integumenta uerborum in libris antiquis de filio Dei scriptum erat, totum in huius libri uerbo explanatum est. Multipharie enim multisque modis olim Deus locutus est Patribus in Prophetis: nouissimè diebus istis locutus est nobis in filio, hoc est, in Verbo suo. Hoc igitur uolumen, uolumen illud est, quod factum est in ore Prophetæ sicut mel dulce: ait enim. *Et cibauit me uolumine illo; & factum est in ore meo sicut mel dulce.* Sed quis est liber iste? Est enim liber magnus quidam in superficie, sed paruus in sensu: quia nihil ad perfectum adduxit lex. Et est liber nihil habens oneris in superficie, sed grandis in sensu. Et est liber maximus in superficie, & incomprehensibilis intellectu. Quis enim cognouit sensum Domini: aut quis consiliarius ejus fuit? Ipse enim liber est, qui pro pelle carnem habuit, & pro scriptura Verbum Patris. Liber ergo magnus in superficie, & paruus in sensu, lex est, siue mundus iste, qui foris scriptus est per rerum formas, intus autem per rerum naturas. Quasi enim liber est reuolutus per reuolutionem temporum & dierum. Liber qui nihil habet oneris in superficie, &

grandis inquam liber, scriptus stylo hominis. Stylus hominis, defectio est humanitatis. Hic scriptus est foris, considerando uisibilia; intus, considerando æterna. Major primo libro est liber iste. Nam & ea quæ in mundo sunt, & ea quæ sunt extra mundum, potest comprehendere. Sed super omnes est liber ille, qui & ea quæ in mundo sunt, & quæ in conscientia esse possunt, comprehendit. Vnde est. *Imperfectum meum uiderunt oculi tui, & in libro tuo omnes scribentur.* Verbum tamen & alia etiam comprehendit, quæ in cor hominis non ascendunt. Oculus enim non uidit, & in cor hominis non ascendit, quæ cognoscent ijs, qui student in eo. Ut igitur breuiter exponamus, liber maximus, est Filius Incarnatus: quia sicut per scripturam Verbum unum pelli; ita per assumptionem hominis Verbum Patris unum est carni. Quia ergo ipse est, qui omnem à Patre accepit potestatem iudicii, Pater enim non iudicat quemquam, sed iudicium omne dedit Filio; non immeritò in illo uolumine figuratur, in quo scriptæ sunt lamentationes, & carmen, & uæ. Vnde & propter illa duo, quæ audiuit Propheta Dauid, potestatem scilicet & misericordiam, in qua reddit unicuique secundum opera sua, factum est in ore huius Prophetæ, sicut mel dulce. Scriptæ sunt enim in hoc uolumine lamentationes, propter eos, qui in mundo sunt, positi; carmina, ijs, qui in cælo sunt eleuati; & uæ uero ijs, qui in inferno sunt damnati. Vel lamentationes ijs, qui proficiunt in actiua uita; carmen ijs, qui proficiunt in contemplatiua; uæ ijs, qui proficiunt in neutra. Sicut in manu ejus dicitur, calix esse plenus mixto mero & fæce, quia fæx non est exinanita: ita & in sinu ejus uolumen esse dicimus, ubi scriptæ sunt lamentationes, & carmen, & uæ; hoc in lamentatione figurantes, quod in mixto; in carmine, quod in mero; in uæ, quod in fæce detrimento. Et bene hunc librum in sinu Patris esse dicimus: quia in uterum Virginis filium descendisse cognoscimus. Studeamus igitur in lamentationibus, per obseruantiam mandatorum, per patientiam tentationum, per exercitium laborum: in carminibus, per gratiam deuotionis, & gaudium promissionis: in uæ, per timorem humani defectus, & dolorem diuinæ comminationis. Si enim timemus de comminatione, ita quodd gaudeamus de promissione, non deficiemus in labore uel tentatione. Studeamus igitur in libro, ubi scriptæ sunt lamentationes, & carmina, & uæ: imprimis considerantes, quæ sit huius libri materia, quæ intentio, quæ causa intentionis, quæ utilitas: quis agendi modus, & quis titulus. Materia est materia materiata omnia, uel materia materiata, uel illa quæ una est ex materiata & materiante materia. Materia materiata est caro de Virgine assumpta: materia materiata diuinitas assumens; materia ex materiata & materiante, una ex carne & Deo persona. Vnde & in libro legis uel Prophetarum, filius loquitur quandoque secundum quod homo, quandoque secundum quod Deus: multoties loquitur totus Christus. Intentio uero est, pauperes ditare, relegatos ad patriam reducere; seruos ad libertatem, peccatores ad ueniam, damnatos ad gloriam sempiternam. Quasi enim sapiens mulier accendit lucernam, ut tenebrosos illuminet, ut dragmā

Maximus liber Verbi diuini.

Psal. 138.

Lamentationes carmen, & uæ quibus.

Materia libri diuini.

Psal. 39.

Causa Incarnationis Christi.

9. Reg. 10.

Utilitas adventus Christi.

perditam recuperet. Quasi Angelus Tobiae peregrinanti se comitem præbere venit, & cum tribus pueris in fornace mundi descendit. Quasi Samaritanus semiviuo in præsepi cæleste vnguentum effudit, quem Leuita & Sacerdos contempserat: & quasi Elisæus super filium Sunamitis incurvauit se, cui baculus missus per Giezi proficere nequibat. O pia intentio, non crudelis; voluntaria, non necessitatis. Non fraudatus est à spe sua, cui sic intendit, qui expectans expectant. *Expectans, ait, expectavi Dominum, & intendit mihi.* Speremus in eum, fratres, & expectemus: quia qui nobis intendit, quando venit ad nos; intendet & nobis, quando saluabit nos. In his enim omnibus non est auersus amor ejus; sed adhuc manus ejus extenta. Intendit nobis, veniendo ad nos in gratia & humilitate: intendet & nobis, veniendo ad nos in gloria & maiestate. Intendit nobis gloriam promittendo, intendet & nobis reddendo. Causa verò tanræ & talis intentionis fuit hinc lapsus miseri, hinc miseria lapsi: hinc amor singularis in pensus miseris corde, hinc miseria multiplex in amante: hinc omnipotentia largientis, hinc verò largitas omnipotentis. Ijs enim sex gradibus ad thronum eburneum ascendit Salomon: quia istis sex de causis incarnari voluit de Virgine Christus: cuius uterus propter virginitatem factus est eburneus thronus. Hoc siquidem noster vernus Salomon sedere venit in throno, quando coronauit eum mater sua in die desponsationis suæ. Sicut enim corona Regi conuenit, sic & thronus. Corona enim in capite, connexio affectuum ordinata in mente: Thronus virginalis uterus. In throno sedere in die desponsationis suæ venit, quando carni diuinitatem vniuit. De hoc throno legitur, quod *Thronum fecit sibi Rex Salomon de chore grandem, & sex gradibus ascendebatur ad eum.* In throno, vt dixi, virginis uterus, in Salomone Christus, & sex Incarnationis causæ figurantur in sex gradibus. Et bene per Salomonem Christum figurari dicimus: quia ipse est, qui fecit pacem his qui longè, & his qui propè: pacem Iudæis, & pacem Gentibus, pacem Angelis & hominibus: quia ipse est, qui vtrumque conjunxit parietè, diuisit maceriam: in cuius morte dissipatum est velum, vt vnum esset sanctum & sanctum sanctorum. Vnde Salomoni comparatur, quia Salomon pacificus interpretatur. Sequitur de utilitate. Mira & admirabilis utilitas, per quam nobis æterna reddetur iucunditas, & iucunda æternitas: vbi gaudium sine mœrore, quies sine labore: vbi nullus timor in minore, nulla exactio in maiore, nullus inuidiæ rancor in pace. Vbi omnes induent in sapientia Salomonem, in mansuetudine Moysen, in velocitate Azaëlem, in fortitudine Samsonem, in potentia Cæsarem, Absalonem in pulchritudine, in iustitia Noë. Ibi saliet sicut cervus claudus, ibi videbit vt panthera cæcus. Ibi nihil extra liberum habebit servus, nec aliquid cum seruo heres parvulus, sed erunt ibi liber & servus, parvus & magnus, leo & agnus; & pascet eos pastor bonus puer iste parvulus, qui hodie natus est. Multa dixi, & nihil dixi: quasi balbutiendo locutus sum, quasi puer qui loqui nititur, & non potest. Quæ enim comparatio temporalis gloriæ, & perennis gloriæ? Non participant ea-

dem ratione propositi. Hæc enim caduca sunt, illa æterna: hæc terrena, illa cælestia: hæc adesse possunt & abesse: illa verò cum omnibus omnia sint, numquam poterunt deesse. Sicut enim nulla potest esse conuentio Christi ad Belial, lucis ad tenebras, ita nulla est comparatio præsentis iustitiæ, sapientiæ, mansuetudinis, velocitatis, fortitudinis, potentia, & pulchritudinis, respectu futuræ. In respectu enim illius omnes iustitiæ nostræ quasi non sint, & quasi pannus menstruatus, sic sunt coram Deo. Similiter & sapientia illi sapientiæ comparata infania est; mansuetudo Herodis crudelitas, velocitas quod aquila testudini, & lunæ celeritas pigritiæ Saturni comparata. Fortitudo verò summa pusillanimitas, potentia paupertas; pulchritudo quasi simiæ turpitudine. Multa dixi, & nihil dixi. Et quomodo potui dicere, quod nesciui? Et quomodo scire, quod in cor hominis nequit ascendere? *Non enim oculus vidit, nec auris audiuit, & in cor hominis non ascendit, quod præparauit Deus diligentibus se.* Sed hæc ideo dixi, vt cogitandi occasionem darem vobis: vt per hæc multò meliora crederetis. Modus autem agendi tantum & tale mysterium, talis fuit. In primis omnium missus est Gabriël Angelus à Deo in ciuitatem Galilææ, cui nomē Nazareth, ad Virginem desponsatam viro, cui nomen erat Ioseph, de domo Dauid; & nomen Virginis Maria. Sed virgo salutata turbatur, turbata concipit, imprægnatur, & parturit. Sic cælestis medicus morbum quem nobis inflixerat hostis antiquus, curauit partim ex similibus partim ex dissimilibus. In principio siquidem nostræ damnationis, missus est serpens à diabolo in locum, cui nomen erat paradysus, ad mulierem desponsatam viro, cui nomen erat Adam, de domo Dei, & nomen mulieris Heua. Sed mulier decepta lætatur, gaudens consentit, consentiens operatur. Illa ergo nostræ saluationis exordium fuit, cum ab Angelo salutatur: ista damnationis, cum à serpente decipitur. Illa turbata gaudium commune concepit: ista gaudens, non dico suæ, sed potius nostræ perturbationi consensit. Illa parturiuit authorem vitæ, ista fomitem mortis æternæ. Voluit ergo Deus Filius hominis fieri, vt homines essent filij Dei. Voluit laborare & pari, vt homines vacarent requiei: voluit esse mortalis, vt mortales non possent mori. Dedit ergo nobis suam; vt nos ei daremus nostram. Vt essent cum Deo homines, venit Emmanuel. Quid enim est Emmanuel? Nobiscum Deus. Cum hominibus venit Deus, vt homines essent cum Deo, Ieremia attestante, qui ait. *Hic est Deus noster, extra quem non existimabimus alium; qui ostendit viam suam Iacob, & Israël puero suo. Post hæc in terris visus est, & cum hominibus conuersatus est.* Quia igitur ad homines venit, vt Iudæos & Gentes, & eos qui sunt ex Iudæis & Gentibus saluaret, vt inquinatos mundaret, oues ab hædis separaret, hædos abiciens, fideles regens, non immeritò græca, hebræa, & latina lingua titulus causæ libri scriptus est, *Iesus Nazarenus Rex Iudæorum*, Iesus Saluator interpretatur, Nazarenus mundans vel separans, Iudæus confessio siue confitens. Et bene Saluator dictus est; quia cum multos legamus Salvatores, sicut in libro de Iudicibus legitur, quod misit eis Dominus Saluatorem, & Egyptij ad Ioseph;

1. Cori. 3.

Modus occurrendi Incarnationi.

Pulchra antitheses de B. Virgine & Heua.

Baruch. 3.

Ioan. 19.

Salus nostra in manu tua est: hic antonomasti-
cè Salvator dici potuit: qui non tam jumento-
rum quàm hominū, non tam gratiosam quàm
gloriosam salutem ministravit. Illi siquidem
jumenta saluare potuerūt, non homines: & ob
hoc temporalem, non æternam salutem mini-
strauerunt. Iste verò non tam corporibus quæ
quasi jumenta sunt, quàm animabus, quas ho-
minibus comparamus; non tam hujus tempo-
ris gratiam, quàm æternæ salutis gloriam in-
fudit. Non enim tantum animas, sed & cor-
pus humilitatis nostræ conformabit corpori
claritatis suæ. Studeamus ergo fratres in libro
hoc, hanc eandem, quæ in libro est, habentes
materiam, nullam aliam intentionem, vel in-
tentionis causam; sed eandem quærentes vti-
litatem; modum quem tenuit in studio teneamus,
ut de eo qui pro nobis in titulo scriptus est,
gaudeamus: Omnis siquidē studij labor, cogi-
tando, loquendo, vel operando exercetur. Si
igitur aliquid cogitas, loqueris, vel operaris,
quod discrepet à lege Domini, à materia libri
hujus excessisti. Similiter si in opere, vel cogi-
tatione, vel locutione tua, aliud intendas, quàm
pauperes recreare, nudum vestire, peregrinan-
tibus compati, pro fratribus pati; ab intentione
libri declinasti. Si verò in ipsa intentione bona
aliā intentionis causam habueris quàm pie-
tatem, & amorem omnipotentis, à causa re-
motus es intentionis. Plerumque enim con-
tingit, ut intentio boni sit, & causa intentionis
bona non sit. Si enim iustam viduæ causam tra-
ctare sollicitè intendat aliquis, non quidem af-
fectu pietatis vel compassionis, sed causa cuius-
quam lucri temporalis, hujus intentio bona est,
& causa intentionis bona non est. Similiter
eandem utilitatis causam, quæ in hoc est, debes
imitari. Cum enim aliquid bene intendis fa-
cere ex affectu pietatis, nullam aliam utilitatem
quæras, quàm gloriam inde perpetuam ad-
ipisci. Multoties enim contingere solet, ut pro
bono opere vel fauor hominum, vel retributio
quæratetur temporalium. Modum etiam agendi
debes in opere imitari, ut de bono opere non
superbias, sed potius humiliteris. Omnis enim
qui rectè fragilitatem suam considerat, mirari
debet, quomodo vel ad momentum bene ope-
rari queat. Turbari similiter debet, ne fortè
propter hoc bene operandi facultas detur, ut
cum minùs cautus fuerit, ab hoste fortius im-
pugnetur. Plerumque enim à vexatione sua
diabolus cessat, ut eum quem subvertere niti-
tur, incautiorem reddat. Ita ergo turbari de-
bes, ut bene operari non desinas. Numquam
enim timor malus est, nisi quando nimius est.
Virgo turbata concepit, imprægnata est, &
parturivit. Exemplum dedit tibi, ut tu turberis
timore, concipias tamen cogitatione, impræ-
gneris dilectione, delectatione. parturias in sa-
lutis operatione. Sed cujus salutis? Non cor-
poris, sed animæ. Hanc enim salutem operari
non debet; quia *qui odit animam suam*, id est,
vitam suam, *in hoc mundo, in vitam æternam*
custodit eam. Ecce fratres, doctrina cœlestis,
ecce schola Salvatoris, studium filiorum Dei.
Hæc scripta sunt in libro generationis Iesu
Christi; & scribenda nobis in libro grandi.
Scriptum quippe est. *Scribantur hæc in genera-*
tione altera. Quæ altera? Quæ est prima, cujus
ista sit altera? Generatio prima est generatio

primi Adam, qui de terra terrenus est, id est,
generatio Cain; generatio Esau, semē Chanaā
& non Iuda, viperarum genimina, generatio
praua & exasperans: generatio quæ non dire-
xit cor suum, & non est creditus cum Deo spi-
ritus ejus: quæ studet & intendit semper, non
in libro, in quo studet generatio Christi, qui
est liber generationis Iesu. Habet enim & hæc
generatio librum suum, qui malitiam habet
pro materia sua, blasphemiam pro verbo, ma-
lam pro intentione voluntatem; pro causa in-
tentionis mundi vanitatem: pro utilitate mo-
mentaneam carnis voluptatem. De cujus vo-
luptatis modo, & vtile nobis duximus, & di-
gnum vobis, silentio præterire. At enim Apo-
stolus, ut hujusmodi nec nominetur in nobis:
& ad eloquium tale non permittit os discipuli
beatus Benedictus aperiri. Sed altera generatio
est, generatio secundi Adam, qui de cœlo cæ-
lestis est, generatio quærentium Dominum;
quæ innocens & mundo corde in lege Domini
meditatur die ac nocte, studet & intendit in
exercitio justitiæ, in salute animæ, in composi-
tione animi, in contemptu mundi, & in laude
Dei; cujus laus & honor imperij sine fine per-
manet in sæculum sæculi, Amen.

*Librum
suum habet
& praua ge-
neratio.*

Ephes. 5.

*S. Bened. c.
v. Regula.*

SERMO III. In eadem solemnitate.

ANNO quo mortuus est Rex Ozias vidi Do-
minum sedentem super solium excelsum &
elevatum; & plena erat omnis terra maiestate
ejus, &c. Beati oculi qui vident, quæ vos vide-
tis. Multi enim Prophetæ gavisii sunt ad um-
bram rei, cujus veritatis executionem videris.
Hinc est, quod Dominus loquens Iudæis ait.
*Abraham Pater vester exultavit, ut videret
diem meum; & vidit, & gavisus est.* Quando vi-
dit? Quando in figura Trinitatis tres Angelos
vidit. Ergo non rem, sed rei figuram vidit, &
gavisus est. Similiter Isaias Incarnationis do-
minicæ diem in figura vidit, & gavisus est, dum
ait. *Vidi Dominum sedentem super solium ex-
celsum & elevatum.* Et ne de visione dubitaret,
ostensa est ei similiter in figura temporis pleni-
tudo, qua visio debuit adimpleri. Vnde dicit.
Anno quo mortuus est Rex Ozias. Ozias quippe
Rex plebis Iudæicæ fuit. Figuram igitur illius
temporis vidit, quo Regnum Iudæicum finem
accepit: quoniam omnia hæc in figura mon-
strabantur ei. Nam cum regnum Iudææ vlti-
mum vale fecit, secundum Prophetiam Patriar-
chæ Iacob, qui mittendus erat Messias aduenit.
*Non auferetur sceptrum de Iuda & dux de femore
ejus, donec veniat, qui mittendus est,* quod &
factum est. Nam à reditu de captivitate Baby-
lonis fluxis circiter quadringentis septuaginta
quinque annis & tribus mensibus, quibus in-
terruptum fuerat regnum Iudæorum, imposuit
sibi diadema Aristobolus Ioannis cognomento,
Hircani filius, qui filios quidem non habuit,
sed fratres: quorum vnum, id est Antigonum
occidit, alios autem carceri mancipavit. Post
quem promotus est ab uxore Aristoboli major
frater ejus nequissimus Alexander, quoniam in
sex annis quinquaginta millia seniorum inter-
fecit, eo quod facinora sua detestarentur. Sed
eo febre correpto & mortuo, successit ei in
rem Regni sed non in nomen filius ejus Hircanus,
qui à Pompeio fuit Pontifex declaratus;

Isai. 6.

Joan. 8.

*Christus ve-
nit, quando
Regnum Iu-
dæorum de-
fuit.
Genes. 49.*

*Studium
salutare.*

*Sententia
notanda.*

Ioann. 12.

Psal. 101.

Iosephus
lib. 18. An-
tiquit. c. 6.

Matth. 2.

Isai. 6.

2. Paral. 26.

Ezechiel. 3.

Superbia
quantum
fugienda.

quem postea Pachorus Rex Parthorum Anti-
gono tradidit, qui eum auribus mutilauit, &
per Pachorum in regnum sublimatus est. Cum
verò Hircanum cum Phaselo fratre Herodis
comprehendisset Pacorus, Herodes ad Idu-
mæos contribules suos fugit; ille inquam He-
rodes Idumæus, qui dictus est Ascalonita, qui
Antigono successit in regnum, quia post Anti-
gonum qui uiuente Herode sublimatus fuit à
Pacoro in regno, nullus Iudæorum regnauit.
Vnde Iosephus illius temporis fidelis Histori-
ographus tele dat de Christo testimonium. *Fuit
eisdem temporibus Iesus sapiens vir, sitamen enim
vitæ nominare fas est: erat enim mirabilium
effector operum, & doctor eorum, qui libenter que-
vera sunt audiunt: & multos Iudæorum, & mul-
tos ex Gentibus sibi adiunxit; Christus hic erat.
Hunc accusatione primorum nostræ gentis cum
Pilatus in crucem agendum esse decreuisset, non
deseruerunt hi qui ab initio eum dilexerunt.
Apparuit enim eis iterum uiuus, secundum quod
Propheta hæc & alia de eo futura prædixerant.
Sed & in hodiernum diem Christianorum, qui ab
ipso dicti sunt, & nomen perseuerat & genus.
Quia ergo cessauit vnctio, dicant nobiscum
aduenisse Messiam, & ipsum tunc aduenisse,
quando finito regno Antigoni, qui fuit gentis
Iudææ, translatum est regnum ad Herodem
alienigenam. Qui in dolore ortus dominici
omnes qui erant in Bethleem Iudæ pueros, à
bimatu & infra, occidit. Quamvis aliter intel-
ligi possit, quod dictum est, *Anno quo mortuus
est Rex Ozias*. Ille siquidem Ozias in principio
regni sui fecit quidem quod placitum erat co-
ràm Domino, quia & hostes debellauit & Am-
monitas sibi tributarios fecit; & reedificauit
muros Ierusalem, quos destruxerat Ioas Rex
Israël. Sed cum ditatus esset substantia mortali,
cōtenta Deum immortalem superbiuit. Nam in
festo propitiationis indutus stola Pontificali
intrauit in templum, ut incensum poneret,
Azaria Pontifice cum octoginta sacerdotibus
eum prohibente. Vnde factus est terræmotus,
& claritas solis affulgens plus solito incidit in
faciem Regis, & percussus est lepra in facie.
Viuentem ergo Rege superbo & impio, Isaias
Israëliticæ libertatis visionē videre non meruit.
Quia quandoque & propter malos prælatos
boni subditi, & per malos subditos boni præ-
lati à gratia Dei subtrahuntur. Hinc enim Do-
minus Ezechieli dicit. *Ecce ego adhaerescere fa-
ciam linguam tuam palato tuo, & eris mutus,
nec quasi oburgans, quia domus exasperans est.*
Quia igitur Rex impius tantæ visionis dignus
non fuit, Propheta per quem manifestari de-
buerat, ipso uiuente eam videre non debuit.
Ipso tamen mortuo visionem vidit, ut per hoc
daretur intelligi, quod Dominus Isaiæ, non
suo, sed excessu Regis, spiritum prophetiæ sub-
traxit. Pensate dilectissimi, quam periculosum
sit ab humilitate recedere, quando nos senti-
mus bonis grauitatis eminere. Quia enim facies
eminentior pars est corporis, meritò percussus
est Ozias lepra in facie; qui cæteris eminentior
uoluit apparere. Bene siquidem lepræ præmiū
pro merito virtutum recepit, qui lepra superbi-
æ dona virtutum gratuita sordidauit. Nisi enim
à cordis oculis labem superbiæ quis deterferit,
& vitijs moriatur; ad visiones Dei discernendas
etiam piæ voluntati nulla ratio suffragatur.*

Dicit ergo. *Anno, quo mortuus est Rex Ozias,
vidi Dominum, &c.* Qui modo Propheta dici-
tur; olim videns dicebatur: sed non ideo vi-
dens, quod apertos habeat oculos carnis: quo-
niam indifferenter ad vtrumlibet, bonum scili-
cet & malum, solent aperiri. Aperti sunt oculi
Adam post lapsum; aperti oculi discipulorum
euntium in Emmaüs in fractione panis. Sed
illius ad malum, istorum ad bonum. Illius ad
concupiscentiam; istorum ad Resurrectionis fi-
dem. Neque enim credendum est cordis præ-
donibus, qui cum suæ voluntati cor subjuga-
uerint, faciunt ipsum speluncam latronum:
maximè quia falli possunt, ut non sit illud quod
videtur, sicut videri videtur. Firmamentum
videtur stare, quod semper mouetur: nauigan-
ti videtur moueri solum, quod solidum perse-
uerat. Baculus videtur in aqua fractus, & cum
sit integer, fallitur visus. Nec ideo Propheta di-
citur, quod spirituales cordis oculos aperit ad
videndum. Non enim est credendum omni
spiritui; sed probate, ait Apostolus, spiritus, si ex
Deo sunt. Nam per rerum imagines falluntur
cordis oculi, cum aliter cogitantur, quàm sint.
Sed propter hoc Propheta Videns dicebatur,
quod intellectuali videbat oculo, quod aliter
euenire non posse per infusionem Sancti spiri-
tus intelligebat: siue ænigmaticā, siue anagogi-
cā visione daretur intelligi, quod videbatur.
Talis fuit visio Isaiæ filij Amos, qui ait. *Vidi
Dominum sedentem*. Vidit Adam Dominum
deambulantem, Stephanus stantem, Isaias se-
dentem. Sic stabilis manens moueri videtur,
cum nec affectu, nec loco, nec tempore mouea-
tur. Sed deambulantem vidit eum Adam, quia
in hoc quod peccauit, non tam Dominum ab
eo, quàm ipsum à Domino recessisse cognouit.
Stephanus verò stantem vidit; quia cum eum
stare videret, cum ipso in tribulatione viriliter
standi in agone signum dedit. Isaias autem se-
dentem super solium excelsum & eleuatum inter
mortales agnouit. Sedere enim humilitatis si-
gnum est, aut quieris. Sedilium tamen multas
nobis varietates sacre sermo proponit, in qui-
bus Dominum sedere protestatur. Dicit enim
Psalmlista. *Dixit Dominus Domino meo, sede à
dexteris meis*. Vnde & in hymno Angelico cani-
mus, *Qui sedes ad dexteram Patris, miserere
nobis*. Alibi tamen idem Psalmista dicit. *Qui
sedes super Cherubim, manifestare coram Effraim,
Beniamin & Manasse*. Et rursus. *In excelsis
throno vidi sedere virum*. Alibi verò dicit ipse
Dominus. *Cælum mihi sedes est* Et rursus. *Ani-
ma iusti sedes est sapientia*. Et ibi, siue significa-
tur idem, siue aliud, *Vidi Dominum sedentem
super solium excelsum & eleuatum*. In his om-
nibus nobis ille prædicatur, in cuius natiuitate
canit Isaias, cum ait. *Et vocabitur nomen ejus
admirabilis, consiliarius, Deus, fortis, pater su-
perbi*. Deus est enim, qui se-
det ad dexteram Patris: consiliarius, qui sedet
super Cherubim: vnde Cherubim interpreta-
tur plenitudo scientiæ: admirabilis, sedens in
throno: thonus enim Regis est; & ipse in regi-
mine firmamenti & totius mundanæ machinæ
apparet mirabilis, quam mirabiliter regit. In
hoc autem quod cælum sibi sedes est, Pater fu-
turi sæculi comprobatur. In hoc verò quod se-
det super solium excelsum, id est in hoc quod

Oculi car-
nis & cor-
dis fallun-
tur sepe.
1. Ioan. 4.

Isai. 6.

Psal. 109.

Psal. 79.

Isai. 66.

Isai. 9.

Psal. 22.

* Adde,
alia synhe-
dra.

Psal. 121.

Ioan. 12.

Isai. 6.

Genes. 1.

Psal. 84.

et 142.

Genes. 1.

naturam transcendit Angelicam, fortis & potens intelligitur. Vnde Angelis, quibus dictum est, *Tollite portas*, &c. respondentibus, *quis est iste Rex gloria*, responderetur, *Dominus fortis & potens, Dominus potens in prelio*. In hoc autem quoddam federe dicitur in anima iusti, vel super solium eleuatum, quod idem est, probatur princeps pacis; quoniam numquam pax potest esse in anima sine ipso, nec nisi pax cum ipso. Vel aliter sedium diuersitates ex proprijs nominibus possumus assignare. Est enim alia sedes, quæ dicitur thronus, alia ferculum, alia cathedra, * alia tribunal, alia exhedra. Thronus Regum est, ferculum seu sella pauperum, cathedra Doctorum; synhedra auditorum, tribunal iudicum, exhedra iudicis assessorum. Habet igitur ab æterno Dei filius thronum ad dexteram Patris, sed ferculum fecit sibi in utero matris: cathedram verò facere non cessat in cordibus fidelium magistrorum, synhedras in deuotis auditoribus, tribunal in iustis iudicibus, exhedras in fidelibus consiliarijs, iudicans cum iudicibus. Nam huiusmodi homines vocat Psalmista sedes, ubi ait. *Illic sederunt sedes in iudicio, sedes super domum David*. Illic, id est in cœlesti Ierusalem sedebunt illi, in quibus Dominus modò sedet vel per doctrinam, vel per obedientiam, vel per iustitiam, vel per fidem. Et quamvis tot modis dicatur sedere, tamen excellenter & propriè dicit eum Isaias sedere super solium excelsum & eleuatum. Duas enim fecit rationales creaturas, Angelum scilicet & hominem. In illis Dominus requiescit: quia si deliciae sunt ei esse cum filiis hominum, multò magis cum Angelis, qui à statu bonæ conditionis non recesserunt. Hanc naturam Angelicam vocat Isaias solium excelsum, quia à celsitudine in qua primo conditi sunt, non ceciderunt. Humanam verò naturam solium dicit eleuatum, quia à statu in quo condita fuit cecidit, sed per effusionem sanguinis Iesu Christi postmodum eleuata fuit. Vnde idem Dominus ait. *Cum exaltatus fuero, omnia traham ad meipsum*. Vel excelsum solium vocat animam; quia in hoc excelsa, quoddam imaginem & similitudinem Dei facta. Solium verò eleuatum caro humana, quæ de vili schemate facta, videlicet de limo terræ, modò super choros Angelorum est eleuata. Super solium igitur excelsum & eleuatum sedet, qui ad suscipiendam animam & carnem se humiliavit. Et ne tantæ visionis miraculo Propheta diffideret, evidens super hoc in rebus conditis supponit exemplum. Sequitur enim. *Et plena erat omnis terra maiestate ejus*. Omnis inquam, quia illa, de qua dictum est, *In principio creauit Deus cælum & terram*; vel illa, de qua dicitur, *Et enim Dominus dabit benignitatem, & terra nostra dabit fructum suum*: vel etià illa, de qua scriptum est, *Anima mea sicut terra sine aqua tibi*. Nam cum de ornatu terræ Deus disponderet, ait. *Congregentur aqua in locum unum, & appareat arida; factumque est ita*. Et dixit Deus. *Germinet terra herbam virentem*, &c. Consideremus, quàm vivus sit sermo Dei & efficax; quàm vilis & velox vox ista, *Germinet terra herbam virentem*, & statim sine beneficio humoris, sine calore solis, sine exercitio humani laboris germinavit. Solent enim plerique dicere, nisi clementia aëris herbas humectauerit, vel solis calor moderatior tepefecerit, vel

exercitio humani laboris culta fuerint, germinare non possunt. Nam propterea quidam Maiæ, tamquam Deæ humoris, in capite Maij, cui etiam mensem illum dedicantes à Maiâ Majum dixerunt; qui error quibusdam, qui etiam Christianæ religionis habent characterem, (quod dolentes dicimus) vsque hodie dissuaderi non potest, diuinum impendunt & impendunt cultum. Alij verò soli, eo quod virtute sua terrarum sinus penetret, & sparsa foueat semina, & rigentes gelu venas relaxet arborum. Alij verò pro diuersis beneficijs, hominibus tamquam Dijs diuersos deputabant honores. Sed facessat vana opinio; quia sine humore non jam humus, sed arida germinavit, antequam solis foras susciperet, imò priusquam sol ipse fieret; nullo labore hominum, sed diuino munere, sine satione fruges, fructus sine semine tam necessarij, tam grati, tamque viles, ad illam Dei vocem pullularunt; vt repletis non solum vsui sint, sed delectationi. Nam siue in radicibus, siue in corticibus, seu etiam in medullis aut folijs aut fructibus siue seminibus, quidquid factum est, totum fecit Deus, vt ex eis sustentaretur hominis infirma natura, vel releuaretur infirmata, vel custodiretur sana, vel sanaretur minus debite custodita. Non igitur impendant homines honorem creaturæ, quem debent creatori; nec gloriatur de se creatura, nec gloriatur in creatura, sed potiùs in Creatore. Quia neque qui plantat est aliquid, neque qui rigat, sed qui terram germinare facit, & dat germinibus incrementum. Omnia quæ fecit, aut esui, aut vsui humano nata sunt. Nam quod ad escam non adiuuat, valet ad medicinam. Et si qua tibi noxia videantur, innoxium tamè aut feris aut auibis ministrant pabulum, vt sic redeant ad humanum prouentum. Nam sturni cicutis, & homines sturnis vtuntur; cerui colubris, & homines ceruis: & si qua fortè sunt, quæ nulli prosint, imò noceant; tamen ad hoc facta sunt, vt homo in ipsis aut puniatur, aut exerceatur, aut erudiat, aut humilietur: & sic ad humanam vtilitatem cuncta reciprocant, cuius plena est terra maiestate ejus. Sed si in rerum conditione fuit ita potens & efficax sermo diuinus, qua præsumptione infra limites infirmitatis potentiam siue clementiam Verbi coartare volunt Hæretici; vt pro salute animæ non faciat, quæ multò dignior est corpore, quod fecit pro corporis necessitate? Terra nec humore, nec calore, nec labore germinavit, cum adhuc virgo erat, id est incorrupta, nec infecta, nec interfecta in sanguinibus. Quid ergo mirum, si terra nostræ naturæ incorrupta & virgo, sine humore feminis, sine calore libidinis, sine opere hominis concepit & peperit semen, quod nisi Dominus reliquisset nobis, quasi Sodoma fuisset: quia ipsum est vita nostra, cuius etiam odore mortui reuiuiscunt? Numquid potest facere Verbum Dei, quod habet natura vulturis? Vultur sine coitu concipit & parit: & verbo Dei per quod illud fit foemina concipere non potuit? Sed dicis. Vnum dicitis Patrem & Filium: Ergo si Filius carnem assumpsit, & Pater. Non est ita, quia cum ignis sit calor & splendor, splendor in rubo fuit, sed non calor; & cum ignis sedes sit in fecore, ascendit ad cerebrum, & per venas represso calore accedit splendor ad oculos, & vnitur illi car-

Errotes
Ethnicorū.Omnia in
utilitatem
hominis
creata sunt.

M ij

nali membro, cui tamen non adhæret calor, cum calor ignis sit in cerebro, & vnus tamen ignis qui afficit cerebrum & oculum; sed calidus in cerebro, splendidus in oculo. Ita vnus Deus Pater & Filius, & Pater carnē non assumpsit; sicut non est calor in oculo: & Filius carnem assumpsit, sicut oculum splendor afficit. Terram igitur maiestate Dei plenam in hoc fateantur hæretici, quod humanæ naturæ tota filij maiestas vniri voluit, & vnita fuit. Et si nobis, vel nostris credere nolunt, quia omnes Prophetæ ei testimonium perhibent: tamen inimici nostri sint iudices; quia ad hoc vt verum dicant nobis, mentita est iniquitas sibi. Ille namque Christianæ Religionis sæuissimus impugnator Porphyrius tale testimonium reddidit Christo. *Christum, ait, Dei p̃ssimum pronuntiauerunt, & immortalem factum, & cum bona predicatione eius meminerunt.* Sed & quædam Sibylla tale fertur ab Augustino testimonium dixisse de Christo. *In manibus Infidelium venit, dabant autem Deo alapas manibus incastis, & impuro ore expueunt venenatos sputos. Dabit autem ad verbera simpliciter sanctum dorsum, & colaphos accipiens tacebit; nequit agnoscat quod Verbum, vel unde venit, ut inferis loquatur, & corona spinea coronetur. Ad cibum fel, & ad sitim acetum dederunt, inhospitalitatis hanc ministrauerunt mensam. Ipsa enim gens insipiens Deum tuum non intellexisti ludentem mortalium membris; sed spinis coronasti, & horridum fel miscuisti. Templi vero velum scindetur, & medio die nox erit tenebrosa nimis in tribus horis, & morte morietur; & tunc inferis ingressus ad lucem veniet primus; resurrectionis principio reuocatis ostenso.* Ecce quid expressius de Christo dici potest? Et quid eo sublimius esse? In cuius ortu Romæ Templum Pacis corruit, & fons olei erupit vsque in Tiberim. Et bene, quia fons misericordiæ erumpebat de terra naturæ nostræ, per quem non solum omnis idololatriæ cultus finem accepit, sed omnis cultus religionis incœpit, quia veræ pacis templum misericorditer congregauit, vt scriptum est. *Congregentur aqua in locum vnum.* Aquæ multæ populi multi. Istæ aquæ diffusæ erant secundum varias hominum voluntates, & varios infidelitatis errores: sed congregatæ sunt in locum vnum; in locum illum, de quo dicit Dominus ad Moysen. *Est inquit locus apud me, & stabis supra petram.* Quis autem locus penes eum est, qui attingit à fine vsque ad finem fortiter? Ecclesia est, vbi ipse habitat, vbi pascit, vbi cubat in meridie. Ille quippe locus vter est, in quo congregat aquas maris. Ille locus hydria est Rebecca, ex cuius plenitudine adequati sunt Eliezer & cameli. Ipse est enim hydria Samaritanæ, quam Dominus de puteo aquæ salientis in vitam æternam fecundauit. Per ipsam etiam figuratæ sunt sex hydriæ, quæ inuentæ sunt in conuiuio nuptiali, secundum purificationem Iudæorum, id est secundum mundificationem continentium. Per vnum locum siquidem & vna hydria & sex hydriæ bene figurantur, quia cum vna sit vniuersalis Ecclesia, multæ tamen particulares sunt Ecclesiæ, quæ propter senarium, qui perfectus est, per sex hydrias figurantur. *Capiebant autem, ait Euangelista, metretas binas vel ternas.* Vnde & arca Noë, quæ eodem modo Ecclesiam præfigurabat,

fuisse legitur bicamerata & tricamerata. Congregata est enim Ecclesia de Patriarchis & Prophetis, de Apostolis, de Martyribus, de Confessoribus & Virginibus, & propter hoc fortè sex hydrijs comparatur. Sunt autem tria bonorum genera; temporalia, naturalia, gratuita. In Patriarchis igitur & Prophetis ceperunt hydriæ tres metretas; ipsi enim & temporalibus & naturalibus & gratuitis bonis abundauerunt: in Apostolis autè & Martyribus, & Confessoribus & Virginibus, duas tantum: quia temporalia abdicantes, naturalibus & gratuitis abundauerunt. Ideo autem congregatæ sunt aquæ in locum vnum, vt piscationibus sint aptæ. *Simile* *Matt. 13.* *est enim regnum cœlorum sagena missa in mare, & ex omni genere piscium congreganti.* Vnde & in sagena Petri conclusa est tam bonorū quàm malorum maxima piscium multitudo. Quorum boni mittendi sunt in vasa, mali verò eiiciendi foras, cum ventum fuerit ad littus. Numquid videtis, dilectissimi, Petrum trahentem rete suum plenum cancris, id est insidiatoribus; polypodibus, id est adulatoribus; hericijs, id est peccatoribus; qui cursum nauis impediunt, & ne proficiat, stare cogunt? Nonne quasi cancri sunt in Ecclesia, qui simplicitati aliorum inuidentes, vt per insidias decipiunt, quos vel aperte, vel fortitudine non possunt, fallentium lapides occasionum in innocentem jaciunt? Polypodes autem iustè dixerim adultores, qui mutantur ad vultus hominum; qui sicut bona de bonis, vel mala de malis, sic vel bona de malis, vel mala de bonis, vt hominibus placeant, non verentur loqui: sicut polypodes, qui ad quodcūque fixum venerint, saxi colorem assumunt. Isti tales in sagena Petri conclusi sunt cū delphinis & phocis: qui in signū dilectionis eximie, cum timent incursum hostium, ore fœtus teneros in visceribus iteratò suscipiunt. Exemplum quippe præbent Prælati, vt verbo compassionis filios suos in visceribus charitatis suscipiant: maximè cum viderint periculum mentis vel corporis imminere. Congregatæ sunt igitur aquæ, & apparuit arida. Prima virtus est, *Gnothi seanton*, id est, *nosce teipsum.* Ad hoc enim congregatæ sunt fluxe mentes hominum, & in vtre disciplinæ coarctatæ, vt vnusquisque quanta sit ariditas infirmitatis humanæ, cognosceret. Quod & ille cognouit, qui dixit, *Anima mea sicut terra sine aqua Deo*, vt cognita defectus sui siccitate, illius præstoleretur imperiū, qui dixit, *Germinet terra herbam virentem*; quod miraculosè fieri solet primò, quia nullo labore, nullo præcedente deuotionis humore, nullo charitatis calore, sola Sancti Spiritus infusione germinat anima, nunc radices cogitationum, nunc affectuum semina, nunc fructus operum, & sic plena est terra Sancti Spiritus maiestate. Benedicamus igitur Patrem, cuius maiestate plena est terra in rerum conditione; benedicamus & Filium, cuius maiestate plena est terra in nostra reparatione: benedicamus & Spiritum sanctum, cuius maiestate terra plena est in hominis sanctificatione. Benedicamus ergo Patrem & Filium cum Sancto Spiritu, cui laus est & gloria per infinita sæcula, Amen.

Porphyrij de Christo testimoniam.

Sibylla Erythraea, alijs Cumana Verba de Christo. August. 18. de Cinita. cap. 23.

Genes. 1.

Exod. 33.

Ioann. 4.

Ioann. 2. Genes. 6.

In Ecclesia sunt etiam reprobi electi permixti.

Prælatos delphini decem.

Psal. 142.



SERMO I. In Apparitione Domini.

Matt. 2.
Isai. 41.

QUOD NATUS ESSET IESUS, &c. Taceant ad te insulæ Deus, & Gentes mutant fortitudinem. Quis suscitauit ab Oriente iustum: vocauit eum, ut sequeretur se? Quis inquam, nisi qui de lapidibus suscitauit filios Abraham? Cum enim gentes lapides & ligna adorarent, similes erant lapidibus, iuxta illud. *Similes illis fiant, qui faciunt ea, & omnes qui confidunt in eis.* Quasi enim lapides nec oculos ad intelligendum, nec aures ad obediendum, nec nares ad discernendum, nec os ad confitendum, nec manus ad bene operandum habebant. Secundum ergo illud lapides erant, & quasi simulacra lapidibus comparanda: quia cum oculos haberent, non videbant. Excæcauerat enim eos malitia eorum. Et cum aures haberent, tamquam aspides surdæ obturabant aures suas. Similiter & de alijs sensibus intelligere poteritis, si stultitiam, si perfidiam, si in obsecris operibus abominationem perpendatis. Quia ergo nec videbant, nec audiebant, nec sentiebant, nec loquebantur, nec operabantur, prout debebāt, secundum aliquid mortui erant. Quis suscitauit eos? Aperti sunt oculi eorum, & viderunt stellam; intellexerunt signum magni Regis esse; aggressi sunt iter, & veniunt ad confitendum Ierosolymis dicentes. *Vbi est, qui natus est Rex Iudeorum?* Quis ergo suscitauit eos ab Oriente? Quis, nisi ille, qui parvus erat in præsepio, & magnus in Oriente? qui factus est in Occidente miserabilis, & mirabilia faciebat in Oriente? qui latebat prope positus, & longè positus apparebat: qui prope posita fecit Isaac ignorare, & longè futura cognoscere; qui admirabilis consiliarius apparebat Orientalibus, & Occidentalibus * qui Verbum erat in sinu Patris, & infans in gremio matris: qui regebatur ab hominibus in mundo, & elementa regebat in cælo: qui tacebat apud Iudæos, & vocabatur Chaldæos. Notus erat jam in Chaldæa Deus; & in Israël paruum nomen ejus. In propria venit; & sui eum non cognouerunt. Ad alienos non venit, & statim ut natus est in Bethleem Iudæ in diebus Herodis Regis, ecce Magi ab Oriente venerunt. Quia igitur idem Deus & homo, Verbum & infans, regebatur & regebat, loquebatur & tacebat: non immeritò per irrationalis rei cognitam rationem natiuitatis suæ ratio cognita est. Venientibus siquidem Magis dux itineris stella fuit; quæ quasi tacens locuta est. Tacebat, quia res irrationalis erat: loquebatur, quia Regem natum Magis ostendebat. Nam et si verbum, quod foris patet corporis auribus, non dicebat; verbo tamen intrinseco, quo solemus intus in animo erudiri, dicebat. Et bene; indicabat enim Verbum, quod intus latebat in carne, non quod foris patebat in aure. Ideo ergo, ut ita dicam, verbo intrinseco Magos erudiebat; quia verbum intrinsecum, & in carne latens, indicabat. Nec per aliud rationale aliquid Verbum incarnatum oportuit manifestari: quia sicut stella in nocte, sic Deus in carne: sicut lux lucens in tenebris, sic filius Dei in caligine nostræ mortalitatis. Sic ergo suscitati Magi, sic vocati, Christum secuti sunt. Quomodo secuti? Hic attendite, fratres mei, vos

quibus dictum est. *Qui non bajulat cruce[m] suam & sequitur me, non potest meus esse discipulus.* Scitis, quia Christus diues in cælo, pauper factus est in mundo: cum esset super homines, factus est sub hominibus: cum esset omnium Dominus, factus est omnium servus: cum sederet ad dexteram Patris in regno suo, peregre profectus est, accipere sibi regnū & reuerti. Sic & Magi secuti sunt. Relictis siquidem operibus, derelicta maiestate Regali & patria, illi supponi voluerunt, qui se alijs supposuerat: servi illius facti sunt, qui se sponte alijs servum præbere venerat: peregrinari cum illo voluerunt, qui propter eum centesimam in longinquam regionem descenderat. *Erubescite Sidon, ait mare,* ad vnius parvi signi ostensionem, isti qui nec verbum vitæ audierant, nec viderant Christi miracula, venerunt. Nos verò, quibus quotidie clamant Apostoli, clamant Euangelistæ, clamant Prophetæ, clamant Sanctorum exempla, Christi opera, signa & verba; tamquam aspides surdæ aures obturamus. Tabernaculum Dei tot & talibus operimentis videmus opertum; & adhuc sub dio sumus; adhuc ventis & imbribus nos exponimus. Incarnationis siquidem veritatem hinc sanctorum charitas, quasi coccus bis tinctus, hinc sacri eloquij doctrina, quasi hyacinthus: hinc afflictio penitentium, quasi sagum cilicinum: hinc passio Saluatoris, quasi purpura: hinc munditia castitatis quasi byssus retorta: hinc carnis abstinencia, quasi pellis arietum rubricata, munus. Cur igitur in Christo non requiescimus? cur adhuc vento vanitatis & imbribus occupationum dati sumus? Quare non audimus vocem monentis & dicentis, *Venite ad me omnes qui laboratis, & onerati estis, & ego vos reficiam?* Illi propter Christum diuitias suas & Patriam contempserunt: nos qui nihil habemus, nostrum nihil amittere formidamus? Si igitur multa dimittere non possumus cum Rege diuite, nostrum saltem rete dimittamus cum Petro paupere. *Omnia enim dimisit, qui propriam voluntatem, ut ait Hieronymus dereliquit.* Regnū siquidem Dei non ære, sed mente comparatur. Non enim dantis est, sed amantis. Comparauit illud vidua duobus minutis, Zachæus dimidia parte bonorum suorum. Regnum denique Dei calice aquæ frigidæ comparari potest; quod comparare non potuit Simon magus, vel Ananias, pro omnibus bonis suis. Sequamur ergo cum Magis, quia jam suscitati sunt & vocati. Suscitati sumus à morte perniciofa, morte Saluatoris gloriosa: suscitati in baptismo, sed adhuc suscitandi in iudicio. Ideo impij non resurgunt in iudicio; qui non sunt à morte perniciofa suscitati in baptismo. Surgent ergo, non resurgent: surgent, ut moriantur morte pessima, quia suscitati non sunt morte gloriosa. Nos verò resurgemus à morte pretiosa, ut viuamus gloriosè; quia suscitati sumus à morte perniciofa, ut moriamur pretiosè. Sicut enim peccatorum mors pessima est; sic pretiosa est in conspectu Domini mors Sanctorum ejus. Nec mori potest morte pretiosa, qui primò non suscitatur à perniciofa. Ideo ergo resurgemus in iudicio, qui à triplici morte suscitati sumus in hoc mundo, à perniciofa, à propitiosa, à pretiosa. De perniciofa suscitamur ad propitiolam, de propitiosa in pretiosam, de pretiosa in

Luc. 14.

Isai. 23.

Quanta hominum surditas spiritalis.

Matt. 11.

Hieron. in c. 19. Matt. Regnum Dei paruo emittur.

Psal. 33. & 115.

Job 3.

Multis mor-
dis mori-
mur & à
Christo su-
scitamur.

Matth. 2.

gloriosam. Mors enim pernicioſa peccatorum, mors propitiſa pœnitentium, mors pretioſa Sanctorum, mors glorioſa Saluatoris omnium. Vt enim ſuſcitaretur beatus Iob à morte pernicioſa, morte pretioſa mori deſiderabat; cùm opera, quibus iram Dei meruiſſe ſe credebat, perpendens, dicebat. *Quare non in vulua mortuus ſum, egreſſus ab utero, ſtatim non periſſe? Cur exceptus genibus, cur lactatus vberibus?* In vulua moreretur, ſi peccatum, quod in cogitatione eſt, dimitteret. Egreſſus ex utero periret, ſi cogitationem in opere non demonſtraret. Genibus exceptus non fuiſſet, ſi in ipſo opere culpa diſpliceret. Multos enim excuſat neceſſitas, quos nequit excuſare voluntas. Lactatus verò vberibus non eſſet, ſi poſt culpæ delectationē, ad vocem monentis cauſas excuſationis in peccato non quæteret. Cùm enim diceret, *Quare non in vulua mortuus ſum, &c.* ſenſus eſt. Quare non ſum mortuus morte propitiſa, qui morior pernicioſa? Quare non ſum ſuſcitus in pretioſam, qui lapſus ſum in pernicioſam? Ab hoc enim quadruplici mortis genere ſuſcitat hominem, qui ſuſcitauit vnicum matris ſuæ filium in porta, Archiſynagogi filiam in domo, filium Sunamitis per Eliſæum in cubiculo, Lazarum per ſemetipſum à monumento. Ipſe ergo eſt, qui alios ſuſcitat ab Oriente, alios ab Aquilone, alios ab Auftro, alios ab Occidente. Quia enim omne peccatum, aut cogitatione, aut deliberatione, aut delectatione fieri ſolet, aut opere; cùm peccatum quaſi pro foribus eſt, cogitationem percipit, & in cogitatione reſipit. Suſcitur peccator à morte pernicioſa, quaſi ab Oriente, vel in porta, & peccatum morte pretioſa moritur, quaſi in vulua. Cùm verò poſt cogitationem incipit deliberare peccatum, & in ipſa deliberatione redipit, ſuſcitur peccator à pernicioſa morte, quaſi ab Aquilone vel in domo; & peccatum morte moritur pretioſa, poſtquam ex utero egreſſum eſt. Si verò poſt deliberationem incipiat delectari, & tunc corrigitur, peccator à pernicioſa morte ſuſcitur, quaſi ab Auftro, vel in cubiculo: & peccatum poſtquam genibus exceptum eſt, moritur morte pretioſa. Si verò poſt delectationem peccatum ad opus perducitur, & tunc emendatur, peccator à morte pernicioſa ſuſcitur quaſi in monumento, vel ab Occidente, & peccatum moritur morte pretioſa, poſtquam vberibus lactatum eſt. Igitur ab ipſa intentione malitiæ reuocati, & ad fidem vocati venerunt Magi ab Oriente, cùm natus eſſet Ieſus in Bethleem Iudæ in diebus Herodis Regis. Herodes, quia gloria pellis dicitur, bene illum nobis inſinuat, qui in carne noſtra gloriatur. Habet enim Deus in homine gloriam, habet & ipſe homo, habet diabolus. Quandoque gloriatur Deus in nobis, quando nos in ſubjectione humiles, in pœnitentia fortes inuenit, in labore ſtrenuos, in obedientia pròptos, in oratione deuotos. Hominiſ autē gloria eſt testimoniū conſcientiæ ſuæ. Diaboli verò, carnem delicijs peruertere, corp⁹ fouere. Quia igitur peruertere ſolet hominē, cùm primò peccatum per ſuggeſtionē manifeſtat ei, deinde cùm animū facit in diuerſa mutari per cogitationē; poſtea quando facit animū acquieſcere per deſideriū in cogitatione: deinde verò quando poſt deſideriū accedit velocitas in cōſenſu; poſtea cùm poſt cō-

ſenſū accedit in opere conſumatio, delectatio etiā in operis conſumatione: ad vltimū autem audacia deſenſionis in delectatione: non incongruè dies Herodis poſſumus appellare motus illos animi, quibus diabolus nos peruerſit, vt gloriatur in carne. Vt enim diem primum in nobis Herodes faciat, quem Solis diem Gentes appellare conſueuerant, quaſi Sol hemiſphærium cordis intrat, cùm primò peccatum per ſuggeſtionem manifeſtat. Solis enim nomine manifeſtatio plerumque figuratur, vt ibi, *In ſole poſuit tabernaculum ſuum*, id eſt in manifeſto. Vt verò ſecundum diem faciamus in nobis, quem diem Lunæ vocant, hemiſphærium cordis intrat luna, cùm animus mutatur in multa. Vt autem tertium diem faciat in nobis, quem antiqui vocabant diem Martis, intrat Mars hemiſphærium cordis, cùm per cogitationem animus igneſcit. Mars enim *Piron* id eſt igneus vocabatur. Similiter vt in quartum diē procedat, quem vocare ſolebant Mercurij diē, quaſi hemiſphærium cordis Mercurius accendit, cùm poſt deſiderium in conſenſu velocitas accedit. Antiqui enim Mercurium *Stilbonta*, id eſt velocem appellabant. Diem verò quintum in nobis facit, quem vocant homines diē Iouis, cùm in conſumatione operis ardoris flamma comburit animam: quia tunc Iupiter intrat mentem, quem *Phaëton* Philoſophi vocant, id eſt ardentem. Cùm verò poſt conſumationem gaudere mens incipit in operis delectatione, ſextum diem facit in nobis Herodes, quem vocare ſolemus diem Veneris: quia Venus tunc in animo luceſcit, quando placet opus præuaricationis, & animum lucidum reddit. Vnde apud antiquos Venus *phosphoron*, id eſt lucida vocabatur. Vt autem diem ſeptimum in nobis agat, quem nos diem Sabbati, antiqui Saturni vocabant, hemiſphærium cordis Saturnus intrat, quando quod malè perpetratum eſt parvipendit, & ad vocem monentis irasſcitur; & inflatus ſuperbia etiam caſtigantē minatur. Vnde & Saturnum antiqui *pheuma*, id eſt minantem nominabant. In his ergo diebus natus eſt Ieſus; non tantum illa natiuitate, qua plaſmauit nos, ſecundum quā æternaliter natus eſt de Patre ſine matre; ſed illa qua reformauit nos, ſecundum quam temporaliter natus de matre ſine patre: vel illa qua formari ſolet in nobis per deuotionem, inſpirando; vel illa qua ſanctificauit nos in baptiſmo, vel illa qua redemit nos in patibulo. De prima enim dictum eſt, *Ego hodie genui te*. De ſecunda, *Puer natus eſt nobis*. De tertia dicit Apoſtolus. *Filioli mei, quos iterum parturio, donec formetur Chriſtus in vobis*. De quarta autem ipſe Dominus ait. *Niſi quis renatus fuerit ex aqua & ſpiritu ſancto, non poteſt intrare in regnum Dei*. De quinta verò natalitia Sanctorum nos celebrare dicimus, cùm mortem eorum celebramus. Vnde & meritò, quando mortem Chriſti recolimus, qui Sanctus Sanctorum fuit, natale ipſius celebrari credamus. Sic enim natus eſt Dominus nobis, vt nos ei totidem modis naſceremur. Sed prima ejus natiuitas noſtræ quintæ cauſa fuit, ſecunda primæ, tertia ſecundæ, quarta tertiæ, quinta quartæ. Per potentiam ſiquidem, qua natus eſt de Patre æternaliter, nati ſumus temporaliter. Natiuitate verò, qua de matre temporaliter natus eſt, & nos filij Dei facti ſumus.

Qui ſunt
dies Herodis

Psalm. 18.

Multum-
dis Chriſtus
natus eſt &
naſcitur.

Psalm. 2.
Iſai. 9.
Galat. 4.
Ioann. 3.

Ioann. 1.

Filius enim Dei filios hominum fecit homines: sed filius hominis eosdem homines fecit filios Dei. Qui filius Dei erat, ut homines essemus, filius hominis factus est, ut filij Dei vocaremur. *Quotquot autem, ait Evangelista crediderunt in eum, dedit eis potestatem filios Dei fieri.* Similiter tertia ejus natiuitas nostræ secundæ causa fuit. Nam ideo baptizatus est, ut sanctificaret nobis aquas; & nos es per aquas denuo nasceremur. Similiter quidquid in mundo operatus est, ad exemplum nostrum totum factum est, ut ipsius factura essemus, creati in ipso in operibus bonis. *Exemplum enim, ait, dedi vobis, ut & vos ita faciatis.* Mortuus est etiam pro nobis, ut & nos ei morte pretiosa moreremur. Consepulti enim sumus Christo per mortem ejus, ut scriptum est.

Ioan. 12.

Coloss. 3.

Ecclesia domus panis dici potest, &c.

Mortuus enim estis, & vita vestra abscondita est cum Christo in Deo. Primò ergo natus est de patre sine matre, secundò de matre sine patre, tertio formatur in nobis quotidie per deuotionem operis, quarto natus ex aquis Iordanis, quinto quando mortale suum induit immortalitatem per patibulum crucis. Vnde bene natus dicitur in Bethleem Iudæ. Bethleem quippe domus panis interpretatur. Quid est ergo Bethleem Iudæ, nisi Synagoga Iudæorum, vel Ecclesia, vel vnaquæque fidelis anima; vel certe virgo gloriosa, vel cœlestis & æterna patria? Cum enim Synagogæ primò credita fuerunt eloquia Dei, domus panis fuit; quia Verbum vitæ quasi panis est animæ. Sed posteaquam hæc eadem verba ad filios Ecclesiæ translata sunt, per fidem & prædicationem Doctorum, incepit esse domus panis Ecclesia. Cum verò vnusquisque fidelis panem hunc vel sibi ruminat, vel alijs frangit, non incongruè domus panis potest appellari. Virgo etiam gloriosa domus panis facta est, quando eum in vtero portauit, qui de se ipso dicit. *Ego sum panis viuus, qui de celo descendit.* Sed & illa cœlestis patria domus panis potest appellari, quia ibi est panis Angelorum, de quo solo satiari se posse testatur Psalmista dicens. *Satiabor, cum apparuerit gloria tua.* Sed prima domus, domus fuit, ut ita dicam, panis hordeacei, secunda similaginei, tertia lagani oleo liti, quarta subcineritij, quinta panis reuersati. Cum per integumenta verborum Synagogæ locutus est Deus, & in eis dura & aspera præcepit; ut qui fecerit hoc vel illud, morte moriatur; quasi medullam inter paleas ministravit. Sed quando per Doctores Ecclesiæ sub blato cortice literæ medulla intelligentiæ subiectis manifestata est, similagineum panem filijs Ecclesiæ fregit. Cum verò ab aliquo verbū hoc vitæ cum charitate ruminatur: & deuotione tamquam laganum per pinguedinem charitatis, & oleo deuotionis litum transglutitur. Cum autem in vtero virginis filius Dei carnem assumens latuit, venter ejus quasi domus panis subcineritij fuit: quia in ea sub cinere nostræ mortalitatis panem vitæ nobis abscondit. Sed in Ascensione, quādo ad dexteram Patris sedit, & omni corruptione mortalitatis ab eo sublata potentiæ plenitudinem à patre recepit, panis subcineritij reuersatus fuit. Quia ergo natus est de Virgine, factusque per baptismum sponsus Ecclesiæ, & per deuotionem quotidie formatur in fidei corde; & per Synagogam passus in cruce, & per potentiam diuinitatis eleuatus

est in cœlesti maiestāte, bene natus perhibetur in Bethleem Iudæ. Quia ergo fratres, panis subcineritij carnem assumendo, reuersatus ascendendo, laganum oleo litum charitatem & misericordiam ostendendo, panis ut ita dicam, sorbitus in baptismo, panis verò coctus in clibano factus est pro nobis moriēdo; accipiamus panem hunc, & gratias agentes Deo Patri, comedamus cibum qui non perit, sed qui permanet in vitam æternam, Amen.

Sermo II. In die Epiphania.

Fiat lux. Illa eademque erat. Erat lux vera, sed facta non erat. Antequam fieret, erat. Erat enim ab æterno, quia de luce æterna erat. Lux enim de luce Filius de Patre. *Et facta est lux,* quia factus est ex muliere, factus ex semine David secundum carnem. *Et vidit Deus,* id est, videri fecit Pater, *lucem quod esset bona.* Non aliunde bona, sed à seipsa: neque participatione boni bona; sed omni plenitudine: & propter hoc sola, quia nulla sic bona. *Et dimisit lucem à tenebris:* eo quod nulla erat conuentio lucis ad tenebras; id est, Christi ad Belial. *Et factum est vespere & mane dies vnus:* quia factus est homo & Deus vnus Christus. Ideo vnus, quia vnicus, quia singularis. Dies dominicus dies hic, quem fecit Dominus, exultemus & lætemur in eo: quia populus qui ambulabat in tenebris, vidit lucem istam. Ascendit enim super nubem leuem & candidam, & ingressa est Ægyptum; & illuminauit abscondita tenebrarum: ut abjectis operibus tenebrarum, induerentur homines armis lucis. Cessante quippe lumine succedunt tenebræ, succedunt & in tenebris opera tenebrarum: qui enim dormiunt, nocte dormiunt; & qui ebrij sunt, nocte ebrij sunt. Dormiunt quidem, vel per ignorantiam, vel per negligentiam, vel per ignauiam. Ebrij verò sunt, qui sunt absque rationis moderamine, absque iustitiæ libra, sine juris mensura, Ebrij sunt, qui neque frænum, neque modum habentes, dare nesciunt locum iræ: sed crudeles, cupidi, contentiosi, malum pro malo, vel maledictum indebita talione reddunt pro maledicto. Hæc sunt opera tenebrarum, quæ cedente luce succedunt. Cessante luce fiunt tenebræ, in quibus pertranscunt bestiarum siluæ, volant noctuæ, egrediuntur nyctioræces de domesticis, ut fiant opera tenebrarum. Hinc mysticè satis legitur. *Nachor genuit Tabee & Gaham, & Thahas & Maacha. Hi sunt filij Nachor de concubina sua Roma.* Nachor interpretatur quiescens lumen, Roma verò excelsa vel sublimis. A quiescente lumine, id est cessante luminis claritate, mens excelsa, id est sublimis & superba, adulterinos, non legitimos filios parit, id est opera tenebrarum: scilicet opus crudelitatis, cupiditatis, indebitæ talionis, & contentionis. *Genuit,* ait Scriptura, *Tabee,* qui interpretatur interficiens, in quo crudelitas figuratur. *Genuit & Gaham,* qui dicitur vallis æstus, per quem mundi cupiditas accipitur. *Genuit etiam Thahas,* qui talio interpretatur, qua malum pro malo, dens pro dente, oculus pro oculo, maledictum redditur pro maledicto. Habent enim hi tales semper præ oculis iudicium punitivum, remissivum nunquam, quo tenetur Catholicus dimittere tunicam pallium

Christus lux spiritualis. Genes. 1.

Genes. 22.

Diuersa species panis spiritualiter.

aufertenti, alteram præbere maxillam maxillam lædenti. *Genuit & Maacha*, qui dicitur contritiosus; quia sine dubio lumine veritatis cessante, succedunt contentiones, iræ, rixæ, discordiæ, quæ sunt opera tenebrarum. Ne igitur sint heredes filij ancillæ cum filiis liberæ, id est opera tenebrarum cum operibus lucis, ut potentet abijciantur, induimini armis lucis. Arma lucis intelligimus ex vi & natura lucis. Est enim lux ab igne. Et lux ista ab illo igne, de quo scriptum est. *Deus noster ignis consumens*. Propter hoc naturaliter est ascensiuæ, discreta, restrictiuæ, consolidatiuæ, accensiuæ, illuminatiuæ. Non enim recedit ab ignis natura, de quo nata est. Ex vi igitur ascensiuæ disponit ascensiones homo in corde suo, incipiens à timore serui; & per initialem usque ad filialem proficiens currit viam mandatorum Dei, per vias rectas deductus; donec inductus in omnem veritatem, ad excellentiorem charitatis viam perveniat: sic ut mente purgata & defæcata, cogitatione & aviditate contempletur ænigmaticè vel anagogicè supercælestem & superessentialem Theophaniam, id est Dei manifestationem. Vis verò discretivæ rationem promouet ad Epiphaniam: & dicitur Epiphania ab epi, quod est supra, & phanes, quod est manifestatio. Ardentem siquidem affectat ratio vi lucis discretivæ diligenter intueri, & discernere iudicii libra, non solum vitiorum contrariorum cautelam; ne si avaritiam fugias, cadas in prodigalitatem; sed cautè discernere vitia à virtutibus præferentia speciem virtutum; ne sub prætextu iustitiæ crudelitas, sub mansuetudine segnitie pallietur. Cauet igitur, ne diligit, quæ diligenda non sunt; & prouidet diligere, quæ diligenda sunt: vel ne æquè diligit, quod minus, vel magis diligendum est: vel minus aut magis diligit, quod æquè diligendum est. Vis autem restrictiuæ mentem promouet ad hyperphaniam; & dicitur hyperphania ab hyper, quod est medium, & phanes. Restrinxit enim animum religionis & obedientiæ vinculis; docens obedientiam gradus, & usum operis; & ob ejus obseruantiam sustinet & arcet aduersa. Vis etiam consolidatiuæ mentem prouehit ad hypophaniam. Et dicitur hypophania ab hypo, quod est infra, & phanes. Consolidat enim & confirmat animum potentia virtutis suæ, & arcanis verborum, quibus vnumquemque visitat pro sua capacitate. Vis autem attractiuæ nos prouehit ad bethphaniam. Et dicitur bethphania à beth, quod est domus, & phanes. Ipsa est enim, quæ longè positos traxit funiculis charitatis. Vis verò accensiuæ promouet animum ad phagiphaniam; & dicitur phagiphania à phagin, quod est comedere, & phanes. Accendit enim ex xerophagiæ & sariphagiæ ferculis quinque millia hominum ad misericordiam & compassionem. Vnde Dominus ait. *Misereor super turbam*. Dicitur autem xerophagia, à xero, quod est siccum, & phagein quod est comedere. Sariphagia verò à Sario, quod est piscis. Distribuens enim quinque millibus hominum quinque panes hordeaceos & duos pisces, accendit in cordibus eorum flammam charitatis. Vis quoque illuminatiuæ illuminat mentes ad sepherphaniam, & dicitur sepherphania à sepher, quod est litera, & phanes. Hæc est Physicæ, Logicæ, Ethicæ, Theoricæ clavis & pessulum a-

pothecæ. Per scripturas enim illuminatur animus, manifestatur Deus, & clavis est omnium aliarum phanarum. Referat enim omnes manifestationes, & ad naturalem, rationalem, moralem diuinam, illuminat rationem nostram. Hæ sunt manifestationes Dei, quarum tamen quatuor specialiter hodie cum honore memoriam commendamus, id est Epiphaniam, Theophaniam, Bethphaniam, Phagiphaniam. Secundum quod illuminat fidelium mentes, omnium manifestationum clauigera sepherphania. Prima facta est per stellam à natiuitate Domini tertio decimo die. Vnde dicitur Bethphania; eo quod stella Magos duxit ad diuersorium ubi erat puer. Secunda anno tricesimo facta est per vocem Patris in baptismo, vnde dicitur Theophania. Tertia facta est eodem die anno reuoluto in conuiuium, per conuersionem aquæ in vinum. Vnde Epiphania dicitur, ab epi quod est supra, quia ibi se primò manifestauit Deus. Quartam dicunt in Commento super Lucam eodem die factam anno item reuoluto, scilicet de refectione quinque panum. Sic Deus omnipotens, qui se primò Angelis, secundò ab Angelis se manifestari voluit hominibus, ita etiam manifestari se voluit ab hominibus. Ad hoc enim duas fecit rationales creaturas, Angelos scilicet & homines; ut is qui in sua natura incomprehensibilis erat, ex operibus suis ipsis & ab ipsis quoque modo manifestaretur; & in ipsis, & per ipsos cognitus laudaretur: & sic author & creator cæli & terræ crederetur, qui in cælis Angelis, & in terris hominibus venerabilis appareret. Nam sicut in cælis describit Ioannes cognomento Scorus, quatuor manifestationes, id est Theophaniam, Epiphaniam, Hyperphaniam, Hypophaniam, de quibus alibi disseruisse me memini, quibus se Angelis manifestat: ita quatuor se manifestationibus æqualitè supradictis respondentibus mirabilis in terris hominibus voluit apparere; & his quidem post natiuitatem, & ante passionem. Nam & post resurrectionem, quatuor alijs manifestationibus non multum à supradictis dissimilibus apparere dignatus est. Vnà, cum duobus discipulis euntibus in Emmaus cognitus est in fractione panis: altera, quando Iesu stante in littore maris Tiberiadis descenderunt in terram discipuli; & viderunt prunas positas, & piscem superpositum, & panem; & tunc venit Iesus, & accepit panem, & dabat eis, & piscem similiter. Cum verò prandissent, dixit Dominus Simoni Petro. *Simon Ioannis, diligis me plus his?* Quo tertio respondente, *tu scis Domine, quia amo te*, dixit Iesus, *Pasce agnos meos*. Tertia, quando recubentibus undecim discipulis apparuit eis & ait. *Euadete, predicare Euangelium omni creature; baptizantes eos*, &c. Quarta quando paulò post conuescens eleuatus est, & videntibus illis suscepit eum nubes ab oculis eorum. Et ex his utique potest cognosci, quod multis argumentis manifestus apparuit. Cum enim argumentum rei dubiæ faciat fidem, illa quæ factæ sunt apparitiones in terris, earum quæ occultæ erant hominibus in cælis probabile factæ sunt argumentum; ut vnus atque idem Dominus demonstretur, qui Angelis in cælis, & hominibus in terris apparuit: qui in passione homo mortalis, & in resurrectione Deus apparuit immortalis. Nihil quippe aliud est

Quatuor
manifesta-
tiones hodie
recoluntur.

Beda in
Lucam.

Quatuor
manifesta-
tiones Chri-
sti ante pas-
sionem, que
dam post.

Ioann. 21.

Marc. 16.

Ioann. 1.

Theophania
character.

Marc. 16.

Epiphania
character.Ioannes
Scotus.

Marc. 8.

Luc. 24.

Hyperphania
character.Hypophania
character.

Theophania, quàm Dei manifestatio. Sed cum baptizaretur Dominus, filius quidem baptizatus est in Iordane, Pater cognitus est in voce, Spiritus sanctus apparuit in columba. Sed mens Ioannis ab imaginibus defæcata; & filium Dei confessus est in carne, dicens, *Ecce agnus Dei, & Spiritum sanctum in columba dicens: Et qui misit me baptizare, ille mihi dixit. Super quem videris Spiritum descendantem, & manentem super eum, hic est qui baptizat in Spiritu.* Ergo Theophania est manifestatio Dei; cuius character fuit baptismus Christi, ubi tota Trinitas vnus Deus manifestata est: cuius characteris confirmatio fuit, quod post resurrectionem discipulis ait. *Euntes predicate Euangelium omni creatura, baptizantes eos, &c.* Epiphaniæ verò characterem illam dicimus manifestationem, de qua Beda in Commento super Lucam loquitur, quæ facta fuit in deserto, hac eadem Calenda anno reuoluto post illud miraculum, quò conuertit aquam in vinum; quò videlicet quinque panes & duos pisces quinque millibus hominum distribuit: quod aperte demonstratur, si definitionem Epiphaniæ superius factam repetamus. Est enim Epiphania, vt ait Ioannes, calefacientis affectionis & altioris intuitus iudicijque librâ resolutio distributa. Dixit ergo Iesus. *Misereor super turbam.* Ecce calefescens affectio. Sed & ipsa quinque panum fractio ad altiorem nos mittit intuitum: quia nihil aliud insinuant illi quinque panes, quàm quinque libros Moyli, quos velut integros portabat puer, id est Iudaicus populus sensu puerilis. Sed Iesus panes illos fregit; quia sensum mysticum latentem in Scripturis aperuit, iudicijque libra fragmenta præcepit colligi, ne perirent: quia ad hoc in lege latentia sacramenta voluit memoriter retineri, vt per Apostolos satiarentur famelici. Huius autem characteris confirmatio est, quòd post resurrectionem suâ duobus discipulis euntibus in Emmaus cognitus est in fractione panis. Vnde & calefacientem affectum, & altiorem intuitum demonstrabant, cum dicerent. *Nonne cor nostrum ardens erat in nobis in via, cum loqueretur, & aperiret nobis Scripturas?* iudicijque libra reuersi in Ierusalem dicentes, *quia surrexit Dominus.* Hyperphaniæ autem character est illa manifestatio, qua stella duce veniunt tres Magi; quia tunc cœlestis hyperphania suos participes, id est Magos insigniuit scalari reuerentia, vsumque ejus docuit, & arcuit contrarium, cum Herodi contradicenti nolentes obedire, reuersi sunt per aliam viam in regionem suam. Hac etiam scalari reuerentia post resurrectionem suam discipulos suos Dominus insigniuit; quando eduxit eos foras in Bethaniam. Vnde & Bethania domus obedientiæ interpretatur. Nam ejus vñu edocti adorantes reuersi sunt Ierusalem cum gaudio magno; & arcetes contrarium magis ac magis inualescebant, & contradicentes confundebant Iudæos, prædicando quod ex ore veritatis didicerant, quia sic oportebat Christum pati, & resurgere à mortuis die tertia. Hypophaniæ verò characterem exprimit mutatio aquæ in vinum. Nam per hoc occurritur naturæ legibus, & arcana mysteria referantur. Nihil enim aliud in nuptijs illis figuratur, quàm vnio Christi & Ecclesiæ. Nihil aliud aquæ in vinum mutatio, nisi quòd illius antiquæ legis

traditio quantum ad literam fati insipida, in conjunctione Christi & Ecclesiæ spiritali sapore charitatis inebriat conuiuantes. Sed etiam in hoc hypophaniæ nobis character exprimitur, quòd vinum aqua mixtum in sanguinem Christi substantialiter transmutatur; arcana referantur, quia efficiunt sacramenta quæ figurant. Vnde & Petro Apostolorum Principi pisco assato, & pane satiato, pascendas oues suas Dominus dereliquit: quia postquam fidei deuotione tamquam panem verum qui de cœlo descendit, & in passione piscem assum sibi incorporauit Petrus, meritò curâ generalis Ecclesiæ suscepit. Vides igitur quantæ dignitatis esse debent apparitiones istæ, quibus cœlestes apparitiones manifestantur, & iterum talium testimonijs confirmantur; vt non solum homo de virgine natus, sed etiam vnigenitus Dei filius credatur, & primogenitus mortuorum, & Princeps Regum terræ sine dubio ab infidelibus adoretur.

In Purificatione B. Mariæ. SERMO I.

ERUDERAVERUNT puteum, & inuenerunt stipites, & prunas, & aqua crassam; quibus super struem lignorum positus erupit ignis. Ille inquam sacer ignis, quæ precibus suis Moyses impetrauerat de sublimi; qui jugiter iussus est ardere in altari: quia non poterat hostia sine eo adoleri. Qui per mille annos & eo amplius partim in tabernaculo, partim in templo vsque ad transmigrationem Iudæ hostias legales inflammauerat. Imminente siquidem transmigratione stipites hujus ignis in puteo vallis Iosaphat tutauit Ieremias, qui ibi per septuaginta annos captiuitatis fuerunt absconditi; donec Artaxerxes cognomento Longimanus, licentiam redeundi & reedificandi Ierusalem Esdræ primò, postea Nehemiæ concessit. Resarcitis igitur muris istorum duorum opere & operâ, obtulerunt Domino hostias salutare, sed conquesti sunt, quod ignem de sublimi non haberent. Adfuerunt igitur, qui dicerent factum Ieremiæ. Vt ergo stipites & prunas inuenirent, eruderant puteum supradictum: vnde & nomen diei Nephar, id est purificationem nuncupauerunt; quia ex inuentis stipitibus erupit ignis, qui postea per annos septuaginta hostias templi inflammauit, donec tandè Iasoni Pontificatum vendidit Antiochus Epiphanes: propter quod sacer ignis penitus extinctus est, nec habuit sanctum ignem templum Dei, donec Iudas Machabæus purificato templo iterum celebravit Nephar; in cuius solemnitate de calculis templi veteris erupit ignis, vnde festum luminum vocatum est, & solum pro sui dignitate in omni veteri testamento sub Ogdoade celebratum est. Et quoniam hodie, fratres carissimi, nos diem Nephar, & festum luminum celebramus, intelligentiam dictorum ex causis assumamus dicendi, signa rerum rebus comparantes signorum. Hodie enim illud singulare templum, in cuius sancto sanctorum super misericordiæ propitiatorium filius Dei viui humiliando se formam serui accipiens sedere venit, purificatum est. Hodie puteus ille, in cuius laude canitis, *Fons hortorum, puteus aquarum viuentium*, eruderatus est. Hodie inuenti sunt

Transmutatio vini
in sanguinem
Christi.
Ioann. 21.

2. Mach. 1.

Festum Purificationis
diei Nephar
& festum
luminum.

Cantic. 4.

*Exempla
virtutum
omnibus ho-
minibus
data.*

*August. in
Sermone de
Purificat.
Denter. 4.
Ioan. 8.
Luc. 2.*

*Confessio sp̄s
debet habere
re adiunctā.*

2. Corin. 7.

stipites illi antiqui sacro igne inflāmati, Ioseph videlicet & MARIA, Iesus, Anna, & Simeon, quorum exemplo omne genus hominum inflammatur. Dat exemplum deuotionis Maria Virginibus, Simeon fractis, Ioseph conjugatis, Anna viduis, Iesus pueris. Nullus gradus prætermisus est, cui deuotionis exemplū isti quinque non dederint. Inuentæ sunt etiam prunæ charitatis cum stipitibus, & in stipitibus: obsequium videlicet Ioseph, humilitas Mariæ, benignitas humanitatis Iesu, Annæ religio, deuotio Simeonis. Inuenta est cum his omnibus aqua, videlicet lacrymarum, sordes lauās in deuotione. Quis enim illam deuotionem Simeonis recolens, qua cum lacrymis aiebat, *Putas videbo, putas durabo, &c.* ignem sibi non accendat, de quo dictum est, *Deus noster ignis consumens est?* Et iterum ipse ait. *Ego sum lux mundi.* Propter quod Simeon ait. *Lumen ad reuelationem Gentium, &c.* In signum igitur purificationis nostræ facta est purgatio Mariæ, de qua scriptum est. *Postquam completi sunt dies purgationis Mariæ.* Quodd ergo primò legitur puteus eruderatus, & templum purificatum, hoc in Maria ostenditur factum, & in nobis faciendum. Videamus, si placet, ministros purificationum. Purificationis Templi fuit Iudas Machabæus minister, eruderationis putei Esdras & Nehemias, purificationis autem Mariæ Anna & Simeon. Et bene. Prima enim purgatio nostra confessio, quia omnia in confessione lauantur: Iudas autem confessio interpretatur. Et quoniam illa sola confessio lauat, quæ spei consolatione, tamquam gratia operante præuenitur, & disciplina pœnitentiæ tamquam cooperante consummatur, bene Esdras & Nehemias, Simeon & Anna purificationibus his adiunguntur. Scitis enim quia nemo pœnitet, qui non sperat: frustra autem sperat, qui non pœnitet; & hoc, vt dictum est, illi quatuor combinati demonstrant. Nam secundum officium & nominum interpretationem, Nehemias & Anna, Simeon & Esdras vnum significant. Nehemias & Anna adfuerunt purificationibus, tamquam adiutores, Simeon & Esdras tamquam sacerdotes. Interpretatur autem Nehemias consolator Dominus. Consolator autem Dominus est paraclitus. Paraclitus verò est Spiritus sanctus; Spiritus sanctus gratia; gratia Anna; Anna igitur Nehemias. Videtis quomodo coniunguntur. Nec vos moueat sexus disparitas, quia Spiritus sanctus qui lingua Latina generis est masculini, lingua Hebræa feminini est generis, Græcā neutri. Similiter de alijs duobus dicendum est; quia Esdras disciplina interpretatur, Simeon audiens tristitiam. Dicit autem Apostolus, de disciplina, quod nō est gaudij, sed mœroris. Per disciplinam ergo solemus audire tristitiam, quā contristamur ad pœnitentiam, vt ait Apostolus. *Si vos contristati ad horam, non me pœnitet; non quia contristati estis; sed quia contristati estis ad pœnitentiā.* Est autem tristitia contristans nos ad pœnitentiam. Necesse est ergo, vt omnis consistens tamquam Iudas, in omni sua purgatione adiungat sibi Esdras cum Simeone, id est disciplinam laboriosā pœnitentiæ: vt per hoc se probet Machabæum, bellatorem & fortem in agone. Nā & ille antiquus Patriarcha Iudas inutilitor semen fudit, quamdiu cum Sue fuit: sed tunc

utilem fructum fecit, quando Thamar sibi copulauit. Sue quippe cantilena interpretatur. Inutilis autem est copula confessio cum cantilena. Thamar autem amaritudo interpretatur, & fructuosa confessio efficitur, quando cum amaritudine profertur. Ita tamen per pœnitentiam debet homo contristari, quod de spe veniæ non desinat consolari. Adjungat igitur sibi Annam & Nehemiam, id est gratiam consolantem de venia. Nam Iudas Scharioth ideo medius crepuit, quia Annam & Nehemiam sibi non adsciuit. Consolari noluit, quia desperans laqueo se suspendit. His igitur adiutorijs & exemplis, studeamus non solum sordes purgare; sed ipsas virtutes studeamus defæcere quia nullus adeò sanctus est, qui non possit sanctior esse. Purgemus non solum sordes operum, sed & cogitationū. Nec malum solum purgemus, vt bonum sit; sed & bonum purgemus, vt melius sit. Purgandum est enim primò granum frumenti à stramine, secundò à palca, tertio à fursure. Post hæc extrahitur similia; sed & ipsa in oblationibus minutatim est diuidenda. Hæ sunt tres illæ purificationes, munditia corporum significata in purificatione templi facta per Iudam, purificatio conscientie figurata in eruderatione putei facta per Esdras & Nehemiam: defæcatio virtutum præfigurata in purificatione Virginis immaculatę celebrata prius per Annam & Simeonem. Quantæ autem sit difficultatis conscientias emundare. Allophylo-
Confessio fructuosa amaritudini juncta esse debet.
Tres purificationes, quæ sint.
Conscientia emundatio difficultatis plena est.
rum demonstrat importuna vexatio, qui puteos Isaac replebant humo: sed & alij conscientias suas abscondunt, tamquam puteum Helchiæ luto plenum: quorum fax plerumque ebullit vsque ad guttur Ieremiæ. Alij verò sordes amouent, & quasi puteos fodientes scrutantur conscientias: sed nec frigidi, nec calidi sunt, sed potius tepidi: tamquam puteus in solitudine, ab omni humore spiritali siccatus, ipsum Ioseph plerumque captiuum includit. Alij conscientias suas fodientes, tamquam cisternas adulterinis aquis plenas eas inueniunt; vbi & repertis duabus caudis titionum, Rasin videlicet Rege Syriæ, & Phacee filio Romeiæ, scientia scilicet seculari, & ore loquente sublimia, ignem qui de cælo descendens tactas oues Iob puerosque consumpsit; vel eum, qui numquam dicit, sufficit, eliciunt. Alij verò, vt dictum est, fodientes puteos, aquas viuas possent inuenire, si viriliter Allophylijs vellent repugnare. Alij verò puteum effodiunt, & viuas aquas abundantiz vel latitudinis cum Isaac felices inueniunt. Aliter igitur illi, aliter illi puteos effodiunt, & de puteis eruderatis ignem accendunt. Nam illi prauitatis exempla vitiosos homines pro stipitibus habentes, & pro prunis exempla vitiorum, alienum ignem accendunt vel subiiciunt in altari, videlicet ardorem illicitum, quo à Deo alieni fiunt: nec Nephars celebrant, sed in nefas ruunt. Isti verò Sanctorum vitam præ oculis habentes, pro stipitibus & prunis inter rotas Cherubim sumptis labia mundantes, arundineti sui scintillas accendunt, prout inflamat eas pater luminum, lux de luce, lumen de lumine Iesus Christus, qui cum Patre & cum Spiritu sancto viuit per omnia sæcula sæculorum. Amen.

In eadem

In eadem solemnitate. SERMO II.

Isai. 51.

Personarū
acceptor nō
est Deus.

Isai. 51.

Cantic. 2.

Vna est Pe-
tra Christus
sed multa
ejus forami-
na, diuersi
introitus in
vitam.

Attendite ad petram ex qua excisi estis; & ad cavernam laci de qua praeclisi estis. Si verum est, imò quia verum est, quia non est opus, non est ratio non est consilium contra Dñm: à destructione consequentis consequenter potest inferri; quia cum Domino non nisi opus, non nisi ratio, non nisi consilium esse potest. In ipso siquidem & per ipsum, exemplum operis inveniunt pigri, intelligentie rationem perfidi, consilium simplices & seducti. Per ipsum oleaster & oliua, vt fructum operis faciant, simul inserti sunt, simplices & astuti sapientes fiunt, Iudæi & Græci salutis consilium acceperunt. Apud eum enim non est personarum acceptio; quia cuiuscumque conditionis sit, cuiuscumque generis, cuiuscumque dignitatis vel ætatis, omnes in Christo vnum sunt, qui non vincuntur in malo, sed vincunt in bono malum. Vnde fratres, compendiosum Isaia consilium attendentes, ad illum omnes attendamus, & ab ipso salutem expectemus, qui saluat omnes sperantes in se. Attendite, ait Isaias ad petram. Petra autem erat Christus. Omnibus enim Propheta loquitur, quia in ea omnes refugium inveniunt. Ipsam rerum naturam perpendite. Nonne ad petram refugit, vt sit securus, sicut columba, sic herinacius? Nidificat siquidem columba in foraminibus petre: sed etiam ipsa refugium herinacij facta est. Attendant igitur columba ad petram, in qua labores congregat, in qua vacat, in qua nidificat, in qua pullos educat: siue frumentum, siue spina sit, quod laborat, totum sibi & suis vtile scit, si in petra sit. Omnia verò in petra collocat, spinam scilicet, vt necessitatis non voluptatis lectum habeat; frumentum, vt se simul & suos reficiat. Si verò à labore vacare proponit, ad petram refugit, vt securus sit. Sed & si vacando à foramine petre, vt foris respiciat, caput emittit; à petra tamen corpore non recedit: sed cum foras respicit, dolet & gemit. Si verò pullus antequam in altum volando se eleuare possit, extra petram minus cautè exilit, increpans eum strepitu vocis ad petram reducit. In petra igitur pullos pascit, sed parcius, & à tempore in tempus, & in mensura: ne fortè jecur rumpatur, & ipsa tritici medulla præ nimietate cibi & corruptione carnis cum fursure quasi stercus emittatur. Omnia ergo mensuratè facit, vt auidius cibus appetatur; appetitus retineatur, decoquatur, incorporetur, vel emittatur. Fursur siquidem emitti, medulla verò debet incorporari. Talis est columba, de qua scriptum est. *Columba mea in foraminibus petre, in cavernis maceria.* Porro quæ est hæc columba? Experimento nouit, qui fel amaritudinis non habet, vnde irascatur, nec rostrum, vnde mordeat detrahendo, nec pedes veloces ad effundendum sanguinem operando. Sed qui deuotus est in cogitatione, verax in sermone, simplex opere, columba est. Hæc igitur columba in foraminibus petre nidificat. Vna est petra, sed multa sunt ejus foramina. Vna est Ecclesie domus, sed in domo multæ fenestræ sunt, & ostia multa. Petra Christus, Ecclesia domus; foramina verò siue ostia, diuersus per diuersæ religionis exercitium patens salutis introitus. Sicut enim per foramen in petra, vel per ostium in domo intratur, sic per religionis

sanctitatem multiplicem, accessum ad Ecclesiā habemus, vel ad Christum. Ostium siquidem Ecclesie, vel foramen petre ordo conjugatorum est, continentium, seu etiam virginum. Foramina petre sunt Religio Cisterciensis, Præmonstratensis, Cluniacensis. In foraminibus istis nidificantes columbæ, quandoque frumentum, quandoque spinam congregant. Audiant exemplum propositum prælati, audiant & subiecti. Attendant exemplum columbæ in petra nidificantis, vt fiant quasi columbæ in fenestris. Vtrumque enim laborare debent, frumentum & spinam. Spinam ad necessitatem suppleendam, frumentum ad refocillandam animam esuriientem. In spina siquidem sæculatis cura, in frumento ille figuratur, qui frumenti grano se comparat. Quia ergo & ea quæ ad Deum, & ea quæ ad sæculum pertinent, necessaria filijs Ecclesie sunt; prout possibile est, laborare debemus; sed necessitatis causa, non voluptatis, illa quæ ad actiuam vitam: illa verò quæ ad contemplatiuam, sola deuotionis causa. Sed & Iacob Patriarcha vtramque, scilicet Liam & Rachel, sibi copulauit; vtrumque Iudas Phares & Zaram genuit, vtramque etiam Christus Martham & Mariam amauit. Quidquid igitur agit & laborat, in petra totum reponat, siue illa quæ ad sæculum vel ad Deum pertinet. Alij enim alterum, alij vtrumque pro amore Dei, alij verò pro amore sæculi operantur. Sed si quandoque contemplationis causa vacat à labore, vt sit securus, ad petram refugiat: quia valde est periculofum, aliquid præter Deum cogitare, transitoria cogitando considerare. Vanitas siquidem vanitatum, & omnia vanitas, dicit Ecclesiastes. Si autem vt foris respiciat, extra petram emittit caput, corpore tamen à petra non recedat. Si forte per subitam tentationem, in infimis & caducis mentem ponit, à proposito bonæ actionis non exorbitet; spem inter tentationes in Christo ponens, qui facit in tentatione prouentum. Cogitando namque transitoria, more columbæ doleat & gemit; quia nihil est in mundo penitus, nisi dolor & gemitus. Cuncta enim caduca sunt & transitoria. In foramine petre pullos nutrit, cum in aliqua religionis distractione verbi Dei frumento subiectos reficit. Sed quia sunt quidam, qui in religionis feruore nouitio inter amaritudines tentationum absque deuotionis, siue contemplationis alis, plusquam oportet sapere, & in magnis & mirabilibus super se ambulare volunt, alta cogitatione petere, cum nihil præter ima cognoscere sciant; miseriam suam à conspectu cordis eliminant, & fieri volunt maiestatis scrutatores, & ea quæ supra ipsos sunt cognoscere volentes, & nondum seipsos cognoscunt: lac nondum sugere sciunt, & jam panem rodunt. Ideo ergo oppressi à gloria, in ipsam plerumque infidelitatem cadunt; quia qui scrutator est maiestatis, opprimetur à gloria & meritò. Quia quantò in altum se erigit, tantò grauius ab alto cadit. Vbi enim blasphemie vermis fidei radicem corrodit, omnes virtutum ramos necesse est exficari: vbi blasphemie spiritus ædificij nondum bene solidati lædit fundamentum, oportet vt & ipsum labefiat ædificium. Est enim contra legem arare in primogenito bouis, seruare frugum primitias, primogenita retinere, & arborum præputia non circumcidere. A prælatis tales increpandi sunt,

Foramina
petre sunt
Ordines Re-
ligiosi.

Eccl. 1.

Quid sit in
foramine
petre pullos
nutrire.

Denter. 15.

In primog.
bonis arare
quid.

Sine aliis
velle volare
perniciosū.

4. Reg. 6.

Ioann. 16.

Verbum
Dei vileſcit
apud ali-
quos, qui ſe
pe illud au-
diunt.

4. Reg. 6.

quodd nimirum comedunt fructum arboris in-
circumcisi, cum intendunt operibus mentis im-
munda. In primogenito bonis arat, cum mens
adhuc ex nouitate lasciuia profunda rimatur.
Primitias frugum & primogenitorum retinent,
cum in initio conuersionis approbant cogita-
tiones suas vel opera. Sed hæc potius Deo com-
mittenda sunt, & secundum legis decretum of-
ferenda Deo. Teneant ergo & allidant parvu-
los suos ad petram, & sicut pullos columba in
nidulo suo reprimant, ne forte dum sine aliis
volare volūt, à petra cadant, & vnguibus milui
pascant. Ibi quippe alendi sunt, sed à tempore
in tempus, & in mensura, ne forte jecur rum-
patur, & ipsa tritici medulla quasi stercus vo-
mitu egeratur. Hinc est, quod in porta Sama-
riæ quarta pars cabi stercoreis columbini tem-
pore famis multo vendebarur pretio. Sic nimi-
um quandoque fit, vt abundantia cibi ipse
plerumque delicia in fastidium conuertantur.
Sed vt subjecti cibum verbi Dei appetant au-
diendo, retineant intelligendo, decoquant re-
tractando, medullam incorporent operando,
furfur emittant, superflua recidendo, & malè
dicta corrigendo: necesse est Prælati, pro mo-
do, pro tempore, pro persona, mensuram tritici
erogare subjectis. Vnde illa columbarum co-
lumba, quæ rostrum non habuit, vnde morde-
ret, cum detraheretur ei; nec vngues vnde læ-
deret, cum occideretur; nec fel, cum ad amari-
tudinem prouocaretur; cum pullos pasceret, ait.
Multa habetis vobis dicere, sed non potestis portare
mundo: ne forte ex inconsiderata ciborum di-
tributione jecur sumperetur. Cum igitur præ-
latus subjectis locuturus, considerat, quid, qui-
bus, quantum, & quomodo Verbum Dei di-
stribuat, vt & carnalibus carnalia, & spirita-
libus spiritualia comparet, pro capacitate inge-
nij, & deuotione, quasi columba in foramine
petræ pullos pascit. Vos ipsi filij mei, qui satis
inconsideratè; fateor, de ore meo frumentum
recipitis, testimonium perhibere, scrutamini
conscientias vestras. Quotidie ferè vobis lo-
quimur, quotidie vos admonemus, sed ex ipsa
quotidiana consuetudine verbum Dei in fasti-
dium plerisque conuersum est. Certè, si illi qui
audiendi verbum Dei vsu non habent, ea quæ
vos quasi stercus respuitis audirent; multa de-
uotione, multis lacrymis ea sibi compararent.
Exemplum audite. Numquid in tempore famis
in porta Samariæ caput asini & quarta pars ca-
bi stercoreis columbini multo emptæ pretio per-
hibentur? Qui sunt famelici? Qui esuriunt &
sitiunt iustitiam. Famelici erant parvuli peten-
tes panem, & non erat qui frangeret eis. Hi sūt
in porta Samariæ, cum solliciti de se, mentem
incipiunt custodire. Per portam enim initium,
per Samariam figuratur custodia, nam Samaria
custodia dicitur. In porta igitur Samariæ caput
asini vendit, qui in custodia mentis inter labo-
ris onera, inter hominum maledicta, inter acu-
leos tentationum, inter minas potentia, exem-
plum patientiæ foris ostendit, sciens, quia inde
dignum pœnitentiæ fructum acquireret. Per ca-
put siquidem asini exemplum patientiæ figura-
tur. Emit autem asini caput, qui pœnitentiæ
causa mentem incipit in patientia possidere.
Stereus etiam columbinum famelicus emit,
quando ille qui frumento verbi quasi columba
pasci solet, tamquam stercus pro consuetudine

parvipendit. Et quoniam verbum Dei in histo-
rico, morali, allegorico, & anagogico sensu so-
let diuidi, bene quartam partem cabi columbi-
ni stercoreis emit ille, qui per alterum istorum
quatuor studet & laborat emendari. Attende-
tes igitur ad petram: more columba, quidquid
cogitatis, non pro vanâ gloria, non pro huma-
na laude laborate: sed totum pro amore Dei fa-
cite. Si verò aliquid præter Deum, vel contra
Deum cogitatis, dolete & gemite: frumentum
verbi Dei retinete, & facite; nihil ultra quod
inspirat Deus, quærentes vel cogitantes. Sed
& siquid de sublimitate maiestatis diuinæ com-
prehendere cogitando vultis: mentis oculos ab
imundis desiderijs mundeate: scientes, quia
qui mundus est, in immunda mente non habi-
tat. Sic enim ad petram attendit columba: sed
herinacius quid? Petra siquidem refugium he-
rinacijs. Herinacij verò peccatores sunt. He-
rinacius enim animal est aculeis plenum, quod
cum ab hoste deprehenditur inter aculeos ca-
put abscondit, & quasi securus inter aculeos
persequentem expectat. Sed numquid euadit?
Numquid non comprehenditur? Nisi ad pe-
tram refugiat, non euadit. Ibi profecto secu-
rus est. Audiant hoc exemplum peccatores
pleni tentationum aculeis; qui latam viam quæ
ducit ad mortem incedūt. Morem quippe he-
rinacij tenet peccator, qui caput inter aculeos
abscondit, cum ipsum persecutor apprehendit:
quia cum ab antiquo hoste tentatur peccator,
peccatis & suggestionibus suis mente consen-
tit; & inter aculeos in via securus expectat, cum
inter mala quæ facit ab auditione mala non
formidat, quæ dicturus est Iudex. *Ite maledicti*
in ignem æternum. Sed numquid euadet? Non
euadet, imò comprehendetur, nisi ad foramen
petræ refugiat. Habet enim foramen suum he-
rinacius in petra, sicut & columba. Herinacij fo-
ramina Dominicæ Passionis sunt vulnera. Cum
igitur peccatorem antiquus persecutor hostis,
ad vulnera recurrat Dominicæ Passionis, spem
suam illi committens, dicat. Misere mei, qui
passus es pro me. Attendant hæc ad petram
herinacius & columba, iustus & peccator: quia
qui passione sua peccatores redemit, purgatos
Religionis distractione sanctificabit. Foramen
siquidem columbae distractio est Regularis di-
sciplinæ; herinacij verò, vulnus passionis Domi-
nicæ. Ergo carissimi, quicumque filij estis ma-
tris Ecclesiæ, ad petram attendite, ne forte ca-
dat ædificium, quando labitur ejus fundamen-
tum. Cum enim per aliquam diabolicæ sugge-
stionis impulsione à fidelium mente Christus
recedit, pars Ecclesiæ cadit, quia supra petram
non erat fundata. Sunt quidam in Ecclesia solo
corpore, mente & opere separati. Alij verò, qui
cum ore confiteantur, & corde credant, præ-
putium tamen carnis in prauaricatione portat.
Alij autem doctrinam desiderant, sed pusillani-
mes & timidi aggredi doctrinæ religionem for-
midant, eo quod inueniant aliam legem in mē-
bris suis repugnantem legi mentis suæ. Alij au-
tem, quod appetunt, aggrediuntur; sed contra
tentationem impatientes & molles, cum manū
mittunt ad aratrum, retro respiciunt, & reuer-
tuntur. Alij autem cum in virtutibus & in reli-
gione proficiunt, superbiunt & inflantur, inde
materiam fumentes superbiendi, vnde potius
debuerant humiliari. Alij verò vt magis ac ma-

Quatuor
sensu scri-
ptura.

Herinacium
in petra in-
sue, id est
in Christo.

Matt. 15.

Foramina
herinacij
quid sint.

Sunt aliqui
in Ecclesia
solo corpore

gis proficiant, innocentie & sanctitatis religionem induit. Primi siquidem sunt hæretici, vel schismatici; secundi peccatores & incircumcisi; tertij iustitiam sitientes, sed pusillanimes & timidi; quarti molles, quinti timidi, sexti simplices & religiosi. Attendant ergo schismatici ad petram, quæ utramque conjunxit maceriam. Attendant peccatores ad petram, quæ a præuaricationis præputio circumcidi debent. Attendant qui salutis doctrinam desiderant, ad petram, quæ produxit aquam. Attendant tumidi ad petram, quæ prostravit Goliam. Attendant molles ad petram, quam Iacob capiti suo supposuit. Attendant superbi ad petram, quæ statum confregit. Attendant simplices ad petram, in cuius foramine columba nidificat. *Attendite ad petram.* Petra autem erat Christus. Attendite in diuinitate potentiam, in humilitate subiectionem, in moribus disciplinam, in doctrina scientiam, in omnibus charitatem. Potentiam, qua vos sibi subiecit, subiectionem, qua vos in altum eleuauit; disciplinam, qua vos mirabiliter docuit; scientiam, qua vos verbo erudiuit; charitatem, qua dilexit. Attendite in aduersis, attendite in prosperis. In prosperis iustitiam, ne superbiatis: in aduersis misericordiam, ne desperetis. *Attendite ad petram, ex qua excisi estis.* Excisi, non extra cæsi, sed ex ipso, & per ipsum cæsi; quia & a peccato circumcisi, & ab infidelibus diuisi. *Ex qua excisi estis.* A Christo enim deriuati sunt Christiani, tamquam a fonte riui, tamquam a trunco rami, tamquam a Patre filij. Patrem enim multarum gentium constitutus est. Nam per ipsum accepimus spiritum adoptionis, in quo clamamus, Abba pater. Vnde Propheta quod obscure præmiserat, declarauit, cum subiunxit. *Attendite ad Abraham patrem vestrum.* Abraham pater multarum gentium dicitur. Sequitur. *Et ad cauernam laci, de qua præcisi estis.* Quæ est ista cauerna, nisi Eua, de cuius visceribus nati, tamquam de cauerna egressi in hunc lacum miserie descendimus? Quia ergo cognito vno contrariorum cognoscitur & reliquum, attendite ad hanc cauernam laci, ut per miseriam quam Eua nobis contulit, misericordiam perpendatis, qua vos Christus liberauit. Ex quantitate siquidem morbi, comprobatur utilitas medici: ex sapientia discipuli doctrina laudatur magistri. Inde igitur mala quæ per Euam sustinetis, inde bona quæ per Christum consecuti estis, in libra mentis æqualiter ponderate: ut obolismus iustitiæ reducatur ad centrum iustitiæ. Vel certè per cauernam laci Ecclesiam peregrinantem adhuc in terris significare debemus; de qua filij Ecclesiæ tamquam de matris visceribus longè lateq; sunt propagati. Verbo siquidem veritatis de visceribus ejus genuit nos sponsus Ecclesiæ Christus; & per ipsam, præueniente gratia, ab infidelibus diuisi sumus. Ideo dictum est. *Ex qua præcisi estis.* Præcisi, id est præcedente gratia, per ipsam cæsi, id est diuisi. Attendite igitur ad Ecclesiam, considerantes, quibus ornamentis virtutum sponsus suus eam decorauit, qua dignitate sublimauit, quo perfectionis anulo subarrauit, quo fortitudinis baculo sustentauit, quibus armillis operum consummauit. Attendite & laudate, & illi gratias agite, per quam tantæ sponsæ filia meruistis esse. Vel certè per cauernam laci illam significare possu-

mus, de qua, quasi exponendo quod præmiserat, subiunxit Propheta dicens. *Et ad Saram, qua peperit vos.* Cum enim dixisset, *attendite ad petram, ex qua excisi estis, & ad cauernam laci, de qua præcisi estis,* subiunxit. *Attendite ad Abraham patrem vestrum; & ad Saram, qua peperit vos.* Subsequens quidem propositio præcedentis est confirmatio. Quia igitur Sara princeps interpretatur, quid per Saram significare possumus, nisi illam, quæ principatum sui, principatum mundi, principatum cæli obtinuit? Principatum quidem sui, quia voluptatibus non consensit. Principatum mundi; quia eam mundi vanitas non seduxit. Principatum cæli; quia ad Filij dextram super choros Angelorum jam ascendit. Hæc est igitur Sara, quæ nos peperit. Nam in illo nobis mater facta est, qui nos fratres vocare non confunditur, ut ibi. *Narrabo nomen tuum fratribus meis.* Laci ergo cauerna, quæ nobis emisit agnum, sunt illa Mariæ beata viscera, quæ pottauerunt æterni patris filium. Quæ ideo laci dicitur, quia quauis esset extra mundum per gratiam & deuotionem, de mundo tamen erat per naturam. Quoniam ergo per altitudinem virtutum, per patientiam tribulationum, per fortitudinem mentis, per perseuerantiam religionis, virgo gloriosa secundum Prophetas alto monti, de quo lapis abscisus est sine manibus, vel petreæ deserti, de cuius cauerna nobis emissus est agnus, comparatur: attendant alto monti, petreæ deserti, cæternæ laci: ut sublimes fiant in cogitatione, fortes in tentatione, refugij latebras inueniant in aliqua mala suggestione, qui jacent in imo profundum, qui citò consentiunt mundo sive carni, qui patent diaboliæ voluntati. Altitudinem enim in monte, fortitudinem in petra, refugium inuenimus in cauerna. Ad utrumque ergo attentius attendamus, ad petram & cauernam, ad Christum & Mariam: ut quod uterque nobis contulit agnoscentes, ingratitude vitio non arguamur. Sicut enim duo sunt, quæ nobis ad damnationem obfuerunt, culpa præuaricationis, & pœna retributionis: & hæc duo operati sunt vir & mulier, Adam & Eua, ita duo nobis ad salutem profuerunt, purificatio mentis, & passio redemptionis; & hæc similiter vir & mulier Christus & Maria. Attendamus igitur ad Christum & Mariam; ad petram deserti, & petram desertam: quorum nobis altera emisit agnum, altera nobis nutrit pullos columbarum. Hæc enim secundum legem Moysi nostræ congruunt purificationi. Scriptum quippe est. *Mulier, que suscepto semine pepererit filium, immunda erit septem diebus.* Mulier a mollicie dicitur: nam eo quod mollis sit & fragilis, mulier appellatur. Quid igitur in muliere, nisi molles accipimus, illos nimirum, qui citò diaboliæ suggestioni consentiunt? Quasi semen suscipit mulier, cum anima mollis & fragilis suggestioni peruersæ consentit: imprægnatur, cum deliberat: parturit, cum operatur. Et notandum, quod quandoque parturit masculum, quandoque feminam. Masculum quippe parit, si in perpetratione peccati aliquid virilitatis admixtum fuerit. Cum enim aliquis peccare deliberat, & sacer locus, vel sacerum tempus enitarur, vel causa præmittitur necessitatis, siue etiam modus naturalis; parit quidem, quia non resistit; sed masculum, cum in ipso actu virili-

Isai. 51.

Beata Virgo per Sarā designatur.

Psal. 21.

Ad Christū & Mariam attendere debemus.

Leuit. 12.

Isai. 51.

Ibidem.

Ecclesia est cauerna laci.

tatis aliquid fuerit admixtum. Cum autem nec tempus nec locus perpenditur, sed in causa voluptas sola consideratur, & modus exquiritur, qui extra naturam est, feminam parit: quia in peccati perpetratione nihil laudabile reliquit. Hinc est, quod satis apertè præcipitur, ut illa quæ feminam parit, duplici pœnitentia puniatur. *Mulier inquit, quæ suscepto semine pepererit masculum, immunda erit septem diebus.* Immunda erit, id est immundam se iudicabit. Ream enim se & immundam coram Deo debet iudicare, quod gauisa sit in peccati perpetratione. Dies verò exultationem mentis significat: quia sicut dies mundum clarescere facit, sic exultatio cordis & iucunditas mentem lucidam reddit. Sicut ille qui delinquit prius in suggestionem, in delectationem, in consensu, in deliberatione, in opere, & operis voluptate, gaudere solet: sic quando pœnitet, immundum pro his omnibus se iudicare debet, dolere tamen, quod in ijs gauisus sit. Sed quia nihil valet cordis contritio, nisi subsequatur oris confessio, subiunxit protinus Moyses & ait. *Octavo die circumcidetur.* Quid est peccati circumcisio, nisi confessio? Cum enim post contritionem & oris confessionem cum hilaritate circumquaque articulos amputamus, ut à morte animæ resurgamus, quasi octaua die masculum nostrum circumcidimus. Octavus etenim dies mentis illuminationem designat, per quam resurgimus à nocte peccati, & à morte inferni. Sed sunt plerique, qui post confessionem non humiliantur, sed negligentius agunt: eo quod sciant esse scriptum. *Omnia in confessione lauantur.* Propter quod, facilius in peccatis incidunt, & recidivum patiuntur. Oportet etiam ut in bonis actibus servos inutiles se pronuntient; scientes, quia coram illo venturi sunt ad iudicium, qui etiam capillos capitis numerabit. Timere etiam debent, si bene fecisse, si totum dixisse se crederent, quod commiserunt. Quis enim fragilitatem suam suspectam non habeat? Quis humanæ negligentiae læthargum formidare non debeat? Quis omnes * circumferentias quæ adjacent peccato, confiteri non negligat? Vel si confiteatur, quomodo scit, si Deo fuit acceptabilis? Quis enim novit sensum Domini, aut quis consiliarius ejus fuit? Offerebat Abel, offerebat & Cain: sed illius sacrificium accepit, istius autem spreuit. Vterini fratres Iacob & Esau: sed ille electus est à Deo, iste verò reprobatus. Sic etiam duo in domo, duo in agro, & in mola vno; sed unus assumetur, alter relinquetur. Non tamen hæc dico, tamquam incertus sim, utrum confessio simplex, pura, & deuota peccatum lauet: sed hoc idcirco dico, quia quando confitemur, nescimus, si in conspectu ejus, qui scrutatur renes & corda, sit tantæ simplicitatis, tantæque puritatis, & tantæ deuotionis confessio, ut oportet, & necesse est. Timor enim in huiusmodi semper est necessarius. Ita tamen peccator post confessionem timeat, ut non desperet: & sic speret, ut timeat; & de compositione actuum suorum sollicitior fiat: quoniam qui sacrificiū Cain spreuit, pœnitentiam Mariæ suscepit: & qui verba Pharisei respuit, orationem Publicani non despexit: & Ieremiam & Ioannem in vtero sanctificauit, qui in vtero matris Esau odio habuit: & qui Iudæ confessionem non suscepit, post adulterium & homicidium, pec-

catum David per confessionem lauit. Timeat quidem de iustitia, gratuletur de misericordia; exultet ut timeat; sic timeat, ut exultet: formidet, ne superbiat; gaudeat, ne desperet. Hinc est illud, quod subinfertur. *Triginta tribus diebus maneat in sanguine purificationis.* Licet enim inter impares computetur iste numerus, tamen secundus & compositus ab arithmetiis perhibetur. Sunt etiam & alij impares, qui primi & incompositi sunt. Quis igitur in impari primo & incomposito figuratur, nisi ille, qui per incompositionem actuum suorum ab æqualitatis & iustitiæ regula discedens, adhæret illi, qui de terra est terrenus, per inobedientiæ præsumptionem? *Primus Adam, ait Apostolus, de terra terrenus, secundus de cælo cælestis.* Inæquales primi & incompositi sunt, qui inæqualitatem & cordis iniustitiam, & per incompositionem sui veterem induit hominem, cum actibus suis. Per inæqualem autem secundum & compositum illi figurantur, qui licet ab æqualitatis regula per iniustitiæ vitium discesserunt, ex ipso tamē timore peccari de compositione actuum suorum solliciti sunt, ut ipsum induere mereantur, qui de cælo cælestis est. Est enim secundus de cælo cælestis. Triginta ergo & tribus diebus manet in sanguine purificationis, qui per cordis illuminationem & operis compositionem purificatur ab inæqualitate præuaricationis, induens novum hominem, qui secundum Deum creatus est in iustitia & sanctitate veritatis. Sed quia mens per fidem illuminatur, & per contritionem cordis religio vera componitur, satis apertè subjunctum est. *Et offerretur pro eo agnus, sine duo pulli columbarum.* In agno hoc ille figuratur, qui coram tonitruo se obmutuit; & cum in cruce pateretur, non operuit os suum: primo inter manus Simeonis, & secundo in crucis vertice pro mundi salute oblatum. Et notandum, quod quotidie per manus sacerdotis in altaris sacramento longè differentius offertur. Sed quia ex ipso & per ipsum pendet tota nostræ salutis intentio, pro nobis & à nobis per sacramentum altaris offeratur, ipsumque nobis incorporemus: ut nos unum corpus cum ipso simus & per ipsum suo conformemur simplicitatis exemplo. Exemplum quippe nobis dedit per vitæ innocentiam, ut & nos ita faciamus. Si enim simplex & innocens non fueris, non prodest tibi, sed obest, quod pro te Christus est oblatum. Cum agno liquidem offerre debes pullos columbarum, in quibus gemina significatur simplicitas, actus scilicet & cogitationum. Igitur carissimi, si purificari, si mundari volumus, attendamus ad Christum, & ad matrem Christi; ad petram & cavernam laci; ad petram desertam, & petram deserti. Petra liquidem deserti virgo Maria fuit, quæ orta est de tribu Noëmi. Vnde dictum est. *Emitte agnum Domine dominatorem terre, de petra deserti ad montem filia Sion.* Petra verò deserti Christus dicitur, de quo scriptum est. *Lapidem, quem reprobauerunt edificantes, hic factus est in caput anguli.* Attendamus igitur ad Mariam, ipsam in mulieribus benedictam confiterentes. Attendamus & ad Christum, ipsi gratias agentes, qui pro nobis oblatum secundum humanitatem, & secundum diuinitatem obrulit nos Deo Patri, qui vivit & regnat per infinita sæcula sæculorum. Amen.

Leuit. 12.

Ibidem.

Post confessionem negligentia cauenda.

* Vel, circumstantias.

Nescimus, an confessio nostra sit satis pura.

Leuit. 12.

1. Cor. 13.

Leuit. 12.

Sacrificium Eucharistia

Virgo est petra deserti. Isai. 16.

Psalm. 117.

In eadem sollemnitate. SERMO III.

Matt. 13.

Luc. 10.

Cupiditas
hydropisiseft

Deuter. 6.

SIMILE est regnum celorum thesauro abscondito in agro, quem qui inuenit homo abscondit, & prae gaudio vadit & vendit omnia quae habet, & emit agrum illum. Teste, dilectissimi, veritate, vnum est necessarium: sed caeca & crudelis, & omnium vitiorum hydropisis humana cupiditas, mentem hominis in multa diuidit, & distrahit in diuersa, quoties ab vnitare recedit.

Quae vnitare? Audi Israël, Deus tuus, Deus vnus est. Ideo vnus, quia per partes diuidi non potest, non enim corpus est: nec etiam per affectus, quia anima non est. Nec vnus ab vnione dicitur: quia collectio multorum siue massa non est. Sed ab hac vnitare multa diuidunt; & hanc vnitatem tamen non diuidunt. Multa ab vnitare diuidunt: quia multa cum vnitare non cōueniunt. Nam vnus esse non potest res quae in multa diuiditur, sed vnitatem non diuidit; quia cum simplex & vna sit, diuisionem non habet. Ab hac igitur vnitare mentem primò diuidit diuisionum mater cupiditas, quae in tot mentē dilacerat, in quorū affectionum diuersitates variando multiplicat. Nunc enim voluptatis, nūc honoris, nunc diuitiarum affectibus, ab vnitatis stabilitate mentem mouet. Sola quippe cupiditas duo diuisionis inuenit verba, *meum* scilicet & *meum*; quae charitas in hoc quod sua non querit, omnino detestatur. Haec quando mentem afficit, hydropisis more eò plus fitit, quò bibit. Incrementum pecuniae dat incrementum malitiae. Quantò pecunia maior acquiratur, tantò maior habendi voluntas habetur. Vnde Poëta.

Inuenialis

Crescit amor nummi, quantū ipsa pecunia crescit.

Sed in hoc caeca dicitur, quòd appetit non appetenda; & non appetit appetenda. Nam si vel appeteret appetenda, vel non appeteret euitanda, non cupiditas dici deberet, sed charitas. Eò igitur crudeliùs in mente sauit, & domicilium suum eò detestabiliùs dissipat & incendit, quantò quis ejus tyrannidem affectuosiùs amplexatur, aut recipit. Propter hoc dilectissimi fratres, hoc detestabile mortis venenū

Isai. 5.

Isaias merito redarguit, dicens. *Vae qui agrum agro copulatis vsque ad terminum loci.* Quid est vsque ad terminum loci? Vsque ad agrum qui termino loci finitur. Vsque ad terminum loci dicitur, vt agrum illum excludat, qui termino loci nec clauditur, nec circumscribitur, nec difinitur. Hic enim est ager, de quo Salomon in laude sponsae meminit, dicens. *Considerauit agrum, & emit eum.* Hic est ille plenus ager, de quo Isaac in laude filij loquitur, ita dicens. *Ecce odor filij mei, sicut odor agri pleni, cui benedixit Dominus.* Hic est ager, in quo seuit idem Isaac, & inuenit centuplum. Hic est ager lentis, in quo Semma

Genes. 27.

2. Reg. 23.

Jerem. 32.

Ararites viriliter stetit, cum fugeret populus Israël, & ipse stans viriliter expugnauit Philistaeos. Hic est ager, quem vanaelem fecit Anameel filius Sellum patrueli suo Ieremae. Qui quamvis esset in periculo mortis, utpote qui erat in luto carceris vsque ad guttur, nec agri posse se fieri possessore vsque ad annos septuaginta, cognosceret, agrum tamen ad eò affectauit, vt emeret; sciens quia non poterat ab expectatione sua confundi. Igitur vel quod exercitio laboris emitur, regnum celorum; vel in qua per laborem passionis salutem generis hu-

mani Christus operatus est, caro figuratur. Ager enim dicitur ab agendo; qui ager lentis dicitur, quia passibilis fuit. In quo Semma Ararites stetit, quando factus est obediens patri vsque ad mortem. Vnde Semma interpretatur obediens: qui bene Ararites, id est montanus dicitur: quia in assumpta carne clarificauit eū pater claritate quam habuit, priusquam mundus fieret. Vnde Apostolus. *Propter quod illum Deus exaltauit; & dedit illi nomen, quod est super omne nomen.* Cum igitur fugeret populus, eo quòd non esset qui faceret bonum, iste solus torcular calcavit, & percussit Philistaeos; quia solus spirituales prostrauit inimicos. Hunc agrum Anameel, id est gratia Dei, scilicet misericordia Iesu, vanaelem fecit Ieremae: quia gratia siue misericordia Dei praeueniente, & laboris exercitio subsequente tanti beneficii particeps efficitur, quicumque in altitudine vitae spiritualis exercetur. Felix qui agrum suum huic agro copulat, vt vnus sit in Christo, & Christus sit vnus in ipso; vt sic copulet agrum agro, qui nullo clauditur loco. Nam de hoc agro Salomon ita dicit. *Prepara opus tuum, & diligenter exerce agrum tuum.* Sed vae illi, ait Isaias, qui agrum agro copulat vsque ad terminum loci; id est vsque ad agrum, qui clauditur termino loci: qui ager ostenditur in parabola seminantis & seminis, quia ager est mundus. Qui enim mundum sibi, vel se mundo, per amorem jungit, vae illi: quia qui voluerit esse amicus mundi, ait autoritas, inimicus Dei constituetur. Ex supradictis igitur authoritatibus tria nobis agrorum genera proposuit sermo diuinus; mundum, hominem, Christum. Et bene agris comparantur; quia nec mundum, nec Christum, sed neque seipsum, nisi laborando & agendo potest quis possidere. Sed qui mundo vtitur, abutitur: qui Christo, fruitur: qui seipso, vtitur quidem; sed nec fruitur, nec abutitur. Nam seipsum diligere in Deo & propter Deum, Deum verò propter seipsum, mundum verò diligere non debet, nisi fortè propter Deum in aliquo diligatur; quando scilicet vel in immensitate potentia, vel in pulchritudine sapientia, in vtilitate benignitas Dei commendatur. Alioqui vti debemus tamquam non videntes, tamquam nihil habentes, & omnia possidentes. Et si aliter vti mundo volueris, abuteris. Quae enim maior potest esse abusio, quam vt seruias ei, qui factus est ad seruiendū tibi? Factus est enim mundus, vt seruiret homini; homo verò, vt seruiret creatori: ita tamen, vt quod mundus homini, vel homo impenderet creatori, totum humanae deseruiret vtilitati. Deus enim bonorum nostrorum non eget. Item duo bona dedit Deus homini ab initio: vnus visibile, alterum inuisibile: vnus gratis, alterum meritis. Gratis mundum, meritis caelum. Nihil enim boni aut mali egerat Adam, quando dedit ei Dominus mundum, & omnia quae fecerat in mundo. Vnde piscibus, auibus, & bestiis factis, adduxit ea ad Adam. vt videret quid vocaret ea, vt tamquam sua nominibus ea discernere sciret. Voluit etiam, vt per obedientiae meritum bonum sibi inuisibile compararet. Sed mira res, imò miserabilis. Libenter emit homo, quod gratis datur: gratis autem vult habere, quod non nisi emendo acquiritur. Sed quid emere volumus, fratres?

Philip. 2.

Prover. 24.

Isai. 5.

Iac. 4.

Cl. r. stuo
agro com-
paratur.Emere vo-
lumus, quod
gratis datur
& gratis pos-
sidere, quod
emenda est.

Numquid in eo videtis agrum hominis pigri, quem totum repleuerunt vrticæ? Numquid spinosa vel petrosa, vel pedes in vijs conculcantium semina? Numquid consideratis montes Gelboë, super quos nec ros nec pluuia venit? Nonne videtis animas, sicut terram sine aqua, Deo? Numquid terram conspiciatis, quæ non satiatur aquis; imò & illam, quæ imbrem super se venientem non recipit? Sed nunc innatas agrorum possessiones inspicite, & demù illatas. Infecta est terra corruptionibus. Seminat homo bonum semen, & vitio terræ pullulant cum bono semine zizania. Habet hoc vitium quandoque intrus, quandoque foris, quandoque intrus & foris: & quandoque inficit semen in radice, quandoque spinas inficit sterilitate. Quandoque fit non ex vitio terræ, quodd germinet zizania, sed ex aliunde innata passione. Inimicus enim homo facere solet hoc, vt superseminet zizania, cum dormit dominus agri. Quodd si fortè domino suo, juxta quod seminatum est, ager bene respondeat; dormire nesciunt, qui agrum non suum de nocte demerunt. Propterea imitantur Cain fratri suo suggerentem ire in agrum, videoque cum in filiis suis offerentem, quæ de auaritia congregant & rapina. Propterea residuum erucæ comedit locusta, residuum locustæ bruchus, residuum bruchi rubigo. Quàm detestabilis labor, fructus modicus, vtilitas brevis; vt in omnibus tam inutiliter, quàm mirabiliter homo seipsum destruat ac consumat. Si carnales oculos aperis, hæc videbis, si spirituales, detestabilius inspicies. Nonne otiositas prouocatrix est sanguinum? Hic est ager pigri plenus vrticarum. Nonne diuitiæ generant sollicitudinem spinas, duritia & obstinatio petras, instabilitas vias? Sunt etiam in mundo superbi, qui prædicationis imbrem, tãquam montes Gelboë suscipere dedignantur. Sunt auari, qui tamquam terra quæ non satiatur aquis, non saturantur diuitijs. Inueniuntur etiam qui intus inficiuntur per intentionem; quorum tamen operatio foris bona. Sunt qui secundum actionem corrupti sunt, & tamen intentio bona. Sunt etiam qui foris per actionem infecti sunt. Multoties verò cum dormit per negligentiam homo, hostis antiquus post fidei, vel alterius boni susceptionem seminis, vitiorum superfeminat zizania. Inuidet & maior frater minori, hoc est caro spiritui; vel pro vitulo saginato, vel quia laborat in agro. Quia enim caro mundum diligit, salutem animæ postponit. Ideo autem carnem & spiritum quasi fratres dixerim, quia vterini sunt; non ex vno patre, siue ex vna matre trahentes originem: quia cum caro infundatur & coaguletur ex semine, spiritus à Deo formatus ex nihilo informata carne formâdo absque mora infunditur, & infundendo formatur. Formatissimè liquidem membrorum lineamentis, post quadraginta & sex dierum spatium infundendo formatur, & formata statim infunditur anima. Non enim ex traduce est anima, sed caro. Vnde Propheta. *Qui fingit sigillatim corda eorum* Et alibi. *Pulvis in pulverem reuertetur: & spiritus redeat ad Deum qui fecit illum.* Et rursum Moyses. *Si quis percusserit mulierem pragnantem, & fecerit abortivum, si formatum non erat, mulctetur pecunia: quodd si formatum, reddat animam pro anima.* Ex vno tamen vtero ambo prodeunt in

lucem: & quasi fraterna societate quasi ex vno vtero simul egrediuntur. Sed in hoc carnem majorem natu dico, quia primò in liquorem infunditur, & membrorum lineamentis formatur: & sic anima à solo creatore Deo facta de nihilo, formata carni in vnum hominem vnitur. Inuidet ergo major minori: quia cum caro mundi hujus delicijs intendit, bonum animæ paruipendit. Sunt præterea quatuor genera tentationum, quæ erucæ, locustæ, bruchus, rubigini comparantur; videlicet: diu deliberata & occulta, subita & aperta, diu deliberata & aperta, subita & occulta tentatio. Si enim subito mentem subvertere non potest, non ideo minùs instat inimicus; sed paulatim mentem velut parietem inclinat, & depellit vt maceriat & quod apertè rapere non potest, furatur occultè; vt sit nunc serpens vectis, nunc tortuosus, nunc dici possit antemos, nunc dielux, & se esse bestiam manifestet, cujus numerus est sexcenti sexaginta sex. Quia igitur, vt dictum est, terra non solum infecta, sed etiam interfecta in sanguinibus, & contaminata est in operibus verustatis, nouis superuenientibus vetera proijcientes nouate vobis nouale, & nolite serere super spinas. Nouale dicunt homines agrum, qui post factam runcationem, stipularum incensionem, letaminis resperfectionem, arationem, seminationem, occationem, ab omni noxia vetustate purgatus, in sænore fructus multiplici sui respondet semini possessoris. Tale posthumum, de quo dixeram, ager lentis, ager Ananhel. Sed cum nihil aliud sit runcatio, quàm tribulorum siue spinarum extirpatio: videtur quodd ibi tribuli siue spinæ fuerint, quæ extirpatæ sint. Non enim extirpari potuit, quod ibi non fuit. Sed si, vt dictum est, per agrum Christi carnem accipimus, & per spinam peccatum: videtur, quodd illa caro aliquando obligata fuerit peccato, quod postea fuerit extirpatum. Quid est ergo quod legitur, quia peccatum non fecit, nec inuentus est dolus in ore ejus: quia actuali peccato obligata non erat, sed fortè originali? Sed si hoc est, quomodo in lumbis Abraham decimatus non fuit, sicut Leui decimatus fuit: si caro ejus ibi obnoxia peccato fuit, sicut & caro Leui? Propterea quidam putauerunt carnem illam, quæ assumpta est à Verbo, ab ipso primo parente vsque ad susceptionem sui à Verbo, liberam ab omni peccato fuisse, & mundam deductam, ita vt numquam sub peccato fuerit, sed à peccato non solum liberatam, sed liberam. Sed per quas rimas ita descenderit, non inuenio: cum non descenderit, nisi per concupiscibiliter natos. Propter hoc catholicæ veritatis assertio, filium Dei, qui pro peccatoribus natus est, de carne obnoxia peccato carnem asserit assumptisse. Quæ quidem à peccato libera fuit; sed ideo libera, quia liberata: ideo libera, non quia sub illo numquam fuerit; sed quia sub illo aliquando esse desijt. Sed quando? Post Virginis conceptionem. Nam & ipsa, quoniam ex consensu maris & femine concupiscibiliter concepta est, in peccatis concepit eam mater sua. Sed post conceptionem mundata & sanctificata est in vtero matris, vt sancta nasceretur, quæ concepta fuerat in peccatis. Nam si de Ieremia, vel de Ioanne Baptista hoc verum ideo credimus, quia futura erant vasa electio-

Matt. 13.

Quinam
Cain imitantur.Mundus est
ager habens
vitiarum
spinas, petras, &c.Caro & spiritus
sunt
quasi fratres
vterini.Psal. 32.
Eccle. 12.

Exod. 21.

Quatuor
genera tentationum.

1. Petri 2.

Quorundam opinio
de carne
Christi improbabilis.Catholica
assertio.

Verbum
assumpsit na-
turam hu-
manam, non
personam
humanam.

Hebr. 7.
Leui deci-
matus est in
Abraham,
non Chri-
sti.

B. Virgo li-
berum arb.
habuit ad
bonum &
malum.

Liberum
arbit. Virgi-
nis in gratia
tandem con-
firmatum.

Luc. 1.

nis, in quibus Deus abscondi debebat per inhabitantem gratiam; multo magis vas illud singulare mundari debuit, in quo filius Dei late-re voluit, non solum per inhabitantem gratiam, sed per carnis unionem: in quo Deus hominem assumpsit; hominem dico, id est, hominis naturam, non hominis personam, sed hominem in personam: ita ut in Deum transiret, non naturae versibilitate, sed Dei dignatione: quia nec Deus est mutatus in humanam substantiam, assumendo hominem; nec homo in diuinam, cum glorificatus est in Deum. Propterea ergo mundata fuit, ut mundam sibi de carne munda carnem assumeret, qui mundi sordes tergere disponebat. Propterea nec in conceptione, nec in natiuitate aliqua mundatione caro assumpta indiguit: quia ex ipso matris utero, in matre virgine munda fuit. Quia ergo hoc solum ejus ibi fuit, quod inde futurum ejus fuit; Leui decimari debuit; & hoc Christus non debuit: quia per propagationem originis Leui naturam & culpam habuit in lumbis Abraham; Christus vero solam naturam, quae decimatione non eguit. Oblatio enim non pro natura, sed pro culpa offertur: quia si culpa non esset, natura oblatione opus non haberet. Haec est agri runcatio; mundatio scilicet Virginis, & sanctificatio, quae nascendo liberum arbitrium, sicut omnis rationalis creatura, suscepit. Et quia liberum arbitrium habuit, & nondum liberatum, ad utrumque flexi potuit. Quia vero mortalis erat per naturam, infirmitatem habebat ad malum: & quia mundata per gratiam, adiutorium habuit ad bonum. Unde & peccare per infirmitatem potuit, & per gratiam non peccare. Unde & tanto gratiosior fuit, quanto sanctior: quia transgredi potuit, propter infirmitatem; & non est transgressa, propter gratiam adjuvantem. Sicut igitur Virgo ab originali peccato fuit mundata in utero matris per gratiam operantem; ita quoque nata munda ab actuali per gratiam cooperantem. Actuali dico criminali, vel forte veniali, ligno, feno, & stipula. Fortè aliquae fuerunt in ea vel tenues cogitationes, vel suggestiones absque consensu, cum quibus charitas habitare non dedignatur. Imò sicut stipula vel aquae gutta addita camino, ita est charitas adjuncta hujusmodi veniali peccato. At postquam Spiritus sanctus, qui ardor est Patris & Filij, superueniens ipsam obumbravit; & Filius Dei, qui est ignis consumens, intus eam fecundauit: sic omnes stipulas venialis peccati penitus incendit, ut libero arbitrio remanente, imò potius liberato & confirmato, non peccare potuit, & non potuit peccare. Nam sicut Angeli vel Sancti jam confirmati, libero non carent arbitrio, & tamen peccare non possunt, quia nullus eos ad hoc cogit, sed nuda liberalitate rata & confirmata hoc faciunt; ita & beata Virgo propter gratiae priuilegium singulare in hac carnis fragilitate ita beatificata fuit, ut spontaneo motu animi ducere nec peccare vellet, nec peccare posset: & haec est agri stipularum incensio. Talem igitur & tam gloriose mundatam salutauit Angelus dicens. *Aue gratia plena.* Et paulò post. *Ecce concipis in utero, &c.* Sed virgo de verbis Angeli non diffidens, sed facti modum querens, respondit. *Quomodo fiet istud, quoniam virum non cognosco?* Ac si alijs verbis dicat. *Quomodo ager fertilis esse pote-*

rit, nisi prius aperiatur, nisi primò naturae debitum ei impendatur? Quomodo ergo fiet, quoniam virum non cognosco? Sed quid queris virgo? Queris gratiae modum in facto, siue miraculum, seu consuetudinem, aut naturam? Si modum gratiae queris; *Spiritus sanctus superueniet in te*, qui omnes agri stipulas incendet, & nouabit nouale suum, novum faciens super terram, quia tu circumdabis vitrum. Si verò miraculum, descendet ros in uellere carnis, & area sicca remanebit. Producet virga nucem absque radice: inflammabitur igne caelesti rubus, & non comburetur. Quid si talem in rebus consuetudinem queris, vitrum carnis sine lésione vitri sol iustitiae penetrabit: quia nec vitrum corrumpetur, nec solis claritas minuetur. Si verò similem queris in rebus naturam, sicut ex vino bibiones, ex aqua papiliones, ex arboribus aues, apes ex fauo, teredones ex ligno: sed etiam sicut vultures absque commixtione maris, aut seminis infusione impraegnantur & concipiunt; ita & tu absque maris commixtione, vel infusione seminis, concipies & grauidaberis. Nihil igitur, quod huic facto debeat obuiare. Ridiculosum quippe valde esset, ut quod alijs dare posset, sibi conferre non posset. Solummodo ad obedientiam cor aperi, & fecunda eris, ut sit fertilis ager. Sermo enim Dei vitus & efficax, & penetrabilior omni gladio accipiti cor aperiet, ut agri sit aratio cordis apertio, & fecundaberis illo semine, quod promissum est Abraham. *In semine tuo hereditabunt omnes gentes.* Et iterum Isaias. *Nisi Dominus sabaoth reliquisset nobis semen, quasi Sodoma fuisset.* Ergo agri satio fuit Filij missio, siue incarnatio. Quid igitur Angelo Virgo respondit? *Ecce, ait, ancilla Domini.* Quam conuenienter & verè dixisse potuisset. *Ecce regina mundi,* imò regina caeli: quae dixit, *Ecce ancilla Domini.* Sed sic aspergit agrum suum humilitatis letamine, de quo legitur in Euangelio. *Sine, ut hoc anno fodiam circa eum, id est ficulneam, & mittam stercora.* Idem enim est stercus, latamen, & fimo. Dicitur enim stercus, quia sternitur; fimo, quia fit imus; latamen, quia germina reddit lata. Sub hoc ergo latamine semen occatum est. Occatio seminis est absconditio Verbi. Semen est Verbum Dei, occare autem operire est. Semen occatum Verbum est absconditum. Hoc igitur semen thesaurus est, de quo scriptum est. *Simile est regnum caelorum thesauro abscondito in agro.* Scriptum est enim. *Thesaurus desiderabilis requiescit in ore sapientis.* Et alibi. *Prope est Verbum in ore tuo.* Nihil est ergo aliud verbum in ore sapientis, quam thesaurus desiderabilis in ore sapientis. Thesaurus ergo verbum est. Sed aliud est verbum in ore carnis, aliud in ore cordis. Illic verbum intrinsecum & absconditum; ibi verbum extrinsecum & manifestum. Nam de ore cordis scriptum est. *Os iusti meditabitur sapientiam.* De ore summi Patris, hoc est de ore cordis hoc verbum eructatum est. *Eructauit, ait, cor meum verbum bonum.* Quid est cor Patris? Quod alibi dicitur vterus Patris. In hoc utero absconditum Verbum Patris eructatum est in uterum Virginis, & rursum ibi absconditum est. Sed in utero Patris ideo absconditum, quia incomprehensibilis est sapientia Patris. Sapientia quippe Patris Verbum Patris. In utero verò matris absconditum,

Luc. 1.

Figura &
exempla
conceptionis
sine semine.

Genes. 22.
Isai. 1.

B. Virgo Regina mundi
& caeli.
Luc. 13.

Prover. 21.

Rom. 10.

Psal. 36.

Psal. 44.

Verbum in
Patre abscon-
ditum, & in
Virgine.

*Christus nec
omnino ma-
nifestari nec
abscondi vo-
luit.*

1. Cori. 13.

*Immutabi-
litas Dei
quoad lo-
cum & tem-
pus, &c.*

*Transsub-
stantiationis
assertio.*

ne cognosceteretur à perfidis Iudæis. Si enim cognouissent, numquam Dominum gloriæ crucifixissent. Sicut tamen nec omnino manifestari voluit, sic nec penitus abscondi: quia & aliquo modo manifestari voluit, ne infidelitas inueniret locum; & tamen abscondi, ut fides haberet meritum. Ergo sapientia quæ in sui natura immutabilis erat, sub nostra mutabilitate voluit abscondi: ut per assumptam mutabilitatem ad immutabilitatem mutaremur, vel ut melius dicam, immutaremur. Mutabuntur enim perfidi, sed non immutabuntur: quia in illo non mutabuntur. Vnde Apostolus. *Omnes quidem resurgemus; sed non omnes immutabimur.* Tunc autem immutabimur, non solum quando nostrum corruptibile induet incorruptelam, vel mortale immortalitatem; sed quando absorpta erit mors in victoria. Propterea, ut dictum est, sapientia Patris immutabilis, in sua diuinitate, mutabilis esse voluit in nostra humanitate. Vnde in suo immutabilis, in nostro mutabilis. In suo ideo immutabilis; quia nec augeri nec minui poterat, nec mutari. Augeri quidem non poterat, quia immensa est: minui verò, quia simplex & vna est. Mutari autem loco non poterat, quia ybique est: nec tempore, quia æterna est: nec cogitatione, quia sapientissima est: nec affectu, quia optima est. Nam si propter nominum varietates mutari videatur in rebus humanis; ut nunc propter præsentia scientia, nunc propter futura præscientia, nunc propter faciendâ dispositio, nunc propter saluandâ prædestinatio, nunc autem prouidentia propter subiecta dicatur; non ideo fit, quod ipsa mutetur in rebus: sed quia res esse suum mutant in ipsa, vel saltem sub ipsa. Mutabilis tamen facta est in nostra humanitate, vel secundum mutabilitatem coherentiæ, aut discoherentiæ, vel adhaerentiæ, vel inhaerentiæ. Mutabilitas coherentiæ, quando res rei alterius generis ita coheret, ut eam mutet & ipsa mutetur: ut cum cibis incorporatur, cibus mutatur in carnem, & caro mutatur in fortiorem. Vel quando res rei ita coheret, quod ipsa non mutat, & illam mutat: sicut sapientia cum accedit animæ, mutat in melius animam, quod facit, eam sapientio-rem, ipsa verò non mutatur. Vel certè, quando res ita rei coheret, quod ipsa quidem mutatur, & illam non mutat: sicut humanitas diuinitati coherens, diuinitas humanitatem mutauit, quia digniorem & meliorem fecit; ipsa verò non est murata. Mutabilitas verò discoherentiæ est, quando res quæ vna est, in aliam ita mutatur, ut mutetur pariter accidens & subiectum; quod factum est, cum aqua mutata est in vinum. Ibi enim sic vinum transiit in aliud, ut & color & sapor aquæ transiret in colorem & saporem vini, & ipsa aquæ substantia in substantiam vini. Vnde quando res aliqua ita transiit in aliam, ut remanente subiecto mutentur accidentia, quod fit, quando fœnum transiit in vitrum, ibi sola accidentia mutantur, scilicet fœneitas, ut ita dicam, in vitreitatem, sed eadē remanet fœni substantia; vel quando res aliqua ita transiit in alteram, ut ipsum subiectum mutetur, sed non accidentia; ut cum panis fit corpus, vel transiit in corpus Christi, substantia panis transiit in substantiam corporis Christi; sed accidentia, id est rotunditas panis, sapor vini, non mutantur. Non sunt accidentia hæc in

subiecto: quia alia hæc, alia accidentia subiecti. Ibi enim non est panitas, sed, ut ita dicam, carnositas. Mutabilitas inhaerentiæ, quando anima diuersis affectibus mutatur; ut nunc gaudeat, nunc doleat; nunc timore, nunc afficiatur amore. Secundum hos affectus in humanitate nostra mutabilis facta est sapientia Dei. Scriptum quippe est. *Exultauit ut gigas, ad currendam viam.* Et in Euangelio. *Tristis est anima mea usque ad mortem.* Item. *Cæpit Iesus pauere & tedere.* Et alibi. *Desiderio desiderauit, hoc pascha manducare vobiscum antequam patiar.* Sic assumptus homo per mutationes inhaerentiæ variatur. Mutabilitas adhaerentiæ est, cum per diuersas passiones exterior homo variatur. Vnde & de illo assumpto homine scriptum est. *Iesus autem, cum ieiunasset quadraginta diebus, & quadraginta noctibus, postea esurit.* Et iterum. *Iesus autem fatigatus ex itinere, sedebat super fontem.* Et Isaias. *Verè languores nostros ipse tulit, & dolores nostros ipse portauit.* Ecce quomodo mutabilis. In quibus omnibus absconditus erat filius Dei. Propter hoc Psalmista dicit. *Quam magna multitudo dulcedinis tua Domine, quam abscondisti timentibus te.* Et Ieremias. *Verè tu es Deus absconditus.* Ergo simile est regnum cælorum thesauro abscondito in agro, &c. Absconditus ut dictum est, vel quia incomprehensibilis diuinitate; vel quia mutabilis humanitate inuentus est fidelibus. Sed qui sunt, qui inueniunt? Qui hodie Christo obviam venerunt. Solemnitas hæc hypapanti Domini, id est obuiatio Domini vocatur: quia hodie Simeonis & Annæ solēnis memoria celebratur, qui Christo obviam venerunt in templo; quando parentes ejus tulerunt eum, ut sisterent, id est offerendo eum Domino præsentarent. Et satis dignè. Nam Simeon obediens, Anna gratia interpretatur. Gratia quippe mentem mouet ad fidem, obedientia motam promouet ad operationem. Gratia mentem mouet, ut velit, obedientia promouet per gratiam cooperantem. Gratia dat lumen fidei, obedientia virtutis augmentum. Sic honestè procedentes in hac processione viri seorsum, Simeon & Ioseph, & mulieres Anna & Maria, in medio templi misericordiam suscipere meruerunt. Nam, sicut dictum est, Anna gratia, Maria illuminans, Simeon obediens, Ioseph augmentum interpretatur. Et quoniam fides alia cognitione magna, & affectu parua; alia affectu magna, cognitione parua; alia verò cognitione & affectu magna; illam Deus fidem approbat, quæ affectum cognitioni maritat. Nam prima quidem sapientium est, scilicet à sapere, secunda sapientium scilicet à sapore; tertia sapientium, in quorum cordibus sapidū reddit quod sapiunt, cognitio fidei & affectus. Prima fuit Philosophorum, qui cum Deum cognouissent, non sicut Deum glorificauerunt, aut gratias egerunt; sed euauerunt in cogitationibus suis; & dicentes se esse sapientes, stulti facti sunt. Secunda fuit Chananæ & Centurionis; de quorum altero dictum est. *O mulier, magna est fides tua.* De altero verò. *Non inueni tantam fidem in Israël.* Tertia fuit Annæ & Simeonis, qui utroque modo fidem habuisse probantur: quia scriptum est. Simeon in manibus infirmitatem accepit; sed maiestatem intus agnouit. Ecce cognitionis magnitudo. Quem videns, benedixit Deum & dixit. *Nunc dimittis*

*Accidentia
in Euchar.
sine subiecto*

*Psal. 18.
Matt. 26.
Marc. 14.
Luc. 22.*

Matt. 4.

*Ioan. 4.
Isai. 53.*

*Psal. 29.
Matt. 13.*

*Festum Pu-
rificationis
Hypapanti
dicuntur.*

*Quamam
fit Deo
magis pro-
beantur.*

*Matt. 13.
& 8.*

Luc. 2.

Luc. 2.

Domine servum tuum in pace. Ecce affectus. Similiter & Anna Prophetissa superueniens, loquebatur de illo omnibus qui expectabant redemptionem Israël. Vnde & in inuentione thesauri notatur affectus, cum dicitur. *Et præ gaudio vadit & vendit, &c.* Amoris affectus nescit otiosus esse, sed procedit foris ad effectum.

Matt. 13.
Amor non
est otiosus.

Propterea vadit, vel viam mandatorum, vel viam veritatis, vel excellentiorem viam charitatis. Necesse est enim ire per viam veritatis, quia inducit incipiens in omnem veritatem: secundum viam mandatorum, qua deducitur proficiens per vias rectas: ad ultimum per viam charitatis, qua perfectus ad Deum perducitur, qui est charitas. Sic enim incipiens, proficiens, & perfectus, per viam veritatis, per viam mandatorum, per viam charitatis eundo inducitur, deducitur, perducitur. Propterea vadit & vendit sua. Ideo vendit sua, ut expeditior sit ad

Se & sua de
bet homo
dare pro the
sauro coe-
lesti.

Ioann. 12.

currendum. Quis enim currere potest oneratus? Propterea sua vendit, ut emat agrum illum. Quid est quod vendit? Temporalia, naturalia, gratuita. Temporalia dico, seipsum cum rebus suis. Primum se, & postea sua: Necesse est, ut se ipsum abneget sibi. *Qui amat, ait Dominus, animam suam, perdet eam. Et qui odit animam suam in hoc mundo, in vitam aeternam custodit eam.* De rebus quoque scriptum est. *Qui non abrenuntiauerit omnibus quae possidet, non est meus dignus.* Naturalia sunt memoria, voluntas, ratio, intellectus: & hæc impendere necesse est, ut ager possideatur. Quod enim memoriam, quod voluntatis, quod rationis, quod tandem intellectus est, ad obtinendum agrum impendere debes: Gratuita sunt, fides, spes, charitas: quæ omnia in emptione agri sunt offerenda. Quidquid es, & quidquid habes, totum da. Quanti sunt hæc? Omnia in comparatione agri, quasi stilla situlae, & quasi momentum stateræ reputanda sunt. Propter hoc sapiens vadit & vendit omnia quæ habet, & emit agrum illum. Emit homo agrum, ut possideat thesaurum, quia nisi mediante agro non peruenit homo ad thesaurum. Non enim bene conveniret possessori possessio tanta tantillo, nisi per pretium agri nostræ congruum paupertati. Meminisse debetis, superius me dixisse, per thesaurum diuinitatem, per agrum humanitatem figurari. Humanitatem dico, corpus & animam assumptam à Verbo. Duo ergo sunt extrema, & contradictoriè opposita, Deus & homo. Deus enim in sui natura immortalis, impassibilis est, & iustus: homo verò in natura sua per peccatum infecta & corrupta, passibilis, mortalis, & iniustus. Ut igitur hæc duo extrema sibi valde & omnino contraria vnirentur, interposita sunt duo media, caro Christi & anima: ut sicut in quatuor elementis duo extrema, terra & ignis, quæ sibi valde sunt opposita, (quia cum ignis sit subtilis, acutus, mobilis, terra palpabilis, obtusa, & immobilis,) mediis tribus alijs duobus elementis, scilicet aëre, quod multam habet cum igne conuenientiam, quia est subtilis, mobilis, sed non acutus: multam etiam cum terra, quia obrusus: & aqua cum aëre conuenit, quia mobilis, & cum terra, quia obtusa & impalpabilis, quæ cum quibusdam ligantur numeris, ut scriptum est, *Qui numeris elementa ligat;* sic & illa duo extrema, Deus & homo, duobus medijs sunt vnita, & eisdem

Thesaurus
est diuinitas
Christi, ager
humanitas.

Boët. de
Consol.

numeris ligata; & in eisdem elementis figurata. Quid enim obest, si per ignem Deum figuramus? *Deum enim noster ignis consumens est.* Per terram verò de terra factum hominem, per aërem verò animam; quia mundi animam aëre Philosophi vocauerunt. Per aquam verò caro Christi non immerito figuratur. Nam & ipsa per aquam crassam, quæ in puteo inuenta est, designatur. Deus ergo, ut dictum est, in sui natura impassibilis, immortalis, & iustus, animam assumpsit immortalem quidem & iustam, sed passibilem, quam mediam esse voluit inter carnem assumptam & Deum; quia aliquid habebat Deo conueniens, scilicet immortalitatem & iustitiam; & aliquid cum carne, scilicet passibilitatem. Assumpsit enim carnem passibilem, mortalem & iustam; & ipsam mediam esse voluit inter hominem & animam: quia aliquid habebat conueniens cum anima, id est passibilitatem & iustitiam, & aliquid conueniens cum homine, passibilitatem & mortalitatem. Homo enim ut dictum est, passibilis, mortalis, & iniustus est. Hinc est, quod Ecclesia, cujus caput dicitur Christus, homo corpus, tabernaculo comparatur. Christus quidem caput est Ecclesie, Christum dico totum in duabus naturis, & tribus substantijs: cujus sanctum sanctorum diuinitas, sanctum anima, atrium interius caro assumpta, exterius verò poenitentium massa. Velum verò inter sanctum & atrium interius mortalitas; inter atrium verò interius & atrium exterius, iniustitia. Nam animam immortalem & iustam & passibilem diuidebat passibilitas ab immortalis, iusta, & impassibili. Corpus verò passibile, iustum, & mortale, diuidebat ab anima iusta, passibili, & immortalis, mortalitas. Hominem verò peccatorem passibilem, mortalem, & iniustum, diuidebat a carne mortali passibili & iusta, iniustitia. Sed passus est Christus, & scissa sunt tabernaculi vela à summo usque deorsum. Tunc etiam anima illa desijt esse passibilis, caro mortalis, homo iniustus. Per passionem quippe Christi, homo & impassibilitatis & immortalitatis & iustitiæ meritum acquisiuit; sic ut per illius effusionem sanguinis vniri possit eum immortalis, impassibilis, & iustus. In conditione ergo rerum præcessit tantæ rei sacramentum, in Ecclesia res & sacramentum, in homine & Christo res & non sacramentum. In conditione præcessit figura, in Ecclesia subsecuta est imago, veritas completa est in homine & Christo. Ut sic coniungantur extrema, necesse est operam dare, quomodo jungantur media. Quod tunc dignè fiet, si sit anima nostra similis regno cælorum, & illud regnum cælorum simile sit thesauro abscondito & inuento. Vnde sciendum, quod cum anima per diuersos affectus variatur, diuersas in se figuras, imò in diuersas se figuras transformat. Nam cum per motus bestiales bestiis se conformat, comparatur inmentis insipientibus; & similis facta est illis. Cum verò in sordibus vitiorum se deformat, moram faciens; & habitans vbi sedes est Satanae, glareis cocyri se comparat. Cum verò à seruitute peccati se excusat, & seipsam per sapientiam regit, & fortitudine regnat, & sit sapientiæ sedes, tunc similis est regno cælorum. Dicit enim autoritas. *Anima iusti sedes est sapientiæ.* Et sapientia ait. *Cælum mihi sedes est.* ex quo Gregorius probat, quod cælum est

Deuter. 4.

Partes Ta-
bernaculi
Christo ad-
aptantur.

Anima in
varias figu-
ras per di-
uersas affe-
ctus trans-
formatur.

Anima iusti sedes est sapientiæ. Et sapientia ait. *Cælum mihi sedes est.* ex quo Gregorius probat, quod cælum est

Ioann. 14.

Homo di-
uersis oculis
quomodo
similis.
Ephes. 6.

Psal. 90.

anima iusti. Dicitur enim cælum, quasi cælum, id est casa elios, id est domus solis, quia anima per inhabitantem gratiam solis iustitiæ domus efficitur, ut scriptum est. *Si quis diligit me, sermonem meum seruetur*: unde non immerito cælo comparatur. Et quoniam diuersi gradus & varij sunt virtutum profectus, non regno cæli, sed regno cælorum similis efficitur. Nam cum diuersis tribulationibus siue tentationibus turbatur, similis est cælo condensitatis, quod æreum dicunt. Vnde propter superuenientem imbrium condensitatem; tenebris comparatur eum Apostolus, ubi ait. *Non est nobis colluctatio aduersus carnem & sanguinem, sed aduersus principatus & potestates, aduersus mundi retores tenebrarum harum*. Sed quia Domino dicente scriptum est, *Cum ipso sum in tribulatione*, in illa tribulationum condensitate similis fit thesauro abscondito, necdum inuento. Cum vero post tentationes per deuotionem incipit serenari, cælo serenitatis, quod æthereum dicunt, comparatur. Et in hoc etiam similis est thesauro non abscondito, sed inuento. Cum autem stabilitate solidatur, ut semper det operam, qualiter aquæ diuidantur ab aquis, id est cura spiritus à cura carnis, tunc comparatur cælo chrystallino, quod firmamentum appellant; & tunc etiam similis efficitur homini, qui sua vendit, ut thesaurum emat, quia inferiora contemnit, ut superiora possideat; & temporalia parvipendit, ut cælestia acquirat. Cum autem per desiderium magis ac magis feruescit, ita ut in hac peregrinatione solo corpore constitutus, cogitatione & auditate in illa æterna patria conuerteretur, similis efficitur vranico cælo, quod dicitur empyreum: & per hoc etiā fit ei similis, qui laboribus & desiderijs & spiritijs thesaurū inuentum emit. Tandem vero cum post transitorios agones ad brauium supernæ vocationis, id est usque ad cælum trium hierarcharum subleuatur, tunc empto thesauro fruitur, quia vnum erit in Deo, & Deus vnū in ipso; immortalis, impassibilis & iustus, cum immortalis, impassibilis & iusto, qui est benedictus in sæcula, Amen.

SERMO. In Dominica Septuagesimæ.

Potius in Dominica Quinquagesimæ, vel Quadragesimæ; ut constet ex toto discursu.

Genes. 6.



PŒNITET me fecisse hominem: Non est arbitrandum, dilectissimi, quod aliquid mutabilitatis aut injuriæ cadat in illum, apud quem non est transmutatio, nec vicissitudinis obumbratio. Omnia quidem cum tranquillitate iudicat; & tamen eum iratum plerumque scriptura prædicat. Sed hoc ipsum per causam dicitur, ut nos ira sua dignos ostendat. Hinc est, quod dicitur. *Pœnitet me fecisse hominem*. In hoc tamen verbo, iuxta duos intelligentiæ modos, iustitia & pax osculatæ sunt. Iustitia quidem, si sic intelligatur, *Pœnitet me fecisse hominem*, ac si dicat: faciam, quod homo pœnitens facere solet, quia delet, quod fecit. Pax verò, si sic accipiatur, *Pœnitet me fecisse hominem*, id est pœna me tenet de homine quem feci; quasi dicat, hominem tenet culpa pœnæ: me verò tenebit pœna culpæ. Ipse fecit, & ego feram;

Pœnitere
duplīter
poteſt intel-
ligi.

ipse rapuit, & ego persolvam. Ideo feram quod fecit, quia pro eo feram, quem feci. Quis enim quod suum est parvipendat? *Quæ mulier habens dragmas decem, si perdidit unam ex eis, nonne accendit lucernam, & euertit domum, & quatit diligenter donec inueniat? Aut quis homo habens centum oues, & si perdidit unam ex eis, nonne dimittit nonaginta nouem in deserto, & vadit ad illam quæ perierat? Ecce ego ipse requiram oues meas: & visitabo illas, sicut visitat pastor gregem suum*. Non incambit homini, siue Angelo, quia prauitas inuenta est in vtroque. Propter hoc tristis est anima mea usque ad mortem: quoniam si iratus est homo super hederam, pro qua non laborauit, multò iustius debet esse tristis noster Ionas super hederam quam fecit. Et merito Iona Dei filium comparamus; quia sicut Ionas in ventre ceti fuit tribus diebus & tribus noctibus; sic & filius hominis in corde terræ. Hinc est, quod cum generatio praua & adultera signum quæreret, non est ei datum, nisi signum Ionæ. Hic igitur Ionas plantauit hederam, cum fecit hominem, quem discretionis furcā & baculo rationis sustentans in hoc eum à terra subleuauit; quia os homini sublime dedit. Cui etiam intelligentiæ virore tribuens, vmbram dilectionis inuenit. Vnde scriptum. *Delicia eius sunt, esse cum filiis hominum*. Sed vermis tandem hederæ radicem corripit, ventoque vrente & calido flante, arefecit. Quis, putatis, est vermis iste? Ille est, de quo loquitur Isaias. *Et vermis eorum non morietur*. Vermis horribilis est ille serpens antiquus, qui nimirum radicem hederæ corripit, dum primum hominem fraude circumuenit. Ab ipso enim tamquam à radice homines vniuersi tamquam rami sunt exorti. Sed quomodo? *In ascensu*, inquit, *diluculi*. Diei nomine quandoque praua delectatio actionis accipitur, ut ibi. *Pereat dies in qua natus sum*. Hujus diei crepusculum est negligentia mentis, nox offuscatio cordis, diluculum consensus suggestionis; diei claritas dilectio operis. In ascensu igitur diluculi radicem hederæ vermis corripit, quando per consensum suggestionis proparentem hostis antiquus infecit. Vel quoniam per radicem hominis capilli designari solent, & per capillos cogitationes mētis, hederæ in ascensu diluculi percussit, quando, per consensum cogitationis homines ab auctore suo alienauit. Et tunc hederæ arefecit: quia charitas humore subtrahito hominem sicut terram sine aqua fecit. Merito ergo vterque Ionas, spiritualis scilicet & materialis, vno dolore tactus doluit. Nam vtriusque iactura, hujus per sacramentum rei, illius per rem sacramenti, vna fuit. Itaque quo dolore doleat vterque, videamus. Dic nobis, Iona, dic nobis, putas bene irasceris tu? *Irascor*, ait, *usque ad mortem*. Et tu Domine Iesu, bene irasceris tu? *Tristis est*, inquit, *anima mea usque ad mortem*. Certè bene irasceris; quia bona est ira, quæ tali ac tanta misericordia subleuatur. Bene inquam irascitur; quia cum iratus est, misericordiæ recordatur. Irascere ergo usque ad mortem, bone Iesu, & te pœniteat: qui li te contristauit ad horam, jam non me pœnitet. Non est enim vobis salus vlla, sine morte tua pretiosa: morte tua salutari mortem occidisti. O felix culpa, quæ tantum ac talem meruit habere Redemptorem.

Luc. 15.

Ezech. 34.

Iona Chri-
stus in quo
comparatur
hio.

Isai. 66.
Damonur
mis est hor-
ribilis.

Iona 4.

Iob 3.

Iona 4.

Matt. 26.

Verba Ec-
clesia in be-
nedict. cerei
Paschalis.

Genes. 6.

Triplex ho-
minis pœna
ob peccatu.Quid sit Ni-
niue in bo-
num sub-
verti.

Iona 3.

Numerus
quadrage-
narij com-
mendatur.

Matt. 4.

O necessarium Ad peccatum, pro merito dam-
nationis misericordiam consecutum. O beata
ira, qua sic Dei filius mortem pertulit, ut gra-
tiam pro pœna redderet, & per gratiam nobis
gloriam ampliaret. Hoc igitur dolore cordis
tactus intrinsecus, pium patris, & non dirum
affectum magistri nobis Deus ostendens, ait.
Pœnitete me fecisse hominem. Ac si dicat. Video
omnem hominem viam suam corrupisse, sub-
jectumque diabolice voluntati; nec eripi pos-
se, nisi me pœniteat, id est nisi mihi pœna in-
cumbat. Ideo me pœnitete, & merito: feci enim
illum. Sed quæ pœna illi incumbat, videamus.
Pœna natiuitatis, pœna laboris, pœna mortis.
Hæc enim tria per culpam homo meruerat; sci-
licet cum labore nasci, laborare, & mori: & in
his tribus filius hominis diabolum vicit, quia
ut sua daret, nostra suscepit. O pœnitentia pia,
non crudelis; fructuosa, non sterilis; volunta-
ria, non necessitatis. Crudelis enim fuit in Iuda
Scariote, sterilis in Esau & Saule, necessaria
verò est in quolibet peccatore. Solius autem
voluntatis fuit pœna Saluatoris, qui peccatum
non fecit, nec inuentus est dolus in ore ejus.
Hæc igitur est ira Ionæ, imò columbæ. Ionas
enim interpretatur columba: quæ cum fel in
corde non habeat, nec dentes in rostro, vel vn-
gues in pedibus vnde lædat, solo vocis strepitu
patefacit iram, hostem circumuenit in commi-
natione. Hæc est ira Ionæ, quæ subuertendam
prædicat Ninive: vel ira columbæ, quæ clausis
in arca ramum præsentat oliuæ. Verba fortè
videntur dissona, sed vtriusque sententia vna.
Quid enim est subverti Ninive? Illud, quod
fuerat, desinere esse. Quid enim fuit? Ciuitas sa-
guinum, plena vitijs, diuina consolatione pe-
nitens indigna. Hoc desijt esse; quia præsentauit
eis Ionas, vel certè columba, ramum oliuæ.
Quid est ramum oliuæ? id est de abundantia
diuinæ misericordiæ; quando declinavit à
malo quod fecerat, & bonum fecit, à quo de-
clinauerat. Sed quando? Post quadraginta
dies. Sic enim scriptum est. *Adhuc quadraginta
dies, & Ninive subuertetur.* Sed quomodo post
quadraginta dies? Post pœnitentiam. Post
quadraginta namque dies ramum oliuæ co-
lumbæ præsentauit, & Ionas subuertendam
Niniven prædicauit. A malo enim declinare
non possumus, vel diuinæ misericordiæ parti-
cipare, nisi prius præterita peccata per pœni-
tentiam lugeamus. Et bene per quadragenarij
pœnitentia designatur; quia sicut de quadra-
ginta quinquagenarij fructus colligitur, & per
pœnitentiam remissio peccatorum acquiritur:
per quinquaginta designatur remissio peccato-
rum, vnde etiam Iubilæus, id est remissivus di-
citur. Neque enim filij Israël terram promissi-
onis acceperunt, nisi prius per desertum annis
quadraginta affligerentur. Sic Elias antequam
ad montem Dei perueniret, quadraginta die-
bus jejunauit. Moyses quoque ut secundò le-
gem acciperet, quadraginta diebus abstinuit.
Dominus quoque Iesus, ut neminem à pœni-
tentia quadragesimali excludi debere ostende-
ret, quadraginta diebus & totidem noctibus
ieiunauit. Ideo si de malo volumus conuerti in
bonum, sicut Niniuæ; si diuinæ participes esse
misericordiæ; si cum Elia diuinæ contèplatio-
nis montem ascendere: si cum Moysè secreta
Dei cognoscere; tandem si cum ipso Saluatore

Angelorum consortium suscipere oportet nos
decimari pœnitentia quadragesimali. Nam in
istis sacris temporibus, cum sit pars anni deci-
ma, quasi pro decimis dare nos ipsos Deo de-
bemus. Ieiunemus igitur à vitijs, à secularibus
negotijs; jejunemus ab alimentis, & immundis
desiderijs: in his enim quatuor tota consistit
afflictio pœnitentialis. Est enim jejunium co-
munis omnium membrorum satisfactio, ut sci-
licet satisfaciant membra secundum peccata
quæ commiserunt: & dicitur jejunium à ieu-
no, quod est quoddam hominis intestinum,
quod eo mortuo vacuum reperitur. Similiter
& nos à vitijs vacui, tam corpore quàm anima
debemus reperiri. Est autem triplex ieiunij au-
thoritas, ab antiquitate temporis, à qualitate
loci, ab institutione præceptoris. Ab institu-
tione præceptoris, quia à Deo; à qualitate loci,
quia in paradiso; ab antiquitate temporis, quia
à mundi exordio. Vnde dictum est. *De ligno
scientiæ boni & mali ne comedas.* Eva quam-
diu abstinuit, virgo fuit, & in paradiso per-
mansit: violato verò ieiunio carnis pruritum
sensit, & in paradiso non remansit. Adam si-
militer violato ieiunio in mundi miseriam cor-
ruit. Item à temporibus & personis ostenditur
authoritas ieiunij; quia ante legem à Moysè,
sub lege ab Elia, à Christo sub gratia. Moyses
liquidem post ieiunium locutus est cum Deo,
Elias post ieiunium in cælo raptus est curru
igneo. Sic Ierosolyma tempore Ezechie Regis
per jejunium liberatur, centum octoginta quin-
que millibus vna nocte interfectis: vnde fac-
torem mortuorum Rex Sennacherib ferre non
valens cum decem tantum militibus fugit in Ni-
niuen, vbi quadragesimo die à proprijs filijs
occisus est. Sed & Iona prædicante per ieiunium
venia præstatur Niniuitis. Sed & Iosue filius
Naue per ieiunium solis & lunæ cursu tempe-
rauit, & Gabaonitas superauit. Notandum,
quod ieiunium aliud corporis, siue carnis, aliud
mentis. Carnis, quando quis abstinet à cibis,
ne nimis caro pinguescat; sed non est virtutis.
Mentis, quando quis ieiunat à vitijs; vel ne caro
pinguescat luxurijs. Item aliud ieiunium insti-
tutionis, aliud deuotionis. Aliud parcitatis,
aliud dispensationis. Item ieiunium aliud ra-
tionale, aliud irrationale. Item ieiunium aliud
qualitatis, aliud numeri: aliud summæ exactionis,
aliud alteritatis. Aliud solius charitatis,
aliud solius necessitatis, aliud vanitatis siue si-
mulationis. Ieiunium institutionis est, ut in
quadragesima, & cætera ieiunia à Sanctis Pa-
tribus instituta. In veteri liquidem lege sancti
Patres decimas & primitias de omnibus rebus
suis Domino offerebant. Et nos similiter debe-
mus decimas Deo offerre, non solum de rebus
nostris, sed etiam de nobis ipsis, ieiunando.
Vnde pro decima dierum quadragesima fuit
instituta, ut de trecentis sexaginta sex diebus,
qui sunt in anni circulo, non solum decimam,
sed & decimam decimæ persoluamus, & pro
duobus diebus non decimatis, ut voluit Augu-
stinus, in vigilia Paschæ missa de nocte cele-
braretur. Vnde in collecta dicitur. *Deus qui
hanc sacratissimam noctem.* Sunt etiam institu-
tionis ieiunia, ieiunia quatuor temporum, quæ
Calixtus Papa constituit, scribens in hunc mo-
dum. *Benedicto fratri & Coepiscopo. Ieiunium,
quod ter in anno apud nos fieri didicisti, conue-*

Ieiunium
ex tribus co-
mendatur.

Genes. 6.

Exod. 23.

4. Reg. 2.
4. Reg. 19.Diuerſa ie-
junij specia,
ſeu fines.Quadrage-
ſima ieiunij
eſt decima
anni.Calliſtus
Epistol. 1.
decreet.

nientius nunc per quatuor tempora fieri decernimus: ut sicut annus voluitur per quatuor tempora, sic & nos quaternum solemne agamus ieiunium per anni quatuor tempora, iuxta Prophetam Zachariam vocem dicentis. *Ieiunium quarti, &c.*

Zachar. 7.

Nam Iudæi quater in anno ieiunant: videlicet ante Pascha, ante Pentecosten, ante Scenopegiam, ante Encæniam. Vel ideo, quia antiqui quater in anno ieiunabant quadraginta dies, ut nos in loco vnius quadagesimæ saltem tres dies ieiunemus. Vel quater in anno fiunt hæc ieiunia, ad significandum quatuor, quæ fiunt quatuor temporibus, Conceptio Domini in vere, Natiuitas in hieme, Conceptio Ioannis in autumnno, Natiuitas in æstate. Vel quia significantur quatuor tessaredecades, id est quatuor Domini generationes. Tessare quippe quatuor, deca decem. Sic enim quatuordecim sunt generationes ab Abraham vsque ad Moysen, sic quatuordecim sunt septimanæ à primo die Martij vsque ad secundum Iunij: & sic curre per singula. Antiqui enim sic ieiunare solebāt. In Martio fiunt, ut in nobis marcescant vitia. In æstate, videlicet in septimana Pentecostes, quando Spiritus sanctus aduenit, fiunt; ut super nos Spiritus sanctus adueniat. In Septembri etiam, quando fructus terræ colliguntur, fiunt, ut in gratiarum actione fructus bonorum operum persolvamus. In Decembri, quando herbæ moriuntur, fiunt, ut nos mundo mortificemus, & renasci Deo mereamur. Ieiunia veris prima dicuntur, quia primo mense fiunt: ieiunia æstatis quarta dicuntur quia quarto mense fiunt, id est Iunio: ieiunia Augusti septima, quia in septimo mense fiunt, id est in Septembri: ieiunia hiemis decima, quia decimo mense fiunt, id est Decembri. Vel certè has ieiuniorum distinctiones, iuxta vaticinium Zachariæ, quamdiu in luctu, & quasi exules sumus, celebrare debemus. Nam quia Sarazar & Rogûmelech quæsierant per legatos, vtrum mense quinto & septimo ieiunare deberent, tandè ex persona Domini respondit Propheta. *Ieiunium quarti, ieiunium quinti, ieiunium septimi, ieiunium decimi erit domui Iudæ in gaudium & letitiam, & solemnitates præclaras.* Quod autem Propheta ieiunium quarti posuit, factum est propter historiam: quia tradunt Hebræi, quod quarto mense, videlicet Iulio, Moyses de monte descendens tabulas fregit, & iuxta Ieremiam tunc muri ciuitatis primo rupti sunt. In quinto, id est in Augusto, propter exploratores terræ sanctæ in populo orta est seditio, & iussi sunt montem non ascendere; sed per quadraginta annos errauerunt in deserto; ita ut exceptis duobus, videlicet Caleb & Iosué, morentur in eo omnes. In hoc etiam mense prius Nabuchodonosor, postea Titus, templum in Ierosolymis destruxit, & urbem Bethel cepit, ad quam multa millia Iudæorum confugerant: & ipsum templum aratum est. In septimo occisus est Godolias, & tribus Iudæ, & reliquæ Ierosalem dispersæ. Decimo Ezechiel in captiuitate positus, & populus captiuorum audiunt templum subuersum. Hæc sunt causæ luctus & ieiuniorum. Talibus ergo ieiunijs Ecclesia imitatur sanctos Patres. Sed quod loco quinti ponit Ecclesia ieiunium primi, fit per significationem. Primum enim necessarium est nobis, ut nostram cohibeamus sensualitatem, quæ quinque

Ieiunia quatuor temporum.

Zachar. 7.

Exod. 32.

Jerem. 41.

sentibus subsistit: deinde carnis nostræ lasciuia, quæ constat ex quatuor elementis: tertio necesse est, ut cohibeamus spirituales affectus, qui septem effluunt vitij spiritualibus. Cohibere etiam nos debemus à vanitatibus mundi, quibus inobedientes fuimus mandatis, quæ sub denario decalogi continentur.

SERMO. In Quadragesima.

D VCTVS est Iesus in desertum à Spiritu, &c. Quamdiu in agone contendimus, & inter pericula naufragamus; magna nobis solitudine opus est, fratres mei. Quis enim inter tot pericula hominum, pericula demonum, pericula ex carne, pericula ex mundo, pericula ex cogitatione; fortitudinem, multitudinem, astutiam inimicorum, & eorum curam pervigilem non formidet? Ipsi plures, & nos pauci: nos inermes, ipsi armati. Ipsi ex antiqua acie iam instructi: nos ex religionis feruore nouitio multum instruendi. Non ergo gloriatur miles accinctus, æquè, ut discinctus: quia quamdiu viuimus, sine periculo esse non valeamus. *Militia enim est vita hominis super terram.* Numquàm excludi potuit à filiis Israël Chananæus: multum fuit, si fieri potuit tributarius. Hostis siquidem antiquus etsi nobis interdum cedit, à nobis tamen numquam recedit; sed semper nobiscum incedit. Si enim non præcedit nos, ut ipse videatur: à latere tamen fit mendax spiritus, ut hominem cautiùs persequatur: vel certè à tergo sequitur, ut penitus non cognoscatur. Præcedit enim nos, cum per apertam & violentam malitiam nos peruerit. Quod bene in Sedechia præfiguratum est: cuius filios Babiloni coram oculis eius interfecerunt. Babiloni enim sunt maligni spiritus, qui filij sunt confusionis; quia nos ita plerumque confundunt, ut nobis videntibus & scientibus, virtutes, quæ quasi filij de matre ratione debent propagari, destruant, & extinguant. Plerumque enim scis quia peccas, quia male facis, quia Dominum offendis: & ita tamen præuaricator es, ut iam te continere non possis. Sic peccauit Adam; quia ut ait Apostolus, non est seductus: sed Eva seducta est. Eva enim verum esse credidit, quod ei serpens promiserat versipellis, *Eritis sicut Dî.* Sed hoc Adam falsum esse cognouit: & tamen ne Euam offenderet, de manu illius fructum vetitum accepit & comedit. Vnde cum peccatum tribus modis fieri soleat, ex infirmitate, ut peccatum Petri; ex ignorantia, ut Pauli; ex industria, ut hoc peccatum: Adam tantò grauiori pœna puniri debuit, quantò coram Deo culpa grauior fuit. *Seruus enim qui scit voluntatem Domini sui, & non facit, plagis vapulabit multis. Qui verò nescit, vapulabit paucis.* A latere verò comitatur, cum hominem ex vitio collateraliter persequitur. Omnis siquidem virtus inter duo vitia coarctatur. Vnum quod oppositum est virtuti: alterum verò quod est collaterale ei. Misericordia enim inter truculentiam & segnitiam posita est: ita quod truculentia opposita est, callateralis verò segnities est. Similiter fortitudo inter pusillanimitatem & obstinationem: ita quod pusillanimitas ei opponitur, collateraliter autem obstinatio comitatur: & sic de virtutibus vniuersis cognoscere, difficile non erit. Cum igitur hostis

Matt. 4.

In multis periculis continuo versamur.

Tob 7.

Hostis antiquus numquam recedit à nobis.

4. Reg. 25.

1. Timot. 2.

Genes. 3.

Luc. 12.

virtus inter duo vitia posita est.

Varia de-
monis artes

Añtor. 9.

Matth. 8.

Quomodo
aduersus
mala muni-
ri debeamus

Genes. 34.

Grag. hom.
12. in Euan-
gel.Nemo à te-
tatione se-
curus.

hostis antiquus, aliquem virtute præditū affligere molitur, nihilque suam per oppositum vitium præualere videt industriam, sed se deprehensum, & expulsum esse cognoscit; non ideo refugit, aut minus instat: sed ad callidiora collateralis arma vitij seipsum conuertit. Quod bene figuratur in zelo Pauli; quem vitique habebat, sed non secundum scientiam, cum acceptis literis veniret Damascum, ut si quos viæ veritatis viros inueniret, occideret. Summam siquidem religionem æstimabat, persequi Ecclesiam Dei: unde & misericordiam consecutus est, quia in ignorantia fecit. Ecce quomodo à latere diabolus incedebat, quia crudelitatem sub iustitiæ feruore celabat. Si verò nec sic se posse præualere perspexerit; tunc quasi à tergo insurgit, cum in ipsa virtutis operatione fraudulenter, à modo, à loco, à tempore, à persona facit eum excedere, quem persequitur. Nam ipsa virtus, pro vitio debet reputari: si modus, si locus, si tempus, si persona, sollicitè non consideretur. Unde & in lege præcipitur, ut artus hostiæ super struem lignorum ordinentur. Si enim rectè offeras, rectè autem non diuidas, peccasti. Si offers munus tuum ad altare; & recordatus fueris, quod frater tuus habet aliquid aduersum te, & non reconciliaris ei; sic offeres, nihil tua tibi prodest oblatio: etsi bonum sit offerre Deo. Deuisti enim munus tuum dimittere, & reconciliari fratri tuo. Quia ergo tempus non obseruasti, peccasti. Ecce quantæ prouidentiae, quantæ circumspeditionis & cautelæ, necessaria est nobis docilitas. Apertè siquidem mala per prouidentiae virtutē debem⁹ præuenire: collateralia per circumspeditionem: ipsam verò virtutum operationem per discretionis cautelam. Plerumque enim cum scrutari conscientiam mentemque discutere satagimus, ut virtutes à vitijs separemus: nisi cauti bene fuerimus, ipse discussionis labor discutientis corrumpit conscientiam. Egressa est Dina, ut videret mulieres alienigenas; & corrumpit eam Sichem: blanditijs, ut ait scriptura, virginem delinens: Quid enim in Dina, nisi conscientia figuratur? Quæ bene Iacob filia dicitur; cum ad vitia discutienda luctatur: Iacob enim luctator interpretatur. Hæc enim videre mulieres alienigenas egreditur, cum ad mala qua fecit agnoscenda, extra se per cogitationem euagatur. Sed cum ex ipso discussionis labore vana gloria subripit, eo quod se cautam esse agnoscit, blanditijs Sichem virginem corrumpit. Nam quid in Sichem qui interpretatur humerus, nisi labor: & quid in blanditijs, nisi vana gloria figuratur? Et bene virginem, quia sterilem, & per vanam gloriam à mercede laboris vacuatā. Unde & Beatus Gregorius exponens, parabolam de decem virginibus, ait, *Ex hodierna sancti Evangelij lectione compellor dicere, ut bona que agitis, cum magna cautela faciatis: ne per hoc, quod à vobis rectum geritur, fauor, aut humana gratia requiratur.* Quinque enim earum fuerunt fatuæ, quia per appetitum laudis factæ sunt steriles à virginitatis mercede. Ideo dico vobis fratres, vigilate & orate, ne intreris in tentationem. Vigilare cum sollicitudine, orare: cum deuotione. Quis enim potest à tentatione esse securus: cum à Diabolo ad tentandum ducitur ipse Christus? Vbi percutitur Dominus, securus erit servus? Natat elephas, quomodo

pertransibit agnus? Vsq̃ue ad caput redundant aquæ; quis poterit transuadare? Hæc fortè sunt aquæ; quas Propheta pertransire exhorruit, cum eas quæ vsque ad talos & renes, & genua pertingebant, transierit. Neque enim timendū est, si eas quæ vsque ad talos, ad renes, ad genua redundant, oporteat pertransire: sed eas sine formidine & periculo non intramus, quas capiti supereminere videmus. Aquæ certè tentationes sunt; de quibus dicitur per Prophetam. *Saluum me fac Deus, quoniam intrauerunt aquæ vsque ad animam meam.* Quæ vsque ad talos Ecclesiæ redundant, cum maligni spiritus, illos qui inferiores & subditi in Ecclesia sunt, tentare festinant. *Sancti enim ludibria, & verbera experti insuper & vincula & carceres, lapidati sunt, secti sunt, tentati sunt.* Ad genua verò perueniunt, cum illis molestias ingerunt, qui per disciplinam sciunt extendi, & per fraternæ passionis compassionem incuruari. Vsq̃ue ad renes crescunt, cum Doctores Ecclesiæ, qui verbo prædicationis filios ex ea gignunt, molestijs incessanter affligunt. Cum igitur hæc omnia futura in Ecclesia præuideret Propheta; quod tentari, quod persecutionem pati deberet subditi, Doctores, & Prælati, & omnes qui piè viuere volunt in Deo: non ideo tamen legem Domini dereliquit, vel in manus hominum incidere formidauit: sed cum filiis Israël Babilonicæ captiuitatis persecutionem pertransiuit. Sciebat enim filios Israël peccasse, & per dignū pœnitentiæ fructum culpam perpetrata diluere debere. Sed cum vsque ad caput Ecclesiæ aquas succrescere videret, transuadare non potuit: quia humana ratione causam ante tempus inuestigare non valuit: quare Christus tentatus est, qui Deus erat, & peccatum non fecit. Sciebat fortè, quia sic oportebat fieri: & hoc est quod ad aquam peruenit: sed hæc de Deo mirabiliter expauescens, nulla sibi, sed omnia voluntati Dei commisit. Ideo dictum est, quod aquas non transuadavit. Illa fortè tria difficilia fuerunt sibi: sed quartum penitus mente comprehendere difficilimum fuit. Quia ergo sine tentationibus esse non possumus, cum tentatus fuerit ipse Christus: circa tentationes necesse est vigilemus: quia nihil est, quod saluare nos possit, si sollicitudo non aderit. Quis semivivū sanabit; si Samaritanus pertransit? Quis resistet Berothit. filijs; si purgās triticū ostiaria dormit? Quid enim in ostiaria designatur vel Samaritano, nisi custos animi sollicitudo? Samaritan⁹ enī custos interpretatur. Nihil enim est, quod hosti antiquo resistere possit, si custodia mentis per negligentiam dormit. Hæc est enim ostiaria, quæ triticum purgat; cum virtutes à vitijs, tamquam grana à paleis, per discretionem examinat. Ne igitur moriamur cum Isboseth in stratu nostro, vigilet ostiaria domus in tritici purgamento. Si enim in examinatione virtutum & vitiorum negligentes fuerimus, oportet, ut occidat animum per cogitationem hostis antiqui. In ipsa tamen sollicitudine nobis cauendum est; quia per inconsideratam sollicitudinem immoderatus confictus sollicitum pusillanimum reddit & pavidum: vel tentationis victoria per sollicitudinem impetrata præsumptuosum. Quomodo resistere Petrus potuit, vbi eum calefacientem ad prunas ostiaria Cayphæ circumvenit? In frigore siquidem pavor; in ostiaria

Ezech. 49

Psal. 68.
Quando a-
que ad ta-
los, vel ad
genua perue-
niant, &c.
Hebr. 11.Sollicitudo
nobis neces-
saria.

2. Reg. 4.

Joann. 18.
Superbi per
Eleazarum
figurantur.
Mach. 6.

Eccli. 42.
Joann. 4.

Fons Jacob
nostri confli-
ctus fontem
denotat.

4. Reg. 2.
Exod. 14.

Matth. 6.

Matth. 4.

Qui ducā-
tur, inducā-
tur, & per-
ducantur.

Tobias 6.

Caipha inconsiderata sollicitudo figuratur. Cū igitur animum super fidei petra fundatum de peccatis suis inconsiderata sollicitudo facit pavidum, ita quod per cogitationem desperat, ostiaria Caipha profecto Petrum frigiditatem circumuenit. Si vero per sollicitudinem in conflictu vincis, & ex victoria praeumptuosus efficiaris: tūquā Eleazar Matathiae filius ab elephante quem occidis, occideris. Occidis enim hostem, cū sollicitudine non piger prauam superas cogitationem. Sed cū de victoria superbis; quasi sub cadente calis. Dico enim, quia plerūque melius est, vitio succumbere, ut inde humilioris: quam operari virtutem, ut inde superbus efficiaris. Cū enim per opus vitij Diabolo succumbis, & postea humilioris: quasi Samson cæcus, & moriens hostes occidis. Vnde dictum est. *Melior est iniquitas viri, quā benefaciens mulier.* O felicem illam, dico Samaritanam, quæ Dominum Iesum super puteum sedentem inuenit: & de puteo aquæ salientis in vitam æternam sterilem hydriam fecundauit. Samaritana siquidem custodia dicitur, Iesus Saluator, Jacob luctator interpretatur. Fons igitur Jacob, nostri conflictus, nostræque tentationis fontem insinuat. Cū enim cupiditas circa diuitias, circa dignitates, circa voluptates versetur; & hæc tria, quasi riui de fonte cupiditatis emanent: cū de aliquo trium istorum tentaris & pugnas; non ad rivum, sed ad fontem Jacob peruenisti. Si verò contra totam simul cupiditatem configis, in hydria cordis de fonte Jacob deuotionis aquam deportare venis. Cū igitur mentem custodis; quasi Samaritana es. Quando pugnas & vincis, Iesum super fontem reperis. Et cū animum fecundat gratia spiritualis, hydriam replet aqua sapientiæ salutaris. Ut igitur tali sollicitudine cautiore sitis, vigilate & orate, ne in tentatione intretis. Sicut enim superius diximus, usque ad caput peruenerunt aquæ, & transvadari non possunt; nisi eas diuidat, qui pallio Eliæ diuisit Iordanis fluvium: & virgā Moysi, mare rubrum: his etenim duobus tota tentationis aqua diuiditur & dissipatur. Scitis, quia ad hoc fieri solet pallium, ut ventis & pluuijs exponatur. Bene itaque per pallium patientia, per virgam Moysi, lex Domini immaculata intelligitur. Per virgā ergo & pallium aquæ diuiduntur: quia cū lex Domini immaculata conuertit animas, & per patientiam possidemus conuersas, omnes rivuli tentationis exsiccantur. Ideo orate, ne intretis, ne inducamini in tentationem. Sic enim magister sapientiæ nos docuit orare. *Et ne nos inducas in tentationem.* Inducas, non ducas. Periculosum enim est induci, sed non periculosum duci. *Ductus est enim Iesus in desertum à spiritu, ut tentaretur à Diabolo.* Ductus est, non inductus. Alij ducuntur, alij inducuntur, alij perducuntur. Ducuntur per suggestionem, inducuntur per consensum, & deliberationem: perducuntur per operis perpetrationem. Qui igitur sola suggestionem tentatus est, non consensu, non operatione bene ductus est; non inductus, vel perductus. Ductus est ergo Iesus in desertum. Sed quare? Quia mori pro nobis venit, & potentiae suæ sacramentum illi celauit, qui per manus Iudæorum de morte sua tractare disposuit. Sic Tobias pedem tinxit in Tigride: ut piscis citius accederet. Sic mutauit Dauid

faciem suam coram Achis, ut cautiùs hostes contingeret. Sic vni de filiabus Philistinorum copulatur Samson; ut ipsos Philistæos tutius comprehenderet. Pedem enim denudauit in Tigride, cū humanitatis suæ veritatem Christus demonstrauit in tentatione. Faciē coram Achis Dauid immutauit, cū Christus diuinitatis suæ potentiam coram diabolo celauit. Vnam de filiabus Philistinorum sibi Samson copulauit, cū in sole iustitiæ humanitatis nostræ miseria, per tentationis signum innouit. Sed quare? Ut piscis, ut hostes, ut Philistæi comprehenderentur. Ut enim versutia diaboli, qui antiquus est hostis, comprehenderetur; humanitatis veritatem in tentatione Christus demonstrauit. Diuinitatem celauit; humanitatis nostræ miseriā assumpsit. Ideo *ductus est Iesus in desertum à spiritu.* Hic querendum est, ut ait Gregorius, à quo spiritu Iesus ductus sit in desertum. Et bene, quatuor enim genera sunt spirituum: Spiritus scilicet mundi, Spiritus Dei, spiritus hominis, & spiritus diaboli. Spiritus Dei benignitas deuotionis: spiritus mundi, ventus vanitatis: spiritus hominis, intellectus rationis: spiritus diaboli, intentio malæ voluntatis. Isti igitur quatuor spiritus & in aliquo differunt, & in aliquo conueniunt. Differunt enim ventus vanitatis, & intellectus rationis: quia vbi vnus inspirat, alter expirat. Conueniunt autem spiritus mundi, & spiritus diaboli: quia vbi vnus aspirat alter suspirat. Simili modo intellectus rationis, & benignitas deuotionis. Ab hoc igitur quadruplici genere spirituum, duci solemus in quatuor genera desertorum. Primum est cælestis patria: vnde & Pastor bonus nonaginta nouem ouibus in deserto relictis, ad illam quæ errauerat, descendit. Secundum est vita religiosa: de qua scriptum est. *Qua est ista, quæ ascendit per desertum?* Tertiū verò mundus est, de quo dictum est. *Qua est ista quæ ascendit de deserto?* Quartum desertum, infernus est. Vnde & hircus emissarius in desertum secundum legem Moysi mitti iubetur. Quocūque ergo vadis, ab aliquo supradictorum spirituum ducis. Tendis ad cælum; inspirat benignitas deuotionis, expirat intentio malæ voluntatis. Tendis ad infernum, inspirat intentio malæ voluntatis. Desideras locum religiosum; suspirat intellectus rationis, inspirat benignitas deuotionis. Tendis ad mundum: aspirat ventus vanitatis, inspirat intentio malæ voluntatis. Quia igitur & partim conueniunt, & partim differunt; sciendum est, quod ad inuicem relati spiritus illi; alter alteri contrarius est: alter subalternus, alter contradictorie oppositus. Benignitas deuotionis comparata vento vanitatis, contraria est. Quod ex signis vniuersalibus ad se contrarijs dignoscere possumus. In illa enim beatitudo vera est, in isto verò, nulla beatitudo vera est. Intellectus verò rationis intentioni malæ voluntatis comparatus, subcontrarius est. Cū enim per intellectum rationis ad vitam religiosam deducimur, ad vitam peruenimus beatitudinem: & si non certā, vel plenam. Quamdiu enim in agone sumus, dubium est, vtrum ad brauium peruenire valeamus. Et ideo si vera beatitudo in religione est, certa tamen non est. Rursus, cū in religione sumus, molestijs & tentationibus incessanter fatigamur. Vnde plena beatitudine caremus;

1. Reg. 21.
Iudic. 16.

Matth. 4.

Greg. hom.
16. in Euan-
gel.

Quatuor
sunt genera
spirituum.

Quatuor
item deser-
torum gene-
ra.

Cantic. 3.
& 8.

Ut differant
& conue-
niant pradi-
cti spiritus.

Oppositio
beatitudi-
nis & mise-
ria, &c.

quia plena beatitudo erit, ubi omnis miseria cessabit. Cum verò per intentionem malæ voluntatis ad infernum ducimur, per omnia nos miseros & infelices credere debemus. Ibi ergo quædam beatitudo est, & non omnis. Ibi verò non quædam beatitudo est. Benignitas verò deuotionis intellectui comparata rationis, vel certè ventus vanitatis intentioni malæ voluntatis, subalternus est. In benignitate enim deuotionis, quæ ducit in cælum, omnis beatitudo est. In intellectu verò rationis quæ facit religiosum, quædam beatitudo est. Similiter in vento vanitatis, nulla beatitudo est: in intentione malæ voluntatis, non quædam beatitudo est. Benignitas verò deuotionis, qua ducimur in cælum, intentioni malæ voluntatis, qua ducimur in infernum, comparata, contradictoria est. Illic enim omnis beatitudo est: ibi verò non quædam beatitudo est. Ex propositionum igitur istarum differentiis siue conuenientiis, quædam ambiguitas fieri solet in cordibus nostris: cum ab aliquo spirituum ducimur in aliquo desertorum. Est enim ambiguitas quasi quoddam binium, in quo sedet Rex Babilonis, quærens diuinationes, & miscens sagittas. Cum enim spiritus Dei in altum te eleuat, vt ascendas de virtute in virtutem, Rex Babilonis sagittam tibi jactat in die volentem; cum in profectu tuo eleuaris per vanam gloriam. Cum verò per intellectum rationis religiosam vitam desideras per vitium pusillanimitatis imminet tibi periculum nocturni timoris. Si verò per ventum vanitatis hujus mundi gloriam concupiscis: sagittat te diabolus à negotio perambulante in tenebris. Cum autem per intentionem malæ voluntatis non formidas aggredi miseriam pænæ gehennalis; à dæmonio proculdubio meridiano vexaris. Vnde & quia Dominus Iesus Deus & homo erat, à spiritu duplici ducebatur in deserto duplici; à spiritu scilicet Dei, & à spiritu hominis: ab intellectu rationis, & affectu benignitatis. Vnde & Elifæus dicebat Eliz. Oro, vt spiritus tuus duplex fiat in me: id est vt tali benignitate deuotionis, tantòque rationis abundem affectu, sicut & tu. Hoc igitur spiritu duplici ductus est Iesus ad religionis perfectionem, & cæli altitudinem. Vnde cum ieiunasset quadraginta diebus & quadraginta noctibus, diabolus à timore nocturno tentans eum, dixit. *Dic vt lapides isti panes fiant.* Et iterum gloriam mundi demonstrans, ait. *Hæc omnia tibi dabo; si cades adoraueris me.* Si verò ex benignitatis cogitatione & auditate cæli altitudinem peteret, à sagitta volante in die persequitur illum, ubi ait. *Si filius Dei es, mitte te deorsum.* Sed Dominus relinquens exemplum posteris, in omnibus tentationem vicit, in omnibus superauit: vt per ipsum & in ipso victores existant, qui eum sequi volunt ad gloriam.

In Ramis Palmarum. SERMO.

Matt. 21.

PVERI Hebraeorum tollentes ramos olivarum, obuiauerunt Domino dicentes hosanna filio David, &c. Non omnes qui sunt ex Israël, hi sunt Israëlita: quoniam eorum qui sunt ex Israël, aliqui obuiam venerunt Domino cum gladijs & fustibus: alij vero cum Palmis & floribus. Alij ad ridendum; alij ad irridendum.

Alij clamantes, crucifige, crucifige: alij verò, hosanna in excelsis. De quibus dictum est. *Pueri Hebraeorum*, &c. Hebræi transcentes interpretantur. Ergo Hebræi sunt, qui hic ciuitatē manentem non habent, sed futuram inquirunt. Hebræi sunt; qui vel immolando agnum, vel offerendo hœdum, phasē, id est transitum faciunt. Hebræi sunt, qui Pascha, id est transitū hujus vitæ celebrant in azymis sinceritatis & veritatis. Hebræus est, qui in confessione laudis transiendo de veteri lingua Adam ad nouam Apostolorum linguā, fit Idithum, id est, transfiliens. Hebræus est, qui in hac peregrinatione solo corpore constitutus, cogitatione & auditate ad cælestem patriam transitum faciens, fit Galilæus, id est transmigrans. Isti Hebræi filios habent: non genere, non cogitatione, sed prædicatione; de quibus Apostolus ait, *Per Evangelium enim vos genui*: vel imitatione, de quibus dictum est, *Patres nostri comederunt unam acerbam, & dentes filiorum obstruuerunt.* Istorum est tollere ramos oliuarum. Oliua grecè, misericordia latinè dicitur. Rami igitur oliuarum, diuersæ sunt species misericordiarum: quos tunc tollimus, cum multiplicium exempla misericordiarum mente colligimus. Magna est misericordia Dei, quod fecit nos: major, quod regit nos: maxima, quod redemit nos: affluens quod reuocat indignos; superfluens, quod saluat injustos. Tanto verò securius omnis homo clamat, *Hosanna filio David*, id est Christo clamat, *salua obsecro*, quanto deuotius misericordie Dei memor erit: Ad hos igitur oliuarum ramos colligendos hodiernæ festiuitatis priuilegia nos inuitant. Primum, quia eo die introierunt filij Israël terram promissionis: & transierunt Iordanem sicco vestigio. Nam ita contigit quod eo anno tot fuerunt dies vsquo ad Pascha, quot sunt ab hac Dominica, & erat luna decima; sicut eo die quo Dominus passurus venit Ierusalem. De hac enim die præceperat Dominus in lege. *Decima die mensis primi tollat, unusquisque agnum per familias & domos suas, & seruabit eum usque ad quartumdecim diem eiusdem mensis; immolabitque eum vniuersa multitudo filiorum Israël ad vespertam.* Et notandum, quod post decem plagas, quas fecerant Moyses & Aaron coram Pharaone, datum fuit præceptum, & satis dignè. Affligi enim potuit decem plagis: sed victus non est, donec immolatus est agnus. Pharaon quippe diabolus insinuat, Egyptus mundum, filij Israël ad vitam præordinatos, captiuitas Egypti, seruitusque filiorum Israël, miseriam hujus mundi; in quo palea vanitatis, lutum voluptatis, later cupiditatis, oculos excæcant hominum. Virga Moysi legis disciplinam: Aaron ejusdem legis sacerdotium: decem plagæ decem præcepta. Vnde è regione se contingunt. Primum siquidem præceptum est de colendo vno Deo: prima plaga aqua in sanguinem versa. Aquam autem in sanguinem vertere, est doctrinam spirituale in carnalem mutare. Aquam in sanguinem verterunt, qui commutarunt gloriam incorruptibilis Dei in similitudinē corruptibilis hominis. Secundum præceptum est. *Non accipies nomen Dei tui in vanum.* Secunda plaga est ebullitio ranarum, in quibus vanitatis garrulitas figuratur. Accipit autem nomen Dei in vanum, qui veritatem, quæ Deus est, in garrulitatis

Quinam
veri Hebræi
sint.

1. Cori. 4.

Ezech. 18.

Exod. 12.

Quid Pharaon, Egyptiaca seruitus, &c. designent.

Exod. 20.

Ibidem.

Exod. 8.

Decem præcepta, decem plagæ Egypti.

Exod. 20.

Iob 1.

Gregor. 24.

Moral. c. 8.

Iob 5.

Exod. 20.

Ibidem.

Exod. 12.

vanitatem mutat. Tertium præceptum est sanctificatio Sabbati in quo mentis quies, quam bona conscientia facit, figuratur. Tertia plaga ciniphes facti sunt. Sunt autem ciniphes muscæ minutissimæ inordinate volantes, & inquietissimæ: Sic sunt phantasmata tentationum, quæ mentem remouent à quiete. Quartum præceptum est, *Honora patrem tuum & matrem tuam*: quarta plaga est cœnomyiarum emissio. Est autem cœnomyia musca canina: canum verò est parentas non agnoscere. Vnde cæci nascuntur. Quintum præceptum est, *Non machaberis*: quinta plaga est mors in pecoribus: dicit verò Gregorius? *Computrescent iumenta in stercore suo. Inertia in stercore computrescere, est in fœtore luxuria vitam finire*. Est igitur mors in pecoribus luxuriæ fœtor in illis hominibus, qui comparati sunt iumentis insipientibus, & similes facti sunt illis. Sextum præceptum est, *Non occides*: sexta plaga, vesicæ turgentes assumptæ de camino, in quibus inflata superbia figuratur, orta de incendiis inuidiæ. Scriptum verò est, *Paruum occidit iracundia, & stultum superbia*. Vesica igitur turgens mors animæ est. Septimum præceptum est, *Non furaberis*: septima plaga, grando in fructibus. Nemo verò habet inuentum lucrum, sine iusto damno. Dum furaris, acquiris vestem, amittis fidem: lucrum visibile, damnum invisibile. Qui ergo malo desiderio extrinsecus furantur, iusto desiderio intrinsecus grandinantur. Et cum ex furto pecunia multiplicatur, diuitiæ spirituales minuuntur. Octauum præceptum est, *Non dicas falsum testimonium*: octava plaga emissio locustarum. Est autem locusta animal dente noxium: falsus verò testis nocet mordendo, & consumit mentiando. Nonum præceptum est, *Non concupisces uxorem proximi tui*: nona plaga, dēse tenebræ. Et verè densæ sunt tenebræ, maximè injuriam patienti, uxorem alterius appetere. Verè qui hoc patitur, cæcatur furor: quia nihil tam dolet patienti: nihil tam nollit pati, faciens. Decimum præceptum est, *Non concupisces rem proximi tui*, decima plaga est mors primitiuorum. Qui res alienas appetunt; esse morientibus heredes volunt. Et qui vult in aliquo fieri heres, non vult, ut ille, cuius rem concupiscit, habeat heredes, in quibus nihil carius primogenitis est. Iure ergo in primogenitis punitur, qui cupiendo res alienas, quasi juris umbram perquirat: & quæ meliora sunt cordis primogenita, fidem videlicet, perdit. Sicut ergo dictum est, decem plagæ decem præceptis comparantur. Sed sicut Pharaon decem plagis non est aded victus, ut dimitteret populum: ita lex illa non aded diabolum vincere potuit, ut homo rediret in paradysum: sed postquam agnus immolatus est, Pharaon dimisit populum, & omne primogenitum Egypti mortuum est, imò & Egypti in mari rubro perierunt, & filij Israël transierunt. Post effusionem quippe sanguinis Christi, deletum est originale peccatum, tamquam primogenitum: & efficaciam accepit baptisma, ut per ipsum præordinari ad vitam, id est filij Israël euaderent Pharaonem, id est diabolum: & Egypti, id est actualia peccata finem acciperent in baptismo. Hoc etiam est, quod decima luna venit Ierusalem, luna enim defectum figurat. Bene ergo decima luna venit, qui in defectu decalogi venit operari salutem nostram in medio

terræ. Pueri autem Hebræorum & plebs Ierolymorum, & turba multa, quæ venerat ad diem festum, tollentes ramos oliuarum, processerunt ei obviam: & qui præbant, & qui sequebantur, clamabant, osanna filio David: & est osanna, verbum Hebræum, ex corrupto & integro. *Osy* enim *salva* sonat, *Anna* est interjectio obsecrantis sicut *Pape* admirantis. Quæ quia in latine non habetur, posuit pro ea Hieronymus, *Obsecro*, & est sensus: clamabant, *Osanna filio David*, id est clamabant, dicentes filio David, *Osanna*, id est, *salva obsecro*. Significat autem illa processio, quod nos qui filij sumus Hebræorum, id est transeuntium: scilicet eorum qui hic civitatem manentem non habent, sed inquirunt futuram, de quibus erat Apostolus, qui ait, *Per Evangelium omnes vos gentes*. Et alibi, *Ipsi sumus factura, creati in Christo Iesu in operibus bonis*. Quorum alij veteris legis patres, tamquam præcantes: alij novi testamenti, tamquam sequentes cum operibus miserationum, tamquam cum ramis oliuarum portemus in corporibus nostris stigmata Iesu, per proximorum compassionem & proprii corporis passionem. Qua autem ratione versus illi, quorum est exordium, *Gloria, laus*, &c. in illa processione cantentur, sciendum est. Quidam Theodulphus nomine, Floriacensium Abbas, & Atrorianensium Episcopus fuit tempore Ludouici Pij; qui cum apud Imperatorem Ludouicum falsò accusatus fuisset multis criminibus, Andegavis est exilio relegatus. Et dum in custodia teneretur, contigit, ut ibidem die Palmarum veniret jam dictus Imperator. Et dum secus domum, qua custodiebatur idem Theodulphus, processio pertransiret; facto silentio præsentem Imperatorem, versus illos per fenestram decantavit: quibus verbis Imperator emollitas, eum à vinculis præcepit absolui, & priori gratiæ redonavit. Et propter hoc traxit in consuetudinem Ecclesia Gallicana, ut in illa processione clausis ianuis in signum carceris Theodulphi, qui eos composuit, singulis annis decantarentur. Nec vacat à mysterio: nam quod Sacerdos extra villam procedit, Christum caluarie locum figurat ascendentem: quod autem eum populus comitatur, illos significat, qui improprie Christi portant extra castra. Quod duo clerici hymnum cantant, Ecclesiam triumphantem, quæ de Angelis completur & hominibus innuat; quæ Deum laudat, & in passione Filium clarificat. Quod autem responder foris populus, Ecclesiam militantem figurat, quæ in ejusdem filij laude, ratione ejusdem passionis, consentit. Quod verò ianua clauduntur, tempus illud præfigurat, quod erat ante Christi sanguinis effusionem: solus enim sanguis Christi cœli nobis aperuit portas. Bene ergo tunc clauduntur: quia Christi sanguis sexta feria post illam Dominicam fuit effusus. Processione autem de qua locuti sumus, illa scilicet, qua pueri Hebræorum processerunt Christo obviam, completâ, intrauit Iesus in templum: & ostendit ruinam urbis, pro qua fleuerat, maximè ex sacerdotum culpa processuram. Sacerdotes enim avaritiæ suæ consulentes in porticibus templi hostias vendebant, ut paratas eas inuenirent, qui de longinquo venientes offerre volebant. Sed & nummularios ibidem statuebant, à quibus si decisset, mutuo, sub capite vel pecuniam

Matt. 21.

1. Corin. 4.
Ephes. 4.Theodulph.
author hymni,
Gloria laus, &c.

Ritus processionis palmarum quid designet.

SERMO. In Cœna Domini.

acciperent. Et ne fortè aduenientes de paupertate se possent excusare; vel etiam, quia lex precipiebat, ne à fratribus suis vsuras acciperent: cogitauerunt, vt facerent collybistas. Collybia enim apud eos dicuntur vilia munuscula, vt ciceris, & vuz passæ, & pomorum diuersi generis. Sed & hoc Ezechiel prohibet dicens. *Vsuram & omnem superabundantiam non accipies.* Propter hoc Iesus flagello facto de funiculis, eiecit vendentes & ementes: & mensas numulariorum, & cathedras vendentium columbas euertit. Hoc signum & alia vice fecerat similiter ante Pascha: scilicet illo anno quo baptisatus est, & Ioannes incarceratus. Quærebant ergo ab eo Pontifices, & admirantes dicebant. *Quod signum ostendis nobis, quodd hac facis?* Quasi, significasne aliquid in opere inusitato? Vere signum est quod facit: ô si scirent Pontifices huius temporis, signum quod facit Iesus, quantum formidarent, quod factum est: qui enim sunt emptores & venditores columbarum, nisi Giezi & Simoniaci; qui spiritualia volut pretio comparare? Venditores enim Giezi sunt: qui cum spiritualia tamquam columbas vendunt, lepram metris non immerito sicut Giezi incurrunt. Emptores autem Simoniaci sunt: quorum pecunia sicut & Simonis, cum ipsis est in perditionem. Qui autem vendunt, & qui emunt, vnum sunt. Omnes numularij, omnes eiectione digni. Intelligant ergo lignum Pontifices, qui dicunt. *Quod signum ostendis?* Eliminat eos ab Ecclesia. Quid est ab Ecclesia eliminare? Idem quod excommunicare. Hoc ista die, hoc & altera fecit. Repetitio, confirmatio est. Sicut cum excommunicamus, in ultimo dicimus, fiat, fiat. Non ergo per vicariū, sed per seipsum repellit eos à templo, id est à consortio fidelium, Pontifex ille magnus & Sacerdos secundum ordinem Melchisedech. Et quod hoc dignè faciat, ostendit flagellum factum de funiculis. Nam pro funiculis peccatorum, quibus circumplexi sunt, multa sunt eorum flagella. Nec prætereundum est illud admiratione dignum; quod dominica, quæ prima dies est, in qua Pater cepit operari creationem mundi: Filius aggreditur laborem passionis, & per totam hanc hebdomadam, salutem nostram operatus est, & die septimā cessauit, & in sepulchro quieuit. Vnde & tota septimana ideo pœnosa vocatur: quia per totam illā laborauit Dominus recreando: sicut per primā mundi hebdomadam creando. Nam cum ista prima die cum tanta claritate aggreditur opus salutiferæ passionis; dignitati illius responderet, in qua dixit, *fiat lux, & facta est lux.* Vnde tradunt quidam, quodd cum eijceret vendentes & ementes, quidam fulgor radiosus egrediebatur ex oculis ipsius: quo territi Sacerdotes & Leuitæ, non poterant ei resistere. Erat enim lux lucens in tenebris, & tenebræ eam non comprehenderunt: sed potiùs à luce comprehensæ cuanuerunt: quia sustinere nequinerunt lucis splendorem, id est Deitatis terrorem: quæ est in Christo Iesu Domino nostro; qui cum Patre & Spiritu sancto viuit & regnat Deus, per omnia sæcula sæculorum. Amen.

Exech. 18.
Ioann. 2.
Matt. 21.

Bis eiecit
Christus è
templo ven-
dentes &
ementes.
Ioann. 2.

Simoniacos
designant
Giezi &
Simon.

Christus Do-
minica la-
borem Pas-
sionis ag-
gressus.

HOMO quidam fecit Cœnam magnam, &c. Ille inquam homo, de quo scriptum est. *Homo est, & quis cognoscer illum?* Ille igitur homo,

Deus & homo, discipulis suis, hodie prædium simul & cœnā fecit. Sed quoniā dignior cœnā prandio fuit: tota solemnitas, cœnā Domini meruit appellari. Prandium verò dico, in quo typicum Pascha comedit dicens. *Desiderio desiderani hoc Pascha manducare vobiscum antequā patiar: dico enim vobis: quia iam non manducabo illud, donec impleatur in regno Dei.* Et accepto calice gratias egit, & dixit. *Accipite & dividite inter vos. Dico enim vobis, non bibam de generatione vitis, donec regnum Dei veniat.* Et sic terminato typico pascha surrexit; & lauit pedes discipulorum. Et hoc factō iterum recubuit, & dedit eis corporis & sanguinis sui sacramentum: quod typico pascha dignius iudicauit, cum dixit. *Hoc facite in meam commemorationem.* Illud enim prandium fuit, istud cœnā. Hæc sunt hodiernæ solemnitatis priuilegia; nec ista solum, sed alia multa: de quibus aliqua, quæ necessaria sunt ad salutem, vestræ charitati credimus intimanda. Hodie siquidem recipit Ecclesia pœnitentes: quos prima die iuniorum eiecerat. Hodie consuminato veteri testamento, novum incæpit. Hodie consecratur oleum, non solum ad sanandum infirmos, vel illuminandum catechumenos & neophytos; sed ad confirmandum & roborandum baptizatos. Hac igitur die dixerunt discipuli ad Iesum.

Vbi vis parens tibi comedere pascha? Et respondit. *Ite in ciuitatem, & occurret vobis homo am-*

phoram aqua portans: sequimini eum, & quocūque introierit, querite à Domino domus locum ad preparandum: & ostendet vobis cœnaculum grande, & ibi parate. In superiori parte domus Palestini faciebant cœnaculā, inferiùs autem cubicula. Quod Marcus dicit lagenam, Lucas amphoram; vnus expressit genus vasis, alius modum. Huius ergo diei vespere discubuit cum discipulis suis: & propter hoc diem istum cœnam Domini appellamus. Cœna facta lauit pedes discipulorum: in cuius ablutionis memoriam lauare solemus pedes pauperum. Et hoc factō iterum recubuit, & docuit, quodd exemplum per hoc factum eis dederit, scilicet vt mutuo sibi seruiant, & mutuo sibi dimittant iniurias, & mutuo peccantibus subueniant. Et nota, quodd ex eo quod dixit. *Qui lotus est non indiget, nisi vt pedes lauet: vos autem mundi estis sed non omnes;* colligitur, Apostolos iam baptisatos fuisse. Tunc turbatus spiritu ait: *vnus vestrum me tradet.* Turbatus est, id est misericorditer ludæ compassus. Cūque inquirerent discipuli, quisnam esset, ait. *Qui intingit manum mecum in catino, hic me tradet.* Alter Evangelista dixit, *in paropside:* sed in hoc quod catinus dicitur, ostenditur vas fuisse fictile, in hoc hoc quod paropsis, ostenditur quod vas illud paria latera habebat. Apis enim est extremitas: vnde parapsis vas pares habens extremitates: vel vt quidam dicunt, quadraturam laterum notat hoc nomen parapsis. Erat autem hoc vas appositum, ad hoc, vt succus agrestium lactucarum, qui necessarius erat ad esum agni, ibi poneretur. Et ideo dixit, *intingit.* Sed cum om-

Luc. 14.

Solemnitas
Cœna Do-
mini unde
dicta.

Luc. 22.

1. Cori. 11.

Quæ specta-
liter fiant
die cœnæ.

Matt. 26.

Luc. 22.

Marc. 14.

Ioan. 13.

Marc. 14.

Matt. 26.

Catinus &
paropsis idē.



Ioann. 15.

Ibidem.

Sententia
Hilarij Co-
ment. in
Mat. c. 30.
Matt. 26.

Luc. 22.

Ibidem.

1. Cori. 11.

nes duodecim, in vase illo intingerent, nec per hoc quod dixerat Iesus, certificatus est Petrus, quis esset: innuit Ioanni qui supra pectus ejus recubuisse dicitur; (sed aliter non dicitur recubuisse super pectus ejus, nisi quod inclinatus recumbebat ante pectus Iesu,) ut secretò quæreretur ab eo, quis esset. Cui Dominus voce submissa ait. *Cui intinctum panem porrexero: & dedit Iudæ buccellam intinctam.* Inde est, quòd Eucharistia non datur intincta, & etiam pro illorum hæresi tollenda, qui dogmatizant Christum totum esse simul sub utraque & non sub vna tantum specie, & tunc introiuit Sathanas in cor Iudæ. Non tunc primò, sed ut proprium possideret. Et exiit continuò: ut quod pepigerat Principibus sacerdotum, adimpleret. Et tunc illo egresso, dedit discipulis sacramentum corporis & sanguinis sui. Vnde & in canone illo die ita dicitur. *Qui pridie quam pro nostra omniumque salute hoc est, hodie pateretur, &c.* Sed quod ante Eucharistiæ perceptionem Iudæ exiisse diximus, videmur contradicere Lucæ, qui post calicem, traditorem commemorat. Sed forte Lucas de traditione recapitulat. Hilarius namque super Matthæum probat, non interfuisse Iudam. Nam Iesus eos, qui secum bibebant calicem; dixit etiam secum bibituros in regno Patris: ad quod Iudas indignus erat. Etiam de bibentibus nullum excepit, Vbi ait. *Pro vobis effundetur.* Nam aliorum fecit exceptionem, Vbi ait, *pro multis.* Quod si dicatur, quòd Iudas acceperit: verba Hilarij oportet determinare: quia simul fieri potuerunt, quæ simul dici non possunt. Nam ordo Euangelij non repugnat, Dominum distribuisse sacramentum corporis & sanguinis sui antequam per buccellam tinctam suum exprimeret proditorum. Et nota, quòd post ablutionem pedum, quæ facta est inter typicum Pascha & novum, volunt quidam cœnandum esse: vnde & ipsam cœnam Domini appellant. Ad cuius rei evidentiam, sciendum quòd cœna Domini partim vetus erat, partim noua: nam postquam discipuli ejus parauerunt Pascha, & Dominus cum eis discubuit, ait. *Desiderio desideravi hoc Pascha manducare vobiscum antequam patiar.* Desiderat, juxta auctoritatem, typicum Pascha manducare primò, & sic passionis suæ mundo mysteria declarare: ut jam adueniente veritate, ymbra cessare doceat. Vnde subiungitur. *Dico enim vobis, quia ex hoc non manducabo illud, donec impleatur in regno Dei.* Quasi dicat. Non ultra Mosaycum Pascha celebrabo, donec Ecclesia, quæ est regnum Dei, impleatur. Sequitur. *Et accepto calice, gratias egit, & dixit. Accipite & dividite inter vos.* Hic calix ad vetus etiam Paschæ pertinet: de quo & subiungitur. *Dico enim vobis, non bibam de generatione vitis donec regnum Dei veniat.* Sicut ergo typicum esum agni, panisque azymis: sic & typicum potum Paschæ, se non bibiturum dixit: donec ostensa resurrectionis gloria, regnum Dei, id est fides mundi adueniat. Cœnam ergo Domini, neque in vino, neque in azymis, sicut nec in esu agni, quem Dominus hic terminauit, nemo reducat: alioquin iudaizat. Extrema pars cœnæ, quæ ita nouo debetur homini, quemadmodum prima veteri, qua Dominus sui sacramenta corporis & sanguinis distribuit, ipsa sæpius est iteranda, seu repetenda, auctore Domino, qui ait. *Hoc*

facite in meam commemorationem. Et quis aliter representare audebit: nisi quomodo Dominus ipse tradidit? Si ergo vetustas repetitur, cur non perfectè, ut & agnus azymis atque vino societur? Sed & esum carniū in ieiunijs sumi horres. Ergo ieiunaturus bis edere quare non horres? Dupliciter itaq; te prauaricatore constituis, dum non præceptum ieiunij tempus obseruas. Cum ergo dixit Dominus, *Hoc facite in meam commemorationem*, instituit hoc sacramentum. Hinc est, quòd cum in hac die omnes horæ sint æquales: sola missa sollemnis est, in concentu & in ornatu. Et sicut die quinta in hebdomada mundanæ creationis, genus ex aquis ortum partim gurgiti remissum, partim in aëra leuatum est, ut stirpe vna perditâ, diuersa caperent loca: ita feria quinta hujus hebdomadæ, qua sumus recreati, sacramenta vnius ejusdemque salutis partim nos deprimunt in tristitiam, partim leuant in gaudium. Vnde & cum tantâ gaudij spiritualis missa hæc celebranda est sollemnitate, ut quisque Pontifex quicquid sui est officij, debeat, hac die ex integro perficere: hoc est pœnitentes Ecclesiæ restituere, oleum benedicere, Chrisma conficere, Gloria in excelsis cantare. Dicitur autem Chrisma græcè, vñctio latine: vnde Christus vñctus, & chrisma vnguentum dicitur. Fit autem de fructu & pinguedine oleæ cum mixto balsamo: cujus arbor odorifera & præcipua inter aromaticas arbores. Est autem chrisma signum Spiritus sancti, cujus & virtutem continet. Spiritus enim sanctus diuinæ substantiæ pinguedo est, ita ut quicumque ex eo refectus fuerit, dicat. *Impinguaſti in oleo caput meum.* Et odor balsami in oleo suauitatem ejusdem significat Spiritus sancti, quam quicumque accipit, & discretionis bono odore allicitur, dicere potest cum Apostolo. *Christi bonus odor sumus Deo in omni loco.* Hujus igitur olei chrismalis vñctio: principalis vñctio ideo dicitur, quia ad ejus vñctionem principalis spiritus tribuitur, id est septiformis Paracletus. Hac verò die, id est decima quarta luna non immeritò consecratur: quia hac die iussus est agnus immolari ad vesperam, & sanguine ejus uterque postis liniri, & superliminare domorum in quibus edendus erat agnus, ut eo signo viso exterminator Ægypti domos intactas præteriret: ita ex ipso chrismate ideo exprimitur signum crucis Christi; ut exterminator diabolus, in domibus animarum corporumque nullum nocendi jus habeat, & hoc illius typici agni sanguine, quo postes signabantur, fuisse præfiguratum. Sed cum vñctio ista, vsque in Sabbatum sanctum in baptizatis expectetur, quæritur quare ipsa nocte, in qua comedendus erat agnus ista sacre chrismatis vñctio baptizatorum frontibus non imponitur: cum illa nocte, id est quartadecima die primi mensis, id est hodie; & agnus immolari, & postes domorum cum superliminari ex præcepto Domini debeant deliniri. Illa enim vñctio, ut dictum est, fuit signum hujus chrismatis vñctionis. Respondem⁹, quòd rectè quidem fieret, si paschale convivium isto die Ecclesia celebraret: sed quia paschalis gaudium sollemnitis vsque in diem tertium, quo Dominus resurrexit differre decreuit, ut interim Inctui intendat illo die, quo passus est: ita, & differendam censuit baptismalis chrismatis vñctionem vsque in Sabbatum, quæ nobis est

Missæ sollemnis est in die Cœnæ.

Chrismate ex oleo & balsamo.

Psal. 12.

2. Corin. 2.

Exod. 12.

Cur vñctio differatur vsque ad Sabbatum.

vespera paschalis conuiuij. Et tunc signatis frontibus baptizati tendant ad Deum, Pharaonem, id est diabolum fugientes per mare rubrum baptismi; vt sic baptismalis linitio, & paschalis agni convivium, sicut in antiqua lege praefiguratum est; secundum quod sanguine agni postes linebantur, simul celebrentur. Quod si queras, cur non ipsa consecratio dilata sit, dicimus, quod ideo scilicet, quod ab hac quinta feria, usque ad vesperam sabbati, qua hora utendum est chrismate, vacamus à missarum solemnibus. Ipsum vero chrisma non nisi inter missarum solemnias, & loco quo pacem accipimus, fas est consecrari. Notandum verò, quod oleum tribus de causis consecratur: quia vel ad salutem infirmorum: salutem dico tam corporum, quam animarum; ad illuminandum catechumenos & Neophytos: vel ad confirmandum, vel ad corroborandum baptizatos. Vnde dicitur oleum infirmorum, oleum catechumenorum & oleum chrismatis. Et pulchre satis mysterio; quia hæc olei tria genera figurata sunt in aromatibus illis, quæ tres illæ mulieres, scilicet Maria Magdalena, & Maria Iacobi & Salome emerunt, vt venientes vngerent Iesum: vel in signum illius trinae vntionis, quo corpus Christi adhuc mortale primò fuit inunctum, à Maria Magdalena, sexta die ante Pascha in domo Simonis Leprosi, aperto alabastro vnguenti nardi pistici: secundò quando corpus ejus jam mortuum Ioseph decurio ab Arimathia, id est à Ramata, (quæ fuit ciuitas Helcanæ patris Samuëlis:) qui erat in occulto discipulus Iesu, & Nichodemus qui venerat ad eum nocte, ferens secum myrrhæ & aloës quasi libras centum, inunxerunt. Tertio in signum illius singularis vntionis & inuisibilis, qua pater vnxit eum oleo lætitiæ præ consortibus suis. Vnde ait *Spiritus Domini super me, eo quod vnxit me*. Nam cum ipse sit, de quo dictum ad David: *De fructu ventris tui ponam super sedem tuam*; bene hæc tertia ejus vntio in trina vntione David praefigurata est. Prima quippe vntio David facta est in domo patris sui Iesai, à Samuële. Secundò vnixerunt eum viri Iuda super tribum Iudæ tantum in regem. Tertio inunctus est super vniuersum Israël. Primam vntionem in signum regni non in rem signi: secundam in rem signi, sed in partem sollicitudinis: tertiam accepit in plenitudinem potestatis. Prima ergo vntio incipientis, secunda proficientis, tertia plenè regnantis, & in regno confirmati, sunt. Secundum hæc tria cœlestis medicus juxta cuiusque statum præparat hominibus medicinam: necesse enim erat, vt secundum statum quo corpus mortuum erat propter peccatum: secundum quem etiam homo poterat peccare, & non poterat non peccare: qui status fuit post peccatum & ante reparationem: propter quod Christus mortuus est pro peccatis, præpararetur oleum infirmorum, contritio scilicet pœnitentialis, tamquam myrrha & aloë: quibus corpus Christi mortuum inunctum est. Nam sicut myrrha & aloë amaritudinibus suis vermes expellunt: ita contritio & pœnitentia quamvis amaræ sint, fugant tamen vermes vitiorum, & liberant ab operibus mortuis. Item quia post reparationem & ante confirmationem, corpus hominis quasi mortale, nec jam mortuum, sed in parte resuscitatum; nec tamen penitus: quia in hoc

morti addictum, quod peccare potest: in hoc verò resuscitatum, quod ab intus homo per gratiâ potest non peccare; necesse est, vt vntio nardi pistici, quo corpus Christi adhuc mortale inunctum est, caput Christiani, id est mentem ejus perungeret: videlicet amor initialis per nardum pisticum figuratus. Amor enim initialis est, mixta cum pauore dilectio: pxtis enim mixtum dicitur. Est igitur nardus pisticus vntio mixta, id est dilectio mixta pauore. Et est amor initialis, in quo quidem initium virtutis est, sed non perfectio. Qui bene catechumenis conuenit, qui catechumeni & per fidem illuminati sunt; sed nondum per baptismum renati. Initium autem virtutum fides, baptismus vero submersio vitiorum, & munditia virtutum. Item, baptizatis quasi ad robur & confirmationem necessaria est vntio chrismatis, amor videlicet filialis: quo filij Dei corpus inunctum est: qui etiam quasi filijs consolator datus & custos collatam à patre conseruet hereditatem: quia parum aut nihil prodest, si quisquam parentum magnam parvulo conferat hereditatem, nisi prouideat & tutorem. Nâ ipse consecrationis modus & ordo, in illa trina consecratione hujus trini profectus insinuat dignitatem. Cum enim oleum infirmorum benedicitur, nec in capite verba salutationis, hoc est, Dominus vobiscum, nec oremus, nec in fine concluditur sicut & ceteræ orationes in quarum fine dicitur, *per Dominum*, &c. Sed infra orationem illam in qua dicitur, *per quem hæc omnia Domine semper bona creas*, concluditur. Nam in ultimo antequam hoc dicatur, decenter ab Acolyto oblatum submissa voce Pontifex audientibus tantum modo circumstantibus, debet primo oleum exorcizare, & postea benedicere, & benedictionem suam terminare, *In nomine Domini nostri Iesu Christi*. Et tunc incipiat, *Per quem hæc omnia Domine semper bona creas*, &c. Olei autem catechuminum & chrismatis consecratio habent officium per se. Primo enim exorcizatur: deinde ad *Dominus vobiscum & sursum corda*: benedictio chrismatis inchoatur. Duo siquidem Acolyti, duas accipientes ampullas quæ oleum, quo chrisma & oleum catechuminum contineant inuolutas, cum sindonibus de albo serico, ita vt videri possint à medio, deferre debent decenter ante Episcopum, projectis sindonibus super scapulam sinistram, ita vt redeant ad scapulam dexteram; & à dextris possint dependentia detineri: & sic fiat processio hoc ordine. Primò ambulent duo Acolyti cum candelabris & ardentibus cereis: portentur duæ cruces, & inter illas chrismale oleum: dehinc portentur duo thuribula, & inter illos medium oleum catechuminum: dehinc feratur Evangelium, vt impleatur omne bonum. Tunc subsequantur duodecim Presbyteri, qui procedant bini & bini: tandem subsequantur duo pueri concinentes hymnum. *O Redemptor*. Signum est hoc totum magni mysterij. Ampulla quippe cum chrismate quodam modo figurat corpus sumptum de virgine continens in se corporaliter Spiritus sancti plenitudinē: quod antequam transiret ad altare crucis, aliquo tempore erat coopertum, & aliquo nudum. Quando enim quasi rex non esset portabatur in Ægyptum: quando portatus est in templum, quando subditus erat Mariæ & Ioseph,

Amor initialis quid sit.

Ritus consecrationis olei.

quasi coopertum latebat: in miraculis verò, in prædicatione, & ostensione suæ majestatis, quodammodo nudus erat. Hæc igitur bene inter duas cruces portatur, quia Christus & per proprii corporis passionem, & per proximi compassionem mediator Dei & hominum sustinetur: sed & inter duo thuribula altera portatur ampulla; quia per deuotionem & contritionem spiritus ratio quasi media saginatur. At postquam benedicta fuerit, & ab altari reddita, à Pontifice & à ministris altaris visibilis & nuda salutatur. Hoc significat, quod postquam ab altari crucis transiit, præsentiam suam corporalem discipulis suis, quorum typum gerunt duodecim Presbyteri, qui assistunt, exhibuit; & eos suæ resurrectionis testes esse voluit. Quod autem alijs inuisibilis & cooperta ad salutandum defertur, significat, quod in cælum Christus rediens inuisibilis factus est hominibus. Quod autem sindonem illam, qua tegitur ampulla, album & sericum esse diximus; ad hoc dictum est, quod serica habeamus à vermibus: figuratur quoque caro Christi, sub qua diuinitas latuit, quæ in hoc naturam vermis habuit: quod sicut sine peccati contagio, ita & sine corruptione libidinis natus de virgine fuit. Vnde in psalmo ait. *Ego sum vermis & non homo*. Qui etiam vermis bene in illo figuratur, quæ Rhamis vocat Iudei, dicentes: quod ejus sanguine facile lapides secabantur, cum poni deberent in templo Salomonis: & ideo malleo non indigebant lathomi. Quod si ita verum est, nostræ fidei satis arridet mysterium: hujus siquidem vermis sanguine à corruptibili massa præcisi sunt lapides viui in templum sanctum, quod est Ecclesia: nec postea necessarium fuit, ut audiretur legis austeritas, tamquam malleus: quia sui sanguinis effusione suscitauit de lapidibus filios Abraham super fundamentum Apostolorum & Prophetarum, ipso summo angulari lapide Christo Iesu. Quod autem sindon de læua transfertur ad dexteram, hoc insinuat, quod per nubem incontaminatæ carnis suæ, facta est mutatio dextera excelsi, quæ præfigurata est per Patriarcham nostrum Iacob: qui filij sui nomen Benoni mutauit in Benjamin. Benoni quippe filius doloris, Benjamin verò filius dexterae interpretatur. Hoc ergo Christi contulit humanitas, ut filius doloris, id est filius iræ, luctu suæ passionis, (vnde Iacob luctator interpretatur,) esset filius dexterae, id est filius gratiæ: ut qui ex merito nostræ prauitatis digni fuimus illa terribili voce, quæ statuendis à sinistris diceretur, scilicet. *Ite maledicti in ignem æternum*, cum filijs statuendis ad dexteram, audituri simus. *Venite benedicti*, &c. Vnde bene hoc eodem die quo Iesus traditus est, Pontifex apertis ianuis occurrit pro foribus Ecclesiæ poenitentibus, qui facti fuerant per peccatum filij iræ, dicens. *Venite, venite, venite filij, audite me; timorem Domini docebo vos*. Et ut in persona Domini vox illa Pontificis proferatur, ostendit Psalmi titulus, qui sic inscribitur: *Psalmus David, cum mutauit vultum suum coram Abimelech, & ferebatur manibus suis & dimisit eum & abiit*. David quippe, qui vel manu fortis, vel vultu desiderabilis interpretatur: Dominum Iesum significat, qui coram Abimelech, qui interpretatur patris mei regnum, scilicet coram Iudæis, hodie immutauit vultum suum, id est sacrifi-

Christus
verme signi-
ficatur, quo
fit sericum.

Psal. 21.

Fabula In-
deorum.

Ephes. 2.

Genes. 35.

Qui fiat
Christianus
ex Benoni
Benjamin

Matt. 25.

Psal. 33.

Ibidem.

candi ritum; quando immolato jam Paschæ veteris agno sumens panem & vinum, ferebatur in manibus suis dicens. *Hoc est corpus meum, & hic est sanguis meus*. Vox igitur Pontificis, vox est inuitantis amici: vox inquam Christi, qui ad convivium corporis & sanguinis sui nos inuitat dicens: *venite filij*, & ut magnus & capax suscipientis sinus aperiatur, omnes janua patet Ecclesiæ: quasi dicat Pontifex aquiloni, da; & austro, noli prohibere. Quod autem surgens à cœna Iesus lauit pedes Discipulorum, à mysterio non vacat: quamvis sufficere videatur humilitatis exemplum, quod in illo facto demonstratur. Surrexit à cœna, id est, à convivio paternæ gloriæ; & posuit vestimenta sua, quia semetipsum exinanivit, formam servi accipiens, & terrena carne nostra quasi linteo, cujus materia nascitur è terra, præcinctus, sanguinem suum sicut aquam effusam in pelvim effudit: & inde lauit pedes nostros, id est actus nostros; sicut de quibusdam scriptum est. *Lauauerunt stolae suas in sanguine agni*, exemplum nobis tribuens, ut & nos ita faciamus: quia sicut ipse pro nobis animam suam posuit, sic & debemus pro fratribus animas ponere. Quia vero in vespere traditus est Dominus: nec fuit ei in illa captione species, neque decor, sed æstimatus est vir despectus, & virorum novissimus, ideo in vespere denudantur altaria, & ab apparatu suo & decore spoliantur: lavantur vino & aqua, in signum quod in passione sua sanguine redemptionis, & aqua baptismi nos lauit: flagellis tūdūtur, in signum, quod ipse pro nobis flagellis fuit celsus. Campanæ non pulsantur: quia fidei præcones, id est Apostoli, non solum conuenerunt sed relicto eo, omnes fugerunt. Vnde princeps Apostolorum Petrus, à cujus ore primò veritatis exiit preconium, dicens. *Tu a Christus filius Dei vis*, vocem illam represit, conticuit, Christum reliquit, terribid negauit.

Math. 26.

Isai. 43.

Ablatio pe-
dū mysticæ
explicata.

Apocal. 7.

Matt. 12.

In die Sancto Pascha. SERMO I.



ANTATE Domino canticum novum, quia mirabilia fecit. Psalmus David. Psalmus iste attribuitur David, quia mirabilia fecit: vultu siquidem desiderabilis & manu fortis: sic enim interpretatur David, qui Goliath interfecit, leonem devicit, vrsum prostravit, quando coram Abimelech faciem suam immutauit; quando coram servis ejus impexit in ostia portæ, manibus suis se portavit, & saliva defluxit per barbam: vel quando nudatus vestibus suis, saltavit coram arca Dei: in ijs omnibus verè mirabilia fecit. Ipse est enim David, qui speciosus forma præ filiis hominum: vultu desiderabilis, in quæ ipsi Angeli prospicere desiderant. Bene faciem suam immutavit: quando reputatus est leprosus, & percussus à Deo & humiliatus, opprobrium hominum & abjectio plebis, eo quod non erat ei species neque decor. Tympanizavit autem, quando pellis carnis suæ in ligno crucis extensa fuit, velut in tympano: ita ut dinumerari possent omnia ossa ejus, sicut ait. *Dinumerauerunt omnia ossa mea*: id est dinumerabilia fecerunt. Impexit autem in ostia portæ, quando portas contrivit areas, & contregit vectes ferreos; & tamquam alter Samson portas Gazæ in montis supercilio transportavit.

Psal. 97.

Psal. 21.

Indic. 16.

Presentia Christi in Eucharistia Matth. 26. **Ioan. 6.** **2. Reg. 4. & 1. Reg. 21.** **Psal. 97.** **Testimonia nostra salutis sunt, quia Christus passus est.** **Isai. 63.** **Ezech. 9.** **Cantic. 5.** **Exod. 15. 4. Reg. 6. Ioan. 3.**

Secum portavit in manibus suis; quando corpus suum tenens in manibus, discipulis ait. *Accipite & comedite ex hoc omnes.* Defluxit etiā salivā per barbā, quando loqui quasi quēdā infantula videbatur sapientia capitis jam defluxa, quando dicebat. *Nisi manducaveritis carnem filij hominis, & biberitis sanguinem, non habebitis vitam in vobis.* Nudatus quoque vestibus suis coram arca saltavit, quando confortio discipulorum spoliatus, solus torcular calcavit; & ut vilior videretur plusquam factus fuerat, coram Deo se humiliavit. Licet ergo Michol derideat, videlicet Synagoga; licet contemnat Achis, id est populus Gentilis: Iudæis quippe scandalum fuit Christus, Gentibus autem stulticia; vos dilectissimi, qui creditis hæc omnia facta fuisse virtute Dei & sapientia; *Cantate Domino canticum novum: quia mirabilia fecit.* Quid enim mirabilius; quā quod Rex Regum, & Dominus dominantium in crimen læsæ Majestatis sustinere voluit pro veste purpurā, pro corona spinā, pro sceptro arundinem, pro vñctione myrrham, pro throno crucem? Sed hæc omnia in argumentum & testimonium Iudaicæ damnationis facta sunt; & ad gloriam nostræ salutis. Quasi enim quædam testimonia nostræ salutis fuerunt hæc omnia: quia in hoc quod purpura vestitus est, palam fecit, quia ipse est, qui venit de Edom, tinctus vestibus de Bosra. Edom filius populi mei interpretatur; Bosra tribulatio: unde Bosra, quæ est in Edom, tribulationes filij populi sui significat, id est tribulationem, quam intulerunt ei filij populi sui, id est Iudæi. Induunt eum purpura, & dicunt. *Quare rubrum est indumentum tuum?* Et cum manifestasset eis causam, dicens, *Torcular calcavi solus*, intelligere voluerunt: sed in contemptum calcationis suæ eum purpura vestierunt. Gens misera, gens attrita fontem: nonne sic oportuit, ut tunica Ioseph tincta sanguine Patri præsentaretur? Quomodo liberari possetis ab Ægyptijs, nisi uterque postis sanguine liniretur? Dedistis pro corona spinam. Bene dedit terra vestra, quod habuit, nondum à maledictione purgata. Spinās & tribulos habuit, spinas dedit. Miseri, nonne sic oportuit Deum in rubo apparere? Nonne sic debuit aries inter vepres cornibus hære? Arundinem dedistis pro sceptro: apertissimè demonstrantes, quod opus illud, quod erat in manibus Iesu, regni vestri sceptrum fecit arundineum & fragile: & ad scribendam damnationem vestram, ne possit deleri, scriptori, qui atramentarium habebat in lumbis, arundinem præparastis. Pro vñctione dedistis myrrham; non intelligentes, quod Mardocheus sic introducere debuit Edissam in domum Assueri. Mardocheus enim myrrha munda, Edissa misericordia, Assuerus beatitudo interpretatur. Myrrha igitur ista, qua eum vñxistis, misericordiam in domum beatitudinis introduxit: ut non jam iustitia, scilicet Vasthi vastans omnia, sed misericordia dignitate regia fungeretur. Unde alibi ait. *Manus mea distillaverunt myrrham.* Dedistis pro throno crucem: quia sic oportuit, ut lignum in panem mitteretur. Hoc est enim lignum, quod amaritudinem Mara dulcoravit: per quod duritiæ vestræ ferrum natavit: propter quod subleuandum Angelus in piscinam descendebat: & ligno per Angelum aquam movente, sanus erat qui prior

descendebat, à quacumque detinebatur infirmitate. Præviderat enim Regina Saba, quod regnum Iudæorum deberet destrui per hoc lignum: & hoc Salomoni mandavit: unde Salomon sub piscina Syloë lignum hoc abscondit; & cum tempus passionis appropinquasset, Angelus Domini cepit paulatim lignum mouere; ex cuius motione piscina movebatur, & per ligni virtutem, & ejus motionem, sanabatur qui descendebat in piscinam. Mouit ergo Angelus lignum istud, ita quod ipso die passionis super-natauit: unde populus, cum Iesus duceretur ad mortem, lignum quasi inutile, & haurientibus nocivum, amovit à piscina, & ad crucis patibulum præparavit. Impletum enim fuit, quod dixerat Nichaula, quod lignum illud regnum Iudæorū destrueret. Ergo dilectissimi, *Cantate Domino canticum novum, quia hæc mirabilia fecit.* Quid enim mirabilius: quā quod impassibilis pati, immortalis mori, iustus pro iniustis, amicus pro inimicis, pro servis Dominus, pro tantillis tantus dignatus est crucifigi? Defectus nostræ mortalitatis sustinuit: ita tamen quod qui videret eum hominem ex infirmitate, Deum crederet ex potestate: ut intelligeremus ipsum huiusmodi defectus assumpsisse voluntarie, non necessitate. Qui enim legitur timuisse, armatis se sponte obtulit dicens. *Ego sum: si me queritis, sinite hos abire.* Et qui dixit, *Tristis est anima mea usque ad mortem*, ipse etiā dixit. *Nunc clarificatus est filius hominis.* Et qui dixit, *Abba pater, si fieri potest, transeat à me calix iste*: ipse Petro dixit: *Mitte gladium in vaginam. Calicem quem dedit mihi pater, non bibam illum?* Et qui ad inferna descendit, ipse Latroni dixit, *Hodie mecum eris in paradiso.* Et qui dixit, *Deus meus, Deus meus, ut quid dereliquisti me?* Ipse etiā dixit. *Amodo videbitis filium hominis sedentem à dextris virtutis Dei.* Manus quoque quæ clavo fuit affixa, solo tactu sanavit auriculam Malchi. Et cum ignominiosè pendebat in cruce, terram concutiebat, Solem obscurabat, frangebat lapides, aperiebat monumenta, mortuos suscitabat. Et satis dignè: quia ipse est, qui respicit terram, & facit eam temere. Maximè tunc moveri debuit: quando inclinato capite eam respexit. Ideo terram movit & conturbavit: quia terrena corda & facto mirabili terrore concutiebat. Solē obscurabat, quia is claritatem dabat, & adveniente lunæ synodo patiebatur eclypsim. Luna siquidem Ecclesia est, quæ fœdere sanguinis & aquæ fluentium de latere suo sibi vniuit: cuius causam homines terreni considerare nescientes, mirati sunt, quod obscuratus esset sol meridie: nescientes, quod sol iustitiæ recto diametro erat in synodo lunæ, videlicet Ecclesiæ suæ. Frangebat lapides: quia etiam dura infidelium corda ad pœnitentiam movebat. Unde Centurio. *Verè filius Dei erat iste.* Aperuit monumenta: quia Phariseorum spurcitiæ manifestatæ sunt: de quibus dictum est. *Va vobis Scribe & Pharisei, qui similes estis sepulchris dealbatis, quæ de foris sunt pulchra, intus verò omni spurcitiâ plena.* Mortuos suscitavit, quia non tam corporis quam animæ, morte sua mortem occidit: corporis quidem, quantum ad omnes spe, quantum ad plures re: animæ verò quantum ad sufficientiam, & si non ad efficientiam. Sufficiens autem hostia fuit: quæ potuit omnes liberare, etsi non omnes inde sint

Vide notas nostras, ff. Inbet.

Ioan. 18. Matt. 26.

Ioan. 13. Marc. 14. Ioan. 18.

Luc. 23. Matt. 26.

Tempore Passionis sol erat luna oppositus, sed non Christus Ecclesia *Matt. 27.*

Matt. 23.

Exod. 15.

Iona 1.

Christus per
Iona prae-
signatus.

Iona 6.

Iona 7.

Iona 8.

Iona 10.

Ibidem.

2. & 4. Reg.

17. & 4.

Solus Chri-
stus seipsum
suscitavit.

effectum consecutus. Accipiat igitur Maria tympanum & tympanizati nostro Daulid cum gaudio occurrat dicens. *Cantemus Domino, gloria ei enim honorificata est*, quia mirabilia fecit: equum enim & ascensorem projecit in mare. Iustum est enim, ut Maria illuminata, sic enim interpretatur; Maria cum Christo moriente mortificationis assumat tympanum: quia morte sua mortis destruxit imperium. Cum enim ipse projectus est in mare; equum & ascensorem projecit in mare. Christus siquidem tamquam alter Iona fugere volens in Tharsis, nauem intans obdormiuit: sed mare turbatur, suscitatur tempestas, nauis titubat, nautae murmurant, & excitato Iona, dicunt ei. *Quid fecisti?* Quibus Iona ait. *Si propter me orta est haec tempestas mittite me in mare.* Projectus est in mare & facta est tranquillitas magna: qui projectus in mare, equum & ascensorem deiecit in mare. Iona quippe qui dolens vel columba interpretatur Christum significat, qui cum dolores nostros portaret: nec rostrum habuit, unde malediceret, cum malediceretur, nec ungues, unde lederet cum lederetur: nec vocem amaritudinis cum ad iracundiam provocaretur. Hic igitur cum multas mundi tribulationes explorasset, & jam tempus aduenisset quo debebat transire de hoc mundo ad patrem, tamquam fugiens ad caelestis gaudij explorationem properabat. Hoc est quod fugere voluit Iona in Tharsis sed intrauit nauem, quia ut predicaret venire ad Sinagogam: sed cum defectus humanus sibi assumplisset, quasi in naui dormiuit unde Iudaei humanitatis ejus defectus, non diuinitatis gloriam attendentes, mare turbant, mundum suscitant. Unde dicunt. *Quid facimus, quia hic homo multa signa facit, & totus mundus vadit post ipsum?* Tempestas suscitatur, tum ut capiant eum in sermone, tum ejus operibus detractantes, dicentes in Beelzebub principe demoniorum, eiecit demonia. Nauis titubat, Synagoga vacillat: alij dicebant, quia bonus est alij non, sed seducit turbas. Nautae murmurant, Scribae scilicet & Pharisei dicentes. *Non est hic homo à Deo qui sabbatum non custodit.* Dicunt enim, *quid fecisti?* Et ne Verbum caro factum? *Quousque animas nostras tollis: si tu es Christus, dic nobis palam.* Dicit eis Iona. Si propter me orta est haec tempestas, id est si non potest transire calix iste, nisi bibam illum, mittite me in mare, id est mittite me in amaritudinem mortis. Projectus est in mare: quia cum quadam abjectione opprobrium hominum factus, & abjectione plebis. Projectus est in mare: qui mortis amaritudines pro nobis sustinuit: mortis tamen transitoriae, per quam Diabolum & satellites ejus projecit in amaritudinem mortis, sed perpetuae. Haec sunt mirabilia quae fecit in depositione animae; qui potestatem habuit deponendi animam suam, & iterum sumendi eam. Sed quia mirabilia cognouimus, quae fecit in depositione animae suae: jam ea videamus, quae fecit in assumptione. *Potestatem*, inquit, *habeo ponendi animam meam: & iterum sumendi eam.* Res mirabilis atque inaudita: à saeculo enim non est auditum, quod quis se suscitauerit. Suscitavit Elias filium Sareptanae; filium Sunamitis Elias; alij alios: sed nulli seipsum. Sed quid utilitatis in ista suscitatione Christi sit, demonstrant apparitionum signa, quibus se discipulis prae-

buit manifestum: Surgens enim mane prima Sabbati apparuit primo Mariae Magdalene, tamquam magnae infirmiae, tamquam magis egrotae: & ne tederet ad vomitum, & ad antiquum Dei contemptum; ne retro respiceret, quae manum jam miserat ad aratrum; visitavit eam in spiritu timoris, quando apparuit ei Angelus: cujus species erat sicut fulgur & vestimenta ejus sicut nix. Et quoniam timor numquam malus est, nisi quando nimius est; temperauit eum spiritu pietatis: quando iterum ei in horto apparuit, & oculo pietatis eam respiciens ait, *Maria.* Spiritu vero scientiae visitauit Cleopha, & socium ejus, quando incipiens à Moyse & Prophetis, cepit eis predicare: quod sic opportuit Christum pati, & introire in gloriam suam. Unde eum verò discipulos congregatos in domo, in spiritu fortitudinis visitauit, quando iannis clausis intrauit ad ipsos, & ait eis, *Pax vobis.* Confidite, quia ego vici mundum. Ad mare Tyberiadis Petrum & Ioannem spiritu consilij visitauit, quando ipsis in vanum laborantibus tota nocte, dixit. *Mittite in dexteram nauigij rete & inuenietis.* Thomam verò qui dixerat, *nisi videro fixurum clavorum*, &c. visitauit in spiritu intellectus: quando post dies octo iterum ianuis clausis venit ad discipulos: & Thomae dixit. *Infer digitum tuum in latus meum: mitte manum tuam in loca clauorum, & noli esse incredulus sed fidelis.* In spiritu vero sapientiae apparuit recumbentibus discipulis, quibus exprobrauit incredulitatem ipsorum, & duritiā cordis, & ait. *Ite docete omnes gentes, baptizantes eos in nomine Patris & Filij, & Spiritus sancti.* Haec sunt mirabilia, quae fecit in assumptione animae suae. Cantate ergo canticum novum: quia mirabilia fecit. Sed quid est Canticum? Canticum est exultatio mentis in vocem prorumpentis. Quia ergo in voce exultationis & confessionis sonus est epulantis: cantemus eantitum, quibus datum est, hodie epulari. Pascha enim immolatus est Christus, sicut dicit Apostolus. *Pascha nostram immolatus est Christus, itaque epulemur.* Pascha nostrum Christus est, agnus scilicet qui tollit peccata mundi, quem nobis incorporare debemus, vel laborare potius, & orare, quomodo nos incorporet sibi. *Caput*, ait scriptura, *cum intestinis & pedibus vorabitur.* Caput diuinitatem significat, pedes humanitatem: intestina verò ea quae pertinent ad animam. Fuerunt enim haeretici qui Christum Dei filium confessi sunt: sed ipsum hominem factum non crediderunt. Isti caput agni sine pedibus & intestinis comederunt. Alij verò ipsum purum hominem fuisse dixerunt: quia mortuum eum viderunt: sed eum nec resurrexisse, nec Deum fuisse crediderunt. Isti pedes & intestina vorabant: sed caput obmittebant. Alij verò Deum & hominem fuisse crediderunt; sed tamen diuinitatem pro anima ipsum habuisse meriti sunt. Isti caput & pedes vorabant, sed intestina dimittebant. Nos verò qui eum verum Deum, & verum hominem, ex anima rationali & humana carne subsistentem confitemur, caput cum intestinis & pedibus voramus: id est cum auiditate non in ventrē, sed in mentem Pascha nostrum trahere satagamus: vel quia pascha transitus interpretatur: tamquam inuitati ad caelestes nuptias transeamus, de tenebris ad lucem, de infidelitate ad fidem, de vitijs ad virtutem, de

Marc. 16.

Apparitiones Christi
diuerso spiritu
factae.

Ioann. 20.

Luc. 24.

Ioann. 20.

Ioann. 21.

Marc. 16.

1. Corin. 3.

Exod. 12.

Quomodo
comedendus
verus Agnus.

Quadruplex Pascha

morte ad vitam, vel de mundo ad Patrem: ut sic in voce exultationis & confessionis in primo celebremus Pascha historicum, in secundo allegoricum, in tertio tropologicum, in quarto anagogicum. Cantemus ergo canticum, & novum: propter promissum, propter signum, propter præceptum. Propter promissum, quia vetera transierunt, & ecce noua facta sunt omnia. Vnde non iam nobis vetera vel temporalia, sed noua & spiritualia sunt promissa. Exuite igitur veterem hominem, fratres charissimi: & induite novum hominem, qui secundum Deum creatus est. Nouate vobis nouale, & nolite serere super spinas. Cantate & canticum novum, propter novum signum. Novum enim fecit Dominus super terram; non solum quod mulier circumdedit virum: sed quod vir ille suscitauit se ipsum. Cantate etiam canticum novum, propter novum præceptum. *Mandatum*, inquit, *novum do vobis, ut diligatis invicem, sicut dilexi vos.* Quantum dilexit nos? Usque ad mortem, mortem autem crucis. Ad hanc enim dilectionem inuitat nos ipsum signum crucis. Crux enim habet duo brachia extenta. Extendamus igitur ad dilectionem amicorum & inimicorum utrumque brachium, dextrum scilicet & sinistrum: longitudinem habentes in perseverantia usque ad mortem; & solo Dei intuitu nos diligentes, habeamus sublimitatem: & cum ijs omnibus humilitatis habentes profundum. Sic crucem Domini bajulemus & commoriamur ei, ut à morte tam animæ quam corporis resurgere mereamur; ipso adiuvante, ipso patrocinante, ipso auxilium ministrante, qui vivit & regnat per omnia sæcula sæculorum. Amen.

Joan. 13.

In die Sancto Pascha. SERMO II.

Exod. 34.
Hebr. 7.

NON coques hœdum in lacte matris sue. Apostolo teste, nihil ad perfectum adduxit lex; sed propter transgressionem data est; donec plenitudo legis, non per verbum legis, sed per legem Verbi, daretur in plenitudinem temporis. Ecce quod in exitu Israël de Ægypto, immolari præcipitur agnus Paschalis. Et hoc ritu. *Non comedetis, ait, ex eo crudum quid, nec coctum aqua: sed assum tantum igni. Caput cum intestinis & pedibus vorabitis; & sanguine ejus superlaminare domus, & utrumque postem linietis. Et secundum hunc ritum accipietis & hœdum.* Vnus autem ritus est agni pariter & hœdi: vnus ritus, vna legis sanctio, vna fides ejus, qui venit in similitudinem carnis peccati: & qui peccatum non fecit, nec inuentus est dolus in ore ejus. Vna fides ejus, qui cum peccatoribus venit conuersari: & constanter tamen dixit. *Quis accusabit me de peccato?* Vnus ritus ejus, qui teste Apostolo pro nobis factus est peccatum, vnde peccato damnaret peccatum: & ejus, qui fuit agnus sine macula: agnus Dei, qui tollit peccata mundi. Nihil ergo crudum de agno paschali vel hœdo edere debemus, cum corpus ejus suscipimus: sed in sacramentis rerum res sacramentorum cognoscamus. Sunt enim ibi duo sacramenta, & duæ res. Sacramentum quippe est, visibilis forma panis & vini: sacræ rei illius inuisibilis, videlicet corporis agni immaculati, qui voluit fieri hostia pro peccatis nostris, cum in cruce pependit: & idē corpus de virgine natum, verum in veritate signi, quod etiam est si-

Exod. 12.

Joan. 8.

Sacramentum & res sacramenti quid sint.

gnum veritatis, sacramentum est illius corporis Christi, quod est Ecclesia. Est igitur sacramentum, & non res, visibilis forma panis & vini: sacramentum & res, corpus de virgine natum: res, & non sacramentum, corpus ejus quod est Ecclesia. Qui igitur sacramentum sine re ibi credit esse, crudum comedit; quia nihil ibi spirituale credit, spiritus enim ignis est. Qui rem & sacramentum esse credit, ita quod remanente panis & vini substantia, credat esse verum corpus Christi, sicut quidam hæretici mentiti sunt: corpus quidem accipit, sed semicrudum. Qui verò per susceptionem rei & sacramenti membrum Ecclesiæ se efficit, Christi corpus accipit, & sancti Spiritus igni coctum. Sequitur. *Non coctum aqua.* Assata per ignem fortius astringuntur: elixa vero per aquam facilius dissolvuntur. Aqua igitur coctum comedit, qui sumendo corpus Christi dissolui, & per partes posse diuidi, suspicatur: vel illam unionem Dei & hominis in passione solutam arbitratur. Et quia nihil phantasticum in illo sacramento credere debemus: sciendum est, quia verè frangitur ibi, quod videtur, & non est; non quod est, & non videtur. Frangitur forma visibilis, non res inuisibilis. Non frangitur substantia, sed accidens, quod nec in subjecto est, nec subiecit. Mira res, sed tamen vera, nec multum mirabilis, si cujus sit, attendamus. Cum hæc attendis & miraris: attende cujus sit corpus, & non miraberis. Ipsum est enim corpus illud, quod de Virginis utero per clausam januam exiuit. Ipsū est, quod ad discipulos clausis ianuis intrauit. Ipsum super mare siccis vestigijs ambulauit: ipsum contra naturam nubes suscepit & leuauit. Hanc igitur speciem panis & vini in corpus Christi transubstantiatam miraris? Numquid ipse est, qui coram Petro & Iacobo & Ioanne transfiguratus est? Numquid ipse est, qui cum duobus discipulis euntibus in Emmaüs, peregrini formam suscepit? Illas transfigurationes non miraris: & propter hanc obstupescis? Verbum per quod omnia facta sunt, & omnia potest, istud non potest? Verbo, quo dixit, & facta sunt, hoc dixit, & factum non erit? Veritas est: verba ejus spiritus & vita sunt. Si hæc spiritualiter & cum charitate intelligis, verba ejus spiritus & vita sunt, & tibi sunt: si hæc non charitative, sed carnaliter intelligis, verba ejus nihilominus spiritus & vita sunt, sed tibi non sunt: sed fomentum damnationis & mortis tibi sunt. Para igitur mentem, non dentem; crede, & mādcasti. Totus igitur sumitur Christus & totū. Totus in persona: totum in natura. *Caput*, inquit scriptura, *cum pedibus & intestinis vorabitur.* Non dixit, pedes cum capite vel intestinis: non dixit, intestina cum pedibus, vel capite vorabitur. Qui enim dixit, quod est: remouit quod non est. Quia igitur caput Christi Deus, per caput sublimitas diuinitatis accipitur: per pedes verò humilitatis humanitas designatur. Vnde Ioannes dignum se non arbitratur, solvere corrigiam calciamentorum ejus: id est, non arbitratur se dignum aperire sacramenta humanitatis ejus. Intestina verò sunt anima, & animæ virtutes & potentie: quas Christus habuit, pro ut decuit, & oportuit. Fuerunt ergo hæretici, qui ipsum purum hominem asserabant: sed Deum esse negabant. Hi pedes & intestina vorabant, sed caput obmittebant. Fugit

Errant, qui panem in Eucharistia manere putant.

Transsubstantiationis assertio.

Joan. 6.

Exod. 12.

Joan. 1.

Varij erro-
res contra
Incarnatio-
nem Christi.

1. Jul. 53.

Matt. 27.

Hesych. li. 5.
in Lemis.
habet sen-
sum horum
verborum.

Quo sensu
Christus à
Patre fuerit
derelictus.

Potestas ma-
li à Deo est.

Ioann. 19.
Exod. 12.

Ezech. 9.

tunt alij, qui ipsum Deum esse crediderunt, sed eum veram carnem, sed quasi phantasticam ut sic videretur ab hominibus; accepisse negabant: isti caput & intestina vorabant, sed non pedes. Fuerunt alij, qui ipsum Deum esse, & veram carnem accepisse confessi sunt: sed ipsum animam habuisse negauerunt, sed ipsam pro anima diuinitatem: isti caput & pedes, sed non intestina vorabant. Nos autem qui ipsum Deum & hominem verum, ex anima rationali & humana carne subsistentem confitemur, caput cum pedibus & intestinis vorare tenemur: vorare, id est cum omni auiditate fumere. Quicquid enim Dei est, cum auiditate faciendum est: propter hoc ait Psalmista, *voluntarie sacrificabo tibi*. Nota ordinem verborum. *Caput cum ped.* Non ait pedes cum intestinis, vel intestina cum pedibus. Nam separationem carnis & animæ, cum mortuus esset in sepulchro, confitemur. Sed talis fuit unio Dei & hominis, quod nec à carne in sepulchro: nec ab anima separari potuerit in inferno. Et totus erat in sepulchro, sed propter carnem: totus in inferno, sed propter animam: totus ubique, sed propter diuinitatem. Totus dico, sed non totum. Sed numquid verum dixit, qui dixit. *Hely, Hely, Lamasaba etiani? Hoc est, Deus meus, Deus meus, ut quid dereliquisti me?* Ait enim super hoc Ambrosius. *Clamabat homo separationis diuinitatis moriturus*. Hinc est, quod Hesychius super Leuiticum, de duobus hircis loquens quorum alter immolabatur, alter vero à populis abire permittebatur in solitudinem, dixit, *Immolata est humanitas quasi hircus: sed diuinitas quasi alter hircus, abijt in solitudinem, id est in cælum: ut portaret peccata nostra, non ut haberet, sed ut consumeret*. Sed hoc intelligendum est, quantum ad defensionem, quantum ad protectionem; non quantum ad vniionis solutionem. In hoc enim eum diuinitas dereliquit, quia protectionem cohibuit: ut potestatem haberet inimicus, quia consummaret passionem. Nam si defendere eum diuinitas voluisset, inimicus eum occidendi potestatem non habuisset. Et si mortuus non fuisset, salutem nostram operatus non esset. Ut igitur homo saluaretur, oportuit, ut Christus moreretur. Sed mori non poterat: nisi potestatem occidendi eum inimicus haberet. Potestatem habere non posset; si eum diuinitas defendere voluisset. Ergo in hoc eum diuinitas deseruit: quod ipsum non protexit: sed vniionem non soluit. Verba quidem notanda sunt. Non enim ait, *derelinques*, sed *dereliquisti*. Vivus hoc dicebat, ergo jam vivum diuinitas dereliquerat: ergo nec tunc Deus erat: quod nefas est credere & dicere. Sed in hoc eum dereliquerat, quod Pilatus, quod Iudæus, occidendi hominem illum potestatem à Deo acceperat. Nam cum mala voluntas ab homine, vel à diabolo sit, omnis tamen potestas, siue bona sit, siue mala, esse non potest, nisi à Deo. Hinc est quod Dominus ait. *Non haberes in me potestatem; nisi tibi datum esset desuper*. Sequitur. *Et linies sanguine agni superliminare, & utrumque postem*. Hinc est, quod Dominus Angelo, qui atramentarium scriptoris habebat in lumbis, dixit. *Signa Thau, in frontibus virorum gementium super cunctis abominationibus, quæ sunt in Ierusalem*. Quod Dominus in fronte per Prophetam, hoc idem Dominus in superliminari dixit per legislatorem: sed hoc

idem signum ipsi Boëtius in inferiori margine vestis philosophiæ depictam cognouit. Quia idem est, & sanguinem positum in superliminari, & Theta depictum in inferiori. Sed & ipse Gedeon, trecentos milites, qui ad bella procederent, à dextris statuit, & elegit: significans sanguinem agni ponendum, & Thau in dextro poste depingendum. Nam numerus ille, qui per figuram Theta figuratur, firmissimum est conscientiæ munimè, tam ad omnia, si terreant, aduersa; quàm si adulètur prospera. Si scenicæ vitiorum meretriculæ te reuocent ad temporalia: si te in peccatis securum reddat inordinatæ spei præsumptio fallacis Thau, pone sanguinem passionis in conscientiam; quoniã & Samson vicit in asini mandibula: Nihil est enim, quod non vincat frequens ruminatio passionis, & patientiæ Christi. Sequitur. *Et comedetis panes azymos cum lactucis agrestibus*. Non omne fermentum abijciendum est; nam mulier sapiens fermentum posuit in farinæ satis tribus: sed à cibo animæ spiritali abijciendæ sunt, vel aperta malitia, vel religio simulata. Nam de primo dicit Apostolus. *Expurgate vetus fermentum*: de secundo Dominus in Evangelio: *Canete à fermento Phariseorum, quod est hypocrisis*. Propter hoc azyma sinceritatis ponit Apostolus, contra maliciam: veritatis, contra religionem simulatam. Lactucas etiam agrestes comedere tenemur, & non domesticas. Nam sicut alia lactuca domestica est, alia agrestis, ita quædam est amaritudo agrestis quædam domestica: per lactucam enim, quia amara est, amaritudo figuratur. Sed sicut melle silvestri Ioannes utebatur in deserto, ita & nos lege præcipimur vesci lactuca agrestis. Nec mel domesticum Ioannes, nec legislator lactuca domestica præcipit vesci: quia utrumque abominabile est apud Deum. Nam dulcedo domestica est inter prospera gratulari: lactuca domestica est inter aduersa, amaricari: sed mel silvestre est, si decipere volunt prospera. Propter hoc ait Ieremias: *pone tibi amaritudines*. Hanc lactucam comedebat Propheta, quando dicebat. *Ecce in pace amaritudo mea est amarissima*. Et iterum alius Propheta: *Ingrediamur putredo in ossibus meis & subter me scascat, ut requiescam in die tribulationis*. Sequitur. *Renou vestros accingetis*. Necesse est, ut pruritum carnis humilitas, vel præcingat virginitas, ut exinaniat; vel accingat continentia, sic ut cohibeat: vel ordo conjugalis ordinatè succingat: nec enim peccatum est, si non causa coitus, sed causa prolis sponsus spòsam ordinatè cognoscat; ut sic ex illa cognitione filius quærat: qui per vnam baptismatis Deo postea regeneretur. Baculosque tenere jubemur in manibus, id est discipulis exhibere operibus, quæ non sit nobis virga, sed baculus, ut in austeritate disciplinæ grossitudo baculi figuretur. Calciamenta etiam habere debemus in pedibus, ne terrenum lutum affectus nostros polluat: sed sic exempla doctorum muniant, ut etiam eorum suffragia à luto defendant. Ecce dilectissimi, si omnia quæ de agno vel hædo dicta sunt, sufficiunt ad medelam: quid necessarium fuit tantæ perfectioni addere quod audistis, *Non coques hædum in lacte matris suæ*? Notandum est ergo, quod pater filium tradidit, Iudæus filium tradidit. Idem operatus est Iudæus, quod Deus. Sed Deus bona volun-

Boët de con-
solat.

Judic. 7.

Littera
Thau signa
Theta.

Exod. 12.

1. Corin. 5.
Matt. 16.

Quid azi-
ma, quid
lactuca do-
signent.

Marc. 1.

Isai. 38.
Habac. 3.

Exod. 23.

tate

Non debet
semper idē
velle homo,
quod Deus.

tate operatus est, quod Iudeus mala voluntate. Ergo mala voluntas fuit Iudæi, idem operantis quod Deus: ergo eadem voluntas Iudæi & Dei, sed mala in Iudæo bona in Deo, quia necessarium fuit velle Deum: quod noluit velle Iudæum. Sicut ē contrario potest esse bona voluntas hominis: & aliud tamen volentis quod Deus: sed si est alia voluntas à Deo, non est tamen alienata à Deo, quia vult hominem velle; quod ipse non vult; alia enim debet esse voluntas iudicis, alia iudicio subiacentis. Iudex vult exercere iustitiam, iudicandus præstolatur misericordiam: Iudex eum damnandum disponit. Sed quis vnquam carnem suam odio habuit? Sunt igitur contrariæ voluntates & iudicis, & iudicandi, imò fortè gravius damnari deberet, si sibi damnum optaret: quia qui sibi nequam, cui bonus? Ergo bona est voluntas & iudicis, qui non vult, quod iudicandus; & iudicandi, aliud volentis quàm iudex. Non est enim contra illam, & si sit præter illam. Sed quid mirum, si inter duos homines sint diuersæ voluntates, quæ non sint aduersæ: cum etiam in vnoquoq; hominum sint diuersæ voluntates; per quarum vnā aliquid non velit, quod per alterā velit? Nam secundum inferiorem vim animæ, quæ sensualitas appellatur, aliquid vult; quod secundum superiorem vim animæ, quæ ratio dicitur, nec velle vult. Ista tamen duo sunt in anima, & anima est vna. Numquid diuisa est anima? Numquid sibi contraria res est vna? Propter hoc ait Apostolus. *Inuenio legem in membris meis repugnantem legi mentis meæ, & captiuum me ducentem in legem peccati. Velle adjacet mihi, perficere non inuenio.* Sed quoniam in hac diuersitate quædam videtur aduersitas: quia nō bene conuenire videntur lex membrorum, & lex mentis: leuamus oculos, & consideremus in capite, quod in membris non videmus perspicuè. Consideremus in Christo vtramque voluntatem; aliam & aliam; diuersam non diuersam: alteram non alteram; & vtramque bonam. *Pater si fieri potest, inquit, transcat à me calix iste:* locutus est filius hominis. Sed quid respondit filius Dei? *Veruntamen non mea voluntas, sed tua fiat.* Aliter locutus est ergo filius hominis, aliter filius Dei: aliter homo, aliter Deus: totum tamen ipse Christus. Quod locutus est filius hominis, homo, locutus est filius Dei, Deus: sed idem Deus; imò prorsus idem Pater & Filius. Ergo eadem voluntas Patris & Filij: quia idem est eis velle & esse, voluntas quippe essentia est. Quod ergo filius ait, *Non quod ego volo, sed quod tu:* idem est ac si diceret, non quod volo ego, sed quod ego. Valde diuersa sunt, non volo, & volo: vtræque tamen voluntas in Christo, & vtræque bona. Quis enim, nisi mentis insanæ, malam in Christo fuisse voluntatem audeat confiteri? Volebat igitur, in quantum homo, quod noluit, in quantum Deus: voluntatem tamen humanam diuinæ supposuit voluntati. Sed adhuc dico; non solum vult in quantum homo, quod non vult, in quantum Deus: sed & Deus, præcipit aliquando, quod non vult fieri: & prohibet plerumque, quod vult fieri. Plus est enim præcipere, quam velle. Præcepit Abraham, vt immolaret filium suum Isaac: sed numquid istud volebat fieri? Si volebat, cur arietē harentē cornibus inter vepres mittebat? Præcipiebat igitur, & tamen fieri no-

lebat. Sed propter hoc præcepit, vt fidem & obedientiam Abraham comprobaret. Rursus, cum quemdam ægrorum sanasset, dixit, *Vide, memini dixeris.* Numquid tantum miraculum silentio præteriri volebat? Non vtrique, sed exemplum humilitatis ostendebat. Ecce bona voluntas Dei fuit: quod voluit filij passionem, & bonum est quod voluit: quia nec velle potest, nisi bonum. Velle enim malum non potest, etsi omnipotens. Sed mala voluntate illud idē voluit Iudæus; & factum est malum ei, quod est bonum: factum est ei venenum, quod est mihi antidotum. Quoniam etsi exterior homo noster plerumque indicet interiorem, & opera denuntient bonitatem vel voluntatem, tamen voluntas ex operibus non est iudicanda: sed ex voluntate iudicanda sunt opera. Scriptū quippe est. *Affectus tuus operi tuo nomen imponit:* & omne peccatū, vt ait Augustinus, ita voluntariū est, quod non est peccatum si non voluntariū: nec aliquid criminale, si displicet: nec aliquid veniale, si placeat. Igitur quod mala voluntate operatus est Iudæus, cum tamen simpliciter esset bonum, factum est tamen in scandalum & in malum, & ad iniustitiam reputatum. Condēnat Dominus per Prophetam, & opus malæ voluntatis, & malam voluntatem operantis: & auctorem simul operis & voluntatis. Ait enim. *Non coquet hordum in lacte matris sue.* Coctio hordi passio Christi. Sed quid est quod additur, *in lacte matris sue?* Mater ejus Maria fuit: lac matris tenerima carnis portiuncula fuit; quæ per Spiritum sanctum concreta, & coagulata, in assumptionem carnis humanæ in corpus Christi transiuit. Non enim de cœlis illa caro fuit: sicut quidam crediderunt: sed de substantia materne carnis. Dicit enim Iob in persona Christi. *Sicut lac mulsisti me, & sicut caseum me coagulaisti?* Vnde mulsisti me? De substantia matris meæ. Ipse enim lapis est sine manibus de monte abscissus; qui creuit in montem magnam, in montem coagulatum & incaseatum: de quo cecinit Psalmista dicens: *Mons Dei mons pinguis:* vt quid suspicamini montes incaseatos? Montē in quo beneplacitum est Deo habitare eo. Hujus igitur lactis coagulatio, hujus montis incaseati glutinū concretionis Spiritus sanctus fuit, quo præter aliorum naturam concreta sunt membra in vtero matris. Aliorum siquidem membra ex seminario vtriusque parentis, per intervalla temporum & dierum, formam suscipiunt naturalem. Itaque post quadragesimum sextum diem animam suscipiunt: sed aliter in Christo factum est. Nam ipsa die conceptionis, in ipso lacte matris formata sunt membra simul omnia, infusa est anima: & ipsa die tantæ sapientie facta, cui nihil Deus addere potuit: quia eodē die secundum animam omnia sciuit, quæ Deus sciuit: etsi non ita clarè vel perspicuè. Alioquin aliqua dies fuit, quod filius Dei carnem habuit, & homo non fuit. Potuerunt igitur membra formata per ætatē proficere, & majorem suscipere quantitatem. Sed sapientia majorem quantitatem, vel gratia infusa suscipere non potuit: quia ipse erat sapientia genita, & non creata: & sapiens sapientia ingenta, & non creata, quæ vna est cum sapientia genita: cujus beneficio sapientia creata non genita, & adjuncta non potuit augmentari. Vniuit enim sapientia ingenta non creata, sapientiam creatam non geni-

Matth. 1.

Lib. de verâ
Religi. c. 1.
omne peccatum
voluntarium
liberum.

Exod. 23.

Job 19.

Psalm. 67.

Anima
Christi omnia
sciuit,
qua Deus
sciuit.

Genes. 22.

Exod. 21.

An Christus
per hœdum
significetur,
& cur.

Idem.

Mat. 19.

Horat. in
arte poetica.

Iob 3.

tam sapientia genitæ non creatæ: & facta est
inſeparabilis vnio, vt quod Dei erat, eſſet ho-
minis: & filius hominis, idem eſſet ipſe filius
Dei. Propoſiti igitur ſenſus verbi talis eſt. *Non
cognos hœdum in lacte matris ſuæ*, id eſt non af-
figes Chriſtum paſſione in die conceptionis
ſuæ. Sexto die Adam factus eſt, ſexto die lapſus
eſt; eodem die, vt quidam tradunt, Chriſtus de
ſpiritu ſancto conceptus eſt; eodem die paſſus
eſt. Et hanc, vt natura corruptionem, quæ per
Adam facta eſt, per ſuæ conceptionis incorru-
ptionem redderet incorruptam: & qui caſu ce-
ciderat, per occaſum orientis aſcenderet occi-
dens ſuper occaſum. Tamen ſi per hœdum de-
ſignatur Chriſtus, quia venit in ſimilitudinem
carnis peccati: ergo per hœdum deſignatur car-
to peccati. Sed quare? Propter peccatū carnis.
Ergo per hœdum non ſolū caro peccati, ſed
magis propriè peccatum carnis accipitur. Quid
eſt igitur? *Non cognos hœdum in lacte matris ſuæ*,
niſi quod aperte dicitur; non fouebis peccatum
in dulcedine cogitationis. De corde, ait Domi-
nus, exiunt cogitationes mala, & hæ ſunt quæ co-
ntaminant hominem. In fomentum ergo facino-
ris vſurpat cogitatio locū matris. In vulua ſi-
quidem matris huius eſt, quando ſuggeritur:
ſed de utero eius egreditur, cum deliberatur.
Cum verò falſæ ſpei ſibi fiduciam proponit, ge-
nibus eum mater excipit. Et cum per exempla
maiorum ad faciendum inducit: vberum ſuorum
lac elicit falſæ conſolationis. Cumque pecca-
tum perpetratur, ſed adhuc per ignorantiam,
& propter falſas conſolationes mēs excæcatur,
ſilius ad infantiam educatur. Cum verò ex ni-
mia conſuetudine peccandi, ſciens & prudens
manum in flammam mittit, nec poteſt contine-
re: ſed iam non ex ignorantia, ſed potiùs peccet
ex infirmitate; de infantia in adoleſcentiam
creſcit. Naturaliter enim infantia ignorat, &
adoleſcentia infirma eſt. Sed cum poſtea ex ea-
dem infirmitate peccatum ita fouetur, vt non
ſolū qui peccat, facere; ſed & factum defen-
dere velit: quaſi de infantia in adoleſcentiam
creuit. Iuvenes enim ſunt, qui à viginti annis &
ſuprà poſſunt ad bella procedere: de quibus
dictum eſt.

*Imberbis iuuenis jam jam cuſtode remoto,
Gaudet vniſ, canibusq; & aprici gramine verni.
Cereus in viciam ſteſti, monitoribus aſper.*

Cumque ex conſuetudine deſenſionis, qui
peccat contemnere incipit, & obſtinatus eſſet:
de iuuentute labitur in ſenium, & propè inter-
ritum eſt; quia peccatum eſt in ſpiritu ſanctū
qui ardor eſt Patris & Filij, tantò longiùs à ca-
lore; quan-
tò longiùs à charitate; & à Sancti
ſpiritus ardore. Quia igitur ſenes naturaliter
frigidi ſunt, in ſenium peccati labitur, in quo
nihil ſpiritalis dulcedinis reperitur. Quod *In
lacte matris* additur, maledicti ſignum præpo-
nitur. Quia maledictus puer centum annorum.
Peccator ſiquidem obſtinatus in dulcedine ſuæ
cogitationis, puer eſt centum annorum; & hœ-
dus coctus in lacte matris. Propter hoc Iob di-
cebat. *Quare non in vulua mortuus ſum: egreſ-
ſus ex utero non ſtatim peri? Quare exceptus ge-
nibus, cur lactatus vberibus?* Transfert enim in
ſe vtrūque, non quod factus eſt, ſed quod
fecit. Beatus autem eſt ille, qui in domo meruit
ſuſcitari; ſed tantò beatiôr ille, qui ſuſcitari
mergit extra portam, quan-
tò funeri vicinior

ſepulchroque. Beatiſſimus autem, qui jam ſe-
pultus quatruiduanus ſœtebat in tumulo, quo
peccatum obſtinationis deſignatur, tantò ad
ſanandum difficilius; quan-
tò funibus viti-
orum alligatur diſtrictiùs. Vel hœdum decoquit, qui
ignem & ligna ſupponit. Hœdus culpa, lignū
cauſa, ignis pœna. Eſt igitur peccatum culpa,
& eſt peccatum non culpa. Eſt cauſa peccati, &
non peccatum: & eſt pœna peccati & non pec-
catum. Eſt etiam peccatum culpa, ſed nec cauſa
nec pœna. Et eſt peccatum culpa & pœna, ſed
non cauſa, & eſt peccatum & culpa, & cauſa,
& pœna. Peccatum & culpa, actus peccati, &
reatus, peccatum & non culpa; hoſtia pro pec-
cato. Vnde Apoſtolus de Chriſto. *Factum eſt pro
nobis peccatum; vnde de peccato damnauerit peccatum.*
Cauſa peccati & non peccatum, prædicatio ve-
ritatis, vnde naſcitur vana gloria. Pœna pec-
cati & non peccatum, contritio cordis, etiam
poſt actam pœnitentiam: quia ſcriptum eſt. *De
propitiato peccato noli eſſe ſecurus.* Peccatum cul-
pa, nec cauſa, nec pœna; quod ſtatim perpetra-
tum per pœnitentiam diluitur, nec iteratur.
Peccatum culpa & cauſa, ſed non pœna; reatus
qui ſuo pondere ad alium trahit: & tunc per
pœnitentiā diluitur, ſicut ex prodigalitate fur-
tum, ex furto ſolet perjurium provenire. Pecca-
tum culpa & pœna, ſed non cauſa, quod ſtatim
per contumaciā ad mortem trahit. Peccatum
& culpa, & cauſa, & pœna, reatus qui ad alium
trahit, & per contumaciā perſeuerat. Tot mo-
dis peccatum inflammatur, tot modis hœdus
decoquitur.

In die Sancto Paſche. Sermo. III.

DI sexto princeps filiorum Gad. Eliaſaph fi-
lius Duol obmutis acetabulum plenum ſimila
in ſacrificium. In dandis accipiendiſque mune-
ribus noſtri ſermonis ſeries & virtus conſiſtit.
Accepti ſiquidem & dati gratiā fœderantur a-
more mutuo etiam mater & filia. Manus autem
vacua pauperum preces euacuat. Et quamvis
dicat Iſaias, quod in excelsis habitabit, qui ex-
cutit manus ſuas ab omni munere, eo quod mu-
niera etiam ſapientes excæcant; tamen non ſic
eſt generalis authoritas, quod careat exceptio-
ne. Sunt enim munerum quædam beneficia,
quorum alia cenſum minuunt, & non ſenſum:
alia minuunt ſenſum, & non cenſum: quædam
vtrūque. Sunt etiam, quæ non minuunt, ſed
muniunt, alia quidem cenſum, ſed non ſenſum,
alia vtrūque. Multa Deus beato Iob beneficia
contulit & abſtulit. Imminutus eſt cenſus, &
non ſenſus. Ait enim. *Dominus dedit, Dominus
abſtulit, ſicut Domino placuit, ita factum eſt; Sit
nomen Domini benedictum.* Multa dari ſolent
fœneratori beneficia, cenſus augetur, ſenſus
minuitur: nam exinde majori cupiditate cæca-
tur, vt ſcriptum eſt. *Creſcit amor nummi, quan-
tū ipſa pecunia creſcit.* Sunt & alij, qui propter
amiſſionem temporalium nimio dolore tor-
quentur: & plerumque laqueo ſe ſuſpendedunt.
Iſti ſenſu minorantur & cenſu. Alios verò do-
nis gratiarum Dominus locupletat; qui quan-
tò ſpiritalibus abundante; tantò temporalia par-
vipendunt. Vnde magis eligunt abjecti eſſe in
domo Dei, quam habitare in tabernaculis pec-
catorum. Iſti cenſum minuunt, ſenſum muniunt.
Qui verò munus eleemoſynæ pauperibus lar-

2. Corin. 5.

Ecol. 5.

Num. 7.

Quædam
munera cen-
ſum minuunt
alia ſenſum

Iob 1.

giuntur; cum beneficium illud in caelestes thesauros deportatur per manus accipientium, thesaurizat beneficij largitor, vbi nec ærugo, nec tineæ: vbi fures non effodiunt, nec furantur. Istorum census reddendus in die iudicii cum vsura seruator. Donat siquidem temporale; sed æternum recipiet. Donat quod seruare non potest: recipiet præmium, quo carere non poterit. Bene igitur talium sensus & census munitur. Propter huiusmodi Moyses Legislator, imò Dominus præcipit per Legislatorem.

Exod. 23. *Non apparebis, ait, in conspectu Dei tui vacuum.*

Apocal. 22. *enim dona hominibus, sicut ait. Ecce venio cito, & merces mea mecum est.* Hinc est, quod de dono, quod nobis contulit, & pro nobis, satis figuratiuè loquitur sermo diuinus, vbi ait. *Sexto die, &c.* Cum igitur ait, *Sexto die*, tempus misericordiæ congruū, & nostræ liberationis proponit proficiū. Neque enim dubium est, quod sexto die crucifixus non fuerit; vt eodem die reformaret hominem, quo formauit: vt per ipsum eadem die resurgeret homo, quo cecidit.

Mundus se prem ætatibus distinguitur. Vel *sexto die*, ait, id est sexta ætate. Nam sicut mundus septem diebus voluitur; ita septem ætatibus distinguitur. Prima ab Adam vsque ad Noë, secunda à Noë vsque ad Abraham, tertia ab Abraham vsque ad Moysen, quarta à Moysen vsque ad Dauid, quinta à Dauid vsque ad transmigrationem Babilonis, sexta à transmigratione Babilonis vsque ad Christum, septima à Christo vsque ad illud tempus, quo beatis mortuis, qui in Domino morientur, dicet spiritus, vt requiescant à laboribus. Hinc est, quod Ecclesia istas septem ætates per septem dies Dominicales distinguit. Et quamvis omnis Dominica ob honorem & reuerentiam Dominiæ Resurrectionis venerabilis esse debeat, & iucunda: istas tamen septem Dominicas ideo nigro lapide merito censuit esse numerandas, quia in ipsis miseria vniuersæ describit ætatis. Tantò siquidem affectuosius misericordia desideratur parcentis, quantò lucidius ad memoriam reuocatur miseria patientis. Secundum magnam ægritudinem, magna medicina: secundum magnam miseriā, necessaria nobis est magna misericordia. Vt igitur deuotius præstolemur Dei misericordiam; necesse est sæpius ad memoriā reuocare nostram miseriā. Prima igitur ætas incipit ab Adam; vnde & in prima Dominica reuocatur ad memoriā beneficium collatum Adæ, & successoribus ejus. Sed quoniam nec verbis nec operibus factori suo & benefactori respondit, imò multiplicatis hominibus multiplicata sunt mala filiorum Adam: ita vt dolore cordis tactus intrinsecus, compelleretur Dominus ad dicendum, *Pœnitet me fecisse hominem*, id est faciam, quod homo pœnitens facere sollet; delet enim quod fecit; quod & factum est: Nam omnis illa generatio, præter Noë & domum ejus, perijt per aquas diluuij. Ideo Ecclesia gemit dicens. *Circumdederunt me gemitus mortis.* Hinc est etiam, quod in Vigilia Paschæ lectionem primam istam nullum sequitur responsorium; quia diuinis beneficijs Adam Domino non respondit. Secunda ætas incipit à Noë. Ab isto disseminatum est omne genus humanum. Vnde per similitudinem Dominica legitur subsequenti in Euangelio. *Exijt, qui seminat.* Qui seminat, id est à quo disseminatum

est omne genus humanum, exijt de arca; vt adimpleretur quod dictum est ei à Domino. *Cre-scite, &c.* Exijt itaque seminare semen suum. Sed cum repleta esset terra suo semine, id est hominum multitudine, conuenerunt in terrā Sennaar, vt ædificarent turrem, cuius cacumen tangeret cælos: alij quidem ad hoc inducti, quia cor durum & lapideum habentes, nullum in Deum deuotionis habuerunt humorē. Hoc est semen, quod cecidit supra petram. Alij sola vanitate ducti, operi nefario consenserunt: vt de eis in posterum dici potest, quod opus fecerunt, quod ante ipsum simile non habuit, nec posset habere post ipsos. Hoc est semen, quod cecidit secus viam. Alij verò cupiditate seducti, huic malæ consenserunt voluntati. Quod enim turris illa cacumine caelestes posset thesauros attingere, crediderunt. Hoc est semen, quod cecidit inter spinas. Vnde Dominus linguas eorum confudit. Lingua tamen Hebræa quæ tunc omnibus communis erat, remansit in Phaleg; quia ipse fuit semen, quod cecidit in terram bonam, & ortum fecit fructum centuplum. Ab isto siquidem Phaleg disseminatum est genus Abrahamæ patris nostri. Sed cum nosse filios Abrahamæ fateamur, quare lingua, quæ remansit in filijs Abrahamæ, Deum non laudamus; sed potius ea, qua propter offensam locuti sunt filij diffidentia? Vnde notandum est, quod inter omnes linguas factæ sunt tres præcipuæ, Græca Latina, Hebræa. Vnde Pilatus tribus istis linguis, quasi præcipuis, scripsit titulum super crucem. Græca verò lingua sonat in labijs, Hebræa in gutture, Latina in medio, scilicet in palato. Quoniam igitur Mediator Dei & hominum in vnitatem fidei Circumcisionem venit conjungere & præputium, Græcos videlicet & Iudæos; debuit Latina lingua fieri; quæ sicut dictum est, inter Græcam & Hebræam media est. Tertia ætas ab Abraham incæpit, & terminata est in Moysen. Fuit autem ab Abraham prima credendi via; & ipse primus fide mundum illuminauit; quia vnum Deum primò prædicauit. Ante Abraham quippe vnusquisque Deum sibi vendicabat: & in hac mutabilitate & instabilitate eū quærebat, qui stabilis manens dat cuncta moueri. Iste igitur mundum ab hoc errore primò liberauit, qui vnum Deum factorem omnium immobiliter in se manentem, sed cuncta mouentem, prædicauit: quem postea Moyses scriptis, verbis, miraculis, confirmauit. Hinc est, quod cæcus juxta viam mendicans in officio tertiæ Dominicæ proponitur in exemplū. Quis enim cæcus ille, nisi genus humanum necdum fide illuminatum, est? Erat autem secus viam medicans: quia in hac mutabilitate Deū sibi vendicabat. Alius quippe lapidem, alius lignum, alius talpas, & huiusmodi Deum sibi faciebat. Sed sub ista generatione per Abraham atque Moysen primò cæpit illuminari: sed tandem per eū qui finis legis est ad iustitiam omni credenti, videlicet Iesum Christum, mundus adhuc fide cæcutiens, sed non cæcus, plenè illuminatus est. Quarta ætas à Moysen incæpit, & terminata est in Dauid. Considera fortes in bello hujus generationis viros; & quod eo in tempore terra non cessauit à prælijs. Vide, quanta animi fortitudine populum Israël eduxit Moyses de Ægypto, & quanta passus est in deserto. Cui Iosue successit, qui hostes suos viriliter expugnauit.

Genes. 11.
Ædificatio turris Babel.

Tres præcipuæ lingue titulo crucis honorantur.
Ioann. 19.

Tertia ætas.

Luc. 18.

Quarta ætas.

- Post quos fuerunt Indices Orthoniel, Aod, Sagar, Iephthe, Manue, Samson. Omnes isti sine bellis numquam fuerunt. Tandem fuit sacerdos Heli, cuius tempore arca Dei capta est. Post ipsum verò Reges, Saül videlicet & Dauid. Nec isto in tempore terra quieuit à bellis. Istorum igitur omnium fortitudinem ideo nobis proponit sermo diuinus: vt eorū exemplo nostris hostibus viriliter resistamus, qui numquam esse sine bello possumus in hoc mundo. Omnes enim qui in Christo piè viuere volunt, persecutionem patiuntur. Vnde ipse ait. *Non veni pacem mittere, sed gladium.* Pugnat siquidem incessanter contra nos mundus, pugnat caro, pugnat diabolus. Vnde Petrus. *Aduersarius vester diabolus*, &c. Non enim coronabitur, nisi qui legitime certauerit. Hinc est, quòd quarta Dominica de bellis istis verbo nos instruit, & exemplo. Verbo, vbi ait. *Per arma iustitie*, &c. Exemplo, quando docet, quomodo Christus tentationibus suis malignum superauit. Et quis à tentationibus est securus, quando tentatus est ipse Christus? Vbi natat elephas, quomodo pertransibit agnus? Sed quis finis? *Ecce Angeli accesserunt, & ministrabant illi.* Ita si diabolo viriliter resistamus, ministerium Angelorum adipisci merebimur. Quinta ætas incepit à Dauid, & terminata est in captiuitatem Babilonis, id est vsque ad tempus, quo filij Israël captiui ducti sunt in Babilonem; de qua, sicut legitur in Psalmo, dixerunt captiui. *Super flumina Babilonis illic sedimus & fleuimus, dum recordaremur Sion. In salicibus in medio ejus suspendimus organa nostra.* Hinc est, quòd quinta Dominica vacat ab organo, non à prosa. Quidquid enim profanè legitur, sicut Epistola & Evangelium, habet officium missæ: sed organa non habet; videlicet, Introitum, Graduale, Offerendam, & Postcommunionem: hæc enim omnia à præcedente quarta feria mutuo accipiuntur, in quibus captiuitatis liberationem implorat. *Reminiscere miserationum tuarum, Domine.* Sexta ætas incipiens à captiuitate Babilonica, terminata est in aduentu Christi. Ipse est enim Verbum Patris, qui rumpere desperationis silentium venit, de quo scriptum est. *Dum medium silentium tenerent omnia, &c. omnipotens sermo tuus à regalibus sedibus venit.* Primum siquidem silentium ignorantie fuit. Nam propter hoc homines à clamore cessabant; quia ad quem clamarent, ignorabant. Secundum desperationis, quia voce Prophetarum finita ducebantur homines in desperationem: eo quòd eorum promissio differretur. Tertium in requie erit; vbi non erit gemitus, neque clamor, sed nec vllus dolor. Cum igitur medium silentium tenerent omnia, venit in mundum Verbum Patris aperire ora mutorum, rumpere desperationis silentium, & disertis facere linguas infantium. Vnde & in sexta Dominica legitur in Euangelio. *Erat Iesus eiciens demonium; & illud erat mutum.* Et cum eiecisset demonium, locutus est mutus. Et quia ipse Dominus venit alligare fortem, & distribuere vasa ejus: idè sequitur in Euangelio. *Cum fortis armatus*, &c. Vnde pro hujusmodi beneficijs in fine Euangelij extulit vocem suam quædam mulier de turba, dicens. *Beatus venter, qui te portauit, & ubera que suxisti.* Septima ætas quæ incipit ab aduentu Christi, terminabitur in gaudio requiei, id est
- in Sabbatismo, qui relictus est populo Dei, quando ciues suos recipiet cælestis illa Ierusalem. Vnde & in septima Dominica filij Sion tale cum omni fiducia gaudium expectantes exultant, & dicunt. *Letare Ierusalem.* Bene igitur sexta die, id est sexta ætate, in qua Christus venit, obtulit princeps filiorum Gad, &c. Sed quid nobis & principi: cum Scriptura dicat, *Nolite considerare in Principibus?* Vnde Dominus in Psalmo. *Principes persecuti sunt me gratis.* Et iterum. *Astiterunt reges terra, & Principes conuerterunt in unum, aduersus Dominum, & aduersus Christum ejus.* Sed notandum, quòd hoc nomē *Princeps*, quatuor modis accipitur. Potest enim dici princeps à principio: eo quòd principium teneat dignitate & loco. Dicitur etiam à præcipio, quod tam malis, quàm bonis conuenit. Nam mali principes plerumque bonis discipulis solent præcipere. Dicitur etiam princeps, quasi præcipuus: quia præcipuus debeat inter discipulos esse. Potest etiam dici princeps à præcipitio. Vnde diabolus dictus est princeps hujus mundi, quia præcipitat in abyssum. Apostoli verò principes dicti sunt: quia inter alios præcipui fuerunt. Vnde Propheta. *Constituam eos principes super omnem terram.* Principes verò, qui dicti sunt à præcipio, illi sunt, qui sedebant pro tribunali, vt de morte Martyrum præciperent. Christus verò, qui dicitur princeps à principio, Princeps Regum terræ est; qui de seipso dicit. *Ego principium, qui & loquor vobis.* Princeps igitur est, & maxime filiorum Gad. Cum autem filius vel generatione dicatur, vel imitatione; hic pro imitatione accipitur. Ipse igitur princeps est filiorum Gad. Gad accinctus interpretatur. Accincti ergo sunt, qui vel præcinctos lumbos habent, vel succinctos. Præcinctos lumbos habent virgines, succinctos post voluptatem continentes. Christus in cæna linteo præcinxit se, virgo enim fuit. Petrus tunica succinxit se; quia post matrimonium continens fuit. Siue ergo præcincti, siue succincti, omnes accincti. Omnis enim qui in agone contendit, accinctus est. *Non gloriatur*, ait Scriptura, accinctus æquè vt discinctus. Talium princeps est Eliphas. Eliphas Dei mei specula interpretatur. Est autem specula contemplationis, de qua dicit Isaias ad Baltassar. *Pone tibi mensam, & contemplare in specula.* Est & prælationis, de qua Ezechieli dicitur. *Speculatorem dedi te domui Israël.* Est & circumspectionis; vnde dicit Dominus Ieremiæ. *Statuo tibi speculam, pone tibi amaritudines.* Ponitur etiam, pro custodia: vnde Isaias. *Pone speculatorem: & quæcumq; videris, annuntia.* Est igitur Christus speculator; qui nisi custodierit ciuitatem, frustra vigilat, qui custodit eam. Vnde Samaritanus dicitur, id est custos. Propter hoc etiam in Daniele vigil vocatur. Caro igitur à Verbo assumpta, quasi specula fuit: quia Deus per fenestras hujus speculæ misericorditer mūdum respexit. Quia verò per ipsum plenam de Patre notitiā habuimus, bene filius Duel dicitur. Duel enim interpretatur notitia Dei. Quia igitur quæcumque audiuit à Patre nota fecit nobis, rectè dicitur filius Duel. Princeps ergo filiorum Gad Eliphas filius Duel obtulit acerabulum. Nulla fuit in eo necessitas, sed sola voluntas. Sola voluntate, non necessitate, nobis hoc beneficium contulit. Inde dicitur, *obtulit*, ne coactus ob-

Psalms. 145.

Psal. 118.

2.

Psalms. 44.

Iodan. 3.

Qui præcincti, quinquæ accincti.

3. Reg. 20.

Isai. 21.

Ezech. 3.

Ierem. 31.

Isai. 22.

Num. 7.

Num. 7. tulisse videatur. *Obtulit acetabulum.* Acetabulum dicitur vas, in quo ponitur acetum. Acetabulum inter vasa templi fuisse legi; sed ad quid ibi fuerit, me legisse non memini. Sed quoniam in passione Domino Iesu Christo propinatum fuit acetum, de quo scriptum est, *Et cum accipisset acetum, dixit, consummatum est;* bene corpus ejus acetabulum, id est vas aceti receptaculum fuit. *Obtulit* ergo non vacuum, sed *plenum simila.* Acetabulum ergo plenum simila obtulit, quia ejus conscientia sine fure malitiæ & nequitie fuit. De tali quippe simila fiunt azyma sinceritatis & veritatis. *Pascha*, igitur, *nostrum immolatus est Christus.* In istis azymis, hoc est, sine fure malitiæ & nequitie, sed in azymis de simila sinceritatis & veritatis, obtulit sacrificium. Sacrificium dicitur, quasi sacrum faciens. Verè nec fides vera, nec vita sancta, nec charitatis opus sanctos nos facere potuissent; nisi plenum simila hoc acetabulum Dominus obtulisset. Sed quia ipse patiundo de vita transiit ad mortem; resurgens verò de morte ad vitam: ideo nos & si compatimur, & conregnabimus. Si mortis per patientiam imitatores fuerimus: simul & resurrectionis erimus. Sicut enim in Christo omnes moriuntur, ita & in Christo omnes viuificabuntur. Moriamur igitur, & vita nostra abscondita sit in Christo: ut cum apparuerit vita nostra, tunc & nos appareamus cum ipso in gloria; ipso duce & præiio, qui cum Patre & Spiritu sancto viuit & gloriatur per omnia sæcula sæculorum, Amen.

Sermo. In Ascensione Domini.

Cantic. 2.



Quis est iste saliens in montibus, & transiliens colles? Nonne iste est filius saltus, quem pridie contemnebat Achis, quando saltabat, quando tympanizabat, quando impingebat in ostia portæ? Nonne ipse filius saltus, quem deridebat Michol filia Saül, quando ludebat & denudabat se coram arca Dei? Ipse est enim Adeodatus tenerrimus ligni vermiculus Bethleemites, polymitarius, manu fortis, vultu desiderabilis, speciosus forma præ filiis hominum, & formosus in stola sua, gradiens in multitudine fortitudinis suæ. Dicitur itaque filius saltus: quia de sinu Patris in vterum Virginis, de quo in mundum, de quo in patibulum, de quo in sepulchrum, de quo etiam in infernum saltus dedit, & concurrit, ut ad brauium perveniret. Scriptum quippe est, *Omnes quidem currunt, sed unus accipit brauium.* Quis vnus? De quo scriptum est, *Non est, qui faciat bonum; non est usque ad unum.* Cum enim alij cucurrissent viam mandatorum Dei, sicut Abraham obediens Deo, & reputatum est ei ad iusticiam: alij per viam justificationum, sicut Noë iustus, alij per viam veritatis, sicut Moyses inductus in omnem veritatem; nec tamen ad brauium pervenissent: iste compendiosorem & excellentiorem viam charitatis incedens, attingit à fine usque ad finem fortiter, & cucurrit velociter. Scriptum quippe est, *Nemo ascendit in cælum, nisi qui descendit de cælo.* Ergo solus descendit, sed totus ascendit. Vnde cum Iudæi statuerent eum in supercilio montis, ubi ciuitas eorum erat posita, ut præcipitarent eum, dedit ei rupes latibulam, qui usque hodie dicitur saltus

Domini. Sed sicut dicitur est, in saltibus supradictis deridebat eum Achis, & Michol: quia scriptum est, *Pradicamus Iesum Christum crucifixum, Iudæis quidem scandalum, Gentilibus autem stultitiam.* In Achis quippe Gentilitas, in Michol Circumcisio figuratur. Quis enim Gentilis Deum in vtero Virginis crederet coarctari? Quis esurientem, sitientem, labore fessum, quasi tympanizantem non erubesceret? Quis tandem impingentem in ostia portæ crederet, cum ad Patrem clamaret, *Eli, Eli, Lamma sabactani?* Et item, *Pater, si fieri potest, transat à me calix iste?* In his omnibus fides nostra stulticia Gentilitati videtur. Sed & ipsa Michol ludentem deridet: quia nisi ludo vanitatis ludere nesciebat, de qua scriptum est, *Sedit populus manducare & bibere, & surrexerunt ludere.* Nesciebat, nisi ludum iniquitatis, quo pueri Abner cum pueris Ioab ludebant; quo filius ancillæ cum filio liberæ. Neque enim cogitabat, quod sapientia Dei Patris, quæ erat ludens cum eo in principio primæ creationis per humilitatem etiam venit ludere in fine nostræ recreationis. Vnde scriptum est, *Ludam, & vilior fiam.* Similiter denudatus est pro nobis coram Ioanne in Iordane, ut vim regenerationis aquis tribueret: per quem exuti veteri homine, novum hominem induerent, qui secundum Deum creatus est. Secundò denudatus est ab homine, qui pellis gloria interpretatur: ut sic gloriam carnis deponens, tunicam Adæ pelliceam, & perizomata ficus deposita demonstraret. Tertio denudatus est à militibus, quando partiti sunt vestimenta ejus; ut nimiam dilectionem qua dilexit nps, nobis plenius insinuaret. Quarto resurgens denudatus est, quando sudaria sua deposuit, ut sic ad cælestes saltus se prepararet. Bethleemites factus, & polymitarius, qui in primis saltibus factus erat Adeodatus, & tenerimus ligni vermiculus: in omnibus & per omnia filius saltus. Descendens quippe à superioribus, Adeo-datus nobis à Deo perhibetur. Puer, inquit, *natus est nobis, & filius datus est nobis.* Qui tenerimus ligni vermiculus dicitur, quia de se ipse ait, *Ego sum vermis, & non homo.* Qui tamquam vermiculus absconditus in ligno fortitudinem suam in ligno crucis operuit. Scriptum est enim, *Cornu in manibus ejus: ibi abscondita est fortitudo ejus.* Qui propter hoc tenerrimus appellatur; qui Syrophenissæ tactum sentiens, ait, *Quis me terigit? Terigit me aliquis.* Verè tenerrimus, qui Mariæ Magdalene compatiens, eo quod nondum Spiritum sanctum ad robur acceperat, ait, *Noli me tangere. Nondum enim ascendi ad Patrem meum.* Ac si diceret, noli me tangere, id est noli me imitari: quia nondum ad Patrem meum, qui Spiritu ad robur missurus est, per quem crucem tuam bajulare poteris, & tangere me, id est imitari, accedi. Verè tenerrimus, quia vulgò dulcissimus tenerrimus vocatur. Vis audire signanter, quis vermiculus? Ipse est Thamis, cujus sanguine strutio vitrum fregit, ut fracto vitro sortum gaudens reciperet. Ipse est Thamis, cujus sanguine duritiam lapidum Salomon secari docuit & poliri. Quanta enim duritia est hominis, cum sanguinis hujus memoria non emollitur? Quis passionis memoriam ruminans, hostes spirituales non vincit? In mandibula quippe asini Samson noster hostes superavit. Asinus fuit, qui

1. Corin. 1.

Ethnici & Iudæi fidei mysteria derident.

Matth. 27.

Exod. 32.

2. Reg. 6.

Quoties Christus nudatus sit.

Isai. 9.

Psalm. 28.

Habac. 3.

Marc. 8.

Ioan. 20.

1. Reg. 10.

Fouea, in
quas cecidit
Adam.

Psal. 68.

Psal. 7.

Cor huma-
num asina
similitudi-
nem habet.

Matt. 26.

Psal. 118.

Indic. 1.

crucem in humeris portauit; qui onera peccatorum nostrorum sustinuit. Cujus mandibula, passionis memoria; quæ non solum hostes deuincit; sed etiam omnes voluntates nostras in omnem veritatem inducit. Hinc enim Saül Samuel ait. *Cum abieris à me hodie, inuenies duos viros iuxta sepulchrum Rachel, salientes magnas foueas, dicentesque; Inuenta sunt asina.* Qui sunt isti duo viri? Primus Adam cum corpore, secundus Adam cum corpore suo. Primus qui de terra est, terrenus est; secundus de cælo, cælestis. Prima autem fouea est profundum culpæ; secunda abyssus pœnæ. De prima legitur. *Non me demergat tempestas aqua, neque absorbeat me profundum: neque urgeat super me puteus os suum.* De secunda. *Lacum aperuit, & effodit eum: & incidit in foueam, quam fecit.* Primus Adam saltem fecit in foueam culpæ; secundus in foueam pœnæ. Saliunt ergo duo viri magnas foueas iuxta sepulchrum Rachel: videlicet cum charitate refrigescite, & abundante iniquitate, ejus speciem fallacia mentiretur, & innocentia sepeliretur. Isti duo viri asinas Cis inuenerunt: quia cordis humani duritiam in charitatis dulcedinem mutauerunt. Cis etenim durus interpretatur. Cujus asina quasi quædam cordis pigritia est, quia similitudinem asinæ habet cor humanum; quod numquam, nisi coactum, benefacit: & solum à vinculo subjectionis ludens insanit, vix bene cogitat, nisi pungatur timoris aculeo. Quod si timorem perdiderit, quasi lasciuens per cogitationes insanit. Propter hoc scriptum est. *Animum rege, qui nisi parui, Imperat; hunc frenis, hunc tu compesce carentis.* Sunt enim aliqui, qui voluntatem suam voluntati Dei supponunt, & quasi asinæ Christum voluntati suæ superponentes, Ierusalem visere intendunt. Imitantur igitur illum, qui dixit. *Pater, si fieri potest, transseat à me calix iste.* Veruntamen non quod ego volo, sed quod tu. Hæc asina chamo regitur, non calcaribus vrgetur. Sunt alij, qui asinæ suæ Balaam superponunt: quia rapaces & cupidi voluntates suas, non solum ad maledicendum populum Dei, sed etiam ad malefaciendum ei, voluntates suas supponunt. Hæc asina calcaribus vrgetur, non freno seu chamo regitur. Sunt alij, qui benefaciendi voluntatem habent, sed pusillanimes bonum quod appetunt, aggredi metuunt. Vnde dicere possunt. *Concupiuit anima mea desiderare iustificationes tuas in omni tempore.* Hi asinam suam Axæ filiæ Caleb supponunt: quæ suspirans ob terram sterilem, irriguum superius, & irriguum inferius, à patre requirebat. Quærebat eas in Salisa; si fortè Axæ ibi asinam inueniret: quæsiuit & in Salim, vbi fortè asina Balaam potuit inueniri: quæsiuit & in Suph, qui locus est apertissimus ad asinam Christi inueniendam. Suph quippe speculatio interpretatur. Et quid speculatio, nisi contemplatio? Per contemplationem enim voluntas hominis supponitur Christo. Quæritur ergo asina in Suph, sed non inuenitur. Aliter enim intuemur per speculum, & in ænigmate; aliter facie ad faciem. Sine idolis non recedit Rachel à Laban. Rachel contemplativam vitam designat, Laban mundum, idolum imaginationem. Vix enim animus ad contemplationem ascendit, sine mundi imaginationibus: sed cum scrutatur animum, quid ait? Secundum consuetudinem mulierum mihi accidit.

Ac si diceret: nihil verum, sed totum fragile & imaginarium est, quidquid de Deo animus comprehendit. Hinc est, quod Elias in ostio papilionis sui primò cum spiritum subvertentem montes, & conterentem petras conspiceret, secundò commotionem, tertio ignem, in nullo horum Dominum esse cognouit; quia non veritatem imaginis, sed veritatis imaginem esse cognouit: sed tandem in sibilo auræ tenuis esse perpendit: quia nulla imaginatio sibilum illum fuit subsecuta. Quando enim mens deficit in contemplatione, fide proficit: quia de Deo omnes negationes veræ sunt, affirmationes incomparatæ. Nec enim de Deo scire possum, quid est: sed scire possum, quid non est. Quæritur enim in Suph asina, & non inuenitur: id est quæritur in contemplatione mens Deo subjecta, & minimè reperitur. Asina verò Balaam quærenda est in Salim, quæ vulpes interpretatur. Est enim vulpes animal dolosum & malitiosum. Quicumque enim voluntatem suam auaritiæ subijcit: dolo & malitia augere pecuniam quærit: sed eam non inuenit; quia Crescit amor nummi, quantum ipsa pecunia crescit. Asina enim Axæ filiæ Caleb quærenda est in Salisa. Salisa quippe tertia vel triennis interpretatur. Qui enim voluntatem Deo subijcere satagit, cum pusillanimitas vel corporis à proposito mentem elidit, necesse est, ut ad illum semper mentis oculos erigat, de quo scriptum est. *Vinificabit nos post duos dies; in die tertia suscitabit nos.* Cum enim animus ad deuotionem suscitatur, suscitatur Deus in animo, sicut scriptum est. *Accedet homo ad cor altum, & exaltabitur Deus.* Vel quia triennis interpretatur, quæritur in Salisa; quando per verbum, quod à prædicatoribus seminatur in corde, vel per cogitationem nascitur sponte, Deus in animo per cogitationem quæritur, sed tamen non inuenitur: quia Deus in hac vita, sicut dictum est, cogitatione non comprehenditur. Veniendum est igitur ad salientes foueas. Sic enim Samuel ait. *Inuenies iuxta sepulchrum Rachel duos viros salientes magnas foueas.*

DESUNT RELIQUA.

In die Sancto Pentecostes. SERMO

SEPTIMO T vidi in medio septem candelabrorum, quasi filium hominis. Qui vult in Christo manere, debet sicut ipse ambulauit, & ipse ambulare. Ait enim. *Qui mihi ministrat me sequatur.* Qui ergo eum non sequitur, non ei ministrat. Sed quomodo eum qui lucem habitat inaccessibilem sequi potest, qui in tenebris est, & nescit quo vadat? Condensæ quippe sunt tenebræ, quæ sunt super faciem abyssi, id est mundi: de quo Sapientia ait. *Abyssus dicit, non est in me.* Hæc est abyssus miseriæ: quam invocatur abyssus misericordiæ. Inuocat, id est ad se vocat: ut vnus sit in ipsa. Inus vocat, quia per infusionem gratiæ vocat in voce cataractarum suarum: id est per vocem & prædicationem Apostolorum suorum, qui tamquam cataractæ cæli doctrinæ pluvias effuderunt. Necdum tamen recessit nubes caliginis, umbra mortis, cæcitas originalis culpæ vel actualis. Nam lauacrum regenerationis, etsi originalis pituitæ lauit sordes reatus: non tamen tergit albuginem actus. Remota

3. Reg. 19.

Quid de
Deo cognoscamus.

Ose. 8.

Psal. 63.

Apocal. 1.

Ioann. 12.

Job 28.

*Cecitas ca-
num quid
significet.*

quippe est per baptismum reatus molestia: sed non concupiscentia. Hæc igitur cæcitas in caligine cæci nati meritò figuratur: quia sermo divinus illos, qui non sunt renati per baptismum, ideo canes vocat: quia naturaliter cæci nascuntur, nec parentes agnoscunt. Actualis verò culpa perseverat quandoque reatu & non actu: quandoque reatu pariter & actu. Reatu & non actu; quia quamvis plerumque cesset actus, nō tamen reatus. Plerumque verò caligat mentis oculus, actu pariter & reatu. Et hæc passio solet accidere diversis de causis: quandoque per ignorantiam; quandoque per incuriam mentis malè custoditæ; quandoque per obstinatam malitiæ voluntatem; aliquando cupiditate temporalium; nonnumquam verò voluptate carnis: multotiens ex contemptu salutis. Persecutus est Paulus Ecclesiam Dei; sed per prædicationem Ananias ceciderunt ab oculis ejus tamquam squame; & visu recepto misericordiam Dei consecutus est, quia in ignorantia fecit. Captivus & vinculus ductus est Sedechias à Rege Babilonis: qui cum coram ipso filios occidisset, excæcavit eum; & hausto potu laxativo vitam finivit. Sic per incuriam mentis diabolus rex confusionis multotiens peccatorum funibus ita mentem trahit, ut ex sciente & intelligente, per violentam tentationem virtutes occidat. Post hæc ita rationis oculos excæcat, ut captivus sponte captivantem sequatur: nec liber dimitti veller, etiā si diabolus ipse manum retraheret. Tandem laxativū potum recipit, quia in mentem traiecit omnis dissimulationis fluxum: ut quicquid in mentem, tamquam in ventrem, venerit, foras eiciat, & ad omnem peccati foetorem laxetur. Sed & Moyses cum coram Pharaone multa signa fecisset: nec recipere veller Pharaon disciplinam, ut juxta Dei mandatum, populum suum dimitteret; factæ sunt tenebræ super terram Egypti, tam densæ, ut palpari possent. Signum fuit hoc obstinationis eorum. Verè siquidem excæcari meruerunt, & cæcati sunt: qui contra tot & tanta signa pertinaces fuerunt. Tobias quoque calido stercore hirundinis legitur excæcatus. Hirundines sunt viri sancti, qui contemplationis volatu vitam acquirunt: quorum stercore temporalia sunt, quæ, ut Christum lucri faciant, arbitrantur ut stercore. Hoc hirundinis stercore calidum Tobias oculos excæcavit; cum feruenti temporalium cupiditate tactus, filium suum apud Reges civitatem Medorum peregrinari misit. Vnde mater dicebat. *Vitam numquam fuisset pecunia*, &c. Samson verò, qui prius nervicis funibus teneri non potuit, postea voluptate carnis adeo fuit enervatus, ut à muliercula tentus, excæcetur. Sanguis etiam ille, qui peccatorum stolas lauat, genas ornat, qui coceino nivis, vermiculo lanæ reddit candorem: cum in effusione sua petras scinderet, terram moveret, monumenta aperiret, cælestia concuteret elementa: factus est niger, quasi saccus cilicinus: quia Solis justitiæ tumpebatur saccus. Occultabar Sol visibilis illuminatum splendorem: quia sol justitiæ abscondebatur illuminatorem. Filij siquidem hominum diligentes vanitatem, & quærentes mendacium, à veritate alieni, mentiti sunt filio Dei; dum lacum mortis aperientes & effodientes, ceciderunt in foveam quam fecerunt. Volentes siquidem vitam perdere, vitam perdidērunt:

volentes lucem extinguere, cæci facti sunt. Propter hoc ergo tenebræ factæ sunt; quia veritatis lucem, & in luce veritatis esse, contempserunt: ut scriptum est. *Filios enutrivit & exaltaui: ipsi autem spreverunt me.* Ecce tot causis hæc abyssus miseriæ caligatur. Propter hoc præcepit legislator, imò Dominus per legislatorem, ut accenderentur in tabernaculo Dei septem lucernæ, quæ super septem calamos unus candelabri ponerentur. *Facies*, inquit Dominus, *candelabrum ductile de auro purissimo: bastile ejus, & calamos Cyphos & sphaulas. Sex calami egredientur de lateribus; tres hinc, & tres inde.* Quid enim in candelabro; nisi vniuersalis Ecclesia figuratur: cujus vniuersitas per septenarium calamorum exprimitur: Nam quod lex per septem calamos, Ioannes per septem candelabra præfigurat. Ait enim. *Et conuersus vidi septem candelabra aurea. Et paulo post. Septem candelabra, septem Ecclesia sunt.* Quas tamen nominatim sub septem Ecclesijs quæ sunt in Asia, prosequitur: scilicet Epheso, Pergamo, Thyatira, Smyrna, Philadelphiam, Laodiceam, Sardis. Vni siquidem est vniuersalis Ecclesia, sed multæ particulares: cujus caput est aurum optimum. Caput siquidem Ecclesie Christus; qui aurum purissimum dicitur, eo quod ipse est sapientia Patris; qui naturam nostram sine culpa suscepit: Quod ductile fuit: quia tam in capite, quam in membris suis; id est in Martyribus per passionis contumelias, in Confessoribus per tentationis angustias, ad immortalitatem profecit. Habebat autem candelabrum sphaulas, Cyphos, & Lilia. Scyphos in prædicatoribus; quoniam ipsorum est, vinum vel germinante virgines, vel lactificante cor hominis, corda fidelium debriare sphaulas in contemplatiuis, Lilia in mundis & incoquinatis. Quia verò Scyphi in modum nucis fuisse dicuntur, aliquid ad nucis similitudinem habere tenentur, qui verbo & exemplo alijs præesse videntur. Habent enim in exteriori testa, quod frangi debet per abstinentiam: habent extrà corticis amaritudinem, quæ tolerari debet per patientiam: habent & nuclei dulcedinem, spem salutis: quæ dulcorat animum per deuotionem. Quod autem tres Scyphi, vel tres Sphaulæ, vel tria Lilia per singulos calamos fuisse perhibentur: hoc figurat, quod prædicatorum, qui verbo & exemplo alios inebriant, huius esse debent discretionis, ut sciant discernere, quæ quibus debeant prædicare. Sunt enim aliqui, qui solo textu historiarum sunt contenti: alij in fide per allegoriam imbuendi: alij verò motibus per tropologiam ædificandi. Ergo spiritualibus spiritualia, carnalibus carnalia sunt comparanda. Sphaulæ quoque ad hoc tribus locis ponuntur in calamis, ut sciant contemplari, quæ secundum rationem, quæ præter rationem, & non contra rationem; quæ præter rationem & contra rationem, considerata sunt. Secundum enim rationem dicuntur, quæ simpliciter possibilia sunt: præter rationem & non contra rationem, quæ dicuntur possibilia Deo; præter rationem, & contra rationem impossibilia. Nam sicut possibile, sic impossibile tria sunt genera. Est enim possibile secundum inferiores causas, & cursum naturæ; ut cum nascitur homo de homine, bos de bone. Et est possibile secundum consuetudinem, & causas superiores; ut animas infundi corporibus. Et

Exod. 25.

*Candelabrum
designatur
Ecclesia.*

Apostol. 1.

Act. 25.

4. Reg. 25.

*Ut peccato-
res in pro-
fundum
ruant.*

Exod. 10.

Tobia 2.

Tobia 5.

*Quæ secun-
dum, quæ
preter, vel
contrario
nem sint
possibilia.*

est possibile secundum causas superiores, & per gratiam, non secundum naturam vel consuetudinem; ut primam gratiam infundi, & hominem sine meritis à peccato purgari: quod non dicitur simpliciter possibile, sed possibile Deo. Similiter impossibile est aliquod præter rationem, sed non contra rationem: ut quædam, quibus fit regressus à privatione ad habitum, ut sanitas ægro, illuminatio reddita cæco. Aliud præter naturam, & contra naturam; cui circa impotentiam naturæ divina gratia non supplet; ut truncum fieri vitulum. Aliud contra naturam; circa quod impossibile naturæ, diuina suppleuit autoritas: ut virginem peperisse, Lazarum suscitari, & huiusmodi. Similiter & Lilia tribus locis erant in calamis: quia munditiæ candor non solum attenditur circa virginalem integritatem, vel continentiam vidualem, sed etiam circa pudicitiam conjugalem. Quod in illo calamo, qui medium locum tenebat quatuor locis, hæc omnia continebantur: designatur, quod ille qui caput est Ecclesiæ, Mediator Dei & hominum, hæc omnia supra mensuram aliorum habuit: cui data est gratiæ plenitudo, ultra omnium mortalium mensuram. Hoc enim quaternarij quadratura significat. Super istos septem calamos, ut illuminaretur Ecclesia Dei, præcepit Moyses septem lucernas accendi: quarum prima est verbum Dei: lucerna, quam tenebræ comprehendere non potuerunt: de qua dictum est. *Lucerna pedibus meis verbum tuum.* Lucerna quippe dicitur, lux in testa: lux autem in testa, Deus in carne. Ipsum ergo Verbum Dei est lumen verum: lumen ad revelationem Gentium, & gloriam plebis Israël. Est & sermo Propheticus lucerna, quæ Ecclesiam illuminat: de qua dicit Petrus. *Habetis Propheticum sermonem: cui vos intendentes, tamquam lucerna lucenti in caliginoso loco, benefacitis.* Et dicitur lucerna, spiritualis intellectus sub testa literæ. Sunt etiam exempla Sanctorum, quæ diuersis modis Ecclesiam illuminant. Vnde Dominus discipulis ait. *Vos estis lux mundi.* Et alibi. *Sic luceat lux vestra coram hominibus; ut glorificent patrem vestrum, qui in cælis est.* Hinc est, quod Ioannes, quo inter natos mulierum nemo major surrexit, dictus est lucerna ardens & lucens. Prædicatio quoque veritatis Ecclesiam Dei illuminat: quia ipsa lucerna est, quam mulier sapiens accendit, ut dragmam perditam inueniret. Dragma perditæ subtractio gratiæ spiritualis est: lucerna accensa prædicatio veritatis. Per prædicationem quippe veritatis datur non habita, & inuenitur perditæ gratia spiritualis: illuminatur etiam oculus rationis, de quo dictum est. *Lucerna corporis tui est oculus tuus.* Vnde & æthereo cælo, in quo sunt luminaria, ratio comparatur. Sunt quoque sanctorum miracula, quæ mentes fidelium illuminant: tunc maximè, cum carnis mortificatio, & fidei sancta confessio, miracula comitantur. Hæc siquidem sunt lampades Gedeonis, quæ apparuerunt in confractione lagenarum, & clangore tubarum. Clangor tubæ manifesta veritatis confessio: confractio lagenæ carnis mortificatio: manifestatio lampadarum coruscatio miraculorum. Et quis ejus exemplo non illuminetur: qui carnem mortificat, spiritum roborat, miraculis coruscet? Super omnia tamen, & ante omnia peccatorum oculos debet aperire, totiusque negligentiae

tollere cæcitatem, iudicis sapientia, futurique iudicii severitas; quæ nec fallitur, nec falli vult, aut poterit, cum scrutabitur Ierusalém in lucernis. Hæc autem lucernas accendere debent & supponere candelabris Angelis septem Ecclesiarum: quæ vel in candelabris, vel in calamis, ut dictum est, figuratur. Septem autem Angelos, septem Ecclesiarum prælatos intelligo, qui secundum septem ordinum gradus, Ecclesiæ gubernandæ statuti sunt. Quia enim Ephesus voluntas siue consilium interpretatur, in Angelo Ephesi divinæ voluntatis, siue consilij divini nuntius figuratur, id est ordo Lectorum: qui ad hoc ordinantur in Ecclesia, ut legendo & legem manifestando, nobis aperiant consiliū & voluntatem divinam. Vnde dicitur eis, cum ordinantur. *Accipite & estote verbi Dei relatores; habituri, si fideliter & utiliter impleveritis officium vestrum, partem cum iis, qui verbum Dei ministraverunt.* In Angelo Pergami, ordo figuratur Exorcistarum. Pergamus enim dissipans cornua interpretatur. Recipiunt enim, cum ordinantur, potestatem dissipandi cornua peccatorum; de quibus dictum est. *Et omnia cornua peccatorum confringam.* Vnde cum ordinantur, traditur eis exorcismus, & dicitur. *Accipite & commendate memoria, & habetote potestatem imponendi manus super energumenos, sine baptizatos, sine Catechumenos.* Per Angelum verò Thyatiræ, Acolitorum ordo figuratur: qui primò illuminati, alios illuminare tenentur. Vnde & ceroferarij dicuntur: Thyatira verò illuminata interpretatur. Nam cum isti ordinantur, dicitur eis. *Accipite ceroferarium cum cereo, ut sciatis vos ad accendenda luminaria Ecclesiæ mancipari.* Subdiaconi, qui & Natiq̃i dicti sūt, ab illo Nathanaële, de quo scriptum est, *Ecce verè Israëlita in quo dolus non est,* in Angelo Laodiciæ figurantur: eo quod Laodicia, tribus amabilis Domini interpretatur. Et verè amabilis Domini Nathinæus, & sine dolo: si fideliter impleverit, quod ei ab Episcopo iungitur, cum dicitur. *Videte, cuiusmodi ministerium vobis traditur: & ideo si usque nunc tardis fuistis ad Ecclesiam, à modo debetis esse assidui, &c.* & tandem in fine. *Ideo vos admoneo, ut vos ita exhibeatis, ut Deo placere possitis.* Ac si dicat Episcopus. Ideo vos admoneo, ut ita vos exhibeatis, ut Angeli Laodiciæ sitis. Quia verò diaconorum officium est, pronuntiare in Ecclesia Evangelium Dei: bene per Angelum Smyrnæ eorum ordo figuratur: quia Smyrna canticum interpretatur. Nam cum multa cantica legimus; illud tamen singulariter canticum debet dici, per quod sponsam suam, cælestis sponsus osculatus est osculo oris sui. Sacerdotes verò, qui ad hoc ordinantur, ut sint animarum medici spirituales; quoniam illos qui Domino volunt adhaerere, curare tenentur spiritualibus antidotis: alios per dulcem exhortationis potum, alios per amarā pœnitentiæ potionem: meritò Sacerdotij gradus per Angelum Philadelphię figuratur: quæ Philadelphia salvans hærentem Domino, interpretatur. In istis igitur sex gradibus, officij, non dignitatis ordo attenditur: in septimo officium pariter & dignitas commendatur. Hic est ordo Pontificum, qui loco Apostolorum constituti sunt principes super omnem terram: id est super universalem Ecclesiā. Vnde & eorum ordo, bene per Angelum Sardis desi-

Tribus li-
lis triplex
continentia
designatur.

Psal. 118.

2. Petri 1.

Matt. 5.
Ibidem.
Ioan. 5.

Multa sūt,
quæ spiritua-
liter lucer-
ne dici pos-
sunt.

Verba quibus ordi-
natur Lecto-
res.

Psal. 74.
Exorcistu.

Acolyiti.

Subdiaconi.

Diaconi.

Sacerdotes
animarum
medici.

Episcopi

gnatur: qui Sardis Princeps interpretatur. Isti sunt Angeli, qui tubis, quas habebant in manibus, cecinisse feruntur. Tubas autem habere in manibus, est prædicationis verbum magis operis exemplo, quam doctrinæ verbo demonstrare: ne de illis sint, qui dicunt & non faciunt: sed sicut scriptum est. *Vorbum, quod factum est in manu Aggei Prophete.* Verbum quippe Dei in manu Aggæi fuit, qui mandatum Dei opere complevit. Canit autem tubis, qui ea, quæ cōplet opere, prædicat ore; sicut scriptum est. *Fili bibe aquam de cisterna tua: & fontes putei tui dirinentur foras.* Et bene per tubam prædicatio figuratur: quia sicut in bellis tubæ sonus hostes cogit ad fugam, amicos hortatur ad pugnam, hostes quidem timidos, sed fideles reddit animosos: ita prædicatio verbi Dei & terrere peccatores comminationibus debet, & benevolos promissionibus exhortari. Et sicut tuba in ore solet esse larga, largior in manu, ultra manum verò largissima: ita & prædicatio clara debet esse verbo, clarior opere, affectu verò debet esse clarissima ante Deum. Quia verò prædicatio fulciri debet, vel per manifestas rationes, vel per testimonia Scripturarum; aliter enim ea facilitate deberet respui, qua proferri, debent Angeli diuersis tubis canere, secundum diuersas rationes, vel diuersas auctoritates scripturarum. Est enim tuba corticeæ vox ænigmatica Prophetarum: tuba decorticata patens veritas Evangelistarum: tuba cornea prædicatio Doctorum; tuba carnea prædicatio facta per Filiū incarnatum: ut scriptum est. *Multi phariæ multisque modis, olim loquens Deus Patribus in Prophetis, nonissimè locutus est nobis in filio.* Tuba aurea, vox ipsius patris, qui ait. *Hic est filius meus,* &c. Et iterum. *Et clarificauit, & iterum clarificabo.* Tuba verò argentea vox Angelorū. Tuba verò ærea, quā vocat Apostolus nouissimam, designat: quæ ideo ærea dicitur: quia inflexibilis erit, & irrevocabilis diffinitiva sententia, qua dicetur, vel bonis, *Venite benedicti,* vel malis, *Ite maledicti.* Propterea multæ prædicatorum voces Spiritum sanctum attrahunt per deuotionem, & os aperiunt in prædicatione. Vnde Psalmista. *Os meum aperui & attraxi spiritum: quia mandata tua desiderabam.* Attrahit quippe prædicator oratione, deuotione, bonis meritis, quandoque spiritum timoris: & os suum aperit ad vocem iudiciorum Dei, quæ fiet super aquas: id est super illos, qui more fluentis aquæ defluunt ad præcipitia voluptatis. Quandoque attrahit sibi spiritum pietatis; & os suū aperit ad vocem exercitationum: & hoc in virtute, id est per virtutem miraculorum: ne desperent, quos per timorem iudiciorum increpauerat: cum non sit illius manus abbreviata, qui Lazarum suscitauit, & Petrum lachrymantem respexit. Plerumque verò attrahit sibi spiritum scientiæ; & os suum aperit ad vocem mātatorum: & hoc in magnificentia; quia docet quomodo magnificè sciamus secundum Dei mandata conservari rectè, in medio nationis huius prauæ & perversæ. Multotiens attrahit sibi spiritum fortitudinis; & os suum aperit ad vocem comminationū, quæ confringit cedros, nec simpliciter cedros, sed cedros Libani. Prædicat enim audacter illius comminationes, qui destruet spiritu oris sui, vel illos, qui cum venerint in profundū malorū contemnunt: vel eos,

qui de meritis suis superbiunt & gloriantur. Illi sunt simpliciter cedri, isti verò cedri Libani. Aliquotiens verò sibi attrahit spiritum consilij, ut aperiat os suum ad spirituale consilium: per quod interciditur flamma ignis, id est consensus, actus, & consuetudo peccati: quam quidem Dominus non extinguit sed interrumpit, id est intercidit: ne ignis, id est fomes peccati veniat usque ad consensum. Quandoque sibi attrahit spiritum intellectus, & os suum aperit ad vocem justificationum: ut concutiat desertum, & desertum Cades. Prædicat enim secundum datum spiritum intellectus, quomodo per contritionem cordis, per confessionem oris, per penitentiam laborem, justificantur animæ, quas desertas à Deo peccata fecerant: quæ vel numquam bonæ fuerant, vel post obseruantiam mātatorum à sancto legis recesserant. Primi quidem simpliciter deserta dicuntur: secundi vero deserta Cades. Cades quippe sanctum legis interpretatur. Nonnumquam verò attrahit sibi spiritum sapientiæ, & aperit os suum ad vocem promissionum; ut præparet ceruos ad reuelationem condensorum. Cerui quippe sunt viri sancti, qui venenosas malignorum spirituum repellunt & superant immissiones. Condensa verò sunt cælestis multitudo dulcedinis: de qua dictum est. *Quam magna multitudo dulcedinis tue Domine: quam abscondisti timentibus te.* Et iterum. *Oculus non vidit Deus absque te, quæ preparasti diligentibus te.* Ad hanc multitudinem dulcedinis præparat ceruos Dei per vocem promissionum, quando proponit eis requiem sine labore, gaudium sine merore, sine conflictu victoriam: sine defectu gloriam sempiternam. Amen.

Psalm. 30.

Isai. 64.

S E R M O. De Sanctissima Trinitate.



U M verba Philosophorum ampullosa, & ineptas eorum, qui magna loquuntur de minimis, verborum phaleras, quorumdam fidelium corda pulsare viderem, meam cum cæteris motu capitis & narium contractionem volens imperitiā consolari, vinebam, fateor, Pharizum, dicens intra me. Si isti fidei promissum non irritassent, scirent utique, cujus, & qualis est scientia, quæ tangit eos, quia peccatoris est. Sed quid in hoc mihi displicuit, nisi Christus loquens Samaritanæ mulieri? Aquam quippe mulieris non sitiebat, ut ei deficeret, sed ut bajulam suam meliore fonte reficeret, quæ prius portantis humeros onerabat. Viuentem igitur in se, velut in speculo mirabilium Dei debet imaginem iustus proponere, ut gravidas aquis hydrias vinum faciat cœnantibus parturire. Ad hoc enim cibum Sareptanæ mulieris Elias suscepit, ut cujus manus vix farinæ pugillum invenerat, oleum in lecytho, & farinam in hydria indefinenter postmodum possideret. Sic solis ciuitas lingua Chanaan loquitur; & Abraham inter Chananæos diues efficitur. Sic ut videat, prout viderat juxta fluvium Chobar, Ezechiel in campum egreditur; & oleaster insertus in olivis pullulat, fructificat, & fecundatur. Sic aurea vasa furamur Egyptijs; sic Hebræo servit profelytus abscissis vnguibus & rasis capillis. Sic sibi copulat Moyses Æthiopissam, Osce meretricem. Vnde in Deuteronomio scriptum est.

3. Reg. 17.

Isai. 19.

Genes. 13.

Ezech. 3.

Ethnicorū
doctrinā
deserunt
fideles.

Deut. 21.

Si egressus fueris ad pugnam contra inimicos tuos, & tradiderit eos Dominus Deus tuus in manus tuas, captivusque duxeris, & videris in numero captivorum mulierem pulchram, & adamaveris eam, voluerisque eam habere uxorem, introduces in domum tuam. Quae radet casariem, & circumcidet ungues, & deponet vestem, in qua capta est; sedensque in domo tua flebit patrem & matrem suam uno mense, & postea intrabis ad eam, dormiesque cum ea, & erit uxor tua. Egressi sunt namque ad pugnam Doctores Ecclesiastici contra inimicos suos, cum armati gladio spiritus, quod est verbum Dei, ad subvertenda mundanae sapientiae dogmata processerunt. Arma,

2. Cor. 10.

Doctrina Ethnicorum mulieri pulchra comparatur.

inquit Apostolus, militia nostra, non carnalia, sed potentia Deo, ad destructionem munitionum, consilia destruentes, & omnem altitudinem extolentem se adversus scientiam Dei, & in captivitatem redigentes omnem intellectum in obsequium Christi. Quia ergo tradidit Dominus hos inimicos nostros in manus servorum suorum, viamque fecit in mari equis suis, in luto aquarum multarum: in numero captivorum pulchra mulier adamat, cum in scriptis peregrinis aliqua utilis doctrina, quae placeat, reperitur. Quam si quis ex nobis ducere velit uxorem, domesticamque sibi facere, non prohibetur; si tamen puella rasa casariem, & circumcisis unguibus deponat vestem in qua capta est: sedensque apud nos flet patrem & matrem suam uno mense. Raditur quippe casariem, & unguibus circumciditur, cum siquid apud eam superfluum est, refectatur. Vestem deponit, in qua capta est, cum tumoris nudatur superficie, qua apud progenitores tota vestiebatur: qui utique dicentes se sapientes, in doctrinis suis magni sibi videbantur, nec humiliter loqui noverant, etiam quae veraciter sentiebant. Sub alio ergo habitu introducit ad nos mulier ista: cum eorum dicta utilia sine supercilio legimus, & cum sobria gravitate proferimus. Sedens tamen apud nos flet patrem & matrem suam, eos videlicet, à quibus edita est: cum legentes, ut rantorum virorum perditionem doleam, ad misericordiam flebit. Sic enim dici solet lata epistola, quae lantos facit, & fovea caeca, quae intus deprehensis visum subtrahit. Et Spiritus sanctus postulare pro sanctis dicitur; quia quos repleverit, postulantes facit. Sic quoque & haec mulier plangit apud nos parentes suos, cum plangere nos compellit; & ea stimulante, quorum miramur ingenium, dolemus exitium. Per mensem verò, in quo lunae cursus completur crescendo & decrescendo; humanae vitae mutabilitas designatur. Mense autem integro deflentur, qui cum nihil umquam egerint, per quod iram evaderent sempiternam, tota vita sua steriles fuisse planguntur. Non praeteribo, qualiter beatus Augustinus in libro de doctrina Christiana huic nostro sensui conveniat: docens, mulierem ex hostibus captam, & in matrimonium posse recipi, & tamen de progenitorum salvatione non posse praesumi.

Augu. e. de Doctrina Christi. c. 17.

Quisquis, ait, bonus versique Christianus est, Domini sui esse intelligat, ubicumque inveniit veritatem, quam conferens & agnoscens etiam in literis sacris superstitiosa figmenta repudiet: doleatque homines, qui cognoscentes Deum, non ut Deum glorificaverunt, aut gratias egerunt; sed evanuerunt in cogitationibus suis, & obscurati sunt insipientes corde. Dicentes enim se esse sapientes, stulti facti

sunt. Puto in his verbis satis apparet, apud mulierem captivam, videlicet apud Philosophorum doctrinam, cum in nostrum conjugium transit, quae sit unguium circumcisio, ratio capillorum, dum superstitiosa repudiantur figmenta: quis sit etiam parentum luctus, dum dolemus homines, qui cum diuino munere ad ipsius divinitatis notitiam sint assumpti, propter superbiam tamen ad insipientiam sunt redacti. Quid igitur aliud agit servus Dei, cum sensus mysticos de libris Philosophorum conservis elicit; quam si aquam de petra, & oleum de saxo durissimo nobis propinet? Si scilicet artibus uti voluerit, ut non fruatur eis, à labore suo confundi non poterit: quia tanta erat gloria Cherub, ut sonitus alarum ejus audiretur etiam in atrio exteriori. Neque enim propter se debent diligi; quia congruum non est ipsis frui: sed quod bonum sit uti, probat autoritas, docet ratio, monet opus, cogit necessitas. Amulari siquidem pro ut possumus opera Christi, nec duntaxat bonis, sed etiam malis rebus debemus bene uti. Omnia enim nostra, nos Christi, Christus verò Dei. Et ut de necessitate aliquid differamus; scire debemus, quia sine rerum & vocum significatione nemo perfectè Theologus esse potest. Ceteras siquidem artes in hoc Theologia praecellit; quod voces sine rebus, vel res sine vocibus significant. In ista verò non tantum voces, sed etiam res significativae sunt. Proprietas autem vocum in duobus consistit, in prolato & significatione. Prolatio ad Grammaticam, significatio ad Dialecticam, utraque verò spectat ad Rhetoricam. Similiter & rerum significatio in duobus consistit, in forma scilicet & natura. Forma, quantum in exteriori dispositione; natura, quantum in interiori qualitate. Forma ergo in quatuor agnoscitur; in numero, in mensura, in proportionem & motu. Numerus ad Arithmeticam, mensura ad Geometriam; proportio ad Musicam, motus ad Astronomiam; nam natura spectat ad Physicam. Cum igitur Deus, quod esset, & quid esset, vel non esset, mundo palam facere dignaretur; in attributis suae cognitionis primordia praebauit: ut in ipsis cognosceret eum per rationem, qui nondum meruerant per inspirationem. Nam rationem dedit Deus cunctis. Sed qualiter in istis per rationem cognitus sit, videamus. Duobus modis Deum cognoverunt Philosophi per rationem; vel in ijs quae erant in se, vel in ijs quae erant extra se. Unde Apostolus de illa cognitione, qua cognoverunt Deum in se, dicit.

Quod cognitum Dei, manifestum est in illis, Deus enim illis revelavit. Quod cognitum est, inquit,

Rom. 1.

Dei. Non enim plenè cognitus est Deus, sicut nec totus ignotus. Non enim plenè cognosci voluit, ut fides haberet meritum: nec totus abscondi, ne infidelitas inueniret locum: & sic manifestum est in illis. Non ait, illis, ut de cognitione, qua cognoverunt Deum extra se, dicit. Invisibilia mundi à creatura mundi, per ea quae facta sunt intellecta conspiciuntur. Sed quia cum Deum cognovissent, non sicut Deum glorificaverunt, aut gratias egerunt; ideo evanuerunt in cogitationibus suis: & dicentes se esse sapientes, stulti facti sunt. In ijs itaque quae erant extra se, cognoverunt Deum quibusdam probabilibus & necessarijs argumentis; in quibus summae Trinitatis apparet vestigium, non proba-

Servi Dei ex libris Philosophorum sensus mysticos eliciunt.

Deus nec plenè cognitus, nec totus absconditus. Ibidem.

biliter tantum, sed necessario probatum: sicut in illa geometrica propositione demonstratur aperte; quæ sic proponitur illis, qui sibi vendicant hanc artem. Ex data recta linea triangulum æquilaterum constituere. In quo nobis primo considerandum est, quid & quomodo probare nititur; & ex quibus infert, quod probatur. Ex proposita siquidem linea, quam nullius argumentationis ratio probauerat, sed forte sine medio de medio facta quasi per se subsistens, tales & tali modo sibi petit lineas ordinari, ut ab æqualitate primæ non discrepent: & matrem omnium figurarum, triangulum loquor, constituent. Omnibus siquidem figuris dignior triangulus invenitur, qui quadrati vel circuli, vel figuræ cuiuslibet rationem probat. Nam in propositione proposita non triangulus, sed trianguli linearum æqualitas in circulis comprobatur: ut cuiuslibet trianguli rectum vel acutum, vel obtusum angulum proponentis differentia dignoscatur. Nam æquilaterus triangulus sicut lineas, sic angulos præterit æquales. Sed nunc sacramentum trianguli videamus. In triangulo tres lineæ sic æmulantur unitatem, & ad invicem uniuntur & accedunt ad se, ut fiat illis simile esse. Vnde talis est in eo singularitas, ut nec augeri, vel minui, nec subtrahi quidquam possit ab eo: alioqui vel circulos, quibus probatur, excedit, siquid augeatur: vel ad circumferentias non perveniet, siquid minuat; vel totus destruetur, siquid subtrahatur. Talis tamen in lineis pluralitas comprobatur, ut hæc non sit illa, vel tertia, vel converso; alioqui non esset æquilaterus, cum nihil sit illud, cui est æquale: sed est unus aperte triangulus ille sine divisione trinitatis, trinus vero sine confusione unitatis. Non est enim in eo singularitas imperfecta, nec pluralitas superflua: quia nec imperfectionem ostendit in lineis, cum nihil minus habeant singula; nec superfluum geminationem in toto, cum nulla sint ibi imperfecta. Vnde patet, quod nulla est ibi partium dissimilitudo; non est etiam ibi collectio diversorum, quia non est turba. Non enim hoc vocabulum. *Triangulus*, nomen est collectivum: alioqui grammaticè diceretur, *trianguli sunt*. Nec est ibi membrorum corporea compositio, quia non est corpus. Si enim corpus esset, constaret ex superficiebus. Probatur autem sic linearum æqualitas. Proposita lineæ quæ vocetur a, talis circumducatur circulus, cuius finem circumferentia tangat, & centrum in capite ponat. Addatur etiam & secundus, in quo ratio conversa discernatur, & vocetur b, & à capite datæ lineæ protrahatur secunda linea ad locum ad quem circuli conveniunt, quæ vocetur c, & probatur secunda à prima hoc modo. A & b à centro ad circumferentiam procedunt. Ergo b est æqualis a. Tertia vero, id est c, à prima & secunda probatur quadam argumentatione, quam Logici vocant à primo, ad ultimum, hoc modo. A est æqualis b, quia hoc jam probatum erat. Sed a est æqualis c, quia à centro veniunt ad circumferentiam. Ergo b est æqualis c. Hoc autem totum dixi, ut scias, quod prima linea à nulla probatur; secunda à prima; tertia vero probatur ab utraque. Sed quando aliqua figura ab alia probatur; quid aliud quæ esse suam contrahit ab illa, per quam sic esse, sicut est, comprobatur? Sed jam superest, ut ve-

ritatem signi signo veritatis comparemus. Sicut in triangulo pluralitatem in lineis, singularitatem in figuræ, sic in summa Trinitate & unitatem in substantia, & Trinitatem in personis cōfitemur. Sicut nec addere, nec augere, nec minuire triangulo debere aliquid diximus: ita nec summæ Trinitati. Augemus enim, si Patrem majorem dicimus, quam Filium, vel Spiritum sanctum. Minuimus, si Filium minorem, quam Patrem vel Spiritum sanctum, dicamus. Subtrahimus autem, si unam tantum personam, & non tres personas credamus. Pluralitatem vero sicut in lineis, sic in personis assignamus. Sicut enim a non est b, vel c: nec b, a vel c: nec c, a vel b; ita Pater non est Filius, vel Spiritus sanctus; nec Filius Pater vel Spiritus sanctus; nec Spiritus sanctus Pater vel Filius. Et sicut lineæ æquales sunt ad invicem, ita & personæ. Qualis enim Pater, talis Filius, & Spiritus sanctus, & est converso. Sicut autem hæc compositionem membrorum corpoream, nec dissimilitudinem partium, nec collectionem diversorum, illic esse demonstravimus; sic profecto nec ibi: quia Sancta Trinitas nec est turba, nec corpus, nec imperfectionem in personis, nec superfluum geminationem habet in toto: sed est Deus unus sine divisione Trinitatis, trinus sine confusione unitatis. Sicut vero prima linearum à nulla, secunda à prima, tertia ab utraque: sic prima personarum, id est Pater, à nullo; secunda vero, id est Filius, à Patre; tertia autem, id est Spiritus sanctus, ab utroque. Sicut autem æqualitas trianguli ex duobus circulis sic ad invicem ordinatis, ut alter in alterius medio collocetur, sic & Sanctæ Trinitatis veritas ex duobus testamentis, (quorum alterum in altero intelligitur,) novo scilicet & veteri, comprobatur; quorum dispositionem Ezechiel contemplantus, ait. *Er erat rota in medio rote. Rotam autem in medio rote esse, est unum testamentum intelligi in altero. Ad Trinitatem igitur comprobendam de primo testamento, quasi de primo circulo, potest hoc argumentum adduci, Psalmista docente. Verbo Domini cæli firmati sunt; & Spiritus oris ejus omnis virtus eorum.* Per Verbum Filium, per Dominum Patrem, per Spiritum oris ejus Spiritum sanctum significare debemus. Sed quoniam per Filium & Spiritum sanctum, sicut per Patrem, cæli, & omnis virtus eorum, firmati sunt, patet in personis æqualitas. Singularitatem vero substantiæ ejus testamenti labor probat Dominus. *Audi Israël, Deus unus, Deus unus est.* De secundo vero testamento, quasi de secundo circulo, ipsa veritas eandem pluralitatem probat, præcipiens discipulis, & dicens. *Ite, baptizantes in nomine Patris, & Filij, & Spiritus sancti.* In nomine, ait, non in nominibus: ut ostendat unum nomen esse Patris, & Filij, & Spiritus sancti. Sed & apertius personarum pluralitas ostensa est; ubi baptizato Domino Spiritus sanctus in similitudinem columbæ super eum descendit; & vox Patris audita est, *Hic est Filius meus dilectus.* Substantiæ vero singularitatem ipsa etiā veritas comprobat dicens. *Ego & Pater unum sumus.* Huic nostræ assertioni illud ineffabile nomen quod tetragrammaton vocant, eo quod ex quatuor cōstet figuris, videlicet, *jod, he, van, he*, apertissime suffragari videtur. Nam literæ istæ simul conjunctæ nomen unum efficiunt, quod essentiam di-

triangulus
S. Trinitatem denotat

S. Trinitas
ex utroque
Testamento
probatur.
Ezech. 1.

Psal. 96

Deuter. 6.

Matt. 28.

Matt. 3.

Joan. 14.
Nomen Dei
ineffabile.

uinam præfigurat, videlicet *je ve*. Distincta verò per tres distinctiones tria efficiunt nomina, quæ tres designant hypostases, vt sit prima distinctio *je*; secunda *en*, tertia *ve*. Quod autem conjunctæ literæ essentiam diuinam significant, vel distinctæ hypostases, ex literarum interpretationibus potest perpendi. *Iod*, enim principium, *he*, vita, *van* ipsa, *heh*, viuacitas interpretatur. Dicatur ergo *je ve*, id est principium vitæ ipsa viuacitas, vt sit sensus, ipsa omnium rerum viuacitas est principium vitæ temporalis & æternæ. Omnia enim per ipsum viuunt, qui est ipsa rerum viuacitas; & hæc est sola diuina essentia. Prima verò literarum distinctio, scilicet, *je* interpretatur principium vitæ. Istud Patri propriè ideo conuenit: quia hoc vocabulū

principium modis omnibus Patri congruit: pater enim est totius Trinitatis principium. Principiū Filij, quia Filius à Patre est generatione. Principiū Spiritus sancti; quia ab ipso est processione vel spiratione. Principium etiam est ad creaturas. Hoc de Filio, hoc de Spiritu sancto dici non potest. Filius enim non est principiū Patris, sed Spiritus sancti, & ad creaturas. Spiritus verò sanctus nec Patris nec Filij est principium; sed principium dicitur ad creaturas. Licet ergo Pater, & Filius, & Spiritus sanctus sint vnum principium, tamen antonomastice Patri conuenit, quod de ipso omnimodis prædicatur, non de Filio, nec de Spiritu sancto. Secunda distinctio, id est, *En* vita ipsa interpretatur: & hæc Filio ideo propriè conuenit, quia ipse hoc vocabulum *vita*, sibi singulariter appropriat, vbi ait. *Ego sum vita, veritas, & vita*. Vnde Apostolus. *Cum enim Christus apparuerit vita vestra, tunc & vos apparebitis cum ipso in gloria*. Nam licet vna sit vita Pater & Filius & Spiritus sanctus, Filius tamen vnione deitatis animæ & carnis, aliter & quodam vtiliori modò factus est omnium vita. In hoc enim quod Deus erat, temporalem contulit homini vitam, quoniam ipse est; sed per illam quam dixim⁹ vnionem vitam contulit ei sempiternam, quoniam sine fine beatus est. Omnimodo igitur de filio prædicatur hoc vocabulum *vita*. Tertia distinctio, id est *ve*, interpretatur ipsa viuacitas, & hæc Spiritui sancto propriè conuenit, quo omnia vegetantur & fouentur, vt suo calore viuāt. Ipse enim est ardor Patris & Filij. Hinc scriptū est: *Spiritus Domini ferebatur super aquas*: vel sicut habet alia translatio, *incubabat aquis*, sicut mater ouis, incubat, vt ea viuificet. Hinc etiam Ezechiel ait. *Hoc dicit Dominus Deus ossibus his*. *Ecce ego mittam in vos spiritum, & uiuetis*. Et paulò post. *A quatuor ventis veni spiritus, & insuffla super interfectos istos, & renouibunt*. Vt quomodo in prima conditione hominis insufflauit Deus in faciem ejus, & factus est homo in animam viuentem: sic & conditio secunda, resurrectio mortuorum, insufflante spiritu viuificetur. Bene ergo Spiritus sanctus dicitur ipsa viuacitas: nā sicut in prima, sic in secunda conditione inspirante cuncta sancto Spiritu viuificata sunt: quia cunctorum est ipsa viuacitas. Cum igitur decem sint nomina, quorum alia diuinam significant essentiam, alia personarum pluralitatem, vt testatur hebræa veritas, istud inter alia ideo dignius inuenitur, & aded, vt in lamina aurea in fronte sacerdotis portaretur; quod ipsum, sicut dictum est, vtrumque, scili-

cet Vnitatem essentia, & Trinitatem significat personarum. Hæc enim sunt nomina, quæ essentiam representant: *Saddai*, quem robustum, & ad omnia sufficientem accipere possumus; secundum *El*, quod Deus siue fortis interpretatur. Deinde *Eloi & Eloi*, quod & ipsum Deus dicitur: quantum *Sabaoth*, quod virtutum, vel exercituum Septuaginta transtulerunt: sextum *Je je*, quod in Exodo dicitur, *Qui est, misit me ad vos*: septimum *Iah*, quod in *Halleluiab*, extremam syllabam sonat, & inuisibilis dicitur. Vnde *Halleluiab*, *laudate inuisibilem*, interpretatur. Octauum verò, quod est, *Elohim*, idem est, ac si dicerem, *Dij nostri*, & cujus singulare est *Eloah*. Similiter cum dico *Adonai*, idem est, ac si dicam Dominum, cujus singulare est *Adon*. Vnde vbi nos in Psalmo dicimus, *Ego dixi Dij estis*, hebræus habet, *Elohim meum*, id est *Dij estis*. Hinc etiam Laban ad Iacob ait. *Cursurus es Elohai*, id est Deos meos. Et Moyses. *Non habebis Elohim Elim*, id est Deos alienos. Loth quoque illos duos, qui cum eo loquebantur, Angelos, *Adonai* appellauit, id est Domini mei. Quod tamen ista nomina cum verbo singulari plerumque junguntur, ad hoc fieri credimus, vt sic vnus Deus in tribus personis demonstratur, tum vt personarum pluralitas per hæc nomina monstratur. Apertè etiam cum verbo plurali ponuntur in hebraico plerumque. Vnde cum dixisset Dominus ad Iacob, *Surge & ascende in Bethel, & habita ibi; & fac altare Deo, qui apparuit tibi*, hic singulariter ponitur, *Eloah nigla*, id est Deus apparuit. Sed cum postea Scriptura dicit, quod Iacob ædificauit ibi altare, & appellauit nomen loci Bethel; quia ibi apparuit ei Dominus, cum fugeret fratrem suum, hoc in hebraico pluraliter ponitur. Habetur quippe, *Elohim niglam*, quod pluraliter dicitur, apparuerunt. Nam si singulariter dicere vellet, *nigla*, id est apparuit, posuisset. Similiter quando Dauid Deum laudans diceret. *Qua est, vt populus tuus, gens in terra, propter quam inuit Deus, vt redimeret eam sibi in populum*, hic & Deus & inuit in hebraico pluraliter ponitur, scilicet *Elohim alchm*, quod iuerunt significat, cujus singulare est *halac*, id est iuit. Manifestè ergo ostensum est, quod quædam hebraica nomina vnitatem essentia, quædam significant pluralitatem personarum. Istud vero nomen tetragrammaton, eo quod vtrumque, sicut dictum est, præfigurat, cæteris dignius inuenitur: quod de triangulo diximus, in huius significatione nominis plenissimè reperitur. Sed & modo talis inter eodẽ circulos triangulus proponatur, cujus linea tantum secunda b, minio superinducatur: quæro à Geometra, vtrum in triangulo eadem singularitas in figura, vel pluralitas in lineis remanserit: vtrum quantitas vel ratio trianguli mutata sit; vtrum augmentum vel diminutionem receperit. Si enim non sit eadem singularitas, quæ prius, plures sunt figuræ: si maior sit pluralitas, non est triangulus. Si quantitatem excedit, excedit circulos: si diminutionem, non peruenit ad eos. Vnde patet, quod eadem singularitas, pluralitas, & quantitas, mutata non fuit. Non minima nostræ fidei nobis hic triangulus sacramenta ostendit: quia quavis Pater & Filius, & Spiritus sanctus vnum sint in essentia, solus tamen filius rubore carnis sic superinduci potuit; vt in nullo diminutionem patere-

Patri præcipue conuenit dici principium.

Joan. 14.
Coloss. 3.

Genes. 1.

Ezech. 37.

Decem nomina Dei hebraica.

Exod. 3.

Psal. 11.

Genes. 31.
Exod. 20.

Genes. 35.

2. Reg. 7.

Quædam nomina Dei essentiam, quædam personarum significant.

*S. Trinitas
ex triplici
anima vir-
tute expli-
catur.*

pateretur Trinitas, nec essentia diuideretur unitas, nec augmenti superfluitatem reciperet, nec imperfectionis detrimentum. Sicut autem hujus Sanctæ Trinitatis vestigium, & veræ fidei sacramentum, & rationem quæ erat extra se necessario confirmavit: ita per rationem quæ erat intra se, confirmare potuit, triplicem in anima considerans virtutem: & eas non à se ipso, sed à Deo, se recepisse non ambigens, rationem scilicet, & sapientiam, & amorem. Consideravit enim, quodd ex ratione nascebatur sapientia. Ideo enim bruta animalia non sunt susceptibilia disciplinæ, quia rationabilia non sunt: & placuit ei sapientia sua, quæ à brutis animalibus eum diuidebat; & dilexit eam: & consideravit, unde amor ille, quo ille diligebat sapientiam suam, procederet, & vidit quia ex ipsa ratione & sapientia. Rationabile enim est, & viri sapientis, ut diligat sapientiam suam. Consideravit ergo tria in se; rationem, quæ erat quædam vis animæ, quasi à nullo subsistens; sapientiam, quæ nascebatur à ratione; amorem, qui procedebat ex utraque: & hæc eadem in Deo contemplatus est. Non enim erat congruum, ut impotens diceretur Deus, qui sibi rationis potentiam dederat: nec stultus, qui sic ordinatè & sapienter sapientiam ex ratione infuderat; nec habens odio sapientiam suam; cum hoc ex humana stultitia procedat: sed apertè cognitio in Deo potentiæ, & sapientiam, & benignitatè declarat. Et quoniã nihil in Deo diuersum ausus est confiteri, nec verum erat: sed vnũ est totum quod est essentia, unitatem in Trinitate illa compulsus est ex ratione adorare. Et iterum, cum nihil esset imperfectum in Deo, nec superfluum geminationem in se habebat, nullam in eo partium dissimilitudinem ausus est adorare: sed sicut illam personam, quæ à nullo erat; sic & Filium, qui est à Patre; vel Spiritum sanctum, qui est ab utroque, Deum credidit sine dubio esse. Quia tamen vnum in se erant illæ tres personæ, non ipsas tres Deos, sed vnum oportuit eum credere. His igitur cognitis, non minùs deuotus quàm fidelis, quæsiuit nomina, quibus ad memoriam tres illas personas & faciliùs reuocaret, & deuotus adoraret. Et sicut inter homines videbat, quia pater dicebatur ille, à quo filius erat; filius verò, qui erat à Patre, Patrè & Filiũ nominavit: nec matrem vel filiam nominare voluit illum, in quo nihil femineũ cognoscebat: Spiritum verò sanctum, qui erat ab utroque, & vtriusque nomen assignauit, ut ex hoc ipso procedere dignosceretur ex utroque. Pater enim spiritus, & Filius; Pater sanctus, & Filius; unde Spiritũ sanctũ sic voluit appellare. Notanda rãmen differentia inter hæc quæ in se cognouit: & illas tres personas, quas extra se contemplatus est. Nam illa quæ sunt in homine, adesse possunt & abesse, præter subiecti corruptionem; aliqua eorum dico, etsi non omnia: & animam etiam secundum maius aut minus afficiunt. In Deo verò quidquid est, & verè est, & essentialiter est: & vnum est totum quod est. Vnde patet, quodd in trianguli ratione familiariùs Trinitatis inuenies sacramentũ. Sic igitur per triangulum in fide confirmamur: sed non minùs, si inspicias diligenter, in moribus informamur. Quia enim nos non tantum in anima gloriari, sed etiam corpus humilitatis nostræ configurari corpori claritatis Christi

*Differentia
eorum, quæ
in Deo, &
quæ in ho-
mine sunt.*

*Triangulus
fidem & mo-
res informat*

credimus & confitemur: vtrũque nostrũ hominem, exteriorem per opera, per affectiones interiorem, Deo commendare debemus. Quod tunc dignè fiet, si diuersas actiones diuersis ita compaginamus virtutibus, ut quibusdam perfectionis circulis nobis impressis coronam æmulari perpetuam cognoscamus. Quatuor enim affectiones animi manifestum est esse: quibus si quatuor principales virtutes conjunxeris, quædam vitæ perfectionis circulum expriment, quæ Dominus in coronam interiori tuo homini commutabit. Debent enim adinuicem quatuor illæ virtutes copulari: quia humanarum rerum vera perfectio illa est, quæ nouit prudentiæ lumen, temperantiæ decus, fortitudinis robur, iustitiæ sanctitatem. Sicut enim ait Iacobus in epistola sua, *qui in vno offenderit, factus est omnium reus*. Prudentia siquidem sine fortitudine, est quasi gladius in manu contracti: fortitudo verò sine prudentia, quasi gladius in manu furiosi. Rursus sine fortitudine diu stare non potest homo; cum justificari hominem, sit mortificari carnem. Nec etiam stare potest iustitia sine temperantia; cum scriptum sit, *Fili, ne sis nimium iustus*. Insuper & prudentia sine temperantia non permanet; quia scriptum est. *Non plus sapere, quàm oportet sapere: sed sapere ad sobrietatem*. Sed quando scit homo, quid debeat facere, & facit quod scit, verè iustus est: si tamen per temperantiam iustitia moderetur. Debet enim prudentia esse & iusta, & fortis, & temperata. Similiter iustitia fortis, & prudens, & temperata. Fortitudo autem prudens, & iusta & temperata: temperantia verò prudens, & fortis & iusta. Ut igitur virtutes istæ perfectionis circulum perficiant; debent in te quatuor affectionibus, quasi quodam bitumine colligari: id est tristitia, & desiderio, lætitia & timore. Prudentiam siquidem temperantiæ ligat tristitia. Qui enim sapiens est, magis diligit domum luctus, quàm gaudij: sciens, quodd vanitas vanitatum, & omnia vanitas: sicut scriptum est. *Qui apponit scientiam, apponit & dolorem*. Et quia ipsa tristitia ad temperantiã pertineat, ipsa carnis maceratio docet. Si enim gastrimargia luxuriam mouet & gaudium, juxta illud, *Sedit populus manducare & bibere, & surrexerunt ludere*; non incongruè temperantiæ, quæ gastrimargiæ opponitur, tristitia copulatur. Prudentiam verò fortitudini conjungit desiderium. Libenter enim audit & operatur homo, quæ diligit; nihil amanti difficile est. Quidquid agit homo, graue videtur, si displiceat: sicut è contrario leue, si placeat. Ad percipiendam verò disciplinã frustra aures carnis accommodat, qui cordis aurem obturat. Fortitudini iustitiam ligat lætitia. Nam ex mentis fortitudine procedit illa operis hilaritas, quæ iustitiam operatur, sicut scriptum est. *Hilarem enim datorem diligit Deus*. Iustitiæ verò temperantiam copulat timor; illũ dico, quem filialem dicimus, non seruilem. Nã seruilem virtus consummata repellit, sicut scriptum est. *Perfetta charitas foras mittit timorem*. Filialem verò semper accendit & auget: sicut de eodem timore scriptum est. *Beatus homo, qui semper est pauidus*. Debet tamen etiam timor iste per iustitiæ regulam ita moderari, ne pusillanimitatem incurramus, vel desperationem: quia scriptum est. *Numquam timor malus est, nisi quando nimius est*. Si sic igitur temperetur

*Animi affe-
ctiones qua-
tuor, & vir-
tutes Cardi-
nales qua-
tuor, ut co-
pulentur.*

Iacob. 2.

Eccli. 7.

Rom. 12.

Eccli. 1.

Exod. 32

*Quod dis-
plicet, gra-
ue; quod
placet, leue
est.*

2. Corin. 9.

1. Ioann. 4.

Prover. 28.

Compen-
dium prece-
dentium.

justitia temperantiæ, justitiam proculdubio timor copulabit. Vt igitur hæc sub compendio reperamus, diximus, quia primum perfectionis circulum perficit temperantia prudentiæ perititiam, prudentia fortitudini per desiderium, fortitudo justitiæ per lætitiā, justitia temperantiæ solidata per timorem. Similiter & secundum exteriorem nostrum hominem perfectum reddentem circulum inuestigare poterimus: si quatuor bonorum operum genera virtutibus eisdem copulemus. Quisquis enim in actibus suis perfectus esse desiderat, totus esse debet in consilijs, in remedijs, obsequijs, subsidijs. In consilijs, si nosse suum in utilitatem proximorum effundat. In obsequijs, si beneficijs eos præveniat. In subsidijs, si in negotijs eorum tractandis terrorem diuitum non pertimescat. In remedijs, si in necessitatibus eorum etiam manus proprias imponat. Non enim tantum verba, vel nostra, sed etiam nos ipsos proximis effundere funditus est necesse. Consilia igitur subsidijs ligat prudentia. Sapientis enim est, & scire consilia & dare: & causas aliorum tractare. Subsidia obsequijs ligat fortitudo. Magnanimi enim est vultus potentium non formidare, & sua cæteris communicare. Obsequia remedijs ligat justitia: quia solius viri iusti est, se & sua proximis impendere. Remedia consilijs ligat temperantia. Consilia enim & remedia, quibus prævenit alios, sic debet homo per temperantiā moderari: ut nec proximos propter se, nec se propter proximos parvipendat. Ecce, ni fallor, duos habes circulos: alter quorum nec totus intra, nec totus extra alterum inuenitur. In parte enim conveniunt, & in parte differunt. In illa igitur parte, qua conveniunt, id est in quatuor virtutibus, alter in altero comprehenditur. In illa verò parte qua differunt, quasi extra alterum alter inuenitur. Tales enim oportuit inveniri. Et ex his duobus circulis triplicem humanæ vitæ perpẽdere potes utilitatem, per quam utilis debet esse homo Deo, sibi, & proximo. Deo per simplicitatem vel innocentiam; quæ utrumque hominem Deo commendans, quasi utriusque circuli circumferentias tangit: ideo maxime, quod ex quatuor virtutibus, quas in utroque circulo assignamus, habeatur. Sibi per sobrietatem, quæ exteriorem hominem debilitat, & interiorem confortat: & ex timore & desiderio proveniens, quasi proximi circuli circumferentiā tangit. Proximo per pietatem, ex qua consilia, obsequia, subsidia, remedia, proveniunt. Vnde quasi secundi circuli circumferentiam tangit, & est quasi data linea simplicitas, propter quā habendam duos circulos impressisti. Sed quoniam sola simplicitas perfectionem non facit; quia scriptum est. *Ephraim columba seducta, non habens cor*, per columbam profecto designans simplicitatem, debuit perfectionis triangulus perfici per pietatem & sobrietatem. Si igitur hæc omnia, quæ simplici sermone vix teneri poterant, per exemplum suppositum, non semel, sed sæpe, non ore, sed corde ruminando retractentur; quid aliud quàm trianguli hujus perfectio in tenuissimo pulvere compingetur? Solet enim per pulverem, operum nostrorum retractatio designari; sicut in Exodo legitur; Domino dicente ad Moysen. *Sume tibi*, ait, *aromatia, stacten & onycha, galbanum boni odoris, &*

Utilis esse
debet homo
Deo, sibi, &
proximo.

Osee 7.

Triangulus
in pulvere
compingere,
quid sit.

Exod. 30.

*thnu lucidissimum, æqualis ponderis erunt omniæ faciesque thymiana compositum opere unguementi, mixtum diligenter, & purum, & sanctificatione dignissimum. Cumque in tenuissimum pulverem universa commoderis, pones ex eo coram tabernaculo testimonij. Thymiana, ait Gregorius, ex aromatibus compositum facimus, cum in altari cordis virtutum multiplicitate redolamus. In tenuissimum verò pulverem aromata universa commoverimus, cum bona nostra in pilo cordis occulta discussionem retractamus. Aromata enim in pulverem redigere, est virtutes recogitando terere. In pulverem virtutes depingit, qui se pulverem esse non ambigit. In pulvere pietatem depingebat, qui Sodomitis & Gomorrhæis compassus, humiliter Domino dicebat. *Loquar ad Dominum meum, cum sim pulvis & cinis*. Et Propheta. *Memento Domine, quoniam pulvis sumus*. Frustra enim se exercet in virtutibus, qui adhuc inflatus per superbiam, se pulverem esse non recordatur. Det Deus patet, ut ita virtutes universas in pulverem possimus redigere, ut perfectionis circulis nobis impressis coronam perpetuam meteamur habere: præstante Domino nostro Iesu Christo, qui vivit & regnat cum Deo Patre in unitate Spiritus sancti Deus, per omnia sæcula sæculorum. Amen.*

Gregor. 1.
Mora. c. 39.

Thymiana
spirituale.

Genes. 18.

Psal. 102.

SERMO I. In Nativitate S. Ioannis Baptiste.

BENEDIXIT Dominus Isaac, & habitavit ad puteum visionis. Fidelis sermo, & omni acceptione dignus: Isaac quidem ad præmium, nobis ad meritum, omnibus ad exemplum.

Genes. 25.

Si enim nobis à Deo daretur intelligi, quæ sit visio Isaac filij Amos; quis liber visionum Naui; quæ sint illæ, quas vidit Ezechiel, mirabiles visiones Dei; quæ tandem omnium oracula Prophetarum, qui olim videntes dicebantur; aliquando & hoc daretur intelligi, quæ benedictione dignus sit, qui habitat ad puteum visionis. Visiones quippe Prophetarum, pro suorum profunditate mysteriorum, puteis comparantur. Sed cum vas meum ad aquas visionis porto, videor antiquum illud renouare proverbium. Ecce Saül inter Prophetas. Quis enim mihi det, vel saltem transire juxta puteum visionis? Superuenientes Allophylos formido, qui solent terra puteos adimplere. Deficit insuper aqua de vtre; quia vas fictile & confractum, sine ligatura & operculo porto: nec in quo hauriam habeo, & puteus altus est. Propter hoc facta est anima mea sicut terra sine aqua Deo: & sicut Agar fugiens & sitiens in deserto, tanto longè facta est, & peregrina ab Abraham, quanto in longinquā regionem descendit pascere porcos.

Isai. 1.
Nauis 1.
Ezech. 1.

Visiones,
Propheta-
rum puteis
comparantur.

1. Reg. 11.

Hec mihi, quia incolatus meus prolongatus est, habitavi cum habitantibus Cedar; multum incolatus fuit, vel quod idem est, facta est anima mea. Sed hoc parum mihi. Nam in Cedar habitavi cum habitantibus Cedar: quippe qui moram feci in tenebris peccatorum, quem torques excæcaverunt per ignorantiam squamæ Pauli, calidum stercus hirundinum per cupiditatem, Dalila per voluptatem, cum populo qui habitat in tenebris, & habitante in regione umbræ mortis, non potuit mihi lux oriri, nec sol justitiæ, nec habitare potui ad puteum visionis: tamen fiduciam habes in illum, qui aperuit oculos siccantis Agar, ut

Psal. 119.

videret puteum visionis aquæ viuæ, aperiet oculos meos, vt nobis pariter & vobis, imò & camelis nostris aquam hauriam, & potum tribuam de puteo visionis. Nam ad hoc vt oculi nostri aperiantur, posuit lucernam Dominus super candelabrum, vt cæcos illuminaret, domos euerteret, dragmam perditam inueniret. Hinc scriptum est. *Erat Ioannes lucerna ardens & lucens.* Ardens sibi, sed lucens proximo. Et tantò clarior, quantò per ipsum nobis omnem viam iustitiæ Dominus declarauit. Nam cum alia via iustitiæ propalata sit Patriarchis, alia Prophetis, alia Apostolis, alia Martyribus, alia Confessoribus, alia Virginibus, alia Eremitis, breue fecit Dominus omnium in Ioanne iustitiæ compendium semitarum. Hæc igitur lucerna præeunte & præuiâ oculis aperiam, vt videam puteum visionis, & hauriam vobis aquâ: si tamen vas meum dignetur implere, qui dixit.

Iuan. 5.

Deus fecit in Ioanne compendium omnis iustitiæ.

Psalm. 80.

Aperi os tuum, & implebo illud. Multa quidem puteorum colligimus mysteria de sacris Scripturis: quorum alia benedictione, alia verò digna sunt admiratione. Legimus enim quòd Ieremias funibus submissus in puteum, alijs tandem funibus de pannis factis veteribus emissus est. Res mira, & omni admiratione digna. Si sic natat elephas, quomodo pertransibit agnus? Si iustus vix saluabitur, impius & peccator vbi parebunt? Si enim vsque ad excelsum Domini, (sic enim Ieremias interpretatur,) perueniunt aquæ, quis minor eo poterit tutus esse? Nobis enim hoc ponitur ad exemplum, quia multoties circumplectuntur nos funes peccatorum, & in tantam abyssum peccatorum submittunt, vt clamare meritò cum Psalmista debeamus.

Psalm. 68.

Non me demergat tempestas aqua, nec absorbeat me profundum, neque urgeat super me puteus os suum. Sed pannis veteribus emittuntur, qui antiquorum exemplo humilitatem paupertatis imitantur. Hinc est, quòd Moyses considerans pariter & cognoscens, quòd qui ambulat in tenebris, nescit quò vadat, & per hoc cadit in puteum, dum fugeret ab Ægypto, & veniret in desertum, leuauit oculos suos, & vidit puteum, iuxta quem septem filii Raguelis sacerdotis Madian erant, vt oues adaquarét. Sed cum pastores terræ illius potum ouibus prohiberent, Moyses pastores expulit, oues adaquauit, & vnâ de filiabus Sacerdotis Madian, nomine Sephoram, desponsauit. Hoc est quod scriptum est. *Erat Moyses eruditus omni scientiæ Ægyptiorum.* Nam puteus doctrinam significat. Septem verò filias, septem arbitror artes liberales, in quibus scientia Ægyptiorum designatur, quarum oues Philosophi, pastores Physici & doctores; sacerdos Madian adinuentor earum, Gentilis, & per hoc filius iniquitatis, quia Madian iniquitas interpretatur. Sed cum pastores illi oues impedirent, sicut hodie Philosophiæ doctores subiectos impediunt, qui ad nullam perfectionem eos adducunt, Moyses primò filias adaquauit, postea oues, quando primò in artibus mysteria diuinitatis agnouit, & exemplum scientiæ ipsis Ægyptijs ministravit. Ad hoc enim liberales artes inuenta sunt, vt Theologia deseruiant. Nam cum in quibusdam earum vel res sine vocibus, vel voces sine rebus significatiuæ sint: tantò eorum indiget Theologia ministerio, quantò res & voces in ea significat. Vbi enim magis indigemus verbo, quàm cum

Aktor. 7.

Artes liberales sunt propter Theologiam.

loquimur de Verbo? Vbi magis indigemus ornatu verbi, quàm cum de Verbo loquimur specioso forma præ filiis hominum; quod splendor est Patris, & figura substantiæ ejus? Vnde & plerumque amborum figura.* Vbi magis indigemus rationali verbo, quàm cum loquimur sapientiam? Ergo tamquam pedissequa Grammatica deseruiat verbo, ornatui verborum Rhetorica, Logica rationi. Rerum autem significatio vel circa formam, vel circa naturam consistit. Nam pro sui rapacitate quam habet à natura, lupus diabolus, pro sui simplicitate, agnus Christum insinuat. Et in hoc quasi pedissequa dominæ physica deseruit Theologiæ. Forma verò consistit in numero, in mensura, & proportionem & motu. Igitur in numeris deseruit Theologiæ Arithmetica, in mensuris Geometria, in proportionem Musica, in motu verò Astronomia. Nam ex ortu & motu nouæ stellæ noui Regis ortum Magi cognouerunt. Illa tamen de talibus scripturis nobis seruare debemus, quæ nos per contemplationem rationis pennis debeant in altum eleuare. Et accepit, ait Scriptura, *Moyse Sephoram filiam Sacerdotis Madian.* Sephora auis interpretatur. Filia Sacerdotis Madian iniquitas est, sacerdos Madian magister iniquitatis. Nam quamvis magister iniquitatis sit ille, ejus doctrinam, si mores informat, respuenda non est. Vnde & obstetrices Ægypti, quarum vna Sephora, altera Phua vocabatur, quamvis in contrarium Pharo præcepisset, masculos seruauerunt; timuerunt enim Dominum. Nam quidquid in te virile debet esse, per doctrinam duplicem poteris seruare, vnâ quæ mores informat, & alterâ quæ fidem ædificat: quamvis Ægyptiæ, quævis à magistris tenebrarum, id est infidelitatis inuenta sint. Phua quippe, quæ rubens vel verecunda dicitur, illam quæ mores corporum per actiua vitam informat, doctrinam insinuat. Sephora verò, quæ vt dictum est, auis interpretatur, illâ quæ mentem per contemplationem eleuat, doctrinam demonstrat. Hinc est, quod consiliò Chusi infatuatum legitur consiliu Achitophel. Consilium quippe dederat Absaloni contra David. Et ait Chusi. *Non hac vice bonum consilium dedit Achitophel.* Tunc vsus Chusi consiliò Nathan & Sadoch, misit Achimaan & Ionathâ ad David dicens: noti in campestribus esse, sed ascende in montem. Qui cum abirent, vidit eos puer, & nuntiauit Absaloni. Qui misit nuntios, vt apprehenderet eos. Erat autem quidam vir habens puteum in vestibulo domus, in quo illi timentes absconderunt se. Et ecce quædam mulier velamen posuit super os putei. Vnde illi nuntij Absalonis reuersi sunt. Illi verò duo nuntiantes David consilium Chusi, liberauerunt eum de manu Absalonis. Absalon qui pax patris interpretatur, typum tenet hæretici, qui celestis pacem patris nuntiare se dicit, & alijs hanc promittit. Sed quamvis hoc dicat, tamen persequitur patrem suum David. Consiliarius autem ejus Achitophel, qui fratris ruina dicitur, hæresiarum insinuat: quia per ipsum ruit frater ille, cujus pater Christus, à quo & Christianus. Omnes enim in Christo fratres sumus. *Non accepistis,* ait Apostolus, *spiritum seruitutis iterum in timore: sed accepistis spiritum adoptionis filiorum, in quo clamamus Abba pater.* Sed hujus consilium infatuat Chusi. Chusi Æthiops in

* De est aliquid.

Physica pedissequa est Theologia.

Exod. 25

2. Reg. 17.

Absalon typus hæretici

Rom. 8.

Q'ij

terpretatur. Ergo consilio Chusi infatuatur consilium Achitophel; quia consilium heresarchæ Gentilium plerumque condemnat auctoritas: ita tamen si auctoritas eorum legi consentiat & Prophetis. Nam & ipse Chusi vsus est consilio Nathan & Sadoch. Per Nathan Prophetia, per Sadoch sacerdotem lex figuratur. Eorum enim Chusi vsus consilio misit ad Dauid Achimaan & Ionatham. Quod primum dixi Phuum, hoc idem dico Achimaan. Achimaã quippe fratris mei decor interpretatur. Duo autem fratres ex vno patre & vna matre nascuntur, exterior videlicet & interior homo. Interior homo semper existens est decor. Ad hoc enim semper interior nititur, quomodo per munditiã decorus exterior efficiatur. Ergo per Achimaan illa quæ mores informat, actiua vita figuratur. Per Ionatham autem, qui colubæ donum dicitur, illud idem quod per Sephorã figuratur: illa videlicet doctrina, quæ rationis alis per contemplationem nos erigit. Hoc tamen excepto, quod illic generaliter auis, ibi specialiter columba, auis scilicet gemebunda nominatur. Et bene, quia illa nobis doctrina necessaria est, quæ dolores docet & gemitus, ut scriptum est. *Qui apponit scientiam, apponit & dolorẽ.* Et iterum. *Recogitabo tibi omnes annos meos in amaritudine animæ meæ.* Puer autem qui eos vidit & nuntiavit Absaloni, fidelis est, qui per puritatem mentis intelligit & discernit scripturas; Absaloni nuntiat, quia conuincit hæreticum. Sed mittit post eos jacula Scripturarum, quas peruertit, & videntur ejus hæresi suffragari. Sed ecce vir oriens nomen ejus, cujus domus est Ecclesia, habebat in vestibulo puteum, id est profunda mysteria Scripturarum, ubi ea quæ vel actiua vel contemplatiua conveniunt, sub velamine literæ occulta sunt. Expandit enim velamen mulier illa, quæ accendit lucernam, sapientia scilicet summi Patris. Vnde & per velamen literæ decepti sunt, qui persequabantur David. Illi verò duo consulunt David, ut latam vitiorum viam deferat, & ascendat montem virtutum, Achimaan manu fortem, Ionatham vultu desiderabilem, & uterq; David. Vis audire consilium Achimaas, & hoc ipsum consilio Nathan & Sadoch?

*Infantem nudum cum te natura creavit,
Paupertatis onus patienter ferre memento.*

Luc. 6.

Vnde dictum est. *Beati pauperes spiritu, quoniam vestrum est regnum cælorum.* Et iterum. *Animum rege, qui nisi paret, Imperat, hunc frangit, hunc tu compeste catenis.* Vnde & in sacra Scriptura. *Omni custodia serua cor tuum, quoniam ab ipso vita procedit.* Vis audire consilium Ionathan? *Iam noua progenies cælo demittitur alto.*

Prouer. 4.

Virgil.

Isai. 7.

Vnde & Isaias. *Ecce virgo concipiet, &c.* Sic vasa aurea furamur Aegyptijs, sic gignimus ex concubinis. Sic Hebræo seruit profelytus, abscessis vnguibus & rasis capillis: quia tanta est gloria Cherub, ut vox ejus audiat in atrio exteriori. Quamvis ergo vel circa ea quæ mores ædificat, vel fidei testimonium habent, nos Scripturæ Philosophorum erudiant; quia tamen non sunt putei visionum, nec ad quos Isaac habitat; non est nobis tutum longiorem ibi moram facere, vel diutius habitare; sed paululū gustata aqua pertransire. Propterea & mulier dicebat querentibus Achimaan & Ionatham, *paululum gustata aqua transferunt.* Breuiter quippe velut in-

Philosophorum scripta
leniter degustanda.

2. Reg. 17.

troductionis modo debemus tales aquas gustare, ut postmodum aquam sapientiæ salutaris diutius hauriamus de puteis Salvatoris. Illam quippe Philosophiæ doctrinam, quasi meretricem, quasi peregrinam, quasi concubinam cognoscere; Theologiam verò quasi vnicā, quasi domesticam, quasi reginam diligere. Hinc est, quod Abraham locutus est ad puerum suū. *Iura inquit, ut non accipias uxorem filio meo, de filiabus Chananeorum, inter quos habito: sed ad terram & ad cognationem meam profisciscaris, & inde accipies uxorem filio meo.* Ipsas ergo filias Chananeorū, vel sibi vel filio suo habuit quasi pedisequas & peregrinas, non autem ut dominas, aut domesticas. Abijt ergo puer, & ductis secum decem camelis, venit ad fontem aquæ; & ait intra se. Puella cui dixero, da mihi aquam, & illa dixerit, tibi & camelis tuis potum tribuā, ipsa est, quam præparasti Domine, filio Domini mei. Vix sermonem compleuerat, & ecce Rebecca. Quæ reuerfa ad puteum, & puerum & camelos adaquauit. Quam secum ducens, inueniunt Isaac ad puteum aquæ viuæ. Ecce iterū dilectissimi fratres, oculos aperio, & duos puteos aquæ viuæ respicio. In vno quorum puer Isaac Rebeccam, in altero Rebecca Isaac reperit, cum egreditur ad meditandum. In his duobus duplex illa doctrina designatur, quarum vna mores, altera fidem edificat. Tantò tamen excellentius & euidentius, quantò cæteras artes ars artium & regimen animarum Theologia præcellit. Abraham quippe, qui pater multarū Gentium interpretatur, humani sensus tener imaginem. Quia sicut Abraham genuit Ismaël de Agar, scilicet de concubina filium adulterū & odibilem, de Sara Isaac, de sponsa scilicet filium promissionis & legitimum: de Cethura verò vxore secunda filium iniquitatis, prout interpretatur Madian: sic sensus humanus de conscientia, cum peregrinatur à Deo suo, voluntatem pessimam parit, & odibilem Deo. Quandòq; verò de conscientia, cum tenet principatum virtutum, cum deesse ei incipiunt muliebria; cum nihil fæmineum, sed totum virile in se sentit, parit fructū spiritus, quod est gaudium, pax, patientia, &c. Plerumque de Cethura, quæ incensum vel thimiama dicitur, corpore ferè emortuo, Madian, id est filium iniquitatis gignit. Et quamvis tentatio carnalis in ipsa sit emortua, & bonum odorem in omni loco conscientia redoleat; tamen ex hoc ipso filium iniquitatis gignit, cum inde vel vanam gloriam, vel superbiam, vel contemptum conscientia concipit. Habet tamen servū fidelem, & seniore domus suæ, rationem scilicet, qui sibi decem camelos sternit, cum omnem sensualitatem sibi subijcit. Hic igitur primò accedit ad fontem aquæ, cum accedit ad initium sapientiæ. Initium enim sapientiæ timor Domini. Cum enim menti timorem ratio incurrit, servus ad fontem aquæ venit. Talem ergo servus puellam querit, quæ sibi & camelis potum tribuat; videlicet quæ rationem & ipsam sensualitatem aqua sapientiæ salutaris reficiat, quæ fluit de timore filiali. Et ecce Rebecca, quæ patientia interpretatur. Patientia quippe occurrit rationi, & timore reficit filiali, cum hydriam conscientia replet aqua sapientiæ salutaris. Ducit igitur servus Rebeccam in camelo. Servus Rebeccam ducit, cum patientia rationabiliter vi-

Theologia
supra Phila
sophiam ex
cellentia.

Genes. 24.

Genes. 25.

Servus se
nior Abra
he ratione
designat.

Genes. 24.

Charitas
Christi ante
oculos po-
nenda.

2. Mac. 1.

Ioann. 4.

Omnis doc-
trina qua-
druplici cõ-
tinetur.

Genes. 26.

Ibidem.

veritatis incedit. Sed adhuc in camelo; quia nec in Deo, nec propter Deum, sed alicujus causâ sensualitatis de aduersario vindictam nõ quærit; eo quoddam vel damna majora meruit, vel vindicandi tempus aut locus non accedit. Sed cum Isaac occurrit ad puteum, ubi egressus est ad meditando, Rebecca de camelo descendit, cum nihil habet sensualitatis. Quod tunc dignè fit, si de puteo in meditationibus suis haurit aquam deuotionis. Et Isaac coniungitur, cum gaudio copulatur, cum voluntaria efficitur. Vnde Isaac gaudium interpretatur. Vt autem hanc voluntariam patientiam sensus humanus per rationem acquirat, primò omnium necesse est, vt illum ante oculos mentis ponat, qui propter nimiam charitatem suam qua dilexit nos, ignem suæ diuinitatis sub cinere nostræ mortalitatis tutaui; & propter iniustos ab iniustis iniuste teneri voluit, & per patientiam voluntariam pati, vt pro nobis offerret sacrificium Deo Patri. Et sol iustitiæ, qui primò in nubilo videbatur, propter iram, postmodum non tam ardens quàm lucens appareret per dilectionem. Recurrendum est igitur ad puteum, in quo patres nostri, id est Prophetæ sub mysteriorum velamine ignem diuinitatis absconderunt: sed nepotes eorum, id est Apostoli, sub illis mysterijs aquam crassam, id est Christum humanatū cognouerunt. Aquam propter humanitatem, crassam propter charitatis pinguedinem. Qui sacerdos & hostia factus obtulit holocaustum pro nobis; & per hoc reconciliauit ima summis. Tunc à Moysè velamen amouit, libros signatos aperuit, lapidem ab ore putei sustulit, vt quasi Iacob oues Rachelis adaquaret, id est filios Synagogæ spirituali verbo satietaret, & ipsam Rachel sibi desponsaret, id est Ecclesiam de Iudæis congregatam sibi vniret. Sed hoc modicū suæ pietati: quia & Ecclesiam de Gentibus verbo vitæ satiauit, cum Samaritanæ hydriam, quā inuenit ad puteū Iacob, fonte baptismatis adimpleuit. Vt igitur in his omnibus doctus, & per hoc omni benedictione dignus, non solum habitabat, sed & fodiebat puteos visionis Isaac. Omnis enim, de qua supra dictū est, doctrina, sub quadruplici doctrina, Logica, Ethica, Physica, Theologia, concluditur. Logica rationalis scientia est, Ethica moralis, Physica naturalis, Theologia spiritualis. Primum puteum fodit Isaac, & vocauit eum inimicitias: quia cum homo iuxta rationem viuere incipit, vel desiderat, inimicatur ei mundus, inimicatur caro, aduersatur diabolus. Si verò compositioni morum intendat, calumniatur hoc operibus suis pastores, qui cum aquam limpidissimam hanc biberint per doctrinam, operibus suis quasi pedibus eam ouibus turbant. Propter hoc puteus ille calumnia vocabatur, pastoribus illis dicentibus, nostra est aqua. Cum enim pastores solēt redargui, & respondent arguenti, non est tuū arguere, quia nostrum est leges cudere, videntur dicere, nostra est aqua. Tertius puteus, quē vocauit abundantiam, naturalis est scientia: qui tantò fecundius abundat, quantò non solum hominibus, sed & ipsis brutis animalibus potum propinat. Neque enim est animal brutum, quod naturam non custodiat. Quartus puteus qui dicitur iuramenti vel satietatis, spiritualis est scientia. Qui per hoc satietas dicitur, quia per ipsum verbo Dei sitiens anima sa-

tiatur. Iuramenti verò dicitur, quodd secundum historiam, & secundum sensum spiritualem Abimelech, Ochozar, & Phicol ibi fœderantur. Teste siquidem Origene, per Phicol, qui interpretatur os omnium, moralis scientia; per Ochozar, qui tenens dicitur, naturalis; per Abimelech, qui pater meus iustus dicitur, rationalis scientia figuratur. Isti ergo cum Isaac ad puteū fœdus ineunt, cum tres illæ scientiæ cum spirituali scientia conueniunt. Quidquid enim naturæ, quidquid rationis, quidquid morum est, docet sapientia spiritualis. Propter hoc puteus iste vocatur puteus visionis. Hujus autem putei puer Isaac aquam vehementius erumpentem inuenit, & inuentam domino nuntiauit. Aquā quippe hujus putei primò bibit, & fontem ejus putei foras deriuauit. Sed quid putas puer iste erit? Et enim manus Domini erat cum illo. Ipse est de quo pater suus Zacharias ait. Tu puer Propheta altissimi vocaberis. Hic igitur aquam illam de puteo bibit, de qua scriptum est. Flumina de ventre ejus fluent aqua viua. Vultis animaduertere, quomodo aquis istis se primò reficit, & quomodo nos? Ponamus historiæ fundamentum. Fuit in diebus Herodis Regis Sacerdos, nomine Zacharias, de vice Abia, & uxore ejus de familia Aaron, nomine Elizabeth. Elizabeth autem Dei mei iuramentum, vel Dei mei satietas interpretatur. Iam sub nomine Elizabeth puteum iuramenti vel satietatis tenemus. Sed quod Dei mei iuramentum? Iuravi, ait Dominus, vt non adiciam aquas diluvij super terram. Et iterum. Iuravi Dominus, & non penitebit eum; in eo sacerdos in æternum secundum ordinem Melchisedech. Et rursum ad Abraham. Per memetipsum iuravi, quia non pepercisti filio tuo Isaac, faciam te in Gentem magnam. Et iterum Zacharias. Insperandum, quod iuravi ad Abraham patrem nostrum, daturum se nobis. Hæc omnia Deus iurauerat, sed nihil horum compleuerat; quia nondum aqua inuenta erat in puteo iuramenti: sed sterilis erat Elizabeth, id est sine fractu operis erat Dei mei iuramentum: quia ipse in Euangelio ait. Cibus meus est, vt faciam voluntatem Patris mei, qui misit me: vt omnis qui videt filium, & credit in eum, habeat vitam æternam. Cum nec istud compleuisset, non erat aqua in puteo satietatis inuenta, sed sterilis erat Elizabeth, quia necdum peruenerat Dei mei satietas ad effectum. Sed puer intrauit puteum iuramenti, ventrem scilicet Elizabeth, & flumina de ventre fluxerunt aquæ viuæ. Vultis audire, quomodo de vêtre fluxerūt aquæ viuæ? Vnde hoc mihi, ait Elizabeth, vt veniat mater Domini mei ad me? Ecce enim puer ille, qui fodit puteum ventris, exultauit in gaudio, quia aquam sapientiæ salutaris inuenit. Sed & nobis hujus aquæ plenitudinem effudit, qui nobis perfectionis & gratiæ exemplum nascendo, viuendo, moriendo, ministrauit. Fuit in diebus Herodis Regis Sacerdos quidam, nomine Zacharias. Zacharias quippe memoria Domini interpretatur. Sed quid dicit Salomon? In die malorum, ne immemor sis bonorum. Dies autem malorum est, de quo ait Ieremias. Diem hominis non desideravi, Domine tu scis. Dies igitur malorum, & dies hominis, dies sunt Herodis. Herodes quippe gloria pellis interpretatur. Ergo dies eorum, dies Herodis sunt, qui non in anima, sed in pelle gloriantur. Omnis gloria filio-

Genes. 26.

Alia Scien-
tia cu Theo-
logia fœde-
rantur.

Luc. 1.

Ioann. 7.

Luc. 1.

Genes. 9.

Psal. 109.

Genes. 22.

Ioann. 4.

Ioannis Cõ-
ceptio.

Luc. 1.

Iohannes per-
fectionis &
gratiæ exē-
plum.

Luc. 1.

Eccli. 11.

Jerem. 17.

*Luc. 1.
Ingressus
Zacharia
in Templū
mysticē ex-
ponitur.*

Prouer. 25.

Eccle. 7.

3. Reg. 19.

Psal. 83.

*Duo visio-
num genera
Prophetis
&c. infusa.*

rum Regis ab intus: sed deforis est peccatorum gloria. Maledictus enim fuit ille Iudæ filius, qui Her, id est pellis vocabatur. Nec nisi detracta pelle hostiæ Deo sacrificium gratum accipitur. In diebus igitur Herodis Zacharias templum ingreditur, cum inter prosperitates & carnis gloriam, Domini sui iustitiæ memoratur: & ea quæ carnis sunt parvipendens, illi soli vult adherere per deuotionem, cui offert incensum boni odoris per orationem. Ille enim, qui mudi prosperitatem aut gaudium, cum arridet, parvipendit pro Domino, ipse est qui cum Abrahâ ad immolandum Isaac in montem deuotionis ascendit. Visitur ab Angelo, & mutus efficitur, cum supernam illam & supercælestem & incomprehensibilem diuinitatis hierarchiam animo meditatur. Mens enim tenebris suis asfuerat, quando internam diuinitatis claritatem contemplari nititur, quasi trementibus & palparentibus luminibus vim insoliti fulgoris non sustinens, ipsis primi aspectus radijs reuerberatur. Vnde scriptum est. *Qui scrutator est maiestatis, opprimetur à gloria.* Hinc & Salomō ait. *Dixi, sapiens efficiar, & ipsa longius recessit à me.* Propter hoc & ipse Moyses, qui omni sapientia Ægyptiorum eruditus erat, cum mentis oculos in lucem inaccessibilem posuisset, gracilem voce, & ineloquentem se esse confessus est. Ipse etiam Elias in ostio speluncæ suæ, nec in spiritu grandi & forti, nec in commotione, nec in igne Deum vidit, quem tamen in sibilo auræ tenuis agnouit: quia profectò ibi bene cognoscitur Dominus, ubi deficit sensus humanus. Propter hoc & Psalmista ait. *Quam dilecta tabernacula tua Domine virtutum: concupiscit & deficit anima mea in atria Domini.* Ergo cum mens theoreticè ad alta rapitur, in quibusdam non solum muta, sed & cæca, in quibusdam verò videns & eloquens efficitur. Nam cum secundum theoriam verum in omni quod est, & quod non est, scrutari eligit, quibusdam gradibus contemplationum ad summum ascendit. Nam vel mathematicè speculatur visibiles rerū visibilium formas, vel Physicè inuisibiles rerū visibilium causas, vel symbolicè colligit & coaptat formas visibiles ad inuisibilium demonstrationem, vel Theologicè contemplatur inuisibiles substantias & inuisibilium substantiarum inuisibiles naturas. His tamen omnibus modis principalis & superprincipalis aliquatenus manifestari potest, in figuratis symbolis diuini patris beatissima hierarchia: ut postmodum mens humana certæ contemplationis gradibus ad summa conscendens, sacra diuini eloquij inspectione cælestia secreta etiam anagogicè contempletur; & sic ex duobus generibus visionū ad omnem perfectionem ascendit, quæ per gratiam diuinæ reuelationis Theologorum & Prophetarum mētibus fuit infusa. Vnum, quo formis & figuris & similitudinibus rerum occultarum veritas obumbratur: quod genus visionis græcè theophasias, id est diuinas apparitiones appellant: alterum, quo ascensu mentis & excessu nudè & purè, & absque integumento, sicut est, illum cælestem sacratissimum principatum nititur contemplari, quod anagogicū nuncupatur. Sed in hoc ultimo genere visionis ita tremat & palpitat mens humana, ut tenebris ignorantie suæ obuoluta, ad illam claritatem & veritatis lumen, nisi dirigatur, exire

non potest; sed quasi cæca & manuductione vtens, quò non videt, incedit; & incipit liquefieri per visionem & visitationem dilecti, ut nec illud de Deo concipiat, quod debet; aut velit, nec loqui possit, quod concipit, cum cælestis regni circumvelatum ultra, & diuini luminis incircumscriptum adhuc inuestigare nititur, & deficit inuestigans. Hæret in contemplatione mens attonita, obstupescit trepida, loquens penitus obmutescit, & inopem reddit copia, quæ fecerat inopia copiosam: miroque modo proficiendo deficit; & tunc magis proficit, cum venerit ad defectum. Cum enim illius cælestis, tenuissimi, & acutissimi radij lumine mentis suæ radium fugit, oportet ipsum tenuissimum esse, acutissimum & clarissimum. Quia nec spissa tenuissimis, nec obrusa acutis, nec tenebrosæ conueniunt clavis. Et propter hoc tantò magis ad illud lumen illuminandum, intuendū, & acuedum necesse est, ut cū tenuissimo lumine quasi sibilus auræ tenuis attenuetur. Quidquid tamē de Deo potest cogitare, & ad memoriam reducere, non ex subtilitate ingenij sui, vel ex perspicacitate memoriæ subtilis esse cognoscat: sed gratiæ Dei tribuat totum, qui nec totus vult agnosci, ut fides habeat meritum; nec totus abscondi, ne infidelitas inueniat locum. Quod enim de cognitione Dei à memoria per fidem gignitur, non Zachariæ, sed Ioannis, id est gratiæ Dei nomen imponitur. In his igitur omnibus Ioannis natiuitas, id est ortus gratiæ figuratur, sine qua nemo venit ad patrem; nec illā potest gloriam contemplari, quam promisit diligentibus se Iesus Christus Dominus noster, qui cum Patre & Spiritu sancto viuit & regnat Deus, per omnia sæcula sæculorum. Amen.

De Sancto Ioanne Baptista. SERMO II.

ECCE ego Ioannes vidi Angelum ascendentem ab ortu solis, habentem signum Dei viuui. Videntis auctoritas, visionis vtilitas, vtriusque veritas reuelata demonstrat, quàm credibilia facta sint hæc testimonia nobis. Hæc est enim aqua sapientiæ salutaris, distillans de fontibus Saluatoris. Hic est sermo fidelis, eruatus de pectore veritatis. Hic est solis radius, tantò lucidius reuerberans oculos aquilæ spiritualis, quantò sublimius auolauit. Secundum igitur nomen ejus, sic & laus ejus in gratia verbi, quod fuit ab initio: quod vidit, quod audiuit, quod manus ejus tractauerunt de verbo vite, & annuntiavit, dicens. *Ecce ego Ioannes*, &c. Non est arbitrandum, fratres, quod visio ista fuerit corporalis, quodd imaginaria, quodd animalis, sed potius spiritalis. Non fuit sensualis, non phantastica, sed potius intellectualis. Dicat ergo. *Ecce ego Ioannes vidi Angelum.* Nota, quia iam viderat Angelum descendentem, qui habebat irim in capite, signum videlicet Dei viuui. Et bene, quia qui descendit, ipse est & qui ascendit, & nullus ascendit, nisi qui descendit. Solus ergo Christus descendit, & solus ascendit. Solus descendit, sed totus ascendit. Solus descendit, quia caput ad corpus. Totus ascendit, quia caput & corpus. Vnde ait. *Hostiam & oblationem nolui- sti; corpus autem aprasti mihi.* Vidi, inquit, *Angelum ascendentem ab ortu solis.* Quid est, quod additum est, ab ortu solis? Numquid semper ab ortu solis est ascendere? Non. Semina quippe

Quidquid de Deo possumus cogitare, Deo tribuendum.

Apocal. 7.

*Visio spiri-
tualis.*

*Psal. 30.
& Hebr. 12.*

Ioan. 1. orto solē aruerunt. *Exortus est enim sol cum ardore, & fenum arefecit* Sed & Iechonias filius Saphan cum viginti quinque viris adorauit ad ortum solis, & dixit Dominus Prophetæ. *Certe vidisti, fili hominis, abominationes, quas isti faciunt.* Numquid ab ortu solis ascendebant, qui sic adorabant? Igitur ab ortu solis non est semper ascendere, & tamen sine ortu solis non est ascendere. Ante quippe solis ortum erat nox, in qua pertransibant bestiarum filiarum, catuli leonum. Sed ortus est sol, & congregati sunt, & potuit exire homo ad opus suum, & operando proficere, & proficiendo de virtute in virtutem ascendere. A solis autem ortu discite parabolam. **Homo microcosmus:** Nam sicut sol percurrit zodiacum, circuit firmamentum, spem illuminat megacosmi; sic & in microcosmo sol iustitiæ ascendit mentis affectum, accendit cor ad virtutis firmamentum, illuminat sphaeram cogitationum. Homo siquidem microcosmus, id est minor mundus, pro similitudine quam habet cum megacosmo, id est maiori mundo, nominatur. Vnde in Evangelio homo mundus dicitur, ibi. *Mundus eum non cognovit.* Hinc est, quod primus homo vocatus est Adam, ut ex ipso nomine se microcosmum esse agnosceret. Quatuor quippe sunt climata megacosmi, scilicet. oriens, occidens, septentrio, meridies. Et hæc quatuor ejus nomen insinuant. Nam ex quatuor literis nomen illud constituitur, videlicet anatole, quod interpretatur Oriens, Dis vel delta, quod Occidens: artos, quod septentrio, mensibion, quod meridies. Hinc est, quod tota successionis ejus propago ita nominis hujus videtur posse trahere rationem, ut jam non filij Adam, sed omnes Adam merito debeant appellari. Omnes enim à die conceptionis suæ per dies quadraginta sex in utero matrum membrorum lineamentis sunt formati; ita ut quadagesimo sexto die formatione plenè consummata infundatur spiritus in animam viuentem. Hujus formationis numerum nominis illius elementa representant. Fit enim ex Alpha, Delta, Alpha, & Mi. Alpha vnum, Delta quatuor, ite Alpha vnum, Mi quadraginta demonstrat. Quæ si simul conjunxeris, & nomen Adam, & humanæ formationis plenitudinē adimplebis. Vnde & Saluator quadraginta & sex annis templum à Iudeis ædificatum prædixit soluendum, ut per hoc homo perfectus ostendatur. Quia si primus perfectus numerus senarius prædictum numerum multiplicet, numerum dierum complebit, qui à die conceptionis ejus usque ad diem natiuitatis ipsius, nouem scilicet menses & dies sex: sexies enim quadraginta & sex, ducenta septuaginta & sex constituunt. Tot autem dies inuenies, si ab octauo Calendas Aprilis, quo conceptus de Spiritu sancto creditur, usque ad octauum Calendas Ianuarij numerentur. Et sicut major mundus sphaeram; sic & sphaerulam habere dicitur minor mundus. Vnde Moyses in candelabro tabernaculi cum cyphis & lilijs sphaerulam esse præcepit: ut, quicumque in Ecclesia Dei fidei lumen habet, necesse sit, cum lilio munditiæ & doctrina sapientiæ, ut tutum vitæ suæ cogitando reuoluat. Ait enim Salomō.

Ioan. 2. *Oritur sol & occidit, & ad locum suum reuertitur, & gyrat per meridiem, & flectitur ad aquilonem.* Sol igitur oritur, cum sol iustitiæ mentem per fidem illuminat: sed occidit, cum post fidem, labitur in peccatum. Oritur sol, cum visitat ho-

minē diluculo: sed occidit cum subito probat. Item gyrat per meridiem, cum per cognitionē redit ad deuotionem. Reflektitur ad aquilonē, cum per consensum mentis incurvatur ad tentationem. Gyrat per meridiem, cum in meditatione exardescit ignis: flectitur ad aquilonem, cum per iniquam suggestionem charitas refrigerat. Iam duo, ni fallor, cum suis differentijs coluri sphaerulæ spiritualis apparent. Colurus dicitur à colon, quod est membrum, & vrus, quod est bos siluestris. Vnus quidem ascensionis anabibazon, id est sursum scandens; alter descensionis, catabibazon, id est latens. Prima differentia primi est, quod sol oritur: prima secundi, quod sol occidit; secunda primi, quod gyrat per meridiem: secunda secundi, quod flectitur ad aquilonem. Sed quid ista menti conferunt? Ad hoc oritur, ut speres; occidit, ut doleas: gyrat per meridiem, ut diligas; flectitur ad aquilonem, ut timeas. Iam duobus coluris quinque innexos considera parallelos. Si igitur de orta persecutione sic timeas, ut nec deuotionem adesse sentias, nec affore credas, in mundanum timorem incides. Si verò propter occasum culpæ vel pænæ, dolore cordis tactus intrinsecus recogitas annos tuos in amaritudine animæ tuæ; ita tamen quod nec spei consolatione nec gaudio deuotionis dolor releuetur; dolebis seruiliter, & seruilem timorem dolor pariet: & si bene feceris ex hoc, seruiliter facies. Si autem gaudeas in seruire, ita quod de præteritis non doleas, nec futuras timeas tentationes, efficiaris necesse est elatus: quia tale gaudium pariet tibi præsumptionem. Sed si per fidei lumen oriatur tibi sol iustitiæ, ita quod de peccatis præteritis doleas, & tentationis timeas recidivum; accedet statim initium sapientiæ timor Domini initialis. Quod si de charitatis seruire gaudeas, ita tamen, ut te semper doleas peccatorem, ut non de propitiato peccato sis securus, sed semper timeas; accedet statim castus, qui permanet in sæculum sæculi, timor filialis. Ex hoc igitur mansiones spiritualis sphaerulæ, quasi quinque Zonas majoris sphaeræ discernere potes. Quarum tres sunt inhabitabiles, duæ habitabiles. Inhabitabilium verò frigida duæ, & vna torrida. Quid enim frigidius timore mundano, quo diuina charitas repellitur? Frigidus etiam timor, cum quo charitas non habetur. Torridus autem est feruor inordinatus, contra quod ait sponsa in Canticis. *Ordinavit in me charitatem.* Hæ igitur mansiones omni iusto sunt inhabitabiles. Temperata verò mansio est timor initialis, cum quo charitas incipit. Temperatur etiam timor filialis, quem charitas perficit: sed & ipsa Zonarum vocabula huic nostræ videntur alludere assertioni. Mundanum quippe timorem dicimus, quando superueniente persecutionis timore bonum facere non audemus. Vnde bene arcticos appellatur. Arcticos enim ab arctos, id est à septentrione, unde aquilo oritur, appellatur. Per hoc igitur, quod bonum facere non audemus, abundat iniquitas, & charitas refrigerat. Timor verò seruilis est, quando solo timore pænæ, non amore bonum facimus: nec in hoc charitas possideretur. Timore tamen bonum facere, vel timore bonum non facere, contraria sunt. Ergo si timor mundanus arcticos, seruilis antarcticos merito nuncupatur. Rursus qui pro seruire suo elatus efficitur, alijs primò,

Coluri sphaeræ spiritualis.

Timor seruilis quis sit.

Timor initialis.

Timor filialis.

Cantic. 2.

*Tropicus
Capricorni.*

*Tropicus
Cancri.*

*Timor fi-
lialis humi-
litate perfe-
ctus proba-
tur.*

*Luc. 17.
Eccli. 3.*

Apocal. 12.

*Signa Zodi-
aci spiritua-
liter expli-
cata.*

Psalms. 74.

*Capricor-
nus.*

Aquarius.

Pisces.

Aries.

tandem sibi onerosus habetur; cum quasi alios despiciat, & ipse despicitur. Et cum sine discretionem suscipit pondus laboris, seipsum reddit alijs ponderosum. Et quia pondus portatur in humeris, humerinos ab efficiendi causa non immerito nuncupatur. Quia verò per initialem timorem charitas paulatim accenditur & ascendit, merito terinos tropicos appellatur. Nam Philosophi circulum illum terinos illos tropicos appellant, quo sol ab inferiori signo, videlicet capricorno, magis ac magis feruet & ascendit. Vnde quia quod inferius descendat non habet, tropicos appellatur, id est conuertibilis. Et quia tali ascensu magis ac magis feruet ætas, ateros, quod est ætas, appellatur. Et quia in superiore gradu virtutum timor est filialis, nihil enim differt à charitate, merito chimerinos tropicos appellatur. Nam chimerinos tropicos ille circulus appellatur, quo sol ab eminentiori signo, scilicet cancro, per Zonam hiemalem reflectitur ad capricornum. Vnde quia altius ascendere non valet, tropicos dicitur. Et quia ad hiemalem reuertitur, chimerinos, id est hiemalis merito nominatur. Nihil ergo timore filiali sublimius, qui tunc perfectus probatur, si semper magis ac magis se homo humiliet; & velut operarium malum & indignum se iudicet, iuxta illud. *Cum hac omnia feceritis, dicite, servi inutiles sumus.* Et iterum. *Quanto magnus es, humilia te in omnibus.* His ergo simul collectis & consideratis, considerandum est, quomodo duodecim gradibus solarem sphaeræ circulum sol ascendit. Hæc est enim corona stellarum duodecim, de qua Ioannes ait. *Signum magnum apparuit in celo; mulier amicta sole, & luna sub pedibus ejus, & in capite ejus corona stellarum duodecim.* Signum, id est figura magnæ rei in celo, id est in cœlesti mente apparuit, quando mulier, id est anima protegitur, & affectus omni defectui dominatur: & in capite, id est in mente ejus, est corona, id est perfectio stellarum duodecim, quæ duodecim signa vocantur. Nam quæ verè stellæ sunt, signa dicuntur; quia & aliud sunt, & aliud significant. Neque enim istum realem solem, dum circulum suum peragit, capros cornutos, pisces, arietes, vel aliquid tale, intrare credendum est. Sed in istis aliud dicitur, aliud designatur. Quid enim in capricorno, qui caper cornutus dicitur, nisi fœtor peccati designatur. Cujus cornua sunt, de quibus dicitur. *Et omnia cornua peccatorum confringam.* Vnde & Angelo Pergami, id est cornua dissipanti, scribere Ioannes iubetur. Sol ergo intrat capricornum, cum mentem peccato fœtidam veritatis cognitio possidere incipit; cum mens se vitiatam esse peccato incipit cognoscere: quia prima virtus est, *Gnothi seauton*, id est, nosce teipsum. Post hæc ascendit in aquarium, cum recogitans annos suos in amaritudine animæ suæ, lauat per singulas noctes lectum suum lacrymis, ut sint oculi ejus piscinæ in Hesebon, & facies ejus quasi nubes effundens pluvias lacrymarum. Post hæc ascendit in pisces, cum inter aquas lacrymarum pennulis spei se subleuat, & protegit patientiæ squamis: ne vel multitudo scelerum, vel magnitudo dolorum per impatientiam ipsum in profundum demergat, siue in desperationem. Hinc ascendit in arietem, ut jam seipsum per rationem regendo, & serpentis astutiam in cornibus, & ovis simplicita-

tem in vellere se demonstret habere, sicut scriptum est. *Estote prudentes, sicut serpentes, & simplices sicut columba.* De hinc ascendit in taurum, cum per istam simplicem astutiam, vel astutam simplicitatem, seipsum offert sacrificium Deo in odorem suavitatis; vel foris per mortificationem carnis, vel intus per spiritum contritulum. Taurus enim sacrificij spiritus contrituli typum gerit, ut in Euangelio. *Tauri mei, & altaria mea occisa sunt;* id est illi, qui per martyrium corporis; vel illi, qui per deuotionem mentis mihi placuerunt. Post hæc ascendit in geminos, in signum geminæ charitatis. Vnde notandum, quia sunt quidam, qui sicut sibi voluit per delicias indulgeri, sic & alijs. Et sunt alij, qui sicut sibi per abstinentiâ austeri, sic & alijs. Alij verò sunt, qui deliciosè viuendo, sibi parcunt, & austeri sunt subditis. Sunt & alij, qui per mortificationem carnis sibi duri sunt & austeri, & tamen charitatis ardore succensi, circa necessitatem proximorum beneuoli. In istis itaque geminæ charitatis, Dei videlicet & proximi, relucet insigne, qui per deuotionem ardent intus, & foris lucent per compassionem. Sic quippe sol iustitiæ intrare debet taurum per passionem, ut in geminos transeat per compassionem. De hinc intrat cancrum, ubi fit terinos tropicos, videlicet solstitium æstiuale, quo sol altius ascendere non valet: per quoddam, ut dictum est, designatur timor filialis; cum cedit ille, qui est initium sapientiæ, scilicet initialis, qui significatur per chimerinos tropicos, id est solstitium hiemale. Quod fit, quando sol intrat capricornum, & è regione respicit solstitium æstiuale: quod fit quando sol intrat cancrum, quod est signum humilitatis. Vnde. *Curua retro cedens cum fere vestigia cancer.* Custos enim omnium virtutum est humilitas. Quia quanto major est homo, humiliare se debet in omnibus, ut cum omnia fecerit, dicat, *servus sum inutilis.* Et illud Prophetæ. *Ad nihilum redactus sum, & nescius; ut iumentum factus sum apud te, & ego semper tecum.* Sed quia nimia humilitas sic simplices solet deijcere, ut ex nimia sui deiectione deficiant: ita decet hominem esse humile, ut viriliter agat, & confortetur cor ejus: ut & cancro sit similis humilitate, & leoni magnanimitate. Humilitas ergo roboretur fortitudine, & fortitudo roboretur humilitate. Fortitudo quippe operis custodit exteriorem, humilitas ab omni vitiis corruptione seruat hominem interiorem. In signum quippe incorruptionis sol intrat virginem: sub quo signo de femine humilitatis metit in gaudio fructum bonæ actionis. Sed quia non minor est virtus, quam quærere, parva tueri: maxime cum in mundo nihil sit stabile, sed omnia variantur sub sole: necesse est, ut in recta libramentem ponat, & quasi quoddam spirituale mentis æquinoctium faciat; & æquare sciat dies noctibus, & noctes diebus. Quod tunc dignè fit, si nec aduersitas plus debito mentem deprimat, vel in altum erigat prosperitas: quod duobus modis fieri solet, timore videlicet & amore. Quod si timor operatur, initialis videlicet, quæ perfecta charitas foras mittit, fit æquinoctium, sed vernale; quod fit sub ariete: eo quod sollicitus sit & humilis sub timore. Cornibus enim tuetur per sollicitudinem, & ouino calefit vellere per humilitatem. Quod si amor operatur, fit æquinoctium, sed autumnale, & in libra

*Matt. 10.
Tauru.*

Matt. 22.

Gemini.

Cancer.

Psalms. 72.

Leo.

Virgo.

Libra.

rectitudinis constitutus, excellentiori via graditur charitatis, ne declinet ad dexteram, vel ad sinistram. Non enim declinat ad sinistram, si nouissima sua recogitans, ab auditione mala, & vltima formidat. Horrendum est enim incidere in manus Dei viuentis. Horribilis erit dies tenebrarum & caliginis; quando sol erit sicut scaccus cilicinus, & obtenebrescet cauda scorpionis: quando ille, qui quasi agnus coram tōdente se obmutuit, in extremo examine quasi leo rugiet; & quasi serpens sibilabit muscis Ægypti, arguens in furore & dicens. *Hæc fecisti & tacui* Et illud. *Ite maledixisti in ignem æternam.* Propter hoc scriptum est. *Fili memorare nouissimam tuam, & in æternum non peccabis.* Tunc etiā sol iustitiæ à cauda scorpionis sagittarium ingrediens, & sagittas potentis acutas emittens, reddet vnicuique secundum merita sua; vulnerans inimicum ad mortē æternam, & amicum ad dilectionem: quando tunc fortis erit vt mors dilectio in anima beata, quæ dicere poterit. Vulnerata charitate ego sum. Tunc sol intrabit sagittarium, quando irim, quam nunc habet in capite, in manu portabit: sententiam in præscientia absconditam opere demonstrabit. Hæc est enim sphæra cælestis, quæ nobis aperit Galaxiam, viam videlicet eo lacteam, quo candidam pariter atque dulcem. Gnomone igitur rationis apposito infra circulos tales super nihili, vir sapiens & intelligens hæc, super nihili corporis sui terram appendat, cum Apostolo dicens. *Infelix ego homo, quis me liberabit de corpore mortis huius?* Quando confringetur hydria mea ad fontem; quando conteretur rota ad cisternam? Quando conuertetur pulvis in pulverem, quando veniet requies post laborem, libertas post seruitutem? Hæc faciat nobis, fratres, & hæc addat gratia Dei Patris, per Dominum nostrum Iesum Christum.

De Sancto Ioanne Baptista. SERMO III.

ERAT Ioannes lucerna ardens & lucens. Ardēs devotione, lucens opere: ardens verbis, lucens exemplis: ardens sibi, lucens proximis. Non erat ille lux, sed lucerna: & hoc propter lucis modicitatem: (Vnde scriptum est, *illum oportet crescere, me autem minui*;) propter infirmitatem; quia purus homo fuit: propter obscuritatem, quia lucis thesaurum abscondit in vase fictili. Hæc est lucerna, quam accendit Evangelica mulier, & euertit domum, vt dragmam decimam inueniret. Mulier siquidem est sapiētia Patris. Hanc lucernam in ipso vtero matris accendit; vt dragmam decimam, quæ perdita erat, inueniret: hoc est, vt lapsum Angelorū humano genere dignitatem suppleret. Nam cum nouem creati sint ordines, tot de vnoquoque ceciderunt ordine, vnde fieri decimus posset: quorū loca ex hominibus complenda sunt. Propter hoc nouem dragmis nouem comparantur ordines Angelorum; dragmæ decimæ comparatur genus humanum: propter quam etiam domum euertit, videlicet synagogam, de qua dictum est. *Domus mea, domus orationis vocabitur: vos autem fecistis eam speluncam latronum.* Scriptum quippe est. *Lex & Propheta usque ad Ioannem.* Hanc enim euertit, vt plenitudo gentium intraret; & sic omnis Israël saluus fieret. Quia ergo jam extincta erat lucerna, de

qua scriptum est, *habetis Propheticum sermonem, cui vos intendentes, tamquam lucerna ardenti in caliginoso loco, benefacitis:* accendit hanc lucernam Dominus; quæ accensa fuit in vtero, exposita in deserto, emuncta in Iordane, extincta in carcere. Bene ergo dicitur. *Erat Ioannes lucerna ardens & lucens.* Lucerna enim ardens, & non lucens est: qui sibi prodest & non alijs. Lucerna verò lucens est, & non ardens: qui alijs prodest & non sibi. Lucerna verò nec ardens, nec lucens est, sed extincta: qui Prælati locum occupans, nec sibi prodest, nec alijs. Ioannes autem lucerna fuit ardens & lucens: qui sibi profuit & alijs. Ideo commendatur ejus sublimitas multis modis. Primò Christo testimoniū perhibente, quoddam inter natos mulierum, non surrexit maior Ioanne Baptista. Secundò quoddam vbiūque occurrit mentio de Ioanne in Euāgelio, commendatur à Christo. Non ergo medicat humanæ laudis suffragia, qui laudatur à Deo: quia dicere potest, *in Domino laudabitur anima mea.* Tertiò, quoddam ejus Natiuitas per Gabrielem Archangelū, & inter sancta sanctorum fuit prænuntiata. Quartò quoddam exultauit in vtero, matre Domini veniente, & Elizabeth prophetante. *Et vnde hoc mihi: ut veniat mater Domini mei ad me? Ecce enim vt facta est vox salutationis tue in auribus meis, exultauit in gaudio infans in vtero meo.* In vtero ergo sanctificatus prius fuit sanctus, quàm natus. Quintò, quoddam quicquid sanctitatis alijs Deus per partes contulit, totum in Ioanne conflauit. Propheta siquidem fuit, imò plusquam Propheta: quia eum, de quo prophetauerat dicens, *venis fortior me post me; cuius non sum dignus corrigiæ calceamenti soluere,* digito demonstrauit & ait. *Ecce agnus Dei, ecce qui tollit peccata mundi.* Apostolus etiam fuit, sicut scriptum est. *Fuit homo missus à Deo, cui nomen erat Ioannes.* Apostolus verò missus interpretatur. Martyr quoque, quem Herodes in carcere decollari præcepit. Confessor etiam fuit, quia *confessus est, & non negauit: & confessus est: quia non sum ego Christus.* Nec caruit virginitatis honore, qui cum mulieribus coinquinatus non fuit: sed secutus est agnum quocumque iuit. Eremita quoque fuit, qui viam Domino in eremo præparauit. Lucerna ergo fuit: quæ tamquam ignis altera columna, euntibus per desertum lumen præbuit. Illuminat enim miraculum conceptionis, gaudium natiuitatis, sanctitas in conuersatione, humilitas in sublimitate, veritas in prædicatione, zelus in correctione, constantia in passione. Lucebat ergo vitæ merito; lucebat verbo: lucebat exemplo. Lumen præbuit nobis in ingressu, in progressu, in egressu. Ingressus ejus illuminat opera nostra prima & initialia; progressus media & progressiva: egressus vltima & consummativa. In ingressu suo commendatur gratia operans, in progressu gratia cooperans: in egressu gratia consummans. Ioannes quippe gratia interpretatur. Ioannis ergo natiuitas, id est ingressus ejus in mundum, ortum gratiæ nobis repræsentat. Hunc autem ortum gratiæ, multa nobis commendant priuilegia: videlicet tempus natiuitatis, vtriusque parentis nomina, nobilitas generis, vitæ sanctitas, dignitas officij. Natiuitatis tempus Lucas commemorat, vbi ait. *Fuit in diebus Herodis Regis Iudææ.* Sicut lumen cæcis, agris medicina, libertas seruis, fessis re-

Dies Iudicii horribilis.

Psal. 49.
Matt. 25.
Eccli. 7.Rom. 7.
Eccli. 12.

Ioann. 5.

Ioan. 1.

Quot ceciderint Angeli.

Matt. 21.

Luc. 16.

Ioan. 5.
Quæ lucerna ardeant vel luceant, quæ non.

Matt. 11.

Psal. 33.

Priuilegia S. Ioannis.

Luc. 1.

Marc. 1.

Ioan. 1.

Ibidem.

Luc. 1.

quies, sic ortus gratiæ gratus fuit in diebus Herodis. Cessauerat jam in Iudæa regnare mansuetudo Davidis, Sapiëntia Salomonis, Ezechie religio, simplicitas Iosif: & regnabat Herodis crudelitas. Adveniente siquidem sancto sanctorum, jam cessabat vnctio; & sedere inceperant filij Israël, sine Rege, sine Principe, sine Theraphim. Non erat gloria filiæ regis abintus, quia pellis gloria jam regnabat: sic enim interpretatur Herodes. In his quæ foris sunt, erat Iudææ gloria, quia intus erat ignominia plena. Sed in diebus malis crevit inter spinas lilium: & malus inter ligna silvarum. *Sacerdos quidam nomine Zacharias.* Zacharias autem memoria Domini interpretatur. *In diebus malorum,* ait sapiens, *ne immemor sis bonorum.* In diebus Herodis noli obliuisci tui creatoris. *Dies hominis,* ait Ieremias, *non desideravi.* Quid est dies hominis? Prosperitas mundi. *Dies ille,* ait Iob, *vertatur in tenebras: nec computetur in diebus anni.* Prosperitas verò mundi, pellis gloria est. Ergo dies hominis, dies est Herodis. Sed in diebus Herodis fuit Zacharias. Hic est primus ortus gratiæ, cum occurrit memoria Dei, inter prosperitates mundi, & delectationes peccati. Sed nec ephimera, nec transitoria debet esse talis memoria: sed constans, sed morosa: donec in cogitationibus suis de cogitationib' bonis creationis vel recreationis dulcedine, tamquam de lautioribus cibis anima satietur. Non ergo quilibet Zacharias: sed cuius vxor fuit Elizabeth. Zacharias quidem memoria Domini, Elizabeth Dei meretricitas interpretatur. Sed quandoque sunt dona à spiritu & in spiritu: quandoq; verò dona sunt, à spiritu, sed non in spiritu. Datur quippe quibusdam spiritus & personaliter, & per dona, vt claustralibus castè & religiosè degentibus: scholaribus verò peccantibus mortaliter, dona sunt à spiritu, sed non in spiritu. S. personaliter inspirato; qui quidem de Deo habent memoriam, sed non in Deo, nec propter Deum: sed vt vocentur ab hominibus Rabbi. Propter hoc necesse est, vt solo Dei intuitu sit hæc memoria; vt sint Elizabeth & Zacharias ambo iusti ante Deum, & sine querela. Quidā quippe sine querela proximorum sunt; sed non sunt iusti ante Deum. Alij circa opera iustitiæ se exercent, & sine querela sunt, sed non ante Deū: quia ad favorem hominum circa huiusmodi se exercent. Alij verò iusti sunt ante Deum, sed sine querela non sunt invidentium: quoniam alta est iustitia inficiens, vt Saducæorum: vnde Saducæi iusti interpretantur: alia insufficiens, vt Scribarum & Phariseorum: vnde dicitur. *Nisi abundaveris iustitia vestra plusquam Scribarum, Phariseorum, non intrabitis in regnum celorum.* Alia sufficiens secundum quid, hoc est secundū tempus. Vnde Adam & Heua iusti facti sunt, secundum quod tempori congruebat, id est innocentes: sed nullum iustitiæ signum habentes. Vel dicitur sufficiens lex Mosaica secundum tempus, in quo data est. Data siquidem incipientibus fuit & neophytis: quibus lex illa sufficiebat ad tempus: quia perfectis non sufficit. Nihil enim ad perfectum adduxit lex. Vel dicitur iustitia sufficiens: respectu illius, de qua dictum est. *Erat Noë vir iustus in generationibus suis.* Vel dicitur simpliciter sufficiens iustitia naturalis, scilicet, *quod tibi non vis fieri, alij ne feceris: & quod vultis vt faciant vobis homines, &*

vos eadem facite eis: sed iustitia consummativa, Evangelica iustitia est; de qua dicitur. *Qui te percusserit in maxillam, præbe ei & alteram.* Tamen nec sine querela, nec sine murmure sustinetur plerumque. Iustitia ergo perfecta ante Deum, & sine querela est, quæ unicuique jus suum reddit. Quod tunc dignè sit, si Deo jus suum reddat Religio, pietas parentibus, innocentia minoribus, amicitia equalibus, reuerentia maioribus, concordia proximis, misericordia egenis. Sic erant isti ambo iusti ante Deum, & sine querela. Vel dicitur Zacharias iustus, & sine querela: quando memoria Dei nihil habet infidelitatis admixtum, vt sit iusta: nec odij vel rancoris ad proximum, vt sit sine querela. Vt ad Deum sit; siue de Deo sit siue non sit. Sunt enim quidam motus de Deo, sed non ad Deū: vt si blasphemamus. Quidam ad Deum, sed nō de Deo: quando proximis compatimur. Quidā nec de Deo, nec ad Deum: quando movemur ad adulterium. Quidam de Deo & ad Deum: quando ipsum perfectè diligimus. Et hæc est iustitia ante Deum, & sine querela. Igitur Zacharias intravit in templum hora incensi. Per incensum oratio designatur. Vnde David. *Fiat oratio mea sicut incensum in conspectu tuo.* Hora ergo incensi, hora orationis est. Sed quæ est hora orationis? Cum Tobias dicat, *Omni tempore benedic Deum.* Et Psalmista. *Benedicam Dominum in omni tempore.* Vnde notandū, quodd triplici seruitute Deo tenemur. Debita, pia, & instituta, debita seruitus est, quæ est latræ; pia, quæ est operum misericordiæ: constituta, quæ est ex hominum institutione. Institutū est enim, vt Regularibus horis laudemus Deum, plusquam in alijs: vnde seruitute instituta magis tenemur seruire vna hora quam altera. Sed seruitute debita siue pia, nullus magis tenetur seruire vna hora quam altera. Horæ verò institutionis octo sunt: quas Esdras primò quidem instituit: sed Dominus operibus suis, eundem numerum postmodum confirmavit. Nam de huiusmodi horis ait Psalmista. *Septies in die laudem dixi tibi: & media nocte surgebam ad confitendum tibi.* Hic autem sacratus numerus tunc impletur: si * prima, tertia, sexta, nona, vespere & completorio, & nocte media surgamus ad confitendum Deo super iudicia iustitiæ. Prima, quia tunc à Iudæis Christus traditus est Pilato, jam consputus & illusus, & cæsus alapis, ligatus & saturatus opprobrijs. In hac etiam hora à mortuis surrexit, Mariæ Magdalene apparuit, & visus est in littore septem discipulis, quibus ait. *Pueri numquid pulmentarium habetis?* Hora tertia fuit spinis coronatus: linguis Iudæorum crucifixus: & Spiritus sanctus in die Pentecostes discipulis datus. Hora sexta fuit clavis in cruce affixus: & eadem hora discipulis cernentibus ascendit. Hora nona tradidit spiritum, & lanceatus duo nobis de latere sacramenta emisit, aquam baptismi & sanguinem redemptionis. In vespere depositus de cruce fuit: eadem hora discipulis suis sacramentum corporis & sanguinis sui dedit. Eadem etiam hora duobus discipulis euntibus in Emmaüs in fractione panis cognitus fuit. In completorio egresso Iuda traditore ad Iudæos cepit Iesus pauere & tedere; & factus in agonia prolixius oravit; & guttas sanguinis prostrato corpore sudavit. Media nocte nato Domino, Pastores vigilantes vigilas no-

Luc. 1.

Eccli. 11.

Jerem. 17.

Iob 3.

Primus ortus gratiæ memoria Dei.

Quæ sint dona à Spiritu & in Spiritu.

Matt. 5.

Genes. 6.

Matt. 7.

Matt. 5.

Iustitia perfecta ante Deum quam sit.

Luc. 1.

Psalm. 141.

Tobie 4.

Psalm. 33.

Triplici seruitute Deo tenemur.

Psalm. 118.

Septembore dem dixi tibi: & media nocte surgebam ad confitendum tibi.

Canon. latendo dando Deo

instituta.

*matutina

Ioann. 21.

Luc. 2. *Matt. 25.* *Psal. 106.* *Quid sit Zachariam templum intrare.*

Etis super gregem suum, audierunt clamantes Angelos. *Gloria in excelsis Deo.* Hac etiam hora clamor fiet, *Ecce sponsus venit.* Eadem hora Samson portas allophylorū cum vectibus suis fregit, in signum Christi, qui tunc nobis aperuit portas inferni. Vnde canimus. *Confiteantur Domino misericordia eius, & mirabilia eius filijs hominum: quia contriuit portas areas, & uelates ferreos confregit.* Istæ sunt horæ incensi. Zacharias ergo hōra incensi intrat templum: quādo memoria Dei cor intrat, ut laudemus Deū: & hæc satietas memoriæ Dei gratiam gignit sordium mundatricem, & vias Domini præparantem in eremo mundi hujus: quoniam Elizabeth magnum virum genuit, Ioannem Baptistam, præcursores Domini.

S E R M O. In Natali Apostolorum Petri & Pauli.

1. Reg. 10. *Judic. 1.* *Psal. 70.* *Asina simplices & idiotæ denotant.* *Iob 1.* *Grego. ibid.*

QUAM abieris à me hodie, inuenies viros duos iuxta sepulchrum Rachel in finibus Benjamin meridie, salientes magnas foveas, dicentque tibi. *Inuenta sunt asina.* Ecce carissimi, quæ ratione suspirabat filia Caleb, quā iuste conquesta est de sterilitate Dabir, quæ alio nomine Cariathsepher vocabatur: quæ etiam necessitate sibi jungi voluit irriguum superius & inferius. Valde enim sterilis sermo diuinus inuenitur, si literæ superficies attendatur. Hæc enim significat sterilitas Dabir, quæ interpretatur eloquentia, quæ etiam Cariathsepher vocabatur, id est ciuitas literarum. Nam propter hoc ait Psalmista. *Quoniam non cognoui literaturam;* id est, quia literæ non adhæsi, *intraibo in potentias Domini.* Necesse est ergo, ut adjungatur ei irriguum superius, & irriguum inferius: scilicet ut affectum irriget humor gratiæ spiritualis, quo ad diligendum Deum, quasi ad irriguū superius, & ad diligendū proximū ut ad inferius, animus moueatur. Quid enim nostra interest, qua negligentia asini Cis fuerint perditæ, qua sollicitudine quæsitæ, qua utilitate inuentæ? Sterilis planè est in hac parte Dabir, nisi ei utrūque irriguum adjungatur. Vnde notandum est, quod in sacro eloquio per asinas secundum allegoriam, simplices & idiotæ, secundum verò tropologiam animi motus figuratur, sicut scriptum est. *Bones arabant, & asina pascabantur iuxta eos.* Asina, ait Gregorius, *juxta bones pascuntur; quando simplices prudentium intelligentia reficiuntur.* Sed asinæ per negligentiam Pastorū plerumque pereunt; dum alij labores, inimicitias, vel odia subditorum intrare volentes, sub specie libertatis ipsos tamquam onagros, per abrupta vitiorum liberos abire permittunt. Quod quā malum sit, negligentia Sacerdotis Heli nobis ostendit. Cujus tabernaculum Deus repulit; quia circa subditos dissolutus & mollis fuit. Alij sub specie seueritatis et uolentiam induentes, disciplina, fame, laboribus, subiectos affligunt, non ut solum premant, sed opprimant: quorum Cis imaginem tenet, cuius asinæ perierunt. Cis enim durus interpretatur; & ex ipso nomine eorum duritia figuratur, qui subditis suis imponunt onera graui & importabilia: similes ministris, non Christi, sed Regis Ægypti, qui filios Israël affligebant operibus, nec paleas dabant. Quid est, paleas non dabant? Temperamentum oneribus non imponebant. Nam

per paleas temperamentum accipitur, ut ibi. *Ipsi limiebant parietem luto absque palea,* id est, *Ezech. 13.* absque temperamento. Vnde subditur. *Diceis, qui limiunt parietem absque temperamento, quod casurus sit.* Non sic, non sic Emmanuël vescebatur caseo & felle, sed butyro & melle: ut sciret reprobare malum, & eligere bonum. Nam ut malum à bono discerneret, & bonum à malo, utrebatur melle & butyro, non felle & caseo. Et quis est Emmanuëlis cibus? Ipse nobis exponit in Evangelio, ubi ait. *Cibus meus est, ut faciam voluntatem patris mei.* Ergo circa iudicia, quibus bonos à malis discernit, utitur melle dulcedinis, humore pietatis, pinguedine charitatis. Butyrum quippe naturaliter est pingue & humidum. His utitur sapientia Dei Patris, videlicet Emmanuël; cui omne iudicium dedit Pater, ut semper pronus esset ad iudicia dispensatiua & remissiua, non punitiua: charitate, pietate, dulcedine; non felle amaritudinis, non siccitate inhumanitatis, neque duritia crudelitatis; sicut isti, qui in iudicijs suis semper inueniuntur amari, inhumani & duri, quasi felle, quod amarum est, utentes; & caseo, qui durus est & siccus; non melle, quod dulce est; vel butyro, quod est humidum & pingue. Cum igitur grauibz affligunt subditos oneribus, qui tamquam animalia Dei ad suscipienda onera sponte se inclinant, nonne quasi Chaldæi tres turmas faciunt, ut beati Iob camelos auferant, vel fornacem pueris accendant? Chaldæi quippe feroces interpretantur: & cum ferocitate sua subiectos premunt, non domesticos, sed Dei se persecutores ostendunt. Sicut autem per Iob Christus, ita per Chaldeos ejus persecutores figurantur. Et cum ad Christi passionem Herodiani, Saducæi, Pharisei pariter conuenerunt, quasi tres turmas Chaldæi fecerunt. Sic igitur isti, cum subditos oneribus premunt, & crudelitate Herodiani, & falsa iustitia Saducæi, & simulata religione Pharisei facti sunt; in omnibus verò Chaldæi. Vel certè cum zelo amaritudinis vrunt animas subditorum, crudelitate sua, tamquam Chaldæi pueris accendunt fornacem. Pueris inquam illis, de quibus dictū est. *Ecce ego & pueri, quos dedit mihi Deus.* Isti ergo verborum Petri Apostoli surdi auditores, volūt potius in Clero dominari, quā fieri forma Cleri; non attendentes, quod vnus est magister noster, nos autem omnes fratres sumus. Et ut sciant humiliari, locum attendant, cuius typū tenent, vel in arca Noë, vel in tabernaculo Moyse; nam in utroque figurata est Ecclesia Dei. *Facta sunt,* ait Scriptura, *in arca cœnacula & cristega,* id est distinctiones, quas alia translatio vocat bicamerata & tricamerata, scilicet camere quinque, quarum prima dicebatur stercorearia, secunda apothecaria, tertia immitiū animalium, quarta mitium, quinta hominum & auium. In prima ordo eorum, qui curam habent animarum, figuratur. Qui dum confessiones suscipiunt, apud ipsos peccata quasi sordium faeces confrentes emittunt. Secunda Doctorum ordinem repræsentat, qui de sententijs Scripturarum condiunt salutis pigmenta. Tertia eorū qui sūt in Ecclesia Dei, nomine, non numine; numero non merito: à quibus arca purgari nō potest, donec ventiletur. Quarta mitium & obediendum subditorum; quinta rationabiliū hominum & contemplatiuorum. Tabernaculi

Cibus Emmanuëlis quis.

Ioann. 4.

Adversus Prelatos crudelit.

Isai. 8.
1. Petri 5.Genes. 6,
In arca fuerunt 5. mansiones.

Exod. 26.
Qui Eccle-
siam prote-
gunt, operi-
mentis Ta-
bernaculi
cōparantur.

Ioann. 8.

1. Reg. 9.

Prelati au-
sterius bono
subdito li-
ma est, &c.

1. Reg. 9.
Prelatus
exemplo &
doctrina de-
bet fulgere.

quoque Moysi quatuor tegebatur operimentis. Primo sagis capillarijs siæ cilicinis; secundo pellibus arietum rubricatis, tertio cocco bis tin-cto, quarto verò æquè pellibus arietum hyacinthinis. In istis illi qui Ecclesiam Dei protegunt, figurantur. In primo Prælati, qui ventis & imbribus exponuntur: in secundo actiui, qui laboribus afflicti, quasi pelles arietum rubricantur: in tertio charitatiui, qui etsi laborare nequeunt, ad honorem Dei & utilitatem proximi de proprio beneficia largiuntur: in quarto contemplatiui, qui cælo similes, tamquam pelles hyacinthinæ cælestia contemplantur. Ecce māsionibus stercorearijs, & sagis, isti de quibus loquimur, comparantur cilicinis. Vnde igitur eis tantæ superbix fastus, si tam vilis eis sit in Ecclesia locus? Quomodo ergo in Clero dominari volunt, cum sit vnus magister noster Christus, nos autem omnes fratres simus? Aut quomodo de oculis trabem non eiiciunt, qui de oculis fratrum festucā eiicere volunt? Nam sicut Augustinus ait, Sacerdos, cui omnis offertur peccator, ante quem constituitur omnis languor, nullo eorum sit iudicandus, quæ in alio iudicare est promptus. Iudicans enim alium, qui est iudicandus, condemnat seipsum. Cognoscat igitur se, & purget in se, quod alios viderit sibi offerre. Caveat & à se projiciat, quid in alijs damnosum reperit. Animaduertat, quoddam qui sine peccato est, primus in mulierem lapidem mittat. Ideo enim liberauit peccatricem; quia non erat, qui iustè in mulierem projiceret lapidem. Sed jam sub tali Prælato quid bonus subditus mereatur, audiamus. Sequitur enim. *Erat autem filius Saul electus & bonus, qui super alios eminebat ab humeris & sursum: nec erat eo mellior inter filios Israël.* Non est laudabile bene viuere, cum nemo malè viuere suadet; sed gloriosum est, non consentire suadenti: gloriosius etiam tentationi resistere, quam tentari non posse. Nam quis magis mereri meruit, vel Petrus, qui tunica sua cinctus ad Christum super mare venit; vel illi qui venerunt nauigio? Quid enim fluctus maris, nisi fluctus tē-tationis insinuat? Et quid est super mare ad Christum venire, nisi, vt ad Christum veniatur, fluctus tentationis calcare? Et quid est venire nauigio, nisi ad Christum accedere, absque tē-tationis incommodo, imò consolationis remedio? Quia igitur Prælati austeritas nihil est aliud bono subdito, quàm lima ferro, fornax auro, flagellum grano, torcular vino, tantò laudabilis subditus approbatur, quanto patienter flagella sustinet; quorum rursione virtus defæcatur. Tales insinuat filius Cis: & ideo bonus dicitur, & electus. Vnde & meritò perditurum ci-eura committitur asinarum, vel vt melius dixerim, animarū: quia talis dignus est prælatione, qui per patientiam compati didicerit passionibus subditorum, & vigilare sollicitus sit, inquirendo quod perierat; quomodo consolidet, quod contractum erat, quod debile sustineat, quod forte & pingue custodiat. Nam sollicitudo quærendi animas cōmendatur, cum dicitur. *Et quasiuit eas per montes Ephraim.* Duobus modis circa curam animarum Prælati debet esse sollicitus, exemplo scilicet & doctrina. Necesse est enim, vt subditis exemplum laboris præbeat, corpus castiget, & in seruitutē redigat; ne cum alijs prædicauerit, otiositas eū redarguat. Mōtes

autem Ephraim laboris grauedinem circa bonæ fructum operationis insinuant. Vnde Ephraim interpretatum frugifer sonat. Sed quoniam nō sunt condignæ passionibus huius temporis ad futuram gloriam, quæ reuelabitur in nobis, necesse est, vt quasi transeūdo per mōtes Ephraim quærat, donec veniat ad terram Salisam. Quia solum solidum est elementum, per terram non immeritò soliditas figuratur. Salisa verò triennalis interpretatur. Est igitur terra Salisa terra triennalis; de quo triennio loquitur Isaias, vbi ait. *Comede, quod hoc anno repperis, secundo quod sponte nascitur, tertio seminato & plantate vineas; comedite & bibite.* Vnde sciendum, quoddam ex quo nascimur, nobis à Deo collata naturalia repperimus. Cum illis enim nascimur, nec esse possumus sine illis. Comedere ergo anno primo ea quæ repperimus, est vt dignè naturalibus, scilicet memoria, ingenio, ratione, libero arbitrio. Sponte verò nascuntur gratuita; ideo sponte, quia nullis præcedentibus meritis: alioqui non essent gratuita, id est gratis data. Comedere ergo anno secundo ea quæ sponte nascuntur, est vt dignè gratuitis. Vnde Apostolus. *Rogo vos, ne in vacuum gratiam Dei recipiatis.* Tertio autem anno seminare debemus & comedere, vt liberum arbitrium gratuitis adiungentes, secundum nobis à Deo collatam gratiam voluntariè quod bonum est operemur. Simples ergo subditos exemplis erudit, vel fatuos motus in se compescit, qui sic vt nouit naturalibus & gratuitis, vt vñbus eorum dignè mereatur, & exercitijs. In omnibus tamen quæ facit, nesciat sinistra sua, quid faciat dextera sua: ne pro temporalibus & caducis, sed pro cælestibus faciat & æternis. Transeat de terra Salisa per terram Iemini. Iemini quippe dextera interpretatur. Ergo per terram Iemini viator iste transeat, vt nihil sinistra, sed quod est dextera semper inquirat. Sed quoniam persecutionū timor multos à bono proposito retrahit, & ad illicita trahit; necesse est, vt in hac parte se muniat, nec à bono proposito propter persecutionum timorem resiliat; sed ad motus simplices inquirendos, etiam terrā Salim pertrāseat. Salim quippe vulpes interpretatur: per vulpes verò persecutores figurantur. Vnde Samson cum facibus ardentibus vulpes discurrere fecit per sata Philistinorum; quia Christus nonnūquam permittit crudeles persecutores bona destruere impiorū. Sit igitur ad omnia circumspēctus & prouidus, vt perueniat ad terram Suph. Suph quippe specula interpretatur. Est autē triplex specula. Prædicationis, de qua dictū est. *Specularem dedi te filiis Israël,* Contemplationis, de qua dictum est. *Pone tibi mensam, & contemplare in specula.* Circumspectionis, de qua dictum est. *Statue tibi speculam, pone tibi amaritudinem, & dirige cor tuum in vias rectas.* Igitur ad speculam circumspectionis accedat, id est ad terram Suph. Scriptum est enim. *Omni custodia serua cor tuum, quoniam ex ipso vita procedit.* Inopinata siquidem morte Isboseth extinctus legitur, quem Scriptura ostiariam, non ostiarium habuisse testatur. Cujus hostes, dum ostiaria purgans triticum obdormisset, assumentes spicas tritici latenter ingressi sunt, & eum in inguine percusserunt. Ostiaria siquidem triticum purgat, cum mens à vitijs virtutes separat. Quæ si per negligentiam obdormierit: ad interficiendam animam mali-

4. Reg. 19.
Isai. 37.

Comedere
fructus tri-
ennorum,
quid sit.

2. Cor. 6.

Iudic. 15.

Ezech. 3.
Isai. 21.
Ierem. 31.

Prouer. 4.

Excitanda
negligentia.
2. Reg. 4.

Maligni spi-
ritus lastro-
nos spiritua-
les.

Luc. 17.

1. Reg. 10.

Petrus &
Paulus du-
ces ad celu.

Ecclesia mi-
litans, ex-
pectans, tri-
umphans.
Exod. 20.

num malignis spiritibus iter pandit. Qui ingressi spicas auferunt, quia bonarum cogitationum germina tollunt: & in inguine feriunt, quia virtutem cordis delectatione carnis occidunt. Vnde Ihsoseth vir confusionis dicitur, quia omni confusione dignus est, qui virili custodia munitus non est. Perseuerantiâ autem sollicitudinis suæ, & finem finalem sui operis in illum dirigat, qui est bene operantium finis, sine quo nihil facere potest; & per quem etiâ impossibilia potest. Qui petentibus & quærentibus promittit dicens. *Petite, & accipietis; querite, & inuenietis.* Ergo finaliter sit sua petitio Deus. Sicut de hoc electo filio Cis legitur, quod tandem venit ad Samuël in Ramatha. Samuël quippe petitio mea Deus interpretatur. Ad Deū igitur, qui finis esse debet omnis nostræ petitionis, in Ramatha venit, qui cælesti desiderio accensus, viam mandatorū ejus currit. Rama quippe excelsum interpretatur. Et quid excelsior cælo? In Ramatha Samuël inuenitur, quia iustis ad Deū petitionibus, & in hac vita merito, & post hanc vitam præmio pervenitur. Vnde Samuël ait. *Cum abieris à me hodie*, &c. Malè vadit, qui à Deo non vadit; quem via justificationū non instruit; quem in veritatē non inducit. Sed à Deo vadit, qui viam mandatorū suorum currit: quem per vias rectas deducit, & tandem per viā charitatis perducit. *Cum abieris*, inquit, *à me hodie, inuenies duos viros.* Ad quid inuenies? Ut ducatum tibi præbeant, si à Deo ire desideras, & in tenebris es. Si cæcus es, & nescis quod vadas, & tamē ire desideras, viā ducatum Paulus præbere poterit, qui usque ad tertium cælum raptus fuit. Sed & Petrus regni cælestis aditū tibi referabit, qui referadi pariter & claudendi claues accepit. Et quis in agone contendens, jam non currat ad brauium supernæ vocationis; cum alterum de persecutore factum inueniat vas electionis; alterum verò, postquam ad vocem ancillæ negauit, principē Apostolicæ dignitatis? *Inuenies*, ait Scriptura, *duos viros.* Duos, propter mysterium geminæ charitatis; viros, quia doctrina viros veritatis, exemplo verò virtutis. Nam vir à veritate, vel à virtute dicitur. Et quidem eos in via fuisse tales inuenies. Sed in patria quales? *Inuenies eos iuxta sepulchrum Rachel.* Nota, quod vna est generalis & vniuersalis Ecclesia, sed in tres speciales diuisa; id est in Ecclesiam militantem, & expectantem, & triumphantem. Prima figurata est in altari luteo, de quo dictum est. *Altare de terra facietis mihi.* Altare de terra fit Domino, cum Ecclesia corruptibilis & terrena seruit Deo. Vnde Sacerdos orat in Canone. *Supplices te rogamus, omnipotens Deus, iube hac perferri per manus sanctorum Angelorum tuorum in sublime altare tuum, ut quotquot ex hac altaris participatione, &c.* Orat enim Sacerdos, ut per virtutem sacramenti tota simul Ecclesia militās & triumphans in vnum corpus Christi vniatur: id est, ut Ecclesia militās, quæ in præsentī sacramento figuratur, & quasi in inferiori altari offertur, in sublime altare, quod est Ecclesia triūphans perferatur; & capiti suo, Christo scilicet cujus corpus est, vniatur. Nam sicut ait Sergius Papa, triforme est corpus Christi. Vnde & in forma panis tres fieri solent fractiones. Pars comesta corpus Christi insinuat ambulans adhuc super terram, id est Ecclesiam militantem, altare scilicet inferius, altare adhuc corruptibile &

terrenum. Vnde & de terra fieri iubetur. Pars verò in calicem missa, corpus Christi, quod jam resurrexit, insinuat, Ecclesiam videlicet triumphantem, quæ etiam figurata est in altari aureo, quod erat in sanctis Sanctorū. Pars autem usque ad finem missæ reservata in altari, corpus jacens in sepulchro, id est Ecclesiam expectantem corporum resurrectionem. Quod fieri iubetur de lapidibus, quos ferrum non tetigit; quia jam certa beatitudine donata, nec hæresis nec schismatis timet sectionem. Figuratur etiâ in altari, sub quo Ioannes audiuit vocem occisorum clamantium. *Vindica Domine sanguinem servorum tuorum, qui effusus est.* Propterea sepulchro Rachelis hæc expectans Ecclesia comparatur: quia ibi vox in Rama, hoc est in excelsio audita est, Rachel, hoc est Ecclesia, plorans filios suos, nec ibi vult cōsolari, donec impleatur numerus fratrum suorum. Est igitur sepulchrum Rachelis secretum Ecclesiæ expectantis, quæ expectat resurrectionem corporum latentium in sepulchris. Iuxta igitur hoc sepulchrū expectant isti duo viri: quia etsi quantum ad glorificationem animarum membra sunt Ecclesiæ triumphantis; tamen quoad corporum susceptionem membra sunt Ecclesiæ expectantis. O quàm gloriosum est hoc sepulchrum. *Erit*, ait Isaias, *radix Jesse, qui stat in signum populorum; ipsam gentes deprecabuntur, & erit sepulchrum eius gloriosum.* De radice siquidem Jesse flos ascendit, id est Christus, qui & Nazareus vocatus est. Cujus est hoc sepulchrum, quia sicut militantis & triumphantis, ita caput est Ecclesiæ expectantis. Vna enim est Ecclesia, expectans, & triumphans. Ideo autem gloriosum, quia ibi cessant impij à tumultu, nec auditur vox exactoris. Ibi terræ Reges & Consules dormientes silent, & somno suo requiescunt. Ideo fodientes thesaurū vehementer gaudent, cum inuenerint hoc sepulchrum. Sequitur. *In finibus Benjamin.* Benjamin filius dexteræ interpretatur. Filij autem dexteræ sunt, quibus statutus ad dexteram Iudex dicturus est. *Venite benedicti Patri mei.* Habet autem fines multos iste Benjamin, perseuerantiâ in timore Domini, & obseruantiam mandatorum, in affectu charitatis, in visione Dei, quæ sola est finis finalis. Et est primus finis, finis per quem; de quo habes. *Finem loquendi pariter audiamus, Deum time, & mandata ejus observa.* Secundus est finis ad quē, vnde legis. *Finis legis est charitas.* Tertius est finis propter quem. Vnde in finem diriguntur Psalmi. Et Dominus in Apocalypsi dicit. *Ego sum Alpha & Omega, principium & finis.* Per timorem siquidem Domini & obseruantiam mandatorum pertingimus ad charitatem, in qua perseuerandum est propter solam Domini visionem. In his finibus inuenti sunt isti duo viri, qui in vita sua fidem per dilectionem operantē habuerunt, perseuerantes in ea usque ad Dei visionem. Inuenti sunt ergo in finibus Benjamin & meridiē. Inuenerunt enim vbi pascit, vbi cubat sponsus in meridiē. Non in mœrenti die, in qua palpant homines sicut in nocte; quæ dies est hujus sæculi, & illius magnæ aurora diei, quæ calamitatis erit, & miseriæ: sed in meridiē, id est in mera die, quæ nescit occasum; quam nulla nox interpolat, nec habet obscurum. Sequitur. *Salientes magnas foueas.* Per foueam terrena cupiditas figuratur, ut in Iob. *Facies eorum*

Tres partes
hostia tres
status Ecce-
sie represen-
tant.

Apocal. 6.
Psal. 78.

Ecclesia ex-
pectans se-
pulchro Ra-
chel compa-
ratur.

Isai. 11.

Matth. 23.

Eccles. 12.

1. Timot. 1.

Apocal. 1.

1. Reg. 10.
Iob 40.

Pſalm. 56.

demerge in foueam : quia reprobi omnem suum intuitum ad cupiditatem terrenam inflectunt. Vel per foueam sententia mortis accipitur, vt in Pſalmo. *Foderunt ante faciem meam foueam, & inciderunt in eam*, id est seipſos occiderunt, in eo quod me occidere putauerunt. Magnæ sunt istæ foueæ & patentēs; sed vltra eas saltum fecerunt, qui & terrenas cupiditates preuerūt, & æternæ mortis sententiam euaserunt. Iſti igitur de inuentione aſinarum, certos reddunt, qui ſimplices animi motus modificare nouerunt: & ſubjectos ſimplices ad ſtabulum Samaritani ſcriptis & exemplo reduxerunt.

In Aſſumptione Beate MARIE. SERMO I.

Cantic. 8.

Pſal. 77.
Diuerſis
modis ince-
dunt homi-
nes viâ Dei.
Oſea. 11.
Pſalm. 125.

Pſalm. 118.

Pſalm. 83.

Prover. 30.

Via aquila
in celo quid
ſit.

Quid ſit
via colubri,
navis & vi-
ri.

Iſai. 65.

QUÆ est iſta, quæ aſcendit, &c. In via Dei alij impelluntur, ſicut coacti: de quibus ſcriptum eſt, *Cum occideret eos, querebant eum*. Alij trahuntur: qui inter tentationes conualeſcunt. Vnde Dominus. *In ſuniculo charitatis traham eos*. Alij vadunt; qui indefeſſo gradu per tramitem iuſtitie inter difficultates gradiuntur: de quibus canitur. *Euntes ibant & flebant, mittentes ſemina ſua*. Alij currunt: qui feruenti deſiderio vires conantur excedere. Vnde Dauid ait, *viam mandatorum tuorum cucurri; cum dilataſti cor meum*. Alij aſcendunt: qui meritõ gradus aſcendendo in corde ſuo diſponunt. Vnde dicitur. *Beatus vir, cuius eſt auxilium abſ te: aſcenſiones in corde ſuo diſpoſuit in valle lacrymarum: in loco quem poſuit*. Aſcendentium autem alij ſunt, qui aſcendunt, vt corruant: alij ad hoc corruunt vt poſtmodum fortius aſcendant: alij vero aſcendunt, ita vt non poſſint corruere: alij autem ita corruunt, vt jam non poſſint aſcendere. Aſcendunt verò, vt corruant; qui de virtutibus ſuis ſe reddunt elatos: qui ſimulatè in religione vivunt: qui in tentatione ſunt inſtabiles: qui adoleſcentiam animi retinent etiã ſeneſcentes: de quibus Salomõ. *Tria ſunt diſſicilia mihi: & quartũ penitus ignoro. Viam aquila in celo, viam colubri ſuper petram, viam navis in mari, viam viri in adoleſcentia ſua*. Via aquilæ in celo, eſt via hominis ambulantis in magnis, & in mirabilibus ſuper ſe. Aquila enim eſt magnarum alarum: quæ tunc venit ad Libanum, quando accedit ad virtutum montẽ candidatum. Sed medullam cedri tollit, cum ipſis religioſis, ſpernendo & ſuperbiendo detrahit. Via autem colubri ſuper petram, eſt vita illorum, qui ſimulatè ſe Chriſto adherere foris oſtendunt, intus vero malitiæ venenum abſcõdunt. In hoc enim quod venenum malitiæ portant, colubri ſunt: in hoc autem quod religioſè vivunt, ſuper petram vadunt. Supra petram dico, non in petra: quia nec ipſi in Chriſto ſunt, nec Chriſtus in eis eſt: ſicut ſuper cathedram, & non in cathedra Moyſi, ſedere dicuntur Scribæ & Phariſæi. Via autem navis in mari eſt vita eorum, qui inter amaritudines tentationũ aliquo vanitatis vento flante, titubant & merguntur. Via verò viri in adoleſcentia, eſt vita eorum, qui cum ſenes ſint, & ætatis prouectæ, adoleſcentiam tamen retinent moribus, non ætate. His enim maledicit Iſaias, cum dicit. *Maledictus puer centum annorum*. Corruunt, vt aſcendant, qui vt exaltentur, ſe humiliant: de quibus Salomõ. *Quatuor ſunt minima terra:*

& ipſa ſapientiora ſapientibus. Formica, quæ in æſtate præparat eſcam ſibi. Lepuſculus plebs immlida. Regem locuſta non habet: & tamen egreditur per turmas. Stellio manibus nititur, & moratur in domibus Regis. In quibus laborioſi, timidi, humiles, & ſubjecti designantur. Corruunt, & aſcendere non poſſunt, quos demerſit tempeſtas aquæ: quos jam profundum abſorbuit; ſupat quos jam vrget puteus os ſuum, vt cadant in profundum culpæ, ſive in profundum pœnæ. De quibus Salomõ. *Tria ſunt inſatiabilia: & quartum, quod numquam dicit ſufficit. Infernus, & os vulvæ: & terra quæ non ſatiatur aqua: & ignis, qui numquam dicit ſufficit*. In primo profundum pœnæ demonſtratur: in reliquis tribus luxuria, cupiditas, auaritia: quæ ſunt profundum culpæ. Aſcendunt & corruere non poſſunt, qui nec tentationibus nec aduerſitatibus ſecti poſſunt: ſed cum Apoſtolo fiducialiter dicunt. *Quis nos ſeparabit à charitate Chriſti?* Vel certè qui opere complent, quod ore prædicant: vel qui cautelam innocentia ſeruant: vt ſint de illis, qui agnum immolant, de latere aquilonis: vel quaſi columbæ ad fenestras ſuas: de quibus Salomõ ait. *Tria ſunt, quæ bene gradiuntur; Leo fortiffimus beſtiarum, ad nullius panis occuſum: & Gallus ſuccinctus lumbos; & Arias, non eſt Rex, qui obſiſtat*. In Leone fortiffimo designantur illi, qui ſecti non poſſunt per aduerſitatem mundi, per infirmitatem carnis, per tentationem cordis. Ad nullius enim pauobit occuſum. In Gallo autem ſuccincto lumbos prædicatores ſignificantur: qui quod prædicant voce, demonſtrant opere: ſe ipſos percutiunt, antequam canant: quia caſtigant corpus ſuum, & Zona continentie reſtringunt lumbos: nè cum alijs prædicauerint, ipſi reprobi inueniatur. In ariete verò, cui nec poteſt Rex reſiſtere, designati ſunt ſimplices: qui ſic tamen aſtutiam retinent in ſimplicitate, vt à nullo aduerſarij incurſu poſſint timere. Quaſi enim columbæ ad fenestras ſuas ſunt, prudentes ſicut ſerpentes, ſed ſimplices ſicut columbæ. Notandum quoque: quòd aſcendentium alij ad hoc aſcendunt, vt fugiant à deſerto: alij aſcendunt de deſerto; alij aſcendunt in deſerto: alij aſcendunt per deſertum, alij aſcendunt ad deſertum. Per deſertum namque figurantur plerũque, vel dæmones vel infernus. Dæmones, vt in Pſalmo: *Neque à deſertis montibus*; quia nec in ipſis malignis ſpiritibus patet fugiendi à diuina maiestate locus. Infernus; vnde hircus apopumpeiũ mitti juſtus eſt in deſertum; quia Chriſtus ſecũdum animam, propter iniquitates populi deſcendit in infernum. Vel aſcendunt de deſerto, id eſt de lege Moſayca; de qua ſcriptũ eſt: quòd aquas Mara in deſerto amaras dulcorauit Moyſes ligno impoſito. Vel de ſterili gentilitatis ritu. Vnde, *poſuit deſertum in ſtagna aquarum*. Et iterum Iſaias. *Emitte agnum Domine dominatorem terra, de petra deſerti ad montem filia Sion*. Vel aſcendunt de deſerto, id eſt de mundo. Vnde in Canticis. *Quæ eſt iſta, quæ aſcendit de deſerto*, id eſt, quæ eſt iſta quæ elcatur de mundo? Mũdus quippe quinque-pertita ratione deſerto comparatur. Propter peregrinationem: vnde, *Non habemus hic manentem manſionem, ſed futuram inquirimus*. Propter laborem. Vnde Iob. *Homo naſus eſt ad laborem*. Propter egeſtatem. Iob. 5. Vnde. *Ego ſum pauper & dolens*. Propter mor-

Prover. 30.

Ibidem.

Rom. 8.

Prover. 30.

Qui perle-
onem deſi-
gnatur, &c.

Pſalm. 74.

Hircus e-
miſſarius.

Pſalm. 106.

Iſai. 16.

Cantic. 1.

Hebr. 13.

Iob. 5.

Pſalm. 68.

Psal. 103.

sus serpentium, id est suggestiones demonum: unde. *Illic reptilia quorum non est numerus. Ex quia mundus incultus est, sicut desertum incultum est. Vel ascendunt in deserto: id est in cessatione à vitijs: quæ dicitur desertum pectoris siue sabbatum mentis: sine quo non est salus.*

Adversus
Prelatos.

Væ vobis Ecclesiæ Prelati: qui hoc desertum deseritis, quando Sion ædificatis in sanguinibus: qui de cornu altaris superbitis: qui de patrimonio eructifixi lasciuitis: qui in vestris parentibus & cognatis sanctam Ecclesiam deformatis. Sic enim Sion in vestris sanguinibus ædificatis, & hoc deserentes desertum, etiam Ecclesiæ jura deseritis. Vel ascendunt in deserto, id est in mente sancta. Unde in Exodo, *cum misisset Moyses gregem ad interiora deserti, apparuit ei Dominus: quia tunc nobis Dominus spiritaliter apparet, quando cogitationes nostras ad veram unitatem in mente deuota, quæ sanctæ solitudinis insistit, redigimus.*

Exod. 3.

Vel ascendunt in deserto, id est in sancta conuersatione. Unde in Exodo. *Sacrificabimus Domino in deserto: id est, seruiemus Domino in sancta conuersatione.*

Ibidem.

Vel ascendunt per desertum, id est per contemplationem: quæ à multis desertur, à paucis inhabitatur. Unde in Canticles. *Quæ est ista quæ ascendit per desertum?* Vel ascendunt ad desertum, id est ad cælum. Unde Dominus dimisit nonaginta nouem oves in deserto: quia Anglicam naturam dimisit in cælo: quod idem dicitur desertum: quia ab Angelis derelictum, qui per superbiam corruerunt. Ad hoc autem desertum, tanquam ad thronum veri Salomonis, sex operibus misericordie, tanquam sex gradibus ascenditur, id est si esurientibus cibum, si sitientibus potum damus: si inclusos carceribus visitamus: si peregrinos suscipimus hospitio: si nudos vestimus, si infirmis consilij vel auxilij solatium impendamus. Nam propter hæc, verba solatij sunt audituri, quibus dicetur.

Cant. 3.

Venite benedicti Patris mei, percipite regnum, quod vobis paratum est ab origine mundi. Sic ascendit Virgo gloriosa de virtute in virtutem, ut fugeret desertum inferni: ut ascenderet de deserto mundi, in desertum sanctæ conuersationis, per desertum deuotæ contemplationis, usque ad desertum supernæ vocationis.

Opera misericordie.

Matt. 23.

Venite benedicti Patris mei, percipite regnum, quod vobis paratum est ab origine mundi. Sic ascendit Virgo gloriosa de virtute in virtutem, ut fugeret desertum inferni: ut ascenderet de deserto mundi, in desertum sanctæ conuersationis, per desertum deuotæ contemplationis, usque ad desertum supernæ vocationis.

SERMO II. In eadem solemnitate.

[Congruit magis festo Assumptionis.]

Exod. 14.

Leua virgam tuam, & extende manum tuam, & divide mare: ut transeant filij Israël per medium siccæ maris. Quod vni dico, omnibus dico. Omnibus inquam illis, qui tamquam boni pauperum advocati, contra frivolas excusationes eorum, qui invitati fuerant ad nuptias, didicerunt spiritualiter allegare. Invitati quippe sumus omnes ad nuptias: sed adhuc est, qui dicat, *villam emi.* Villam quippe emere, est in sæculi vanitatibus defudare. Hic est qui in cophino palcarum Pharaoni deseruit. Est etiam, & qui dicat. *Iuga bouum emi quinque.* Hic est animalis homo ille, qui mundi cupiditatibus inhiat, & in cophino laterum Pharaoni se subdit. Terrena quippe cupiditas quasi lutum est igne decoctum: illo, qui numquam dicit sufficit: vel certe illo, qui tactas oues puerosque consumpsit: quoniam *Inuidus alterius rebus marcescit opimis.* Est insuper & qui dicit: *vixorem duxi.* Vixorem autem ducere, est carnis lutum per voluptatem

Luc. 14.

Quibus cõparentur, quæ sunt à nuptijs celestibus excusant.

mollescere. Hic est qui in cophino luti Pharaoni obedit. Qui igitur vanitates, voluptates, & concupiscentias repellunt, & contra frivolas excusationes excipiunt: tolla de sub jugo Pharaonis extutiant. Sed quis est hic, & laudabimus eum? Ipse est vrgens & leniens: sic enim interpretatur Moyses, cui dictum est. *Eleua virgam tuam, &c.* Vrgens quippe fuit per disciplinam actiue, leniens per disciplinam contemplatiue: propter quod dicit Propheta. *Excidi tibi duas virgas: unam vocavi funiculum, & alteram decorem.* Nam à radicibus terræ, virgam quasi disciplinam excidit: funiculum quantum ad actiue: decorem, quantum ad contemplatiue. Funiculum vrgentem, decorem lenientem. Nihil enim æquè mulcet & lenit animam, sicut sanctæ contemplationis deuotio: ut ait quidam. *In omnibus requiem quæsum, nec tantam vixorem inueni, quantum in sancta cogitatione.* Vrget autem animum, & quasi funiculo coarctat actiue: dum pungit, dum sollicitat, dum turbatur erga plurima. Hinc est, quod Virgo gloriosa, quasi virga ex aromatibus myrrhæ & thuris prædicatur. Virga inquam, quia leuis: quia flexibilis: funiculus vero, quia in altum se eleuans odoriferam suauitatis emittit. Leuis, quia caret pondere peccatorum: flexibilis, quia misericors. Myrrhæ vero & thuris: quia in omni disciplina se semper exercuit. Myrrhæ quippe virga fuit, propter disciplinam actiue: thuris vero propter disciplinam contemplatiue. Hinc est quod in hodiernæ diei festiuitate, ipsa castellum comparatur: in quo habitabant Maria & Martha, quia castellum fundatum supra firmam petram: castellum inexpugnabile: castellum incorruptum: castellum, quod virtutibus, tot ciuibus plenum: cuius semper elausa fuit portas: nec patuit nisi soli principi. Castellum autem in solitudine administrationis: Maria vero in fervore dilectionis, vel desiderio amoris. Nam istis duabus sororibus, illæ duæ vitæ significantur, sub nouo testamento: sicut in illis duabus, Lia videlicet & Rachele, in veteri testamento. Quod enim Lia in veteri, hoc Martha in nouo: & quod Rachel ibi, hic Maria significat: sed alia, & alia de causa. Martha enim actiuam, propter officium charitatis: Lia vero propter exercitium laboris: unde & laboriosa interpretatur. Maria contemplatiue designat, propter altitudinem contemplationis: Rachel vero propter simplicitatem mentis: unde & ovis interpretatur. Ergo Maria contemplatiua significat, propter superiorem vim contemplatiue: Rachel vero propter inferiorem: Martha vero actiuam, propter superiorem vim actiue: Lia vero propter inferiorem. Et cum multum inter se differant, superior vis contemplatiue, & inferior actiue: non multum tamen differre videntur superior actiue, & inferior contemplatiue. Multum quippe differt iucunditas devotionis, & afflictio laboris: sed non multum, officium charitatis & simplicitas bonæ voluntatis. Hinc est, quod in constructione tabernaculi, secundum officium quatuor istarum sororum, videtur construi, Atrium, Sanctum, & Sanctum Sanctorum. In atrio quippe erat altare æreum, craticula, sartago, clibanus. Mastrabantur ibi carnes in holocaustum, & pro peccato. In omnibus his officium Lia, labor videlicet & afflictio

Qui Pharaonis iugum excutiant.

Zachar. 11.

B. Virgo virga com. paratur.

Luc. 10.

Lia & Martha actiuam vitam, Rachel & Maria contemplatiuam designant.

In Ecclesia
4. Rectoris
genera.

figuratur. Ecce inferior gradus activæ vitæ. In Sanctis verò erat mensa propositionis, panes calidi desuper combinati; officium videlicet Martha, à latere quoque candelabrum cum lucernis, in quo figurabatur officium Rachelis. In Sanctis verò Sanctorum erat altare aureum; in quo offerebatur incensum, secundum officium Mariæ. Nam in Ecclesia Christi, quatuor sunt rectorum genera instituta: Sacerdotes videlicet, qui implent officium Mariæ: Reges qui officium Rachelis. Vnde quia ista duo genera ad contemplativam vitam pertinent, beneficiū recipiunt vñctionis. Pastores verò implent officium Martha, Iudices Lix: vnde quia ad activam vitam pertinent, non habent beneficium vñctionis: sed virgam potius in manibus, propter disciplinam conservandam in operibus. Hinc est, quod in primitiva Ecclesia, quatuor personæ primitus sunt ordinatæ; Aaron, qui implebat officium Sacerdotis; Iacob Pastoris; Moyses Iudicis, David Regis. Istis enim quatuor Ecclesiæ principaliter ordinanda cōmissa est. Sed quid fratres? Insurrexerūt filij Chore contra Aaron Pontificem: virga Aaron floruit, & fructum fecit, in signum Sacerdotij, & contemptum filiorum Chore. Iacob autem nihilominus virgas populeas & amigdalinas, & ex platanis, in canalibus posuit: vt ad earum conspectū oues conciperent diuersos fœtus, & sic Laban illuderet; & quod suum erat multiplicaret. Moyses verò contra Pharaonem virgam eleuauit, & in ipsa, signa & prodigia fecit; & Ægyptum decem plagis afflixit. David autem cum multotiens in Saül potestatem haberet, manū suam in Christum Domini mittere noluit: & tamen erecta & directæ ejus virga fuit; vt dictū est. *Virga directionis, virga regni tui.* Omnia hæc dilectissimi in figura contingebant illis; & facta sunt pro nobis. Data est nobis virga, & virga de radice Iesse; de radice inquam, Iesse, quia de radice incendij. Radix enim totius fervoris & charitatis, Virgo, virga est. Exaltata est virga, eleuata est virga: vt quæ exaltata est in se, exaltata sit in te: exaltata sit tibi, exaltata sit à te, exaltata sit in te, quæ exaltata est pro te. Quicumque ergo Pastor Dei es: quicumque officiū Iacob impleas, si Laban occurrit, si mundus deprimit: si labores tuos, & luctas derideat, quorum iniquitas prodit ex adipe; tene virgam in canalibus cordis tui; quæ habeat in se amigdalinum fœcunditatis, populeum virginitatis, & platanicum iustitiæ & sanctitatis, vel simplicitatis. Eleua igitur virgam fœcundā prole, Virginem corpore & mente, planā iustitia, & simplicitate. Sed attende, quid, & de qua dictū est. *Quasi plantatio rose in Iericho.* Ad omnes pertinere debet generaliter, quod ad Mariam specialiter, & vñā ad me finaliter. Iericho quippe significat idem, quod Laban, id est mundum, & iustus quasi plantatio rosæ in Iericho est; id est in mundo: quia supponit sibi aculeos tentationis; cum exteriori mortificatione carnis, & interiori devotione mentis, in omnibus præbēs suauitatis odorem. Exemplum accipe, Iacob: exemplum accipe vir luctator. Si mundus derideat, si insurgant aculei tentationum; maneat viror mentis; esto bonus odor Christianæ devotionis. Quod si sacerdos es, & insurgant in te filij Chore, filij Calvariæ, filij crucis, id est hypocritæ; qui solent aliorum bonis actibus

Genes. 30.

Psal. 44.

B. Virgo
est virga
exaltata.

Eccli. 24.

Luctator
spiritualis
est Iacob.

inuidere: vel qui pro beneficijs Ecclesiasticis solent temporale lucrum inquirere: noli sacerdos æternum, nisi pro æternis requirere. Primum quære regnum Dei & iustitiā ejus; & hæc omnia adjicientur tibi. Felix, cujus hæc vox esse poterit: *quasi palma exaltata sum in Cades.* Palma, vt aiunt hi, qui rerum describere naturas, centenaria fructum facit: Cades autem mutatio, vel sanctum dicitur. Centenarius etiā perfectionem significat in scripturis. Iustus ergo quasi palma exaltatur in Cades, quando de lingua hujus temporalitatis, transferretur ad dexterā beatæ æternitatis; juxta illud. *Cum dederit dilectis suis somnum, ecce hereditas Domini.* Et sapientia. *Cum consummaverit homo, tunc incipit.* Tunc enim erit in vtero dexteræ excelsi: quādo dicere poterit, quis, *nunc capi.* Erit enim tunc sancta mutatio, quando corruptibile hoc induerit incorruptelam; & mortale hoc induerit immortalitatem. Quod si Iudex es, & insurgat in te Rex Ægypti, hoc est tenebrarum harum; vt ignores boni & mali, veri & falsi, prophani & sancti, mundi & polluti distantiam: considera Cypressum in monte Sion exaltatā. Mons enim Sion Ecclesiam Dei significat: vbi exaltata fuit Cypressus crucis: quia crucem referūt fuisse de Cypresso, in qua pendens Salvator. Iōge ante prædixerat. *Ego si exaltatus fuero à terra omnia traham ad me. Et nunc iudicium est mundi: nunc princeps huius mundi ejicietur foras.* Aliud ergo noli quærere iudicium. Illum attende, qui ait. *Nolite iudicare & non iudicabimini.* Ad hoc solūmodo oculos aperi, quomodo nunc princeps mundi huius ejiciatur foras: vt nec in te, nec in tuis dominetur. Sit tibi colluctatio, non solū adversus carnem & sanguinem, sed & aduersus principem tenebrarum harum: contra spiritualia nequitia in cœlestibus. Quod si Regis officium exercere desideras, ad illum mentē eleua, cui seruire regnare est: illius regni particeps esse desidera, quod æternū est. Considera ergo cedrum exaltatā in Libano. Cedrus enim immensa, odorifera, imputribilis, perseverat in Libano. Mons Libanus candidus est: quia Libanus cādidatio interpretatur. Ibi quippe sunt viri virtutibus eximij, odoriferi fama, imputribiles æternitate: & quotquot ibi sunt, regnant, quia reges sunt. Ibi exaltationis dignitatem recipiunt: ibi nulli subjiuntur: non homini, nō Angelo; sed soli Deo. Sequitur. *Extende manum & divide mare.* Nota quod Moyse dictū est, *extende manum tuam:* illi videlicet, cui dictum erat: *diligis proximum tuum, & odio habebis inimicum tuum.* A te plus exigit, qui vtramque manum in cruce extendit. *Nisi*, inquit, *abundauerit iustitia vestra plusquam Scribarum & Phariseorum, non intrabitis in regnum celorum.* Propter hoc ergo plus exigit, quia ait. *Diligite inimicos vestros: benefacite his qui oderunt vos. Si te quis percusserit in maxillam, &c.* Qui solus manus extēdit, & mare diuidit, aquas fortē superiores retinet & inferiores non abjicit. Sacramentum hoc magnū est. Est enim superior amaritudo: & est inferior. Mare enim amaritudinē significat, quia amarū est. Et est superior amaritudo retinenda, inferior amovenda. Si enim amaricaris in animo: quod diu teneris in hoc exilio, quod visione Dei non frueris, pro superioribus amaricaris: de talibus enim amaritudinibus dictum est. *Pone tibi amaritudines: &*

Eccli. 24.

Psal. 126.

Eccli. 18.

Cypressus
crucem
significat.
Joann. 12.

Luc. 6.

Exod. 14.

Matt. 5.

Amarum lo
duplex, su
perior & in
ferior, bonū
& malū.

Ierem. 31.

Jerem. 31.

Isai. 38.

Esther 2.

Est quedā
amaritudo
retinenda.

Psal. 30.

Cantic. 5.

Psal. 4.

Alia ama-
ritudo re-
pellenda.

3. Reg. 19.

Apocal. 21.

Psalms. 14.

Qua sit lau-
dabilis sicc-
itas, qua vi-
tuperabilis.

dirige cor tuum in viam rectam. Et alibi. Reco-
gitabo tibi omnes annos meos in amaritudine ani-
ma mea. Hic est enim ille Mardocheus, nutri-
ci⁹ Edissæ, quæ alio nomine, vocabatur Esther.
Mardocheus enim myrrha munda interpreta-
tur, myrrha autem amaritudinem significat. Et
hæc est amaritudo retinenda, quia munda. Nu-
tricius Edissæ, id est misericordiæ; quia Edissæ
misericordia interpretatur, Esther verò abscon-
dita. Et hæc est misericordia abscondita, de qua
dicitur. *Quam magna multitudo dulcedinis tua
Domine: quam abscondisti timentibus te.* Propter
hoc sponsa dicit in Canticis. *Manus mea stilla-
uerunt myrrham, & digiti mei pleni sunt myrrha
probatissima:* quæ est munda, & per hoc retinē-
da. Inferior autem amaritudo est, quando quis
amaricatur, eo quod non potest excogitatum in
hostem exercere malitiā. Vnde Psalmista. *Fili
hominum usquequo graui corde.* Hæc est amari-
tudo inferior repellenda, quia immunda: quia
magis iram Dei nutrit, quam misericordiam.
In prima amaritudine designatur crux Christi:
in secunda crux Aman: qui interpretatur ini-
quitas. Extende igitur manus, & diuide mare;
vt scias inter amaritudines vtrasque discernere:
ne turberis, vbi debes gaudere; vel gaudeas, vbi
debes turbari. Ne gaudeas, quod es in mundo;
ne turberis, quod mancipatus es Dei obsequio.
Sic enim gradiuntur filij Israël per maris mediū,
id est per viam virtutum, vitijs per amaritudi-
nes exsiccatis. Gradiuntur autem vsque ad mon-
tem Dei Oreb. Oreb quippe siccitas interpre-
tatur. Hoc tamen notandum; quod siccitas alia
probabilis, alia reprobabilis; quod & in Oreb
figuratur. Nam in Oreb bona & laudabilis sic-
citas figuratur, vt ibi. *Vsque ad montem Dei Oreb.*
Mons siquidem ille cælestis Oreb ideo dicitur,
quod ab omni spurcitia mundus esse probatur.
A montibus enim spurca, quia & noxia, dilabū-
tur in valles. Vnde Angelus & homo, alter pro-
pter superbiam, alter propter inobedientiam,
de monte cælestis gloriæ, in vallem temporalis
miseriæ corruerunt. Vnde scriptum est. *Non
habitabit in eo aliquid coinquinatum.* Et Psal-
mista. *Domine quis habitabit in tabernaculo tuo:
aut quis requiescet in monte sancto tuo?* Ecce hic
habes, & de habitatione, & de requie. Est autē
laudabilis siccitas, quæ noxios corporeæ pin-
guedinis humores ebibens petulcos motus lu-
brica fragilitatis eneruat, & corpus reddit mi-
nus aptum. Est & vituperabilis; quæ fontem
cordis exsiccans, & venas, per quas ad oculos
vsque solet deuotio procedere lacrymarum;
gratiam deuotionis obcludit. Duplicem hanc
siccitatem concupiscentia duplex & infert &
aufert. Concupiscentia namque spiritus aduer-
sus carnem, laudabilem siccitatem infert, & vi-
tuperabilem aufert: concupiscentia verò carnis
aduersus spiritum vituperabilem infert; & lau-
dabilem aufert. Per primam siccitatem, habet
homo cor carneum: per secundam lapideum.
Carneum per affluentiam deuotionis: lapideū,
per duritiam obstinationis.



VM accubisset Iesus in domo Simonis Ioann. 12.

leprosi; fractū est alabastrum unguen-
ti nardi pistici pretiosi: & tota domus
impleta est ex odore unguenti. Licet
dilectissimi, ea quæ proposuimus,

beati Lucæ fidelis sermo, & omni acceptione
dignus, ante sex dies Paschæ, Bethaniæ in domo
Simonis facta fuisse commemorat: tamen quia
in hac spirituali Bethania hæc eadem videmus
iterata, etsi non historicè, mysticè tamen: mi-
sericordiam Dei mirabilem in hoc facto, votis
& precibus implorare debemus: quoniam à fi-
delibus suis non est auersus amor ejus; sed ad-
huc manus ejus extensa. Quæ est enim hæc Be-
thania; nisi hæc obedientiæ domus: quæ tanto-
rum filiorum matrem se læta cognoscit: quos
de Spiritu sancto, obstetricante manu obedi-
entiæ, parturiuit? Quæ quia exemplo clara, & val-
lis humilitate cognoscitur, non immeritò Cla-
ravallis nuncupatur. In hac igitur domo Simon
ille, qui factus est obediens patri vsque ad mor-
tem: cujus spiritus in filijs obedientiæ requies-
cit, vt scriptum est; *Super quem requiescet spi-
ritus meus, nisi super humilem & quietum, & tre-
mentem verba mea?* requiem quæsiuit & inue-
nit: quia delitiæ ejus sunt, esse cum filijs homi-
num. Vel quia per domum in sacro eloquio so-
let conscientia figurari: de virtutum lapidibus
pretiosis domum sibi construxit, & vsque ad
cubitus perfectionis consummauit, ille Simō,
id est obedientiæ filius, cujus memoria in be-
nedictione est: qui secutus agnum quocūque
iuit, ad obedientiæ præceptum, tamquam alter
Abraham, egressus est de terra, & de cognatio-
ne sua, vt fieret in Gentem magnam: vnde pater
multarum Gentium constitutus est; in quem cla-
mamus Abba pater. Ipse etiam, tamquam alter
Isaac in hujus solitudinis agro, quod egressus est
ad meditandum, copulauit sibi Rebeccam: quia
didicit & docuit pariter ex ijs quæ passus est,
patientiam. Ipse quoque tamquam alter Iacob,
egressus de terra & de cognatione sua, conjun-
xit sibi Rachelem & Liam: Liam in officio mi-
nistrandi, Rachelem in otio contemplandi. Cu-
jus semen Deus multiplicauit super terram, vt
infinitam laborantium multitudinem ex actiua:
ex Rachele verò contemplativorum multitudi-
nem genuerit copiosam. In ijs igitur omnibus,
Patriarchis & Prophetis meritò comparatur:
non solum, sed Apostolis, Martyribus, Confes-
soribus, & Virginibus. Quia vobis à Deo missus;
etsi non alijs, vobis tamen factus est Apostolus;
quia signa Apostolatus sui omnes estis in Do-
mino. Ipse etiam per carnis passionem, & pro-
ximi compassionē, in certamine plus cucurrit
quàm martyr ictum sufferens, mucrone fundēs
sanguinem. Et in confessione laudis adorans
Dōminum, quod cordis arca credidit, etiam
coram hominibus confessus est. Qui cum mu-
lieribus numquam coinquinatus, secutus est
agnum, quocumque iuit. Spatiosam quippe
viam derelinquens: & arduam aggressus, quæ
ducit ad vitam: factus est vobis tamquam lu-
cerna ardens & lucens. Ardens eloquio, lucens
exemplo. Ardens in fractione panis, lucens in
semitis viarum Dei: vt sic in vtroque bono, &
ardens & arduus, non immeritò Bernardus sit
vocatus. Intruemini quantus sit iste, qui ingres-

Claravallis
Bethania
censetur.

Isai. 66.

S. Bernard.
omnium
Sanctorum
gradibus
participat.Bernardus
quasi bene
ardens &
arduum.

S. Bernardus Sanctos
vtriusque
Testamenti
refert.

Iob 4.

Psalms. 30.

Deus quan-
doque etiā
in amina
subat.

Ioann. 4.

Cantic. 8.

Septem vi-
ris in Scrip-
tura Simo-
nis nomen
inditum.

sus est, non solum ad vestram salutem, sed ad omnium correctionem: ut potest Regibus Ioannes, Aegyptijs Moyses, fornicantibus Phinees, Elias idolatris, Eliazus factus auaris, mentientibus Petrus, blasphemantibus Paulus, negotiantibus Christus. Iustitiae forma, sanctimonie speculum, pietatis exemplar, assertor veritatis, defensor fidei, amicus sponsi, sponsae paranympus, ordinator Cleri, Pastor plebium, magister insipientium, refugium oppressorum, pauperum aduocatus, miserorum spes, tutor pupillorum, Iudex viduarum, oculus cecorum, lingua mutorum, baculus senum; ultor scelerum, metus malorum, bonorum gloria, sal terrae, lumen orbis, sacerdos altissimi, vicarius Christi, Christus Domini, Deus Pharaonis; actu seuerus, vultu serenus, verbo serius, omnibus omnia factus; ita ut eum crederes, non vocatum in partem sollicitudinis, sed in plenitudinem potestatis. Ideo accubuit Iesus in domo ejus, qui in omnibus est per essentiam. Ubique enim est, qui nusquam deest. In quibusdam tamen transit, in alijs inhabitat, in alijs cubat, in alijs pascitur & reficitur. Transit quippe per interpolatas cogitationes: sicut Eliphas ait. *Cum spiritus me presente transiret, inhorruerunt omnes pili carnis meae.* Nobis enim praesentibus spiritus transit, quando inuisibilia cogitamus, quia haec non solide, sed raptim videmus. Neque enim in contemplatione mens diu figitur, quia ad se ipsam, ipso lumine reuerberata reuocatur: sed tunc pili carnis inhotrescunt, cum sic vitae veteris cogitationes a mente rescindimus, ut in illo dolore fatigemur. Inhabitat verò per gratiam nunc operantem, ut velit, quod bonum est: nunc cooperantem, ne frustra velit, sed plerumque tentatione velatam: ut scriptum est, *Quam magna multitudo dulcedinis tuae Domine: quam abscondisti timentibus te:* quandoque deuotione nudata: sed tunc non solum inhabitat, sed cubat; quia cubare est habitare mentem cum deuotione. Reficitur autem in illis, vel de illis, in quibus aut de quibus filius implet voluntatem patris: sicut idem filius ait. *Cibus meus est, ut faciam voluntatem patris mei, qui in caelis est.* Sic igitur cubat & pascit in domo Simonis: id est in conscientia obedientis. Additur autem leprosi, ob humilitatis custodiam: quia custos obedientiae, humilitas est. Nisi enim per humilitatem seruetur: citò in contemptum erigitur. Necesse est ergo, ut per humilitatem obedientiae ad Deum redeat, qui per superbiae lepram extra castra recesserat: quia simplex obedientia non sufficit, si suis stipata comitibus non aderit. Nam ut plena sit obedientia & perfecta; necesse est ipsam esse puram, voluntariam, humilem, patientem, fidelem, deuotam, diuinæ dilectionis fortitudine roboratam. De qua dictum est. *Fortis est, ut mors dilectio.* Et haec in illis septem personis figurata sunt, qui vno eodemque nomine, sicut ex diuinis colligimus verbis, id est, nomine Simonis sunt signatae. Legimus siquidem de Simone mago, de Simone Cyrenaeo, de Simone leproso, de Simone Machabeo, de Simone Petro, de Simone Cananaeo, de Simone Oniae filio. Isti septem illa, quae praediximus septem figurant: non, omnes omnia, sed aliqui aliqua: quaedam remotiue, quaedam positiue. Sunt enim qui solius ambitionis causa praetorum mandatis obediunt. Isti Simonem magum induit:

qui sola cupiditate mandatis voluit Apostolicis obedire. Ideo pura debet esse obedientia, ut solus Deus sit in causa, qui est causa causalissima: & ipse idem, qui finis finalis est, sit in perseverantia. Alij Praetorum mandatis obediunt, sed semper inuiti: semper cum murmure. Isti induit Simonem Cyrenaeum: qui crucem Domini in angaria bajulauit. Ideo voluntaria debet esse, quia coacta seruitia Deo non placent, sed hilarem datorem diligit: quia illa hostia est ei acceptabilis, super cuius caput offerentis manus imponitur. Alij praetorum suorum malorum memores, & per hoc humiles, eo diuinis mandatis humiliter obediunt, quò per obedientiae bonum ad Deum se posse redire confidunt. Isti Simonem leprosum induunt: qui quidem cum Deum inuitauit, leprosus vocabatur. Sic & isti nomen sibi retinent peccatoris; qui etiā de propitiato peccato nesciunt esse securi. Alij de ijs, quae sibi videntur licita, obediunt: sed si quid minus licite praecipere videatur, quod injungitur, licite contradicere se posse credant: non attendentes obedientiam Abrahę, nec Ioannis, qui lignum aridum rigauit, & saxum immane voluit: vel illius, qui filium suum in clibanum ardentem propter obedientiam jecit. Nam si solum in licitis obedientes sumus, quis supplebit, quod ait Legislator noster, re & nomine Benedictus, super illo capitulo, *Si fratri impossibilia injunguntur?* Quid enim adeò illicitum, quam impossibile? Ideo induamur Simonem Machabeum, qui Triphoni fuit obediens: cum tamen esse sciret illicitum, quod petebat. Cum enim surrexisset iste Simon pro Ionatha fratre suo, quem Triphon occiderat, quòd Simonem non latebat, misit ad eum Triphon legatos in dolo dicens. *Pro argento, quod debebat frater tuus in ratione regis, detinimus eum: & nunc mitte argenti talenta centum, & filios ejus obsides, & remittemus.* Cumque Simon cognouisset dolum ejus: misit tamen argentum & pueros, ne murmuraret populus dicens. *Non redemis fratrem suum, volens regnare.* Hoc exemplo plerumque obedientes esse debemus ad majus scandalum removendum: etiā si illicita forte injungantur. Et haec est obedientia patiens. Sed quoniam illicitum est omne, quod est praeter fidem, vel non ex fide, non in omni illicito dicimus generaliter obediendum; quia numquam in illis, in quibus fides laeditur, obedire tenemur: sed in omnibus obedientiae factis fidem prauiam habeamus: quia sic induere non debemus Simonem Machabeum, ut Simonem Petrum exuamus: quia quantumcumque magna sit obedientia, nulla tamen est, si non sit super fidei petram fundata. Nec quamcumque fidem loquor, sed eam, quae est affectuosa, & omnium virtutum aemulatoria. Quid enim est, quod nobis noceat, si boni aemulatores fuerimus? Aemulamini igitur diuina Charismata: ut sit obedientia vestra sicut fidelis, sic affectuosa: sic induentes Simonem Petrum, ut etiam induatis & Cananaeum. Cananaeus quippe Zelotes, vel emulatores, vel quod idem est, imitator interpretatur. Nec vos terreat fragilitatis humanae defectus, si quandoque sarcina mandatorum vires vestras excedere videatur. Scitote, quòd qui confidunt in Domino, mutabunt fortitudinem. Non enim in vobis, sed in Deo debet esse fortitudo vestra: & in ejus obedientiae fortitudine, qui facit cum ten-

Marc. 15.

Cant. ha-
lege, & be-
nigne nobis-
cum inter-
pretare.

1. Mac. 13.

Hebr. 11.

Fiducia in
Deum for-
tissima facit

S. Bernardus
alabastrum
fuit.

Marc. 16.

Alabastrum
S. Bernardi
per mortem
fractum.

ratione preuentum. Cum igitur alicui fratri aliquid graue præcipitur, dicat utilis frater in corde suo: fortitudo mea Deus, vis mea Dominus; & ideo humano defectu aggrediar, quod diuina fortitudo perficiet. Sic fractus est Simon Onias filius, id est imitator ejus, qui semper in animo dicit. Non est fortitudo mea, ut sustineam; sed tamen vis mea Dominus: ut perficere queam. Vnde Onias vis mea Dominus interpretatur. In hujus, quia Simonis, domo Iesus accubuit: & cum esset in accubitu suo, nardus dedit odorem suum: quia fractum est alabastrum vnguenti nardi pistici pretiosi, & tota domus impleta est ex odore vnguenti. Alabastrum dicitur, vas marmoris candidi, perlucidi: quod incorrupta seruat vnguenta. Tale fuit alabastrum, vas istud electionis, vas Psalmi, vas Cantici, hydria farinae, lecythus olei, cyphus Pharaonis, crater tornatilis: calix inebrians & præclarus. Fuit marmoris in perseverantia, candidi munditia, perlucidi fama. Quod semper vnguenta seruauit incorrupta: quia nec infamia denigravit, nec actus illicitus, nec cogitationis consensus collatum sibi gratiarum munus corrumpit. Dicitur autem alabastrum vnguenti, sicut solemus dicere cyphum vini: & dicitur vnguenti, quia verba quæ de vase diffundebantur, sic medicinalia erant, ut per ea ægri sanarentur, cæci illuminarentur, fortes ad robur vngerentur. Erant enim antidorum infirmorum, collyrii cæcutientium, chrisma robustorum: ita quod illud, quod Maria Magdalene, & Maria Iacobi & Salome fecerunt, ut caput vngerent: hoc iste multis laboribus, multo vigiliarum & ieiuniorum sibi pretio comparauit: ut membra capitis, imo caput vngeret in membris. Hoc igitur alabastrum hodie fuit fractum: quia morte pretiosa dissolutum: sed non sicut vas figuli, sed sicut vas auri, quod carnis vitculis absolutum, talentum sibi creditum cum lucro Domino reportauit: & tota domus impleta est ex odore vnguenti. Per ipsius siquidem verba tota Ecclesia bonus odor est Deo in omni loco; quia odor ejus, sicut odor agri pleni, cui benedixit Dominus. Curremus igitur in odore vnguentorum suorum: hoc est in odore vnguenti pistici, id est, fidelis & pretiosi, & per hoc boni. Fractum est enim alabastrum vnguenti boni nardi, vel per syncopam, Bernardi; cuius verba & Martyribus rosam, & castis lilium redolebant. Trahat igitur post se fideles Christi exteriorum membrorum dispositio ordinata, morum disciplina, laboris exercitium, ornatus virtutum, exemplum operum, pigmentaria medicina verborum. Trahat autem de exilio ad patriam, de labore ad requiem, de morte ad vitam, de tenebris ad lucem, quæ nescit occasum, Iesum Christum Dominum nostrum: cui est honor & gloria per infinita seculorum secula. Amen.

SERMO I. In Natiuitate B. Virginis MARIE.

Deuter. 22.



Si ambulans per viam in arbore, vel in terra nidum avis inueneris, matremque pullos, vel ouis desuper incubantem: non tenebis matrem cum filiis: sed patieris abire, pullos tenens captos; ut bene sit tibi, & longo viuas tempore. Quotiens dilecta sapientie tabernacula, sub diu positus, ventis expositus, perpendo sedulus; &

dificandum necesse mihi videor in Cariatsepher, Sed cum de loci ariditate quæro, vel cōqueror, Axi suspitio præeunte: à patre luminum, à quo omne datum optimum, & omne donum perfectum de sursum descendit, vtrumque impetrandum esse irriguum, ut nomine Dabir dignè ciuitas censeatur. Quæcumque enim scripta sunt, ad nostram doctrinam scripta sunt. In quibus fecit nos Dominus ministros noui testamenti, non litera, sed spiritus: litera enim occidit. Quia hæc est ariditas Cariatsepher. Interpretatur enim ciuitas literarum. Et quæ est ciuitas literarum: nisi illa literatura, quæ tuetur ab hostibus; & ornat virtutibus? Nam ad differentiam illius literaturæ, quæ nec munit, nec ornat, ciuitas appellatur. Vnde Psalmista ait. *Quoniam non cognoui literaturam introibo in potentias Domini.* Sed ariditas hujus ciuitatis superficies est literæ; quæ nullum fructum in se videtur habere, nisi quando inferiori timoris, & amoris irriguo superiori, fides & intellectus irrigatur. Nam ut aurum in sapientia, argentum in eloquentia, lapides pretiosos superædificemus, argentum in Logica, aurum superædificemus in Theologia; necesse est, ut timor pariter & amor præcedant; ut sicut illi duo, Aaron videlicet & Hur, antiquitus graues Moyse sustentabant manus; sic & faciem ejus detegant & detergant. Alioquin timendum nobis est, ne lignum superædificemus, quod mittere solent hæretici in verbum panis, ut scriptum est, *Mittamus lignum in pane ejus*: vel ne supponamus scænum humanæ fragilitatis; quod sibi supponere debent famelici; sicut hærentes literæ facere solent in Canticis: vel ne superædificemus stipulam alicujus vanitatis; ad quam nos induceret ariditas præsentis thematis, nisi timoris irriguo fecunderetur & amoris. *Si ambulans*, inquit, *per viam*, &c. Quid isto vanius, si literæ superficies attendatur? Quid enim, si pullis captis matrem sinit abire? Melius habuit, vel vita longiore vixit? Tamen si timor Dei & amor præuenerint intellectum; nihil deuotius, nihil verius, nihil dignius Deo inuenitur. Tunc nomine Dabir dignè ciuitas censebitur; quia tunc sermo diuinus probabitur, & eloquentia, quam interpretatur Dabir, approbabitur. Dicit enim. *Si ambulans per viam*. Non conditionaliter, sed causatiue ponitur istud, *si*. Neque enim est homo super terram, qui non ambulet per viam, donec perueniat ad patriam; Deus enim stabilis & incommutabilis, moueri dat omnia & mutari. Non differt à vigilante dormiens, nec à laborante quiescens. Omnes enim perendinamus ad mortem: omnes circa spheram mundi voluimur; & cum animalibus circa rotæ gyrum ambulamus. Ibant enim animalia & non reuertebantur: ibant & reuertebantur. In id quod mirabilis est, & non reuertendo reuertebantur: & reuertendo non reuertebantur. Quæ est ista vitæ humanæ instabilitas; ut cum reuertitur ad id, unde sumpta est: dicente Domino, *Terra es, & in terram ibis*: Iob etiam attestante, qui ait; *Nudus egressus sum de utero matris mee, & nudus reuertar illuc*, nec tamen ad iuuentutis, vel infantie reuertitur initium, si peruenit ad senectam & senium? Sicut motum vides in choro cantantium; ad locum reuertuntur unde incipiunt: nec tamen reuertuntur, quia semper ante faciem suam vadunt. Quicumque igitur non-

Psalm. 70.

* De sunt
hic aliqua
verba.

Ierem. 17.

Deuter. 22.

Omnes homines
per viam
ambulant.

Ezech. 1.

Genes. 3.

Iob. 1.

*Aues ali-
quando de-
mones desi-
gnant.*

*Christus
Phoenix ex
Phœnice
Virgine na-
tus.*

Psalms. 101.

Psalms. 83.

*Matt. 12.
& 23.*

Deuter. 32.

Iob. 5.

*Nidus Chri-
sti quibus in
arboribus
reperiatur.*

3. Reg. 19.

dum meruisti requiescere in patria, sed adhuc peregrinus es & aduenas; si ad hoc ambulas per via n, vt peruenias ad patriam: necesse tibi est, nidum auis quærere pariter & inuenire. Notandum, quodd singularis auis singularem nidum tibi scriptura proponit, ad differentiam avium plurimarum; quarum aliæ semen quod iuxta viam cecidit comederunt; aliæ cibum præparatum de canistro pistoris sustulerunt; aliæ verò ad ipsum etiã sacrificium patris nostri Abraham aspirauerunt. Aves quippe, eo quod auidæ, demones sunt; quæ plerumque cogitationes quasi semina, plerumque actiones tamquam cibum paratum; plerumque ipsam Deo dicatam deuotionem, tamquam sacrificium aut auferunt, aut auferre nituntur. Istarum igitur aviũ nidi sunt corda peccantium. Mergulionum cupidi, nocte volantium hæretici; rapacium auari, corvini generis avium, diuersa genera peccantium. Propter hoc, huiusmodi aues censuit immundas Legislatores, nec earum nidi quærendi sunt; sed si non quæsi inueniuntur, vel abigendi sunt; vel nec mater, nec pulli capiendi. Singularis igitur avis, & phœnix vnicus, qui de aromatis alterius phœnicis, Virginis scilicet singularis, igne sancti Spiritus mediante in lucem prodijt, & cordibus sanctorum nidificauit. Vnde multis generibus aviũ se comparat; vt est illud *Similis factus sum pellicano solitudinis: factus sum sicut nycticorax in domicilio.* Et alibi Psalmista, de eius humanitate ait. *Etenim passer inuenit sibi domum, & turtur nidum.* Sed & ipse Iona, qui columba interpretatur, se ipsum comparat, vbi ait. *Sicut fuit Iona in ventre ceti tribus diebus.* Comparatur enim gallinæ, vbi ait. *Ierusalem Ierusalem, quoties volui congregare filios tuos, quemadmodum gallina congregat pullos suos sub alas, & nolisti:* id est te nolente feci. Comparatur aquilæ, vbi ait. *Sicut aquila provocans ad volandum pullos suos, & super eos volitans.* Et bene pellicanus fuit compatiendo, nycticorax patiando, turtur pascendo, columba pascendo, gallina pacando, aquila pacificando. Vnde scriptum est. *Homo nascitur ad laborem: & auis ad volatum.* Quia enim homo fuit in labore passionis; quasi avis factus est in volatu resurrectionis. Huius igitur avis nidus plerumque in arboribus reperitur: cum in cordibus eorum, qui deuotionis odore suggestiones malas, tamquã serpentes abijciunt, quasi in cedro nidificat. In spina verò, cum in cordibus pœnitentium, in myrtho continentium, in oliva misericordium, in abiete contemplativorum. In buxo, cum in cordibus fidelium: in cedro nidificauit demoniaco, in spina in deserto. In myrtho coram Caïpha & Pilato; in oliva, mulieri deprehensæ in adulterio; in abiete coram Petro Iacobo & Ioanne; in vlmo quando dolores nostros tulit in patibulo; in buxo quando perseuerauit in mortis calculo. Inuenitur etiam in terra: quia non solum in contemplatiuis, sed etiam in actiuis Christus nidificat. Descendit Zachæus de arbore, vt ipsum hospitio suscipiat, Petrus in mare, vt ad ipsum perueniat; sed & eum, qui de Ierusalem descendit in Iericho Samaritanus visitat: sed & vsque in Babilonem peccatorem captuari permittit, ibique liberat. Vnde & Elię præsumptionē redarguit dicentis. *Domine, Prophetas tuos occiderunt: altaria tua suffoderunt: & remansi ego solus,* Et dicit ei dñi-

num responsum. *Reliqui mihi multa millia virorum: qui non curuauerunt genua ante Baal.* Sequitur. *Matremque pullis desuper incubantem.* Mater nidi virgo Maria; quia de sue carnis substantia nidus prodijt humanitatis: de quo scriptum est. *In nidulo meo moriar; & quasi palma multiplicabo dies.* Hæc igitur totiens super pullos & ova incubuit, quotiens cogitationes sanctas calore charitatis ad opus perduxit: tot enī pulli quot opera, quot cogitationes tot ova. Si igitur talem matrem incubantem inueneris, nō tenebis eam cum filiis: quia frustra jacitur rete ante oculos pennatorum: multo magis ante penas ejus, quæ volauit super pennas ventorum: multo magis ante virtutem ejus, quæ transcendit beatitudinem omnium spirituum, hominū videlicet & Angelorum; quia etsi similitudo repromittitur, tamen veritas denegatur. Si enim similitudo tibi æqualitatis promittitur: tamen veritas denegatur: de ista enim dicitur. *Exaltata es sancta Dei genitrix, super choros Angelorum, ad celestia regna.* Ceteris autem hominibus multum, si vsque ad choros Angelorum. Non igitur eam tenebis, quia nec poteris: quia nec si te ruperis, ad gratiam vel gloriā, ad meritum seu præmium, ad agonem seu bravium ejus poteris peruenire. Perfecta quippe Dei genitricis sanctitatem imitantur quidem qui sunt ex parte ejus; & vnusquisque tanto perfectius, quanto & ipse perfectior fuerit. Sed etsi omnes ei assimilari contendant, nullus tamen æquari. Vnde scriptum est in libro Iosue: quia cum essent filij Israël transitori Jordanem: præcones per castrorum medium transeuntes clamare cœperunt. *Quando videritis arcam fœderis Domini Dei vestri, & sacerdotes stirpis Lenitica portantes eam, vos quoque consurgite, & sequimini præcedentes: sitque inter vos & arcam, spatium cubitorum duorum millium, vt procul videre possitis & nosse, per quam viam ingrediamini.* Arca igitur testamenti est illa, de qua scribitur. *Beata mater munere, cuius supernus artifex mundum pugillo continens, ventris sub arca clausus est.* Arca ista populum præcessit; quia sicut donis virtutum, sic excellentia præmiorum excelsior fuit. Inter arcam & populum spatium relinquitur quia sanctitati ejus nullus adjungitur: in intervallo verò illo, duo computantur millia passuum: quia intus & exterius perfecta ejus sanctificatio aliorum gratiam antecellit. Vnde & omnibus præcipitur: *Canete ne appropinquetis ad arcam.* Pullos tamen captos tenebis; quia virtutes imitaberis. Considera quod se fatetur ancillam, quæ se nouit reginam; ascendit in montana cum festinatione in ciuitatem Iuda, vt ministraret Elisabeth; quæ sibi debuit ministrare. Disce exemplo patientiam, quādo gladius passionis animam suam transiit; quia nec murmurasse legitur, nec maledixit. Disce exemplo deuotionem, quando conseruabat omnia verba, quæ de Christo dicebantur, conferens in corde suo. Hi n. sūt pulli: quos captos tenere teneris, vt bene sit tibi. Tamen captos tenebis, cum opere cōplebis; quia scriptū est. *Dicite iusto quoniam bene, quia fructum adinu. suarū comedit.* Fructū n. adinuentionū suarū comedit; qui sic quærit & inuenit: & opere cōplet quod sufficit. *Et longo viuas tēpore:* nil n. longius æternitate. Sic bene erit tibi: cum centuplū in hac vita receperis: & lōgo viues tēpore, cū vitā æternā possidebis.

Deuter. 26.

Maria mater nidi.

Iob 29.

*Nullus bea-
te Virginis
sanctitatem
potest aqua-
re.*

Iosue 3.

Iosue 5.

*Virtutes B.
Virginis
imitanda.*

Isai. 3.

Deuter. 26.

SERMO I. In Nativitate B. Virginis MARIE.

2. Esdra 3.
Ioan. 10. **P**ortam fontis adificavit Sellum filius Colhoza, princeps pagi Maspha. Qui non intrat per ostium in ovile ovium; sed ascendit aliunde, ille fur est & latro. Qui autem pulsat ad ostium, huic ostiarius aperit, & ingreditur & egreditur, & pascua inueniet. Ovile ovium, dilectissimi fratres, illud est, in quo pastor bonus reliquit novaginta novem oves, & venit centesimam querere, quæ perierat. Huius ovilis ille est ostium, qui de seipso dicit. *Ego sum ostium*. Pulsemus igitur ad hoc ostium, dilectissimi, pulsemus precibus, pulsemus operibus, & ingrediamur ad bene meditandum; egrediamur ad bene operandum; & pascua celestis doctrinæ inueniemus ad bene viuendum. Pulsate, & aperietur vobis; & introite portas ejus in confessione, quæ vos exultat de portis mortis, ut annuntietis omnes laudes ejus in portis filia Sion. Ante tamen quæ pulsetis portas ejus, ponite custodiam portis vestris, ne fortè fortis armatus, vel filij Berothitæ, inueniant conscientia domum vacuum, & expositam transeunti, & ingressi habitent ibi.

2. Esdra 13. Portæ verò nostræ sunt, de quibus Esdras præcepit filiis Israël, ne inferrent onera sua per portas suas in die sabbati. Et bene, quia qui contemplationis & internæ claritatis quietem habere desiderat, admittere non debet, vel per visum vanitatem, vel per auditum curiositatem, vel per olfactum delectationem, vel per gustum edacitatem, vel per tactum impuritatem. Vnde si diligenter custoditæ non fuerint, statim proforibus peccatum aderit. Non ergo ostiariæ negligentia, sed ostiario diligenti committamus eas; illud timentes & habentes præ oculis, quod ostiaria purgans triticum obdormiuit: vel certè, quod ostiaria Caiphæ Petrum calefacientem ad prunas compulsi ad negandum. Ostiarius enim strenuus & fidelis est timor Domini, cujus maturitas non sinat euagari. Stabilitas enim ejus commendatur, cum dicitur. Timor Domini permanet in sæculum sæculi. Sollicitudo verò commendatur, ubi dicit. *Qui timet Deum, nihil negligit*. Et bene, quia ab initio tentationis vsque in finem mentem sibi commissam non deserit; sed super ipsa sæper inuigilat. Ab initio, quia scriptum est. *Initium sapientia timor Domini*. Vsque in finem, quia scriptum est. *Finem loquendi pariter audiamus. Deum time, & mandata ejus observa; hoc est omnis homo*. Huius ergo fidelis ostiarii proprium est; ut portas nostras claudat; vel si aperiantur, attollat clausas: quia clausis januis intrauit Dominus ad discipulos. Commendabilis apud Ezechielem dicitur porta clausa, per quam non intrauit vir, sed princeps ipse sedit, ut in ea comederet panem suum. Si obturas aures tuas, ne audias sanguinem, & claudis oculos tuos, ne videant malum, bene portas tuas claudit timor Domini. Bene claudat Iob portas suas, qui dicebat. *Pepigi fœdus cum oculis meis, ut non cogitarem quidem de virgine*. Et Psalmista. *Obmutui, & non aperui os meum*. Phinees enim qui dicitur os mutum, placuit, & cessavit quassatio. Cultus enim justitiæ silentium; & in silentio & spe erit fortitudo nostra. Quod si aperiantur, attollantur; sicut scriptum est. *Attollite portas principes vestras. Qui leuat oculos suos in montes, vnde veniat auxi-*

Christus ostiū, ovile celum & Ecclesia.
Ioan. 10.

2. Reg. 4.
Ioann. 18.

Timor Dei ostiarius anima infatuendus.

Eccle. 7.
Psalm. 110.

Eccle. 12.

Ezech. 44.

Iob 31.

Psalm. 38.

Psalm. 8.

lium ejus; qui extollit manus suas in sancta, ut scriptum est. *Leuabo ad celum manus meas*, ille est, qui extollit portas suas. Sequitur. *Et introite portas ejus in confessione*. In confessione cordis, de qua scriptum est. *Confitebor tibi Domine in toto corde meo*. In confessione oris, de qua dicitur. *Confitebor Domino nimis in ore meo*. In confessione operis, ne simus illi, de quibus dictum est. *Confitentur se nosse Deum, factis autem negant*. Introite portas ejus in confessione. Quæ sint portæ ejus alibi aperit, cum dicit. *Aperite mihi portas justitiæ, & ingressus in eas, confitebor Domino*. Portæ enim justitiæ, portæ sunt ejus. Quidquid morum, quidquid virtutum, quidquid bonorum operum est, portæ sunt ejus. Quarum quædam porta fuit patientia, per quæ intrauit Iob ad Deum; fides, per quam Abraham mansuetudo, per quam Moyses: humilitas, per quam David. Talibus ergo portis intrandi ad Deum sancti aditum meruerunt. Sed portarum justitiæ aliæ sunt temporales, aliæ æternales. Temporales, quæ euacuabuntur & destruentur, sicut fides & spes. Æternales, sicut charitas & usus ejus. Diligere quippe Deum ex toto corde, & ex tota anima, & ex tota virtute, in hac vita incipitur; sed in æterna perficitur. In hac quippe vita potest incipi; sed nec perfici potest, neque consummari. De talibus ergo portis dictum est. *Attollite portas principes vestras & elevamini porta æternales, & introibit Rex gloria*, qui vos exultat de portis mortis. Sicut virtutes portæ justitiæ dicuntur: sic & vitia portæ. Tamen quinque principales ex sacro colliguntur eloquio: cupiditatis, voluptatis, obstinationis, exprobrationis, reprobationis. De prima legitur in Iudicum, quod portas Gazæ transtulit Samson in supercilium montis. De secunda in Daniele, ubi hircus caprarum efferabatur in porta Vlai contra arietem. Vlai quippe palus, non à palo, sed à palude vocatur. Vlai ergo porta paludis est, per quod lutum voluptatis accipitur. De tertia dicitur in Psalmo. *Quia confregis portas arearum, & vestes ferreas*. Æs enim inflexibile est; & propter hoc obstinationis duritiam præfigurat. De duabus ultimis legitur in Sophonia. *Prima, inquit, porta erit clamor, & ululatus à secunda*. Veniens siquidem Dominus ad iudicium dicturus est malis. *Esurini, & non dedistis mihi manducare, &c.* Tunc ipsi clamabunt & dicent. *Væ nobis. Nos insensati vitam eorum putabamus insaniam: ecce quomodo computati sunt inter filios Dei*. Et cum Dominus subjunget, *Ite maledicti in ignem æternum*, tunc erit ululatus. Bestialem quidem vocem emittent, quia bestialiter vixerunt. In prima erit exprobratio, in secunda reprobatio. Exprobratio; ubi dicit Dominus, *Esurini, & non dedistis mihi manducare*; reprobatio, ubi dicit, *Ite maledicti in ignem æternum*. Tunc erit ululatus. De talibus portis Dominus vos exultat, ut annuntietis laudationes ejus in portis filia Sion. Sion interpretatur speculatio. Est autem speculatio alia ænigmatica, alia anagogica. Vnde à speculo vel à specula nominatur. Quando enim per speculum in ænigmate, id est per similitudines & imagines rerum, Deum quis contemplatur: à speculo speculatio dicitur, & ænigmatica vocatur. Fit autem tribus modis. Per similes similitudines, vel per similes dissimilitudines, vel per dissimiles similitudines. Per similes similitudines; quando

Deuter. 32.
Psalm. 99.Psalm. 9.
& 108.

Tit. 1.

Psalm. 117.

Diversa porta virtutis.

Psalm. 23.

Vitiarum porta.

Iudic. 16.

Dani. 8.

Psalm. 106.

Sopho. 7.

Matt. 23.

Sapient. 5.

Psalm. 9.

Speculatio duplex, ænigmatica & anagogica.

Genes. 21.

Luc. 16.

Psalm. 21.

Ioann. 12.

Anima cō-
templativa
est filia Sion.Portarum
Ierusalem
nomina, ex
2. Esdrae. 3.Concupiscē-
tia manet
in renatis,
sed nō obest.
Vide notas.

Cantic. 8.

quis comprehendere Deum nititur per aliquā rem sibi valde similem, sicut per Angelum. Nā sicut Deus subtilis, agilis, inuisibilis, incorporeus; ita & Angelus. Hinc est, quod Angelus qui apparuit Agar, Deus appellatur, sicut ipsa ait. *Tu Deus, qui vidisti me.* Per similem verò dissimilitudinem, quando fit comparatio per antithesin, hoc est per contrarium, ut scriptum est; quia cognito vno contrariorum, cognoscitur & reliquū: ut si de bonitate Dei locuturus, primò malitiam diaboli describo, ut dulcius mihi in ore sapiat bonitas Dei, & clariùs innotescat. Hinc est, quod in Evangelio dicitur. *Recordare fili, quia recepisti bona in vita tua; & Lazarus similiter mala.* Per dissimiles verò similitudines, quando per aliquā rem vilem & despectam, magnitudinem Dei tam sublimem, tam arduam, apprehendere conamur. Vnde se vermi & serpenti comparat. Et quid verme vilis, aut serpente? In Psalmo tamen dicit. *Ego sum vermis, & non homo.* Et in Evangelio. *Sicut Moyses exaltavit serpentem in deserto; sic exaltari oportet filium hominis.* Aspectu verò speculatio dicitur, quando mens ita sursum ducitur, ut nullis signis præcedentibus, nullis causis subsistentibus, mens ab omni imagine defæcata, ad superessentialem & infinituam originē simpliciter & reciproce refertur; quod in multis locis in soliloquio, ... quæquidem admodum paucorū est, & anagogica dicitur, ab *ana*, quod est sursum, & *agoge*, quod est ductio. Vix contingere potest, ut Rachel de domo patris sui veniens, & ad terram promissionis properās, proficisci possit sine imaginibus Laban. Est igitur filia Sion anima speculativa, quam oportet ad contemplationis gradus per multas portas introire. Et si per portas illas ad pacis visionem non venerit, frustra laudationes Dei cantabit: quia nō est speciosa laus in ore peccatoris. Hinc est, quod in Ierusalem, quæ interpretatur visio pacis, erat portarum multitudo; scilicet porta verus, porta nebulosa, porta equorum, porta scutatorum, piscium, sterquilini, vallis Iosaphat, & porta fontis. Quicumque Deum vult contemplari, necesse est, ut per aliquam istarū portarum ingrediatur ad Deum. Gloriosa dicta sunt de te, civitas Dei: quia diligit Dominus portas Sion, super omnia tabernacula Iacob. Gloriosa dicta sunt de te, anima speculativa, quæ virtutibus tamquam civibus plena, muro fortitudinis circumdata, & talibus portis ornata. Prima porta dicebatur vetus. Sed quomodo vetus? Quod enim antiquatur & senescit, prope interitum est. Veterem quoque hominē renovans Salvator venit ad baptismum. Pessima est talis vetustas, videlicet originale peccatum: quod à primo homine vsque ad ultimum perseverat, nec in aliquo homine deletur, etiam post baptismum. In baptismo siquidem non potest deleri, ut non sit, sed debilitatur, ut non obstat. Inest post baptismum ad poenam, non ad culpam; inest actu, non reatu. Actualia quidem peccata, si sunt actu, necesse est, ut sint reatu: sed reatu esse possunt, etiam si non sunt actu. Illud verò inesse potest actu, & non reatu: sed si reatu est, necesse est, ut sit actu. Propter hoc in Oratione rogamus, ut *nona incarnati Verbi* *maximas liberet, quos sub peccati iugo vetusta servitium tenet.* Laudabilis autem vetustas est, de qua legitur in Canticis. *Omnia pompæ nona & vetera*

Lingonensis Episcopi.

servant tibi, dilecte mi. Et in Evangelio. *Simile est regnum celorum homini patrifamilias, qui profert de thesauro suo nova & vetera.* Porta ergo vetus Ecclesia Dei est, quæ à primo iusto vsque ad ultimum perseverat, militans, expectans, triumphans. Militans in mundo, expectans in purgatorio, triumphans in cælo. Ipsa enim domus est fundata supra firmam petram. Venerūt flumina, flauerunt venti, sed non cecidit: quia vir sapiens supra petram eam fundavit. In hac veteri porta sedet antiquus dietum cum senioribus suis; id est Deus Pater requiescit in ea cū Angelis suis, qui post lapsum apostatæ permanserunt. Ibi comeduntur vetustissima veterum; quia oblatio panis & vini, quam Sacerdos Melchisedech ante legem obtulit patri nostro Abraham in corpus & sanguinem Domini nostri Iesu Christi, in Ecclesia quotidie transubstantiatur. Vnde & idem Dominus, qui hæc præcepit fieri; dictus est Sacerdos in æternum secundum ordinem Melchisedech. Necesse est ergo per portā istam nos intare ad pacis visionem; videlicet Ecclesiæ fidem; quia cælestis gloriæ diuitias habere non meretur, qui per eas non ingreditur. Habet enim ibi argentum venarum suarū principia, & auto locus est, ubi conflat. Secunda porta dicebatur nebulosa; illa scilicet, de qua dicitur. *Longè sunt filij ejus à salute, & contemnantur à porta.* Portam vocat Christum, si ne quo non est ingressus ad visionis pacem, vel ad pacis visionem. Vnde orationes omnes terminamus per Dominum nostrum Iesum Christum; eo quod per ipsum solum patet introitus ad cælestē regnum. Vocata est autem nebulosa multis de causis: quia à nube dicitur nebulosa. Nebulosa dicebatur, vel propter profundum divini consilij secretū; vel propter obscuritatem Prophetarum, qui de eo, quæ ventura erant, prædixerant: vel propter occultam & inopinatam Virginis fecunditatem: vel propter ascensum, qui naturaliter est in nubibus: vel propter emissionem pluviæ, vel propter nubium celeritatē. Propter profundum divini consilij secretum, ut scriptum est. *Rorate cæli desuper, & nubes pluant iustum;* id est, profundo divini consilij secreto pluat: à superioribus quasi pluvia descendat ille, de quo scriptum est. *Tenebrosa aqua in nubibus aëris,* id est obscura scientia in Prophetis, propter occultam Virginis fecunditatem. Vnde scriptum est. *Ascendet Dominus super nubem levem.* Propter ascensum verò, quia scriptum est. *Qui ponit nubem ascensum suum, qui ambulat super pennas ventorum.* Propter emissionem pluviæ, quia descendit sicut pluvia in vellus. Propter celeritatem, quia scriptum est. *Voca nomen ejus accelera spolia detrahare, citò pradare.* Vnde in Evangelio. *Sicut fulgur ab Oriente patet in Occidentem: ita erit adventus filij hominis.* Tertia porta dicebatur equorum. Equi sunt, qui sustinendo, confitendo, prædicando, per vniuersū mundum Dominum portauerunt, per viam mandatorum Dei cucurrerunt; & in omnem terram exiit sonus eorū, & in fines orbis terræ verba eorum; quia velociter cucurrit sermo eorum. Talium virtutes equorum per similitudinem fortis equi describit Iob, ita dicens. *Gloria navium ejus terror, terram ungula fodit, exultat andacter. In occursum pergit armatis. Super eum sonabit pharetra, vibrabit hasta & clypeus. Non reputat tubæ sonare clangorem: sed cum audierit*

Matt. 13.

Ecclesiæ
militans
expectans
triumphans.Transsub-
stantia-
tionis
asser-
tio
& vocabu-
lum.

Iob. 5.

Christus
per
ta nebulosa.

Isai. 45.

Psalm. 17.

Isai. 19.

Psalm. 105.

Isai. 8.

Matt. 24.

Portæ
equorum
portæ
Apostolorum.

Iob 39.

Descriptio
generosi mi-
litis Christi.

buccinam; dicit, vah. Ideo gloria narium ejus terror: quia in terrore aduersitatis, quem sibi venturum prænoscit, gloriatur. Tertiam ungula fodis, quia exemplo operum suorum terrenas cogitationes excutit. Exultat audacter, quia dignus est pro nomine Iesu contumeliam pati. In occursum currit armatis: quia spiritualium machinamentis hostium viriliter resistit. Super os sonat pharetra, qua nobis prædicat diuina secreta. Vibrat hasta, quando diabolus repellit à terminis suis. Vibrat & clypeus, quando se protegit ab ejus insidijs. Non reputat tubæ sonare clangorem: quia potentium comminationes non parvipendit. Sed cum audierit buccinam, dicit, *vah*, quia cum paratam sibi tribulationem audit, exultat. *Vah*, siquidem vox exultationis est. Tales equos in spiritu vidit Zacharias, videlicet albos & rufos, pallidos & rufos: per albos Virgines intelligens, per rufos martyres, per pallidos abstinentes, per rufos, eos qui secundum varias virtutes Deo placuerunt; sicut Abraham per fidem, Iob per patientiam. Beati qui portam istam intrare meruerunt: qui talem introitum ad visionem pacis habuerunt. Quarta scutatorum erat. Scutarius à scuto vocatur. Scutarii sunt, qui prædestinati sunt à Deo, æternaliter, vel à Deo protegentur, vel alios protegent temporaliter; aut qui Dei adiutorio contra antiquum hostem pugnant viriliter. De prædestinatis æternaliter dicit Psalmista. *Dominus, ut scuto bona voluntatis tue coronasti nos.* De protegendis temporaliter idem alibi. *Scuto circumdabis te veritas ejus.* De xiri pugna alibi. *Apprehende armam & scutum, & exurge in adversarium mihi.* Unde in Canticis. *At ille clypei pendet in ea;* id est in Ecclesia, *omnis armaturæ fortissimum.* Ergo scutarii sunt, qui à Deo prædestinati sunt, vel merentur protegi, vel à bello spirituali non desistunt, adiutorio Dei præmuniti. O verè felices, qui per portam scutatorum intrant in Ierusalem, id est ad pacis visionem. Caveat tamē scutarius, dum pugnat adhuc accinctus, ne consilio Naas dextrum sibi eruat oculum, & abscondat sub scutum sinistrum. Nihil enim differt in præliotatis monoculus à cæco. Consilio siquidem Naas dextrum sibi eruit oculum, qui monitis serpentis antiqui, non propter cæleste præmium pugnat, sed propter temporale lucrum. Nam per dextrum oculum intellectus cælestium, per sinistrum verò terrenarium figuratur. Sequitur de porta piscium. Piscis est, qui inter fluctus hujus maris magni & spatiosi se subleuat à profundo spei pennulis, & defendit à flactibus patientiæ squamis: quorum primus & maximus ille fuit, cujus cor & fel & jecur omne genus demoniorum extricat. Quis enim dilectionem & affectum cogitans cordis, quem Christus erga nos habuit, de quo scriptum est, *Obtulerunt ei partem piscis assis:* vel effusionem sanguinis sui tamquam hepar, vel passionis amaritudinem tamquam fel; quæ omnia super charitatis prunas assata sunt, omne demonium non repellat? Verè fumus ejus, id est fama dilectionis ejus, omnia sophismata siue phantasmata nequitie spiritualis exterminat. Sequitur de porta sterquilini. Porta sterquilini erat, per quam foras stercora civitatis efferebantur. Scitis, fratres, quod quidquid est in mundo, quasi stercora sancti reputant. Unde

sternum sacrificerem. Quid igitur aliud est congregatio divitiarum, vel honorum, vel dignitatum, nisi quasi quædam congregatio stercore, quasi sterquilini? Hinc est, quod Tobias calido stercore hirundinis legitur excæcatus. Calido stercore, id est nimio cupiditatis affectu. Unde conqueritur vxor sua dicens. [Vtinam numquam fuisset pecunia ipsa, pro qua misisti filium nostrum peregrinari; lumen oculorum nostrorum, baculum senectutis nostræ.] Et bene dicitur hirundinis stercus fuisse: quia hirundo volando acquirit unde vivit. Bene igitur per hirundinem significantur, qui solo corpore in hac peregrinatione constituti, cogitatione & aviditate animæ cibum sibi acquirunt. Unde & Ioannes Baptista, qui licet mole leuatus corporea torpore pergebat ad Deum, per hirundinem figuratur, sicut legitur in Ieremia. *Turtur & hirundo, & milvus & ciconia cognoverunt tempus aduentus sui: Israël autem me non cognovit.* Per turturē autem scilicet gemebundum, Simeon ille significatur, qui dicebat. *Putas vidabo, putas durabo?* Ille cognovit tempus aduentus gratiæ, quando dixit. *Nunc dimittis servum tuum Domine: secundum verbum tuum in pace.* Milvo verò, qui rapiendo vivit, ille rapax & cupidus Balaam figuratur, qui sola cupiditate ductus consilium dedit Balac contra Israël. Cognovit tamen tempus aduentus gratiæ, qui dixit. *Oritur stella ex Jacob, & confurget homo de Israël.* Ciconia verò, quæ pascitur venenosis, Sibyllam significat venenosam & magam, quæ tamen aduentum Domini prædixit, dicens. *De celo Rex adveniet per facta futurus, scilicet in carne præsent, ut iudicet orbem.* Sic enim oportuit inimicos nostros esse ludices fidei, unde infideles iusto iudicio damnari meruerunt, qui nec suis credere voluerunt. Per hirundinem verò Ioannes figuratur, quia collum subeum habuit in decollatione, ventrem candidum virginitate, dorsum verò nigrum laboris onere. Ipse igitur cognovit tempus aduentus gratiæ, cum dixit. *Ecce agnus Dei, ecce qui tollis peccata mundi.* Sic amicus & inimicus Dominus largitus est charismata charitatis, vel nullas à fide & dilectione sua valeat excusari. Igitur porta sterquilini est ingressus vel egressus ad sterquilinum gratiæ temporalis. In ea plerumque sedent avari, quando cogitant, quomodo deceptorij sunt honores mundi, fallaces divitiæ, momentaneæ voluptates, ut sic radant eas à conscientijs suis, & removeant à cordibus suis. Sic sedebat Iob in sterquilinio, sanie, id est putredinem sterquilini radens, id est remonens, resta, id est forti penitentiae disciplina. Vel per sterquilinum vitia figurantur, sicut de peccatore legitur in Iob. *Et quasi sterquilinum in fine perdetur.* Porta ergo sterquilini sunt Prælati, quibus peccatores vitia consentunt. Per ipsos enim tamquam per portam peccatorum stercore foris effertur. Videte dilectissimi, videte quem locum teneant in Ecclesia Dei, qui superbiunt hodie de patrimonio crucifixi. In tabernaculo sunt saga cilicina, in arca Noë mansio stercorearia, in Ierusalem sterquilini porta. Quid superbis scopi furni? Quid superbis sacerdotes veteris testamenti? Sacerdotum quidem erat extra castra sacrificium offerre; ipsi tamen immundi remanebant usque ad vespem. Sic scopi furni furnum mundat, ed tamen immundior atque sordidior. Tales sunt, qui peccata

Congregatio
divitiarum
&c. congre-
ries est ster-
corum.

Tobie 5.

Ierem. 8.

August. ser-
mo de Puri-
ficat.

Luc. 2.

Nam. 24.

S. Ioann.
Baptista hi-
rundine de-
signatus.

Ioann. 1.

Iob 20.

In malas sa-
cerdotes a-
cris inveni-
ta.

Zachar. 6.

Psal. 5.

Psal. 90.

& 34.

Cant. 4.

1. Reg. 11.

Luc. 24.
Meditatio
passionis
Christi quæ
efficax.

Philip. 3.

Boni sacer-
dotes.

Joel. 3.

Judiciū fu-
turum in
valle Iosa-
phat multi
cedunt.

1. Thessa. 4.

Luc. 12.

Psal. 35.

Prover. 31.

Matt. 19.

Per quas
portas egre-
dientur
sancti ad in-
dicium.

Matt. 25.

populi comedunt, & confessiones aliorum recipiunt: non tamen omnes; quia sicut, nec hiems laurum, nec comburit rogos aurum, sic infusio vitiorum non tangit corda sanctorum, nec pariendo sentiunt, cum eis dicitur, sed magis cōpatiēdo. Difficile tamen est, tangere picem, & non inquinari ab ea. Sequitur de porta vallis Iosaphat. De hac sic legitur in Ioēle, dicente Domino. *Congregabo omnes, & educam eos in valle Iosaphat, quia ibi sedabo, ut iudicem omnes gentes in circuitu.* Hanc sententiam quidam pueriliter intelligentes, iudicium Domini venturū in terra debere fieri mentiuntur, id est in valle Iosaphat, quæ est à latere montis Oliueti, cum Apostolus ad Thessalonicenses dicat, quod in spatio hujus aëris futurum sit. Air enim. *Nos qui vivimus, qui residui sumus in adventum Domini, non praveveniemus eos, qui dormierunt. Quoniam ipse Dominus in iussu, & in voce Archangelī, & in tuba Deī descendet de cælo: & mortui, qui in Christo sunt, resurgent primi. Deinde nos, qui vivimus, qui relinquimur, simul rapiemur cum illis in nubibus obviam Christo in aëra.* Ecce aperte dicitur, quod in aëre fiet iudicium: sed ideo se dicit Dominus disceptare cum gentibus in valle Iosaphat, quia Iosaphat iudicium interpretatur, & vallis dicitur. Et bene vallis dicitur, quia occultum est nobis, quando vel quomodo fiet. Vnde scriptum est. *Dies Domini sicut fur in nocte ita veniet.* Disceptabit ergo cum gentibus in valle Iosaphat; quia iudicabit eos occulto iudicio. Vnde scriptum est. *Judicia tua abyssus multa.* Eo ergo magis timendum iudicium, quo occultum. Leo rugiet, quis non timebit? Quis stabit ad videndum eum, ante cujus conspectū astra non sunt munda, & in Angelis suis invenit prauitatem? Quanto magis immundi & pravi sunt, qui domos inhabitant luteas, & terrenum habent fundamentum; quorum iustitiæ quasi stilla situlæ, & quasi pannus menstruæ apparebūt, quando loquetur inimicis in porta: quado veniet ad iudicium cum senioribus suis, ut scriptum est. *Nobilis in portis vir eius, cum sederit cum senatoribus suis.* Et verè in portis, quia de portis egredientur omnes homines, filij videlicet hominum conjudices filij hominis, sicut scriptū est. *Vos qui reliquistis omnia, sedebitis super sedes, iudicantes duodecim tribus Israël.* Egredientur enim de porta veteri Angeli, qui peccatores accusabunt; eo quod monitis eorū credere noluerunt. De porta nebulosa Prophetæ, accusantes eos, quia prophetiis eorum acquiescere noluerunt. De porta equorum Apostoli, accusantes eos, quod prædicationibus eorum non acquieverunt. De porta scutariorum Martyres, accusantes eos, quod exemplis eorū pati pro Domino noluerunt. De porta piscium Confessores; accusantes eos, quod eorum exemplis inter fluctus hujus maris magni & spatiosi per patientiam animas suas non possederunt. De porta vallis Iosaphat Virgines egredientur; accusantes eos, quod non solum corporali fornicatione, sed etiam spiritali animas suas corruerunt. Cur ergo miseri cum fatuis Virgini- bus verbum illud non timetis, quo dicitur, *Amendico vobis, nescio vos, & clausa erit janua.* Clausa quidem erit vobis janua cæli; qui iniquitate hypocrisis & infidelitate aperitis vobis portas inferni. Iniquitas siquidem vestra porta est inferni patens & euidens, ut scriptum

est. *Aduersum me loquebantur, qui sedebant in porta.* Quod autem hæc porta sit, aperitur alibi, cum dicitur. *Erubescant impij, & deducantur in infernum,* id est erubescant & deducantur in infernum. Non enim optatiuè, sed propheticè intelligendum est, * *Muta fiant labia dolosa, quæ loquuntur aduersus iustum iniquitatem in superbia & in abusione.* Hypocrisis etiam porta inferni est, sicut figuratum est in porta, in qua simulator ore Absalon per hypocrisin decipiebat ad iudicium venientes. Infidelitas quoque porta est, & introitus ad infernum, in qua periit dux Samaritæ, qui Elisæo promittenti temporis vbertatem credere noluit, sed ait. *Eis aperuerit Dominus cataractas cæli, non fiet quod promissis.*

Quid igitur agendum est fratres? Fugiamus de corruptione ad correptionem, de directione ad directionem, per desiderium vitæ cælestis, ad refugium nostri humani * sceleris, ad refugium nostri succursus sceleris, videlicet ad portam fontis, portum salutis, portum sanitatis. Quæ est ista porta fontis? Hæc est illa, quam ædificauit Sellum, virgo scilicet gloriosa, cujus hodie natiuitas, memoria in benedictione est. De qua alibi dicitur. *Tu Regis albi ianua, & porta lucis fulgida.* De hac sic in Ezechiele legitur. *Porta hæc clausa erit, & non aperietur. Non introibit vir per eam: princeps sedebit in ea, ut comedat panem suum.* Et bene clausa, quia nec ante partum, nec in partu, nec post partū, corrupta fuit. Non est aperta, quia virginitatem non amisit. Non est ingressus vir per eam, quia sine virili semine concepit. Princeps sedit in ea; quia Princeps Regum in ejus vtero se humiliavit. Panem suum ibi comedit: quia Patris sui voluntatem compleuit, ut scriptum est. *Cibus meus est, ut faciam voluntatem patris mei qui in cælis est.* Et bene dicitur porta fontis: quia ipsa porta fuit sacræ eruditionis, porta charitatis, porta vitæ. Eruditionis, de qua scriptum est. *Et fontes putei tui diriventur foras.* Charitatis, de qua legitur. *Fons proprius, cui non communicas alienus.* Vitæ, sicut in Psalmo legitur. *Quoniam apud te est fons vitæ.* Vnde & ipsa Virgo gloriosa fons hortorum vocatur, & bene, quia ipsa non cessat irrigare hortum nucum, hortum pomorum, hortum aromatum. Nucū, quia suam animā pertransiuit gladius passionis. Pomorum, quando ascendit in montana cum festinatione, & ministrauit Elizabeth. Aromatum, quando conseruabat omnia verba, quæ de Christo dicebantur, conferens in corde suo. Hanc igitur portam fontis ædificauit Sellum; ædificauit, id est ædem fecit, mansionem scilicet & thalamum: quia cum dilectione Dei madata seruaui, ut scriptum est. *Si quis diligit me, sermonem meum seruaui; & pater meus diligit eum, & ad patrem veniemus, & mansionem apud eum faciemus.* Christus enim prodijt de Virginis vtero, tamquam sponsus procedens de thalamo suo. Ædificauit eam Sellum. Sellum pacificus interpretatur. Et quis est iste pacificus; nisi ille, in cujus typum Psalmista canit, *Cum his qui oderunt pacem, eram pacificus?* Ipse enim non solum pacificus est, sed ipsa pax, sicut Apostolus ait. *Ipse est pax nostra, qui fecit utraque vnū.* Reliquit enim nobis pacem pectoris, quæ facit patientem, de qua scriptum est. *Sequitur san- ctimoniam & pacem, sine qua nemo videbit Deū.* Hæc pax relicta est laborantibus in mundo.

Psal. 68.

* sicut illud
Psal. 30.

Hypocrisis
inferni por-
ta.

4. Reg. 7.

* foris
generis.

Ezech. 44.

B. Virgo est
porta clau-
sa.

Joan. 4.

Prover. 5.

Psal. 35.

B. Virgo
est fons
hortorum.

Joan. 14.

Psal. 119.

Ephes. 2.

Hebr. 12.

Vnde

Eccli. 39.

Ioann. 14.

Matt. 10.

Quenam
pax mala.

2. Esdra 3.

Iob. 9.

Scientia &
potentia
sunt clauis
celi.

Matt. 16.

Eccli. 12.

Rom. 1.
Christi præ-
destinatio
quomodo in-
telligenda.

2. Esdra 3.

Ioann. 8.
Apocal. 1.

Ioan. 12.

Ioan. 8.
Aristot. in
Categor.

Vnde in missa pro defunctis, pax non datur; quia defunctis non est necessaria pax pectoris, sed pax æternitatis. Vnde scriptum est. *Corpora Sanctorum in pace sepulta sunt*, id est in spe certissimæ pacis æternæ. Illam reliquit, istam dedit, vt scriptum est. *Pacem relinquo vobis, pacem meam do vobis*. Pacem verò temporis nec reliquit, nec dedit, vt scriptum est. *Non veni pacem mittere, sed gladium*. Neque eam dare voluit; quia ipsa pax semper imperfecta est, aut simulata, aut inquinata, aut scelerata, aut inordinata. Imperfecta, quia caro semper concupiscit aduersus spiritum, & spiritus aduersus carnem. Simulata, sicut eorum, qui propter carnis lenocinium se diligunt. Scelerata verò, qui propter furtum, vel rapinam, vel aliud scelus sibi sunt pacati. Inordinata verò, quando non diligimus diligētes, vel diligenda non diligimus, vel minùs diligenda magis, vel magis diligenda minùs diligimus. Quis sit autem iste Sellum, ostenditur, cum dicitur, *Filius Colhozai*. Colhozai interpretatur videns omnia, vel propinans omnia. Quid igitur iste significat, nisi Deū Patrem? Vnde Iob loquitur. *Sapiens est corde, & fortis robore*. Videt enim omnia, qui nouit omnia antequam fiant. Videt enim omnia per sapientiam, propugnat omnia per potentiam. Scientia siquidem & potentia, quasi duabus clauibus cœlestis regni thesaurum claudit vel aperit. Claudit, & nemo aperit: aperit, & nemo claudit. Vnde Petro & successoribus ejus claves istas dedit, ipso dicente. *Et tibi dabo claves regni cœlorum. Et quodcūque ligaueris super terram: erit ligatum & in cœlis. Et quodcūque solueris super terram: erit solutum & in cœlis*. Hinc est, quod Iaël vxor Aber Cinai in typum Ecclesiæ clauo & malleo Sisaram interfecit. Clauo scientiæ, & malleo potentia. Clauo inquam scientiæ, quia scriptum est. *Verba sapientis, ut stimuli, & quasi clavi in altum defixi*. Vtraque clavis necessaria est Petri successoribus: quia qui scientiam habet sine potentia, clave caret, sed non clauo: qui verò potentiam sine scientia, clave caret, sed non clava. Scientia enim sine potentia clavis est in oculo cæci: potentia sine scientia clava est in manu furiosi. Bene ergo filius Colhozai fuit Sellum, id est omnia intelligentis & omnipotentis fuit filius, non imitationis, non adoptionis, non doctrinæ, non gratiæ, sed naturæ: quamvis gratiæ fuerit, quod ens homo fuerit filius Dei, tamen non fuit filius Dei per gratiam, sed per naturam. Dicit tamen Apostolus. *Qui prædestinatus est filius Dei in virtute*; quod tamen sic intelligendū est, quod prædestinatum fuit in virtute Dei, vt ens homo esset filius Dei. Sequitur de dignitate. *Princeps pagi Maspha*. Nota, quia princeps multis modis accipitur. Potest enim dici à principio. Vnde Christus dicitur princeps Regum terræ, qui alibi ait. *Ego principium, qui & loquor vobis*. Et in Apocalypsi. *Ego sum Alpha & Omega, principium & finis*. Potest etiam dici à præcipio. Vnde Apostoli principes vocantur; quia præcepta Dei prædicauerunt. Potest etiam dici à præcipitio. Vnde diabolus dicitur princeps mundi, quia præcipitat amatores suos. Vnde scriptum est. *Princeps huius mundi eiciatur foras*. Videtur tamen dici princeps à principio; quia scriptum est. *Ille erat homicida ab initio*. Sed ab initio dicit, id est post initium, sicut ibi, *À prima substantia nulla*

est prædicatio, id est post primam substantiam. Et ibi. *O Iane à tergo quem nulla ciconia pinxit*, id est post tergum. Princeps ergo pagi Maspha fuit Sellū. Pagus dicitur à pege, quod est fons. Vnde dicuntur pagani, quasi pegeni: quia ipsi villas facere solebant super fontes. Vnde Isaac legitur puteos fodisse. Erat ergo Sellum princeps pagi Maspha, id est fontis Maspha. Maspha interpretatur speculatio. Vnde de Christo dicitur in Psalmo. *Et factus est in pace locus eius; & habitatio eius in Sion*. Sion & Maspha idem interpretatur. Habitatio Sion, pagus Maspha; princeps pagi Maspha, princeps habitationis Sion. Quoties ergo Christum in corde tuo præfers omnibus, & cum deuotione contemplaris, & facta ipsius fideliter ac deuotè circumspicis; in habitatione Sion, vel in pago Maspha habitas, & pacificè requiescis. Nam de prælationis specula, scriptum est in Ezechiele. *Speculatorem dedi te domui Israël*. De contemplationis verò in Isaia. *Pone tibi mensam, & contemplare in specula*. De circumspectione in Ieremia. *Statue tibi speculam, pone tibi amaritudines, & dirige cor tuum in viam rectam*. Ergo, dilectissimi, præferamus omnibus Christum, contemplemur eum, circumspiciamus virtutem ejus, sapientiā ejus, bonitatem ejus. Dirigamus viam nostram in viam rectam; vt habitemus in Sion, & in pago Maspha; ipso principe pagi præeunte & præuio, Iesu Christo Domino nostro, qui viuit & regnat per omnia sæcula sæculorum, Amen.

SERMO III. In Natiuitate B. Virginis MARIE.

STELLA in medio nebula, Ex regali progenie Maria exorta refulget. Quotiens, dilectissimi fratres, ad audiendum verbum solatij, solatium verbi Dei eligitis, non debetis attendere, quis dicat: sed quid dicatur. Viri enim leprosi fuerunt, qui verbum solatij prædicauerunt in porta Samariæ: sed dux ille, super cuius manū Rex incumbebat, quia credere noluit, mortem incurrit. Amalechites quoque fessus in itinere, dux factus est exercitus David. Ciuitas etiam illa, quæ lingua Chananæa loqui solebat, facta est ciuitas solis; videlicet gentilitas, quando lingua exsiccativa, illuminativa, accensiva, nobis locuta est. Exsiccativa, dico, nostræ iniquitatis, illuminativa veritatis, accensiva charitatis. Et bene, quia tanta est gloria Cherub, vt plerumque audiri possit vox ejus in atrio exteriori, secundum quod Dominus mittit crystallum suū sicut buccellas, panem educit de terra, vel de petra, oleumque de saxo durissimo. Multotiens ergo asina Angelum videt, quem homo non videt: quia sicut hirundo & turtur cognouerunt tempus adventus Christi, ita & milvus & ciconia. Hirundinem dico Ioannem Baptistam, turturem Simeonem, milvum Balaam, ciconiā verò Sibyllam: isti mirabiliter de Deo prædicauerunt. Ioannes, *Ecce agnus Dei*; Simeon, *Nunc dimittis*; Balaam, *oriatur stella ex Iacob*, Sibylla, *De cælo Rex adueniet per sæcla futurus*. Vulgò enim dicitur; porcus iners multociens radicem bonam inuenit. Et hos porcos dixerim, qui non ruminando, sed quasi in terra fodiendo, id est terrena scrutando, Iesse nobis radicem effoderunt; & ostenderunt nobis, quomodo de radice Iesse Maria exorta refulget. Hermes siquidem & Asterius Philosophi Regis Persarū hujus

Persum.

Psal. 75.

Specula Præ-
lationis, con-
templatio-
nis, &c.Ezech. 3.
Isai. 21.
Ierem. 31.

Eccli. 30.

4. Reg. 7.

Asina sape
Angelum
videt, quem
homo non
videt.Ioann. 1.
Luc. 2.
Num. 24.

Verba va-
tis Ethnici.

gloriosæ virginis solemnitatis multis & dignis præconijs, nescio ex magnitudine literaturæ, siue à spiritu Prophetiæ, quem habere potuerunt à spiritu; & si non fortè in spiritu, prædicauerunt multis modis; à natiuitate scilicet virginis, à plenitudine temporis, ab impositione nominis, à nobilitate generis, à studio doctrinæ spiritualis, ab exercitio vitæ temporalis: à loco, vbi conflatum est aurum sapientiæ suæ: tandem à consummatione beatitudinis veræ & certæ, & plenæ. Dicit enim Asterius. *Orietur sub decano Virginis, puella quadam, qua lingua Persica dicitur Sedeo ardama, Arabicè verò Adreuedefa, sedens super solium auleatum, binas manu tenens spicas; & pascens filium suum iure, in loco vbi dicitur, Aue, & nomen pueri vocabunt Iesum.* Hermes vero paucis verbis mutatis, de eadem virgine sic locutus est. *Nascetur sub virgine puella quadam, qua vocatur Corciscastalis, sedens super stratam publicam: gemina manu gerens aristas: dans filio suo ius ad pascendum in terra Hebræa: nomen autem filij vocabunt Iesum:* quibus consentit tertius Poëta, cuius nomen est Albumazar, ita dicēs. *Orietur sub Decano virginis mater virgo: lactatque patrem; & eidem solid assidet, vir eam non attingens.* Audite dilectissimi fratres, viros leprosos proferentes præconiū laudis Christianæ, Amalechitas duces itineris fidei catholicæ, asinas videntes Angelos Dei, ciconias mirabiliter crocitanter. Sugite mel de petra, vngimini oleo de saxo durissimo, frangite buccellas crySTALLINAS, & comedite panem de terra. Tanta est enim fidei Catholicæ veritas gloriosa; quod inimici nostri sunt iudices: & in ore trium testium stat verbum gloriæ, & testimonium Virginis gloriosæ. Vbi enim dicitur, *orietur*, commendatur natiuitas; plenitudo temporis, vbi additur, *sub decano virginis*: impositio nominis, vbi additur, *Sedeo ardama*, &c. nobilitas generis; cum subinfertur, *sedens super solium auleatum*: doctrinæ spiritualis studium, vbi subiungitur, *binas manu tenens spicas*: exercitium temporale, vbi dicitur, *& pascens filium suum iure*, locus sapientiæ suæ, vbi ponitur, *Aue*: consummatio verò beatitudinis, vbi dicit, *nomen pueri vocabunt Iesum*. Audiamus igitur & miremur extensionem colli ciconiarum, extendentis ad cælum, & hoc mirabile crocitantis præconium. Certum est, quod sol ascendit in virgine, scilicet in Septembri, sub quo mense nata est virgo gloriosa. Quod autem dicit, *Decanum virginis*, arbitror, decanum, portionem esse decanā alicujus gradus eorū, per quos sol ascendit in virgine; omne siquidem signum habet gradus triginta, & illi gradus habent portiones. Tamen siue de gradibus, siue de portionibus graduum, intellexerit Poëta, hoc certum est, quod Maria orta est sub virgine. Aliquid simile in libro Regum reperies, vbi dicitur. *In mense Ethanim posita est arca fœderis in domo Domini.* Arca inquam, de qua dictum est. *Beata mater munere, cuius supernus artifex, mundum pugillo continens, ventris sub arca clausus est:* & dicitur fœderis, quia in secreto vteri virginis initum est fœdus per Deum hominem, & inter Deum & hominem. Ista enim arca in templo Domini, id est in honore Ecclesiæ Dei posita est nascendo, & exposita mundo. Ipsa enim fuit Musac Regis, & Corban sacerdotum, Gazophilacium pauperum, arca cœlestium thesaurorum.

B. Virgo
nata est mē-
se, quo sol
est in vir-
gine.

3. Reg. 8.

Ecclesia in
hymno.

rum. In mense Bethanim, id est in mense septimo. Ergo in mense Bethanim, id est sub virgine, nata est virgo gloriosa. Orietur ergo sub virgine puella, vel adolescentula, de qua Salomon in parabolis ita loquitur. *Tria sunt difficulta mihi, & quartum penitus ignoro. Via aquile in celo, via colubri supra petram, via nanis in medio maris:* quæ sine difficultate discerni non possunt, vel inueniri. Quartum verò Salomon penitus ignorauit: *viam scilicet viri in adolescentula*, in adolescentia solemus dicere: sed Hebræus melius nos corrigit, in adolescentula: non enim per naturam, vel per scripturam, vel per rationem, intelligere potuit, quia novum fecit Dominus super terram, id est, quoddam adolescentula circumdedit virum: virum inquam, de quo scriptum est. *Ecce vir, Oriens nomen ejus.* Vnde Iosephus. *Indiebus illis fuit Iesus vir sapiens: (si tamen fas est eum nominare virum,) & doctor eorum qui libenter, quæ vera sunt audiunt, & mirabilium erat effectus operum:* & sic concludit. *Christus hic erat.* Hæc igitur puella vocata est Sedeo ardama Adreuedefa, vel Corciscastalis, tria hæc enim vocabula vni voca sunt, vnam interpretationē habentia. Interpretantur enim virgo munda & honesta, de qua Ieremias dedit signum Ægyptijs, quod eorum oporteret euelli idola, cum virgo pareret, vnde sacerdote Ægyptiorum in secretis templi imaginem virginis & filij statuentes adorauerunt. Cūque eis diceret Ptolomæus, cur hoc facerent: responderunt, paternæ traditionis est mysterium, quod accepimus à sancto Propheta; & credimus in rebus ita esse venturum. Vnde Isaias. *Ecce virgo concipiet, & pariet filium:* vel vt melius Hebræi nos corrigunt; *Ecce alma concipiet:* virgo enim apud Hebræos dicebatur iuēcula, quæ nuptui tradi poterat. Bethula verò vetula dicebatur, quæ virum non cognouit: alma verò, id est abscondita, dicebatur, quæ sic à conspectu hominum fuerat occultata, vt de illa nulla esset suspicio, ipsam fuisse corruptam. Vnde & alma sancta vocatur: sancta verò firma dicitur: quia firmum erat & ratum, ipsam esse incorruptam. Erat ergo virgo munda & honesta. Quādo Dominus discipulos suos erudiuit, dixit. *Sint lumbi vestri praeincti & lucerna ardentes:* quia in lumbis est luxuria virorum, in vmbilico mulierum. Sed ista fuit munda & honesta, cuius vmbilicus præcisus fuit; & lucernæ ardentes, quia ipsa de prudentibus virginibus vna & specialis fuit: quia sine macula fuit, sine ruga, sine cerufa. Sine macula peccati, sine ruga duplici- tatis, sine cerufa deceptionis. Vel ideo munda, & honesta, quia tota pulchra est. *Tota pulchra es amica mea, tota pulchra.* Sicut enim mulier infamis & procax tota turpis est, à planta pedis vsque ad verticem: ita sancta mulier tota pulchra est, à planta pedis vsque ad verticem. Quid enim turpius illo monstro, nulla virtute redēpto, quod serpentem effigiat in crinibus tortuosis, habens oculos basilisci, genas phareaz, nares suis, dentes caninos, labia sirenæ, mammæ lamæ, manus lupi, ventrem capri, tibias luteas, & pedes pavonis? E contrario verò tota pulchra est, quæ in vno crine colli sui vulnerauit cor sponsi sui: habens oculos columbarum, genas turturis, nasum sicut turrim David, dentes sicut gregem tonsarum, quæ ascenderūt de lauacro, labia coccinea, mammæ sicut duo

Prouer. 30.

Zachar. 6.

Testimo-
nium Iose-
phi Iudei de
Christo.

Isai. 7.

Luc. 12.

Virgo sine
macula &
ruga fuit.

Cant. 4.

Monstri da
scriptio.

hinnuli capræ gemelli, manus tornatiles, ventrem eburneum, tibias marmoreas, pedes rectos? Vel certè tota pulchra est: quia corpore & anima glorificata est: sicut gratia plena, ita beatitudine plena. Nec enim gratia esset plena: si non esset beatitudine plena. Si enim putridum corpus in tumulto remansisset: nec gratia esset plena, nec beatitudo plena. Esset fortè beatitudo ejus vera & certa, sed non plena: quia tunc erit beatitudo plena, quando pro merito redderetur homini duplex stola; & glorificabitur corpore simul & anima. Sequitur. *Super solum aureatum*, id est solum regium. Hæc est nobilitas generis: quia fuit virga de radice Jesse: Jesse autem genuit David regem, de cujus folio ita loquitur Isaias. *Super solum David, & super regnum ejus sedebit Dominus*. Vnde. *Regali ex progenie Maria exorta resurget*. Propter hoc dicit Albommazar, & eidem folio assidet vir eam non attingens, id est Ioseph; qui eadem regali progenie genitus est. Quod Hermes dicit, eam sedisse supra stratam publicam, de loco parienti nos certificauit: quia quando filium suum peperit, non fuit ei locus in diuersorio; sed super stratam publicam paritura sedit. Sequitur. *Duas manu tenens spicas*. Duæ spicæ, duo sunt testamenta: quia sicut in spica vel in arista granum est cum palea ita sunt sacramenta latentia sub litera. Istas aristas fricabant Apostoli; vnde Iudæi murmurabant: qui plus literæ quam mysterijs solent adherere. Vel certè per spicas sententiæ Scripturarum figurantur, & opera. Sententiæ Scripturarum; sicut de hæreticis ait Iob, *esurientibus auferunt spicas*: quia esurientibus bonum, sententias Scripturarum, quibus pugnare vel expugnare debent eos: hæretici tollunt. Opera verò, vnde legitur: quod principes latronum Rechab & Baana intrauerunt domum Iboseph, & tollentes spicas percusserunt eum in inguine: quia maligni spiritus negligenti cuilibet bona opera quæ habet, auferunt, & eum carnis delectatione occidunt. Hinc est, quod filij Benjamin persecuti sunt Ephratæos nescientes pronuntiare *Sciboleth*: quia dicebant *fiboleth*, non valentes explicare spicas. Filij Benjamin, id est, filij dexteræ, Ephratæos, id est hæreticos, videntes, sententijs Scripturarum percusserunt: istas enim spicas alij portant in ore prædicando, alij in manu operando. Vnde scriptum est. *Verbum, quod factum est in manu Aggai Propheta*. Ista igitur Virgo binas manus tenuit spicas, quæ vita claruit & doctrina. Sequitur. *Et filium suum pascit jure*. Audi. Sedezardima virgo munda & honesta filium suum pascit, virgo filium pascit, virgo mater lactat parrem, pascit jure, id est crassitudine. Vnde legimus, quod Ierobaal carnes hædi ponens in canistro, & jus carniū in olla, quod utraque totum posuit supra petram: & tetigit Angelus virga & consumpsit ignis carnes, & ipsum jus. Et sciendum, quia crassitudo triplex est, exterior, quæ propriè dicitur pinguedo, & interior adeps; quæ verò est in ossibus, medulla. Est enim pinguedo exterior, motus charitatis in actu: interior verò, motus charitatis in effectu: medullaverò, affectus diligendi in utroque motu. Sicut enim pejus est statuere, declinare animū in terrâ: ita melius est affectus diligendi, quam diligere. Sicut enim tuba larga in ore, largior in manu, ultra manum largissima: ita Dei dule-

Atio lata debet esse in ore per prædicationē, latior per operationem, latissima per affectum & bonam voluntatem. Quod si jus à justitia nominetur; quia Seneca dicit, Iustitia est virtus, quæ unicuique reddit jus suum; filium suum pascit jure, qui unicuique reddit jus suum: id est qui reddit patriam creatori, dulciā creaturæ, reverentiam majoribus, concordiam paribus, pacem cunctis. Sequitur. *In loco, ubi dictum est, Ave*. Ecce locus ubi conflatum est aurum sapientiæ virginis, scilicet in terra Hebræa: ubi dicit ad eam Angelus, *Ave gratia plena Dominus tecum*. Illa verò obstupescit dicens. *Quomodo fiet istud? &c.* Et Angelus. *Spiritus sanctus inquit, superveniet in te, & virtus altissimi obumbrabit tibi*, &c. Et virgo, *Ecce ancilla Domini*. Et quasi aurora rutillans diem venturum annuntiavit dicens. *Magnificat anima mea Dominum*. Et hæc est consummatio beatitudinis ejus: quia nomen filij sui vocatum est Iesus; & vocatū est ab Angelo, priusquam in utero conciperetur. His igitur omnibus modis ex regali progenie Maria exorta resurget. Maria, id est illuminans vel illuminata, vel stella maris. Stella verò maris dicitur transmontana, qua nautæ statū maris vel cursum navis considerant. Et verè stella à stando dicitur; quia quasi in centro Zodiaci stare dicitur: quæ non retrogradè, sed regulariter & uniformiter firmatur: & dicitur matutina; quia nocte præcedente, per ipsam, solis justitiæ aurora refulsit. In medio autem nebula luxit, scilicet inter ignorantiam & desperationem: quia primo nesciebant aduentum Christi gentes, antequam venirent Prophete. Post prædicationem verò Prophetarū, dum moram faceret, desperaverunt; & tunc subito stella matutina refulsit, quasi rutilans de radice Jesse. Et verè de radice Jesse, id est de radice incendij. Jesse enim incendium interpretatur. Mirabiliter enim incendimur hujus novalis incendio, quæ vel ligni, vel fœni, vel stipulæ expers fuit: & omnes accendit, qui in ea confidunt, & meritis ejus adjuvari posse se credunt: per Dominum nostrum Iesum Christum, Amen.

In Capitulo Generali. SERMO I.



SI videritis filias Silo ad deducendos choros ex more procedere: exite repente de vineis, & rapite eas singulas uxores singulas; & pergite in terram Benjamin. Teste Gregorio, vera justitia habet compassionem, falsa indignationē: vnde & truculentia quandoq; palliatur sub rigore, & inertia sub mansuetudine: ut & vigor sit rigidus, & mansuetudo dissoluta: cum vigor regere debeat mansuetudinem, & mansuetudo ornare vigorem. Hæc igitur minùs attendentes speculatores nostri, parietes nostros effodiunt, ubi patet foramen; vel ut erectos inclinent, vel ut inclinatos depellant; vel certè liant absque temperamēto, luto videlicet absque palea. In utroque redarguendi, quod vel fodere non valent cum iniquo villico: vel quod ligna secando ferrum effugit manubrium eorum cum Propheta stulto. Sic enim debet constringi suauiter calamus quassatus, ut non conteratur: sic linum fumigans accendi fortiter, ut non extingatur. Hinc est enim, quod filij Israël filios Benjamin contumaces viriliter affligunt: Pœni-

Ius equino-
cè sumitur
hoc loco.

Luc. 1.

Maria stel-
la transmon-
tana.

Iudic. 21.

Gregorius
homil. 34.
in Evange-

Ut se debeat
gerere Pra-
lati erga in-
feriores.

Angelis si-
miles per bo-
norum ex-
empla fieri pos-
sumus.

Isai. 1.

Indic. 21.

Ezech. 1.

Quid ven-
tus, turbo,
ignis, & nu-
bes, desi-
gnent.

Vt deducen-
di sint à no-
bis chori.

tentes piè suscipiunt & non improperant: vnde post vindictam peccatum pœnitentibus dictum est, *Si videritis filias Silo*. Et quoniam nos omnes peccauimus, & indigemus pœnitentia: pœnitentiæ consiliū audiamus diligenter. Et quoniam viua ratio vita bonorum est, necesse est, vt sicut per praua opera deformati sumus à forma formantis, & comparati iumentis insipientibus & similes facti illis: sic per exempla bonorum in eandem imaginem reformemur, comparati cœlestibus Angelis, & similis facturæ cū illis. Dicit ergo. *Si videritis*, non corporeis oculis, sed intellectu mentis; non effectu, sed magis affectu cognoscatis, & intelligatis, *filias Silo*, id est animas, quas filius Dei per naturam formauit, & per sanguinis sui effusionem reformauit; quæ tamquam patrislantes, & informauerunt se moribus ex patris monitis, & conformauerunt operibus ejusdem exemplis. Propter hoc dictæ sunt filiæ Silo. Silo quippe interpretatur missus vel dimissus, vel petitus, vel semen. Semen autem est verbum Dei: verbū verò Dei filius Dei. Semen ergo est filius Dei. Hinc est, quod ait Isaias. *Nisi Dominus reliquisset nobis semen, quasi Sodoma fuissetis*. Quia igitur hic Dei filius & petitus fuit à Patriarchis & Prophetis, dimissus à Iudæis, missus verò fidelibus Christianis: bene animæ & per Euangelium genitæ, & per baptismum regeneratæ, filiæ Silo nominantur. Dicit ergo. *Si videritis filias Silo ad deducendos choros ex more procedere, &c.* Quid in choro, nisi hujus mundi vita volubilis designatur? Hæc est Ezechielis rota, circa quam animalia sancta voluebantur, quam designanter describit, vbi ait. *In visione Dei vidi, & ecce ventus turbinis veniebat ab aquilone, & nubes magna, & ignis immolens, & splendor in circuitu ejus*. Quatuor in visione Dei se vidisse proposuit, duo contra duo; ventum frigidum contra calorem ignis, contra splendorem densitatem nubis. Ventum & nubem, ne prospera nimis eleuent: ignem & splendorem, ne aduersa premāt. Ventus enim ab aquilone veniens, est turbo tē-tationis ex mentis frigiditate procedens: nubes autem, cœcitas mentis ex tentatione proueniens. Sed ignis feruor utrūque inuoluit: quia & cor frigidum accendit, & cœcitatē illuminat. Sed omnia splendor circuit: quia bonæ voluntatis hilaritas, & in prosperis & in aduersis mentem ad deuotionem perducit. Splendorem tibi proponit Deus, vt speres: feruorem, vt gaudeas: tentationis ventum, vt timeas: peccati nubem, vt doleas. Hunc igitur chorū deducis per vias rectas, si sic times de præteritis, vt gaudeas de misericordia Dei, & speres de promissis: si sic etiam de præsentibus doleas, vt speres simul & gaudeas: sic etiam de Dei misericordia gaudeas, vt de facto tuo turberis: & timeas comminationes futuras: sic etiam speres, vt timor pariter & dolor non recedant. Multotiens enim post vē-tum aquilonis redimus ad ignem; de nube tendimus ad splendorem; quia vbi abundauit peccatum, abundare solet & gratia. Multotiens & ignis à vento dissipatur; & splendor à nube: quia obscuratur aurum, & mutatur color optimus in vasa testea, & opus manuum figuli. Deducendi sunt ergo chori ex more filiarum Silo; vt in hujus mundi volubilitate & vita instabili, nec timor in tentationibus reddat pusillanimitatem: nec peccati dolor ducat ad desperationem. Sic

etiam de bonis gaudeas, ne eleueris in superbiam: sic etiam de Dei promissis speres, ne cadas in peccandi præsumptionem. Ecce sic procedunt ad deducendos choros filiæ Silo. Quod si, vt dictum est, videris; exi de vineis. Sunt vineæ Sodomorum; quarum vinum fel draconum, & venenum aspidum insanabile. Sunt & vineæ, quæ pro uvis fecerunt labruscas: ex quibus exire bonum esse, nulli dubium est. Sed & vinea Domini Sabaoth, cujus botrus Cypri, cujus vitis vera, cujus palmites sunt fideles, inter quos plerumque latitant infideles, eò timendi & odibiles; quod sagittant in obscuro rectos corde: de quibus sub specie vulpiū sponsus ait. *Capite nobis vulpes parvulas, quæ demoliantur vineas*. Istorum igitur est exire de vineis, si viderint filias Silo ad deducendos choros ex more procedere: vel quia in Ecclesia sunt peccatores, qui peccata sua per confessionem propalare erubescunt; sed sicut Adam in Paradiso, post peccatum inter ligna abscondit se; sic inter hujus vineæ palmites latitare volunt, & aliter videri, quam esse: necesse est, vt tales de vineis exeant: vt seipfos detegant: & quamvis nudi sine virtutibus; ei à cujus calore non est abscondere se, videri non erubescant. Sequitur. *Et capite eas singuli, uxores singulas*. Ecce repente exeundum est: nec solum capiendæ, sed rapiendæ sunt filiæ Silo. Neque enim sine violentia fieri potest, vt tali matrimonio jungaris, vt Sanctorum societatibus copuleris: quia regnū cœlorum vim patitur, & violenti rapiunt illud. Sed sine mora & repente; non procrastinationes querens, vel inducias; sed occupationum tuarum disrumpe vincula; dicens cum Propheta. *Dirupisti vincula mea, tibi sacrificabo hostiam laudis*. Et ideo non violentam voluntatem; sed voluntariam infer tibi violentiam: rapiens tibi idoneam filiam Silo. Quæ autem singulis sint idoneæ, paucis aduertite. Sunt enim aliqui in sæculo, tam simplices, quàm pauperes, qui tamen fortes sunt corpore; & de labore manuum viuere didicerunt. Alij autem non multum laboribus assueti, nec in sapiētia multum eruditi, diuites tamen. Alij autem corpore debiles, censu pauperes, sensu tamen locupletes. Alij autem pauperes, debiles, simplices: sed tamen exemplo aliorum vivunt innocentes. Vnusquisque igitur offerat in tabernaculo, pro vt Deus disposuit in corde suo; quia sicut purpuram vel hyacinthū, sic pelles rubricatas, offerri sibi Deus voluit, & pilos caprarū. Alij quidem per actiuam; alij vero Deo placent per vitam contemplatiuam. Imò alij Deo placent per inferiorem actiū, alij per inferiorem vim contemplantem; alij per superiorem actiū, alij per superiorem contemplatiū. Inferior vis actiū labor est corporis; superior, officium charitatis: inferior vis contemplatiū simplicitas cordis; superior verò, deuotio contemplationis. Ecce quatuor modi viuendi; quorum primus in Lia, secundus in Martha, tertius in Rachele, quartus in Maria. Et hæc sunt filiæ Silo deducentes choros; quādo procedunt ex more. Ex more enim procedunt, si chorū non confundunt. Sunt enim aliqui, qui ad hoc laborant, vt avaritiæ suæ consulant; non vt egenis subueniant. In his Lia chorū confundit: quia Martham non tenuit. Sūt alij, qui pauperibus subueniunt; non de laboribus suis, sed de rebus quas rapiunt; Martha chorū

Denter. 32.

Vulpes sum
Infidela.

Cantic. 2.

Indic. 21.

Psal. 115.

Vim nobis
inferre de-
bemus.

4. modi vi-
uendi mulie-
ribus 4. de-
signati.

Lia & Rachelem, Martha & Maria, ut chororum ducere debeant.

confundit, quia Liam non tenuit. Sunt & alij, qui de operibus manuum suarum eleemosynas largiuntur; sed ad hoc forsitan, ut occulta scelera minimè cognoscantur; vel ut aliquod temporale lucrum inde consequantur. Lia quidem in his Martham tenuit, sed utraq; tamen chorū confundit: quia Rachelem dimisit. Sunt & alij, qui ab infantia sine magnis excessibus viuere didicerunt: ideoque laboribus desudare nolūt, quia se pœnitentia indigere non credūt. Cumque alios peccatores viderint, indignantur; & in alijs compati nesciunt, quia ipsi pati nesciunt. In istis igitur Rachel chorum confundit: quia Martham & Liam tenere contempsit. Sunt fortè alij, simplices, qui & laboribus intendūt, & compati sciunt; sanctis tamen cogitationibus, orationibus, Psalmodijs, vacare negligūt: & tunc Rachel chorum confundit; quia Mariā non tenuit. Sunt etiam alij sapientes; sacris eloquijs intendentes, non ut opere compleāt, non ut simpliciter viuant; sed ut habeant primas cathedras in foro, & ut vocentur ab hominibus Rabbi. In istis Maria chorum confundit, quæ Rachelem dimisit. Sunt & alij, qui ad hoc contemplationi vacant, ut simpliciter viuant; sed dum per studium intus mens quiescit, caro foris nullo contracta labore pinguescit. Pinguis igitur eleuatur, & mentem à speculo contemplationis deiecit; ita ut seipsam non videat, quæ usque ad Deum oculos eleuabat; & infra se depressa torpeat, quæ seipsam supra se in cœlestibus erigebat. Propterea Maria chorum confundit, si Liam tenere negligit. Sunt & alij, qui sic se temporalibus subsidijs immergunt, & curis secularibus implicantur, ut vix aut numquā orationibus aut meditationibus ad Deum intendant. In illis Lia chorum confundit: quia Mariam dimisit. Vidēsne quomodo deducant chorum filiz Silo? Non omnia possumus omnes. Laborare potes, placet tibi Lia: eam, dum tenet Martham, accipe. Tua vis pauperibus erogare, Martham diligis, accipe eam: sed inter Liam & Rachelem. Simplicitas cordis tibi placeat, viuere vis simpliciter; fiat. Accipe Rachel; sed inter Martham & Mariam. Psalmodijs & orationibus vacare desideras, rapere vis de choro Mariam: sed tunc egredere de vineis, cum hinc Martham, & inde tenet Liam. Deducant ergo chorum filiz Silo: ad Canticum Citharistarum nostri. Dicit enim. *Laboribus manuum tuarum, quia manducabis, beatus es, & bene tibi erit.* Quid agis Lia? Frange contumaciā in labore corporis: frange corpus in deductione chori. Dicit etiam. *Beatus qui intelligit super egenum & pauperem.* Quid agis Martha? Denuda te ipsam: ut leuius ad deducendum chorum possis procedere. Dicit iterum. *Domine quis habitabit in tabernaculo tuo, aut quis requiescet in monte sancto tuo? Innocens manibus & mundo corde.* Quid agis Rachel? Deduc chorum ex more, restringens manibus latera, cum tranquillitate. Dicit etiam. *Laeta cogitatum tuum in Domino, & ipse te enutriet.* Mentem quippe patientis bene pensare nouit. Quid agis Maria, da saltus leues, & à terra suspende te, in tux deductionis processione. Sequitur. *Et pergit in terram Benjamin.* Quid enim hæc omnia prodest operari, nisi regni cœlestis intuitu? Aliter labor esset magnus, & fructus nullus. Ut igitur labor parvus sit, & fructus magnus: sicut scriptum est, *Et videban-*

tur ei dies pauci pre amoris magnitudine: pergit in terram Benjamin; quia terra Benjamin dicitur, terra filiorum dexteræ. Filij autem dexteræ sunt, quos Dominus ad dexteram statuet, quorum terra est, terra viuentium, & regnum quod eis ab origine mundi præparauit, & reddet, cum venerit iudicare viuos & mortuos, & sæculum per ignem. Amen.

SERMO II. In Capitulo Generali.

DILIGITE *iustitiam, qui iudicatis terram.* Timentes & venerantes eum, cui omne iudicium dedit Pater, iustè iudicare, filij hominum. Timete inquam Iudicem vestrum, viri conjudices: quia iudicia ejus abyssus multa. Quis enim cognouit sensum Domini: aut quis consiliarius ejus fuit? Quis, inquam, occultum & immobile, vel manifestum & mobile, vel occultum & mobile, aut manifestum & immobile, comprehendit? Occultum & immobile est iudicium, quo iudicat prædestinatos. Nam secundum hujus prædestinationis iudicium, & Petrum quando negabat, dignum dilectione iudicabat: Iudā verò proditorem & miracula facientem, dignū odio iudicabat. Manifestum verò & mobile est, quando iudicat per operationem; & tunc iudicat per inferiores causas, id est secundum præsentem statum operantis. Vnde dicitur. *Adhuc quadraginta dies, & Ninive subuertetur.* Et item Ezechiel. *Dispone domui tue; quia morieris tu, & non viuas.* Et nota, quod quoties hujusmodi iudicia sunt à Deo, conditionaliter intelligas esse prolata; ut cum dicitur. *Adhuc quadraginta dies, &c.* supple conditionem, si non conuertatur. Et item. *Dispone domui tue, &c.* supple, si te non correxeris. Vnde Dominus per Ezechiel. *Etiamsi dixero peccatori, morte morieris, & ille conuersus egerit pœnitentiam, omnium peccatorum suorum non recordabor; intellige conditionem, cum ait, Si dixero.* Occultum & mutabile est, quando secundum causam iudicat: quod ideo occultum est, quia nunc secundum inferiores, nunc secundum superiores causas iudicat. Secundum inferiores, ut simpliciter impossibilia: secundum superiores ut possibilia Deo. Vel impossibilia, quæ præter naturam, et si contra naturam non sint: ut primam gratiam infundere, hominem à peccatis liberare. Vel illa impossibilia, quæ quidem sunt & præter naturam, & contra naturam: sed tamen impotentiam naturæ iuuat diuina potentia; scilicet quod Virgo peperit, quod vxor Loth mutata est in statuam salis. Nam illa impossibilia, quorum naturæ impotentiam non supplet diuina potentia, ut de trunco fieri vitulum, non iudicat, vel secundum inferiores, vel secundum superiores causas. Simpliciter verò possibilia dicimus, quæ secundum cursum naturæ, & consuetudinem, fiunt; ut quod homo de homine, bos nascitur de boue. Possibilia autem Deo sunt; quæ quidem non secundum naturam, sed secundum consuetudinem, fiunt: ut quod anima corpori infunditur; hoc enim fieri iudicat secundum superiores causas. Manifestum verò & immutabile erit iudicium, secundum retributionem. quando reddet vnicuique secundum opera sua; alijs dicens, *Venite benedicti:* alijs *Ito maledicti.* Propter tot diuersa & occulta iudicia dictū est. *Iudicia tua abyssus multa.* Inter tot tamen diuer-

Genes. 29.

Sapient. 1.

Iudicia Dei alia occulta, alia manifesta, &c.

Iona. 3.

Isai. 38.

Ezech. 33.

Multis modis impossibile aliquid dicitur.

Matth. 23.

Matt. 7.

Iustitia Superiorum
debet informari
dilectione.

Sapient. 1.

Denter. 19.
4. Reg. 6.

Apta similitudo.

Genes. 9.

Iacob 1.

Pactum Dei
liberalitatis
est, nostrum
necessitatis.Iustitia alia
paciens, alia
cogens.

fitates, vna omnium vobis data est sententia. *In quo iudicio iudicabitis, iudicabimini.* Vnde necesse est, vt iustitia vestra plus abundet, quam Scribarum, vel Phariseorum. Nam illorum iustitia erat informata rigore; vestra verò debet informari dilectione. Illa iudicium habebat punitivum; vestra verò vel rarò dispensativum, vel semper remissivum; vt si percussisset te quis in maxilla, præbe ei & alteram. Vnde dictum est. *Diligite iustitiam.* Et quam, nisi diligendam, id est dilectione informatam: non timendam, & rigore informatam? Tamen ita iustitiam comitari debet rigor pariter & dilectio; vt nec rigor sine dilectione, nec dilectio sit absque rigore. Nam si rigorem habeatis sine dilectione, similes eritis illi, qui cum ligna caderet cum Prophetis in silua, ferrum elapsum de manubrio fratre occidit. Ligna enim cadimus, cum aliorum facta discutimus. Sed ferrum manubrium fugit, cum opus rationem excedit. Fratrem verò occidit, quando eum inde deteriorem facit, vnde debuit emendari. Si verò dilectionem absque rigore habueritis, similes eritis ei, qui cum ligna caderet, ferrum elapsum de manubrio in aquam cecidit. Cum enim aliorum facta sic discutimus, & sic opus rationem excedit, vt dilectio absque rigore iudicando seruetur; necesse est, vt dissolutio sequatur, & sic ferrum rationis in aqua perdatur. Est igitur rigor absque dilectione flagellum in manu furiosi: dilectio verò sine rigore in manu contracti. Ergo rigor cum dilectione iustitia est diligenda, quia dilectione informata. Est autem iustitia charitate informata pactum illud, super quo nos reddit Deus sollicitos, vbi ait. *Cum obduxero nubibus colam, apparebit arcus meus in nubibus; & recordabor patris mei, quod pepigi tecum.* Impassibilem siquidē & immutabilem Deum confitemur. Nec augeri potest, quia summus est; nec minui, quia vnus est: nec loco mutari, quia vbique est: nec tempore, quia æternus est: nec cogitatione, quia sapientissimus est; nec affectu, quia optimus est. Vnde Iacobus. *Apud quem non est transmutatio, nec vicissitudinis obumbratio.* Non igitur arbitremur, quodd post recordationis vigilantiam, ægrotare debeat obliuionis lethargo; vel post obliuionis morbum, iterum conualescat recordationis antidoto. Tamen recordari dicitur patris sui, vt naturam humanam pigritantem euigilet: quæ semper infirma est ad bonum, libera ad malum: cuius ingeniū hebes, memoria madida in gratiarum actione, quam nulla ciconia pinfit in antipelargosi, id est in beneficiorū retributione. Nam si se sollicitum dicat circa pactum quo nobis tenetur sola liberalitate & nuda voluntate, quantomagis nos sollicitos reddere debet id pactum, quo ei tenemur ex necessitate? Quodd enim pacto nobis tenetur, inducit eum voluntas. Quodd autem nos ei pacto tenemur, compellit nos ipsa necessitas. Quodd pacto nobis tenetur, iustitia paciens est; quodd autem nos ei tenemur, iustitia cogens est. Iustitiam patientē dicunt, qua fit aliquid iustē, quod tamen si aliter fieret, iniustum non esset. Iustitiam verò cogentem dicunt, qua fit aliquid iustē; quod si aliter fieret, iustum non esset. Saluat igitur hominem Deus, & iustē; quia iustitia potestatis, quæ si damnare veller, iustē damnet, quia debito patientis. Quem igitur saluat, iustē saluat, quia debito facientis: quem damnat, iustē damnat,

quia merito æquitatis. Iustitia igitur patientē, vel saluat vel damnat; quia vel debito facientis, vel merito patientis. Vnde pactum quo saluamur, cum in fœderatione fuerit, primò iustitia paciens per ratihabitionem factum est iustitia cogens; vt non dico violari, sed nec licitum sit induciari. Nam quomodo violari potest pactum, quod talibus arrhis & tanto pignore subarrhatur, quod naturali pariter & ciuili ratione nititur; quod stipulatione, iuramento, vltima voluntate firmatur; quod præscriptione, bona fide, iustis titulis consummatur: quod etiam causa, verbis, scriptis, forma, continentia, confirmatione, prout omne pactum ornari debet, vestitur: quod tandem mundiburdo, & Prætoris defensione inuiolabiliter obseruatur? Curramus per singula, & pactum hoc inuiolabile perscrutemur. De arrhis & pignore nos erudit pactum Iudæ Patriarchæ, qui tali pacto cum Thamar conuenit, vt ei hædum mittendum promitteret, promissum mitteret; & ne pactum solueret, anulum, armillā, & baculū arrhabonem dedit. Sic & ille vniuersalis Pater, cui in oratione dicimus, *Pater noster*, ille inquam Patriarcha, in quo clamamus, *Abba pater*, tali pacto Synagogam, quam quidem plantauerat vineam electā, sed postea versa est in amaritudinem vitis alienæ, vnde & Thamar amaritudo dicitur, sibi fœderauit, vt Messiam in similitudinem carnis peccati specialiter ei mitteret, tamquam hædū ad faciendum Phasē. Vnde ipse ait. *Non sum missus, nisi ad oues, que perierunt domus Israël.* De quo Apostolus. *Pascha nostrum immolatus est Christus.* Interim autem, donec promissum executioni mandaret, anulum fidei dedit, operis armillam, baculum legis. Pro pignore quidem legem, pro arrha verò fidem & operationē. Inter pignus siquidem & arrham hæc assignari differentia solet, quodd pignus non recedit à iurisdictione dantis, arrha verò transit in ius accipientis. Ergo qui legem dedit, cuius fuit legem adimplere; quia non fuit obnoxia legi Synagoga post aduentum Messie. Pignori quidem debuit abrenuntiare, soluta promissione: fidem verò & actionem pro arrha dedit; quia etiā post aduentum absoluta non fuit à fide & operatione. Sed misera baculum reportauit, pignus contra legem retinuit; quia semper obnoxia legi esse voluit. Ipsa nos docet ratio de talibus. Quid enim baculus mulieri competit? Mulierē portare baculum, insania videtur: sed armilla & anulo ipsam decebat ornari. Naturali verò & ciuili vtitur ratione. Naturali quidem, quia sicut lex ait, *Nihil conuenientius, quam pactum seruare.* Clamat enim jus naturale, *Quod tibi non vis fieri, alij ne feceris, vel, quod tibi vis fieri hoc fac alteri.* Ista duo, nisi pactum violetur, semper inter pascificentes conueniunt: alioqui pactum, id est, pacis actum, seruare non possunt. Timor igitur & amor ad hujus obseruantiam pacti nos compellit. Nam quia ratione ciuili nititur, meritò natura præuaricantis eliditur, & in naturalibus vulneratur, qui priuilegio indultæ bonitatis abutitur. Scriptum quippe est. *Præuilegium meretur amittere, qui concessa sibi abutitur potestate.* Sed & amor ideo nos compellit, quia perpetua pace debet gaudere, qui contra pacis actum noscitur non venisse. Sed in hoc ciuili nititur ratione, quia Prætor clamat. *Pactum seruato.* Quis igitur præsumptor

Pactum nostrum
cur non possit
violari.

Genes. 38.

Matt. 15.

Synagoga
non seruauit
pactum cum Deo.

Stipulatio
fit in baptis-
mo.

Psal. 109.
Luc. 1.

Psal. 118.

Hebr. 9.

Coloss. 3.

Testamen-
tum nostrū
in baptismo
peractum.

Pactū Dei
nobiscū est
contractus
bonæ fidei.

Matt. 21.
Isai. 19.
1. Corin. 6.

Psal. 31.

temerarius audeat violare; si Prætor ipse pactū se promittit seruare? Firmatur autem stipulatione: quia cū in baptismo diceretur nobis à sacerdote, *Credis in Deum*; & responsum fuisset. *Credo. Abrenuntias Satana?* *Abrenuntio: vis baptizari? volo:* his omnibus stipulationibus à jurisdictione diaboli nos exsecutauimus; & diuino pacto nos subdidimus. Firmatum est etiā juramento. Iurauit enim Dominus, & non pœnitebit eum, iusiurandū, quod iurauit ad Abraham, daturum se nobis, quod & factū est. Puer enim natus est nobis, & filius datus est nobis. Nos enim iurauimus & statuimus, custodire iudicia iustitiæ suæ, quoties nos obligauimus ei per verbum Psalmistæ dicentis. *Iurami & statui, custodire iudicia iustitiæ tuæ.* Videat ergo temerarius violator, ne periurio conuincatur. Sanctum est etiam vltima voluntate: quia dicit lex *Nihil est, quod melius debeat hominibus, quam ut suprema voluntatis, post quam aliud nihil velle possunt, liber sit stylus; & licitum, quod iam non redit ad arbitrium.* Dicit autem Apostolus. *Testamentum Christi in morte confirmatum est.* Sic & nos, quotquot baptizati sumus, in morte eius baptizati sumus. Figura quidem est mortis triduanæ trinamersio aquæ. Est igitur quædam mors pretiosa baptismus, qua mortui sumus; sicut ait Apostolus. *Mortui enim estis, & vitæ vestra abscondita est cum Christo in Deo.* Nec solum mortui, sed & confepulti sumus ei per baptismum in mortem. Cū igitur baptizaremur, id est cū sic mereremur; quæ fuit nostra vltima voluntas, nisi ea qua confessi sumus, quādo quesitum est, *Abrenuntias Satana*, & dictum est, *Abrenuntio?* Hæc est nostra vltima voluntas, quam confessi sumus; & statim baptizati sumus; imò statim mortui sumus. Si igitur in morte testamentum confirmatur, nulla ratione licet hoc pactum transgredi: nullo pacto licet hanc vltimam voluntatem violari. Consummatur etiam præscriptione, quia dicit Petrus Ravennas, sicut scriptum est in decretis. *Triginta annis humana leges omnes sopiunt quæstiones.* Generatio verò Christi ineffabilis, post tot annorum curricula, quæstione adhuc temeraria ventilatur? A simili. Pactum quod quadragesies triginta sex annis amplius confirmatum est, & obseruatum, licet iterum violari? Absit. Bona etiā fide confirmatur. Nam quando cum aliquo homine pactum contrahimus, contractum pacti propter hoc timemus, quòd vtilitati suæ plusquam nostræ dare operam conspiciamus. Sed quis hoc pactum violare præsumat, cuius vtilitas non ad illum, cum quo contrahimus, transfertur, sed in nos recipitur? Nam si tibi Deus aliquid impendit officij, nonne tua erit vtilitas? Et si tu ei aliquid impendis officium, quid vtilitatis ei impendis? Nonne ad te tota refertur vtilitas? Hic est bonæ fidei contractus, ubi tuus in omnibus habetur profectus. Iustis etiam titulis pactum hoc confirmatur. Quod enim acquiritur, vel pro herede, vel pro emptore, vel donato, vel pro legato, vel pro in dotē dato, vel titulo, qui dicitur, pro suo, possidenti confirmatur. Ecce pro herede nos possidet, de quo dicunt vitatores. *Hic est heres.* Vnde ait. *Hereditas mea Israël.* Idem etiam pro emptore. Vnde Apostolus. *Empti enim estis pretio magno.* Sed & pro redemptore, qui pretioso sanguine nos redemit. Vnde clamamus. *Redemisti me Do-*

mine, Deus veritatis. Sic etiam pro donato, quia nobis datus est, vel quia nos ei dati sumus. De primo siquidem dictum est. *Puer natus est nobis & filius datus est nobis.* De secundo dicit ipse Patri. *Sanctifica eos in nomine tuo, quos dedisti mihi.* Similiter & pro legato, de quo ait Sophonias. *Auditum audiuimus à Domino; & legatum ad Gentes misit.* Et etiam pro in dotem dato. Nam fidelibus suis sponsam, id est Ecclesiam suam, dotauit pariter & ditauit. Titulo tandem suo nos possidet. De quo lex ait. *Quod in nullius bonis est, naturali ratione occupanti conceditur.* Et hunc titulum pro suo dicunt, quando res, quæ nullius vtilitatis est, in ius occupantis per exercitium & laborem cum vtilitate transfertur. Et quid erat inutili homine? Non solum inutilis, sed & nocinus: non solum alij, sed & sibi. Sed jam prorsus vtilis factus est, cū Deo debitum impendit officium, timens Deum, & mandata ejus obseruans, hoc est omnis homo. Quo igitur modo violandum est pactum, quod talibus titulorum columnis videmus roboratum? Est etiam ornatum causa. Causa à casu vocatur. Et quo casu, nisi casu hominis, hæc causa vocatur? In casu quippe hominis tres veniunt in causam. Vnus actor & solum actor, id est Deus; alius reus, & solum reus; id est diabolus; tertius actor & reus, id est homo, sed diuersis respectibus: quia reus, quantum ad Deum; actor, quantum ad diabolum. Actor verò & non reus est Deus in causa hac; quia non est, qui de Deo debeat aut possit conqueri: cū tamen ipse tam de homine, quàm de diabolo materiam habeat conquerendi. In hoc quippe de diabolo poterat conqueri, quòd agrum non suum ausus fuerit demerere, & messem Domini falce deceptionis secare, quando Dei creaturam non timuit suo dominio subjugare. Hominem verò tamquam seruum fugitivum poterat conuenire de inobedientia, & de vitio ingritudinis arguere, conuenire de crimine læsæ maiestatis: & his omnibus probatur homo reus. Nam actor per hoc comprobatur, quia diabolum de fraude, de mendacio, de calumnia, conuenire posset, si Iudex aut patronus posset inueniri, qui cogeret eum juri parere. Sed hoc facere nullus poterat, nisi Deus, Deus autem nolebat; quia homini irat⁹ erat. Oportebat ergo ad hoc vt Deus vellet, quod homo & debitum solueret, & satisfaceret pro contemptu. Sed hoc implere non poterat homo; si vel irrationalem, vel rationalē daret homo pro debito creaturam. Irrationalis enim multò est rationali indignior: rationalis etiam injustus indignior rationali iusto. Ergo nec inter rationales, nec inter irracionales creaturas dignum tali recompensatione poterat quid inueniri. Propter hoc miseratus Deus hominem, multò perditio digniorem dedit homini, vt daretur pro homine: & per hoc misericordia & veritas obuiauērūt sibi: & misericordia quidem, quod dedit homini, iustitia & veritas; quod datum est pro homine. Sic igitur satis datum est pro debito, sed satisfaciendū est pro contemptu: sed nec illud facere poterat, nisi qui nihil pænæ debebat. Ergo pœnam sustinuit, qui pœnam sustinere non meruit: vt sic & debitum solueret, & satisfaceret pro contemptu. Hæc est actio nostræ pacis; & ideo pactum hoc pacis actum vocamus, quod nulla ratione licet violari, sicut nullus alius potest saluari.

Isai. 9.

Ioann. 17.

Abdia 1.

Titulus pro
suo, quis.

In casu ho-
minis tres
in causa ve-
niunt.

Homo pœ-
nam non po-
tuit satisfacere pro pec-
cato.

*Quid omnes discipuli
na resonent.*

Eccle. 12.

Artes liberales Theologia famulantur.

*Quæ sit
Moyses in-
sentio inli-
bris suis.*

Verbis etiam ornatum est pactum multipharie multisque modis, nunc Patriarcharum, nunc Prophetarum, nunc Apostolorum, nunc Euangelistarum: sed præcipue per Verbum, in quo locutus est nobis Deus Pater; scimus, quia verbum illud veritas est, quod pactum confirmat, & ob hoc violari non potest. Ornatur etiam scriptis. Nam quæ Theologia vel liberalis disciplina novi & veteris testamenti, imò & ipsorum Philosophorum hoc non resonat, ut finem bonum rerum initia fortiantur? Sed in hoc decepti fuerunt Philosophi, quod eorum alij voluptatem, alij virtutem, rerum finem esse dixerunt. Nec à veritate isti longè fuissent, si virtutem finem finalem dixissent. Nam finis finalis omnium virtutum Deus. Vnde Salomon. *Finem loquendi pariter audiamus. Deum time, & mandata ejus observa; hoc est omnis homo.* Ergo timoris & obsequantiae mandatorum non virtutes, sed Deus virtutum causa finalis esse debet. Philosophi verò virtutem Deum esse, non donum Dei, credebant, & propter hoc evanuerunt in cogitationibus suis. Hinc est, quod Moyses, qui omni sapientia Ægyptiorum sapientissimus perhibetur, greges septem filiarum sacerdotis Madian ad puteum legitur ad aquasse: utper hoc daretur intelligi, quod iste, qui præcipuus Theologiæ fuit predicator, profundis sanctarum Scripturarum mysterijs septem liberalium artium amatores imbueret: & ex ipsis Philosophiæ artibus Theologicam sapientiam comprobaret. Nam cum illarum septem liberalium artium aliæ de vocibus, aliæ de rebus nos ædificent; quæ autem de vocibus, aliæ de pronuntiatione instruit, ut Grammatica: aliæ de significatione, ut Dialectica; aliæ de utraque ut Rhetorica: quæ verò de rebus, aliæ circa naturam; ut Physica, aliæ circa formam: & quæ circa formam, aliæ circa mensuram, ut Geometria; aliæ circa numerum, ut Arithmetica, aliæ circa pondus, ut Musica; aliæ versatur circa motum, ut Astrologia: Theologia in hoc omnes præcellit, quod in his omnibus ei omnes famulantur. Nam sub eo sensu, qui est in significatione vocum ad res, historia continetur, cui tres scientiæ famulantur, Grammatica, Dialectica, Rhetorica. Sub eo verò sensu, qui est rerum ad facta mystica, continetur allegoria. Et sub eo sensu, qui est in rerum significatione ad faciendam mysticam, continetur tropologia. Et his duobus deseruiunt Arithmetica, Geometria, Musica, Astronomia & Physica. Quidquid verò vel sub historia, vel allegoria, siue sub tropologia docetur; causa hujus pacti, id est nostræ restorationis edocetur. Nam quamvis in initio suæ narrationis Moyses tractet de operibus conditionis; principalis tamen ejus intentio fuit, informare lapsos de operibus restorationis. Non enim conuenienter ostendere posset, qualiter homo fuerit reparatus, nisi prius ostenderet, qualiter fuerit lapsus. Lapsus verò ejus conuenienter non ostenderet, nisi prius qualiter fuit conditus, explicaret. Ut autem ostenderet hominis institutionem, necesse fuit ostendere totius mundi conditionem: quia factus est propter hominem. Nam spiritus propter Deum, caro propter spiritum, mundus propter corpus humanum. Hoc igitur ordine de rebus tractat. Primò qualiter mundus factus propter hominem; secundò qualiter homo fa-

Lingonensis Episcopi,

ctus naturalibus & gratuitis bonis fuerit præditus; tertio qualiter lapsus, ad ultimum quomodo reparatus. Omni igitur doctrina pactum nostræ restorationis ornatur. Ornatur etiam & forma, qua pacta antiquitus formari solebant. Olim quippe cum antiqui pactis aliquibus conueniebant, in loco quo pactum firmabant, effundebant sanguinem fœdæ porcæ: unde pactum alio nomine à fœda porca fœdus appellatur. Sed quoniā in lege porcus est immundum animal, Moyses cum pacto populum alligaret Domino, non sanguine porcæ, sed sanguine duodecim taurorum, quos à duodecim principibus accepit, cuius medietate asperfit tabernaculum, & vasa, & populum; in signum, quod si Domino seruirent, Dominus eis ex pacto tenebatur. Medietatem verò fudit ad crepidinem altaris, in signum, quod ex pacto se Domino populus alligabat. Iosue verò per aquæ effusionem, eundem populum Domino, & populo Dominum obligauit. Saluator verò noster, non per taurorum, sed per proprii sanguinis effusionem & aquæ, tantò fortius nos sibi obligauit, quantò & Moysen imitatus est in effusione sanguinis, & Iosue in effusione aquæ. Nam quando de ejus latere sanguis exiit & aqua, nobis duo sacramenta, alterum nostræ redemptionis, alterum regenerationis, ministrauit. Si igitur pacto tenebatur homines sanguinis fœdæ porcæ, ut statuerunt antiqui; vel per effusionem sanguinis taurorum, ut voluit Moyses; vel per effusionem aquæ, ut statuit Iosue; quantò magis ei debemus obligari, qui per proprium sanguinem, & aquam de proprio latere effusam, sibi nos fœderauit? Ornatur quoque continentia. Continuè enim pactum nos præcedit, cum ei per cibum corporis, & potum sanguinis sui fœderamur. Sicut enim Ecclesia nunquam cessat à sacramento; sic etiam nunquam cessat à pacto. Continuatur enim pactum, dum continuatur sacramentum. Nam nihil aliud hoc pactum dicimus, quàm communionem & unionem factam per corporis & sanguinis sui sacramentum. Ornatur tandem confirmatione: quoniam lex pactum confirmat, quæ dicit. *Nisi manducaueritis carnem filij hominis, & biberitis ejus sanguinem, non habebitis vitam in vobis.* Et iterum. *Qui manducat carnem meam, & bibit sanguinem meum, in me manet, & ego in eo.* Ecce obligatio pacti fœdere sacramenti. Ecce quare certò certius debet esse, pactum hoc violari non posse. Dicis tamen. Quod non potest violari potest induciari. Ut autè induciatur, mouet ætas, cogit necessitas. Ætas quidè, quæ mihi promittit spem pœnitentiæ, spem veniæ, spem longioris vitæ. Necessitas verò, quia non solum mihi, sed amicis meis, parentibus, & cognatis, natus sum: quibus teneor prodesse & subuenire: quia ut ait Seneca, Ortus nostri partem uendicat patria, partem amici. Vnde Ioannes. *Qui habuerit substantiam hujus mundi, & viderit fratrem suum necesse habere, & clameris viscera misericordiae; quomodo charitas Dei manet in eo?* Ergo ut amicis subueniamus, inducias habeamus. Bene. Actorem omnium foro ciuili coarctandum existimas. Fortè quia dicis, actor debet sequi forum rei. Esto. Quæro, quas dari tibi vis inducias? Nam quinque sunt induciarum genera; scilicet induciæ vocationis, deliberationis, appellationis, præparatio-

*Pacta olim
sanguine
firmata.*

*Christi &
Ecclesia
pactum.*

Ioann. 6.

Ibidem.

1. Ioan. 3.

*Induciæ
5. genera.*

*Inducia re-
stitutionis.**Luc. 10.**Homo qui-
bus spolia-
tus, & in
quibus vul-
neratus.**Homo dila-
pidationis
vicio infam-
is.**Psal. 68.**Matt. 27.**Ad utrius-
que famam
sumus resti-
tuti.**I. Corin. 6.*

nis, restitutionis. Dicis ergo. Restitutionis inducias peto; quia spoliatus sum. Hoc verè dixisti: quia similis factus es homini descendenti à Ierusalem in Iericho; & incidit in latrones, & expoliaverunt eum, &c. Spoliatus es ergo gratuitis, & vulneratus in naturalibus. Liberum siquidem arbitrium habes, sed depressum: ingenium, sed hebes: memoriam, sed madidam: rationem, sed quasi lippam: præterea gratuitis tuis spoliatus. Ergo quia spoliatus es, petis restitui. Quia lex dicit, quòd quantumvis criminofus, fur, hæreticus, latro, schismaticus; dummodo neget se talem, nec aduersus fuerit probatum crimen impositum, debet rebus quibus est destitutus, restitui. Verum quidem est, sed excipitur vitium dilapidationis. Nam si aliquis vitio dilapidationis infamatur, & propter hoc fuerit expoliatus, non debet restitui, sed in sequestrum debent ablata custodiri: donec rei sibi commendatæ fidelem se patronum probauerit. Tu autem de vitio dilapidationis iudicaris. Numquid similes sumus illi filio iuniori, qui accepta portione, quæ eum contingebat, abiit in longinquam regionem, & viuendo luxuriosè cum meretricibus omnia dissipauit; ita vt ad patrem reuersus dicere cogeretur. *Infixus sum in limbo profundi, & non est substantia?* Nam quasi accidentalia sunt temporalia, quæ adesse possunt & abesse, præter subiecti corruptione. Substantialia verò sunt naturalia vel gratuita; quæ abesse non possunt sine detrimento subiecti. Hæc bona dissipamus voluptuosè viuendo: vnde nec restitutione gaudere debemus, donec in contrarium probetur. Tamen vt nulla nobis remaneat materia conquerendi, facta est nobis restitutio non solum iuris, sed etiam iuris & facti: & hoc exabundanti, & præter meritum. Restitutio iuris est, cum sententia restitutionis profertur: iuris & facti est, cum & profertur sententia, & executioni mandatur; quod & factum est. Restituti quippe sumus, non solum ad possessionem, sed ad causam, sed ad famam. Ad appellationem enim idèo restitui nequiuimus: quia maior non est, ad quem appellare debemus. Ergo ad possessionem restituti sumus. Possessio nostra paradysus est, ab hac possessione fuit expulsus, & ea fuit Adam expoliatus. Sed flammeum gladium atque versatile amouit, & januas celi patefecit, (quas protoplastus clauferat,) sanguis Christi. Vnde & in typum huius restitutionis & pacis redditæ, Domino patiente scissum est velum templi. Restituti etiã sumus ad famam: quia cum propter infamiam antiqui peccati amississemus jus accusandi, testificandi, iudicandi: solo siquidem jure civili excipere posset diabolus oppositum criminale: quia nobis imponentibus ei mendacii crimen & malitiæ, posset & repellere nos à causa dicēs; non potestis contra me crimen intendere, quia serui mei estis: nunc per gratiam Dei ad utramque famam, Ecclesiasticam scilicet & civilem sumus ita restituti, vt non solum accusandi, imò & iudicandi data sit nobis in eum potestas: sicut ait Apostolus dicens. *Nonne Angelos iudicabimus?* Et sic etiam, vt nulla suspicio, nullum opprobrium facis antiquæ remoueat. Ad Ecclesiasticam igitur famam restituti sumus: quia nobis data est accusandi seu iudicandi facultas. Ad Civilem verò, quia omnis antiquæ infamiæ suspicio & opprobrii confusio deleta est: & hoc

eodem modo ad causam sumus restituti: quia cum ante pactum istud nulla nobis expetendi contra diabolum esset facultas, non tantum allegandi contra eum, sed etiam, vt dictum est, data sit nobis in eum sentiendi potestas. Cum igitur friuola sit omnis restitutionis excusatio, fortè præparationis inducias petis. Nam præparationis induciæ dicuntur, quando quis negat se habere præmanibus instrumentum, vel testes, quibus causam suam debet roborare contra actorem, petit in hoc casu instrumenta vel testes. Sed cum ferè semper incumbat actori probare affirmatiuam quam intendit, non reo negatiuam: nam si actor defecerit, reus etsi nihil præstiterit, obtinebit: (ferè tamen dixi; quia sicut quidam volunt, exceptionem habet in causa diuortij,) mirum videtur, si contra tot actoris & rei instrumenta, & contra tot testes, priuilegijs infirmari voluerit reus contra leges & indultæ priuilegia libertatis. Tot enim instrumenta nostræ salutis sunt, quot Theologicæ doctrinæ documenta: tot verò testes, quot Martyres; quoniam & Martyres græcè, latinè testes appellantur. Propterea petis appellationis inducias: sed frustra, quia petendæ sunt ante litis contestationem, nisi ab iniqua sententia. Sed postquam lis contestata, & adhuc ventilatur, nec promulgata est sententia definitiva, sed adhuc ille dies criticus expectatur, in quo dicitur est Iudex vel bonis, *Venite*, vel malis, *Ite*, &c. appellandū nō est. Ab illa autem sententia tamquam iniqua, quis erit ausus appellare; vel quæ quæso, appellaret? Nam fieri solet appellatio à minori ad maiorem. Quia igitur illo Iudice non est maior, tenebit absque dubio sententia, appellatione remota. Deliberationis ergo dilationes expostulas, sed serò. Nam quando dictū est tibi, *Abrenuntias Satana?* Tu verò respondiisti, *Abrenuntio*, quod postea ratum factum est confirmationis sacramentum: qua fronte quasi de nouo vis deliberare, quod sub morosa deliberatione licuit excusare? Quia tamen lex ait, quòd Actor debet sequi forum Rei, Deus autem in hoc discrimine litis Actor, tu verò Reus, videtur quòd lege fori, non lege poli te debeat conuenire. Ekko. Non ergo tibi licet deliberationis inducias obtinere. Lege quippe fori non dantur dilationes deliberationis, imò impetratus statim respondebit, vel capite plectetur; maxime si criminalis fuerit causa. Lege verò poli tam in criminali quàm in civili, habebit Reus deliberationis inducias. Ergo quia lege fori vis conuenire actorem tuum, denegandæ tibi sunt deliberationis induciæ; sed impetrus nisi sufficienter statim respondeas, dignus eris capite plecti. Sufficenter enim dixi, ne calumniando, præuaricando, tergiversando, respondeas. Calumniari autem est falsum intendere, præuaricari autem veritatem truncare: tergiversari verò est à proposito lacerare, capite verò plecti, est Christo, qui nostrum caput est, priuari. Restant ergo tibi vocationis induciæ, dilationes nimirum vocationis ter triginta dierum ternis edictis expressarum, vel vno quodam peremptorio pro omnibus ad arbitrium Iudicis prorogato vel arctato. Sed cum Iudex per Apparitores suos Apostolos jam citatoriū nobis editum dederit, & monitorium; non restat, nisi peremptorium. Et quis illud expostulet, aut desideret? *Va*, inquit Propheta, *desideranti-*

*Inducia præ-
parationis.**Appellatio-
nis inducia.**Matt. 25.**Deliberatio
nis inducia.**Vocationis
inducia.**Amos 5.**Sopho. 1.*

bus diem Domini. Dies enim illa dies ira, dies nubes & caliginis, dies tuba & clangoris. Non ergo necessaria sunt dilationes vocationis.

Malac. 2.

SERMO III. In Capitulo Generali.

Malachia, id est Angelus Domini.

LABIA Sacerdotis custodiunt scientiam, & legem requirent ex ore ejus: Angelus enim Domini exercituum est. O quanta est misericordia conditoris. Servi digni non fuimus, & Angeli nominamur. Magnum est, quod de nobis dicitur, & tamen verum dicitur. Testimonium siquidem perhibet is, cujus testimonia credibilia facta sunt nimis, Malachias videlicet Propheta, officio Angelus & nomine. Hic est, de quo dictum est, quod prophetanti, verbis suis testimonium perhibens Angelus apparebat. Ergo juxta Prophetæ testimonium statuit in terris dignitates hominum Dominus, secundum ordines Angelorum: ut sicut in cælis character est cælestis Theophaniæ vniformis Beatorum spirituum multitudo; ita in terris ejusdem Theophaniæ character esset multiformis spiritualium virorum vnio. Non ergo solum Angelos suos facit spiritus, & ministros suos flammam ignis: sed qui spiritu Dei aguntur, hi sunt Angeli ejus: & qui fulgent splendore charitatis, facti sunt ejus ministri. Nam sicut flamma ignis discernitur tribus modis, splendore, calore, scintillatione;... & per hoc, ut dictum est, fiunt characteres cælestis Theophaniæ, quam Ioannes, cognomento Scotus, ita diffiniuit, Theophania est, subsequenter signis, non substantificis genijs, mentibus ab imaginibus defæcatis, superessentialis & diffinitivæ originis simpla & reciproca manifestatio. Vnde & Theophania Dei manifestatio interpretatur, à *Theos*, quod est Deus, & *phanes*, quod est manifestatio. Et quoniam sicut Angelorum, sic vestrum est, Dei gloriam simplicibus manifestare: de Dei manifestatione breviter, velut introductionis modo pro modulo nostro vobis aliqua differamus. Sciendum igitur, quod quinque modis Deus manifestatur, videlicet voce, re, imaginatione, ratione, & anagogica contemplatione. Voce tribus modis; quia vel secundum vocis impositionem, vel secundum interpretationem, vel significationem. Secundum vocis impositionem, cum dicitur, *Ecce vir, Oriens nomen ejus.* Per impositionem hujus nominis *vir*, intelligo, quod ille verè vir est, cujus folium non marcescit; & per hoc Christum intelligo, quia vir dicitur vicens robore vel rigore. Secundum interpretationem, sicut David Christum significat; quia manu fortis, vel vultu desiderabilis, interpretatur. Secundum significationem, sicut per manum Christus significatur; quia ipse manus est, per quam Pater operatur. Re duobus modis manifestatur; scilicet secundum naturam & formam. Secundum naturam, ut cum lego, *Vicit leo de tribu Juda*, Christum intelligo. Similiter cum lego, *Ecce agnus Dei*, &c. per naturam agni Christum intelligo. Leo dicitur Christus propter fortitudinem; agnus propter simplicitatem vel mansuetudinem. Secundum formam etiam quatuor modis manifestatur Deus. Forma enim constat numero, pondere, mensura, & motu. Per numerum Deus designatur, sicut per unitatem. Nam sicut unitas neque commixtionem patitur neque diuisionem: ira in vnione Dei & hominis nec commixtionem passus est Christus, nec

diuisionem. Per mensuram etiam figuratur, ut in Ezechiele per calamum mensura, quo templum spirituale metitur. Manifestatur etiam per pondus. Vnde per stateram, quam Pater habet in manu, id est in Filio, æquitas diuini iudicii figuratur. Sicut per Ioannem dicitur. *Hac dicit, qui habet stateram in manu.* Secundum motum figuratur, vnde per stellam matutinam significatur. Ecce quomodo re manifestatur Deus. Nunc de imaginatione videndum est. Fit autem Dei manifestatio secundum imaginationem tribus modis, videlicet per similem similitudinem, per dissimilem similitudinem, per similem dissimilitudinem. Per similem similitudinem; ut si comparatione Angeli Deum manifestato: quia Angelus qui spiritus est, & inuisibilis, valde similis est spiritui & inuisibili Deo. Per similem dissimilitudinem; ut si, quæ Dei sunt, per sui contrarium comprehendendo: ut considerata miseria diaboli, quæ sit beatitudo Dei, cognoscitur. Cognito quippe vno contrariorum cognoscitur & reliquum: & hujusmodi similis dissimilitudo in Euangelio inuenitur, ubi legitur. *Recordare fili, quia recepisti bona in vita tua, & Lazarus similiter mala.* Per dissimilem similitudinem manifestatur Deus, quando per aliquam rem vilem & abjectam figuratur. Vnde in Psalmo. *Ego autem sum vermis, & non homo.* Quid enim verme vilius; quid Christo dignius? Et tamen per vermem Christus figuratur. Ratione manifestatur Deus. Sed hic notandum, quod res ratione manifestatur tribus modis, scilicet præcedentibus, comitantibus, & subsequentibus signis. Præcedentibus, sicut medicus expulso vel vrina vicinum morti cognoscit ægrotum. Comitantibus, sicut per citulum vinum vana ostenditur. Subsequentibus, sicut per cinerem ignis in camino fuisse probatur. Sciendum ergo, quod Deus semper subsequentibus signis cognoscitur; quia Deum nihil præcedit. Propter hoc dicit Ioannes. *Theophania est, subsequentibus signis, &c.* Sequitur. Non substantificis genijs. Substantifica genia sunt subsistentes causæ: & nulla causa subsistit, quare Deus sit. Quia si hoc esset; oporteret, quod causatum causam suam præcederet: quod fieri non potest, maxime cum ipse Deus sit omnium causa, & causa causalissima. Quod autem sequitur, *Mentibus ab imaginibus defæcatis*, dictum est, propter anagogicam contemplationem, qua Deus propriè contemplatur: quia minus propriè per imagines manifestatur. Vnde Rachel cum portaret secum idola patris sui Laban, comprehensa supposuit ea sibi. Requisita verò dixit. *Non possum assurgere tibi; quia secundum morem mulierum accidit mihi.* Rachel siquidem contemplativam designat animam, quæ tunc portat idola Laban, cum secundum imagines contemplatur. Sed ea postea sibi supponit, cum imaginata credit imaginibus esse majora; non æqualia, sed valde dissimilia. Et secundum morem mulierum accidisse sibi confitetur; quia totum humanæ infirmitati deputat, quod ad illam simplicem & diuinam naturam per aliquas similitudines attingere se credebat. Hinc est etiā, quod Elias in ostio speluncæ suæ post spiritum conterentem petras, & subuertentem montes, post commotionem & ignem, in sibilo auræ tenuis Deum esse non negavit: quia verò tunc proficit anima, cum in contemplatione deficit;

Ezech. 40.

Apocal. 6.

Dei manifestatio per imagines triplex.

Luc. 16.

Psalms. 21.

Ioan. Scotus Eriгена.

Genes. 31.

Mystica expositio furti Rachelis.

Deus quinque modis manifestatur.

Zachar. 6.

Apocal. 5. Ioann. 1.

Psalms. 83.

quia nihil imaginarium de Deo sentit. Vnde Psalmista. *Concupiscit & deficit anima mea in atriis Domini.* Tunc enim verè probatur diligere, cum in contemplatione probatur deficere. Propter hoc mentes Deum contemplantes ab omni imagine debent esse defæcatæ, id est purgatæ. Talium est enim Theophania, id est manifestatio Dei: quam superessentialé & diffinitiuam originem vocat Ioannes. Superessentialem quidem, quia omnem superat essentialitatem: diffinitiuam verò, non peremptoriam, sed constitutiuam, sed diffinitiuam originem; quia per eam omnis res habet suæ definitionis originem. Omnis enim res habet propriam diffinitionem; per quam specificè differt à cæteris. Debet igitur esse simpla manifestatio Dei: quia nec diuisiones membrorum, vel mutationes locorū, vel varietates temporum, aut etiam spiritualiū affectuum varietates, cogitare debemus. Hujus autem supercælestis Theophaniæ tres in cælis describit characteres idem Ioannes; ad quorū similitudinem etiam in terris fecit Sacerdotes Angelos. Primam vocat Epiphaniam, secundā Hyperphaniam, tertiam Hypophaniam. Et vnāquamque trinis distinguit ordinibus Angelorum. Dicitur autem epi suprà, hyper medium, hypo infrà. Est enim superior, media, & inferior phania. Epiphaniā diffinit hoc modo.

Epiphania quid sit.

Epiphania est ministerijs incalescentis affectionis altioris intuitus iudicijque librā resultatio distributa. Distributa dicit, id est distincta. Distinctè enim resultat Epiphania ministerijs incalescentis affectionis in Seraphim. Affectuosè siquidem amore diuino Seraphim incalescunt: vnde ardentes vel incalescentes interpretantur. Resultat etiam ministerijs altioris intuitus in Cherubim; quia aliud & subtilius cunctis inferioribus diuinam maiestatem intuentur: vnde Cherubim plenitudo scientiæ interpretatur. Resultat etiam Epiphania iudicij librā in Thronis: quia in ipsius Deus, quasi Rex in throno sedet ad iudicandum: vt per ipsos iudicet orbem terræ in æquitate. Hyperphaniā ita diffinit.

Hyperphania.

Hyperphania est sui participem insigniens scalari reuerentia, vñque ejus edocens, arcensque contrarium. Insignit enim Hyperphania sui participem ministerio Dominationum scalari reuerentia. Officium enim Dominationum est, docere subditos reuerentiam Prælatorum secundum diuersos gradus dignitatum: vnde & scalaris vocatur. Aliter enim Priori, aliter Abbati, aliter Episcopo, aliter tandem Domino Papæ obediendum est. Et quoniā quidam sunt, qui scientiam habent obediendi, sed non vñ: quod enim habent scientia vel habitu, non habent actū; ideo principatum est officium, vsū & actum hujus reuerentiæ nos docere. Et quia multis ad hæc præpedimur, videlicet mundi dilectione, carnis infirmitate, diaboli suggestionem; ideo officium potestatum est omne contrarium arcere. Hypophaniā verò sic diffinit.

Diuersis Prælati diuersa obedientia exhibenda.

Hypophania est naturæ legibus occurrens & arcana referans pro sui capacitate. Naturæ siquidem legibus occurrunt virtutes; quia præter vsitatum cursum naturæ, secundum superiores causas, per eos Deus frequenter miracula operatur. Arcana etiam referant, sed pro sua capacitate: quia aliter Angeli, aliter Archangeli cælestia nobis secreta reuelant. Archangelorū enim est, summa & maxima, Angelorum verò

minima nuntiare. Talium estis, dilectissimi Patres, in terra characteres; quos Angelos vocat Malachias. Cum enim ardore diuini amoris incalescitis; cum altiori intuitu in libro vitæ per contemplationem legitis & studetis: cum iudicij librā iustū iudicium subditis iudicatis, Epiphaniæ characterem induitis. Cum in ipsa verò vestra Prælatione subditorum vestrorum consensuosos vos esse cognoscitis: cum vñ obedienciæ Prælati vestris impenditis, sicut vobis impendi vultis; cumque his omnibus contraria viriliter arcetis; Hypophaniæ participio estis insigniti. Cum autem in carne præter carnem viuitis, & in terris vitam cælestem ducitis, illud quod de quodam Sancto legitur, imitantes, *Primum miraculum, quod fecit, ipse erat;* quando etiam arcana cælestia referatis vniciq; pro sua capacitate, spiritualibus spiritualia comparantes; mel & lac habentes sub lingua; cibum & potum cælestium conuiujs nuptiarum præparantes, in terris Hypophaniæ officium exhibetis. Necessè est ergo, vt labia vestra scientiam custodiant. Labia quidem, quibus credita sunt eloquia Dei; labia quibus datum est, illud eulogium proferre, quod panem & vinum trāsstantiare potest in corpus & sanguinem Christi: labia, quibus commissa est sollicitudo orandi pro vestra & populi ignorantia: labia, quibus data est potestas ligandi & solvendi: vtpote quæ facta sunt clauis regni cælorum. Nam quoniā quorundam labia non custodierunt scientiam, perierunt propter suam insipientiam. Et qui stantium esse debuerunt, cadentium facti sunt characteres Angelorū. Non enim ignorat prudentia vestra, fratres carissimi, quidd de quolibet ordine Angelorum aliqui ceciderunt; & in hoc caliginoso aëre retrusi peruertit homines, & quasi quosdam sui characteres in operibus suis eos efficiunt. Cum enim video quosdam igne cupiditatis ardere, quosdam abuti dono scientiæ, quosdam subditos sine discretione iudicare: illos sine dubio intueor, qui de cælesti Epiphania ceciderunt. Cumque alios video, qui nec scientiam habent reuerentiæ, nec vñ ejus Prælati exhibent, quæ sibi volunt à subditis exhiberi: nec arcere volunt contraria virtutibus, sed sordescunt in facibus suis: illorum, qui de cælesti hyperphania lapsi sunt, characteres intueor Angelorum. Cum verò quidam naturæ legibus occurrunt, contra naturam carnis legibus seruientes, dolis intendentes & fraudibus, ludis & vaniloquijs, magis quàm spiritualibus: illorum efficiuntur characteres, qui de cælesti hypophania ceciderunt. Necessè est ergo, vt labia vestra custodiant scientiam: quia non sufficit vna clavis ad ligandum vel soluendum: sed cum potentia soluendi seu ligandi necessaria est scientia discernendi. Ergo quia ad iudicandum congregati estis, trium legum iudicium ante mentis oculos habere debetis: legis videlicet naturalis, cujus iudicium est, *Quod tibi non vis fieri, aly ne feceris; & quod tibi vis fieri, aly faceris.* Interdum tamen vti debetis iudicio scriptæ legis: rarè tamen, & quando occurrit causa inuitabilis: cujus iudicium est, *Dentem pro dente, oculum pro oculo.* Sed rarè, vt dictum est, sicut ait Legislator noster beatus Benedictus, quando scilicet nihil proficiunt vnguenta adhortationum, vindicta verberum, sua & fratrum suorum oratio; si prius hæc fue-

S. Bernard. hoc de S. V. chore dicit serm. de eod. Victor.

Quinam similes Angelis lapsi.

Deuter. 19.

1. Corin. 7.
Excommu-
nicatio raro
in usu esse
debet.

Matt. 5.

runt adhibita, nihilque proficiant: tunc utatur ferro abscissionis, sicut scriptum est. *In fidelis si discedit, discedat*; ne vna ovis morbida totum gregem contamine. Sæpius tamen, & ferè semper nisi fortè patientia vestra vir impudens & incorrigibilis abutatur, iudicio legis spiritualis uti debetis; illo videlicet, quo dicitur, *Sit percussit quis in maxillam, præbe ei & alteram*; ut sic tamquam viri sapientes & discreti, sciatis, in quibus remissivum, in quibus verò punitivum debeatis iudicium exercere: scientes, quia in quo iudicio iudicaveritis, iudicabimini, ab illo Iudice, qui reddet unicuique secundum opera sua, cum venerit iudicare sæculum per ignem.

SERMO. In Feste omnium Sanctorum.

Psalms. 49.



ONGREGATE illi sanctos ejus: qui ordinant testamentum ejus super sacrificia. Nemini novum videatur, quod beatus Bonifacius antiquum illud templum à Phoca Cæsare im-

Pantheon
in Ecclesiam
conversum.

petratum, in honore Sanctorum omnium haberi voluit consecratum. Præceptum enim in Israël est, & iudicium Deo Iacob. Præco siquidem ille antiquus, præfectus in Cantoribus, Barachielis filius, piscatores illos, quorum retia rupta sunt à conclusionem piscium suorum redarguens: piscatores alios, quorum retia rupta non fuerunt à conclusionem piscium centum quinquaginta trium, exhortatur, cum ait. *Congregate illi sanctos ejus*. Intitulatur enim Psalmus Asaph. Quis sit autem Asaph, ex genere, ex dignitate officij, ex nominis interpretatione, dignoscere non erit inutile. Asaph, sicut in Paralipomenon legitur, fuit filius Barachielis, qui factus est inter cantores vnus quatuor magistrorum. Interpretatur autem Synagoga; siue quod idem est, congregatio. Sed cum omnis congregatio siue hominum sit, siue pecudum, Synagoga posset appellari: propriè tamen Synagoga dicitur, congregatio populi Israël. Sed cujus Israël? Est enim Israël secundum carnem, & est Israël secundum spiritum. Non omnes, ait Apostolus, *qui sunt ex Israël, hi sunt Israëlita, sed in Isaac*, id est filio promissionis, *vocabitur tibi semen*: semen inquam, de quo dictum est ad Abraham:

Rom. 9.

Genes. 22.

Galat. 3.

Isai. 61.

Isai. 1.

Congrega-
tio Religiosa
Asaph Ba-
rachielis est.

in semine tuo benedicentur omnes gentes. Quod expones Apostolus: *non ait in seminibus*, inquit, *quasi in multis: sed in semine tuo, qui est Christus*. Illi ergo Israëlita sunt, qui in Christo benedicti sunt. Sed qui sunt hi Benedicti? *Omnes qui viderint istos cognoscent eos: quia isti sunt semen cui benedixit Dominus*. Quis enim videns obedientiam vestram, abstinenciam vestram, laborem vestrum & deuotionem, in vigilijs, in ieiunijs, in Psalmodia; non cognoscat, quod vos estis semen Domini sabaoth; semen de semine, quod Dominus reliquit nobis? *Nisi enim*, ait scriptura, *Dominus sabaoth reliquisset nobis semen: quasi Sodoma fuissetis, & quasi Gomorraha similes essemus*. Verumtamen carissimi, vestra congregatio Asaph Barachielis est: & verè Asaph dici potest: Asaph, quia multæ filia congregant diuitias: vos supergredimini vniuersas. Vos enim estis acervus ille testimonij, congregatus in confederatione Iacob & Laban. Nam quod ipse Dominus pacem habeat cum populo terræ, quasi cum Laban, inpatientia vestra & perseverantia vestra testimonium perhibetis. Quotiens enim

in labore fortitudinem, in tentatione patientiâ, in opere bono perseverantiam, demonstratis: lapides in acervo testimonij congregatis. Ex his siquidem tumulus testis efficitur: in quo primum lapidem Iacob posuit: & post ipsum fratres ejus. Cum enim Dominus in multa passio-
nis tamquam luctator insuperabilis, (Nam Iacob luctator interpretatur,) patientiam demonstraret: lapidem posuit in acervo. Deinde quando filij ejus, siue fratres, ad imitationem ejus diuersas virtutes accumulavit: lapides in tumulo coaceruant. Filij enim sumus, in hoc quod est Deus: fratres, in eo quod est homo. Filij sumus, in hoc quod fecit nos: fratres, in hoc quod humanæ naturæ defectui absque peccato nobiscum communicavit. Filij ergo sumus, per gratiæ donum: fratres, per naturæ consortium. Vnde nec confunditur fratres nos appellare: dicens quodam loco sic. *Narrabo nomen tuum fratribus meis*. Vos igitur quos ad glorificandum seipsum amor Christi ab aquilone & mari congregavit in vnum: vos, qui cum verò Iacob in confederatione Dei & hominis, non dispergitis, sed colligitis cum eo, sicut ait: *Qui non colligit mecum dispergit*: vos, inquam, qui virtutes congregando, in hac valle lacrymarum ascensiones disponitis, ut ascendatis in montem Domini, misericordiam & benedictionem à Deo accepturi: dici potestis Asaph & filij Barachielis. Asaph, propter congregationem virtutū: Barachielis, propter benedictionis donum. Barachiel enim benedictio Domini interpretatur. Asaph igitur estis, per meritum; Barachielis, per præmium. Asaph per gratiam: filij Barachielis per retributionem. Asaph estis, qui magisterium tenet in cantoribus. Nam cum in citharis & tympanis & choris, & diuerso genere musicorum, dulcis sonus, suavisque fieri possit harmonia: super omnes coram Deo dulcis est ille meliodorus: in quo tangitur corda cordis, & vita responderet verbis: ubi tangitur acuta per deuotionem: grauis verò corda per patientiam & tribulationem. Quomodo in cantoribus primatum tenere non debeat: qui canere nouit per prædicationem tuba, in psalterio verò, qui à superiori sonat per contemplationem: in cithara quæ ab imo sonum reddit, per miseræ suæ discussionem: in tympano per carnis mortificationem; in choro per fraternam dilectionem, in cordis per cordis intentionem, in organo per deuotionem: in cymbalis jubilationis & bene sonantibus, per hilaritatem & exultationem? *Hilarem enim datorem diligit Deus*. Tales cantores estis vos, fratres carissimi; & talibus instrumentis aures Dei mulcere didicistis. Clamet igitur Asaph: clametis & vos: clamet piscatoribus nostris, quorum retia rumpi non possunt. Clamet illis, insultando: clamet istis, exultando. Clamet illis, ad increpandum: clamet istis, ad exhortandum. Clamet illis, ut foras mittant pisces, qui rumpunt retia: clamet istis, ut congregent & gaudeant in captura. Vultis audire carissimi: quæ sunt antiqua retia, quæ rupta sunt: qui piscatores, & qui pisces fuerunt? Antiqua retia, antiquam illam arbitror synagogam: quam modo dilaceratam videtis & dispersam. Et in compositione rerum istorum, nodos possumus appellare signa illa: quibus antiqui Deo adhærebant: vel eorum operationes, qui inter eos sancti erant. Nam sicut ex duobus funiculis nodus efficitur, sic ex Dei miraculis,

Ex quibus
lapidibus a-
cerum com-
ponendum.

Psalms. 21.

Luc. 11.

Quam
coram Deo
suavis har-
monia.

2. Corin. 1.

Antiqua re-
tia rupta,
quæ sint.

Nexus amoris Dei in antiquis.

raculis, & Patriarcharum operibus, fiebat in retibus nexus amoris. Vt enim antiquos Deus diligeret, quasi quidā nodus erat innocētia Abel, iustitia Noe, Abraham fides: deuotio Isaac, afflictio Iacob: mansuetudo Moyſi: fortitudo Dauidis. Ex alia vero parte, vt ipsi Deum diligerēt, suscepit sacrificium Abel: saluauit ab aquis diluuij. Noe: dirauit Abraham in Chanaan: desiderium Isaac impleuit: Iacob de manibus Esau liberauit: Moyſen & fratres suos filios Israēl, de sub iugo Pharaonis eduxit: Dauid de post fœtantes assumens, in Regē sublimauit. In istis ergo & talibus antiqua retia cōtexuit. Sed pisces in retibus paulatim palpitare cœperunt, & ruperūt retia. Quid enim pusillanimitas ipsa, qua contra Deum murmurabant, inter Ægyptios & mare rubrum? Quid illa superfluitas in Mara pro amaritudine aquarum: quid illa murmuratione in fastidio leuis cibi: quid illa voluptas in desiderio carniū Ægypti: nisi interruptionis foramina, quæ fecerunt pisces in retibus congregati? Hinc enim vinculum dilectionis incepit dissolui, quo cum Deo innodati erant: cum ipsi beneficijs eius ingrati, Ægyptum cupiebāt: fecerunt vitulum conſtatilem: murmurabant contra Moyſem: ipsum quoque Deum blasphemabant. Sed tamen si inter eos aliqui tales inuenti sunt, qui Deum in huiusmodi blasphemijs offenderent: propter aliquos tamen, qui inter eos sancti erant, parcebat toti multitudini: nec retia funditus permittebat dissolui. Ipse enim est, sicut locutus est ad Abraham, qui propter decem iustos, Sodomitis omnibus perpeccisset: si in Sodomis eos inuenisset. Sed quoniam paulatim charitate filiorum Israēl refrigescēte, tanta inter eos excreuit malitia, tanta superbia, tanta cupiditas, & infidelitas tanta: vt non tantum mali in seipſos, vel in sanctos Dei essent; sed in ipsum Dei filium exardere, tenere, occidere non timuerunt: nullus vtique inter eos bonus inuentus est: sed sicut Sodomitis pares inuenti sunt in prauacatione, sic etiam eis pares facti sunt in reprobatione. Hinc igitur est, quod Asaph Synagogam illam redarguens, ibi dicit, *Peccatori autem dixit Deus, quare tu enarra iustitias meas?* Sicut jam diximus, piscatores, quorum retia rupta non sunt, ad copiosam capturam inuitat, vbi ait, *Congregate illi sanctos eius.* Retia enim quæ rumpi non possunt, præsens est Ecclesia, quæ est congregatio Sanctorum: quorum nodi sunt hinc religio, vita vel mores, inde verò natura, gratia, & gloriæ donum. Istorum igitur retium sunt pisces, subditi: piscatores, Prælati. Ipsi ergo dicitur, *Congregate illi,* pisces bonos: non illos qui confundunt legem Dei, in sterilibus obseruantijs, & sacrificijs carnalibus, sed *congregate sanctos illos, qui ordinant testamentum eius super sacrificia.* Vos igitur fratres, congregate, vel prædicando, vel opere sectando, vel honore prosequendo. Prædicando sanctificandos; opere sectando, quos videtis imitandos: honore prosequendo remuneratos, vel remunerandos. Secundum enim metonymiā, quæ figura est, per quam continens designatur in contento, Sanctos congregat, qui Sanctorū sanctitatem coaceruat. Si enim imitamini in contemplatione Dei Angelos, Patriarchas in fide, Prophetas in spe, Euangelistas in prædicatione, Apostolos in religione, in continentia Virgines, in patientia Martyres, in abstinentia

Confessores; bene congregatis Sanctos omnes, *Congregate illi.* Cui illi? Illi qui locutus est: *Deus Deorum locutus est, & vocauit terram, à solis ortu vsque ad occasum.* Eorum autem, qui congregant, alij sunt, qui Deo Deorum congregant: alij vero dijs, id est hominibus, siue demonijs. De hominibus dictum est. *Ego dixi di estis, & filij excelsi omnes.* De demonijs autem, *Omnis di Gentium demonia.* Hominibus ergo congregant, qui propter gratiam potentium, siue propter honorem terrenum, vitæ sanctimoniam custodiunt. Hinc est, quod potentibus clamat subditus. Ecce tot annis seruiſti vobis, nec vnum de mandatis vestris præterui: vos nec vnam obedientiam mihi dedistis. Et tamquam filij illius Euangelici ore loquens patrem suum sollicitat dicens. Ecce iste, qui modo de sæculo venit, qui huc vsque portionem suam, viuendo luxuriosè, dissipauit: postquam intus venit, statim ad obedientiam vocatus est. Ego autem tot annis, strenuè conuersatus sum; & Abbas nec vnam obedientiam dat mihi. Alij verò non hominibus, sed demonibus congregant, sicut ij, de quibus dictum est. *Immolauerunt demonijs, & non Deo, Dijs, quos ignorabant.* Gentes enim in honore Deorum suorum, plerumque in abdicatione rei temporalis, plerumque in abstinentijs, multotiens verò in carnalibus sacrificijs, sollicitè intendebant. Veteris verò testamēti patres, non hominibus, non demonijs, sed Deo, deuoti erant: cultum religionis illius persoluentes ei: quem illi demonijs exhibebant. Et hoc multo melius: illi enim nec fidem, nec veræ religionis cultum habebant. Isti vero etsi nondum verā religionem cognoscerent, fidem tamen iam habebant. Sed tandē crescente fide, creuit religio. Nam ordinare testamentum Dei inceperunt noui testamenti patres, super præcepto sacrificiorum: quod illi carnaliter intendentes, intentionem datoris confundebant. Non enim de re sacramenti, sed de sacramento rei; non de veritatis signo, sed de veritate signi: non de significante, sed significato, locutus est Deus; cum de legalibus ceremonijs eis loqueretur. Vnde in hoc eodem Psalmo ait. *Non in sacrificijs tuis arguam te.* Et *Numquid manducabo carnes taurorum: aut sanguinem hircorum potabo?* Hinc etiam per Isaiam ait. *Quò mihi multitudinem victimarum vestrarum? Plenus sum.* Et per Ieremiam. *Comedite, ait, carnes, quia non sum locutus de holocausto matris istis, die qua eduxi vos de terra Ægypti:* significans, quod de spiritualibus sacrificijs, & non carnalibus intendebat. Vnde ad illorum differentiam, qui sic in zelo Dei, quem vtique habebant, sed non secundum scientiam, super sacrificium, Dei mandatum confundebant, dictum est. *Congregate illi Sanctos eius: qui ordinant testamentum eius super sacrificia.* Non qui confundunt; sed illos congregate, qui secundum mandatum in sacrificijs suis sal apponunt; pellem detrahunt; & vt fœtus varios pariant, in canalibus suis virgas, partim cum cortice, partim decorticatas, mittunt. Quid est sal apponere? Mandatum sacrificij secundum spiritualem sapientiæ sensum intelligere. Quid est pellem detrahere? Retinere sensum, & literæ velamen remouere; hoc etiam est virgas decorticare. Cum enim Prælati in libris, quasi in canalibus sensum spiritualem in litera ruminant, vt inde

Psal. 49.

Psal. 31. & 95.

Alij Deo congregant, alij hominibus vel demonibus.

Deuter. 32.

Crenis religio, crescente fide.

Psal. 105.

Isai. 1. Ierem. 7.

Quid sit sal apponere in sacrificijs, &c.

Exod. 17.

Dissolutio amoris.

Exod. 32.

Genes. 18.

Psal. 49.

Ibidem.

Rete est Ecclesia: piscatores & pisces, qui.

subditi virtutes varias acquirant, virgas decor-
tiant; vt varios fœtus oues parturiant. Isti er-
go sunt, qui ordinant testamentum Dei super
sacrificia. In illis siquidem sacrificijs nihil aliud
legislator intendere voluit; nisi quod in ipsis
intendebat ostendere, quomodo, vel in bonis
quæ sponte fieri solent, vel in bonis quæ fieri
solent per necessitatem, se deberet habere. Bo-
num enim, quod sponte fit, quia coram Deo
dignius est, primi ordinis esse demonstrat: cum
ipsum per species suas primò subdiuidit. Bono-
rum enim quæ sponte fiunt, quædam cum ma-
iori, quædam cum minori deuotione perpetrâ-
tur. Igitur quæ cum maiori deuotione fiunt,
sub holocaustis; illa verò quæ cum minori, sub
hostijs pacificis memorantur. Item bona illa,
quæ cum maiori deuotione fiunt, quædam ad
activam, quædam verò ad contemplariam vi-
tam pertinent: eo quod actiua vita prior sit, nō
dignitate, sed exercitio. Actiuam vitam diuidit
in holocausta bouis, onis, & capræ. Sunt enim
quidam, qui se totos Deo committunt, fortes
robore, strenui labore: qui secundum Dei mā-
datum, relinquunt omnia: & se & fratres suos
de labore manuum suarum pascunt. Isti bovem
in holocaustum ponunt. Qui quando nihil ter-
reni præmij in labore quærunt: sed in respectu
summi Pontificis, id est Dei, totum faciūt: quasi
ad Aaron bouem adducunt. Et cum hilariter
operantur; quia hilarem datorem diligit Deus,
manus super caput hostiæ ponunt. Cum autem
inter labores, quicquid voluptatis est, quicquid
carnalis affectus esse potuit; remouent, pin-
guedinem de sacrificio tollunt. Qui autem in
ipso labore tempus & locum, (quia quandoq;
vacare debet propter orationem,) discernere
scit, artus hostiæ disponit. Cum verò propter
laboris pondus, vt plerumque fieri solet, non
amittit deuotionem, sed cogitat in labore retri-
butionem mercedis: lignis cogitationum sup-
positis, ignem sancti Spiritus in altari cordis
accendit. Alij autem robore debiles, ætate se-
nes, simplices sensu, censu diuites, quando sibi
amicos faciunt de mammona iniquitatis, se &
sua Deo in monasterio conferentes: quasi oues
de lacte & velleribus pascentes possessores suos;
Deo seruientes de patrimonio & diuitijs suis
sustentant. Sicut ergo illi laboriosi, ita isti sim-
plices, solum pro Dei amore: cum hilaritate &
deuotione sancti Spiritus innocenter viuere
debent. Alij verò nec corpore fortes, nec rebus
locupletes; pro peccatis suis tamen, eo quod
de factis suis cauteriatam habent conscientiam,
omni modis intendunt in pœnitentia, in mor-
tificatione carnis, in jejunijs, & in omni genere
subjectionis. Isti igitur Euangelicum publica-
num viuentes, nec oculos audent ad cœlum le-
uare: sed omni hora de peccatis suis se reos exi-
stimantes, ad omnia quæ eis injunguntur, velut
operarios malos se iudicant, & indignos. Isti
capram Deo offerunt in holocaustum, qui ritū
bouis & ouis in sacrificio tenent: quando cum
hilaritate & deuotione & spe salutis æternæ, in-
ceptam pœnitentiam perseuerantia felici con-
summant. Contemplativam autem vitam, sub
holocaustorum specie distinguens, species ejus
lex subdiuidit, in typo turturis, vel columbæ,
vel in sacrificio similæ. Qui enim contempla-
tivus esse desiderat, oportet, vt in castimonia
vitæ intendat; vt illam quæ gemitum docet, do-

ctinam quærat: gemitu & contemplatione alta
petat. Hic offert turturem in holocaustum; cu-
jas ascellas frangit, quando propter studium
vacat à labore: veliculam tollit, quando super-
biam rejicit: plumas vero abjicit: cum pristina
vanitatem relinquit. Sanguinem in basi altaris
fundit: qui pro Deo totius carnalitatis affectū
contemnit. Secundum eundem ritum etiam
columbam immolat, qui simpliciter in cogita-
tione cogitat, vt scriptum est. *Meditabor ut co-
lumba.* Similam autem, qui in obseruantia puræ
conscientiæ, & per contemptum sæcularis vitæ
offert de clibano, & per mortificationem car-
nis de craticula: & de sartagine per frixurā mē-
tis: quæ quando cum deuotione patitur, oleo
similam linit; & cum inter ista deuotionem ora-
tionis non amittit, etiam in sacrificio thus ad-
mittit. In isto tamen sacrificio nec fermentum,
nec mel debet admisceri: quia nec malitia, nec
carnalis delectationis dulcedo debet diligi.
Mellis tamen primitias Deo offerat; quia neces-
se est, vt religionis initium cum deuotione su-
scipiat. De illis autem sacrificijs, quæ cum mi-
nori fiunt deuotione; sub hostijs pacificorum
intendit: cum ea vel sub specie bouis, vel ouis,
sive capræ, sicut supradictum est, legislator sub-
diuidit. Sicut enim inter illos, qui se & sua com-
mittunt, alij laboriosi sunt, & omnia quæ labo-
rant Deo conferunt: alij corpore debiles, ea
quæ possident, vt viuere simpliciter possint, di-
mittunt: alij autem, qui pauperes sunt, & labo-
rare non possunt: & tamen pro pœnitentia, ad
arbitrium Prælati sui se Deo in monasterio cō-
mittunt: ita & in sæculo degentium quidam la-
borare possunt, & de labore suo multa suis re-
seruant posteris: & multa pro Deo largiuntur
egenis: & isti de boue hostiam pacificorum of-
ferunt. Alij veto viribus corporis destituti sim-
pliciter in sæculo vivunt, nihil mali proximis
suis inferunt, nec inferre moliantur, & de ijs
quæ adquisierunt à iuuentute, pro facultatis
quantitate largiuntur. Isti de oue pacificorum
hostiam offerunt. Alij autem & debiles & ege-
ni, de conscientia sua solliciti; & peccata com-
missa confitentes, & pœnitentiā injunctam deu-
orē suscipiunt, & exercent. Isti quando pœni-
tent, capram immolant in sacrificio pacificorū.
In omnibus tamen caudam & adipem offerre
Deo debent: caudam in perseuerantia, adipem
in affectu. Omnis siquidem affectus, siue ille
qui ad gulæ illecebras pertinet, tamquā adeps,
qui ventrem operit: siue sæcularis amor, tam-
quam adeps qui operit vitalia: siue alicujus
malæ voluntatis affectus, tamquam adeps je-
coris: siue voluptatis amor, tamquam adeps,
qui operit renunculos: cum ipsis renunculis,
prorsus dimittere debent etiam illi, qui in sæ-
culo Deo viuere satagunt, vt sic vtantur hoc
mundo, tamquam non vtentes: tamquam nihil
habeant, & omnia possidentes: & non tantum
renunculi in voluptatis opere relinquendi sunt,
sed etiam adipem renunculorum, id est ipsius
voluptatis affectum, Deo debent consecrare.
Bonum autē, quod fit ex necessitate, sub specie
sacrificiorum, quæ pro peccatis fieri solent, per
species etiā suas subdiuidit legislator. Qui enim
peccat, necesse est, vt per pœnitentiæ bonum se
corrigat. Vnde Dominus geniminibus vipera-
rum, tamquam peccatoribus, clamat: *facite fru-
ctus dignos pœnitentiæ.* Digni enim sunt pœni-

*Contempla-
tivum offer-
re debet tur-
turem, &c.*

Isai. 38.

*Actiua vi-
ta holocau-
sta, bos, o-
vis, capra,
misticè in-
tellecta.*

Luc. 18.

*Qui Evan-
gelicum pu-
blicanum i-
mitantur.*

*Cauda & a-
deps offerri
debent.*

*Affectus
malus tam-
quam adeps
dimittendus.*

Mat. 3.

*Diuerſa pec-
catorum ge-
nera.*

*Peccatum
Sacerdotis,
Principis,
&c.*

*Circumſtan-
tia peccato-
rum ſeptē.*

rentiæ fructus, ſi perſonam agentis, & actum peccati conſideres: ſi ſecundum vtrumque, pœnitentiæ bonum vel alijs dones, vel tibi aſſumas. Vnde etiam ſacrificium pro peccatis bifariam diuiditur: ſcilicet ſecundum perſonam, & actum. Eſt enim peccatum aliud ſingulare, aliud vniuerſale: aliud fit ex ignorantia, aliud ex temeritate; aliud ex contemptu, aliud ex deliberatione. Peccatum igitur, quod fieri ſolet per ignorantiam; primò tractat ſub ignorantia Sacerdotis, ſub ignorantia principis, & animæ. Omne enim peccatū, ſecundum diuerſas perſonas majus aut minus judicari debet. Si enim ſapiēs eſt, qui peccat: ſi potens, vt cauere poſſit, vel ſciat: multò grauius puniri debet, quàm ille, qui peccatum cauere neſcit, nec poteſt. Sacerdos, de cujus ignorantie peccato primò tractat, ſapientem ſignificat: Princeps verò, de quo ſecundò agit, potentem demonſtrat: anima verò, ſtultū vel imbecillum. Quia igitur majus eſt peccatum ſapientis, vel potentis; quàm ſimplicis: ideo majori indiget vltione peccati. Cum igitur de peccato Sacerdotis per ignorantiam factò tractat, pœnitentiam ejus ſub oblatione vituli diſponit. Pœnitentiam verò principis, quia peccatum potentis majus eſt, quàm peccatum pauperis, minus autem, quàm peccatum ſapientis, pœnitentiā ejus diuidit ſub ſpecie hirci: qui capra dignior, indignior vitulo cognoscitur. Peccatū autem pauperis, & idiotæ per capram expiari demonſtrat. Quia igitur ſapiens quando peccat, oportet, vt delectationem peccati per laboris rigorem emendet; bene per vitulum, qui eſt animal labori dedicatum, monſtratur expiari. Qui cum hilaritatem mentis in pœnitentia oſtendit: manus ſuper caput hoſtiæ ponit. Cum autem diſcordiam illam, quam inter ſe & Deum peccatum fecit, per plenam peccati confeſſionem interrumpit: digito in ſanguine intincto velum inter ſanctum, & ſanctum ſanctorum, ſepties aſpergit. In velo enim peccati diſcordia demonſtratur. Nam ſicut velum illud ſanctum diuidebat, & ſanctum Sanctorum: ita peccati diſcordia hominem à Deo ſeparat: & ab homine Deum. Intingimus igitur indicem in ſanguine: cum peccatum indicamus in confeſſione. Septies verò contra velum ſanguinem projicimus, cum per ſeptenariam confeſſionem peccati, diſcordiam illam diuidi, demonſtramus. Omne enim peccatum ex ſeptem circumſtantijs cognoscitur: ex actu & agente, ex peccati complicibus, ex loco, ex tempore, ex cauſa, & modo. Reliquum autem ſanguinem ad baſim altaris fundimus, quando totam peccati crudelitatem coram Deo, qui eſt baſis altaris, effundimus. Quatuor autem cornua altaris intingimus, quando ita dolemus de peccato, vt ſpem non amittamus: quando ita dolemus de dolore pœnæ, vt non deſinamus gaudere de fructu pœnitentiæ. In altari enim cor designatur; in quatuor cornibus, cordis affectiones. Totum verò adipem Deo conſecramus: cum totius delectationis pinguedinē propter Deum dimittimus. Pellem autem portamus, cum actū pœnitentiæ exterius ſuſtinemus. Carnem verò mortuam: cum patimur carnis mortificationē. Caput portamus, cum principium pœnitentiæ Deo conſecramus: pedes, quando pœnitentiam ad perſeuerantiam perducimus. Intestina verò, cum in patientia poſſidentes animam, contri-

tionem cordis patimur, & amaritudinem: ſimū autem; quando humanitatis ſuſtinemus ignominiam. Sed quoniam quidam ſunt, qui hæc omnia patiuntur, non propter Deum, ſed vt videantur ab hominibus: ideo dictum eſt, vt deferant hæc extra caſtra in locum mundum. Extra caſtra deſert hoſtiam, qui extra hominū cognitionem coram Deo vitam ſuſtinet religioſam. Ipſe enim eſt locus mundus, vbi cineres effundi ſolent; quia omnis qui mundari appetit, oportet, vt perſeuerantiam pœnitentiæ in ipſo conſummet. Hoc idem de oblatione principis, quæ fieri ſolet pro peccato, ſub ſpecie hirci: vel vt ſpiritualiùs dicam, Chymarrus demonſtrat. Chymarrus enim, hircus eſt hiemalis: in hiemali hircus pœnitentiæ amaritudo designatur. Minor tamen pœnitentia priore: quia major eſt vitulus, quàm hircus; & princeps indignior, quàm Sacerdos. Similiter & de capra dicimus; quia pœnitentiam ſimplicis demonſtrat; eo quod capra minor ſit hircus, ſimiliter & vitulo. Multa his ſimilia habeo vobis dicere, fratres mei; copioſam enim materiam vobis prælibaui; ſed ne ſaſtidium generent, ſufficiant vobis iſta. Nam vt occaſionem darem vobis, oſtendi; quomodo ſancti ordinant teſtamentū Dei ſuper ſacrificia. Illos ergo congregate in vnum: vt cum eis vnà regnare poſſitis, cum Chriſto, qui vnus eſt, cum Patre & Spiritu ſancto. Amen.

*Quæ extra
caſtra hoſtiæ
deſerunt.*

In Dedicatione Eccleſiæ. SERMO I.



VPER muros tuos Ieruſalem conſtitui *Iſai. 62.*
cuſtodas, &c. Non minor eſt virtus,

quàm quærere, paratū tueri. Nam ſicut circa diuitias temporales concurrere ſolent tria; quorum primū præcedit, hoc eſt labor in acquirendo; ſecundū comitatur, cuſtodie ſollicitudo; tertium verò ſequitur, dolor videlicet in perdendo; ita circa ſpirituales diuitias tantò labor acquirendi grauior eſſe debet, ſollicitudo cuſtodendi diuturnior, quantò vel non habendi vel perdendi dolor eſt pernicioſior: vel quantò acquiſitio earū pretioſior eſt negotiatione argenti & auri. Propterea memores filiorum Berothiæ, qui Iſboſeth occiderunt in ſtratu ſuo, eo quòd oſtiaria purgans triticum obdormiuit; non oſtiariæ, ſed oſtiario forti nos & noſtra pariter committamus: quia non ſolū non lætificat, ſed mentē affligit res, quæ acquiſita diligitur, & per negligentiam perit. Et quoniam dicit Apoſtolus, quia templum Dei ſumus, à Templo teſtimoniū parabolam aſſumamus. Videte, quanto labore Templi lapides præciſi fuerint à materia inutili & conſuſa; quanto poſtea labore politi, poſt hæc in membra formati, ad vltimum in vnum corpus Eccleſiæ compacti. Videndum etiam, quanta induſtria, quibus aſperſionibus, illuminationibus, vñctionibus, thurificationibus, dedicatum fuerit Templum Dei. Hæc enim omnia in figura nobis contingunt, qui lapides viuī ſumus in ædificio Dei. Cum igitur vel demonum vel hominum inutilium importuna ſuggeſtio nos premebat, & eorum colloquia ſeu conſortia optimos mores corrūpebant, in modum lapidis fuius obdurati: quia ad exercitiū boni operis facti ſumus immobiles quaſi lapis. Sed jam ab illa conſuſa materia per Dei gratiā

*Lapides ſu-
mma in ædi-
ficio Dei.*

separati & multis tentationum rursionibus expoliti, sumus in Ecclesie membra formati, & vno glutino charitatis in vnum Ecclesie corpus uniti. Sed & ad meritum sanctitatis, lacrymarum aspersione, lectionis vel predicationis illuminatione, deuotionis vel exhortationis vnctione, deuote etiam orationis frequenti thurificatione, soli Deo sumus dedicati ita vt ad exterioris edificium, & ad hominis sanctuarium nihil desit. Et hæc sunt instituta religionis: sed si custodita non fuerint, quid prodesse possunt? Propter hoc Salomon præcepit fieri circa Templum triginta domos parvulas; vt essent cubilia, & coenacula hebdomadariorum, & eorum qui Templum Domini custodirent, aut eidem Templo deferuissent. Sed & super muros Ierusalem constituti sunt custodes; de quibus in Canticis ait sponsa. Inuenerunt me custodes murorum. Hinc est, quod in oratione clamamus. *Tu Domine vniuersorum, qui nullam habes indigentiam, voluisti Templum tuum fieri in nobis: conserva domum istam immaculatam in æternum.* Hinc etiam Moyses circa Tabernaculum excubias ordinauit, non solum exterius, sed interius: id est non solum circa atrium, sed circa sanctuarium. Hæc autem dixerim, quia sicut vnumquodque istorum vocabulorum æquiuocum est ad multa: ita & ipsa simul vnioca sunt ad vnum. Nam sicut per Tabernaculum & Templum, sic & per domum & Ierusalem, Ecclesia figuratur, diuersis tamen respectibus. Est enim Ecclesia Tabernaculum, in hoc quod requies est militantium & pugnatorum: domus verò in hoc, quod requies est laborantium & actiuorum: Templum, quia requies est contemplatiuorum: visio pacis, (sic enim interpretatur Ierusalem,) quia requies beatorum. Omnium est enim generalis Ecclesia, tamen per partes diuisa. Est etiam, vt dixi, vnumquodque eorum æquiuocum ad multa. Dicitur enim quandoque emphaticè, quandoque antonomasticè, quandoque specificè, quandoque allegoricè, quandoque anagogicè, quandoque tropologicè. Emphaticè, id est expressiue, dicitur Christus Deus & homo. Nam sicut in illo tabernaculo erat atrium, & sanctum, & sanctum Sanctorum: ita & in illo Deo & homine Christo, quasi atrium fuit corpus, quod foris patuit, sanctum anima, sanctum Sanctorum diuinitas. Specificè Virgo Maria, quæ intra cortinas candidæ carnis suæ Deum & hominem in tribus substatijs operuit. Allegoricè generalem significat Ecclesiam, cuius quasi atrium est Ecclesia, quæ laborat in propatulo: sanctum, Ecclesia, quæ expectat in purgatorio: sanctum sanctorum, Ecclesia, quæ regnat in cælo. Anagogicè quoque illa cælestis Ecclesia figuratur, de qua scriptum est. *Domine, quis habitabis in tabernaculo tuo?* Cujus atrium administratorij spiritus sunt Angelorum, missi in orbem, propter eos, qui capiunt hereditatē salutis. Sanctum verò, media hierarchia, quæ à superiori suscipit, quæ inferiori hierarchiæ inungit. Sanctum sanctorum, superior hierarchia, quæ Deo assistit, vt scriptum est. *Millia millium ministrabant ei; & decies centena millia assistebant ei.* Vel assignare possumus atrium hypophaniæ, sanctum hyperphaniæ, sanctum sanctorum Theophaniæ. Arca intra sanctuariū, cuius virga est potentia Patris, tabulæ sapientia Filij, man verò benignitas Spiritus sancti. Tro-

pologidè, id est moraliter, totus homo. Totus dixi, id est interior & exterior. Exterior homo, patens atrium, sanctum verò, vel sanctum sanctorum, cor humanum. Et huic appellationi vnioca sunt quatuor supradicta vocabula. Nā de tabernaculo humani corporis scriptum est. *Habemus altare, de quo non habent edere, qui tabernaculo deseruiunt.* Hoc idem domus significat, sicut ait Apostolus. *Scimus quod si domus ista terrestris corrumpitur, domum habemus non manufactam æternam in cælis.* Et iterum Iob. *Ece qui in conspectu eius sumus, non sumus stabiles; & in Angelis suis reperit prauitatem: quamomnis qui domos habitant lucet, & terrenum habens fundamentum, consumetur volut à timea.* De Templo quoque dicit Apostolus. *Templum Dei sanctum est, quod dicitis vos.* Et in libro Machabæorum. *Tu Domine vniuersorum, qui nullam habes indigentiam, voluisti Templum tuum fieri in nobis.* De Ierusalem verò in Psalmo. *Ierusalem, quæ edificatur vt ciuitas.* In Euangelio. *Intrauit Iesus in quoddam castellum.* Tota enim illa Euangelij lectio allegoricè de gloriosa intelligitur virgine, & exponitur. Ipsa enim castellum fuit, omni virtutum munitione vallatum. In typum igitur huius tropologici tabernaculi illi emphatico Moyses excubias ordinauit: & alios, qui atrium, alios qui sanctuarium custodirent: & sicut exterius, sic & interius; alios ab Oriente, alios à Meridie, alios à Septentrione, alios disposuit ab Occidente, custodes. Hoc autem factum in figura vtriusque hominis; exterioris scilicet, cuius actiones scrutandæ sunt & examinandæ; & interioris, cuius cogitationibus omnis est adhibenda sollicitudo. Est enim homo exterior quasi in atrio, interior quasi in sanctuario. Quia ergo inter homines alij bonas actiones incipiunt, alij charitatis seruire proficiunt, alij post initium boni operis languescunt, alij autem penitus deficiunt; necessarium est, custodiæ diligentiam incipientibus, qui adhuc ab Oriente cubant, adhibere. Hoc idem dico de illis, qui quasi à Meridie proficiunt charitatis seruire. Similiter & de illis, quorum abundante iniquitate charitas refrigescit, & sic per defectum declinant ad Aquilonem: & de illis, quibus jam non lucet sol iustitiæ; quia qui malè agit odit lucem; & sic per casum prauis operis habitur ad Occidentem. Dicit ergo Moyses. *Ab oriente custodiam Tabernaculum, Iudas, Zabulon & Isachar.* Et bene, quia vt homo bonum opus custodiat, quod incipit; necesse est, bonum agricolam imitari, qui in spe fructuosæ messis laborat: primò ab agro tribulos & spinas euellens, & incepto labori fortiter incumbens, seminare festinat, quod sibi videri expedire. Hæc tria debet attendere, qui boni vult operis initium custodire. Debet enim mercedis æternæ fructum attendere: quæ merces figuratur per Isachar, qui merces interpretatur. Debet etiam spinas peccatorum & tribulos vitiorum confessione scire. Propter hoc Iudas, qui confitens interpretatur, adiungitur. Debet quoque labori suo fortiter incumbere, ne deficiat: & sic Zabulon habitaculum fortitudinis labores inceptos custodiat. Qui verò sunt in ascensu feruoris, reprimendi sunt, ne fortè superbiant, eo quod sibi cæteris meliores appareant. Dicendum est, quia laudanda est nauigantis felicitas; sed cum venerit ad portum. Laudanda est pugnantis au-

*Quis Deo
dedicari si-
mus.*

*Antiphona
ex 2. Mac.
14.*

*Tabernacu-
lum Chri-
stus, berci-
go, &c.*

Psalms. 14.

Dani. 7.

Hobr. 13.

2. Corin. 5.

Iob. 4.

1. Corin. 3.

2. Mac. 14.

Psalms. 121.

Luc. 11.

*Virgo ca-
stellum fuit
virtutum.*

*Homo de-
bet bonum
agricolam
imitari.*

Et superbia, & desperationis causa.

Iustitia Dei quando cogitanda.

Num. 2.

Misericordia Dei attendenda.

Philip. 3.

Matt. 25.

Num. 2.

dacia, sed cum pervenerit ad triumphum. Non ergo gloriatur accinctus æquæ ut discinctus: nec lætetur dum navigat, donec ad litus perveniat. Ideo obedire non desinat, nec suum superiorem contemnat. Sed sic de se mediocriter sentiat; ut nec per superbiam elevetur in summis; nec per desperationem deprimatur in imis. Propter hoc Moyses præcepit, ut Meridianam plagam custodirent Ruben, Simeon, & Gad. Ruben videns in medio, Simeon obediens, Gad accinctus interpretatur: ad hoc scilicet ut videat & sciat se esse in mundo, ubi nihil est stabile: ut sciat, se nondum deposuisse cingulum militiæ Christianæ, nec adhuc emancipatum esse obedientiæ servituti. Quod si à bono opere quod incæpit, & à fervore suo, cogitaverit declinare; statim incipiat attendere, quàm horrendum sit incidere in manus Dei viventis, Iudicis sapientis, Regis potentis. Timenda est illa extremi iudicii diffinitiva sententia, qua dicet ministris. *Ligatis manibus & pedibus, mittite huiusmodi in tenebras exteriores.* Ibi gemit à fletu & stridore dentium, incarceratus & revinctus. Revinctus, quia ligatus pedes & manus, eo quod affectu & opere fuit in vita dissolutus. Propter hoc Moyses ait. *Ab Aquilone erunt Dan, Nephtali & Aser.* Dan iudicium, Nephtali revinctus, Aser interpretatur incarceratus: ut ex ipsis nominibus attendat, quid mandatorum Dei contemptores expectent. Si autem per lapsum peccati ceciderit, reprimenda est in eo desperatio. Nam sicut timendum est, ne illi qui sunt in fervore superbiant: ita timendum est, ne isti post lapsum desperent. Cogitet peccator, quantæ sit misericordiæ, qui de publicano fecit Apostolus, de blasphemio principem Apostolorum, de persecutore vas electionis. His igitur confortatus exemplis, circa suos actus ita se modifcet, ut in illis quæ fecit, sit, ut ita dicam, Manasses, id est obli-viosus, sicut ait Apostolus. *Ea quæ retro sunt oblitus, ad anteriora me extendo.* Sit etiam circa ea quæ agit Ephraim, id est frugifer, videlicet utilis: ut dimissa vanitate det rebus operâ, quæ utilitati conveniant, & per istos labores de filio iræ conuertatur in Benjamin, hoc est, in filium dexteræ, ut sic ab eo qui ovibus statutis à dextris dicturus est, *Venite benedicti Patris mei, à dextris statui mereatur.* Propter hoc satis congruè Moyses ait. *Ab Occidente castra metabuntur Manasses, Ephraim, & Benjamin.* Et hæc quidem secundum custodiam actionum, & exterioris hominis disciplinam dicta sunt. Nam ad custodiam scientiarum, id est cogitationum interioris hominis, alios custodes Moyses ordiavit, scilicet filios Levi, Caathitas videlicet, Gersonitas & Meraritas. Et bene, quia tales ad custodiam sanctuarij debent ordinari, qui in patientia sua sciant animas suas possidere; qui hic manentē civitatem non habent; sed se scientes aduenas, futuram inquirunt. Qui etiam sibi ponunt amaritudines in valle lacrymarum; eo quod differuntur à regno, & adhuc laborant in exilio. Et hac significatione isti custodes sanctuarij. Caath quippe patientia, Gerson aduena, Merari amarus, vel amaritudines interpretatur. Disposuit autem eos circa sanctuariū hoc modo. Caathitas diuisit; quia sibi & Aaron fratri suo ab Oriente curam sanctuarij commisit. Cæteros verò Caathitas statuit à Meridie sub manu Eleazar filij Aaron, Gersonitas à Septen-

trione, Meraritas ab Occidente; & utrisque præfecit Ithamar filium Aaron. Vnde sciendū est, quod quatuor modis est in corde prava cogitatio; suggestionem quasi conceptione, & quasi ab Oriente: delectatione, quasi jam à Meridiano fervore: deliberatione, quasi ab Aquilone, quia refrigerante charitate jam incipit iniquitas abundare: tandem contemptu, quasi ab Occidente, quia cum venerit in profundum malorum, contemnit. Propterea timenda est cogitatio in ipso suggestionis ortu; quia arborum præputia circumcidenda sunt, id est primordia operum amputanda; quia scriptum est, *Principijs obsta.* Et quoniam malarum primordia cogitationum prona parit otiositas, quæ inimica est animæ, ager quippe quem non colit agricola, spinas & tribulos parit, teste Salomone, qui ait. *Transi per agrum hominis pigri, & per vineam hominis stulti; & totum replerant urtica.* Ergo custodiant Moyses & Aaron sanctuarium ab Oriente. Moyses diuinæ legis lator fuit, unde per Moysen lex diuina figuratur, teste Apostolo qui ait. *Quamdiu legitur Moyses,* id est, lex Moyse, *velamen est positum in cordibus eorum;* id est Iudæorum. Igitur sollicitudo Moyse studium diuinæ lectionis insinuat. Aaron verò, cui incumbere offerre pro sua & populi ignorantia, executionem mandatorū Dei insinuat. In his duobus, id est in assiduitate lectionis & executione mandatorum, prava primordia cogitationis amputantur. Vnde scriptum est in Psalmo. *Misericordia Domini ab æterno, & usque in æternum super timentes eum: & iustitia illius in filios filiorum his qui servant testamentum opus: & memores sunt mandatorum ipsius ad faciendum ea.* Si usque ad delectationem ascenderit cogitatio, in patientiæ fortitudine etiam non possideat animum, cohibeat saltem manum: quia melior est patiens viro forti: nec potest, nisi per patientiæ fortitudinem delectatio cogitationis evelli. Nam postquam ostium circumstantiæ malæ voluntati aperuit, sola fortitudine, nec alia quàm patientiæ, potest evelli: quia soli Caathitæ sanctuarium custodiunt à meridie. Igitur sibi ipsi vim inferat, & inundanti mari dicat. *Huc usque venies, & hic confringes tumentes fluctus tuos, nec ultra procedes.* Illam tamen qua innititur, fortitudinem patientiæ, non ad suum, sed illius totum referat adiutoriū, qui ait. *Sine me nihil potestis facere.* Non enim humano, sed solum diuino potest humana patientia adiutorio, quidquid potest. Nam Caathitæ sunt sub manu Eleazar, id est sub potentia diuini adiutorij. Eleazar quippe Dei mei adiutorium interpretatur. Quod si usque ad deliberationem declinauerit, hoc etiam deliberare non omittat, quem finem perpetrata culpa sortiat. Transit actus, sed manet reatus. Præterit voluptas operis, sed æterna est calamitas afflictionis. Cogitet ergo suæ peregrinationis incolatum: quoniam omnes Gersonitæ, id est aduenæ sumus; nec diu prolongabitur noster incolatus. Sed nos miseri, quid faciemus, aut quid dicemus, cum nil boni ante summum Iudicem perferemus? Propterea custodiant ab Aquilone sanctuarium Gersonitæ. Et si cogitationes licet paruas contemnit, in profundum malorum occidit: quia nullum peccatū aded veniale, quod per contemptum fieri non possit mortale: sicut fieri potest contrariò nullum aded mortale, quod per con-

Prava cogitatio quatuor modis est in corde.

Prouer. 24.

Psal. 102.

Iob 38.
Patientia fortitudo Deum habet auctore.
Ioann. 15.

Peccatum veniale, per contemptum fieri potest mortale.

*Contemptus
& contritio
cordis non
bene conue-
niunt.*

tritionem non possit fieri veniale. Contemptus quidem poenam, sed contritio meretur veniam. Quia ergo nec bene conveniunt, nec in vno corde morantur, contemptus & contritio: debent contraria turari contrarijs, contritione contemptus. Hoc est, quoddam ab occidente sanctuarium servant; id est illi, qui de omni contemptu, non solum operis, sed cogitationis licet modicæ, mente conteruntur. Prætereundum verò non arbitror, quoddam cum tabernaculum mouebatur, quæ, quibus, & qualiter, ad portandum fuerint onera distributa. Intrabant Moyses & Aaron sancta sanctorum, arcam Domini nudam tangebant, & eam involutam operimento hyacinthino & purpureo ad portandum cæteris Caathitis reddebant. Cæterorum verò, quæ mollia erant, custodiendi curam habebant Gersonitæ; cortinas videlicet, & operimenta, & funiculos. Omnia verò dura servabant Meraritæ; videlicet fuscinas, lebetes, mortariola, tabulas, & paxillos. Vnde sciendum est, quoddam animus humanus per diuersos affectus solet moveri. Vnde motio tabernaculi motionem cordis significat. Movetur autem nunc ad licitos, nunc ad effectus illicitos: sed ad hoc quoddam movetur ad effectus illicitos, locum non habet in tabernaculo Dei. Cum verò movetur ad licitos, vel ad amorem Dei, vel ad amorem proximi, & per hoc etiam ad amorem sui. Quia sicut qui diligit iniquitatem, odit animam suam: ita qui movetur ad charitatem, diligit animam suam. Movetur autem ad dilectionem Dei per studium contemplativæ, ad amorem proximi per exercitium activæ. Sed qui per studium contemplativæ moventur ad amorem Dei, duobus modis moventur: affectu & cognitione, affectu & non cognitione. Nam qui cognitione moventur, & non affectu, locum non habent in sanctuario Dei. Quibus dicturus est Iudex in futuro. *Quam cognitione. re tu enarras iustitias meas, & assumis testamentum meum per os tuum? Tu verò odisti disciplinam.*

*Movetur
animus ad
amorem Dei
affectu &
cognitione.*

Psalm. 49. Et iterum per alium Prophetam. *Cum aquam*

Ezech. 43. *limpidissimam biberetis, ceteram turbabat is pedibus vestris.* Multominus autem illi ad sanctuarium Dei pertinere noscuntur, qui nec cognitione moventur, nec affectione. Cognitione autem moventur & affectione, qui habent sapientie donum, & meritum sanctitatis. Vnde de Aaron dictum est. *Et Aaron sanctum Domini.* Isti merentur habere fidem anagogicam, fidem comprehensivam, & enucleatam.

Psalm. 105.

Luc. 8.

Vnde talibus dictum est in Evangelio. *Vobis datum est, nosse mysterium regni Dei, cæteris autem in parabolis.* Hinc est, quoddam legitur, quoddam Moyses & Aaron nudam tangebant arcam fœderis; quia opere complebant sacramenta, quæ nudè & apertè intelligebant. Alij autem habent affectione fidem magnam, sed cognitione privam: quorum fidem tamen approbabat ipse Filius Dei, qui de Centurione dixit. *Non inveni*

Mat. 8. & 15.

tantam fidem in Israël. Et mulieri Chananæ, quæ cupiebat saturari de micis, quæ cadebant de mensa dominorum suorum. *O mulier, magna est fides tua.* Isti ergo sunt simplices in Ecclesia Dei, qui non habent quidem intelligentie donum, sed habent sanctitatis & vitæ meritum. Isti portant involutam arcam Domini; quia fides ænigmatica & velata, quod eis injungitur operantur, etsi fortè mysteria non intelligunt. Portant autem involutam hyacinthino

& purpureo operimento. Hyacinthino, cum ea quæ divinitatis sunt, etsi non intelligunt, devotè tamen amplectuntur. Purpureo verò, cum ad humanitatis mysteriū, etsi scrutari nequeunt, devotè tamen afficiuntur. Sic enim boves arat, & asinæ pascuntur juxta eos. Et isti figurantur in illis Caathitis, qui arcam Domini involutam portabant in humeris. Qui verò moventur ad exercitium activæ, duobus modis moventur; vel ad officium charitatis, vel ad exercitium laboris. Isti sunt duo gradus activæ, in illis duobus mulieribus figurati, quarum altera Martha altera Lia vocabatur. Nam in utraque activa vita figuratur, secundum utrumque gradum. In Martha quidem illi, qui sunt in officio charitatis; in Lia verò illi, qui sunt in exercitio laboris. Illi ergo qui sunt in officio charitatis, mollia tabernaculi portant: quia quicquid charitate impenditur, dulce & quasi molle operanti videtur. Hoc enim opus illorum est, qui nihil Deo carius existimant: qui jugum Domini suave & molle portant: ibi thesaurizare festinant, ubi nec ærugo nec tinea demolitur; nec fures effodiunt, nec furantur. Ideo omnia quæ mundi sunt parvipientes, distribuunt & dispersunt & dant pauperibus. Propterea Gersonitarum debet esse istud officium: id est eorum, qui se peregrinos & advenas in mundo cognoscunt; & ob hoc omne transitorium propter æterna despiciunt. Dura verò portant Meraritæ: quia dura sunt, quæ pertinent ad laboris exercitium: quia per laborem corpus affligitur, & propter hoc animus aggravatur. Propterea Meraritarum sunt ista opera, quia sunt omni amaritudine plena. Tamen & ipsi tales in sanctuario Dei locum habent. Leuitæ quippe sunt, quia & beatitudine & assumptione digni. Vnde in atrijs Domini merentur habitare, ut videant sanctum sanctorum, Dominum Dominorum, Regem Regum, Iesum Christum Dominum nostrum.

*Vita activa
in Lia &
Martha fi-
gurata.*

In Dedicatione Ecclesie. SERMO II.

Fluminis impetus latificat civitatē Dei: sanctificans tabernaculum suum altissimum. Non immeritò gaudet, cujus gaudium plenum est, & gaudium suum nemo tollet ab eo. Et ideo gaudere debes; quia gloriosa dicta sunt de te, civitas Dei; quæ nemo tollet à te: quia in te sanctificavit tabernaculum suum altissimum. Sanctificavit, non illā, quæ adhuc indiget, sanctitate, juxta illud, *Qui sanctus est, sanctificetur adhuc*: hac enim sanctificatione, viri sancti per meritum sancti sunt; qui quamvis renovati sunt in iustitia & sanctitate veritatis, sentiunt tamen adhuc pulsum diabolicæ suggestionis, infirmitatem carnis; & indigent præmio divinæ promissionis; juxta illud. *Miserere mei, quoniam sanctus sum.* In te verò sanctificatum est tabernaculum altissimi, sanctitate plenā, & perfectā, cœlesti, & perenni. Plenum est ergo hujus sanctæ gaudium civitatis, ab impetu fluminis, juxta quod dictum est: *Fluminis impetus latificat civitatē Dei*: à fortitudine murorum, à generibus armorum, à vigilantia custodum, à securitate habitantium, à communi lege, à civili jure, à potenti Rege. Ibi siquidem per aquam sudoris, quæ ægrotantium morbos sanat; per aquam lacrymarum, quæ lugentium faciem la-

Psalm. 45.

Apocal. 22.

Psalm. 85.

*Sanctitas ci-
vitatē Dei
plena & per-
fecta.*

*Quas aquas
habeat cimi-
tatis Dei
flumen.
Ioann. 4.
Exod. 15.*

*Lapides
murorum
cimit. Dei.*

*Arma cimi-
tatis Dei.*

Cant. 5.

*Custodes
cimit. Dei.*

Rom. 8.

Exod. 20.

var; per sanguinis effusionem, qui effusus est, tamquam aqua in circuitu ejus, & martyrum stolas decandidat, flumen Dei repletus est aquis. Ibi puteus humilitatis altus: per quem hydria Samaritanæ sterilis imprægnatur. Ibi per rivulos Elim cum impetu defluentes amaritudo Mara dulcoratur. Ibi aqua sapientiæ salutaris potatibus propinatur. Ibi de puteo latitudinis, fons eminentior charitatis emanat. Similiter à murorum fortitudine debet nihilominus exultare; quia fundamenta ejus in montibus sanctis: & in fundamentis positus est lapis pretiosus angularis: lapis inquam, qui cum bitumine charitatis sustentat lapides superædificatos. Lapidem enim superædificari debent: non ligna, non forum, non stipula: ne forte corruant à vento vanitatis, à turbine perturbationis, ab ariete hypocrisis, ab aliquo trementi genere pœnæ gehennalis. Vnde de lapidibus vivis muniri debet fortitudo murorum: ex sardio per humilitatem, ex smaragdo per fidei virorem, ex topazio per sapientiæ claritatem. Clarus enim lapis est, & auro similis: in quo sapientiæ claritas annotatur. His igitur ædificata est civitas Dei: quia de irrefragabili lapide patientiæ, seu perseverantiæ, pro ut sapientia dicat, operatur fortitudo, mensurat temperantia, justitia consummat. Doctores Ecclesiæ in ædificio illo latitudinem cordium in charitate ædificant, altitudinem in spe, profundum in humilitate, tamquam sapientes Architecti. Sequitur de generibus armorum. Ibi enim scurum bonæ voluntatis, lorica fidei, salutis galea, gladius spiritus, quod est verbum Dei. Ibi sagittæ potentis acutæ, in verbo prædicationis; carbones in exemplis, lapis in funda Pastoris; mandibula asini, contra hostes Samsonis; confractio lagenarum, juxta victoriam Gedeonis. In his siquidem armis sancti pugnant & superant; per carnis scilicet mortificationem, quæ designatur in confractione lagenæ: per memoriam Dominicæ passionis, quæ figuratur in mandibula asini: per cogitationem fortitudinis divinæ, quæ figurata est in funda & lapide. Sequitur de vigilantia custodum. Testimonium perhibet eis sponsa: quod nemini nocte gradienti parant. Nam cum ipsa dilectum suum nocte quæreret, & non inveniret: invenerunt eam custodes murorum, percusserunt, vulneraverunt, tuleruntque palium ejus. Custodes quidem sunt Prælati, qui verbo prædicationis, animam adhuc in via morum errantem, & per devia hæreticæ pravitatis Deum tamquam in nocte quærentem, percutiunt compunctione, vulnerant charitate, denudant erroris velamine. Vnde habitatores considerantes aquarum abundantiam, murorum fortitudinem, armorum genera, Prælatorum sollicitudinem, securitate sua Ecclesiæ gaudium amplificat, & dicunt. *Quis nos separabit à charitate Christi?* Similiter à lege communi gaudere debet Ecclesia Dei: quia quicquid in ea constitutum est, dignum & justum est: siue justificatio sit, siue iudicium, siue prohibitio, siue præceptum, siue admonitio sit, siue consilium. Non est ibi pondus & pondus: sed totum æquum est, & perfectum totum. Communem enim legem vocamus, quæ communiter omnibus imposita est: sicut illa qua dicitur. *Non machaberis, non occides, non furtum facies.* Nam præter ista, secundum diversas Ordinum professiones; diuer-

sæ, quasi jura civilia, sunt observationes. Nam aliæ sunt observationes Cisterciensis Ordinis, aliæ Præmonstratensis, aliæ Cluniacensis: totum tamen justum est, & quasi jus civile civitatis Dei. Sed cum in his omnibus lætetur Ecclesia Dei; super omnia tamen, & ante omnia, à potenti Rege gaudendum est. *Magnus enim Dominus & laudabilis nimis, in civitate ejus.* Magnus per dignitatem, laudabilis per sapientiam. Magnus per altitudinem potentiæ; laudabilis in dispositione domus suæ. Quis enim non miretur pretiositatem vestium, varietatem suppellectilium, copiam epularum? In domo siquidem Rationali vestiuntur contemplativi; Superhumerali activi, hyacinthino Doctores, lino Virgines, purpura Martyres, bisso retorta Confessores. Varietas quoque suppellectilium: craticula in mortificatione carnis; lebetes ad cineres suscipiendos, in memoria perpetratæ iniquitatis; forcipes in virtute discretionis; crater tornatilis in amore lectionis; fuscina ad ignium receptacula, in illuminatione & ardore mentis. Quanta autem sit copia epularum, testimonium perhibet homo; qui nuptias faciens filio suo, ad tauros, ad altilia, & omnia parata convocavit invitatos. Quæ sunt omnia? Illa sine quibus dici cœna non potuit; & in quibus omnia cibi spiritualis fercula concluduntur: medulla scilicet tritici, & sanguis vitz meracissimus. In spirituali siquidem cibo Dominus taurum paravit in passione: altilia resurgendo, vel in Ascensione: medullam tritici, cum discipulis panem fregit dicens: *Accipite, hoc est corpus meum.* Simili modo sanguinem vitz, quando præclarum calicem accipiens, benedixit, deditque discipulis suis dicens: *Accipite & bibite: hic est calix sanguinis mei.* Invitatus ergo taurum comedit, cum ad imitationem Christi carnem affligit: altilia, quando in peregrinatione solo corpore constitutus, cogitatione & aviditate in illa æterna patria conversatur: medullam tritici, & vitz sanguinem, cum se sacrosancto viatico munit. Tauros ergo comedit per exercitium laboris; altilia verò per altitudinem devotionis: medullam tritici, & vitz sanguinem, per sacramentum altaris. Ecce fratres, in quantis, & in quibus, Ecclesiæ gaudium perseverat. Ecce, quæ sunt ea: quæ civitatem Dei lætificat. Sequitur. *Sanctificavit tabernaculum suum altissimus.* Si per tabernaculum, vterum virginis, vel corpus Christi, vel finaliter animam cujuslibet viri, velis intelligere: satis aperte videbitur, quomodo gaudium illud, quod plenum planè monstratum est, nemo tollet à civitate Dei. Quis enim tollere potest ab ea gaudium sanctificationis ejus: quod cum tali præparatione, operatione, confirmatione, factum est? Quia arcanum est, quod dicitur: *Sanctificavit tabernaculum suum altissimus.* Nam pro arcanis filiis Chore, id est vobis fratres, qui filii estis Calvariæ: id est illius, qui crucifixus est in Golgotha; quod est Calvariæ locus, Psalmus inscribitur in re sacramenti: hoc est in tabernaculo manu facto, & hujus creationis sanctificatione. Videamus quantum gaudium in illorum sit tabernaculorum sanctitate, hoc est in sacramento rei. Sanctificatio quippe in dedicationis sacramento figuratur: & cum sanctificatio ejus in quinque terminetur; in aspersione, vntione, illuminatione, benedictione, inscriptione: scire debemus, quod primum, id est aspergio, ad præ-

*Diuerforū
Ordinum
diuerse ob-
servationes.*

Psalms. 47.

*Quibus ve-
stiantur san-
cti.*

Matt. 22.

Matt. 26.

Luc. 22.

Psalms. 45.

*Tabernacu-
lum multa
potest signi-
ficare.*

*In Dedica-
tione est as-
pergio, vntio,
&c.*

Ritus dedi-
cationis Ec-
clesie.

Psal. 23.

orationem sanctitatis apponitur: tria, id est vnctio, illuminatio, benedictio ad operationē: quintum autem, id est inscriptio ad confirmationem. In quibus satis datur intelligi, quia nemo fieri potest templum Domini sanctum, & sanctificatum tabernaculum altissimi; nisi prius aspergatur aqua, vino, sale, cinere, & hyssopo. In Dedicatione namque Ecclesie, primò Pontifex aquā benedicit, sal admiscens, deinde Ecclesiam ter gyrando extrinsecus aspergit, intrinsecus verò duodecim luminaria interim accenduntur. Circuiens autem Episcopus Ecclesiam, portas, quas propter sacramenti figuram, clausas oportet, virga pastoralis percutit in superliminari dicens. *Tollite portas, &c.* Cui ab intus respondet diaconus dicens. *Quis est iste Rex gloria?* Et Pontifex: *Dominus virtutum ipse est Rex gloria.* Tertiò autem, ostio reſerato, intrat Episcopus dicens, *Pax huic domui*, & proster nitur ad orationem: à qua consurgens, hortatur cunctos ad orandum, sine *Dominus vobiscum.* Postea verò Græcum alphabetum scribit in pavimento, à sinistra parte Ecclesie incipiens ab oriente; & procedens ad dexteram, quæ est in occidente. Postea Latinum alphabetum, incipiens à dextera parte Ecclesie, quæ est ab oriente; & procedens vsque ad sinistram quæ est ab occidente. Post hæc in medio Ecclesie veniens incipit, *Deus in adiutorium*, &c. Et hoc tertiò, complens versum cum *Gloria sine Alleluia.* Tunc aquam typicam benedicit, admiscens sal & cinerem. Quæ postquam mixta fuerint, additur cum eis vinum. Post hæc digitum tingit aqua, crucem faciens per altaris medium, & per quatuor cornua. Post hæc altare ipsum circuit septies, aquam spargens aspersorio facto de hyssopo: & postea ter Ecclesiam, Clericis cantantibus Antiphonas ordinatas. Tunc Pontifex oratione præmissa, altare linteo abstergit, post hæc thurificat cum incenso: postea crucem facit in medio altaris: & per quatuor cornua de oleo sanctificato, & istud facit bis. Nam tertiò facit hoc idem de chrismate. Deinde duodecim cruceſ chrismantur in parietibus: & tandē igne accenso de thure, medium altaris, & quatuor cornua accenduntur: & sic altare albis velaminibus operitur. Et quoniam hæc omnia multa indigent expositione: aliqua tamen breviter de ijs omnibus exponamus. Domus dedicanda, est anima sanctificanda: aqua, pœnitentia purgans à sordibus peccatorum: sal, ratio mentem condiens insipidam: duodecim luminaria, doctrina Apostolorum, mundum illuminans: Pontifex, Christus; virga, potestas: trina superliminaris percussio, cœli, terræ, & inferni dominatio: interrogatio inclusi, ignoratiæ populi. Apertio ostij, sublatio peccati. Domum ingressus Pontifex pacem precatur; & Christus salutem animæ ad nos veniens est operatus. Descriptio alphabeti, simplex doctrina fidei. Quod utrūque alphabetum in modum crucis inscribitur; illud est, quod utrūque populus per Christi passionem munitur. Tunc Ecclesia aspergitur. Aqua confessionem, sal mordacem pœnitentiā, cinis mortalitatis memoriā, vinum devotionem, hyssopus, humilitatem significat. His omnibus aspergitur Ecclesia & altare; quia his mundatur corpus & anima. Dehinc altare linteo extergitur. Altare Christus est, super quem munera devotionis offerimus: linteum caro ejus, quæ tunctio-

Expositio
mystica rituum dedi-
cationis.

nibus passionum ad candorem incorruptionis est perducta. Incensum orationem, oleum gratiam Spiritus sancti significat. Altare bis hoc oleo inungitur, quia plenus Spiritu sancto Deus & homo creditur. Vel si altare designat animā, altare bis inungitur: quia ad remissionem tam peccati, quā delicti, gratia Spiritus sancti infunditur. Tandem chrisma supponitur: quia post mundificationem, id robur & perfectionē spiritus datur. Duodecim sunt cruceſ de chrismate, quia per doctrinam Apostolicam gaudet Ecclesia hac perfectione. Velamen candidum, quo post consecrationem altare cooperitur, incorruptionis gloriam designat: qua, mortalitate consumpta, humanitas post passionem est induta. Vnde scriptum est. *Concidisti sacrum meum, & circumdediti me letitia.* Non ergo potestis sanctificatum Dei tabernaculum fieri; nisi prius sapientiæ sale vos conditiis: aqua mundiæ laveris: vinum compunctionis potetis: pœnitentiæ cinere caput aspergatis. Nisi etiam veritatis cognitio mentem illuminet; vngat oleū charitatis: perseverantia constans inscribat: vt tandem divina remuneratio benedicat: per Dominum nostrum Iesum Christum.

Altare
Christi fig-
nificat, item
animam.

Psal. 29.

SERMO. In Festo S. Benedicti.

TERRA super quam induxero gladium, si populus ejus unum de nominissimis elegerit; & ille viderit gladium venientem, & insonnerit buccina, & annuntiauerit; & aliquis audiens non se observauerit, sanguis ejus super caput ejus erit. Sonum buccina audivit, & non se observavit. Iudicia Domini vera, justificata in semetipsa; & testimonia ejus credibilia facta nimis eo jure concutiunt aures audientium, quo nec falluntur, nec fallunt. Si enim cogitamus, terra es, & in terrā ibis; si formidamus, in viro secundum cor Dei, *anima mea sicut terra sine aqua tibi*; nobis & de nobis designanter intelligimus dictum, *Terra, super quam induxero gladium.* Inductus est contra nos gladius, quia terra sumus. Vnde interfecta est terra in sanguinibus, quibus vsq; hodie manet infecta. Propter quod Psalmista clamat. *Libera me de sanguinibus, Deus.* Ergo non quia humus, non quia tellus, non quia solum; sed quia terra sumus, gladium inductum sustinemus. Quatuor dixi vocabula idem significantia: sed non eadem de causa, vel simili ratione. Nam humus ab humore dicitur; & tunc verè humus fuit, quando in primordiali materia permixta pariter & confusa circumvoluebatur humentibus aquis. Terra verò tunc verè fuit, quando aquis divisis ab aquis, arida apparuit, & teri potuit, & cæteris fuit deformior elementis. Vnde propter ejus deformitatem terra terribilis vocata est. Tellus autem fuit, cum labores hominum tolerare potuit, vel incepit, sicut scriptum est. *Cum operatus fueris terram, non dabit fructus suos; sed spinas & tribulos germinabit tibi.* Solum autem dicitur; quia solidum stat. Cæteris enim tribus elementis mobilibus, istud solidum perseverat & palpabile. Vnde scriptum est. *Qui fundasti terram super stabilitatem suam: non inclinabitur in seculum seculi.* Homo igitur qui de limo terræ formatus est, quasi materiātū de materia, ex diuersis istis vocabulis diuersas significationes, secundum diversos vitæ status

Exech. 33.

Psal. 58.
Non hu-
mus, tellus,
aut solum,
sed terra su-
mus.

Genes. 3.

Psal. 103.

Homo quā-
do fuerit hu-
mus.

sortitus est. Humus enim tunc verè fuit, unde & homo dici meruit, quando spirituali humore coneretur, tanquam celestis sapientie lustrum in prima sui conditione ad imaginem & similitudinem Dei factus est; & in animam viventem. Nam sicut in prima rerum conditione humor sine calore dominabatur in humo, ut non tam vivificata quam vegetata, cum omnia à calore pariter & humore vivificentur, ut aliquem defectum sustineret à defectu caloris, & aliquam perfectionem haberet ex abundantia humoris: ita in prima sui conditione homo & aliquem defectum habuit, quo poterat mori; & aliquam perfectionem, qua poterat non mori. Aliquam perfectionem habebat, qua stare poterat: sed & aliquem defectum, quia gratiam qua proficere posset, non habebat, sustinebat. Factus est enim mortalis & immortalis sed mortalis, quia potuit mori: immortalis autem, quia potuit non mori. Potuit mori, quia potuit peccare, stimulus enim mortis peccatum est: potuit non mori quia potuit non peccare: quod ei datum erat ex libito arbitrio, quod est ad malum & ad bonum libera voluntas. Et quia potuit non peccare, & tamen peccavit, celestis humoris infusione privatus, terra quasi teri digna dici posuit. Et arida apparuit, quia anima sicut terra sine aqua Deo fuit. Et quia à forma deformante deformata fuit, deformis & retribilis valde apparuit; quia cum in honore esset, non intellexit; comparata est juvenis insipientibus, & similis facta est illis. Vade non solum mortalis, sed & mortuus dici meruit, juxta quod Apostolus ait. *Corpus quidem mortuum est, propter peccatum.* Et Psalmista. *Interfecta est terra in sanguinibus.* Habet enim necessitatem moriendi, quia habuit voluntatem peccandi. Qui etiam modò & si non habet necessitatem peccandi, habet tamen necessitatem peccati. Peccato siquidem Adæ tam necessario quam voluntario pollutus, sed ipsi voluntario, nobis autem necessario; nec ita necessario, quasi sit homini necessarium, id est vitale, peccare; sed necessarium, id est inevitabile. Unde mori potest, & non mori non potest; quia post casum per gratiam adjuvantem in pleritudine temporis ad hoc reparata fuit, ut per passionum tolerantiam & laborum, posset ad humores radices ponere; & sub ligno vitæ fieret lignum vitæ; quia sublato gladio versatili pœna videlicet temporali, comedere mereretur lignum vitæ. Sic igitur immortalitatis damnum refarciret per laborem, non solum ut posset non mori, sed ut non posset mori. Interim autem mediante laboris tempore mori posset, quia peccare posset per infirmitatē & vitæ deficiā: & itē non mori, quia posset non peccare, propter originalem concupiscentiam debilitatam in baptismo, & gratiam adjuvantem; qua ille solus Pontifex cum sanguine suo semel intrans in sancta sanctorum, in se solo solum hominem salvum fecit. Solum dico, à soliditate, quia solidum, ut mortale indueret immortalitatem, & incorruptibile nostrum indueret incorruptelam: ita ut datum sit nobis posse non mori, & non posse mori: non amore tamen libero arbitrio, sed liberiore facto; quia de voluntate & adjuvante gratia fiet, ut possimus non peccare, & non possimus peccare. Non igitur secundum primum statum hominis, vel secundum tertium, vel secundum quartum, sed juxta secundum, quo

Rom. 8.
Psalm. 105.

Quatuor
status homi-
nis.

terra designatur, dici potuit, quod dictum est. *Terra super quam induxero gladium,* &c. Nam sicut dictum est, primus hominis status fuit ante lapsum, post conditionem: secundus autem post lapsum, ante reparationem: tertius post reparationem, sed ante confirmationem: quartus post confirmationem; quando terra nostra nec infecta erit, nec interfecta; sed solida potius & perfecta. Dixit ergo. *Terra super quam induxero gladium.* Induxero, dixit, non eduxero. Nunc enim tempus est vibrandi, tempus inducendi, sed nondum tempus educendi. Vibrat enim ut terreat, sicut scriptum est. *Gladium suum vibrabit.* Inducit, ut intus eor punga; educit, ut aperte percussas. Quod tunc fiet, quando frumenta ejus suscitabitur adversus eos qui oderunt eum. Inducit ergo, ut punga cordis affectus, & afficiat ad ea quæ recta sunt. Pungendo enim afficit, & afficiendo pungit. Habet igitur gladium pungitivum spei, de quo scriptum est. *Es gladium spiritus, quod est verbum Dei.* Et alibi. *Vivus est sermo Dei, & penetrabilior omni gladio ancipiti.* Quod autem sit spei pungitivus, ostenditur, cum dicitur. *Quacumque scripta sunt, ad nostram doctrinam scripta sunt; ut per patientiam & consolationem Scripturarum spem habeamus.* Habet & gladium rationis humani gaudij pungitivum; qui gladius dicitur Salomonis; quo puer, qui dividendus dicebatur, vivus redditur matri suæ. Habet & gladium pungitivum doloris, quo pœna temporalis & tolerantia passionum designantur; sine cujus punitione non possumus redire ad lignum vitæ. Habet & gladium pungitivum timoris; quo Dominus interficiet omnes peccatores terræ, sicut scriptum est. *Es gladius meus devorabit carnes,* hoc est, carnales. Si igitur vel timore vel amore, spe vel desiderio, vel dolore compunctus homo gladio verbi Dei, gladio rationis, gladio pœnæ temporalis, vel extremæ ultionis, elegerit virum unum de novissimis suis spectatorem, sicut factum est; quia virum unum hodie elegeris, qui verè vir unus fuit, sed non vir unum. Ille enim verè vir unus est, & vir unum, qui solus fuit & est, id quod est. Ille autem solus est, id quod est, qui idipsum est, qui non ex partibus constat, quia corpus non est; neque ex oppositis, quia simplex est: neque ex obscuris, quia lux est: neque ex disparibus, quia spiritus est. Homo tamen unus est, cujus vultus in diversa non mutatur: sed ad illud unum necessariò properas, unam fidem, unum baptisma constitetur. Nam sicut multi homines unius faciei dicuntur secundum exteriorem hominem, ita & secundum interiorem affectum; de quibus scriptum est, *Erat eis cor unum & anima una in Domino;* ita etiam unus homo multarum facierum dici potest, ejus vultus in diversa mutatur. Ille igitur vir unus erat, qui unus in Christo, & Christus in eo unus erat. Sed quod dictum est, *De novissimis,* non vilescat in animo; eo quod nomen opprobrii esse soleat, sicut scriptum est. *Putabimus cum novissimum virorum.* Sed ideo novissimum: quia ad agni nuptias invitatus, locum decrevit tenere novissimum, ut audire mereretur, *Amice ascende superius:* timens & intelligens, quia erant novissimi primi, & primi novissimi: quia super humilem & quietum requiescit spiritus Domini. Hunc ergo novissimum elegeris. Nam etsi aliquam necessitatem, vobis

Ezech. 33.

Psal. 7.

Ephes. 6.

Hebr. 4.

Rom. 15.

Multiplex
gladii pun-
gens animā.

Deuter. 32.

Act. 4.

Quis vir
unus dicen-
dum.

Isai. 33.

Luc. 14.

imposuistis; tamen voluntate, non necessitate, Regulæ necessitatibus estis addicti. Sponte si quidem in rete Petri, & in compede Benedicti pedem iniecistis. Et bene, quia ubi est necessitas non est libertas: & ubi non est libertas, non est voluntas. Vbi autem non est voluntas, non est meritum. Sola enim voluntas meretur, sicut dicit autoritas: sed poenam, si mala; præmium, si bona. Ut igitur gaudeat homo necessaria libertate, necesse est, ut utatur in facto libera necessitate; ut per ipsam liberetur à peccato, habendo necessitatem patiendi, ut sit voluntas libera iustitiæ, & à peccato liberata. Hac igitur de causa elegistis speculatorem. Speculatorem dico à speculo, non à specula. Quid enim Sanctus Benedictus, nisi quoddam speculum fuit? Quia ex ejus obedientia convincitur noster contemptus; ex ejus humilitate nostra superbia; ex ejus mundissima religione nostræ religionis defectus. De talibus enim hujus sanctæ siccatae animæ speculis factus est nobis luter munditiæ. De speculis enim debet luter fieri; ut exemplis Sanctorum primò peccata cognoscantur, post verò, cognita per contritionem cordis & oris confessionem, per condignam satisfactionem & emundationem laventur. Et quid aliud dat intelligere, nisi hoc vitæ speculum & exemplar, quod nobis in monte Religionis monstratum est ad exemplum? Vel speculator à specula dici potest, qui pro nobis speculam contemplationis ascendit, de qua scriptum est. *Statue tibi mensam, & contemplare in specula*: vel circumspeditionis; de qua Jeremias; *Statue tibi speculam, pone tibi amaritudines*: vel certè Prælationis, de qua Ezechiel, *Speculatorem dedi te domui Israël*. Hic est, cujus memoria in benedictione est, speculator nobis factus, ascendens speculam contemplationis, in ijs quæ ad sapientiam pertinet; circumspeditionis, in ijs quæ ad scientiam; prælationis, quoad domesticam ejus Ecclesiam. Vidit igitur, id est intellexit per viam veritatis, venientem gladium verbi Dei: per viam justificationum gladium rationis; per viam arduam gladium doloris; per viam iustitiæ & rigoris gladium timoris; & insonuit buccina. Et utinam insonuerit, id est intus sonuerit; ut sic sonus corporis aures foris percutiat, ut interiores tægat. Insonuit enim buccina, & non tuba; quia sonum dedit existentibus in Gabaa, non in Rama. Buccina enim cecinit Benedictus, (sed tuba Basilius,) qui quasi buccinam Regulam vocat, ubi ait. *Regulam hanc descripsimus*. In qua non omnem iustitiam scriptam esse asserit: sed ut aliquod initium conversationis se habere demonstrent. Cæterum, sicut idem ipse ait, *Quicumque ad culmen perfectionis vult attingere, sunt doctrine sanctorum Patrum, necnon & Regula sancti Patris nostri Basilij*. Ecce buccina nobis adhuc existentibus in Gabaa; quia Gabaa collis interpretatur. Quod à malitia mundi declinare nolumus, virtutum tunc celsitudinem non attingimus. Basilius autem existentibus in Rama majoris tuba perfectionis insonuit. Rama quippe excelsa interpretatur. Et quoniam perfectionis vitæ celsitudo descripta est in illa Regula; tuba sua insonuit in Rama. Quicumque ergo vocem buccinæ audiuit, Regulæ jugo collum subdidit: sed si secundum formam institutionis non se observaverit; sanguis prævaricationis super ipsum erit; ut sit ei Regula causa perditio-

nis, quæ debuit causa esse salutis. Nam sicut obedientibus facta est Regula norma iustitiæ, ita inobedientibus sit laqueus & muscipula poenæ. Audiamus igitur sonum buccinæ, nec tamquam aspides surdæ obturemus aures nostras; sed omni custodia servemus nosmetipsos; ne nobis sit ad mortem, quod datum est ad vitam: ne nobis sit venenum, quod datum est antidotum: ne nobis sit ad laborem, quod datum est ad requiem. Sed secundum Regulæ formam mutemus nos in viros alteros, fugientes de culpa ad cordis contritionem, de cordis contritione ad confessionem, de confessione ad poenitentiam, de poenitentia ad veniam, de venia ad gratiam. Hæc est via, per quam Sanctus Benedictus & ascendit, & ascensionis exempla præbuit; ipso Domino nostro Iesu Christo ducente, qui vivit & regnat cum Patre in unitate Spiritus sancti Deus, per omnia secula seculorum.

Sermo. DE ARCA SPIRITUALI.

Quia verba Thematis huius, sunt Philisthaeorum hac occasione Author mox ab initio de ijs, qui predicant, vel presunt, & malè vivunt, disserit.

FACITE Planstrum novum, & iungite duas vaccas fœdas, quibus non est impostum jugum; & superponite Arcam Dei. Fidelis sermo propositus, & omni esset acceptione dignus, si merita loquentis verbis vtilibus responderent. Sed enervare solet non modicum vim verborum vita loquentis. Gregorius enim dicit. *Cujus vita despicitur, restat, ut & predicatio contemnatur*. Hinc Apostolus ait. *Castigo, &c.* Vnde Dominus tales in Evangelio redarguit dicens. *Hypocrita, ecce primò erabem de oculo tuo, &c.* Sed si ita est, quid est, quod alibi idem Apostolus ait, *Sine per occasionem, sine per veritatem Christus annuntiatur, & gaudeo, & gaudebo*? Cum enim in Ecclesia Dei alius sit pastor, alius mercenarius, alius fur, alius raptor; numquid sicut ad prædicationem pastoris gaudet Apostolus, ita etiam ad prædicationem mercenarij, furis, raptorisque gaudebit? Pastor quippe est, qui veritatem loquitur propter veritatem. Mercenarius est, qui propter lucrum temporale, non propter ipsam. Fur autem propter occasionem falsitatis aquas furtivas proponit, & panes absconditos. Non enim venit fur, nisi ut furetur, & mactet, & perdat. Labijs quippe dolosis seducere solent audientes. Raptor verò labijs iniquis manifestè sævit in oves. Domine, ait Propheta, libera animam meam à labijs iniquis, & à lingua dolosa. Quid igitur ad talium prædicationem gaudebit Apostolus? Notandum, quod reproborum alij sunt contemptibiles vita, & non fama; alij fama, & non vita: pessimi autem qui fama pariter & vita; sicut optimi, qui nec fama, nec vita. Qui verò sunt infames fama, vel propter privatum peccatum, vel propter publicum. Publicum tribus modis accipimus. Dicitur enim publicum, quasi populicum, quod à quovis de populo potest accusari, ut crimen læsæ majestatis, vel hæreseos, vel simoniz. Vel dicitur publicum manifestum & notorium: non enim idem est manifestum & notorium. Omne quippe notorium manifestum; sed non convertitur: quia potest esse manifestum iudici, & non alijs: vel

Regula inobedientibus est laqueus.

S. Benedictus speculum fuit.

Isai. 21.

Jerem. 31.

Ezech. 3.

S. Benedict. c. ultimo Regula.

Ibidem.

S. Benedictus buccina cecinit, Sanctus Basilius tuba.

1. Reg. 6.

Greg. 12. in Evang.

1. Cor. 9. Luc. 6.

Philip. 1.

Pastoris, mercenarij, furis, &c. differentia.

Psal. 119.

Genes. 18.

Nona notio
peccati pri-
mati.

Matt. 18.

Ordo cor-
rectionis
fraterna.

Psal. 90.

Quid sit ig-
norantia
vincibilis.

1. Cori. 14.

1. Timot. 1.

alij, & non Iudici. Notorium est enim illud, quod Iudici patet, & alijs. Difficile tamen est invenire, quid sit notorium. Nam Sodomorum peccata Sodomitis erant manifesta: tamen descendit Dominus, ut fierent notiora. Propter peccatum verò publicum siue notorium, potest esse contemptibilis, non propter manifestum: quia peccatum etsi sit manifestum Iudici, & nō alijs, vel certē Iudici & non Iudici, non ideo meretur peccator damnari: donec verum esse quod dicitur, per legitimos testes comprobetur. Privatum verò peccatum est, quod privatæ personæ testificari possunt, vel accusare. Vel dicitur privatum, id est occultum, quod à nullo scitur, vel ab vno: quia quamvis ab vno sciatur, non ideo tamen minùs occultum est; quia vox vnius, vox nullius. Privatum igitur peccatum neminem damnat; donec per hoc quo convincitur, vel sponte confitetur, quasi Ethnicus & publicanus efficiatur, sicut Dominus in Evangelio ait. *Si peccaverit in te frater tuus, id est si peccaveris, te sciente, corripe eum inter te, & ipsum solum.* Quod si fuerit inficiatus, etiam si tibi manifestum fuerit, desiste ab accusatione ejus, quia liberaisti animam tuam, videns sagittam, quæ percussit eum, nec se observavit, cum annuntiasses ei. Quod si confessus fuerit, non tamen se observaverit, tunc adhibe duos testes, & si coram illis inficiatus fuerit, quod secretò coram te confessus fuerat, iterum desiste, quia liberaisti animam tuam. In hoc tamen tibi cavere debes, ne nota deprehendi possit in nutu, vel in verbis tuis; quòd secretò tibi cōfessus fuerit: sed quasi penitus ignorans, ita dices. Frater, hæc & hæc de te dicuntur; vide ne feceris. Quod si coram duobus testibus confessus fuerit, nec tamen se correxerit, ora Dominum, ut infundat ei cor pœnitens, quo collum excutiat à iugo diabolicæ servitutis. Quod si nec sic se correxerit, devota illum, tamquam Ethnicum & Publicanum; quia jam te de veritate arguere non poterit, quem per testes idoneos devincere potuisses. Qui autem vita sunt contemptibiles, fide vel moribus sunt infames. Qui autem moribus; vel propter subitam tentationem & occultam: vel propter subitam & manifestam, vel propter diu deliberatam & occultam; vel propter diu deliberatam & manifestam, sicut corrupti moribus & diffamati. Vnde Psalmista. *Non timebis à timore nocturno: ecce subita & occulta tentatio: à sagitta volante per diem, ecce subita & manifesta: à negotio per ambulante in tenebris, ecce diu deliberata & occulta: à demonio meridiano, ecce diu deliberata & manifesta.* Propter diu deliberatam & manifestam tentationem, qui corrupti sunt moribus, contemptibiles sunt apud Deum. Qui verò laborant in fide; aut in Ecclesia sunt, aut extra Ecclesiam: quia quamvis membra putrida, non tamen à corpore Ecclesiæ sunt separata. Qui igitur in Ecclesia fide corrupti sunt, tribus de causis adulterant verbum Dei: simplicitate, infirmitate, malitia. Simplicitas tamen alia nascitur ex ignorantia vincibili, alia ex invincibili. Ignorantia vincibilis est, quando aliquis potest scire, & non vult; de qua dicitur. *Ignorans ignorabitur.* De secūda dicit Apostolus. *Miseri cordiā consecutus sum, quia ignorans feci.* Prima pœnā, secunda veniam promeretur. Infirmitas verò quandoq; nascitur ex cupiditate,

quandoq; ex timore. Nam quia homines vulgū timent potentium, vel ambiunt divitias aut honores, parcere solent potentibus, & lingere eorum vulnera, quæ ferro deberent correctionis refecare. Inde fiunt calūniatores, prævaricatores, tergiversatores. Calumniator est, qui falsū intendit: prævaricator, qui verum abscondit; tergiversator, qui à veritate incepta lassescit & desistit. Qui igitur ex simplicitate, quæ nascitur ex ignorantia invincibili, vel ex infirmitate, peccant; admonendi sunt, & corripiendi: quia non debemus eos timere, qui occidunt corpus, & postea nihil habent, quod faciant: sed potius illum, qui cū corpus occiderit, potest animā perdere in gehennam. Qui verò ex simplicitate, quæ nascitur ex ignorantia vincibili, vel ex malitia, peccant, meritò sunt apud Deum & homines contēnendi. Qui verò extra Ecclesiam sunt infideles: aut in Ecclesia numquam fuerunt, aut ab Ecclesia præcisi sunt. Præcisi autem, vel seipsos præciderunt, vel per diffinitivā sententiā à Iudice sunt præcisi. Qui autem à Iudice præcisi sunt, vel per excommunicationem, vel per depositionem, vel per degradationē, sunt præcisi. Qui ergo seipsos præciderunt, vel per depositionem, vel per degradationem: contemptibiles, & condemnandi sunt. Qui verò per excommunicationem, sustinendi & expectandi sunt. Qui verò in Ecclesia numquam fuerunt, si quid in scripturis suis veritatis miscuerunt, non omnino contemnendi sunt, quia per ignorantia peccaverunt. Canales enim sunt horti Domini, scopa furni, mansio stercoraria arcæ, corvi Eliæ, sacerdos alios veritate mundans, & ipse in sordibus remanens vsque ad vesperam. Ple-rumque siquidem, sicut turtur & hirundo, sic milvus & ciconia, cognoverunt aduentum, nō dico sui, sed Christi. Turturem dico Simeonem, illum scilicet gemebundum, qui dicebat. *Putas durabo? Putas videbo?* &c. Hic enim est, qui dixit, *Nunc dimittis, Domine, servum tuum in pace: quia viderunt oculi mei, salutare tuum.* Hirundini verò Ioannem Baptistā non immeritò comparamus: quia collum ejus martyrium rubricavit, ventrem candidavit virginitas, dorsū autē onus pœnitentiæ denigravit: qui solo corpore in hac peregrinatione constitutus, de cœlesti patria spirituali cibo pascebatur. Hic igitur ad baptisma Christum venientem videns, dixit. *Ecce agnus Dei, qui tollit peccata mundi.* Milvus verò quia rapax est, rapacis Balaam non immeritò typū tenet: qui promissionibus Balaac provocatus, mutabat altaria, ut inde prospiceret, qua parte malediceret populo Dei. Hujus tamē Dominus os aperuit, quando dixit. *Orietur stella ex Jacob,* &c. Ciconiam verò, quæ de venenosis animalibus vivit, Sibyllam venedicam & incantatricem dicimus Erithræam; cujus tamē tale testimonium de Christo ponit Augustinus dicens. *In manus Infidelium veniet; dabitur Deo alapas manibus in castis, & colaphos accipiens tacebit. Dabit ad verbera dorsum suum; sed ad cibum, & acetum in sitim dederunt: hanc inhospitalitatis mensam ministraverunt,* &c. Quia igitur Spiritus ubi vult spirat, non est attendendum, quis loquatur, sed quid: quia Amalechites in itinere fessius, sumpto cibo factus est dux exercitus David: quia multoties terrā lingentes, id est terrā amantes, & temporalibus satiati, quasi in itinere fessii, sumpto spirituali cibo fiunt ductores &

Qui sint ab
Ecclesia
præcisi.

Infideles,
qui vera
quandā scri-
pserunt, quò
bus compa-
rentur.

August. in
Serm. de
Purific.
Luc. 2.

Ioann. 1.

Num. 23.

August. 18.
Civit. c. 29.
Sibylla de
Christo pro-
phetia.

*Qui bene
predicant,
& malè vi-
vunt, quibus
similes.*

Psal. 49.

1. Reg. 6.

*Veteris
plaustrum 4.
rota, que.
Boër: de
Consol.
Eccl. 1.*

*Peccatum co-
no compa-
ratur.*

*Isai. 66.
Matt. 13.
22. & 24.*

*Plaustrum
novum.*

Exod. 1.

Amos 4.

doctores exercitus veri David. Tales sunt isti, de quibus sermonem proposuimus à principio, qui typum eorum gerunt in Ecclesia, qui bene prædicant, malè vivunt. Vnde bene Philisthæi, id est potione cadentes, dicuntur. Et quid est verbum Dei, nisi quædam potio contra venenū diaboli? Hac tamen potione cadunt, qui bene prædicant, malè vivunt. Audituri quippe sunt illud Psalmistæ. *Quare tu enarras iustitias meas? Tu verò odisti disciplinam, & projecisti sermones meos post te.* Et tandem in fine, *Arguam te, & statuiam contra faciem tuam.* Quia ergo bonū quod fit, non est ei bonum, à quo fit, sed ei cui fit; audiamus diligenter, quod dictū est. *Facite plaustrum novum, &c.* Novum dicitur ad differentiā plaustrum veteris, id est antiqui, quod inter quatuor rotas ab initio mundi cœpit volvi: quarū prima est volubilitas temporis, secunda mutabilitas ætatis, tertia vicissitudo affectuū, quarta instabilitas euentuū. Nihil enim in mundo stabile; quia De⁹, *manens stabilis, dat cuncta moveri.* Oritur enim, *sol & occidit, & gyrat per meridiē & flectitur ad aquilanem; & iterum ad locum suū revertitur.* Ecce rota temporis. Rota verò ætatis, quod homo à terra incipit, & ad terrā redit: ab infantia incipit, & ad infantia redit: à fletu inchoatur vita ejus, & in fletu terminatur. Eventus autem mundi ita sunt instabiles, vt semper aduersa prosperis, & prospera succedat aduersis. Affectus quoque ita sunt instabiles, vt amor semper odio, & odium succedat amor. Inter istas quatuor rotas vita humana tamquam plaustrū oneratur, nunc fœno, nunc cœno. Omnis enim caro fœnum, cuius onus inter quatuor rotas volvi non cessat, dum vivitur. Peccatum verò cœno comparamus: quia sicut cœnum putredine sua parit vermes, & ex sua desiccatione fumū calorem emittit, ita & peccatum. Isaias enim dicit. *Vermis eorum non morietur, & ignis non exstinguetur.* Vnde de talibus in Euangelio. *Ibi erit fletus, & stridor dentium.* Ex fumo fletus, dētium stridor ex morsu vermiū. O miseri, qui de tali cœno vitæ suæ plaustrum statuunt onerare. Ad differentiā igitur huius plaustrum, dicitur novum, illud videlicet, quod inter quatuor rotas Ezechielis volvitur: prima circa humanitatem Christi, secunda circa passionem, tertia circa resurrectionem, quarta circa ascensionē. Has rotas quatuor animalia volvere non cessauerunt. Vnde scriptum est. *Quocūque ibant animalia, ibant pariter & rote iuxta ea.* Vnde ex officio nomina fortita sunt. Primū enim in signum humanitatis habebat faciem hominis; secundū in signum passionis habebat faciem vituli; tertium in signum resurrectionis faciem leonis; quartū in signum ascensionis faciem aquilæ volantis. Sequitur. *Et iungite duas vaccas.* Sacramentum tantæ rei nobis aperit natura & utilitas. Natura, quia vacca ruminat, & findit ungulas. Utilitas, quæ quadruplex inuenitur. Pelle siquidē suā munit pedes hominū, carne pascit dominum, lacte nutrit puerū, fumo impingat agrū. Audite hæc, vaccæ pingues, quæ habitatis in monte Samariæ, quæ abjicitis suauē jugū, quæ dedicistis diligere trituram, non agriculturam: vaccæ lasciuientes, nec mugientes; quæ nec affectu ruminatis, nec effectu viles estis. Attendite, qualiter ornatur affectus, qualiter proficit effectus. Ruminare, cogitando verbum Dei: discernite quod ruminatū est, ne quid admiscea-

tur falsitatis. Ornate animas vestras affectibus: sed & effectibus corpora vestra. Si enim pauperes Christi, quasi pedes, munitis exterioribus vestris, quasi pellibus: si per carnis macerationē voluntatem Dei facitis, quod est pascere Christum: si lacte doctrinæ vestræ reficitis subditū: si tandem fimo impinguatis agrum Dominicū: duas vaccas, id est animam & corpus, iungitis ad plaustrum novum. Sic enim caro spiritui, & spiritus jungitur carni. *Iungite duas vaccas, quibus non est impositum iugum.* Non dicit, *omne iugum*, indefinite enim loquitur, sed aliquod iugum dicit, & bene. Est enim iugum naturæ, de quo legitur. *Grave iugum super filios Adam.* Et est iugū disciplinæ: vnde. *Iugum meum suauē est.* Et præmisit dicens. *Discite à me.* Et est iugum culpæ; vnde. *Computrescet iugum à facie olei,* id est deficiet peccatum à facie præsentis Spiritus sancti. Et est iugum pœnæ: vnde Isaias. *Iugum enim oneris ejus, &c.* Iugum oneris, id est captiuitatem æternæ pœnæ, deuicisti. Quia ergo iugū naturæ deuitare non possumus, nec disciplinæ debemus; si cauere volumus iugum pœnæ, caueamus, ne sit nobis impositum iugum culpæ. Sequitur. *Et superponite arcam Dei.* Nota, quod dicitur Arca Dei quadrupliciter. Est enim Arca conseruationis, Arca conuersationis, Arca significationis, Arca sanctificationis. De prima legitur. *Fecit Ioiada magnus Sacerdos gazophylaciū in templo, & posuit in eo Arcam, faciens in ea foramen desuper, ut in ea referuaretur pecunia ad facta templi resarcienda.* De secunda ad Noë. *Fac tibi Arcā, &c.* De tertia dictū est ad Moysē. *Fac tibi Arcam de lignis Sethim.* In his omnibus mens sancta figuratur, in qua referuamus thesaurum, quem habemus in Christo; in quo sunt omnes thesauri sapientiæ & scientiæ absconditi: sapientiæ per diuinitatem, scientiæ per humanitatem. Ipsa ergo fieri debet de lignis læuigatis per peccati immunitatem, politis per virtutum splendorem, bituminatis per gratiæ plenitudinem, compaginis per concordie vnionem. In Arca tali recondi debent aurea vrna, per fidem humanitatis; manna, per fidem diuinitatis. In ipsa recondi debent tabulæ vtriūque testamenti, & Deuteronomiū Euangelicæ veritatis. Hæc est Arca sanctificationis, requies Dei, habitaculum Spiritus sancti. Est tamen alia specialis & singularis Arca, quæ multò dignius, & alijs sublimius, est plaustro nouo superponenda. Hæc est enim illa, in cuius laudem canimus. *Beata mater munere, cuius supernus artifex, mundum pugillo continens, ventris sub Arca clausus est.* Hæc est illa conseruationis Arca, in qua singulariter reconditus fuit cœlestis thesaurus, videlicet sapientia Dei Patris; quæ de lignis, non tam læuigatis, quàm læuibibus, fuit: quia in vtero matris sanctificata, ab omni peccato nata fuit immunis: quæ singularis gratiæ plenitudine, quasi de lignis politis resplenduit. Hæc est, quæ à diluvio aquarum illarū liberauit, de quibus dicitur. *Saluum me fac Deus; quoniam intrauerunt aqua usque ad animam meam.* Hæc est, in qua singularis vrna humanitatis Christi recondita fuit; diuinitatis māna, verba disciplinæ, abbreviati verbi Deuter. tabulæ testamenti. Quippe quæ conferebat omnia verba, quæ de Christo dicebantur, in corde suo. Superponite ergo eā amando, venerando, laudando, orando: vt intercedat pro nobis ad Dominum.

F I N I S.



SERMONES NICOLAI CLARAVALLENSIS QVONDAM MONACHI.

DVOBVS Clarevallis olim Abbatis Henrico & Garnerio, quorum opera praeceunt, tertium hic libenter adiunxissem Gaufridum, in praefectura & regimine ejusdem incliti Cenobii utroque priorem, ut pote quartum illius Abbatem, & praedicto Henrico amicissimum: sed quia ejus opuscula plurima sunt, & adhuc quadam nobis desunt, ideo separatim posthac illa edere est animus. Guericci quoque Clarevallis aliquando Monachi, post Igniaci Abbatis Sermones saepius jam recusos, quia facile haberi possunt, & proprium legitimi parentis nomen praefertunt, mutato consilio, quo eos hic apponere statueramus, in alium Tomum referemus. Nicolai potius Claravallensis olim Monachi, Sermones diversis Authoribus male aliquando ascriptos, eidem in praesenti vindicare decrevimus. Fuit autem hic Nicolaus primum Arremarense Cenobii Ordinis Cluniacensis in Trecenti Episcopatu, postmodum Clarevallis sub S. Bernardo Monachus, ejusdemque notarius; sed quia pater Sanctus in eo reperit pravitatem, amovit eum ab officio; unde factum est, ut ille Claravalle discedens, ejus hostis efficeretur. Quirur de eo apud Pontif. Eugenium S. Bernardus Ep. 84. & 98. Vbi autem, quando, & quo fine è vita excesserit, ignoratur. Sermones quidem sequentes inter opera S. Bernardi, & Petri Damiani magna ex parte reperiuntur; ac illos nec hujus, nec illius, sed praedicti Nicolai esse, constat evidenter. Nam Author eorum in Sermone de Nativitate Domini, laudat S. Bernardum Clarevallis Abbatem, eumque sibi exemplar praedicationis proponit. Non ergo is est S. Bernardus: sed neque Petrus Damianus est, qui S. Bernardum atque praecessit, nec agnoscere potuit. Praeterea in Sermone de S. Victore Confessore, ostendit auctor, illius loci, in quo ejus corpus quiescit, se Monachum esse. Quiescit autem ejus corpus in Arremarense Cenobio, cuius nec S. Bernardus, nec S. Petrus Damianus, Monachus fuit, sed Nicolaus. Petrus quoque Cellensis producto ex hoc Authore, & ex praedicto Sermone, loco, cum Nicolaum Arremarensem seu Claravallensem agnoscit. Praefatio quoque ipsius Authoris, quam hic & nunc subijcimus, idem demonstrat: ut plures probationes querere superfluum sit & otiosum. Scripsit & in aliquot versus Psalmorum, quadam moralia, & alia, quae in epistola sua nuncupatoria ad Comitum Theobaldum recenset. Edidit quoque epistolas, & in unum corpus collegit, hortatu Henrici fratris Regis Galliae, Clarevallis tunc Monachi, post Archiepiscopi Remensis, quae & in Tomo duodecimo Bibliotheca Patrum editionis Colonienfis extant. Porro Sermones hi, scripti sunt in Arremarense Cenobio, ex Claravallensi autem ad Theobaldum Comitem missi.



Epistola Authoris ad Theobaldum Comitem Campaniae, Sermonum sequentium nuncupatoria.

SINGULARI Domino & benefactori suo, Henrico Trecentium Comiti Palatino, Nicolaus ille servus suae sublimitatis, seipsum ad pedes. Non ignoro, Serenissime Princeps, quam audacter ingrediar ad magnitudinem tuam, & quam securus ambulem, ubi multi paudent, & cauent à fiducia securitatis. Non miror, si mireris; sed miror, si non mireris, quis me in hanc audaciam impulerit, seu appulerit ad portum confidentiae tam sublimis. Breuiter tibi respondeo, non meis, sed alterius verbis. *Audacem faciebat amor.* Amor Dominum nescit, dignitatis nescius, dignatione diues, affectu potens, suauis efficax, perspicax puritate. Ille est, qui in sacrario suae Majestatis omnem hominem aut parem facit, aut accipit: & de personis imparibus pares animos facere consuevit. Et haec quidem pro audacia mea. De cetero mitto gloriae tuae decem & novem Sermones, à festiuitate S. Ioannis Baptistae, usque ad festiuitatem S. Ioannis Evangelistae, aliosque Sermones, & quosdam Psalterij versus, meo sensu inventos, meo stylo dictatos; nisi quod paucis in locis, de sensibus alienis accepi. Adhuc enim juxta Philosophum, alienas sarcinas adoro. Mitto etiam tibi responsoria, & lectiones de Cruce, Responsoria & lectiones de Virgine, & decem Sequentias de Christi Festiuitatibus & Sanctorum suorum. Haec autem omnia, in viridiori aetate dictavi, antequam stylus meus in vagina silentij reconditus, & splendorem perderet, & acumen. Non quod vnquam aliquid dixerim, vel inuenerim, quod dignum sit obrutibus tuis; qui & literatus es, & tui germinis praefulgidum sidus. Si quid in his tibi placuerit, Deo imputa, & non mihi: si quid displicuerit, tibi imputa, qui iussisti. Nihil enim mea interest; qui, juxta Salvatoris vocem, quod habui, hoc feci. Filius Virginis qui tibi dedit, ut & potens, & sapiens, & benignus sis, & te hoc triplici funiculo circumcinxit: faciat te hic viuere plenum dierum, & illuc transire in longitudinem dierum; ut cum ipse apparuerit vita nostra, & tu appareas cum ipso in gloria. Amen.

Opera Nicolai, Theobaldo nuncupata.

SERMO. In Nativitate Sancti Ioannis Baptista.
De decem privilegijs ejus.

HODIE dilectissimi, dies illuxit insignis, tanto ceteris diebus sanctior, quanto sanctior hominem tertis effudit. In hac siquidem die natus est ille Sanctorum splendor; justorum gloria, læticia Angelorum. Excellentissimus homo, consanguineus Christi, amicus spōsi, sponsæ præparator. Unus est, & secundum non habet: qui choris intextus Angelicis, sublimioris coronæ titulis vniuersitatis humanæ transcendit ascensum. Denique, *Inter natos mulierum; non surrexit maior Ioanne Baptista.* Felix homo, qui feliciter perambulans cœlorum officinas, cursu velocissimo sequitur redemptorem: nec alicujus intercluditur fastigio dignitatis, quem summæ felicitatis immensitas largiùs irrorauit. Lætantur Angeli, & vtriusque naturæ numerositas admiratur hominem sic ingressu abyssum luminis, & in æternæ dignitatis pelagus absorptum, vt ipsam reuerberet Angelicæ puritatis originem. Eleuentur omnes, & meritum prærogatiuis ante consistoriū majestatis exultent: non erit tamen qui ad Baptistæ Ioannis privilegiū audeat aspirare. Age, jam aggrediamur ingredi virtutum insignia, quæ Deus majestatis in amico suo gloriosa cumulatione signauit. Sic enim ab ortu vitæ vsque ad occasum cum hominibus conuersatus est, vt forma vitæ, morum informatio habeatur; & licet hic sermonis auctori non rutiler pulchritudo, tentabimus tamen rerum veritatem qualicūque stylo perstringere; illud sapientis attendentes, prudentibus viris, non placere phalerata, sed fortia. Primus ejus honor, est gloria in annuntiatione. Non est dissimulanti silentio transeundum, quàm solenni glorificatione pueri hujus in hunc mundum nunciatur ingressus. Adest Angelus Gabriel, & à superiori cœlorum cardine, Domini fortitudo descendens, stat à dextris altaris incensi. Nec quilibet Angelus, sed ille sublimior, qui beatæ Virgini nuntiū attulit singulare; etiā electus est, vt nuntiaret militem, qui Regem nuntiare debebat. Astat sacerdos, sacerdotalib⁹ indutus; & multiplici vestimentorum varietate, cœlestium Sacramentorum præfigurans imaginem; purificationem peccatorum mystici sanguinis aspersione præsignat. Consistit coram arca fœderis, & ante testamenti tabulas, vnam auream habentem Manna, virgam Aaron, Cherubim & propitiatoriū, solemniter insulatus, vultui Dei, gloriæ majestatis, rerum omnium Domino vota percelebrat. Dies instat sollemnis, & ceteris diebus multitudini Iudæorum celebrior, Domini præcipientis attestazione sublimis. Planè spectabilis & festiua, in qua sola soli Pontifici licebat introire in Sancta Sanctorum; & aspergine multiformi summæ divinitatis iram mitigare. Convenitur vndique in sanctam ciuitatem, & populorum turba frequentior cumulat materiam gaudiorum. Inter hæc sacra consistens Archangelus, *ne timeas*, inquit, *Zacharia*, *quia nascetur tibi filius*; parentum gaudium, nobilitas generis, orbis exemplum, finis legis, Evangelij principium, mortis expulsio, janua vitæ, decus hominum, conversationis splendor; omnis justitiæ principatus. Et ne diffusiori tracta-

tu rerum excellentiam confundamus, nascentis & conuersantis integritas, in libris Evangelicis plenius assignatur. Considera nuntiantis sublimitatem, dignitatem loci, diei reuerentiam; & tunc intelligere poteris, quàm superexcellenti gloria Ioannis Baptistæ genitura prædicitur. Salva igitur reuerentiâ Salvatoris, quia non derogamus Regi, si Regis militem honoramus; cum ille Dominus, hic servus; ille Creator, iste creatura; digniori præmonstratione Ioannes nuntiatur, quàm Christus. Christus fortassis in thalamo, Ioannes in templo; nec solum in templo, sed etiam ante Sancta Sanctorum, in insigni die solemnitatis eorum. Ioannes ab eodem Archangelo, in loco digniori, tempore sanctiori, apertiore miraculo, prædicitur. Recole Isaac ab Angelis nuntiatus, Samson per Angelum prædictum, & vniuersam Nazaræorum sectâ circumspice; solumq; baptistam, tam in hoc, quàm in alijs, inuenies digniorem. Secundus honor est, sanctificatio in ventre matris. Quicūque de massa prævaricatrice mundum ingredimur, longam restem originalis peccati trahimus nobiscum. Solus ille, qui peccatum non fecit, excipitur; quem virginitatis thalamus virum nesciens, terris effudit. Longè quippe aliter, & dissimili modo conceptus est, Spiritu sancto tota majestate Virginem * mudante, atque moderante, superans vsum carnis, naturæ ordinē, viri commixtionem. Sic quippe decebat, vt peccatum nesciret, qui peccata tollebat; vt similitudinem carnis peccati suscipere, non autem carnem peccati. Cum igitur omnes in iniquitatibus concepti sint, neminem vmquam mortaliū infra maternæ viscera sanctificatum legimus, præter Ieremiam & Ioannem Baptistam. Quamquā & de singulari Virgine nulla sit ambiguitas, quā ipsa maternis circumsepta visceribus, sublimiori sanctificationis genere mundata sit; vt pote sacrarium illud, in quo Deus & Dei filius carnem fuerat suscepturus. Sed longè minor Ieremiæ sanctificatio, quàm Ioannis. Ille quidem in matris vtero sanctificatus; hic etiam Spiritu sancto repletus fuisse cognoscitur. Multò quippe excellentius est, Spiritu sancto repleri, quàm sanctificari. Ibi enim sanctificatio emundationem, hic repletio inundationem significat. Denique & Apostoli, qui manibus suis tractauerunt de verbo vitæ, cum Spiritum sanctum acceperunt de Salvatoris afflatu, vix quinquagesimo resurrectionis die ad illum gradū peruenire potuerunt, vt diceretur de eis. *Repleti sunt omnes Spiritu sancto.* Et licet Spiritus sanctus largiori tunc munere credentium corda repleverit; hoc tamen Ioannes in vtero legitur assecutus, quod Apostolica celsitudo tandem longiora promissione meruit obtinere. Attende obsecro diligenter, quàm ordinata dispositione spiritus ille multiplex Ieremiam sanctificat, Ioannem replet, supervenit in Mariam. Et Ieremiæ quidem admiranda sanctificatio: quia etsi in peccatis conceptus est, nascitur tamen, vt dicitur, sine peccato. Antequā enim exiret de ventre sanctificatus est: nec poterat nasci non sanctus, qui in matris vtero fuerat sanctificatus. Mira res, & à retro transactis temporibus inaudita; hominem in peccatis conceptum, nasci sine peccato. Ioannem verò longè gloriosior virtus repleuit; qui & sanctificatus est à peccato, & ita dominante Spiritu superflusus, vt &

Genes. 18.
Judic. 13.

Secunda
Ioannis præ
rogativa.

Peccatum
originale.

* Fortè
inundante.

Peccatum.

B. Virgo in
vtero subli
mius sancti
ficata, quàm
Ioannes.

Act. 1.

Ierem. 1.

Luc. 1.

Matth. 1.

Tertia prærogatiua S. Ioannis.

Luc. 1.

Ibidem.

Quarta prærogatiua S. Ioan.

purgatus exeat & repletus. Verè magnus corâ Domino, quem Angelus nuntiat, Deus sanctificat, spiritus replet, vita commendat. Ineffabili autem modo superuenit in virginem; quâ tota diuinitatis plenitudo sine mensurâ discretionis perfudit; vt totum caperet, qui totum fecit; vt non solum à peccatis abluta, repleta spiritu, sed & de Spiritu sancto concepisse credatur; quia *quod in ea natum est, de Spiritu sancto est*. Inde est, quod singulari prærogatiua fides Catholica, filium Dei natum de Virgine, conceptum de Spiritu, confitetur: vt deitatis & humanitatis indivisibilis adunata connexio, vocabulorum indifferentiâ designetur. Vides ergo quàm remotiori privilegio, speciosâ forma præ filiis hominum, à filiis hominum in concipiendo discretus sit. Illi etenim de peccatis & in peccatis cõcepti sunt; hic in Spiritu & de Spiritu S. cõcipitur. Hæc sane dicta sunt de conceptione Ioannis; nihil præjudicantia sanius sapienti. Sed etsi in aliquo sanctorum autoritatibus videntur obviare, volumus, vt sine omni excusationum, vel defensionum patrocinio, subruatur. Tertius honor est excellentia in exultatione. A sæculo non est auditum, quod exultauerit quis in utero matris; cum in gaudio hic exultasset legatur. Prorsus obstupenda dignatio; puerum vix conceptum, in motum exultationis erumpere; eique gratanter occurrere servitio dulciori, quem virginali substantiæ præsensit infusum. Beata anima, quæ in via peccatorum non stetit; sed secretiori semita de cœlestibus officinis egrediens, inauditæ gratulationis est sortita dulcedinem. Felix Elizabeth, ad quam mater properat Salvatoris; quam saluatoris obsequijs cœlorum Imperatrix impertit. Sed puer multo felicior; qui salutantis maiestatem agnoscens, infra viscerum tenebrosa volumina gaudio gaudet, quia vim tam beatæ salutationis attendit. *Et factum est, inquit, ut audiret salutationem Maria Elisabeth, exultavit in gaudio infans in utero eius*. Ascendit virgo cum festinatione in domum Zachariæ, ad salutandam Elisabeth: portans in utero filium Dei, Regem gloriæ, Dominum maiestatis. Occurrit Elisabeth, & antiquæ sterilitatis carens opprobrijs, amicum sponsi, præconem Verbi, felicissimo ventre deportat. Iunguntur amplexus, venit ad oscula, copulantur felices uteri, Regemque & militem, non nisi duo tenerrimi parietes abjungunt. Quid mirum, si miratur & exultat puer: actu tam proximæ diuinitatis afflatus? Poteratne à quocumque vacare miraculo, cui præsens aderat Regis præsentia, regnantis mater, mundi Redemptor? *Mansit autem Maria cum illa, tribus mensibus*, ait Euangelista. Tanto tempore manet cum Elisabeth virginalis integritas: & nunc dulciori eloquio, nunc amplexu feliciore Ioannem puerum consecrat & insignit. Pro certo, non parum contulit puero nascituro tam felix & morosum intemeratæ Virginis hospitium. Quartus honor est; gaudium in natiuitate. Erubescit Lucifer, qui mane oriebaris; & conatum tuorum fractus impulsibus, tandem intellige, quia in nouissimo dierum tamquam perdix stultissimus remanebis. Machinationibus tuis factum est; vt vniuersitas generis humani in peccatis conciperetur, nasceretur in tristitia; sed ecce iste in utero sanctificatur, oritur in gaudio, lætitiâque mundo sua natiui-

tate refundit. Ecce genus armaturæ, quod tibi constitueras ad victoriam, Ioanni nascitur ad coronam. Apprehende arma & scutum, & toto malignitatis spiritu debatchare; nec poteris irumpere Ioannis priuilegium, quod scribentis manus proprio caractere cõsignauit. Multum deceptus es, multum delusus es. An ignoras, quia tibi vir bellator ab adolescentia, & etiam à matris ventre consurgit? Nescis, quia à diebus istius, *regnum cœlorum vim patitur, & violenti rapiunt illud*? An oblitus es, quia iste mittitur, *parare Domino plebem perfectam*? Intuere ordinem rerum, & ab ipsis suæ conceptionis initijs, inuenies hunc validiori conamine tuam fortitudinem irrupisse. Tu fecisti, vt fratricida Cain, qui primus natus est, pollutus & obvolutus exiret; & originalis peccati respergeretur infamia. Hæc excepit orbis exterritus, & humani generis subsecuta natiuitas ad infinitæ tristitiæ cumulum transmigravit. Natiuitas autem hominis huius in gaudium est, & in solemnitatem præclaram. Lætatur orbis; & quatuor elementa mundi circumsonant gloriolæ festiuitatis infantia. Ipsi etiam cælis celebris & famosa. *Quis putas puer iste erit?* Amicus sponsi, inimicus tibi; tua potestate potentior. Considerandum est etiam, quanta dignitate præpolleat natiuitatis huius celebranda deuotio; quantamque gratiam in oculis Ecclesiæ potuit inuenire. Nullius hominis natiuitatem, præter solius Dei, in autoritate recepit Ecclesia: huius solius exceptione seruata. Nouit enim, quia melior est dies mortis, die natiuitatis; & quod ortus hominū tristitia comitetur. Inde est, quod Martyrum mortes, non natiuitates, solemnizat Ecclesia: mortem eorum natalitiorum nomine nominās, quibus factus est de morte natalis. Tunc enim inceptum nasci ad vitam; cum vitam deposuerunt pro vita. Quintus est singularitas in conuersione & conuersione. Infra teneritudinem annorum beatus iste puer ad eremum, spiritu ducente, deductus est; nec obstitit ætatis infirmitas, quem maiestas Domini fecundabat. Spiritus enim Domini non attendit differentiam sexuum, fragilitatem corporum, temporum annositatem; sed quæcumque, & quomodo vult, dignantissima replet benignitate. Relinquit Ioannes mundum, homines fugit, parentes aspernatur, & in solius diuinitatis apicem figit beatæ contemplationis obtutus. Mira rerum conuersio, hominem vix mundum ingressum, mundi fugere gloriam; & sæculi cupiditates non solum obliuisci, sed & nescire; perpetuūque cum Deo stabilire consortium. Recessus montium, silvarum anfractus, & vallium subtergæcæs vastitas, puero Patriarchæ domicilia, quâdo nox coegerat, præbuerunt: Non opponatur mihi Ieremias, nec prædicantis pueritiæ virtus audeat obviare; quia si ille consecratur in Prophetam, hic in plusquam Prophetam: & licet ille populo futura prædicat, non tamen conuersionis humanæ declinat aspectus. Sic sic Ioannes ætatis supergressus infantiam, & nobilioris generis nobilitatem oblitus, soli vacat diuinitati; forma vitæ, Monachorum præpositū, Anachoretarum principium, totius religionis assertio. Et hæc quidem pro conuersione. Porro quanta sublimitas in conuersione fuerit, non est currentis linguæ volubilitatibus differendū, sed Euangelicæ dignitatis comprobandum elo-

Matth. 11.

Luc. 1.

Martyrum dies mortis celebratur, non natiuitatis.

Quinta Ioannis prærogatiua.

S. Ioannes puer secessit in eremum.

Ioannes Religiosorum parens.

Marc. 1.

quo. *Ioannes, ait, habebat indumentum de pilis camelorum, & zona pellicea circa lumbos ejus esca vero ejus erat locusta, & mel silvestre.* Ecce,

Matth. 11.

qui mollibus vestiuntur, in domibus Regum sunt. Rigida vestis, & duris hispiditatibus circum-

S. Ioannis austeritas in vultu &

texta, rigore scalarifero corpus afficit Patriarchæ; carnemque tenerrimam immatura distributione disciplinæ feritate coarctat; teneros artus & sacrationi spiritui superfluos continui cassat longitudo Martyrij. Cibus ejus qualis erat? Non phasides quærentur aves, nec per totam discurritur regionem, ut Patriarchalis stomachus impleatur; sed *Erat esca ejus locusta, & mel silvestre.* Cœli rore pascitur, & animalis vilissimi cibatur edulio; nilque coctum accipit jejunantis austeritas. Castigato quippe ventri, & diuturna maceratione distento, ignota fuit varietas ferculorum, nec introiit in os ejus, quod gulâ alliceret, ventri vel stomacho blandiretur. Elias comedit carnes, & si quid aliud apponitur, cum gratiarum percipit actione; nec aliquē, ni fallor, legimus, ex illa veteri officina, ad legis hujus aspirasse fastigium. Vestis aspera, tenuis cibus, mens deuota, perfectum consecrant Patriarcham. Sextus est honor; nequitia in prædicatione. Hic volo, attentius attendat charitas vestra: quia paulò subtilius ordiendum materiæ præcipit magnitudo. Post peccatum Adæ, & illius diluvij vastationem solemnem, electa est justorum infinita pluralitas, cum quibus Deus facie ad faciem locutus fuisse dinoscitur. Transfertur Enoch, eligitur Noë, vocatur Abraham, Isaac diligitur, Iacob facie ad faciem Deum cōtemplatur, Ioseph vocatur Salvator mundi; nec tamen Dei ad illos, vel illorum ad homines, sic aliqua mentio de regni cœlestis perpetua mansionem. Moyses assumitur in ducem populi Iudæorum; Pharaoni in Deum constituitur; facit Deus in Egypto magnalia, mirabilia in terra Cham, terribilia in mari rubro. Ascendit Moyses in caliginem, in qua erat Deus: datur in morte multiplex præceptorum autoritas; loquitur ille cum Deo, quasi homo ad proximum suum: non est occultatum à Moysē, quod facit Deus in occulto; & gloriosum nomen Adonai, quod omnibus fuerat obvelatum, ei reuelatur. Sed in his omnibus regni cœlorum memoria, nec nominatur nec dicitur. Astat Aaron potentis virge gestarius; vinctus & delibutus cœlestium sacramentorum vinctio; succedit Iosue, & omnis illa ludicum multitudo, nec est vel tenuis mentio regni cœlestis. Inuenit Dominus virum secundum cor suum; filiumque ejus Salomonem cumulat sapientia singulari: & omne illum Prophetalem chorum Spiritus sanctus ordinat & infundit: nihilque de cœlestis regni gloria Prophetatur. Claudat Elias cælum oratione, & aperit: Eliseus etiam mortuus mortuum vitam restituit: & ab his nec vlla scintillula beatæ mansionis elucet. Quid plura? A principio mundi vsq; ad Ioannem vniuersitatem recollige, nec in sermone vel opere, regni ejus poteris reperire dulcedinem. Veni ergo ad Ioannem, & audi vocem exultationis; vocem nouitatis & lætitiæ, misericordiæ verbum, sermonē gloriæ, gratiæ largitatem. Quod celauerat Deus, tacuerat Angelus, latuerat Patriarchas, Prophetæ nescierant, *Pœnitentiam*, inquit, *agite: appropinquabit enim regnum cœlorum.* Verbum pœnitentiæ dulce & gloriosum: verbum regni cœ-

Primus regnum cœlorum nuntiatur Sanctus Ioannes.

Matt. 3.
Verbum pœnitentiæ.

lorum lætum & adorandum, illi soli primò cōueniens, qui noui Testamenti primus posuit fundamenta. Hæc est illa vox, de qua maximus ille contemplator cœlestium visionum in hæc verba prosequitur. *Et vox prima, quam audini, tamquam citharædorum citharæantium in citharis suis.* A diebus Adæ vsque ad Ioannem, organum nostrum versum est in luctum; quia ubi peccatorum frequentia, nec pœnitentiæ locus, duplex erat deplorandi materia. Occidis? Occidi iuberis. Sabbato ligna colligis? Lapidari iuberis: & ille, cui proprium est misereri semper, & parcere; nisi ferire non nouit. Dederat quippe eis præcepta non bona, traditor præceptorum, & justificationes in quibus viuere non possent. Hoc est, quod David miratur, dicens. *Vbi sunt misericordiæ tuæ antique, Domine?* Ioannes natus ostendit medicamentum vulneri, peccato pœnitentiam, veniam iniquitati. Hæc est vox prima, quam vox clamantis in deserto proposuit: & vox turturis audita est in terra nostra. Ex tunc immisit in os nostrum canticum novū, carmen Deo, nostro: & resonat in ore nostro gratiarum actio & vox laudis: superexaltatā misericordiā iudicio, peccatoribus parcur, regnat pietas, iustitia dissimulatur: & miserendi, non ferendi, quærit occasionem, misericors & miserator Dominus. Citharizant ergo in citharis suis, qui voluptatum effluxionem, pœnitentiæ distinctione reuerberant: & de profunda peccatorum voragine respirantes, cantant in vijs Domini, quoniam magna est gloria Domini. Septimus est, dignitas in baptismo. Singularis prorsus humilitas, Verbum caro factum: & in perfectum virum egrediens, relictā hominum vniuersitatem, Ioannē quærit, Ioannem desiderat, ad Ioannem vadit. Terribilis in consilijs Deus super filios hominum, portatque omnia verbo virtutis suæ, purgationem peccatorum faciens, venit à Galilæa in Iordanē, ad Ioannē, ut baptizaretur ab eo. Stupet Ioannes, & timore concutitur, totūque Patriarcham infinitus horror insumit. *Ego & te, inquit, debeo baptizari, & venis ad me?* Dicit ei Salvator. *Sine modo: sic enim decet, nos implere omnem iustitiā.* Acquiescit utrimque salutaribus monitis: & accingit se Ioannes ad baptizandum, ad suscipiendum Dominum Angelorum. Exiit vestimentis suis Rex gloriæ; splendor luminis, & figura substantiæ Dei, Ioannis manibus atretatur. Caro illa sumpta de Virgine, candidiorque decorata materia, nudatur in flumine, felicibus Baptistæ manibus infundenda. Descendunt Angeli, & cœlorum agmina tota reuerentia currunt ad Creatorem; baptizantemque & baptizatum dominantia numina circumcingunt. Infundit aquam capiti Creatoris creatura nobilior; & Dei verticem mortalis dextera contremittit & contingit. Pavet cælum, stupet terra, mirantur Archangeli, Dominum sabaoth infra manus baptizantis includi. Quid est Ioannes? Cherubim & Seraphim, vix audent respicere; & tu nudum tenere præsumis? Hic est, in quem desiderant Angeli prospicere, cui beatæ conuētus ciuitatis, *Sanctus sanctus*, ingeminat; qui solus habitat lucem inaccessibilem, Dominus virtutum, Deus scientiarum, misericordiarum pater, & tu non metuis? Tibi datū est, quod omnibus est negatum, baptizare scilicet eum, qui baptizat in Spiritu sancto & igni; virginemque

Apocal. 11.

Psalm. 88.

Ioannes ostendit medicinam vulneri.

Matt. 3.

Miranda Christi in baptismis suo humilitas.

virginis filium, virginis manibus irrorare. Totus adstupro baptizanti, hominemque Dei magistrum reueror: dignantem admiror, veneror dignationem; & hominem video violentiam cœlis ipsis inferre. Porro illud quale est, quod in isto baptismo terminatur lex, finem accipit Prophetia, & omnis sacrificiorum ritus propulsiatur & pellitur? Hic incipit & stabilitur nouæ regenerationis perduranda purgatio: & in vnam baptismatis formam legalium transeunt dispendia figurarum. Ad ablutionem aquæ, & innouationem Spiritus, sepelitur hircorum & taurorum sanguinolenta congeries: & pecora petoribus Iudæis relinquimus, illud Davidicū attendentes, *Holocaustum pro peccato non postulat*. Octauus est, prima reuelatio de Trinitate. A creatione cœli & terræ, vsque ad hunc locū, numquam Trinitas hominibus manifestè apparuit; sed rerum & verborum involucris involuta fuit tantæ claritatis æternitas. Denique creationem hominis creator rerum summa dignitate commendans, *Paciamus*, inquit, *hominem ad imaginem & similitudinem nostram*. Reuerendū reuera priuilegium, nec vlli traditum creaturæ. Creatur numerositas Angelorum, & elementorum ordinatur variata connexio; sed omnipotens tantum opus alta taciturnitate prospectat. Vt verò venitur ad hominem, & nobilis creatura creari disponitur; accingit se Trinitas ad creandum: & consilium accipit sapientia, vt creaturæ dignitas Creatoris priuilegio clara esse monstretur. Nec ibi tamen satis apertè diuinæ Majestatis eluxere vocabula. Abraham tres vidit, & vnū adorauit. Sed & ibi Scripturæ sacrę reuerentia, nunc mixtim nunc separatim claudit eloquium, vt modo Dominum, modo viros placeat nominare. Et vt breuiter concludamus; omnis illa, siue Patriarcharum, seu Prophetarū copulata societas, nullam vel in sermonibus, vel in rebus, de Patre, & Filio, & Spiritu sancto, apertè fecisse legitur mentionem. Veni ergo, & intuerè filium Zachariæ, Deum & hominem proprijs manibus continentē: & vide quia cœli aperiuntur ibi, & descendit Spiritus sanctus corporali specie sicut columba in Christum; & vox patris audita est, *Hic est filius meus dilectus*. Vides, quia ad sacratissimorum nominum nouitatem, cœlorum palatia referantur? Pater auditur in voce, filius baptizatur in flumine, Spiritus sanctus in columbæ specie demonstratur. Adest Ioannes totius medius Trinitatis, gloriosumque Baptistam sanctificant indiuisæ substantiæ personata vocabula; nomēque Trinitatis prioribus sæculis obvelatum, absque totius velaminis obumbratione relucet. *Domine, quis est iste, quia innotuisti ei?* Nonus est, testimoniū sapientię. Cū audisset Ioannes in vinculis opera Christi, misit ad eum discipulos suos, & responsum est eis, *Ceci vident*, &c. quæ veritatis Euangelicæ prosequitur copiosa narratio. Recedentibus autem nuntijs, ne fortè in eorū præsentia adulationem redolere videretur, cœpit ad turbas dicere de Ioanne. *Quid existis in deserto videre? Arundinem vento agitatam?* O mira testificatio Redemptoris: quis ingressus est mundum, & eum vel in aliquo non cognouit? Quis est, quem vel aduersitas turbida, vel cuiuslibet peccati aura tenuior non inflexit? Ad extremum subinfertur, quod terrā excedit, transcendit cælum, & ipsum verticem Angelicę

dignitatis attingit. *Inter natos, inquit, mulierum, non surrexit maior Ioanne Baptista*. Quid vis amplius? De nullo alio dici potuit, ait Augustinus, *quod dictum est de Ioanne*. Non opponas mihi Euangelistam inter ceteros Apostolos magis dilectum; non Apostolorum Principem omnibus Apostolis antelatum, non vas electionis ad cœli tertij secreta translatum; nec Apostolicus splendor audeat occurrere præcursori; quia iam omnes isti adolescentiæ metas excesserant, cū à veritate prolatum fuit. *Inter natos mulierum non surrexit maior Ioanne Baptista*. Considera mansiones regni, vniuersum ordinem humanæ generationis obambula: solūque Ioannem, tam nouis, quā veteribus, videbis esse præpositum. Decimus, est assertio matris Ecclesiæ. Textitur ora chlamydi, vnguentūque profusum in capite, extremam quoque vestimenti simbriā inundanter infundit. Illa enim mater, & omniū Ecclesiarum magistra, Ecclesia scilicet Romana, cui dictum est, *Ego pro te rogavi, vt non desiciat fides tua*, in honore Ioannis Baptistæ, post Salvatoris nomen fundata est. Dignum namque erat, vt sententiam sponsi, sponsæ sequeretur authoritas, & singularem amicum ejus, illuc prouheret, vbi principatum ipsa conscendit. Electio proculdubio singularis, in illa ipsa vrbe Ioannem primatum Ecclesiæ vindicare, quā duo cœli luminaria, morte clarissima consecraverunt: Crucifigitur Petrus; Paulus gladiatur: & dignitas remanet præcursori. Purpuratur Roma sanguine Martyrum; totaque sublimitas beato refunditur Patriarchæ. Ioannes vbique majori, in omnibus singularis, mirabilis super omnes. Quis sic gloriose annuntiatus est? Quis ita specialiter in matris vtero Spiritu sancto legitur fuisse repletus? Quem legisti infra matris vterū exulasse: cuius natiuitatem vidisti celebrare Ecclesiam Dei? Quis sic puer eremum concupiuit; quis ita sublimiter legitur conuersatus? Quis penitentiam & regnum cœlorum primus ostendit; quis baptizauit regem gloriæ? Cui se primum Trinitas reuelauit; cui tale testimoniū perhibuit Deus; quem sic honorauit Ecclesia? Vide, si non hæc omnia ita singulariter sunt huic singularia; vt nullus mortalium prædictis dignitatibus audeat inhiare. Forsitan mihi disponis opponere; quia sic ista habet propria, vt cetera sanctorū communia non attingat. Audi ergo. Ioannes Patriarcha, imò Patriarcharum finis & caput. Ioannes Propheta, imò plusquā Propheta, quem venientem nuntiat, digito demonstrat. Ioannes Angelus, sed & inter Angelos electus, Salvatore testante, qui ait, *Ecce mitto Angelum meum, qui preparabit viam ante faciem tuam*. Ioannes Apostolus, sed & Apostolorum primus; quia *fuit homo missus à Deo*. Ioannes Euangelista, sed Euangelij primus incisor, *Prædicans Euangelium regni Dei*. Ioannes virgo, imò virginitatis insigne, pudicitie titulus, castitatis exemplum. Ioannes Martyr, sed & Martyrum lumen; inter natiuitatem mortemque Christi constantissimi forma Martyrij. Prætereo, quia *vox clamantis in deserto*, quia præco Verbi; quod Iudicis præcursor. Illud quoque relinquo, quia *vsque ad Ioannem lex & Prophetia*, quia *Ioannes ipse est Elias*; quod lucerna sit ardens & lucens; quod amicus sponsi, sponsæ præparator. Silentio transeo, quod sic novè ordinibus insertus est, vt & ad Seraphim apicē

Matt. 11.

Prima Ecclesia urbis Roma Sancto Ioanni sacra. Luc. 22.

Ioannes multa præ alijs sanctis habet.

Malac. 3. Matth. 11. In omnibus sanctorum ordinibus locum habet Ioannes. Matth. 4.

Ioann. 1.

Luc. 16. Matth. 11.

transferatur. Verum, hoc laboriosi operis est, & paupertas nostri sensus non sufficit. Sufficiat hæc ad præsens, quæ dicta sunt de laude Ioannis, ad gloriam Redemptoris; qui est benedictus in sæcula. Amen.

SERMO In Natali Apostolorum Petri & Pauli:

Apocal. 11. Super verbis illis, Ipsi sunt duæ Oliuæ, &c.

Petri & Pauli encomium.

Rom. 11.

Eccle. 9.

Ecclesia. Cur Ecclesia profecti, qui lapsi fuerant.

Apocal. 11.

Oliua semper viridis est.

Psal. 144.

Hodierna dies, dilectissimi, clara est & solemnis; vniuersamque creaturam suo lumine sanctificat & infundit. Non enim est ignota festiuitas, vel alicujus obscuritatis tenebris obfuscata; sed ab ortu solis vsque ad occasum, toti cognita mundo: ipsis etiam cælis clara luce resurgens. Duo enim principes Apostolorum, Ecclesie luminaria, Martyres summi, legis Doctores; amici sponsi, oculi sponsæ, pastores gregis, mundi custodes, hodierna die felici Martyrio cælestia regna conscenderunt. Alter Princeps regni cælorum, alter raptus ad tertium cælum. Alter Iudæis Prælatum, alter Gentibus datus: in vita socij, in morte consortes: pares in corona, æquales in gloria: Iudices Orbis, Domini confessores. Admiranda prorsus dispositio Redemptoris, & Iudicia Dei abyssus multa, cum illos Ecclesie suæ præfecit, qui sic criminaliter lapsi sunt, vt in peccatorum fluctus absorberentur. Cum intueor Petrum, quem ipsa manus omnipotens regni cælestis clauibus inuestiuit; cui patet reuelat filij maiestatem; super quem fundatur Ecclesia; cui potestas ligandi & solvendi cōceditur; qui cælos claudit & aperit; quod Cherubim & Seraphim habere non legitur, vehementer admiror. Rursus cum reflecto oculos, & eundem Petrum video sequi à longè Salvatorem, & ad vnius ancillulæ vocem, detestari & jurare, quia non nouit hominem: ipsumque, quem Dei filium confessus fuerat, trepida fugitatione relinquere, timore concutior, dicens mecum; *Quis cognauit sensum Domini?* Cum respicio Paulum spirare minas & cedes in discipulos Domini, victos ducere, damnare morti, & in corpus Ecclesie tota debacchatione scuire; infra memetipsum contremo dicens: *Nescit homo, utrum amore, an odio dignus sit.* Cum respiro desuper, & video vas electionis portare nomen Christi coram Gentibus & Regibus & filiis Israël, ad tertij cæli secreta rapari, & audire atcana verba, quæ non licet homini loqui, & in illam ipsam Trinitatem oculos figere clariores, gaudeo dicens. *Hic est vir, qui non est derelictus à Domino.* Quid est, quod sic labuntur, qui præficiuntur Ecclesie? Sapientia suauiter disponens omnia, hoc ideo fecit: vt in seipsum prædicti Principes discerent, qualiter alijs misereri debuissent. Hujus virtutem misericordie; præsens capitulum demonstrare conatur. *Ipsi sunt,* inquit, *duæ oliuæ.* Digna prorsus cōparatio oliuæ ad Apostolos, nec alia dignior est inventa. Arbor enim ista semper viridis est, & illum excellentissimum olei liquorem effundit, sine quo nec regia, nec sacerdotalis constat authoritas. Oleum autem quatuor habet; supernat omnibus liquoribus, illuminat, pascit, & vngit. Cuicūque enim liquori oleum superponas, statim sibi superioris loci vendicat potestatem. Ita & misericordia Dei omnibus operibus ejus superfertur, Psalmi ista attestante, qui ait. *Miserationes ejus super omnia opera ejus. Mi-*

serator & misericors, patiens, mitis corde, & suavis vniuersis, Dominus prædicatur. Iustus autem est, sed nunquam multum iustus legitur in Scriptura, sicut multum misericors. Vis videre, quomodo Discipuli sequuntur Dominum & magistrum suum? Aspice, quantus pietatis affectus Apostolorum Principi se infudit; quando circumsteterunt illum: omnes *vidua fletum & ostendentes tunicas & vestes quas faciebat illis Dorcas.* Circumdatur multitudinem pauperum Princeps Apostolorum, & lacrymosis vocibus concutitur viduarum, Apostolicumque pectus irrumpit multitudo clementie. Orat Apostolus ante vultum gloriæ, coram Domino majestatis, resuscitatur mulier, & nris redditur misericordie propinatrix. Hæc misericordia facit Petrum ab Ierusalem in Antiochiam currere, ab Antiochia Romam venire, prædicare Verbum Dei, subvenire peccatoribus, peccatis parcere, misericordiam superexaltare iudicio. Aspice & Paulum, & intellige, quàm dulcoris misericordie cumulat benignitas, totam Apostoli mentem vera compassione succenderat. *Quis infirmatur,* inquit, *& ego non infirmor?* Doleo inquit; & *lægeo super eos qui peccauerunt, & non operantur penitentiam.* Beata anima, quæ omnium miseriae suas fecerat: vt omnes lucrificeret. Hoc affectu nauigat mare, currit in Ierusalem, lapidatur, verberatur, affligitur. Inde currit ad Ephesios, Corinthios quærit, circuit Colossenses, Philippenses visitat, reuertitur ad Romanos; misericordiam spargit, vbique diffundit pietatem: & cælestium seminat semina gaudiorum. Cernis ergo, quia sicut oleum omnibus liquoribus antecellit, sic & Apostolica pietas omnibus eorum virtutibus antefertur. Oleum illuminat, illuminant & Apostoli. Recole actus Apostolorum, & vide, quantæ luce fulgurat Apostolus Petrus. *In plateis,* ait Scriptura, *ponebantur infirmi in lectulis, vt veniente Petro, saltem umbræ illius obumbraret quemquam illorum, & liberarentur ab infirmitatibus suis.* O lumen infinitum, lumen admirabile, lumen omni sole lucidius, ad umbram Apostolici corporis languores fugere, discedere infirmitates, omnemque morborum instantiam inaudita velocitate fugari. An non copiosa luminis immensitas ab ore Petri largius exiliuit, cum ait claudio: *In nomine Iesu Christi Nazareni surge & ambula?* Respice Paulum totam Illyricum peragrantem, suscitantem mortuos, subvertentem templa Deorum, & in splendore lucis hujus totius orbis illuminare circuitum. Currit Paulus; & potenti virtute sermonum illuminat quæ in tenebris sunt; clarus sermone, opere clarior, miraculorum fulgore clarissimus. *Habete,* inquit, *formam nostram; & attendite non solum quæ audistis, sed & quæ vidistis in me.* Bonus magister & perfectus, qui fidem facit verbis opere meliori. In hujus lucis clarissima serenitate illuxerunt coruscationes Dei orbi terræ; commota est & commouit terra, ad vocem Apostolorum, cum in omnem terram exiuit sonus eorum. Oleum pascit, pascunt & Apostoli. Epistolæ Apostolorum, & sublimis illa sermonum doctrina, numquid non mirabiliter pascit Ecclesiam Dei? De hac passione Salvator, ait ad Petrum. *Pasce,* ait tertio, *ovem meam.* Pasce verbo, pasce exemplo, pasce oratione. Pasce verbo, vt potens sis exhortari in doctrina sana, & eos qui contradicunt arguere.

Act. 9.

Misericordia Apostolorum.

2. Cor. 11.

Ibid. c. 12.

Olei proprietates Apostolis adaptantur.

Act. 5.

Ibid. c. 3.

Philip. 3. & 4.

Ioan. 21.

Triplex pascat Petrus oves.

Pasce exemplo, ut quod voce personas, opere compleas. Pasce oratione: ut pro illis intercedas, quorum tibi cura commissa est. Vide etiam, quomodo Paulus pascit Dei populum diuersorum varietate ferculorum. *Lac*, inquit, *potum dedi vobis, non escam. Perfectionum verò solidum cibum est, aerum qui exercitatione consummatos habent sanum.* Et alibi. *Facti estis quibus lacte opus sit non solide cibo.* Et iterum. *Sapientiam loquimur inter perfectos.* Vides, quomodo se contemperat & conformat, illos sublimi, hos tenera imbuens doctrina. Vngit oleum, vngunt & Apostoli. An non Petrus vngit omnes, cum dicit: *Vos autem genus electum, regale sacerdotium; gens sancta, populus acquisitionis, ut virtutem annuntietis opus, qui de tenebris vos vocavit in admirabile lumen suum?* Paulus etiam nonne precipit dicens: *Si praecipuus fuerit homo in aliquo delicto; vos qui spirituales estis, instruite huiusmodi in spiritu lenitatis?* Oliua semper est viridis, nec frigoris immensitate percutitur; ita & Apostolorum fides inconcussa perdurat, nec umquam tyrannica rabie potuit superari. Et si impulsus est Petrus, ut caderet, non tamen cecidit, quia Dominus suscepit eum. Stupefactus tamen ad momentum haesit Apostolus, sed statim in virtutem fidei rediit, quia respiciente Domino fleuit amare. Et si ad tempus concussus est, non tamen dejici potuit, quia sententia veritatis cassari non poterat, dicens. *Ego autem rogam pro te, ut non deficiat fides tua.* Hodierna die crucifigitur Petrus, gladiatur Paulus, & vitam ponunt pro fide Christi, ut non deficiat fides Christi. Isti ergo sunt duae oliuae, viri habentes fidem, illuminantes patriam, pascentes Ecclesiam, peccatores vngentes. Et quod scriptura hic dicit: *Isti sunt duae oliuae*, alibi planius aperit dicens. *Hi sunt viri misericordiae.* Sequitur, *& duo candelabra lucemia ante Dominum.* Candelabrum tribus innititur pedibus, & in altiora se erigens, cereum superportat; ut qui ingrediuntur, lumē videant. Ita Apostoli tribus virtutibus innitentes, operatione, praedicatione, miraculorum coruscatione, lumen verum Dominum Iesum Christum ingredientibus ad fidem tota claritate monstrarunt. Et notandum, quod ante Dominum: hypocritae etenim lucent, non ante Dominum, sed ante mundum, ut videantur ab hominibus. Apostoli verò luxerunt ante Dominum, non ante mundum: quia ludibria & verbera experti, solummodo placere Deo studuerunt. Quod ipsi duae oliuae sint, & duo candelabra lucemia ante Dominum, Zacharias Propheta innuit manifeste dicens. *Isti sunt duo filij olei splendoris, qui assistunt dominatori uniuersae terrae.* Sunt etenim filij olei, qui viri sunt misericordiae. Sequitur. *Habent potestatem claudere caelum nubibus.* Serenitas caeli nubibus impeditur, ne videatur: ita & deitatis contemplatio peccatis nostris clauditur, ne videatur Deus, Propheta testante, qui dicit. *Opposui nubem, ne transeat oratio.* Nubes opponitur, ne oratio transeat; cum peccata nostra separant inter nos & Deum. Habent potestatem claudere caelum nubibus, id est peccatoribus, & portas ejus fidelibus aperire. Mira res, & omni stupore dignissima; ad hominum linguam claudi & aperiri caelum, & caelestis palatia mansionis.

1. Corin. 3.
Hebr. 14.
& 5.

1. Cor. 2.

1. Petri 2.

Galat. 6.

Luc. 22.

Petrus crucifigitur, Paulus gladio occisus.

Eccli. 44.

Apocal. 11.

Qui luceat ante mundum, qui ante Deum.

Zachar. 4.

Thren. 3.

SERMO In Natali Sancti Benedicti.
De verbis. Dixit Simon Petrus ad Iesum, &c.

DIXIT Simon Petrus ad Iesum; ecce nos reliquimus omnia. In hujus Patri nostri praecipua solemnitate, totis esset viribus inclamandum: nisi nobilis lingua Gregorij, totum ejus itinerarium sermone magnifico collegisset. Ita enim ejus actus & vitam vernantis eloquij claritate depinxit, ut & stylus sententiarum maiestate scintillet, & sententiae stylo reluceant clariori. Ex abundanti igitur est, post tanti viri vocem aliquid addere; in cujus comparatione, nos non solum ineloquentes, sed & mures esse, non ignoramus. Hoc solum dixisse sufficiat, quia solus iste militarem manum excelsio principi ceteris abundantius presentabit; & monachorum turmis, Angelorum more videntibus, caelorum adimplebit palatia. Quam resurgens & splendidus miles astitit Imperatorio tribunali, plenus infinitis virtutibus, agminibus innumeris comitatus, Consiliarius Regis, Iudicis amicus, vnicus hostis hostis antiqui. De eo plane cum sequentibus, dixit Simon Petrus ad Iesum; ecce nos reliquimus omnia. Amica prorsus confabulatio Simonis ad Iesum, & sermo omni oratorio flore venustior: digna quoque Simon, qui cum Salvatore proloquatur, Simon namque obediens, Iesus Salvator. Loquitur ergo obedientia cum salute; quia solis obedientibus salus aeterna hereditario jure debetur. Si tamen ibi sit Petrus, id est si obedientia non vacillet, sed fundata sit supra firmam petram. Et quid ait? *Ece nos reliquimus omnia, & secuti sumus te.* Solemne verbum, magna promissio, opus sanctum, dignum benedictione: relinquere omnia, & sequi Christum. Haec sunt verba voluntariae persequatoria paupertatis, quae monasteria genuerunt: quae claustra monachis, anachoretis silvas copiosius replerunt. Haec sunt enim de quibus Psallit Ecclesia. *Propter verba laborum tuorum ego custodivi vias tuas, perceptura requiem pro labore, pro paupertate diuitias, pro tribulatione mercedem.* Magnum reuera est relinquere omnia, sed majus Christum sequi: cum multos omnia reliquisse, nec Christum secutos fuisse legamus. Hoc opus, hic labor est, hic salutis humanae summa consistit. Nec Christum possumus sequi, nisi omnia relinquamus: quia exultat ut gigas ad currendam viam, & oneratus est sequi non potest. *Nemo enim sarcinis oneratus, alit ille disciplinae saecularis orator, quem linguae nobilitas, & profunditas sensus paupertatis amicum constituit.* Merito relinquit omnia, qui sequitur Christum, qui est super omnia: quoniam sufficientia nostra ex eo est, & erit Deus omnia in omnibus. *Ece, inquit, nos reliquimus omnia.* Non solum facultates mundi, sed & animi quoque cupiditates. Neque enim reliquit omnia, qui retinuit vel seipsum: imò verò nil prodest, sine seipso cetera omnia reliquisse: quandoquidem nullum aliud onus est, homini grauius, quam ipse homo. Quis enim Tyrannus crudelior, quae sauior potestas homini, quam hominis ipsius voluntas? Numquid sub ea requiescere, numquam sedere licet: & quod amplius te sibi ad obediendum nouerit fatigari, eo magis urget, instigat & onerat: pietatis immemor, misericordiam nesciens. Hoc enim proprium, pro-

Matt. 19.

Greg. li. 4.
Dialog.

Matt. 19.

Verba, quae
Monasteria
fundauerunt.

Psal. 16.

Matt. 19.

Quis ad te
linguat omnia.

Sola voluntas propria diligitur, qua sola digna est odio.

Matt. 19

pria voluntas habet, ut quod obediens obedientior sibi fuerit, eo amplius eum crudelioribus vinculis internectat. Sola diligitur, cum sola digna sit odio, principium iniquitatis, mortis infusio, destructio magna virtutum. Venite ergo, qui laboratis & onerati estis, ad onerum leuatorem, & ei voce & opere respondete. *Eccce nos reliquimus omnia, & secuti sumus te.* Attende, quia olim priusquam fieret Verbum caro: & habitaret in nobis, sequebantur patres antiqui temporis Deum, soli spiritui solo spiritu adherentes. Nunc vero sequendus est etiam corpore: adeo ut cum praedicti Patres terrenis legantur abundasse diuitijs, de cetero nisi quis renuntiauerit omnibus quae possidet, non possit esse ejus discipulus: qui cum diues esset, pro nobis factus est pauper. Relinquendae igitur sunt possessiones, & propriae voluntates: si volumus eum sequi, qui non habuit ubi caput suum reclinaret: & qui non venit facere suam voluntatem, sed ejus, qui misit illum. Sequitur. *Quid ergo erit nobis?* Iam omnia reliquit Petrus, jam non solum sequitur, sed & diu securus est, & nunc primum interrogat, quidnam sit accepturus. Quid est Petre? Nonne obedientiam promissisti in auris auditione, non in pacti conuentione? Sed audite jam, quid loquitur Dominus Deus: attendite spem in qua mundo fluctuante sperare debemus. *Amen dico vobis, quod vos qui reliquistis omnia, & secuti estis me, in regeneratione cum sederit filius hominis in sua maiestate; sedebitis super sedes duodecim, iudicantes duodecim tribus Israel.* Infinita propterea dulcedo miserationum Dei circa pauperes suos. Nec illos relinquit in morte, pro quibus seipsum morti exposuit, & tormentis. *Vos, inquit, qui secuti estis me, in regeneratione cum sederit filius hominis &c.* Quid est hoc aliud dicere, nisi, consequimini quae sequimini: si tamen persequimini, sicut scriptum est. *Inquire pacem, & persequere eam.* Sic ergo currite, ut comprehendatis: nec prius residere velitis, quam sedentem apprehendatis, & mereamini consedere. Exultauit enim ut gigas, ad currendam viam, toto utique tempore quo in terris visus est, & cum hominibus conuersatus est: nec resedit, donec ad eum perueniret, quem ipse constituit laboris sui finem, *Tristis est, inquit, anima mea usque ad mortem.* Ergo, cum sederit filius hominis in sede maiestatis; & qui prius stetit in ignominioso supplicio crucis, interrogatus contumelijs pariter & tormento: *Sedebitis & vos iudicantes,* a quibus nunc iudicium incipit: qui minimè datis requiem vobis ipsis: sicut & ille non iudicare, sed iudicari, nec ministrari, sed ministrare venit. Illic verè sedebunt sedes in iudicio. Filius enim Dei, salva tamen indiuisibili naturarum vnitate, secundum quod Deus est, sedet à dextris Dei: secundum quod homo, assistit nunc vultui Dei pro nobis: nec erit ei sessio triumphalis, donec sit Deus omnia in omnibus: id est, corpus capiti tanta pace jungatur, ut simus ei similes, etiam non pares. Adhuc enim negatur à Iudaeis, à Gentibus subannatur, laceratur ab Haereticis, à falsis Christianis grauius impugnatur: & tu eum putas residere quietum, nec attendere superborum oculos, malignantium impetus, repugnantium voluntates? Sed in regeneratione sedebit cum sedentibus, cum nos in sincerum nitorem in utraque substantia repurgabimur: & ipse deu-

ctis inimicis, cum amicis intrabit in gloriam, Angelos hominibus vnitate sempiterna conueniens, & damna beatæ resarciens ciuitatis. Hoc autem totum erit in regeneratione. Beata ista regeneratio, quæ terram renouabit & cælum, terrigenas cælicolis fœderabit, & perpetuæ pacis fontem indefessa profluxione refundet. Notandum autem, quod vna est generatio, & duæ regenerationes. Et in generatione quidem, quam ex radice vitiata contrahimus, corpus mortalitate, anima autem iniquitate repletur. In regeneratione verò baptismatis, ubi nos oportet nasci denuo, animæ purgatur iniquitas, sed corporis mortalitas non aufertur. Necessaria est ergo alia regeneratio, seu resurrectio, in qua reparentur etiam corpora, configurata corpori claritatis Christi: si tamen corda prius fuerint reformata ad mansuetudinem & humilitatem ipsius Christi. Vnde & beatus qui habet partem in resurrectione prima: quia particeps erit & secundæ. In hac ergo, *regeneratione, cum sederit filius hominis, &c.* Hoc est, quod alio in loco scriptura loquens, *Pro confusione, inquit, sua duplici & rubore, laudabunt partem eorum.* Duo enim habet paupertas sequentium Dominum, afflictionem scilicet & vilitatem. Vnde Propheta. *Vide, inquit, humilitatem meam, & laborem meum.* Propterea igitur in terra sua duplicia possidebunt, ut pro vilitate sit honor iudiciariæ potestatis: pro afflictione refrigerijs placidissimæ sessionis. Quando igitur sedebimus: quorum modo nec corpus nec anima sedet, in quibus sedatum nihil, nihil quietum, nihil in eodem statu permanet? Quando liberabimur ab inquietudine mobilitatis huius? Corpus enim nostrum sedere non permittitur: cum illud impediatur, & præsentis sensus doloris, & futuræ mortis anxietas: quoniam passibile est, & mortale. Sed & spiritus ipse nullam habet requiem, ob expectationem spei, & timoris sollicitudinem. Erit autem, cum anima requiescet in spe singulariter constituta: libera quidem à sollicitudine, sed non ab expectatione. Fiet autem hoc post mortem carnis, sed ante diem Iudicii. In die autem illa, cum sederit filius hominis, perfectè & ex omni parte sedebimus: quia nec corpus doloris sensu turbabitur, nec anxietur timore mortis, impassibilitatis & immortalitatis glorificatum duplici stola: liberique erimus, quod ad animam pertinet, ab expectatione & sollicitudine vniuersa, nihil minus habentes, nil deinceps periculi metuentes, in perfectissima securitate, & secura perfectione. *Sedebitis, ait Dominus, ait veritas.* Solemnis sessio, grata quies, plena sufficientia. Filij hominum usquequo graui corde, ut quid diligitis vanitatem & queritis mendacium? Gloriam enim quæ ab invicem est, queritis, vanam utique & mendacem; quoniam vani filij hominum, & gloriam quæ à solo Deo est, non vultis, gloriam sine dubio manentem & veram. Miseri & miserabiles, qui pro breui voluptate torrentem perditis voluntatis, & divinam vobis interrumpitis misericordiam, ut numquam satiemi ab vberibus consolationis ejus. Sed ne magnæ promissionis dulcedinem longa nimis expectatio contorqueret, mentis nostræ mobilitatem sermone temperat dulciori. Novit enim ipse figmentum nostrum, quoniam dilationis moras pusillanimitas nostra non sustinet, ideoque benignitate

Vnicageneratio est, dua regenerationes.

Isai. 61.

Ibidem.

Psal. 33.

Matt. 26.

Christus ut Deus, sedet à dextris Patris.

Quando perfectè sessi sunt similes.

Psal. 4.

Pro breui voluptate torrens perditur voluntatis.

Matt. 19.

sua, huic quoque obuiat cogitationi, & occurrit etiam ex hac parte. *Et omnis, qui reliquerit domum, aut patrem, aut matrem, aut filios, aut uxorem, aut agros, propter nomen meum, &c.* Obstructum est os loquentium iniqua: jamque confundantur omnes iniqua agentes supervacue. Habemus enim promissionem vite hujus, quæ nunc est, pariter & future. Manifestum quid est, presentis temporis esse centupli promissionem, ex eo nimirum quod sequitur, *& vitam æternam possidebit.* Sed ne quis omnino obstinatis dissimulandi locus remaneat, vado ad Evangelium, secundum Marcum, ubi aperte declaratur, temporis hujus esse centupli promissionem. Ait enim Dominus: *Nemo est, qui reliquerit patrem aut matrem, aut filios, aut agros, propter me, & propter Evangelium: qui non accipiat centies tantum nunc in hoc tempore, domos, & fratres, &c.* quæ sequuntur. Et ut magis miremini, nec promissionem hanc, licet hujus sit temporis, exhiberi de temporalibus æstimeris, additum est, cum persecutionibus. Quid enim in persecutione positi terrene substantiæ Sancti Martyres acceperunt, quando & ipsa quoque terra beatorum corporum data est in manus impiorum? Quod ergo dicit, *centies, tantum domos, aut fratres, &c.* minimè secundum carnem intelligi posse, vel ex eo manifestum est, quod centum matres nemo accepit. Iam verò si pro communicatione possessionum, & animorum affectione, quæ inter electos est, promissionem hanc volumus intelligere; aliquibus quidem, sed non omnibus, poterit convenire. Nonnullos enim Sanctorum terrena hac & humana consolatione novimus caruisse. In corde ergo, & in homine interiori, centuplum istud quæras, necesse est: ut habeas nunc quidem fructum tuum in sanctificationem, finem verò vitam æternam. Qui ergo nondum centuplum acceperunt, scrutentur corda sua, & universa viarum suarum studia diligenter examinet: nec dubium, quin inveniant angulum & diversorium, quod Salvator non novit; sed vulpes foveas habent, & volucres cæli nidos. Magis autem perfectius relinquunt omnia, non quærant quæ sua sunt: nihil sibi retineant: nihil alijs. Sunt enim plerique, licet propriam exaltationem voluptatèmq; satis despiciant, propinquis tamen suis quodammodo retinent, quod debuerant reliquisse: incongrua sollicitudine & religioni contraria pro eis laborantes. Quanti monachorum, dum parentibus suis plus justo consulunt, suas animas perdiderunt. Ergo relinquunt omnia, solum sequantur Christum, soli Christo placere studeant, haud dubium, quin illico experiantur, quod relinquentibus omnia, & sequentibus se, veritas pollicetur. *Centuplum accipiet, & vitam æternam possidebit.* Illud enim in via accipitur ad solatium, illa verò ad beatitudinem in patria possidebitur in æternum. Sed quid est centuplum istud, nisi consolationes visitationesque, & primitiæ spiritus, qui super mel dulcis est; nisi testimonium conscientie; nisi læta & jucunda justorum expectatio: nisi memoria abundantis suavitatis Dei? Et magna multitudo dulcedinis ejus, quam nec expertis necesse est dicere: nec inexpertis ullis verbis exprimere quisquam potest. Non pater aut mater, non domus aut ager; non cibis vel vestis, non terrenum aliquid: super hæc omnia dulcius atque jucundius. Cui

sic specialiter totus Evangelicæ lectionis excursus assignari potest: quemadmodum patri nostro beato Benedicto? Hic à pueritia mundum cum flore reliquit, & currentem Christum cursu rapidissimo secutus est; nec destitit, donec consequeretur. Quis inter judicantes sublimius judicabit, quis ita centuplum in hac vita percepit: quis vitam æternam gloriosius possidebit? Eius igitur intercessione, suæ gratiæ largitatem ad presentis vite consolationem, & æternæ possessionem, nobis administrare dignetur, qui venit, ut vitam habeamus, & ut abundantius habeamus: Iesus Christus Dominus noster, qui est benedictus in sæcula. Amen.

Centuplum
recepit S.
Benedictus.

Centuplum
in hac vita
reddendum
à Christo.

Marc. 10.

Cur aliqui non recipiunt centuplum.

SERMO In Feste Sanctæ Mariæ Magdalene:
De tribus vnguentis.

HONORIS misericordia & veritas obviaverit sibi: & multitudo miserationum Domini in peccatricem feminam refusa est. Filius enim Virginis, peccatricis & menstruatae manibus atrectatur; Deumque & Dei filium mulier infrupta contingit. Tangit pedes mundi, atque mundantis, immunda: & vestigijs creatoris mulier criminosa procumbit. Transiit in affectu cordis prævaricatrix, & redit ad cor: & scelus magnitudinem lacrymarum multitudo condemnat. Dissimulat pietas tangentis officium, & obsequiorum instantiam remuneratorius ille majestatis oculus, felici dedignatione non aspicit. Osculari Maria pedes Christi frequentibus osculis: & inundantibus oculis vestigia Redemptoris infundit, tergit crinibus, odoriferis illinit & irrorat vnguentis. Videt & invidet singularitatis amator, & utrumque redarguit: illi ignorantie, præsumptionis illam. Sed deliberans providentia suspendit judicium, dum affectat obsequium: & investivam retinet præparatam, donec Mariæ sacrificium transeat in holocaustum. Gaudent Angeli super peccatrice poenitentiam agente; & odoris fragrantia celestis ille conventus aspergitur; salvantemque & salvandam tota misericordie dulcedo procingit. Vbi abundavit delictum, superabundavit gratia: & numerositatem criminum præponderans pietas intercludit. Quam magna multitudo dulcedinis tuæ, Domine, in peccatrice confessione: quam justa reprehensio in Pharisei superbia & abusione. Enumeratur obsequentis obsequium, & per obliquum tangitur indignitatis iniquitas; tota literali coherentia Simonis invidiam impugnante. Et quia ubi spiritus Domini, ibi libertas: dimittuntur illi peccata, quæ multum diligit: & immittuntur ei, qui multum negligit. Non erat satiatus ab vberibus sponsæ, nec induerat compassionis affectum: legem relegens, quæ misericordiam nescit: novit justitiam. Lex dura, duris & lapideis promulgata: lex excludens poenitentiae locum, veniam negans, emendationis ignara: parata percutere, nescia misereri. Lex vinum durum & acidum, de botris amarissimis eliquatum, consecratum feritati, derivatum Israël, Salvatori propinatum. Vinum, de quo dentes bibentium obtupestis non de genimine vitis illius, quod Salvator bibit novum in regno Patris sui. Verè meliora sunt vbera tua vino isto. Quænam sunt illa? Procedat in medium Paulus Apostolus, & vbera felici lacte manantia nobis assignet. Gaudere,

Luc. 7.

Obsequium
peccatricis
femina.

Lex dura
duris data.

Quid sit
Evangelicæ
centuplum.

Rom. 12.

inquit, cum gaudentibus, flere cum flentibus. O quam brevi sermone totius religionis depinxit insigne. Quam eleganti clausula proposuit pietatem, æquiditatem statuit, submovit invidiam. His vberibus mater Ecclesia lactat proficiētes: perfectos nutrit. *Gaudere*, inquit, cum gaudentibus. Faceſſat hinc ſæcularis plauſus infānia, & lætitia mundialis abſcedat: quia *non eſt gaudere*

Isai. 48.
& 57.

Non eſt vtrum gaudium in mundo.

impis, dicit Dominus. Numquid illorū os gaudio repleti æſtimas, qui lætantur cum malefecerint, & exultant in rebus peſſimis? Sed nec illi, qui laudibus adulatorijs rapiuntur, divinæ jubilationis agnovere lætitiā. Numquid qui veſtiuntur purpura & byſſo, & epulantur quotidie ſplendide: gaudium & lætitiā obtinebunt? Abſit, ut in terrā ſuaviter viventiu, gaudiorum inveniatur materia; cum tantis alternationibus tota mundi facies immutetur, ut elevans allidatur, & reſpiret alliuſus. Sed eſt gaudium continua ſui jucunditate firmiſſimum, quod perfectus animus de ſecreta ſibi conſcientia pollicetur. Mens enim à mundi hujus aſpergine, purè preſſæque deterſa, & in divinæ contemplationis acumen totum deſiderij ſui figens affectum, gaudens gaudet in Domino, & exultat anima ſua in Deo ſuo. Talis anima minas aſpernatur, neſcit timorem, ſpem falſam eludit: & omnium ſcandalorum immunis, in pace in idipſum dormiens requieſcit. *Pax multa diligentiſ*

Pſalm. 118.

Tyranni Martyres coronant.

gentibus legem tuam, ait juſtus, & non eſt illis ſcandalum. Noverat enim, quia liſtores non perſequitur Martyres, ſed coronant. Cum hujusmodi gaudentibus gaudet Apoſtolus, & ut abundantius gaudeant, tota ſecuritate promittit. Hoc gaudium certum & plenum eſt; tantoque certius eſt, quanto vitinius circa identitatem imprimitur. Hæc eſt mammilla gratulationis, de qua lac exhortationis elicitur, quo perfecti nutriuntur; ut cum avulſi fuerint à lacte iſto, epulentur ab introitu gloriæ Dei. Secunda eſt, flere cum flentibus. Numquid Apoſtolus præcepit, flere rerum amiſſionem, intermiſſionem voluptatum, filiorum mortes, morborum inſtantiā, gravitatem inopiæ, preſſuram fortioris? Abſit. Plorandi enim ſunt, qui ſic plorant. Religioſa triſtitia aut alienum luet peccatum, aut proprium. Beati quorum luctus in hac intentione verſatur, quia conſolatoriā habituri ſunt dulcedinem. Quam leni & dulciſſimo ſpiritu imbibitus eſt ſpiritus illius, qui novit in ſpiritu lenitatis peccantes inſtruere, ſuſpendere vindictā, & affectuoſis officijs inuiſcerare ſibi peccatorem, donec vitæ reddatur. De hac compaſſionis mammilla, lac conſolationis exprimitur: & hoc lacte pascit Apoſtolus illos, qui ſolido cibo veſci non poſſunt. Amator innocentie, pacis amicus, patientibus compatiens, & congaudens gaudentibus, perfectionis metam curſu conſummato contingit. Hæc ſunt vbera lacteis irrorata liquoribus, meliora vino, lege dulciora miſericordiam ſonantia, redolentia pietatem. *Fragrantia*, inquit, *unguentis optimis.* Digna proſus vbera, de quibus eliquatur unguentorum infinitas, odorata diſfluxione civitatem Dei viventis circumquaq; reſpergens. Hæc ſunt unguenta, quæ Regina Saba attulit in Ieruſalem; de quibus ſcribitur.

Cant. 1.

3. Reg. 10.

Non ſunt allata ultra aromata tam multa, quam ea, quæ dedit Regina Saba Salomoni. Quam excellenter appoſuit, *optima*, Spiritus ille ſubtilis,

qui totam ſibi libri hujus rapit poſitionem. Eſt enim unguentum bonum, quod Maria pedibus Salvatoris infudit. Eſt & melius, quod eadem, ſi tamen eadem, ſupet caput recumbentis effudit. Eſt & optimum, quod & ipſa præparavit toti corpori Chriſti. Primum unguentum contritionis eſt, de recordatione peccatorum, de ſpiritu contrito & contribulato deſcendens. Hoc infunduntur pedes ejus, qui ambulat ſuper pennas ventorum. Hic adorat Maria, in loco ubi ſtererunt pedes ejus. Stererunt inquam: quia validiſſima amoris manu pedem vtrumq; retinuit: donec vtrumque perungeret, & audiret criminū remiſſionem, diſmiſſionem in pace. Magnam miſeriam magna miſericordia diluit & abſtergit. Et hoc quidem ſeſtinanter; quia ſine vilo intervallo conjunguntur lacrymæ peccatricis, & indulgentia Salvatoris. Remittuntur peccata, & in pace dimittitur; ut & de præterito non ſit ſolicita, & de futuro ſecura. Pedes iſti ſunt miſericordia & judicium; quorum alterum ſine altero oſculari, vel temeraria ſecuritas eſt, vel deſperatio fugienda. Quis enim Dei miſericordiam indefinenter attendens, non ſtatim repidiſſis vitæ quietem exoptet? Cum enim cogitat, univerſorum Dominum formam ſervi pro ſervis ſuſcipere: triginta & tribus annis operari ſalutem in medio terræ hujus; capi, ligari, lanceari, crucifigi, & hoc totum pati pro filiis hominum; ſtatim decepta ſpe ſibi blanditur & alludit; gaudet obſervari in miſericordia & miſerationibus: judicium neſcit, ignorat juſtitiā, & puniendā æſtimat non puniri. Fallitur, qui ſic oſculatur miſericordiæ pedem. Ut pedē judicij non attendat: qui totum de Dei pietate præſumit, hoc ſolum ad ſalutem ſufficere credens, quodd credit. Rurſus cum abducit os, & judicij pedem crebrioribus oſculis intertangit: ſubcutitur carnis animæq; ſubſtantia, & vtriuſque hominis ſtatum vehemētiſſima aura percellit. Horrendum eſt enim, incidere in manus Dei viventis, offendere creatorem, neſcire Dominū, recalcitrare dominantis imperio, qui habet poſteſtatem corpus & animam mittere in gehennā. *Terribilis* certè, ſicut ait Apoſtolus, *quedam expectatio judicij*, quando ignis in conſpectu ejus exardeſcet, & virtutes cælorum movebuntur: & vacillantibus conſcientijs orbem univerſum validiſſimus ignis adurēt. Nihil proſus terribilius, quam videre diaboli officinā plenā ſanguine, cumulata opprobrijs, tormētis vndantem. Quis homo diutius cogitans, non ſtatim contremiſcat, & in deſperationis roteretur abyſſum? Non eſt igitur huic pedi moroſius incumbendū: ne pieratis intuitum ferocia judicantis occludat. Vtrumque igitur invngat pedem animæ pœnitentis affectus: & nunc miſericordiam amplectens, nunc judicium oſculans, contribulati ſpiritus offerat holocauſtum. Vide Mariam judicij pedem fortiter attendentem: dum nobilis & laſciva mulier convivantū faciem non attendit: ſed extenſo corpore proſolvitur pedibus majeſtatis, doloris plena, timoris impatiens, compunctionis jaculo vulnerata. Sed & miſericordiæ pedem labijs imprefſioribus oſculatur, in cujus ſpe firmiter inhaeret veſtigijs acumbentis; donec audiat: *remittuntur tibi peccata tua.* Sanè pretioſum unguentum, quo non ſolum terrena domus, ſed etiam cæleſtis aſpergitur. Viliſſimæ tamen ſunt ſpecies de

Triplex unguenti genus.

Duo pedes Chriſti miſericordia & judicij.

Hebr. 10.

Vtrique pedes Chriſti unguendus.

Lnc. 7.

Species pri-
mi vnguen-
ti peccata,
sed confusa.

Species se-
cundi vir-
tutes sunt.

Luc. 7.

Ioann. 12.

Marc. 16.

quibus conficitur, & magna earum copia infra nostros hortulos poterit inveniri. Peccata igitur nostra plantata in conscientijs nostris, quorum multitudo numerari non potest, species ejus sunt. Ipsa igitur in mortariolo poenitentiae, macerationis pistillo confusa, & oleo discretionis resperfa, doloris igne supposito, & in aheni disciplinae concocta, vnguentum faciunt pretiosum, & acceptum pedibus Salvatoris. Compensiosè autem illud confecimus, sapienti rerum occasionem penitus relinquentes. Et licet materia videatur indignior: interim bonum est vnguentum istud, quod domum replet, penetrat caelos, Angelos lætificat, & beatæ civitati lætitiæ refundit, & gaudium. Hoc est sacrificium justitiæ: quia *Sacrificium Deo spiritus contribulatus*. Secundum vnguentum est devotio- nis, de recordatione beneficiorum Dei. Prorsus dignissima hujus vnguenti compositio: & in istius comparatione prioris est conspersio vilipendenda. Ejus enim species de cœlesti paradiso allatæ sunt, & in terra filiorum hominum nequeunt inveniri. Virtutes enim diviniq; collatæ, & in mortariolo pectoris pistillo diligentissimæ meditationis intritæ, oleoque exultationis superfusæ, suffuso justitiæ igne, in humilitatis aheni decoctæ, faciunt vnguentum & odore & virtute mirabile: quod solum super caput Domini possit effundi, & exhiberi reverentiæ majestatis. Sed & hoc recolligimus breviter: illis, qui multa de paucis exculpere cognoverunt, verborum abundantiam reservantes. Notanda tamen utriusque differentia, & secundæ sublimitas attendenda: quia illud est Deo sacrificium spiritus contribulatus: illud sacrificium laudis, quod honorificat Deum. Pedes igitur vngimus Redemptoris, cum de peccatis compungimur. Vngimus caput, cum de collatis virtutibus virtutum largitori gratias agimus. Vngit peccatrix illa, quam infelix ille septenarius confundebat, pedes Domini: & veniam meruit. Vngit & Domini caput: sed jam dilecta, jam familiaris effecta. Sed si duo præmissa vnguenta tantæ dignitatis sunt, ut alterum pedibus, alterum capiti placeat dominantis: illud tertium quod optimum est, ubi poterimus invenire? Sed absit, ut sponsa veritatis à veritate discedat: & tale aliquid habere se jactet, quod habere non possit. Est ergo tertium vnguentum pietatis, quod est super omnia aromata morbis omnibus & periculis salutare; & quod nulli unquam pesti inveniatur inefficax. De ipso namque sic legitur. *Maria Magdalene, & Maria Jacobi, & Salome, emerunt aromata, ut venientes ungerent Iesum*. Videsne, in prima capituli fronte propositum, quod non una, non duæ, sed tres vix sufficiunt ad emendum tantæ compositionis vnguentum? Intelligis, quia non pedes aut caput, sed totum crucifixi corpus sibi vendicat ista confectio? Confectio sine dubio pretiosa, quæ toti sufficiat corpori Creatoris. Et attende, quia vnguentum pedibus infusum adeo dignantissima lenitate suscepit, ut Pharisæum murmurantem parabolica prolixitate convinceret: & retorto suggillaret exemplo. Sed & de refuso super caput ejus vnguento, discipulos indignantes coarguit: bonum mulieris opus esse protestans, & tumidam eorum animositatem verbis compescuit moderatis. Hoc verò tam salubre, tamque mirificum, in mortuo

corpore suo noluit expendi: quod vino utique reservabat. Duo enim corpora habet Christus: *Ecclesia corpus Christi mysticum est*. vnum quod suscepit de Virgine, aliud Ecclesie, quod carius habet benignitas redimentis. Denique illud pro isto morti exposuit: & tormentis addidit, cruci iunctus sceleratis, morte turpissima condemnatus. Poterimusne tam salubrem conficere confectioem? Vniuersæ miserorum miseriæ, tam animarum quam corporum, oculo pietatis inspectæ, species ejus sunt. Istæ igitur in mortariolo largitatis, dulcedinis pistillo contractæ, & oleo charitatis delinitæ, igne compassionis perseverantiæ aheni desputatæ, vnguentum faciunt ipsis etiam Angelis admirandum. Sunt viri divitiarum in domo Domini virtutum: videamus, an apud eos hujusmodi habeatur vnguenta. Primus occurrit mihi Paulus, totus præsentis delibutus vnguento. *Quis infirmatur, inquit, & ego non infirmor?* Felix anima, facta sibi tamquam vas perditum: ut omnium miseriæ suas faceret, & in sua conscientia colligaret. Totum se toti corpori Christi donaverat: omnia factus, ut omnes lucrificaret. Sed & Iob hoc repletus aiebat. *Oculus fui ceco, & pes Iob 29. claudens, & passer eram pauperum*. Samuelem recolere; qui non semel, sed omnibus diebus vitæ suæ iugebat super Saül: cum sciret eum ab oculis divinitatis longius elongatum. Non cessabat tamen compassio, quæ condolentis animum iræpreerat: fundens lacrymas, etsi non profuturas, tamen piæ. David parricidam filium continua lamentatione plorabat, plorans in eo, non carnis necessitatem, sed fidei destructionem. Certe, quomodo Ioseph totus hoc melle illitus erat. Veniunt fratres jam non ante fratrem, sed ante dominum assistentes: conscij perditionis, proditoris & homicidij rei, fratricidij successores. Videt eos Ioseph, & omnium injuriarum immemor, dulcissimis fletibus inundatur; & pietatis adeps, qui intus latitat, foras per oculos emanat. Fugit odium, nescit iram, tempus iracundiæ non reservat; reddit bonum pro malo, pro crudelitate dulcedinem. Inspice Moysen, hujus liquoris rore perfusum. Peccat Israël, & peccantem reconciliare nititur Creatori: sed dissimulat Dominus exaudire rogantem. Pro-mittit plurima Moyse creator, & licentiæ quærit à Moyse feriendi: qui Moysen fecit. *Dimitte me, inquit, ut irascatur furor meus contra eos: & faciam te in gentem magnam*. Respondit Moyses. *Si dimittis, dimitte: alioquin dele me de libro, quem scripsisti*. Obstupenda profecto dulcedo. Principatum gentis respuit alienæ: de libro vitæ deleri desiderat, nisi peccantibus dimittatur offensa. Hæc sunt vnguenta pietatis & misericordiae, quæ ab sponsæ vberibus eliquantur, infirmitates omnes fugantia, profugantia passionis. Felix Maria vngit pedes Iesu: eadem felicior caput vngit authoris: felicissima, quæ rorem vnguentarium toti corpori Christi præparavit. Considera, quàm vehementissimo dilectionis affectu beata hæc mulier diligebat Christum Regem. *Domine, inquit, si tu sustulisti ris nostris, cum, dicito mihi, & ego eum tollam*. Quem cum, Maria: cum de nullo feceris mentionem, ad quæ facias relationem? Purasne, quod in omnium cordibus ita dilecti tui memoria versetur: sicut & in consistorio cordis tui? *Et ego, ait, eum tollam*. Mira res, hominem perfectæ ætatis viri, cujus corpori vix centum libræ sufficiunt vn-

Species ter-
ti vnguen-
ti, miseria
proximorum.

2. Cori. 11.

1. Reg. 15.

Exempla
charitatis
Sanctorum
in proxi-
mos.

2. Reg. 18.

Genes. 43.

Exod. 32.

An eadem
mulier sa-
piens unxe-
rit Christum,
vide in no-
tum Regem. Ioan. 21.

guentorum, tenebrima mulier portabis, & tolles? Ardens & affecta locutio, quæ de puritatis amore promittit, quod implere non posset. Nihil enim amanti difficile esse videtur. Quis desperare debeat, tanta peccatrice non solum veniam, sed & gloriam consecuta? Ipsa hodie intercedat pro peccatis nostris: & placatum nobis reddat Iudicem nostrum, amicum suum: qui est benedictus in sæcula. Amen.

SERMO In Festo S. Petri ad vincula.
Super verbis illis: Adolescentulæ dilexerunt te nimis.

Cant. 1.

Præmatu
Petri.

Adolescentula dilexerunt te nimis. Petrus Apostolus, Apostolorum Princeps, principum primus, hodiernum diem reddit clariorem. Sacra profecto dies, quia sacratissimo homini consecrata, & illius assignata præconijs, quem conuentus Angelicus non mediocriter reueretur. Vnus est, quem prænobilitant singularis primatus insignia; clauicularius regni, cælorum lingua, fidei fundamentum. Consummatus honor, & dignatio gloriosa, hominem in terris positum, cælis imperitare: & inter Angelorum choros, Iudiciariæ potestatis exercere virtutem. Sedet dominator Dominus inter agmina lucidiori luce fulgentia, & de Thronis ad Cherubim transvolans, vices sessionarias intermutat: & admiranda sessionum mutatio, longæque rationis humanæ superducta conspectibus, cur modo Thronos, modo Cherubim insedis legatur? Assistent Angeli præsentis Imperium expectantes, & administratorij Spiritus assignata sibi ministeria sortiuntur: sed ligandi & solvendi nullus eorum possidet potestatem. Adest Petrus, & ad ejus arbitrium orbis vniuersitas soluitur & ligatur: & præcedit Petri sententia sententiam Redemptoris; quia non quod Christus, hoc ligat Petrus: sed quod Petrus, hoc ligat Christus: ipso idipsum attestante.

Matt. 16. Quodcumque ligaueris super terram, erit ligatum & in cælis. O quam potens dignitas, quam digna potentia. Iudicat Petrus, & Petri iudicia confirmat omnipotens: & est in manu Petri manus altissimi: solusque ille efficitur familiaris Christi, qui Petri familiaritatem habuerit. Quid est, quod Angelorum & hominum agminibus exclusis, solus Petrus in consortium diuinæ Majestatis assumitur, & cum Domino residet præsentis? Dulce colloquium, sancta conuersatio, consilium speciale, Petri & Dei: ubi secretorum indifferentia mortalem hominem Deo copulat, & cõiuit. Non ergo mirum, si ardentiori affectu diligit Salvatorem Petrus Apostolus: cum singularis amor sit refusus in eum, ut & singulariter diligit, & specialiter diligatur. Anima ejus una est de adolescentulis, quæ dilexerunt eum nimis. Puerilis ætas nondum amor congruit, senilis desinit ab amore. Puer est, qui nondum æternis studere cœpit: senex, qui cœperat, sed dimisit. Vtrisque igitur ille summus amator excludit: & à maiestate suæ dilectionis eliminat. Sola adolescentia ardentissimis ignibus incandescens, celipricum amorem non recipit: sed ardorem sibi vindicat copiosum. Inter adolescentulas igitur, animas videlicet electorum, qui cælesti sponso dilectionem promiserunt & fidem: ista sola dilexit ardentius, & amoris impatiens ait. Domine si tu es, iube me venire ad te super aquas. Non timuit

Sola adole-
scentia amo-
ri apta.

Matt. 14.

ei, iube me venire ad te super aquas. Non timuit

singularem elementi molestiam: & pelagi sauiantis vndositas affectum Apostoli retinere non potuit. Sed quid est, quod dicit, nimis: cum nimis ille diligi non possit, qui toto corde, tota aia: totis viribus præcipitur diligi? Tres sunt gradus in amore Dei, quorum alterum sine altero cõscendere, aut parum valet, aut nihil. Cucurrit eos Apostolus pede velociori, donec in terrij summitate repositus, ad cæleste palatium euolaret. Amandus est Deus dulciter, sapienter, fortiter. Sed jam videamus, quid sit dulciter amare Deum. Dulcis est enim, & dulciter diligi debet, qui multitudinem dulcedinis suæ timentibus se ministrare non cessat. Amat in dulcedine, cum amatur in carne: cum nescimus nisi Christum Iesum, & hunc crucifixum: cum tota carnis ejus frequentia frequenti memoria retinetur; & ossa nostra medullitus concutit tantæ miserationis dignatio. Cum enim recordamur Regem gloriæ, parvuli vagientis sustinere molestias: pannorum vilium vilitate deuolui; fatigatum ex itinere residere; Phariseorum opprobria, conuitia Iudeorum, aure patientissima pertransire: numquid non compungi debemus ad tantæ pietatis intuitum? Considera filium virginis, illitum sputis, liuidum plagis: clavis confixum. Attende rectorem cæli stantem in cruce, pallidum morte, carne deformem. Ne pertranscas Dominum Angelorum, virum percussum à Deo & humiliatum, virum leprosum, & omnibus detrimentis expositum. Recordatio hæc succedit cor, pectus adurit, interiora depascitur. Talis memoria elicit lacrymas, suffundit oculos, vultus humectat. Circa hunc ferè gradum obvoluitur omnis religiosorum instantia: raræque aus in terris est, quæ possit hunc transire profectum. Astat enim orantibus, vel imago nascens Dei, vel pendentis in cruce; tenetque mentis affectum incalescens affectio; & ad vltiora affectum incalescens affectio; & ad vltiora vix permittit excurrere. In hoc gradu Petrus impressius consistebat: cum carnem & conuersationem Iesu Christi tenerrimè diligens, Salvatorem à saluatione generis humani tetraheret dicens. Propitius esto, Domine, tibi ipsi, ne fiat hoc. Cui Dominus. Vade, inquit, post me Satana: quia non sapis quæ Dei sunt: culpans consilium, non affectum. Diligebat enim dulciter, non tamen sapienter. Quomodo enim sapienter, qui mundi redemptionem, & Dei prouidentiam nitebatur excludere? Sed succenderat cor ejus familiaritas dulcor: & verbum de Redemptoris absentia pati non poterat benignitas diligentis. Hic diligitur Deus ex toto corde: cum in corde hominis affectus & dulcedo inhabitet, solumque cor hominis amoris dulcedinem perseveranti stabilitate custodiat. Vnde & vulgaris vsus obtrahit, ut cum aliquem ab aliquo vehementer amari conspiciamus, dicamus: ex corde diligit eum, quem sic amat & sequitur. Secundus gradus est, diligere sapienter. Gradus iste multæ altitudinis est, & nimis difficilem pollicetur ascensum. Non autem euadit ad cacumen ejus, nisi mens mundior, & quæ mundi hujus sapientiam sapientiâ supervolat Angelorum. Non attenditur hic nascentis Dei cumulata deuotio: sed Verbum in principio apud Deum. Recordare filium Dei cum patre omnia fabricantem, creatorem Angelos, elementa jungentem, disponentem mundum, omnia gubernantem: & cognosce, quàm excelsior sit ista cognitio,

Tres gradus
amoris Dei.Quid sit;
dulciter a-
mare Deum.

Matt. 16.

Diligere
Deum sa-
pienter,
quid sit.

*one Christi
nativitates
valde di-
uerse.*

Galat. 6.

2. Cor. 5.

*Tertius gra-
du amoris,
amare for-
titer.*

Joan. 12.

Marc. 14.

gnitio, quàm illa. Intuere ineffabilem ipsius genituram, & genitū gignenti non dissimilem, nec priorem Patrem, quàm Filium; & tunc intelliges, quanta differentia natiuitatem vtrāmque disjungat: cū aliud sit, nasci in gloria; aliud in miseria: aliud, æqualem Deo: aliud, Angelis esse minorem. Hæc est sapientia singularis: supergredi corporis & corporeorum obstacula, & in illius lucis subilire splendorem, vbi lumen videtur in lumine: & Deus non feruens, sed imperans demonstratur. Felix anima, quæ faculentæ carnis superata materia, in hujus sapientiæ lumine requiescit. Vis videre Paulum, quomodo à primo gradu ad secundum ascenderat? Cū dixisset: *mibi autem absit gloriari, nisi in cruce Domini nostri Iesu Christi*, Scripsit alio loco; *Esse noueramus Christum secundum carnem, sed nunc iam non nouimus*. In anima sedet hic affectus sapientiæ, quæ sola rationis capax est, incorporeūque & incircumscriptum spiritum indefessa meditatione prospectat. Hic diligitur Deus ex tota anima, id est ex tota sapientia; qui prius ex toto corde, id est ex dulcedine, diligebatur. Tertius gradus est, amare fortiter, id est ex omnibus viribus. Fortiter diligit, qui cū necesse fuerit, pro Salvatoris fide, corpus & animam tormentis exponit. Hic est fructus operis, consummatio laboris, probatio dilectionis. De gradu enim dulcedinis ad sapientiæ gradum ascenderat Apostolus, cū diceret: *animam meam pono pro te*. Nihil sapientius, neque fortius, quàm, *animam meam pono pro te*. Nihil insipientius, neque debilius, *neque scio, neque noui, quid dicam*. Profectò jam diligebat dulciter, jam sapienter: sed vtrūque perdidit, cū fortiter non dilexit; cū ad vocem mulieris Dominum & magistrum suum celeriter abnegauit: sed cū mori pro Christo disposuit, dilexit nimis: quia maiorem hac dilectionem nemo habet, quàm vt animam suam ponat quis pro amicis suis. Affixus cruci, à fide separari non potuit. Vides ergo quomodo tres gradus isti, trinæ legis dilectioni conueniant. Amemus ergo dulciter, sapienter, fortiter; vt ad magistrū Petri, Petri intercessionem peruenire valeamus: qui est benedictus in sæcula.

SERMO In Assumptione Beate Maria.

Super: Quæ est ista, &c.

*Dies Assum-
ptionis cele-
bri.*

Hic totum decurrat ingenium; & aureus sermo tota reluceat maiestate. Voluntaria oris nostri beneplacita faciat sibi, genitrix Dei, domina mundi, cæli Regina. Ipsa sensum acuat, diripat stylum, & linguam pauperis venustiori respergat eloquio. Illustret lucem hanc lumine clariori, & suo conuentui suam præsentia donare dignetur. Sublimis ista dies, & splendidiori sole refulgurans, in qua Virgo regalis ad thronum Dei patris euehitur: & in ipsius Trinitatis sede reposita, naturam etiam Angelicam sollicitat ad videndum. Tota conglomeratur Angelorum frequentia, vt videat Reginam sedentem à dextris virtutis Dei: in vestitu deaurato, in corpore semper immaculato, circumdatam varietate, virtutum multiplicitate distinctam. Hæc est illa dies, quæ cælorum officinas sublimiori gaudio cumulauit, annua mundo, Angelis continua, continuas homines Angelis, & Angelos hominibus felici fœderatione con-

jungens. Inuere mentalibus oculis Filii ascendentem, & matrem assumptam: & videbis aliquid excellentius in Ascensione filij exhiberi, & aliquid gloriosius in Assumptione virginis demonstrari. Ascendit enim Salvator in cælum potestatiæ virtutis imperio, sicut Dominus & Creator, Angelorum comitatus obsequio, non sultus auxilio. Assumpta est Maria in cælum: sed gratiæ subleuantis indicio, comitantibus & auxiliantibus Angelis: quam subleuabat gratia, non natura. Ideo dies hæc Assumptio, Ascensio illa vocatur: cū aliud sit potentia, aliud misericordia; solūque soli sit priuilegium creatori, naturam rerum propria potestate supergredi. Hoc est illud excellentius, quod sibi vendicat super creaturam Creator, vbi etiam superabundans & singularis gratia non audeat aspirare. Sed si diligenter attendamus Ascensionem filij, & matris Assumptionem: inueniemus profectò aliquid, quod nos inuenisse gaudebimus. Ascendenti quippe Domino egressa est obviam omnis illa beatorum spirituum gloriosa societas: quando naturæ superiori prætulit inferiorem, & inconvertibili sacramento susceptum hominem in ipsa diuinitatis clausit identitate. Occurrentibus Angelis electorum animas, quas secum adducebat, adjunxit; & sic vtrorūque triumphali pompa deductus ad Patrem, sedet ad dexteram maiestatis. Attolle jam oculos ad Assumptionem Virginis: & salua filij maiestate inuenies occursum hujus pompæ non mediocriter digniorem. Soli quippe Angeli Redemptori occurrere potuerunt: Matri verò cælorū, palatia penetranti, Filius ipse cū tota curia, tam Angelorum quàm iustorum, solemniter occurrens, euexit eam ad beatæ consistorium sessionis, & ait. *Tota pulchra es, amica mea: & macula non est in te*. Tota pulchra; quia tota deificata, Macula non est in te, quia Spiritus sanctus superuenit in te, qui te mundauit. Sed & virgo gratiosis cumulata muneribus, tantæ benignitati Dauidico sermone respondet, summæ dignationis claritatem admirans. *Tenuisti manum dexteram meam; & in voluntate tua deduxisti me: & cum gloria suscepisti me*. Nota verborum positionem, differenti graduū distinctione signatam. *Tenuisti*, inquit, *manum dexteram meam*: quia et si læua tua sub capite meo: dextera tua jam amplexatur me. *Et in voluntate tua deduxisti me*: non in mea sublimitate, quia totū opus gratiæ est, non naturæ: & *cum gloria suscepisti me*. Gloria vtrique gloriosa, quam non nouit nisi qui dedit, & cui donare dignatus est. Attende autem diligentiam & consequentiam scripturarum. Spiritus enim sanctus, in cuius fabrica tam noui quàm veteris testamenti fuit compositio fabricata, Ascensionem filij, & matris Assumptionem, simili stylo perambulans, ter interrogat: *Quis est iste*, & tertio repetit: *quis est ista*. Primum de Filio, postea de matre videamus. In spiritu fortitudinis Salvator ad inferos descendens; contriuit portas æreas, & vetes ferreos confregit: & gehennalis ollæ dissipatis fragmentis, totum illud infelix habitaculum ruinosa concussionem subcussit. Conclamantibus Angelis, *Attollite portas principes vestras*; illi qui superbiz lapsu irremediabili corruerunt, ignorantia indignatiua retorquent. *Quis est iste Rex gloria?* Hic est ille insipiens, qui dixit in corde suo, *Non est Deus: & nescio Dominum, & Israël non dimi-*

*Assumptio
Virginis
quàm glo-
riosa.*

*Occursus
gloriosior in
Assumptio-
ne, quàm
in Ascen-
sione.*

Cantic. 4.

Psal. 72.

*Psal. 13.
Cantic. 6.*

*Psal. 13.
Exod. 5.*

Psalm. 23.

Resurrectio
nis & Ascen-
sionis Chri-
sti gloria.

Ibidem.

Isai. 63.

Ibidem.

B. Virgo
Sancta San-
ctorum.

Cantic. 6.

Genes. 1.

Imago &
similitudo
Dei in quo
fit.

eam. Angeli pacis confidenter ingeminant. *Dominus fortis & potens, Dominus potens in praelio.* Fortis, ad vestram fortitudinem infirmendam; potens, ad vestram potentiam vacuandam. In praelio, illo utique singulari, quo potestates aëreas singulariter debellauit. Resurgens autē ab inferis, & solemnis victoriz vexilla reportas; hominem unitum sibi resuscitauit; & triumphatrici palma cœlis inuectus, Patri ovem centesimam, quam perdididerat, repræsentans, audit ab Angelis. *Quis est iste Rex gloria?* Sed & eisdem conclamantibus, *Dominus virtutum, ipse est Rex gloria,* cœlorum insonuere palatia; & tota supercœlestis domus profusioribus gaudijs inundauit. Verē Dominus virtutum in resurrectione: virtutem faciens, quam ante non fecerat: redimens seruum, & pro seruo filium exponēs. Clarissima autem ascensionis die, quando videntibus discipulis est eleuatus in cœlum, summum illud reuerendūq; collegium venit obuiā Redemptori: & omnis illa, tam assistentiū, quā ministrantium Angelorum authoritas, eucurrit ad Filiū, & ascendentem demirans, ait. *Quis est iste, qui venit de Edom: tinctis vestibus de Bosra?* Videntes enim eum sanguinei ruboris vnda perfusum, mirantur ejus potentiam, & sanctitatem Iudeorum, qui non sunt veriti filium Dei crucis ignominia condemnare. *Gradientis,* inquit, *in multitudine fortitudinis sue.* Non solum in fortitudine, sed & in multitudine fortitudinis: quia nulla fortitudo major, quā redimere seruum, & in diuinitatis dextera perpetuo collocare. Hæ sunt illæ voces, quæ descendentes ad inferos, ab inferis resurgentes, ascendentes ad cœlos, multiformi præconio prosequuntur. Sed jam vertendus est stylus ad Sanctā Sanctorum: & illorum verborum enodanda proprietas: quæ Virgini matri sunt specialiter dedicata. Sed ut superlimitatem titulum in futuro fronto ædificij præponamus, dicamus breuiter, quia prima interrogatio conuenit ejus natiuitati, secunda ejus conuersationi, Assumptioni tertia. *Quis est iste,* inquit Spiritus sanctus, de ejus natiuitate: *quæ progreditur sicut aurora consurgens: pulchra ut luna, electa ut sol, terribilis ut castrorum acies ordinata?* Hæc est, quæ ne sciat thorum in delicto: Virgo Dei Filio singulariter cōsecrata, specialiter sancto cōsignata Spiritus. *Quæ progreditur,* inquit, *sicut aurora consurgens.* Quā elegans & clara similitudo, & ex illius disciplina descendens, qui summum sapientiæ fontem in Canticis affluenter laclassit. In meridiano lumine primus ille parēs creatus est, factus ad imaginem & similitudinē conditoris. Quid enim clarius, quā creatum creati non esse dissimilem? *Faciamus,* inquit, *hominem ad imaginem & similitudinem nostram.* Imaginem dedit ei in æternitate, similitudinem in moribus: ut sit similis creatori, etsi non identitate, similitudine tamen. Sed ille tanti priuilegij dignitate rejecta, apostata spiritui falsa promissione delinquit inhaesit, & se cum posteritate sua, perpetuæ morti destinauit & tenebris. Ab illa hora tenebræ factæ sunt per vniuersam terram, usque ad Virginem; nec inuentus est aliquis, qui vel exiret de tenebris, vel tenebras dissipasset. Sed mundo crescente creuit & tenebrosa vorago: donec in densissimam cōglobata nigredinem, humanū genus nocte terribili sepeliuit. Hæc est illa nox solitaria, nec

laude digna, de qua scriptum est: *Posuisti tenebras, & facta est nox: in ipsa pertransierunt omnes bestia syluæ:* quia crudeles & indomiti spiritus dimotis repagulis humanum genus totis viribus obtriuērunt. Sed nata Virgine surrexit aurora: quia Maria veri præuia luminis natiuitate sua mane clarissimum serenauit. Hæc est stella matutina in medio nebulæ, quæ in cœli cardine summo splendore coruscans, subditum orbem splendidiōribus radijs incolorat. Hæc est aurora, quam sequitur, imō de qua nascitur sol iustitiæ, solius solis claritati succumbens. Hæc est aurora, quam ille non vidit, qui videt omne sublime: & orat beatus Iob, ut ei multa suppressione claudatur dicens: *Non videat ortum surgentis aurora. Tunc est dies,* Domine, in quo Adā est conditus: *tunc est nox,* in qua Adam à die est eiectus: *tunc fabricatus es auroram:* id est Virginē matrem, & solem, solem scilicet iustitiæ, qui de Virginali thalamo consurrexit. Sicut aurora terminum noctis, principiumque diei adesse testatur: sic & Virgo noctem expulit sempiternā; & diem de die de terra suæ virginitatis terris infudit. *Progrediens,* inquit, quasi procul egrediens: procul enim, & de vltimis finibus pretiū ejus. *Aurora:* quia noctis finis, & lucis initium. *Consurgens,* quia de cadente supersurgens materia. *Pulchra ut luna.* Quid lunā pulchrius, cū stellis coruscantibus in signifero limite reliquorum siderum splendorem excedit? Considera quā stellans, & ferena vibratio, quā luminolus fulgor circularem orbem tanti sideris superfundat: ut aliorum luminum claritatem non mediocriter obfuset. Sic & Virgo inter animas Sanctorum & Angelorum choros supereminens & euecta, merita singulorum, & omnium titulos antecedit. Quantumlibet aliæ stellæ reluceant: luna tamen & magnitudine præminet & splendore. Sic utrāque naturam virgo singularis exuperat, & immensitate gratiæ, & virtutum fulgore. *Electa ut sol.* Hanc attonde similitudinem, qua nulla in rebus mundi potest esse sublimior. Nihil enim habuit spiritus in visibilibus creaturis excellentius, cui Virginis excellentiam compararet. Multo enim altius aliquid habet claritas solis quā lunæ: quia etiam illa minores stellas obscurat, non tamen penitus occultat. Hic vero lucidiūs incandescens, ita sibi sidera & lunæ rapit positionem, ut sint quasi non sint: & videri non possint. Similiter & virga posse veri præuia luminis, in illa inaccessiblei luce perlucens, sic utrorūque spirituum hebetat dignitatem, ut in comparatione Virginis, nec possint, nec debeant apparere. An putas, quod non cōtemiscat tota rationalis creatura, ad contemplationem tantæ dignationis? Considera, & quæ in cœlis, & quæ in terris, in Virgine refabricata; Deum, qui cœlum palmo meretur, virginēi ventris breuitate conclusum: redemptionem hominum, Angelorum restorationem: denique quicquid est, fuit, & erit, per Virginis vterum renouatum: & tunc tibi cogitatio suggeret, quod locutio demonstrare non potest. *Electa,* inquit, sed & præelecta, ut sol. Quia sicut sol solus orbem illuminat, sic hæc sola solidiori lumine, & Angelos & homines illustrat. *Terribilis ut castrorum acies ordinata.* Terribilis demonibus, ordinata virtutibus: singularis timor malignorum spirituum; specialis amor ciuium beatorum. Sequitur de ejus con-

Psalm. 103.

Beata Virgo
stella ma-
tutina.

Iob 3.

Psalm. 73.

B. Virgo
aurora est.Vt B. Virgo
soli similis
sit.Cantic. 6.
B. Virgo de
monibus ter-
ribilis.

Cantic. 3.

Mundus de
serenū dici-
tur.

B. Virgo
virgula fu-
mi.

Inc. 2.

Psal. 22.
Cantic. 2.

Virginis
caro macu-
las Adæ nō
admisit.

uerfatione. *Quæ est ista, quæ ascendis per deser-
tum, sicut virgula fumi, ex aromatibus myrrhæ &
thuris: & uniuersi pulueris pigmentarij? Ista est
speciosa inter filias Ierusalem.* Desertum est vasti-
tas hujus mundi, in quo bestię agri frequentius
ludunt, vbi Princeps ille nequissimus omni for-
titudine principatur. Desertum autem dicitur,
quasi derelictum à virtutum administratione;
cū earum conuentus abundante iniquitate ad
proprijs ortus reuolauerit. *Quæ ascendit*, in-
quit. In hujus sæculi vanitates, omnes vel de-
scendere, vel cadere cognoscuntur: rarūq; qui
non vel descendat vel cadat in hujus turbulen-
tissimæ profunditatis oceanum. Sola illa mater
& filia Creatoris nec descendit nec cecidit, sed
de virtute in virtutem ascendens, consumma-
tione virtutum vestita est. Qualiter autem ascē-
dit? Sicut virgula fumi. Sed & hæc comparatio
quā significanti sit signata similitudine, recol-
lige. Virgula fumi recta est, subtilis, odorifera:
quantomagis in aëra extenditur, tantomagis di-
latatur. Sic & Angelorum Regina recta est in
sublimitate conuersationis, quia virga directio-
nis virga regni tui: subtilis in deitatis contem-
platione, quia ipsa conseruabat omnia verba
hæc, conferens in corde suo. Odorifera in vir-
tutum opinione, quia currimus in odore vni-
uentorum suorum. Angusta in temporalibus,
quia non erat ei locus in diuersorio: in spirita-
libus dilatata, quia astitit Regina à dextris tuis.
Hæc est virga illa, quæ retunditur imperus ad-
uersariorū dæmoniorum: virga Aaron, per quā
sunt signa & prodigia. Baculum autem crucē
intellige, quo non solum verberatus est, sed &
occisus ille insatiabilis homicida, qui mortibus
hominum pascitur & nutritur. In Virgine Ma-
ria, & baculo cruce: miserorum spes & conso-
latio continetur: sicut sublimis Propheta clara
voce declarat. *Virga, inquit, tua, & baculus
tuus, ipsa me consolata sunt.* Sequitur, *Ex aro-
matibus myrrhæ & thuris.* Nominantur species,
de quibus aromatica virgula subleuatur, myr-
rhæ & thuris. Myrrhæ corpora dissoluta con-
solidat; & cadauer exanime sibi vendicat, ne
putrescat. Thus autem Deo in oratione offertur
sicut scripturarum testimonijs edocemur. In
myrrhæ continentiam; in thure deuotionem in-
tellige. Caro enim virginis ex Adam sumpta,
maculas Adæ non admisit: sed singularis conti-
nentiæ putitate in candorem lucis æternæ con-
uerfa est. Porro quis ejus deuotionem votiuus
laudibus poterit adæquare, cū memorarit
missum Archangelum, superuenientem Spiritū,
Filium conceptum, Deum natum, stellam novā,
Magorum gloriam, munerum gratiam, & super
hæc omnia testimonium conscientiæ suæ? Hæc
sunt duo, quæ virginalem aulam vel substantiā,
tota circumdedere virtute, continentia scilicet
& deuotio; quorum alterum carnem, alterum
mentem ita possedit, vt caro mundissima, mens
purissima, genitricem Domini singulariū con-
secrarent. Sed ne putares, his solis duabus vir-
tutibus insignitam dominam orbis, & Reginam
cælorum, subsequitur scripturarum autoritas.
Et uniuersi pulueris pigmentarij. Hic expressum
est, quicquid exprimi potuit. Integræ species
odorem quidem reddunt, sed magis contractæ.
Crebris enim tunctionibus supertrita, remotiorē
etiam locum odorifera conspersione refundit.
Sic & virtutes in pace quidem fortiter, redolēt,

sed fortius in tribulatione: quia virtus in pæ-
adquiritur, in persecutione probatur, in victo-
ria approbatur. Vniuersus ergo pulvis pigmen-
tarius in virgine congestus est: quia in ea virtu-
tum conuentus reuerendum sibi thalamum cō-
secrauit: & si cæteris per partes spiritus affuit,
Mariæ tamen tota plenitudo gratiæ superuenit.
Nec integræ fuerunt in ea species, sed in subti-
lissimum pulverem comminutæ: quia ipsa est,
quæ fortioribus tribulationum malleis super-
pressa, vidit suum & Dei filium affigi cruci, lan-
cea vulnerari, & inter duos latrones positum
expirare. Sequitur de ejus Assumptione. *Quæ
est ista, quæ ascendit de deserto delicijs affluens: in-
mixta super dilectum suum?* Hæc est Regina illa,
quam videntes filię Sion, beatissimam prædica-
uerunt, & reginæ laudauerunt eam. Ascendit
autem hodie de deserto, id est de mundo, ad rei-
galis throni celsitudinem sublimata. *Delicijs*,
inquit, *affluens.* Verè affluens, quia multæ filiæ
congregauerunt diuitias: hæc supergressa est
vniuersas. Deliciarum autem non est numerus:
quia dum Spiritum sanctum suscipit, concipit
Dei filium, Regem gloriæ generat, penetrat cæ-
los cumulata diuitijs, & delicijs affluens, ad re-
gnum euolat sempiternum. *Inmixta super dile-
ctum suum.* Rex virtutum dilecti pater est, in
quo sibi bene complacuit. Super hæc innititur
mater illa felicior, & in aureo reclinatorio di-
uinæ Majestatis incumbens, inter sponsi, imō
filij, brachia requiescit. O quanta dignitas, quā
specialis potentia inniti super illum, quem Ange-
licæ potestates reuerentur aspicere. Hæc sunt
ergo, quæ præsentī festiuitati, sub vmbis &
imaginibus dignanter alludunt: & sacratore
regmine conuelata, gratiosius lucent: quā po-
tuerint huc vsque in editis reuelari. His succin-
ctæ de matre misericordiæ expositis, rogemus
eam: vt solita pietate pro miseris filium suum
Deum & Dominum nostrum exorare dignetur,
qui viuūt & regnat per omnia sæcula sæculorū.

In B. Vir-
gine plenitudo
gratiæ.

Cantic. 8.

SERMO. In Natiuitate B. MARIE.

De eo quod scriptum est: Fecit Rex Salomon
thronum.

1. Reg. 10.

DE gaudijs properamus ad gaudia, & fer-
uentem stylum gloriosa materia facit fer-
uentiorem. De Virgine venimus ad Virginem,
de Maria ad Mariam recurrimus. Bonū est nos
hic esse, melius immorari, optimum permanere.
Felices Angelici spiritus, qui beatæ Virginis ha-
bent præsentiam: nos interim memoriam abun-
dantiæ suauitatis suæ eruſtamus. Illi præsentia,
nos memoriam. Si sic dulcis est memoria; quid
erit de præsentia? Et illi quidem abundantiori
rore diuinitatis infusi, genitum & genitricem
visione mirabili contuentur, Regis & Reginæ
gloria cumulati. Nos verò quos carceriæ mor-
talitatis ærumna contorquet, memoria pasci-
mur, scripturis releuamur: & quod illi vident
nos legimus. Vtinam veniat dies, qui nos in lu-
cem reponat: vbi non legere liceat, sed videre.
Interim consolemur nos suauitate memoriæ,
donec dulcedine præsentia satiemur. Hodie
nata est illa, per quam omnes renascimur: cujus
speciem concupiuit omnipotens, & in qua Deus
posuit thronum suum. Ipsa est thronus ille mi-
rabilis, de quo in regnorum historia legitur in
hæc verba. *Fecit Rex Salomon thronum de Ebore
grandem, & vestiuit eum auro fuluo nimis: per*

Virgo est
thronus ve-
ri Salomo-
nis.

3. Reg. 10.

3. Reg. 10.

Christus est
Salomon,
Ecclesiastes,
& Idida.Thronus
Christi est
uterus B.
Virginis.
Psal. 138.

Psal. 9.

Apocal. 19.

Ibid. c. 21.

sex gradus ascendebatur ad eum. Rotundus erat in posterioribus. Duodecim leuiculi stabant super gradus respicientes ad thronum. Porro duæ manus tenebant hinc & inde sedile. Duo leones stabant juxta Barachiola, *Non est factum simile opus in vniuersis regnis.* Sed jam verba proposita producamus in lucem, & aquam elicimus de petra, ipsa loquente in nobis, de qua vobis loqui proponimus. *Fecit*, inquit scriptura, *Salomon Rex thronum de ebore grandem.* Tribus nominibus in scripturis Salomonem vocatum legimus, & vbiq; nomine regio titulatur: Salomonem scilicet, Ecclesiasten, Ididā. Christus filius Regis imò Rex, nec solum filius Dei, sed & Deus, Salomon, id est pacificus; est nobis in hoc exilio: Ecclesiastes, id est concionator, erit in iudicio. Idida, id est gloriosus, erit in regno. In exilio amabilis; in iudicio terribilis; in regno admirabilis. In exilio pius; in iudicio iustus; in regno gloriosus. Vide autem, si non vbiq; Rex. In exilio rector morum; in iudicio discretor meiorum: in regno præmiorum distributor. Simulque considera, quia non Ecclesiastes, non Idida, sed Salomon, tam gloriosum opus facere prænotatur. Auerte oculos tuos ab illius terreni regis delicijs, qui licet fuerit sapientiā singularis, sublimis gloriā, rebus affluens, pasceturus; non tamen opus tale potuerit, quale factum non fit in vniuersis regnis. Numquid facere Scriptor historiae, omnia opera mundi, & gloriam eorum, intuitu diligenti prospexerat: ut hoc statim tota deliberatione, non vni, sed omnibus anteferreret? Ludicra sunt hæc, si non recurramus ad intimos celestis disciplina recessus: si non deviamus à via literatoris qualitatis. Salomon noster, non solum sapiens, sed & sapientia patris; non solum pacificus, sed & pater nostra, qui fecit utraq; vnum: fecit thronum, vterū scilicet intemeratæ virginis: in quo sedit illa Majestas, quæ nutu concutit orbem. Hanc sessionem Filij & probauit & cognouit Pater, ipso dicente. *Tu cognouisti sessionem meā.* Thronus tuus Deus in sæculum sæculi: & thronus iste sicut sol in conspectu tuo. *Sedas*, ait scriptura, *super thronum, qui iudicas equitatem.* Quid enim iustius, quam vilem & transfugam feruum, & conservi sui sedulum deceptorem, perpetuis ignibus adsignare; & illum quem fefellerat, suo resignare principio? Ait ille alter filius virginis. *Et vox de throno exiit dicens, Laudem dicite Deo nostro omnes sancti eius.* Ex hoc throno laus Angelorum prorumpit & hominum: quia dum hic restituitur, & ille refectitur, utrique gratiarum debent deuotionem. Nosti, quidnā dicat, qui sedet in throno? *Ecco*, inquit, *nona facio omnia.* Felix thronus, in quo sedet dominator Dominus: in quo & per quem non solum omnes, sed & omnia renouantur. Merito ergo tale opus, non alloquenti, non glorioso, sed pacifico dicitur assignatum: quia venit Iesus instaurare, & quæ in cælis, & quæ in terris: pacemque & concordiam inter homines & Angelos mediante Virgine reformare. *De Ebore*, inquit. Quid est, quod aurum & argentum, & lapides preciosi; & omnis preciosioris materiæ prætermittitur gloria? Sola eboris substantia tantæ capax est compositionis; & fabricatur in ea, quod omnibus operibus præferatur. Ebur & mirabili candore lucidum est, & multa præeminet fortitudine, frigidiorisque naturæ

sortitur auspiciū. Et quid candidius illa virginitate, quæ singularis aspectus suigratia supercelestem curiam allicit ad videndum? Quid fortius illa fortitudine, per quam Domini fortitudo vasa diripuit fortioris? Quid frigidius illa substantia, quam obumbravit virtus altissimi, & ab æstu peccati defendit superuenientis Spiritus plenitudo? Sequitur. *Grandem.* Quid grandius Virgine Maria, quæ magnitudinem summæ diuinitatis infra sui ventris conclusit arcanum? Attende Seraphim, & in illius superioris naturæ supervola dignitatem; & videbis quicquid majus est, minus virgine; solumque opificem opus istud supergredi. *Ex vestinis eum auro fulvo nimis.* Aurum omnibus metallis pretiosius, intellige diuinitatem Dei, omni præminentem mūdo, omnia gubernantem. Hæc vestita est, imò superuestita mater altissimi: totamque virginē tota illa indivisibilis natura largiori gratia superfundit. Quid est autē, quod dicit *fulvo nimis*? Hic aliquid nobis reliquit inquirendum Spiritus ille multiplex: & vtinam possim explicare quod sentio. Quatuor modis inest Deus creaturis. Primo modo essentialiter, tam bonis quam malis: nihilque intercludit deitatis essentialiam, per quam omnia esse cœperunt. Inde est, quod nusquam, & in omni loco esse legitur: eum omnibus præsentialiter assistat, & à nullo comprehendatur. Habent etiam & mali Dei præsentiam: sed tamen non gaudeant, cum inanimata quæque hoc possint privilegio gloriari. Secundo modo inest bonis operatione, agit enim in eis virtus operatiua, ut operentur opera Dei: nec otiosè creati sunt inter creaturas, sicut & mali; qui elegerunt arescere, ut sempiternis ignibus alimenta ministrarent. Inest & plerisque bonis illuminatione; quos de futurorum cognitione nobilitat, & participes suorum efficit secretorum: & hic est tertius modus. Quarto modo inest vni creaturæ, videlicet Mariæ Virgini, identitate: quia idem est quod illa. Hic taceat & contemneat omnis creaturæ: & vix audeat aspicere tantæ dignationis immensitatem. *Dominus eum*, inquit Archangelus. Habitat in Angelis Deus; sed non cum Angelis: qui non est cum illis ejusdem essentialitatis. Habitat Deus in Virgine, habitat cum illa, cum qua vnus naturæ habet identitatem. Hæc est ergo aurum fulvum nimis, quo thronus vestitus est; quia tali modo Deus virginem induit, & in virgine indutus est, ut meliori non posset. Sequitur. *Per sex gradus ascendebatur ad eum.* Elige meditari, quæ sancta sunt, quia peruersæ cogitationes separant à Deo, & primum gradum ascendisti. Insuece linguam tuam bene loqui, & subsististi ad secundū. Iuste quod iustum est operare, & tertium ascendere meruisti. Doce iniquos vias Domini; & consolare lugentes, & ad quarti sublimitatem raptus es. Relinque mūdum, & ea quæ in mundo sunt, & ad quinti cacumen euolasti. Teneat te perseverantia, imò tu perseverantiam non relinquant, & sextum gradum viriliter ascendisti. Ex hoc subsilire licet in cœlum, & ad illam gloriā aspirare, in qua Regina gloriosior Angelicam reuerberat dignitatem. Sequitur. *Rotundus erat in posterioribus.* Posteriora Virginis Assumptionem ejus intellige: in qua finem mortalis vitæ accipit, quæ vitam reddidit orbi. Et nota, cum quāto sacramento transitum Virginis scriptura cōparet rotunditati. In rotundo nec principium

3. Reg. 10.

Deus quatuor modis inest creaturæ.

Deus vno modo soli inest Virgini.

Luc. 1.

3. Reg. 10.

Qui sunt sex gradus.

3. Reg. 10.
B. Virginis
posteriora,
quæ sint.

nec finem poteris inuenire. Ita & gloria, quæ eam de hoc mundo transeuntem excepit, principium ignorat, finem nescit: de qua nihil aliud possumus dicere, nisi quia *gloriosa dicta sunt de te ciuitas Dei*. Sequitur. *Duodecim leuunculi stabant super gradus duodecim*. Leuunculi, duodecim Apostoli sunt, qui præfixis gradibus validius insistentes, Reginam cæli non sine maximo stupore mirantur, & dicunt. *Qua est ista qua ascendit*, &c. Porro duæ manus tenebant hinc & inde sedile. Duæ manus, actiuam & contemplatiuam vitam significant, quæ matrem Virginem propensiori diligentia ambierunt: vt nec actio contemplationem minueret, & contemplatio non deferret actionem. Recordare, quia non erat ei locus in diuersorio: quomodo filium suum proprijs vberibus lactauerit: & omnes denique vagientis pueri sustinuerit actiones; & tunc intelliges, quia plurimum ministravit. Considera, quia ipsa est, quæ in contemplatiuæ dignitatis superiecta dulcedinem, in ipsius Dei substantiâ lucidiores inuexit obtutus. *Lana*, inquit, *eius sub capite meo, & dextera eius amplexabitur me, Duo leones stabant iuxta brachiola*. Duo leones sunt Gabriël Archangelus, & Ioannes Euangelista: quorum alter dexteræ Virginis, alter sinistræ custos est deputatus. Gabriël enim mentē, Ioannes carnem pervigili sollicitudine seruauerunt. Qui bene leones dicuntur, propter rugitū altisonæ vocis. Duo enim verba nuntiauerunt orbi terræ, qualia nec dicta sunt, nec dicentur: & in quorum comparatione omnia muta debeant apparere. *Aue Maria gratia plena Dominus tecum*: ait Archangelus. Audisne in hoc verbo Incarnationem Dei, Redemptionem hominum, renouationem mundi? *In principio erat Verbum*: ait Ioannes. Animaduertis hic verbi Diuinitatem, Ecclesiæ fidem, hæreticorum silentium, locum quietis, secretum solitudinis, luminis serenum, habitaculum pacis. Ob hanc fortassis causam, vocauit Iacobum & Ioannem Boanerges: id est filios tonitruui. *Non est factum simile opus in vniuersis regnis*. Nihil verius, nihil sublimius, nihil dulcius miseræ mortalitati, & mortali miseræ. Etsi multa magna facta sunt in creaturis mundi, nihil tamen tam excellens, tam magnificum, fecerunt opera digitorum Dei. Virgo Dei genitrix, cuius pulchritudinem sol & luna mirantur; subueni domina, clamantibus ad te iugiter. Reuertere reuertere Sunamitis: reuertere, reuertere: vt intueamur te. Tu benedicta & super benedicta, reuertere primò per naturam: numquid, quia ita deificata, ideo nostræ mortalitatis oblita es? Nequaquam domina. Scis, in quo discrimine nos reliqueris: vbi jaceant miseri tui, quantum delinquant serui tui. Non enim conuenit tantæ misericordiæ, tantam miseriam obliuisci: quia & si subtrahit gloria, revocat natura. Non enim ita memoreris gloriæ Dei folius, vt misericordiam non habeas: neque ita es impassibilis. Naturam nostram habes, non aliâ: & justum est, vt de rore tantæ pietatis, diffusius infundamur. Reuertere secundò per potentiam. Fecit in te magna, qui potens est: & data est tibi omnis potestas in cælo & in terra. Quid tibi negabitur, cui negaui non est, Theophilus deipsum inferni faucibus reuocare? Infelicem anima, totum illud quod in te factum est, denegantem, de luto facis & miseræ subleuasti: nilque tibi impossibile, cui possibile est desperatos in spem

beatitudinis releuare. Quomodo enim illa potestas tuæ potentie poterit obuiare; quæ de carne tua carnis suscepit originem? Accedis enim ante illud aureum humanæ reconciliationis altare: non solum rogans, sed imperans: domina, non ancilla. Moueat te natura, potentia moueat; quia quantò potentior, tantò misericordior esse debes. Potestati cedit ad gloriam, injurias vlisci nolle, cum possit. Reuertere tertio per amorem. Scio domina, quia benignissima es, & amas nos amore inuincibili; quos in te, & per te, filius tuus, & Deus tuus, summa dilectione dilexit. Quis scit, quotiens refrigeras irâ Iudicis: cum iustitiæ virtus à præsentia deitatis egreditur? Reuertere quartò per singularitatē. In manibus tuis sunt thesauri misericordiæ Domini; & sola electa es, cui gratia tanta conceditur. Absit, vt cesset manus tua: vt non occasio quæras salvandi miseros, & misericordiâ effundendi. Neque enim tua gloria minuitur, sed augetur; cum pœnitentes ad veniam, iustificati ad gloriam assumuntur. Reuertere ergo *Sunamitis*, id est despecta: cujus animam pertransiuit gladius: quæ fabri vxor appellata fuisti. Ad quid? *Vt intueamur te*. Summa gloria est, post Deum, te videre, adhærere tibi, & in tuæ protectionis munimine demorari. Audi nos: nam te filius nihil negans honorat, qui est benedictus in sæcula.

Injurias nō vlisci gloriosum.

Cantic. 6.

SERMO In Exaltatione Sanctæ Crucis.

Super: En colligo duo ligna.

9. Reg. 17.

DE virga Iesse deuenimus ad virgam crucis: & principium redemptionis sine concludimus. Ex illa Iesus Christus virgo virga virgine mirabiliter est generatus: in ista martyr martyrum caput, & martyrij forma, turpiter est appensus. Illa virga directionis; virga virtutis ista. *Virga directionis, virga regni tui*; ait illud familiare sancti Spiritus organum; quia nihil virgine rectius, subtilius nihil. Audi & de alia. *Virgam virtutis tua emittet Dominus ex Sion*. Profectò crux fuit virga virtutis, in qua Dominus virtutum viriliter pugnavit & vicit. De istis duabus virgis ait Zacharias Propheta. *Assumpsi mihi duas virgas: vnâ vocaui decorem, altamque funiculum*. Virga decoris, vterus Virginis. *Pulchra*, inquit, *vt Luna*. Virga funiculi, lignum patibuli: disternans vtrūque regnum, Dei scilicet, & diaboli: imponens frænum malitiæ ejus; latamque ejus pervagationem validissima potestate coercens. In hac confossum est latus innoxium, & ad horam crucifixus est innocens manibus, & mundo corde. Terribilis ille latro, cuius manus plenæ sunt sanguine, in hac iterum confossum est & confectus. Sed Christus aliter; aliter ille. Christus ad momentum, ille in æternum. *Debellauit aërias potestates*, ait Apostolus, *& affixit eas cruci suæ*. Ex altera parte crucifixus est Redemptor noster, ex alia summus ille præuaricator. *Rex Hæi*, narrat historia, *suspensus est in gemino patibulo*. Rex mortis in duplici patibulo suspenditur; quia dum Christum interficit, in ipsa cruce crucifigitur, quam invenit. Magnum sacramentum crucis: nec est aliquid hoc sacramento sacratius. Respice crucem stantem; & vide quàm recta cacuminatione de terris erigatur ad cælum, & veritatem rei ipsa imaginatione protestetur. Nonne tibi videtur figura

B. Virgo & crux virga sunt.

Psal. 44.

Psal. 109.

Zachar. 11.

Coloss. 2.

Ioſue 8.

Demon in duplici patibulo suspensus.

eius cœlum & terram sublimi continuacione contingere? Hoc est firmissimum gluten & indissolubile, quo conglutinantur rationales creaturæ; ut ex utrisque fiat illa ciuitas, cuius participatio ejus in idipsum. Vide etiam, quomodo quadrifaria ratione, quatuor mundi climata comprehendat, & omnem ad se pertrahat creaturæ. Astat Iesus in medio, quadrifida sui corporis parte distentus: & expansis manibus omnibus ad se venientibus ex omni parte, amplissimum misericordiæ sinum ostendit. *Apud Dominum misericordia, & copiosa apud eum redemptio.* Profus copiosa, non gutta; quia largiter vnda sanguinis de corpore Iesu per quinque partes emanauit. Sufficeret ad redemptionem orbis vna pretiosissimi sanguinis gutta; sed data est copia, ut virtus diligentis in beneficii redudatione claresceret. Sed ne forte occurreret tibi, ut ubique terrarum currens, Redemptorem tuum inuenire non posses; à quacumque mundi parte procedas, siue ab oriente, siue ab occidente, seu à meridie, vel à septentrione, paratus est ipse suscipere venientem, & blanda confouere dulcedine. Sed attende, quid tibi exprimitur de corde altissimi. Venis ad hominem crucifixum? Crucifixus venias, aut crucifigendus. *Qui enim Christi sunt, crucifixerunt carnem suam cum vitiis & concupiscentiis.* Sic dignum Christo, necessarium tibi. Sed jam ascende mecum ad verbi hujus celsiora fastigia; & vide, quidnā sit, quod egreditur. Scriptum est in regnorum historia, quia beata illa mater ait ad Eliam. *En colligo duo ligna.* Duo ligna, duo brachia sunt crucis. In his duobus Angelicam & humanam naturam intellige. Et illud quidem lignum, quod recta sublimitate tendit ad cœlos, superiorem accipe naturam, quæ stetit in rectitudine, & officiosissima deuotione voluntati dominantis adhæsit: illud verò quod transversum est, humanam designat: quæ transversa, imò eversa, status sui perdidit æquitatem. Intuere, cum quanto sacramento jungantur. In utroque ligno fit scissio, & ex occasione vulnerum vnitior junctura componitur. Supercælestes spiritus non mediocriter vulnus acceperunt, cum Deus in Angelis suis reperit prauitatem. Nec contemnenda plaga, cum eam refarciri oporteat: quia si non restituatur numerus, numerositas cadens facta videtur in vanum. Inferior verò natura à planta pedis vsq; ad verticem ita venenifera fermentatione infecta est: ut nesciat vnde veniat, aut quo vadat. Vtrorūque igitur vulneribus non mediocriter hiantibus impressio facta est juncturalis: quæ Christo conjungente ita est refarcita, ut nihil vulnificum videatur inesse. Christus enim in utrisque, & pro utrisque confixus, utrosque cauilla corporis sui necit: & corpus propriū juncturis opponit, ne valeant resilire. Crux ergo cœlum conjungit & terram. Christus in cruce trahit omnia, leo rugiens ibi ligatur, Angelus confederatur & homo: totūque per eam reficitur, quicquid fecerunt manus altissimi. Excede paulisper sensus carnis, & irruentia corporum phantasmata voluptatum: & intuere diuinæ naturæ bonitatem, suauitatem, dignationem. Meditare positionē crucifixi corporis; & vide, si aliquid est in eo, quod non totū peroret pro te apud patrem. Diuinum illud caput multiplici spinarum densitate densatum, vsque ad cerebri teneritudinem confossum est, dum

configitur spina. *Spinis peccatorum suorum, ait Propheta, circumdedit me populus iste.* Ad quid hæc? Ne doleret caput tuum, ne tua vulneraretur intentio. Caligauerunt in mortem oculi sui, & illa luminaria quæ illuminant orbem, ad horam extincta sunt. Nonne illis obtenebrantibus tenebræ factæ sunt per vniuersam terram; & illa duo luminaria magna cum illis luminaribus submotæ sunt? Hoc totum factum est, ut auerterentur oculi tui ne viderent vanitatem; & si viderent, non adhererēt. Aures illæ, quæ in cælis audiunt: *Sanctus, Sanctus, Sanctus, Dominus Deus sabaoth;* audierunt in terris, *demonium habet, & insanit: & crucifige, crucifige eum.* Ut quid hæc? Ne aures tuæ obsurdescerent ad clamorem pauperis, ne reciperent auditum vanū, ne detractionis virus apertis propitijsque auribus susciperent. Speciosa illa facies speciosi forma præ filiis hominum, sputis illita est; afflicta colaphis, addicta delusionibus. Sic namque scriptum est. *Cæperunt conspuere in eum, & percutere eum, dicentes. Prophetiza, quis est qui te percussit? Quare hoc? Ut facies tua illuminaretur, illuminata confirmaretur, & diceretur de te; vultus ejus non sunt amplius in diuersa mutati.* Os illud, quod docet Angelos, homines instruit; quod dixit, & factum est; felle potatum est & aceto. Sed & hoc factum est, ut veritatem & iudicium loqueretur os tuum, & confiteretur Dominum Deum suum. Manus illæ quæ fundauerunt cœlos, extensæ sunt in cruce, clauisq; transuerberatæ durissimis: ut manus tuæ extenderentur ad inopem, & dicere posses. *Anima mea in manibus meis semper.* Quod tenemus in manibus, non facile obliviscimur. Sic & qui animam suam bonæ operationi imprimit, non tradit eā obliuioni. Pectus illud, in quo sunt omnes thesauri sapientiæ & scientiæ Dei absconditi, lancea militari perfoctum est: ut pectus tuum à prauis cogitationibus mundaretur, mundatū sanctificaretur, sanctificatum conservaretur. Pedes illi, quorum scabellum adorare debemus, quia sanctum est, dura transfixione transfixi sunt: ne pedes tui festinarent ad malum, sed current viam mandatorum Dei. Quid plura? Foderunt manus ejus & pedes ejus, dinumeraverunt omnia ossa sua. Pro te carnem & animam suam posuit: ut corpus & spiritum tuum sibi vendicaret, toto se totum te comparauit. Quid ultra debuit facere, & non fecit? Absoluit vinctum, illuminauit cæcum; quia *Dominus soluit compeditos, Dominus illuminat cecos.* Reduxit erroneum, reconciliauit reum; qui te portauit in humeris suis: qui pro te patri proprio sanguine satisfecit. Attende ergo consilium Dei tui, non solum cū patre regnantis, sed & dulcissimi amici tui in cruce pendentis. Nec falli potest, quia sapientia est; nec fallere te vult, pro quo tam ignominiosam sustinet passionem. *Si quis, inquit, vult post me venire, abneget semetipsum, & tollat crucem suam, & sequatur me.* Audi consilium, non præceptum: si enim præceptum esset, quicumque effectui non manciparent, possent cruciatus expectare perpetuos. Sed cum dicit, si quis vult, in nostra positum est voluntate, utrum ex æquo currere cum eo festinemus. Grandis profectò labor, sed præmium incomparabile. *Post me: post eum eundum est; quia ipse est veritas, ne decipiamur: per eum, quia ipse est via, ne aberremus; ad eum, quia ipse est vita, ne moriamur.*

Psal. 129.

Vna sanguinis Christi gutta quanti pretij.

Galat. 5.

3. Reg. 17.

Duo ligna Angelica natura & humana.

Sanè intelligenda verba hæc.

Crucifixi passio perorat pro nobis.

Isai. 6.

Matt. 11.

Ioan. 19.

Quid nos moneat Christus in cruce.

Marc. 14.

1. Reg. 1.

Psal. 118.

Psal. 145.

Ioan. 12.

Sanè etiam accipendum istud consilium.

Liberum arbitrium.

Ioann. 14. Ego sum, ait, via, veritas, & vita. Sequitur. Abneget semetipsum. Primus ille parens præfixis obediendi legibus coarctatus, in campum militæ libertatis exiit. Acceperat in præcepto, ut voluntatem Creatoris suæ præponeret: sed usus, imò abusus propria voluntate, cum habere se voluit, perdidit seipsum. Depulsus ergo ab illa felici hereditate, exilium sortitus est pro patria, mortem pro vita, pro gloria ignominiam. Si vis ergo ad tuam hereditatem reuerti, tuam abnega voluntatem. In hac abnegatione duo sunt, aduersus quæ pugnare, & quæ expugnare oporteat: elatio in mente, voluptas in corpore. Fuge Regem, & Regis exercitum; id est superbiam, & superbiam prolem; & illum securus imò consecutus es, qui dixit. *Discite à me, quia mitis sum & humilis corde.* Pretiosa vestis, epulæ lautiores, & voluptas secretior, longè sint à te: & carnes tuas timore Domini confixisti. Abnegatio igitur voluntatis, hæreditatis est recuperatio. *Tollat crucem suam.* Si non cecidisset Adâ, & in illa sui status dignitate mansisset, esset tamen alias evocandus; & in ordinem promouendus Angelicum. Ob duplicem enim causam factus erat, & ad refarciendum numerum immutatus; & ad illum implendum, qui decreuit, si Angelus non cecidisset. Quia igitur per propriæ voluntatis abrenunciationem nobis hæreditas reddatur, consequenter per crucis portationem grata illa societas beatorum spirituum reparatur. Duo iterum sunt, quæ in hac crucis portatione nos habere oporteat: ut læsi non lædāmus, & beneficiamus lædentibus. Magnum quidem, & ultra hominem est: verborum asperitatem, & verberum, non solum pati, sed & non reddere. Illud vero majus est, & divinum quiddam sapit, benefacere his, qui oderunt te. Magister noster & Dominus, Christus filius Dei, & lædentes patienter pertulit, & benefecit lædentibus dicens. *Pater ignosce illis, quia nesciunt quid faciunt.* Audi beneficium, dum felori, clavi manibus, lancea lateri apponerentur; os manus & latus agebant pro inimicis. Vide ergo si Angelicæ dignitati justè hæc assignauimus. Hæc enim duo illorum proprietati sunt propria: Quotidie illos ad nostri custodiam deputatos multipliciter offendimus: & offensam negligentia cumulamur. Ipsi autem, licet à nobis frequenter injurias patiantur, compatiuntur tamen peccantibus. Nec minor illorum circa nos custodia, imò major sollicitudo, cum boni custodis sit, infirmis magis quam sanis, operam exhibere. Sequitur. *Et sequatur me.* Et si in sui abnegatione reuocatur hereditas, & in tollendo crucem dignitas Angelorum, in imitatione Christi summa nobis felicitas reseruatur. Hic est virtutum consummatio, finis cursus, principium præmiorum. Sed in hac imitatione duo sunt adimplenda: videlicet ut magistrorū subdatis imperijs, & perseverantiam non amittas. Ita planè poteris sequi Christum, qui non venit facere voluntatem suam, sed ejus qui misit illū: & qui pro eadem voluntate non timuit ponere animam suam. Quo fructu, qua utilitate, quo præmio? *Ut ubi sum ego, inquit; illic sit & minister meus.* Quanta est dignitas esse cum Deo, beatis interesse spiritibus, & in illum cœlestem conventum perpetuè numerari. Vide ergo, ne rursus tibi met ipsi crucifigas filium Dei, & ostētui habeas: rursus fabricans crucem, in qua crucifigatur ille, qui resurgens à mortuis, jam non moritur.

Intuere, ne mortiferam crucem efficias: in qua facias Dei filium amarioribus doloribus interire. Superbia superius, inferius luxuria, à dextris prosperatio iniquitatis, à sinistris adversitatis desperatio, spinas, clavos, & lanceam, filio Virginis repræsentant. Cum enim elevaris & ambulas collo extento, caput altissimi spinarum multiplicitate contorques: & hic à superioribus superare contendis, illi similis, qui se similem altissimo cogitavit. Scriptum est, *Dem superbis resistis*, illis scilicet, qui cum eo ex æquo stare contendunt. Cum ponis oculos tuos, ut non respicias cælum; & voluptuosos carnis tuæ moribus moueris & traheris; durioribus clavis pedes omnipotentis transverberas. Ab inferiori inferis supplicium, dum momentanea voluptate voluntatem dominantis excludis. Cum prosperaris in iniquitate, & feliciori cursu rerum peccata peccatis accumulas: clavum ponis in illius dextera, quem de suis bonis persequi non desistis. Cum verò abundantiori tristitia absorberis: & tuam impietatem ejus pietati præponderas, sinistram ejus transfigis, & conceptum furorem furorē tuæ desperationis amplificas. Cum verò præsumis defendere, quod fecisti, lancearem ictum lateri Salvatoris intorques. Nihil gravius ingeris crucifixo, quam tueri quod odit. De hoc enim peccato scriptum est. *Non miserearis omnibus, qui operantur iniquitatem.* Vides ergo, quanta differentia inter utramque crucem perambulet? Relinque ergo crucem, quam tibi fabricasti, & gloriare in cruce Domini nostri: qui est benedictus in sæcula.

Rom. 6.
Cruz quam
dam morti-
fera.

Quis fabri-
catur.

Jac. 4.

Psalm. 58.

SERMO In Feste Angelorum.
De sex alis eorum.

CIRCA rerum cardinem versamur, & magnificentiā operum Domini stylo prosequimur imposito: nec est præsumptio, sed devotio: quia non temerarij scrutatores, sed pii pulsatores accedimus. Honorauerunt siquidem stylum majestas virginis, & dignitas crucis, & utramque præsumpsimus, utroque salvati. Nunc ad Angelos sermonem conuertimus, & illius purioris naturæ contemplamur originem: & hoc quidem convenienter. In primis namque locis illa duo prima posuimus, quæ sibi primatum vendicant in rerum creaturis. Tertium autem locum sortiuntur Angeli, sicut in cælo, ita in scripto; sentit anima, quod continet pagina, & autoritas ratione munitur. Beata illa regio supernarum virtutum: in qua felices spiritus circumvolant Dominum, & sublimi pennarum applausu, in plateis supernæ Ierusalem, Sanctus, Sanctus, clara voce decantant. Vidi, inquit Propheta, Dominum sedentem super solium excelsum, &c. Singula ista verba suo pondere librata sunt, & diligentem quærunt expositorem: cujus nos immunes insipientia & ineloquentia facit. Tentabimus tamen aliquid exsculpere; si non ita solemniter, veraciter tamen. Visio hæc corporalis non est, sed spiritualis: non phantasticis involuta præstigijs, sed pura, & purioris intelligentiæ desiderat sanctitatē. Hanc non vident, nisi videntes, & qui mundi caligine supergressa, splendorem diuinitatis lucidissima mente suscipiunt. Et ut breviter eam diffiniamus, spiritus Dei nostro spiritui dulciter applicatus, hanc

Tertium
locum ha-
bent Angeli
in cælo.

Isa. 6.

Filius Dei
qualis per
33. annos.

Ioan. 13.

Isai. 6.

Triplex
Domini
sessio.

Demon in
cælo seditiq-
nem concit-
ant.

Hominem
non puniuit
Deus ut
Angelum.

efficat visionem, cum nos de præscientia cumulat futurorum. Hoc igitur modo ille totius Prophetæ eloquentiæ gloria, vidit Dominum & sedentem. Filius Dei triginta & tribus annis servus fuit, non Dominus; minister vilis, non gloriosus: & licet dixerit Discipulis suis, *Vos vocatis me Magister & Domine, & ego sum lux mundi*: pauci tamen verborum altitudinem notauerunt: Phariseis invidentibus, Iudæis non credentibus, & illum arguentibus præsumptionis. Sed postquam resurrexit à mortuis, & in triumphali sede receptus est, Imperatoria decreta propalata sunt orbi: fixitque crucifixus in totam mundi latitudinem dominationis insignem. Iam maiestatiu nominibus circumfunditur ille pauper & vnicus, & seruiliū nominū vilitate dimota, Rex Regum, & Dominus dominantium, multa luce refulgurat. Vidit ergo eam filius Amos, non humilem, sed sublimem: non iudicatum, sed Iudicem Angelorum. *Sedentem*, inquit. Triplicem legimus Domini sessionem; vnā post mundi creationem, quando requieuit ab omni opere, quod patrarat; aliam post ascensionem, quando assumptus est in cælum, & sedet à dextris Dei: tertiam post resurrectionem, cum sederit in sede maiestatis suæ, & nos cum eo sedebimus. Solet quietem labor præcedere, statio sessionem. Sed quando laborauit illa maiestas, quæ nec afficitur passione, nec labore distringitur? Audi quomodo. Plurimus ei labor incubuit, cum illum pessimū præsumptorem de cælis ad inferna detruxit: & hominem peccato penè simili comprehensum, de paradiso voluptatis in ærumnosum immisit exilium. Quantum putas tumultum in cœlestibus efferbuisse palatijs, cum mortifer ille vastator irreparabile dissidium in illa cœlesti curia fabricauit? Conuentum proscidit Angelicum, & agmina stellantia secum traxit in mortem. De sævijt tunc omnipotentis indignatio, totaq; diuinitatis dextera percussus est inimicus, & in perditionis devolutus abyssum. Huic tam graui damno, tā graviter vindicato, successit & aliud. Peccauit namque ille, qui huic resarciendæ ruinæ fuerat subrogatus: propter quem omnia subcœlestia fuerant constituta. Peccante autem illo, multum splendoris sidereis detractum luminaribus, totamque elementorum materiam infectio deploranda confudit. Nondum aversus erat furor Domini, sed adhuc manus ejus extenta; & dexteram ejus singulari vulnere fatigatam provocauit in se fragilis & lutosa substantia: sensitque reliquias fulminei furoris miser homunculus; & personale delictum proscriptis vniuersos. Deturbatus igitur frequentibus injurijs rationabilium creaturarum Dominus maiestatis, & super suis hostibus vindicatus, cadentes Angelos cum desperatione damnavit: & hominem castigavit in spe, prævidens quanta bona de illius peccato esset facturus. Et ob hoc fortassis Angelicum peccatum in scripturis non invenitur expressum; ne scripturæ mandaretur, quod emendari non poterat. Requieuit ergo Deus, rationabili fine tantis malis imposito. Sed rursus tactus dolore cordis intrinsecus: & peccantium hominum enormitate gravatus, deleuit, quem creaverat hominem, & diluvium inhabitare fecit. Nec hoc contentus, super Sodomam & Gomortham ignem pluit & Sulphur: Ægyptios submersit in fluctibus: Israëlitas pro-

stravit in cremo: vbiq; turbulentioris Domini representans imaginem. Ad extremum venit ipse, nube nostræ carnis obtektus, & dolorum particeps & laborum, obedientiam didicit, ex his quæ passus est. Consummata autem carnis susceptione, assumptus est in cælum & sedet à dextris Dei. Nec tamen sedet ad plenum; quia adfuit adhuc vultui Dei pro nobis. Erit autem ei tertio sessio gloriosa, cum bonis & malis diuerso fine diversisque clausulis inclusis, sedebit in sede maiestatis suæ: cum nos traxerit ad se, & erit Deus omnia in omnibus. Prima sessio est gratiæ, qua gratis omnia fecit. Secunda misericordiæ, qua nos misericorditer redemit. Tertia gloriæ; cum nos justificabit. Simulque attende sedentis gloriam, & excellentiam sessionis; vbi nulla creatura sedere præsumit. *Seraphim*, inquit *stabant*, non sedebant. *Vidi Dominum, & universam militiam celi adfistentem ei*, ait Propheta. *Assistentem* ait, non sedentem. *Millia millium ministrabant ei, & decies millia centena millia adfistebant ei*, ait Daniel. *Omnes Angeli stabant in circuitu throni*, ait Euangelista. Et alibi. *Vidi turbam magnam, quam dinumerare nemo poterat, ex omnibus Gentibus, & populis, & linguis, stantes ante thronum*. Sed & Virgo singularis astat à dextris in vestitu deaurato. Moyses vt videat Dominum transeuntem; stat in petra; & Elias stat in conspectu Domini; & omnis creatura in conspectu diuinæ maiestatis adfuit. Solus ille transfuga spiritus, dissensionis principium, princeps malitiæ, malorū summa, voluit consedere. *Sedebo*, inquit, *in monte testamenti*. Omnes stant, omnes ministrant, & tu pacis inimice sedere præsumis? Ipse filius, idem quod Pater, sedere nescit, donec dicat ei pater, *Sede à dextris meis*. Talem vidit cum Isaias, & dominatorem vniuersæ terræ, & in aureo throno suæ diuinitatis sedentem, in illa secunda sessione, qua carnem nostram cælis invexit. Sequitur. *Super solum excelsum*. Excelsum solum, Angelicam naturā intellige, primam omnipotentis creationem, & primariæ dignitatis præditam potestate. Super hanc sedet & superuchitur filius Virginis, sulceptumque hominem ordinibus prævehit Angelorum, quia etsi minor est naturā, fortior est gratiā. Si magna dignitas, major voluntas Dei, quam omni naturæ nexu summus ille Philosophorum astruit altiore. Eleuata est ergo magnificentia Dei, non solum super cælos, sed & super Angelos: quia tantò melior Angelis effectus, quantò differentius præ illis nomen hereditauit. *Et plena erat omnis terra maiestate ejus*. Omnis terra. Ipse Dominus Deus noster, in vniuersa terra iudicia ejus, ait Psalmista. Et quomodo nunc post hanc ejus elevationem asserit Propheta, omnem terram maiestate ejus esse repletam? Sed cum dicit plenā maiestate, intendit dicere, maiestatis cognitione: quam ante ejus incarnationem aut nulli meruerunt, aut pauci. Sed nunc ab ortu solis vsque ad occasum, nomen Dei magnum prædicatur in Gentibus, suntque omnes docibiles Dei, quos ejus vnctio docet de omnibus. Etsi in Israël magnum nomē ejus, non tamen jam vni angulo, sed toti mundo notitia se diuinitatis infudit. Sequitur. *Et ea quæ sub ipso erant replebant templum*. Templum accipe ciuitatem Dei viuentis, sponfam ejus quæ non habet maculam neque rugam. Sub ipso sunt, incarnatio, passio, mors, & omnis illa ho-

Marc. 16.

Prima sessio
gratia est,
&c.

Isai. 6.

3. Reg. 22.

Daniel. 7.

Apocal. 7.

Isai. 14.

Excelsum
solum An-
gelica natu-
ra est.

Isai. 6.

Quanam
sunt sub Deo

rarie dispensationis molestia, quia resurgens ex mortuis jam non moritur. Hæc sunt, quæ replent Ecclesiam: quorum recordatio nobis annuas parit solemnitates. Replebimur in bonis domus tua, sanctum est templum tuum: quod tunc profectò mirabile est in æquitate, cum Ecclesia personas non accipit, respuit munera, veritate eligit, diligit ratione. Sequitur. *Seraphim stabant super illud, sex ala uni, & sex ala alteri. Duo Seraphim Angelū & hominē accipe. Qui incendentes, vel ardeantes dicuntur: cum ille ardeat præsentia, hic memoria. Primum de alis Angelorum videamus, & quali volitatione forantur. Et quia nota est sententia illa, quomodo caput & pedes velent, & tantum media videantur; id est, quid fuit ante mundum, & quid post eum erit: his quæ in præsentia sunt, aliquantulū apparentibus, Ezechiel adducamus in medium, qui animalium alas hoc modo distinguit dicēs. *Quibus alis volabant; & due pennæ singulorum iungebantur; & due tangebant eorum corpora.* Prima eorum ala est dignitas suæ creationis. Transparumper in arcanum huius intelligentiæ, & dignitatem huius considera creaturæ. Ipse est principium viarum Dei, ait Scriptura. Quantum privilegiū, quod illa cogitatio altissimi in hunc mundū & opus prorupit. Quam decebat, ut singulari gloria præfulgeret, quod de manibus dominantis primitiua creatione processit. Tu signaculum similitudinis, plenus sapientia, & perfectus decore, in deliciis paradisi Dei fuisti: dicit Propheta. Non solum similitudo; sed & signaculum similitudinis: ut tantò subtilius imago Dei insinuetur expressa, quantò differentius signaculum similitudinem præcedit. Vbi autem plenitudo sapientiæ, decoris perfectio, paradisi delicia, nominatur: tota simul iungitur beatitudo. Subdit autem scriptura, quod superexellic, & quod totius eloquentiæ superat facultatem. Quoniam pretiosiores fecit illum Deus. Hic dictum est, quicquid dici potuit. Secunda est gratia confirmationis. Hæc ala feliciori volatu similitudinem nescit, per omnia similis præcedenti, nec inferior. Cadentibus præsumptuosis, & istis in humilitate durantibus, incircumscriptus ille spiritus remanentes summa prosecutus est largitate: dans eis in munere, ne possent amplius aliqua labefactione corrumpi. Confirmati igitur, & de sui status stabilitate securi, lucidioris gratiæ subiere fastigium. Seruiunt ergo illi, cui seruire regnare est: & felici securitate, & securâ felicitate. His duabus alis volant Angeli, volatione utrique indefessa; & creati digniter, & fortiter confirmati. Tertia ala est singularis amor sui Creatoris: & hæc quidem felicissima, subtilibus pennulis intertexta. Amant enim & ardent, & desiderant in eū prospicere, cuius amore feliciter incenduntur. Quantò enim propiores, tantò ferventiores: & in lumen maiestatis absorpti, indicibili modo & semper ardent, & semper fatiantur. Quarta est assidua visio deitatis: sed & hæc pennis splendidiorebus intertexta. Quantæ dignitatis est, assidue videre Deum. Et illi quidem spiritus, etiam cum mittuntur, non fraudantur gloria visionis: quia ubique divinitatis occurrit essentia, quæ intus est omnia continendo, exterius gubernando. De his duabus scriptum est, *Due pennæ singulorum iungebantur*: cum singularis amor ex assidua visione nascatur, & assidua visio*

singularis amor efficiat. Quinta est gaudium nostræ redemptionis: sed & hæc multiplici varietate picturata. Quis verborum copiam comprehendat, quantum gaudium Deus homo virtutibus Angelicis ingessit, cum & eorum collegam, qui ab eis exierat, sed non erat ex eis, velle crucis irruente confregit, & hominē perditam ad regna revocavit caelestia? Nec mirum, quia videbant materiam repurgatam, de qua superna illa civitas reedificatur, cuius participatio ejus in idipsum. Sexta est restitutio supernæ civitatis: sed & hæc picturis pulchrioribus colorata. Quid erit, cum illo terribili iudicio petrecto, Dominus virtutum homines Angelis sociabit, refarciens damnum; redintegrans numerum, & unumquemque ordinem emeritis hominibus ad summā revehet numeralem? Tunc sicut letantium omnium habitatio erit in civitate Dei: quia varietate partium ordinata, nil erit amplius quod repugnet, vel quod à statutis locis valeat elocari. De his duabus dicitur: *Due tangebant eorum corpora*: quia gaudium nostræ Redemptionis, & restitutio supernæ civitatis, beatorum spirituum corpora contegunt & refarciunt: ne tam ruinosa dimissio in illa superiori gloria cognoscatur. Et attendendū, quanta benignitas erga genus humanum, in istis administratoris spiritibus cumuletur; quia pugnant pro nobis, juxta illud. *Factum est prælium magnum in celo.* Vincunt pro nobis; sicut ibidem subiungitur. *Nunc facta est victoria.* Gaudent pro nobis, sicut scriptum est: *quia gaudium est Angelis Dei, super uno peccatore penitentiam agente.* Flent pro nobis, juxta illud. *Angeli pacis amore flebunt.* Hæc sunt felices pennæ, quibus ille numerosus ordo supervolat, stans immutabiliter, alacriter volans, & in æternitatem. Sed jam redeundam est ad nos, & stylus ad nostram retorquendus humanitatem; quos ab Angelorum consortio corporeæ voluntates diiudunt & abjungunt. Et licet in hanc degeneraverimus vanitatem, portamus tamen imaginem Creatoris: quæ & si obscurari potest, tamen nequit deleri. *Univerſa vanitas, omnis homo vanus;* ait iustus; *sed in imagine pertransit homo.* Adsignemus ergo sex alas istas homini: & si non tales, qualescūque tamen. Prima hominis ala revertentis ad Deum, amaritudo cordis est. In multis offendimus omnes, & non est numerus offensionum nostrarum. Sed cum accedente, & accedente gratia Dei cor nostrum, recogitamus omnes annos nostros in amaritudine animæ nostræ, obscuratam reclaramus imaginem, & in nostrum principium reformamur. Sed quia corde creditur ad iustitiam, ore autem confessio fit ad salutem: sequitur secunda penna; confessio scilicet oris. *Ante omnia confessio,* dicit scriptura: nihilque Deo gratius est, quam confiteri & accusare quod fecisti. Plena est omnis scriptura sacra tantæ virtutis testimonio: cui tam veteris, quam novi testamenti tota servit auctoritas. Istæ siquidem duæ virtutes sunt, quæ multiplicem cumulum scelerum nostrorum ante Dei oculos abscondunt. De his dicitur: *due tangebant eorum corpora.* Beati quorum remissa sunt iniquitates; & quorum testa sunt peccata. *Beatus vir cui non imputavit Dominus peccatum.* Imputavit, dixit, non fecit; qui enim peccatū non fecit, non est nisi vnus, & hic est filius Dei. Omne quod ipse nobis imputare non dearevit, sic

Isai. 6.

Ibidem.

Quid sint
sex ala An-
gelorum.

Ezech. 28.

Angeli in
iustitia con-
firmati.

Ezech. 1.

Gaudium
Angelorum
de nostræ re-
paratione.

Ezech. 1.

Angeli pro
nobis pu-
gnant.

Apocal. 12.

Luc. 15.

Isai. 33.

Psalm. 38.

Sex ala ho-
mini utrum
que appli-
cantur.

Ezech. 1.

Psalm. 31.

est quasi non fuerit. Tertia ala est spes. Hæc est, quæ fragiles animos erigit ad superna; quæ tædium expectationis læuigat, quæ præsumit de misericordia iudicis, & in divinæ virtutis obversatur palatio. Quarta est timor. Ista est, quæ subcutit carnem carnem nostram, ossa penetrans, & ipsis se infundens medullis. Offer paululum oculis cordis imaginem Domini: & illius Domini, qui fecit cælum & terram; qui potestatem habet corpus & animam mittere in gehennam; cujus patientiam provocasti, thesaurizans tibi iram in die iræ, & revelationis iusti iudicii Dei. Cum hæc intuitu diligentiori perspexeris, timor & tremor venient super te; & formido mortis interiorum hominē validius interneget. Quia igitur spes multum præsumit, & timor diffidit nimis, utrumque jungere non moreris; ut in commune faciant, quod divisa non possunt. Disce sic sperare, ut timeas: sic timere, ut speres. De his scriptum est: *Dna penna singulorum iunguntur.* Quinta est humilitas. Prope est Dominus his, qui contriverunt cor, ait Scriptura. Humilitas mater virtutum: superbia vitiorum regina. Hæc sola virtus virtutum nutrix, quam solā in Virgine matre respexit altissimus; cujus, quamdiu conuersatus est in tetrīs filius Dei, & executor extitit & magister. *Discite, inquit, a me, quia mitis sum & humilis corde.* Sexta est charitas. Hæc est principium & finis, bonorum clausula, singularis filia summi Regis. Superfluum est, eam verbis prolixioribus commendare; cui alaudit & sæcularium, & divinarum, tota facundia litterarum. De his dicitur. *Dnabus aliis volabans.* His geminis alis illi pennati evolvant ad superna, de quibus dicitur. *Frustra jactatur rete ante oculos pennatorum.* Quod si istis volaverimus, nec defecerimus: quandoque etiam pennis Angelorum volabimus, & videbimus eum in decore suo, qui est Deus benedictus in sæcula.

SERMO In Dedicatione Ecclesie:
De Sacramentis ejus.

POST Crucem, post Virginem, post Angelos, quid est majus in terris: quid in cælis sublimius? Illa utique, quam accepit altissimus, quæ vulneravit cor sponsi sui; cui sponsus idem in Canticis dicit: *Vulnerasti cor meum soror mea sponsa, in uno crine colli tui, & in uno oculorum tuorum.* Quam speciosa sponsa ista, quæ in vno capillulo, & oculi scintillatione, vulnerat cælorum Regem, Angelorum Dominū, filium Dei Patris. De illa nobis est sermo: licet non sit sermo in lingua nostra. Hæc est illa, quæ posita est in superbiam sæculorum: cujus gloria à mari usque ad mare: cui Reges & principes famulantur: quam circumvolat Angelorum cælestium multitudo: in qua fons sapientiæ repositus est & signatus. Hortus conclusus, fons signatus. Hortus, ubi clara rosaria pulchriori colore resplendent, & felices virgæ florum & fructuum gloria cumulantur. Hortus, quem ventorum non tangit alternitas; ubi mollioris auræ gratia frequenter aspirat, & vernans amœnitas allicit inuientes. Conclusus, non murali vallo, nec camentorum lapidum glutinosa tenacitate; sed Angelica statione vallatus. Fons, de quo fontes Israël derivantur: qui irrigat univērsam superficiem terræ, & inebrians & emundans. Signatus, sigillo utriusque totius Trinitatis, quæ

ille malignus effractus, non dico confringere, sed nec tangere audebit. In hac mortua germina regerminant, & aridiora ligna facile resuscitant. In hac contegitur multiplex varietas sacramentorum: & contegitur thesaurus misericordiarum Domini Dei nostri. Et ut breviter dicam; duodecim Sacramenta sunt in Ecclesia, quæ unius fidei pietas contegit: circa quorum instantiam reflectitur Christianæ religionis auctoritas. Primum est Baptismatis. Hoc sacramentum pretiosius est cunctis opibus, & omnia quæ desiderantur, huic non valent comparari. Quis enim cogitatione cordis, vel volubilitate sermonis adimpleat, quanta sint in aquarum substantia completa? Antequam mundus pareretur, & ex informi materia multiformium specierum diversitas exiliret, spiritus Domini ferebatur super aquas; & elementum hoc figurati præmulcebat obsequio. Cælum ipsum ex aquis compactum, Hebræorum tradit auctoritas; & per aquas univērsalis illa purgatio celebratur. Patriarchæ ad aquas sunt uxoris, & per aquas Iudæorum murmur extinguitur. Omnis illa series veteris instrumenti diligentius introspecta, majorem sacramentorum altitudinem in aquarum materia consignavit. Salvator ipse legem sequens, itinerarij sui principium aquis indixit; cum in flumine sublimis illa potestas voluit baptizari. Primum miraculum ex aquis fecit. Samaritanæ juxta puteum, fontem aquæ salientis in vitam æternam repromittit. Denique, qui ab aquis cæperat, finivit in aquis. Vulnerato enim latere crucifixi aqua manavit, quæ terrarum orbem purgatorio lavamine candidavit. Ad extremū conclusiva sententia chorū Apostolicum imbuens, *Ennes, ait, baptizato omnes Gentes, in nomine Patris & Filij & Spiritus sancti.* Nonne igitur liquidò patet, quia legis utriusque sublimitas vim rerum sacramentalium in hujus elementi liquore perfudit? Non te moveat paucitas exemplorum: cum plurima præ manibus haberentur, nisi prolixitatem evitaret oratio. Secundum est Sacramentū Confirmationis. In Baptismate spiritus datur ad veniam, hic ad pugnam. Ibi mundamur ab iniquitatibus, hic virtutibus præmunimur. Nonne in superliminari fronte domus nostræ terrestris, consecrata manus Episcopi sacri Chrismatis imprimit vntionem? Nec quilibet tanti mysterij est executor, nisi solus Pontifex, super cujus caput fustum est vntionis oleum; & cujus ditioni sacerdotum subditur multitudo. Baptismi gratiam omni homini, vel omni sexui tradidit auctoritas antiquorū, Confirmationis autem insigne sola Pontificis persona suæ vendicat dignitati. Inde est, quod Decretales paginæ, & sanctorum Patrum instituta decernunt, non esse differendam hujus sacramenti virtutem post baptismum; ne nos inermes inveniat fraudulentus ille contortor, à quo nemo unquam nocendi inducias extorsit. Delibuti igitur utriusque roris vnguento, illos sanati, confortati isto: securius descendamus ad singulare certamen. Nec nos terreant arma Goliz, non magnitudo moveat staturalis; quia nobiscum est magnus Dominus noster, & magna virtus ejus: apprehendens arma & scutum, ut exurgat in adiutorium nobis. Tertium est oleum infirmorum. Infirmitatibus nobis, & usque ad mortem mortali febre languētibz, spiritus pietatis assistit: & recordatus est quod pul-

Baptismus
sacramen-
torū primū.

Genes. 1.

Joann. 1.
& 4. & 19.

Matt. 28.

Secundum
Sacramentū
Confirmatio est.

Sacramentū
Extrema-
vntionis.

Iac. 5.

vis sumus. Ait enim. *Infirmatur quis in vobis? Inducat Presbyteros, & orent super eum, & unguant eum oleo sancto: & si in peccatis est, dimittentur ei.* Solénis vñctio, liquor excellēs, quo sanitas redditur, peccatū dimittitur, immittitur timor Dñi. Vidēne, qualiter Sacerdotis manus infirmantis inungat corpus, & illecebrofam sensuū motionem sacra mitiget vñctione? Vnde & Sancti Patres hanc vñctionem Sacramenti genus esse sanxerunt, decernentes non esse reiterandam: quia qui Sacramenta replicat, injuriā ipsis Sacramentis facit. Quartum est, consecratio Pontificis. Hæc quanto sublimior, tanto dignior approbatur. Cū enim Canonicis Sanctionibus eligitur persona, quæ tantæ dignitatis debeat subire fastigium, clarior Pontifex cū cæteris Pontificibus evocatur: præparatur Ecclesia, partem susceptura de filio. Vngitur illius caput oleo lætitiæ præ confortibus suis, in illius figuram, qui thalamo virginali spiritali balsamo profusus irroratus, oleum benedictionis super filios hominum distillavit. Liniuntur & manus, ut quidquid benedixerint, benedicatur, & acceptum sit divinæ majestatis aspectui. Ponitur & Evangelica pagina super caput ipsius recubentis, ut & verba vite suam sentiat excedere rationem: & oculi ejus deficiant in eloquium Domini. Superponitur cidaris capiti consecrato, & aurea lamina frontis gloria præsignatur, in qua contextitur divinitatis nomen. Traditur annulus secretorum in manu ejus, ut dicat cum Propheta. *In corde meo abscondi eloquia tua: ut non peccem tibi.* Calciantur & pedes in præparatione Evangelij pacis, ut sit de quibus dicitur: *quā speciosi pedes Evangelizantium pacem.* Accipit & baculam Pastoralem, ut ex ipsa virgæ qualitate signetur, qualiter mansuetos colligat, corrigat inquietos. Sic sic solemni vestimentorum glorificatione præfulgidus, & ad altare Dei familiaris intrās & exiens, itam ludicis in misericordiam patris, felici cōmuratione devolvit. Hic habet gladium spiritus, quod est verbum Dei: hic potest tradere Satanæ in interitum carnis. Quintum est inunctio Regis. Sublimis ista delibutio, quia sublimem efficit potestatem. Cū enim tantæ nobilitatis sanguis, vel genere vel electione consecratur in Regem, religio cum nobilitate totis regni viribus convocatur. Astat hinc Primatū, Metropolitanorum, Episcoporum, gloriosa societas, illinc Ducum, Comitum, Castellanos, non spernenda nobilitas. Procedit medius homo super homines regnaturus, constipatus agmine personali. Ducitur denique ad excelsi Dei aram, ab eo regni principium fortiturus, per quem Reges regnant. Priusquam Imperatorij cultibus vestiatur, requiritur super eo Cleri voluntas & populi, & manu propria libertatem jurat Ecclesiarum: & tunc vestibus suis exuitur, & oleo sacificationis aspergitur, ut typico rore perfusus, celestis vñguenti plenitudine gloriatur. Induitur denique purpura, quod est regie majestatis insigne, gestat regni sceptrum in manibus, ad regendum populum sanctum Dei. Ponitur corona aurea super caput ejus, expressa signo sanctitatis, gloria honoris, & opus fortitudinis. Præfertur gladius in oculis ejus, ut cognoscat, quia vindex est ira Dei, in hoc ipsum constitutus. Tantis igitur ac talibus mysterijs initiatus, reportatur ad palatium: a die illa &

deinceps timendus pariter & amandus. Felix autem, si gladium regni gladio conjungat Sacerdotij, ut & gladius Sacerdotis mitiget gladium Regis: & gladius Regis gladium acuat Sacerdotis. Isti sunt duo gladij, de quibus in passione legitur, *Ecce gladij duo hic, & respondetur a Domino, sufficit.* Tunc enim regnū provehitur, Sacerdotium dilatatur, honoratur vtrumque, cū duo prætaxata felici confederatione junguntur. Sextum est sacramentum Dedicationis. Dici vix potest, quanta sit in hoc loco varietas Sacramentorum, & institutionum alternatio. Primum enim Ecclesia intus & foris dealbatur; cruces duodecim in interiori circuitu Ecclesie imprimuntur, cerei totidem accenduntur, emundatur Ecclesia, Pontifex Ecclesia exterius circuit cum aqua benedicta, & in superliminari portæ tertio virga pastoralis feriens, dicit: *Attollite portas principes vestras, &c.* illis, deintus respondentibus: *quis est iste Rex gloria.* Tunc benedicit aquā sale & cinere, vino hyssopoque conspersam; Alphabetum ex transverso quadrangula ratione conscribit. Altare septies ex eadem aqua Respergit, cruces Chrysimate, altare verò mixtura chrisimatis oleiq; pervingit; ad quatuor altaris cornua incensum incendit, altare tersum novis velaminibus operit, aliq; multa quæ sermonis brevis non permisit inserere. Post hæc omni vestimentorum gloria cummulatus, ingreditur ad altare, sacrificium singulare celebraturus, & sic finem sacificationi impositurus. Quis hujus abyssi caliginē sermonis claritate possit illuminare? Attingissemus tamen quantumcūque: nisi nostris temporibus Carnotensis Episcopus vivacissimo mentis ingenio omnia lucide declarasset. Ad eum igitur lectorem mittimus, ut plenissimam hauriat veritatem. Notandum tamen, quia præcedentia sacramenta sine visibili vñctione non sunt, eum subsequētia nihil hujusmodi continere legantur. Septimum est Sacramentū confessionis. Confessionis bonum, quantum, vel quale sit, non est nostre tenuitatis laudibus effereandum: cū præclara patrum ingenia multis eam insignierint documentis. Hæc est via communis ad Deum, fons tam justis quam peccatoribus patens, qui criminum abundantiam abundantiori liquore detergit. Primam reddit innocentie stolam, & fugitivum filium in paternos reducit amplexus. Ex hoc fonte felices Apostoli lacrymæ profuserunt: in hoc peccatricis feminae dæmonia sunt submersa: per hūc adulter & homicida David spiritu principali legitur confirmatus. In hoc felix ille volutatus est latro, qui brevi ponte crucis de patibulo ad regnum, de cruce in paradysum translatus est. Consummatus in brevi, explevit tempora multa. In hac virtute caligant oculi plurimorum: qui vel disfectione privati, vel assentatione seducti, aut nesciunt, quid injungant: vel si sciunt, privatā gratiam præferunt veritati. Nec suscepimus hic aperire, quid sentiamus ex ea; sed sermoni proprio proprietatem illius reservamus. Hoc tamē lectori & diosum non sit; quia confitens pastori suo puritatem cordis, oris veritatem, carnis macerationem, debet exhibere. Ille verò cui confitetur, pœnitentiam dignam, orationem continuam, taciturnitatem perpetuam confitenti curet administrare. Octavum est Canonicorum. Isti sunt in Ecclesie folio sublimati, qui in Epi-

Luc. 22.

Dedicatio
seu Consecratio Ecclesie.

Psal. 23.

Psalms. 118.

Isai. 52.

Vñctio Regis.

Confessio
seu Pœnitentia sacramentum.

Sigillum
Confessionis.

Cannick
Regularis.

Amos 6.

Monachorum
institutio.

Eremita.

Moniales.

Matrimo-
nium.
Ephes. 5.

scopi fide, veste candida praefulgentes, inno-
centiam cordium colore vestium reprobant.
Hi de communi & in commune viuentes, vel
vivere debentes, perpetua, si peccaverint, sunt
penitentia castigandi. Habitus enim eorum,
non penitentiae, sed innocentiae esse monstratur.
Videant ipsi amici sponsi: quid respondeat ante
faciem sponsi, cum de sponsa coeperit exigere
rationem, qui iudicat orbem terrae in equitate.
Nolumus inuahi super illos: sed hoc solum ca-
ueant, ne de patrimonio crucifixi lautioribus
epulis infandantur, vel vestimentis ornentur
nitidioribus: ne audiant à Propheta. *Non com-
parabantur super contritione Ioseph.* Nonum est
Monachorum. Hi sunt, qui forensium causarum
tumultibus elógati, ludificationes demonum
patienter eludunt: in scripturis assidui, in obe-
dientia praecipui, fervidi charitate, beatæ vrbis
gaudia è vestibulo contemplantur. Circumspi-
ciant tamen semetipsos, nec in amplioris coro-
nae vel laxioris calciamenti vilitate confidant;
cùm homo videat in facie, Deus autè in corde.
Decimum est Eremitarum, qui per montium
cavernas, & vallium concava latitantes, Ange-
licis sociati spiritibus; in diuitias gloriae con-
templatiuis oculis rapiuntur: & in carne carnis
oblici, naturam suam indefessa meditatione fa-
tigant. Undecimum est Sanctimonialium. Istæ
sexum & seculum ausu validiore vincentes, spe-
ctabilem victoriam ab hostis antiqui feritate
reportant. Gloriosa res, vbi tenera membra
longiori martyrio confringuntur: illius ener-
vant fortitudinem, qui similitudinem altissimi
concupivit. Ad huius spectaculum pugnae, citò
convertitur ille misericors intuitus: & tali po-
tissimum victoria delectatur. Duodecimum est
nuptiarum. *Sacramentum hoc magnum est,* ait
Apostolus; *Propter hoc relinquet homo patrem &
matrem, &c.* Quid enim magis vnum, quàm
illi, quibus est vna caro, vna mensa, vnus tho-
rus immaculatus? Hic destruuntur incestuosa
conjugia, & legitimorum heredum digna pro-
genies propagatur. Hæc sunt duodecim sacra-
menta: quæ nisi fallor, duodecim cruces signi-
ficant; quas in circuitu Ecclesiæ videmus ex-
pressas. Hæc sacramenta in Ecclesia per manus
ministeriorum Dei fiunt, ad honorem illius, qui
est benedictus in sæcula.

SERMO In Festo Sancti Victoris:
De septem Ramis & septem fructibus ligni vite.

S. Victor
Abbas Ar-
remensis,
miraculis
clarus.

Apocal. 2.

AD manum est S. Patris nostri Victoris solè-
nitas; ad cuius sanctissimū corpus, si vera
est antiquitatis fides, quotidie residemus. Hic
est, qui in virtutum signis virtute Dei gloriosus
effulgit: Apostolis, & Apostolicis viris, miracu-
lorum gloria comparandus. Quæ vel quanta
sint, vel quali sublimitate fulgeant, libellus de
ortu & vita ejus latius exarat, sufficit indicare.
Huic significanter assignari potest illud, quod
in illa solemnī visione Angelo Ephesi Ecclesiæ
scribitur. *Vincenti dabo edere de ligno vite, quod
est in paradiso Dei mei.* Ipse etenim nomen ex
opere fortitus, antè vicit, quàm vincere nosset;
nec quemlibet hostem, sed illum, de quo rara
& numquam secuta victoria. Quod sit hoc li-
gnum vite, diligenter libet nunc intueri. Lignū
vite est sapientia: de cuius fructu, & hic in spe-
cie, & illic manducat in re. Fructu vtiq; spe-

cioso & pretioso: specioso propter speciem pre-
tioso propter utilitatem. Hæc est illa sublimis
arbor, cuius vmbra montes, & arbuta cedros
Dei operuerunt. Hæc est cedrus Libani, qua
ramosa densitate Angelicas parvumbrat statio-
nes. Sub huius arboris vmbra sedet sponsa, &
fructus ejus dulcis gutturu suo. Huic dicimus,
In vmbra tua vivemus in æternum. Huius vmbra-
braculum protegit ab aestu dici, in securitate &
abscissione à turbine, & à pluvia. Hoc est illud
granum sinapis, quod in utero Virginis Dei pa-
tris manibus seminarum, minus fuit omnibus
oleribus terræ; sed in tantā altitudinem exur-
xit, ut veniant volucres cæli, & habitent in
ramis ejus. Lignum, quod plantatum est secus
decursus aquarum: lignum vite in medio para-
disi. Et attende magnum sacramentum. Filius
Dei totus & integer eructatus est de corde Pa-
tris in utero Mariæ: de utero Mariæ in gremio
Ecclesiæ. Quantus in patre, tantus in virgine;
quantus in Virgine, tantus in Ecclesiæ unitate.
In Patre ineffabiliter: in Matre mirabiliter: sin-
gulariter in Ecclesia. Cum patre ejusdem & equa-
lis substantiæ: cum Matre ejusdem & divise
cum Ecclesia ejusdem, sed occulte. Sic distilla-
verunt cæli misericordiam: sic verbū Dei trans-
fusus est, & effusus vbique totum; sine quo
nihil totum. Felix effusio, quæ currentes ado-
lescentulas ad odorem suavitatis invitat, visu
recreat, satiat gustu: vbique autem in medio.
Nam in illa deitatis essentia, medius est inter
Patrem & Spiritum, persona familiaris homini
benignitate, familiarior identitate, cum sola
carnis nostræ suscepit paupertatem. Vnde
David in ipsius divinitatis abyssum immersus
ait. *Benedicat nos Deus, Deus noster, benedicat nos*
Deus, & illum in medio majestatis esse prote-
stans, & nostrum asserens specialiter, qui nostræ
mortalitatis indutus est vestimento. Pater enim
& Spiritus sanctus impleverunt quidem virgi-
nem: sed majestate, non susceptione. Est & in
medio ipsius Virginis utero substantialiter illa-
plius, qui medietatem staturæ comprehendit
humanæ. Deus enim Rex noster ante sæcula
operatus est salutem in medio terræ, terræ vtiq;
illius, de qua scriptum est. *Nemo erat, qui op-
raretur terram.* Est etiam in medio Ecclesiæ, di-
cente Psalmista. *Sanctificavit tabernaculum suū*
altissimus: Deus in medio ejus non commovebitur.
Colligamus pauca de pluribus, qualiter Salva-
tor medius sit, & semper in medio videatur.
Vulpes foueas habent, & volucres cæli nidos;
ipse non habet nidum, foveam ignorat, angulū
nescit. Locum illum elegit, vnde pateat omni-
bus, exclusa personarum acceptione. Denique
natus invenitur in medio duū animalium; qua-
situs à parentibus, reperitur in medio Doctorum;
& medius Iudæorum stat, quem ipsi nesciunt.
Loquitur & ad Discipulos. *Vbi duo vel tres con-
gregati fuerint in nomine meo, ibi sum in medio*
eorum, dicit Dominus. Et ego in medio vestrum
sum sicut, qui ministrat. Crucifixus est etiam in
medio duorum latronū: resurgens etiam stetit
in medio discipulorum suorum. A Ioanne etiā
visus est in medio candelabrorum aureorum.
Medius ergo medium sequere: nec angulorum
sordibus, nec fovearum tenebris delecteris, sed
dic cum iusto. *In medio Ecclesiæ laudabo te.* Hoc
igitur lignum vite plantatū in medio paradisi,
arbor aromatica, purissima balsamorum mellis
cittulans,

Lignum
vite quod-
nam sit.

Thren. 4.

Christus
semper in
medio.

Psal. 66.

Genes. 2.

Psal. 49.

Christus om-
nibus pater.

Matt. 18.

Luc. 22.

Psalms. 21.

Primus ramus arboris Christi Incarnatio ejus.

Luc. 23.

distans. Ex hujus arboris substantia septem-
placitum ramorum corda progerminat in quo-
rum summitate fructus illi dependent, quos cæ-
lestis illa fistula Paulus Apostolus verbis elegā-
tibus explanavit. Primus ramus est Incarnatio
ejus. Iste quidem subtilis & necessarius, cum &
instauraret cælestia, atque terrestria restauraret, &
utramque naturam sua vivificet viriditate. Si in
viridi, inquit, ligno hoc faciunt, in arido quid fiet?
se vocans viride lignum, de virginali pullulatū
virore, cum nos & natiuitatis munditiam, & fi-
dei viriditatem in primo parente verum sit ami-
sisse. Hæc tam sapienter ab ipsa sapientia exco-
gitata est, ut & cordis & oris transeat facultatē.
Oporrebat enim ad redēptionem hominis, ut
victus homo victorem diabolum vinceret: sed
vnde hoc fieret non habebat. Omnes enim in
illo proscripti eramus, & per illum originalis
peccati gravitate depressi. Deus enim non de-
buit, cum potius potentia videretur, si servum
recedentē ab eo, cui se subjugauerat, enodaret.
Quod igitur homo per se non potuit, Deus per
se non debuit, artifex sapientia Deum & homi-
nem colligavit; ut ex parte hominis pro homi-
nibus satisfaceret, & ex parte Dei, & superbum
sicut vulneratum, humiliaret. Clausa est prin-
cipi tenebrarum hæc tam gloriosa conjunctio:
nec versuta calliditas consilium Dei potuit con-
jectare. Assumitur purum semen de virginea
puritate; & illum propitiationis fontem sapien-
tia Dei secretiori novitate repurgat. Primus
itaque ramus est Incarnatio ejus: fructus ipsius,
spiritus sapientiæ. Secundus ramus est baptis-
mus Christi. Intuere filium Virginis, non ad
ablutionem membrorum suorum, quæ de vir-
ginibus membris exierant, fuisse baptizandum:
sed ut tantæ inundationis privilegium in aqua-
rum substantia sanciretur. Tene intellectu, quod
visu non potes; descendere in aquam, cum ali-
quis baptizatur, filium diaboli; & ascendere fi-
lium Dei; vasa iræ in misericordiæ vasa conuertit:
gueri peccatum originis, subverti latronis ædi-
ficiū; diuinitatis domicilium preparari. Adest
Spiritus sanctus; & de summa cælorum arce de-
scendens, aquam sanctificat; deificat baptizatū;
clarificat ministerij dignitatem. Constipantur
Angelicæ virtutes; alludētes sacramentalibus in-
stitutis: & cælestibus creaturis vnda purificans
coronatur. Cordis non carnis oculos desiderat
sacramenti transverso; quia intelligibilis est.
Secundus ramus est baptisimus Christi; fructus
ejus, intellectus. Tertius est passio Redēptoris.
Vide consilium Dei, quod in abyſso iudiciorum
Dei clausum fuerat ab æterno. Consilium tuum
antiquum, Domine, verum fiat, ait vnus, qui ad
arcanum diuinæ providentiæ fuerat intromissus.
Numquid non consuluit tibi, cui non erat ad-
jutor; cum se addixit opprobrijs, tormentis ex-
posuit, & inclinato capite emisit spiritum? O
quàm indebita miseratio! quàm gratuita, & sic
probata dilectio! quàm inopinata dignatio!
quàm stupenda dulcedo! filium Dei sic affligi,
Regem gloriæ crucifigi. Denique nihil melius
ad te redimendum habuit, quàm quod semet-
ipsum exaninavit; nec excellentiorem modum
invenit sapientiæ Dei in omni sapientia sua. Pas-
sio ista est tuæ redemptionis consilium, ramus
mirabilis & necessarius; fructus ejus, spiritus
consilij. Quartus est descensus ejus ad inferos.
In fortitudine singulari descendit ad inferos,

ramquam potens crapulatus a vino; & contur-
bavit virum, qui conturbaverat terram: qui po-
suit orbem desertum, confringens malleum vni-
uersæ terræ: & horrendum palatium illud for-
tissima subversione concutiens. Fortis quidem
erat ille; sed fortior superuenit, qui vasa disper-
deret, auferret arma, ligaret inimicum. Et ra-
mus quidem iste rectus & subtilis; cujus fructus
est spiritus fortitudinis. Quintus est Christi Re-
surrectio. Hic ostendit nobis exemplo, quod
promiserat in præmio: & scire nos fecit, quod
eo resurgente resurgemus & nos: qui & dissimi-
lis gloriæ, tamen ejusdem naturæ in vtero Vir-
ginis fuerat incarnatus. Exclusa est totius ambi-
guitatis offensio; viderunt manus, tenuerunt
pedes, palpauerunt latus; & omnia mortis insi-
gnia beatis oculis aspexerunt. Et hic ramus ma-
gnus atq; sublimis: fructus ejus spiritus scientiæ.
Sextus est Ascensio ad cælos. O singularis pie-
tas, bonitas specialis, cum limum nostræ carnis
sublimibus intulit officinis; & ad dexteram pa-
tris collocavit in gloria. Vident & admirantur
cælestium agmina Angelorum: & ad tantæ glo-
riæ largitatem incessabiliter obstupescunt. Exu-
perat omnem sensum tantæ dignationis intuitus,
ipsi soli pervius Trinitati. Sed & hic ramus
spectabilis & mirandus: fructus ejus spiritus pie-
tatis. Septimus est dies Iudicij: quando veniet
cum potestate magna & maiestate, reddere in
ira vindictam, & vastationem in flamma ignis.
Tunc erit timor ille timendus, cum cælis arden-
tibus, pugnantibus elementis, terra succensa,
conscientijs obvolutis, dæmonibus accusanti-
bus, Angelis trementibus, Iudice furibundo, &
misericordiam nesciente, fiet illa discussio, quæ
vniuersam nos paratos inueniat. Ramus iste ma-
gnus & metuendus, fructus ejus spiritus timoris
Domini. Amemus ergo lignum vitæ, & de fru-
ctu ejus assidue manducemus: quia fructus iste
filius Mariæ est; qui est Deus benedictus in sæ-
cula.

Quintus ra-
mus Resur-
rectio.

Sextus ra-
mus est As-
censio.

Septimus
ramus dies
iudicij.

Secundus ramus baptis-
mus ejus.

Tertius ra-
mus passio.

SERMO In Feste omnium Sanctorum:
De septem Beatitudinibus.

HODIE dies serenior arrisit nobis: sol soli-
to lucidior terris illuxit. Non enim vnus,
sed vniuersi Sancti sanctificant eam: & splen-
doribus irradiant luminosis. Spectabilis illa cæ-
lorum solemnitas, quæ non annuis, sed conti-
nuis gaudijs inclarescit: vbi lumen videtur in
lumine, & ipsius Trinitatis substantia beatis o-
culis oculo ad oculum aperitur. Ibi cognoscitur
gignentis genitique, & procedentis ratio sem-
piterna; quæ hic credi potest, comprehendi non
potest. Illic Regina Virginum virginibus innum-
meris comitata, mansiones perambulat Ange-
lorum: & vtrisque naturis gloriam ejus admi-
rantibus dicit. Quid me admiramini? Diuinum
est mysterium hoc, quod cernitis. Diuinum profe-
cto, non humanum, nec humanis vnquam ra-
tionibus comprehensum. Ibi numerosus Ange-
lorum exercitus sacris divisionibus insplende-
scit; & volitatorio delectatus obsequio, non
velat, sed reuelat Domini maiestatem. Illic Pa-
triarcharum electio primitiua, reuerenda so-
cietas Prophetarum; gloriosus Apostolorum
chorus: purpurea Martyrum multitudo, con-
gregatio florida Confessorum, candidissima
Virginum turma, Monachorum numerus infi-

Verba Ec-
clesiæ.

4. Ramus
desensus a
Inferos.

Psal. 35.

Psal. 83.
& 86.

Psal. 41.

Matth. 5.

Christus a-
scendit om-
nes gradus
beatitudi-
num.

1. Ioan. 2.

Pauper spi-
ritu quis.

Quis mitis.

Matth. 5.

Perfecta ju-
stitia qua.

nitus. Sedet in medio Dominus virtutum: & de refusione gloriæ suæ inebriat intuentes. *Inebriabuntur ab ubertate domus tuæ.* Ibi pax secura, requies voluptuosa, vita perpetua, sapientia mentis, agilitas corporis, cordis illuminatio. Verè *beati qui habitant in domo tua Domine.* Verè, *sicut latantium omnium, habitatio est in te civitas Dei;* & in plateis tuis, vox exultationis dulcioribus modulis intonatur. *Quare tristis est anima mea, & quare conturbas me.* Spera in Deo quoniam adhuc confitebor illi ibi. Sed hic stadiū, illic præmium: hic pugna, ibi corona. Vanum est, ante lacem surgere. Indurandus est animus, & à blandimentis voluptatum procul abstrahendus, & vtriūque substantiæ materia repurganda: si ad proprios ortus volumus reuolare. Amāda est interim tenuitas paupertatis: sermo suspendendus amarior; elatio fugienda: sustinendi labores; cum fortuna congregiendum: eliminandæ diuitiæ sæculares. Hoc est, quod ille pauper & vnicus, in hodierna sancti Evangelij lectione pauperibus, quos de mundi vanitate vocauerat, ait. *Beati pauperes spiritu.* Hæ sunt octo, imò septem beatitudines: quia octaua eadem cum prima. Felicissimi gradus, quibus itur ad Deum: quos omnes in persona sua primus ascendit, qui ascendit in montem, & aperuit os suum; ut discipulos doceret suos. Denique quis pauperior illo, qui non habuit ubi caput suum reclinaret? Quis eo mitior, qui mitis est, & humilis corde? Videns ciuitatem, fleuit super illā; fleuit Lazarum, iustitiam docuit, iustitiam fecit; in cuius ore non est inuentus dolus. Quis illo misericordior; qui mulierem adulteram liberavit, peccatricem sanauit septem dæmonibus cumulatam? Quis mundior eo, qui peccatum non fecit? Pacificare venit, & quæ in cælis, & quæ in terris: pacem reliquit discipulis suis. Persecutionem, pro iustitia passus; flagellatus in carne, suspensus in cruce, morte turpatus. *Qui dicit se in Christo manere, debet sicut ambulans & ipse ambulare.* Canta ergo Canticum graduum, & gradatim ascende: nec præproprio saltu aliquē prætermittas; quia qui offendit in vno, factus est omnium reus. Sis ergo pauper spiritu, nec putes hūc primum gradum leuiter attingendū: eum multæ sollicitudinis sit mundum, & mundana relinquere; & à consuetudinario cursu, cor, corpus, & studium, reuocare. Qui enim pauper est spiritu, vilitate gaudet, humilitatem amplectitur, desideria terrena conculcat. Sed quia illa paupertas execrabilis est, quæ superbo spiritu intumescēs discordias seminat, inferuit litibus, detractorijs sermonibus jucundatur; euolandum est ad secundi gradus sublimitatem, ut sis mitis. Mitis est, qui nulli reddit malum pro malo; læsus veniam petit, & benefacit lædentibus. Nec plenam jactet victoriā, quisquis hunc fortassis ascendit: cum sit omni lacrymarū fonte plangendum, quod tamdiu sub Pharaone seruiuerimus; & ideo *beati qui lugent.* Luctus autem Sanctorum, non est de diminutione rerum, non de corporum invaliditudine, non de sublimioris potestatis ferocitate. Lugent enim peccata, vel aliena vel propria; ruinam mundi, detrimentum fidei, contemptum iustitiæ, abundantiam iniquitatis, dilationem regni. Neque hic consummationis terminus imponendus: cum perfecta iustitia sit, diligere proximū sicut seipsum: & ejus excessus libera discretionē, &

discreta redarguere libertate. Qui enim pro persona quam gerit, non resistit peccantibus: de suo se nouerit silentio esse damnandum. Esurit ergo & sitit iustitiam, qui vitia destruit, construit virtutes: sobrius sibi, iustus proximo, pius Deo; cuius animam vrit zelus domus Dei; qui cantat cum iusto: *Tabescere me fecit zelus meus, quia obliui sunt verba tua inimici mei.* Sed quia secundum vocem Oratoris, plerūque jus summum summa malitia est, & inconsummata iustitia præcipitium parturit; ideo sequitur: *Beati misericordes.* Misericordia est speciosum humanæ naturæ ornamentum, cuius expers malè degenerat, & hominem differtur. Est autem vera misericordia, cum superexaltatur misericordia iudicio: cum vel largitate substantiæ, vel bona voluntate, vel doctrina verbi, vel exemplo facti, corpus & animam proximi refovemus. Cum autem à claritate in claritatem sic cœperimus ambulare; à claritate cordis nostri, ad clarificandum cor proximi: mundandi sumus ab omni inquinamento carnis & spiritus: ab omni mundi hujus aspergine, purè pressèque tergendī; sicut subiungitur. *Beati mundo corde. Quis glorificabitur castum se habere cor? Præuim est cor hominis, & inscrutabile: quis cognoscet illud?* Difficile est illud mundare, cum in suis abditis delitescens irruentium recipiat agmina cogitationum, plerūque renitentibus nobis, sed nequaquam obniti valentibus. Ille igitur cor habet mundum, qui vtriūque hominis motibus mitigatis, passionibus non reprimis, sed ignorat; natura bonorum operum cursu communitus, crucifixus mundo, & cui crucifixus mundus. Pauci autem, quibus se infundit tantæ gratiæ plenitudo. Quicumque autem illi sunt; jam sunt prope palmam supernæ vocationis; si pace, quæ referti sunt, pacificare studeant dissidentes; ut dicant cum Propheta. *Cum his qui oderunt pacem, eram pacificus.* Ideo sequitur. *Beati pacifici.* Non solum pacati, sed & pacifici; facientes pacem, concordiæ semina seminantes. Sed quia sæpius vel adulatione potentium, vel amore teporalium, iustitiam aut dimitimus, aut non defendimus dimissam; ad metam cursus porrigenda est dextera: ut pro iustitia, non solum nostra, sed & alterius, persecutionem patiamur, & resistamus vsque ad sanguinem, vel vsque ad mortem. Et hoc est quod sequitur. *Beati, qui persecutionem patiuntur propter iustitiam.* Post hæc autem quid? Hic adhæremus Domino, & vnus cum eo spiritus efficitur. Hic distumpitur nubes, & transit oratio. Hic reuelata facie gloriā Domini speculamur. Hic dulcedo spiritus, cordis suauitas, jubilatio mentis. Et beatus populus, qui scit jubilationem. Videamus, si fortè aliqua sermonis consequentia, beatitudines 7. *Beati istas septem donis sancti Spiritus possumus assignare.* Paupertatem spiritus generat timor Dei, qui pungit animā, & sanguinem elicit, & cogit ptem donis. nos quærere medicinam. *A timore tuo Domine concepimus, & parturimus, spiritum salutis fecimus super terram:* hoc est, spiritum paupertatis, dicit Isaias Propheta, imò per eum Dominus. Hic facit nos mundana vel relinquere, vel non concupiscere. Hic est clavus clauum expellens, & pertingens vsque ad divisionem animæ & spiritus. Pietas verò mites facit, dum illos dulciori spiritu superfusos, ad mansuetudinis thalamum introducit. Qui enim efferati sunt

Psal. 118.

Matth. 5.

Misericordia speciosum ornamentum.

Ibidem.

Ierem. 17.

Quis mundum cor habeat.

Psal. 119.

Matth. 5.

Beati-

dini con-

gnare.

gruunt se-

qui ptingit animā,

& sanguinem elicit,

& cogit ptem donis.

Isaia 26.

Magna scientia est deservire peccata.

Superbia, sublimes in oculis suis, ardentes invidia, invicem mordentes, quomodo mitigatoria possunt induci pietate? Porro scientia luctum parit. Scimus enim, quia singularis scientia est, recogitare annos nostros in amaritudine animae nostrae: multiplicibus lacrymarum rivulis propria deservire peccata. De fortitudine vero nascitur fames & sitis iustitiae, cum virium sit non paucarum, pro libertate iustitiae loqui, ne dum mori: & ubi Deus in causa est, nec allici blanditijs, nec terrore moveri. Consiliū autem misericordiam parit: cum sit totius consilij summa consulere omnibus; & infirmitates tam animarum quam corporum, benigna manu misericordiae sublevare. Munditia cordis ab intellectu puritate descendit, qui cordis receptacula purgat, & latebrosos ejus affectus acutissima circumspeditionis falce succidit. Porro pacificus ab ipsius sapientiae nascitur summitate, confortis illi sapientiae, quae pretio sanguinis sui, & terram pacificavit & cælum. Fortassis etiam, si diligentiū perscrutemur, septem petitionibus, quae in oratione Dominica continentur, eas iterum concatenare poterimus. Illi etenim de timore Domini paupertatem spiritus amplectuntur, qui volunt ut sanctificetur in eis nomen Domini, & dicunt cum Psalmista. *Custodi animam meam, quoniam Sanctus sum.* Qui verò sunt mites, nisi quos pietas imbuat; qui cum patientia & mansuetudine frequenter postulant, ut adveniat regnum Dei, cupiunt dissolui, & esse cum Christo: Quorum universitati Sanctus eructuat dicens, *Expecta Dominum, & custodi viam ejus: & exaltabit te, ut hereditate capias terram:* cui terra viventium promittitur possidenda. Qui autem lugent, nisi quos instruit scientia salutaris, qui plarum vndis lacrymarum voluntatem Dei volunt fieri, sicut in cælo, ita & in terra; sicut in Angelis, ita & in hominibus? Porro fames & sitis iustitiae de mentis fortitudine generatur: quae quotidianum panem ab ipsis Dei manibus quaerit: panem illum scilicet, qui cor hominis confirmat. Qui etiam misericordes sunt, nisi qui pro facultate consulunt omnibus: & audaci conscientia pactum faciunt cum Deo; *dimitte nobis debita nostra, sicut & nos dimittimus debitoribus nostris?* Mundum autem cor non nisi lucidissimus percipit intellectus: qui non inducit in tentationem: rogans à patre luminum, non ut non tentetur, sed ut non inducatur in tentationem: excutiens latrocinantium turmas negotiorum. Pacificatio nostra à sapientia ipsa descendit, ubi liberamur à malo, & ab omnium iniquitatum emundamur influxu. Haec sunt septem beatitudines, septem dona, septem petitiones, septem candelabra, septem lucernae, septem infusoria, septem spicae: & si qua sunt alia, quae in arce septenarii numeri Scripturarum consecravit auctoritas. Adolescentulus ego ausus sum totam lectionis hujus seriem explanare: illorum rogatus, imò compulsus precibus, & precepto, quibus nec velle, nec posse fuerat, obviare. Sed ut praesenti festivitati aliquantulum insistamus: favoralis & mellita dulcedine reducens tota solemnitas: in qua laudem dicunt Deo omnes Sancti ejus, & totus orbis clara voce resubulat: isti sunt advocati, quos apud Iudicem habemus. Pro quibus intercesserunt, sententiam non vitant capitalem. Confugiamus ad probata suffragia, nec nos deterreat enormitas peccato-

Psal. 85.

Psal. 36.

Matt. 6.

Septem beatitudines, &c.

rum: quia major est pietas eorum, quam impietas nostra. Consiliarij sunt Regis nostri, & ipsius irae saepe resistunt: nec nos deserunt in tempore malo. Sciunt, ubi nos reliquerint, & quantis hostium insidijs pateamus. Suspiremus igitur ad illorum memoriam; ut protegant nos sub umbra alarum suarum, donec transeat iniquitas: perducant nos ad sponsum Ecclesiae, qui est Deus benedictus in saecula.

SERMO In Feste Sancti Martini.
Super: Videte, & vigilate, & orate.

Sancti ira Dei resistunt.

Marc. 13.

Encomium S. Martini.

NOBILIS ille Confessor, Sacerdotum gloria, gemma Pontificum; Clericorum forma, lumen Monachorum, solemnem diem universitati nostrae praefixit. Hic est Martinus, miraculorum potestate sublimis: qui terrarum orbem lumine suae cognitionis implevit. Aegyptus religionis mater, & Eremitarum fecundissima nutrix, Martinum tantis filijs posuit in exemplum. Crevit in immensum fama nominis ejus, & ausa est in ipsam Apostolicam irrumpere dignitatem; quorum manus tractauerunt de verbo vitae, qui filium Dei inter filios hominum felici visione viderunt. In finibus terrae, & in insulis maris; pervagata est memoria tanti Pontificis: & sonat vita Martini, ubicumque resonat fides Christi. Gloriatur Imperator in milite; laudatur miles in Imperatore. Testatur hoc Tironensis Ecclesia, thesaurum corporis ejus continens, quae possessiones suas extendit à mari usque ad mare: quam fundauerunt Reges, & ornaverunt Principes: cui Romani Pontifices summam libertatis fastigia prouiderunt. Accedit etiam ad gloriam Confessoris, quia in ipsius honore nonnulla sedium Episcopaliū fundamenta locata sunt; quod, nisi fallor, de alio non legitur Confessore. Scintillat longè lateque fulgor claritatis illius; & de remotis mundi partibus ad praesentiam sancti corporis festinatur. Clementia diuinitatis & Regibus, & regno nostro, providit misericorditer; ubi tantum lumen ad remedium peccatorum in saeculū collocavit. Actus ejus & vitam Severus insignis Orator, ita subnobilavit eloquio: ut & historicam relationem plena veritate proponeret, & rethoricis legibus multipliciter insigniret. Et nunc arida vel jejuna nostra lingua, quid audeat de laudibus ejus immurmurare, cujus laudis plena est terra? Ne tamen in tantis gaudijs cujuscumque sermonis videamur immunes, recurrendum est ad Evangelicam lectionem, in qua sub trium verborum brevitate, sapientia Dei Patris totius humanae perfectionis summam inclusit. Ait enim. *Videte, vigilate, & orate.* Ille qui videt omnia, hortatur nos, ut corporalibus oculis postpositis, mentis lumine videamus; oculis illis, quibus per Salomonem dicitur. *Oculi sapientis in capite ejus.* Praecipit ergo, ut soli solitudinem nostri cordis ingrediamur; & reuoluamus veterum sarcinas peccatorum, quibus polluti sumus, & obvoluti. Primum ergo videamus apud nos peccatorum abundantiam. *Propter nomen tuum Domine propitiaberis peccato meo; multum est enim:* ait unicuique ille confecretarius Regis aeterni. *Peccavi super numerum arenae maris, multiplicata sunt peccata nostra.* Tu innumerabilia numerare contendis: & in summa ponere, quod summam exuperat. Ecce grandis acervus, impetuo-

Severus Sulpirius visus S. Martini scripsit.

Marc. 13.

Eccl. 1.

Psal. 14.

sus torrens; nec potest disceuti tanta miseria, quoniam iniquitates nostræ supergressæ sunt caput nostrum. Ambulavimus collo extento; oculi nostri pleni sunt vanitate, aures detractio- ne. Odoramus non odorem vnguentorum, in quo sponsa se currere gloriatur, sed odorem mortis in mortem; quorum os maledictione & amaritudine plenum esse describitur. Manus nostræ plenæ sunt sanguine, pedes veloces ad sanguinem effundendum; contritio & infelicitas in vijs nostris, & via pacis abjecta, non est timor Dei ante oculos nostros. Quid igitur faciendum, in quo sperandum, quod fugiendum? Standum est in hoc acervo, non novarum, sed veterum frugum: & videnda visio timefcenda, ut statuamus nos ante oculos nostros: ne Iudex quandoque nos arguat, & statuatur ante faciem nostram. In hac visione Dei videtur à nobis ventus turbinis; quia secundum virum justum, hic involutæ sunt semitæ gressuum eorum. Ne putes autem hanc visionem inter parva connumerandam; cum hæc perducatur ad visionem Cherubim, & animalium pennatorum: & ad ipsius dominantis introducat aspectum. Visa igitur abundantia peccatorum nostrorum, videamus secundò negligentiam nostram. Traximus peccata, sicut resem longam; & sanguis sanguinem tetigit, & dissimulavimus: vulnus & livor & plaga tumet, & non aspeximus: zelus Dei recessit à nobis, & nos contempsimus. Sic peccatorum multitudini negligentiam cumulant, obstruimus nobis iter confessionis, semitas vitæ evitavimus; nec solum negligentes, sed & de negligentia gloriantes, juxta illud viri sapientis: *qui cum male fecerint, letantur; & exultant in rebus pessimis*. Vis scire, quia de peccatorum abundantia, negligentia generetur? Audi, quia peccator cum venerit in profundum malorum contemnit. E contrariò qui Deum timet, nil negligit: quia qui modica spernit, paulatim decedit. Peccatorum multitudo negligentiam, negligentia lætitiā, lætitiā mortem interminat sempiternam. Vide tertio patientiam Dei. Hæc fecisti, & tacuit. Omnia videt, omnia audit, nihilque remotum oculis ejus, de quo dicitur. *Oculi Domini in omni loco contemplantur bonos & malos*. Oculos hominum timuisti; oculos autem altissimi non expavisti. Ecce cognovit omnia novissima & antiqua: neque ab oriente, neque ab occidente, neque à desertis montibus, locus est fugiendi; quoniam Deus Iudex est. Vidit opera tua, recursus flagitiorum tuorum, & continuit iram suam: cælum non fulminavit, aqua non submersit, non absorbit tellus; & cum omnis terra plena sit gloria Dei, in gloriā ejus tuam miseriam evomisti, nec reueritus es præsentem Deum, & coram tanta munditia, tuas immunditias exercere. Ipse autem quid? *Ego*, inquit, *quasi non videns*. Numquid alicui ministrorum suorum, qui vindices sunt iræ ejus, in hoc ipsum constituti, revelavit ignominiam tuam? Ecce videt, & tacet: videt, nec manifestat; videt, nec judicat; videt, nec vindicat; videt, & videre dissimulat. Vocat, & non audis; promittit, & contemnis; minatur nec metuis; & thesaurizas tibi iram in die iræ. Cum ergo sit Iudex justus & fortis, multum est patiens, nec irascitur per singulos dies. Ecce continet iram, reprimit furorem, avertit oculos, peccantibus parcat; & illi omnia hæc in suum

judicium congregant, omnium rei. Numquid igitur, quia ita tacuit & silvit, semper ita tacebit? An non legisti, quia ad judicium veniet, patientiā abiciens, humilitatem nesciens, ignorans misericordiam? Attendisti patienter tacentem; attende & impatienter loquentem. *Sicut parturiens*, inquit, *loquar*. Vidisti dissimulantē; vide, & quæque minima numerantem. *Vestigia*, inquit, *pedum meorum dinumerasti*. Quis locus erit spei, cum veniet Iudex, qui stetit sub Iudice; præcinentibus tubis, concclamantibus Angelis, elementis ardentibus? Ad cujus fugiemus auxilium, cum ventis ex transverso furentibus, mundialis machina divellatur: & ignis incandescens cælum & terrā finalibus imminiscent incendijs? Veniet ipse cum potestate magna & majestate; non cum dulcedine & humilitate: quia illic plena est justitia dextera ejus, quæ hic misericordiā seminavit & sparsit. Tunc ille misericors oculus non parcat, & non miserebitur; sed percutiet & occidet. Induet iram; furore repletus, plenus crudelitate. Peccatores autem quid? Videntes turbabuntur timore horribili, sed incorrigibili; audientes illud horrendum tonitruum. *Ite maledicti in ignem æternum*. Quanti putas doloris erit, à facie Dei excludi; videre & perdere Deū: cum Rex gloriæ civitatem sublimem sublimis intrabit: miseris peccatoribus omni spe misericordiæ in perpetuum sigillata? Quisquis ergo es, qui contemnis divitias bonitatis & patientiæ Dei, relege textum epistolæ ad Romanos: & illa tibi plenius dicet, quia non evasisti Iudiciū Dei. Aspice quartò misericordiam Dei. Licet peccaveris, licet neglexeris, & prouocaveris patientiam Dei; paratus est tamen misereri cum volueris, & reuerti ad reuertentem; obliuisci & tegere peccata tua, & projicere in profundum maris. Nec erit mora inter consistentem & remittentē, inter gementem & gemitus exaudientem; quia benignus & misericors est. Sunt homines mudi faciles ad iram, difficiles ad misericordiā: Deus autem & ad irascendum difficilis, & facilis ad miserandum. Reuolant illi ad opprobria quæ remiserunt: iste cum remiserit, sic est quasi non fuerit. Ad limina potentium frequentius excubamus, non habentes liberos accessus ad colloquendum. Et si quid deliquimus, supplicibus oculis, facie tribulata, verbis humilibus emendamus. Illi autem plerumque superbo oculo, & humero dedignant, pedibus suis prouolutos vel respicere dedignantur. Non sic Dominus Iesus; qui libentius loquitur mecum, quam ego secum; quem inuenio, quotiens quæro: qui occurrit cum panibus fugienti: qui vultum lætum ostendit mihi; qui meam pœnitentiam sicut innocentiam amplexatur: ubique lætus, ubique bonus, ubique pius, ubique dulcis, cum magna multitudine dulcedinis suæ. Non facit supercilium, oculos non obliquat, non detorquet faciem, nec verba resonat ampullosa: sed occurrit reuertenti, & accurrit in amplexus, flens super collum meum: & jubet proferri stolam primā, dari annulum intelligentiæ, & calciari pedes in præparationem Euangelij: in choro & symphonia ad superna gaudia reuocari: & occidere vitulum saginatum in remissionem peccatorum meorum. Vides ergo, quàm longa patientia sit in Deo, quàm velox misericordia. *Longanimis*, ait Sanctus; & *multum misericors*. Libenter igitur ad te confugio, Domine Iesu: qui diutius

Deus in iudicio patientiā abiciet.

Isaia 42.

Iob 13.

Matth. 2.

Quanta nunc Dei misericordia.

Quam bonus Deus pœnitentibus.

Psalms. 102.

Statuere nos debemus ante oculos nostros.

Iob 6.

Prouer. 2.

Prouer. 18.

Eccl. 7.

Eccl. 19.

Dei patientia erga peccatores.

Prouer. 15.

Isaia 57.

patēris, & velociter miſereris; quia tu es Deus, & non homo, ſicut dicit Propheta, qui ſeruet iram: abſcondat malitiam; vindictam inquirat. Adhuc & iſtud conſiderandum in miſericordia miſerantis: quia ſæculi homines ſemel aut bis, aut ut multum, ſepties, vel decies, dimittunt. Hic autem millies in die, ſi fieri poſſet, quæ cōmittimus dimittit: & hæc quamdiu viuimus, quamdiu peregrinamur ab ipſo. Viſis igitur his, quæ enumerauimus, attolle oculos, ad videndū Domini largitatem, ſue familiaritatem. Si cui, vel maxime potenti, fecimus, quod ei diſplicet: numquid ampliū nobiſcum loqui, ne dum aliquid largiri, vel familiaris eſſe dignatur? Graves ſumus ei etiam ad videndū; & pro magno beneficio cōputat, ſi ſaltē à noſtra morte deſiſtat. Et licet multiplicibus & deuotis obſequijs defendamus offenſam, ſemper tamen injuriæ memoria præteruolat oculos illius: nec obliterari ualeat vel beneficio vel obſequio, vel ipſa etiam uetustate. Numquid ita Deus meus miſericordia mea? Abſit. Conſueuit enim honorare pœnitentes, magis quàm innocentes: reuertentes, pluſquàm remanentes: quia deuotior eſt ſeruidus pœnitens, quàm tepidus innocens: cū ille materiam fervoris habeat, hic tepiditatis. Fortaſſis præſumptionis arguar, qui contra præceptum Apoſtoli, uerborum nouitates induco. Sed habeo ad manum teſtimonia, nec parua, nec pauca; quæ & ipſa credibilia facta ſunt nimis, & quæ poſſint ſatiſfacere murmuranti. Petrus Apoſtolus, nec quilibet Apoſtolus, ſed Princeps Apoſtolorum, cui traditus eſt principatus & cæli & terræ, numquid non de choro pœnitentium eſt, & de ſorte graviter inuſtorū? Nonne ipſe eſt, qui Deum negauit, reliquit magiſtrum, amicum deſeruit, ſefellit pronuſſum: qui cœpit deſertari & jurare, quia non nouit hominem? Negationi perjurium addidit, crimini crimen. Cecidit, ſed non eſt colluſus; quia Dominus ſuppoſuit manum ſuam. Sed quid dicit ſcriptura? *Reſpexit Dominus Petrum.* Reſpectum Petri ſequitur ſletus Petri; & lacrymarum amaritudo dulcedinem antiquæ dignitatis inſtaurat. Felices, Sancte Petre, lacrymæ tuæ; quæ culpam abluunt, gradum reſtituant, debita dimittunt, ampliора committunt. Reſpexit pietas, & impietas ceſſit, & acceſſit priſca familiaritas. Denique, *Simon Ioannis, diligis me plus hiſ; paſce oues meas,* & hiſ ſimilia, quid ſunt, niſi magnæ documenta familiaritatis? Illud etiam ſingulare ſancti Spiritus organum, Dauid loquor, cui reuelata ſunt incerta & occulta ſapientiæ Dei: nonne cum homicidio & adulterio inſignitus eſt nota & nomine proditoris? Sed uide quàm celeri pœnitentiæ ſaltu reſiliuit ad innocentiae arcem, & grandia vulnera ſic rejunxit, ut non ſolū vulneris, ſed nec etiam cicatricis veſtigia remanerent. Redargutus enim à Propheta, & retoriſione parabolica ſuggillat⁹, dixit: *Peccaui;* illēque ſtatim ſubintulit: *Transſulit Dominus peccatum atē, & non morieris.* Tranſlatum eſt peccatum, quod diuidebat inter Dauid & Deum; eoque ſublato, idem Dauid qui prius. Sed & ille vas electionis, qui volauit ſuper pennas ventorum: qui plus omnibus laborauit; cui credita ſunt cloquia Dei: nonne primus in primitiua Eccleſiam ardentius cæteris fertur efferbuiffe? Actus Apoſtolicus ſunt in teſtimonium, quanta mala fecerit ſanctis Dei, qui tanta mala

paſſus eſt pro nomine Chriſti: & tamen lucet in firmamento cæli, nec eſt aliqua gemma pretioſior in corona Regis æterni. Accedat & illa mulier, quæ ſeptem dæmonijs, hoc eſt vniuerſis vitijs cumulata fuit: cui multa dimiſſa ſunt, quia multum dilexit: quæ prima vidit à mortuis reſurgentem, Apoſtolorum Apoſtola, dilecta propriè Salvatoris. Veniat nunc innocentum chorus, & tota virginea puritas adunetur: quis erit, qui ad iſtorum gloriam aſpirare, necdum transcendere audeat? Propterea conſitebor tibi Domine Ieſu, & laudem tribuam nomini tuo; quia apud te propitiatio eſt, & propter legem tuam ſuſtinui te Domine. Quæ eſt iſta lex, quæ propitiatio? Quia offenſus clementē te promittis, pœnitentem admittis, punire prætermittis. Magna eſt ergo virtus pœnitentia vera, cū Ambroſius dicat: *Facilius inueni eos, qui innocentiam ſeruauerunt, quàm qui congruam egerunt pœnitentiam.* Vide & ſexto custodiam ejus. Niſi ipſe cuſtodierit, nos fruſtra vigilamus. Decurſis igitur ſex viſionibus iſtis: tranſeamus ad ſecundam Salvatoris vocem dicentis: *vigilate.* Vigilandum omnino, & ſomnus ab oculis auferendus: quia latrones multi obſident iter noſtrum, toxicatis miſſilibus formidandi, nullum prorsus intentatum tranſire ſuſtinentes. Tres enim hoſtes præcipuos habemus, & præcipitium ſuadentes: carnem ſcilicet, diabolum, & mundum. Ex quibus duo, etſi aliquando intermittunt, numquid tamen dimittunt? Tertius autem, id eſt diabolus, ita inexorabili odio exarſit aduerſum nos; ut numquam ab eo inducias, vel in ictu oculi, potuerimus extorquere. Et ut verba Tullij ponamus; cū hoc quotidianus & anceps eſt congreſſus. Ex hoc innumerum vulnus, nec ex ſacili cicatricem promittens. Sub hoc caſus frequens, & reſpiratio difficilis. De hoc rara & numquam ſecura victoria. Huic voluntas ſemper iniqua, & fallendi principatus. Quis aduerſum hæc poterit vigilare: niſi cuſtos ille de nocte venerit in auxilium noſtrū? Per nos non ſufficiamus: ſed deficimus, ſi conſidam⁹ in nobis. Attende autem de hoſte iſto inuiſibili, quantus egrediatur ad ſingulare certamen; qualia gerat arma, quàm fortia, quo turbine torqueat haſtā. Recole librum Iob, & hitoriam Regum, & armatum, & arma conſidera; quia qui Goliath in libro Regum, idem eſt diabolus in regno Chriſtianorum. Habet enim haſtam delectationis, clypeum obdurationis, loricaſ desperationis, gladium occiſionis; armigerum ſuperbiam, qui antecedit eum; & exprobrat agminibus Dei uiuentis, & dicit inimicus. *Perſequar & comprehendam, diuidam ſpolia, implebitur anima mea.* Tu autem quid? Assume Apoſtolicam armaturam: ſcutum fidei, loricaſ juſtitiæ, gladium ſpiritus, circumspectionis haſtam; & præcedat te armiger tuus, id eſt humilitas, & dic. *Perſequar inimicos meos, & comprehendam illos, & non conuertar donec deſiciant.* O Domine Ieſu, numquid æqua pugna eſt hominis & dæmonis, duplicis & ſimplicis, fortis & inbecillis? *Inuoca me,* dicit Dominus, *in die tribulationis: & eruam te, & honorificabis me.* Invoco te Salvator, apprehende arma & ſcutum: ut videam contra fortem te fortiorem, & conteras Aſſyrium in terra ſua. Facta ergo congreſſione, inimicos tuos comminuet, ut pulverem ante faciem venti; ut lutum platearum delebit eos. Sic autem contra iſtum

Luc. 7.

Mulier peccatrix, vulgo putatur Magdalena Marc. 16. Ioan. 20.

Ambr. l. 2. de pœn. c. 10.

Tres anim. hoſtes.

Iob 41. 1. Reg. 17.

Exod. 15.

Pſalm. 127.

Pſal. 42.

homines nō dimittunt ſæpe peccata, ut Dem.

Petrus Apoſtolorū princeps, pœnitentium exemplar.

Luc. 22.

Ioan. 21.

David pœnitens.

2. Reg. 12.

Care necessitatis specie se velat.

Mundus quid nobis offerat.

Isai. 21.

Psal. 118.

Ibidem.

Luc. 6.

Psal. 140.

Luc. 12.

Rom. 14.

vigilandum est, ut semper de reditu certamine timeas; & de victoria non desperes. Caro autem sub necessitatis specie, furiosi tumultus sui velat imaginem; & nunc ferculorum varietate repleta, nunc pretiosa vina commutans, incipit lascivire: laxatque frenis tota fertur in præceptis. Statim recedunt affectus, cogitationes rebellant, visæ proponuntur imagines; & pingimus in cordibus nostris, quod multis diebus deleri non possit. Ingurgitari enim, non confortati; impleti, non nutriti; & corpore & corde distendimur: completurque in nobis illud satyricum: *Inguinis & capitis nullum discrimen habetur.* Parco sermonibus, quia turpis sententia non nisi turpibus verbis potest explicari: & unicuique nostrum notum est, vel quod tacemus, vel quod volumus præterire. Tenuis autem mensa, cibus asperior, simplicior potus, corpus firmant, confirmant animam; & utriusque hominis statum reddunt alacriorem. Mundus vero quid facit? Offert nobis, quicquid est pulchrum visu, & concupiscentiam carnis & oculorum, & ambitionem sæculi: ut illaqueet miseros, illaqueatos strangulet, strangulatos sempiternis involuat incendijs. Tentat nos multifor- mibus insidijs, superius per superbiam, inferius per luxuriam: à dextris per prosperitatem, à sinistris per aduersitatem; antè per mundi concupiscentiam, postè per præteritorum vitiorum recordationem; in orbiculari motu per involutionem quinque sensuum. Vigilare igitur necesse est, aduersus huiusmodi latrunculos, manumque sicariam, & cum Isaià dicendum. *Super speculam Domini ego sum, stans jugiter per diem, & super custodiam meam ego sum, stans totis noctibus.* Nec solum stare conuenit, sed & armatum stare armaturâ illâ, quam Apostolus docet, & dicit. *Induite vos armatura Dei.* Alter nostrorum temporum Tullius, de quo superius mentionem feci, vernans ubique florem sermonum, armaturam hanc lucidissimis capitulis inaurauit. Si fabulosi spiritus, & incantatores motus carnis circa te obstreperint, cõfide, & dic. Discedite à me maledicti, & scrutabor mandata Dei mei. Si recalere carnem senseris, & velle reuolare ad ineptias suas, esto cõstans & dic. Confige timore tuo carnes meas, Domine. Si paupertatem odisse cõperis: & desiderio diuitiarum inceperis suscitari, expergiscere & dic. Vx vobis diuitibus, qui habetis hic consolationem vestram. Si te demulceat adulator, & ad plebeculæ laudes animus hilarescat, confortare & dic. Oleum peccatoris non impinguet caput meum. Si tibi suggeratur in futurum tempus bonum differre propositum, cõsurge & dic. Dies Domini sicut fur in nocte, ita veniet. Si gula desquens lautiores tibi commẽdaverit apparatus, recalcitra & dic. *Non est regnum Dei esca & potus.* His velut quibusdam increpantibus diffugiunt inimici, delabitur memoria voluptarum, carnis garrulitas conticescit, sanctæ conuersationis initia conualescunt, mundus contemnitur, superatur hostis antiquus. Sic igitur videns & vigilans, fac funiculum triplicem, qui difficile rumpitur: & transi ad orationem, ingrediens interiora veli cum summo Patriſce Domino Iesu Christo, qui propitiatur omnibus iniquitatibus tuis, qui assistit vultui Dei pro te. Admissus autem, non sic audacter & frontosè ingeras te oculis maiestatis; sed humil-

lima trepidatione concussus, quomodo saltem ad tanta miracula admitti potueris, admirare. Sit ergo oratio verecunda, ut erubescamus peccata nostra, & tantæ reuerentiæ deferamus: sit pura, ut nihil ab ipso præter ipsum quæramus; sit deuota, ut in pinguedine spiritus eam pro- tendamus: sit ampla, ut extendamus eam usque ad inimicos: sit continua, ne intermissione fiat remissior: sit pacata, ne turbulentis cogitationum fluctibus submergatur. Fateor excessi modum, & magis solito vestras aures onerare non timui: sed scio, quia patienter audistis me de illius patientia disputantem, qui est Deus benedictus in sæcula.

SERMO In Festo Sancti Andreae.
De Confessione.

ET quietum studium, & attentum silentium, & tanta tanti viri festiuitas, monent, imò compellunt, aliquid dicere; ad ostendendum gloriam deitatis, gratiam Apostolicę dignitatis, confessionis virtutem. Demus gloriam laudi ejus, quem laudant omnes Gentes; qui ministros suos & laudat, & laudabiles facit. Ipse est, cui assistunt Angeli, ad audiendam vocem sermonum ejus: qui stellas vocat, & dicunt, adsumus; cujus manus extendit cœlos; qui fundavit terram super stabilitatem suam: qui graditur super fluctus maris: qui facit mirabilia solus: in quem desiderant Angeli prospicere. Ipse est, qui fecit omnia: & in omnibus quæ fecit, quæcūque voluit fecit. Huic seruire, regnare est; qui seruiuit pro nobis sub dura & graui necessitate, & purpuram suæ diuinitatis cilicio nostræ mortalitatis operiens, pauper & mendicus venit in regionem nostram. Numquid nisi ludus vobis videtur, Iudæi, Pagani, Hæretici, & omnis illa subsannantium, imò insanientium turba: cum dicimus, filium Dei carnem, crucem, mortem, clavos, & lanceam, tolerasse? Ludus profecto est; vnde sic nobis luditur, ut vobis illudatur. Vnde ille sapiens, huius mysterij nec ignarus, ludum istum eleganti sermone præludit. *Delectabar, inquit, per singulos dies ludens coram eo in orbe terrarum.* Ludit quippe coram Deo, cum carnem ex ejus præcepto suscepit; & in orbe terrarum, quia ad redemptionem orbis terrarum delectatus, per singulos dies in singulis Apostolis jucundatus: dum vni tradit regnum cœlorum: alteri de pectore suo reclinatorium facit. *Et delecticia mea, esse cum filiis hominum.* Putabam ego, Domine Iesu, quod delecticiæ tuæ essent, esse, non cum filiis hominum, sed cum choris Angelorum: ubi diuinitatis gloriâ thronis & potestatibus admirandus, superiorum oculos reuerberas naturarum. Ibi lucem habitans inaccessibilem, & circumstantiam clarissimorum luminum tui luminis obtegis maiestate. Sed illa clementissima tua pietas, & benignitas adoranda, delecticias esse dicit, esse cum filiis hominum. Isti sunt filij hominum, qui sperauerunt sub tegmine alarum tuarum: quos elegisti de plebe, quorum lavisti pedes, quibus tuum infudisti spiritum: qui fidem tui nominis quadrigis Euangelicis per orbem quadrifidum portaverunt. Nota tamen, quod dicit, non cum hominibus, sed *cum filiis hominum.* Ego puto, homines ad veterem hominem, filios verò hominum ad filium hominis pertinere: juxta quam intelligentiam puer citharista

Qualis debeat esse oratio.

Infidelibus ludus videtur, quod de Christo dicitur.

Prouer. 8.

Ibidem.

Delecticia Christi, esse cum hominibus.

Psal. 8. sic intonat. *Quid est homo, quod memor es ejus; aut filius hominis, quia visitas eum?* Vides, neque Deum hominis esse memorem, filium verò hominis se visitare confirmat. Præsumimus & suspiramus, quia faciet nobis misericordiam suam in conspectu filiorum hominum: si interim protegas nos in abscondito faciei suæ à conturbatione hominum. Magister & Dominus noster, cujus schola est in terris, & cathedra in celo, ex his omnibus quos elegit, prælegit Andream Apostolum: cujus solemnitatem & vocibus & cordibus proclamamus. Dulcis Apostolus, & primitiva vocatio Salvatoris: qui in ipsum Apostolicum chorum tanti prioratus insignitur fastigio. Non subterfugit vos, quia quodammodo tenerimus est, & dulcior in cordibus fidelium: cujus passio tanta spiritus devotione distillat, ut mentes audientium adipe & pinguedine replere videatur. Vnde nec immerito in singularem autoritatis arcem suscepta est, quam qui viderunt, scripserunt orbi, & ministri fuere sermonis. Vocatio ejus, vita, & passio, cognita sunt vobis; & nunc quid superest, ut à me amplius expectetis? Verumtamen monet me lectio Apostolica, ut aliquantisper de ea vestræ reverentiæ colloquamur; ait enim: *Corde creditur ad justitiam; ore autem confessio fit ad salutem. Dicit enim Scriptura. Omnis qui credit in illum non confundetur.* Solum cor hominis capax est rationis, & susceptibile mysteriorum Dei: quod purgatum atque politum, ipsam divinitatis substantiam, etsi non comprehendit, apprehendit tamen. Cor est in pectore, anima in corde, mens in anima: fides in mente, Christus in fide: & hoc esse puto, quod dicit Apostolus: *habituere Christum per fidem in cordibus vestris.* Hoc igitur in metatissimam eliquatum est puritatem, cum omnia mysteria Christianæ fidei, fide percipis inconcussa: nihilque tibi dubitationem parit, licet non videas rationem. Hæc est consummata justitia, perfecta veritas, & vera perfectio: si tamé oris confessio subsequatur. Fides enim cordis sine fide oris, aut nulla est, aut parva, Salvatore dicente. *Qui me erubuerit, & sermones meos; hunc filius hominis erubescet, cum venerit.* Et Propheta. *Perijt fides, ablata est de ore eorum.* Non dixit de corde, sed de ore: quia nihil valet fides cordis, sine fide oris; nec fides oris, sine fide cordis; cum ista justitiam, illa donet salutem: quia salus à justitia, vel justitia à salute separari non possant. Crede ergo, & confitere; nihilominus confitere, & crede; quia fides ad justitiā, confessio fit ad salutem. Et quandoquidem in hæc devenimus loca, & occasio confessionis se obtulit: reddendum est, quod alibi promissimus, totumque proferendum, quod de confessione sentimus. Patientes autem estote, & si forrè propensius sermonē extendeto, vos intendite, quæ dicantur: quia vestræ proferuntur utilitati. Via enim est, sine qua nemo venit ad Patrem: quam qui perdidit, perdidit Deum. Cum igitur deviorum abyso disponis emergere: ad illum præcipue sit refugium tuum, cui ista anima commissa est: quem imposuit Deus super caput tuū. Nec te moueat, si illiteratus sit, vel indiscretus: quia hoc ipsum signum humilitatis est, quæ generat confessionem. Memento, quia non est potestas, nisi à Deo. *Super cathedram,* inquit, *Moyse sederunt Scribe & Pharisei.* Et tu attende, nō sedentē, sed sedem: cathedram, non personam.

Psal. 31. *Quid si pœnitentia lenior imponatur.*

Psal. 31. *Qui à confessione excludantur.*

Psal. 31. *Ibidem.*

Psal. 33. *Cognitio peccati quæ utilis.*

Quod si forrè vel licentiā ejus ad alium tibi fugere permittatur; tu tamen prius ei reveles tui cordis arcanum; quia non est plena salus, si ille fugitur, aut contemnitur, cui adhærere, & quæ honorare debueras. Quod si minùs tibi sufficiens videtur ejus instructio, pater ad libertatem via, ut corā alio literato effundas cor tuū: reseruato illi privilegio suo, cui tu tuam animam commendasti. Nec tibi blandiaris, si graviter peccasti leuior pœnitentia, vel à nesciente, vel à dissimulante, dictatur; cum in purgatorijs ignibus perficiendum sit, quicquid hic minùs feceris: quia dignos fructus pœnitentiæ querit altissimus. Licet autem non evaserit manus Dei viventis, qui tibi non plenè consuluit: tibi tamé ratio magistra præsidet, quæ te doceat tantum à licitis abstinere, quantum te memineris illicita perpetrassē. A vestibulo igitur hujus factarissimæ virtutis omnes illos excludimus, quos ad confessionem vel timor cogit, quia extorta confessio non est confessio: vel aliorum accusatio trahit, quia non est confessio, sed offensio: vel sui excusatio ducit, quia non est confessio, sed defensio; vel inanis jactantia rapit, quia non est confessio, sed illusio: & siquæ aliæ pestes sunt, quæ umbratorio velamine tanti Sacramenti simulent sanctitatem. Cor in semetipso & ex semetipso contritum & humiliatum, ad hujus purificationis potest ascendere puritatē. Ostendā tibi vnum iustorū justissimè confitentem. Queris quisnam sit? Psalter Domini est. *Dixi,* inquit, *confitebor adversum me iniquitatem meā Domino.* *Dixi,* hoc est, in corde meo proposui: non coactus, neque compulsus, sed spontaneus. *Iniquitatem meam,* ait, non alienam. *Adversum me,* me accusans & arguens. Vides, quia non timore alterius, vel ad alium accusandum, aut excusandum seipsum, sanctus Domini confitetur. Pro hujusmodi confessione remitte tu Domine impietatem peccati mei: & pro hac orabit ad te omnis sanctus in tempore opportuno. Hæc primū in corde germinat ad justitiam, post hæc in ore nascitur ad salutem. Primus ejus gradus, est cognitio peccati. *Initium salutis,* ait quidam, *notitia peccati.* In hac cognitione videndum est, quid egeris: quantis contumelijs affeceris corpus tuū, ambulans in passione desiderij, sicut & gentes quæ ignorant Deum: possidens vas tuum in immunditia & vilitate, non in sanctificatione & honore. Considerandum etiam, quidd merueris ignem illum, qui paratus est diabolo & Angelis ejus: & omnia pœnarum genera, quæ in illis pœnalibus locis cumulantur & crescunt. Inspiciendum verò, quid amiseris: bona videlicet illa, quæ oculus non vidit. *Horum igitur omnium consideratione perterritus, transi ad pœnitentiam.* Pœniteat te, quodd tot & tantis flagitijs involutus, in luto facis & miserie diutius jacuisti. Pœnitentiam age, corpus conterens, & furibundo carnis asello incentivorum semina præfureris. Pœnitenda amplius non admittas; ne vulnus vulnere frequenter ingeminans, confringas ossa animæ tuæ, quæ custodit Dominus in justis, *unum,* inquit, *ex his non conteretur.* Et notandū, quodd hæc duo ita sibi invicem conjuncta sunt, ut cognoscere non possit nisi pœniteat, & pœnitere non possit, nisi se cognoscat. Sic ergo tibi cognitus, & in te pœnitens, transvola ad tertiū gradum, dolorem videlicet cordis, & jam plantata erit justitia plantatione illa, quam planta-

*Solum homo
Dei decreta
violat.*

*Vt facienda
sit confessio.*

Psal. 140.

1. Reg. 15.

2. Reg. 12.

Genes. 4.

*Discretio in
penitentia
servanda.*

*Perseveran-
tiam qua
faciant.*

uit pater tuus cœlestis. Dole igitur, quia creatorem offendisti: cuius legem cœlestia & terrestria, præter te, indefessa statione conservant: & in tanta republica Dei tu solus peregrinus es, & Imperatoris maiestatis decreta non curas? Surgat & acrior dolor, quod cum Creatore patrem etiam offendis: & illum patrem, qui tibi ministrat fiderum cursus, fecunditatem terræ, fructuum vbertatem. Accedat & acerrimus, qui pertranseat animam tuam; quod tantum benefactorem contempseris: qui dolorem crucis sustinuit, ne dolores amplius inferni sustineres. Sic igitur in interiori homine iustitia germinante surculus erumpat in arborem; & loquatur lingua, quod conscientia loquebatur. Quartus itaque gradus, est confessio oris. Hæc purè facienda est; quia non est pars peccatorum dicenda, & altera reticenda, neque levia confitenda, & graua diffitenda: nec alter accusandus, & ipse excusandus; sed cum iusto dicendum. *Non declines cor meum in verba malitiae, ad excusandas excusationes in peccatis.* Hæc enim sunt verba malitiæ; & gravis malitiæ, qua peior esse vix possit. Confitendum est & humiliter; vt idem sit in corde, quod sonabit in ore. Sunt enim nonnulli, qui narrare in confessionibus solent, quæ vel argute literatorio, vel fortiter gladiatorio gessere confictu, prohi dolor, sub humilitatis pallio superbiâ inducentes; & putantes se posse vitare oculos iudicis omnia cernētis. Nonne vtrique Reges Saül & David redarguti à Prophetis Samuële & Nathan, dixerūt, peccauit Et tamen Saül audivit: *Transtulit Dominus Regnum tuum à te, & dabit illud amulo tuo: & David. Transtulit Dominus peccatum tuum à te, & non morieris.* Quid est hoc, nisi quia quod Saül habuit in ore, non fuit in corde; & humilitas quæ in ore David extitit, in corde etiam radicauit? Dicendum est & fideliter, vt in fide Ecclesiæ credat sibi peccata remitti; quia Cain & Iudas purè & humiliter confessi sunt, sed nequaquam fideliter; quia alter eorum desperans ad laqueum cucurrit: alter illud grande scelus evomuit, *Major est iniquitas mea, quam vt veniam merear.* Mentiris latro, quia maior est pietas Dei, quam quævis iniquitas: quia misericordia ejus super omnia opera ejus. Sequitur quintus gradus, maceratio carnis: quæ jejunijs & vigilijs est attenuanda, ne nova prurigne ad voluptuosam revolet prauitatem. Hæc autem facienda est licentiosè: quia quod sine licentia fit, vanæ gloriæ deputabitur, non mercedi. Occultè, vt nesciat sinistra tua, quid faciat dextera tua. Discretè, propter debilitatem corporis, & infirmitates. Pleròsq; enim vidimus in principio conuersationis ita discretionis infregisse repagula, vt laudum solemnij in habiles redderentur: & apparatu lautiori diuturnis temporibus foveretur. Iam sic illuminatus procedat ad sextū, qui est correptio operis. Prohibe ergo linguam tuam à malo: operare quod bonum est, & sensuales motus tuos continentis frænis infræna: & sic erit pax in terra carnis tuæ. Argue malos pro persona quam habes, & te præsentem iustitiam non sinas sepeliri. Veni ad septimum gradum, & hic est perseuerantia bonitatis: & in hoc septimo vocabit te Dominus cum Moyse de medio caliginis, & in ipsam diuinitatis substantiam interiores oculos infuset. Perseuerantiam autem faciunt expectatio præmiorum, poenarum recordatio, primitiæ

spiritus, & donum cœlestis. De quibus loquitur Apostolus, quod nec expertus ignorat, nec inexpertus intelligit. *Stultitia enim est illi, & non potest intelligere,* quod non sit expertus. Audite & breuiter, quem oporteat ordinari ad dispensationem ministerij hujus. Oportet eum non minus literatū, esse quàm religiosum: vt zelū Dei habeat, & secundum scientiam, cum indiscreta religio magis obesse soleat, quàm prodesse. Literatum autem ideo, vt sciat quid iungat: cui parcat, quando parcere debeat, quam consolationem proferat de Scripturis. Religiosum verò idcirco, vt puras manus leuet ad Deum, & pro peccatoribus fiducialiter intercedat. Videat autem, ne vnumquam de his quæ sub signaculo confessionis accepit, aliquam faciat mentionem, vel alicui loquenti consentiat. Caveat etiam, ne vilescat in conspectu ejus, qui ei suam vilitatem ostendit: nec sit suspectus, nec de præterita futuram vitam æstimet peccatoris. Quod si fortuito de his, quæ in confessione suscepit, causa coram eo fuerit ventilata, non tamquàm conscius in partem declinet: sed tamquàm nescius ludiciorum ordinem permittat excurrere. Habeat autem in voluntate compati, & liberare eum: & nitatur aliquid detrahare seueritati, imitans dulcedinem Domini mei: de quo dicit Sanctus: *Quoniam fecisti iudicium meum, & causam meam.* Sed prohi dolor, temporibus nostris per vniuersum mundum pestilentialis morbus excrevit, vt præficiantur Ecclesijs, quos nec scientia nec vita commendat: cæci duces cæcorū, & præcipitati & in præcipitum perducentes. Audiuimus de confitente, de confessionem suscipiente: audiamus nunc, quæ sint, quæ impediāt confessionem. Quantum colligere possum, quatuor præcipue occurrunt: pudor, timor, spes, & desperatio. Nihil fortius ad expugnandam gratiam Dei, quàm timor humanus: quia dum erubescimus confiteri, quæ commisimus, Deum minus quàm homines reueremur. Hæc est confusio adducēs peccatum. Opponamus ergo ei considerationem rationis, reuerentiam intuentis Dei, comparisonem majoris confusionis. Vt enim confiteamur, ratio monet, Deus cogit, qui vidit: & si confundimur hic dicere, quid erit in illa magna confusione, vbi omnia omnibus patebunt? Timor autem pleròsq; opprimit, ne gravi penitentia percellatur, & perferre non possint. Verè, qui timet pruina, irruet super eum nix. Hic considerandum est, quàm gravis sit poena gehennæ, quàm longa, quàm infructuosa: è contrario autem penitentia præsens, levis, brevis, & fructuosa. Spes autem multos obruit: qui dum bona præsentia cupiunt, aperire conscientias suas nolunt: ne si quales sint, hominibus appareant, ad nulla præsentis vitæ bona conscendant. Quibus inculcandum est, quia bona hujus sæculi parua sunt, incerta, & momentanea: & illa illius vitæ maxima, certissima, & æterna. Plurimos desperatio interficit: quia hoc solum metuunt, ne possint continere. Verum est, quia peccator cum venerit in profundum vitiarum contemnit. Hanc obtere debemus vigore confessionis, gratia humilitatis, & compassionis illius, cui aperimus conscientiam nostram. Sciendum est, quia alia est confessio quæ peccatum plan- git, alia quæ laudem canit. Bonum animæ ornamentū confessio, quæ & peccatorem purgat, & iustum reddit purgatorem. Sequitur, *Qualis de-
beat esse
confessarius.*

Psal. 9.

*Quatuor
impediunt
confessionem.*

*Confessio
est, quia alia est confessio quæ peccatum plan-
git, alia quæ laudem canit. Bonum animæ or-
namentū confessio, quæ & peccatorem purgat, &
iustum reddit purgatorem. Sequitur, *Qualis**

Credere Deo, Deū, & in Deū, qui differat.

credit in illum non confundetur. Credere Deo, est verbis ejus fidem adhibere. Credere Deum, est confiteri ubique eum esse. Credere in Deum, omnem spem suam in illum dirigere. Deum & Deo credunt dæmones: sed in illum non credunt, in quem qui credidit, non confundetur: quia spem suam posuit in illum. Ecce quantum potui, etsi non quantum volui, de confessionis disserui sacramento. Sed quia sermonem in longum protraximus, finem loquendi pariter audiamus. Det nobis corde credere ad justitiā, ore confiteri ad salutem, & in se credere, sponsus Ecclesiæ, filius Mariæ, qui est Deus benedictus in sæcula.

SERMO In Feste Beati Nicolai.
De quinque Regionibus.

NICOLAUS iste meus, imò & vester, electus ab utero, sanctus à puero: juvenum gloria, reverentia senum, Sacerdotū honor, splendor Pontificum, Reverentiam vestram sua lætificat festivitate. Hic est Nicolaus, cujus miracula per totam mundi latitudinem diffunduntur; quem laudat orbis terræ, & qui habitant in eo. Tot enim & tanta miracula cumulantur, ut omnes literatorum argutiz vix ad scribendum sufficiant, hos ad legendum. Et licet scholarium numerus in incude rhetorica sub Quintiliani vel Ciceronis malleis, tenuissimas orationum laminas extendat, superat tamen gloria Confessoris vocem & mentem, linguam & conscientiam. Crebrescunt enim quotidie miracula: nec requiescit spiritus Dei ad memoriam militis sui sua continuare miracula. Glorificatur in mari, laudatur in terra, in omnibus periculis invocatur. Denique qui descendunt mare in navibus, facientes operationem in aquis multis: ipsi viderunt opera Domini, & Nicolai per Dominū miracula in profundo. Nonne post memoriam Virginis, tam dulcis pietas, vel pia dulcedo, in cordibus fidelium obversatur; ut in die tribulationis nomen Nicolai teneatur in ore, requiescat in corde? Si coruscationes fulgurant, & procellis detonantibus à supernis vindicta procedit, Nicolaus in patronum assumitur, Nicolaus dulciter inlatur. Si tempestas lævens, & crudelitas maris navigantibus mortem intetant, ille flebiliter oratur, ut audiat: suppliciter invocatur, ut veniat; ut eruat, misericorditer acclamatur. Si pulsamur incommotis, vel offendiculis indolemus; statim sanctum nomen profilit in os nostrum, Nicolaus ingeminatur, patrocinium queritur Nicolai. Ne putetis me declamatoriè loqui, vel venustate Rhetorica verborū aggerare splendorē; cum omnis mundus beneficia sentiat Confessoris, nec sit qui se ab amore ejus abscondat. In testimonium sunt peregrinationes ad sanctum illius corpus à finibus terræ susceptæ; ut videantur, quæ per eum sūt, mirabilia. Non solum autem Christianis, sed & Paganis in tantam reverentiam Sancti nominis advolavit authoritas, ut certatim confluant ad laudandum & glorificandum nomen sanctum ejus. Præcipue Sanctorum Sacerdotum & Clericorum turba, tanta devotione circa cultum ejus afficitur; ut in toto terrarum orbe quæcumque undecumque concurrant ad obsequendum tantæ solemnitati. Lætantur pueri, juvenes gulantur, ornantur virgines, senes exultantur,

& omnis ætas personaliter alludit. Vnusquisque autem habet materiā gaudiorū: ut laudent pueri puerū jejunantē, juvenes juvenē liberantē, virgines virginum infamiam redimentem, senes senis inopiam miserantem. Juvenes & virgines senes cum junioribus laudent nomen ejus. Et nunc post actus ejus Græcorum excellentibus linguis insigniter diffamatos, quid audeat sermo pauperculus balbutire? Verumtamen ne videar excusatorias tergiversationes inducere, recurro ad Evangelicam lectionem; & quod de communi accepi, profero in cōmune. Ait enim. *Homo quidam nobilis abiit in regionem longinquam, & ait servis suis. Negotiamini dum venio.* Securè negotiabor, præcipiente Domino meo: nec timebo Psalmistā dicentem, *Quoniam non cognovi negotiationem, introibo in potentias Domini.* Non enim parvum mihi fiducia robur præstat, quod ille summus Imperator, negotiator meus factus est, & negotium meum sine orio egit, quamdiu fuit in terris; & pretiosarum mercium sarcinulas portans ad patrem, ipsi vultui Dei, & quid emerit, & quid redemerit, & unde redemerit, ostendit. Tu ergo illo negotioso, otiosus esse disponis: illo laborante, quiescere? Ille venit negotiari in regionem longinquam; & tu ad regiones proximas ambulare contemnis? Aggredere & ingredi regionem dissimilitudinis, videlicet mundū istum: & vide quā frequentes ibi nundinæ, quā germinant & regerminant vanitates. Propter dissimilitudinis, quia regionem similitudinis, ubi ad similitudinem Dei facti sumus, amisisse nos constat. Numquid non magna dissimilitudo, de paradiso ad infernum, de Angelo ad jumentum, ad diabolum de Deo? Vade ergo per forenses tumultus, & hinc inde decertantes circumspice: & quantum colligo, in tribus causis natat omnis voluntas. Alij divitijs, alij honoribus, alij gloriæ innituntur. Curris ad indiam, Æthiopiam circuis, trās maria, & alium tibi orbem aperis navigādo, ut divitias congreges. Fugis patriam, ignoras filios, divelleris ab vxore; & omnium necessitudinum oblitus, quæris ut acquiras, acquiris ut perdas, perdis ut doleas. Thesaurizas & ignoras cui congregabis ea. *Fili hominum usquequaritis mendacium?* Et hæc quidem pro divitijs, audi & breviter de honoribus. Ducem te constituerunt, & data est tibi facultas, ut miser sis, & amplius non quiescas. Cumulatur materia solitudinum, & inter ærumnas cor ipsum excedentes, necesse est, vultum induere gaudiorū. Numquid in honore sine dolore, in prælatione sine tribulatione, in sublimitate sine vanitate esse, quis potest? Miseri, juxta Philosophū, mercedē miseriarum amamus, ipsas execramur. Regum animos nobis induimus, & quicquid nobis ex voluntate non responderet, statim evocat iram, nec communis recogitatur humanitas. Et tamē est vermis arrodens, qui conscientiam jugiter torqueat, timor potentie superioris. Hæc est justissima lex, ut sic vivas cum inferiori, quem admodum superiorem vis vivere tecum. Audi & de gloria. Si quæris gloriam, omnibus invidiæ semina præbuisi. Inflatus es, & ventilatorio spiritu plenus disrumperis; nec attendis, quot te sequantur, sed quot te præcedant. Conglomerantur omnes ad detrahendum tibi, ad maledicendum linguas acunt; & argutissimus

Luc. 19.

Psal. 70.

Nundine mundi quæ, & quales.

Ardor acquirendi.

Psal. 4.

Quid honorum.

Quid gloriam sæculi comiserit.

S. Nicolaus præcipue invocatur.

Peregrinationes ad sancta loca.

2. Cori. 10.

Secunda Regio est paradisus claustralis.

3. Regio expiationis.

Tria loca post mortem.

Orandum pro iis qui sunt in purgatorio.

es, si vel manum, vel linguam invidorum possis evadere. Ecce unus gloriosus esse volebas, in gloriosus esse convinceris. Nullum enim inexorabilius persequitur multitudo, quam illū, qui sibi multitudinis arrogat principatum. Iunge his tribus potentiam & voluptatem, quæ & ipsa tenui & perfusorio gaudio rapiuntur: & videbis, quia copia pauper est, honor humilis, vilis gloria, potentia debilis, & laboriosa voluptas. Et ut juxta Apostolum omnem intellectum in Christi obsequium redigamus, relege maximū Philosophorum, & illius verba meam invenies esse sententiam. Contemne igitur hæc omnia, quia omnia contemnenda: & de his omnibus fac sarcinam tuam contemptum mundi. Decursa igitur hac regione, & quod pretiosius est, interim sublato, transi ad secundam, quæ est paradisus claustralis. Verè claustrum est paradisus. Hic prata virentia Scripturarum, præterfluens lacrymarum vndositas: quam de purissimis affectibus amor ille cælestis eliquat. Hic sunt arbores erectissimæ, chori Sanctorum: nullaque est, quæ non multa fructus gaudeat vberitate. Hic est illa sublimis mensa, in qua Deus est & cibans & cibus, munerans & munus, offerens & oblatum, conviva & convivium. Hic aggestæ sunt omnipotentis divitiæ: hic refusa est gloria Angelorum. Putasne vllas hic esse nundinas, & otiari illos, qui habitant vnius moris in domo? Videas hunc sacris lectionibus intendentem, illum incumbentem orationibus, hunc pro suis excessibus lacrymantem, illum in Dei laudibus exultantem, hunc vigilantem, jejunantem illū: & officia pietatis sibi adinvicem invidere. Nocte consurgunt ad confitendū ei: vespere & mane & meridie, narrant & annunciant laudem ejus: & omnis illorum sedulitas in orbem divini rotatur obsequij. Curre ergo per omnes, curre per singulos; & de vniuersis & singulis fac sarcinam tuam formam vivendi. Relicto ergo mundo, & modo vivendi suscepto, transi ad tertiam, quæ est regio expiationis. In hac regione benignus pater examinat filios rubiginosos, sicut examinatur argentum: ducit per ignem & aquam, ut educat in refrigerium. Trinæ sunt distinctiones locorum, quæ pro diversitate meritum animæ sortiuntur. Ad cælum namque Sancti evolant, qui domicilio corporis vti sunt tamquam carcere, qui defæctam puramque substantiam vtriusque hominis servaverunt. E contrario qui fecerunt vsque ad mortem, quæ digna sunt morte, locis gehennalibus sine misericordia deputantur. Qui vero neutrum sunt, sed sunt inter vtramque: qui mortalia quidem commiserunt, sed circa mortem penituerunt, penitentiam non explentes: indigni, ut statim gaudeant; nec digni, ut semper ardeant; loca purgatoria sortiuntur, in quibus flagellantur: sed tamen non ad insipientiam sibi, ut excocti transferantur in regnū. Pro his qui in cælo sunt, non est orandum: quia eos, non pro eis orare debemus. Pro his, qui in inferno sunt, suspendendæ sunt preces; quibus clausa est misericordia janua, & totius spes interclusa salutis. Pro illis tantum vigilandum est in orationibus, subveniendum sacrificio singulari, qui locis purgabilibus emundantur, ut benignus Pater penitentiam eorum in satisfactionem, satisfactionem in glorificationem citò convertat. Curre iterum post istos intuitu pietatis, & fac sarcinam tuam

affectum compatiendi. Quarta regio est regio gehennalis, regio dura, regio extimescenda; terra afflictionis, terra miseriarum, terra tenebrarum, terra turbinis & caliginis, terra maledictionis & mortis: in qua nullus ordo, sed sempiternus horror inhabitat. Totus tremo atque horreo, ad memoriam regionis istius: & concussa sunt omnia ossa mea. Illic est ignis, qui non succenditur; vermis, qui non moritur, frigus horrendum, ibi fetor intolerabilis exoritur, percutientes mallei resonant incessanter, obfusæ tenebræ cumulatiùs indensantur. Illic confusio peccatorum, horribilis facies dæmonum, inextricabilium vinculorum feralis multitudo: ibi fletus & stridor dentium, plāctus & gemitus, & alternantia mala impios sine pietate discerpunt. Nihil sic valet ad extirpandas voluptatum radices, quam istorum memoria: & recordatio vulnerum Domini mei, qui stetit ante Iudicem, qui alapas suscepit, qui flagellatus est, qui conspurus, qui coronatus spinis, qui colaphis cæsus, qui suspensus in ligno, cui pendenti insultatum est, qui mortuus in cruce, qui lancea percussus, qui sepultus, qui resurrexit, qui ascendit ad cælos, qui fecit nos regnum & sacerdotes Deo & Patri. Curre per has tumultuantes nundinas, ut vivus descendas in infernum; & fac sarcinam tuam, odiū peccati. Quinta regio est paradisus supercælestis, Regio beata & gloriofa, plena voluptatis & gratiæ, suavitatis & lætitiæ, gratiæ & benignitatis. Ibi requies à labore, jocunditas de novitate, de æternitate securitas. Ibi est civitas regis magni, cujus plateæ constratæ sunt auro purissimo; quæ fundata est in sapphiris; in qua jaspidis propugnacula prævirescunt; & per ordinem lapides insternuntur. Lapidēs pretiosi omnes muri ejus. Illic omnes vivunt, nullus moritur: omnes exultant in voce exultationis. Intraverat David in sanctuarium ejus, & mente Deo excefferat: nec tamen aliquid aliud potuit asportare, nisi, quia *Gloriosa dicta sunt de te, o multitudo Dei*. Et illud. *Beati qui habitant in domo tua Domine, in sæcula sæculorum laudabunt te*. Nescio quid magnum promittitur nobis, videre Deum, & laudare. *Latus sum in his quæ dicta sunt mihi: in domum Domini ibimus*. Iam stamus in atrijs Ierusalem, jam è vestibulo magnæ civitatis gaudia somniamus. Curre igitur, & per regionem istam: & fac sarcinam tuam amorem Dei. Negotiamini ergo donec veniat homo ille nobilis, qui abiit in regionem longinquam, accipere sibi regnum, & reverti. Reuerteretur planè; & cum vsuris exiger pecuniam, quam tradidit nobis. Nihil perdit, nihil obliviscitur, nihil impunitum relinquit. Supplicemus ergo Confessori, ut Redemptori nostro amico suo pro nobis hodie supplicare dignetur, qui est Deus benedictus in sæcula.

SERMO In Adventu Domini, de Beata MARIA.
De eo quod dictum est: Fluvius egrediebatur de loco voluptatis.

Genes. 2.

EXultate fratres in Domino; quia de domina illa sermo succedit, quæ singularem in cordibus vestris sibi vendicat principatum. Hæc est, ad cujus nomen humiliter inclinatis: cujus horis reuerenter assistitis: cujus memoriam jugiter frequentatis. Hæc est, quæ vestris affectibus suaviter indulcebat, quia magna multitudo

4. Regio gehennalis.

5. Regio cælestis.

Psal. 86.

Psal. 83.

Psal. 122.

B. Virgo est
reclinatorium
aureum.

dulcedinis ejus. Spiritus enim ejus super mel
dulcis: in qua dulcis Dominus cum omni sua
dulcedine supervenit. Cum enim fecerit Deus
omnia opera sua valde bona: hoc melius fecit,
consecrans sibi reclinatorium aureum, in qua
sola post tumultus Angelorum & hominum re-
clinaret, & requiem inueniret. Hæc est, quam
natura miratur, reueretur Angelus, veretur ho-
mo, stupefcit cælum, extremis terra, infernus
exhorret. In hujus vtero majestas altissimi mi-
rabiliter liquefacta, sicut adipe, & pinguedine
repleuit terras, infudit cælos, inferna reperfit.
Hic exinaniuit semetipsum excelsus & immen-
sus, mensuram bonam & confertam & coagita-
tam mittens in sinum nostrum. Hic diuinis ma-
nibus vnctus est oleo lætitiæ, & sicut ad altare
in summum Pontificem consecratus. De hoc
altari ad aram crucis ascendens, proprio cruore
tamquam alterius generis oleo perfusus, jam
non solum consecratus, sed & consecrās, totum
corpus machinæ mundialis largiori liquamine
consecrauit. Facessat igitur mœror, tristitia fu-
giat, eliminetur dolor, rancor abscedat: vt li-
ceat vacare & videre visionem hanc grandem
cum Moyse: qualiter Deus in hoc ventre con-
cipiatur, diabolus decipiatur, recipiatur perdi-
tum, indebitum accipiatur. Totum me trahit
affectio, sed oratio deficit, & diues cogitatio
vocis paupertate confunditur. Fervent interi-
ora, & in vndosam ebulliant altitudinem: sed
frigiditas linguæ cumulos refrigerat exundantes.
Quid est ô beatissima? Numquid ita sensim ta-
citurus obdormiam, vt ibi mutus sim, vbi om-
nis loquitur creatura? Verumtamen non tace-
bo, & non quiescam, donec egrediatur vt splen-
dor vultus tuus, & sermo de te conceptus, si nō
vt lampas, saltem vt scintillula accendatur. Mo-
uet me, fateor, quod disponente Deo peccant
rationabiles creaturæ, & multis annorū milli-
bus tam cælestia quàm terrestria in, cassum stare
videantur, semirutis illis, istis dirutis. Stat illa
ciuitas magna, civium suorum numerositate
fraudata, & à stellaneis palatijs multiplex ha-
bitantium multitudo propellitur. Obscurantur
stellarij ignes, solem loquor & lunam & stellas:
multa sui luminis claritate mulcantur. Terra
maledicitur, condemnatur hominum successio,
& omnis creatura, juxta Apostolum, ingemiscit
& parturit. Tacet Deus omnipotens, & ordinās
ejus omnipotentia tantam dissimulat confusio-
nem. Tandem nascitur Maria, & ad nobiles an-
nos egrediens speciem induit speciosam, quæ
ipsum alliciat Deum, & divinitatis oculos in se
conuertat. Vide, quid interim dicat ille, non
minimus explorator secretorū Dei. *Audi filia,*
& vide, & inclina aurem tuam: & oblimiscere po-
pulum tuum, & domum patris tui. Et concupiscet
Rex decorem tuum; quoniam ipse est Dominus
Deus tuus. Germinat igitur virga lesse de tor-
tuosa radice generis humani, & de Patriarcharū
arbore in altitudinem & rectitudinē erumpens,
omnem ignorat nodositatem, foliorum tene-
bras nescit, fruticosa quæque non habet. Videt
& ardet ille vehemens amator, & totū Epitha-
lamium in laudibus ejus decantat: vbi manifestū
sponsus inducitur, spirans amorem sincerissimū,
nec ultra valens dissimulare quod patitur. Evo-
catur statim cælestis ille conventus, & juxta
Prophetam, inquit Deus consilium, cogit Conci-
lium: facit sermonem cum Angelis de restitua-

tionem eorum, de redemptione hominum, de ele-
mentorū renovatione. Illis stupentibus &
mirantibus præ gaudio, quæritur modus redē-
ptionis, & statim de thesauro divinitatis Mariæ,
nomen euolvitur: & per ipsam, & in ipsa, & de
ipsa, & cum ipsa, totum hoc faciendum decerni-
tur: vt sicut sine illo nihil est factum, ita sine illa
nihil refectū sit. Traditur epistola Gabrieli, in
qua saluatio Virginis, incarnatio Redēptoris,
plenitudo gratiæ, gloriæ magnitudo, multitudo
lætitiæ continetur. Missus est ergo Angelus Ga-
briel à Deo: & * ætequam ad Virginem perve-
niret, invenit Deum virgineis illapsum visceri-
bus, & majestatem Dei virginalis ventris brevi-
tate conclusam. O venter diffusior cælis, terris
amplior, capacior elementis: qui totum claudit
omnia concludentem, in quo Deus gloriæ re-
clinatur. Denique & Archangelus non ait, *Aue*
gratia replenda, sed plena: nec Dominus veniet
in te, sed *Dominus tecum,* quia jam totam eam
rapuerat sibi Spiritus sanctus, & cælestibus in-
signierat ornamentis. Iam consecrata erat in
locum voluptatis, de quo fons ille debebat ascē-
dere, qui vniuersam terræ superficiem irrigaret.
Satis huc vsque sparsimus verba, & volaticis
sermonibus diversa præseminavimus. Nunc in-
sistamus hic, si fortè aliquid dignum elicere va-
leamus. *Fluvius,* ait Scriptura, *egrediebatur de*
loca voluptatis, ad irrigandam vniuersam superfi-
ciem terra: qui inde dividitur in quatuor capita.
Fluvius iste est Dñs meus Iesus, qui de duob⁹ lo-
cis voluptatis egreditur, ex vtero patris, & ex v-
tero virginis. Vnde Propheta; Dñs Deus noster
fluvius gloriosus, exiliens in terram sitientem.
Sed ineffabilibus differentiis longè aliter à Pa-
tre, quam à matre egreditur: quia etsi tempora-
lis nativitas gloriosa est, multò gloriosior est æ-
terna. Orantibus vobis de vtrâque generatione
volo aperire, quod sentio; non quòd aliquid
exponere præsumā, cum hoc ultra omniū viros,
quantomagis meas sit: & extreme dementiæ sit,
velle fari ineffabilia, maximè hominem imperi-
tum. Non enim oblitus sum Salomonē dicentē.
Sicut qui nimium comedit mel, evomit illud, sic
qui scrutator est majestatis, opprimetur à gloria.
De vtrâque enim dici puto per Prophetam. *Ge-*
nerationem ejus quis enarrabit? Quia & illa pa-
teris ineffabilis est, & nulli pervia creaturæ. Hoc
sensu credo Apostolum dixisse de Deo, *qui solus*
habitas lucem inaccessibilem, cum etiam puriores
naturæ tanto reverberentur intuitu: nec possint
irrumperè tantæ claritatis abyssum. Ipse etiam
filius protestatur. *Nemo novit Filium nisi Pa-*
ter, neque Patre quis novit, nisi filius, & cui vo-
luerit filius revelare, non sicut est, sed sicut ca-
pere potest, cui tanta dignatio revelatur. Vnde
& illa sublimis anima, quæ vsque ad tertiuū cælū
in divitiis gloriæ rapta fuerat dicit. *Ego me non*
arbitror omnia comprehendisse. Verissima igitur
diffinitio est, quia illam gignentis & genici ge-
nerationem nullus omnino penetrauit intelle-
ctus. Hanc etiam de matre omni humanæ crea-
turæ reor inextricabilem: & nescio vtrum ab
illa excellentiori natura valeat comprehendi.
Quis enim comprehendat vnionem carnis &
Verbi, qualiter Deus & homo in vnam personā
convenient, salvis imperturbatisque proprieta-
tibus naturarum? Vnusquisque in suo sensu a-
bundat: ego hanc omnem sensum supergredi
credo, veterum virorum vestigijs inherens; qui

* Causa lege

Genes. 2.

Ednobur
locus Iesus
egressus est.

Prover. 25.

Matt. 13.

Philip. 3.

Vno Verbi
& hominis
ineffabilis.

Isaia 16.

Rom. 8.

Psal. 44.

B. Virgo
nostrostris
expers vir-
ga.

*Pater locus
voluptatis
est.*

Rom. 11.

Iac. 1.

Ioann. 17.

*Qui egres-
sus Christus
de loco vo-
luptatis.*

Ioann. 5.

Ioann. 10.

Eccli. 1.

Psal. 35.

Genes. 2.

*Psal. 141.
26. & 114.*

*Verba Pla-
tonis.*

super hoc sanas & inconvulsas sententias reli-
querunt. Ad paternam igitur generationem re-
currentes, locum voluptatis Patrem esse censo-
mus, cum Deus illocalis sit; sed efficientias rerū
nisi per vulgatos sermones explicare non possu-
mus. In ipso autem omnem voluptatem esse in-
telligit, qui legit Apostolum dicentem. *Quo-
niam ex ipso, & per ipsum, & in ipso sunt omnia:*
& alium ex illo duodeno apice similiter eru-
ctuantem. *Omne datum optimum, & omne do-
num perfectum de sursum est, descendens à patre
luminum.* Ipse etiam filius dicit. *Hec est vita
æterna, ut cognoscant te solum & verum Deum.*
Cognitio igitur patris vita æterna est; & ubi vi-
ta æterna; ibi sempiterna voluptas. Egreditur
ergo fluvijs de loco voluptatis, quia gignitur
de vtero patris Deus de Deo, lumen de lumine,
de Domino Dominus. Egreditur & æqualitate,
quia pari omnipotentia respicit generantem:
cum omnia quæ possit pater, possit & filius, si-
cut ipse testatur. *Omnia quaecumque facit pater
facit filius: nec potest facere filius quicquam, nisi
quod viderit patrem facientem.* Egreditur & æ-
ternitate, quia licet generetur, non est posterior
generante: sed ambo vnius antiquitatis sunt. Si
tamen vocabuli novitate non exhorretis, quod
licet quoquo modo significet, quæ dicuntur,
longè tamen est à sententiæ maiestate. Egredi-
tur similitudine, quia similis est Patri, Patris
imago, splendor gloriæ, & figura substantiæ
ejus. Egreditur æternitate, quia alius est ab illo.
Alius dico, non aliud. *Ego, inquit, & pater vñ
sumus.* Vnum dixit, non vnus: quia *unum* si-
gnificat substantiæ unitatem, *sumus* verò perso-
narum proprietatem. Sic igitur & longè excel-
lentiori modo de Patre Filius egrediens inun-
dat Angelicas stationes: quia juxta Salomonem,
fons sapientiæ Verbum Dei in excelsis. Citha-
ræus puer de hoc fonte pleno ventre potave-
rat, cum diceret. *Apud te est fons vitæ, & in lu-
mine tuo videbimus lumen.* Apud te, inquit, est
fons vitæ: quia non solum tu vita, sed & filius
tuus fons vitæ est. Et vt patenter quid sentiebat
ostenderet, adjunxit. *In lumine tuo videbimus
lumen.* Ad irrigandam uniuersam superficiem
terre. Quædam terra est in illa cælorum sum-
mitate reposita: quam præterfluit & irrigat flu-
uius gloriosus. Regnum cælorum terra viuen-
tium est, de qua dicit Sanctus. *Portio mea in ter-
ra viventium: & Credo videre bona Domini in
terra viventium: & Placebo Domino in regione
viventium.* Irrigatio hæc indicibilis est. Inebrian-
tur quippe Angeli ab vbertate domus Dei: &
torrente voluptatis ejus potantur. Hic quid di-
cam, nescio; quia plurimus stupor sensum op-
primit assurgentem. Vbi sunt oratorij sermones,
quos in fornace rephorica omnis ille Philoso-
phorum conflavit chorus? Vbi sunt gigantes à
sæculo nominati: qui ab initio fuerunt statura
magna, scientes bellū, languentes circa pugnas
verborum? Numquid non maximus ille gigas,
Platonem loquor, ab intellectu tam purissimæ
veritatis repulsus est? Numquid non acerrimo
mentis ingenio tangens, sed non attingens di-
uinitatem Dei, dicit: *Vnum iuven, quod cuncta
operetur: & aliud, per quod cuncta efficiuntur; ter-
tium autem inuenire non potui?* Rectè de Spiritu
sancto inscius, qui illi non erat infusus; qui san-
ctarum reuelationum magister est; qui reuelat
Paulo, quæ oculus non vidit, sicut idem Apo-

stolus gloriatur. *Nobis, inquit, reuelant Deus.*
Per quid Apostole? *Per Spiritum sanctum.* Non
per spiritum nostrum, quem secuti Philosophi,
& seducti sunt, & seduxerunt. Ille noster Philo-
sophus, qui super senes, & super omnes docen-
tes se intellexit, quid super hæc senserit, audia-
mus. *Rigans, inquit, montes de superioribus suis.*
De sublimioribus quippe Angelos docens, qui
non per speculum in ænigmate, sed facie ad fa-
ciem ipsam Dei substantiam luminibus indefec-
tis aspeçant. Sequitur. *Qui inde diuiditur in
quatuor capita.* In quæ quatuor capita? Dica-
mus breuiter, quia grandis nobis restat via. In
admirationem, quia tota obstupet illa dignior
creatura de creatoris gloria & gloriæ ratione: in
puritatem, quia in vase testeo, vel fragilitate
complexionis humanæ bibunt de torrente vo-
luptatis: sed remoto velamine hauriunt aquas
in gaudio de fontibus Salvatoris: in satietatem,
quia etsi in eum desiderant aspicere, non tamen
desiderium necessitatem, vel necessitas miseri-
inducit: sed mirabili modo, & semper desi-
derant, vt semper satientur; & satiantur, vt sem-
per desiderent: in securitate, quia de sua stabili-
tate certi, perennibus gaudijs immerguntur, ex-
pectantes beatam spem & aduentum gloriæ ma-
gni Dei: quando fiet vnū ovile, & vnus Pastor;
& superna illa Ierusalem consummabitur in id-
ipsum. Sic influit fluuius iste per Angelicas offi-
cinas: sed hæc omnia fides capit, nescit ratio,
intellectus ignorat humanus. Hæc sunt fortassis
illa quatuor, quæ vas electionis felici quaternario
in Epistola ad Hebræos diuidit dicens: *Non
accessistis ad montem fumantem, sed ad montem
Sion, ad Ierusalem Civitatem Dei viventis: &
multorum millium Angelorū frequentiam, ad Ec-
clesiam primitivam ascriptam in cælis.* Nunc ac-
cingamus nos ad videndum, qualiter egrediatur
de virgine: quia egressio ista dulcior & affectuo-
rior est humanæ miseriæ, quæ intuentium pe-
tora concutit, irrorat oculos, & beatis fontibus
vultus amantium superfundit. Hic locum
voluptatis vterum Mariæ intelligo: in quo cu-
mulavit omnes dilicias deliciarum Dominus;
de cuius delicijs Spiritus sanctus admiratorio
sermone in amoris Cantico sic eructat. *Qua est
ista qua ascendit de deserto, delicijs affluens? Num-
quid in Angelis voluptatem habet altissimus: in
quibus ipse reperit pravitatem? Numquid in
constellatione vel scintillatione stellarum: qua-
rum aliz convertuntur in sanguinem, aliz ca-
dunt de cælo, aliz in tenebras obscurantur?
Numquid in aëre, vel igne, vel ventis? Nequa-
quam, quia non in igne Dominus, non in commo-
tione Dominus, non in spiritu Dominus: si verus
est ille, qui curru igneo & equis igneis assumptus
est in cælum. Numquid in aquis, vbi furens &
toruosus Leviathan immoratur: aut in terra,
quæ sub maledicto Adæ spinas emittit & tri-
bulos? Non est locus voluptatis, nisi vterus vir-
ginis. Ex hoc egreditur humanitate, quia vesti-
tus cilicio nostræ mortalitatis, visibilis huma-
nis oculis apparuit, & de virgine virgam, de li-
bro autem generationis lineam faciens, divi-
nitatis hamum innexuit, quem carne operuit
virginali; vt draco magnus illectus ad carnem,
ferrum diuini numinis subsentiret. Egreditur
& cum novitate; quia numquam sic natus
homo, sicut ipse nascitur. Primus enim homo
primò de terra nascitur formatus, secundò mu-
lier*

1. Cor. 2.

Psal. 103.

Genes. 22.

*Monte Sion
Heli. 2. 13
Abund*

*Qualis e-
gressus Chri-
sti ex Vir-
gine.*

Cantic. 8.

3. Reg. 19.

*Quomodo
Leuiathan
à Christo ca-
pius homo.*

Quatuor
modi pro-
ductionis
hominum.

lier ex ejus latere fabricatur : tertio Cain con-
suetudinario nascendi ordine gignitur ab utro-
que. Solus iste de sola virgine nascitur, & Vir-
ginis utrumque novo & singulari partu divinitas
humanata sigillat. Vbi nunc Aristotelicæ subti-
litate facunda quidem, sed infœcunda loqua-
citas? Si peperit, cum viro concubuit. Velit no-
lit, vertitur in habitum privatio: nec adstringi-
tur dialecticis terminis omnium terminator; ad
cujus imperium perit natura, desuescit consue-
tudo. Egreditur etiam cum claritate. Nascente
quippe illo sepelitur omnis illa stellantium lu-
minum luminosa serenitas; & stella candidior
lucidioribus radijs præscintillans, totam sibi
cæli rapit positionem. *Ambulant Reges in splen-
dore ortus ejus: quoniam ecce Reges congregati sunt
convenerunt in unum. Ipsi videntes sic Deum &
hominem nascentem, matrem & virginem pa-
rientem: admirati sunt, conturbati sunt, commoti
sunt, tremor apprehendit eos, in tantorum luce
miraculorum. Egreditur & cum paupertate:*
quia pannis vilissimis involutus, & prælepi du-
rissimo reclinatus, jam ex tunc sanctissimis mē-
bris legem martyrij præfigebat. Egreditur oc-
culte, quia subtilissimus ille fraudum investi-
gator, ab altitudine tantæ dignationis excludi-
tur. Hinc est, quod ambiguus alternationibus
fatigatus, nunc illum tentat, nunc tentatum fi-
lium appellat altissimi: nunc instruit crucem,
nunc destruit: mandans per mulierem consue-
tum sibi organum, nihil tibi & justo illi. Sequitur.
*Ad irrigandam universam superficiem terra. Ad
terrenam miseriam expiandam, quam nobis in
hereditatem primus ille peccator reliquerat.
Volo, ut Apostolus hic eum mihi, sicut & supe-
rius, in quatuor capita distribuat: quia securius
ejus expositione suscipio. Qui factus est, inquit,
nobis sapientia, justitia, sanctificatio, & redemptio.
Ad nos quippe veniens, qui eramus in carcere;
primò omnium tenebras ignorantia nostræ de-
pulsit luce sapientia suæ; deinde per justitiam,
quæ ex fide est, soluit funes peccatorum nostro-
rum: sanctificans nos in suo corpore, redimens
in corporis passione. Dominus enim solvit com-
peditos, Dominus illuminat cacos: sanctificat ta-
bernaculum suum, de manu redimit inimici.
Diuiditur & in patientiam, qua peccatores su-
stinet; in misericordiam, qua pœnitentes fovet:
in largitatem, qua proficientes exaltat; in forti-
tudinem, qua perficientes conservat. De hoc se-
cundo quaternario, toto hoc adventu vestrae
fraternitati confabulatus sum; per fluminum
decursionem, & nominum interpretationem;
moralia mysticis internectens; utrum aliquid
dignè, vos videritis. Verum non omnia possum
præfenti sermone coarctare, fastidium eui-
tantes. Habeo ergo quatuor capita dulciora
prioribus: quæ fortassis vestris cordibus dulcius
complacebunt. Dominus enim noster eleuatus
in cruce, largissimas sanguinis vndas à quatuor
sui corporis partibus abundantius emanavit.
Spinis enim pungentibus sanctissimum caput
niuea cernice reflexum, & clavis pedes & manus,
& lancea latus ejus transverberantibus, pretio-
sus sanguis emicuit; cujus aspersione Iudex trā-
sit in patrem, iratus in mitem, in misericordiam
virga, captivitas in coronā. Christus ergo fons
latens, & occultus in cælis; fons patens & aper-
tus in terris. Illic de utero Patris, hic egreditur
de utero Virginis. Illic vivens terram irrigat vi-*

uentium: hic moriens terram morientium. Illic
diuiditur in quaternarium admirabilem, hic in
dulcem. Dulcis Dominus, dulcis domina; quia
dulcis ille Deus meus, misericordia mea. Hæc
Domina mea misericordiae porta. Ducat nos
Mater ad Filium, filia ad Patrem, sponsa ad
sponsum: qui est Deus benedictus in sæcula.

Est quater-
narius mi-
rabilis, est
& dulcis.

SERMO In Vigilia Nativitatis Domini.
De septem fluminibus.

T Andem de mari ad portum, de promisso ad
præmium, de labore ad requiem, de despe-
ratione ad spem, de via ad patriam pervenimus.
Scripserat siquidem nobis frequentibus episto-
lis calamus scribæ velociter scribentis: *expecta*
reexpecta, sed nos, quod subjungitur, dicere po-
teramus: *modicum ibi, & modicum ibi*. Præcu-
rrenterant cursores promissione diuites, sed ex-
hibitione pauperimi. Dicebat alius. *Viriliter*
age, & confortetur cor tuum, & sustine Dominum.
Alter vero: *si moram fecerit expecta eum, quia*
veniens veniet. Pari consilio exierat de sanctua-
rio Dei, nihilque secum nisi promissionum mul-
titudinem reportantes. Vnde & Citharista no-
ster jam dormitaverat præ tædio, & in ipsum
Deum tacitis obliquationibus totam culpā mo-
dis flebilibus intorquebat. *Tu vero, inquit, re-
pulisti & destruxisti, distulisti Christum tuum.* De
flebili quoque ad imperativum conuersus est,
exagitante impatentia, quæ mater est impuden-
tia & frontositas. *Qui sedes, inquit, super Ché-
rubim, manifestare.* Ut quid tamdiu dominatrici
sedens in cathedra, circumvolantibus & vallā-
tibus Angelis, non respicis super filios hominum,
quos obfurdit & obfurdit iniquitas quidem
per Adam commissa, sed à te permessa? Memo-
rare quæ sit mea substantia, ad tuæ substantiæ
similitudinem fabricata; quia etsi omnis homo
vivens vanitas est, in imagine tamen tua pertrā-
siens, vanitas esse non potest. Numquid ita vanè
constituisti omnes filios hominum, de quibus
dicis, *& delicia mea esse cum filiis hominum*, ut
eos verberet, & diuberet malignissimus ille
deceptor, qui decipere, nisi te permittente, non
potuit? Inclina cælos tuos, & descende, & illos
misericordes oculos miseri inflecte peccanti-
bus, nec saltem in perpetuum obliviscaris nos.
Hæc quidem iste, sed gemitibus, & ærumnis in-
torrus, tantæ præsumptionis sententiam abju-
rabat. *Dixi, inquit, custodiam vias meas, ut non
delinquam in lingua mea.* Sed & ille vir nobilis,
& profundus sermonis urbanitate perlucidus, af-
fectuosus excessibus incalescens: *propter Sion,*
*inquit, non tacebo; & propter Ierusalem non quie-
scam, &c. Utinam, ait, disrumpere cælos, & de-
scenderes, & alia multa, quæ fastidiosa prolixitas
vetat inferre. Hinc etiam morosioris gratiæ
longinquitate suspensus, & nimietate, doloris
excedens, impatienter oblatrat dicens. Ecce gen-
tes quasi non sint, sic sunt coram eo, & quasi nubi-
lum & inane reputata sunt ei.* Jeremias quoque
in vocem gratulabundæ laudis, adverbio de-
monstrante prorumpens, *Ecce, inquit, faciet
Dominus novum super terram; & mulier circum-
dabit virum.* Sed tamen repentinæ subversionis
lacrymis edocetur, ut prius lamentum suscipiens
quàm aduentum, penitus conticescat. Danieli
dicitur: *Visio est in dies, & in temporalia longa: &*
Ezechiel tantis caliginibus involvitur, ut vix

Isaia 28.
Propheta
multa pro-
mittant
sed nihil ex-
hibebant.
Psalm. 26.
Habac. 2.

Psal. 87.

Psal. 79.

Prov. 8.

Psal. 38.

Isaia 62.
& 64.

Isaia 40.

Jerem. 23.

Dani. 10.

Isaia 90.

Psal. 47.

Nascitur
Christus
pauper &
occultus.

Matt. 27.
Genes. 2.

1. Corin. 1.

Psal. 145.

Quæ sint 4.
capita, in
quæ divisus
est fluvius.

*Propheta e-
lingues visi
Christi ad-
ventum op-
tantibus.*

*Fernor re-
ligioforum
laudatur.*

*Genes. 32.
28.*

*Ad confessi-
onem adhor-
tatio.*

dignosci possit, unde veniat, aut quod vadat. Denique omnis ille Prophetalis conuentus, longa tardantis gratiæ morositate pertæsus, nunc rogando, nunc conquerendo variat orationem: & plerumque sermonibus exoratiuis indignatioris intermiscet. Nos quoque satis satisque audiuius; & nobis in fastidium releguntur. Iam fugiat Moyses, impeditioris siquidem linguæ factus est nobis: Isaiæ labia immunda sunt: Ieremias nescit loqui, quia puer est: Ezechiel polluto pane vescitur: Oseas fornicariam & adulteram ducit uxorem: Daniel post visionē grauius infirmatur. Omnes itaque Prophetae elingues sunt & muti. Iam lætari & exultare non possumus; nisi osculetur nos osculo oris sui. Audiri & exaudiri estis: adest benignitas & humanitas Salvatoris nostri Dei, quæ vel differri vel auferri non patitur amplius amorem languentiū. Quid enim audistis? *Sanctificamini filij Israël, & estote parati, quia die crastina descendet Dominus.* Residuum diei huius, & superventuræ noctis vix medianda progressio, dirimunt nos à vultu gloriæ; à puero Deo, à puerperio singulari. Currite celeres horæ, & rapidiori passu conficite metas vestras: ut liceat videre filiū Dei vagientem in cunis, & Salvatrici natiuitati qualiacumque obsequia præparare. Credo vos esse filios Israël, sanctificatos ab omni inquinamento carnis & spiritus: paratos ad diei crastinæ sacramenta, & sollicita deuotione, & deuota sollicitudine. Quid enim aliud his sacris diebus, & ejus aduentui dedicatis, egistis? Vidi ego senectutis oblitos adstare sacris juvenili alacritate vigilijs, & iuvenes iuventute sepulta, senili gravitate reuerentiæ diuinitatis assistere. Plena erāt subsellia concinentibus, & concentu parili voces in sublimibus resultabant: ut felici invidia jurasse vos crederem, jubulare Deo in voce exultationis. Psalteria erant præ manibus, Psalmi in labijs, in corde deuotio: solemnitate animi indicabant hilaritas vultus, discursio corporis, operis sollicitudo. Inspeci Sacerdotes vigilantibus oculis primos diei ortus subtiliter indagare, sacramentalibus indui vestimentis, introire ad altare Dei, ad sacrificandum corpus & sanguinem Redemptoris. Vidi assistentium turbam ministeriali deuotione nunc flectere genua, nunc osculari manus, & ad imperantium nutum, nutu citius obedire. Sed & pueros aspexi, qui nesciūt quid sit inter dextram & sinistram, sibi adiuicem Psalteria inuidere, & deportare ad lectulos suos: furari somnium ab oculis suis, & in lectulo suo per noctes quærere, quem diligebat anima eorum. Quod licet contra consuetudinem præsumptum sit, non tamen contra deuotionē. Fateor, inter hæc omnia cogitabam: *castra Dei sunt hæc, non est hic nisi domus Dei, & porta cæli.* Vellem nollem vestra deuotione trahebar, & vobis negotiantibus otiari non poterā. Nouit ille vnus. Sequebar vos, sed à longè, vel aberrans à via, vel claudicans à semitis meis: lugens & contristatus, quia non poteram æquare currentes. Nouit ille vnus, cum quo vno vnum esse cœpi in Domino, quàm frequentibus querelis impleuerim aures ejus, quod vos in meridie essetis cum sponso, & ego in vespertino frigore commorarer. Eia fratres, si aliquis adhuc influus humor de flumine mortalitatis huius vestras circumrorat affectiones, tergite & regite illum nuno confessionis amictu, & calciate vos in præ-

parationem Euangelij pacis; ut sitis de quibus dicit Sanctus. *In flumine pertransibunt pede.* Quid autem post hæc? *Ibi latabimur in ipso.* De hoc flumine, imò de fluminibus istis Isaias Propheta in nocturnis lectionibus largiùs disputa-uit. *Percutiet, inquit, Dominus flumina Egypti in septem riuus, ita ut transeant per eum calciari.* Volo de fluvio & riuus ejus paulisper confabulari vobiscum: quomodo & qualiter percutiantur, & quid sit per eum transire calciatos. Egypto figuraliter exprimi mundum istum, diuinorum eloquiorum scrutatores affirmant: qui positus est in maligno; qui tenebris & confusionibus est repletus. Flumen fluxus est humani generis, qui de primis parentibus infelici vena prorumpens, impetuosum torrentem per totā mundi latitudinem instagnauit. Qui in septem torrentibus diriuatus, valles & campestria profunda voragine supersedit: ipsis quoque montium cacuminibus eandem refusionem intentans. Vnde vnus de altioribus clamat. *Torrentes iniquitatis conturbauerunt me, & intrauerunt aqua usque ad animam meam.* Primus huius fluminis rivus, est cogitatio mala. Rivus exundans, & qui nullis obicibus repellatur. Habet frequentiam pluviarum fenestras corporeorum sensuum, qui ei de mundanis cataractis mortiferos imbres infusus administrant. Occursat aspectui mentis quod vidit & audiuit, quod odorauit & gustauit, quod palpauit & tetigit: & plerumq; quod simplici oculo aspeximus, versipellis contortor ad offendiculum retorquet & scandalum. Fingit similitudines, imagines pingit, colores aptat, & in thalamo mentis vniuersa convoluit; si fortè consensum eliciat, & inficiat affectum. Offert horribilia de diuinitate, terribilia de fide, mirabilia de fidei institutione, & in alveolo mentis veneniferas ingerit portiones, quas vel in confessione euomere peccator oneratus exhorret. Venit in oratorium, dormitorium occupat, insidet refectorio, circuit claustrum, reuiscit officinas: nullam prætermittit artem nocendi, sed vbique suæ caliditatis assignat argutias. Et in choro quidem inter orandum & psallendum, mentem pertrahit in diuersa, præteritorū rememoratione puritatem intellectus inuoluens. In thoro vero multiformes libidinis sensus euoluit, insidians solitudini nostræ: & telis fortioribus oppugnans, vtinam non expugnet; pungat, nec vulneret. In refectorio autē gulam allicit ad videndum quæ perferuntur, & ingenti auiditate onerat distentum ventrem, vt maiore opera ad egerendum egeas, quàm ad ingerendum. In claustro libros reuellit à manibus, memoriam refecat Scripturarum: & nunc de isto ad illum, cum signis & scurrilitate transuertit. Per officinarum multitudinem te facit excurrere, & vagabundo se comitem facit; donec taciturnitatis ostium aut aperiat aut confringat. Quid plura? In choro deuotionem, in thoro castitatem, in refectorio paritatem, in claustro lectionem, in officinis silentij virtutem virtutis inimicus extirpat. Nec sufficit in vigilando subtilibus spiculis cordis terebrare muralia, sed dormiendo singulari se versat & reuerfat astutia; quæ melius vestræ conscientiæ, quàm styli scientiæ derelinquo. Sed & ad altare Domini virtutum sequuntur nos spiritus isti, in ipsos mentis oculos inuolantes; & vix aliqua vel nascentis Dei, vel pendentis in cruce possunt

Psalms. 65.

Isaia. 11.

Egyptus mundum significat.

Psalms. 17.

Primus rivus Egypti mala cogitatio.

Multitudo tentationis diaboli.

Vanas cogitationes abigere impossibile.

Locutio mala secundus rivus.
Iac. 3.

Psal. 5. & 11.

1. Corin. 6.

Ephes. 4.

Psal. 140. & 11.

Matt. 12.

Actio praua tertius rivus.

memoria deturbari. Magnus ille Patriarcha vix volucres huiusmodi à suis sacrificijs abigebat: nos qui sumus, qui fugare præsumimus? Quis in hoc riuo vel merfum, vel submerfum se esse negauerit? Videtis, quàm turbidus torrens, & limosa regurgitans cœnositate, qui vix aut nūquam ad hoc ducitur, vt penitus exsicceetur. Nō puto, quodd ille, qui clausit cælum oratione, clausit animum à cogitatione: vt facilius sit, cælum obserare, quàm animū. Secundus rivus est locutio peruersa. *Linguam nullus hominum domare potest*, ait Apostolus, *membrum inquietū, membrum mortiferum, facilis ad loquendum, ad obloquendum procliuior.* Et notandum, quodd alter nascitur ex altero, cū malæ cogitationi prauæ locutionis janua sit aperta. Et est verbum aliud falsum, vnde dicitur: *Perdes omnes, qui loquuntur mendacium*: aliud vanum, de quo dicitur. *Vana locuti sunt unusquisque ad proximum suum.* Aliud maledicum, de quo Apostolus: *Neque maledici regnum Dei possidebunt.* Aliud impudicum, de quo idem Apostolus. *Turpis sermo de ore vestro non procedat.* Aliud excusatorium: vnde Psalmista: *Non declinas cor meum in verba malitia: ad excusandas excusationes in peccatis.* Aliud dolosū, de quo Propheta. *Disperdat Dominus vniuersa labia dolosa.* Aliud otiosum, de quo ipse Dominus: *De omni verbo otioso, quod locuti fuerint homines, reddent rationem in die iudicij*: & si qua alia sunt genera pestis huius, quæ nos breui saltu transilire non possumus. Tertius est actio praua. Post cogitationē & locutionē venit ad opera, quando exhibemus membra nostra arma iniquitatis peccato: & cōtumelijs afficimus corpora nostra. Quid enim turpius, quàm membra Christi sanguine consecrata, & consēpulta ei in baptismo, libidinis ardoribus maculare: nec attendere reuerentiam præsentis Dei minantis pœnam, gloriam promittentis? Absit, vt aliquis vestrum huic idolo famuletur, vt filium Virginis in Veneris templo suscipiat: vt arcam Dei iuxta Dagon collocet; vt nutritus in croceis, stercora complectatur. Quid Petro cum mago; quid Christo cum Antichristo; quid virgini & libidini; quid puritati & impuritati? Absit, vt quisquā vestrum ambulet in passione desiderij, sicut & gentes quæ ignorant Deum: qui corpus Christi aut consecratis, aut Christi corpori ministratis; electi seruire Imperatori, vt cum Imperatore sedeatis, cū federit in sede Majestatis suæ. Qua fronte, quibus oculis videret vos, viueret vobiscum, qui tantis inter vos obscœnitatibus deservirer? Qua mente, qua conscientia accederet ad sancta Sæctorum, immolare Sanctum Sæctorum, cuius fama contemptibilis, vita notabilis, sermo reprehensibilis haberetur? Sed etsi fortè, (humanū loquor, propter infirmitatem carnis nostræ) aliquis nostrum tale aliquid in cubiculo conscientie complicauit; deplicet illud per confessionem & pœnitentiam: & ego ei de nascentis pueri misericordia repromitto, quia si confessus fuerit, & pœnituerit, nascetur in eo lux mundi; vt dimotis fallacibus tenebris, splendorem veræ lucis aspiciat. Quomodo enim misericors misericordiam hac nocte negabit, in qua misericorditer nascitur misericors & miserator Dominus? Adest Deus & homo, mater & virgo, caro & verbum, lux & illuminans, bonus & bonitas, misericordia & veritas, fœcunda virginitas, vir-

ginalis fœcunditas, æterna nouitas noua æternitas, diuina humanitas, humana diuinitas, humilis sublimitas, sublimis humilitas, & in his omnibus misericordia fabricatur. Cohibete igitur extollentiam ab oculis, loquacitatem à lingua, crudelitatem à manibus, voluptatē à lumbis, pedes ab itinere non recto; & venite & arguite eum, si non hac nocte disrumpit cælos, si non descendit ad vos, & projicit in profundum maris omnia peccata vestra. Quis tamen est, qui huius tertij rivuli non sit, merfus & remersus instantia? Quartus rivus est defensio peccatorū. In veritate dico vobis, quia nihil sic exasperat iram diuinitatis, quàm iniquitatis defensio. Æquo enim certamine nos decertamus cū Domino, cū defendimus quod odit, cū nobis placet, quod displicet illi. Magna quippe differentia est inter superbum & humilem peccatorem: cū illum despiciat, hunc respiciat; qui humilia respicit, & alta à longè cognoscit. Quando sanari poterit, qui medicum spernit; medicinam conculcat, & infirmam substantiam contrariorum receptione succendit? Tu dicis malū bonum, amarum dulce, tenebras lucem, & in Creatorem refundis injurias; vt quod laudauerit, tu vituperes; quod vituperauerit, tu laudes. Non est hoc palpatiuā dissimulatione tacendū, cū viderim quosdam vestrum tantis impatiētiae stimulis agitari; vt ad primas correptionis voces, non solum excusationem, sed & defensionem exhibeant; & nisi disciplinalis vigor obuiauerit, ad tumultus & jurgia profiliāt. Hæc impietas maxima in Deum, delictum maximū, culpa grauis: quam vir simplex & rectus, & seruus Domini summa circumspectione deuitat. Elegantissimam super his comparationem inducit Propheta, quam de sacrario sancti Spiritus asportauit. *Ibi*, inquit, *habuit fontem hericii.* Hericius ita confertissima spinositate densatus est, vt vndique punitionibus & aculeis vestiatur. Cū vero se adeptum solitudinem putat, caput exerit, pedes, extrahit, & viuificatorios motus plana deambulatione demonstrat. Si quis superuenerit, statim celerrima velocitate caput cum pedibus ad interius absconditorium reportatur: vt si tenere volueris, prius videas sanguinem tuum, quàm corpus suum. Sic & peccatoris caput cum pedibus, id est, intentio cum actione à Pastorum solitudine prospectatur, & quod ferè omnium peccantium vitium est, cū ab omnibus videatur, à nemine existimat se videri. Si vitium refecare studeas, & intentionis ingressus cum actionis egressibus correctiuis manibus deprehendere, statim Ciceronis eloquentia renouatur, excusatur & defenditur quod opponis: accusaris & offenderis, qui proponis. Interrogat de loco, de tempore, quando factum fuerit; & novus Dialecticus exerta lingua prorumpit in medium. Parentes aduocat, patrocinatores quærit, grauari se iudicat, indicat se recessurum, malle mori, quàm pati talia; & quæ vidisti negans, & quæ non vidit in te conuitia retorquens. Sic spinam sentis, & culpam perdis; odium incurris, nec corrigis; & quem totum tenere putabas, totum amittis. Vides, quàm multiplici cumulositate rivus iste omni homini, & maxime nostro Ordini se infudit. Quintus est exultatio in peccatis. O detestanda latitia, & in sempiterni doloris tristitiam demutanda, in peccatis sicut in virtutibus

Defensio peccati 4. rivum & 5. pri.

Psal. 103.

Qui peccatores hericii similis.

Exultatio in peccato 5. rivum.

exultare! Nonne latrocinantes & facinorosi quique, cum votorum plenitudinem assequuntur, non se capiunt præ gaudio: ita etiam ut audeant ipsi diuinitati gratias immutare? Qui cum malefecerint, lætantur, & exultant in rebus pessimis: cadent super eos carbones, & in ignem deicientur. Sed & rivus iste quàm vndosa reflexione miseros animantes offundat, melius conscientia quàm eloquentia comprehendit. Sextus est, alios docere ad malum. Hæc doctrina de cathedra pestilentie diriuatur: quam detestatur & reprobatur, qui docet hominem scientiam. O quàm in vano accipit animam suam, qui aliorum animas venatur ad mortem; qui trahit peccata, sicut restem longam; qui miscet sanguinem sanguini: cui non sufficit, ut intereat in sæculum sæculi, nisi & alios pertrahat ad interitum sempiternum. Scitis enim, quia multa vitia tenerrimis ætatibus imprimuntur: quæ postea in magno corpore vix mitigare, ne dum extirpare quisquam possit. Infelices magistri, qui huiusmodi plantaria plantauerunt: explanabuntur ab illa cælesti plantatione, quam plautauit pater ille cælestis. Quis gloriabitur, se huius riui torrentibus non fuisse vallatum? Septimus est, in his omnibus perseverare. Hic peccator demersus est & absorptus; & clausit super eum puteus os suum. Cum enim non leuat oculos ad cælum, nec recordatur iudiciorum iustorum, mortuus & sepultus est in sepulchro conscientie sue. Tunc à mortuo, tamquam qui non est, perit confessio; tunc peccator, cum venerit in profundum malorum suorum, contemnit. Hic est in extremo fluminum Ægypti: hic multitudo miserationum Domini tollitur ab oculis eius. O flumen malum, riui pessimi, riui exterminantes! Hac nocte Dominus eos calciatus transiit; cum in virginali substantia puram carnem & omnium prætaxatarum pestium immunem accepit, illo calceamento calceatus, quod in Idumæam extendit; cuius corrigiam solvere non potuit magnus ille Baptista. Misit de summo filium suum, & accepit me in utero virginis; & sic tandem assumpsit me de aquis multis, quas vobis breuiter prælibauimus. *Libera me, inquit, ab his qui oderunt me, & de profundis aquarum.* Percutiemus & eos, si cogitemus pro peccato nostro: si prohibeamus linguam à dolo: si declinemus à malo, & faciamus bonum: si consteamur aduersum nos iniustitiam nostram Domino: si dolor noster sit semper in conspectu nostro: si doceamus iniquos vias Domini; si laus Dei sit semper in ore nostro; & ut de arte futura nostris moribus aliquid consuamius, habeamus calciamenta densa, & subtiliter confuta, quæ possint aquas obvias excludere. Faciamus carnem nostram firmam & confixam timore Domini, quæ libidinis humorem excludat; & excocta tribulationibus atque densata, fiat vter novus ad conservandum vinum novum, de quo dicitur. *Quia factus sum sicut vter in pruina.* Sed jam corda & corpora vestra ad suscipiendum filium Virginis præparata dimittamus in pace: & omnes in commune lumen ad reuelationem gentium innocentibus brachijs amplectamur; qui est Deus benedictus in sæcula. Amen.

Quis in vanum animam suam accipiat.

In malo perseverare pessimum.

Psal. 68.

Ut percutiantur spiritualiter Ægyptij.

Psal. 118.

SERMO In Natiuitate Domini.
De eo quod scriptum est: Oleum effusum
nomen tuum, &c.

Cantic. 1.

Non poterit explicari sermone, quod mente concepi. Stupor enim miraculorum opprimit me: & dum omnia replico, omnia complicantur. Quis poterit cogitare diem aduentus ejus? Ideo fit elinguis lingua, memoria immemor, insensibilis sensus. Insueta nouitate resplendent omnia, & cuncta partui Virginis obsequuntur. Fiunt mirabilia in cælo sursum, & in terra deorsum; & vniuersa in nascentis Dei obsequium iurauerunt. Insigniuntur conuexa cælorum stella lucentiori, & multo lumine loca flammania perstringuntur. Diffunduntur per quadrifidum orbem radij rutilantiores, & pluralitatem stellariorum ignium novus ignis obtundit. Miratur orbis cælos novum peperisse splendorem, & inconuertibilem eorum statum ad signa & prodigia fuisse conuersum. Vident Chaldæi in cælis, quod Balaam reliquit in scriptis. *Orietur, inquit, stella ex Jacob, & consurget homo ex Israël: & erit omnis terra possessio ejus.* Nascitur stella in excelsis, & Deus in terris; cuius possessio à mari usque ad mare. Præparant se Reges Tharsis, ut cum nouitate munerum videant matrem novam, filium novum, novam natiuitatem. Fons olei de terra erumpit; Templum Romæ, quod vocabatur æternum, corrumpit, omnibus expensis & Urbis & Orbis mirabiliter consummatum. Cum enim Romani in memoriam victoriosæ antiquitatis, templum singulari schemate facere decreuissent, ab omni illa deorum, imò dæmoniorum multitudine quæsierunt, usquequo durare posset tam excellentis operis operosa constructio. Responsum est, donec virgo pareret. Illi ad impossibilitatem oraculum retorquentes, solemnem illam machinam templum æternum vocauerunt. Nocte autem ista, cum de virginali thalamo virgineus flos Mariæ egressus est, ita cecidit, & confractum est illud murale & columnarium opus, ut vix appareant vestigia ruinarum. O Bethleem ciuitas Dei summi, & in te, & in subvrbij tuis visa sunt mirabilia hodie. Deus pendet ad vbera, ponitur in præsepe, ligatur in cunis, pannis inuoluitur, & laxatis fasciis felices manus, & sancta brachiola per cunarum parvitatem expandit. Alludit virgini, matri aridet, & blandientes oculos in Mariam retorquet. Stat perterrita tantis miraculis Regina cælorum: confert in corde suo salutationem Archangeli, conceptionem Dei, natiuitatem pueri: & miratur quod ille, qui aliter potuit ad nos venire, sic voluit subuenire. Adest & Ioseph, sed ab utroque remotus: & in excessu mentis miratur, & satis mirari non potest, qualiter ad tantæ dignationis sit admissus arcanum. Adest multitudo cælestis exercitus, & vocibus gloriosis *Gloria in excelsis* auditur. Pastores veniunt, & inveniunt puerum & puellam: præcedit stella, Reges accedunt, adorant filium, matrem venerantur, offerunt munera, honorem deferunt maiestati. Cruciatur Herodes, Ierosolyma turbatur, requiruntur Scribæ, locus prædicatur, indicitur simulatio, simulator ad nihilum deducitur, deteguntur commenta fraudum. Magi per aliam reueruntur viam, pax inaudita à sæculo in sæculo

Miracula in Natiuitate Christi patrata.

Num. 24.

Templum patit.

Luc. 2.



regnat, vniuersus orbis ad censum describitur, rivus olei de terra profudat, & in diuitem venam liquor sanctificatus ebullit. Quid est hoc, nisi quia verà pax in terris apparuit: nisi quia ad supernum regnum ciues ascribimur; nisi quia fons misericordiæ de Virgine emanat? *Oleum effusum*, ait Spiritus sanctus, *nomen tuum*. Spiritus sanctus hujus Scripturæ vnus & vnicus fabricator, non parvam suæ pinguedinis dulcedinem sub hoc capitulo dereliquit: sed vos nocturnis vigilijs ita defatigati estis, vt vix possitis somnum ab oculis amouere. Euigilate tamen paulisper, & somni torporem excutite. Aderit ille, de cuius natiuitate loquimur, vt illuminet oculos nostros, ne obdormiamus. Totus autem sententiæ sensus ex illius arca mutuabitur, cuius consilium quasi consilium Dei. Ille ipse est cuius religio & discretio, sapientia & eloquentia, vita & fama, Dominus scilicet Clarævallensis, per totam Latinitatem non immerito percucurrit. Sed ad propositum reuertamur. Benignus ille Spiritus, de cuius secretiori fonte Canticorum flumen emanat, in his tribus verbis, tria bēter enim nobis requirenda reliquit; nomen videlicet sponsi; quare oleo cōparetur; & quomodo effundatur: quia & nomen tacet, & de comparatione nil loquitur; nihil dicit de effusione. Primum de nomine videamus. Multa, vt arbitror, vocabula sponsi per divinam Scripturam sparsa leguntur: sed in duo vobis vniuersa complector. Nullum profecto reperies, quod non sonet aut Majestatis potentiam, aut gratiam pietatis. Puer Domini, de quo sepius facio mentionem, ad regis cubiculum introductus; duo quasi sublimiora de ipsius ore diuinitatis audiuit. *Potestas Dei est*, inquit, & *tibi Domine misericordia*. Sed & ipse Salvator Prophetiæ veritati attestans, ait. *Vos me vocastis magister & Domine*. Dominus nomen est majestatis, pietatis magister. Si enim pium est præbere escam corpori, misericordius est escam animæ impertiri, quod est propriè magistrorum: qui mentes indisciplinatas sub disciplinæ rigore coercerent. Videamus, quod horum nominum effundatur: vtrum nomen potentiae in nomen gratiae, vel nomen pietatis in majestatis vocabulum. Absit, vt misericordia in potentia includatur; quia miserationes ejus super omnia opera ejus. Certum est ergo, quia potestas Dei in maiorem hodie pietatem effusa est; cum cæli distillauerunt à facie Dei, & de virginibus membris, antiquus dierum exoritur. Non est qui se abscondat à calore isto, quia largior olei effusio à capite descendit in barbam: quæ etiam extremam vestimenti fimbriam largiùs irroravit. Tanta est abundantia miserantis, vt non solum sub nomine effusionis, sed & exinanitionis censeatur. *Exinanivit*, ait Apostolus, *semetipsum, formam serui* die hodierna accipiens; & cum tota multitudine miserationum suarum, de thalamo profilijs virginali. Non enim habuit dalciolem modum ad redimendum nos, abyssus illa consiliorum Dei: quia quicquid in diuinitatis thesauro pietatis inuentum est, totum in vtero virginis est aggestum. Non me capio præ lætitia, quod illa majestas naturam suam, naturam meæ carnis & sanguinis supervelat: & me miserum in diuitias gloriæ suæ, non ad horam, sed in sempiternum includit. Fit frater meus Dominus meus, & timorem Domini fratris vincit affectus. Domine

Iesu, te libenter audio regnantem in cælis, libentiùs nascentem in terris, libentissimè crucē, clavos, & lanceam sustinentem. Hæc siquidem effusio rapit affectum meum, & istorum memoriā concalescit cor meum, viventis & vividæ portionis asperitate purgatum. Vivens est iste sermo & efficax, & penetrabilior omni gladio accipiti, pertingens ad diuisionem animæ & spiritus, compagum quoque ac medullarum scrutator. Vnus illorum; qui Prophetalis chori aut magister, aut inter magistros est, sub senaria diuinorum nominum partitione de hac effusione mirabiliter quidem, sed subtiliter Prophetavit. *Vocabitur*, inquit, *nomen ejus admirabilis, consiliarius, Deus, fortis, pater futuri sæculi, princeps pacis*. Erat quidem admirabilis Dominus meus inter Angelicos ordines, audiens hymnum gloriæ suæ: admirabilis illi mirabili creaturæ, faciens mirabilia in cælo & in terra, in mari, & in omnibus abyssis. Ego autem in luto facis & miseriæ obvolutus, miser & miserabilis, omnem spem emergendi perdideram. Ille in gloria, ego in miseria; admirabilis ille, miserabilis ego. Sanctum & terribile nomen ejus, quod vix audeat illa dignior natura nominare. Nomen istud clausum & integrum, quomodo capere poteram, quem vix Angelicus oculus prospicere, nedum percipere potest? Sed vide effusionem. Ille qui erat admirabilis agminibus Angelorum, inclinat cælos, & fit consiliarius hominū. Majestativum nomen in pietativum effunditur, & qui mirabilis est in cælis, consulere venit in terris. Abscondit purpuram sub miseriæ vestimentis, & ad lutum in quo jacebam inclinatur, non mergitur: & si audeo dicere, infixus in limo profundi, operi manuum suarum porrigit dexteram: de profundis aquarum extrahit, extrahit abluit, ablutum induit, indutum reportat, reportatum confirmat. Porrigit dexteram cum nascitur, cum loquitur extrahit, abluit cum moritur, induit cum resurgit, reportat cum ascendit, confirmat cum Spiritum sanctum emittit de cælis. Bonus quidem consiliarius, qui consiliū, quod voce dederit, etiam morte defendit. *Erat enim docens*, ait Evangelista, *sicut potestatem habens: non sicut Scribe & Pharisei eorum*. Deus & fortis nomina sunt potestatis: sed Deus effunditur in patrem futuri sæculi, fortis in principem pacis. Breviter curro, quia & fatigatis & scientibus legem loquor. Quid tibi mussitabunde Lucifer in tanta difflusione? Clausum est tibi totum itinerarium Dei, & malignans oculus tuus hic nimium caligavit. Sed & Dominus meus admirabilis fuit in natiuitate, consiliarius in predicatione, Deus in miraculorum coruscatione, fortis in passione, pater futuri sæculi in resurrectione, princeps pacis in illa æterna beatitudine. Non terreamini novitate verborum; quia nihil novum introducitur. Sic & olim nomina commutata sunt & effusa, Abram in Abraham, Saray in Saram; etsi quas alias mutationes in illa veteri officina vos legisse recolitis. Sed & ab ipsis pene mundi principijs in arcano quodā Scripturarum loco, diuini nominis effusionem inuenisse me recolo. Loquitur Deus ad Moysen de liberatione Israël, & post multam Dei & Moyse confabulationem, Propheta subtiliter inquit nomen ejus, & Dominus dicit: *Ego sum qui sum: hoc nomen meum in æternum*. Hæc dices filijs Israël: *qui est misit me ad vos*. Perter-

Effusio nominis Dei à Propheta prædicta, Isaia 9.

Marc. 1.

Genes. 17.

Hæc ferè omnia ex S. Bernardo sumpta sunt serm. 15. in Cantica. Exod. 3.

Exod. 3.

Deus vocat
se Deum
hominum.

Psalm. 142.

Christus at-
tulit 5. vasa.
olei duo
vini.

Act. 3.

Iesus est no-
men glo-
riosum.

Psalm. 49.

ritus Moyses inextricabilis autoritate vocabuli, ac si diceret hoc excedit intellectum meum, non possum capere nisi effundatur, audit à maiestate. *Ego sum Deus Abraham, Deus Isaac, & Deus Iacob.* Vides effusionem? Ecce Deus Angelorum vocat se Deum hominum. Curramus ergo fratres in odore vnguentorum istorum, curramus ad oleum de oliva speciosa in campis expressum, nulla infectum amurca, nulla infectum amaritudine. Oleum quod exultat faciem hominis, quod sanat vulnera, dolorem tollit, reddit suavitatem. Nonne Samaritanus noster, nobis à latrone pessimo vulneratis, attulit oleum & vinum, ad purgandum & mitigandum vulneris magnitudinem? Sed multum olei, parum vini. Multum misericordie, iustitie parum. Sic quippe decebat miserantem, sic misero expediebat. *Non intres in iudicium cum servo tuo,* ait iustus, *quia non iustificabitur in conspectu tuo omnis vivens:* sed corona me in misericordia & miserationibus. Veniens quippe hodie quinque vasa attulit olei, non nisi duo vini. Spiritus enim sapientie, & intellectus, consilij, scientie, & pietatis, nonne dulcedinem sonat: misericordiam flagrat, eructat abundantiam suavitatis? Fortitudo & timor vinum sunt, sed hoc vino potatus est potens ille, cum Christus in spiritu fortitudinis descendit ad inferos, non timidus, sed timendus. Videamus nunc quare oleo cõparetur. Oleum lucet, pascit & vngit. Vide quomodo præclara luminaria lumine nobis nominis huius super eloquentie candelabrum portaverunt: si non illuxerunt coruscationes Dei orbi terræ, si non in splendore fulguris huius commota est & contremuit terra. *In nomine Iesu Christi surge & ambula,* ait claudio Princeps Apostolorum. Nonne quasi fulgur exiliuit ab ore Petri, cum nominatum est nomen, quod os Domini nominavit? *Et statim consolidata sunt,* inquit, *bases ejus & planta.* Vocabulum Iesu, sicut Origenis lingua nobilior diffinivit, dulce & gloriolum omni adoratu cultuque dignissimum, quod non prius ab hominibus debuit efferrì in mundum, sed à quadam sublimiori excellentiorique natura. Omnes quippe Prophetæ nomen istud aut vescierunt, aut penitus tacerunt. Et reservata est prerogativa dignitas Archangelo Gabrieli, qui sancto ore sanctissime Virgini illud primum evoluit. Nonne Isaias in excessu mentis raptus, verbis Archangelicis, eisdem pene syllabis consentit, usque ad Sancti nominis novitatem? Pascit revera, nec est felicior pastio in loco pascuæ, ubi nos Dominus collocavit. Quid æquè mentem cogitantis impingat? Nomen Iesu mel in ore, in aure melos, in corde Iubilus. Omnis cibus qui non conditur hoc sale, infatuatus est. Scriptura, quæ non fuerit interlita oleo tantæ devotionis, aut insipida est, aut amara. Nescio quid dulcius immurmurat mihi filius Iesse, quam Tullij dulcis eloquentia, aut blanda carmina Poëtarum, quam Philosophorum aurea verba. Lex, Prophetæ, Evangelium & Epistolæ, & omnis gloria sententiarum Domini mei, & servorum ejus, vario sermonum & sententiarum concetu, omnes illos ineloquentes reddunt & mutos. Lenit & vngit; quia nihil sic recreat in tribulatione. Denique & probare licet. *In voca me,* inquit, *in die tribulationis; erua me, & honorificabis me.* Hoc est nomen, hoc est oleum, hæc

olei effusio. *Amen dico vobis, non deficiet hic lecythus olei, nec minuetur,* donec pluviam voluntariam, quæ segregata est hereditati ejus, diffusius instillet; donec faciat cælum novum, & terram novam; quia misericordia ejus ab æterno, & usque in æternum, super timentes eum. Sed jam surgamus & præparemus nos ad solemniorem Missæ jubilationem; nec cordibus parcentes nec vocibus, ad honorem pueri, qui natus est nobis; qui est benedictus in sæcula.

SERMO In Festo Beati Protomartyris Stephani.
De ejus dignitate.

ADHVC Filium Virginis habemus in manibus, & obsecutoria delinitione vagientis Dei honoramus infantiam. Ducit nos virgo ad veneranda cunabula; & speciosa præ filiabus hominum ad speciosum forma præ filiis hominum: benedicta inter mulieres, ad benedictum supra homines nos conducit. Submurmurat nobis in aurem, (ne fortè domus exasperans audiat, & quiescat,) revelata esse velamina Prophetarum; & completum consilium Dei. Videte miraculum matris Domini, quia creatura creat, & Creator creatur. Scintillat fides, Magus adorat; exultat polus, tellus resultat: gloriantur Angeli, Pastores adgaudent; Virgo parit, nascitur Deus; & cælorum luminaria clariori lumine lumen exortum in tenebris prosequuntur. In istis versamur bonis; beatus vir, qui implevit desiderium suum ex ipsis. Scio, quia dulce nobis est, *In principio erat Verbum:* *Ioann. 1.* dulcius, *Verbum caro factum est:* dulcissimum, Verbum in cruce suspensum. A tanto puerperio quis insanus oculos vestros amovere, nedum auellere præsumat; nisi ipse jubeat, qui dicit, *Averte oculos tuos à me, quia ipsi me auolare fecerunt?* Ecce dum osculatur nos osculo oris sui, dum tantis miraculis & stupidos nos facit & attentos, Stephanus plenus gratia & fortitudine, facit prodigia, & signa magna in populo. Nunquid æquum est derelinquere Regem, & ad militem oculos retorquere? Nequaquam, nisi præceperit Imperator. Surgit ipse Rex filius Regis, & lapidantium acies interrumpens, triumphatorio certamini non sine dolore cordis adfuit. Videt opprimi primum, & primicerium purpuratæ cohortis, & grandinaria lapidum densitate fontes sanguinis de corpore Protomartyris ebullire. Videt, quia universa debauchatio redundat in ipsum; & ipsi soli improperia exprobrantium cumulantur. Vbi pietas & misericordia tua, Domine, si non compateris patienti: vbi æquitas & iustitia, si non iudicas, & vindicas de populo lapidante? Curramus ad spectaculum; ad quod currit, qui exultat ut gigas ad currendam viam; & videamus quibus armis armatus vexillifer Martyrum in campum pugnaturus descendit. Et ut diligentius elucescat singularis Martyrij prima prerogativa, reuocemus ad memoriam Apostolicorum actuum descriptionem; in quibus historicis & figuratibus dictis conuersatio & passio belligeri militis continetur. *Stephanus,* inquiunt, *plenus gratia & fortitudine, faciebat prodigia, & signa magna in populo.* Non parvum lateret hic mysterium: nec vilipendenda simplicioris scripturæ manifesta positio. Ad Virginem quippe loquens Angelus, verba de cœlestibus scrinijs

Cantic. 6.

Act. 6.

sumpta, nec alterius nisi ipsius Dei spiritu fabricata, noua salutatione perorat. Nulli dubium, quin omnium verborum excellant altitudinem, ut pote de melioribus disciplinis sancti Spiritus evoluta; quorum enuntiatione confederandum erat illud vnicum sacramentum Verbi & hominis, divinitatis & carnis, *Aue*, inquit fortitudo Dei, *Maria gratia plena*. Quid autem de Stephano? *Stephanus plenus gratia & fortitudine*. Nonne Lucas eisdem pene litteris de utrisque eloquitur? Sed licet longè excellentior in Virgine modus prædicetur; secundariò tamen laudatur in Martyre. Habet igitur gratiam Stephanus sublimiori genere quàm reliqua Martyrum multitudo: plenus gratia, refertus videlicet, & cumulatus: quod rarò in Scripturis Canonicis subtilis inquisitor inueniet. Iungitur gratiæ fortitudo, quia infuso spirita libertatis, ignitus animus in vocem veritatis erumpit: nec patitur vllò pacto rigorem iustitiæ vel submitti aliquando, vel dimitti. Sic loratus gratia, & hasta sapienter infrendens, faciebat prodigia, & signa magna in populo. Ille potest signa & prodigia facere, in quo gratia & fortitudo sedem fortissimam statuerunt. Sic exit Stephanus ad homicidas, ad legis adulteros, ad crucifixores filij Dei Patris. Loquitur genti peccatrici in Ægypto; populo graui iniquitate in deserto: semini nequam in terra promissionis: filijs sceleratis in morte Salvatoris. *Dura cervico*, inquit, *& incircumcisi corde & auribus, vos semper Spiritui S. resististis*, &c. *Surrexerunt autem quidam de Synagoga*, Synagoga utique Sathanæ: & vndique conglobantur, vel ad convincendū, vel ad occidendū. Faciunt impietatis parietem vnū, squama squamæ cōiungitur: sibilant sibi serpentes adinvicem, & conveniunt in vnum adversus Dominum, & adversus servum ejus. Velit nolit, cedit impietas pietati, veritati error, stultitia sapientiæ, Spiritui sancto præsumptio & vanitas spiritus humani. *Non poterant resistere sapientiæ & spiritui, qui loquebatur*. Non dixit, non volebant, quod rationabiliū est, & perfectiorū: sed nō poterāt, ubi malè mētis facultas tollitur, non voluntas mutatur. *Redarguebantur*, ait, *ab eo cum omni fiducia*. Fiducialiter agit, nec nutat, nec mutatur imperterrita mens, quæ magis amat justitiam, quàm vitam; fidem, quàm sanguinem; mortem, quàm iustitiæ taciturnitatem. Concurrentes rapiunt eum, adducunt in concilium, & gaudent eum infra sua retiacula conclusisse: sed frustra jacitur rete ante oculos pennatorum. Tunc vox liberior, & illorum coribus sermo acuitur veritatis: totūque Martyrem rapit sibi spiritus Dei, & ex ejus ore sonantiori organo modulatur. Apparet ei vna facies Scripturarum, & veteris instrumenti dispendia, in compendiosam redigit brevitatem. Replicat promissiones & beneficia Dei, murmurationes & maleficia populi, bona præstita, reddita mala, & ad extremum diuini sanguinis exprobrat effusionem. Vocat refractarios spiritus, dura cervice, incircumcisos corde & auribus; & sublimi voce homicidas & proditores appellat. Non veretur conventicula congregata de sanguinibus, & inter manus quærentium animam ejus deliberatori iustitia cacumen veritatis ascendit. Disscantur cordibus, strident dentibus in eum; concipiunt dolorem, & prope est,

ut pariant iniquitatem. Mirum, quòd non revocantur insueti nouitate miraculi: quòd luminosa protomartyris facies non refrēnat insanos. *Videbant*, inquit, *faciem ejus, tamquam vultum Angeli stantis inter illos*. Quid est iudæi Lumine vultus Dei insignitur Levita, & vibrati splendore Stephanus serenatur: reuerberantur oculi vestri, & tamen invidiæ magnitudo visionis maiestatem obcludit? Respondeant diuinorū voluminū evolutores, ubi evolverint hominem in terris positum vultum Angelicum induisse: & cum in utrisque legibus, vel numquam vel rarò inuenerint, adstupeant gloriæ triumphantis. Sequitur. *Cum autem esset plenus Spiritu sancto: intendens in cælum, vidit gloriam Dei*, &c. Mirum dictu, & totius supergressio creaturæ. Intendit in cælum, videt jam non cælum, sed cælos apertos: videt gloriam Dei, & Iesum stantem à dextris virtutis Dei. Mouet me hæc intentio, quæ de cordis puritate refusa vim facit cælis, & ad ipsius diuinitatis confistorium penetrat & attingit. Cæli aperiuntur, gloria Dei videtur, Iesus conspicitur stans non solum à dextris Dei, sed & à dextris virtutis. Intentionem hanc fecerat abjectio mundi, contemptus sui, cordis munditia, dilectio Dei, proximi amor, veritatis defensio, desiderium Christi. Retorquenda essent hæc omnia ad communes flosculos moralitatis; nisi esset excellentia Martyris commendanda. Felices oculi, subtilis visus, visio gloriosa. Signanter recollige positionem verborum. Plenus est Spiritu, & sic intendit in cælum: quia qui spiritu diuinitatis afflatur, conculcatis terrestribus, cælestibus inhiat & æternis. Post hæc aperiuntur cæli, nullaque præualet obfirmatio vel clausura, quam non transvolet aut irrumpat mens illi summæ menti affectanter inhærens. Aperiuntur ergo cæli, & puto, quòd omnes cæli: eorūque apertionem sequitur visio gloriæ Dei: & videtur Dominus Iesus stans à dextris virtutis Dei, ne Patre minor esse putetur. Stat cum stante, cum bellante bellatur: quia lapidatur in lapidato. Non mediocris stupor innouit me, utrum primitivus flos Martyrum corporeis, an incorporeis oculis ista perspexerit. Grande quidem miraculum, si mentali intuitu stellantibus se immergit arcanis: si oculi mundicordes tam solemnem inspexerint visionem. Quòd si corporalibus, certum est, hunc omne hominum genus disparilitate gloriæ præuolasse; & pennas fidei & virtutum incorporea corporeis, & si non comprehendisse, apprehendisse tamen. Nihil audeo temere diffinire, vel ex abrupto præcipitare sententiam; cum finitiuam super huiusmodi regulam me non legerim inuenisse. Securius tamen sequor Apostolum, imò spiritum Dei in Apostolo: qui cum summa verborum libratione magis securè ambiguitati, quàm periculosè diffinitioni ista committit. *Sine in corpore, sine extra corpus, nescio, Deus scit*. Exclamant statim clamore horribili, continent aures suas, & eas obstruunt veritati: impetum faciunt vnanimiter in eum, facti amici in morte illius; & ejicientes eum extra ciuitatem, lapidabant. Ejicitur Martyr extra ciuitatem sanguinum, in qua prius iustitia habitauerat; nunc autem homicidæ, de qua dicit Sanctus. *Quoniam vidi iniquitatem & contradictionem in ciuitate*. Hæc est ciuitas, quam die

Ibidem.

Non mouetur Indei claritate vultus S. Stephani invidia obcæcati.

Act. 7.

An S. Stephan. oculis corporeis viderit Christum.

2. Cor. 12.

Psal. 34.

Luc. 1. Act. 6.

Stephanus præ alijs plenus gratia.

Act. 7.

Act. 6.

Libertas Martyris in Indeis arguendis.

Extra portam Christ. & S. Stephanus passus sunt.

Actor. 7.

Ibidem.

I. Thessa. 5.

Stephanus charitatis Christi imitator.

Luc. 23.

ac nocte circumdat iniquitas, & labor in medio ejus & iniquitas. Civitas castellum despectivè vocata; quod contra Apostolos & Apostolorum Dominum, durissimis infidelitatis ventibus est munitum. Extra portam civitatis hujus passus est Dominus: extra eam lapidatur & servus, exiens ad eum extra castra, & portans similitudinem improperij ejus. Deponuntur vestimenta Martyris ad pedes persecutoris; qui attactu sacrarum vestium, & orationibus sancti fuerat conuertendus. Et lapidabant, ait, Stephanum, innocentem & dicentem. Domine Iesu accipe spiritum meum. Currunt illi ad lapides, & iste ad preces. Lapides lapidem percutiunt; sed lapidem molliorem, de quo fluit oleum charitatis; & tinnitus redditur pietatis. Domine Iesu, inquit, ne statuas illis hoc peccatum: quia nesciunt quid faciunt. Rogat suscipi spiritum suum: spiritum utique, & spiritum illum, quem signanter quasi quoddam tertium Apostolus in homine præcipit conservari. *Vi integer*, inquit, *spiritus, & anima, & corpus, in diem Domini sine querela servetur.* O quanta pietas, quantus affectus, & ardentissimæ charitatis integritas! Recte Martyrij florem iste sibi præuendicat; in quo similitudo Domini pendens in cruce mirabilibus formulis est impressa. In ligno enim spinis, clavis, & lancea, affixus & crucifixus, dissimulat illum unicum dolorem; & obliuiscitur mortis vicinæ, novum introducturus exemplum. Aperit latitudinem charitatis, & apertiori campo terminos traditæ legis amplificat. Iam non solum amicus amicis, sed velint nolint, amicus pariter inimicis. *Pater*, inquit, *ignosce illis: quia nesciunt quid faciunt.* Non potuit esse inefficax oratio morientis

vnde & inimicorum numerositas ad numerum transiit amicorum. Vide, quàm recto cursu Stephanus, etsi non æquat, sequitur tamen Redemptorem. Volat saxorum imber, & fortissimis invidorum manibus loca vulnerum duplicantur: sed patienter patitur coronatus noster, de corona nominis ad coronam regiminis transferendus. Nescit affectum carnis, & mortis horam ignorat. Et vide, quid deliberet faciendum. *Positis*, ait, *genibus clamavit voce magna dicens. Domine ne statuas illis hoc peccatum, quia nesciunt quid faciunt.* Clamat voce magna, quia magna utique charitate. Positis genibus, quia vera & humili simplicitate. Pro se orans stat, & erigitur: pro lapidantibus genua flectit, & humiliatur. Quis audiuit umquam tale; & quis vidit huic simile? Plus dolet persequentium peccata, quàm sua vulnera: illorum iniquitatem, quàm suam mortem. *Et cum hoc dixisset, obdormivit in Domino.* Felix somnus cum requie, requies cum voluptate, voluptas cum satietate, satietas cum securitate, securitas cum æternitate. *Obdormivit in Domino*, inquit, *absortus in claritatis abyssum, & inter Dei sui brachia requiescens.* Sedebat à dextris Dei Dominus Iesus: sed primo Martyri assurrexit, & derulit primo Martyri Martyrum caput. Recolitis, quid illa Ecclesiæ lingua, Augustinum loquor, de hoc Martyre senserit, quem post mortem septem mortuos asserit suscitasse. Eia vos qui Levitali ordine præfulgetis, cantate ei canticum novum; & tantæ festivitati festiviis vocibus inclamate. Fortassis aderit concinentibus, & suggeret de vobis Domino suo, Iudici vestro, ne statuas illis hoc peccatum, summæ Deus; qui es benedictus in sæcula.

Actor. 7.

Pro se orans, pro inimicis genua flexum.

Ibidem.

S. Stephanus 7. mortuos suscitavit post mortem.



MONITIO.

HABES, benevole lector, illos undeviginti Sermones Nicolai, quorum ipse meminit in epistola nuncupatoria. Horum multi inter quisquilias operum S. Bernardi, quia ejus non esse legitimi factus probabantur, erant sepositi. Unus etiam inter opera ejusdem genuina locum sortitus fuerat in impressis, nescio, an etiam in quibusdam manuscriptis: is scilicet, qui in festo B. Mariæ Magdalene habitus est. Sequebantur alij quatuor, quos Author confusè indicat in prædicta epistola, seu præfatione sua: primus de verbis libri Sapientiæ, Iustum deduxit Dominus per vias rectas, Secundus de quinque lapidibus Dauid contra Goliath: tertius de carne, & cute, & ossibus animarum; quartus de triplici gloria in illud Apostoli, Qui gloriatur, in Domino gloriatur. Sed primus, tertius & quartus inter Sermones, De Diversis, S. Bernardi habentur, secundus etiam in prima classe Sermonum ejusdem S. Patris locutus est, & hætenus illius creditus: quos proinde ad alia festinantes hic omittimus: sicut & notas seu animadversiones morales in aliquot versiculos Psalmorum, quas Henrico Campania Comiti etiam nuncupavit, tum in Epistola prædicta, tum in capite horum versiculorum, ubi hæc habet. Quosdam tibi Psalmistæ versiculos, Comes dulcissime, prælibavi, de profunda abyssu stillam modicam hauriens. Officia verò de S. Cruce, de B. Virgine, & de S. Victore Confessore, multò libentius prætermittimus. Epistolæ ajs, si viri docti & py probaverint, postea daturi sumus.



EPISTOLAE ALIQUOT PRAELATORVM ET MONACHORVM CLARA-VALLENSIVM.

P RIMAM omnium exhibemus Epistolam insignem Beati Fastradi, ad quemdam Abbatem. Haec sequuntur, quae Philippi de Eleemosyna nomen praferunt: quarum tamen prima est Henrici ex Monacho Claravallis Remorum Archiepiscopi: secunda est Monachi cujusdam Claravallis anonymi. Quia verò haec Epistola à Philippo fuerunt dictata, ideo illi adscribuntur. Unde in Fusiensi codice titulus huius secunda hic est, pro quodam Monacho, cuius tamen in ea inducitur Anonymus ille loquens: quia scilicet illam ejus nomine scripsit Philip. Tertia est Abbatis Igniacensis. Quarta Henrici & Ottonis Cardinalium, & ejusdem Philippi: ab ipso ut apparet, scripta. Reliquas scripsit Author nomine suo. Hic autem primum tempore schismatis Petri Leonis adversus Innocentium secundum, in Tarentinum Episcopatum intrusus fuerat, sed postea depositus ac resipiscens Claravalle sub S. Bernardo vestem Religionis induit, à quo & postea ejusdem Cœnobij Prior constitutus est. Extat ejusdem Sancti Epistola ad Papam Eugenium pro eodem Philippo, qua rogat, ut ei liceat sacrorum Ordinum munera ob schisma prateritum olim ei prohibita, exercere. Postea electus est Abbas Cœnobij de Eleemosyna in Diocesi Carnotensi, unde & Philippus de Eleemosyna deinceps dictus est. Ejus epistolae eo ordine hic promam, quo in Claravallensi eas reperi: addam & quasdam ex Fusiensi codice, & ex libro de Scriptoribus Ordinis R. Patris Domini Caroli de Visch Prioris Cœnobij de Dunis: in singulis enim horum trium exemplarium sunt aliqua, quae non sunt in alijs, & singulis desunt aliqua. Rectè autem D. Sylvestrus Duacensis Doctor, & ipse D. de Visch, eos confutant, qui praedictas Epistolas Philippo Bona-spei Abbati adscribunt. Neque enim de Eleemosyna est cognomen Philippi: sed est nomen Cœnobij, cui praeerat Author. Solent enim Abbates loco cognominis sui Monasterij nomen ponere, imò & Monachi id etiam nonnumquam faciunt, Abbates autem semper. At Cœnobium Bona-spei non reperietur dictum fuisse Eleemosyna. Et ut omne dubium tollatur, Author epistola quarta vocat se ministrum pauperum de Eleemosyna. Non est ergo hoc ejus cognomen, sed Cœnobij cui praeerat, nomen. Item Epistola 11. Conventum de Eleemosyna absoluit ab obedientia sibi debita: & praecedenti epistola idem Monasterium Theobaldo Blefensi Comiti ejusdem fundatori commendat. Epistola quoque 15. ait, se Abbatem Begavensem absoluisse ab officio suo: & Epist. 14. scribit Abbati de Landefio se visitasse Monasterium ipsum Landefiense, ipso tunc absente, & ibi reperisse quaedam Ordini contraria, quae precipit corrigi, & quosdam Monachos ab officijs deponi. Epistola 20. rogat Comitē Palatinum pro Cœnobio Curia Dei: & epistola 5. Regem Anglia pro reedificatione Monasteriorum de Forda & de Stanleia: quae omnia sunt Monasterio de Eleemosyna subdita. Hac autem non posse Abbati Bona-spei Ordinis Premonstratensis convenire, manifestum est. Non inficior tamen, aliquas epistolas Abbatis Bona-spei videri irrepsisse in alios codices, sed non in Claravallensem. Hujusmodi est illa quae in codice Fusiensi ponitur ordine septima, & quae decima tertia. Sed de his infra dicetur. Invenio autem hunc Philippum subscripsisse Landuni anno 1162. cuidam chartae huius nostri Bonifontani Cœnobij, quae R. D. Episcopus Landunensis declarat donationes vicorum seu pagorum de Trahan & de Cnin nobis factas, & alia quaedam: subscriptio autem est ista. Signum Philippi Abbatis de Eleemosyna. Sequuntur huius epistolae epistola Henrici septimi Claravallis Abbatis, & postea Cardinalis Episcopi Albanensis, cujus librum De peregrinante Civitate Dei supra edidimus; & Petri octavi ejusdem Monasterij Abbatis: quae inter Trasimundi Monachi epistolas habentur, quia ab ipso collectae & fortassis dictatae sunt. Sequitur una Alexandri ex Claravallensi Monacho Grandisilvae, ac postea Cistercij Abbatis: sequentur & aliae ipsius Trasimundi & aliorum nomine: inter quas est una pueri cujusdam in Claravalle Novitij pia admodum, & ex sacris Scripturis ex parte concinnata. Addemus & illam, quam D. de Visch supra laudatus in suum de Scriptoribus librum retulit, ex quo illa desumpsit. Illa autem est Petri de Roya viri docti Claravallis tunc Novitij, quae pietatem maxime spirat, (sicut & prima, ut novissima primis respondeant) & sanctam Claravallensem vitam & conversationem optime depingit.

EPISTOLA BEATI FASTRADI CLARÆ-VALLIS, post Cistercij Abbatis, Ad quemdam Abbatem.

Faustedus indignus servus & Abbas Monachorum Claravallensium N. Abbati salutem in Iesu Christo, & spiritum majoris Evangelicae paupertatis.

R E L A T V ejus, qui tam animae vestrae compatitur, quam vos corporis appetitibus, notum nobis est, quod vos tam Regulæ vestrae, quam exempli in Monachorum vestrorum oculis exhibendi, obliti, in hospitum

domo mensam instruitis, desiderijs vestris indulgentes, hospitibus deficientibus: & in vestitu & lectis magis diuitem epulonem, quam pauperem Lazarum imitamini: non recordantes poenam, quam Deus huius vitae felicitatibus

A a.

minixis minatur. Profecto, fili & frater, parum refert hoc habitu vestiri, ut inferno quis demergatur: alio enim quocumque liberior patet via, & latior, quā ambulare potes. Quandoquidem verò Deus ad hunc te vocavit: in hoc incumbere meritum perdas: numquā enim intra Claustrum aut Monasterium decuit is habitus: quosque soles eo vestire, ea non sunt qualitate, quā vobis statuta nostra præscribunt. Cum enim Monachi erymon sit solitudo & tristitia, quomodo solitario conuenire possunt vestimenta sumptuosa, & mundi pompam redolentia? Et quomodo tristi quadrant lætitiæ & exultationis vestigia? Sufficit, fili mi, Monacho, quod S. Apostolo Paulo supererat; scilicet comedere quod naturam & vitam sustentare poterat; & vestimentum, quod corpus tegeret. Qui enim plus petit, potius Pharisæus hypocrita nobis dicetur, qui vestitu honorem venatut: quā paupertatis Euangelicæ discipulus & imitator. Non hæc vita est, quam me & te docuit pater & prædecessor noster Bernardus felicitis recordationis: nec modus, quem nostri sacri Ordinis Abbates & Monachi sequuntur, qui nos pane ex auena confecto, & herbis sine oleo & abdomine coctis enutrierunt: & fabis pisique, ipso etiam paschatis festo die: quæ austeritas, vel similis, in omnibus Ordinis domibus obseruatur: & tu quasi huius Ordinis non fores, cibos tibi procuras delicatos & lautos, ut gulæ faciās satis? Si Abbas, & tuorum regula & exemplū es: qui audes carnes lautas, pisces recentes diuersimodè paratos; & panem extra Monasteriū à mulieribus coctum comedere? Non sine pudore dico, quod tamen dicendum: quodd multi sunt in via Dei subditi suo Abbate, nauigantes hauclo, milites duce perfectiores: quodque tuo in Monasterio multi reperiantur, qui eo tempore, quo tu horas noctis cœnis opiparis & superfluis transigis, ipsi orationi vacant, & ad expiandas culpas, & earum remissionem, disciplinas sumunt. Quā procul abes, pater & frater mi, à socij nostri perfectione, qui ipso Nouitiatus anno obiit, quemque abstinentiæ rigor ad finem vsque comitatus est! Magna enim nausea captus, & oui cocti desiderio affectus, indicare noluit, (ne voluntatis & appetitus negati merito excideret,) nisi ultimo vitæ puncto, dumque jam animam ageret, Abbate prius promittente, illum ad hoc desiderium explendum non adactum iri. Abbas ergo in Religione, homo ad ejus exemplum stature, ubi est tuum meritum tali Nouitio comparandum? Si Christus prædicaturus jejuna: si Elias, ut curru igneo leuaretur, jejunat: si Niniuitæ excidium suum jejuniis redimunt: si Esther populum suū jejuniis seruat, & Assueri indignationem sedat: si S. Ioannes Baptista totam vitam jejuniis transigit ad viam Euangelio sternendā: & si Sancti hac via inceserunt: quam tu tibi viam ad cælū sternis, tam diuersam viam ingrediens? Gulā primorum parentum nostrorum perijt innocentia: ebrius Noë pudenda detexit: & Loth incestum commisit: postquam comedit, surrexit populus, & adorauit vitulum: Amnon in conuiuio occisus est: ibique Holofernes se neglexit: comedens Balthazar mortis suæ prænuntiam vidit Scripturam. Et in conuiuio denique præternaturalis illius miraculi, quo majus inter natos mulierum non surrexit, caput ostentatū

est. Quandoquidem ergo tot malè perierunt, quomodo bene tibi potest succedere? In tui excusationem adfers stomachi & capitis dolores: quodque communes cibi tibi officiant. Tota erras via, si credas Monachum sæculariū medicinas sequi posse. Ad Monasterium enim venimus, ut corpori incommoditates, & non comoda & voluptates quæramus. Si S. Paulo fortitudinem addebat infirmitas: quare domo tantorum bonorum causam exturbare niteris? Crede mihi, pater mi, sæpius S. Bernardum pulles ex farina confectas addito oleo & melle, cum scrupulo edentem vidi, ad stomachum calefaciendum: dumque eum de hac austeritate accusarem, mihi respondit. *Fili mi, si Monachi obligationem nosset, omnis buccella quam edis, lacrymis irriganda foret. In hoc enim Monasterium intramus, ut peccata nostra & populi deploremus: & panem, quem suis laboribus parauimus, comedentes, horum peccata comedimus, ut ea tamquam propria lugeamus.* Addebatque præterea. *Nec sufficit Monacho infirmitatem allegare: sancti enim Patres, majores nostri, valles humidas & declines Monasterijs extruendis indagabant: ut saepe infirmi Monachi, & mortem ante oculos habentes securi non viderent.* Si ergo Sancti ægritudinis media inquirunt: quare tu illa indagas, ut lautè habearis? Et si ipsi medium hoc tantorum bonorum causā nobis accerunt: qua dispensatione tu Monasterij bona infirmitatis excusatione in corporis tui commoditates infumis & prodigis? Major est, frater mi, animæ, quā corporis tui infirmitas: si enim illa esset in Dei gratia, non tam debile esset corpus, nec adeo terrenis delicijs amicum. Emenda igitur & curiosos habitus, & exquisitas epulas deuita. Quamvis enim venam non explorē, noui quo remedio tibi medendum sit: sique hæc fraterna, & à socio profecta admonitio non suffecerit, necesse erit, ut tamquam Prælatus medicinam adhibeam.

*Doctrina
notanda.*

*17. Verba
S. Bernardi
ad Fastrada.*

*Austeritas
victus Ci-
sterciensium
Patrum
quanta.*

Epistola Philippi olim Claravallensis Prioris, postea Abbatis Cænobij de Eleemosyna.

Epistola 1. Quæ est Domini Henrici, ex Monacho Claravallensi Archiep. Remensis.

Queritur de quodam Roberto de Aria in Ecclesiâ Cameracensem intruso.

Reuereudo in Christo Patri & Domino Alexandro Dei gratia summo Pontifici, Henricus Remorum dictus Archiepiscopus, salutem & obedientiæ sinceritatem. Apostolici gradus dignitas principalis, sicut præminet vniuersis, sic debet omnibus paternæ sedulitatis benigna subsidia. Nouit ad liquidum sublimitatis vestræ sancta sinceritas, quod non est laudabilis in Ecclesiastica dignitate progressus, cuius est violentia comes, ambitio pronuba, fraudulentia pædagogus, simonia præcessor. Forma noua, imò enormitate deformi, contra appellationem ad vos factam Robertus de Aria in Ecclesiâ Cameracensem novus possessor ingreditur. Designatus est Imperatoriæ demandationis apicibus, Comitibus Flandriæ precibus, & minis impactus est, redempti fauoris adeptus est emendica suffragia: & per machinationis clandestinæ cuniculos cathedræ Pontificalis eminentiam, non à Domino vocatus tamquam Aaron,

*Matt. 4.
3. Reg. 19.
Iona 3.
Esther 4.
Marc. 1.*

sed fauore Principum, & temerariæ multitudinis arbitrio fastuosè & irreuerenter irrupit. Nouit celsitudinis vestræ sacer intuitus, quanta debeat appellacionibus reuerentia: quanta sit animaduersione digna præsumptio: quàm districta conueniat censura perfidiæ: quid in torqueant Canones euerfori pacis, & schismatis professori. Alienum debet esse ab Ecclesiastica sinceritate, quod legum sanctio non admittit, quod Sanctorum Patrum decreta rejiciunt, quod Apostolicæ constitutionis regula prædamnavit: Nunc autem ad vos vniuersitatis oculus intentus sedulitate dirigitur: & expectat à sede iustitiæ justum sine remotione iudicium: in quo nec inueniat malignitas impunita progressum, nec in despectus caueam retrudantur appellacionum probata remedia. Vindicate communes injurias, & culparum qualitatibus par pœna respondeat, vt honor vester, conseruetur in integrum: & parvitatibus nostræ contemptus non transeat in sequaces. Libello repudiij sterilis & fœda rejicitur: in matrimonium non cedit, si violentia spadonis opprimit virginem. Exterminetur semen ab iniquo thoro, & radices altæ non præbeant spuria vitulina, sed Apostolicæ seueritatis sarculo rescindantur, vt meritò dicatur de vobis. Bene omnia fecit, & furdos fecit audire, & mutos loqui.

Marc. 7.

Epistola 2. Quæ est Monachi Anonymi Claravallensis.

In Einsiacensi codice, est hic titulus, pro Monacho quodam Claravallensi. Orat autem hic Anonymus Pontificem, vt sibi liceat vitam solitariam ducere.

DOMINO ac Patri suo, & vniuersali Papæ Alexandro, Dei gratia summo Pontifici, Frater A. pauperum Christi minimus, terrenæ administrationis curam, cælesti feliciter infertre sacrario. Sic excelsa montium solaris illustrat immensitas, vt ab imis vallibus splendoris beneficium non subtrahat, aut calorem. A superioribus enim ad infima sic ministerij sui dispensat obsequium, vt ordinabiliter seruiat vniuersis. Caput obtinet in humano corpore principatum: nec est in eo membrum aliquod tam vile vel modicum, cui non prouidentiam debeat, aut solamen. Sic Apostolicæ gloriæ dignitatis, quæ vniuersalis Ecclesiæ primatu sublimis est, & in Christi corpore sub Christo gradu præminet singulari, maiora debet agere, & sic tractare sublimia, vt se à minimis non recludat. Minimus ego in Catholicæ vnitatis compagine, licet abjectè, licet satis inutiliter complantatus, de recessu solitudinis, de profundo calamitatis, de ergastulo voluntarij carceris, ad solium pietatis, ad Apostolicæ gratiæ thronum, ex affectu cordis intimo fundo preces: & apud communem patrem misericordiæ fructum cum benedictionis gratia postulo, & mansuetudinis vestræ rorem cum stillicidijs benignitatis imploro. Monachus fui in Claravalle, sed desiderio vitæ secretioris illectus, vt liberius & expeditius vacarè Deo, solitaria reclusionis elegi confictum, cum humanæ salutis aduersario sub ope diuina congressum quæritans singularem. Hic cælesti protectus auxilio iuxta pusillanimitatis meæ modulum viuo quietus, & de mensa Domini micæ excipio defluentes, salutaris clementiæ secreta solatia, cælestis munificentia gustum de

Pulchra & apta similitudo.

sacrario pietatis æternæ. Deuotione igitur quæ possum, vestigijs vestræ maiestatis affusus, in spiritu humilitatis & in animo contrito vestræ pietatis imploro dulcedinem, vt de celsitudinis throno servum respiciatis indignum, & humilitatem meam suffragio foueatis optato. Absolutionis vestræ beneficium postulo, protectionis flagito gratiam, munus exigo libertatis: in qua propositum desiderij mei sub vestræ defensionis auxilio cum Dei gratia valeam consummare.

Epistola 3. Ad H. Comitem Palatinum.

Scripta est hæc epistola nomine Abbatis Igniacensis à Philippo nostro. Non enim fuit hic Philippus illius Cenobij Abbas, licet litera P. Philippi nomen videatur indicare, sed erroneè. Ofsenditur autem in ea, depositum quoddam Abbatis Resbacensis Igniacensi Cenobio commissum, esse illi reddendum: aduersus quorumdam improbitatē.

Illustri Domino & amico H. Palatino Comiti Fr. P. Igniaci dictus Abbas, salutem & boni Principis opus, & obsequium. Boni principis est, honestis constitutionibus dare principium: & ad conuellendum, quæ bene posita sunt, non extendere principatum. Lex depositi quanta sit obseruatione digna, quàm reuerenter tenenda sit, nec licet, nec deest vestræ sublimitatis ignorare prudentiam. Non licet propter Regulam Iuris, non decet propter ignorantiam veritatis. Potestatis enim sublimitas, & iustitiæ regulis astringitur, ne excedat: & sapientiæ debet custodiam, ne aberret. Prouideat ergo vestra discretio, ne parvitatē nostram mandatis oneret, quæ tenere non possumus, nec debem⁹ implere. Habuit depositum apud nos Dominus B. quondam Resbacensis Abbas, quod exigenti non reddere vestra nobis demandauit auctoritas. Huic nos obedire mandato charitas prohibet, iustitia non permittit, consuetudinis antiquæ iusta constitutio detestatur. Quod si inter Gentiles & ignaros fidei lex depositi reuerenter & inuolabiliter obseruatur: quomodo poterit à legis diuinæ professoribus, & sacri Ordinis sectatoribus violari? Reddat igitur gladius Salomonis filium matri suæ: quem licet vendicare sibi constanter aliena poscat improbitas, vigilet potestatis discreta sinceritas, nec mandet fieri, quod facere, jus, ordo, veritas, iustitia, contradicit. Nihil est bonæ spei reliquum, vbi hæc non fuerint fideliter obseruata. Princeps autem digna principe cogitabit: & cum mandauerit honestis, honesta mandabit. Valete. Spiritum veritatis & pacis det vobis omnipotens Dominus.

Epistola 4. Ad vniuersos. Quæ est Henrici & Odonis Cardinaliū, & Philippi de Eleemosyna. [Iste Henricus Cardinalis Monachus fuerat antea Claravallis, de quo Ernaldus in vita S. Bernardi. Extat ad eum Epistola ejusdem S. Bernardi. Vide Manrique ad ann. 1150. cap. 4.]

Docentur fideles, Electionem Alexandri III. legitimam esse, Victoris Antipapæ illegitimā.

Archiepiscopis, Episcopis, Abbatibus, Prælati, & vniuersis Ecclesiæ filijs, Henricus & Odo Dei gratia sanctæ Romanæ Ecclesiæ Cardinales, & Philippus minister pauperum de Eleemosyna, Seruare vnitatem spiritus in vni-

Aa ij

rulo pacis. Apud sapientiarum filios nec onerosa veritas, nec odiosa debet esse iustitia; quos erudit intellecta sinceritas, ne circumferantur in spiritu, qui operatur in filios diffidentiarum. Circumscribi se gaudet honestas infra terminos æquitatis, & iniquitati quantum quisque sit proximus, tanto fit ab honestate remotior. Scitis, fratres charissimi, scientibus enim legem loquimur, non est licitum transire terminos; terminos, quos posuerunt patres nostri: quos nec supra nec infra iustitiam nouimus collocatos. Qui enim via regia graditur, nec ad sinistram, nec ad dexteram, debet declinare. Legis & Evangelij religiosa sanctione decernitur, iniquum esse, circumvenire in negotio fratrem suum: aduersus filium matris suæ ponere scandalum: loqui dolos apud proximum, inter fratres seminare discordias. Quantum iniquius, quantum sceleratius est, utrum scindere, à quo sis genitus, diffundere viscera matris in terram, cubile patris ascendere, innocentiarum solum nocenter attingere, & pudoris æterni thalamum impudicis amplexibus incestare. Maledictus furor iste, quia pertinax: & ambitionis indignatio, quia praua. De facto Octauiani, imò de manifesta ejus intrusione, dirigitur nobis non fide plena relatio, ut lateat veritas. Est collectus ascensus in cocleam, sed prophetali sarculo fodiatis parietem, & ministra lucis fenestra coaptetur in latere: & radio veritatis intrante videbitis abominaciones magnas, quas operantur seniores Israël, humiliantes ante idolum zeli, quod in domo Deistaturum est, ad prouocandam emulationem, linientes parietem absque temperamento, & picturas in pariete figmento multiplici deformantes. Scribitur nobis factum fuisse Concilium, latam inter partes ex æquitate sententiam, partium uocationem præcessisse legitimam, perendinatam septem diebus inter partes cum multa diligentia veritatis indaginem, & in actione tota nihil canonici examinis, nihil legitimæ dispositionis in parte defuisse aliqua, allegatione multimoda legis exaratum. Sincerior est fontis vnda quam riuus, & opinionum fluentis veritatis haustus purior est. Numquid potest subditus in præcessorem formare iudicium; eum trahere in causam, qui causis omnibus finem debet imponere, decretalibus editis, cujus edicta colligant vniuersos, & cujus arbitrio rapitur vniuersalis Ecclesia, cum in arbitrij sui violentas rapere sanctiones? Magnus est Imperator, & magnifici minister imperij; primus in militia, in potestate præcipuus, nobilis aduocat⁹ Ecclesiæ, seruorum Christi defensor, Cleri protector electus, adiutor in oportunitatibus in tribulatione. Sed quod Romanum debeat iudicare Pontificem, nec lege fori, nec lege poli legitur imperatum. Habet Imperator quod suum est, nihil illi de suo iure minuitur: videat ipse, sicut bonus filius, ne matris suæ sanctæ Romanæ Ecclesiæ velit euacuare priuilegium, conculcare gloriam, destruere libertatem. Sciat se secundum esse, non primum; & Christi vicarium omnibus jure præferri, sicut habet Christus in omnibus principatum. Quod si iudicanda esset in aliquo Romana Ecclesia, in ea vtrique vrbe iudicari deberet, quæ orbis est domina, quæ caput est fidei, & caput Imperij; quæ gentibus leges, regulas præscribit Ecclesijs: iudicare deberent primò de ea comprouincia-

les Episcopi, & communis Ecclesiæ. Solemne Concilium; nouissimus Imperatoris & Regum & Principum susciperetur assensus: quos si priores ad Ecclesiastica iudicia tractanda disponimus, ordine præpostero minantur à plaustris boues, & in caudæ ministerium capitis dignitas retorquetur. Posset Romæ facilius & liberior inquiri veritas & audiri: & quid qualiterue fuerit actitatum, de electione Romani Pontificis commodius aptiusque cognosci. Quod vidit quisque & audiuit, & manus ejus tractauerunt, referre debet in testimonium, in iustitia & sanctitate veritatis. Qui autem fauoribus ducitur, seducitur donis, timore distrahitur, si ad vocem testificationis erumpit; hunc signabit Deus, quia mendax est; & testimonium ejus nemo accipit; quia de terra loquitur, vicarius ejus, qui in veritate non stetit, sed mendax fuit ab initio, & pater mendacij. Archipresbyteris & clero Romano, scrinarijs & iudicibus in electione Romani Pontificis, secundum quod vobis scribitur, assignatur autoritas, Decano Beati Petri & Capitulo potestas attribuitur. Fiunt secundum illud primi nouissimi, & primatus nouissimis proteruè satis & pueriliter arrogatur. Sunt in Romana Ecclesia, quibus Pontificis incumbit electio, Episcopi, Cardinales, Diaconi; de quorum omnium vniuersa multitudine tres tantum habet Octavianus in sua factione participes. A sæculo non est aditum, quod tanta tot electorum exclusa multitudine, tam paucis tantum cesserit tam audaci præsumptione negotium. Non est singulariter tractandum, quod communiter omnium dignoscitur esse: nec inter viros fideles debet pars ista, vel potest, dignior esse, vel sanior; nisi conuenientia communi communis tribus autoritas tribuatur: quod in facto Octauiani nec constat fuisse, nec scribitur. Si Decano & Capitulo Beati Petri locus in hac electione conceditur, Lateranensibus Canonicis, qui locus, sicut Apostolica sedes, inter omnia Ciuitatis Romanæ loca dignior est; Clericis S. Mariæ maioris, monachis S. Pauli, sanctique Laurentij, eorumque Abbatibus, quæ omnes Patriarchales Ecclesiæ sunt, similis autoritas cur negatur? Hoc in veritate dicimus, quod ex antiquæ priuilegio institutionis nullus in Ecclesia beati Petri Decanus est: sed in ea Episcopus Portuensis Archipresbyteri vices exequitur: vel vnus de eisdem Ecclesiæ Cardinalibus, cui à Domino Papa fuerit assignatum. Qui tamen ab eis Decanus asseritur, schismaticus est ab antiquo, & manus ejus cum Petro Leonis in illa seditione damnosa; vnde nec locum habet, nec vocem in Romana Ecclesia; sed pietatis intuitu ei beneficiū in Ecclesia beati Petri ad subsidia necessitatis indultū est. Videant ipsi quid dixerint; quid scripserint, diligenter advertant: nos consuetudinem talem non habemus; nec taliter eligi sumnum Pontificem, in scripturis veritatis expressum est. Præterea in eadem charta, quæ spiritu mendacij fabricata est, & quam dictauit iniquitas, capitulum vnum satis manifesta falsitate infectum, ad probandum filium maledicti aliquam habuisse electionem, plus mendaciter, quam subtiliter est insertum. Aiunt enim Rolandi sigillo bullata transmissa in Concilio recitata. Mendacia manifestissima ac detestabilia deprenhendimus in hæc verba. Testamur Deum, quem nullum latet secretum, quoniam

Reges Ecclesiasticam iudicia exercere, est bonum à plaustris trahi.

1. Thess. 4.
Psalms. 49.
Eccl. 14.
Prouer. 6.

Pontifex Romanus ius omnibus dicit.

Mendacium schismaticorum.

Rolandus est Alexander 8.

mendacium fingimus; sed meram, sicut est, loquimur veritatem: quia duo vnum elegerunt, Victorē Ioannes de S. Martino, & Vuido Cremenſis, Cardinales, ceteri verò omnes in personam noſtram conuenerunt. Sed ex generalibus Literis, quas, sicut aſſerunt, Dominus Papa in orbem, & ad diuerſas direxit Eccleſias, certiffimè oſtenditur, quòd mentita ſit iniquitas ſibi. Inueniuntur etenim in eis, non ſicut mētiuntur ſibi, ſed in veritate ſic exaratum. *Omnes fratres, quotquot fuerunt, tribus tantum exceptis, Octauiano ſcilicet, Ioanne de S. Martino, Vuido Cremenſi, (Deo teſte, quia mendacium non fingimus: ſed meram, ſicut eſt, loquimur veritatem.) concorditer & unanimiter conuenerunt; & nos aſſentiente Clero & populo in Romanum Pontificem elegerunt. Duo verò, Ioannes ſcilicet & Vuido Cremenſis, tertium, Octavianum ſcilicet, nominantes, ad eius electionem pertinaciter intendebāt.* Ecce, quòd non eum electum ſcribit Dominus Papa, ſicut inimici veritatis conantur aſtruere, ſed nominatum. Nominatio verò, ſicut vos melius noſtis, neque ſecundum Canones, neque ſecundum conſuetudinem Eccleſiarū facit electionem. Si electum dicunt Octavianum, ſi ſolemniſſime immantatū: dicant, à quibus, vel quomodo, nec limites veræ aſſertionis excedant. Nullus exprimitur, nullus ex nomine designatur, qui vocem in illam electionem emiſerit, qui mantū collo ejus impoſuerit: ipſe ſuus elector, ipſe ſuus immantator fuiſſe dignoſcitur. Non ambientem quærit hæc cathedra, ſed, inuitum: non inuaſorem, ſed ſubditum: non quærentem ſuſcipi, ſed nolentem. Commendatur hujus electionis aſſenſus in voce ſcrinarij in excelſo loco: ſed reſonabat vox iſta de loculo; & de gazophylacio Simonis, cancellos Petri novus Victor ingreſſus eſt. Prima ejus electio, ſicut dicitur, facta fuit: ſed non eſt prima, quia nulla; nec ſecunda dici debet, quam nulla præceſſit. Qui enim ultro ſe ingerit repellendus eſt: nec qui ſe commendat, ille probatus eſt, ſed quem Deus commendat. Nec qui honorem ſibi aſſumit, honore dignus eſt: ſed qui vocatur à Deo, ſicut Aaron. Vocatum à Domino, & à nobis vnanimiter nominatum ſummum Pontificem, & Petri Vicarium, conſitemur & credimus Alexandrum, virum approbatæ conuerſationis, probabilis vitæ, laudabilis innocentie, manſuetudinis præcipuæ: quia quàm ſit humilis & modestus, docet adminiſtrationis hujus recuſata ſemper & euitata ſublimitas. Huic obſequuntur Lateranenſis Eccleſiæ collaterales Episcopii huic * Cardinales aſſiſtunt; huic miniſterium piæ deuotionis exhibent Diaconi Cardinales: huic, exceptis tribus, qui Octauiano fauēt, vniuerſi Eccleſiæ Romanæ filij, ad quos electio & conſecratio ſpectat Romani Pontificis, teſtimonium perhibent, quòd pater & Paſtor Eccleſiæ eſt, quòd Chriſti Vicariū, & vniuerſalis Pontifex, quòd ſucceſſor Petri, quòd Catholicus, quòd Apoſtolicæ dignitatis aſſertor, Canonicā habens cathedram, propitiatorij cæleſtis ingreſſum, & ſanctæ conſecrationis oleo delibutus per miniſtrorum manus, quos ad hoc officium deuota ſublimauit antiquitas. Dicitur tamen, quòd initia ſua cædibus dedicet, aut rapinis: quòd ad Eccleſiarum diſſipationē ejus deſudet intentio. Sed nullos adhuc, ſicut Octavianus, incarceratione Episcopos, nullos deſtruxit Episco-

patus; nulli per eum cæcati Clerici, nullus * decoratus innocens Monachus, nullus per eum ſanguis effuſus eſt, nullus per eum direpta patrimonialia, & in tantæ neceſſitatis articulo ſecura eſt opulētia ſubditorum. Qui autem ſub illo ſunt, vbi poteſt, ſentiunt manus ejus graues: vbi non poteſt, minas contumaces, & maleficijs ſuis multiplicibus execrationis ſuæ primordia conſecrat, & fidelium ſanguinem inexpleto ſitit & aſſectat ardore. Si de Alexandro aliquid in angulo iudicatum eſt, non eſt rationabile, nec ſincerum: & de rubigine ſpeculi redundat in imaginem: quia operis dignitatem deueniſtat intentio. Si eum trinis edictis citatum peremptoriè aſſerunt, nec veniſſe: ſi nos euocatos legitime dicunt declinaſſe iudicium, & Concilij ſui perhibent euiſſe præſentiam: fuiſſe quidem nos non diſſitemur abſentes. Sed ſicut eis poteſtas nulla ceſſerat euocandi, ſic nos ad occurrendum vocationi nulla cogebat juſtitia, nulla conſtitutio perurgebat. Nobis tamen, qui ad exequenda negotia Domini Papæ ad partes illas deſtinati eramus, cum hujus rei gratia ad Imperatorem vellamus accedere, nec via commoda, nec ſecurus patebat acceſſus: vbi que minæ, vbi que imago mortis, & latentes inſidiæ: vndique timor, & vndique gladij: quia timebat infidelitas deprehendi; & infidelitatis fervore timebat Octavianus de cucumerario ſuo tolli falſitatis vmbraculum. Parati enim fuiſſimus, ſi daretur optata ſecuritas, Imperatoris adire præſentiam, non tamen ex parte Eccleſiæ ſubire iudicium: ſed ad ordinem rei declarandū, ad oſtendendam legitimæ totius ſeriem veritatis. Sed nouit Dominus, quia hujus rei licentiam impetrare nulla ratione potuiſſimus: imò per literas & nuntios ea ſæpe nobis prohibita ſunt: Eapropter dilecti in Chriſto Patres & Fratres, accingimini virtute conſtantiæ, conculcare caput ſerpentis antiqui, & Guibertinæ maledictionis antiqua grauamina, quæ in Octavianum ſchiſmatica præſumptione repullularunt, falce juſtitie reſecare. Conſecrate manus veſtras, & choros iniquæ multitudinis ſaltantes ante idolum veſtra compescat authoritas in ſpiritu iudicij & ſpiritu ardoris. Reuiuiſcat in vobis antecęſſorum noſtrorum laudabilis zelus, reſſoreat antiqua deuotio, fructificet in vſum matris ſuæ cum odore ſuauitatis iucundum fructuoſæ pietatis obſequium: & ab ejus vnitatem non diſcrepet, in quo dilexit ſemper, ſubſiſcit, & tenuit vnitatem. Non vos moueant, aut ſeducant inanibus verbis plena decipulis ſchiſmatica ſcripta: in quibus tot ſunt mēdacia, quot verba; ſi tamē verba dicenda ſunt; quia bene non loquitur, qui verè non loquitur.

aliq codices habet, * decoratus.

Cruelitas Octavianus.

Imperator non eſt Index in cauſis Eccleſiæ.

Alexandri Papa 3. verba.

Octavianus Antipapa.

2. Cor. 10. Hebr. 5.

Videtur addenda vox * Prefbyteri.

Epistola 5. Ad Regem Angliæ.

Fordum & Stanleiam Ordinis Cænobii in vnum conſuſa readificari optat & orat.

Illuſtri Domino, & in Chriſto plurimū, dilecto Henrico Dei gratia Anglorum Regi, frater Philippus de Eleemoſyna, feliciter in præſenti, & in æternum regnare felicius. Regia conſtitutio virtutis debet eſſe ſtabile firmamentum: quia nec ſapientiæ potentia, nec leuitas congruit maiſtati. De veſtræ pietatis & maternæ deuotionis affectu, geminum lumen in An-

*Duo hac
Cenobia fi-
lia sunt
Eleemosy-
nae.*

glia coeperat emicare, & duobus Monasterijs ratio congrua parabatur. Fraudis ærugo, & inuidiæ rinea demolitur, quod honestatis & iustitiæ laudanda produxit intentio, & in ecclipsin luminosa propositio demigravit. Vualda dissipata est, Stanleia non proficit, & ex duobus facta confusio pietatem violat, gratiam non meretur. Solemnis binarius in tenebrosam monadem commeauit: & vna ex duobus integris nata corruptio nomini vestro non militat, utilitatibus non seruit, non proficit ad salutem. Combinatio non implet votum, promissum non soluit, non auget meritum, non assidet æquitati, dissipat vnitatem. Combinatio hæc dissensionis tenebras parit, disciplinam non redolet, dissentit ab ordine, propositi vestri iacturam promouet, beneuolentiæ germinat detrimentum. Non hæc mixtura myrrhæ & aloës libris centum, sed cum vili passere vanit dipondio: & in exteriores tenebras abjici promeretur. Qui membra Christi colligit, & fidelibus ejus domicilia præparat vnitatis, ejus militat sepultura: cujus in opere suo sortiri debet imaginem, perfectionem de numero colligat, de speciebus condimentum teneat & odorem. Fidele opus, quod meretur exemplum, quod præconio dignum, quod fructu vberè consummatur. Deuotè Christum sepelitur, qui taliter circa ejus obsequia suam temperat actionem. Qui autem secus operatur, offendit. Estimatio pretium rebus affigit, & suis quæque meritis vel accedentia placent, vel discedentia reprobantur. Naturalis appetitus semper ad viliora se subigit: & minus appetitur, quod se minus vsui repræsentat. Probet grauida sapientis intentio, quid sedeat felicius, vtiliusue respondeat, offensam de combinatione sortiri, vel de primæ constitutionis origine seruata meritum reportare. Præter æquum & bonum contracta matrimonia dissoluuntur, contra leges publicas inita pactio non perdurat; teneorem non obtinet ordinis, quod extraordinariè dispensatur. Et in Ordine nostro sancitum est, ne petita obtineat, qui à quolibet quidpiam, contra ordinem postularit. Duobus niti vestigijs, duobus regi luminibus humana corpora, natura disponit. Si duo hæc confundantur in vnum, inutilitas & abussio regnum naturalis ordinis occupabunt. Si gemina cæli luminaria in insolitam conueniant vnionem, deformitatem suam totâ rerum machinâ deplorabunt, & dispositio temporum solita moderatione priuabitur. Duo coeperunt institui Monasteria, sed fecunditatem geminis baratrum cupiditatis absorbit. Quod cupiditas & circumuentio parturiuit, habebit cum gladio Salomonis exterminium. Et quæ mater ejus voluit esse, quem non genuit, discet à Rege, quem elegit Dominus, in messem aliam non mittere falcem suam. In gazophylacium pietatis, præsentè Domino, multi multa iactauerunt: sed fidelis vidua plus omnibus misit, quæ duo minuta deposuit. Duo minuta sunt fides & humilitas: in quibus sanctificationem recipit, quidquid in Templi donarijs exhibetur. Duo minuta sunt vobis duo prædicta loca; quæ à vobis Domino fideliter & humiliter offerantur. Quod fundamento caret, non placet Domino, nec proficit offerenti. Majoris gloriæ, fructus vberioris, & vtilioris est operæ, duo cum pace fundare Monasteria, quam vnum sine ordine & pace compingere. Di-

1. Reg. 3.

Marc. 12.

gnius multò & commodius &, salubre quam plurimum, ut in duobus choris nomini diuino gratiarum actio resonet, & vox laudis, & pro statu vestro celebris intercessio persoluatur, quam si muneris hujus in locum vnum contracta perfunctio, nec diuinæ laudis, nec supplicationis dignæ pro vobis offerat holocaustum. Non enim inter discordes habitat Spiritus sanctus, nec probat in obsequio fraudulentos. Qui autem nos fraudauit, iudicium suam portabit, quicumque est ille: quæ fraude non minùs quam paruitas nostra, læsa & delusa est matris vestræ pia sedulitas: quæ etsi rectè obtulit, non tamen rectè diuisit: quia & in damnû charitatis bene diuisa conjunxit. Corrigit errorem vestra sedulitas, delictum matris aboleat, prouideat paci, dirigat ordini instituta. Regius honor habeat ex vnctione gratiam, in gladio disciplinam, in corona sapientiam: quæ perfectionis circulata fastigio, attingit à fine vsque ad finem fortiter, & disponit omnia suauiter. Bene valeat semper in Domino vestra sublimitas, quam sincero amplector affectu: nec minùs calet ignis occultus, quam flamma publicis æstibus euaporans. Qui aliter dixerit, mendax est.

Mater. Regis duo cenobia in vnum conflarat.

Epistola 6. Ad R. Licestriæ Comitem.

Virtutes hujus Comitis predicat.

Illustri Domino & amico Carissimo R. Del gratia Licestriæ Comiti, Frater Philippus de Eleemosyna, collocari in salute cum principibus populi Dei. Summo conuenit, æternòque principio, qui cordis obtinet principatum: nec est homini quidquam gloriosius, quam ad originis suæ respicere dignitatem, & sinceritatis ejus expressa similitudine consignari. Qui frangat iram, moderatur affectus, cupiditatibus imperat, temperat incentiua, vitijs principatur, ordinat cogitatus, sermones disponit in iudicio, iudicia format ad regulam, qui bona prouidet, non solum coram Deo, sed etiam coram omnibus hominibus; hunc meritò cordis principem dixerim, huic insigniri jure principis officium debet ex nomine, hic ab ejus similitudine non recedens, qui constitutus est iudex viuorum & mortuorum, & Princeps Regum terræ. Rubiginosum speculum sinceram non reddit imaginem: de radicis amaritudine dulcedo fructuum non procedit. Lineæ rectitudo non curvatur in angulû. Speculum mentis, opus est radice malitiæ tenebrarum: ejus delibatio sancta erit in executione operis, si sancta fuerit massa in rectitudine intentionis; & in azymis sinceritatis, non in fermento malitiæ motus animi dedicatur. Præceptum enim Domini lucidum illuminans oculos, si mentis intrat habitaculum, tollit ignorantie tenebras: ut iustitiæ Domini rectæ lætificantes corda currenti præparent rectitudinem semitarum: ut de vultu Domini iudiciû prodeat, & oculi ejus videant æquitatem. Qui enim de fermento vult immolare laudem, & ædificare Sion de sanguinibus, os in cælum ponens, linguam in terram declinans, curvaturam facere molitur in linea; & à planitie transit in angulum, ut ad sordes primæ originis reuoluatur, & capiatur cum Leuiathan hamo; & reus in fine distractione diuini examinis teneatur. Præfert quidem patientiæ blandimentum mi-

*Quis cor-
dis princeps,
ac proinde
Deo similis.*

*Amos 4.
Micha. 3.*

fericq[ue] & miserator Dominus, vt ad p[œ]nitentiam pertrahat delinquentes: & iram dissimulat in delictis, vt vasa ir[æ] apta in interitum in vasa electionis conformet, & clementi sustinentia p[œ]nitundinis remedia pr[æ]paret sceleratis. Quæ si neglecta fuerit, thesaurizat iram transgresso-ribus in die ir[æ] & reuelationis iusti iudiciij Dei, cuius acumine perforatur impius & ligatur. Qui aut[em] Princeps est, digna principe cogitabit: sedeat cum Principibus, & solum glori[æ] teneat; quod pr[æ]paratur in conscientia pura & fide non ficta, his qui seruant testamentum Dei, & memores sunt mandator[um] ipsius, ad faciendum ea. Testimonium hoc clarè tibi resonat, Serenissime Princeps, & laus tua hæc in Ecclesia Sanctorum, quàm tibi, licet inuita reddidit inuidia, & laudationis manifestæ pr[æ]conio celebrat, quem mordet occultè, quem persequitur odijs, & amaro sublanat affectu. Quid tam simile Deo, qui bonorum nostrorum non eget, quàm sine stipendio militare iustitiæ? Commune tibi hoc, ô Princeps optime, cum principibus populi Dei, qui assistunt Dominatori vniuersæ terræ, & Principi principum conjunctissimi sunt, qui dat omnibus affluenter, & non improp[er]at, & te omnibus vrilem reddit. Ministerium probat pietas, exhibet affectio, testatur affectus, nec retributio quaeritur, cum vniuersis obsequij gratia multiplex tribuatur. Nobiliter calcas auariciam, dum extutis manus tuas ab omni munere: sed gloriam calcare nobilius, quæ procedit de radice superbiæ: & quos incesserit, facit ignobiles. Nihil est enim ignobilius quàm à Dei gratia separari, qui superbis resistit, humilibus autem dat gratiam. Humilitatis profectus tu custos & assecla certis probas indicijs, quod non altum sapias, sed times, & humiliaris sub potenti manu Dei: cum & cælestis gratia nō desit operibus, nec fauoris humani tibi gloria denegetur: quam sic operantis aspicit animus, vt sequenti non hæreat, & à conscientia testimonio non recedat; & cum gloriatur, in Domino gloriatur, & gloriam non quaerat ab hominibus, qui gloriā sui Redemptoris expectat. Gloriare igitur Serenissime Princeps, in Deo forti in perpetuum, & in potentia virtutis ejus: apud quem est misericordia, & copiosa apud eū redemptio: vt redimat de interitu vitam tuam, & coronet te in misericordia & miserationibus: quia non redimit eos, qui in virtute sua, & in multitudine diuitiarum suarum gloriantur. De reliquo, carissime Domine, quod petistis annuimus: quia tam dilecto, & tam sincerè diligenti in sua petitione resistere non possumus: cui jure amicitia quod possumus, hoc debemus. Ore vestro & spiritu nostro dilectam nobis in Christo Dominam Comitissam plurimū salutate in Domino. Bene valeat semper in Christo vestra dilectio.

Epistola 7. Ad Lanfelinum de Baugenciaco.

*Laudat amicitiam, commendatque ei ne-
potem suum.*

A Mantissimo in Christo amico & Domino Lanfelino de Baugenciaco, frater Philippus, quidquid optari felicius, quidquid duleius potest obtineri. Nouit ille perspicax diuinæ maiestatis intuitus, qui omnia nouit, antequā fiant, quàm dulciter in corde meo sedeat status vestri

reuerentia: quàm florida sit apud me memoria nominis vestri: quàm frequens vestra familiaritatis occursum: quàm solemnis obsequiorū multiplex exhibitio; quàm gratus amicitia sinus: quàm fervens & singularis affectio. Amoris magnitudinem sermonis exiguitas non metitur: & ardor animi non congruè pingitur atramento. Solus qui diligit, potest diligentis inuestigare secretum; & à similibus ad similia penetrare. Quid enim amanti similis, quàm alter amans? Et quid amore validius, qui duo corda glutinat & compingit in vnum: & habitare facit vnus moris in domo? Hic absentem corpore facit apud vos frequentius animo commorari, & fructus gratia degustare, quos amicitia parturit, alit memoria, benevolentia continet, reuerentia comitatur. Viuit & conuiuet mihi dilectionis integritas: & à corde meo vestra præsencia non recedit. Quod si ad tempus pro rerum mutatione disjungimur, animorum nexus indissolubilis perseverat. Non marcescit amicitia fructus, qui mutua sedulitatis fouetur irriguo: & alternis intercurrentibus obsequijs amicorum vicaria sibi repræsenteretur affectio. Benevolam circa nos experimur diligentiam vestra: & gratā suscipimus voluntaria gratitudinis obsequela. Fouetis amicos, inimicos repellitis; aduersantibus obstaculum, familiaribus prastatis auxiliū: & in omnibus voluntatis indiuidua, & sincera dilectionis exhibetis indicium. In omnibus agimus gratias benevolentia vestra; & animam nostrum similitudinis hujus conformamus accessui, gratiam referentes pro gratia, & amicitia legibus obligati. Obsecro igitur benignitatem vestram, vt in nepote meo gratia vestra nitor appareat: & ad honorem vestrum, cum militia cingulo promoueat. Præterea famulum nostrum Burrellum, * attentiùs commendo benignitati vestra: vt eū benigno foueatis consilio, & auxilio subleuetis, & de debito Everardi, sicut ex parte nostra vobis dixerit, faciatis. Valete.

Epistola 8. Ad Philippū Abbatē Præmonstrati.

Commendat ei latorem Epistola.

A Mantissimo in Christo Patri & Domino Ph. Dei gratia Præmonstraten[sis] Ecclesie Abbati, frater Philippus salutem & dilectionē. Amicorum negotia nostra sunt, & eorum negotijs fidelem debemus affectum. Lator præsentiū carissimus nobis est: & laborem ejus nostrum reputamus. Rogamus itaque dilectionem vestram, de qua plurimū confidimus, vt petitionem nostram pro amore Dei & nostro benignè exaudiat. Superfluum videtur; venter viscera commendare, & inculcare paternis affectibus filium diligentem. Habet ordo naturalis hoc proprium, vt suis quisque necessitatibus applicetur, & sibi iunctis refundat prouidæ sollicitudinis adiumentum. Tribularet, si nescirem misericordiae pondus, & excellentia gratiam, quàm præstitit Deus habitatoribus pilæ hujus, qua granis præstat, vt proficiant: & paleas separat à frumento. Hoc donum possidet & possedit ab initio munere singulari, vt semper misericordiam superexalter iudicio; & gloriosius judicaret parcere, quàm punire: nisi ubi qualitas causa disticta tantū præbuit obsequelam. Præterea petimus, vt petitionem Archiepiscopi pro eo non auerfetur vestra benignitas: & quæ

aa iij

*Amor non
pingitur
atramento.*

*Quis Deo
& Angelis
similis.*

*Nihil igno-
bilis
quàm à gra-
tia separari.*

*aliy codices
* Barrelli.*

petitionibus vestris vultis esse propitium, propitiationem alteri pro ejus reuerentia rependatis. Rogar vos idem communis frater noster Albertus, & plurimum salutatur.

*Albertus
hic erat Re-
ligiosus
Eleemosyna,
ut vide-
tur ex epi-
stola. 11.*

Epistola 9. Ad Abbatem Crispinensem.

*Commendat illi negotium, per latorem inti-
mandum.*

Dilecto in Christo Patri, & amico venerabili, Crispinensi Abbati, frater Philippus de Eleemosyna modicum id quod est. Amicitie fructus vicissitudo signat obsequij, benigna sedulitas, conciliolus affectus. Sine præjacente merito recepimus hæc duplicia de manu vestra: & secretario cordis nostri insidet, quod nobis in nostris fecit vestra sinceritas. Condita sunt apud me, & signata in benevolentie thesauris: ut tempore opportuno juxta beneplacitum vestrum germinet operis gratiam bonæ voluntatis occursum, & impetrandi gratiæ pariat experta benignitas. Preces iteratas vestræ porrigo charitati, ut negotiū pro quo petimus, sicut frater

*Gillebertus
hic Religio-
sus Eleemo-
syna. ut ex
epist. 11. ap-
paret.*

Epistola 10. Ad Theobaldū Blesensium Comitē.

*Commendat ei Cœnobium de Eleemosyna, quod
dimiserat.*

Illustri Domino & amico Theobaldo, Blesensium Comiti, & Franciæ Senescalo, frater Philippus salutem in vero salutari. Laboris & curarum pondere multiplici fatigatus, refugium desideratæ quietis elegi: ut qui mihi supersunt dies, multiplicentur in senecta vberi, & in pace nostra peregrinatio finiatur. Pastoralis officij sollicitudinem coactus suscepi, voluntarius desero: dirior in paupertatis amplexu, quam in ampla possessione, & negotiorum occupatione, quibus in sollicitudine regiminis opprimebar. Diuinæ igitur pietati & excellentiæ vestræ fratres nostros, & totius Monasterij jura commendo; benevolentiam vestræ liberalitatis obtestans, ut protectionem eis & auxilium clementius impendatis: quia tota virtus eorum emarcuit, nisi benignitatis vestræ foveantur irriguo. Præterea latorem presentium, qui strenuè mihi, fideliterque seruiuit, benignitati vestræ commendo, ut gratiam apud vos inueniat, & in tempore necessitatis auxilium, nec patiamini cum de debitis, quæ habet, in Monasterio contra iustitiam fatigari. Bene valete.

Epistola 11. Ad Conuentum Cœnobij de Eleemosyna.

Absoluit Conuentum illum ab obedientia sibi promissa, abdicans Pastorale onus.

Dilectis in Christo fratribus, Stephano Supriori, & toti Conuentui de Eleemosyna, Frater Philippus, in pacis & gaudij plenitudine prosperari. Nemo potest alieni cordis arcana perstringere: nec quis hominis sensum, nisi spiritus hominis qui in ipso est. Quam multipliciter angariatus sit spiritus meus in administratione domus hujus, in amaritudine sollicitudinis & laborum, in debitorum pondere, necessarijs varijsque discursibus: in eorum motu cōtrario, qui promovere prospera debuissent, qui

odium retulerunt pro dilectione mea, & pro deuota sedulitate pressuram; nouit ille creator spiritus, qui fecit statum omnem, & omnē spiritum sua circuit & penetrat potestate. Sed hæc prima abierunt, & à cordis mei conspectibus omnis euauit injuria: nec in ejus amaritudine moratur oculus meus: sed quod vobis in visceribus Iesu Christi * pro parte alacritatis insuppsi. Dulcis homini requies post laborem, post inediam iucunda refectio: post seruitutis ergastulum pretiosa est & speciosa libertas. Liber igitur à curæ Pastoralis officio, quam inuitus accepi, & sustinui laborans, & voluntarius desero, vos à vinculo vestræ professionis absolvo: bona imprecans, salutaria desiderans, prospera cupiens, & vniuersitati vestræ pacis & gaudij manipulos affectu piæ charitatis exoptans. Si quid inter vos, vel à vobis passus sum, diuinæ ascribo iustitiæ, & peccatis meis imputo: à quibus passus sum, refero cum indulgentia gratiam, & munus orationis exhibeo. Vnum peto à charitate vestra, ut domui vestræ fideliter & strenuè prouideatis: ne talis ingrediatur, qui pondus potius afferat, quam leuamen, & pro gratiæ fructu semina jaciat odiorum: & fiant nouissima Monasterij hujus pejora prioribus. Valete, indulgete, si quid aduersum vos minis prudenter excessi, & orantem pro vobis vestris orationibus adiuuate. Hoc ipsum orat frater Albertus, & plurimum salutatur. Spiritus consilij & pacis sit cum omnibus vobis. Amen. Fratrem Gillebertum socium nostrum, & vnanimem, & sincerè dilectum in Christo, charitati vestræ commendo plurimum: & ipsum rogo seruare vobiscum vnitatem spiritus in vinculo pacis.

*alij codices
* cupio, stu-
dio prom-
ptæ alacri-
tatis insum-
psi.*

Epistola 12. Ad Abbatem de Pontilenio.

*Appellat Archiepiscopum Senonensem pro decimis
injustè suo Cœnobio ablatas.*

IOANNI Abbati de Pontilenio Philippus de Eleemosyna. Circumvenire fratrem, vel in negotio supergredi, contra Euāgelicas sanctiones est. Contramandāui vobis diē causæ nostræ, juxta vrgentē necessitatē: vos accessistis ad diem; si legitimè, Deus nouit: & sicut voluistis, non ut debuistis, credimus, processistis in causā. Dabit nobis Dominus in beneplacito suo locū expostulandi. Nos autem de circumventionē ista, & injusto processu, postulamus ad audientiam Domini Senonensis Archiepiscopi, & Apostolicæ Sedis Legati in Inuentione S. Stephani, sub cujus protectione decimas nostras, & ipsum terraticum ponimus. A quorum vsurpatione vos ejusdem autoritate omnimodis prohibemus. Habemus enim priuilegia Romanorum Pontificum de decimis nostris, quæ violari nolumus.

1. Theff. 4.

Epistola 13. Ad Decanum Carnotensem, & Abbatem de Valeia.

*Queritur decimas ab ipso injustè exigi, fratre
appellatione.*

Gerardo Dei gratia Carnotensis Ecclesiæ Decano, & Fr. Abbati de Valeia, & Gualtero Dunensium Archidiacono, frater Philippus de Eleemosyna, de circumstantia veritatis formare iudicium. Dicit vir Deo plenus. *Causam, quam nesciebam, diligenter investigavi. Job 29.*

Et de vultu Dei debet iudicium prodire; quod formare debet veritas, non extorquere acceptio personarum. Si pauperes sumus & absconditi, si grex pusillus in domo Domini: non tamen dignum est, nos autoritate Pontilenensium conculcari: vel pro verbis eorū, quæ veritatis fundamento carent, priuationis ferre sententiam. Decisum dicitis & iudicatum, quod per appellationem ad Metropolim nostram perductum est, vbi lis contestata iudicis manet examen. Pro hac eadem causa Pontilenienses Monachos, qui falsa vos relatione pulsarunt, & seruientes nostros quærebant occultis subreptionibus imbāniri, ad eandem sedem iteratō appellauimus. Vos iterū mandato vestro nos vrgetis, & reddi iubetis Pontileniensib⁹, quod nec de ratione putamus descendere, nec iustitiæ conuenire. De terratico nondum decisum est, de laborum nostrorum decimis relaxatio nobis data, & Sedis Apostolicæ priuilegijs confirmata. Ius nostrum alteri dare, beneficia infringere, nec possumus, nec debemus. Excedit, quicumque illi reuerentiam non impendit. Nos in protectione illius res nostras, locum nostrum, seruientes nostros, & omnia nostra deponimus: & ad ipsam appellamus, in Annuntiatione B. Mariæ respondere parati, si quis agere contra nos voluerit, vel agere instanti, si quis nos deinceps pro hac causa molestare voluerit. Quid dehinc acturi sitis, nescio. Vnum scio, plus suo tempore seruauit & profuit Carnotensi Ecclesiæ frater Philippus, quā Pontileniensis Abbas & Monachi sui: pro quorum nos delationibus taliter fatigatis. Mittite iam gladium in vaginam, si placeat, & agite comiter: nos ad tribunal Apostolicum itam⁹, & iustitiæ stabimus, & ibi nos oportet iudicari: nisi patrem & aduocatum nobis adduxerit omnipotens Deus, quem reuerti velociter & cum salute, & prosperè conservari, votis omnibus exoptamus. Valete.

Eleemosyna in diocesi Carnotensi sita.

Epistola 14. Ad H. Abbatem de Landefio.

Iubet corrigi quedam in Landefiensi Canobio, quod visitat, ipse absente.

Dilecto dilectori suo fratri H. & Coabbati de Landefio, fr. Philippus de Eleemosyna, salutem & dilectionem in Domino. Vtinam inuenissemus vos domi tempore visitationis. Inuenimus ibi quædam Ordini contraria, quæ consilio vestro correctæ faciliè quieuisent. Nūc autem loco absens corpore, tamen præsens spiritu, vobis in Ordinis virtute denuntio, vt ea, sicut in Capitulo disposui, corrigatis. Priorem ab exteriorum cura & à frequenti equitatione, vel Prioratus ordine, remouete. Claustrici custos & Ordinis non debet exterioribus insudare. Subcellerarius vester inutilis Monasterio, fratribus onerosus, & mente superbus est: nimis frequenter equitat, & extra claustrum est, & extra officij sui metas curiosè nimis & inutiliter euagatur. Monemus, consulimus, & mandamus, vt eum remoueat ab obedientia illa, & altiori studio curam illius habeatis. Sunt alia, quæ præsentī sermone magis quā scripto vobis explananda sunt. Vigilate in omnibus, & agite cautè, ne sub manu vestra virtus Ordinis euanescat. Amor & virtus Ordinis hæc loquuntur: nihil amaritudo suggerit, aut simulas: sed

Landefium est filia Eleemosyna.

si nos & Ordinē diligitis, expedit, vt quod piè denuntiamus, efficaciter impleatis. Fratres nostros charitati vestræ plurimū cōmendamus. Fratres vestros ore vestro & spiritu nostro plurimū salutamus, nostros nominatim. Vale.

Epistola 15. Ad V. Trecorensium Episcopum.

Commendat ei Begarensē Abbatiam, cuius Abbatem vt inutilem deposuerat.

Reverendo in Christo Patri & Domino V. Dei gratia Trecorensium Episcopo, frater Philippus de Eleemosyna, seruare vnitatē spiritus in vinculo pacis. Quod à cura & administratione Begarensis Monasterij frater Chimerus se suspendit, dignum esse, iustumque censemus: & vtinam nunquam ad illud regimen ascendisset, per quem facta sunt domus illius nouissima peiora prioribus. Nos autem secundū quod mandastis, ad consolationem & cōsiliū domus accingimur: & prædictū fratrem corde bono & animo volenti ab administratione Monasterij clementer absoluiamus, sicut personæ & loco credimus conuenire. Non enim conuenienter ægrotus medetur ægrotis: non imbecillum congruè sustentat inualidus: nec commodè lapsus erigit corruentem. Vos igitur sicut virum Ordinis decet, sicut amico conuenit, sicut oportet seruum Christi, sicut altaris ministro dignum est, omni tempore dare operā, vt ædificentur auri domus Domini, & virtus Ordinis reparetur in sanctitate & iustitia coram Deo: quia detrimēta poterunt faciliè refarciri, si reformari contigerit religionis honestatisque iacturam. In operibus siquidem nostris, si primum quæritur regnum Dei, juxta ipsius sponsonem, boni temporalis adiectio non negatur. Deo igitur permittente ad vos descendemus in breui, domui miseræ cōsiliū & auxiliū, prove melius & aptius poterimus, impensuri. Adsit labori nostro vestra sedulitas, & amica prouidentia: nec enim effectu bono carere credim⁹, vbi vnamimenter duorum pia vota occurrunt. Vale.

Begarensis Abbatia filia est Eleemosyna.

Matth. 6.

Epistola 16. Ad Archiepiscopū Senonensem,

Rogat, vt restituatur cuidam amico suo, quod Archidiacono Aurelianensi cōmodauerat.

A Mantissimo in Christo Patri & Dño Vuilhelmo, Venerabili, Dei gratia, Senonensi Archiepiscopo, & Sedis Apostolicæ Legato, fr. Philippus de Eleemosyna, plurimam in omniū Salvatore salutem. Fidelis vester, & noster familiaris, Beneuentus de Veteri-vico, nostro interuentu Hugoni Aurelianensi Archidiacono de rebus suis gratuitò sine vsuris & augmento commodauit. Non debet ei respondere in dānum, quod benignè seminauit in gratiam. Rogamus dilectam nobis in Christo paternitatem vestram, vt fidei vestro prouideatis, ne alienis fraudibus inuoluatur, & supplicium reportet ex beneficio. Mandate igitur Decanis vestris, in quorum manibus cura ejus est, vt veritate diligentius inquisita tutum parent exitum pro beneficio laboranti. Feliciter enim graditur causa, quam sincerè perspicit æquitas. Detrimentum autē ejus non sine nostra proueniet injuria, cum ad hoc faciendū nostris precib⁹ cuius accesserit. Bene valeat semper in Dño vestra sublimitas.

Epistola 17. Ad Ostiensem Episcopum.

Commendat ei nobilem Anglum, ut pater ejus sepultura Ecclesiastica non priuatur.

Negata sepultura, satisfactione non exhibita

Dilecto in Christo Patri & Domino Henrico Ostiensi Episcopo, F. Philippus de Eleemosyna, salutem & obsequium. Vir quidam nobilis de Anglia, & amicus Ordinis nostri, aduersus Trecentem Episcopum & ejus Ecclesiam deliquit, & excommunicatus est. Post aliquantum temporis consideratione habita, & damnum satisfactione promissa satisfecit, & absolutus est. Ante plenam vero ablaturum restitutionem ab inimicis interceptus & interceptus est, & prohibitus à sepultura, pro ijs quæ nondum plenè reddiderat. Heres ejus ætate junior nec sciuit satisfacere pro patre, nec potuit. Nunc ad intelligibiles ænos prouectus, ad omnem satisfactionem paratus est. Rogo igitur dilectam nobis in Christo paternitatem vestram, ut sepulture beneficium precibus vestris obtineatis ei à Domino Papa. Injustum videtur, ut volente filio satisfacere pro patre, pater ab Ecclesiastico consortio districtius arceatur. Semper enim misericordia debet superexaltari iudicio. Hoc testatur Dominus Vintoniensis, & tunc Legatus, & ipse Episcopus Trecentis, qui modo est. Bene valete semper in Domino, pater carissime.

Epistola 18. Ad Alexandrum 3. Romanum Pontificem.

Orat ut bona Archidiaconi Aurelianensis Religionem ingressi dentur creditoribus, ut ipso disposuerat.

Soluere debita oportet ingrediens monasterium.

Amantissimo in Christo Patri & Domino Alexandro, Dei gratia summo Pontifici, F. Philippus de Eleemosyna, salutem & obedientiam sinceritatem. Opus fidele, cujus ordo naturalis assertor est, & dignitatem prærogat celestis autoritatis: relatione charitatis affectu patris in filium, & filij in parentem, & natura docet, & lex spiritualis indicit. Si caput Ecclesie & fidelium patrem, imò quia fidelium patrem & Ecclesie caput vos pietas diuina constituit: omnium grauamina filiorum misericorditer intueri, vel ubi potest, efficaciter releuare, paternitatem vestram docet ille, à quo omnis paternitas in cælo & in terra nominatur. Filius vester Hugo, quondam Aurelianensis Archidiaconus, ut annos suos in amaritudine animæ sue recogitet, elongauit fugiens, & mansit in solitudine sub claustralis exercitio disciplinæ. Pro soluendis debitis suis hereditatis suæ redditus quos tenebat, quasi ex testamento solemniter assignauit, ut haberet votiue securitatis egressum. Dispositio tam sincera ab ejus consanguineis impeditur: & violenter ab eorum manibus eripitur, quibus fuerat delegatū. Præcipiat ergo vestre sublimitatis autoritas, ut integra & inconvulsa maneat filij vestri dispositio tam fidelis: vel in manus Prioris de Charitate ad solvenda debita transeat hereditas: quibus solutis, sicut justum est, redeat ad heredes. Quod si mandato Sedis Apostolicæ prædicti peruafores rebelles extiterint, sentiāt Moyse manus graues: & severitas puniat, quos pietas non emollit. Immitte namque videtur & durū, ut Deo militare disponens, necessarium iterū causis secularibus implicetur. Apostolatū vestrū conseruet omnipotēs Dñs, Amē.

Epistola 19. Ad Ludouicum Regem Gallie

Implorat ejus protectionem aduersus importunitatem creditorum cuiusdam Clerici.

Nonna creatura est recens factus monachus.

Pissimo Regi Francorum Ludouico, F. Philippus de Eleemosyna, regnare feliciter, & felicius mori. Corona Regis est misericordia: & sicut nubes pluvie in tempore siccitatis, sic opus ejus, cum tempore prouenit oportuno. Opus habet misericordia, & consideratione regij moderaminis, quondam Clericus vester, nunc noua in Christo creatura quidquid est, totus vester in Domino, Hugo de Rua-noua ad umbrā Dominicæ protectionis fugiens æstum grauem patitur à cognatis, & hereditatis paternæ priuatur beneficio, qui solam diligit cælestem, votis tenet, & opere amplexatur. Solutus à vinculis mundi, adhuc parte aliqua detinetur, & reuocatur à debitis, quæ justè quidem, sed acriter exiguntur. Assignauerat hereditatem suam conuenienter, ut credidit, ut omnia soluerentur: sed nepos suus H. interturbat omnia, & solutionem impedit debitorum. Benignissimā igitur Regis majestatis clementiā, prece qua possumus, humiliter imploramus: ut fideli vestro benignè & efficaciter assistatis: ut pauperem ab angore suo misericorditer liberetis. Injustum namque videtur & improbum, ut quod vitam debuit fulcire temporalem, pauperi vestro detrimentum vitæ pariat spiritualis. Opus regiū sicut misericordia coronat, sic iustitiæ cultus pingit, ornat, & erigit. Personam vestram, & datum vobis à Deo heredem, & regni vestri statū, conseruet & muniat omnipotens Dominus. Liberatè pauperē vestrū, & salutē quam dedistis, vestra reddat & conseruet autoritas usque ad aduentum nostrum.

Epistola 20. Ad H. Palatinum Comitem.

Petit Eleemosynam Abbati Curia Dei Canonibus construenti.

Illustri Domino H. Palatino Comiti F. Philippus de Eleemosyna, salutem, & boni Principis opus, ac præmium. Liberalis animus vniuersitatis est iucunda possessio: & fructus hujus odora suauitas, etiam quos non reficit, afficit, & ad sui participium prouocat inexpertos. Hec insignis pietas omnibus se æstimat natam, parturit omnibus, in omnibus se diuidit, & suauis beneuolentiæ diffundit ubique commercium. Non quærentibus occurrit, pulsantibus aperit, reprimat impudentes, verecundos hilarat, munerat obsequentes. Sic tibi viuatur, Princeps egregie, & in talibus vita spiritus tui, nec descendit à gradibus istis insignis animi generosa benignitas. Quam gloriosior est illa dispersio, quæ non reuelat caro & sanguis, sed pater noster qui est in cælis: qui temporale beneficiū stipendijs munerat sempiternis, sicut de viro iusto dicitur. *Dispersit, dedit pauperibus: iustitia ejus manet in seculum seculi.* Qui sic dispergit, congregat in æternum, & gratiam sibi conciliat in die iræ & reuelationis iusti iudicii Dei: cum surrexerit Dominus percutere terram virga oris sui: & in gladio ejus deuorabitur omnis caro. Scimus quidem, & compertum habemus, quia plerumque ad iustitiam seminat tua dapilis manus & magnifica, & myrrham primam distillant digiti

Liberalitatem Henrici laudat.

Psal. 111.

tui; cum in vsum pauperum Christi dona tua laudabili subuentione dispensas. Paras tibi lumen in die nubis & caliginis: operimentum in die tempestatis & turbinis, salutare confugium in die tubæ & clangoris: in quo tibi gaudiū felicitatis optamus, & refrigerium precamur æternum. Abbas de Curia Dei habet opus præ manibus, Princeps egregie, quod facultatis & operæ ipsius superat facultatem. Præsumptionis argui deberet ejus inceptio, nisi in cœlestis misericordiæ thesauro spes ejus quiesceret: cum sit ei brevis substantia, & incepti qualitas expensas exigit ampliores. Fundamenta Monasterij sui noua jecit, angustiam loci, vetustatis incuriam, ruinarum minas, corruptionis molestiam non ferens: cum prioribus fundamentis superædificatio non posset aptari: & augmentum familiæ Dei non satis commodè caperent angusta turguria. Et quia omnium indigentium commune refugium est liberalitatis tuæ sinus egregius, rogamus per Christum, vt ad eum, vnde tam communis benefica stilla descendit, tuæ pietatis feratur irriguū. Vale.

Curia Dei
est Ordinis
Cisterciensis
Dioec. Avelanensis.

Epistola 21. Ad S. Thomam Cantuariensem.

Commendat illi communem amicum.

Reverendo in Christo Patri & Dño Thomæ Dei gratia venerabili Cantuariensium Archiepiscopo, Fr. Philippus de Eleemosyna, & F. L. de Curia Dei, salutem, & sinceræ dilectionis affectum. A nostris vilitatibus non recedit, quod vtiliter accrescit vñibus amicorum. Hoc enim habet amicitia proprium, vt sit ei suauis & jucunda possessio, quidquid à suis professoribus possideret. In sinum gratiæ vestræ dilatato corde & affectu prompto magistrum G. benignius collegistis. Vicissitudinē quam potuit, retulit, amicus fidelis inuentus est. Factus est strenuus propugnator iustitiæ vestræ, allegator insignis, assertor prouidus causæ vestræ, & operum vestrorum præconator eximius. Nec sibi pepercit, nec suis, vt vobis proficeret: & totum se sic vestris impendit vñibus, & gratiam rependit pro gratia, vt nihil sibi latū proponeret, nisi quod honori vestro militaret & nomini. Si à fratre magno circa vos fidelem ejus operam torrens iniquitatis absorbit, non est minori dignus amplexu, si quod voluit, implere non valuit: quia quantum potuit vñilis esse, non destitit. Nunc igitur si in conspectu principis illius magnorum suffragantibus meritis pacem potuit inuenire, esse non debet à cordis vestri conspectibus alienū: sed vt credimus, in mente vestra debet florere congratia, si apud eum gratiā receperit, cū quo familiarius & fidelius honoris & pacis vestræ possit inire cōmercium. Qui enim amicus est, omni tēpore diligit: & amicitia certa nulla vi, nulla necessitate excluditur. Rogamus ergo dilectam nobis in Christo charitatē vestrā, & beneuola persuasione cōsulimus, vt fidei vestro nullius conditionis apponatur dura necessitas: quia sicut ait Ouidius, *Lenis alit flamas, gravior aura necat*: & æterna sapientia, quæ attingit à fine vsque ad finem fortiter, suauiter disponit omnia, & cum magna reuerentia disponit nos. Bene valeat semper in Domino vestra sinceritas.

Epistola 22. Ad consanguineū suū Dionysium.

Mortatur illum ad sectandas virtutes consanguineorum.

Dilecto consanguineo suo F. Philip. de Eleemosyna, salutē in eo qui salus est. Qui majorum miratur virtutem & gloriam, non inutiliter gloriatur, si mores & vitam studeat imitari. Supervacue quidē de suorū sibi splendore blāditur, qui defectus sui tenebras oculis ingerit aliorū. Paterna nāque gloria nos reddit inglorios, cum ab ejus vestigijs dissimilitudine resiliamus. Habes domestica pietatis & virtutis exempla, quæ tibi peperit ordinis & sanguinis venusta complexio, quæ itineranti lumen, operanti formam, negotianti poterunt afferre solatium. Negotium dico, non quod perambulat in tenebris: sed quo bona quæritur margarita distractæ possessionis emenda cōmercio. Elnonensis Monasterij pater, frater matris tuæ, sanctus ille Absalon fuit, qui te à lacte matris avulsum primis extulit elementis, & regularis disciplinæ præparauit obsequijs. Hic tibi quotidianus institutor occurrat, actus ordinet, componat affectus, sermones condiat, opera moderetur, & omne quod agis, comes & monitor indiuisus assistat. Non errabis, si conuersationis eius formam & operum studeas fidelis Peripateticus imitari. Si aliter incedis, excedis: & tanto patri, generi nostro, & indoli tuæ, facis injuriam. Salutat te dilectus filius noster F. Albertus consanguineus tuus.

Imitatio
bonorum.

Epistola 23. Ad Stephanū Meldensem Episcopū.

Petit beneficium Ecclesiasticum fratri cujusdam Monachi Claravallensis.

Dilecto in Christo Patri & Dño Stephano Meldensi Episcopo, F. Phil. de Eleemosyna, salutē & sinceræ dilectionis affectum. Quod stabile possidet animus noster de vestra benignitate fiduciā, non est jactatio meriti, sed vestræ dignationis occursum. Familiaritas prompta, jucunda serenitas, alloquiū dulce, liberalitatis officiosæ comis oblatio, parabilis gratiæ signū præstat, & confidentiæ nutrimentū: sic animus noster ad æstimationis suæ lineam deuotionis suæ format affectus, & amoris figurat imaginem: vt qualē judicat amicū, tali se illi vinculo gaudeat alligari. De vestra igitur sinceritate præsumens, supplicatione qua possum, preces vestræ porrigo sanctitati, vt cujusdam fratris nostri fratrem carnalem bonæ indolis adolescentem beneficio subleuetis Ecclesiastico, & studium ejus vberi misericordia subleuetis. Si scire vultis, quis ille est, religiosi viri & honesti fratris, Monachi Claravallensis, frater est, Adam vocatur, in Episcopatu vestro natus & renatus, bonarū artium & partium ciuis: dignus, vt credimus, qui piæ subuentionis gratia fulciatur. Ad manum est, quod sat est: Ecclesia Sancte Cilinæ, & Ecclesia de Aciaco in manu vestra sunt, absque pastore. Sufficeret vna pauperi vestro, si beneuolentiæ vestræ pietas assentiret. Non illi metas ponimus per antē dictum, sed sicut beneuolentiæ vestræ placuerit, petitioni nostræ pretium gratia præstetur effectus. Quidquid illi pro amore Dei & nostro feceritis, nobis factum reputabimus, excellentiæ vestræ gratius & arctius obligati. Vale.

Fratrem
suum vocat
Monachū
Claravallis

Epistola 24. Ad Abbatem Letiensem.

*Offert quadam opera S. Augustini describenda.**Authoritas
Patrum.**S. Augusti-
nus alios
Patres præ-
cellit.*

Carissimo Domino & amico præcordiali, Dei gratia Letienfi Abbati, F. Philippus de Claravalle, noua in Christo creatura, in nouitate spiritus ambulare. Non paruum mihi gaudium præstat, quod audio & scio vos sacris literis affuetum, & sanctorum Patrum ingenia reuoluere, quos in authoritatis arce mater Ecclesia reposuit & euexit. Cum autem in ipsis sit, unde hauriamus, à quibus audiamus, in quibus legamus sententiarum censoriam grauitatem, vernantis eloquij iucundissimum nitorem, aurea morum venustatem: superexcellit pater Augustinus, sapientia singularis, sublimis ingenio, verbis affluens, opere circumspectus. Ipse est enim cælestis fistula, & Spiritus sancti familiare organum: de cuius & in cuius pectore Deus maiestatis intonuit ad confutandum Iudæos, ad refellendum Philosophos, ad Hæreticos conuincendos, in manu forti, & brachio extenso. De operibus ejus quæ vos non habetis, inuenimus apud nos libros, videlicet Annotationes in Iob, contra Felicem Manichæum, contra Pelagium & Celestium, contra duas Epistolas Pelagij. Et quidem non fuit negligentia mea, sed commementum raritas, quod hæc citius dilectioni vestræ significare non potui. Sed & hæc volumina, de quibus scribo, magnorum voluminum corporibus inserta sunt, ita ut disjungi non possint, nec vobis mitti. Consiliū autem nostrum est, ut si eos alicubi recuperare non poteritis, & omnino vultis habere, nobis scriptorem & membranas transmittatis, ut fiat voluntas vestra. Ego autem & vester sum, & vester ero, quamdiu fuero, in visceribus Christi Iesu. Valere, & orate pro me. Habemus & De catechizandis rudibus librum.

Epistola 25. Ad Henricum Remensē Archiepiscopum.

Gratias ei refert pro benevolentia & beneficijs ab eo acceptis.

Amantissimo in Christo Patri & Domino, Henrico Dei gratia venerabili Remorum Archiepiscopo, F. Philippus, suus, quod suus. Non capit animus, cogitatio non metitur, explicare lingua non sufficit, quo congratulationis, gratiarum, & laudis occursum, dignationis vestræ liberale prosequar ornamentum, quo dignanter à vobis nostra muneratur indignitas. Supra opinionem meritumque se subrigit munificus vestræ benignitatis accessus, tantò me deuotius obligans, & astringens arctius gratioso vestræ serenitatis respectui, quantò parvitati meæ sinceriozem clementiæ vestræ repræsentat imaginem. Quis enim ego, aut quæ domus patris mei, ut de reliquijs generis nostri cōstituat in loco primitiarum vestra gratiosa dignatio, ut sedeat cum principibus, & solium gloriæ teneat? Minor sum cunctis miserationibus vestris: sed inter omnia celebris excellentiæ vestræ beneficia venustiùs hoc sinceriusque processit, quo nihil tale præmeditantem animum liberalitatis accessu radio terigistis. Humanæ siquidē mentis affectum nulla sic excitat gratia, nulla sic alligat, aut ardentius afficit, sicut illa, quæ inopinatè clementer offertur, dignanter occurrit, non quæ sita liberaliter assignatur. Non est, quod

retribuam Domino meo, pro omnibus quæ retribuit mihi: quia sicut vestra sublimitas seruitutis nostræ perfunçãoe non indiget, nec subsidij infirmioribus augmētatur: sic amoris mei fidelis oblatio nullos in se recessus inuenit, nullos omnino sinus, nulla reclinatoria, in quæ possit circa personam vestram suæ charitatis dilatare progressum: quia vasi pleno quidquid infuderis effunditur, & perfectionis non habuit gratiam, cui potuit accedere, quod minùs habuerit. Meus autem amor sic ab initio circa excellentiam vestram totus incanduit, ut apud se non inueniat exhedram, qua possit integritatis suæ plenitudinem dilatare. Cum ergo sit diues animus, mendica facultas, & magnificentia vestra vilibus non adjuvetur impendijs: cum non sit ad manum, quod sat est in retributionis obsequio, cælestis misericordiæ thesauris inferam vestræ visitationis tam beneuolum gratumque beneficium, ut pro me vobis retribuatur Dominus, Dominus misericordia mea in sæculum, & opus manuum vestrarum benignè respiciat. Ego autem amabo semper & obsequar, & quamdiu spiritus hos reget artus, à magnificentia vestræ pedibus non auellar. Rogo igitur excellentiam vestram, ut recurrente indiculo me certificare dignemini, ubi, & quando, vestræ possit assignari præsentia, quem designastis ex nomine. Sinceritatem vestram conferuet semper, &augeat diuina clementia.

Epistola 26. Ad eundem.

Gratias item agit, quod sibi egrotanti epistolam & ministrum mittere dignatus sit.

Amantissimo in Christo Patri & Domino, Henrico venerabili Remorum Archiepiscopo, F. Phil. de Eleem. suus quod suus. Dilatus est, ut credimus, quod sine cordis angore non dicitur, remediabilis ille & desiderabilis transitus, ærumnarum finis, delinquentiæ meta, pacis ingressus. Paulatim consurgit & reficitur puer vester, ordine successiuo corpori vires reuiuua sanitas administrat, edendi reparatur appetitus, & inter edendum natiuus tiborum sapor agnoscitur. Sed non minimū saluti nostræ fomité parit de visitationibus vestris conceptra lætitia, quæ & prosperitatis amica est, & egregios semper comitatur accessus. Quid enim pietatis, quid gratiæ, quid dulcedinis non attulit mihi scriptionis vestræ fecunda dignatio? Radiabat in pagina benignæ mentis augusta sinceritas, & velut emicante speculo vim amoris, sinceram referebat imaginem. Verus amor est, qui suas angustiarum facit angustias. Nemo enim dignius exequitur diligentis affectum, quàm qui non sine pietatis obsequio, & inter amici cōmoda serenus est, & in oppositis obscuratur. Sic de conscientia mea vestrum excellentē metior animum, gloriōrque singulariter, & quamdiu vixero, gloriabor, quod in hoc vobis gratiæ gradu tanto tantillus apparui. Præterea cum multiplici gratiarum actione sublimitati vestræ, quo ad possum, deuotus occurro, quod filium nostrum Ausculphum nobis transmiserit vestræ benignitatis pia compassio: qui argumentosè deferuit, officiosè ministrat, beneuolè suffragatur, & in nostram se componit per omnia sospitatem. Sic excellentiæ vestræ procudubio placere

cere non ambigit: & dignus est, qui prædientis totum se conformat imperijs. Rogamus, humilitate qua possumus, ut apud clementiam vestram continetur ei gratia, & inueniat pro bono ministerio gradum bonum. Bene valeat semper in Domino Sanctitas vestra, benignissime Pater & Domine.

Epistola 17. Ad H. Præmonstrati Abbatem.

Rogat, ut neptis sua condonetur, quod Ordini Præmonstrati se dederit non servata forma.

Dilecto dilectori suo H. Præmonstrati Abbati, F. Philippus salutem in eo qui salus est. Athletæ virtus proditur in cōgressu, miles probatur in acie, lucet in periculis nauis solertia, necessitatis articulus parit amicitie notione, & probata fide rep̃ obductionis excludit. In cœlo testis meus & cōscius in excelsis, quod dilectionis sincera personam vestram & Ordinem vestrum fuerim fideliter amplexatus. Responsum flagito charitatis, & vicaria quæro gratiam, cum benevolentie fructu. Filia fratris mei ad Montem cultum orationis causa nuper ascenderat: ibi in spiritu mentis sue repentino mutata processu, vestre sibi Religionis induit, & attonsis crinibus primitias capitis ad altare cum voto virginis Sponsæ virginum dedicauit. Exhibuit in hoc facto, quod amor Dei, quod ardor ætatis, quod muliebri leuitas potuit, quod immaturitas consilij peperit in animo puellari. Fatemur, & verum est, quia præter institutiones Ordinis vestri, præter majorum regulas, præter authenticas sanctiones commissa est hæc noua transgressio. Fecit quidem ista quod debuit, sed non ut debuit, sortita est voracem mutationis ingressum. Iustum erat, ut per manum Abbatis & conuentum fratrum susciperetur ordinabiliter oblatio ejus. Anticipauit ordinem præcipitatio voluntatis: sed opus tam piū, tamque deuotæ propositionis incessus, iuxta voueris sententiam rata manent in conspectu veritatis æternæ. Quis sine offensa euellere poterit tam sanctæ desponsationis amplexum? Quis in corde suo proponet extinguere spiritum, quem in animo virginali suscitauit amor munditiæ, & diuini muneris formauit instinctus? Supplico igitur charitati vestre, & quantum possum intentione mansuetudinis vestre benignitatis implores, ut quod hic erratum est, temperet pie dispensationis officus, & simplicitatis delictum remissione congrua tegat misericordia sanctitatis. Experiamur in hoc opere, quæti sumus apud vos, & cum seruaueritis animam quærentem Deum, & generis nostri confusionem sustuleritis, nos juxta consilium vestrum & Abbatis sancti Martini, secundum facultatem nostram, libenter benefaciamus Ecclesie, in qua neptis nostra vitam suam Dñæ consecrauit.

Epist. 18. Ad Episcopum Trebatensem.

Orat, ut quemdam suscipiat in obsequium suum, si ei utilis est.

Trebatensi Episcopo F. Philip. Potestas non solum si imperet, verum et si supplicet, cogit: sed amicitia sic precatur, ut æquanimiter nutum favoris habeat & repulsam. Amicus enim animi custos dicitur, non inceptor: pacis portitor, non rancoris: non gravaminis ministrus, sed gratiæ. Dignationi vestre preces portexim⁹ pro R. marescallo. Si obsequium ejus utile judicatis,

& in beneplacito vestro sedet, cum in vestro satellitio detinere, gratias agimus pro benevolentia. Si aliter iudicatis, nos contraria non rogamus, nec contrahere volumus vestre voluntatis offensam, cui benevolentiam debemus & gratiam. Valete.

Epistola 19. Ad F. Remensis Ecclesie Decanum.

Rogat ut lateri conferatur beneficium scholare.

Dilecto dilectori suo, magistro F. Remensis Ecclesie venerabili Decano, F. Phil. modicum id quod est. Cedere non debet in vacuum, vel inaniter fundi fidelis intercessio, quæ ab amico dirigitur ad amicum. Maxime autem sunt validæ preces, quas format pietas, ornat iustitia, gratia comitatur. Pium est, pauperi subuenire: diligenti sapientiam justum est suffragari: qui quaerit gratiam amico mediante, excludi non debet à gratia. Hæc tria in presentium latore conueniunt. Exilem habet substantiam, profectum diligenti proposito constanter insequitur, bonorum gratiam reuerenter exquirat. Dilectam in Christo nobis mansuetudinem vestram, quantum possumus precum instantia, suppliciter imploramus, ut amor Dei & nostri vestra benignitas cum à sinu misericordie non excludat, sed indulto sibi scholarium beneficio, studendi aptius & docendi alios tribuat facultatem. Adolescens est bonarum artium & partium ciuis: scribere & obsequi bonis studiis gerens, & propensa voluntatis affectum. Benignus animus bona quaerenti debet, cum gratia subuenit: & amico pulsati non debet claudere janua pietatis. Bene valete semper in Domino, carissime Domine.

Epistola 20. Ad L. Sancti Gilesti Abbatem.

Orat, ut in gratiam suscipiat Religiosum, qui ab

Dilecto in Christo Patri L. Dei gratia S. Gilesti reuerendo Abbati F. Philip. modicum id quod est. Sicut rebellibus & superbis iure debetur poena: sic pacis aditus & viscera pietatis non sunt, humilibus & patam quærentibus obferenda. In spiritu humilitatis & animo conuerso, licet secundum reuerentiam ad vos F. Vualtherum lateri presentium cum respectu suo Ger. pacis & pacis quærentem, omni tempore diuersus operum, sicut affert, ut in honorem Dei & Monasterij profectum & personam vestre reuerentiam seruicium & honorem, tota vita ejus deinceps & conuersatio conuertatur. Nouit dilectionis vestre licet inscius, quod non primordie de finis iudicantis sed quod posterius est, idat sententiam de prioris Paulus male incepit, consummatio fide & gloria coronatur. Laus laudatur initia, sed finis proditiōe damnauit. Romanus errasse Galileam, & satisfacere quæ-

Posteriora spectanda, potius quam priora.

rit humiliter, veniam promeretur. Verumtamen electum catholicæ prædecessorem vestrum Leonem fideliter secutus est, & usque ad conformationem vite stabili profectum instanti & diligenti opera famulatus. Suspecta vobis est forsitan hominis angusta solertia, vel machinationis cuiuspiam contra vos maligna peruerfiras, iuxta verbum Sapientis, Omnis est ab amore tollenda suspicio, quia ab inquietudinis motu suspiciosus animus non quiescit: sicut in Iob

Bb

legitur. *Sonitus terroris in auribus ejus.* Absit hoc ab anima sapientis, ab anima quærentis Deum, ab anima in domo Dei fideliter militantis. Rogamus igitur dilectam nobis in Christo sinceritatem vestram, ut humiliter reuertentibus misericordie porta pandatur: & quanti sumus apud vos, declaret munus pacis, & impetrata clementia. Bene valete.

Hactenus Epistola Philippi de Eleemosyna, secundum exemplar Claravallense. Quæ sequuntur ex Dunensi sumptæ sunt.

Epist. 12. Philip. de Eleemosyna, in Dunensi exemplari. Ad Abbatem S. Michaëlis.

Rogat, ut villicum in gratiam recipiat.

Misereri nos decet ad imitationem Dei.

Dilecto in Christo Patri, Amico, & Domino B. Dei gratia S. Michaëlis Abbati F. Phil. de Eleemosyna, salutem & sinceram dilectionis obsequium. Ad suum referri debent universi principium, & originis suæ similitudinem convenienter in omnibus exhibere. Pater est misericordiarum, & totius consolationis Deus, qui nos ministerij sui facit esse participes, & miserationum suarum præbet imitabilem nobis, & vilem prærogat abundantiam. Cui cum sit proprium misereri semper & parcere, nos qui vicem ejus in terris obtinemus, misericordiam debemus super exaltare iudicio, & gratiam in his qui voluntarie se & suam misericordiam vestræ subiacere non sunt aduersati. Sicut enim contumacibus ultio jure est inferenda: sic est humilibus gratia conferenda. Non est sinu misericordiae separandus, qui ad illum in spe remissionis pia humilitate confugit. Inde est, quod benevolentiam vestram supplicamus, ut pro amore Dei & nostro, fratrem Prioris Fusiensis pia subventionem relevare dignemini: ut villicationis suæ statum, quem in manu misericordiae vestræ deposuit, assentiatis misericorditer reparare. Quem si apud vos rumor ex incertis collectis accendat, vel suspicio malitiæ comas inflammat, vel invidia damnabilis zelus ardenser insinuat: debet tamen pietas excusare, & sapientia examinare consilia, & non cito ad falsa facili credulitate delabi. Porro, cum scriptum sit, quia,

Hebr. 6.

omnis controversia facta est sacramentum, & ipse vobis illud præbet ad innocentiam signum, inter vestram & ipsius conscientiam debet assidere medijs radijs charitatis: qui inter Prælatum & subditum novum copulet gratia nodum, dum vos exonerat, & illum plenius obligat suscepta remissio. Cum enim Dominus dicat, Si sermo vester, est, est, non, non: quod autem abundantius est, a malo est, non jurantis, sed non credentis argui videtur intentio: cum illo qui juramentum parat, suam purgationem operetur, ille indignationem fouere, ita satisfacere videatur. Honestius ergo est vacare Christi, & vilius, misericorditer indulgere, quam pertinaciter exigere sacramentum: quia de indulgentia merces attingitur, & de perfectione transgreditur. Rogamus igitur, & obsecramus, humilitate qua possumus, ut plenam ei indulgentiam faciatis, & de restitutione villicationis, & de indulgentia sacramenti. Parati erimus cum gratiarum actione rependere vicem, si tempus occurrerit, & vestra nobis dignatio injungere voluerit.

Iac. 5.

Indulgentiam facite, & de perfectione transgreditur.

Honestius ergo est vacare Christi, & vilius, misericorditer indulgere, quam pertinaciter exigere sacramentum.

Epistola. 14. Ad Abbatem Elnonensem. In Dunensi exemplari.

Paratum se dicit ejus voluntati obsequi, sed cum hiemis asperitas abierit.

Dilecto in Christo Patri I. Dei gratia venerando Elnonenis Monasterij Abbati, F. Philippus modicum id quod est. Non longè causa dissidet ab effectu, ubi & liberè voluntas imperat, & facultas obedienter obsequitur, quod votum postulantis expectat. Ad obsequium vestrum me & familiaris excitat favor, quo per sonam vestram sincero complector affectu, & antiquæ dilectionis specialis gratia cohortatur, qua locum, cui Deo auctore præsidetis, non quidem singulariter, sed præ cæteris diligo & veneror. Vnum inde est, quod charitati vestræ significo, quod ad vestrum sum paratus arbitrium, si quod mandatis, facere disponitis, sed cum perfectioni resistat brumalis asperitas, scilicet mihi videretur, & aptius, differre quod intenditis, donec hiemalis rigor ascendente sole mitius intepescat, & dierum cursus productior sit, & commodior ad viandum. Ego autem iterum ubicumque expedire nouero, pro vobis ero sollicitus. Si autem vobis aliter placet, recurrente nuntio, perdocete, quod facere me velitis: paratus sum enim sequi vestræ demandationis edictum.

Epist. 15. In Dunensi exemplari, Ad eundem.

Offert obsequium suum eidem Abbati.

Torquentes affectus proposita mouer occasio, & jacentes erigit in profectum. Profectus est amicitia, manens inter amicos nexus individuus animorum, & ministra jucunditatis altrinsecus deuota memoria, deuotionis & obsequij vestri cura. Personam vestram vnit cordi meo jugis aspectus: & status vester semper contubernalis meus est, & incola pectoris mei. Occasione igitur sumpta per præsentiam latæris præsentium, scribere dignum duxi charitati vestræ, ut & continentia nostra vobis innotesceret, & siquid esset apud nos quod pro vobis nostra opera indigeret, transmissæ relationis patet indicio. Nos enim corde bono & animo volenti, sicut decet & dignum est, ad obsequium vestrum parati sumus, & promptum voluntati vestræ spondemus officium. Dominum Priorem sanctumque conuentum ore vestro & spiritu nostro salutamus.

Hæc etiam in Fusiensi codice est duodecima.

Sequuntur alia Epistola eidem Philip. Abbati de Eleemosyna in codice manuscripto Fusiensi ascripta: quæ Claravallensi desunt, & Dunensi. Sed prima, quæ in illo Fusiensi codice est septima, & secunda, quæ in eodem codice est 12. non sunt foras nostræ Philippi, ut jam supra monui.

Epistola 7. Phil. Abbatis de Eleemosyna, secundum prædictum exemplar Fusiense.

Ad fratrem Antonium. Congratulatur cuidam Nouitio Canobij Bona-spei Ord. Premonstratensis.

Benedicta gloria Domini de loco suo, quæ Blocum tibi præparauit in Bona-spei, ut factus filius Bona-spei, de spe transferaris ad speciem, & aggregatus filijs regni, de claritate visitationis in agnitionis claritatem transformeris, tamquam a Domini spiritu. Spiritus enim Domini, qui replet orbem terrarum, qui solus omnia co-

tinere, & scientiam habet vocis, aqua purificationis replet mentem tuam, pedes tuos cohibuit à vanitatis accessu, & cōtinet in amore iustitiæ. De scientia vocis dedit confessionem seruo suo, ut excelsus in verbo gloriæ glorifices Deum & Patrem Domini nostri Iesu Christi in beneficio vocationis suæ, qui te vocauit in admirabile lumen suum; & de peccatorum tenebris in splendore æterni gratiam reformauit. Magnificat super hoc anima mea Dominum; & exultauit spiritus meus in Deo salutari meo: quia amicus meus mortuus fuerat, & reuixit; perierat, & inuentus est. Nunc primum fateor esse te meum germanum; quia amor Dei fecit te esse contemptorem mundalium nundinarum. Confortare igitur, & esto robustus: loquere, quod loqueris; operare, quod operaris; ut multipliceris in senecta & misericordia vberi; & misericordiam vberem tribuat tibi misericordiarum pater, & Deus totius consolationis: qui sperantes in se non despicit seruos suos, quos in præfenti sanctificat, & glorificat in futuro. De reliquo, de sacerdote super quo me rogasti, sollicitus ero, cum ad me venerit, & indicauerit, quis ille sit, qui taliter eum nititur fatigare.

Epistola 8. In prædicto exemplari Fufniacensi.
Ad Priorem Cistercij.

Videtur scripta nomine alicuius Conuentus, mittentis Monachū in Liguriā, ut inde defuncti sui Abbatis corpus deferat in propria domū.

Allegatione valida nititur, qui apud ministrum charitatis pietatis repræsentat obsequium. Fidelium corpora sunt instrumenta iustitiæ, & honore prosequenda, non solum dum vivunt; sed etiam cum spiritu fuerint orbata vitali. Inde est, quod Ioseph patrē suum ab Ægypto in terram Chanaan sepeliendum deportare curauit: & ad terram promissionis ossa Ioseph filij Israël detulerunt. Sanctorum vestigijs inhaerentes, ducente nos spiritu pietatis, Patris nostri R. Abbatis glebam ad nos à Liguria deferre disponimus: ut in domo de qua bene meruit, ius sepulchri per Dei gratiam sortiatur. Deputatus est ad hoc communis filius Frater T. & ad vos hac consideratione dirigitur, ut paternæ benedictionis firmatus accessu, translationis huius ministerium securius & attentius aggrediatur & impleat.

Epistola 10. In prædicto Fufniacensi codice.
Ad Henricum Archiepiscopū Remenfē.

Gratulatur, tantum Pontificem, qui & frater Regis erat, sui memorem esse, & Epistolis se ab illo honorari.

Devotionem germinat, & gratiæ subministrat fomitem, subditorū parvitati dignitatis impenfa dignatio. Sol firmamenti gratia, mundi lumen, vniuersitatis oculus, cacumina montium sic illustrat, ut splendore suo conuexa vallium non defraudet. Sicut ille admirabilis oriens ex alto, Dominus omnium, diues in omnes qui inuocant eum, solus inter Angelicos ordines, & inter beatorum spirituum fideles excubias in omnipotentatu suo sic fulgore luminis gloriatur, ut humanæ fortis non detrectet angustias, ut consors factus & generis, & dignitatis suæ gloriā generi conferat & naturæ. Felix imitatio, quæ se tanto subijcit exemplari: quæ

formosam concipit & parit imaginem de similitudine conditoris. Sic Dominus meus, verus Domini characteris imitator & custos, inter Ecclesiasticæ dispositionis arcana consilia, inter aulicos motus & subtilium condensa curiarum, inter familiaris prouidentie non vulgaria secreta, pauperis sui memoriam non abjicit: sed venerationis plenos & bajulos apices cum inquisitione sedula delegauit: qua parvitatē nostræ latebras visitaret. Visitatis animus paginali patefcit alloquio; & mentis affectum muti apices plenius eloquuntur. Quod autem præsentiam vestram nobis inuider ad præfens negotiorum fecunda progenies, quæ Regni pariter & vestris occupationibus indulgetur, commonemus animum, vota protrahimus, suspendimus desideria; nomen vestrum & memoriale vestrum in desiderio animæ sustinentes: cujus vultum tãquam vultum Angeli desiderantissimè videmus. De statu nostro plenius scripsissemus, nisi præfens adesset, à quo perferari & scire potestis certius vniuersa, filium vestrum An. loquor, quem vobis commendabilem faciat, & obsequij sic fidelis occursus, & nostræ parvitatē adnexa precatio.

Epistola 11. In eodem exemplari. Ad quendam adolescentem.

Hortatur illum exequi conceptū Religiosæ vitæ amplectenda propositum.

Bonum est homini, cum portauerit iugum ab adolescentia sua. Iugum enim Domini suauiter est, & in odorem suauitatis germinare facit subiectibilem illi. Iugo Domini vita corrigitur, ornantur mores, opera diriguntur, propagatur sapientia, comparatur æternitatis accessus. Quid prodest homini, si vniuersum mundum lucretur, animæ suæ faciat detrimentum? Detrimentum animæ est mundi amor, quæ qui mente conceperit, & affectuosius voluerit inhaerere, parit sibi diuinitatis offensam, & propositum sanctitatis excedit. Qui enim vult esse amicus huius mundi, inimicus Dei constituetur: nec in eodem possunt domicilio cōmorari diuinus amor & mundanus, nulloque sibi possunt glutino copulari. Clamat in Euangelio veritas. *Nemo potest duobus dominis seruire.* Non est conuentio luci ad tenebras, nec potest impietas iustitiæ sociari. Seruire Deo regnare est, seruire mundo peccatum est. Elige tibi, quæ volueris. Dilectio Dei vita æterna est: dilectio mundi perpetuæ mortis ingressus. *Bonum est homini intrare ad vitam debilem vel claudum, quàm duos pedes habentem mitti in gehennam ignis.* Memento ergo verbi tui, quod non homini seruo Dei, sed Deo tuo promissisti, & dilectori tuo salutis tuæ spem gratissimam dedisti. Accede ergo carissime, & quod in manibus Domini promissisti, sic in corde tuo germinet, ut à corde Domini non recedat, sed fiat tibi fons gratiæ salientis in vitam æternam: & in die retributionis de fructu operum tuorum satietur & viuat anima tua.

Epist. 13. In eodem exemplari. Ad Abbatem de Valle-Dei (Ord. Præmonstratensis.)

Describit amorem amicitie, ac dirigit ad eum Supriorem suum.

DE figmentis plerumque seria colliguntur, & in ænigmate loquitur fabula veritatem. Iuxta commentitios veterum ritus, sicut puer,

Dominum suum Archiepiscopū intelligit.

Thren. 3.

Iugum Religionis hic intelligitur.

Iac. 4.

Matt. 6.

Matthi 8.

Sanctorum corpora morina honoranda. Genes. 50. Exod. 13.

Sol summa & infima illustrat.

Deus homines ut Angelos honorat.

Andria
pistura.

Epistola Philippi Abbatis de Eleemofyna.

Ita amor imberbis pingitur & pennatus. Puer, quia senio non marcescit: imberbis, quia simulatione non tegitur: pennatus, quia pervolat in remotos. Sic amicitiae sinceritatem non exterminat prolixitas temporum, nec lanugo falsitatis obnubili: & ad longè positos affectionis pie penna transducit. Terrarum situs & maris interfectio corpora quidem separat, animos non bipertit: quia vnus semper ab initio spiritus in nobis fuit, & vna fides: & gratia de radice pululans charitatis. Hanc nec locorum intercapedine, nec longo marium tractu, nec rerum mutatione vel operum mutauit obductio, turbauit offensa, minuit difficultas. Et quoniam debent amicorum omnia esse communia, quod nostrum est, in vinas vestrae charitatis infundo, Supptiorem nostrum loquor, cuius apud nos portio magna requiescit. Meretur ipse diligere meretur & frater ejus, qui vobiscum est: & nos petimus, vt aliquid reuerentiae & dilectionis accrescat, & amicitiae nostrae respectu, & fraterni dilectione confortij. Non repentinum ejus ad vos aduentum vestra miretur sinceritas: quoniam diuturna importunitas, & obnixae amicorum preces, non leuitatis excursus, ad vos quasi necessario compulit transmittere.

Epist. 22. in eodem codice. Ad tres Abbates.

Rogat tempore afflictionis suscipi ab illis aliquos ex suis Religiosis.

Tribulatio & angustia inuenerunt nos, & multiplicata sunt mala in terra, & intrauerunt aquae vsque ad animam. Graui vrgetur dolore, cuius disperguntur viscera super terram: cuius dulcedo transit in amaritudinem: cuius in desolationem confilia transferuntur. Lugubris est patris affectus, cum separatur a filiis: nec supra dolorem istum dolor est alius, cum aliena virgente malitia rapitur a canibus alimonia filiorum: & eleemofynae Christi pauperibus denegantur pra inopia. Oportet nos, quod sine dolore non dicimus, filios nostros ad fraterna transmittere subsidia, & in hoc tempore vestro beneficio sustentari. Rogamus igitur charitatem vestram in spiritu humilitatis & animo contrito, vt in hac tribulatione nostra pium nobis exhibeatis affectum; & paterno animo in visceribus charitatis filios nostros, imò & vestros, quātos vobis placuerit, cum ad vos miserimus, benignè suscipere, velitis. Quodcumque placuerit vobis, nobis rescribite.

Epist. 26. in eodem exemplari. Ad Episcopum Cameracensem.

Congratulatur ei de obtento Pontificatu.

Auditui nostro dedit Deus gaudium & laetitiam de reditu vestro: dilatarum est cor meum, & lingua mea cum gratiarum actione vocem laudis caelesti dependit arbitrio. Cum enim sit amicitia singulare vinculum societatis humanae, & nihil inter homines celebretur hujus muneris perfectione iucundius: non immerito gratulor, si amicus meus super cedros Libani plantatus, inter seniorum cathedras obtinet principatum. Ante me factus est, qui post me non erat, & Pontificalis gratiae sortitur initia, electionis canonicae fauente concordia, Imperatoriae maiestatis assensu. Gratia multiplex gratia-

rum omnium largitori, qui prosperum fecit in benedictione dulcedinis iter vestrum: qui ad propria reduxit incolumem: & amicorum desiderijs pietatis suae remedia non negauit. Ipsi cum humili deuotione supplicamus, vt lata principia sine claudat optabili; & inter electos regni sui principes, electionis vestrae faciat finem consummari. Quod si aliquid in faeultate nostra est, in quo dignationi vestrae possumus assistere, in arbitrio vestro est, efficere quid velis: nostrum est pro viribus nostris implere vestrae iussionis edictum.

Epistola Domini Henrici Claravallensis quondam Abbatis, post Cardinalis Albanensis Episcopi.

Epistola I. Ad Papam Alexandrum tertium

Missus ad predicandum bellum sacrum, nuntiat Henricum Campaniae Comitē crucem assumplisse, commendatque Pontifici terram seu Principatum ipsius.

VT in gaudio & exultatione metaris, quod pia sollicitudine seminastis, ad notitiam vestram, Pater sancte, deferimus, quod cura, quam nobis Apostolica delegauit auctoritas, suauis in aliquibus & acceptabiles Deo fructus, fidei vestrae merito parturuit, ita vt & nos delectet executio boni operis, & vos cepe poenitere non debeat vtilis & saluberrimae iussionis. Illustri namque comes Henricus, noster specialissimus Princeps, & Dominus terrae peregrinationis nostrae, compunctus & inspiratus a Domino, vexilla salutis primus arripuit, & dignum Domino spontaneae oblationis offerens sacrificium, ad emulationem pii muneris ducere ceteris praestitit pietatis. Iam in hortulo cordis ejus germina lata repullulant. Iam futurae fertilitatis ipsius aprica viriditas hilarescit: ita vt sentientes in eo fragrantiam spei bonae exultemus & laetemur in ipso, tamquam in odore agri pleni, cui benedixit Dominus. Nuper enim circa Dominici Natalis proxima sacramenta de manu Legati vestri viuifica crucis signum pia deuotione suscipiens, publice solemnitatis gaudium inopinatae laetitiae festiuitate prauehit: vt de ipso quoque merito resonaret, *Gloria in excelsis Deo, & in terra pax hominibus bonae voluntatis.* Ecce igitur pro eo coram vobis affectuosissimae deuotionis preces prona humilitate prosternimus: rogantes, vt terram suam, quam patrocinio vestro ex fiducia multa commisit, meminertis, prout decet, Apostolici praesidij tuitione vallandam: quatinus quisquis in eam aliquid fuerit in absentia principis machinatus incommodum, indignationem vestram se non dubitet incursum. Nulli etenim iustius diligentia sacri Apostolatus impenditur, quam ei, qui tollens crucem suam, per tot maris terraeque discrimina crucis Dominum imitatur.

Claravallis
in Campaniae
Provincia
sitae est.

Epistola 2. Ad Abbatem Buscalonem.

Optat Buscalonem venire Claramvallens, & rogat ut occurrat ei Alacumbā, ubi Henricus Abbas fuerat.

ECce ego ad ostium cordis vestri pertinax amator inuigilo, clamans literis, precibus

inquietans, ut animus ille vester vel importunitate victus assurgat, & pessulum nobis abdite voluntatis aperiat. Credimus enim quod illa prompta est ex virtute, licet retardetur ex obice: & gestit inuenire quod prodeat, si renitentis obstaculi durities non obsistat. Quid autem sibi velit, quod sæpe scribens vobis, vestra nec semel rescripta promerui, non aduerto: nisi quod admodum vereor, ne vobis memoria nostri prorsus exciderit, dum affectui nostro quærenti quem diligit, dilecti saltem litera non recurrit. Ego autem impatiens moræ moras vestras silentiūq; dissimulo, blandiens utique mihi; ne fortè qui hæc interim vota suspenditis, recompensationis optimæ compendia procuretis. Quidquid autem illud sit, quod me, dū vos retardatis, excruciat, noster interim nec dormitat animus, nec tepescit affectus, quærens quem diligit anima mea: ut tenens teneam nec dimittam illum, donec introducam vos in domum matris meæ, & in cubiculum genitricis meæ. Tunc videbit dilectus meus & affluet, & mirabitur, & dilatabitur cor illius: cum egredietur ad eum in filiis suis gaudens & exiliens Claravallis, & obuiabit illi quasi mater honorificata. Tunc & mihi forsitan insultabit, ut dicat, *Iam non propter tuam loquelam credimus*: quia sicut audiuius, ita & vidimus. Vidimus & cognouimus eam, de qua Patres nostri annuntiauerunt nobis. Resuscitate igitur nunc tandem gratiam quam habetis in vobis, ne sepeliatur in vno angulo montium, quod datum est vobis in acquisitione Gentium & multitudinis populorum. Veniet, qui talentorum suorum lucra requirat, exacturus nimirum exinde rationem, si sub defosso cespite Bulcolonis otiosam repererit pretiosi muneris quantitatem. Si qua igitur in vobis viscera pietatis, si qua societas spiritus, si qua laus disciplinæ, occurrere mihi in Altacumba, cum venero, ut vel ibi pandatur secretariū mentis, quæ tantæ obrepuit lentitudine tarditatis,

Epistola 3. Ad Papam Alexandrum.

Orat Papam ne Tolosane Ecclesie Pontifex constitutur.

DOCTORIS Gentium probat autoritas, & nostra jugiter infirmitas experitur, quod *nemo scit hominum, quæ sunt in homine, nisi spiritus hominis, qui in eo est.* Verum & hic ipse ad sua ipsius intima dignoscenda caligat, nisi hic ab alio spiritu adjutus intelligat, illo utique, de quo Apostolus ait. *Spiritus adiuvat infirmitatem nostram.* Ille namque solus cum omnia scrutetur, etiam profunda Dei, ille inquam solus, occulta humani cordis intelligit, & vires ac potentias singulorum singulari & propria virtute discernit. Quod ideo dictum sit, amantissime Pater, ut nulli de me credatis, quod supra me esse, meus ipse mihi spiritus attestatur, domesticus utique propriæ insufficientiæ perscrutator; & nec mearum virium nescius, nec debilis imbecillitatis ignarus. Scitote itaque Pater, & credite, quod si quid in me gratiæ vel virtutis aut est aliquatenus, aut esse conicitur, illorum penitus meritis est attributum, quibus in lege Domini conseruandis indigna me fateor prælatione submissum. Eorum debetur commodis omne quod possum, eorum deputabitur vsibus quod accepi; quibus siquid exinde qualibet subreptione fraudauero, timeo, ne quod illis pro

parte surripitur, mihi dignius ex asse tollatur. Multò proinde melius mihi, multò securius, apud illos jugiter munia impositæ seruitutis implete, quam cum eo quod illorum est, de gente in gentem vaga mutatione transcurrere. Quādo verò idoneus fierem regere gentes indomitas, & diuinæ legis ignaras, qui nec illis etiam administrare sufficio, qui plus mihi ex disciplina conferunt, quam à me recipiant per doctrinā? Et isti quidem per semitas iustitiæ celeri curretes incessu, sponte feruntur ad vias vitæ: illi verò pactum fecere cum morte, & manibus & verbis accersierunt illam. Verū tamen & propter illos mori, pro vestra mihi erit iussio ne promptissimum, parato pro viribus meis ad omne, quod contra hæreses illius regionis injungatur, dum modo ab ea mihi quam somniat, Pontificis electione, parcatur. Rogo igitur, & per mansuetudinem nostri Redemptoris obtestor, ut quidquid vobis alij suggerant, qui consuetæ forsitan correptionis aculeos remouere longius à sua conuersatione festinant, ab his tamen quibus diuina videor ordinatione conjunctus, paternitas me vestra non separet, nec cogat me amplius ad sæculi hujus alta respicere, qui elegi ab olim in domo Domini humilibus consentire. Inueniam, quæso, misericordiam in oculis vestris, ne ab accessu Concilij hujus timoris occasione retarder, ut possim vobis tamquam vicario Christi Iesu & summo speculatori turris David quædam singulariter comperta suggerere, quæ poterunt Deo propitio in vniuersitatis commodum redundare. Numquid tanti est, ad tribus solūmodo Tolosanas & fæces Vualconiz conuertendas intendere, ut negligentur alia multa, quæ potestis, si creditis, & debetis vsque ad extremum terræ, in salutem multarum Gentium prouidere? Ipsa quoque Tolosana Ecclesia, si non ei aliunde consulitur, graue interim dispendium sustinebit, dum ego, si me cogitis, fugiam quoad potero, etsi non effugiā manus vestras,

Hæresis Albigenisium.

Epistola 4. Ad eundem Papam Alexandrum.

Rogat Papam, ut latorem presentis Epistola dignetur Hibernis Pontificem concedere.

EST in Insula Hiberniæ vir vitæ venerabilis, fide Christianus & nomine, qui in populo illo barbaro & gente nouissima summo hætenus sacerdotio fungitur, & legationis insuper titulis insignitur. Nunc autem infirmitate confectus & senio quietis & vacationis vota concepit, fatiscens nimirum causatus ætatem; quippe qui videt exitū vitæ sibi pro foribus imminentem. Maturus igitur miles, & post varioq; triumphos legitimæ concertationis emeritus, præteritæ operationis hebdomadam sabbato quærit requietionis concludere, & spiritualibus tandē otij dedicare id quod est reliquum vitæ suæ. Facta igitur cessione Pontificij quod gerebat, ne gentem in qua hætenus laborauerat absque consolatione dimittat, virum venerabilem, scilicet latorem præsentium, ordinari sibi desiderat successorem, celebrata electione in ipsum à clero & populo & magnatibus terræ ejus. Vnde nos licet tales in obseruatijs Ordinis adiutores, nequaquam in Ecclesiasticis functionibus fieri cupiamus Antistites, adducimur tamen assensū nostrum præsentī negotio non negare, timentes utique illi barbaræ nationi, ne facile in eis na-

Hic agnosce plenitudinem potestatis Romani Pontificis.

Domū intelligit Claravallensē.

Ioan. 4.

1. Cor. 2.

Rom. 8.

Claravallis Monachos intelligit.

turalis feritas recrudescat, si in tepidioris segnitiei disciplina à spiritualium virorum feruore refrigeat. Quapropter si ita videtur & vobis, rogamus vt votis & desiderijs prædicti Pontificis tam in absolutione ejus, quam in ordinatione istius efficaciter annuatis. Quidquid autè agendum fuerit, scitote, quòd ei & viarum prolixitas & breuitas expensarum moras inhibet longiores.

Epistola 5. Ad Regem Anglorum.

Extollit Regē Angliæ tum, ob alia, tum quòd plūbo statuerat Clarevallis Ecclesiam operire, eamque ob causam mittit ei mensurā ejusdem Ecclesie.

Adie qua vobis Deo inspirante complacuit, vt ad redemptionem familiaritatis nostræ sinus sese Regiæ dignationis expanderet, & apex tanti culminis inclinaret, jugis & ininterpolata memoria vestri sedem nostri pectoris occupauit, quæ nos non patitur vel in amore vestro tepescere, vel à gloriæ vestræ prædicatione cessare. Testis est terra Vasconiz, & nobilis vrbs Tolosa, quam ex dispositione nuper vestræ magnanimitatis adiunimus, qualiter per os nostrum in omni oportunitate colloquij tam publici quam privati, magnifica virtus vestræ majestatis insonuit, & inter oppanfas quodammodo erroneæ turbæ caligines splendor vestræ tam fidei quam pietatis effulsit. Deinde cum jam rediissemus ad propria, ejusdem vestræ pietatis gratiam domesticis nostris relatu familiari deprompsimus: & Abbatibus è diuersis mundi partibus congregatis, cum solemnī quadam & festiua læticia regalis beneficentiæ nuntiauius largitatem. Inter cætera sanè, quæ de amplificatione & custodia Ordinis seruastis hætenus, & seruatis, curæ vobis fuit, non solum exhibita, sed & promissa referre, vt gratius accepta recolerent, cum potiora in reliquum ex gratuita pollicitatione sperarent. Specialiter illud amplissimum donum præconio excellentiore protulimus, quod Clarevallis nostræ in nostris manibus promissistis, vt videlicet plumbi lamina in operimentū oratorij nostri vestro munere contributa, deuotio quæ vobis in pectore flagrat, nobis super tecta resplendear. Hæc igitur acceptantibus vniuersis & dignas Deo gratias persoluentibus, habita deliberatione decreuimus oratorij nostri mensurā sine orationum mensura transmittere: orantes impensius & clamantes ad Dominum, vt pro decore domus suæ quam amplificatis in terris, restituat ipse vobis domum non manufactam æternam in cælis.

Epistola 6. Ad eundem Regem.

Ait in prima festiuitate S. Bernardi illius factam memoriam, & exoptatam fuisse presentiam: mittitque ei digitum S. Bernardi.

Celebratus est apud nos dies honorabilis & solemnus, noua festiuitate iucundus, & ampla iucunditate festiuis, vtpote quem nobis reueatio sacratissimi corporis beati Bernardi celeberrimum reddidit, & lumine clariore perfudit. O quam voluimus gaudijs illis plus vti que cælestibus quam terrenis, vestræ majestatis interesse præsentiam: quatenus & nobis de gloria principali decor tantæ festiuitatis excresteret, & vobis de meritis illustrissimi Confessoris miro

quodam irriguo vberioris benedictionis largitas emanaret. Verum, quia id nobis ampla distantia remotissimæ regionis inuidit, ad spirituale remedium vota transtulimus, fecimusque Deo propitio, quòd vestra ibi eris præsentia defuit, memoria non vacauit. Solemniter etenim nomen vestrum cum suæ pictatis insignibus, vestrorum, vt oportuit, & affectionibus fratrum, & cordibus impressimus filiorum: qui ampla illud deuotione susceptum, aspectui quodammodo sancti Patris offerrent, & cælestis aulae secretario præsentarent. Præterea ne absentia corporalis occasio regias apothecas inuenti muneris participatione fraudaret, mittimus vobis de thesauro reliquiarum ejus honorabilem portionem: indignum penitus reputantes, si pietas tanti principis tantæ sanctitatis participio fraudaretur. Suscipite igitur digitum sacræ illius manus: quam pro eo quod vir iustus ab omni munere terreni quæstus excussit, Deus eam, vt dignum fuit, affluentissima copia cælestis benedictionis impleuit. Illius inquam manus, cuius tactus sanabat ægros, roborabat inualidos, firmabat homines, dæmones effugabat. Illius manus, quæ Clarevallis nostræ, cui vos dare tecta disponitis, primum iniecit lapidem fundamentis. Fuit autem studij nostri diligenter in vasculo consignare quod mittitur, ne vel thesaurus ibi reconditus per frequentes apertiones iniuriæ pateat, vel deuotæ surreptionis instinctu dolus aliquis piz fraudis irrepāt.

Reliquie Sanctorum.

Epistola 7. Quæ est Dñi Cisterciensis ad eundē Henricū & Morimundi Abbatem.

Henricus & Abbas Morimundi deputantur à D. Cisterciensi ad visitandum Cenobiū de Colūba.

Contentiones & rixæ, quas in Monasterio de Columba furor mali desiderij suscitauit, ad nostram nostrorumque peruenere notitiam, diro nos admodū vulnere percellentes; tam pro dispensatione domus ipsius, cui graue subinde periculum imminet, quam violata nostri Ordinis honestate, quæ in omnibus professoribus suis pestem familiaris dissidij & domesticæ simultatis abhorret. Volentes igitur huic tanto malo competens accelerari remedium: sollicitudini vestræ injungimus & mandamus, quatenus ambo pariter accedatis ad locū, & vices nostras in visitatione exactissima diligentia suppleatis, ita quidem, vt in præsentia I. Abbatis super rebelles & inobedientes domus ipsius suam cuiusque primitus malitiam visitetis, dignam pro modo culpæ exercentes in singulos vltionem, qua & vos ipsos zelus Ordinis commendabiles faciat, & temeraria peruersitas superbiorū cōtra Ordinis stimulum inutiliter calcitrare dediscat. Specialiter autem in Priorem domus ipsius, qui contra Patris imperium retinere non est veritus prioratum, depositionis sententia principaliter exeratur: quia non est dignus præesse cæteris, qui se contumaciter arbitrio subtraxit Abbatis. Quia verò etiam Abbatem ipsum considerata hominis qualitate debere iudicamus absolui, volumus vt eum ambo pariter seorsum quidem & sollicitè moneatis, vt in capitulo suo corā vobis humiliter petat ab officio quod bajulat missionem: & quasi sua vos importunitate deuincat, quo violentia quadam remedium absolutionis obtineat.

Fides & pietas Regis laudata.

Sub Henrico Abbate S. Bernardi in Sanctorum numerum receptus est.

Epistola 8. Ad Conuentum Saviniacensem.

Hortatur Saviniacenses ad frugalitatem, ob praesentem, ut apparet, domus eorum inopiā.

Benedictus Deus & pater luminum, à quo bona cuncta proueniunt, qui patri vestro Domino Abbati W. plenam contulit & in obtemperando fidem; & in operando virtutem: ita ut paterno studio sollicitus sit pro vobis, satagens omnimodis & laborans, qualiter domus vestra consueto ampliùs incommodo non laboret. Induit eum Dominus virtute exalto, & roborauit fortitudine manum ejus, ita ut dum praeterita cum praesentibus aestimamus, apertè nobis detur intelligi, humanæ pusillanimitatis fuisse, quoddam timuit: sed superni esse muneris; quoddam in opere conualefcit. Rogamus proinde vos, & tamquam filios carissimos admonemus, quatenus manum ejus orationis & obedientiae subsidio fulciatis; currentes & ipsi post eum in odore virtutis suae, & vestigia ejus gressu pacifico prosequentes. Facite, ut complacere sibi in vobis anima ejus, & delectetur in vestris actibus cor illius: quia tunc facilè dilucescit nebulositas teporis, si aspiret in nobis serenitas charitatis. Porro si opus fuerit, ut aliquid vobis in quotidianis etiam stipendijs restringatur, nolite protinus exacerbare spiritum viri Dei, prodiminutæ stipis impendio murmurantes, sed ipsi eum potiùs importuna oblatione frugalitatis monasticae praeruenite: quæ numquam satis ad professionis suae culmen attollitur, nisi cum vniuersis superfluitatibus amputatis, intra necessitatis extremæ limites coercetur. Illa verò fraternitas profectibus spiritualibus militat, quæ cōmodi communis intuitu in ijs etiam quæ necessaria videbantur, noxios appetitus propriæ voluntatis abjurat. Quod nunc maximè vobis æmulandum est & agendum: quando nihil aliud hac discretionem quaeritur, nisi ut domus vestra vobis posthac in vsu vberes ampliatur.

Frugalitas Monastica quanta esse debeat.

Epistola 9. Ad Alexandrum Papam.

Expostulat de Dolensibus Monachis, qui armata manu decimas extorserant à Monachis Domus Dei Ord. Cisterc. & quosdam etiā vulnerauerāt.

In immensum extollitur impunita temeritas, & licentia quæ juris ratione non cogitur, iustis semper rationibus obluatur. Probat hoc Dolensium Monachorū granditer efferata praesumptio, qui in agrum fratrum de Domo Dei praeteritis messionibus irruentes, rapinam frugibus, injuriam fratribus intulerūt, nulla prorsus admonitione praemissa, ut siquid eis decimationis jure competeret, pacificè ad ipsos aut judiciali ordine peruenisset. Hi verò armis potiùs confisi quàm legibus, ad illos laboriosos fratres, qui sub pondere dici & æstus lætabantur coram Domino, sicut qui in messe, in armorum strepitu violenter intrauerunt, potiti nimirum periculosa lætitia, qua exultant raptores capta præda quando diuidunt spolia. Quidam namq; eorum violentas manus in Conuersos & Monachos iniecerunt, & illas sacras dexteras, quas decimarum sacrilegio venerant prophanare, fuso pauperum sanguine polluerunt. Et vos quid ad hæc, beatissime pater, quid ad hæc? Poteritne praesidentibus vobis manere incorruptū in Monachis, quod sacri canones acerrimè puniunt in

Cænobium Domus Dei Ordinis Cisterci.

tyrannis? Poteritne & illis in exigendis his decimis iustitia vlla competere, qui iustitiam & iudicium cruento præjudicio non sunt veriti prouenire? Verum & antea super his nullam habebant omnino iustitiam, quippe qui olim pro eis idonea commutatione recepta diuturnum haberent pro hac decimatione concābium literis traditum, & fundatoris domus subscriptione signatum. Rogamus igitur clementiae vestrae celeberrimam pietatem, quatenus eam super hoc promat in maleficos ultionem, quoddam fratres nostros nulla vltiori decimæ hujus exactione lacestant, & contra inermes animas arma denuo sumere non praesumant.

Epistola 10. Ad eundem Alexandrum Papam.

Queritur, decreta ejus pro quadam domo Ordinis Speri à Diuionensi Abbate, & rogat, ut aggraret manum suam in contumacem.

Ambiguitatis & diffidentiae materia panditur, si Ecclesia quæ mater est fidei, in suis institutionibus contemnatur. Desinat Roma vel promulgare quod statuit, si decretis ipsius impune contraire licuerit. Meminimus autem pijsimè pater, & cum gratiarum actione recolimus, quoddam negotium domus parvulae de Morans tam diligenter & efficaciter promouistis; quoddam ad suum jam causa exitum deuenisset, si Diuionensis Abbatis nota proteruitas vestrae jussionis limites non exiret. Sed ecce inuentus est, qui perire magis eligat, quàm parcere, volens potiùs à functionibus separari diuinis, quàm in suis factionibus superari. Confidimus tamen in Domino, & in cōstantia virtutis vestrae, quoddam mentietur tandem iniquitas sibi; & cui aufert execrabilis cupidus consilium, jugis vexatio cōferet intellectum. Is autem jam terriò vestrae recepit literas jussionis, in quibus ei omnis appellatio tollitur, ut pauperulae illi domui juris sui prosecutio non tollatur. Iam per Lingonensem Episcopum sub interdicti sententia de iustitia vestra tenetur, dum non vult dimittere, quod per iniustitiam suam tenere conuincitur. Sed quid facimus? Non credit verbo signi prioris, nisi ad huc in manu valida grauioris plagæ verberari feriat. Date igitur pie pater, voci vestrae vocem virtutis, & facite adhuc nobiscum signū in bonum, ut erubescant rebelles, & increduli confundantur; & sciant pariter & intelligant, quàm periculosè & ad insipientiam sibi decretis Apostolicis reluctentur. Si qui autem ex eis cōspectui vestro se irreuerenter ingesserint, memineritis excommunicationis sententiæ cui succumbunt; ut non aliter, quàm vos deceat, vel admittantur à vobis vel dimittantur.

Abbas S. Benigni Diuionensis.

Interdictum Ecclesiasticum.

Epistola 11. Ad eundem Papam Alexandrum.

Vitia quadam Gallie deplorat, quæ extirpare adorsus sit Cardinalis S. Chrysogoni, ob id tempus reuertendi ei prorogari precatur.

Inter cætera mala, quibus in partibus Gallianis antiquus Ecclesiae decor obfoudit, pudicitiae lapsus, & fidei deploramus excidium: videntes, quoddam diebus his malis & casta simplicitas piæ credulitatis excluditur, & candida simplicium castitas influentibus vndique flagitijs inquinatur. Vnum verò superest contra prodigia funesta remediū, ut rigor Apostolicæ disci-

Bb iiij

*Albigensis
heresis no-
tatur ex
parte.*

*Cardinalis
à mun-
eribus ab-
horrens.*

plurimæ non torpeat, & abundante malitia ceterorum Romanæ sedis charitas non frigescat. Hanc enim si spiritus ab austro veniens placidi fervoris æstu refoueat, totum corpus Ecclesiæ cœlesti protinus recalescet incendio, & noxii torporis excussa segnitie in sui vigoris gloriam membra languida conualescent. Attendat ergo interim de sublimi qua præminet specula, sancti tatis vestræ contemplationis obrutus, & tunicæ veri Ioseph sedula cogitatione perspiciat, videaturque, vtrum-ne illa sit, quam ei pater fecerat, tam inexpertam maculæ, quàm totius confessionis immunem. Maculatur hæc in partibus nostris & scinditur, eo quod duplici subiecta ludibrio, & nævo turpitudinis & ruga dehonestatur erroris. Bicipiti quodam fluvio & hæreses in eam & flagitia confluxerunt, ita ut cum sordeat in plurimis per immunditiam vitæ, scindatur in alijs laceratione perfidiæ. Surrexit enim de cineribus Sodomorum antiquæ libidinis vermis, qui post ignis pluvias imbrésque sulphureos de lacu damnationis emergens, fœtoris sui flatibus occiduas inficit regiones. Reuixit & Arrius in partibus occidentis, qui ab orientali iudicio in propria persona damnatus, nunc in successoribus suis fines ultimos occupavit. Foris occidit gladius, & domi mors similis est. Nam & hæretici in publico disputant contra fidem: & quod multi in occulto faciunt, & scribentis verecundiam, & legentis læderet honestatem. Sed quid dicimus in occulto? Peccatum suum sicut Sodoma prædicant, & velut in suburbanis Gomorræ conuiuias libidinū prouocant ad peccandum. Numquid super his non indignabitur zelus vester: aut impune peccabunt, & vos tacebitis? Tempus est, ut amicus sponsi sponsæ vlciscatur injurias: & gladius Phinees sacerdotis in incæstum Israëlitis & Madianitidis exeratur: Ecce in diebus vestris auctore Domino sedata sunt schismata: euge Pastor bone facite, ut & hæreses sopiantur. Habetis enim in partibus Gallicanis virum, sicut experti sumus, iustitiæ & veritatis amicum, Dominum P. Tituli Sancti Chrysogoni Cardinalem, qui in vna sola electione, me teste, quingentas marcas argenti strenuè refutauit: ne sub obtentu muneris à tramite diuerteret veritatis. In eo igitur plurimæ consolationis hausto remedio Deum glorificamus & Patrem: in eo magnificamus & vos, videntes quodd illustrium dignitatum gratia, quæ de vestræ plenitudinis fonte procedit, in tales confluit ex Apostolica discretione personas, quæ per vitæ meritum fastigia illustrare comprobantur honorum. Hinc vobis materia gaudij, hinc Ecclesiæ Dei solatij fomes exoritur: quodd tales assumitis in partem sollicitudinis, qui honorent in vobis plenitudinem potestatis. Probat iste quod diximus, vestrum in se non errasse iudiciū, dum eò se aptum exhibet ad pondus oneris, quodd minus deprehenditur ambitiosus honoris. Is est quem sublimat humilitas, frugalitas locupletat, qui cum sit nemini grauis, carus & utilis factus est vniuersis. Pugnat constanter ad bestias Ephesi, Simonem Petrum contra Simones magos induens, & leprosis Syriæ novum exhibens Eliseum, euellit & destruit, ædificat & plantat: ita de vinea Domini Sabaoth vulpeculas demolientes exterminat, ut de ipso quoque vestiario Salomonis tineas corroderentes excludat. Benedictus Deus, cui talem Ecclesia sua filium vobis

obstreticantibus parturivit, qui & Patris honoriconsonet, & à matris non degeneret honestate. Hunc itaque vobis contra prædictas pestes prolixiori temporum spatio petimus indulgeri, consentientibus plerisque de maioribus nostris in idipsum, ut citra exhibitam prædictorum vulnerum curam, non sit iste vir nostris regionibus subtrahendus, qui ob hoc maximè fuerat in partes etiam remotissimas destinandus: præsertim cum tetigerit Dominus hoc tempore corda Regum, qui pacis inter se fœdere confirmato, in nullo melius sanctiusque conueniunt, quàm ut induti lorica fidei hæreticam multitudinem persequantur. Verum, quia necesse est, ut iuxta Euangelij verbum sint gladij duo hic, dignum credimus & honorificum vobis, ut zelum secularium principum vestra quoque æmulatio committatur: ne pia eorum intentio sumat ex occasione defectum, si oportunitum non acceperit ex vestra cooperatione subsidium. Expedi igitur ut prædicto Cardinali congruas prorogantes inducias, detis ei specialiter in mandatis, ut contra hostes charitatis & fidei magnanimitè accingatur: maximè quia in pluribus regionibus usque aded jam exundauit iniquitas, quodd factus est sicut populus sic sacerdos; vel potius pestilentia gregum ex ipsa serpit contagione pastorum. Moras proinde hominis Dei, & indidit sibi reditus tarditatem consideratio tantæ necessitatis excuset: quia licet præsentia ejus vobis esset non immeritò grata: talis tamen absentia cunctis Deum timentibus efficitur gratiosa. Redibit ad vos, Deo propitio, temporis oportunitate suscepta, & spirituales afferet ex agro hujus mundi mandragoras, quæ jam & in portis nostris odorem spargunt, & vobis suauitatem plurimam in ipsius Rachelis inuidiam redolebunt. Persequatur interim, ut optime cœpit, peccatores Amalech, & de ciuitate Domini veteres exterminet Iebusæos: ut cum venerit ad vos, & pulsauerit, confestim aperiant ei, & intret in gaudium Domini sui magni.

*Duo gladij
Euangelij
qui sint.*

Epistola 12. Ad nigros Abbates Flandriæ.

Animos eorum commotos ob secessum Abbatis de Ham in aliquod Cænobium Ordinis Cisterci. placare conatur.

AD me ipsum anima mea turbata est, insitumæroris amaritudine contabescens, quodd vestros, ut dicitur, animos turbo aduersus nos grauis commotionis exagitat, & in profundo priorum cordium grandis infremuit spiritus procellarum. In primis igitur orandus est auster, ut veniat, qui indignationis ollam flante aquilone succensam mitioris auræ temperamento refrigeret, atque in thalamo Salomonis media cubiculi charitate consternens, in quietis tranquillæ planitiem sanctarum mentium redigat tempestatem. Ego autem, siquid modo est vel opere vel sermone commissum, in quo vestra sit vel exasperata benignitas, vel utilitas diminuta, nulla tuebor impudenti excusatione reatum, qui vestrum subeo spontanea satisfactioe iudicium. Maximè quia cum apud misericordes Iudices causa discernitur, non tam periculosum est soluere pœnæ debitum, quàm nequiter inficiari delictum. Proinde ad vos pertinet, ut æqua discretionis lance pondus libretis examinis, per quod & confitenti sit venia, & inno-

*Henrici
submissio.*

*Cisterciensis
Claravallis
mater Dia-
cesis est Ca-
bilonensis.*

cehti non imputetur offensa. Verum est illud, nec omnino diffiteor, quod in vestris me olim partibus commorante, ubi, quod cum gratiarum actione retentio, impensius sese mihi copia vestrae charitatis exposuit, contigit ut praesentiam nostram vir venerabilis G. Abbas de Ham gratia contrahende mecum familiaritatis inuiceret meque sibi, quod libenter annui, maturae dilectionis connexionem vinciret. Cumque circa spirituales profectus medius inter utrumque sermo discurreret, sui propositi referavit arcana, dicens se animo concepisse, ut in Ordinis nostri coloniam & ipse transiret, & alios, qui eum sequerentur, adduceret. Dehinc domum quoque obrulit quam regebat, ratus videlicet, non pleno sibi prospexisse consilio, nisi domum earenus gubernatam in eminentiam Ordinis ad quam ipse migraret, pari religiositate sustolleret. Hesi- fateor, & praeter considerationem difficultatis obstupui. Deinde eunctis obstaculis mente decursis curam prosequendi operis diffusi. Ad ultimum vero instantia mollitus Abbatis rem tota dubia dilatione suspendi. Praeterea Flandrensis Comitum quem Abbas pro negotio tam actitando quam non actitando vocauerat, & declinaui conspectum, & euitavi colloquium: ne forte hortatus accessu praeproperum aliquid & in posterum corrigendum, vel committerem improbitus. In omnibus his quid ego peccauerim, ipsi decernite: nisi forte, quod non statim ad vestra periculi primordia causa notitiam, ut cum vestro fuisset consilio per me ipsum prouide consummationem, quod postmodum per Abbatem G. praenoscitur temeritate praesumptum. Verum & in hoc mihi testis est Deus, neque per me factum esse, neque pro me, quod ipse domum illam temerarius occupauit, quam mox exoccupauit extinctus, ita ut si habeamus in eum, quod mouere possit ad iram, non desit tamen, quod in- flectat ad veniam. Maxime, quia leniter praenienda est culpa, quae de zelo religionis opus potuit suadere discriminis. Ei ergo parcendum est & a vobis, quia ut spiritualibus loquor, quod fratribus illis prodesse voluit, vobis obesse non credidit. Nunc igitur Patres optimi, & dilectissimi fratres, remouete obsecro, a cordibus vestris iram, a nostro tristitiam: ne qua inter nos radix amaritudinis sursum germinas nuper inire charitatis iura corrumpat, vel fructus vberis gratiae utrimque adolescentis impediatur. Ego enim vester sum in viscibus Domini Iesu Christi, nulla vobis daturus offensam, praesto semper & paratus ad gratiam.

Epistola 13. Ad Cabilonensem Episcopum.

Congratulatur ei recens in Pontificatu Cabilonen- sem assumpto: & Conobis Longi-vadi nego- tium quoddam commendat.

Sermo bonus egressus a Domino non indi- gne quidem de vestra nos electione letificat, quos in vestra pariter dilectione sublimat. Gau- demus siquidem ad altiora conscendere quos amamus: & eos praesertim de quorum datur con- uersatione praesumere, quod eis in signum gra- tiae, operationemque virtutis, sublimis adve- niant culmina dignitatis. Specialiter autem ex vobis specialem luminis in hac promotione laetitiam: ubi ea materia exultationis offertur, per quam in arcioris amicitiae statum praee-

dentis gratiae merita foederentur. Illa enim Ecclesia vos suscipit in pastorem, per quam vos mater Ordinis est habitura Pontificem: ita ut spiritualis gratiae parentela in subditam li- neam descendente, habituri simus a modo vi- scera patris, in quo habebamus haecenus simplicis beneuolentiam dilectoris. Ceterum & praedictae matri nostrae, sicut bene confidi- mus, eo amplius assistetis, & saepe in omnibus iura seruabitis, quod pie religionis emulari pro- positum ab ipsa infantia aetatis vestrae didicistis. Deuotis ergo precibus coelestis est vobis exoranda potentia, ut operis huius initia stabili sa- lubritate promoueat: & ubi multiplicauit pon- dus oneris, amplifiet & dilaret incrementa vir- tutis. Ut autem haec ipsa incrementa vestri pri- mordialiter laetis undique fulciantur auspicijs, ro- gamus prudentiam vestram, quatenus in nego- tio Longi-vadi & nostrae necessitudinis, & ve- strae memineritis honestatis: prouidentes inter- cedentibus nobis, quod idem negotium ad do- mus illius pacem & commodum dirigatur. Si quas ergo vel nostras vel aliorum literas habui- stis, quae praedictae domui exceptionem soluti contractus opponant, eas nobis loco magni muneris reddite, facturi rem gratam & acce- prabilem cordi vestro, si domum Longi-vadi ab huius litigij discrimine liberetis.

Epist. 14. Ad Dominum Hyacinthum Cardinale.

Excusat se, quod nondum ei honorem (per epistolam ut opinor.) exhibuerit.

Quaerendae familiaritatis & gratiae vestrae graditer haecenus negligentes vestro nos omnimodis humiliamus honori, ut debeat venia praerogari neglectui. Procul autem suspicio vniuersa contemptus: quia etsi tales sumus, quod interdum praeter occupationibus multis nonnulla negligimus: hanc tamen tantae a nobis Deus auertat amentiam, ut aliquem de his qui nobis prelati sunt contemnamus. Inter ceteros autem vos tanto humiliori reuerentia veneramur, quanto excellentiam vestram prepollere quam plurimis nullo unquam scrupulo dubiae dissimulationis ambigimus. Ad pedes igitur gloriae vestrae praeteritae negligentiae veniam postulan- tes, aperiri nobis tandem vestrae familiaritatis aditum deprecamur, quae in hoc si placet, primi- tias nobis suae dignationis indulgeat, ut graua- men & tedium ejus quae de vobis facta est ele- ctionis auertat. Profecto enim ex integro me vobis constitueris obnoxium, si ab hoc periculo reddideritis expeditum. Valeat sublimitas vestra.

Sequuntur aliae Epistolae quorundam Praelatorum & Monachorum Claravallensium.

Epistola 1. Quae est Alexandri Cistercij Abbatis ad Conuentum Cisterciensem.

Cedens Abbatiali dignitate Cisterciensem Conuen- tum ab obedientia sibi promissa absolutum.

Meritum longanimitatis & patientiae vestrae, quae de maxima tolerantia nostrae imbecillitatis enituit, nostra prout potest, & lingua loquitur, & conscientia veneratur: id me nimirum summopere procurante, ut huius tam magni boni vestri si esse nequiuero assertor idoneus, inueniar saltem coram Domino non ingratus. A quo utique factum est, ut vnde vobis per in-

sufficientiam nulla ex me dabatur forma profectuum, inde per patientiam vestram clarior enitesceret gloria meritorum. Inde est, quod in hoc tam mihi necessario quam vobis granditer fructuoso nostrae separationis euentu diuinam clementiam supplex precator exoro, ut ille vobis vicissitudinem bonam sustinentiae vestrae retribuat: pro quo ei per quem contigisse monstratur, ut onus quod de infirmitate nostra portastis, de vestra vos virtute redderet, & in hominum existimatione conspicuos, & oculis supernae maiestatis acceptos. Det ergo vobis inrer alias benedictiones secundum cor suum hominem reperire dignissimum: qui praeterita sterilitatis damna sequentis vbertatis multiplicatione resarciat, & agrum Dominicum senescentis arboris vetustate, pallentem nouellae plantationis floribus fructibusque distinguat. Ego enim valefaciens vobis, & in Domino Deo nostro singulis benedicens, omnes vos a vinculo vestrae professionis absoluo: petens & ipse in conscientijs vestris a noxa & debito temerarij reatus absolui, si quem aliquando vel exasperaui sermonibus, vel operibus molestaui. Rogo insuper & admoneo, ut pro eligendo vobis pastore studiū sedulae orationis inuigilet, quae & finem nostrū, tamquam vnius ex vobis, Deo viuo & vero, cum venerit hora, commendat.

Epistola 2. incerti Authoris, Ad Conuentū Fusi-
niacensem tempore tribulationis.

Offert illis subsidium temporale & spirituale, monetque ne deficient.

VOcem turbationis audiuiimus; vocem doloris, & turbinis vehementis. Turbante siquidem Domino profundum maris intumuerunt super vos vehementissimi fluctus ejus: ita ut ex procella quae pectoribus magis quam litoribus vestris illiditur, spuma quaedam formidinis & mœroris in vestris mentibus resolvatur. Quid enim si remoti sumus ab inuicem positione locorum, qui distantia non separamur affectuum? Fiat necesse est in cuiuslibet euentus inaequalitate commune, quod vobis fecerit vel aduersitas vel prosperitas singulare: quia quos vna in Domino charitas ligat, eos ab inuicē nec laeta, nec lugubris fortuna dissociat. Scitote igitur, dilectissimi fratres, quod aduersa quae patimini compassione debita sustinemus; & ad consolationis vestrae remedium, quidquid vel spiritualiter, vel temporaliter possumus, totius libertatis affectibus exhibemus. Verumtamen ne aut vos, quod absit, plus justo reputemus in huiusmodi euentibus timidos, vel nos ipsos ultra quam deceat ostendamus in talibus imperitos: monem⁹ vos & exhortamur in Domino, quatenus memores eorum, quos rapinam suorum cum gaudio tolerasse commendat Apostolus, vos quoque in tribulationibus istis deficere non velitis: scientes, quod si patienter aduersitas mundana suscipitur, plenius proculdubio coelestis vobis consolatio cumulatur. Procul igitur a vobis pusillanimitas arceatur: maximē cum in medio vestrū stet Dñs Iesus Christus, qui faciet cū temptatione prouentū. Nam & aēstū turbinis istius in aurā vertet, & ad suae virtutis imperiū sedabitur postmodū spirit⁹ procellarū. Nos verò nō cessamus orantes pro vobis, parati ad omnia, quae ex paupertate consilij vel subsidij nostri vobis putaueritis oportuna.

Senex Alexander cessit

Hebr. 10.

Christus
stat in medio
afflictorum.

Epistola 3. Incerti Authoris, Ad magistrum Balduinum.

Arguit hunc Balduinum non implese votū ingrediendi Religionē, tempusque executioni praefixum iam praeterisse.

SI quid de humano retines intellectu, & non somne penitus beneficium rationis abjuras; credo, quod in te ipsum proprio iudicio quae sum dicturus anteuenis, teque positum coram te de tribunali mentis tuae debita seueritate percellis. Sed timeo, ne fortē non sit solum filiae Chaldaeorum, nec habeat anima tua, unde vel seipsam libera increpatione diuidices, qui tenebris obuolutam malitiae ignominiam, propriae deformitatis abhorret. Erubescis etenim, nisi fallor, redarguente te conscientia, quasi transgressorem, qui fidem tuam irritam feceris, & pacti Dei tui minimē recorderis. Venit dies, imō iam abiit, & praefixum voto terminus expirauit. Tu verò non in die, sed in tenebris adhuc spiras, & iram tibi in die irae sine vllō termino thesaurizas. Sperabam ego, & bono animo credulus expectabam, ut sicut iuraueras Domino, votumque voueras Deo Iacob, apud nos in azy-
mis sinceritatis & veritatis pascha Domini cum discipulis Domini manducares. Sed tu veteris malitiae fermento corruptus, adhuc immolas de fermentato laudem: & super Aegyptias ollas incumbens, Paschalis agni delicias non requiris. Infelix homo, quando liberaberis de periculo mortis huius? Quando de seruitute peccati in libertatem iustitiae transmigrabis? Satis erat ad periculum dico tuum, ad tuum inquam periculum satis erat, quod alijs eras laqueis praeparationis implicitus, etiam si non fuisses Domino Deo viuo & vero de huius voti transgressione mentitus. Quis credet tibi amplius, etiam vera dicenti, qui nec ipsi potuisti verax esse veritati? At illa non fallitur, quia Deus non irridetur. Vide potius infelicissime, ne fallaris: dum de huius vitae altitudine qua inaniter intumescis, baratro te ipsum perpetuae damnationis immergis. Surge igitur obsecro, & te tibi primò, deinde nobis, imò omnium conditori restitue: antequam te profundum absorbeat, vel vrgeat super te puteus os suum. In inferno enim quis confitebitur Domino? Hic hic miserabilis Balduine, hic facultas est conuertendi, confitendi locus, remediū poenitendi. Hic nobis Apostolica tuba 2. Cor. 6.
tempus acceptabile diemque salutis enuntiat, quo abdicatio nouae offensionis indicitur, & veteris piaculi malignitas expiatur. Surge ergo anima, ne moreris, excutere de puluere filia Sion, solue vincla colli tui captiua filia Ierusalem: surge, fuge, ne steteris. Quid enim adhuc expectas? Satis in hoc saeculo fama, satis scientiae studuisti: misere tibi nunc tandem, ut vel in fine memineris conscientiae consulendum, maximē cum etiam hic te maneat occasio certa periculi, si non omne scientiae lucrum ad conscientiae referas incrementum. Scientem namque Domini voluntatem, sed minimē facientem & neglectus cognitae veritatis accusat, & iustitia non ignorata condemnat. Aperto proinde pectore iacula hae diligentis irae, vel irascentis potius dilectionis excipito: atque in expansa retia Saluatoris saltem nostris te vel vulneratus incurre: ut quos contristasti dilatione voti, subita laetifices acceleratione remedij. Adhuc enim tibi inter inuitatos ad nuptias locus certē non infi-

Mendax est
Deo, qui
votum non
soluit.

mus in Clarevallensi coenaculo referuatur. Tu tantum vide, ne haberi velis segnitè excusatus, qui de salute tua totiens inueniris admonitus.

Epistola 4. Rogeri Prioris ad Abbatem Columbensem.

Congratulatur huic recens electo, & ut se debeat gerere admonet.

Ingens mihi nata est in vestra promotione iucunditas: quæ nisi reciperet à contrariis accidentibus metum, perpetuum mihi dederat de exaltatione tripudium. Cæterum inter tam varios mores, & animos diuersorum, quorum seruituti addicitur qui præfertur: inter tot fluctus turbinisque causarum, quibus mens pluribus occupata colliditur, non potest qui diligit, ex amici calibus non gustare formidinem, quantumcumque hauserit ex profectibus voluptatè. Placet, fateor, prouentus honoris, si obnoxia non esset altitudo periculis: & iucundum foret supra vndarum vertices aduentui Redemptoris occurrere, si veniens à latere ventus validus non terneret. Verumtamen, quia prope est Dominus inuocantibus nomen ejus, sit ad eum jugiter clamor mentis, & non absorbebit nos pelagus tempestatis: quandoquidem non est facile ut in profundo mergatur, qui quantumlibet fluidos calles ad imperium Saluatoris ingreditur. Hac ergo fiducia timore sopito de solo formidinis bonæ spei littoribus applicamus: maximè, quia non timemus à pede superbiæ lapsum, vbi posuerunt humilitatis fundamenta principium. Scriptum est enim. *Qui humiliatus fueris, erit in gloria: & qui inclinauerit oculos suos, ipse saluabitur.* Gratias igitur agamus ei, qui in loco nouissimo recumbentem pio considerauit intuitu, & ad remunerandum humilitatis meritum, habere vos voluit in sublimibus principatum. Vos autem velut de læua proficientes in dexteram, præcuntem gratiam irreuocabili virtute sequimini: ut sicut honorum gradibus in sublimem contenditis, ita etiam ascensionibus in corde dispositis ad meritum culmina virtutum profectibus euoletis. Ego verò, ut admonitiones meas compendio finiam, illud semper vos meminisse velim, quod periculose prorsus & ad insipientiam sibi abundat quispiam, affluitque diuitijs, qui non prætauet in futurum, ne perennis vinciat funibus paupertatis. Estote proinde in diuitijs vestris pauperum Christi non immemor: ad quos cum ab olim affectum beneuoli suscepistis, nunc tandem oportunitatem benefici suscepistis.

Epist. 5. Guillelmi filij ad Guillelmum Patrem.

Hic Nouitius Clarevallie inuitat Patrem suum ad eandem vitam Religiosam.

Epulari & gaudere te conuenit, pater, quia filius tuus mortuus fuerat, & reuixit: petierat & inuentus est. Utinam & in te reuiuiscat spiritus tuus, & dicas cum Patriarcha Iacob. Sufficit mihi, si filius meus viuit: vadam, & videbo eum antequam moriar. Ita pater, utinam hoc sit placitum coram te. Verumtamen si exire disponis, ut quæras: noli in vicos & plateas, quasi me ibi inter cæcos & debiles quæsiturus, qui jam in summi patris familias conuiuio constitutus gusto & video, quoniam suavis est Dominus, & inebrior ab vbertate domus ejus. Ipse

enim regit me, & nihil mihi deerit: in loco pascuæ ibi me collocauit. Noli inquam quærere inter cognatos & notos, adhuc me in comitatu reputans sæcularium puerorum: ne fortè illius tibi pueri voce respondeam, qui quærentibus se respondit. *Quid est, quod me quærebatis? Nesciebatis, quia in his quæ patris mei sunt, oportet me esse?* Si ergo quæritis, quærite, & venite, & inuenietis me sedentem in medio Doctorum, audientem illos & interrogantem, si quem diligit anima mea viderunt, si norunt, vbi pascat, vbi cubet in meridie. Relictis namque sodalium gregibus, qui per devia mundi hujus inepta curiositate vagantur, post illum currere in vnguëtorum suorum odore disposui, qui exultauit ut gigas ad currendam viam, ut post se currentes facile reducat in patriam. In ejus igitur habitaculo me reperies, in abscondito tabernaculi sui, in domo videlicet Clarevallie, quæ est domus Dei & porta cæli, locus ante sæcula præordinatus à Deo, & cælum cupientibus preparatus. Hic est, ut noua veteribus conferamus, locus Sichem & conualis illustris, vbi fidelis Abraham in typum militiæ spiritualis tabernaculum fixit, futuros Christi milites præfigurans: qui ab interpretatione nominis peregrini, & humeros suos operibus obedientiæ subdant, & titulo humilitatis illustres ad celsitudinem veri gaudij de valle plorationis ascendant. Hic mihi paradisi flores odorem suauitatis perpetuè spirant. Hic sanctorum opera, velut arua virentia varijs colorata virtutibus vernant. Hic mihi canticum nuptiale, hic cælestes resonant cantiones. O quam bonum, quam iucundum, habitare cum talibus, militare cum talibus, cum talibus triumphare. Veni ergo pater, veni Domine, ne tardaueris, ne vel tu, quod absit, tanti boni participio careas, vel me præ desiderio vultus tui, aspicere aliquando retro compellas. Iam enim fultus floribus, & stipatus malis, eum odore tibi suauissimæ fertilitatis occurrat, ut cum cœperis nouitatis hujus sentire fragrantiam, ipse tibi applaudas & dicas. *Ecce odor filij mei, sicut odor agri pleni, cui benedixit Dominus.* Quid moraris? Quid te adhuc mortalis vitæ cura circumligat? Præcessit te filius, quem sequaris. Numquid ad regnum sequi non debes, quem nisi in exilium sequeris, prærogatiua te genitoris exueres? Transit mundus & concupiscentia ejus, & velis nolis, dimittes senex inuitus, quod in corrigendo vias meas voluntarius adolescens jam dimisi. Quantumlibet autem juniore te sequi vel pigeat fortè, vel pudeat: illud certè, si pater es, filio inuidere non poteris, ut genuisse te in Christo Iesu per Euangelium videar, quem tu pie pater, huic sæculo genuisti.

Epistola 6. Fratris Trasimundi ad Abbatem Clarevallensem.

Coactum se ad scribendum accedere dicit, quod Monachi sit stare, non scribere, & Caruallie se libenter exisse dicit. Causa tunc hic Clarevalliem pro Caruallie.

Pressus ab olim assiduitate silentij, & intraplectibilis conscientie penetralia delitescens, cessandum mihi censueram perseveranter à paginis, & literarum studia in negotia trajicere lacrymarum. Quid enim Monacho reueta curatalamis? Cui magis imminet potum miscere cu

Altitudo periculis est obnoxia.

Iob 22.

Diuites in futurum præcanere debet.

Genes. 45.

Luc. 2.

Clarevallie enconium.

Genes. 12.

Genes. 27.

Actibus, & cinerem pro panibus manducare? Non est mentis lugubris tenera polire dictamina, & rudis infamiae nuditatem lepidae dictionis operimento vestire. Vix erumpit animus amarus in dulcia: & dolorum profunditate demersus ad laeta colloquia non assurgit. Nemo quærat ab amaricato quod sapiat; nemo ab exasperato quod mulceat: quia exterminantur in verbis mella dulcedinis, ubi totum pectus occupat vis doloris. Silentibus claudenda est lugentium mœstitudo conclauibus: quia non est tristitium iucunda narratio: & si exploratissime creditur veritati, non sunt mœroris eloquia serena, sed gaudij. Ego tamen tuis litteris excitatus euigilo, & reuocans in gratiam calamos abdicatos, tibi si possum & inter lamenta rescribo: maximè, quia iudicio tuo non est censendus temerarius, qui fouendae amicitiae morè gesserit narraturus. In primis autem illud necesse est humili superbia propulsari, quod superba de me humilitate dixisti. Quis enim sum ego, aut quæ est facundia mea in sermonibus eruditis; ut hujus te maiestate deterritum scribendi timidum fatereris? Habet & humilitas terminos suos: quos si lubricante vestigio fluida superstitione transgreditur, virtutis prærogatiua nudatur. Cadens cadit, nisi veritate fulciatur humilitas: & fumo vanitatis euaporat in vitium, si de fucata quærat abiectione figmentum. Deinde quid mihi, & titulo Caravallis? Probrosus est & proximum contumeliae illius campi planitiem desertoris explicare conspectui, de quo trepidanter actus in fugam, nullam se meminit retulisse victoriam. Injuriosè certaminis locus ante oculos effugati proponitur; ab eo præsertim, qui in ejusdem amoris stadio inuicta fortitudine præliatur. Ille ille monstretur titulis, qui meruit honorare triumphis: & cum respiciat gloria dignitatis, cui iustior venit honor à meritis. Veruntamen, si creditis, diligo domum illam, non quia ego ibi fui, quod utinam non fuisset: sed quia ibi estis, quod utinam diu sitis.

Humilitas terminos habet.

Videtur author degisse antea in Caravalle.

Epistola 7. Ad Petrum de Cartelaca.

Hujus Epistolæ author inquit a se cum eo ad quem scribit amicitiam commendat, & statum suum illi exponit.

SVscipi litteras tuas velut ab absente directas: & ecce cum legerentur, tuam mihi præsentiam redolebant. Verum est enim, quod earum continentia prætendebat, non prejudicari quolibet interiectione telluris, celestis gratiae glutinò fœderatis: maximè quos & spiritualis annexionis insolubilis ligatura constringit, & cōsanguineae charitatis pia necessitudo non deserit. Iam verò ut funiculus triplex haud facile dirumpatur, amicitiae nostrae fœdus tertia catena complectitur, dum nos ejusdem Religionis sacra professio, sicut facit in proposito pares, sic esse non patitur in affectu participatione dissimiles. Et à germana dilectio, & diligenda germanitas, quæ non de carne propagata, vel sanguine, spiritus amore conglutinat, quos personarum discreta proprietates conditione originariae natiuitatis alternat. Gratias proinde tibi magnas, Deo maximas, qui hoc voluit inter nos fieri, quod tu dignatus es in illis litteris memorari. Status autem noster, de quo benignitas te reddit interna sollicitum, per Dei gratiam tran-

quillus est, & iucundus, ita ut necessarijs meis præmissis salutationis honore, si liceat mihi aliquid dicere cum Ioseph, gloriam meam nuntiare possis: qui etsi non habeam super Ægyptum dominij plenitudinem, nullam tamen bajulo sub Ægyptijs seruitutem.

Epistola 8. Ad Guillelmum Burgensem Clericū.

Voto Religionis obstrictum, sed moras nescientem, innuit ad celerem executionem.

MATERIAM mihi præsentis epistolæ duplex causa parturit, qua gemelliparæ charitatis enixa fecunditas in actu prodit, quod in affectu concepit; dū ex utero piæ mentis & amoris soboles editur & sermonis. Ex desiderio enim salutis tuæ & meæ pariter consolationis accessu, scripturæ hujus manavit occasio: quæ cum tuis potissimum profectibus militet, mihi quoque velim communionem gaudij de mutua visione reporter. Tu verò dum ad iter, quod ambianter expecto, nostræ visitationis accingeris, conuertere paulisper in requiem cordis tui, & diuinæ longanimitatis contemplare diuitias; ne qui tamdiu patienter expectat, tua indignatus morositate pertranseat, & frustra tandè per vicos & plateas incipias quærere velle, quem diligis, si mox ei non aperis, dum pulsaris. Perfusus etenim rōre caput, & gurtis noctium cinctus aspersus, facile se, cum pueris suis in cubile recipiet: & qui properantis occursurus erat amplexui, subito dum moraris, clauso ostio pessulum objiciet tardanti. Enimverò quid expectas? Nonne breues anni transeunt, & semitam ambulas, per quam non reuertaris? Ecce claritas hujus mundi tenebrosus vergit ad exitum, & quidquid in hoc sæculo deceptæ animæ triplici ambitu lenocinante blanditur, dum exerit ortū, rapitur ad occasum. De mane usque ad vespere gaudia cernimus utriusque finiri mortalium: ut scias, sub quanto mortis discrimine viuatur, ubi humanæ felicitatis tunc etiam succiditur, cum oritur. Longè melius in ea vitâ, quam Christi pauperes profitentur, ubi meridianus fulgor confurgit illis ad vespere: & cum se consumptos putauerint, oriuntur ut lucifer. Quapropter obsecro per misericordiam Dei nostri, exime te his casibus, & animam tuam libera: ut detur mihi pro te salua dilectionis perseuerantia non timere, quem datum est hætenus timore perseuerante diligere. Quocumque autem tua declinet intentio, expeto ego sedulus, & expecto, ut iter ad me veniendi, nihil amplius moratus, arripas: quatenus mihi, etsi differtur tuæ conuersionis votum, acceleretur saltem de mutua visione remedium.

Periculosum est non aperire Christo pulsanti.

Epistola 9. Ad Dominum nostrum Episcopum Lingonensem.

Precaur Antistitem, ut Canonici, qui Claravallē conuersionis gratia adierat, fratrem præbendæ ejus donet, atque ita patrem utriusque impatenter ferentem unius conuersionem, alterius promotio consoletur.

DATA sunt nobis lamenta de gaudijs: sed gaudia potius de lamentis exuberant, dum exhibemus prout res exigit, tam diuinæ ordinationi tripudium, quam angustiae proximi compassionis affectum. Nam cum accidisset nuper,

ut E. Canonicus vester vna cum Decano Barrensi in manibus nostris Domino auctore se redderet, atque apud nos sub diuini sponse seruitij remaneret: concurrat etiam mox vndiq; inopinatis rumoribus accersita cognatio, ut domum Dei, quam ea die Spiritus sanctus talium conuersione refecerat, mœstis & clamoribus vultibus repleuerint. Inter ceteros verò, imò præ ceteris, pater prædicti Canonici, paterno discruciabatur affectu, intantum, ut plerique de nostris dum lacrymas ejus frænare contenderet, ipsi multo magis in lacrymas laxarentur. Cumque instaremus & nos, ut post exundantes fletus consilium vel à nobis recipiendæ consolationis admitteret; vix obtinuimus, ut temperaret à gemitu, vos specialiter illi futuræ consolationis obsidem propnentes. Habet enim & alterum filium Ecclesiasticis functionibus mancipandū: cui si de indulgentia vestra fraterni stipendij canon obtigerit, aderit patri quaecumque remedium, in quo se tandem, dum sibi in Ecclesia vestra alius quodammodo filius nascitur, exacerbari genitoris animus consoletur. Quapropter liberalitatis vestræ gloriam profusus cum eo lacrymis supplicamus, quatenus ad consolationem patris & exhortationem filij gratia vestræ pietatis intendat, & munus quod postulat indulgeat: ut cum ei à nobis promissa solueritis, nos magis vobis impensâ tãti muneris obligetis.

Epist. 10. Ad H. Burgensensem de S. Andomaro.

Hunc Burgensensem hortatur ad promptam voti Religionis executionem.

SI tua sollicitus pericula cogitares, & esse te intelligeres moriturum, celerius, ut arbitror, mortalia tibi gaudia morientis vitæ præcideres, & terribilem venturi Iudicis ultionem conuersionis tuæ festinantia præuenires. Tu verò & votorum tuorum immemor, & circumstantium periculorum negligens æstimator, tempus protrahis, & moras annectis, tuique patientiam Conditoris, quantum in te est, impia tarditate deludis. Verum quis indicauit tibi, quid dies crastina pariat; & ubi tibi labentis vitæ terminos superni consilij meta præfigat? Vide, vide carissime, ne dum siccatis lacrymis deuotionis illius, quæ te sanctorum manibus assignauit, iterum tibi fallacis lætitiæ delicias paras, tristēs amaritudines inopinatę mortis incurras. Quidquid autem tu facias, quantumcumque salutem tuam negligas & contemnas, ego clamo, ego moneo, ego post te fraternæ diligentia voces mitto, ut iam vltra posthac vota tua reddere ne moreris: ne fortè, quod absit, in hac mora contingat, ut velut indeuotus & refuga moriaris. Renuntia ergo mihi tuam in proximo voluntatem; ut ei vel concurram hilaritate, si prompta; vel occurram oratione, si segnior. Non solum autem, sed tuam insuper commonchis vxorem, ut periculi sui & ipsa meminerit, nec expectet ut amplexus mutuos interjectio mortis abrumpat; si tibi, si sibi, si copulæ maritali tristioris diuortij exitum reformidat.

Epist. 11. Rogeri Prioris ad Abbatē Albę-petræ.

Admonet hunc Abbatem, ne asperitate iniustata suos Monachos grauet.

Dignum prorsus est, & paternis traditionibus approbatum, ut cunctam regularis or-

dini s disciplinam discretionis moderetur æqualitas: ne vel nimia remissio nutritiua sit criminū, vel impia restrictio parricida virtutū. Inter hæc autem nihil est, quod potius moribus debeat humanis, quàm ut hominum rector humanitate sit præditus, qui congruam seruans vtrobique temperiem, & lasciuis mentibus frænones imponat, & ritu frugalitatis abstemijs verba piæ consolationis indulgeat. Scimus autem, quod familia creditæ vobis domus tantam per tulit decessoris vestri tempore disciplinam, ut si quid velitis restrictionis adicere, non cultura sit Ordinis, sed excidium charitatis. Iam enim sicut audimus, nonnulli eorum de asperitatis nouitate submurmurant, dum eis hoc ipsum nimio rigore præceditur, quod sub anteacto magisterio tenuitate parcissima præstabatur. Quapropter dilectionem vestram presentibus decreuimus admonere literulis, quatenus vos cōsuetudini loci & fraternis moribus in Dño cōapteris, ut ita vos sibi sentiant in hac nouitate morigerari, quod rigoris acredine nō lassescat, si processu temporis plusculo patiantur austerū.

Epist. 12. Fratris Trasimūdi ad Fratrem Gumb.

Laudat fervorem huius Gumberti adhuc iuuenis, & ad persuerantiam adhortatur.

QUOD tuæ conuersionis primordia feliciter promouentur, Deo auctore teque coo- peratore, successibus, Angelis ad gaudium, tibi ad meritum, mihi prouenit ad exemplum. Æmulor enim æmulatione quod agis, & in etate tam tenera, tamque rebus asperis insueta, fidei fortioris admiror insignia. Apertum autem tibi cēlitus æternæ beatitudinis ostium lætus agnosco; gratias agens illi, qui aperit & nemo claudis claudit, & nemo aperit. Ille virilibus animis annos induit pueriles, ille manum teneram roboraui ad fortia: ille lubricos adolescentiæ tuæ pedes supra petram constituit, apprehensaque manu dextera tua in sua te voluntate deduxit. Age ergo festina, sequere eum quocumque jerit, gaudens lætisque in voce Psalmi decantans, *Propter verba labiorum tuorum ego custodini vias duras.* Esto, dura sint vniuersa quæ pateris; sed mollescet hæc protinus oleo exultationis perfusa durities, eruntque praua in directa, & aspera in vias planas. Planæ, pulchræ, & pacificæ viæ ejus, nec nisi flagitiosis malignisque difficiles. Hæc sunt itinera sapientiæ, quæ nec in maliuolam intrat animam, nec habitat in corpore subdito peccatis. Tu verò illa omnia aut non attigisti penitus, aut penitus dimisisti, illius fidem, obedientiam, iustitiamque secutus, de quo scriptum legis. *Credidit Abraham, & reputatum est ei ad iustitiam.* Tu siquidem ad exemplar illius terram admonitus relinquere Chaldæorū, carnem prudenter & patriam duplici transfugio dimisisti: & in Israëlitarum coloniam felix aduena trāsmigraisti. Iam verò non es hospes seu aduena, sed ciuis sanctorum & domesticus seruatorum Dei, cum quibus idem stadium prompta alacritate percurris, ut idem cum eis brauium consequaris. Currunt & alij, sed quasi in incertum: & illi quidem, ut corruptibilem coronam accipiant, tu autem incorruptam. Risus illorū dolore miscebitur: tristitia tua in gaudium conuerteretur. Hujus autem gaudij jam prælibas non pro minima portione delicias: quippe cui

Nimia remissio vel restrictio a qua fugienda.

Psal. 10.

Itinera sapientia.

Genes. 15.

contingit assidere frequenter pedibus Salvatoris; & delectari in verbis gratiæ, quæ fluunt ex ore ejus. Prope est, ut inuideam tam felici, ea duntaxat invidia, quæ æmulantis animum non torrido liuore discrutiat, sed ad virtutis ardore face dilectionis inflamat. Attende igitur, ut cui nunc est inuidere profectibus, non contingat defectibus condolare: quod utique mihi profecto contingeret, si perfians vel ad modicum spiritus aquilonis flores vernantis gratiæ, qui in terra tuâ tam subito paruerunt, frigoris sui rigore necaret. Auster potius innocetur, ut veniat, & tenera virtutum fouendo plantaria maturam vbertatem grauidæ messis adducat. O quam exultans in ea missione lætaberis, quando de hoc modico semine lacrymarum onustis humeris vlnisque refertis, infinitos lætitiæ manipulos reportabis. Tunc de tristitia tua duplici & labore in quietem refrigeriumque transibis, & in terra Domini duplicia possidebis. Memento tamen mei, cum tibi bene fuerit, & ne repellas, obsecro, post tergum tuum vel sequiter anhelantem, qui te nimio zelo tui ad currendum hortatur, licet feliciter præcurrente.

Epist. 13. Ioannis Prioris ad Danielelem Clericū.

*Optat Danieli robur animi aduersus prospera
atque aduersa.*

GRAUIS nobis est in amicis nostris fortuna quæ premit: sed & illa nihilominus suspensa, quæ erigit. Ab illa timemus, ne laqueo doloris à vita præfocet: ab ista ne in mortem lætitiæ seducente præcipitet. Quid ergo, inquires, optabitis necessarijs vestris? Illud planè, per quod omnis fortuna, si fuerit serena, despicitur; si nubi, non timetur. Hæc est autem constantis animi robur Christi fide ac dilectione vallatum; cui utique pro minimo est, quidquid hic mundus vel aduersa molitus insæuiat, vel prospera mentitus illudat. Quis enim ei nocebit qui pius Christi æmulator extiterit? Vel quidei de omni terrena vanitate libebit, cui mundus crucifixus est, & ipse mundo: cui viuere Christus est, & mori lucrum: & qui non habet hic manentem ciuitatem, sed futuram inquit? At contrà de parvulis inter gaudia mœtorumque sæculi fluctuantibus scriptum est. *Auersio parvulorum interficiet eos, & prosperitas stultorum perdet illos.* O prosperitas omni aduersitate crudelior! cuius finis interitus, cuius exitus perditionis ingressus. Verè stultorum prosperitas hæc, qui putantes se esse sapientes, stulti facti sunt, dicentes Deo: *Rocede à nobis, scientiam viarum tuarum nolumus.* Et quid facient miseri, quando simul insipiens & stultus peribunt? Insipiens autem est, qui cælestia & diuina non sapit: stultus, qui terrena & transitoria inaniter concupiscit. Tu verò vir desiderabilis, hæc deuota; in illud potiùs te gaudium libera mentis agilitate sustollens, quod nec fortuitis casibus à possessore tollitur, nec ipsius mortis præoccupatione finitur. *Iustus enim si morte præoccupatus fuerit, in refrigerio erit.* Hæc memorare, in his esto, ut prospera mundi huius, quæ tibi, sicut audiuius, continuis successibus blandæ prosperitatis arriident, non te faciant votorum tuorum immemorem, non te tui ipsius constituent negligenter. Recordare, quæsumus, quod in manibus nostris pij voti sacra confeceris: quæ libro, sicut

credimus, æternæ commemorationis ascripta. nomen assidue tuum cælestis patris obtutibus repræsentant. Cui si aliquando dixeris, *Memento verbi tui sermo tuo, in quo mihi spem dedisti:* dicet & ipse tibi. *Memor esto voti tui, in quo mihi fidem dedisti.*

Epistola 14. Ad David Clericum.

Inuitatur hic Clericus ad contemptum diuitiarum, &c.

EX affectu charitatis illius, quæ facit, ut in viscibus Iesu Christi te cupiam, meum ad te manat, per has literas præsentēs, eloquium, urgente hac eadem de qua locutus sum charitate: ut cura salutis tuæ, quæ igne quodam dilectionis inter nos nostro viuit in pectore, te quoque ad vitam animet, & ad appetentiā supernæ felicitatis inflamet. Porro illa vel numquam, vel inaniter concupiscitur, nisi hæc transitoria & terrena, qua frueris, magnanimitèr contemnatur: quia nemo potest illius amplexibus exhibere se liberum, quem adhuc ista tenet concupiscentiæ suæ dominatione captivum. Quapropter agendum tibi est, fili mi David, ut certicem tuam de subjugo huius miseræ seruitutis excutias; quæ si ei, quod absit, per moras longiores insederit, vinculis illa perpetuæ damnationis addicit. Delectant te forsitan, & haud dubium, quin delectent diuitiæ tuæ multæ: sed *dormierunt somnum suum, & nihil inuenerunt omnes viri diuitiarum in manibus suis.* Blanda tibi & dulcia proponuntur à sæculo; sed *mundus transit & concupiscentia ejus:* ita ut, si tu sapias & intelligis hæc, amaritudines tibi magis noueris proponendas, quia scriptum est. *Cor quod nonit amaritudinem animæ suæ, gaudijs ejus non miscbitur alienus.* Ut autem hæc tibi dulcedo amaricetur, & amaritudo dulcescat; in mentem tibi veniat, veniat inquam tibi in mentē, o anima Christiana amaritudo amarissima Christi tui: qui ut æternā tibi propinaret de fonte vitæ dulcedinem, gustauit moriens amarissimam portionem. Vbi sunt ergo, qui ambulantes in inuio & non in via, per fallaces delicias & mortiferas voluptates ingressuros se arbitrantur in regnū; ad quod nisi per dura & aspera, nec ipse ingressus est Rex cælorum? Nemo se seducat. Non est discipulus super magistrū, nec servus major Domino suo. Si lignum viride per dolorum imbres & tribulationum fluentia refluoruit; lignū certè aridum sine irrigatione quadam similis irrigui non florebit. Quod si flores non fecerit, nec fructus quidem. Quid ergo restat, nisi ut excidatur, & in ignem mittatur? Auertat hoc à te Deus omnipotens, fili mi David, & det tibi honestari floribus, fructibus onustari: ut ed copiosius æterna lucreris, quod terrena facilius bonorum æmulator eieceris.

Epistola 15. Ad W. Canonicū Laudunensem.

Monetur salutis suæ hic Canonicus, qui uno non contentus beneficio secundum adeptus erat.

DU te, Carissime, præsentis fugitiua prosperitas mundo lenocinante seduxit, seductum illexit: timeo ne illectum addixerit seruituti. Quidquid autem illud sit, facile te istinc eruendum puto, si mentem tuam Spiritus ille sanctus afflauerit, de quo legis. *Vbi spiritus*

De modica messe lacrymarum manipuli lætitiæ infiniti.

Robur animi contra aduersa & prospera optandum.

Prover. 1.

Iob. 22.

Quis insipiens & stultus.

Sapient. 4.

Psal. 118.

Non rectè gloria concupiscitur, nisi terrenam contemnatur.

Psal. 75.

1. Ioan. 2.

Prov. 14.

Passio Christi cogitanda.

1. Cor. 3.

Imperium
carnis infolens.

Semis cupiditas.

Domini, ibi libertas. Ille igitur nobis est exorandus ut veniat, suaque te protinus alacritate perfundat: quatenus jugum, quo premeris, ambitus secularis, olei celestis infusione putrescat; & totus tibi subito pereuntis seculi nitor obsoleat. Sed & tu carissime, partibus tuis adesto sollicitus, ne mentis tue gloriam, & ingenuitatem spiritus desuper attributi, sub ancillae carnis ponas imperio: quae sic inolescere solet, cum fuerit adepta dominium, ut & seipsam per intemperantiam perimat, & spiritum cui principatur extinguat. Deinde verò quae turpius servitus, quae deformior, quam hominem diuinæ imaginis dignitate sublimem, vinculo concupiscentiae carnalis innecti; & in ea potissimum portione, quae in nos de caelis effluxit, terrenae servitutis compede captiuari? Praeter tandem figura huius mundi, & vniuersa secum sua signamenta pertranseunt; ut doleant, licet serd, ejus infelicissimi dilectores, sola secum ad inferos ligna, fenum, stipulam, deportantes. Ibi quidquid olim refrigerabat, incendit; quidquid blandiebatur, affligit: quidquid solebat delinire, compungit: fitque in illa multiplici tortura periarum, ut summum supersit de gaudij recordatione supplicium. Hæc si aliquando mentis tue penetralia subeunt, quid tibi post paululum morituro cum præbendarum & reddituum multiplicatione superflua? Audio, quod non primo contentus Ecclesiastico beneficio, potius sis & secundo. Bene proinde, & non ad insipientiam tibi, si tamen ita sufficienter ministrabas in vno, ut dignus habereris & altero. Sed vide, quæso, ne quod magis veteor, cum fueris villicationis tuæ ratiocinia postularus, ne in vnius quidem administratione satis reperiaris innoxius, qui factus es obnoxius pro duobus. Crede mihi vera dicturo, numquam de talento sibi credito bene sollicitus creditur: qui vnde cœlestia negotiari debuerat, inde terrena mercatur. Ecce vides, sed obsecro, ne inuideas, quod avunculū tuum usque ad senilis ætatis frigus ardor terrenæ cupiditatis excoxit; & nec vel nunc tandem de refrigerio conscientiae cogitat, quem continuus æstus continuò perituræ felicitatis exsiccat. Iam illi exterioris hominis caput pruina gelidæ senectutis incanduit: utinam & interioris verticis Deo numerata cæsaries æterno candore perpetuæ lucis albescat. Et ille quidem, ut corruptibilem coronam acciperet huius vite stadium indefessa cupiditate cucurrit: sed carissime, tu in illo te constituas agone certaminis, ubi sumitur incorrupta. Qui si sapis, aut sapientis monitis acquiescis; expedit, ut dum vacat, tua nouissima memoreris: quatenus ex contemptu præsentium aliquam tibi accersias fiduciam futurorum. Dabis autem veniā, quod ego, qui non tam carnis cognatione quam spiritus, tuæ salutis aviditate detineor, longioris te pagine prolixitate detinui.

Epist. 16. Ludouici Regis Francorum, ad Dominum Papam Alexandrum.

Hortatur Pontificem ad ressecanda sua auctoritate vitia. Scripta est antequam dictata à Trasimundo, ut & præcedentes, ut apparet.

SI beneplacitum est Domino in populo suo, ut exaltet mansuetos in salutem, instare credimus tempus & horam, qua iudicium sit mundi, & princeps mundi huius ejiciatur foras. Ex-

pectauimus ut videremus diem istum; vidimus & gauisi sumus. Utinam sicut aspirauit dies, ita & inclinentur umbræ, fiatque de medio caligo criminum, & nebula peccatorum, quæ rexit haec ænus omnem terram. Videmus & gaudemus redditam vobis pacem, videamus & per vos redditos dies bonos, in quibus sibi iustitia & pax mediante charitatis osculo copulentur. Dies ipsi vitæ vestrae felicibus limitantur egressibus, quibus nouo & amplectendo miraculo annosior indulta est prolixitas temporum, ut auctior vobis surgat tessera meritum. Neque enim frustra credendum est, quod ideo in vobis hoc donum Ecclesiae suae sanctae Rex immortalis indulserit, ut antecessores vestros, quos vincitis diuturnitate rerum, vincatis in beatitudine saeculorum. Profectò namque supernus ille mortalitatis nostrae moderator & arbiter, ideo vos in diem hanc, sicut confidimus, seruauit, ut accepto tempore iustitias iudicetis, & ponatis praua in directa, & aspera in vias planas: ut restituatis Ierusalem, sicut in diebus antiquis, ponentes deserta ejus, sicut hortum Domini; & similitudinem ejus quasi delicias. Luxit haec ænus & elanguit terra, confusus erat Libanus & sordēbat: sed infunditur ecce verna temperies, & de visceribus terrae bonae spei germina reuiuiscunt. Concussa sunt namque corda mortalium, iudiciorum vestrorum timore mollita, ita ut infocundi haec ænus pectoris gleba florente jam cessante, in frugem vitæ melioris erumpat. Ecce jam florent vineæ, jam flores fructus parturiunt; tantum sit, qui capiat vulpes parvulas, & omne reptile venenatum in suae malignitatis astutia comprehendat. Quod ne consueti turbinis impedire possit occasio, ecce hiems transijt, imber abiit & recessit, tempus putationis aduenit. Putetur ergo Domine, putetur, & fodiatur vinea Domini Sabaoth, ut sarculo fructificante in usus ampliores exuberet, dum sterilia sarmenta non sustinet. Pacatam vobis hanc vineam reddidit Dominus Deus vester. Vestri erit amodò operis & laboris, ut eam sibi mundam & fructiferam resignetis, stillent super eam montes dulcedinis & colles iucunditatem; & dantibus caelis pluuiam, ipsa quoque proferat fructus suos, Date simul & vos voci vestrae vocem virtutis, ut audiant & intelligant vniuersi, quod posuerit vos Dominus in lucem gentium, ut sitis salus ejus usque ad fines terræ. Praesto est enim pia intentioni vestrae operandi facultas, cui tanta conceditur sanctae operationis auctoritas. Et ut paucis multa complectar, ad restaurandum Ecclesiae statum posse adjacet vobis, velitis tantum, & salua sunt omnia. Prope est, ut & ipsa clamet ad vos. Tantum dic verbo, & sonabitur puer meus. Quis enim non credit auditui vestro? Quis non obedit verbo? Quis non obtemperat iussioni? Quod etsi reluctari quispiam pro sua malignitate praesumpserit, sonent exultationes Dei in faucibus vestris, & gladii ancipites in manibus assumantur, ad faciendam vindictam in nationibus, & increpationes in populis. Ad alligandos Reges eorum in compedibus; & nobiles eorum in manicis ferreis. Fuerit haec ænus impossibilitatis & malitiae temporis, quidquid in Ecclesia Dei circa instituta Ecclesiastica pullulauit: superest amodò, ut vobis omnimodis imputetur, si ex vestro neglectu depereat, quod utilitas vniuersis expectat. Agite ergo, agite, ut Ecclesia sancta,

Antipapa
extincto
Alexandro
pax erat.

Indicat Re.
se Papa ad-
futurum, si
velit Eccle-
sia suam
restaurare.
Matt. 8.

Cc ij

*Prelatoris
superfluita-
tes in equis,
&c.*

Exod. 15.

*Ecclesiæ
morbus quis*

*Apocal. 1.
Proner. 1.*

jam tandem in unitate lucretur, quod amisit in schismate: & damna præcedentium temporum nostrarum refarciat integritas actionū. Omnia omnibus hæcenus licuerunt, satisque prodit dissolutio vitæ, quantum eneruata sit severitas disciplinæ. Pontifices etenim nostri præsumunt utique, sed pauci qui pro sint: bene cum quibusdam agitur, si non ob sint. Qui utique in usus vel abusiones magis superfluas equos multiplicant & quadrigas, ut locorum quocumque pervenerint, omnia sumptibus & superfluitate confundant. Non sunt hæc quadrigæ Aminadab, non est hic celestis exercitus equitatus. Viderint ipsi, ne illorum potius sit forma curruum, quos medijs fluctibus inuoluit omnipotens, quando equum & ascensorem dejecit in mare. Pupillo non judicant, causa viduæ non intrat ad eos. Fitque apud nonnullos eorum, ut sola æstimatorio muneris in statera præponderet æquitatis. Cum in villam vel monasterium quodlibet venturus nuntiatur Antistes, Regē putetis prodire, non Præfulem; tantus est equorum exercitus, tanta caterua comitum, tantus præcedentium populus gargonum. Deinde in lautas epulantium cœnas tenuis Ecclesiæ victus expirat, & alimonia pauperum migrat in delicias conuiuantium. O si esset, qui parietem foderet, ut radius lucis vibraretur introrsus, qui educeret ad iudicium opera tenebrarum, & ad vindictā exigeret umbrā mortis. Porro ad hæc omnia corrigenda ostium vobis est apertum in Domino, ut remoto vniuersæ difficultatis objectu currat velociter Apostolicus sermo, quæ audiat Sion, & lætetur; & filiæ Iudæ in iudicijs ejus exultent. Sicut ergo magnificauit Dominus facere nobiscum, & cum alijs Catholicis Regibus & Principibus Orthodoxis, quibus optatum præstitit in vestra exaltatione triumphum: ita & ipse in vestris necesse est operibus honoretur; ut celebre sumamus de publici status emundatione tripudium. Sanè iste quem deplorauimus Ecclesiæ morbus, perpetuū crescit & proficit in languorem, nisi in hoc Concilio receperit sanitatem.

Epistola 17. Domno Abbati G.

*Accepta ab illo catenula ferrea mores exprimi
temporis asserit.*

Recipere à te virorum optime, non catenulas ferreas, sed murenulas aureas, solebamus: quas olim ad ornandas animas delicatas super incude eloquij mystici malleo linguæ tuæ manus sapientiæ fabricabat. Quapropter ferrum pertransijt animas nonnullorum, cum cernerent inde venisse ferrum, unde consueuerat à diebus antiquis crassioris metalli vena lucidior de fornace S. Spiritus emicare. Quid verò sibi vult ferrea catenula, quam misisti? Si vincit me volebas; jam antè deuinxeras, non ferrea ligatura, sed aurea, quali in Apocalypsi vir quidam ad māmillas accingitur: vel quali apud Salomonem filius intelligens amicitur. Si verò putaueras attrahendum: cur trahamur, qui voluntariè currimus? In odore vnguentorū tuorum currimus, etiam cum defuncta vincula, imò si desint. Quomodo enim curreret compeditus? Sed puto, quod opus & materia muneris destinati temporis hujus mysteria repræsentant, in quo post ornatus aureos & lapides pretiosos ferreis verè nexibus non est ornari, sed deprimi,

& improba seruitutis compede captiuari. Aurea namque sæcula quæ oculis nostris vidimus, in ferream obriguere duritiā: & qui in fabrica imaginis mysticæ aureum verticem & argentea membra perspeximus, ferrugineis ecce pedibus assidemus. Verum, quidquid sit, quod in catena vestra non catenatus sensus inspiciat: ego beneuolentiæ vestræ gratias ago: quod signum mihi euidentissimū dedit, ut me vobis, etsi non æstimem de nouo iterum alligandum, meminerim jam semel antiquitus alligatum.

EPISTOLÆ BEATI PETRI octauī Claravallis Abbatis.

Epistola prima, Ad Alexandrum III. Papam.

Queritur, à secularibus vexari Ordinem Cisterciensium, de reptione honorū, &c. & opem Pontificis, aduersus hæc mala implorat.

CRESCIT dici malitia, & pericula temporis cinualescunt; ita ut quos prædixit Apostolus dies sentiamus instare nouissimos, in quibus abundante iniquitate, multorum charitas refrigerat. Specialiter autem aduersus filios vestros Cisterciensium. Ordinem profitentes sæculi hujus mare vadit & tumescit, & objectu sese vestræ protectionis illidens, tota in nos tēpestas consurgit. Rugit quodāmodo, & circa vestes & ostia quæ posuistis immurmurat: indignans videlicet dictum sibi; *huc usque venies, non procedes amplius, Job 31.* & hic confringit iumentis fluctus tuos. Ecce enim filij mundi hujus, quos prudentiores filijs lucis in generatione sua veritas ipsa pronuntiat, inuident nobis hoc ipsum quod viuimus; dum eorum peruersitas habere non patitur, quo viuamus. Videntes siquidem, quod operibus manuum nostrarum Dominus benedixerit, in viaticum peregrinationis nostræ tota malignitate desæuiunt, machinantes omnimodis, ut possint pauperum substantiolam vel per calumniā concutere, vel per rapinā. Instaurat lites, exaggerat quæstiones; & si aliter tollere nostra non prævalent, in illius fraudis commenta transfiliunt, ut à nobis interdum suam suorumue pecuniam calumniosa penitus, & conficta mutui vel depositi actione reposcant. Deinde lite sub iudice contestata, testimonium contra nos venale quidem, sed non veniale producit, & eneruatur vndiq; sinceritas veritatis improborum testium labefactata perjurij. Quod utique si dissimulatis & sustinetis in posterum, non nobis Domine, non nobis, sed scurris & epulonibus laboramus: reliquumque est, ut ad vellicandas facultatulas nostras non in vacuū currant, quicumque nomen Dei sui in vacuum accipere non formidant. Succurrite proinde, beatissime pater, & recenti adhuc morbo recens adhibete remedium, ne panes filiorum canes comedant, & stipendia pauperū luxus sibi vendicat & ebriositas comessantium. Alioqui, ut quid mortificamur tota die? Ut quid fratres nostri in laboribus plurimis, in ardoribus abundantius, in frigore supra modum, anxie vitæ modicam stipē ex imis visceribus defossæ telluris extorqueant? Precamur igitur, quatinus priscæ consuetudinis tenor vestro nobis privilegio restauretur: ut si quis videlicet ab aliquo Monasteriorum no-

Venale testimonium aduersus Cistercienses.

strorum rem indebitam dubiamne poposcerit, Abbas loci rei veritatem in propria conscientie periculum requisitus, & Monachus siue conuersus ex obedientie virtute iussus alleget; & sic in verbo veritatis eorum accipitis causæ decilio perseueret. Quod si feceritis, sine aliorum injuria nostra nobis jura seruatis. Si verò vobis via forsitan ista minus placet, inuenite aliud quantumque remedium, quod cum remouerit à prauorum cupiditate perjurium, cessare à nobis faciat solutionis indebitæ detrimentum.

Epistola 2. Ad eundem.

Gratias agit Pontifici pro collatis beneficijs, præsertim Cænobio Balernensi, (quod est de linea Clarevallis,) cujus inchoatū iudicium aduersus iniquos celeriter terminari exoptat.

Papa caput
Ecclesie.

QUOD facimus, pie Pater, quod ad referendas vobis gratias, quas profusa in ordinē beneficentia exigit, nec vires nobis, nec merita suffragantur? Confirmata est in nobis magnificentia vestra; confortata est super nos & non poterimus ad eam, cum tanta sit affluentia benedictionis & muneris, vt inaniter ad recompensationem ejus se erigat nostræ insufficiencia paupertatis. Ad Deum igitur humilitate supplicii recurrentes, petimus incessanter ab eo, vt ipse vobis retribuat pæ actionis præmium, qui præstitit pietatis affectum: & in hoc Ecclesiæ capite gratiæ cælestis vnguenta multiplicet, quæ usq; ad fimbriam vestimenti ejus jugi pro fluuio inexhaustæ consolationis emanet. Sanè in præsentiarum ad pedes vestros pro Monasterio Balernensi has tantillas gratias exoluentes accumulamus: pro eo quod sibi justitiam suam sub iniqua diripientium sorte captiuam quasi post liminio liberam resignastis, & de ancipitis concertationis salo in portum quietis pristinae reduxistis. Porro aduersarius ejus defectu indictæ sibi probationis exterritus, paginam rescripti vestri non reddidit, eo utique tenore subnixam, vt si ille à quadragenariæ præscriptionis assertionem defecerit, penes Balernenfes fratres possessio restituta resideat, & os calumniantis & æmuli perpetui silentij repagulis obmutescat. Non reddidit ergo, non reddidit, expectans vt dicitur, vitæ vestræ finē, vt tunc emortuæ causæ suæ nouam denuo meditetur originē. Pie Iesu, quanta est in timidis conscientijs sub tremula meditatione versutia! Iustitiam sibi emori suspicatur, nisi justitiæ moriatur Antistes, & sub obscurum præfagiens de falsitatis obumbratione compendium, publici luminis præstolatur occasum. Vt ergo mentiatur iniquitas sibi, petimus cum debita salutationis honore, vt nisi infra certum terminum jus allegauerit quod reclamatur, promulgatæ taciturnitatis refrænetur obiectu: quatenus dum obtentu justitiæ, quam funeris aucupatur euentibus, in tanti Patris fata suspenditur, viuidæ mucrone sententiæ suæ potius iniustitia moriatur.

Epistola 3. Ad Cancellarium.

Commendat ei Heduensem Episcopum à suis ad Sedem Apostolicam appellatum.

NON est timendus de importunitate contemptus, in quos porrigitur de pietate cōtuitus: quia numquam importunē charitas pe-

titur, cui semper in promptu est abundantius concedere, quàm rogetur. Hęc est enim quæ in Apostolo & Apostolicis viris, quales vos esse nō improbè dixerim, non solum impendit, sed & superimpenditur. Hęc est, quæ cum scandalizatis vritur, cum infirmantibus infirmatur. Hęc denique, quæ nobis apud vos ex præcedentium contemplatione sanctorum spem bonam & in reliquum pollicetur. Ex ea igitur est, quod præsidia vestra pro nostris non solum necessitatibus, sed & necessitudinibus requirentes, causam vobis nostri Heduenfis Episc. cōmendamus, cui cum ædificet & bonorum religio famam, & religionis bonitas conscientiam, peperit ei virtus æmulos, cum non daret malignitas inimicos. Quidam namque de domesticis suis ad insipientiam sibi contra stimulum calcitrantes, nuper aduersus eum erexere calcaneum, & celebris innocentie virum ad Sedem Apostolicam prouocarunt. Improbi namque homines, & iurgiorum scandalis assueti, nesciunt omittere, ne prisce consuetudini pareant, quod post antecessorum inquietiones & lites, in hujus quoq; perturbationes insurgant. Hujus itaque vobis & simplicitatem & justitiam cōmendantes rogamus, & petimus, vt status ejus, qui aduersæ malignitatis flatibus quatitur, benignitatis vestræ robore fulciatur.

Epist. 4. Ad Moguntinum Archiepiscopum.

Ejus virtutes extollit, deinde Cænobium Eberbacense ejusque Abbatem illi commendat.

POST acceptam de antiqua hostilitate victoriam, quæ in manibus vestris sancta mater Ecclesia deuicto schismate triumphauit, post exploratæ fidei laboriosos agones, quibus per vos Imperij virtus, & gloria Imperatoris majestatis enituit, non defuit vobis Angelus Sathane qui malitiæ suæ colaphis cædetet triumphanrē, ne vel magnitudo vos tantæ operationis extolleret, vel feliciū prosperitas continuata successu patientiæ vestræ meritū non monstraret. Audiuit, & lætata est Sion, ea quæ fidei vestræ integritate fecistis. Audiuimus, & compassi sumus, ea quæ ex aliena perfidia tolerastis, grâcias agentes ei, qui vos pro augmento gloriæ vestræ & incurribus tentationis exposuit, & tentari intolerabiliter non permisit. Liberatum ergo vos de manibus impiorum, lætis quidem rumoribus auribus lætissimis audientes, non cessamus orare pro vobis, & gratias agere, vt Dominus Deus noster æternā vobis gloriam pro publicæ pacis administratione retribuat, & sudores patientiæ vestræ manu placidæ cōsolationis abstergat. Et quoniam expectationi filiorum nostrorum de Eberbac gratia vos diuina restituit, eos & domū ipsam, quæ hætenus sub vmbra nominis vestri seruata est, & in omnibus prospera, multo magis nunc vestra, quæ sumus, præsentia foueat, & lædi vel turbari in aliquo non permittat. Crescat erga illam gratia, quam à vobis, cum discederetis acceperat, cujus utique status in hoc potissimum vestri redditus oportunitate dirigitur, si vetus misericordia nouis miserationibus cumuletur. Specialiter autem carissimum fratrem nostrum, vestrum verò deuotissimum filium, A. Abbatem ejusdem loci, qui Domino G. exinde redeunti successit, vestræ beneuolentiæ cōmendamus, rogantes per mansuetudinem Iesu

Cc ii]

Mortem
Papa expectabat aduersarium, ut litem instauraret.

Christi, ut eum tamquam viscera nostra refo-
ueatis in Domino, scientes proculdubio, quod
nobis & vniuerso Ordini exhibitum reputabi-
tur, quidquid ei pacis atque solatii vestrae cha-
ritatis munere conferetur. Si quis autem in sug-
illationem ipsius aliquid vobis sinistri sugges-
serit, mentiatur potius iniquitas sibi, & os lo-
quētis iniqua vestris redargutionibus obruat.

Epistola 5. Ad Abbatem Cisterciensem.

*Mortem Abbatis Trium-fontium à pessimo quodā
interempti nuntiat.*

*B. Gerar-
dus Igniaci
paulo ante
occisus.*

Perfusus amaritudine spiritus, & tactus do-
lore cordis intrinsecus, quid dicam vobis,
Pater, vel quid faciam, nescio, afflictione valida
& miseria saturatus. Vos autem ex his quæ scri-
bentur attendite & videte, si est dolor similis,
sicut dolor meus. Obductam namque præteriti
vulneris cicatricem scidit nuper ictus acerbior:
ut qui parricidalia dudum funera in Patris nece
desseueram, eadem cogar & nunc in Clarevallis
primogenito deplorare. Ad maiorem verò me-
rum miserationum cumulum vterque; quodāmodo
inter manus meas extinctus est, vterque me præ-
sente peremptus: ut gladius doloris huius ed
crudelius orbatu senis animam pertransiret,
quo me miserum feriret comminus, & pressius
è vicino confoderet. Accidit enim ante paucos
hos dies, ut in domo Triumfontium, quæ pri-
ma est in filiabus nostris, visitationis ageremus
officium; & ecce Abbas ejusdem loci sacrarium
Ecclesiæ, ubi altare B. Bernardi nuper erexerat,
peculiarem orationē solito celebraturus ingre-
ditur, quatinus post hæc missarum solemnitati-
bus celebratis deuotior nobis & negotijs instā-
tibus redderetur. Cumque ibi moram faceret,
& cum Angelis Dei assisteret, coram Domino,
affuit etiam inter eos Satan, permissus in eum
extendere manum suam: ut ille innocentissimus
pater ibi reciperet mortem, ubi vitæ requirebat
authorem. Ingressus est namque post eum vir
belial nomine Simon, qui clauso ostio ut occi-
deret in abscondito, patrem suum prædictum
Abbatem vibrata in caput ejus acie securis ag-
greditur; nec prius à vultus & verticis concisio-
ne destitit, quam ille non jam miser, sed adhuc
miserabilis pater laureatus suo sanguine spiritū
in ejus quem orabat manibus expiraret. Post
hæc vna hora transacta abiit crudelissimus par-
ricida, & missam celebrare non timuit; ut vela-
mentum sceleris deuotione sibi ascisceret sacer-
dotij. Diu enim præ tumultu lugentiū & con-
currentium Monachorum ignoratus parricida
delituit: quamvis vox sanguinis sine intermis-
sione fluentis virum sanguinū, quoties feretro
cōminus accessisset, stillicidiali quodam testi-
monio demonstraret. Vnde postmodum pro his
& alijs quibusdam conjecturalibus signis ad ra-
tionem positus, reum se patrati facinoris confi-
tetur: dignus quidem qui nullam consequatur
veniā, qui nullam in eo reperit mortis causam.
Et ecce nunc, Pater optime, captus & catena-
tus tenetur in vinculis: pro quo vobis instan-
tissimè supplicamus, ut præfixa die consilio, &
habita deliberatione cum fratribus, talis in eū
diffiniatur pœna, quod similis præsumptionis
debeat finire materia.

*Fluit san-
guis ex vul-
neribus ad
presentiam
homicidæ.*

Epistola 6. Ad Conuentum Trium-fontium.

*Monet Conuentum illum, ut diligenter seruent
homicidam, nec fame enecent.*

QVRVS est cor vnum, & anima vna in Do-
mino, consequens est, cetera quoque fo-
re communia, quæ sub certa lege incommuta-
bilis æquitatis, vel gratuita benignitas fortis
melioris indulserit, vel tristis illisio casus aspe-
rioris infligit. Probat hoc in dolore vulneris
vestri Patrum Ordinis immoderata compassio,
in quorū pectora mteroris participatione trās-
funditur, quidquid illud est, quo pro recentis
enormitate facinoris vestra fraternitas contri-
statur. Sentiunt, sentiunt ad se pertinere pro
virili portione, quod plangitis; quia quod vos
vrit singularitate discriminis, in illis succendit
affinitas charitatis. Suadent autem, & à vobis
cupiunt, ut jam tandem doloris huius consola-
tione suscepta actus vestros prouida circumspe-
ctione valleris, talesque vos exhibeatis in poste-
rum, quod infortunij præsentis acerbitas, non
tam præteritorum pœna neglectuū, quam sub-
sequentiu æstimeretur custodia meritorū. Porro
de illo miserabili parricida definito consilio sta-
tuerunt, ut quamuis non solum præsentia, sed
memoria quoque ejus horrorē pariter renouet
& dolorem, cum tamen pro maiori scandalo
deuitando vsq; ad Capitulum sub districta fa-
ciatis custodia conseruari, pane tantummodo
& aqua vitæ miseri sustentantes, excepto quod
ei tribus diebus hebdomadæ pulmentū aliquod
vestra poterit humanitas erogare. Cauendum
est enim & nobis & vobis, ut cum volumus, ne
de vinculis nostris effugiat, hunc in manibus
nostris famis violentia non extinguat. Videte
ergo, ne contemnatis vnum ex his duobus: quia
quod Ordinis decreuit autoritas, vestra debet
omnino religiositas æmulari. Quod autem su-
peragendum est negotijs vestris, ecce nos domi
sumus, parati ad omne subsidium consolatio-
nis & pacis, quando consilij tempus venerit co-
ram vobis.

*Parricida
pane & a-
qua in car-
cere susten-
tandus.*

Epistola 7. Ad Abbatem Cari-loci.

*Mercatori, qui se in negotiatione pecoris dicebat
circumuentum, reddi quod iustum fuerit,
præcipit.*

NON parvus in charitate profectus osten-
ditur, cum fraternæ pacis lucrū peculiarijs
questibus antefertur. Est enim, ut ait Apostolus,
questus magnus pietas cum sufficientia, cui nos
potissimum oportet intendere, qui terrena cre-
dimur pro cœlestibus dimisisse. Vnde quoniam
ille in negotiatione pecoris, quod à fratribus
vestris emerat, ad summam ferè trecentorum
solidorum se asserit circumuentum; volumus ut
discretio vestra rem diligenter inquirat, & si ve-
rum esse compererit, quod asseritur, damnum
prædicti N. compensatione rationabili mode-
retur. Sic enim & hic glorificabitur Deus; cui
acceptabile sacrificium in ara cordis incenditur,
cum terrenæ cupiditatis aruina charitatis igni-
bus adoletur.

1. Tim. 6.



Epist. 8. Ad Simonem Montis-acuti.

Moriatur illum, instare operibus pietatis erga proximos.

Operantem in vobis gratiam Dei nostri, quā velut oliuam fructiferam in pectore vestro plantauit omnipotens, gaudenter inspicimus, & suspicimus reuerenter; scientes, quod nunquā se in bonæ operationis ramos tam latè diffunderet, nisi eam superni roris irriguum in ipso de quo pullulat charitatis cespitè fecundaret. Huic ergo totis in Christo congaudentes affectibus, iuges ei profectus & fructus vberes imprecamur; vt ita nimirū per salutiferas actiones erumpat indefinenter in publicum, quod indeficiēs capiat in intimis incrementū. Cūpiet autem, si erogare non desinat; quia oleum pietatis & miserationis vnguentum quantō copiosius in fraternas necessitates effunditur, tantō donis potioribus augmentatur. Nescit enim subjacere gratia diuina defectibus: sed sua potius attenuazione pinguescens, inde reparatur ad lucrū, vnde videbatur incurrisse dispendiū. Instate igitur, sicut & facitis, operibus pietatis, vt & vobis acquiratis pro meritorum retributione coronam: & nobis de salute vestra petentem faciatis commearē lætitiā.

Epistola 9. Ad Vintoniensem Episcopum.

Aut se in quodam negotio Regem non inhonorasse, sed Ordinis puritati consuluisse, aduersus falsum fratrem: & domum Mortui-maris commendat.

Suceptis cum gratiarum actione literis quas misistis, ad placandum Regis animum nuntios & scripta dirigimus; sperantes, quod si rei gestæ dignouerit puritatem, serenabitur clementia vultus ejus: & conuerteret ad misericordiam, quod disponebat ad iram. Vos quoque, ne ignorata veritate dubia pro certis accipere debeatis, credite potiūs nobis, fidem si placet fidelissimo testimonio commendantes, quod quidquid de illo factum est & statutum, necessitas egit juris, & sinceritas æquitatis: nec fuit ibi consideratio praua, quæ Regis honorificentia derogaret: sed simplex & oportuna prouisio, ne puritas Ordinis, nomenque personæ ignominia crescente vilesceret. Quod autem captū se asserit, & velut in carcere constitutum, viderit ipse, quid dicat; ne fortè hoc magis pro carcere deputet, quod non permittitur circuire terram & perambulare eam, vt vadēs loquatur aduersus fratres suos, & contra filios matris suæ ponat scandalum. Aures ergo vestras vanis amodo suggestionibus obstruentes, agite quæsumus, & apud Dominū Regem state pro nobis; vt non contineat in ira misericordias suas, nec habeat, se iudice, reos, quos sinceritas probat inculpata actionis innoxios. Domum verò Mortui-maris consueta pietate respiciat, ne & ipsa loco supplicij luar, quod ad instar & consuetudinem viui maris carnem mortuam non retentat.

Epistola 10. Ad Abbatem de Vallibus.

Queritur, librum quem comodauerat, pessumdatum stillicidio fuisse, & noctu restitutum, ne pateret detrimentum.

Grauis iactura est, & pluribus onusta dispendijs, cū eatenus damnum rei corpo-

ralis incurritur, vt & charitatis simplicitas deludatur. Quod ideo dicimus, quia librum quē remisistis nobis nimio neglectu pessumdatum, & stillicidij alluvione complutum, cū incautè seruassetis, cautissimè remisistis: procurante videlicet portitore, vt eum noctu redderet, & ipse antelucanus in crastinū causa nondum cognita pertransiret. Quasi non sufficeret, quod injuriā damni dati serotinus hospes occuluit, nisi de nūo confidentiam nostram fuga redderet improuisa festinationis illusam. Quod autē adhuc illi alium à nobis accipere librum, quibus priorem dimiserat sub tali ludificatione confusum? Licet ergo pro illa, quæ omnia sustinet, charitate, præteritam ad præsens dissimulemus offensam; similia tamen à simili formidantes, librum alium quem habetis ex nostris, confestim nobis volumus resignari: scientes in se potiūs retorquere periculum, qui experientia præcedentis incommodi, futuri non declinat infortunia detrimenti.

Epistola 11. Ad Reginam Tharsiam.

Laudat Reginam, maxime ob liberalitatē in pauperes, & in Ordinem.

Peruenit ad nos ea quam misistis pagina literarum, quæ & eximia deuotionis erat plena dulcedine, & regiae rutilabat fidei claritate. Liquidō namque nobis illarum tenore innouit, quod cū præsto sit vobis de honore principali sublimitas, mentis multo magis humilitas vos honoret, quæ in serenissimo corde vestro mundanæ potestatis fastum reprimit, dum illud in ambitum beatitudinis cœlestis artollit. Hinc est, quod præter morem cæterarū nostri temporis fœminarum, in pauperibus Christi Christianam non erubescitis paupertatem: dum illorum suffragia deuotissimè queritis, quos ipsa magis vestro suffragio sustentatis. Et vnde tantus tenor humilitatis in virgine, nisi de amore & imitatione illius, qui seipsum exinanivit, nasci dignatus ex virgine? Nunc ergo Domine Iesu Christe, seminator pietatis humilisque consilij, accipe seminum fructus, quos in Tharsia seminasti. Vos autem excellentissima Domina, quam supernus Dominus tanta benedictione præuenit, vt prius didiceritis cœlos amare, quā terras, agite quod agitis, diligite quod amatis: vt post præsentis gloriæ floridum principatum, corruptibilem regni hujus coronam incorrupto diademate commutetis. Pauperes verò fratres nostros, imò ex vestra familiaritate jam diuites, magnificentia vestra, etiam cū non oporteat, commendamus, quatenus & nōs circa illos paternæ sollicitudinis comprobemus affectum, & vobis merces operis geminetur, si quod ultro nea liberalitate facitis, commonitionis quoque nostræ obedientia faciatis.

Regina Tharsia virgo.

Epistola 12. Ad Regem Portugaliz.

Regis humilitatem, cuius præuentus literis fuerat, commendat, ac in Ordinem charitatem: acceptaque Cœnobium de Castinera sibi ab eodem Rege oblatum.

Plæ dignationis vestrae gratiam, qua nos Regiæ salutationis alloquio præuenistis, obuijs brachijs pronæ humilitatis amplectimur; gratias agentes Deo, qui sic vos fecit gloria terrene dignitatis excelsum, vt magis amore cœlestium humilitatis vos fecerit apice gloriosū. Sic enim

Cc iij

Regem Angliæ hic intellige.

Quis eminentissimus principatus.

humiliter, sic benignè vestra se nobis gloria in literis quas misistis insinuat: ut militem potius videantur sonare, quàm principem: nisi quòd ille verè est eminentissimus principatus, qui Christi fide cernitur & humilitate subnixus. Iam verò quas vobis literas redhibere poterimus, qui paupertatem fratrum nostrorum pauperem esse non finitis, quam continuè beneficentiæ donis & protensis locorum finibus ampliatis? Intende quæsumus, Christe Iesu, & hæc sancta opera Regiæ hujus pietatis accepta: ut qui pauperibus tuis liberam reddit hujus sæculi solitudinem, perennè cum eis habeat in domo patris tui tuo munere mansionem. Nos quoque pro modulo nostro, piissime Princeps, benevolentia vestra diuitias venerantes, oblationem Monasterij de Castineria, quod piæ religionis amore in Ordinis nostri titulum transcribere cogitatis, gratanter accipimus: promptam gerentes in Domino voluntatem, ut cum Abbas loci venerit, subventionem à nobis & opem recipiat congruentem. Quod autem ad orationum pertinet suffragia quæ petistis; nūquid potestis bonorum nostrorū non esse participes, quibus intantū sumus pro tanta benevolentia debitores?

Epistola 13. Conuentus Clarævallis, Ad Papam Alexandrum.

Orat Conuentus Pontificem, ne suo Abbate Henrico, qui ad Tolosanum Episcopatum quærebatur, destituatur.

Matt. 8.

Discipulorum Christi exemplo ducimur, ut in pelago mundi hujus procella surgente deterriti, ad cœleste præsidium fugiamus à fluctibus, & quiescentem in puppe vicarium Salvatoris pulsemus precibus, clamoribus excitemus. Confidimus enim, quòd nauicula Clarævallis, quæ ab olim vos habet in omni tempestate rectorem, vndosis ictibus etsi colliditur, non quassatur, quamdiu inter maris hujus turbines procellosos tali & tanto gubernatore dirigitur. Et ut ejus quæ de vobis est, summam nostræ fiduciæ pernoſcatis, non timebimus præſidentibus vobis in qualibet commotione naufragium; quia stabit, si dixeritis, spiritus procellarum. Ecce autem nunc, beatissime pater, repentini turbinis fragor infremuit, & tempestas è longinquo prorumpens horrorem nobis proximæ turbationis inuexit. Ecclesia siquidè Tolosana proprio destituta pastore, oculos in Abbatem nostrum nostræ pacis æmula irreuerenter injecit: tamquam non putet sibi à propria ruina surgendum, nisi & nobis interim status nostri machinetur excidium. Quærit & satagit jacturam suam de nostra calamitate reficere: non attendens neque recogitans, quàm peruerso ordine diuinis dispositionibus obuiet, si Hebræorum spolijs Ægyptios locupletet. Nos autem, quorum interest mutationis hujus pensare dispendiū, ad pedes vestros flebili deuotione prosternimur, profusis lacrymis vnanimiter exorantes, quatinus contra hujus turbinis instantiam tranquillitas nobis vestra cōsolationis arrideat, ut nullum admittatis de Patris mutatione consilium, quod plangat in posterum calamitas filiorum. Scitis enim vos, & nos ipsi experimento didicimus, quòd in variatione magistratuum quantumlibet tenax disciplina resoluitur; & admissa crebrius mutabilitate pastorum, gregis plerumque sinceritas dissipatur.

Variatio frequens Pastorum improbat.

Epistola 14. Conuentus Clarævallis, Ad Regem Francorum.

Orat Regem, ne permittat Abbatem suum sibi auferri, & Tolosanum Episcopum constitui.

Amplissimos Regiæ dilectionis affectus, quos ad vniuersas Ecclesias Regni vestri ob reuerentiam summi Regis expanditis, ad cumultū conficulistis initiata circa nos charitatis affectu, ut gratiam cæteris ex vestra pietate communem, nobis faceretis absque aliorum præjudiciis singularem. Sic enim piissimum pectus vestrum cœlestis gratiæ opes amplificat, ut abundet in eo quòd vniuersitas hauriat; & non desit eident quòd familiaris affectio iure proprietatis inuadat. Nos ergo specialis gratiæ prærogatiua gaudentes, tantò securius in necessitatibus nostris ad thronum vestrae maiestatis accedimus, quando clarioris certitudinis argumenta ex ipso dilectionis privilegio jam tenemus. Nunc ergo Clarævalli vestra granditer vos adesse necesse est: quæ si humano præjudicio pastorem suum regnantibus vobis amiserit, non restat ei ampliùs in quo confidere vltra de homine vel velit omnino, vel possit. Misimus autem nuntios nostros ad vos, qui nimirum ut fideles inueniantur, necesse est completum iri, quòd nobis per eos de vestra protectionis magnificentia respondistis. Nam Dominus Cardinalis qualiter impleuerit, quòd promisit, inopinata mutatione tam itineris quàm voluntatis ostendit. Superest igitur, ut fidei vestrae sinceritas opè nobis fraudatæ consolationis instauret, scribendo Domino Papæ, ut in hoc exterminium pacis nostræ neque nunc assentiat, neque in posterum cuiuslibet desolatæ Ecclesiæ voces in consuetudinem nostræ turbationis admittat. Improbum namque est, & sacris legibus interdictum, ut quis cum detrimento locupletetur alterius. Et nos ceterè pro utilis electione pastoris frustra videmur studio deuotæ orationis insistere, si ex vsu contingat nostras nos lacrymas alienis potius consolationibus profudisse.

Epist. 15. Conuentus Clarævallis, Ad Dominum Cadorem Archidiaconum.

Molestè se ferre ait, quòd non potuerit ejus visitatione honorari; & mortè Prioris sui nuntiat.

Dignè quidem prudentia tua, sed non min⁹ dignanter excusat, quòd Regalis obsequij functionib⁹ occupatus, promissam nobis aduentui lætitiā statuto exhibere tempore nequiuisti. Illud tamen oportet agnoscas; quòd excusatio ista non satisfacit votis, etiam si videatur satisfecisse judicijs, eo quòd charitatis affectibus non præscribit, quidquid improuidus casus quantumlibet iustæ necessitatis inuexerit. Quid enim si non possis explicare quòd cupio? Ego tamen nequeo nō amare quòd amo, nec min⁹ subinde in summam desideriorum suorum contumax flamma feruentis amoris attollitur, etiā si superjectæ difficultatis obice reprimatur. Habet enim & hic suum non improba dilectionis improbitas, ut plerumque dum assequi cupita non possumus, quòd negat impossibilitas ardentius cupiamus. De cætero vestrum est, omnimodis procurare, ut non ablatum nobis sit, sed dilatum, quòd de aduentu vestro pia fuerat familiaritate dispositum. Dehinc verò quòd stat⁹ nostri notitiam dari vobis per literas po-

Henricus
Abbas tunc
creatus est
Cardinalis.

fulastis, ex illa nimirum prodijt charitate, qua vestrum non immerito facitis, quidquid nobis pepererit vel prosperitas latum, vel sinisteritas luctuosum. Et nos quidem & Clarevallis vestra per gratiam Dei satis prosperè agimus; excepto quodd nouissimè diebus istis non leuiter nos tetigit manus Domini: quos vt vtriusque parentis orbaremur solatio, vna die dira valde perculit in Abbatis absentia mors Prioris. Nos autem alterius gementes obitum, alterius reditū præstolantes, inter mœores & gaudia medijs suspiramus: inde vtrique magis tristes, quodd prædicti patris aduentum, quem jamdiu inaniter sustinemus, præ tédio moræ sperare desinimus.

Epist. 16. Ad Religiosos in Germania cōstitutos.
Conuentus Clarevallensis, Abbatibus Germania participationē orationum, &c. cōmunicat.

Simus fratres, quodd supernorum dona charismatum fraternæ participationis communionē proficiunt, & cō copiosius intra possessorum suorum mentes exuberant; quodd largius in subsidia proximorum deriuatione quadam traducis charitatis emanant. Inde est, quodd in nostræ fraternitatis suffragia requisiti, votis vestris libenter annuimus, concedentes vtrique vobis perpetuum Deo in orationum nostrarum participatione consortium; vt & nos, quodd oppidd postulamus, communionē vestrarum gratum Deo participium consequamur. Sic enim dum nostra in altervtrum bona diuidimus, in amorē Dei sub vinculo pacis mentes intimas adunamus: & quodd diuinitus habebatur in singulis, hac vnitate proficit vniuersis. Quapropter monemus vos & exhortamur in Domino, vt jam deinceps hujus communionis intuitu ad gratiā Dei nobis & vobis pariter prōmerendam in diuini operis ministerio studiosius vigiletis, plena manu in benedictionibus seminātes, quodd plena tandem falce in æternis messionibus colligatis. Expandatur in cordibus vestris iustitiæ suæ, ostium claudatur ineptijs, & amor sæculi, vel sæcularium potestatum diuini amoris custodia postponatur. Ipsæ quoque necessitudines naturales in affectibus vestris non præjudicent veritati; quia nec regnum Dei caro & sanguis assequitur; nec vobis vllatenus expedit, vt si pro Christo sæculum reliquistis, Christum pro sæculo reciprocatione damnabili relinquatis.

Christus sa-
culo non cō-
mittitur.

Epistola 17. Ad Conuentum Mortui-maris.
Afflictos hortatur ad exerendam virtutem, & patientiam exhibendam.

Avdiro surgentis fremitu tempestatis, quā contra vos & domum vestram flatus diabolica malignitatis exagitat; instamus qua possumus prece sollicita dormientem denuo suscitare Iesum, vt surgat nunc, & opituletur vobis, & in tanta vos necessitate non deserat. Speramus autem, & in ipso confidimus, quodd surgēs surget ventis imperaturus & fluctibus, vt fiat ex commotione tranquillitas & statuta procella turbationis hujus in auram, mitescant & sileant fluctus ejus. Vobis autem, carissimi, oportunitas indulta est exerendæ virtutis, vt quid in pace profeceritis, in persecutione monstratis: & nunc de thesauris vestris explicetis ad meritum, quidquid negotiantibus vobis venisse putatis in lucrum. Ecce enim super vos quasi picea nox caliginosæ tribulationis oppanditur; sed agite, vt

nox sicut dies illuminetur, fiatque nox ista illuminatio vestra in delicijs vestris, cum effulserit in obscuritate turbinis, quodd olim accendistis in lumine claritatis. Sic enim scriptum est. *Indie mandauit Dominus misericordiam suam, & nocte canticum ejus.* Quodd est hoc Canticum, nisi gratiarum actio & vox laudis; in quam tunc præcipue jubemur erumpere, cum grauius contra nos mala vitæ presentis erumpunt? Ad hoc Canticum inuitabat discipulos, qui dicebat. *Omne gaudium existimate, fratres mei, cum in varias tentationes incideritis.* Et ne qua dubietas de vehementia tentationis obrepat, attendite, quodd alius non alio spiritu prædicauit. *Fidelis est, inquit, Deus, qui non patietur vos tentari supra id, quodd potestis; sed faciet cum temptatione promeritum, vt possitis sustinere.* Vos ergo, fratres, ponite in cordibus vestris patientiam seruare continuam: & de malitia illusoris lucrum facite charitatis. Rectas facite vias vestras, & studia vestra ad Dominum dirigantur: vt fiat in vobis, quodd legitis. Cum placuerint Domino viæ hominis, inimicos quoque ejus conuertet ad pacē. Quis enim nocebit vobis, si boni æmulatores fueritis? Perseueret in vobis disciplina Ordinis, fraternitatis amor, sinceritas charitatis: & jam nulla timeatur aduersitas, vbi nulla dominatur iniquitas. Viuat in vobis timor Dei, sæculique contemptus, & victa sunt omnia. Nos quoque juxta quodd ipsi petitis, ad Dominum Regem, aliaque personas, nuntios literasque direximus; *Regem Angliæ* sperantes, quodd in proximo vobis pax & tranquillitas oportune subrideat, dummodo disciplinæ quam geritis, nec decidat his statibus, nec arescat.

Epist. 18. Ad Batoniensem Episcopum, & Abbatem Fordensem.

Commendat causam Monachorum de Fontibus.

Pro causa fratrum nostrorū de Fontibus, quæ à Domino Papa vestræ committitur pietati, vobis quidem de superfluo scribimus; cum credamus, satis superque vestris pectoribus insitū, vt judicetis in iustitia pauperes, & arguatis in æquitate pro mansuetis terræ. Causa quoque ipsa, sicut bene confidimus, ita fouetur beneficio juris, vt non multum debeat officio judicantis. Verum, quia sic eis visum est, visum est & nobis, vt vestram humiliter excellentiā imploremus; quatinus intret in conspectu vestro gemitus afflictorum; nec patiamini, vt illius pauperes legibus onerentur iniquis, qui humanæ diffinitionis iudicia statim ponderaturus est æquitatis. Veniet, veniet dies illa, quidquid interim Christi pauperes patiantur, quando stabunt in magna constantia aduersus eos, qui se angustiauerunt, & qui abstulerunt labores eorum. Perhibemus autem & nos testimoniū veritati, quodd vir venerabilis D. Philippus, cujus verbo Dominus Eboracensis videtur inniti, rāquam ille ex parte conuentus & causæ abrenuntiauerit & quærelæ, contra omnino asserit & testatur, hoc solum se dixisse cōmemorans, expedire magis eis misericordiam sui & Patroni & Pontificis expectare, quā cum eo sub dubie litis Marte contendere. Quocirca rogamus vos & obsecramus in Christo Iesu, vt quemadmodū accepistis à Domino Papa, quomodo vos oporteat ambulare, & in causæ examinatione procedere, ita Patres, agere studeatis, & cōmissum vobis negotiū juxta mœra causæ merita diffinire.

Scitis enim, quàm periculosum sit deferre personam, si exinde cōtingat aliquid deperire iustitiæ.

Epist. 19. Ad Albanensem & Prænestinum Episc.

Rogat, ut eorum malefactores cōrceantur.

CVR eos disjungat vel apex vnus in literis, qui vno junguntur apice dignitatis: vel cur diuersitas quærat in chartulis, vbi simplex viget vnitas charitatis? Duobus ergo vobis scribimus, tamquam vni; quia dum in vno quolibet suspicimus alterum, singularem affectum colimus in pluralitate duorum. Domesticus vobis est Ecclesiæ nostræ status, à quibus non peregrinatur affectus. Posita est, vt scitis, inter gentes indomitas, & Gallica fortitudine contumaces; quæ dum sua per intemperantiā prodigunt, aliena per violentiam diripiunt & prædantur. Ideoque mediante sollicitudine vestra rescriptum nobis petimus Sedis Apostolicæ pro rogari: quo Archiepiscopis & Episcopis terræ nostræ generalis mandati statuatur authoritas, vt de malefactoribus nostris plenam nobis iuriam faciant, nec in eos aliqua postmodum absolutio prodeat, si digna satisfactio non præcedat. Cessent à sacri participatione mysterij villæ, oppida, ciuitates; quamdiu ibi B. Remigij præda constiterit; vt proueniat nobis rerum indemnitatis amotarum, dum illis interdictum solemnitas diuinorum. Hæc interim per vos, & quidem magna deposcimus; in quibus si nobis dilectio vestra responderit, fiet, vt cum oportuerit, maiora poscamus.

Rogat, interdicto subijci oppida, &c.

Epistola Petri de Roya, quā ipse Nouitius apud Claramvallem edidit.

Agit de vita & sancta conversatione Religiosorum Claravallensium illius temporis, suaque ad illud Monasterium conuersione.

Dilecto suo C. Sanctæ Matris Ecclesiæ Nouiomenis Præposito, forsitan annuali, si velit autem, cælorum Regi futuro in perpetuum; frater Petrus, per misericordiam Dei, Claravallis Nouitius, salutem in idipsum. Moris est Amicorum, quos jungit amor Christi, sed locorum separant interualla, vt cū se videre non habeant, nec loqui sibi facie ad faciem; frequenter tamen pia in Christo memoria, se vicissim respiciant, si-bique mutuis loquantur affectibus; secreta & amica voce cordis super alterutro inquirentes, & profundis apud Deū gemitibus orantes pro inuicem. Secundū hanc amotis legē, ni fallor, inquiris & tu aliquādo intra temetipsum, in secreto cordis, quid agatur apud me dilectum tuum; quæ mihi sit volūtas, quis status & habitus, quod desiderium. Et forsitan times, amicā pietate, humeris meis, quos exiguos agnouisti, & debiles arbitris ad huius vitæ, quā elegi, portandum onus, & jugum sustinendum. Dilecte mi, Trepidauerunt multi vbi non erat timor. Quia igitur in bono Iesu me diligis, non te oportet in huiusmodi timere: Hæc enim Dñi sunt, cuius jugum suauis & onus leue. Ego autē cū sufficiens non sim ad expendendam multitudinē bonorum, quæ nuntiāt animæ meæ per singulos dies, corporis mei aures & oculi; tamen ad certificandum cor tuum statu & desiderio meo, tuæ sagacitatis signare dilectioni pauca de Claravalle, de pauperibus Christi habitantibus in ea, de ordine & modo vitæ ipsorum, ad quos imitandos fidelibus anhelat suspirijs anima mea. Primo siquidē omnium, describā

Amici absentes sese memoria intimentur.

Psal. 13.

tibi partem aliquā, & modum veteris vitæ meæ: modum dico, si vbi rarō aut numquam modus fuit, modum possim appellare. Volo autē vt id ad profectum tuum in hac descriptione diligenter attendas, de quot & quantis mortibus me iam eripuit Saluatoris benignitas, ipsumque glorifices; qui verē quemcumque peccatorem venientē ad se, nō eicit foras. Si quid verō in me legeris, quod & in te fortuito deprehendas notabile, tuæ fideliter consulo fraternitati & salutem, vt id sine mora corrigere festines, dum licet, & nescis quid superuentura pariat dies. Ego igitur, dilecte mi, dum essem Nouiomi, & in fenestris domus Episcopalis solus mihi sederē, frequenter etiam tecū, & cum alijs; considerata sepius domus illius ordinatione, & notata quæ se oculis ingerebāt, ejusdē pulchritudine, heri noua, hodie veterascente, memoriā mentis & intuitum secretō deferebam ad ordinatissimam illam domū super cælestem, cuius gloriosa, indeterminabilis, & semper noua pulchritudo omnem transcendit hominis cogitationē. Ab huius autem semita longe positum, miser ego, miserimū me videbam, qui scienter in latitudinem viæ pessimæ ambulabam, per quam (nisi cura vigili fugiatur) citō, & irregressibiliter curritur ad domū longē aliā, domum scilicet doloris, domum extremæ & infinitæ turpitudinis: Vbi nullus ordo, sed sempiternus horror inhabitat, & cum verme qui non moritur, sempiternus ignis. O! quā iure igitur sollicitus cogitabam, ne sicut inceperat me huc pertrahere amor mundi, per cuius ampla & multa desideria, lubricus & insatiabilis euagabar, aded ebrius, vt pro viribus & licentia, in nullo meæ carnis reluctarer voluptati; hoc excepto, quod me sæpe recordabar moriturum, & ex huius sæculi labilibus gaudijs, obstupescens, pensabam æternorum mirabilia sæculorum. Dum enim ad mensam Domini nostri Episcopi, ciuē nostrum imō & hostem meū in argenteis vasis, de more, suauiter nutrirē, nec insalubriter quidem, quantum in vasis erat; dumque mihi manu corporis delectabiles legerem delicias, sæpe in eisdem vasis silenter legebā, manu scilicet cordis longe alium cibum. Sed tu, dilecte mi, licet tibi satis affinitate recumberē, hunc me legere nesciebas. Quid igitur? Nūquid dapes quotidie festiuas, aut inculpabiles scutellas redarguo? Numquid liquorem illū cuius & color blandē attridebat oculis, & sapor dulce in palato respondebat, aut scyphos accuso argenteos? Absit: non enim cibus erat in vitio, neque potus, nec etiam argentea vasa: sed in meo vase fictili latebant semina, vnde spinarum surgentiū graues introrsū sentiebā aculeos, ad auram quidē rerū exterius auditarū, vel visarū excitatos. Sæpe itaque, & in mensa, & extra mensam, silenter legebā in auro & argento, in tam pretiosa quā speciosa domus Episcopalis supellectile. Legebā etiā in plerisque alijs rebus mundi, quas ad cōcupiscendum intruebantur prædones oculi mei, mandatorum Dei transgressores. Legebā autem sic: Petre, quæ intrueris, in quibus gaudes, vel gaudere appetis, de mundo sunt. Erit igitur quando non erunt; tu autē eris. Vbi eris, Petre, siquidem tu iniurius crucis Christi, in quā sola gloriandum non ambigis, in mundanis gloriari concupiscis, certus tamen quod cum sua concupiscentia quotidie pereundo, transit mundus; & homo cum interierit non sumet omnia, neque cum eo descendet

Author Nouiomi habitabat.

Inferni descriptio.

Pulchra lectio in auro & argento.

gloria ejus. Petre, illam carnis tunicam vilissimā quam tanti facis, vt pro ejus cura & desiderio, non solū tui, sed (quod maj⁹ & execrabilius est,) obliuiscaris etiam Dei, multo adhuc viliorē in breui relinques vermīs, & putredini. In hoc ergo tui exitu, cujus horam nescis, nudatus carnis tunica, quō migrabis? Cui occurre? Quid respondēbis? Vbi etiā reponeris, donec redeas ad tunicam? Redibis enim, & ipsam eandē verē iterū indueris: & resurges quidem, aut in vitā & gaudiū, aut in mortem & luctum, & horū non erit finis. O, dilecte mi, hęc erat lectio, quā silenter & frequēter relegēbā in cordis cubiculo: & prefatę inquisitiones multoties spiritum meū penē ab omni disjungebant letitiā. Nec mirū, me etenim veraciter arguebat cōscientia, quod in omnib⁹ vijs meis, de nostro Salvatore meū fieri dānatorē promererer, cum etiā in his quę ad cultū ejus pertinerent, ipsum offendere non vererer. O, quā mira! O, quam audax & insana pręsumptio! Certus eram Dñm justum esse, & potentē in inferno me perdere; & hoc timens, non cessabam tamen ipsum offendere. Ego quidē vt pars mea esset Dñs, Clericatus receperā Sacramentū, sed enormitas vitę meę, ab ipsa re Sacramenti me fecerat alienum. O, quam mira ergō! O quā stulta, & impudens elatio! Eloquia Dñi, eloquia casta, & ego hęc de pectore incasto proferre & enarrare pręsumebā, per os pollutū, & dolosū, sciens Dñm dixisse peccatori. *Quare tu enarras iustitias meas, & assumis testamentū meum per os tuum?* Hęc eadē diuina eloquia, si quādoq; quacumq; alia de causa, pręter solum Dei amorem & honorē, legendo vel cantando pronuntiāre in Ecclesia, me sciebā certissimē sacrilegio alligari, qui cultum Deo debitū offerebam vanitati. Non eram igitur servus Christi, cum hinc dicat Apostolus, *si hominibus placere, Christi seruus non essem*: hinc Propheta: *Deus ossa eorū dissipabit, qui hominibus placent*. Sępē verō, vt placere hominibus, siue mihi, non, vt Deo, mea erat pręcordialis, & (vt verius dicā) vecordialis intētio. Ego itaq; seruus nequā, vt quid, vel qua fronte, in agro Dei terram occupabā, qui reuerā radix amara, vtilis nulli, quā pluribus inutilis, sed inutilior mihi, nullū nisi amaritudinis fructum germinabā? Quod enim viuētib⁹ exemplū, vel quod pro defunctis soluebam sacrificiū: de quorū victimis comedebā adipēs, & bibeabā vinum libaminum? Rerū siquidē Ecclesię, quocumq; me velamine palliare, detractor & prędator eram, & expensor earum in rebus prauis. O quam praua, Deoque odibilis hęc mea perversitas! Audieram enim B. scripsisse Hieronymum. Quicumque rebus Ecclesię abutuntur in alijs rebus, peccatū incurrunt redimentium mēdaciū, & reorū sanguinis Saluatoris. Quia igitur tam in his, quā in alijs multis, reus erā abusionis & rapinę, sępē cum ad aures meas infonaret Apostoli illa vera & timenda propositio, *Raptores regnū Dei non possidebunt*, in corde meo quasi respondendo, murmurabat illa plena timoris, plena doloris, & pudoris festinata conclusio. Ergo, ipsi rapti & conclusi cū immundis spiritibus, sine fine gehennali cremabuntur incendio. Festinatā dixi conclusionē, tum pro lege argumenti, & illationis citō factę, tum maximē, quia dies Dñi in quā hoc futurum est, velociter appropinquat. Vnde scriptū est. *Adhuc modicū, & mouebo celū & terrā*. Et alibi. *Dies magna &*

amara valdē, & velox nimis: tribulabitur ibi fortis. Quocirca, mirū non erat si hoc, & alia multa similia me reddebant sollicitū & pensantē; qui etiā recordari non poterā ab infantia me vixisse vel per momentū tēporis, in quo non essem operat⁹ vel rapinā, vel aliud opus mortis. Valdē etenim diligēbā congressus & cōuentus vanitatis, spectacula, jocos, otia, verba apta risui, non fructui; rarō verū dicere, plurimū mentiri, jurare, perjurare, fauere, adulari, & similia: quę cūcta ex quodam cōmuni & assiduo vsu, facientes non peccata reputabā, sed quasi quasdā societatis affectatę, & mundanę probitatis facietas: sciebā tamen hęc eadē (cum inter Deū se parent & hominē) *vanitates esse & insanas falsas*. Majora taceo, cordis videlicet elationes, amulationes, odia, dissensiones, detractiones, turpiloquia. Tāceo pessima cogitationū & operū, luti & lateris, in quibus occultē & pessimē occupabar: totius lutū, qui per singula momēta quātū in me erat, ex operibus meis ad æternę mortis properabam suppliciū. Sed misertus mei Pater misericordiarū, me tandē visitauit, & traxit ad filiū. Vides ergo quāta jam fecerit animę meę Pater bonus, qui misericorditer ereptū de fluminibus Babylonis, misericordius locauit in Claravalle, apud fontes Saluatoris. Claravallis enim etsi secundū speciē loci sita sit in valle, tamen fundamenta ejus in montibus sanctis, cuius portas diligit Dominus super multa tabernacula Jacob. Gloriosa sunt dicta de ea. Quia in ea gloriosus & mirabilis Deus, gloriosa operatur mirabilia. Ibi enim veteres insani redeunt ad cor, & licet homo eorū exterior corrūpatur, interior tamen renascitur: & vt verbis vtat Apostoli. *Renouatur de die in diem, in eum qui secundū Deū creatus est hominē*. Ibi superbi humiliantur, ibi pauperantur diuites, ibi pauperes euāgelizantur, & peccatorū tenebrę transmutantur in lucē. Ad hanc igitur domū à finibus terrę ingēns licet beatorū pauperū conuenerit multitudo, de regionibus cōgregata & nationibus, horū tamen *omniū cor vñ & anima vna est*: vt de hac domo specialitē dici possit: *Ecce alienig. & Tyr. & pop. Athiopū bi fuer. illic*. Iure igitur, habitatio est in ea letantium omniū, non inani lætitiā, perēnis enim lætitię, & suę ad calos ascensionis jā cęptę certā spem habent, quā in Claravalle inuenerunt, *scalā Iacob & Angelos in ea*: alios quidē descendētes, qui sic prouident illorū corporibus, vt non deficiant in via, alios verō ascendētes, qui sic regūt eorū dē animos, vt postmodū cum ipsis gloriētur & corpora. Ego autē quanto diligentius de die in diē intueor tā beatę vitę pauperes, tanto credo eos perfectius per omnia Christū sequi & sapere, & certis cōjicio indicijs, in omnibus quę agunt, veros ministros Dei apparere. Nam dum vacant orationi, in spiritu & veritate Deo loqui, & tum ex secretā & amicā apud eū locutione, tū ex humili modo se habēdi, planē apparēt Dei esse familiares & amici. Dū verō manifestius laudātes Deū psalmodiā sunt intenti, quā purus sit, & quā fervens in idipsum affectus mentis, ostēdit eorū omnis corporis status, in omni timorē & reuerentia sanctitatis. Ostēdit & ipsorū distinctio morosa, & in psalmis modulatio, *quā dulcia fauc. suis eloq. Dei, super mel ori suo*. Dū cos itaq; attendo diurnis horis, nocturnisq; vigilijs, abante mediū noctis, vsq; ad primā diei, factō breuiter intervallo, tā sanctē, tam, infatigabiliter

Peccator de Salvatore suo facit dānatorem.

Sacramentum Ordinis.

Psalm. 49.

Galat. 1. Psalm. 13.

1. Cor. 6.

Agg. 2. Sapho. 1.

Psalm. 86.

Encomia Claravallis.

2. Cor. 4.

Psalm. 96.

In Claravalle, qui Angeli ascendentes & descendentes.

Psalm. 118.

*Psalmodia
Claravallensis.*

Isaia 2.

*Prover. 1.
Opus ma-
nuum.*

*Viri illustr.
monachi
facti.*

Psalm. 21.

*Modestia
in incessu
& labore.*

Cantic. 6.

plallētes, mihi quidē paulomin⁹ ab Angelis sed
plus multo vidētur quā homines. Quod autem
sunt hujus tā continuæ, tā alacris, & tā semper
recētis tolerantiæ, quod tanti sunt feruoris & me-
riti, non humanæ potētiæ, sed muneris est diuini.
Dū verò sunt inlectione, leniter haurire vidētur
& affluenter quidē, *aquas Syloë, cū silentio fluētes,
& in vitā salientes aternā.* Illorū verò potio &
habitus demōstrant, omnes eos esse vnus Magi-
stri discipulos, docētis in corū cordibus, & dicē-
tis: *Audi Israhel & tace.* Tacēt n. & audiūt, & sa-
piētiores fiunt. *Quoniā audiens sapiens, sapien-
tior erit.* Dilecte mi, quid hos tā beatę vitæ pau-
peres credis videri vel dici posse, quādo manuū
suarū inhærēt laboribus, quādo eunt ad opera,
vel redeūt: in quibus ōnibus cōstat eos non suo
luci spiritu, sed diuino? Certē, tā patiēti animo,
tā placido & immobili vultu, tam sancto & suauī
ordine cuncta peragūt, vt etī sese plurimū exer-
ceant ad opera, vix tamen vel moueri perpēdū-
tur, vel grauari in aliquo, quāticūq; sint labores.
Vndē manifestum est, in ipsis illū sanctū operari
spiritū, qui disponit omnia suauiter: in quo &
ipsi recreantur, & quiescūt etiā laborantes. Horū
liquidē pauperū, alios Episcopales, alios Con-
sulares, aliarūque dignitatū, & multæ scientiæ
viros illustres, & iuuenēs egregios audio exti-
tisse; sed nunc, per Dei gratiā, omni apud eos ac-
ceptione Personarū emortua, quanto quisq; se
putauit in sæculo altiorē, tanto se in hoc grege
minorē, minorib⁹, & abjectiorē reputat per oīa.
Eos itaq; dū itueor in hortis cū sarculo, in pratis
cū furcā vel rastro, in agris cū falcicula, in sylua
cū securi, in alijs laborū locis, cū alijs operū in-
strumentis: dū & ego respiciēs quid fuerint, cō-
sidero præsente ipsorū statū, opera, instrumēta.
personas abjectas, vestimēta incōposita, & vilia,
iudicio quidē exterioris oculi, videntur mihi nō
homines, sed gens stulta, muta siquidem & elin-
guis, *opprobriu hominum, & abjectio plebis.* Sanus
autem & fidelis intellectus, in corde meo asserit
mihi, horū vitā in Christo esse absconditā in cē-
lis. Inter quos gaudeo equidē me videre *Gaufr.
Peronensē, Rayn. Morinensē, G. de S. Andomaro,
Walt. de Insula,* quos ego cūctis veterior, in ve-
teri agnoui homines: sed nunc in ipsis, Dei gratia
illius verustatis nec vestigiū perpēdo remāsisse.
In veteri homine noui eos exaltato corde, elatis
oculis, *ambulare in magnis, & mirabilib⁹ super se.*
Nunc autem video ipsos sub misericordi manu
Dei humiliatos incedere in paruis, & in mirabi-
libus infra se. In veteri homine noui eos, sua se-
cū sepulchra deferētes exterius dealbata, sed in-
tus plena ossibus mortuorum: nunc autē credo
eos ferre vasa Dñi quæ etī exterius appareant
despicabilia, intus tamen plena sunt speciebus
cœlestiū odoramētōrū. Quando igitur hæc om-
nis societas ad solitū laborē & progreditur &
redit, gradatim quidē & simpliciter vnus post al-
ium quasi acie directā, & armis pacis humiliter
incedentē, & ad Christū nouiter conuersam de
tenebris, præ admiratione & gaudio, jure concin-
nunt: *Qua est ista qua asc. sicut aur. conf. pulchra
ut luna?* &c. Terretur autē exclusus diabolus, &
suprà modū dolet, vidēs (quod vtinā semper vi-
deat & doleat) horum resurrectionē, regni sui
ruinam esse non modicā. Ergō, armatur & ipse,
quanto potest acutiori malitiā, vt quos vltā te-
nere non potuit mundi hujus blandimentis, eos

acutius persequendo, subtilioribus impugnet &
implicet argumentis; non tamen præualebit ini-
micus. Ipsi enim *Altissimū posuerunt refugiu suū*
crucē Christi dilectā suā, quam fideli delirio
amplexantur & bajulant, saluandorū spē vnica.
Item, dilecte mi, quid credēdū putas super eisdē
pauperibus, in tēpore mensæ, in continentia, &
habitu, tunc tēporis? Nec Deum videre credo
quod displiceat, nec hominē, quod debeat accu-
sare. Ibi siquidem adeo modestē, adeo sanctē se
habent, vt, quod sunt, appareāt homines iusti,
& timentes Deū. Hinc attentē suscipientes spi-
ritale & præcipuū ferculum, verbū vitę quod sē-
per esuriunt. Hinc reuerēter edentes & bibentes
alia dona Dei quę sibi sunt appositā: non exqui-
sitās delicias, sed labores manuum suarum, legu-
mina scilicet & pulmēta. Potus est eis cereuisia,
si hanc non habēt, gaudent aqua simplici. Rarō
autē vtuntur vino, & hoc mixto cum aqua plu-
rima. Reddentes itaq; debitū corpori, non gulę,
non ventri, comedunt & bibunt, sed tantum in-
digentiz naturali, & Deo, scientes scriptū. *Esca
vētri, & vēter escis, Deus autē hunc & has destruet.*
Quoniā Regnum Dei non est esca & potus, sed
iustitia & pax, & gaudiū: in quibus versatur to-
ta eorum voluntas & studium. Magistrā enim,
& totius vitæ suæ dictatricē habent obedientiā:
quam adedō fideliter sequuntur ad omnia, vt nec
vnā quidē diei siue noctis prætermittant par-
ticulā, quæ non sit apud eos obediētiæ & diuino
cultui mācipata. Vnde & ego fideliter credo eos
(vt taceā quæ majoris sunt meriti & mercedis)
non solum in singulis passibus quos faciunt, sed
etiam in singulis manuū suarum motibus, circa
injuncta opera, peccati remissionē consequi, vel
augmentum coronæ, in vita æterna. Qui si fortē
cadant aliquādo (quod omnino vitare non pos-
sunt, dum portāt carnē fragilē) non tamen col-
liduntur, *quia Dominus supponit manum suam.*
Ecce, habes pauca illa, dilecte mi, quæ de paupe-
ribus Claravallis, in hujus Epistolæ proœmijs,
tuæ promissa sunt dilectioni. Plura restāt melio-
ra & optima, ad quæ describenda cum sufficere
non valeā, quæ dicta sunt in præsentiarum suffi-
ciant. Meum verò desiderium est, quatenus præ-
fatis pauperibus in Christo merear adjungi cor-
pore & spiritu, vt adjutus eorū suffragio, & fru-
tuosius pœnitentiā agere, & fiducialius habeā
clamare ad Dñm: *Domine ad te confugi, doce me
fac. vol. t. Eripe me de inimicis meis, Deus meus.*
*Ad te Domine leuau animā meā, Deus meus in te
confido, non erubescā:* & his similia. Ego autem
probor adhuc, & per gratiam Dei, ad horum
pauperum Regulam institutor & vitam; vt dum
eis adjūctus fuero, vnā cum ipsis nouerim vigi-
lare, & solummodo somniare in spiritu. Vigilati
enim promittitur Regnum, & *qui seminat in spi-
ritu, de spiritu metet vitam aternam.* In qua ego
particeps ipsius, & te, & totam Nouiomensem
Eccesiā, Dominā scilicet & matrē meam, per
misericordiā Dei fæliciter æternare videā cum
Christo, & regnare. Amen. *Valete.* Domino vo-
lente, proximā Dominica post ascensionē Do-
mini, suscepturi sumus nostræ professionis ar-
maturam, per gratiā & benedictionē Iesu Chri-
sti, quam, meritis matris suæ, vestrīq; precibus,
nobis dignetur cōcedere, ipse idem Iesus Chri-
stus. Amen. Iterum, *Valete, & memento nonif-
simatua, & miserere anima tua.*

F I N I S.

Psalm. 99.

*Temperan-
tia in Refe-
ctorio.*

1. Cor. 6.

*Obedientia
in omnibus.*

Psalm. 36.

Psalm. 142.

Galat. 6.

In Tractat. Henrici Cardin. De Civit. Dei.
Tractatus. **I**nter præcipua Sacramenta ponit Vnctionem
pag. 22. infirmorum: quia hæc à quolibet fidei adulto
sunt suscipienda. Ordo autem & Matrimonium
nec præcepto nec consilio suscipiuntur: Pœni-
tentia verò ex hypothesei solum peccati necessa-
ria est, non autem absolute.

Tract. p. 25 Solet materia Eucharistiæ statui panis & vinu:
quia aqua, quæ admiscetur, vnum mixtum cum
vino cõponit, & vinum absolute dicitur: quamq̃
rectè Author sequit̃ Patres, vinu & aquam po-
nit Eucharistiæ materiam: quia illa in vinu non
convertitur, sed cum vino in sanguinem Christi

*In Sermones Venerabilis Garnerij Ling-
nenfis Episcopi.*

Serm. 1. in **Q**uamvis pellicanus & phoenix non sint; nõ
Advent. p. 79. ineptè tamen Christus eis comparatur, se-
cundum proprietates, quæ eis tribui solent. Nã
& David, secundum nostram versionem, pellica-
nus se cõparat, & Iob, iuxta 70. cap. 29. phoenix.
Quid sit autem pophinellus, cuius etiam mentio
hic fit; non reperio apud Authores.

Serm. 1. in **Q**uod hic legitur, *Ex illis tribus, anima, substantia,*
Nat. pag. 98. &c. mendosum est, & legendum, *Vna substantia;*
Illa autem sententia quorũdam, quam Author
damnat non audent, prorsus inintelligibilis est:
nisi hæresin Eutychis contineat, negando, ani-
mam & corpus manere post vnionem cum Verbo:
aut Nestorij, negando vnionem substantialem
Verbi cum natura humana: quod omnino vide-
tur illa sententia statuere: quæ & eodem modo
hic exponitur, quo olim Nestoriana hæresis.

Serm. 1. in **Q**uod hic dicit Author, de Regina Saba, quæ
Pasc. p. 129. viderit lignum crucem Christi futurũ, &c. vide-
tur ex Petro Comestore sumptum, qui hoc ipsũ
3. parte historię refert: sed rectè addit, hoc non
esse authenticum.

Serm. 2. in Verba illa, *Nec aliquid criminale, si displicet, nec*
Pasc. p. 133. *veniale, si placet,* sic sunt intelligenda: non esse
peccatum, id quod nobis nolentibus accidit: q̃
autè volumus malum, non obtinere vel mereri
veniam, ob fragilitatem, vel similem causam: si
tamen pœnitentia agatur, omne peccatũ deletur.

Serm. de S. **D**urum est, quod Author statuit, etiam in illi-
Bern. p. 182. citis obediendum esse. Se ipse tamen exponit, di-
cens, non in omnib⁹ illicitis obediendum: sed in
illis solum, quæ non aperte legi Dei adversantur:
hæc enim bona fides sæpe extulit, qua creduntur
hic & nunc debere fieri, quæ aliqui illicita sunt:
vt si iubeatur quis die festo iter facere, nec possit
sacrum audire: & sic de alijs multis casibus.

Serm. 1. in **C**oncupiscentiam esse peccatum originale, qui
Nat. Virg. statuunt, dicere debent cum hoc Authore, illam
pag. 186. quidẽ post baptismum manere, quod experiẽtia
ac fide certum est: tunc tamẽ rationem peccati

ampliũ non habere. Cæterum opinio illa non
videtur tenenda: sed ea doctrina sequenda, quæ
peccatũ originale statuit esse ipsum Adæ pecca-
tum habitualiter perseverans in illis, quibus nõ-
dum remissum est per baptismũ, vel alio modo;
cuius effectus est concupiscentia: qua de re alibi.

Ioannes Scorus, qui Theophaniã, &c. hic di-
citur descripsisse, non est Doctor Subtilis, qui
Garneio tempore posterior fuit: sed alius multo
antiquior, qui hæresis infamia laboravit: quo de
Scriptores Ecclesiastici.

In Sermones Nicolai Claravallensis.

Vnam & eandem feminã vnxisse pedes Chri-
sti, Luc. 7. & caput, Ioan. 12. ac preparaf-
se vnguentũ toti corpori eius vngendo Mar. 16.
multi affirmant, oppositũ tamen multi Patres &
Doctores tuentur, ac tres feminas hæc officia ex-
hibuisse, ac exhibere voluisse, sentiunt. Sic Hie-
ron. in cap. 26. Mat. *Nemo,* inquit, *puter, eam-*
de esse, quæ super caput effudit vnguentũ, & quæ su-
per pedes. Chrysost. hom. 61. in Ioan. Orig. ho.
35. in Mat. & alij, idem asserunt. Vide Clifton.
& Estium in Opuscul. ea de re: quib⁹ Scriptura fa-
uet, innuẽs diversas esse feminas, Luc. 7. 8. & 10.

Quod de Theophilo beatæ Virginis ope erep-
to hic dicitur, narratur à Metaphraste, Pet. Da-
mian. Ser. 1. in Natali B. Virginis, & alijs.

Falsum est, quod hic Nicolaus dicit, Antequã
Angelus ad Virginem perveniret, Deũ illapsũ
vtero Virginis, si hæc verba propriè sumantur,
& Incarnationẽ jam peractam fuisse significent:
hæc enim non est peracta, nisi consensu ejusdem
Virginis dato, vt sentiunt Patres & Doctores.

In Epistolas Philippĩ de Eleemosyna.

Cvirz-Dei cœnobium, de quo Philipp⁹ ep.
220 agit, Eleemosynæ filiam dixi in Præfat.
sed postea didici, filiam esse Cistercij.
Illud etiam notandum, superflũ posthat fore,
disputare de Authore harum Epistolarum, an is
sit Philippus Bonæ-spei Abbas: nam huius Ope-
ra typis excusa nullam habent ex ijs, quas Phi-
lippo de Eleemosyna vindicaui. Reperi tamen
in eisdem Opusculis vitas Sanctorum Amandi,
ac Cirici & Iulitz, à nostro Philippo scriptas, &
præter inscriptionem vocabuli de Eleemosyna
ibi relictam, verba quoque illa, *Communis fra-*
ter noster Albertus, &c. id ostendunt: eadem enim
habet epist. 8. & 11. Sic ex comite suo Alberto a-
gnoscitur, ac discernitur noster Philipp⁹ ab Ab-
bate Bonæ-spei. Quia tamen irrepsit hoc Opus,
& forsan quædam alia in codicem librorum hu-
jus Prælati, credirus est, sed falso, vt ostendimus,
Philippus de Eleemosyna fuisse appellatus;

Serm. 3. in
Capit. Ge-
neral. p. 178.

In festo S.
Mar. Mag-
da. pag. 203.

In Natali.
Virg. p. 209.

In Advent.
Dom. p. 227.

In Præfat.
nostra pag.
237.

RECEIVED
MAY 12 1912

2 V 12

SIGNATURE OF WILSON AND OTHERS
IN THE PRESENCE OF THE JURY

STATE OF NEW YORK

IN SENATE
JANUARY 12, 1912
REPORT OF THE
COMMISSIONERS OF THE LAND OFFICE
ON THE PROCEEDINGS OF THE
LAND OFFICE IN THE YEAR 1911

ALBANY: J. B. LIPPINCOTT & CO., PRINTERS
1912

